











精學編

北京大學《儒藏》編纂與研究中心

圖書在版編目(CIP)數據

儒藏.精華編.二三六/北京大學《儒藏》編纂與研究中心編.一北京:北京大學出版社, 2016.10

ISBN 978-7-301-11954-9

I.①儒··· Ⅱ.①北··· Ⅲ.①儒家 Ⅳ.①B222

中國版本圖書館CIP數據核字(2016)第224870號

書 名 儒藏(精華編二三六)

RUZANG

著作責任者 北京大學《儒藏》編纂與研究中心 編

責任編輯 武 芳

標準書號 ISBN 978-7-301-11954-9

出版發行 北京大學出版社

網 址 http://www.pup.cn 新浪微博:@北京大學出版社

電子信箱 dianjiwenhua@126.com

電 話 郵購部62752015 發行部62750672 編輯部62756694

印 刷 者 北京中科印刷有限公司

經 銷 者 新華書店

787毫米×1092毫米 16開本 61.75印張 597千字

2017年3月第1版 2017年3月第1次印刷

定 價 1200.00元

未經許可,不得以任何方式複製或抄襲本書之部分或全部内容。

版權所有, 侵權必究

舉報電話: 010-62752024 電子信箱: fd@pup.pku.edu.cn 圖書如有印裝質量問題,請與出版部聯繫,電話: 010-62756370





教育部哲學社會科學研究重大課題攻關項目

北京大學「九八五工程」重點項目國家社會科學基金重大項目一十一五」國家重點圖書出版規劃項目。重大工程出版規劃

《儒藏》精華編第二三六册

首 席總 編 纂 季美林

項目首席專家 湯一介

湯一介

總

編

本

册

主

編

王玉德

龐

樸 孫欽善 安平秋 (按年齡排序) 漢文寫:

作

的

儒學著作

,編爲海外

文獻部

類

《儒藏》 精華編凡例

則 爲 的 儒 典 家 中 籍 經 的 典 或 和 叢 傳 編 反 統 映 文化 收書 儒家思想、體現 以 時 儒 限自先秦至清 家思想爲 儒家經 中 心。 代結束 世 做 儒 藏 原

儒 藏 》精 華 編 爲 儒 藏 》的 部 分 選 收 《儒

藏

学

的

精要書

籍

寫者 互見 已收 土文獻 分類法分類,大類、小類基本參照《中國叢書 中國古籍善本書目》, 人入選的 三、《儒藏 律 出 土 傳世文獻按《四庫 收其釋文文 文獻 個 》精 單列 人叢書或全集者 華 編 本。 爲 於個 所收書籍,包括 韓 個 全書總目 别 國 部 處 類,原件 日 略 僅 本、 作 存目 》經史子 越 調 傳 整。 南 以古文字書 世 録 文獻 儒 綜 並 學 凡 集 録 者用 單 注 和 几

》和

書

明

編 不改編 四 所 收書籍的 保持原 書 篇目 的 完 卷次,一 整 性 和 仍底本原 獨 V. 性 貌 不 選

爲 勘 確 主,酌 定 價 值 内容完足、精 Ŧi. 的 對 校異同。 版 入選書籍 本爲 校 校記 確 本。 率 進 力求規範 高 行 出 的 簡要校 校堅 版 本 持 爲 勘 精 少 底 而 煉 本 以 精 對 以 精 校 選 校 爲 有 IF. 主 誤 校

例,進 外,其他 六、根據現 行 規 律 範 省略 化 標 行 點 標點 專名 符 號 號 用 除 法,結合古 書名 號 用 籍 角 標 號 點 ~ 通

落。 一般不分段 Œ 七、對 文原已分段者,不作改動。 較長的 篇章 根 據 文字 内 千字以 容。 適 内的 當 劃 短 分 文 段

出

部

及整理 及其 介紹作 出 現 他 順 八、各書卷端 一時所確 序 有 者生平、該書成書背景、主 前 嗣 詳 情 定的 後 況 略 由整 重 底本、校本(舉全 複 理 出 者 現的 撰 寫《 作 者,其 要内 校 稱後括 點 容 (生平 説 及影 明 注 事 ×, 簡 蹟 簡 以以 稱 按 要

九 、本書用繁體漢字豎排,小注 律排爲 單行

《儒藏》精華編第二三六册

集部業務

撰:

攻魄先生文集「南宋」樓鑰

攻媿先生文集卷第六十一

四明樓鑰大防

啓别藁

代賀王樞密奉使回路綸 以下五首,代舅氏汪

尚書大猷

禮 道 天 九 F 伐 年 也 可 誠 遠 臨 交 故 汗 著 鄰 軒 和 而 優 必必 夷狄, 或 有 戎 遣 有 光 而 有 道 得 古 孰 人 乎 自 戎 盛 如 謂 昔才難 世 心 鄭 大 世 之 無 元 而 非 乘 璹 蘇 事 于 軺 常 子 小 之人, 惟 卿 今任 9 杖 樂 遣 9 節 天 數 使 銜 重 請 者 千 箠 臣 行 保 於 里 + 以

某官 樂 禮 聖 燕 敏 寖 諫 不 歡 實 上 匪 子 以 可 佩 濁 朝。 歷 大 往 方 悟 或 轉 也 而 四 Z 河 接 禮 有宰相器 臣 清 石 安 如 海之安危 釐 犯 行 大述作 海晏安。 淅 氣 云,豈 華。 顔 之 運籌於 廷 ,正在今日 謂虞臣之相 邊 充 言 言 帝 碩 雖 未 境 天 還 快吟紅 日 而 有 於 玉 賁 類皆出其手。 時 汝 帷 地,至 真王 造 么麽 帛 無 育之勇不能 際 詔 名 諧 幄 膝 揚 乎 事 干 語 皆 自 重 之中,折 藥之階,久寓紫微之直 旌 遜,彼或 哉; 佐 至 確 時時 大 載 愈言惟 非 太 亟 至 材。 微 持志士之操 風 堯 Ш 乃 去 使乎 ,驩快 剛 雲 舜 爲之文;精壯若 堅 進貳 聳 允。 衝 過 量括江 之道 之 締 和 兒不 使 於 萬 會 時 以 兩 乎 盟 愈膺 樽 樞 身 夫之風 朝 9 不 抃 ,安國 勝 湖 於 果 輕 俎 府 命裴 敢 神 魚 未 衣 眷 之 增增 水 爲 恭 陳 葉 際。 注 寒。 喜 之 家 天 度 重 惟

借以 飛黄 旌, 固 來。 聽 分 筆 郊 比 柔 於州縣。 族 逢 孤 而 人之裝。 而 之盛 於下 之 干 曾 皇 憂 忠 戀 ,藝苑散材。 有 弩 1 凛 自 战 戀 華 北 生 . 倚 已 牙 凛 之送 風 有 禄 誰 事 靈 顧 虚 効 身於玉樹 行 , 佇宣麻 進 知霄 寡交於世 輒 馳 故 獲 蛇 上台之席 顋 俾 尋 慰 歡 按 拜 不 雀 鵻 望 八之意。 壤之殊 具瞻, 故 掃 傳土宇 崇墉 雖 堵之居,宗社 測之深淵; 以 集 東 齊門, 步 於穀 知 無 9 栩 歸 笑蟾 必 階 3 即 重 知己惟 0 途,不 喜 將 日。 方 歸 鵻 學於箕裘, 瞻 獲參 膺 馬 曲 彭 蜍 調 俯 集 夫 爰 動 維 成 萬 之拙 聽 彭 替 商 杞 儉幕 公。 子 立 天 駒 有 其 先聲 馳 鼎 目 金 之墻 顔 E 覆 羽 馬 睽 使 蘭 顧 某 難 未 聞 何 盂 翼 者 之 睽 維 受丘 兼 莫 免 寒 待 去 追 四 乃 之固 之車 舊 仰 騏 葭 敢 步 徒 鄉 握 牡 負 趣 分。 特 於 泚 蜀 之 勞 冷 漢 難 之 方 Ш 舍

代賀錢樞密啓端禮 兼提舉德壽宮

之膳 變三 文,出 必 星 靖 踐 成 漆書竹簡 官才爲 上治之。 窮庶物之原。 重本兵之寄。 有 謨 軺 敭仕路之深 ,眷邊境 尊 兩 軍之風 ,仰裨孝 恭審光奉宸綸,進參樞筦。 堅 緒 時 使,盡清 蓋 如 餘 生 自 撑 金 以 之多虞。 而 采。 非 天下 石 美 治之勤 腸 飾 緗 神 ,密勿從班 膺眷 千里 由 何 隃度機 吏。 人歡 帙 遠 養 世 止 牙 遇於 膺 之煙 濟。 也 洊 於五 果 籤 喜,宗社晏安。 聖 芝檢 ; 事 遣 由 之久。 插 兩 恩 時 學究六經之蕴 塵 明 侍 干。 治 架 宫,兼 加 方 9 臣,往 行 來 若 固 羽 多 書殿之名, 發華藻 | 蓍龜 對 屬 天子侍龍 踰 自 扇 事 文武 楓 遠夷之弗 於三萬 宣 致 恭惟 要 庭 功名 德 揮 當 以 確 爲 馬 君 守 某 樓 丛 識 增

府,自 權 渤 望 科 連 効 願 方 耻 É 未 道 信 一備 官 高 牛 思 由 聞 形 ·溲,願 之喜 積 之患 君 於 拜 何 父子 應制 得 盡 頃 進 補 臣 此 命 被 遇合之難 在 恩 平 士: 蒙 捨 爲藥籠 愈 無 勝 家 9 兔葵燕麥, 時 金 築 姥 我 於 難 曰 令賜 城 而 欲 其 素 言 可 當 朝 曹 行 之餘 固 誰 之嫌 深 知 賢。 廷。 侍 金 之 已 注 中 之 事 物。 久難 濟 固 置 位 側 雖 倚 ,緊公是 之 寵 國 匪 E 當 高 .)故 李 聞 其 家 春 於方略; 邊 涣 則 衛 今 贊 事 風 恢 人,今得 汗 聲 任 日 ,特先賜 公之高 元 賴 之上 復之業。 未 隆 之頒,倍 口 樞 ; 爲之 名 寂 今居 總 廟 游 騎 此 才 堂 盛 於 戎 素 秋。 選 某 銷 之 馬 劇 則 榼 儒 西

代賀錢參政兼知樞密院啓

恭審榮膺宸綍,進貳政機。兼持右府

之權 不 下 乎。 羊 釁 寵 臍 守 騭 請 論 郡 襲 遂 敗 木。 之未 雲 紫 之 墮 增 欲 行 著 見 峻 爲 明 思之益 衆 間 恭 詔 益 於 悔 棄 折 於 功 蕃 躋 偉 之譽。 計 惟 解 凉 衝 風 全牛 宣 謂 崗 壯 樞 以 自 某 以 樽 中 州 清 本 筦 宣 屏 頭 除 難 信 身 頃 官 力 俎 塞 微 之 帝 朝 翰 澤 心 掩 之上 裨 徇 以 利 早 德 北 真 升 之勢。 權 미 之 底 腹 聖 器 孤 邊庭之未 膺 量 主 之 儒 卿 0 爲 功 之 之 筭 睿 恢 贵 忠 無 贵 運 煙 幾 雖 忠 家 9 洪 之節 眷 憂。 拘 先 敵 欲 籌 塵 誤 言 清 士 郵 ; 於 得 於 遣 帷 浸 勳 或 聳 氣 音 靖 列 名 嘉 錯 天 名 軺 先 事 幄 歷 壑 之 披 近 嘗 謀 震 项 節 下 之 華 赫 車 知之名 \exists 班 昂 播 膽 畀芝函 無 淮 0 惟 持 中 奕 途 霄 莫 振 備 外 膠 南 誉 使 使 輿 盡 口 之 柱 尚 平 節 獻 臺 擅 狂 游 傳 論 方 , 之 草 虜 兵 轉 暰 鄧 以 納 輔 龜 交 古 刃 H

終 外 勝 竊 調 嘏 功 拘 耳 尤 欣 燕 禄 變; 俾 被 曲 人 雀 無 王 益 意 耳 人主 之 堪 於 化 突 究 有 龍 之 私 徙 願 荷 於宏 轉 論 復。 光 0 薪 歸 恩 睘 0 鄰 造 自 規 之 終 相 惟 哉 大 化 舊 易。 9 爲 臣 夷 鄰 之餘 金 0 士夫 哉 慮 險 Ŀ 甌 側 垂 不 客 四 將 方 聽 喜 紳 踰 方 啓 慶 絲 公道 搢 於 宜 於姓 玉 明 綸 、操守 笏 進 鉉 良 之播, 之行, 參 名。 方 坐 之遇 於 資 故 致 不 某 始 於 鬷 9 元 中

代回高參議啓

子 英 先 忽 故 ,喜富貴之鼎 辱 叨 或 謀 假 之 伏 守 帥 耆 惟 南 之 儒, 州 某 行 官 來 方 表 精 曾 遂 表 忠 修 萬 奉 清 報 問 里 祠 朝 之未 主 功 之 之 名, 請 雅 妙 遑 3 諒 望 略 拜 媿 規 濟 恩 橅 貽 時 中 之先 門 緘 道 父 英 之

> 祝 定。 扶 尚 炳 贵 資 相 謂 婉 輝 著 畫之餘 鞭 適 之晚 有 同 寅 尚 之幸 淹 , 幕 起 之 耐 留 言 酌 蔚 相 而

代回陳節推啓標

青雲器 褒 客 游 真 惟 不 儉 嘉 能 否? 拾 實 某 幕 文,又 官 是日 過 地 擢首 爲 業 芥 厚 東 館 首 其 選 嘉 ; 殿 媿 勤 異 閑 於 陳 勝 之 瓊 在 恩 高 士 漢 治 而 儲 瑶 斯 作 廷, 安之策 成 之 人歟 曷 西 屈 嬾 來 報 洛 遲 聳 故 訪 吾 别 9 既 聞 事 陳 緑 傳。 行 若 亚 雋 尚 水 桑 譽 吐 願 勞 風 視 梓 天 9 快 駢 州 流 將 之恭 葩 先覩 置 縣 儷 相 頗有 外 何 之 之科, 員 顧 9 職 言 此 E 伏 於

代謝直祕閣路以下四首,代知温州曾吏部逮。

之嚴 忽去 德 禮 念某 蘇 其 甘 赤 家 遽 之空乏, 俾分 傳 待 傷 僅 子 薄 施 之學 禀資 既 或 進 增 宦 假 哺 ,受要束於 舍之恩 逃 虚 寬 以 貮 之 秩 守 之民 聚 受瞽言 驅 甚 偏 於 難 之 9 唐 訟 陋 州 無 褒 留 馳 朝 ; 南 之 涉 行作吏, 告,青 敢 下 , 秖 之銓 E 黄 嘲 方 面 揣 户 世 相 其 媿 扉 , 之 杜 意 己 變調 選 畿 之 尤 應 蠲 承 顧 史 門 清 無 與與 甸 踈 邃 如 流 租 遂 但 憂。 時 而 堪 之賜 持 響 之 9 之差 遵 書 自 參 盡 刑 選; 俯 十上空歸 於 父教之忠。 歸 被 省 漢 革 Ŀ 鄰 矜 臨 擇。 恩 有 代 剥 荷 陞 封 羸 偶 遣 廣 有 年。 之章 膚 逃 移 華 俗 自 於 屬 容臺 好 之 粟 曠 中 皆 丹 東 生之 莫 惟 弊。 程 戾, 祕, 來 伏 聖 陛 議 素 恐 嘉 售

> 某官 渤 聞 念專 載 遠 曾 誤 無 某 重 E 之明 念 從 敢 無 恩 海 劇 反 雲 道 不 城 南 讀 則 流 僥 汗 興 德宗 陽 之重 良 離 逾 益 石 之 夫之責 事 之課。 3 几 渠 勵 粗 無 體 雷 嶽 乃論 I. 務 東 駑 免 聞 遂 朝 遂 厲 觀 才, 備 百 先 凋 尺 之書; 風 廷 霑 於 深 風 瘵 良 寸之勞, 飛 元 佳 零 坐 阻 吏 尚 圖 冀 老。 郡 令么 之求 雨 多。 \equiv 雀 今昔 中 之 報 Ш 天 誕 雖 摩 儻 興 餘 ? 何 開 尚 布 循 守 苟 於 殊, 仙 亦 絲 墻 地 覺 臣 片善之有 兹 日 凡 玷 闢 綸 偂 尚 去 蓋 安受於 月 之寵 夐 褒 力請 當 人 伏 會 隔 嘉 之 深 遇 奏 千

代賀虞丞相啓允文

隨 頒 爱正 恭 審 宸 左虚 章 涣 之席 發 肇 更 仰 夾 觀 輔 盛 之 事 名 高 9 掩 制 册 前

之事 爲 言 出 醜 作 寄 佩 T 力 藴 屬 事 及 聞 虺 爲 安 之人, 萬 以 之稱 年 宗 自 仲 兩 虜 9 復官 抑 危 將 變 舒 若 姬 事 工 京 竊 廷 往 欲 威 於 君 佐 以 且 以 天子 臣 返 遂 制 以 而 名 \pm 肩 笑 還 股 恭 \pm 四 行 爲 皆 動 以 爲 歷 日 H 談 之 惟 肱 必 衡 宣 歛 踰 寖 聿 相 唐 時 勳 起 學 周 某 虚 心 帝 左 隳 衦 於 之 新 室 戰 室 宜 官 責 或 懷 於 富 負 位 右 萬 中 而 親 于 注 實 夷 而 貴 代 H 非 爲 莫 孟 商 甲 臺 号 督 意 之政。 功 險 載 相 鼎 當 惟 之 之 保 軻 王 不 於 之尤 屬 9 凡 真 來 遠 長 典 9 命 倫 亦 顧 長 出 作 求 儒 追 資 兀 世 特 江 緒 手 肆 深。 相 勤 海 之才 孔 大 雖 至 於 書 兩 持 餘 疇 氣 必 危 勞 聖 時 子 用 大 召 而 朝 威 而 上 臣 兼 剛 疑 何 E Œ 君 秦 臣 未 柄 元 宰 應 主 竭 止 吞 之 難 之 官 果 已 名 於 老。 首 事 忠 俱 身 之 委 敢 辦 於 於 有 領 仲 下

> 之品 之任 鎁 汝 使 當 賢 以 中 心 作 令。 遂 興, 稽 9 遽 紀 大有 位 舟 古 有 會見神 舍我其 綱 漢儀 正 方欣 楫 建官之時 躍 益 儲 爲之志 冶 仰 黄閣 振 囂 復 誰 州之尅 自言之意 知 見 建 濟 尊 之開 兼 講 萬 選]1] 歸 復。 提 内 新 獨 衆 或 慈 樞 治 荐 元 任 昭 而 極 某 筦之權 以 喜 代 之 良 舉 9 久蒙. 成 贊 白 之 之 專 , 不 麻 膺 本 觀 九 知 미 以 奮 重 之 進 瞻 遇 勝 我 播 孝 總 極 庸 之資 爲 猥 衆 治 文 熙 周 鏌 室 階 用 之 被 載 職

代賀沈運使路复

受材 榮 列 分 城 高 使 聳 恭 劭 者 動 審 ,公議 之 天 權 漱 陛 拜 六 3 傾 龍 恩 經之芳潤 依 馬 日 負 恭 畿 圖 惟 授 寵 某 節 摘 官 冠 章 造 木 奎 驚 道 文 4 絶 之 深 輓 代之 淳 直 粟

吾從 蒙 饋 供 塵 趨 使 主 Ι. 馮 嚴 之 天之庇 知獎,兹屬 H 行 海 臣 給。 究 邊 見 費之千金。 翊 召 嶠 之求。 廷,盡 Ŧ 決 益 阻 贵 古 矣。 覆 知治 結 脩 之 惟 護長 部 深 於焉 興 見 郎 莫厠 軺 封 行 知 研 衰 潛 民不告勞,士皆 之高 淮之境。 車 桑 假 賀裾之下列 省 顧 謂 澄 論 户,坐 心 途 惟 9 公等皆 事 按 寧 計 干 任 有 之妙 總師 冀 里之 以 俟煖 騰 適 關 安 舒 列 時 凋 在 中 屯之萬 雅 宿之 席 行 宿 之 殘,尤 耶 拜 且 要 飽 用 信 於 某 膺 資 輝 黿 前 賴 夙 嚴 試 頃 餉 明

代賀吕運使啓正己

絶 於 眷 俗 奥 知 恭 審 學 列 光 傳 郡 被 家 愈 宸 嚴 命 納 於 萬 寵 風 頃 采 升 於 使 雲夢 恭 名。 惟 胸 某 九 官 重 破 益 高 大 才 厚 觚

> 大厦 震駭 擢 九里 徑 恨。 來 淛 聽 於 歷 取 歸 險 霹 0 部 履 0 願 之庇 倚 犬 青 平生忠信 夷 漢 靂 坐 羊之聚。 毗 廷 手 氊 承沾丐之餘 首 觀 堅 方 0 千閒 之 偉 加 流 重 壁 釣 舊 矣 部 地 進 淮 璜 一尚 往來蠻 夙 之錢。 使 方張 堧, 渭 某 書 用 荷 者 水 辱 之 未 力 帡 之 旜 央。 貃 知 人物。 抗 幪 屹 稱 比 而 之邦 有 之 遊 然 講 猶 遠 佇 素 賜 魂 尚 鄰 聘, 踐 登紫橐之華 9 有 之虜 父之 , 盟 贊 敭中 萬 洪 典 俄 慶 里 獨 屬 河之潤 全璧以 功 尤 外, 威名 或 膺 飛 名 深 之 備 新 芻 9

代謝知温州啓以下二首,代知温州王侍御伯庠。

承流蜀道,初無保障之功; 更治瀛壖,

●「壁」,原作「壁」,據殿本改。

之風 曾蔑 德 魄 勤 分 爲 蘭 念 復 誤 平 耳 顧 祠 相 輔 佐 符 某 ; 望 邦 怨 於 香 得 唇 9 省之文,忽冒 憂 鼓 獨 憎 府 片 少 矜 詎 火之依 股 \pm 而 息薰 遂其 惟 盆 秉 聞 卒 仇 言 E 肱 憐 謀 江 起 思 化 衮服 無 海 而 之 9 而 -蹈危 私 廢 心。 猷 舊 鈞 歌 有 奇 郡 某 悟 計 0 濟 隱 之貴 知 敢 來 主 用 機 栢 世 願 叱 晚 有 之 札 必言, 9 俯 不 尤 俾 休 陶 臺之選。 媿 馭 難 未 可 俄 慙 澡雪 控 多 但 成 大 退 下 蒙 歸 冀 而 知 頒 僥 開 求 於 難 甌瓦 於 • 誓 莊 進 脩 何 贵 倖 精 闔 善 閩 田 IE. 綈 之 少 兹 門 自 之要, 神, + 路 仰 户 遇 平 類 廬 了 子 仰 蓋 之 袍 以 , 姑 以 事 生 年 追 究詢 之 達 於 伏 重 爲 戴 期 夢 省 不 輒 有 鼻 眷獎。 生成 遇 郎。 許 思 V 人 召 寐 仕 愆 如 發 祖 某 號 利 致 ; 尋 收 之及 惟 朽 之 方評 0 官 授 於 敢 初 病 於 Ш 啼 \pm 鈍 不 道]1] 謝 忠 意 真 伏 ? 太 以 魂 塞

> 奉 寬 大 之詔 務 使及民; 勞撫字之心, 以 報

知

己

代 賀 史 開 府 啓 浩

0

之際 曾 聚 藩 遊 道 允 聿 王 之眷 ; 化 精 歸 爲 嚴 衣 謝 費 錦 異 帥 亦 會 恭 白 傅 數, 閩 審 幾 聖。 神 衣 恩 雷 之雄 高 頒 於 , 宜屬 先 厲 君 閩 懷 册 體 復 召 風 臣 嶠 ,終爲蒼 九 9 見。 宗工 節 飛 不 大 衮繡 重 蹈 之來。 之機。 邦 膠 晉公 義 視 漆 交輝 更 生 恭 儀 聲 而 巨德 憑 一而 天下 惟 前 \equiv 名 古 爰 某官 熊 事 席 起 如 受言 寵 軾 日 歸 當 Ш 忠 帝 向 會 節 爲 0 天 斗 稽 師 冠 旄 於 緑 改 開 E 之 太平 之 輔 前 兩 野之 容 篤 地 尊 舊 郡 道 朝 闢 加 潛 9

⁰ 熊 原作「態」 據殿本改

之夾 禮 均。 見 具 首 報 瞻 飭 0 莫 輔 某 多 台 功之及 前 祭寵萃 素 錫 儀 , 廷 賓 甌 辱 賚 之 虚 器 殊 備 左 便 3 閩 之趨 蕃 知 武 接 門之中 方 王 參鼎 境 啚 仰 燕 維 饗 敢 蕭 欽 F 師 司 宰 睎 成 優 曹 之崇 尚 高 之求 唇 渥 命 父 同 宗 齒之 品品 心 舊 ; 貴 會 屬 學甘 制 相 聞 盛 咸 隆 有 依 綍 郡 授 巖 絶 願 盤 自 章 任 諸 股 石 中 之 未 之 之 肱 公

代魏丞相回趙明州啓伯圭

之禄 推 贊 螭 九 喜 子 陛 枚 政 將 遽 千 益 之 恭 使 辱 惟 石 明 指 誤 見 某 經 於 恩 本支之盛 屢 官 龍 宣 自 才高 庭 方 許 屏 自 曾 翰 東 玉 愧 平 之 無 箭 行 於 微 勤 之 被 抱 樂 秀 効 ; 芝書之寵 虚 賜 毓 善 3 代 列 乃 銀 侯 王 享 潜 呃 言 之 太 蒙 守 ED 於 於 即

> 故 緘 歸 遽 荷 之 及 橐 戀 之 可 戀。 班 知 0 君 某 子 久 之 辱 謙 眷 謙 知 交 兹 態 蒙 益 推 深 借 備 朋 見

代襲參政回廣東林提刑啓光朝

之使 之言 評 刑 餘。 聖 惟 非 迺 如 從 某官 才。 之 菲 章 涯 0 閩 助 雅 陋 比 涵 當 學 毋 部 首 處 專 志 泳 謹 誤 爲 勤 疾 窮 從 往 之 辟 被 古始 班 攬 慶 顛 IE 樂 水 紳 柬 按 É, 轡之 牘 藉 是 之 ; 之戒 遐 知 懼 遠 之 主 0 方 識 慙 淹 揚 時 臨 盟 造 忽 過 請 於聲教,豈 名 幾先 陳 叨 分; 文翁之守 會 尤 益 將 勝 共 耽 有 佩 無 掩 進 先 政 多 賜 階 誨 橋 之 參 用 六藝淵源 殘 環 辭 門 蜀 機 圖 惟 膏 之 之 兹 殊 務 之 邦 沾 詳 切 寵 聞 悉 有 盛 常 試 丐 益 提 太 自 之 伏 E. 於 衮 得 耳 媿 更 顧

尚 未 期 登 弗 之 棄 慙 警所 樂 IE. 未 無 知 聞 恐 孤 孟 子 不 寐 之喜

代莫給事賀曾丞相啓懷

之烈? 宗社 念於故 不言 源 具瞻之望。 之業,況傳魯國之餘 匪 千 厦之私 躬。 流 載 房、杜 一晏安。 正夾輔之名,方革 際 恭 知天下之大計; 頃貳 Ш 審 聰明之主,十年 天 9 敢致 光 子 之 儻遂歸歟,尚許 政機 恭惟 某受 奉 功; 意 制 飛 可 密 某官學殖 知 麻 仁 緘 使 最 之敬 參 進 義 爲 久, 論 或 登 居 事 秦官之陋 相 聞爰立之傳 思獻 揆 論 假 其 侍 深 全於晚節 自 路。 朝 守 君 從 淳 憐 納,見王 輔 廷 之班。 無 · 世 器 老矣 費 華 謂 堪。 , 爲 藏 資 夷 藴 無 管、 諸 閎 填 一臣之 太 以 本末 方 實 不 用 博 服 晏 勝 允 平 踰 日

代仲兄謝監左藏庫門啓錫

學道 聽 官 之朝 有 以 矜。 有 情 以 銓曹試 中 付 法 剖訟 行作吏,墻 何 · • 加 除 顧 未深。 微 詳 用鄰 周 讞 疑 岩 尤廣好生之德。 官》備 之際 勞, 密 然片言折 誤 律 獄 獄 是 邦 叨 南 當此 雖 柱 而 之吏, 名 孰 特 徐 面 Ŧi. 使 自 少 後 粗 謂 ,曾無善狀; 達 是憂。 聽 評 古 殊 知 惠 協 清 之 獄,存乎其人。 之制 以 所 司 遇 於 强 文之手? 知,倍 三省吾身,樗 絶 ? 難 空城 薦 之 況縲 請 選,猥 書 凡嬰罪戾,咸 伏 雖 求 ^ 日 費生成之力。 吕 念 紲之中 仕 司閽左帑 三尺 一之書 刑》謹 某 擇 仍 先 偶 受 練 從 由 寒 仰 E 材 才 晚 事 事 於 户 司 惟 或 兩 何 甚 之人, 之 世 掾 劇 之 非 列 古 造 遽 取 流 哂 其 兼 哀 聖 自 之 過 竊

備

籠

中

之

詎

敢

貽

門

下

之羞

本

非

夢

寐

所

及

它

時

報

効

業。

群

才

並

用

或

下

採

於

芻

堯

顧

貴

遺

於

葑

菲

致

使

斗

餘

某

敢

不

澡

雪

精

神

感藏

賴

陶

甄

兹

蓋

伏

遇

某

官

夾

輔

得

近

於

恩

閎

下

木

妨

於

、吏考。

於

擊

柝

各

從

其

志,望之自

墨

一,啓閉

尤謹

於

晨

昏。

時

乎

爲

藏

所

儲

或

恐

蠹

原

之

未

盡

出

之榮幸。 筲之賤,亦霑 要當 樂於 穴 聖 深 貧 軍 恩 之 已 辨 閱 X 生死 \equiv 片 君 孟 今 紀 知 敢 抱 親 大 簡 來 , 共 Ħ 善 僥 圖 H 牛 弱 臨 空 獲 子 書 職 以之。 遭 不 大 倖 而 膚 既 康 溲 瞻 亦 於 中 而 逢 造 忘 决 以 4 大 曲 容 朱 寶 馬 E E 都 致 之書 安。 學 立自 貿 紀。 出出 堯。 甚 化 代 П 遷 割 經 光 以 淺 鑪 陳 志必 學 未 雖 持 奉 311 憐 叔 接 適 終 揣 世 真 焉 帚 坐 雖 泯 孤 揚 開 期 物 瓶 暴 己 閱 幸 祠 忠 記 相 謝 邊釁。 儲 最 賤 於 H 之香 門, 永 無 勁 興 星 徹 聞 去莒 不 踈 子 於 或 節 惟 堪 霜 君 禮 繼 屢 敢 昭 軍 歸歸 之 門 火, 大 之言 妄 不 瞻 忘? 每 代。 教 變,不 之九 父, 論 著 能 公衮; 投 挫 兩 恩 授 天 書 誠 飾 獨 有 抑 **啓**大年 痛 傳 仕 濫 重 下 大 自 皃 自 知 立 家 於 者 家 一之事 横 踵 見, 造 以 猶 先 强 升 囏 守 有 世 經 自 動 伏 未 3 9 臣 心 朝 法 教 侯 科 念 司 試 慨 常常 之

之外

府。

姦胥

鋤

治

雖

云

狡

渤

辱

兼

收

坐

下

國之參

俯

念

孤

蹤

雀

角

鼠

牙,

未知

明

相

光

儀

固

已

劇

此

生

泮

辱

在

某

涉

道

且

無

曲

IE

自

慙

於

拙

速,

亦

何

有

於

平

反

束

桁

楊

而

不

施

公

心

以

觀

辜

而

箠

楚

之下

何

求

不

得

9

忘

躍

冶

謀

壁

鈆

刀

之

;

而

潛

德

在

於

尊

IE.

色

不

忠

之

訓

幾

周

歲

絶

徼

E

公

車

遺

子

以

吾道 端 强 曾 某 大成 州 於 危 軻 何 非 蹤 之戒 小 馬 敢 敢 有 縣之徒 尤 物 厠 不 仰 夤 求 知 庶 累 迹 益 内 緣 於 官 贊 俾 E 勞 此 治 嘉 堅素節 於 善 客授 副 一人之化 非子 賓 仍 洪鈞。 馬 外 兹 誘 於 治 蓋 渤 9 眷 有 時 於 不負 坐,恐 教 伏 4 弦歌 知 南 遂 既 然 遇 溲 夫何 育。 州 曳 陶 用 後 某 初 之可 裾 招 庶 萬 少 官 知 孤 心。 善 好 之 有 幾 圖 或 寒, 旋 木 樂。 類 爲 願 若 之 待 於 斡 學不如 悉 人 有 之譏 報 顧 泰 用 歸 化 師 無非 麞 効 此 敢 和 素守 鈞 於 頭 忘 遭際? 賴 真宰 務 僥 鼠 既 主 於 小 鈞 師 倖 Ħ 自 張 逃 孟 成 播

代范孝隆謝提轄文思院啓棟

遽 辱 生 掃 成 舍 人 之 揣 門 分 已 方 盈 欣 進 戴 拜 恩 ; 無 備 藝。 事 官 伏 念某 屬

津 官 難 言 之謀 用 户之衰頹。 樊,但知 專 上 幾 命之大謬 售,莫振 逢 末 無 材 之會。 之閣 國 光 Ī 皇 ,喜公道 無 ,又復三年之不 曲 更化之初, 如 色, 方 學 樗 而 ,會風雲之盛 面 身後 散 方 御 目 以 家聲; 畏影 獨 旋居 恣 於 口 阿 之大 輸 身 以上 況 生涯 思 不自植 飛 世 蹇 拙 始 0 致 元 江 龍 開 諤 白 蓬 先 嬾 興 冥 故 肯 輔 先 或 偶 之忠; 調 技 際 飄 干 心 人之丘 之 家 一,當 憑 立 輒 0 無 以 相 宦 作 派 禄 無 門 以 痛弟 彈 生 不 長,不爲 之志 路 子 佐 相 叨堂下一言之 逢 地 耿 蔭 貢 前 能 中 壟。 干 敢 孫 實 以 禹 耿 兄之淪 相 飾 之計 當 雖 自 興。 同 獲 之冠 望 業 貌 猶 幸 嘗 容。 世之公 於 世 厠 心, 求 以 真 念一 依 千 附 用 但 官 徑 落 伸? 動 賢 里 日 屏 適 共 聯 0 爲 鳳 之並 經 權 月 濟 知 迹 社 造 卿 慨 以 顧 之 未 稷 言 平. 艱 且. 効 時 欣 Ш 臣 太

3

之私

坐使

孱

庸

亦

叨

造

化。

某

敢

不

仰

銜

將

意

結草

以

報

魏

顆

誓畢

餘

生

恩

施

俯

飭

司

存

逢

人

而

説

項

斯

敢

忘

此

深

賤

而

交情自

若。

務

盡

刈

翹之術,不

嫌

躍

冶

志

君

以

握

 \equiv

吐

耐

下

士

畢

歸

貴

既

9

獨

高

於

百

世

惟

儒

者

在

朝

美

政

而

Ŀ

臣

事

方

明

良

相

會

於

干

龄

順

几

時

丽

遂

物

宜

勳

業

9

官

吾

優

簡

居

白

鳩

燕

台 猶 不 及 憐 事 范叔 · 幸 之寒。 而 得之; 曲 記 善 自 姓名 爲 俾 謀 不 歸 過 陶

矣。 道宗 僚 惠 昔 鈍 荆 之底 惟 静 胡 惟 I. 文 粤 本 僥 思名官之義,取 之良 雖 冒 朝 號 卑微; 材, 碩 端 輔 有 督 寅緣。 鄭 在三 總 宋 衆 桌 魯 轄之間 氏 職 兹蓋 吴之巧 銘 而 量 稱 伏 頗 之言 上 遇 意, 厅 某 爲 知 帥

此

冶

袍

加

弗

替

仰

望

汪 景 孟上龔 參 政 啓●茂良

行 途之平 之座 書; 文武 繆 浼 異 , 方 閫 所 壯 寂 器 焉 軌 ,始受真 程 不 辱名公之舉。 寂 忝 政 進 敢 末 並 能 轍 非 末科 爲 陳 技 用 ŝ 自不 遂 適 耻 爾, 之時, 悃 於 奉 殊 知 用 爲 9 幅 省 得 南 自 亦 俗 , E 闡 豐 少 不 不 碌 嘗 甘 有 1: 爾 修 置 鄧 碌 起 動 曾 賢 逮 之 素業 不 瓣 淪 當 禹 愚 其 詭 高 叨 爲 集 落 之 之笑人。 當 隨 時 明 誤 日 君 之 香 之志 滯 軸 頗 惟 聽 卿 蹤 伏 猥 慕 之 知 ; 徒 許 Ŧi. 緣 念 拜 望 歎 讀 復 懷 侯 以 假 豈其若 但 先 某 望 下 之之從 自信 之味 曳 學 薰 吏 欲 父 熒 風 裾 之 仕 之 煌 於 蕕 不

0 汪」上,底本目 録有「從舅」二字。

衆 數 逢 擾 盡 力 屺 離 最 於 留 吏 疚 援 惟 反 有 誤 蹈 浮 怒 萬 啼 年 也 之 號 孔 捐 之 意 集 滿 悲 時 戣 賢 多 墨 於 物 于 於 號 怨 所 議 若 蹇。 忽傳 吏 之門 之 此 尤 提 已 危 吐 天 歸 固 何 夫江 深。 襆 考 寸 機 撕 氣 塞 尤 爲災 已難 傷 被 印 之秋,寧 孤 耳 獨 而 人 進 ? 無 而 濱之溺 苦 綬 是 而 祠 爲 念 之私 禍 何言 伸 雜 揣 去,杜 之解 克 獨 知 官 帥 稍 之會 由 於 賓 分但 膠 盡 實 立 屬 收 銓 末 以 忍 益 贵 西 選 匪 駸駸 力於公家 魂 門 議 進 險 是 甘 止 廣 之行 其 魄 鼓盆 自怡 而 9 9 人向 阻 爲 於 亦 以 安 本 不 仕 婚 故 子 備 薦 静 再 爲 時 心 之念 負 京 小 嫁之逼 隅 雖 整 厚 嘗。 紳 退 貧 處 化 都 臨 人 追 0 之 所 之憂。 庶 冠 日 之身 順 未 惟 賀 當此 筆 泣 孫 可 内 雖 裳 爲 初 之 人 平 歇 洪 幾 逃 省 造 非 耶 詎 説 用 幸 擾 之 陟 流 欲 於 物 有 ? 爲 成 知 不

> 庭之虚 貿 隨 依 吹 所 之 君 持 初 夫之求備 之來 生之意。 及 規 燕 不 鑛 以 知蒙眷 雀 草草 模 遂令久鬱之情 質 道 之賀 席 似 木 濟 來 陛 共 亦皆知 匪 物。 就 矧 之 哀 廉 期 悠 靈 洪 是 由 窮 H 卓 悠 丹 楓 政 鑪 9 悼 尊 名。 爾 陛 九 而 機 而 居 屈 聖 轉 之 之親 進 藜 兹 有 惟 朝 拜 緘 藿 蓋 觀 願 求信之 之 念千 上臣 麻 秉,實 薦 過 爲 伏 同 柱 禰 之不 知 遇 鷄犬之昇 之用 里識 石 廣 之 某 仁。 爲 願 厦 書 採 官 善類 凛 人, 萬 韓之日 顧 然 得 適 已 ; 間 威 大 無 之所 如 Ŧ. 時 會 貿 望 佐 有 將 槐 致

攻魄先生文集卷第六十一

攻媿先生文集卷第六十二

四明樓鑰

大

防

啓别藁

代通王明州啓佐

蓮幕 之筆。 竹簡 清 衮衮之登。 華 一,示雄 掄 恭審 ,讀殘萬卷之書 恭惟某官學造聖 才 才出於天人策上,名冠 ,未舒婉 光 藩之 立螭陛 膺 風 札,移 婉之畫 采。 以 9 書言,接 涯 玉 鎮 自 行,行 斝 9 四 聞 蘭 瓊 爲世 明。 成 鵷 臺 於 彝, 命 龍 選 行 壓倒 表 加 \pm 而 虎 已 延 榜中。 布 ,已聞 千人 韋 播 閣 武。 編 先 之

> 燕 錦 流 禦狗偷之盗 都。 庭臣 有以 良 宿 津,以前大用。 煙火之驚; 生 俄分郡寄,遠暢 知閑冷之身,復 伊邇,桑梓知 而 之譽 靈 亦 9 ,知故壘之可依 姦甚落膽之憂,罷 ,以之爲二千石。 近臣 好 千載之通 海匝 ,自樂二天之庇 之右,治最 還 三垂,地 雖 之闕, 豈 潢池 子游 ,遠防虎視之鄰。 歸。 材,兼一 王靈 某夙蒙異顧,近别台 拜熒煌之座。 爲天下之先。 文學 弄兵,或恃 綿 便道過 惟 自憐屋上之烏,因丈人 Ť 蔭。 得 忽聞 俗 無 里。 以 子 時之 有 家,大 惟時 黄霸 敬 息 鳳 嗣 清 要任 之 風 肩 韶,更畀菟符 政 神明, 朝 鄞 曾是堂 氊 必欲得第 飽 似 之 波之險 事 偃 水, 望。 聞 之 衣 武 直 行 買 科 寔 止 躔 兩 一前之 節 帡 據 地 著 臣 久 近 贵 幪 近 無 之 之 行 在 未 要 循

代通福州陳丞相啓俊卿

席 究 盛 泉。 獨行 閩 梅 作 鈞 成 六 叨 士夫喜公議之有 之要。 處 ,威望 .股 經 方 德若虚 而 ,尤著變調 之氣 虚 肱 當 恭惟某官百代偉 退,道大不容。 貮 而 上公分陝, 左 天 車之任 排 耳 益 故鄉 開 一,肯 堅 目 百 重 隆 地 氏 膺 爲 任 備 之 闢 在 玉 公尚 蘇 聿 重 効 爰通 歸 宣 之秋 望 忠 鉉 季 嚴 道遠之心。 輔 誠 中 何 麾分 之求。 子 居 名 帥 維 贊 人,兩朝 遇 外 挺 殊 佩 東 閩 之宜 於下執 持 知 雷 特,貫三光 朱買 + 印 ,行見衮衣之 之 或 厲 王化之將復。 某學術荒 國之連, 之樂? 雄 是,進退 元老。 風 臣 奥學淵 喜託 9 爾 飛之主 衣 寒 爲 錦 士 麴 而 負特 經 地 之祭 迹 依 踈 源 蘖 復 綸 控 於 洞 才。 劉 性 功 臣 洪 未 七 鹽 9 九 根

> 冶,尚 之門 資 膺 願 知 榮。 門, 凡 體冕旒之眷,茂加茵鼎 良弓之子必 而攻瑟,自 F 希它日之陶 而今日 駑馬. 0 遲 加 頓 得 鞭 不 憐 游 爲 能 鎔 儻 應世 於 箕, 緩 以 儉 潭 之乖 粗 及 府。 之調 府 時 事, 守 靖 之 傳家之舊 趨 容 驅 念平 深,暑風 風 皃 策 伊 不 生 邇 足 頑 戸願 吹竽 以 金 撫 Ŀ 潤 躍 於 己 動

代謝葉丞相奏門客恩澤啓衡

業。 遺 屋 深。 重 三紀之閒; 念 ,徒堅鐵 俾 伏念某 嚴 家 孤 與龍 君 蹤 惟 何 四 硯 久爲 門 位亞郎 取,妄干鳳 壁 之心 之下 介寒儒, 之徒 漫仕 9 曹,竟賫恨於九泉之下 客。 荏 立 心勞 苒 半 閣 野 生 歲 生 之元臣; 成 無 王 時 苦 有 事 學。 有 自 頃之可 ,嘗抗塵於 愧 感 洪 青 蹉 造 箱之 戴 跎 場 惟 不

曾參 戰 興。 寸進 酬 至 臣 遇 敢 金 弟 如 不 某 如 在 文 恩 相 孤 期 蘭 兄 之階 ,尤覺 當 敢 場。 紀 不 官 所 之舊 孱 方 遇 ? 肖 夙 畏, 路 將 弱 於 忘 亦亦 高 黄 任 干 之 便當 義 門 推 古 候 耆 是 壤 知 使 載 ,轂之私 使 風 户 知 舍 望 何 有 於 9 之厚。 羈 銜 有 不 事 光 人 天 遭 知 賢 袖 成 單 忍 契之深 於 開 逢 能 輔 0 以 贵 向 門 地 某敢 假以手援之力, E 昌 記 獲 無 隅 外 顧 闢 先 先 辰 結構草 此 之泣 , 岩. 頓 壟 不 友 有山 日 成就。 遺 俯 驚 雷 於 月 之 H. 志 激 厲 霄壤 碑 公則 念子 報 口 將 於微 儒 陰 風 冀 兹 藉 9 之殊 飛 衷 路 青 蓋 開 於 嵇 手 孰 賤。 以 仰 君 伏 其 是 氊 中 紹 爲

代通薛通判啓鳳

庠校師儒,兩著佐州之効,塵埃俗吏,

仙 能 邦 辭 非。 之半。 波 惟 方 厦 龐 學,久居賢士之關 早 瓜 江 瀾 **筆**楚 收俊 爲 行且 某 之千閒 之表,脱身選 士: 之,姑試 時之甫 山 學 元 官 似 於 嘯 公論 之展 造之科 筆 性 聞 邑 於尉曹, 一升矣。 詠 資 及。 之 F Ŧi. 鈆 爛 甚鬱, 沖 行 月 驥 柯 刀之一 雲夢 静 尚 之政 路 某么微 之 復較 徑 其 祈 獲 之 風 經學 ; 高 躡 可 八九,忘芥帶 加 博 在 成 割 初 月。 懷 錐 清 再 惠 下 晚出 士: 通 9 自 刀 華之武 多 乎? 所可 風 伴雙旌 任 撫 明 俾 於 如 賴 花 摩 0 免 征 贵 蹭 貮 文字 恃者,正 縣 凋 班 登 筦。 曠 勝 蹬 車 以 瘵 景 於 臨 珰 先 幸 官 半 之力贊 無 Ŧī. 倩 胸 貮 生 生。 闘 洪 爲 會 千 堪 **\$** 之 中 依 非 府 刺 人 决 0 海 登 頃 是 太 廣 驚 史 恭 渺 \Box

● 「帶」,殿本作「蔕」。

代通劉湖州啓藻

學究誠 今見我 用。 惟 白 循 羲 窮 脇 廼 =仕皇都 干 蘋泛 十載之間 吏之 文 英詞 異之書。 某官問 有登龍 惟 灰既 古 建 牙三 月, 公。 盛 其 明 而 遠,尚 侔 之幸。 若 之藴 望雷霆,文章 蓄 聲 想神仙窟宅之深; 造化 在 輔 ,不過三數人而 惟聖 矧兹苕霅之區 於 大襃卓、魯, 動 有 目 中 誰 百 之工 言傳; 前,泛覽百 主 周 敢 者厚,故 僚 無 修 以 旋 之底 附 ; 斯 中 竿贖,仰 河 驥 嚅 釋 度, 徑 民 漢。 之心; 9 道 一,是 老 其 「家而 爲 躡 出 止 直,泳 左 發 雖 先 皂 龔 臨 穿天心,出 曰 右 徹 於 殊,皆爲 涉 蓋 股 久難 壯 不 黄 逢 而 齋 聖涯 外 ·專紙 頒 肱 筆 縣 鈴。 中 原。 春 之 其選 治 也 越 興 郡 閎。 可 恭 我 稱 觀 視 月 高 歷 奥

> 是 之天 哦 惟 某 海,尚 庇 負 充檇李之法曹 師 庀 邦。 金 初無它技,早 帥 庶幾寒士 職 籝 松之間,敢言公事 風 鬱 方涓 課最 於 之 流 壯 之美。 吏 訓。 猶 師 日 易 之俱歡 3 之側 以 典 聞 媿 與 刺 載 閩 來 無 一官。 F. 史人爲三公, 塗,行 紆 山之醝 抑 三語。 心 丈二之組 將 素簡。 而 横經 徒堅鐵硯之心, 束 姑 務 轉 身而 退 俄 於政學之餘。 丞兹邑,獲 丈夫 9 更 受察。 得 密 閲 觀 廣 依 功 + 盛 厦之 濟 尺 年 舉 世 居 猶 Ŧi. 9 几

代通趙郡王啓伯圭

齋 旄 於 瞻 澤 帥 或 閩 於 更 瀛 容 壖 邑 吏之 曾 以 趨 部 風 民 而 肅 修 貢 敬 朋 9 緘 望

■「漢」,底本及殿本皆無,據底本目録補。

兠戟 雍容 樂苕 畏 東 年 與 維 海 籍 合宫之盛 石 南 逼 居 預 ൬ 愛 平 之 服 9 城 唐 用 賦 甚 通 充橋 官 纛 之 如 室 溪 深 滄 ,不移十載之 縉 之 下 昭 助 本 益 寓直 退 執 胙 浪 衰 Ш 在 紳 ; 磐 李之法曹 禮。 新 水之 盾 之 漢 大 嚴 朝 石之宗 無它技 置 恭惟 鄭 西清 雖 舶 之 望 京 端 門 亞保之多 寵光 有蒼 之真 日 勝 賈 若於 而 爲 某 屢 奉 惟 旌 胡 養 善 官 封,分 潢 有 生 親 列 媿 戲 典 無憑。 拜 威 珍 深 傳 璇 一之徯 賢 池 赫 侯之印十九枚,式 閩 儀 無 臺 重。 兩宮之雨 知 源 政 之並 赤 清 Ш 3 閬 福 香 於 毓 譽 望,不 子 衮繡 之醛 和 宛 語 中之 履 四子之官二千 火 最 秀 於 眷 然 兼 憺 難 而 樂 嵩 雞 韋 務 貂 惠夷之風 兹 妨 歸 威 巨 量 露 宜富貴 ; 林 叨 蟬 俄 布之流 嶽 緑 名 汝 屏 之遠 貮 儲 疏 某 野 濯 於 陽 閱 神 令, 侍 早 之 廣 之 之 纓 鯨 封 + 櫜

> 哦 逢幸 棠 又 陰 獲 庶幾 松 登 會 未 之間 門。 改 寒士之俱歡 矧 尚 敢 梓 是 歌 里 典 召 言公 有 刑 伯 光, 之 之 事 去 舊 復 而 思。 見 姑 願 魯 退 承 自 公之 ; 土 念 得 苴 孤 廣 拜 之餘 蹤 厦之 後 適 9

代 通 李都 大

茈

班 君。 官 蹊,堅松栢 之資,學 恭惟某官風 托於二天。 丹陛之嚴。 賞,已足稱 ,幸獲依 決策 高 Ш 究 請 仰 於部 後彫 天 敢因 宣室 行 德, 儀 <u>Ti.</u> 人 不獨 嶽 之操。 刺 干 久 之際。 告始之恭,少見 受釐 峙 史。 欲 騎 德德 之賢。 在 事 一,謂賈 迹雖 爰受朱轓之寄, 量 於賢大 + 義 九 淵 嘗 殊 成 人之 生 澄 許 於兩 桃李不 夫 久不 或 投 才 列 ; 地 誠之素 冷 見 忠 兼 庇 言 論 局 人趨 不 文 矣 之 武 忘 實 功 効 9

之 半 遷 洪 錢 節 觀 金 召 中 司 爐 無 生 環 流 以 風 輔 朝 之命 一,甘在 之 端端 用 于 按 郡 召 豈期 造 地 臨 對 尚 有 化 擁 歎 白 貨 澄 期 盡 樸 某 麾 清 僚之底 積 徐 良 收 樕 濟 出 之志 樂皆 匠 如 數 之資 守 南 之 Ш 路 冷 鈞 安 9 屢 之權 ()獲 族 崎 眷貨 已 在 鎔 宣 嵋 書 ; 耶 愷 在 海 躍 末宦 泉之至重 悉 朽 帡 内 悌 冶 總 貫 呕 之仁 幪 腐 不 之 示 之下 濫參 儒 官 祥 功 睿 之利 移 恩 九 攬 敢 辛 即 府 苦 使 聽 轡 覬 鈍 俾

代謝知潮州啓

零。 州 而 後 復 竊 曳 有 與 裾 以 大 在 東 黎 爐 廣 悶 一之遺 之 極 載 造 東 風 瞻 化 以 元 置 揭 衮 寵 鄉 之 陽 驚 校 爲 光 神 以 華 列 悚 教 郡 ; 干 感 剖 9 里 自 竹 極 之 唐 涕 南

蠻 當 復 自 息 休 宛 墨 民 仰 Ш 大 跬 病 地 可 一之勞 蜑 之 鈞 黥 開 監 笑。 擇 如 勤 憐 步 陵 煩 驅 之問 莫 畿 香 補 頃罷 征 士 而 忽坐 鰐 惡 報 以 舉 火 劓 登 孤 力 紹 甸 握 魚 邊城 溪 弓 · 幸 雖 之 手 髮 之散官 迹 一遭於 苟 較 職 以 會中 瘴 悵 若 冶 \equiv 無 閒 溝 錙 逃 除 承 毁 聚,不 之餘 之佐,首干上 徤 投 吐 萍 擯 壑 城 銖 百 流 興之英主 譽之交攻 惟 曾 吏之聲 足之勞。 哺 之 斥; 世 之利 旦之書; 歸 習 之 我 未 如 之 妨叱 是 棲 皇家 禮 奉 害 某 填 9 綴 門 何 稱 9 祠 者 縉 馭 墻 驚 所 俾 訴 滌 復 梓 年 尋 踸 坐 之 ? 相 頗 尤 以 紳 守 學邑, 危 故 圖 使 慮 鐫 里 踔 舊 之 重 究 前 之 衷 仕 海 任 洗 黜 無 蠻 步 尊 生 邊 驅 物 後 亦 陬 於 途 夷 於 於 之 堪 心 民 久 備 徼 ; 塵 洪 之 真 四 如 鈞 念丘 就 得 秦 之 嶔 敢 宣 造 儒 至 墀 漆 地 嶺 倅 利 朱 安 賦 IE 於 崎 网

3

雲横 之材 緣。 詔 龍 捐 内 司 之守。 旨 吟 或 以 士之軀 兹 緝 撫字 弼 何 遂致 蓋 熙 亮 必 興瀧 於 伏 問 民 兩 ,庶報厖恩之萬 庸 庶 遇 家之所 朝 生? 愚,亦 吏之問 績 某 之治 外外 官 益遵父教之忠, 以 在 9 叨 焉 文 敢辭 鳶 Ŧ 任 鎮 飛 但 佐 使。 撫 魚 知僥 才, 於 行路之八 躍 某 四 爲天 倖 敢 夷 陶 端 毋 不 成 子相 怠 虎 Ŧ 布 有 多 官 嘯 宣 1 寅 ;

代謝劉提舉薦舉啓

場 念某 吹竽之門 功 已 ()頗 形 屋之遊。 才 華 畿 亦早 衮 如 邑負丞、未展 而 之 命 親於經 攻瑟 良工 褒。 薄 術 如不 之子 恩 學。 與 重 秋毫之効; 世 必 丘 好 屢 踈。 爲箕, 何 操 Ш ? 筆 妄 感 硯 嘗 深 有 衰遲白髮之 之習 上臣 自 有 肺 志 腑 來 誤 往 於 矣 聽 從 伏 事

質以 雙親 恢 周 臨。 之先達,方彭彭持使者之車 爲 肘 釐 無 可樂。 以 微片善之可書,敢幾當途之肯舉? 亦 念家聲 交,猶戀 洪 就 章 知己 、滋事 知 0 窮之求,急於 河風 棲 占 柳下惠之和,三公不易其介。 拜 功 忽 但 入官; 賜 傳 能 之淪 9 名 木 枳 戀 況 龉 度凝遠。 君 催 但 俯 簿書之叢 之爲 有故 多於 青衫之一第。 帋 科, 子之仕 替,嗟 父教之忠, 欲 僂 卑 之 屋火; 植 面 粗 人之意。 知 9 春風, 北 墻 立 世緒 歸 口 委,驚 再 行 宫黝之勇,一 以 逃 其 轉 酬方來之務,紛 興 公家之利 責 兹 之彫 爲 粗 義 爲 賞 門 夫何 蓋 0 塵土之昬 振 識 7,求 丞,寧 延 户 當 恭 ; 零。 律 孤 0 于 么 憐上 官官 遇 無 生 身 麽, 世 無 某 動 復 毫 媿 敢言隱 之寒 行 而 不 世 聲 弗 官 適 礙 哦 仰 霾 遂 心 奉法 爲 作 松之 猷 之 若 識 於 挫 隸 大 鄉 色。 吏, 忍 至 應 委 於 量 按 誰 間 曾 掣 毛

起 恩 羅 志 甚 ; 更祈 誤 節 推 鮒 收 義 轂 借 轍 庸 凛 後 北 口 瑣 然。 進 海 憐 之風 稱 某 攬 方 品 轡 賴 敢 題 近 不 激 人物 飲 畿 西 冰 江 之公。 起 之 厲 澄 水 操 清 ; 天 結 鵬 廣 下 程 務 草 之 欲 子 搜

代賀王詹事啓十朋

之藏 贵 策 恭 望 鶴 諫 或 惟 之 於 惟 禁 諍 本 之 初 庠 某 增 近 恭 追 選 校 固 審 古 官 几 商 顯 結 談 學 擁 社 Ш 膺 凡 進 知 探 隼 稷 經 袁 在 之 之 以 兩 宸 精 旗 綺 朝 紳 命 禮 日 微 臣 之 掩 矮之列 而 ; 蹤 擢 傾 漢 氣 吐 諤 退 譽 處 室 廊 全 諤 以 朝 宫 几 學深 龔 廟 剛 義,用 以 廷 端 海。 之言 黄 大。 昌 古 之 堂堂 喜於得 抃 朝 迹; 聳 之行 信 於 舞 廷 殿 是 公台之 之 不 益 當 而 廷 撓 私 尊 登 舍 射 今

> 門; 之眷。 之忠 公議 牘 脱 某 少少 茶 譴 召 然 清 咸 何 見忱 馹 無 期 之 9 趣 似 於 輔 域 衷。 行 H. 贊 11 相 彌 貳 莫 也 尚 縫 車 何 獲 祈 弼 爲 知 來 茵 會 諧 李君 止 鼎之調 致 審 備 房 諭 方 更 之 元 將 州 御 方資 齡之事業 縣 掃 仰 之 齊 副 李 敢 勞,幸 相 文 冕 馳 之 紀 賀 旒

代通薛尚書啓良朋

握 貫。 藻 陳 人。 屏 節 星 誠 追舒向 談 擁 深 於 拜棨 敢 旄 笑 造 梓 後 道 外外 里 戟 不 ? 金玉之文。 幸 真 於 妨 著 恭 黟 於 廉 依 傳 惟 Ш 剸 夫 平 伊 某 子之 劇 之 洛 嘗 官 績 辱 淵 身 自 功 仞 老 源 結 兼 名 簪 墻 之學 商 數 自 E 筆 之 知 器 覺 持 俯 於 橐 遍 才 發 眄 逼 知 出 内 儀 爲 ; 清 爲 萬 詞 駕

b

居, 之 德 侍 以 於 知 之 謝 徑 聽 廷 施 思 之莫 前 傅 作 履 從 候 便。 輒 行 之 鋒 東 賦 自 而 塵 未 通 及 幕 始 歸 臣 E. 車 Ш 即 知 名於記 仲 兹 星 府 之 啚 膺 夏 之終 周 洗 辰 盡 志 凡 報 於 清 旋 印 几 建 之階 迅 室 忽驚 寧久 泉 和 更, 方 明 召 9 未 石 而 遇 龐 燕 勇 叨 及 遂 之 屬 事 公儻 某生平 居 退 貮 於 掃 間 望 代 而 優 門。 車 高 敢 盤 把 暇 人 吏 期 之 懷 言 城 師 無 麾 屈 兩 沈 承 9 府 似 公台之 願 地 而 乏。 賈 宜 侯 喜 調 去 之 生 寵 門 方 有 期 問 鼎 江 宣 遇 賦 雅 趨 + 1 海 食 津 室 在 拜 年 所 郊 風

代賀趙明州啓伯圭

光 F 被 恭 審 進 課 内 績 清 E 學 聞 士 之 爲 南 聯 或 曾 諸 何 侯 異 之 登 最 瀛 9 之 寵

榮, 船 剖 爲 儒 之 龔 蜂 睠 之 荷 涣 扼 海 奇 大 天 聖 之 生 遂 悍 輿 符 才 者 雅 徑 號 屯 匝 X 之烈。 花。 輝 虜 蟻 浙 世之豪 不 \equiv 創 以 問 分防 來 在 之吭 之奥 賜 聚 群 垂 天 理 聞 顯 津 漢 潢 0 坐令 金 命 於政 於 亂 維 有 盛 擅 品 眷 英。 增 近 浪 風 召 海 城 繩 潢 間 事 深 派 風 秩 必 流 舶 路 之 公 嶠 有 池 9 海 於 濤 得 于 平. 追 風 既 効 爰示 几 送 而 弄 上 沂 升 之 西己 萬 帆 幾京 易 贵 0 明 周 兵 列 江 譽。 歌 於 頃 卿 恭 地 止 之 八之虞。 爲 萃 侯 進 寵 漢 古 之 别 惟 佳 師 斷 以 魯 之 於 卉 以 不 化 間 駕 號 人, 之蒙福 某 策 郡 匈 印 當 以 侯 服 衛 宗 之功 陰 勳 官 己 奴之臂 況 被 錯 親 邦 獻 之親 藩 獨 爲 地 知 受 服 久 9 果 節 琛 丹 之 善 綿 被 治 刺 集 奉 簪 見 之 必 自 9 儀 千 殊 最 夫 丘 効 正 先 史 蓋 於 帝 筆 城 天 利 恩。 里 表 著 胄 之 郭 持 將 樓 於 而 須

巢 之心。 望 頒 戴 優 質同 賓 恩 之 得 最 廡 地 李 厚 以 宇 , 勉 無 萬 仰 騏 而 階 户 德 驥 朝 驩 方 騁 廷 燕 心之 深。 尊 雀 夷 行 賀 途 劇。 側 大厦之成,喜得 之 聞 聽 恨官司 逸, 召 干 音 贵 石 之 之有 無 寵 播 附 數之 守, 誉 髮 某

代上吕鎮江啓

契 嵇 舉 明 几 Z 傑 者 公。 海 無 紹 不 羈 之 古 大 憔 氣壓 人 不 敢 悴 而 孰 自 孤 陳 最 餘 謂 萬 至 重 迫 生 夫。 李 振 載 切 君 幸 詎 頹 而 之愚, 在 之有 夙 敢 靡 叨 高 信 Ľ 之 末 懷公輔 誼 書, 俗 分 説 契。 仰 者 以 以 溷 叔 之壯猶,早 Щ 爲 風 爲 高 恭 世 公如 先 波 惟 所 盛 明 ? 千 之 某 艱 事 在 里 聽 官 竊 蓋 屈 量 定 敬 不 以 功 有 先 知 吞 文 雖 謁

> 名之奇 於 羈 矧 憂; 不 與 義 立 自 久 於 濟 口 H 之巨 儒 若。 吏 及 家 萍 知 非 虞 蹇 在 以 守 淵 養 事 加 浮 門 律 常 獨 利 風 留 鎮 之才。 已聞政 高 親 貪 ,身與 志。 人 墻 , 器 命 數等,流 籥 控 之舊 發 之三釜 厠 0 隨 以名節 寒士 硎 於 釣 簪 總 葉 天塹之要 風雲之會 (績之上達,側 精忠上結 行 璜 游 紱 薄 軍 尤 赴 都 刃, 渭 之 落 儲 而自任 祈 之如 飢 水 聯 紹 在 未 更 甄 於 寒復 徒 津。 天 箕 任 見 邊 世 冶 歸 於主 裘之業 獨 全牛 9 之收 東 傳 徼 以 迫, 涯 羈 哀 聽 坐 以 釐 柱 猥 知 窮 有 召 嘯 仰 X , 焉 之 石 儒 緣 憂 不 悼 音 錯 倚 未 用之學, 分 能 伏 寄。 之 於 屈 之 幾 患 節 以 西 餬 能 念 術 勳 世 崇 鼎 計 相 爲 盤 某 惟 顧 下 ŝ 賞 來 仍 命 根 於 風 振 身 京 之 飾 兼 治 取

欲

化

固

將

借

北

海

之

風

9

儲

庤

益

充

菽

燧

肅

營

壨

以

謂

不

加

賦

而

暫

煩

於

星

使。

宿

飽

Æ

資

鞭

内

江

是

敢

仰

憑

H

之

知

輒

步

兵

之青

眼

眷

私

不

替

9

越

邑

遇

明

府

弭

節

於

舜

江

成

恩紀未

酬

存

殁

知

感

最

蒙蒙

知

遇

,

先

人

亦

爲

投

於

溝

壑

之

中。

重

念

某

更

乏

儲

瓶

之

粟。

不

求

濟

然

而

比

之

顔

氏

既

無

負

郭之 寸之 忘 越 亦 於旌 藥 涸 閒 大 能 在 鮒 年 遣 蹤 田 籠之物,屢 父 瀆 迨 暫 瀛 麾 誦 方 于 使 跡 9 宵 獲 之僭 施 堧 之下 危 古 君之 較 此 雖 游 人 之 月 且 窮 微 以 攝 相 適 表 白 之 淵 曾 君 大 職 是 願 辱 承 口 戒 衣。 明 激 鵬烏 之 自 辱 於 生 弊 方 無 足 第之才。 竈 全牛 經。 惟 下 户 代 粟 知 孰 無 威 之封 譁 名 列 己 踰 某 用 風 有 诵 0 遠 屯 錯 官 0 如 0 韓 於 居 簿 暨 乃 雄 非 於 顧 節 雖 但 總 百 1 用 城城 眷 大 才冠 擁 僚 領 書 爰擢 柱 惟 水 盤 灣大 願 篲 啓 期 操 江 丈 根 之底 火。 或 池 識 一之未 古 彦 會 贏 淮 夫 共 9 塹之 貳 荆 直 不 壯 之壤 貲 當 所 妙 於 州 啻 贵 知 雖 遑, 龄令 以 邊 以 險 氣 之 於 月 利 久爲 知 佐 隅 致 E. 横 金 卿 器 顧 9 實 面 仰 身,惟 之 第 軍 秋 馳 湯 9 爲 外 泰 仍 ,所 息 軍 發 緘 幸 名

歸

雖

嘗

知

安

分之言,

Ш

之

名

輕

千

9

政

之

餘

例

有

譴

章之及。

荷

斗

升

而

自

活

未

容

尺

兀

方

?

比

參

醝

局

之

寮

九 四 九 府

之

淹

朝

夕

硎

游

刃

未

見

獨

高

於

千

佛

當

世

家聲,

功

之

敢

後

?

恭

兹

末

屬

與

在

財

貨

之

淵

萬

0

明

天

子

以

爲

大 悲 古 賞 於 馬 出 論 E 君 一、偶 茈 + 或 人 奇。 人 , 思 一之黄 依 子 0 駕 蔭 **猥備** 厠 行 幕 少 爲 幸 寧 迹 即 與 讀 府 之 卷 微官 敢 於 簉 之芙 使 父 依 甘 憚 簪 書, 令之列 奉 歸 纓。 於 泉 蓉 祠 、之侍。 董 驅 未 庶 庭 舳 自 馳 策 又 賤 之 紆 艫 , 屬 祇 勳 有 香 鷦 之 俗 某伶 沙 承 於 司 火, 鷯 轉輸 吏 約 金 筆 安 一之青 俜 之 遽 於 東 硯 枝 何 汰 之 纏 謹 職 9 衫 數 早 嚴 風 願 朱 守 墨 0 永 朅 木 羞 承 結 之 棲 駑 得 來 之 見 世 約

代謝臨安府通判啓

名 念 天 某 邑 頗 材 拜 亦 如 赤 早 辱 舄 樗 親 生 散 於 於 成 泰 筆 性 階 硯 退 若 而 方 棗 與 捫 昏 深 聖 心 祭 賢 妄 感 幸 對 嘗 ; 至 獨 駕 有 流 耽 志 緹 涕 黄 於 屏 卷 功 伏 於

貴 跫 之次 之 之過 畀於: 路 矣 會 T 薄 較 猿 幸 官, \prod 死 然 宵 如 書 方 命 財 , 莫霑 刻 委曲 慮 賤,而交情 賄 除 急 有 勢 隙 蒼 之數奇,覺 , 傷 意 參 從 未 之 於 喜 殊 忽 書 狗 從 升 美 官 下 場 投 從 有 填 之 霄 髮 9 俾 之。 斗 錦 箴 幕 林 進 屋 壤 溝 Ļ 種 浮 省 總 9 3 游 壑 孤 空 種 汰 契 自 提 分 \equiv 晚 幸 駑 兩 蹤 之時 誓 9 篤 門 見。 以 於 握 途 司 離 終 馬 仕 何 閱 殫 於 如 之 金 四 京 市 \equiv 但 小 阻 窮 所 東 去 甚 官不 蘭 是, 7 榷 吐 口 選 際 青 知 邊 怨 日 閣 速之辰 窶 壁 之七 元 於 衫 莫試 身遑 尤? 加 離 之長,不 傳 謹 僅 宰 之 歡 戀 但 謙 於都 朱 顧 好 脱 若 方 階 第 棧 鈆 追其 有 德 墨 語 E 八 常 微 慶風雲之 平. 啼 刀。 不 下 往之 之 於 歲 若白 憚 學 周 軀 生 號 强 衰 (何之。 出 西 數 = 旋 比 於 職 邑 顔 0 迹 Ш 駒 得 年 窮 況 久 驚 改 萬 宦 寧

衆 敢 翼 類 元首 必 忝 命 重 之志 前 Ī 非 於治 不 長 之差; 仰 矣,茀 明 福 之門,共 兹 Ŀ 戴 哉 蓋 ,今成 9 中。 臣 己 顧 恭遇某官爲天 股 事 禄 結草酬恩 知 如 惑 君 肱 康 喪馬之翁。 築 ,恪居官次。 無 於多歧, 以 良 太 矣,佐國 似, 人。 哉,適 平之址 亦叨 ,敢後古人之報 凡厥 初類 家 臣 下 頂 展 無 主 宰, 飲 有 踵 惟賢 驥足之榮。 亡羊之牧 疆 相 冰 知, 知 一之休。 逢之日 負 歸 厲 者 誰 王佐 丘丘 操, 在 無 懼 大 Ш 位 附 9 9 材。 開 受 莫 未 爲 某 引 鳳

代通李縣丞啓

守,才砉 伏惟某官秀 僚,行侍 始爲 騞 哦 刀筆 而 松 毓 不 之 吏,愧 Ш 留 樂。 III 慶 致 居 顧 鍾 棲 身於紅 惟 閥 棘 幸 閱 會 聯 蓮 學 幕 殊 淵 獲 劇 中 逢 源 驩 舉 君 而 悰。 無 子 有

遺 嫌 而 江 端使然哉;造朝列之鴛鴻,始亦非 跋 地 湖 策 執 胡 而 三人必有 質 冷族,簿 安,丞有負予之嘆。 轉 書名於金閨 學 吭 失 觸 領下 我 其 諱。 師 道 僚。 籍 , 徒 願 上 提 邑 嗟 父教之忠, 其耳。 益 無 蒞 立吏行之鴈 事 不 著休聲。 之 當 面 問 粗 一晚矣。 墻 肯 可 仕 例 律 不 疐

某

以

尾

身

擇

攻處先生文集卷第六十二

攻媿先生文集卷第六十三

四明樓鑰大防

禮書

馮仁叟表兄請婚任氏書

之好。 之戒; 誠; 誠 兹諧 敢 监 ,拱聞嘉 而 燕 諸 族 願 某長孫某孝謹傳家,粗習箕裘之業。 緒 爾,夫豈偶然。 伏 任 單 爲 之 承 命 間 平, 有室,遂成合卺之歡。 某 猥 人 偶 紹 出出 大 大馮之裔 間 媒妁之言, 往之女家,想見結 秉 操, 素 3 人才凡下 知 獲 締 蘋 敢 薦 藻 婚 縭 之 姻 薄

不愚弟請婚馮氏書

既無 荷千金之諾 之儀; 某男 高密、兹謂 二姓之好。 嫌 見舅氏 於齊 好逑。 伏承: 鄭 幸 於渭 敢 赤 稽 傳之孫子,俾勿替於朱陳。 陽,慙 彌 某人素鍾淑質,久閑 蓋將締百年之歡,豈 百 甥, 兩 非 之將? 不待東床之選。 酷 似 , 宜 尋 其 世 室家 中 惟 婚 饋 合 於 蚤

少虚兄請婚孫氏書

欣然。 助 持 於江 薄禮 , 迨 湖之中,可以盡索於形骸之外。 託 冰 屬 ,遠尋舊盟 契 未 事 高 門,承日 泮,深 緒 之因 風 有 仍, 久 維 望 矣; 鵲 於 閱 有巢,正欲資 來 歲 求 華 歸 婚 ·之荏 猶子 方當 再 於內 相 得 忘 敢

5

從子澤請婚舒氏書

之好 粗 倚 遠 修 觀 不 ,敢稽 結 容 子職。 定五世之交,久篤 縭 刀,何待買鄰 九十之儀。 鴈幣之恭。令女素習婦 既無嫌於齊鄭 千萬之費; 金 蘭之契; 將 永 告先 好 於 功, 合二 近 朱 某男 日 陳。 姓

内弟汪文可請婚薛氏書

令女夙 期。 兹始 尚 鄭之嫌 幾 權 五. 嘉 敘 世 禮 乃 閑 輿。 白 一之昌。 年之親,素聯 具 姆 有 既情話之相通 存, 訓 丛 ,從子某 任 何 之幸。 妨三者之備 瓜葛; 粗習 既 ,曾媒言之不費。 承 「家傳。 合二姓之好, 面 , 官占云吉 命 欲 了無 奉 婚 耦

沈虞卿侍郎女許陳氏書

兹 於三星,吳越相望,尚將杭於一葦 時,實有室有家之伊邇。 蘋 承 繁是 某 遂 人 松蘿之託。 襟期莫逆,久爲研席之交;臭味 訓 詩禮素 未習於婦 傳,稔聞 欣然承 容。 於父教 命,捨是 潘 喜納 楊 方睦,當 采 ; 焉 納 而 求 ? 幣 某 不 之同 女子 預 忘,

史侍郎女許秦氏書

禮 幸 權 多 儀 , 輿 逢 某人幼踈 知知 列鼎之家。 老矣縱心,猶有愛孫之念,爲之求耦 既 鳳占之協吉。 無 秦晉之卑,庶安家 姆訓,未習 某 人秀 深喜 出 組 潘 紃 相 楊 室。 門,素 之 荷 睦 又鄭 鴈 自 傳 幣 府 之 此 云

既無齊鄭之嫌」

漳納幣張氏書

柔日 而兒 風 之盟,喜宦遊之相 曹懷歸養之思。 合二姓之好,荷 洗末習。 幣帛將 意,娘 遇。 不辨 親 男女及時,幸勿愆 況老境篤抱孫之愛, 誼 於多儀 之甚高 尋十年 共存 素 於

季舅弟三女許顧氏書

某女幼 辱貽 始 兩成之,當謹結縭之戒 于今。 閶 鴈 居 幣。 里 閨 某 相 人 壼 望,其來已久; 未開 言决矣, 秀出輩流,方謹 纂 組 正 之工。 須 坦 婚 腹 詩禮之習 姻之好, 既 之求 協 鳳 ; 鳴 百 實

汪表兄之子請婚書

之儀,佇俟嘉期,終遂肥家之吉。 裔; 華 一姓是求,一 姻。 某 桑梓相望,夙敦 人 某 粗 傳家 素 言而決。 習 法, 婦 雅好; 功, 適 欲將厚意 得 將 八世 歸 金 蘭合契,幸 千 鳳 敢稽納幣 歲 凰 龍 之占。 魚之

婦弟知道長女許李氏書

乃 承某 盈 鳴之協吉 女幼習 屢 於百兩 人 辱於貽書。 里舍相 世 婦 傳 容 荷 願 望,曾未諧 儒業,況是太史公之外孫 未熟 鴈幣之先臨 爲 臭味 有室,庶仰 曹 大家之《女誡》。 既 於識 同 - ",婚 望於終身。 往送之門, 面 姻 3 媒言 敢後?伏 媿 某 知 鳳

少及兄女許舒氏書

喜色; 四三。 子某 習組紃 一,首勤 蚤 師 同聲相應,尚何媒妁之多言? 未 況一水之相望,宜 傳 友 鴈 詩禮 從游,爰自宿昔。婚 幣之臨 解大家之《女訓》。 尚 餘 佳 獨 耦 坐之儒 日 兩 一妃,但 家之合好。 姻求 既 風 恊 | 覺門 偶,至于 某 鳳 闌 女 鳴 之 幼 之

次女許鄭氏書

真是 兹諧 資 承 (亦善柔 某 甲 人 嘉耦之求。 鴈 塔題名,夙 辰 幼 之雌。 方親 而 歧 嶷,早有成人之風 慈母 惟 講同登之契; 鳳占恊 笑相過,片言 臭味 之訓。 之既 俱生 同,在禮 丙 而 午之歲, 決。 而某女 文而 伏

年,當展齊眉之敬。

宜

簡

御之百

兩

首

勤

納

幣

之

儀;

加

我

數

游 從子淶請婚 俠 潁 相 川 望 譙 一千載 陳氏書 或 均 之下,始諧 著聲 稱 9 孟

公君

卿

俱

姓之歡

某

治請婚吴氏書

是將。 氏 之 識 絲,喜有 北 伏 承 平之三世,素知 某 人 姻 親 出 之託 鄞 水 事 之外家,遂 鳳占云吉, 契之深; 歸 鴈 牽 張 幣 干

九五

姻之約

習家

傳。

7

無間

阻之言,遂定婚

人柔婉

有

聞

素閑

姆

訓

,而某孤榮自立,粗

幸

弦

叶吉,孰

云

齊鄭之嫌;

其或自今,益締

朱陳之好。

於東 大 既 我 締 無 ; 樓公之裔 交 非 加 於於 某 偶 之 男 延 嫌 陵 某 始 子之門; 生 台 有 Ш 夙 緣 之 二姓 之幸 傳 舍 相 爰 求 言 取 用 於 而 徼 決 吴。 福

書

合綦君論文書更生

憂禍 用 作 幸 長 不 無 甚 可 幾 吏 書 以 甚 虚 宦 薰 某 益 論文章大體 唇 游 講 心 來 覺 偶 雖粗 某少 聞 試 往 荒 來, 雋 然 吐 落 習舉 譽久 有 忽 不 一二,相與質 尚 死 馬 · 筆 意於此 一業,不 矣,兹承 何 以 半百。 力衮衮 足 至今日 以 過 而 言 欲 惠 正之。 重 大 精 此? 應 然 以 神 肯 有 過 舊 多 顧 所 司 \equiv 敝 學 來 而 之求 聞 年 教 書 厚 本 於 幸 以 意 間 謂 自 無

之妙。 俗中 歎 謂 致。 變。 柳子厚之稱韓文公,乃曰「文益 百 以 使人歎息悽 性 自 V. 長 加 베 一之良 其 謂 安以 是求之,不必惑於奇,而 中 奔 也 後 年,文章三變而後定,以 江 哉 所謂 故樂之未 以爲奇, 流 有 恠 東 亦 樂者 曾不 心。 浙 動 流 恠 異 或 湛 江之濤,蜀川 心 奇 於後 水之性本平,彼 不 謂 何 愴 知 而其 然 駭 奇」,二公豈不知 而 見 其 È 在 哀 ,至泣下霑襟者,然後以 而 目 世 其實則文之正 其 耶 既亡也 也 乃 以 平 之 怪 之樂矣。 ? ,與天 所 者, 思 觀 以 者,乃亡國 瞿 誠 清廟 之險,皆 古 史紀 爲 唐 地 [自若 其 先 是 平 遇 之瑟, 同 灔 妄 也 歸 求 , 風 其精 此 澦 和 意 此 體 非 奇」,文公亦 於平 其 也 ? 而 之 言 一之音 然 也 平。 論 有 可 者 文, 所 贵 尤 灔 意 也 文 唱 蓋 以 迫 者 於 水之 宋 有 遇 爲 謂 感 澦 在 唐 而 束 之 景 流 當 所 壑 深 奇 \equiv 聲 能 發 而

易以 皆 直 傳 策 渾 雖 無 讀之者,未必 郊、賈島之詩,窮 必 爲文,往往 文公知之矣, 訓 能 学、范 有 然 有 奇 士 ,必見高 ,然後爲文之正體,可 人言,言之而 》、《誥 處,正 觸 之氣 動 太 感切,不近 天成如此? 故古文之感 文人習 而 過 太史之《唐 無一 後 以 處 奇 崖 如 發。 深 作 澁 謂 懸 長 嗚 於哀 喜。 新 氣 瀑 極 難 其 語之奇 江 而 使 文人欲高 呼 之。 終 讀 粹 平. 而 數 鑑 益 所 人,如清 未 以 後 然 波平水静 平 千 工者 在 思者 快。 誠 贵 免 , 里, 以追 如 心 無 而 邪 出 可 平 視 ,悲憂憔悴之言, 伊 平 然 奇 乎? 韓 以 ? 者 於 來 廟 西己]1] 氣 則 險時 世,或挾 字之異,何 文公之文,非 ,過者以 傾 難 IE ^ 之瑟。 書 古作。 先 典》、《 和 駭 爲 某 爲 豪 至 生 觀 工 壯 理 物之害 本 其 之《 間 聽 若孟 爲 戰 謨 E 頓 不 奇 所 而 見, 敢 易 其 遽 詞 要 者 挫 無 或 自

> 亮之而 言 之氣 哉 ! 此 豈 欲 時 朝 意 有 ,以趨於平,亦朋 讀 以當足下之鋭,宜 氣 之鋭 安 足下之書,以 亦 喜怒哀樂之未發,與 在? 豪之不平? 甚 書 異 | 墮而 幸併思之。 矣。 暮 人之少 作 友相資之義也。 古人 則 其 其 歸 説 墮 多言 欲 之不 而 ,足下亦 夫平旦之氣, 寡 某 壯 媿 其 方 相 甚 墮 壯 過 似 惟 而 而 而 豈惟 味 未 將 老 某 足下 然 能 歸 之 如 文 時 顧

上宰相書代叔父

乎 而 私 人 或 前 某 見 聞 實 其 天 非 私 地 也 之 蓋 所 窮 其 冬沍 生 以 育 爲 寒,萬 長 天 養 地 以 者 物 爲 憔悴。 事 無 私 也 時

❶ 「而」,原殘,墨筆補字。殿本作「又」。

之力 於 宰 運 道 神 者。 分 失 材 略 而 不 萌 生 П 最 所 劇 在 行 自 几 不 而 挾 仰 躬 之生 蹇。 化 造 造 邑 海 知 而 東 是 父教之忠 贊 鑪 周 無 元 其 化 不 聖天子 當 物 而 錘 有 公 之 非 之外 憚 巍 佐 春 俟 而 未 偏 以 元 吐 仕 氣 巍 私 邊 其 嘗 磅 而 其 頗 造 握 勳 也 雖 必 郡 治 根 私 礴 有 化 生 + 粗 之 故 其 且 名 内 荄 寸卉之不 也 於 當 成 天 勞 餘 知 雖 生 恭 人 爲 治 餘 太 是 下 哉 綿 年 與 廉 之 惟 或 獨 外 潤 間 空 視 時 人 力 嵩 勤 某 融 後 之 疑 歷 猶 平 物 有 而 以 不 而 某 造 於 液 官 州 萌 朽 務 津 岱 有 未 自 足 受 衆 弼 物 浸 也 縣 枿 東 齊。 兀 IE 方 草 自 以 守 才 漬 亮 之 卉 者 枯 閤 夫 如 敢 H. 絶 爲 最 兩 私 株 Ł 聚 爲 不 於 木 費 庚 或 几 收 而 卑 任 朝 於 元 精 投 婦 拾 家 辰 不 終 施 造 雖 咸 此 之 賦 誠 之 之 足 經 使 兩 人 會 亦 生 物 無 有

> 矣, 私 萌 秉 次 城 可 窮 春 圃 化 之間 蘖 況 哉 報 於 正 仰 之 小 造 於 爐 方 猶 干 恩 今日 物 且 物 於 寒谷 朽 有 光 者 E 自 猶 而 枿 報 範 乎? 喜 而 當 之 亦 枯 枯 之 罷 萌 備 贵 縻 者 株 黍 門 之 蘖 大費 用 捐 有 吹之 願 9 之得 命 彼 於 蒙 累 大 以 吹 後 大 於 使 報 派 造化 生 今 律 派 生 造 相 萬 日 者 雖 相 化 日 擴 肯 之力。 之來 吹 猶 哉 望 恩 無 使 之 能 造 私 成 某 之造 使 嘘之,若 就 其 大 俾 天 遂 之長 地 老 窮 派 倅 而 相 不 使 於 甚 需 宣

上宰相書代人

示 是 易 後 知 《易 世 天 出出 地 》之作 費 後 萬 神 世 物 明 好 亦 言 惟 然 明 機 其 於 其. 而 時 卦 所 不 謂 言 베 及 當 E 時 時 其 必 矣 大 可 以 之 其 聖 爲 時 義 人 機 作 即 以 用

者 當 休 幾 之 下 則 宰 物 無 物 之,或後之。 泊 機 幾 而 - , 然其 庶 然。 之 者 促 者 氣 私 生 氣 惟 亦 相 也 妖 勞 操 焉 象 物 而 動 績 惟 似 竊 時 見 之時之聽 我 矣 造 己。 之 也。 此 也 恐 時 以 自 自 化 矣。 之 微 几 失之。 贵 爲 窮 達 而 之 時 用 故 天之於物 推 妄者以 非 可 不 自 面 草 自 柄 方今聖賢 當 捨 以 然 也 無 機 達 天 夫 品品 行 觀 時 何言 時 自 者 木 然後 夫不 萬 言 爲 品 聖 則 百 爲 進 也 事 尚 物 然 華 物 機 出 求之邪 奇 之 自 哉 相 之 爾 言 欲 實 自 乎 被 則 不 事 爲 要。 退 遇 變, 澤之 以 各 自 近 煩 生 幾 物 瑞 若 而 千 四 天 智 智 然 於 ? 有 而 後 之 而 況 其 時 不 心 者 力 其 載 力 人 不 芸 世 聽 於 則 相 運元 行 實 我 爲 由 時 言 芸 之 公上 其 人 付 而 時 則 乎 機 乎 之 待 於 時 或 心 氣 所 王 我 神 化 反, ? 佐 之 先 於 休 天 前 白 象 謂

之時 乎 以 冠 嶠 軸 賤 其 中 下 龍 此 天 H 人 坐 智 子 日 , 寔 時 久 風 虎 相 則 而 而 矣, 乎 誤 榜 公 以 處 真 掃 年于 下 不 故 不 之下 之所 之, ? 門 觀 미 蒙 相 敢 有 理 敢 某 萬 以 兹 其 則 造 求 相 敢 知 有 萬 辱 物 以 陳 言 聞 矣。 且 命 誦 公 志 遇 務 求 在 之 大 命 將 達 言 於 베 則 動 泥 也 矣, 几 不 見 於 雖 面 未 相 所 相 古 植 塗 海 某 勝 時 便 有 公 日 公之 聞 \exists 惟 某 之 隨 適 其 其 造 有 雖 之 於 爲 相 何 求 其 今者 應 在 命 權 曲 門。 知 欲 平. 今 者 公 於 有 時 成 心 相 矜 提 爲 日 非 日 之 相 之意 究 收 制 公 0 相 張 者 撕 其 而 時 公 召 口 中 極 之 公 權 於 本 進 以 不 曩 杜 化 魂 而 秉 不 兹 衆 者 獻 可。 Щ 應 原 魄 遺 非 門 鈞 屢 或 人 猥 焉 之 在 微 拜 古 當 非 今 某 彈 叨 海

● 「者爲」,殿本作「爲者」。

俟命。 鳴 如 益 蟋 蟀 有 之秋 不 容自 吟, 非 已 敢 者。● 鳴 其 干 不 冒 平 鈞 也 嚴,俯 時 焉 伏 當

上蔣參政書代范孝隆

門户 腹哉? 哉? 公卿 之溺 之心 此 下之心 二君子 下之飢 心 則 ? 世 何與 爲 某 而 聞 孜孜汲汲,罄竭以拯天下,凡能以天 何 家爲之子孫者,孰 人之所同也。 心,而以 爲心,而 其 而 其 與 君子之所以得人心者,能 禹 願 其 心 稷 事 之從 心視 視 馬馬 事 天下之溺 吾之心爲天下之心。 以吾之心爲天下之心也 稷 贵 違,係乎子 天 下 豊 無一席之地 夫己欲 ·之飢 無 ,猶己 不願 飽 ,猶己飢之也。 立 孫 之計 自 溺 之賢 而 植 以 之 立人,己 容其 文 以 以 也 否,然 天下 以 充其 天下 足 振 天

> 仁人見之,得無動心乎? 夫己已立而人或未立,己已達而人或未達,欲達而達人,吾夫子以爲仁人之用心。況

卒 科,以詞 明之學。 華之選。 豔 代不乏人,以 具在史册。 魏公勳業譽 虚 嘉,足以 者,無 以 席 此 而 恭惟某官懷絕世之才,輔之以 取 論 不 章 配 凡書生之所夢寐,而古人之所歆 文章雅奥,足以規 卿 相 親 鳴 泉、 子子 望 相 9 歷之。 至 海内,優游 爲 ,蔣氏之家聲日大以肆,天下 閣 稷。 于閣下。 孫 前 下 孫 朝 其 領宥 人望益 是 選 第 續 矣。 一等 都 密 閤 是 城 姚、姒 隆 下 參 似 人 仰 中, 主 以 態 機 持 惟 極 經 政。 先 眷益深。 橐 炳 天 謀 碩大光 術 正 擁 俊 下 魁 天子 太師 謨 麾 偉 清 儒 忠

- ●「益」,殿本作「蓋」。
- ❷ 「子」,原作「下」,據殿本改。

下 能 孫 閤 以 是 修播 可 品 是 下 閣 以 知 品 謂 下其念之也 穫之職 \pm 魏 之 盛 公之 佐 軒 矣。 É 冕 有 負 爲 顛 有 孫 必 事 人 沛 矣。 意 而 焉,業弓冶之餘, 流 於 悶 然 離 尊 下 如 而 之光 主 閤 叫 庇 F 呼 于 民 之爲 扳援 前 固 人 於門 人 而 不 也 弗 子 以

矣。 衰落 聞 州 於 以 亦 心 子 家學 達 縣 惟 縉 不 ,終身不 風 ? 間 紳 在 伏 罷 遽 節 官三 取世 之列 第 念某先 弟相 惟是 己 翹 退 少衰。 然有 至 年 一揣 科 流 此 痛 與 委 庸 加 也 派 固 念 聞 爲 幾 虚 之憂 相 先 靡 致 窮 至今數紹 命, 無 之質 惟 妙 丞 闒 H 位 面 是諸 又 患 相 年 里。 茸, 目 E 育顧 皆 相 之迹 自 又不 辛。 以 木 仍 孤 非 興 布 何 上先 躓 不 未 中 日 衣 足以 憂 能 肖 連 絶 陳 興 國 以 兄 少 意榮 蹇, 名臣 之丘 求 既 策 淪 [愛君 自 而 干 當 碌 門 謝 振 不 望 壟 世 碌 拔 能 然 之 天 户 相

> 引手 者。」 某也 其 士之 欲 不 四 乎?」或曰 時 顧 而 而 公矣。」問 心 了;何 世 當 可 没 之 勢 計 故今日之來,索手 巖 則禹 路 没不振 於 也 位 釋然悟 耶 心於門下者多矣,豈 内 未 如 ?]某 巖 伏惟 之心、稷之心 其 有 溝 霄 相 : 如 家 日 爲 之際, 壤 「子於蔣 望 躍 此 世 應之日 之 有 之隔 如 然 慈 則 聞 地 以 此。 喜, 薰 使 者 於 此 然, 公之門,無一日之舊 他 . 日 無 子乃 太 人 求之,其 某 也。 故 吾 日 :「吾之窮其 垂 師 日 以 親 不 有 特 德 自 聞 魏 公與 以 先 得 某 以 於不 見,不自 蔣 公之孫 爲 派 朝 必 己 哉 少 公之爲 往 相 魏 廷 有 而 見 報 之子 必得 公相 大 以 爲 於世。 之所 曾 少 知 哀 用 此 也 廖 所 待 其 我 去 蔣

0 殿本作「爲」。

歸

九六二

上洪丞相書代表兄孫公和

呼 然 如 天 子 何 於 於 節 報 孫 愛 嘗 齊。 亦 魯 臧 ! 某 媿 施 碩 有 君 管 彼 排 已如 之, 聞 大 意 方二子之爲 合 皆 大 繁 於 仲 臧 禮 子 難 必 此 受 衍 天 徼 孫 時 而 功 擁 下 諫 福 陪 君 佑 相 成 矧 卿 君 也 臣 其 子 神 而 本 此 木 之 以 効 後 己 祐 此 朝 也 讒 禮 德 百 能 亦 鉅 小 光 身不 求 贵 逆 而 而 公, 忠 明 順 盡 徼 君 知 君 俊 得 以 徇 不 乎人臣之事 子 福之具 子 於 偉 期 常 身 有 知 知 未 禮 自 爲 徇 其 亦 然。 其 至 國 · 何 於 非 哉 世 有 時 建 止 天 嗚 祀 而 1 後

知 南 致 狩 恭 身 贃 惟 華 馭 先 近 未 Œ 返, 内 相 此 日 忠宣公以文學志 正主 當 黠 憂 虜 臣 倉卒 辱、士 之變, 君 誼 子 翠 結 畢 華 主

權 之 衆 公者 忠 洪 下。 落 德 保 不 壓 助 金 宣 命 一公毅 厚 能 宣 氏 聳 臣 門之秀 順 石 屈 望 家 効 圃 駸 之 亦 之 此 室 能 勝 公之報 强 古 死 中 佑 而 天,方 盟 然 名 之 雖 計 貶 E 不 駸 昭 心 南 我 連 聳 自 廷 際 其 在 大 昭 還 北 無 而 或 如丹,愧 之虜 服 奮 位 丞 忠宣 中 用 而 家 可 家 長 肯 無 夷裔 仗 相 而 示 宏 讒 知 爲 樂 煙 有 出 而 爲 肉 一公還 博 節 爲 洪 之 火 不 萬 犬羊 食 生賢 故 人 餘 善之 異 蓋 而 請 警 駕 氏 知 死 者 图 雖 事 朝 科 派 專 行 之 以 適 類 佐 誰 而 間 極 利 被被 相 對 不 嚮 書 所 洪 而 報 多 前 奪 之功 觸 首 也 正 者 四 以 太 氏 或 口 選 之 險 以 辩 三十 此 所 斥 者 大 海 之文遂 Ŀ П 氣 耎 文章 也? 阻 權 皇 以 其 由 不 又 天 挺 蓄 臣 卒 年 報 足 復 帝 所 是 節 獨 鳴 縮 擅 之 寵 人 忠 上 邊 旄 以 平 , 以 我 或 能 知 天 爲 故 侈 天 鄙 締 彈 時 盡 忠 遇 而

之 窮 明 以 施 所 虚 軻 登 抑 瞻 之 常 顯 用 勝 良 席 其 而 學, 望 之。 理 身 相 成 翺 福 久 皆 遇 忠宣 負 善 翔 至 而 卒 干 未 人 禍 伊 閱 華 不 之覆 幾 一之大 載 所 吕 淫 要 歲 知 而 不 之 口 而 13 金 朝 此 功,天 時 謂 能 材 結 所 甌 古 狂 差 及 兩 以 決 今之 更 耶 周 秉 宫 於 非 化 ? 旋 一之眷 魁 由 此 偶 其. 所 是 外 柄 恭 金 不 然 後 未 者 服 爲 輔 惟 者 昆 聞 無 中 比 天 某 m 玉 丞 意 者 興 定 是 而 降 季 官 相 也 於 雖 槐 巖 復 几 以 繼 也 無 報 鉉 石 丘 海 踵 有

覩 有 袐 埃 牘 吏 以以 滅 部 以 見 先 某早 先 某 俟 而 先 吏 吏 不 忠宣 今 受 部 佞 世 部 日 忠 之 流 既 公 契 離 宣 介鄙 捐 咫 是 不 公之 兵 館 尺 敢 爲 之書 火之 舍 人, 躬 知 不 自 某 無 厚 餘 藏 裝 君 雖 所 去 故 亦 褫 子 取 無 巾 時 交 以 材 似 百 箱 情 少 圕 拜 裨 亦 爛 籍 見 獨 以 門 知 於 念 然 往 獻 先 F 寶 往 尺 可

哀之。 孥 知 心。 力 年 傅 切 陸 未 千 也 手 水 如 起 惴惴 切 累 · 困 日 漆 施 家 將 載 澤 不 先 之素 Ż 某 於 恭 繼 振於 爲 於 忠 惴 几 不 而 吏 而 富 亦 中 惟 數 遠 足 衍 壁 鯁 猶 朝 不 部 當 派 窮 興 干 次 肖 獨 爲 家 枵 夕 强 摩 仰 亦 相 比 里之 困 哀 立 慶 之官 之 今 然 自 之 惟 不 頂 所 竭 之 於 於 終終 孤 日 植 幾 閤 掃 放 以 當 誠 適 地 無 綿 有 道 又 於 立 謀 踵 下 填 節 舍 後 遠 用 期 0 不 以 以以 仁 溝 4 以 人 之 則 以 結 矣 能 痛 郡 圖 之 慈 進 壑 相 高 八 荷 草 念 効 小 門 薰 古 葉 天 誼 而 斗 萬 先 之 道 飽 振 人 將 子 者 然 偏 爲 宰 絶 升。 吏 亦 報 援 于 奉 親 俗 親 相 0 軫 部 鞏 猶 歎 天 後 然喜懼 榮者, 板 垂 惟 得 九 念 寒 F 以 E 其 或 爲 輿, 閤 原 之 先 官 宦 餘 筆 士 世 勢 有 下 有 之 携 歸 餘 世 尤 安 菽 路 硯 於 1 内 大

九

四

上趙憲書代趙推

博習 宗 天子 十 三 親 祖 訓 天 其 室 無 之科。 之。 之 神宗 下 何 强 雖 他 之士 道 不 以 親 有 或 又搜舉 人 某 敦 周 噫 加 聞 才 親 盡 以 强 不 人才 厚 以 ? 之 而 疏 賢 我 ! 天下 日 如 其 不 宗 謂 同 爲 不 宗故 使 賢 以 尤 得 班 姓 我 如 强 私 也 不 受 之義 益 試 才能 親 班 日 乎? 封 蓋 封 可 以 衆 姓 周 親 於 爵 以 爲 得 者 以 則 者 , 公相 _, 是設 不 爲 禄 私 賢 以 未 五. 與 無 擢 强 如 日 廪, 强 + 自 也 寒 競 武 真周 人皆 教養 賢。 也 \equiv 見。 也 務 瓜 雋 維 王 0 乃 極 瓞 並 之法 ^ 人, 宗 行 而 日 封 近 復 我 詩 隆 驅 不 . ,授之以 而 歲 慨 或 姬 異 四 賢 争 日 非 日 家 修 開 念 方 周 姓 焉 衡 賢 潔 選 宗 親 聖 其 葛 贵 以 Ŧi.

> 之義 中 持 廉 勤 蚤 就 州 胸 朝 爲 高 以 立 石 夕論 歲 之, 邑 之。 節 百 中 朝 光 義 勤 無 閒、平、 足 戰 一之吏,視 自 擁 士 而 慷 明 自 俾 以 有 思 在 孤 夫 慨 俊 麾之寄, 飭 以 資 有 始 ,自此 中 定 數 偉之才 之儒 仰 不 得 其 以 薄 E 爲鯁亮之臣 論 當 贊 天 身,攻 自 乎雲 奉 敢 升矣。 雅,勉、石 世賢者, 族之可 朝廷之盛 視 見 官 孀 少 然人 於 有 親 輔 越 天 苦 爲 世 周 下 下 規 之 9 才 讀 激 以 寮 在 無 矩 必 勁 以 方 則 濁 之 書, 收 矣。 于 撫 媿 之外 氣 淵 以 賴 親 事 揚 外 拾 滋 幼 不 焉 門 峥 源 親 清 業 者 以 爲 某 弟 能 亦 嶸 該 之 主 F 踈 長 循 以 閤 恭 自 顧 爲 幾 道 盟 良 族 洽之學。 爲 家 沮 惟 養 己。 爲 下 之吏。 賢 稱 年 無 終身 乎 某 四 儻 閤 誠 而 首 似 金 官 辛 賢 壁 從 F 優 成

他

H

有

望

於

門

下

之

開

其

首受知於宗英,其必有 於舉士之際,多 之 今日 他 有 裾 類 有 顧 進 而 始 爲 於 一之遇, 人 望矣。 當 宗 旅 未 乎 爲 可 自 必 若 ? 世 進 每 敢 Ш 惜 族 獻 指之而 天 天 明 自 其終之, 非 求 然 九 之末 今日 者 以 公以 念言 故 以 徒 知 仞 壤勢異 垂 誠 所 某 取 以 ; 之 成 日 以 爲 功 尤 平 此 以 是 部 親 進 爲 則 之 致 贵 虧 日 也 所 問 使 親 辭。 是 九 之 宜 引 在 古 望 矜 惟 者 下 聲 無 范 官, 環 干 尤 天 臣 載 則 重 不 上 子,以 名 視 載之 爲 孰 前 及 之? 嵇 在 叔 而 之 垂 滿天下 前 用 某 樞 紹 能 蹭 今之時 身, 寒者 後 史,以 聞 意 密 不 故窮 蹬 共 振 則 此 也。 孤 念 連 無 起 起 從 代 子 蹇,絶 有 所 爲 則 之? 中 絶 4 而 人 伏 而 秉大 桑 美 以 相 綈 優 長 興 無 收 念某門 之 談 能 袍 旃 卹 之 可 八政,行 其 而 人數等, 恭 飢 達 之 之惠 主 功。 録 僅

假

寵

乞

靈

,某之寸

進

子

也

前

不

敢

爲

不

肖, 以

幸

F

也

古

語

有

惟

某官

道

德

配

古人,

公道

行

將

X

相

明

而

獨

於

故

舊

之

情

寥

寥

高

風

非

當

世大

戲

亦

能

封

叔

敖之子

有

者

也

故

Ш

公

在

憐。

儻

引

而

進之,則

子

孫

此古

人之

所

甚

則

相

引。

或故

舊

之

方

主

張

公

道

),愛惜

士

不

可

以

冒

干

然

而

決

重

也

閤

下

按

臨

曳

者

有

裹

飯

之仁

9

憐

故

舊

之情

誰

順

孤

寒之

難

於

進

蓋

未

冠

蓋

相

望

而

棄

之

不

羞

史

君

察

其

無

他

簣

故

土

君子

嗚

呼

九

仞

之

虧

固

仞

者

,

由

覆

簣

而

盟

吾

道

而

振

風

教

於

,緒衰

微

生

涯

淪

獨

賴

先

世

一遺

澤

得

战

名

仕版

今幾

之地 堂 是 者 古 獨 最 宰 於 歲 去。 三十 比 東 底 極 此 自 E 剡 賴 初 月之换 徙 之 深 以 而 蒙 繒 前 進 谿 棄 計 則 地 年 痛 重 轉 有 閣下之所 眷 者 今日 念 以 矣。 時 退 獲 於 貌 有 閣 寓 尚 顧 閤 先 久 末 百 溝 而 龃 狼 下 然 於 誰 之厚 居 官 頃 下 契 君之後零 不 壑 閤 寸進 狽之憂。 數 越 咎 者 擁 浙 肖 也 使 下 何 而 宜 之 千 哉 西 麾 得 愈茫 之 某 謂某爲 有 某 足 動 屬 里 毗 闕 孤 方 遭 同 不 也 恃 心 邑, 陵 桂 1 閤 去 耐 於 茫 然 坐 微 僚 也 此 貧 林 F 如 偏 某 之 矣。 羈 歲 故人之子 今 猶 以 賤 以 悴 契 絃 許 單 親 得 待 邊 日 無 踈 有 進 然 無 歌 警, 分奇 可 以 遠 策 垂 次 伸 冀 閤 今欲 君 而 聊 桑 武 則 憐 白 數 喙 寒 子 下 尾 荷 有 9 才薄, 城 梓 載 而 灰 方 至 之 不 之 夫 百 知 忽 無 修 復 惻 門 炎 於 先 率 僚 坐 遇 堪 不 望 與 敬 鳴 君 然 然 之 荒 ? 爲 失 皆 此 爲 遠 廟 知 嶺

之手。 滯 興 幸 敢 冒 甚 憐 淹 之喜。 鈇 伏 鉞 舉 惟 手 以 薰然之慈, 今 Ŧ 力耳 也 造化 某 之窮益 今日 有 品 以 品 之進 甚 之命 憐之振之,不 不 而 垂 閤 爲 一於閣 下 無 振

因

拔

下

勝

上 宰 相 書代人

焉 數 枯 壑 屬 養 闑 非 小才 中, 店 此 + 而 若樸樕· 中 楔 百 不 某 責 風 之 能 者 益 聞 年 其 雨 用 勝 腴 優 養 耐 之所 拱 小木,欲求近 才之 也 之。 不 以 磊 把 知 爲 砢 侵 椓 然 法 其 譬之植 棟 多 蝕 杙 爲 不 幾 梁 節 霜雪、 之用 巨 而 目 故 室 也, 木, 用,荷 不 而 必 也 者 之所 撓 材 養 彼 有 大 棟 益 生 楩 不 養 摧 明 梁 剛 才者 植 於 小 柟 之外 夫 堂 抑 根 材 陰 檜 之 勞之, 於膏 之法 然 外 崖 栢 柱 椳 後 之 益 絶

而

莫

敢

辨

某

亦

宜

而

時

旁

煩

居

無

何

而

以

罪

亦

不

敢

以

爲

勞

且.

官 學 是 觀 把 之 拔 都 近 不 者 才 新 箴 才 冗 去 平. 無 莫 人 遂 之 茹 敢 小 用 田 之法 自 以 時 也 其 材 自 未 於 者 于 大 不 計 從 退 方 成 碌 亦 生 易 明 流 必 用 而 搤 念 事 H 可 也 碌 此 長 Ľ 以 以 俗 小 志 先 腕 妄 而 躬 猥 以 菑 亦 矣 速 勞 則 太 庸 而 亦 爲 ^ 朱 備 以 概 大 思 愐 畝 小 大 其 息 將 志 均 孱 出 賞 以 或 孟. 有 何 論 雅 筋 枯 謬 輸 亦 故 墨 家 此 知 尺 功 延 子 世 也 骨 之 小 **>** 悴 登 養 人 寸 名 之 必 其 獲 日 職 之 以 自 使 仕 伏 先 小 餓 冤 戾 故 萎 坐 公 虜 手 摧 甘 下 遂 相 歸 遁 天 也 復 廢 而 而 而 之 之 下 猶 折 遭 之 收 公 耶 \mathbb{H} 棲 如 用 之物 恭 於 日 奉 今 録 ? 相 陰 頃 里 孜 風 棲 鳳 之 受 H 孜 惟 寵 無 心 1 室 于 噫 幾 如 凰 棄之, 耶 皆 某官 霜 遇 也 以 相 用 比 飛 1 有 今 不 麒 雪之所 之 撫 人 公之 者 則 在 數 自 鳥之依 Ŧī. 麟 材 存 以 某 重 地 起 陶 則 他 百 年 聊 之非 念 爲 之 不

賜

者

不

知

其

幾

干

萬

某

孤

危

之

迹

屢

玷

大造

H

也

今

Ħ

以

窮

來

意,不倦

吐

握

之

勤

此

唐

出

而

鴞

怪

狐

妖

自

然

逃

東

Ш

以

鎮

壓

屈

彊

不

廷

之

冶

而

進

退

+

大

夫

於

舉

是大

君

子

所

宜

動

心

焉

者

戕

置

之陰

崖

絶

壑

將

遂

世

出

之才

輔

贊

网

朝

舉

勞之

而

苦

其

成

才之法

也

才

大

薄言采

世,

于

彼

其

體

膚

此

養

大

苶

蕩

然

雖

求

拱

之

指

而

木

啼

號

之

泊

H

鳴

呼

是

樸

樕之才,

!

0

堂

有

八

+

之

13:

베

闕

旨

天

將

降

大

任

於

腴

壤

墳

之

地

使

令,

雖

不

能

卓

然

期

謹

守

父教

見

於

世

比

仕

中

念

某

生

無

奇

必

先

優

之

而

責

其

版

幾

四

+

年

矣。

遂

將

槁

項

黄

馘

與

糞

壤

俱

H

心

有

尺

7

之

効

以

報

此

來

則

窮

甚

矣

公

相

人,人將憐之,

耐

況

攻媿先生文集卷第六十四

四明樓鑰大防

答朱晦菴書

書

伏 年 先 台 後 赴 蒙 範 知 生 師 賦 席 遂 起 某 與 官 鎮 進 歸 伏 無 永 臨 自 紀 某 加 由 嘉 漳 壬 矣。 以 進 亦 寅 俱 才 宴 拜 繼 夏 青 聞 犒 遭 不 間 得 台 外 時 天 獲 修 得 白 艱 旆 侍 敬 門 拜 日 造 沉 博 紹 下 記 朝 奴 迷 約 興 所著作 史之問 之誨。 隸 憂 臺 己 患 知 治 復 仰 之下 還 0 未幾 誦 請 後 Ш 數 詠 歎 違

之,日 之言 媿 蓋 子 坐針 用 接 大 先 季 賤 菴 世 少 退 探 赴 不 如 姓 乃 辭 見 得 生 通 師 索 乎? 定 能 \equiv 伏 故 名 楚 氊 不 表 尚 9 嘗見講 未 悃 交日 孱瑣 入脩 今日 州 寧 謁 ,亦言軫記 未 有 愊 使 庶 古 户 好 其 不 其 以 諸公 E 知 幾 曹 淺 之資 門, 筵 親 便 遂 來 端 在 自 敢 慙 班 箇 師 方 而 耶 弟子 推 揆 累 惕 免於 或 退 不 去 蕪 承 ? 見即 謀 遷 得 而 感著 以 牘 之意 黄黄 類之詞 處 之 之列。 益 至 下 以 足 戾 爲 以 某學 · 吾 願 言嘗 諸 夕郎 麾 此 已 之不 者。 以 爲 可 多 節 立 苛 晚 曹 教 公無 殖 不 大 進 對 仰 拜 强 欲 禮 出 暇 表 雷 冒 而 荒 一人浩歎 季 床 惟 起 無 足 兄 霆 何 處 況 不有先登之 踈 得 通 門 下, 補 名 之下 以 顧 蔡 陳 以 此。 得 警 信德,爲 歸 於 下 代 季 蒙 無 雖 得 舍 親 誨 君 或或 絲 敢 所 承 炙 此 战 人 庶 通 如 之 綸 使 問 顔 幾 於 及 晦 此 傾 H 口

當 熟 知 觀 摳 所 衣 歸 無 以 從 不 請 加 勝 伏 請 幸 紙 甚 亦 馳誠之切 託 ^ 易 季 學 通 啓 寓 蒙 1 意 美之 書 反 復 何

答杜仲高書游

意。 琴 + 荷 以 惠 祠 延 軀 足 ·者其 故 Ė 不 雖 痛 禄 書 某向 深 以 左 來 而 翅 仰 然非 書 自 家 腕 遮 九 慰以 足 以 不 掌作 者 論 呻 娱 眼 矣。 奉 從 吟。」其 出 天 所 奕 荷 떼 九 政 處 街 敢 棋 況 唇 醮 + 二,但 大 某杜 當 可 老 花 詞 之親 致 況 别, 也。 以 態 \exists 云 當當 口 門 意 遣 忽 不 日 . 虞 知 俯 寄示 甚 却 日 見 口 忽 侍 ,近 四 篤 掃 以 視 四 此 厀 肢 夏 新 荷荷 方 自 細 五. 外 下。 詞 秋 詩 稍 而 適 字 E 年。 甚 間 安。 不 快讀 矣。 暇 恩 偉 不 痛 病 肖 以 兹 日 再 楚, 之 九 畀 降 經 則 佩 鼓 辱

己。 之爲 其詩 之 嘆 域。 唐人 中 像 疲 詩 種 置是事,且説 少陵之微意 編 歎 元 ,再拜 精 誦 肺 語 氣 韓之文 詩用 八多能 IE, 近世 侔 村 肝。 若詩與文 竭 之數過 詩 杜 夫子 ,蓋極言詩 神 人以 涕 詩 謂 部之詩 書 兼 意之大,東坡 各自 士 泗 集 其 者,固 非 非 卓 備 夫 如 來 杜 歐 注 流」,正 語 可 衆 水 王 詩 淺 乎 未 名家,終不 真 似 體 等 虞、褚、薛 右 墨 以 之 自 識 高 ,以寄遠 有 稷 間 軍之書,皆古今一人而 書 者所 有 難 力 積 哉 高 爲 如 恨 謂 致。 言 取 參造化之妙 (茅 習之工 契 見層 子 未 自 及。 耐 輩 賢 美者 然 懷 是 盡 屋 是稷 若 强 足 爾 出 Ξ 父子真 如何? 其 見 爲 日 來 進之耶 一, 類 以 不 荆 · • 秋 尤 書云 ^ 望 皆 公以 所 契等輩 唐 不 可 風 穎 發 右 足 别 極 以 史 端 甚 所 微 ? 異 云 杜之 軍 拜 以 是 爲 口 **>** 破 至。 \Rightarrow 閩 贊 公 詆 姑 發 稱 П 與

之詩 中 注 雖 非 没 見 亦 難 也。 名 以 忠 Ħ. Z 連 愛 甚 博 非 其 如 0 公 爲 義 一,末篇 雲 自 之過 若 考回 詳 詩 實,未 然 詩 此 中 感 意 屯 誅 略 恐 直 之大 擬 人 慨 而 其 竟 左 褒 不 更 未 鶻 甚 以 冠 ,憂世 X 不 偶 姐 輔 有 不 注 尤 試 免 之俗 E 0 節 必 可 冕 有 得 佳 釋 人 思 瞠 百 比 此 辨 於 積 前 其 歎 能 憤 因 之, 若 里 老 禹、 後 其 者 雪 輩 衣 書。 發 四 激 併 見 乎 人 誦 如 稷, 倫 冠 爾 嘗 非 此 明 及之。 積 後 著 不已。 在 至 皆白 嘗與 稱 面 舊 者。 雪。」 與 以 飯 其 意 蓋 之, 言 此 有 八孔、孟 亦 言 形 之論 奔 不 花 **一留** 難 ^ 下 未 不 以 故 而 取 發 門 又 似 忘 逸 倅 與 能 必 連 趙 陳 記 微 君 花 絶 之進退 即 及 不 養 亦 敢 次 究 屯 將 門》 此 塵 П 先 知 直 有 此 公之 如 左 軍 也 鶻 聖 者 此 之 亦 雖 其 輔 睘 詩 口 事 也 詳 不 者 鄙 道 爲 所 諸 雜 所 止 . 如 則 而

終 來 物 食 方 佳 北 江 江 有 此 百 流 玉 如 以 椑 甚 花 覺 0 水 好 處 河 至 里 而 故 内 事 也。 語 如 閬 多 椑 何 非 下 極 州 對 云 然。 者 爲 州 積 所 其 意 城 大 . 面 兩 正 欲 佳 問之土人 精 雪 西 似 土 即 問 岸 出 北 爲 彩 嘉 地 句 然, 宜 面 錦 黄 勢 之 閬 陵 折 頓 皆 9 然誤 屏 色照 不 無 平 解 本 州 别 蜀 而 水 Ш Ш 既 7,云工 闊 作 嘲 中 趨 水 0 矣。 耀 故 活 多 南 爲 杜 又 有 何 蓋 江 Ш 乎? 者 嘗 亦 詩 此 真 所 水」者 部 曾 横 於 流 Ш 謂 與 平 所 似 似 舒 其 既 流 如 親 之 又 ? 蜀 謂 以 緩 處 誤 橘 到 石 而 閬 云 石 是 士 此 城城 柚 黛 東, 大 以 蒼 黄 黄 黛 一黄 中 意 爲 溪 種 日 =其 知 碧 文 後 南 水 蓋 讀 閬 橘 橘 . 實 橘 叔 嘉 玉 折 嘉 如 IE 之, 内 柚 柚 當 乃 裳 陵 此 相 碧 陵 柚 順 而

■「後」,殿本作「復」。

併 詩 助 大 異 依 道 也 甫 0 聞 真 信 問 之 信 筆 萬 絶 爲 爲 唱 荷 報 也 又 0 信 惟 此 爲 乎 皆 遠 不 前 業 行 所 自 萬 未 厚。 里 聞 不 會 口 恐 昆 讀 口 仲 杜 以

答柴殿院之子楙書

得 況 旅 其 非 奉 求 觀 來 決 其 之。 中 理 如 也 不 不 散 詳 説 知 先 某 遺 不 大夫以 之。 澤 殿 是 口 可 承 布 而 皆 行 長 院 以 不 之。 豈 未 倖 得 某 書 厚 則 不 之貺 嘗 上 德 望 則 自 遺 屬 願 一方得 問 使 叨 前 表 息 必 奉 識 胥 典 輩 自 悉 且 心 輩 選 周 一名。 不 從 示 幸及 而 以 旋? 識 施 官之外 歸 底 凡 以 行 且. 同 事 求 藴 滯 若先 若 重 朝 盡 明 案 \blacksquare 日 告之, 蒙 ,今見賢 吾 必 至 甚 舊 殿 毋徒 垂 職 詳 不 前 院 H 諭 可 而 必 使 爲 生 惟 品 不 行 前 子 逆 知 究 品 中

朝 之 之求 勘 以 想 理 該 官 恩 以 遺 議 朝 持 同 館 奉 致 是 未 表 告 磨勘 不 澤, 議 0 爲 也 服 則 則某之外 帶 郎 其 能 蓋 仕 以 大 時 0 時 未 知 蓋 尚 之下。 夫數 其 決 轉 貼 説 某 有 何 告 及 無 中 可 然 中 寓 職 名 之 人 未 下 所 此 奉 者 料 奉 年 爲 直 朝 虞 親 據 祖 下 法 大 理 之 以 議 龍 若 君 大夫之人 況 而 伯 汪 則 而 也 大夫 地 夫之告 先 啚 而 已 終 終 父 猶 公帶 捨 後 無 閣 言 以 得 殿 承 於 紹 有 致 此 來 緣 與不 亦 致 院 議 朝 虞氏 其 乃 直 興 仕 則 教 可 所 己 仕 郎 議 所 則 未 寓 在 \equiv 顯 得 無 帶 所 未 下 恩 之例 大 寓 苟 直 朝 + 謨 無 謂 説 嘗 也 貼 聞 澤 之 夫 未授 之 請 閣 矣 未 可 敢 職 也 職 高 也, 大 年 及 得 而 觀 亦 職 陳 人 + 告, 夫之上, 遺 E 事 欲 故 尊 合 授 則 以 乞 亦 何 不 年 澤之 以 特 嘗 意 敢 下 爲 體 猶 比 遺 也 而 猶 此 爲 求 轉 在 與 所 磨 E 表 捐 几 朝

爲 更得 知 營,則某之所不安也。 報,切幸加亮。 其 遺表 不 可 而 一官,求之法例,無 不 以 明告,徒使 病中草草,授 左 耐 右 可 久 筆 吏以 旅 既 誉 必

答趙共父書

皆取其説,然尚有當言者。 閻,誠然誠然。某雅好吴氏《詩補音》,今者 《易補音》之作,所謂鮮不抵掌指爲迂

圓 公」,謂《詩》叶「蓬」、「豵」,則上音「葭」、 即 車」之音「斤於」,韋 豝」又尚 處,不若全用,或節去不 鹿 、《易》則 如 無虞」,不叶「中」字亦可。若以音「五 幡 何 幡」之下注文用之不 叶 ? 有 不 此 必 昭 叶 音可去之。 之辯,只 者,又不可 甚 親切者。 得 盡 寫《詩 一,似有 强 《詩》必 通 也 如 未

> 叶也。 取《詩 爲賊,敵乃可服」,作「蒲北 字,方悟《漢書》「順天者昌,逆天者亡。名其 降之百殃」之類甚多。 音》全文,節之意 謨洋洋,嘉言孔彰。 吴氏之意 心」,思尋切。 不待勉强牽屬 韻,跋語所謂「言出 者富,强行者 民」,豈誤音耶?《小畜·象》「獨富」,乃 · 瞻印》補音内引《老子》二項,「知足 注 中 不可 引《易林》、《太玄》乃叶「隣」、 此 有志」可 而自中音節」者極然。 通,不若易之。 不可 不 曉。 而聲諧,● 作善降之百祥,作不善 完 用 只如《補音》首論 難 ,如以「正」叶「富」, 如 曉。 切」方可 此 辭 則 大率古語多 \sim 比 是 艮 通 本 而 \forall 耳。 如「聖 卦 音,非 響 順 薰

字》之書,如《碩人》「盼」字,注文未爲甚當。吴氏以《集韻》爲據,而不深考《説文解

❶ 「言出」,原殘,後人墨筆補「韻叶」二字,今據殿本補。

眄 如《孟 字 問 工。 眄 从 切。 與 十三佳、十四 每 必 綴 也 説 後漢 爲 伯 目 疑 有 於三鍾之後,上、去、人皆然,蓋古音江 」,又「眄 一盼 文》 則 謂 句, 丏 始 考證,方可決然定説 十二齊不綴於支、脂、之、微之後,而 姑舉此一 匹莧切。」「眄,目偏合也 子 幾不成字, 」、「絢」二音不 之轉聲,與東 語 聲。 而 如「天 庭 使 四字 詩 Ŧi. 盻, 一皆 民 柯 莫甸 經 端 日 恨 下 相 以 盻 紛 一韻,下三字一韻。 耳。 則 中庸 盻 視 比 怡 0 綸井大春」之類, 切。」三字甚 通 『美 久不 然」,「眄」如「老商 以不考信《説文》之故 顔 也 相 亦有 江 有胡 叶,又似 不與陽、唐相 目 从 不 以一匹 得 盼 目 據 公」、「萬 」, 一 日 其説 兮。』从 ,兮聲。 然寧闕之爾 否? 明。 太甚。 莧一 「衺視 皆是 蓋 後 事 有 若「天 目,分 連 切爲 胡 疑 之 不 因 盻 也 音 計 處 而 理 與 觀 0

> 所 下 欲 勿 同 掛 知 坡公疑之,改從 可 可 漸》 儀」字却 離》、《蹇》、《乾》、《隨》、《臨 皆 終 用 處 中 者 以 通之不可 模楷李元禮」,● 通 卦 有 諸字,今本 不 近 窮, 」、「亢龍 者足矣。 可 佳 止 上爻以「陸」 略 不 自 叶。 、皆也 謂 可 而 大 得 迂 有 通 不 \sim 也。 過 0 雜卦》之末,蓋 悔 既 闊 問 如 者, 反 顛 非 方 叶, 而 晦 對,大非 但 不 好古 也 爲「逵」, 知 己。 如《 菴 當 見 必 如 楷 而 之説 採 乾》之「若 群 强 王、 者 來 後 吴氏之説,通 龍 通 *\ ~ 與 亦 古 鄭 教 亦 雖 更不 無 不語 雜 一禮 意 諸 噬 所 改經 首,吉」, 只 而 家 嗑 及 説 厲 復 如「 及 叶 又 觀 改 》、《革》 文,於 ^ 叶 反 雜 此,不 其 等 屯 潛 字 齊 韻 對。 木 \approx 韻 龍 雖 + 其

楷

^{●「}楷李」,原發,後人墨筆補「楷陳」二字,殿本作「

否?

可

不

來説

叶

可

見非

差,

如

歸

妹女之終

也,未濟男之

窮

也,可

求反

對乎?

此皆

晦

菴

之説

爲是

章公跋 帖 以 子終不當以此爲名字及齋室之名。 聞 此 直 省 袥 猶是七廟 公云: 「老夫 言此字 ,或勸 切切 之太 又以 此爲字,卿 元錢敬直,永嘉人也 某 幸 此 本翼 辱 語 府 爲諱。 以 加 不 固 卿 示 也。 亮。 爲 可 祖 及「 王公,字 弼 深 翼 不 不 廟 徽宗朝 亮 歎 主 祖 後 以 知 諱 四 服 已入夾室,可 敬 至欽宗祔 爲然。某又嘗見文潞 一,雖已 也 世,未 正之, 扁 立 然不 ,某忠告之,遂改「易 恃 九 榜 再 敢 臭味 廟 某 艮 經 敢 廟,始 遽 翼 姑 齋 祧 著 改。」 復 相 遷 之 真 語 祖 舊 予,敢及 復 夫 蹟 者 張 復 蓋 而 姓 祧 也 文 是 南 在 頃 昌 廟 嘗 潞 公 時 軒 臣 竊

考,此 及,亦 天文」上闕文、《 艮》、《同 敬」,「比 宿」之爲「宿」,秀。 皆然。 若 韻皆少差。 爲 盡人聲韻 知 本 亦未 午 復」,扶富 也。 「實」之從去聲, 音 去 可 暑 輔 爲不 人》卦首 聲, 暇 連 却 但 某 日 也,比 流 恐 是 中,只 又 好 切。 入聲之叶去聲, 9 旅・彖》兩「小亨」當是衍 傳 如「讀」之爲「讀」,豆。「 難 實 者道 揮 别 合别著卦名、《實 已久,不可 從 有 吉,下 汗 有 有 無有從 覆」之爲「覆」,敷 也 也 此二字, 跋 方 則 厭」人、「厭」去二字 能 語 似 順 如 其 辦 未 從 見 輕改 伸 本字之去聲 此 義 他 也 恐無 然,更須詳 正 又 紙 然 餘 • 彖》 不同。 此 履》、 當 不 可 亦 救 例 復 暇 用 爲 切 不

者。

通用

實

之爲

有則

答趙郎中書崇憲

也 賢 又使 少曲 字 台 得 今爲 術 以 當 潤 尚 使君之名與 荷 土 某 重 折 如 飾 爾 子得以 ,甚休 蒙示 久 鎮 ,見之别 者俱寫去,惟台意所 此 勉强。 李 不 寫,「溪」出 諭 嗣 甚 有 館穀 濂 音 之無窮矣。 休。 草草修報,不 周 紙 谿 先 E 書院 於其下,儒 望詳 謹 生之遺 爾 於陽 爲 馳 覽。 尤 寫 仰 冰 某衰 川 見 擇。「 迹, 之變體 究欲 九 字 辱 風 政 江 瘁 書 自 表 去 最 言, 古郡, 求 濂」字有 而 之 翰 此 但 非 出 餘 愈 去 併 以 谿 興 之, 幾 未 於 古 儒 慰

今想 林 侍 尚 郎 濂 有 黄 谿 中 石 之 知 本,便中望 濂 江 州,曾作《濂 字 書 以 所 寄示。 無。 谿 某 祠 其 堂 少 中 記 時 亦 見

> 《文字》一書, 唐 世 水。』楊 廉 也 水 鹽反,唐力簟反。 似 并之『兼」。」以上皆以道之説。 也。』然則从『兼』者,亦古文『廉』字,非 月之病 浯」, 《。』徐],或曰 + 也 説 人 所行徐鉉 • 本 四 出 濂 卷《 時時 至 上 本 中 於意 字字 善 闕 繩 日 陰陽 陰不 以 所 日 中 小 以道所 从水, 如 校 濂 見。 『兼 定《 絶 水。 過十 学。 類 元 其 小 論 説 近 次 不 水。」 从 水静 0 編 文 日, 歲 同 Щ 又 按《 兼。 也,有云: 解字 得 者 夏三月云 之 曰 唐 也 陰陽交,期 素 晁 . 徐 本 某 ***** 問》: 氏 唐 七月 也 本 淹 日 徐本 參記 按 也 : 日 云在 以 水 素 溓 薄 許 道 謂 在 夏 峿 生 或 問 徐 溓 薄 得 今 溓 从 兼 時 冰 氏 力

●「水」,殿本作「冰」。

繩」,殿本作「絶」。

1082

3

从 水」注 水 申 陰 廉 静 也 陽 : 則 七 逆 溓 非 月 也 水 無 水 者 楊 濂 生 七 上 字。 時 善 月 也 云 也)° 晁 唐 氏 建 溓 之 本 申 既 書 廉 水 甚 檢 日 生 佳 反 於

答楊敬仲論詩解

止

有

 \equiv

册

若

因

刊之,尤佳

信 得 事 商 意 竟 誤 實 ,雖載之《左傳》者 世 貫之旨,天人 荷開 遂請 某蒙示 難 釋文》多好 《大學》所引 制 度 發 拘 名 益 鄙 以 教《詩 數 於 陋 周 不 門 同 禮 異 至 下。 音 亦 心, 多 解 盡 文王 ×, 有牽合、詩 亦 大道 若 感 以 詩 於 不 夫 病 人諷 以 歎 可 禮 至 發 服 擊 故 據。 典 平。 詠 明 相 事 服 序》多 無 或或 之 仍 商 ^ 古説 先 爾 邪 餘 近 王 有 雅 之 失 皆 始 應 恨 句 難 思 經 在 於 亦 盡 讀

> 其 欲 者 禮 相 甚 予之厚,非 人之言,某 明者,二 用服 如 此 膺 正 類 愛此 欲 亦 未 然 反 不 易 覆 能 惟 書之深,不 概 尊 論 自 舉 辨 己 意 以 欲 每 皆 不 及 前 歸 效 自 此 輩 至當 所 以 之 也 見。 爲 所 足, 非 試 未 恃 陳 發 而

覃, 墜焉 覃 訏 《葛覃》。 則 義 有 田 反」,方音 廣 未安。 二,后 未 微 *****: 日 加水 韻 則中 深 延 安。 而 ×, 以 稷 然 之狀 深 以 之聲 深 集 覃 我 不 日 下 施 别 旁淺 毛《詩 同 韻 本 覃 覃 故 其字。 即 俗 深 義 耜 不 延 及 無 謂 日 廣 深 也 可 此 實 鬼 墜 傳 也 也 覃 先儒 字 知 方 F 0 有 一,葛 無 日 覃 耜 音。 也。 日 故 覃 乃 : 者 徒 葉 軍, 覃 由 水 義 重 深 《釋文》「徒 因 大 而 毛 中 中 複 也 徒 葛推 謂 而 傳 或 · 深旁 乎? 延 紺 蔓 實 耜 殆 也 而 延 小 切 淺 覃 0 宛 覃 未 也 ^ 釋 9 大 其 親 然 實 及 南 故 而

爲 又 見 轉 利 潭有 文》: 覃 耜 言 篆文 也 諸體皆入會意,故有牽合强通之病。 義 潭字在六書中爲形聲,如「江」、「河」之 从水,而「工」與「可」止取其聲而 聲。』《集韻 公《字説》所以不能 潭」从水,「覃」亦取 詩》曰:『實覃實訏。』徒含切。 。」。」郭 字爲 · , 爲「信」之類,皆人會意之科。 ,徒見《易》有剡木爲耜之義,故以覃 字書 後儒 爾 深義,今之言潭潭是 覃省。」潭 一零 注 雅 萩 凡有意者,如 求其説 ,今正其字義,平聲如字。 長味 *****: 釋言》: 「皆謂 《説 而 也。 説 蔓 不獲,又轉音爲剡 傳者,往往以 「流,覃 其 楚人 文》: 延 从昂 人爲 八聲,非 相 也,覃 名深 被 从 也。 爲「僞 鹹鹹 及。 有 却 日 水, 又寧, 無義 省 覃 義 潭。」 形 王 無 《説 也。 聲 荆 深 覃 延

> 公在 多 故文成之世,已有童謡 巢, 面而 鵲 音如布穀者 云:「鳲鳩,鵠 鵲巢》:「維鳩居之。」 用 巢,爲 公以 據。 也。 以 有自來。 韻 田 乾 》以爲 其 野 葛之蔓延,故施 間 侯。」 音。 公如 爲養老者剥棗之皮而進之。 「覃耜」之音 如「八月剥棗 鸜 ,群兒相呼扑棗,方知《釋文》之 利 鵒。 此二「覃」字,更望考之。 矧鸜 不 乾侯,此亦假 耜 埤蒼》 居鵲 鵴。_ 魯 ,止以《 鵒 昭 巢,音 亦 云「搗鵴」、《方言》云 剡, 郭 于中谷,亦未爲 公二十五 鴶 云「布 詩傳》、《釋 剥 疑是方言 鵴之音,凡鳥名 《爾 如 他巢之 音普卜 鴶 穀 雅 鸜 年 鵴 鵒 鸜 者 文》爲 應也 未 釋 跦 反,荆 ^ 乃居 鵒 重 安。 跦 集 一複 來

中

中

巾

碩

大

也

,大德之人。

俣俣,

簡兮》:「

日之

方中,

在前

E

虚。

將

祭

以

日

中

爲

期

碩

人

在

前

列

£

處

方

渾 有之,而 戴 然 勝 贵《 鵬 埤 鵒 鸜 今審 鵒 蒼 其 身 音 攷之未 究 色 叹 戴 黑 然。 勝 戴 審 首 穫穀 勝 歟 有 身 ? 竦 毛 色 毛 毼 布 毼 頭 穀 鸜 而 其 有 鵒 稍 斑 音 亦 長

者。

李氏

亦

以

鳲

鳩

爲

鸜

鵒

壹,正 拙 兒 然鳲 多 鵒 鵒 者,乃今斑鳩,俗謂之「步姑」,其 失之,歐 吕 竦 粗 識 _**,** 川 鳩 毛 鳥 謂 能 氏 之 獸 直 具 鸜 爲 公言 呼 爲 草 上,又自 巢。 載、皆未 鵒 爲 鸜 木 也。 拙 问 鵒 之名, 攷之當 載 鳩 甚 郭 勝 八。 不 一明,浙 當 極 景 首 同 也 然, 有 純 所 人呼 竦毛向後, 不 云 鳲 謂 布 如 知 鳩 音 穀, 爲「八八 此 之 此 如 之詳。 刺 乃 性 固 布 穀 鸜 鸜 雖 H 不

德容也。

兮,猶 爲 耽,樂也 氓 》: 大醜 時 前 不 能 輩 可 「于嗟 在 曾 見,況幽 説 前 云 也。 説,解説也。 上 女兮, 女之耽 處 H 遠 之 者 則 方 乎 近 無 中 ? 兮,不 與 而 今俗 易 士 此 則 察之 意 耽。士之耽 説 明 可 甚 説 亦 而 地 切 易 以 也 君 見 女 淫 之 猶

言。 後 云:「士有 説 婦 毛 相 日 説, 人,無 又 傳云: 補 也 始 以 蓋 則 者 其 車 無 若是女之耽兮, 士 外 「女與 以 初 來 與 可 事 百 士之耽 則 \pm 耽 行 抱 9 維 耽 也 士耽 布 非 以 可 貿 己 女之奔 每 以 貞 分,故 (絲」、「 是 疑 信 則 功 則 自 其 過 傷 爲 我 之 我 來 害 禮 悔 節 相 不 今 也 即 教 義 而 補 口 H 我 反 然 説 猶 其言 謀 鄭 IE 近 至 功 之 得 於 签 可 调

如此則得詩之意,又免功過相補之害

教也。

《兔爰》:「雉罹于羅。」 雉文明比

君子。

意差。 幸 性 兔 非爲其文明也。羅之設,所以取鳥 免 耿 狡如小人,爰爰緩行,不至觸冒 介,多罹其中。 而 君子多陷 於罪。 世亂罔密,小人多 言文明 獸。 則 雉

《蘀兮》。 此詩凡言女,皆指君也。女

者愛之之辭。

尤明。 不惟 《民勞》:「王欲 至如秦以來分别之嚴也 是 愛君。 又《卷阿》「俾 如古之稱「我」爲 玉 一女,是 爾 彌 用 爾 大 性」之類 諫。」此意 「朕」,

姓者,吾妻也。《出其東門》:「聊樂我員。」 我自有員

味。」 翼,味 囊,群 《候人》:「維鵜在梁,不濡其翼,不濡 得食,喻賢者宜得禄 劉 此説 也。 也。 又改字。」以此知「員」亦語助耳。 姓員,古無此姓也。 受禪,奔元 陸德明以《 樂我 氏 章『思 長 飛人 鵜 未然。 『且』語助 ,十世祖凝之事 如 唐 心 鶘喙 此, 員 云 水食魚。 存」,改『且』作『徂 半千,齊州 魏,以忠烈自比伍員,因賜 耳。 長尺餘,額下胡大如 而 爾雅》云『徂 毛、 也,於義自通,何必 亦不 云、員古今字,助 鄭不解「員」字, 前 今也 濡,是當食 宋爲 不得禄。 況此詩解内云: 人,其 在 存也」, 起部 梁 先本 郎,及 不 魚 甚 數 無 濡 牽 牽合 彭 句 疏 而 升 齊 其 其 謂 城 不 强

■「罹」,殿本及《詩經》作「離」,二字通

3

恣 歐 不 人之 魚 遂 而 人 當 陽 而 棄其婦 其 魚以 以 竊 食 氏 媾。」 喻賢 日 禄 食 今 : 於 0 者 乃 此 媾, 婚 而 高 小 ,不若歐 貌 鵜 得 位 人 然 當 不 而 富 媾 高 居 濡 不 也 貴 陽 處 泥 其 稱 縦 氏 魚 水 翼 其 之説 肆 中 梁之上 服 咮 好 也 爲 色淫 自 如 長 鵜 彼 求 竊

媾 毛 稱 不 氏 意 日 稱 . 其 「媾 寵 待 厚 也。 也 _0 今 張 人 氏 謂 曰 . 遂 意 不 亦 遂 其

妻 陰 斯 隮 也 而 薈兮蔚兮, 陽 雖 飢 喻 不 見 婉 交 南 淫 感 變 縱 Ш 朝 而 不 董 蓋 自 E 淫 隮 南 日 不 縱 之 不 Ш . 樂於 蝃 説 者 氣 \sim 朝 蝀 者 惟 隮。 集 静 也 其 南 注 正 意 如 Ш 人 婉兮孌兮,季 **>** 作 莫 衛 而 所 喻 嬒。 敢 放 莊 溺 在 於 姜, 指 高 古 蔚, 情 位 者 雖 有 慾 美 其 乃 文 女 朝

> 斯 爲 季 飢 婦 女 者 也 矣 年 故 少之 日 季女。 義。 不 以 説 其 之 未 則 嘗 失 相 所 親 至 如 於 不

此 遂生 斧 張 不 在 敢 得 君 則 居 雨 蝃蝀》之詩 媾」字、一 詩 指 詩 弱 競 可 西 子 季 氏 此 則 至 詩 初 困 者 女 人 朝 一
今
朝 故 説。 之意 既 不 飢 窮 飢 隮 曰 虹 言 0 次 日 . 于 窮 「嬒」字,又「婉 出 然「朝 虹 日 章 首 季 陳 下。 然 舉 於 林 于 E 章 在 氏 女如 室 知 而 東 木 其 東 日 張 日 趨 徑 隮 鮮 南 説 光 . 小人肆 有 利 則 朝 以 Ш 陳 猶 實 有 齊 青 蝃 朝 薈 隮 虹 雅 非蝃 見 季 冥 者 隮 蝀 出 于 蔚 變」、「季女」 説 馴 于 志 女, 上 西 在 趨 爲 于 時 雖 嫌也。 南者。 於 崇 利 蝃 西 東,莫之 了, 工 不 而 未 今 上 蝀 於 爲 朝 必 斤 夕 念 日 Ш 彼 日 樵 如 則 Ħ. 其 則 出出

更之。 朝 不 爲婦,亦 隮 喻 淫 覺 縱 費 亦不 辭。 成 若以南 詩 語,宜 Ш 喻高 有 位, 以

端之虚管作聲也。 也。」其以 烈,人股戰栗也。 野俗有 觱發者,寒氣 (七月》:「一之日 語 是 · 「籬端 歟? 勁 發 萬萬 觱發,二之日栗烈。」 毛傳謂: 吹觱栗。」 栗烈者, 丑月寒 籟 盡 鳴 謂 「栗烈,寒氣 如觱栗也。 烈 風 氣 吹 益 籬

以 觱 也 毛 衆器之首。 不 胡 無 足取。 驚 栗 氏 風 龜 王 乃 中 兹 而 日 胡 氏 之 寒,於是爲至。」只如 或 :「觱發,風 股戰而栗,漢人始有此語。 樂,一 樂 馬 曰 : 也。 周 風 時 後 名悲篥,一名笳管,羗 其聲 世 安 而 樂 得 寒 寒,尚 始 悲 有 也。 譜 栗,胡 此 栗烈, 其音 此 非 俗 其 語 説足矣。 人吹之 ? 以以 至 寒氣 也。 尤 爲

> 如此。 如此。 國寒氣之傷人也。豳公之愛民 二之日鑿冰沖沖。」鑿冰之時,擇沖和

傳》 不如只從毛說。 之。」豳 毛氏日 沖 沖 Ē : : 非 尤寒,盛冬安得有 深 貌 沖沖 Ш 非聲,故云鑿冰之意。』《左 窮 谷, 鑿冰之意。」孔氏 固 陰 冱寒,於是取 沖和之日? 日

則 鸛 《東山》:「鸛鳴于垤,婦嘆于室。」 歸,感傷而歎 曰:「垤,蟻塚 零雨 蟻 好 水,長 避 其濛」同。 濕 而 鳴 E 也。 而 也。 塚 喜 婦 將 也 嘆 鸛 _0 陰 鳴 孔 則 于室」,聞 于 疏 穴處先知之。● 垤 : 其 詩 將 夫將 意 毛傳 雨 與

毛公齊人,必自知之,解不甚詳。孔疏

0

作 經》 冢。 也 蟻 高 蟻 亦 煇 念其勞 丘 婦 一方説 故故 未 塚 理《 垤 大 釋 · 嘆 于 垤」,以是知 下王 者 明 加 婦 蒼 『鸛 也, 如如 蓋 鳴。」 歎 得 皆 室」 梧 洪 鳴于 荆 于室 冢 不 「于垤」字分曉。 雜 若 盤 公未 蟻 意 墓 見「于垤」之義 志》言之最明,云: 垤」,0 馬 我 一然。 知 聯 丘 于 嘗 如《 征 是自然 于 雨 蟻封 到 上 聿 每 謂 殷 鸛 Ш 天 至 其 喜 垤』爲丘 東 亦謂 將 高 ^ 雷》之意 孟 自 蟻 雨 處 Œ 雨 此 子 在 垤 垤 以 惟 以 塚 則 也 **>** 下 所 其 乃 有 胡 鸛 雨 · 正 句, 蟻 謂 將 德 新 類 集 非 極

之 跲 如 狼跋》。 重 其 狼 一,欲 跋 尾。 其 退 周公欲 胡 不 老 可 狼 欲 進 如 有 退 狼 則 胡 則 疐 進 成 又 其 則 王 深 尾 未 躐 念民 授 其 公以 胡 人社 退 政 稷 則

進退不可,亦何至如狼之跋

改。

唐

公

雖

然詩 若 得 若 進 於求 遇 有 類 疐 赤 致 疐 ()是以 不 其説 ? 舄 周 禍 以 虎豹 退 犲 公 欲 ,先旋遶於人之四旁甚疾,人爲之 中 失其猛 几 困 難 故 者 故 於蜀 狼 几 危 無 險 程 香草譬君子,惡 胡 1,雖 困 興 然 機 氏 陷 獨 ,興周: 聖 詩 如是者, 人 穽 也。」又云:「先儒 有 於機 在 取 人乎?」程氏 楊 之 人取之,以言狼之所 云: 危 狼 意 少 公不失其聖。❷ 疑 也? 湾 猶未 卿 以 之地 狼 民 其 繁,前 默 鳥譬· 望云 有 詩人比 爲 之説 安 之貪者,猛 貪 盡 小人, 步 跋 欲 . 以 也 美矣。 後 舒 故 興 狼 狼 猛 疐 泰 也 之 以 嘗 以 奚 跋

^{■「}垤」,原作「姪」,據殿本及《詩經》改。

[「]興」,底本及殿本皆作「與」,據《四庫》本《程氏經説

跋 戰 此 説 懼 疐 最 自 比 爲 失 四 得 然後 或 之。 而 食之。 周 公處 詩人 其 中不 蓋 以 懼 狼 也 之

既 弟 父子 氣柔 具,和樂 常 既 具 棣 合。 和 巽 翕 猶 也 順 且. 和 E 孥,子也。」湛,和 孝 **儐**爾 樂且 皆在 孺 其 慈 妻其子 , 如 籩 妻子 一于是, 湛。」 豆、飲 琴瑟之和。 好合,如 情 和樂且 孺 酒 好 樂之至。 有 之飫。 合 柔 鼓 柔,孺言 同 義、「兄弟 毛 瑟 言 傳 琴。 兄弟 夫 日 婦 兄 辭 既

兄弟 既 此 乎?」此 此 前 以 章 解 具,如謂兄弟 及 **儐爾**籩豆 引 之 亦 其 陳 間 平,然説詩意 IE. 既 日 詩 安 如《 . 之本 寧, 、飲酒之飫爲樂、若 「兄弟 伐 無故,其樂又何止籩豆 乃 木》極 意 謂 之急 也。 未 兄 出。此詩 言朋 弟 此 難 不 相 友之間 章 如 救 兄弟 友 助 極言 凡 生 如

> 情 若兄弟 見詩意 之,又且湛矣, 飲 ,如孺 妻子 酒 ൬ 止 己? 翕 慕之孺,有不 合 以好合,尚 而 其 如湛 無 和樂 間 酒 能 其 又 湛 可 如 且 色然。 和樂不 解 鼓 如 於 瑟琴之和 心者。 孺子之真 足以 如 此 凡 盡 方

淒也。淒淒有冷意,時有麥秋之寒也。「六月棲棲。」 六月,建巳之月也。棲

宣 麥秋 也。」 温 浙 栖 毛 棲,不安也。」李氏 三王在 氏 和 春寒秋 同。」注:「栖 之 雖 寒則 西周,四 未爲定論,然以 夏 棲 便 熱。」若 (棲,簡 不 熱、入秋 可。 月豈復有冷也? 栖 閱 中 日 猶皇皇,言其不安 俗 也 原 . 便涼 諺 爲 北 與《 蘇 云 方 棲 冬則 黄 棲 論 則 門: 有冷意 江 語 V 極 ***** 南 春 寒。 棲 便 栖 网

《車攻》:「不失其馳,舍矢如破。」

惟善

御者兩驂不猗,雖馳而一無所失。

善。 善 其 既 焕 不 良 此 失 八爲 射 然。 馳 駕 其 之範 段 者 不 舍矢 兩驂 惟 必 不 馳 此 盡 待御者 不 如 則 而 詩 其義 · 猗』, 嬖 破 舍 意 奚不 」,射者之善 矢 明,《 爲之詭 御者之善也 如 蘇 能 破 黄 孟子》一段 獲 門 遇 方見 曰 : 則 0 也 獲, 射 惟 =示不 者 蓋 亦 御 故 四 皆 之 失 者 黄 \pm 不

禱 無 獲 吉日》: 傷 也 歟 0 人 也。 禱 未 既 号 必 伯 矢驅馳之間,或偶傷人,故 爲 既 獲 禱 也 0 0 云云。 毛傳 曰 禱 者 禱, 禱 其 禱

禱 無 毛 無 於 以 傷 馬 人,亦 禱 祖 爲 與 不 禱 厩 未 獲 焚不 必 爲 專 的 固 問馬之意不侔 爲 當 己 獲 贅 ,亦不必專 將 矣。 \mathbb{H} 而 此 用 謂 馬 爲 禱 求 故 其

> 在 從。」從者,從入渭水。 漆 渭、漆、沮之會歟 沮 之從。」 ^ 禹 ? 貢 然 雍 則 州 天子之所,其 漆 沮 既

説從 泥 漆 此 沮 漆、 「從」字。 既 沮驅 從」、《禹貢 禽 而 至 () 自 天子之所 説 治 水 此 似 詩 不 自 必

焉。 云。 云 墳 也,音詵。 庭燎》。 燭 《秋官 今俗曰「氣 庭 蕡 燎。」 燭 毛傳 麻 毛 故 司 傳 燭 烜 書 盆 爲大燭、未安 日 也。」 氏 」者,庭燎 墳 : **>** . 然 庭燎 爲 「凡邦 則 蕡」。 歟 與 大燭 ? 之大事 庭 籸 燎 鄭 也。 有 司 麻 云 農 共 滓 異

農謂 今説亦 者 秉 必 以 燭 如 非 燭 麻 麻骨、樺皮、松明之類 燭,皆 未 童 如 安。 子隅 今之蠟 網 是 坐 乃 也 燭 而 麻 執 古者 餅 也 燭 毛 又 凡 如 謂 可 點 男 如 大 以 子 火 顔 照者 燭 而 夜 叔 明 之 行 司

故毛謂 皆 盆 大東 謂 也 之 燭。 之大燭,司農謂之麻 立 於 地 今祭祀所用 前 然 其 上,照耀 庭 燎, 燭 却 以 非氣 麻 庭 骨

張兩翼。鳥首如棟甍,兩翼如二霤。《斯干》:「如跂斯翼。」●如鳥之跂立而

鳥之翼 説 不 孔氏曰:如跂,如 今説,下三句已言如矢、如鳥、如翬矣, 應又以跂爲 ,如人之跂立。 也 鳥 之跂。 人跂足直立。❷ 翼言其翼然,不 不若 只 若如 ·必謂 用 舊

常論 不 智所及,當大有爲,亦 暴虎,不敢馮 小旻》:「人知其一,莫知其他。」「不 懾 范 氏曰:「人皆知虎不可暴,河不可馮, ,亦無慢易忽略 然而 人知 河」,此 其 一,莫知 而 古 無 膚近 亦戦戦 所懾。 其 柔懦之士所 他。 兢兢 但 聖 不 智 知 聖 執 敢 雖

> 皆困 問 食,而 甚於人犴獄 寡,宜岸宜獄。 困乏,而 桑扈名竊 小宛》:「交交桑扈,率場 日 之甚也。」此説似勝,不 而不 窮 . 率場 「何自一 知小人之不可不畏。 況 脂,食 於疹 啄 也。 粟 而能穀善邪?」此章言貴賤 喻 病 握粟出卜, 云云。 肉之鳥 孤 食肉 寡貧弱之徒,宜其尤 民窮苦,握粟出卜, 也。 富貴者今猶 必 啄栗。 更加 自 云云。 臨 何能 深履薄 委曲 哀我填 今不得 穀。」 失所 也 懼

秋 泮 前 兩 輩 義 涣。 鳸 大 竊 非 率 藍 桑 名 如 扈 冬鳥 竊 此説,意既 竊 脂 脂 竊 也 黄 爾 (桑 鳥 其 雅 不 日 屬, 釋 夏 竊 亦覺其言 脂 鳥》自有 鳸 ,棘鳥 竊玄,

立」,原作「交」,據殿本改。

^{● 「}跂」,原作「跋」,據殿本及《詩經》改。下「跂」字同。

之。一詩

中只有「維暴之云」一句,不

此詩之序必有

所傳,詩不言蘇,而序言

刺暴公也

,刺其從暴公者也

何人斯

》:「維暴之云。」

詳觀是詩,非

粟,可 能 前 青 陷 謂 《古史序》有云:「聖人之不爲不善, 葦。」注云:「食肉,好盗脂 穀乎,言是非在目前分明 騶虞之不殺,竊脂之不穀。」《小宛》正 竊 而 ト之, 謂握 察。 又别 色。」然則「竊脂」 於岸獄 此竊盗 丹」者,「竊」皆訓 無告者。 謂 若以爲卜筮之卜,則意差矣。 有 是 也。 脂 兩 粟 非 膏之義。此章蓋言遭誣 桑扈 句云:「桑鳥 顛 明試桑扈。● 此事 倒 食 矣。 淺」。 甚 謂 肉,而 易見試。 其色淺白 惟 其填 如此 竊脂 彼何當 謂 注: 膏。」 其 而上 寡, 鳭 蘇 率 握 也。 竊 黄 場 鷯 能 粟 宜 不 其 如 陷 剖 食 以 乎 門 啄

> 公爲 名。 得 都之畿内也。 知果暴公否。 侯,徧檢書傳,未 鄭 孔疏云: 漁 卿 仲曾辯 士,明畿 「蘇 此 春秋爲 鄭 内。」 云 聞 國 氏以蘇、暴皆 . 畿 在 0 此 外 公者多是畿 河 説 有 周之畿 内温 亦 暴 國 不定。記 縣,是 畿 内 内 無 今暴 内 諸 東 所 或

謂暴者。」更當考。

覆,反覆不定之狀如此。 幡幡者,隨風翻

更考。 則 幡 秦已有幡信之書,未知 是 幡 今釋 誠 有反覆之意,然謂 道所立之幡 幡 也 信 之隨 恐 起 古 於 風 何 無 翻 此 覆,

北山》:「或王事鞅掌。」 在腹

鞅。

^

- 「明」,殿本作「以」。
- ❷ 「漁」,原作「愚」,據殿本改。

馬 此 故任: 掌 詩 迂。 御 毛 氏 `,煩勞之狀。」 只須用 者之手。 士子 **∃**: 韅靷鞅靽,皆在馬之身,維轡則 此 其 勞。 「鞅掌,失容也。」孔氏 職 鞅 卑 故 既 矣, 世 在 以 馬腹,如 其 煩勞 鞅 孔説,今説 在 爲鞅 掌 今之肚 9 日 方 . 駕 頗 在 鞅 車

陸機《草木疏》。

不

應在人之手掌

也

氏讀詩記》皆作「璣」。 「機」當作「璣」,非晉之陸士衡也。《吕

又答論易

教。 兹蒙 某 何 下問 敢 言《易 以 口 耳 閒 之所 有 聞 得 見 録 輒 以 恐 一二求 可 以

《坤》:「元亨,利牝馬之貞。」

少

裨

聰

明

牝者 道臣 偶 以 雖主 不 坤 至柔 ,他牡犯之,則 知 利 道 牡引十牝,雖 乎 皆 聖 牝 耐 順,惟 贵 順 馬 人 動 之貞, 惟牝 取 日 也 象 其 順 剛 而 能 説 馬 皆 踶 至 已哉 貞 者 之性 曲 齧 雜 静 止 有 乃 以 不 而 謂 最 妙 成 可 千 德 取 貞。 理 近。 地 百 方 其 道 順 荷 也 坤 游 0 禽 爾 之卦 非 獸 牝 故 其 率 之 曾 妻

答張正字論莊子書

以 稍 去國 見 飽學,深藏若虚 素 稍 納還、伏幸視 爲 藴 某比 承教,蒙以《莊 之恍 自 每 切感 同 然。 朝, 亦 至。 歎 呕 初 子講 不 令傳 謂 欲 聞 可 請 得 相 義 尚 寫 益 親 》借示,遂得 而 留 未 親 丽 歸 元 艾 未 也 外, 本 也。 能。 九 無 後 一册,謹 由 忽 以 始 高 窺 得 執 爾 才

誨 多。 事 别 閒 尤 栩 用 治 然 Ι. 栩 增 之深 萬 亦 則 悵 里之船 有 造 惘 ? 詣 平 口 1: 鄙 何 知 時 友 見 讀 時 來 可 略閱 蒙 言, 疏之 行 莊 ? 處 之 講 别 得 書 尚 義 紙 喪 容 安能 》,開 之際 更 别 發 布 望 如 示 爲 鼻 執

也。」非也。 云: 今之隱 子 游 几 者,非 常 \wedge 講 見 義 隱 昔之隱 》略之。 几 者, 几者 丽 未 也 10 有 若 子 郭 綦 象

覺 問 則《講 几 無 異 此 且 者 與 於 意 ,則今之隱 爲 矣。 甚 人 義 日 也 對 妙 . **>** 0 者 所 「今者吾 昔 仰 方子 也 謂 几 天 超 猶 者 而 隱 綦 然 别 適 喪 嘘 隱 几 萬 是 也 我 嗒 雖 几 物 人,非 自 之 而 焉 故 若, 表 卧 似 子 喪 綦 忽 而 未 適 其 善 之 然 萬 有 耦 隱 其 有 物 以

疏 皆 遇 天 難 按《 易 *****: 講 義 雲電 屯 天 難 剛 柔 注 始 與

> 交 邪 而 養 難 盡 \equiv 謂 再 竊 前 等言。 矣。」 告 一、後 年, 則 見 鴻 難 尋 雲將 也 鴻 濛 E 生 願 濛 一,動 故 又曰 F 爲 聞 文, 故 不 願 天 乎 而 雲將 問 必 聞 矣。 一天 言, 恐 險 謂 求 中。」 之 而 降 不 之屯 ^ 言, 日 而 爲 爲 鴻 講 ... : 鴻 濛 則 天。」 此 吾 義 以 而 卦 濛 天 日 德」, 鴻 也 造 遣之 之遇 亦 蓋 前 濛 吾弗 之 天 云 日 則 始告以 使歸, 難 天, 其 知, 是 天忘 也 施 雲 雲 可 也 謂 不 將 又 將 朕

公所 忘 殙 重 而 云 以 0 督 而 而 瓦 謂 博塞之事 憚 其 注者 《講 今之 智 以 陛 以 巧。 義》云 巧,以 下 博 黄 爲 者 以 金 以 孤 帶 鈎 謂 爲 瓦 以 注 所 鈎 注 注 注 是 操 者 出 爲 爲 則 也。 舟 憚 錢 注 戲 得 博 以以 物 失 得 則 塞 爲 之心 失 黄 得 明 注 之 之。 金 失之心 王 注 愈 心 者 又 冀 重 漸

然《莊 鈎 外 憚 擲 抵 而 是 物 也 博 重 心 謂 者 則 以 亦 子 内 亦 不 黄 如 瓦 不 拙 必 抵 玉 金 此 至 也 一帶 之則 抵 抵 説 以 鈎 鵲 之 操 鈎 瓦 也 巧 則 金 舟, 亦 爲 必 以 抵 刀 注 本 不 鼃 鈎 之異 無 中。 抵 之 蓋 博 之 類 名, 注 塞之言 此 則 一者,抵 試 如 所 已 吴 謂 欲 有

答徐丞書適

生 馮 義 死 惠 出出 於 者 事 光 忠 通 足以 者寡 衆 壯 太 某 奉之狀之誄 人 公 比 末 事 世 爲 傳 以 而 實 從 以 不 爲 忠 伏 弟 爲 ·
朽矣。 歸 勇 致 范 讀 恨 陜 兩 謝 君 不 多 盡 之傳 迨 勝 承 惟 豪 是 歎 報 Ŧī. 後 英 無 皆能 路 仰。 章 篇 而 待 之失 甚 稱 然。 而 靖 勤 蕭 以 執節 月. 圓 康之變, 參 若 雄 者 忠 政 蒙示 文 也 壯 奏 守 發

> 得 或者 具 改 此 宫 據 然。 之 幾 程 年 也 自 請 弊」, 之。 馮 載 北 題 奏。 教 賜 者 垂 此 益 則 乃 Ш 此 照 云 公之狀,建炎三年 此 謂 至 紙 今當 恃 文之 文 則 贈 皆 所 李 王 淳 王 頃 仲言 自 臭 作 仲 貌 節 仲 通 熙 歲 味 易 誌 作 言 是 度。 言 判 始 竊 去 銘 相 所見 蓋 所 其 而 明 居言 明 惟 編 子 述 鄉 而 下 蕭 清 清 是 或 也。 而 蕭 不 至 《揮 路 參 朝 家 揮 失 公乾 <u>+</u> 自 政 則 廷 而 登 蕭 所 麈 塵》 有 而 某 尤 外 未 爲 政 月 參 著 道 道 下 第 奏 第 爲 如 知 此 府 政 始 忠 人 至 處 全備 請 此 奏, 三人之時 姓 壯 臨 仕 少少 士 不 録 録 六字 于 江 氏 死 是又 迥之兄 若 應 厲 第 也 者 人,恐 朝 事 始 更 則 偷 也 以 不 併 卷 爲 明 有 俗 而

攻處先生文集卷第六十四

先生文集卷第六十五

攻

媿

四明樓鑰大防

胡德容安静室銘

銘

交騁 得 何 非 有 分,不將 事 擾 有 中 薫 性 於 民 生之 應。 不 勿 蕕 不 操 乃若異端,寂 終 迎。 忘 寧 而 初 勝 勿 未 存 知 吾 正 必必 聖 嘗 嘗 師 心, 從 也 不 乃 安 静 事 滅 有 元 則 塵 ,萬 聖 言, 清 何 不 净。 私 著 敢 慮 求 勉 慾 鏡 則 悉 庶 害 死 旃 增 屏 幾 學者, 之,群 灰 妍 病 游 不然, 媸 求 泳。 無 必 静 坐 邪

趙振文毋自欺齋な

吾

誰

與

歸

將

求

安定

于大惡 如 至 日 乃 罔 美 靈 , 勿 無 覺 媿 神 玉 E 謂 作。 欺 欲 事 不 爲 所利 親 乎天 昨。 資 可 而 度。 磨 幾 欺 不 謂 推 琢 何,所 妄 戒 此 所 其 語 他 而 甚 之戒之,惟 厚 所 Ш 行,餘 喪 者 貌 一之石 甚 薄 守 下 博 至 裕 事 欺 可 謹 綽 約 惟 君 乎 以 惟 綽 人 不 而 爲 事 恪 自 欺 心 是 意 陷 欺 惟 其 今 君

族兄德潤硯銘

用 以 射 惟 策閲 端 溪 三世,孫子 下 巖 之 石 相傳寶千 藏 古 麗 祀 州 之 樓 氏

王端本硯銘

璧不 傳 玉 家 有 毁 不 五. 四 圭 ,書種綿綿尚百世。 知幾,傲 色今乃紫, 兩 圭 同 睨 揮 磨 邸, 毫約 以 禹 未 詩 圭 聞 史。 滃 雲 壁 淮水 起 踞 + 不 羲 趾 絶 獻

贊

伏犧像贊

謂 以 察。 古之聰明叡智 不 手 履 持 而 圓 跣 蓍 不 神 冠 畫 武 卦 而 而 以 髮 不殺者夫 八 是 嗚 何 呼 人 歟 1 以 是 所 治

東坡畫贊

名塞 者 古 也。 己 知 天 出 前 破 則 無 鳳 古 鳴, 百 人,後有作者,殆恐無有過之 謫 處 九 則 死, 龍 配。 豪不 論議 挫。 觸 海 嗚 翻, 呼 聲 !

吕真人贊

息。 傍 神 人 氣 道 旺 是 雙 吕 洞 瞳 賓,堪笑旁人初 碧。 劒 横 飛 不 萬 識 里 瞬

愛爲人,只有照 平 生 愛 讀 書, 管 不 眼 到 智 處 徤 忘 老 不 矣 如 百 故 事 好 平 罷 生

九九二

謂是假,何必此畫。咄哉此身,又豈其直

到無時方始住。

休

Ш

林

如

許

盍

歸

去

惟

有

媿

處

便

須

攻

攻

伯氏小崑山贊

見 心 之,萬壑同 大士俯仰 技 匠 癢 崑 懸崖 0 Ш 環 片 我 以 崚 玉 清 嶒 亦 大 膏 泚 咫 不 肓 碧 尺 彌 誰 樹 干 掌 會 丈 增 清 數 兩 賞 峯 主 ? 人 海 天 岸 樂 成 援琴對 孤 Ш 暗 絶,

十六叔祖畫贊

此 在 流 何 面 俗 猗 目 以 面 歟 假 先生,嘉 壁宴坐 旁觀 爲 ? 未 形 先 遯 知, 生 骸 巖 粲 既 谷 土 然, 木 0 笑 中 而 徐 是 無 嘻 日 誰 不 塵,高 丹青, 此 然。 身 見 視 若 寫

趙禹川畫贊

貢 心 灰 士 前 而 室懸 形 淳熙宗室之遺老 不 罄, 槁 萬 子 緣 實敬之,蓋 俱 掃 也 道 窮 宣 而 和 志 西 益 洛 之

陸從老真贊

干 起 而 逃 載 人 之 於酒者 於 綸 後 九 巾 野 殞 也 服 是 之 將 餘 河 傲 , 目 睨 銜 海 塵 盃 П 埃 漱 之 醪 膏 表 肓 真 泉 蓋 欲 石 隱 遁 於 迹 而 藥 於 能

莫子大畫贊

者 洗 六 處 + 眼 耶 韋 以 而 布 目 有 看 光 而 孺 令子之翱 深 有 碧,長 子之色。 素 宦之 鬣 翔, 風 如 是將 3 漆 而逍遥乎仁壽 自 坐安輿,脱世故 適 少 其 從 適 諸 故 公, 之域 年 故 將 身

叔韶弟畫贊

故 咄 加 物。 志 咄 而 不 是 歸 今 屈 江 何 尋 既 爲 Ш 0 理 者 數 漸 故 窟 能 千 失 獨 者 布 起 里 耶 立 衣 連 而 一突兀 ? 之 桂 氣 之 高 益)墜緒, 增 目 是 視 將 虀 雲 收 歛 鹽 漢 湖 青 + 九 海 氊 若 之 書 年

高會之畫贊

吾欲 蓋 衣之色不緇 所謂 與之一 風 摽 向若 秀 整 而 3 局 浮沉 歎 以 興 自 消 寄 宦 崖 白 高 海 而 遠。 日 9 反者 而 五 鐵 淟 弦 也 硯 涊 而 之志 京 送 塵 歸 不 而 淺。 鴻 素

趙景瞻畫贊

卓 何 福 日 足論 然。 生 : 和 寫 暢 當 君 余 照 命 能 求 訥 遂 費,其 生 行 於 爲 中,卑 此 河間 詞,爲 四者 詞 退 多 德 東平之賢。 ,而又文之以 誦 妍。 生 道 清净 子 家之言。 求 道 箴規 學 生 富 其 慈 意 儉

九九四

之文。 行雲。 之敏,高文大册之工,有能試之。 而 力猶足以挽千鈞者耶? 有 食 曳 退然 孤 肉 笻 標 者 之 如峯 誰 不言,無異稠人。若 相 , 日 尖之秋 疑 小 爲 馮 貴 君 隼,秀句 介 0 公子 謂 爲 Ш 飛 如 而 老矣,是 澤 書 春 有 寒 走 空之 驚 儒 檄 代

汪 彊 仲 贊

有以 哉 叢 桂 ! 之英。 振吾外門之家聲也 頭 資禀如 圓骨緊, 宦 此 學 短 毋 有 小精明。 傳, 賢 於 清 俗 白 鍾 人斯可 雙芝之秀, 是 承。 勉之 冀 擷

豐 叔 宜 真 贊

之膏 空洞 游。 改其 郭。 居鼎 傳 川之可皃也。 黄 樂。 新 志行 ,引瀑泉之濺撲。 掃 梅之家學。 肓 噫 溉 ,樸斵 又不得 ! 蕭 超 松 楸 卓 然松廬,一丘一 九京其可作 丹雘。 惜乎急 以自 風 丽 弟 神 藥。 伸 兄 \exists 灑 景不 信盤 其志,甘守 怡怡,親 而 落 吾 郭 意 聞 ? 可 谷之可 慕 壑。 襲 其 以 Щ 清 髮 風 久 林,身 敏 搜蒼 9 如 留 序 之餘 欲 瓢 鶴 從 去 泉 而 石 而 慶, 之 之 石 城 故 輞 不

原殘, 據殿本

攻

媳先生文集卷第六十

從子澤修净業以彌陁像求贊❶

供養 差,萬 若 母 覿 無 與 在 際 面 懺 佛 净 見 彌 里 其 土 視 陁 悔 懸 莊 日 何 畢 歸 隔 嚴 人 在、云 汝 此 依 處 Ŧi. 以 惟 生。 彩, 色 家 在 此 知 相 世 聚紫金光。 幾 西 有 慈 尊 方。 由 欲 母: 衆 旬 見 9 垂 如 與 稱 佛 慈父。 來。 念感 全體 隻手,接 無 現前 通 念 汝能 0 引 或 如 事

觀音像贊

刻 且 E 有 Ш 曰 中, 宣 : 宜 Ŀ 和 興 使 蔣 御 天 來 雲起 丛 題 者 筆 瞻 得 示 禮 此 妙 余曹 大 像 在 士 以 吴道子之上。 者 仲 供 衆,今將墓 元 養,用資 觀 音 像

親冥福。」乃稽首爲之贊。

道 佛 植 子 無 稱 量 上。 慈 自 悲 福 攜 在 廣 大 此 在 西 心 相 還 古 好 刻 殊 不 之天竺。 在 勝。 相 筆 察 意 流 至 精 傳 微 秋 八方, 毫,出 乃 與

定光佛像贊

只 者存。 會,徒自饒舌紛紛。 解説無門。 蟲 擬 蝕 議 成 文, 則 風鈴摇殿 錯 屋 漏 思 直教唤 成 量 痕。 角,柔 則 智。 出 贈 櫓 南 以之中,天 斷 過江 安巖、 是 無 村。 主 人 能 然 也

9

南山律師贊

於 墳歎 身 0 E 仰 禪 止 曰 教 南 Ш 無 非 與 佛 爲 無 人。 閒 惟 0 人 兹 天 律 師 儀 尊,不 尤 切

靈芝律師贊

靈 Ш 芝。 相 高 南 持 Ш 律 既 益嚴 遠 教 護法 道 中 甚 微 一勞。 化 身 靈芝之風 再 來,是 南 爲

芿, 慕 究 海 之外 師之像 諸 佛 南 書 奉 法 Ш 自 之尤 求 既 靈 天 余爲贊。 得 芝之法, 竺流 謹 其 説 人 今 航 欲 芿公 震 有 歸 海 旦 H 恪 求 久 以 本 淑 守 師 矣, 或 諸 律 首 僧 而 嚴, 畫 俊 四

> 也。」此 宗 《詩》 矣。 余非 不 匪 上 盛 及,其 席 東 行 不 然見於日 學 日 階 非 於 : 佛 爲 而 口 律 東 者, 我 利 右 卷 之説 海 益 心 足 吾 也。 用 之東,于以 贵 匪 乎? 者 儒 有 雖 石 威 曲 窮哉 如 造 不 禮 儀 歸 人公門 次 三千, 可 棣 矣 補 轉 不 棣 教 使 也 可 , 而 散 不 化之所 律 廢 鞠 之 可 我 也。 選 多 心

哲老真贊

過 段 説 孫 血 大事 盆 栗棘 都 拈 本 不 是六 也 槌 四 蓬 見 佛 ,不枉了打 弄 作 文忠之文。 拂 罵 祖, 居 口 便 士: 吞。 惟 習 後 破 成 我 裔 家 直 若 獨 出 門。 得 尊 是 家 却 战 金 做 兒 如 真 別 臨 事 劒 箇 濟 卷 , 樹 1 横 老 渾 此 身 子 説 口 似 兒 透 竪

湖 心竹谿 政 講師

遂 於 倒 吸 與 面 盡 大衆。 無 徐 儔 老子,依舊説 0 知 君 西 諸 耶 佛 之 湖 萬 定交方外,一 當當 論 諸 樹, 水, 干 祖 亦 吾 却 經,縱 都 盱 教説 亦 成 衡 知 説 火 而 横 源 裹 律 偈 爲 受 流 説 别 於 打 余欣然 用 九 老 秋 禪 0 干。 師 年 片 0 指 之前 也 段辯 靈 望 季 再 臺, 札 見 他 才, 似 師 掛 壓 黄 贵 劒 口

鑑 堂昕 老 贊

禪 不 也 殺。 咄 會七七八八。 急裏 這 老 翻 頑 身, 頑 當 於 石 機 咄 鐵。 便 ! 拶 把 喝 似 倒 若 口 又 教 羅 起 撾 舌 皷 棒 沸 説 打

何

似耳

聾

眼

瞎

瑞 巖 益 老 贊

雲門不 鋪 絶 席 僅 多 如 年 綫 欲 命 捲 脉 收 有 又 人能 携 續 錫 不 海 東 頭

涂 毒 策 老

描 怕 塔,已成話 老從來顛蹶,不 畫 也。 涂 是見 毒 已 霸 化 佛 便 更要注 知今在 呵, 絲 不 見 何許, 脚 掛 祖 我 便 誰 駡 而精 則 模 者。 不 其 爽猶 暇 形 我 爲 銘 爲 强 此 其 口 爲

菴 瑾 老

俊辯 不 窮, 靈臺 無 比 庵空無人,雪銷

九九八

英老真贊

若將 榜樣 恙。 直 翩 然 教 且 去 竪起 寸草不留 終身,十字 須 之, 留 硬脊梁,論 遠 取 隔 , 這 街 大厦 風 老 頭 浪 古 蹴 交 將 錐 踏 鐵 維 傾 ,要與住 龍 柱 摩 敢 象。 杖。 示 將 疾 大地一 Ш 栖 手 雲 幸 人 扶當。 作 得 庵 變, 笛 無 中

壽上人真贊

爲 瘦。 大 道 對 年 師 鬼 甚 終不 神 高 而 業 獨 出 益 説 茂。 隻手。 有 飜 火 河之辯 冷雲深, 邁 祖 風之高絶 口。 松 枯 望 鶴

瞎堂遠老贊

瞿 南。 子,而杲風之同 曇。 荆 少 雲歸 棘 識 林 師 中,吞 列 於 岫 柯 參 Ш 也 栗棘 月 之菴, 印 蓬 寒潭。 , 晚見 觀 堂深處, 真圜 師 於靈 悟 之嫡 見古 隱 之

圓覺菴澄師真贊

持 有 古貞 ,更不須横説 清 净緣深,塵 女 之 潔。 竪説 居 勞 然 念 是 絶。 圓 雖 覺 見 菴 比 第 丘 尼身, 代住

偈頌

雙峯二偈

道 人欲問 莫把 資深 資 深 話 兩 自 處 得 尋,此 元無 心 古 心 與 外 更 無 心。

遶 寺 道 非 山無. 身外 好 處,不 亦 非 知門 中,左右逢 外有雙峯。 原作 麽 逢。

新昌石佛

是 却 相 下 佛 好 端 來 却 費 嚴 盡 不 何曾見得真 \equiv 具 得,若道 生 足尊, 五彩 心 與力, 便 彌 是 勒 黄 也 造成 金 不 得。 妙裝 石像一 上 飾 盡 百尺。 道不 層 樓

遊金焦兩山以雨而輟

其韻 豈俗 游二 道 河 絶 中 語 流 Ш 余沿檄行 大 日 所謂 適 憶 有 是 行 本 平 焦 日 浙 生不賣 長老《金 槁 風 西 之歎。 R 冒 大作、 漿 秋 者 Ш 陽之 至京 耶? 偈 江 頭 暴 П ,假舟 尤 烈, 戲 П 甚。 續 城 漕

歸, 也 金山 省兩頭 寺 裹 事 Ш 焦 Щ Ш 裹 寺。 風 雨 勸 我

跋惠峯詢老所編類海

饒 只爲老婆心切。 不 舌。 立文字,未免横説 古德 手段決裂, 若不作恁麽看,將謂多 竪説。 剥 地 破 草 缚 庵文字太多, 地 折。 説 П 道

題老融畫彌勒

蹉 過 足 乘 庵 風 却 欲 去 來 東 攻 南, 娘 同 口 龕 頭 此 意 誰 參。 當 時

西山僅老失牛求一言於邑宰數語代書

乃 知 中 介扣門,尺書 夜 忘 牛。 拽 杷 在 牽 手。 犁,能 不是長 耕 百 鬚饋 畝 鯉 披

戲贈怡雲平老

徑取,更煩明正官司

自

煖心。

見角便知,必

有

伶俐

衲子

幪

頭

9

新

圖

解若

庖丁,恐遭游

刃。

鄔

如

謝

大,且

藩

籬

,已行十里。

莫

走

潙

Щ

舊話

重

修

雪

竇

桃

林

之處

拽

轉

鼻

孔

不

解

鳴

3

剖

破

毛

戴角,方得

五春。

是

何

西山

之餓夫,

輒

挽

聞 相 君自怡 所 逢了 聞 深 白 Ш 而 何 中 來,不 話 時 拔 許 通 出 得 爲 開身, 同 見 那 龕 箇 所 住 見 是 鬧 末 而 市 後一 去。 裹 尋 句 嶺上 得 静 白 不 處 因 雲

送清道者住投子山

一鉢一衲,一丘一壑。非去非住,無相

無作。一脚踏著投子機,不被傍人輕摸索。

戲題珪老借菴

莫道菴子是借底,只你也是借將來。

勸君莫作來生債,盡底還他亦快哉。

不知當初問誰借,至今久假而不歸。

畢竟還了方是了,却須還我未生時。

次仲舅韻寄拙菴

涵秋古澗落珠旒,幾欲相將作勝遊。

芒屩未穿心已懶,不如莫莫且休休。

明月堂前玉几山,倦游雙徑却來還。

公居山外我城中,不見成疎見亦舅甥相與成三隱,城郭山林等是閑。

要是 歸來當 公居 Ш 外 一見,待携藜杖訪支公。 我 城 中, 不 見 成 踈 見 亦 空。

送雪竇璧老住雪峯

壺

籌

投

盡

無

人

、拾,澹

坐

藤

牀

風

掩

扉

莫把

坐

忘

成

坐

馳

歸

來

須

是

識

真

歸

莫言此 雪 去人千里,明 竇 移 將 住 雪 峯, 月往來含太空。 兩 Ш 雪 色本 皆 同

游雪竇雙塔登雲簷有懷海印雲老

德雲比丘,却在别峯頂上。 來禮二師遺像,小立雲簷一餉。欲見

金峩本老領優婆塞衆求寫選僧堂三大字

示以數語

行者堂中選僧,衆僧堂中選佛。人道

1001

梁骨。 + 是,我却不。 分鈍 碎 精 大丈夫,休 靈 似 遼 窟 天 不如莫待僧伽梨,便與竪起脊 鶻。 君 不 汩 見 赤 没 盧 脚 能 踏 只 透 粒 在 祖 爆 碓 師 起 坊 闘 冷 前,解 灰豆, 神 錐

題壽居仁獨説圖

道

本

來

無

一物。

語 受者亡是公,烏有先生子 Ш 録 空 月落 來,私有空空數張紙 向 來 説 八 萬 向 誰 四 不 千偈,舌 ·如出 虚 П 端 子。 人吾耳。 辯 才若 我却 翻 當時 曾見 水。

題壁老笑菴❶

夢夢 中 笑甚底,笑甚底,若 ·, 洗 泥 泥 裹。 頭 Ŀ 要 安頭,以 笑 時 笑殺你。 水濟 水。 説

箇箇一般,滔滔皆是。我也要笑來,終不欲

開

唇

露

丛

題宏老空谷

君看空谷自然空,聲有洪纖應則同

IE

爲

中

虚

聲

自

應,莫將應處

做

神

通

昕老自號鑑堂來住蘆山山中先有鑑堂

要是非臺亦非 鑑 堂 來 住 鑑 鑑 9 堂 但見 中 9 寂 兩 照含虚空。 鑑 相 磨 只 同。

- ■「壁」,殿本及底本目録作「壁」。
- ② 「臺」,殿本作「堂」。

跋 涂 毒 與 惠 老 偈

獸 巖 電 裂。 我 横 銘 説 師 竪 塔,而 説 不 不 待 識 饒 面 舌。 塗 瞻 毒 頂 相 聲,百 爛 爛

腦

次 韻 伯 父 與 心 聞 偈

老 郡 齋 示 及 見 紹 真 所 興二十四 蹟 與 恍 心 聞 如 年,伯父帥 隔 偈。 世 0 慶 敬 次 元 惟 舊 六 揚 韻 年 時, ·, 昕 在

無 江 拽 頭 開 香 言 氣 鼻 法 四十 器 在 孔 耳 力 何 妨 無 年 靈 限 待 來 Ш 晚 只似今。 會 坐 成 E 斷 笑 舌 傳 頭 朝 心。 功 點 更 鐵 自 深。 便 憐 成 鈍 揚 金 置 子

汪 耐 翁 以 最 首 座 + 玄談見示

若還 又有 十首 九百 玄談 1漢,葛 E 贅 疣, 藤 相 勞 纏 君 幾 頭 時 E 休 更 安

題 龍 眠 畫 西 域 聖 僧

默 然深入不二 放 兩 不 借 門,不 疊 雙足, 知師 自 唱 在 誰 在 家 心機 曲 在 目

戲 答 益 老 寄方竹 杖

持 得 削 下不 這 員 箇 也 瑞 力 巖 得 話 益 奪 笑。 謂 老 却。 寄 攻 又舉大德 方 媿 作 竹 下 麽 杖, 語 生 下 拈 書 品 得 起 云 處 柱 任 快 杖 不 道 提 全 可

快道。

削 得 家家 專 欒 竹 無 可 杖 笑,驀 只 員 光 然 奪 此 去 竹 亦 如 何 何 妨 得 許 咄 哉 方。

答東山一老二偈

得

力

處

不

在

這

箇。

即心是佛本無難,挫却絲毫隔萬山。

知有毗盧五千卷,誰能分寸費躋攀。

城 裹 Ш 閉 中 門 ·俱 深 是隱,江 坐 日 知 湖 味 不若 無 限 兩 忘休 好 Ш 都 懶 游。

送一老住廬山歸宗

從 來 要 啐 久 去 向 啄 廬 口 東 Ш 時 Ш 住,好 不 捲 偶 藏 然 就 經 山 史 鬼 中 君 神 過 提 此 推 起 出 生 Œ 舉 當 軍 年。

向來鬧市難行道,今日人天聽說禪。

发之君子催毕也,武可山前引送膏。 千古名山大道場,止因賦重遂荒

涼

後之君子 歸宗 誰 法 能 窟 弛 寖 試 湮 微 白 Ш 拭 前 眼 問 餘 老 風 蒼 靡 子 遺

法鼓一聲精彩變,要如光弼用軍時。

若 待 出 廬 來 Ш 方識 面 目 破 非 ,不知何用 難 識 横 嶺 箇 側 中 峯皆 是 真。

題庠老頤菴

戒; 直 頤 包 者 待 著許多牙齒。 病自此人,故 養 吞 下 却 也。 震上艮,下 栗 名庠 棘 蓬 而 以飲食爲忌。 禍 動 更 住 上止。 自 與 頤 此 吸 菴 出,故 盡 分明 知 西 他 江 庠者養也, 養 以 兩 水。 片口 箇 言語 甚底。 莫問 屑, 爲

■「挫」,殿本作「錯」。

這邊那邊,都是一箇道理。

題慈溪張氏坐化頌

行,這 轉 云 語。 有 慈 П 溪 自 身 董 有 在。」栢 君 苦 之妻 泉諸 無 身 張 無 人稱之爲下 氏 礙 坐 化 撒 手 作 便 頌

爲 害。 苦是自苦,有誰縛 既知一 物本 來 無 汝。 何 待行時 礙 是自 方自 礙, 非身 在

書全無用語録

用 爲善用? 死 ,不善用者 後葛藤 全公無 何 有時 用,無 用 不 拈起一枝草作丈六金身,有 如 雖 勿 用 然 之用。 用 如 是,善用 試 問 生前 大 衆 已自 者必 如如 無 自 何 用 則 有

時把丈六金身却作一枝草用

跋正法眼藏

法門也低一著。 休休休,莫莫莫。 也打 索。 不著。 問 IE 法 著則差,答著則錯。 眼 妙喜更得工夫,時 藏 當 時 若要拈花微笑底 滅, 却 那 喝 得 與下 也 許多落 喝 事 箇 不 不一 注 住,棒 落 脚。 索

攻處先生文集卷第六十五

3

攻媿先生文集卷第六十六

四明樓鑰大防

高祖先 生 事略 著

中,爲 數 始 江 爲 縣 主 年 鄉 録 簿。 人 事 居 郡 奉化 某 所 郡 有陰德 人。 字子 尊 學 禄 縣,世 不 尋 登皇 慶 及親 又 及 曆 文,其先婺 祐 延 中 人,父尤積 以 不 請 五. 州 財 欲 年 縣 至 雄 出 進 7 於鄉 + 人,不 學 官 士 善 餘 掌掌 第 以 年 詳 祖 繼 調 教 某 遂 以 以 徙 母 縣 舒 古 選 居 庠 無 居 州 學 者 爲 之 以 城 廬

公試 郡 學 今有 次也 凡 後 仕 鑰 書 浙 \equiv 羅 丞 亶 致 養 丹,袁公篆 尤 處皆 又主 弟 居 鏞 提 三十餘 仕 都 東 中皆立 存者。 詳 提 成成 鄉 刑 授 司 俞 書 妹 六 郡 刑 魁 適 大 里,袁公試開 绵 待 就 大 未 祠 年 庠 世 子 選。 拜 自 卿 額 制 理 坊。 成 常、光 孫 祭文見《赤城先生集》中。 ,碑志登載 天台 + 墓 時 充 號 評 立 前 汶, 其亡也 餘 下, 羅 袁 樓 人 宣 事 後 來 年。 具 皆 公以 物 孫 先 和 用闕 知府 知 學。 見 甚 生。 踵 其 初, 封,羅公試 分舒 弁、 泗 爲 辭 甚 仕 世 衆 孝 轂 里故 州 盗 諸公學業 墓 异 備 北 公爲 科 四 秀、 行 等,皆 發 縣 祝 豐 方 明 ,莫教授 節 事 Ŧi. 蘇 青 士子 文。 异 墓 不 尚 Ŧi. 操 手, 世 谿 州 台 其 受 先 銘 得 書 如 孫 既 州 既 門 生 師 植 與 稷 知 ,豐公書 攻 再 鍔、 冠 此 八、後爲 前 成 歸 數木, 祐 某 陷 郡 舒 典 卿 鉱 陵 舉 後 舒 其 遂 鄉 园 V 中

藏 郡 盗 望 于 諸 家 風 路 孫 而 惶 以 退 擾 門 郡 蔭 境 异 人 獨 調 仕者又數 全 兵 守 以 備 功 十 進 軍 人。 徽 聲 猷 其 有 閣 振 文 直 集 學 群

詠歸會講説

學 名 以 已 歸 致 恂 敘 起 此 詩 士 自 列 會 家 咸 者 守 禮 坐。 乾 乃 出 乎 家 道 相 縣 衣冠 作 童子二 ? 其 法 勉 臨 Ŧi. 尉 而 八門,儒 年 安 先 曹 遂 六 Ì 門 暮 教 一十人 主之。 生 世 爲 日 内 春辛 官 以 風 : 几 雍 仕 講 古 吾 蔚 明 穆 者 巳, 言 質 道 夫 然。 門 望 以 志者 雖 爲 子 明 畫 自 族 清 鄉 總 謁 出 錦 大父行 高 白 里 角 先 十二人,冠 孝 坊 亦 祖 之 相 聖 師 樓 先 知 人 童 傳 先 表 以 弟 氏 夫 生 亦 師 學 之 下 以 爲 所 言 者 者 儒 詠 以 時 以 怕 以

然 禮 時 經 也 役 尉 民 子 至 遇 爲 問 食,不織 口 財 文 則 聖世 焉 韓 曹 0 事 不 日 知 好 窮 鳴 非 有古 童 : 詠 吾之 使 不 者 矣。 事 惟 求 子 Œ 子 成 不 名 歸 相 人 吾見其 可 人閉 童 益 日 耐 以 弟 諸父 宜 要 人 之 臣 見 繼 使行 衣,生 子 : 「夫 者 暫 上 之禮 若 放 意 有子 門 之異 也 世 承 過 息 從 竊 居 金 窮 錐 非 非 書 家學之 乎 子 長 抑 嘗 紫 少 欲 於 弟 。」少師 股 嗚 其 嘗 皆 種 聞 以 孝 及 之 位 速 之 盡 態。 呼 來,不 不 宜 已學者 聞 其 友 金 也 於 與 勤 成 ! 傳, 絶 自 闕 紫 童 長 見 絶 之言 長 者 吾 之言 黨 勉 也 人 盡 子 味 少 曹 也 也 故 知 其 而 於 童 所 其 洗 師 0 曰 得 異 今 將 與 X 1 學 言 子 能 : 士 膏 宏 日 張 爲 日 勤 間 責 觀 先 時 將 才大 粱 圃 乎 童 天 以 辛 不 成 生 刻 其 命 已 氣 其 少 子 之 苦 並 耕 大 意 所 無 可 也 度 之 之 未 明 行 幸 存 夫 使 夫 勞 學 而 負

佚 於下 學者 既 以 至。 學,不至於聖人不可 年 不 故 此 韓 不 記 弁 而 矣 於 充 前 及 矣 君子 子 知 誦 必 闕 今無 後 使没 未 之可 ,所謂 求 成 其 。」聖賢之言, 者,年甚少,氣 黨 ,冠者室矣。 可 不思 也 人者? 恃 幾 童 有終身之憂,任 人之言 知、未能者何啻千 世 喜? 事 子 級。 後 取 謂 惟 、張 時 而 時 日 學 自力於學,而 期 當 無 退 名 某將 事 無 然爲士者之事 童 懋 聞,是豈 佩 富 其 而 益 子 而 甚 進 服 貴 Ė H 誘 振 皆 行 思 乎 鋭 謂 夫子 科 復 家 人於 矣, 重道 無 學 ,豈無文采之可 日 惡 第 年 聲者,不 吾 聞 ,駸 速 五. 日 無 萬 是 以 有 善 遠 祖宗父兄之 焉 年 我 成 傷 計 駸 家 有 限 如 等 死 忽馬 荷 之勢、 之 知 而 命 而 ?」爲己之 此 日 今日 在 戒 歸 此 而 新 焉 而 道 其 老之 兹 目 上之, 矣, 深 後 無 切 身之 之坐 乎 道 不 丱 前 取、 己。 窮 所 將 能 學 安 求 ? 可 者 然

> 之不 眼 日 相 月 如 逝 視 。」況 今? 矣, 歲 Ŧi. 古 不 年 人 我 之久乎? 日 與 : 後 1: 生 别 幸 可 ·毋 \equiv 畏, 忽。 日 焉 便 知 當 來 者 刮

贈種牙陳安上

喜,抑 老萊 貝 以 疾 則 子曰:「齒 曰 之美。吾於此 者 不 有 . 敝 意 曉 韓 ,易之以 臣 使人知剛者之必不亡也 平子 於 人 年八十矣, 以 剛 而 雖 問 處 子 也 堅固 新 世 叔 0 思 有感焉。 之 向 以 纔 陳 卒、 法 丛 生 爲 日 舉 以 術 吾 再 本 手 妙 相 墮 不 剛 非 豈惟 , 使 前 天 能 磨。 與 正 下 爲 軟 論 人 舌 Ë 舌柔 凡 舌 子 孰 終 尚 人之疾 堅 身 监 在 思之言 ? 叔 順 保 之有 向 終 萊 是 編 對

●「必不」,殿本作「不必」。

000

從子渢改字景劉

差,感 復爲 過 左 終不肯去。 愛之,不忍捨 女爲 任 於同 右 中 奴 繼 書 劉 其 每 産 婢 室 郎 渢 意 有 字 事 輩 慈 增 路 渢 處 渢 所 無 加,流 ざ苦。 常 年 氏 和 愛 母: 大 在 數 病 早亡,紹 遂 0 小 南 歲 床 經 路 必必 隆 陽 涕 帳 氏 年 路 不 諮 側 溓 生 氏 食。 納 渢 而 有 溓 父紹 不 輒 後 路太后 畫 識 兄 被 以爲子 路 行 夜 驅 事 氏 渢 仕 不 捶 怜 病 離 兄 宋 渢

日。 而 魏》 立 Ĕ 渢 名, 渢 既 數 美哉 使某 伯 冠 歲 時 將 兄 字之。 伯 下 渢 授 世 渢 兄 室 H. 乎 尚 是 1 久 ! 無 則欲 時 恙 大 嫂 取 既 而 氏 其 季 鞠 婉」,故 奉 幹 札 命 母 觀 子 於 之蠱 字 樂 如 歌 親

> 苦之。 季 長 兄之聽。 甚 君 於古人矣。 不 能 有 下 演, 亦 所 敬 感 同 之 則 當 前 以 焉 於 欲 事 非 惟其至行不 字 其 事 如 可 慈祥 其 改 我 渢 兄, 教 溓 謂 同 字 尚 率 居 之意 之事 難 盡 産 此 渢 其 勉之哉 愛又 矣。 而 天 日 間 其兄。 季 ,孝友二 愛益 理 當慕 移 景 非 後 大 也。 母母 劉 路 篤 母 閱 則 古 氏 反慈愛,而 不 事 伯 义 南 雍 人之 比 行 嫂 以 況 而 史》 睦 既 爲 奴 告 之盛 之惟 用 劉 季 子 非 之 婢 心 君 而 前 亦 弟 從 目 謹 傳 無 後 孝 能 思 亦 而 劉 媿 尊 實 終 益 惟 木

彈廣陵散書贈王明之

下 Ι. 意 異 盡 唐 而 問 乎 李 ? 工 之, 琬 聞 自 樂 日 以 T. 盡 爲 羯 求之 鼓 謂 久 琬 矣 雖 日 精 琬 能 意 加 盡 無 則 尾 曲 曲

於琴, 郊 陵》不 聲 韓 終。 所 余嘗 盡 得 至 不 子 泊 疑 日 脅 臯 虚 若 無 嘉 以 數 亂 婆娑 然 又 贈 聲 之音 小序 聲 論 者 愛其説。 也 不 ,皷之不 可 假 何 後 爲 .稱 一二序 0 明 未 之 而 言 雞 索 他 余 如 爲 屢 始 甚 必 愈 矣。」 焉 晉 》得 曲 作 真 舊 末 覺 詳 ? 以 厭 史》 E 而 此 曲 少 出 ^ 譜 具 痛 吅 使 屈 得 聲 小 權 於 見 Ι. 而 H. 稱 快 然 柘 以 亂 其 古 序 輿 曰 其 聞 好 此 急 而 廣 首 他 聲 必 聲 也 無 . 琴, 所 而 曲 尤 遍 獨 陵 曲 聲 非 能 奈聲 謂 或 欣 以 致 **>** 乃 多 起 散 得《 解 後 知 而 哀 意 以 發 潑 其 意 然 以 之, \forall 者 得 人 廣 憤 於 此 不 深 俱 於 攦 於 潑 能 其 遂 躁 盡 始 陵 果 今絶矣, 聲 恢 宫 盡 五. 攦 \pm 作 尾 亚 蹙、 古 散 素 商 相 六絃閒 何 雍 皆 明 蓋 今 傳 ? **>** 諧 懷 之 慘 容 語 以 於 余 他 之。 絃 協 精 廣 數 琬 故 所 痛 盧 真 此 而 曲

贈寫照郭拱辰

添 物 如 示 Ш 欲 子 能 數 郭 白 笑 君 藝 得 卷書 語 若 登 無 其 鄭 晦 大 真, 陋 菴 小 公 則 質 之 尚 有不 顧 胸 門 不 書 中 陸 足 怒 而 晦 有 煩 不足進矣。 而 游 菴 書 君 威之意。 戲 數 者 爲 丹 公, 貌 居 青 然 展 挾 武 不 卷 勉 洞 寫 凡 對 旃 清 照 以 神 申

書老牛智融事

許 往 敬 者 Ž, 善 Щ 氣 中 畫 淳 韻 熙 訪 談 . 而 七八 之。 一此 絶 吐 果 不 融 非 年 以 如 素 畫 閒 與 所 嚴 者 人。 期 始 冷 其 聞 不 歸 殆 雪 日 取 有 可 竇 挹 疋 道 見 Ш 之 紙 酌 其 有 士 寄之,久 書 僧 乎? 見 J) 智 心 融 甚

融 深 未 皆 物 語 筆 否 作 自 金 雨 不 須 簡 發 隨 一**,** 曰 足,物 近 歲 帶 老 見 也 0 與 或 寒 妙 筆 也 寒 之 融 . 問 煙 云 ПП Ē 動 畫 惜 而 老 源 自 成 友 催 Ш 目 忘 墨 非 是 流 不 以 贵 妙妙 欲 神 精 之上 形 也 如 數年 出於 古 復 非 暝。」 品 神遂 影 惜 絶 風 能 呵 瞼 吾 猶 命 范 閒 作。 堵 融 足。」 尤 所 有 映 時 牛 中 得 好 時 此 謂 又 曰 蓋 邪 之喜 只 而 作 得 兩 兩 地 日 . 嘗 ? 目 妙 蒸 其 此 牛 筆 筆 問 古 唇 處 自 得 者 如 日 宿 人 尚 遂 人 過 語 意 霧 人 . 不 号老 爲 非 蓋 惜 口 之。 之筆 畫 意 日 能 作 余 欲 此 求 墨 未 牛 家 則 作 盡 雖 下 人 似 如 高 精 惜 智 所 餘 古 网 物 紙 韻

郎 俗 居 出 臨 姓 安 邢 融 人 亡矣。 萬 禁廷, 名澄 松嶺,号草 不可 一世居 賞齊 復 殊 京 得。 菴 渥 師 邢 從 以 郎 不 其 醫 中 知 徒 人 何 問 仕 官 從 以 至 得 平. 成 南 道 渡 和

能 似 寥 半 又 其尾 莫 皆 謝 然 貴 年 忽 方 巖 矜 投 於 作 遣之。 ,徑山 及 體 窺 如 跡 蕭 石 也 出出 人 Ŧi. 而 也。 挽 蛇蛇 火 其 僻 偶 爲 + 散 遽 尤 禱 終 遇 端 奇 際 勝 人。 之 棄 爲 患遂 不 生 早 始 其 鬼 焉 初 絶 作 Ш 康 不 官 及遠 古 輒 意 知 於壁 之 適 土梟, 齋 計 有 廬 口 亦 除 勁 應, 謝 飛 向 意 地 餘 千 經 甚 不 妻子 動 來 假 或 丈 猶 行 頗 嚼 知 梟聲 閒 而 幽 意 曳杖 巌、 以 近 殆 此 其 蔗 吹 時 作 室 尋之時 或 行 於 遍 祝 自 去 能 折 火 有 妙峯 物 爲 以 獨 深 極 塵 靈 髮 是 草 向 畫 像 之革 火 坐, 出 坐 力 怪 俗 聞 人 悟 空, 也 驚 亭、 土 蘸 摹 不 靈 門 或 是 不 Ш 有 師 墨 寫 调 或 遠 隱 林 栖 欲 木 Ш 至 Ш 嘗 亦 蹋 非 以 者 雲 數 之 寺 深 移 靈 形 相 亦 畫 不 蛇 積 作 病 筆 隱 勝 氣 多 晷 隨 骸 有 游 學 龍 諸 坡 以 而 蛇 岸 形 寂 自 掣 所 公 則 泊 遂 几

契合 月 意 愈深 自 時 元 可 而 某 來 清 以 然 萬 師 一十秋, 都 H 絶 變, 畫 高 亡,亦異矣。 相 卒,壽 字畫 意荷 下, 家 勝 與 到 、終始。 求銘 瞑 眼 前 相 尺 八十 亦 人 目 無 與 繩 於 無 心, 無 古 亦 之。 余, 先一 ·,僧 俗 言 人, 輒 韻 萬 師 臘 或 寓 超 年足菴 不 事休。」 亦以 如 加 出 筆 吝 初自 師 以 端 翰 書 言 勢 墨 示 言 作 紹 見 利 寂 游 詩 畦 熙 與足 屬 戲 不多 畛 若 四 侍 則 點 避 者 菴 年 得 略 未 語 化 幾 道 尤 五. 爲 之 不

之來 意作 溪 德 東 之,余亦安能 如 坡 煙 愛其 贊文 也 詩 師 雨 以以 但 晦 與 畫 藏自祕, 軸 師 寫 可 者 知其 遺 所 胸 竹 乎?」此 余 子 中 石 所至 足菴 雖 之妙 師 日 與 . 又寄 ? 之 9 彌 余 余於 嗚 周 所 勒 陳 呼 旋者 歸 以 像 後 師 1 及 牛 又 Ш 之畫 歎 不 圖 元 孰 謂 能 所 有愛其 淵 也。 亦 藏 意 盡 明 \overline{Z} 元 蓋 牛 無 知

之大略,附足菴碑陰,因慨然爲書之。有在。余爲作三偈,元欲刻之石,且請書師

姜子謙以試邑鍾離請益

心 等情 喫著 馱。 江踏 易 卿, 公滂善宰劇邑,或問 得 語之日 或疑其 不通 作大。 浪 所 鄉 以 口 兒 人有 便難 漸 能 ,投身怒濤 太 濟者,謹 爲宰, 才作大,且 至 簡 作 一養尊 脱 縣 耐 矣。 無 而 又云 不 其要,云:此 中,旁觀 請 他 則去 可 先 教於外祖 7: 「百 切勿作大。」 喫 民 與丞、簿、 Ĵ 寝遠 亦 里 爲 П 獨 之寒 如 汪 0 。」龔 水 專 尉 浙 少

其叔 :「然。」叔笑曰: 前 父見之,云 輩 有 爲 縣,公退 0 「汝欲 「汝既 以 爲 做 貫珠 佛 1 邪 知 誦 縣 ? 佛 對 审

DП

然,谨下攻為央忌害勿穿事。 望做佛耶?」言造業之多也。其人悚

告。 吕 請益 書尤精詳 土 風 觀文《治縣 言皆 亦 子 謙既 謹 淳,長民者惟 某不曾作邑,無 通俗 不 可 挹世 敢 法》等 取 易 爲 而 科,以 曉 殃 觀 書已 民 相與安之而 俱 也。 害物等事 有 新制宰鍾 以 多,彭子 旨 姑 塞 哉。 命。 誦 所 淮 離 復 聞 況 堧 以以 臨 近 事 二以 海 世 此 簡 如 册

趙子冶循齋説

與故 過 君 日 上之,何 可可 子。」通天下 ,循天之理。」董仲 「循」之義 趙子冶求名 以 所 接 物 不 可? 大矣哉 可 其 以 理 齋,名之以「循」, 亦 處 爾 不 事 . 舒 曰 循 , 可 必容是非 《莊子》曰 之 :「樂循 以 而 臨 行 政 於 . 可 理 丽 等 告之 以 謂 去 心 知 寡 之 而

> 所 旨甚遠,子冶勉之哉 安,施於 不 安, 即 而 是 合 非 天 理 理 0 不 循 外 是 是 而 矣。 行 隱 言 於 雖 近 心 而 而

趙元衛勉齋説

視也 貴賤 終身 尚 學問 子冶 矣。 如 日 勉齊」而告之曰: 逆 在 起 水 窮達自 故 元 而 余既 以 則聞 雖 衛 行 大 處 循 所 舟 有 爲 勉 齋 見 放 至 倍 有定分,學問 功。 趙 之 博 手 未 其 振 哉 用力 圃 則 吾儕中 可 季元 文作 知 流 事 知, 則 益 蕩 後 在 衛 毋 可 與 明。 而 日 人之性 强 亦 自 亦自 以寸進 不 下 再 勉 以 欺 强勉 用 不 見 而已矣。 此 有 齋 其 行道 請 可 之 分量,盡 可 當 力 謹執 爲 收 銘 Ŀ 者 刮 拾矣。 可 有 目 持 强 名 則 又 下 則 德 閒 力 名 相 勉 E

贈筆工吕文質

文質試 溧水有 筆 隸 云出 次 武 無兔毫,文質深入淮楚,始得之。 毛穎傳》及贊,終始 建 中 也 殊佳,在人品 康 Ш 几 兔毫,爲 中山 傳 往 將 明吕文質居 雖寓 訪 宣 大獵 求 城 ,去縣才十五里,《元 之。 筆精: 言, 筆 以 中 舊 懼 然 則 妙」。 桃 有 以 其 賈 楚」,則 源 名 中 中 長 谿 于世,贵 此 山爲言,意其 云 頭 上,多 縣 蒙 非定 也。 唐 和郡 游浙 恬 屬 近 以 武 韓文公作 南 宣 筆 此 也。 縣 伐 州 右, (爲定 I 邪 今 今 楚, 志》 今 ? 苦 作

贈徐心鏡

師曠、師冕、矇瞍、御瞽,古人專使之審

者,而 矇 音,此 徐 Ŀ 心 鏡 中下凡三百 徐 事 生一 不復見矣。 聞 人 身餬 、聲,輒 人,不惟 П 之不足。 能言 今之聽 禄之, 其 聲,殆 休 噫 咎 而 又 其遺意。 周 有 古道之 之瞽 相之

雙溪金君顯菴説

不行,何止

此

哉

父母 位之顯 樂吾 況 之有? 願 起家寒儒、禄 臣 併言其所 枉道以干進乎? 者 贈 親 雙溪 也 《易》曰 謂 親崇品 雖 金 立 取 以 君式 故孝子 以顯父母之義, 身行道 顯 不 者。」因告之日 欲 及養。 適 賁 養親 足以 若枉 書 湯揚 其 顯 趾 ,必薦 自升 爲 名 道 菴 於 干 九京之辱 舍 進,則 後 朝 非 車 扁 仁 籍 世 敢 者之粟, 而 榜 經 徒 當 雖 非 所 且 此 位 得 何 取 謂 H ^ 也 追 揚 顯 爵 極 而 顯 .

告後之人。 知 子 0 V 聞 . 又自 以 1 其 壽 所 藏 養 於其側,其以 ,養之至也 0 此 君 意 古 更 所 以 深

趙甥叔明和孺堂

急 弟既 説 兄 詩 兄弟,不 季 則 兄弟之詩 也 弟 敏 出 則 友 生爲 於歐 專 具, 汝 至於安 毛、 既 外 帥 主 甥 翕 如 鄭 和樂 急,曾一 一兄弟。 趙 陽 口 注 友 和 寧 堂 叔 公,嘗因 、箋皆 生 Ħ. 喪 樂 明 而 乃 不 孺 且 蓋 汝 居 知《伐 亂 儐 謂 不 湛。 謂 顧 既 爾 兄 妻子 是以 求 得 急 昆 籩 平, 弟 扁 木》則 其 深 難 季 不 豆,飲酒之飫。 好合, 推 於 既 意,謂 哉 禦 四 如 後 子。 安 侮 專 友 二章,注、 且 如 爲朋 安 生 詩 以 今 寧。 小 鼓瑟琴。 乎? 寧之時 兄弟 人之旨 與 雅 友,此 雖 其 兄 笺 此 爲 有 燕 季

> 皆 樂 其 樂 所 然。 本 耳 曰 謂 非 長 Ħ. 尚 非 也 和 也,無 若兄 天 至於孺 也 兄弟 得 孺 平 屬 月 以 弟 日 蓋 , 徒 不 無 厭 翕 以 序 知 謂 故 飫 以 合 此 陳 其意以 直 敬其兄者,此天性也。妻子 好 籩 意 而 則 如 樂 而 況 處 豆 其 孺子之時。 相合, 也 、勉之。 兄 以 兄 和 弟 飲 弟之間 樂 酒 既 既 Ħ. 猶 具, 食 至 具 能 矣,吾之和 於 孩提之童 因 如 如 湛,言 名 鼓 時 孟 其 瑟 子 堂 樂 甚

名 厚 孫

位 得 克,是不然。 未土克癸亥水。 ,納音又爲 男,其八字辛未、乙 嘉定 几 年 辰 土 龍 戌 或 集 是 丑. 以 辛 坤 爲大海 未 未、癸酉、癸亥,以 未 士. 皆 Ŧi. 也 爲 月二十二 水非土之所 土 坤 爲 耐 地,《 未 H 75 能 中 辛 坤 潚

攻處先生文集卷第六十六

徐聖可字説

使從厚云。

坤,君子以厚

德載

物。」名曰

「厚孫」,抑誨之

欲名以「振」,又有

當避者。

《易》曰:「地勢

庸》謂「振河海而

不洩」者也,何克之云?

伯。 所可 恃其天資,而貴於學也。子桑伯子,聖人之 必曰「而」者,皆所以成其德。 寬、日柔 教胄子,有曰「無虐」、「無傲」。 爲名字。」君聞而矍然,請易之,於是字之曰 人桃廟,雖於禮法不諱,爲臣子者要不當以 聖可」,蓋亦取仲弓子桑伯子之問也。 也。 臨 因告之曰:「君之字善矣,然自翼 江徐君簡一 而下皆性之善也。 君其體舜之無 見如故交,問其字,曰 傲、皋陶之所謂廉 日 是以君子不敢 栗、 泉陶 曰 九德。 V. 舜 丽 祖 敬 命 下 日 再

攻 媳 先 生文集卷第六十七

大 防

四 明 樓 鑰

恭 題 直 學士 院 所 賜 御 筀 題

跋

留 IE 少 師 判 建 康 府 趙 汝 愚 右 派 相

臣 際 時 + 李 册 以 遇 巘 主 非 臣 后 封 才 去 E 紹 拜 龍 或 熙 加 飛 五. 新 内 恩 之 年 外 除 等 初 待 中 制 皆 罪 書 書 斤 西 以 詔 舍 斤 掖 次 填 人 第 幸 委。 陳 兼 無 而 傅 直 時 闕 舉 良 學 翰 事 未 \pm 林 八 院 至, 學 月

> 傳 爲 摛 除 汝 秋 愚 苑 語 派 相 師 御 日 放以 家 讀 者尤 子 伯 0 0 + 文 相 愚 淫 開 藥 觀文殿 堂 孫 寶 是 除 故 府 至 七 雨 者 圭 詳 。 録 時 臣 特 事 日 儀 仍識 往 罪 御 加 亦 未 千 進 忽 可 主 本 筆 大 己 往 遂 命 不 兩 蒙 載 遑 上 歲 例 學 具 依 降 不 賜 相 聞 鎮 司 宣 勒 幸 月 留 猶 載 知 士 臣 必 舊 節 詔 知 0 召 之堅 遇 大概 院 御 判 所 於 設 0 0 度 右 四 中 自 重 不 猥 既 慶 金 派 使 月 建 于 珉 制 華 知 元 也 者 鑾 0 啓 以 相 四 臣 康 右 中 謹 皆 宫 爲 殿 + 元 御 蕪 得 日 府 又 何 齋 + 年 月 有 封 陋 珍 仍 詞 九 汝 余 退 事 之 三日 八 訓 祓 IE 9 藏 鎖 端 留 不 臣 月 0 愚 日 裝 月 辭 詞 宸 南 面 禮 敢 除 E 人 褫 八 翰 以 + 内 受 視 師 除 院 右 除 以 而 以以 日, 語 翰 草 夔 季 聖 右 汝 派 少 베

嗣秀王伯圭免奉朝請并聖節批答

榮 允,尋 意 臣 + 黄 臣 圭 臣 制 流 翰 不 · 月十 降 不 御 又 若 自 以 猶 御 寶 仍 哌 衰 時 允 未 紹 \equiv 筆 以 録 于 奏 九 老 從 及 其 熙 指 請 批 輒 家 所 少 日 乞 臣 進 Ŧī. 請 揮 依 進 而 廢 誕 撰 俟 免奉 方 年 也 尤 使 言 狂 後 不 聖之日 詔 三表, 口 皇 世 八月 從 瞽之言 之盛 必 爲 班 -朝請 書 七 E 世 之。 行 盡 及三 月二 踐 + 子 即 爲天 善。」 奏 出 9 祚 抑 日 臣 内批 孫 再 事 伯 + 批 仍 之 以 謹 得 仰 佑 仰 答于 圭 九 群 有 然 初 記 降 見 寶 内 節 蒙 臣 劄 H 貼 後 微 聖 藏 批 聖 詔 臣 前 子 E 黄 内 以 臣 主 降 慈 不 嗣 叨 表 批 云 次 徑 以 際 從 批 奏 徹 允。 秀 掌 宜 獨 王 著 請 諭 答 遇 善 中 去 内 允。 對 伯 事 之 宸 不 貼 聖 懷 如 以 大 外

慶節云。 實。後以契丹僞號中有天佑二字,始改瑞

恭題知貢舉所賜御札

覽 詳 誅 邊 心 仰 爲 闕 臣 進 而),塗炭 雷 寡 惟 點 元 前 重 士 项 臨 聲 惡 欲 皇 拜 率 Ŧi. 皇 檢 此 政 崇 帝 試 干 帝 雖 百 處 生 而 神 陛下 餘 卷 御 退 間 知 更化 儒 靈 之晏然, 動 官 人。 而 極 貢 有 "。陛下 典 而 以濬 啓緘 + 以 舉 學 之, 天 有 廪廪嚮 下 二月甲 臣 不 隨 而 憂 未 伏 三十三人, 哲之資,承 Ŧi. 思 者 形 懈 讀 年 天 有 臣 治 也 下 於 益 莫 辰 如 歲 幼 安矣 復定。 色,外 以 虔。 今 不 在 方且 學、 H 付 驚 班 戊 御 乃者 之 臣 託 喜 辰 鉏 札 列 厲 先 所 盛 之重 感 時 付 叛 于 是三 謂 權 禮 精 舉 歎 將 庭 臣 淵 暨 臣 部 而 等 也 錫 清 參 試 躬 默 開 望 内

矧 閱 以 兹 敢 興 諱 大 繼 勝 幾 至 宸 有 國 0 其 泯 意 以 諫 起 問 于 審 翰 頒 1 擇 敝 孤 温 之鼓 陛 再 厚 發 取 于 治 獻 臣 文 = 仰 舉 貢 學誤蒙委以 恩 詔 策 F 言 舍 功 等 體 去 闡 平. 隆 賴 場 又 博 既 俾 煌 醇 取 誹 實 寬 陛 慮 蓋 其 寬 今歲 採 日 以 Œ 煌 之 士: 謗 自 有 下 人 縱 盡 芻蕘 所 宣 間 帝 子 之 聖 之議 比 親 F 可 議 皆 願 以 謨 盡 文 木 亦 年 心 策 用 論 趨 以 高 言 寮 私 真 衡 推 感 以 己 造 五三六經 精 繒 不 何 屬 視 害 雖 無 也 來, 口 悟 賢 社 1: 確 及 以 所 干 公, 隱 涉 稷 遜 首 更 念場 者 專 姦 臨 尚 繋。 古 而 之 矣。 能 訐 士 相 爲 倖 軒 下 又 此 福 直 類 載 屬 又 求 蒙 屋 圖 勸 弄 使 豫 伏 故 之舊 厲 籍 意 言 蔽 嗟 權 曰 報 精 勿 猗 念 今聖 戒 戒 之令, 之傳, 公公 萬 人才 惋 : 歟 以 杜 主 又 加 臣 臣 分 不 等 休 爲 考 訓 道 絶 等 古 以 或 司

> 尚 陛 憚 致 以 驚 寘 林 副 不 不 庶 孜 巖 詔 惕 得 敢 在 下 陛 爵禄 騁 幾 孜 輕 用 穴 祗 前 几 下 見 之士 懼 方 列 於 而 求 所能 夙 野 又 抑 求 賢 臣 然 揚 無 之, 仰 之 宵 誘 必 士 等智 遺 惟 切 者。 靡 當 有 子 恪 賢 或 遑。 有 下 逸 局 遵 家 識 惟 多 魁 告 於 不 才 荒 設 陛 敢 壘 士 文 戒 高 足 科 淺 下 以 濟 不 體 節 以 得 謹 推 奎 深 濟 世 得 畫 此 λ 雖 拔 非 恐 之才 臣 人 最 登 心 有 其 上 科 等 物 盛 諸 以 尤 奇 不 出 目 之真 不 樂石 往 異 才 足 然 所 而 佞 以 不 恐 爲 能 Ш

恭題賜陳傅良宸翰

頌 0 時 既 宫 臣 仰 寮 而 置 惟 皇 酒 出 帝 高 潾 陛 宴, 選 下 初 龍 酌 嘗 潛 黄 嘉 逢 邸 裳 誕 辰 毓 次 德 酌 咸 進 陳 獻 學 詩 傅

懼

絶

也。 之形容,皆有敕 良,各授 詩 頌 一於『君 良 請 ,善始善終者 待 良 惠 請 翊 **>** 臣 成 罪 跽 親 問 善 以 以 大序》言 傅 雖 而 王 爲之矍 宸 謝 書 所 跋 瑣 日『哀 良 文書 大 臣 作《 翰 以 語 闥 其 而 中 爲 相 本, 退 謙 示 刊 頌 書 壽 與 敕 而 之堅 然 臣 賜 哉 戒 日 **>**, 舍 復 而 通 傅 以 不 陛 之 作 之義 人。 維 ? 推 以 作 成 大 良 愁』。 上呈 下 珉 致 由 而 皆 己 是 爲 略 功 同 蓋 踐 謝 懲 贈 幾 未 曰 玉 告 曰 直 寓 頌 贊 祚之初 陛 再 秦 艾, 幾 以 太史遷 安 : 北 音 警詢 於 者 讀 下 偉 斯 裳 門,嘗 神 賜 示不 不 可 季 哉 爲 以 以 未 之意 明 許。 專 不 ~讀《虞 札 言 御 其 來,此 論 疾 嘗 擢裳 於 忘 謂 名 觀 過 殁 也 是 無 美 戰 不 樂,歌 其 謹 日 裳 書 禮 有 義 盛 流 時 傅 輒 戰 E 家 封 公 部 與 依 自 殆 德 恐 涕 臣 良

傅

至

某

奏

傅

尚

所

大

化之日 F 於上 傅 「不以 知 其 忘 瘉 諫 之素,下 以 頌 非 頌 將 良 之切 古 0 歎 家 於 秦 爲 百 曾 方 服 能 江 專 馬 警 人 碑 則 頌 發之。 賡 未 遷 湖 ,不敢使 ,未嘗不寓 ,促使刻之。 戒 之 以 敢 務 而 不 歌 者。 信 不 者 直 以 溢 侈 知 以 足 頌 宿 + 書 美, 傳 所 規 傅 詩 臣 以 舜、 餘 始末,上 遠 而 人 在 良 人 發 於 年。 代 於 本 已 等 0 矣。 亦 臯 亦 聖 傅 傅 斯 報 書 非 臣 賡 不 際 賢 不 傅 良 云 罷 專 良 既 其 歌 遇 悟 以 以 相 平. 良 於 適 日 子 傷 之 頌 彰 爲 敕之旨 世 日 形 F 臣 有 傅 臣 寵 之 陛 過 「今既 世 所 但 容 目 尋 良 師 有 下 畏, 以 告 亦 稱 訪 抑 不 轍 規 韓 好 爲 美 去 賢 遺 當 及 刊 自 使 求 至 愈 也 或 盛 樂 藁 見 跋 俟 奎 是 李 有 後 而 善 益

誳

學

更

其

於

1127

相

畫

而

//

斯

恭題仁宗賜董淵宸翰

實 以 古 御 ൬ 福 甲 鄭 政 或 始於此 是年 字,足以示 肆 已 殿 寅 獬 殿 筆」字也, 家 筆 = 祗應,豈非爲諸 蓋 等 試 臣 閑 $\dot{+}$ 匪 + 禮 Ŧī. 竊 暇 廷 第 攷 部 頒 餘 百 及是 試 感歎 ,爲第二 小小 皇 年 進 萬 後 見《義雲章》。 Ė, + 祐 士 世 臣 再三,謹 時 人。 五. 法。 日 猶 月 員 明 年 甲 位官耶? 0 平 不 其 丘 前 \equiv 第 印 忘 又 儂 象 政 月 所 附 八 文左 自言 保 智 刑 天 書下方。 辛 書 十人, 臣 臣高 治 高 O 賦 + Н. 日 之 以 是時 **念孟 %** 朝 四 朔 祖 帝」, 要。 大 廷 日 辛 壬 子》 先 家 神 理 無 子 酉 臣 右 雖 衣 文 是 派 日 事 某 冠 1 臨 景 則 爲 放

恭題仁宗賜懷璉御頌

禪 事 漢 年,未 模 容之所能 勒 以 又 上 章 奎 不 頌 書 大 閣 也 昭 而 昭 妙妙 多 所 Ź 口 説 刻之,以 中 藏 陵 臣 勝 稱尊奉 佛 深 之美,於焉 Ш 惟 祖 詩 仰 之殿 賜 頂 盡 妙 君 宗皇 宗 明 惟 翰, 光 以 、宸藻 也 海 宸 州 紹 之義。 御 補 明之塔」以 」,皆已登之樂 雖 王 翰 帝 廣 興 札 名 至 墜 所 利 之交輝 初 益 大 Ш 謂 今珍藏 失 賜 寺 元 當 備 之 今住 卷 殆 懷 住 高 來 真 闕 寵 軸 盡 璉 持 皇 朝 典 Ш 則 之。 既 東 求 贊 僧 帝 臣 而 石 豐,護 非 以 南 頌 净 南 訪 僧 大 小 謹 而 孝宗皇 襌 寶 曇,悉 巡 Ш 後 宗 仍 惟 臣 其 林 持 墨 林 七 贊 累 印 第 净 慨 藏 有 E 歎 朝 始 曇 帝 + 以 所 念 道 進 若 盛 模 形 雲 餘 盡 賜 宸 得 天

恭題仁宗賜張中庸卹刑勑書

之書 後。 璽 稍 紹 書 口 鈞 不 有 德 體 + 時 文 詳 儒 知 云 通 治 也。 大 焉 七 者 無 臣 至今先 何 方 其 字 此 0 亦 示 家 疑 小 帝 于民 伸 從 聞 臣 如 臣 藏 昭 時 曾 共 而 之故 仰 下 書 日 賜 陵 心 理 祖 百 凡 吴 惟 雖 111 9 子 所 祕 _ 之良」。 者 中 末 事,每 作 藝 廣 紹 不 賜 書 開 白 庸 有 祖 次 字 儒 同 也 寶 派 百 五. 勑 所 不 開 恤 9 0 及諸 更 兼 蓋 藏 字 七 + 同 基 刑 中 紹 年 權 + 字。 仁 以 勑 庸 儒 仁 絶 朝 道 而 四 宗 兵 攽 有 書 爲 當 或或 甚 覆 每 月 降 部 紹 皇 則 九 部 是 行 天 後 詔 相 遠 儒 郎 字 帝 恐 勑 F 使 郡 皆 似 止 者 官 暑 字 非 近 九字, 者, 守 書 扇 爲 别 始 好 則 月 臣 日 白 歲 先 是 爲 故 故 知 勑 張 暍 生

詳 諸 藥。 潔 户 矜。 罪 邀 牢 年 沙 朱 泣 候 病 太 平 庭 矣 難 者 獄 道 夏 辜 窮 聚 處 川 ,更 究 宜 小 貧 宜 斷 爲 供 州 興 既 月 棘 减 前 或 罪 令有 自 府 伸 無 其 之 詔 尅 致 之 臨 給漿 每 \pm 是 情 六 時 軍 欽 日 中 即 毉 所 能 五. 溽 每 監 年 恤 : 口 無 時 給 療 自 無 飲 事 日 亦 暑 限 歲首夏下 詔 縣 家 之文,庶協 决 供 當 給 與 致 ; 有 等,凡 方 詔 遣 屬 酒 者, 此 淹 械 恤 檢 送 灑 甚 到 9 者 食。 當 炎 延 繫之具,皆令潔 刑 飲 掃 重 視 供 H 官 蒸 鑠 禁繫之所 緩 食 供 繫 詔 以 給 睠 小 給 灑 其 石 獄 之際,念其 長 無 饌之文。」 稱 恤 兹 飲 罪 畫 掃 流 囚 口 嬴 有 有 刑 朕 縲 食 糧 逐 時 金 湯 1 之 淹 遂 意 或 合 之候, 旋 傳 洗 並 枷 病 候 滯 。」蓋 通 爲定 送 决 械 雍 0 者 歸 深 净 縲 務 須 規 遣 太 又 法 灑 宜 給 用 無 紲 熙 在 在 令 加 者 宗 毉 衷 黄 大 \$ 疾 令 之 清 掃 吾

持 之 然。 副 外 歲 命 人 我 本 大 真 T 宗 率 寧 恩,又益 必 提 悉 主 朝 臨 心 使 之家 力求 再 點 L 遣 篤 大 如 遠 如 寶 之意 一,當盛 舉 刑 中 厚 開 故 民 前 法 外 行 祥 0 獄 寶 典。 自 廣 朝 使 累 符、 補 行 暑 雍 矣。 以 又 之 者 今 其 聖 命 至 時 熙 不 勑 仲 所 宗 遵 鈞,蜀 爲 開 之 冤 御 冬巡 書, 臨 學, 行 慶 潼 禧 詔 史 如 軒 尤 曆 宣 劾]1] 不 歷 人 在 踈 皆 揚 其 年, 乃 憲 以 荷 也。 决, 畿 有 如 德 不 知 使 炎蒸 於 復 甸 仲 詔 意 度者。 分命 此 職 褆 因 夏 旨 真 於 奉 爲 身 之 論 朝 諸 萬 訓 念 勑 口 而 肅 法 人 欽 譽 以 里 道 書 條 詞 之 之 肆 藹 仰 卹 慮 雷 約 每 又

恭題向公起所藏仁宗宸翰

臣頃見故祕書省正字陳師道跋修起居

筆」 察使 雲章 其不 以 刻 之。 法 注 于 舊 刑 江 贈 ×, 其 字 倫 聞 石 一大字, 休 政 始 太 復 再 以 几 後見 拜 尉 知 日 字 示 書 七 孫 師 向 簽 臣。 昭 于 世 道 惠 又言 端 陵 下 誤 孫 節 禮 雲漢 它刻 方 蓋古文「筆」字 新 以 公 其 所 爲 知 傳 璽 藏 昭 j. 桂 範 1 文 籙 口 陽 蒙 宗 用 日 一字 不 軍 賜 皇 此 帝 臨 爾 容 印,臣 帝 以 也 籙 武 繪 飛 御 当《 縣 密 畫 白 書 公起 州 尋 竊 帝 義 敢 考 觀 善 疑

恭題趙時穆家藏兩朝賜碑

輕 蓋 求 在 畀 以 所 法 臨 當 臣 謂 有 \equiv 朝 書 淵 造 如 者 尹 默 嘗 朝 絶 孝 與 行 幾 無 齊 修 欲 四 而 公叔 無 官 僅 宗皇 言。 玉 有 充,乃 牒 有 帝 雲 朝 凡 漢 則 獨 聖 之章 必 玉 蒙忠孝之 牒 謹 語 尤 書 + 御 之。 年 筆

褒,

則

其賢行

真

可

以

信

後世矣。

三子决科

神宗皇

帝

又寵

異

之,益

彰

麟

趾之慶,君子之

識 臣 貯所 十年矣。 公繪宸翰,筆 道。 萬 延 而公亦歸矣。 前 于 里 閱 後 元 存 風 臣 字 月 祐 者 煙 仰 體 才十有六, 視 盡 編 惟神宗皇 莊 俱 張 裕 重 法 元 人長第。 臣 派 陵 與 豐五年 頃 相 廟 御 此 帝 魏 謨 在 集, 承 卷絶類。 經 都 公浚潭 遠 密 悉 時 + 略 下 矣。 詔 月 已 内 西 掌 至 蓋 E 相 事 州 再 恭 倉 送 沈 舊 拜 以 纖 猝 覩 百七十 公括 官。 欽 題 永 悉 戒 宣 个, 恰 歎, 樂 周 諭 諭 帥 此 事 六 謹 楊 邊 祕

鄜

恭 題 徽 宗 賜 沈 晦 御

宣 和 六 年, 御 試 策 問, 非 舉 子 所 能 條

藏 世 丹 之盛 士遜 友 晉 左曰 到 澤 公或序 藏 以以 科, 也 年 河,抑 Œ 宋 古字也。 流 不仕 富 風 碑示臣 衍 事,孝齊 「帝」,人所 無 以 爲 非孝齊公父子之賢 剡夫 藏 或議, 度。 至 開 忘先朝先 窺 故 書 今。 見 化 寓 昭陵 畫 端 此 銜 承 公立 尉 雄 方 四 Ŧi. 中 易 平 拜 奕 文 多用 明,有 世 碑 世之典訓 無 敬 識。 文物之大 正能 相 身 孫 奕 皆 職 誦 照 訓 此 剡 佳 其 守,養高 右曰 鄉 仰 世 ,碑製古雅 印。 子之懿美。 夫 公子 且. 奇 曲 其 嘆 與 厚, 概 畫,世所罕見。 (家,擅 筝」,《 之 累 退 其 也。 譽。 未 故 傅張文懿 朝 子 竊 易 第 崇 時 書名,有 義 考 其益 時 中三 書札 得 篤 穆 雲章 印 穆 其 時 親 以 章 寶 數 登 書 公 名 賢 家

〇二六

之,使 借 對 於 遭 以 在 時 得 箸 百 貢 金 人 多 有 士人衆,特 花 籌 惟 後 艱 笺 聞 之 胥 Ŧi. 來 不 E 人, Ш 喜宴 者 沈 0 揮 得 文 猶 公 至 躋 添 以 物 得 數 晦 今 省 御 時 以 盛 千 以 如 額 詩 於 想 萬 軼 新 舜 寵 時 言 見 群 白 之。 禹 勢欲 承 0 炳 之才 之前 人,廷 平 沈 如 雲章 氣 氏 飛 也 能 精 其 試 象 動 昭 通 捐 世 士: 祐 象 П 子 是 胥 # 陵 軀 數 Ш 至 時 其 喜 盡 寶

恭題宇文紹節所藏徽宗御書脩禊序

褎

然

舉

首

可

謂

不

負徽

皇知

人之哲矣。

瘁

於

干

戈

搶

攘

中

而

去就

出

處,卒保名節

謂 唐 太 唐 宗 臣 善 嘗 求 法書者各得 作 觀 之 字 尤 巓 無 勤 亭 不 修 É 效 右軍 褉 謂 之 序》草 心 者 之 慕 手 本 故 體 追 流 南 傳 若 唐 Ŧ 人 虞 後 載 主 而 世

> 遭 年 大 妙 藝 驚 廳 得 失 樞 其 得 肉 南 楔序》於青繒 、全者。 兵 其 其 密 父某受不 急 其 魯 而 得 寵 筆 何止青出 燬 院 法 清 失 温 其 光 力 無 柳 於俗,李邕 秀 事 而 美 而 遺 狎 超 藴 公權 恭 紹 褚 失 失 韻 至 藉 邁 刻 節 世 惟 於 於 而 於藍 得 態 遂 猶 細 中 家 之 窘 徽 狂 高 失 度 其 良 有 藏 書 宗 其 知 掩 拘 雖 骨 得 得 而 存 御 方 皇 獨 Ë, 前 俊 觀 其 其 而 日 俾 顔 者 書 或 獻 古 帝 邁 出 此 氣 意 失 守 真 真 之 之 天 言 臣 於 於 而 加 歐 自 卿 兹 几 賜 蹟 縱 俱 失 薛 世 生 失 焉 得 出 陽 明 聯 則 多 得 受國 於 稷, 獷 其 昭 其 恭 機 鄉 詢 是 翩 能 變 之, 體 徐 口 覩 郡 筋 杼 終 得 而 而 之光 恩 格 化 者 游 而 楷 浩 于 無 而 其 下 簽 真 幾 先 法 失 張 得 失 薛 力 心 有 於 書 臣 精 得 於 照 書 雖 六 其 稷 Ŧī. 旭 而

0

恭題欽宗御畫十八學士圖

恭題徽宗賜張繼先御詩

曜

凡

目

感

歎

不

足,

謹

流

涕

再

拜,

書

于

左

方

其

書于宇文氏

交賀 爲 呼 凡 祐 絶 教 臣 以 駕 見之者 民 傳 所 陪 1 目 陵 人 於龍 道 藏 親 班 嘉 求 人知 人知 勒 廼 定 徽宗皇 御 術 跋 既 此 之堅珉 虎 季冬甲午 Ŧi. 詞 驚 祐 其 詩 年, 虚 已 翰 Щ, 世 後。 陵之崇道 帝 尤 靖 竣 一人謂 歲在 爛 至 以 賜 不 之僊 事 竊 三十 然 虚 可 惟 鎮 皇 **I**: 知 如 天 以 靖 去 教 帝 漢 名 宫 代 申 新 師 先 無 不不 恭 天 Ш 而 而 事 傳 復 生 再 郊 師 謝 蜀 高 虚 知 張 也 生 已 拜 祀 道 太 之青 靖 士 爲 繼 慶 仰 誠 成 心 出 先 臣 晚 宫 成 瞻 於 不 城 實 矣。 易 詩 蜀 爲 僊 猶 本 盪 臣 翰 如 中 過 姿 有 乎 嗚 耀 扈 外 岡川 而 亦

之,誠 瘼、干 事 非 平 其 鑪 于 舘 天 禄 儉 年 爲 義 心 延 F 派 聞 而 帝 極治之功, 也 宗 杜 鞴 治 王 天 唐 四方英 戈 有慕 而 一之事 良 仰 廟 道 下 文 ~勤勞 圖 爲 高 皇 社 作《 惟 薪 衰 於 如 祖 手 + 欽 稷 德 亂 容 文 是 俊 且 Œ 已 臨 宗 彼 八 生 火, 乎 講 皇 事 或 盡 登 觀 舊 學 皇 靈 + ? 之 有 知 九 畫 而 貫 畫 日 1 者 帝 八 未 盛 之,於仁義 亂 紬 Ŧi. 像 往 登 猶 毓 而 究焉 炳 繹 矣。 記 也 月 意 瀛 德 在 以 又 焉 於 來 \forall 人 薰 春 秦 日 親 太宗 太宗 臣 與 就就 水水治 耳。 : 宫 府 陶 灑 嘗 必 之治 耳 聖神之 代 之 既作 於 宸 太 觀 以 蓋 日 而 目 間 宗 린。 翰 無 明 爲 後 武 者 刻 文 以 如 興 閻 已 周 以 孝 德 模 學 記 定 誌 恭 莫 光 異 是 太 疾 几

先 生 文

容 觀 欽宗 十八 預 X 無 議 君 之, 豈不 人 濫 能 游 故 者 之 力 用 戲 太宗 謂 此 材 翰 爲 又 如 之 也 者 墨 足 臣 摘 功 耐 爲 子 瓜 無 此 烈 爲 世 手 萬 如 真 此 戒 自 耳 世 太 得 故 一之痛 漢 宗。 固 太宗 取 高 爲 併 之 哉 以 然許 載之。 萬 之 既多 降 世 意 莫 敬 抑 法 之 宗 聞 其 嗚 與 乃 中 後 由 呼 敵 得 世 今

恭 題 高 宗 賜 胡 直 孺御 札

《詩 視 印 筆 年 戒 使 記 輩 相 石 臣 自《 亂 密奏,豫方 高 「銘》之 宗 天 周 遂 縱 爲 皇 南 改 掘 名 帝 類 至 米芾 能 垂 筆書者霄壤矣 是 使 精 也 商 字, 翰 習 固 頌 墨 僞 庭 莫 皆奪 始 全袠, 齊 及。 堅 尚 體 爲 其 存 聖 恐 黄 真。 E 度 庭 有 故 緩 恢 堅 嘗 臣 急 帝 然 覩 鄭 與 其 筆 寫 億 御

下

堅 此 以 使 酷 助 甥 來 不 项 似 未 死 之 也 稱之,且 徐 賊 有 稱 俯 未 然 此 及 卒 俯 洪 論 勉 必 致 蓋 芻 諸 世 題 大 兄 洪 能 雙 亦 用, 弟 進 容 隱 廟 皆 步 殆 永 不 詩 庭 樂之 亦 非 惟 堅 有 不 此 自 外 云 喜 舅 痛 巡 甥 劉 安 得 遠 蕡 庭 白 有

恭 題 高 宗 賜 陳 正 御 札

惑 淮 子 免 地 州 ,素存一 壖 ? 又云: 猶 又 遽 陳 謫 欲 告 身,彌 瓘 不二 併 通 變。 之 州 以 在 一之風 覺 此 蔡 海 四 有 故 殺 島 京 明 生之有 其 瓘 萬 既 曾 放 里 得 遣 參 既 還 不 其 IE. 殺 患 就 謝 情 如 彙 人,寧 逮 表 無 往 徽皇 云 必 瓘 子 浙 : 欲 免至 以 之 西 聰 真 勁 狐 察,僅 無 之 突 言 過 之 教 得 死 杭

世。 還 聞 瓘 即 得 心 祠 1 ~,求 之 疾 貸 其 位 甚 巡 詳 孫 靈 檢 高 正 召 百 上 大 宗 彙 知 嘗 殿 聖 歸 眷 謹 之 年 其 謁 珓 已不 實 書之,以 死 而 爲 遇 之,卜 0 IE 0 瓘 名 又 擲 能 由 既 家 E 如 之至 之子 對。 以 下 子 至 補 此 桮 沙 世 衆 百 招 也 賜 擢 珓 門 人之未及者 皆然。 致 爲 其 以 9 痛 Ħ. 館 無 子 名 不 臣 日 復 F 大 方 及 家 : 未 歸 方 見, 壻 猶 幾 若 望 又 爲 傳 遂 欽 有 故 得 郎 得 於 得 宗 島 生 神

恭題汪逵所藏高宗宸翰

紹興五年御書廷試策問

癸亥 在 Z 卯,二 策 高 宗 土 皇帝 一於行 月 車 踐 在 駕 祚之 所 始 射 自 九 殿 平. 載 江 當 時 還 虜 紹 臨 兵敗 興 安。 Ŧi. 退, 年 厲 月 歲

學 科 望 部 合 于 賜 八。 條 精 所 盡 出 昭 衣 幼 而 多識 名應 對剴 試 其學 天資 處 郎 學。 陵 其 求 恪 權 名 口 聖意 學,至 望 天 治 策 爲 謂 守 臣 E 聖 沛 八 辰 高 切 問 世 綽 家 臨 恶 親 聞 不 年 誠 邁 八 寤 然 輕 其 褎 法 御 有 負 思 今學 於 莫禦。 年 寐 重 時。 爲 + 然 翰 父 仕 親 不 爲 陵 當 王 英 0 行 附 風 擢 祕 儒 爲 墨,咨以 御 者 世 爲 傑 位 拱 舉 自 己 書 林 俱 矣。 墨 尊 吏 雖 更 辰 爾 首 盛 省 下 既 得 部 臚 敬 屢 化 魁多 公之次 11-日 人 事 正 之喜 傳 當 尚 擯 筆 則 傳 之明 於 從 字 0 真 謂 于 信 書、 于 世 第 力 内 ±, 出 既 臣 有 外 甚 外 尋 之汪 之急務 絶 年,始 相 藩 負 太子 子 某 泰 年 以 人 年 文昌 得 四四 且 逵 重名, 幾 日 實 Ш 論 洋 爲 二十年 詹事 日 北 始 方 相 能 X 其 0 和 也 「先公 私 . 斗 以 爲 用 益 + 在 繼 議 似 藏 之 其 不 惟 自 博 有 士: 世 吏 進 不 布

特 歸 識 光 魁 多 眩 禁 寶 派 古 之。 明 甚 爲 土 必 前 也 相 天 中 一、雲漢 有首 高 下 其 趙 希 俊 裝 所 公少 偉 鼎 古 世 潢 未 爲 今賢 字 之 者 選。 亦 未 昭 覩 逵 遇 之以 名 非 識 有 亦 嗣 口 師 惟 人 之。 竊 如 當 又 聖錫 雖 照 関 此 閒 惟 此 得 在 夏之 曜 舉 所 者。 或 臣 故 下 真 云 編 策 及 家 某 字 風 琱 蹟 簡 問 其 再 =孝 矣。 是 戈 藏 既 家 年 拜 伯 弆 殆 汪 出 商 法 聳 謹 既 公一 天 以 奎 廷 周 觀 書 識 賜 得 畫 詔 試 鼎 甚 代 嘆 于 以 賜 富 將 彝 後 下 真 仰 士 爲 名, 來 款 儒 而 此 寵 子 整 家

御書中庸篇

带 好 動 惟 高 皆 以 宗 翰 逼 皇 真 墨 帝 自 娱 至 履 紹 始 興 位 爲 初 專 黄 時 倣 庭 當 堅 艱 \pm 書 難 不 改 無 待 用 它 心 米 嗜

藏 張 者 雜 庶 機 此 記 有 雍 策 慕 辰 萬 H ∭ 之見。 旨 世法 决 嵲 至 固 賜 幾學者 其 H 熙 士 手 遺言 仍 亦安 煩 之。 詞 開 校《 仍 故 餘 首 追 非 模 夸大, 事 添 事 得 聖人格 中 能 以 而 刻 勤 時 賜 賜 仰 F 得 奏: 然《 挾 庸 汪 此 及 分 可 ^ 惟 趙 知聖學 H 應 中 卷 此 類 新 而 賜 中 其 鼎 篇 思 ^ 之閒 言 得 ? 戰 庸 進 辰 歸 儒 庸 奏, 陵 爲 其 士 \approx 或 高 汪 鼎 行 尊 淵 左 書 御 欲 無 筆 九 ^ 閌 送 氏 縱 書 晚 僕 經 儒 源 六 書《 望 雖 月 慮 意 校 祕 横 就 謫 崇 射 經 行 + 止 閒 應 終 而 之學 書 中 楷 海 儒 儒 以 Ŧ 賜《 與 九 辰 例 不 省 篇 篇 庸 法 上 之意 幸 聖 行 五 日 次 得 惑 中 校 \approx 益 以 **>** 言者 承 百 人之意 子 篇。 勘。 而 墨 於 蓋 書 以 庸 妙 學 勵 餘字 逵 素 真 偏 漢 蹟 + 0 生 \Rightarrow 之士 士 既 重 爲 邪 儒 月 Œ 乞 可 勤 Ŧi. 篇 合, 檢 依 應 家 爲 雜 駮 以 篤 萬 JU 年

宗壽 君臣 中 御 時之榮也。 不 負 ·興 題 際 所 之業,實 示 考,遐不作人,鳶 遇 學 臣,併示此卷,可謂汪 猗 躬 本於此 歟 行 盛 直 哉 道 以 1 飛 應 終其 流 辰 魚 傳 上不 躍 (身,以 氏二寶矣。 Ŧ 儒 載,何止 負 風 天子 及子孫 H 下 盛 高

恭題孝宗御書心經

書《心 之山 之石 建觀 前 蒙皇帝賜 之年也。二十二日 矣。 中。 堂,既成, 淳 經》於禁中 是時 熙十四年,歲 嘉定二 臣 以孝宗所 在位已二十有六年,不倦于勤 仰惟 住 年 孝宗皇帝 觀 Ш 書真 孟 會慶聖節,●親 妙 堂。 在丁未,孝宗皇帝 夏之十 珪 蹟 先是 求 願 聖 記 H 學 於臣 ,上天竺山 得 高 珪 跋 嘗既 灑 明,度越 語 又 來言, 翰 併 元命 墨 刻 登 再

> <u>云</u>: 典,深味禪悦 治體已定,而進德 以「心」,蓋 相傳以仁、忠厚 下方,以 惟 佛 詔 後世 與 Ŧ 佛 經 毗 萬 積 乃 盧 不已。 論 識 累 之至 Ŧi. 其 T 福 真。」 要 餘卷, 退朝餘暇,游 祚 也 延 臣 永 謹 丽 列 齋 此 聖 蘇 被 經 在 軾 書 獨 心 御 名 内 有 于

恭題曹勛所藏迎請太后回鑾圖

乃 帝 歷 思,使虜感動 且言:「令請 事四 推 睿性仁孝,天地 臣 功 嘗 朝 臣 盡 恭 下, 讀 ,俾予母子 瘁 太后 堯 光 國 言 堯太上 事 助 炳 天眷,至 ,始終 順 然, 以 如初 皇 亦惟 遂長 帝 虜主 節,夷 。」洪 宸 譙 樂 翰, 前 公忘身徇 惟 之 險 宣 歡 太上 稱 不 子 譙 渝 孝 皇 公 而

●「二十二」上,殿本有「十月」二字。

太上 斯 意。 以 聞 主,有 事,歷歷在目。 惟 請 太后回鑾之盛,恨不身見之。 史事 焉。 其 圖 譙公功成之 皇 》,丹青焕 家 此圖之作,非欲自明其 以得 纔得窺 帝聖孝之蹟,過於方册 所 當 此 寶藏,後之太史氏尚有 也 初,乞身退歸, 爛,賦篇贍蔚,然後 敬拜歎仰,嗚呼休哉 臣 自 今從譙 爲 兒 、功、蓋 時 暨官 公家獲 遠 無一毫矜 聞 矣。 所 臨 玉 以 平 親《 牒 時 取 是 發 道 於 贵 伐 夫 揮 慶 迎 與 中

攻魄先生文集卷第六十七

攻媿先生文集卷第六十八

四明樓鑰大防

題

跋

跋王順伯所藏二帖

鍾繇力命表

笑曰 至是乎 奴《樂毅論》,余謂 命表》,諦觀久之,心爲之醉。 . 始 「未也,又有邁此者。」 順 伯 順伯博雅好古,蓄石刻千計。 示余以 小字無 定 武 蘭 以 亭 復 乃 字畫精到 敘 加 出 \approx 矣 鍾 書 繇 順 賜 單 力 伯 官

定武脩楔序

忍去手。 四 矣,豈所謂不治將深者耶? 未已 順 伯 雖未若 余家 好 石 無 刻 順 成 名 癖,《 伯之膏肓 帖, 蘭 心 亭》善 顧 然 好之,把 疾 本 在 收 腠 玩 至 理 不

跋秦淮海帖

石 游 閒 所書文潛詩 Ш 谷 時 1晚游 少 游 ,嘗恨其已下世,不得 浯溪, 醉 即 古藤下未久也 題 詩 磨崖 碑後。 而 妙 墨 Щ 見 谷 刊 少

以 騎 而 法,旁求篆隸,上下數千載,衮衮不 此三 賦歸,行李亦數篋,家藏 語 者坐 不 輕發。 判 優 先鍾 劣 贵 後 爲 王,字家 知 可知也。 者道 耶 固 ! 能自休, 有 評論字 定 論

然如 老 人 己 新 有 得 此 而 恨。 讀 之,寧不感歎! 矧 今相 去 幾 百 年 9 此 帖 灑

書仰孝子行實後

風 人訪之,聞 稱,故潛德 然,必有繼先生者。 名臣輩起,爲 朝官之,以風厲天下,而後先生之名顯 義益高,而先生之名不孤,不亦可乎? 先生孝行 于州、于部使者、于朝 出 淛河 光,未之或發。 出於 東西冠、嘉遯之士至行 至誠,本不求 喜其深處巖谷,❶ 某不肖,願 廷 人之 (使此 不 知。 求聲 與 永 邦之 卓 嘉 邦

跋陳氏續蒙求

曰:「非止初學,可爲終身記。」此書出入史徐堅作《初學記》,中山劉子儀愛其言,

傳,援據精確,何止應童蒙之求耶!

跋吴生畫卷

李廣射虎

似,尚 然。 人,此所以爲李將 臨 史言 可 右 想 將 北 見 軍 平 也。 盛 射 没 軍耶 秋, 神 鏃 氣 匈 謂 如 奴 此 避 没 之, 矢 而 者, 恂 畫 恂 不 殆 能 如 未 真 鄙 必

1140

山水平遠

遠有 意 延 陵 趣。 生 一丹青 宦 游 無 \equiv 一載,歸 不工,適 心 興 蕩 作 摇 Ш 水,尤 渡 口 唤

0

舟,殆屬夢境。

跋韓幹馬

便覺詩 無 所待耶? 舊 畫 讀 4 坡翁詩, 相 映 發。 恨 未見 此 詩此 此 畫 畫 誰當 今日得之, 看,豈

跋徐薦伯横槊醉藁

清 慨 傳 矣,脩期 脩期。 厲, 談 上馬 兵 有 何 壯 如 能擊賊,下馬作露板,古人惟 薦 人 士 流 伯儒 哉 横槊之氣 擊 賊 者,由右學 何足言。 ,倚馬 而作 以 讀 奮 其 露 論 詩 板 議 以 頓 有 許 餘 慷 挫

跋徐子由菊坡圖

有 有 彭 存者。 一適如 澤令少 徐君 君 日 傲 則夫火馳 者耶 便 睨 賦 菊 ? 歸 坡,不 宦途,碌碌忘返之士,顧 而 復出仕, 逕 已就荒 故其樂全。 ,松菊僅

三元章簡公神道碑後

城 皆公之力。 始得碑銘 所慕者。 兹來佐州,披圖 牐門,疏河建隆梁,以爲此 章簡公名德隆 而 曾孫 讀 之,使人益加歎 康曾適 重,詞章)爲監 牒,訪故迹,始知甓 典裁、蓋平昔之 邦無窮之利者, 征 仰。 吅 其家世, 若蘇 魏

● 「使人」二字,殿本無。

攻 媿先生文集

公之雄文,韓南陽之奇畫,又皆可 寶 也

跋任氏香圓記

稱其 七 而 敷花 H (孝感 齋 齊 畢,花 結 晉 實, 然 安王 可 猶 更 以 鮮 謂 藉 蓮 異 於 紅 華 事。 水 也 視 供 此 甖 佛, 理 中 香 願 殆 稍 員 竟 未易致詰, 垂 有 之空 齋 根 鬚 不 中, 萎。 史

跋 王 清 叔 畫 卷

輕

下

注脚,却

成蹉過

斷 崖 小枯木

醒 菴 古 木 大 似 梁 鵠 書 有 劒 拔 弩 張

之氣。

全 幅 枯 木

此 幅 筆 勢 尤 瓌 壯 雜 之文 湖 州、 射 澤

中,未易辨 也

横 披 Щ 水

繩之。 荷 求 形 觀 此 似 圖 便 當 失 作 妙 煙 意 雨 半開、 要不 登 可 高 以 臨 畫 遠 家 時 三尺 想。

跋 霍 氏 球 Ш 啚

知。 志。 書 霍 圖家之球川,得名勝詞翰盈 銜 君 來 袖 爲 過 余 赤 城 日 理 官, 漫 仕 垂 三年, 去 矣, 巨 軸 不 益 逢 以 不 己 此 得

容之乎?」 捨 之,字呼日 乃爾,君之歸 西 舟金斗門外, 歸,賢於薦書遠甚。」余頗愛其言,展卷 . 似晚 「子登宣 徑造竹 矣。 情如水,而家 它日 所 者 ,必我 有客道南 也。 居 蘭 勝絶 君其 陵 久

跋王少保行述參政敏肅公父

還,世 端 要其 流 往 及見,得此書於公之仲子,始知自無怨公以 不偶 往 ,寧有既 先 取 士夫以 百有隱 然。 必 必 於後。 有 邪 德,遂爲名臣 後來 所 重名致大 自 者 參政一代偉 來 又堅肯堂之志,湯湯淮 位, 而 大家。 積 雖 善 才業 累 人,恨生 天之報 功之人,亦 足 以 自 晚 施 奮, 不

跋丁端叔所藏鼎彝款識

耶? 皆然。 者,不 何 游 可得有,乃摹取款識之文。 周文,世愈遠則文愈簡。 存於今者蓋寡。 商 維清》之詩加詳焉。 好 南 頌 而深好之? 蘭陵,從丁端叔 右 古久不可復見,❷而 知何以 商 雖 其 周以 止 他 Ŧi. 訓 別其 篇 來 誥 ,●求其體製,比之《 識 鼎 誓 非 是殆難與不知者道也。 者望而 彝 借 商 命之文,初不相 豈高 尊 也 觀 鬲 然周器亦有甚 得其器。 識者它有見於此 茫昧 知之,以 等八十有六,予 商 盤誥聱牙,商 周 遠 難 讀 矣,器之 器 爲 清 ()顧有 遠者 商 又不 廟 簡 周 質

- ■「五」,原作「四」,據殿本及《詩經》改
- ❷ 「久」,殿本作「人」。

跋陳忠肅公表意

言哉 某。」 生, 時 自 公可 材 翁其人也。」元城先生嘗因公病,勉以 游公察院以 用 輔 天下 又 以 或 范 折 問 獨 問 忠宣 讀 而 當 其 其 公 不 將有 當今可 晚年 次 所 表 天下之重 撓, 。 曰 儲 藁 賴 有 益以天下自任, 蓄 及 : 於公、當 以 大 爲 紙 濟世之人,曰: 陳某自 也 臣之風。 今日 尾 數 宣和 力加 用者 好。 語 保 末 三公 氣 尤留 蓋言 年 曰 養, 凛 -真 然 以 殿 陳 意 或 忠 如 待 知 藥 問 1 陳 人 肅

跋百醉老人詩

百醉老人詩追七子,凌鮑、謝,諸公論

某讀 之已 故 不忘君之意也 國 詳。 犬 而 悲之。 狼 窟 遊 别 言 此 圃 百 詩 歸 有 醉間 人 成 句云 默 黍 離 傷 醒, 豈真醉耶 : 之歎, 念之中 中 原 少 戎 陵 心 馬 慄。」 場 飯

跋史魏公與心聞禪師帖

裴相 讀之益信 今不忘。 或 太傅 與 黄 二老 明 史 魏 蘖 書 禪 記 公得 相 其 師 得 從 添一重公案 法 心之深。 孫 於 也 心 , 持 聞 傳播 魏 愛 叢 公書 其 子 林,又爲 偈 孫,至 來,

跋趙清憲公遺事

右《丞相清憲趙公遺事》,其孫誼録以

與好事者共之,豈不宏哉!

裕 州 不 如 或 亦 事 移 陵 某 公者,屹立 初 遂 徽 人物之舊,收 維 寧 至 持 皇鋭 獲窺先正之風 此 國 一於諸 是 耶 意 ? 尚 於治 用 公中。 三讀遺編,爲之感涕 有 無 賴 親擢 餘 烈。 焉 讒 公爲 黨論 謗 嗚 使 競 呼 左右 御 起 雖 1 史 興, 皆薛 而 建 中 猶有 中 主 派。 靖 居 意

跋戴伯與石屋詩卷

專 年 侯 之所欲,而古之逸民輕天下, 及 語 壑之水。」陸 識 則 久 專 丘之懽 擅 Ι. 莊 關 伯與以 矣,惜乎其不大也。 壑 子 中 忽 擅 士龍《 政,長恐諸 秋水》篇言 逢 妙思尋幽 車 壑之美。」半 逸 馬 民 便 賦 侯 常 : 而 客子 **>** 猜 塪 . 無 石 「富 井之蛙 細萬 屋 專擅之意,思 山詩 來。 蓋 之勝 貴者 物, 用 日 我 其 余未 : 是 亦 而欲 擅 語。 人 暮 穰

跋劉杼山帖

以 中 某 而 ., 疑 (自遭· 續先子之志。 獨 謂 先 有神物爲 子嗜 杼 家艱,文字散落, Ш 書如 先生之書光前 護 嗜 持 芰,平生 焉。 惟 謹帛 此 絶 富 後, 二番宛然巾箱 其 藏 縵 尤 名 而 秘 流 新之, 寶 翰 之。 墨

跋朱灊山自撰墓志

此 傳 掃 盡 誦 尚 追 翰 灊 何 墨 Ш 疑於死 西己 餘習 先生 前 良。 少 生之際哉 非 年 飽 銘 以 諳 中之文,如 詞藻表 世 故、 晚 見 歲 霜 一世,士林 見道不及 降 水落

跋徐狀元祥符五年勑牒奭

宗之取 舉 王 惟 辭 辭 首 臣 F 有 取 IE. ,遠業已 之威重。」以爲第一。 士 歐 理 然必 ,詎聞 人如是,宜 趣 陽公《歸 者。 見於此 視 公餗之欹 徐公《 其 田 乎名臣之衆多 形 録》 非 神 鑄 載真宗 器 傾; 鼎 徒 識 象 爲偶 嗚 鉉 物 或 呼 好 乃上 賦 儷之工 取 也 文, 其 \forall 居, 云 公之擢 雖 所 實 試 以 0 取 足 文 文 祖

跋楊伯子詩卷

齋之子 之歎 Ψ. 也。 璘 生 未 師 筆 識 示 力 以 誠 駸駸 此 齋 卷 而 真 讀 多 逼 之 見 灑 其 哉 然 詩 知 每 其 深 爲 向 若 誠

跋秦淮海戒殺帖

過死 此? 愛玩 極 過 食物 假守,遂登之石。 ,不若遠 切 滋 命 不 生,生之所 秦 嘗 不 能 淮 |感汝 味之在我 海 去 庖 可勝計 妙 手。 南 厨 墨 重 周 之言 一,前 時 無 可 釋氏戒殺誠 顒之言 欲傳於人未暇 在 賒 輩 爲 逾性命。 校 。」讀者宜動 所 適 官, 日 推 中 0 念此 是, 余 變 然 性 頃 邦 之大 則 也 命之於彼 而 心焉。 得 言之太 H 何 此 者 兹 事 取 本, 莫 於 來 鮮

跋鄭屯田蓬萊山詩鍔

未幾遂仙去。 嬰,故出 先 生 語 風 輒 神 驚 元丞 蕭散 人。 相微之云:「我是玉皇香 晚 肺 歸 腑 自 清 道 徹 Ш 不 來 以 賦 事 此詩 物

案吏,謫居猶得小蓬萊。」先生殆是耶?

跋杜祁公草書詩

耀 過 兹遂登之于石。 聖則公真 有 公《答祁公惠詩》●:「言無俗 詫 ,出杜祁公草書《雲》詩,嘗跋之云 神鋒老 某在郡 當 時 蹟 ·。 薛 更奇。二寶 也 庠直舍時,薛君文老以 君 歐 所 陽 藏 公二寶,君 收 詩 藏 雖 傳 出 韻 於 百 世,豈 清 得其一矣。 唐 而 近 . 勁, 惟 歐 鄰 而草 祭 筆 陽 相

跋薛士隆所撰林南仲墓志

愴然曰: 録 官居 淳熙四 「薛寺正之亡,吾儕之所痛也。 相 年冬,某備 鄰 0 日 同 員 林伯 敕 局,陳 順 大 君舉任 備 相 過 太

> 闕 易識 於書 辨,又作楷法于後。 以 爲伯順求先銘於寺正,書以 用 考,無差者。 授真、篆二本,後得之故書中。」取 之否?」某不善篆 從薛氏子沄得其藁, 茫不 十二年,假守東嘉,二君來見,曰:「寺正所 與徧閱字書,考究 三,餘皆奇古 成 心 ,真好古哉! 之勤 其志 無 者多不 不 俛 以 讀 用。 耽 併爲 存寺 難 仰 知 皆有 玩 君 古文所 刊 幾 而 Ē 0 鍾鼎 舉、伯 石 之遺蹟 月 白仲氏 素好之,一 已授我,而亡之矣。 感 以 焉 古文,搜奇抉怪,凡 而 無 知 順 授 後 間 故嚴 抑 古篆。 何 得 始 伯 盡 伯 之喜甚。又 以 得之。 見才識十二 語。子能 以 順 州 小 順 以校昔所 見吾兄弟 ,使寶之, 使 篆 恐其 葬 君 寺 補 父於 後 難 辨 IE 相 其

● 「陽公答」及下文「老更奇」、「君所藏」、「陽公二」十二

葬 金 於 舟 親 如 寺 鄉 IE. 龍 門 Ш 合 後 其 以 母 Ŧī. 陳 年 氏 九 月 云 壬 申 改

書周禮井田譜

農,凡 《周 者 亦未 旨 先 以 萬 重 有 本政 王經國之本也 ,當執《周 示 解 就 固 禮 郡 人,如 有如 出 律 非 書》 姚 給 井 稽 於井 歷 江 筆 歲 田 此 最 夏 有 置 月 指 札 譜》 之詳 禮 爲 君 書。 局 미 田 諸 有 録 休 讀 以 者, 爲 掌。 謄 且. 志 其 余從 之。 以 往 故爲 明者。 寫 無不 於 所 篤 惟 文中子曰:「如 幾 古, 著 其 其 井 學 仁 廣 千卷。 毫分縷 書 講之熟矣。 孫 田 名 然 政 其 井 壻 以 之 于 僅 必 傳 邑 進。 袁起宗鼎 廢 鄉 自 載 ^ ,思與學者 F. 析 春 久 經 甸 \mathbb{H} 紹 郡 秋 矣, 界 制 寓 有 又 》、《易 事 興 出 始 皆 它 林 大 用 得 錢 閒 兵 勳 共 體 其 此 我 於 書 Ħ 啚 有

> 答》一 者,胡 見 博 日 惟 湖 講 於 南 文子之説 如 遠寄 夏君 施 此 卷,皆有益 太初宗 用 刊 年 爲 以 既 詞雄 以 上 就 可 亦 書 + 俶 義渾 相 錢 於 補官 餘 云。 裝 與 書。 薄 尤 講 無 季 遽 明, 爲 陳 文 不不 試 日 著 君 子 而 吏 不 及 舉 明 黄 指 著 附 許 而 君 其 止 書 見。當公 遂 以 毅 閒 不不 併 序 又 其 有 刻之。 引 作 得 精 俟它 不 問 且 小

跋諸名公翰墨

陳 富 韓 文 韓 魏 惠 公 韓 文 司 潞 馬 南 陽 公 公 王 \pm 宣 文 徽 晏 韓 康 元 獻

真 鮮 口 有 寶 之。 右 諸 也 或 名 謂 公 司 翰 得 馬 之 墨 公 一,米 揚 書 州 必 寶 擾 施 晉 攘 於 題 中 所 跋 尊 蓋 過 故 其 江. 家 論 以 物 出 來

今世 痕。 終 全是 夫 以 處 覺 書 爲 大 吏 不 專 禮 不 致,凛然不 必 韻 可 牘 簡 以 以 重 温 體 小 録 而 紙 顔 0 意 子 可 兹 員 往 厚 歎 可 雖 字字 緘 來, 也 非 奪。 有 前 故 畫 詞 語 晏元 多 輩之言 翰 又 多 用 之 浮 不 獻 圓 Ī. 荷 溢 耶 屬 印 欲 紙 類 ? 其 而 襲 弟於人, 尾 口 是時 書 藏 書 傳 無 之, 銜 後 摺 土

可

爲

知

者

道

尔

跋汪季路所藏書畫

徐騎省篆項王亭賦

暮 不 中 有 盡 笑 年。 敷 用 日 原 舊 筆力。 嘗 \pm 見 岸 問 季 罕有 老《筆 中 古 彦 今人以筆爲 人篆字真 間 良, 及 談 此 實 載 者。 襄 騎 跡 敏 省 力, 何 蓋 諸 竵 以 古 孫 或 扁 無 余 人力在掔, 燒 之 燥 筆 及見 説 筆 ·使秃 , 季 其 近

> 然。 直 而 姿 用 媚 子 之, 售 孫 移 非 筆 時 不 甚 則 墨 後 Ι. 一,惜其 進 競傚之,古意頓 燥矣。」今觀 自壞 家 法 此 反 軸 盡 以以 9 端 信 但

龍眠九歌圖

段 而 風 作《 流 三間 天問 視楚 大 \leq 夫 人 龍 見 何 眠 楚 遠 讀 先 \wedge \pm 九 廟 歌 圖 \forall 而 畫 古 爲 之 賢 聖怪 啚 物

王晉卿江山秋晚圖

圖 皆 宋 想 大 像 夫 爲 聞 之 襄 賦 \mp 文章 一之夢 之 孫 妙 興 公 如 見 此 天 台 若 丹 Ш

❶「全」,原作「金」,據殿本改。

然 勝 青 Ш 秋 詞 然 非 意 晚 方 親 耶 時 其 見 事 ? 以 景 ? 金 物 不 狨 有 游 則 南 冶 難 州 都 爲 之 城 Ι. 行 嫰 寒 晉 寧 中 卿 能 固 安 盡 自 知 寫 浩 名 江

茅 望 多 物 色 倚 冷 少 舍 向 光 六 層 秋 孫 樓 朝 浩 天 相 蕭 際 然 射 洒 興 紅 客 詞 0 廢 日 帆 云 橘 事 水 無 高 樹 . 浸 言 盡 掛 蓼 碧 西 下。 花 天 帶 煙 漁 洲 何 外 江 樵 右 處 酒 Ш 掩 閑 離 斷 如 旗 映 話 亭 畫 ? 低 燕 竹 亞 悵 霽 景 籬

跋元豐八年進士小録

故 生 建 物 炎 其 虜 先 孫 不 祖 躪 遺 澥 少 川 師 與 明 章 某 以 諸 公擇 是 同 父 年 登 倉 登 隆 申 猝 科 興 公子 避 元 爲 難 年 也 進 等 實 室 士 第 廬 爲 科, 遭 + 司 燬 家 年

> 名 子 器 之長 職 H 政 1 試 略 以 天 藏 베 版 等 糾 殿 蓋 _ 0 成 9 進 與 六 奏 火 示 此 猶 今日 彈 門 行,時 9 焦 號 書 老,焦之文精 後 書。 亦 日 天 有 期 竟 外 主文争或 雜 秦 奉 不 有 族 Ŧi. 明 集 相 至 事 不 公觀 見 敕 未 又 月二 經 狀 所 及 是 紹 , 似 放 不 有 科 供 元 熙 試 禄 時 掌牋 人; 榜 曉 試 + 而 不 焦 職 改 官 當 謝 而 優 進 不 而 勝 日 才 書 兀 泰 奏。兹 一之謡 既 麗 恩 此 牒 同 劉 士 始 御 知 陵 無 亞 延 則 者 皆 遂 之義 者 + 得 史 舉 在 廷 和 日 爲 又 事 九 9 魁 拆 E 傳 Ŧi. 諒 試 殿 . 之變。 任 而 人; 近 録 劉 而 卷 闇 時之盛 終 子 四 賜 不 It. 臣 魁 公 果 封 以 月二 膀 及 當 之 貢 卷 恐 優 書 然 篤 是 文 闈 汪 牒 參 首 終 第 有 無 年 公 也 日 + 詳 自 書 既 於 非 渾 嘗 止 宗 澥 崇 九 第 大 試 奏 以 鎖 遠 然 聞 以

書張武子詩集後

誚 序 人忘倦 爲 詩 也。 遂 之大進。 遊 意卒不變,然 絶 道 相 而 裒 佛 高 好 家 我言之。」余日 之, 笑日 以 於 少以 詩 不 武 日 不深 道 幸 子 人物 明 示 拱 齎 宏智皆 結交老蒼 編 派 流 知其平 余 人 相 志 隆 高 寓 亦 期 也,父 吾 壽 興 而 勝 名薦 泣 以 以 人 寧 春 殁, 初 . 且言 此 生 筆 其 聞 行 僻 尚忍言 魏 與 避 書,文已 知知 吾 (室, 穎 不 力 遠, 余 公 無 見 地 日 偶。 黨 可 作 平 俗 爲 南 多 . 遂 共 畏, 生者 同 尉 哉 「尤公知 來,往 前 悟 初 閒 寧 哀 怪 年 姚 畫 超 非 尤 居 之。 怪 怪 惟子 生, 江 卓 事 敢 貮 武子天 返 好 無 奇 吾 卿 其 自 以 聽 學 與 奇。 明 凡 爾 0 兄 爲 友 見 之 諸 季 爾 亦 越 資 君 使 之 之 友 益 此 更 或 以 禪 與

> 言 終老 外, 某 佳。 真 奇之,君 用 事 非 游 人 不 云 一策,必 異 父 物 所 也。」 寧 敢 司 如 惟 知 進 孟 自 魏 取 日 而 與 帑 裴 詩 魏 公日 記 嬰, 有 . 子門。」後二 武 亦歸 知 雖 于 迪 傳 公罷 之。 果欲 瑕 子 貴 内,皆 適 爲 之 而 於 . 玉 評 武 得 心 官 而 在 相 此 得 比 不 江 欲 詩 子之文, 業 輞 居 揭 士人否?」 投 湖 甚 卷,舍· 見,不 某 欲 井 +]1] 榜 以 謂 劇 閒 小 故 取 井 年 詩 當 爾 溪 驚 人 無 泊 試 造 可 兩 人 有 曰 Ш 謂 張 觀 然 瑕 袖 也 . 仕 如 悟 余 中 張 南 魏 某之文 以 如 石。」讀之 都 欲 人 公 宫 嘗 願 公日 惜 見 平 武 在 城 處 取 曰 同 跋 乎 子 知 時 魏 Ш 時 **H**. 非 其 也 舉 不 若 司 公 H 林 吾 文, 萬 詩 以 張 積 糴 果 得 見 從 不 輩 荷 Z 嘗 卷 以 爲 則 公 學 張 舍 其 於 于

●「必」,殿本作「心」。

樓」。 寄 贊 邊」 谷 未 兀 妻 未 無 都 更 1/ 所 日 昨 多時 戸爲 立 嘗 能 興 也 老 晚 聞 一之句 日豆 小水 年 其 物。 盡 佳 有 沙 輕 至 高 到 東 詩 餓 爾。 遠 上 作, 也 不 禽 清 秖 坡 花 0 其 憑 死 俟 皆 免 有 麗 籬 又 嘗 或 留 遽 者 君 案 大 又嘗自 是 飢 名 粹 日 讀 它 下 平 賦 終 開 讀 約 悟 潔, 寒, 信 : 過 楚 之 歲 禽 Ŧi. 其 卷 之 可 門, 或 偶 天公者 更 伴銷凝。」 或 無 終終 以 E 夷 哦 見 忽 四 五. 不 墜 愛其 參 謂 澹 爲 然 其 矣。 更 日 易了 詩 語 魚 古 雅 君 得 迎 詩 Ш 凝 食 於 作 謔 我 不 閉 故 面 日 詞 吐 然。 金 前 又 旁 類 意 爲 魚 門 月 而 所 好 . 雖 狨 哦 此 嘗 歲 中 乃 風 而 作 讀 I. 出 性 繫 客 殘 其 吹 有 拾 晚 書, 不 雖 必 日 馬 詩 向 蓋 夜 詞 禪 之, 能 計 理 絶 嗜 室 獨 曉 愁 惟 水 不 日 門 窟 詩 必 然 君 自 鶯 中 中 明 Ш 四 :

跋趙君靖所藏張紫巖帖

肝 時 愛 憂 義 紹 君 患 膽,不 之言 中 興辛巳,邊 派 相 與 魏 烱 待 友 或 然,自 因 壻 忠 事 事 趙君 獻 而 方 以 公 後 家 擾,故公尤 爲 名 見 問問 中 遂 也 悼 心 Ė 身 未 退 方 以 嘗 切 又 爲 須 在 憂。 而 臾 閑 憂 寧 忠 或 廢

跋東坡上樞密論開邊書

樞 臣 得 裕 公書 陵 鋭 意 惜乎不蚤以聞 攘 夷, 晚 乃信 ,徒流傳至今也 用 兵 不 是 好 事

跋陳簡齋戲學

劉子曰:「玉屑滿匣,不可以爲圭璋

覽

者當自知之。

余則曰:「雖不可爲圭璋,要可寶也。」於此

書亦云。

跋李伯和所藏書畫

東坡所作文與可硯屏贊

過之。 折, 不窘 老 使但言竹石之工 坡 邊 文 幅 如 ,大似老泉《名 河 漢, 丽 ,何以爲文湖州 寂 寥 二子説 短 章 措 ×, 耶? 意 而 曲 又

薄薄酒二篇

前 不 如 花 詞 兩 人 飛 頭 務 纖 不 以 纖 到 相勝 終 地 不 似 薄 如 薄 不 月 ·若别出 酒 初 生。 後 作者寖 機杼。 虚 飄 飄 不 及 終

蘇氏璇璣圖

詩以 得百二十六首,細推之,殆不止此 同 八 史,被徙流 蕙,字若 ,未知孰是。 白 四 贈滔 ^ 晉 十字, 史》 蘭 宛 沙,蘇氏思之,織錦 善屬 載 即 轉 . 又武 循 此 竇 文。 圖 環 滔 氏 也 以讀之,詞 謂 滔 妻 蘇 符 與武 百首, 堅 氏,始平 時 氏 爲 甚悽惋, 爲 也 所 迴 而 文旋 秦 記 龍 多 州 眠 凡 名 止 不 圖 刺

跋安光遠所藏祖廉訪詩跋

廉訪公以文受知徽皇,❷屢將使指。劉

- ●「折」,原作「拆」,據殿本改。
- ② 「公」字,原殘闕,據殿本補。

良題 多 旁。 橋 以 以 死 延 北 於道。 下 自 康 色深碧, 刻 刻 護 橋基各爲 助 之守真定,公實佐之。 喪, ,不能詳 無别 尋 其 間 執 爲 而 本 關 節 累 小 人 記, ,安氏尤當寶之。 以 兵 甃 可 洞三,若品字。 火 死。 堅緻 意 知 中 公詩 0 ,送之建 公與其三子 某 ,中爲大 在 頃 分守 其 以 中 假 一陽,未 洞 京 洞 吏 也 城 寶 中 跨 過 多 至 學 此 水 趙 又 公 軸 前 引 石 兩 IIII

又張總得與其父子伸帖

求 帖 稱 新詩以 世 議 總 歎 得 者猶 如 **矜式**。 翁 許、欲 才氣高 謂 不 得 此 及其父。 翁豈 名章俊 邁,其子 輕爲許 語 所與 紫微 爲 可 定 安 公文采 者耶 Ш 君 中 子 故 伸 名 事 重

跋撫州崇仁縣義約

它日 取 必 風 利物之事 不 城 裹糧於親 而 士大夫。 可 有 果 門,矢之曰 然。 得 變 何 出 近 媺 止爲! 者 哉 志 也 X 相 非 悦 故,終不滿千 ,義約之立 先正名公有 相 必 崇仁 目前 輕 友, 遠 益 與 . 去 者 講 思 守 寒士之利 固 父 我且 慕 有 求 望 多 母母 也。 而 以 士 相 顯,當 之 以 錢。 興起之,下至 媺吾之俗。 有 助 變 邦, 孤 風 也 至 生 因 憤 俗 疾 耶 蓋 徙 道 薦 之媺 此 H. 病 ? 族 病 慙 於 約 當 相 其 以 鄉, 惡 而 於 扶 凡 里俗 掛 去。」已 田里 成名 此 持之 濟 錢 歷 繫 乎. 之 於 求 乎

書魏丞相奉使事實

至。 載 握 事 時 史,又久之,僅遷 退 迄 雖 退 大夫皆謂 無 相 然即 今三 聽 壽 節 變 壽 ,皆其實 卒 口 皇鋭 嘗 使 抗 春 至則論 隆 就 口 + 者 司宗官 魏 興 議 測 和 詔 意 公 年 必 所 議 跡 召 動 公 賞 時 年 有 恢 對 也 邊 謂 中 盡 聖 次 如 在 醲 復 虜 便 境 飛 事 意 以 格 左 賞 淮 中 而 殿 方 以 矢 晏 機 禮 不 螭 原 殊 東 來 遂授 與 兵 不 然, 在 以 物 氣 渥 宣 壓 平 亦 自 歸 紹 上,行 授 自 迎 厥 勁 諭 言 時 境 以 時 祖 使 督 安 詞 序 功 泛 司 一勞境 宗之大烈 某 節 朝 也。 府, 茂 人 議 進 使 直 久之而 適 廷 在 矣。 幕 無 而 要 爲 上 虜勢 選 在 公既 下。 己。 異 犒 以以 約 都 使, 此 見 後 軍 遂定 方 登從 寵 右 虜 蓋 公亦 書 而公 大 爲 費 夫 未 其 所 亚 右 派

> 遷。 憤 爲 謂 節 冬遂 亶 也。 班 更 衛 纂修南 佳 官。 樞 典 密 信 大 喪 既 必必 ,公之意 其不然。 典 臣 乾道 屬 院 亂 公之大 登 録 制 銓 有 而日 ×, 贵. 或 麻 一揆 兼 北 任 縯 書 仍 元、二 初 路 通 其 參 古 綸 專 口 遂 待丞 攽 用 别 和 責 難 知 知 以 逮 賀 不 君 録 封 以 宰 間 者 酬 使 政 矣。 兹登用 相 全。 駮 來 於此 相 以 版 事 抗 契 臣 本 不 相 或 代 如 匈 遇 丹 元 幾 夕郎 付 嗚 信 繼 織。 不 天 豐中 咸 合 之故?」 奴之功; 書 於 樞 呼 文字 數 理 Ŀ 尚 太淺 攝 庭 謂 1 殆 有 月 物 眷 有 大 疇 賜 裕 不 客 聖 考焉 攄 日 參 夫 公讀 庸 陵 以 古 然 謨 杯 高 名《 隆 預 徑 在 非 遠 命 使 使 富 敘 宵 爲 文之 賞 華 蘇 之 事 除 矣。 蘇 韓 奉 真 以 使 功 歲 夷 魏 公 至 口 中 宿 此 之 九 卒 竊 是 知 魯 公 爲 大 中 郎

攻處先生文集卷第六十八

攻媿先生文集卷第六十九

明樓鑰大防

四

魏 野 草 堂 啚

乃如許,宜乎不肯以此 而易彼也。

寇巴東終於無地起樓臺,熟魏三山居

蘇 子 美 詩

題

跋

跋汪季路書畫

王岐公立英宗詔草❶

天才豪逸,自謂信手縱筆,何嘗留意,然非 嘗見滄浪補懷素草書,至不可 辨。 雖

水墨積習,亦未易至此。

東坡祭范蜀公文

唐 人贊狄梁公云: 「取日虞淵、洗光咸

0 岐」,原作「歧」,據殿本改。

〇 五 〇

之子,猶朕之子也。」思陵 大哉王言,兹豈詞臣之力也哉 曰:「藝祖皇帝七世 下後 昭陵以英宗爲皇子,詔曰:「濮安懿 世 知 之。 孫也。」 前 聖 後 以壽皇爲皇子,詔 一明白 聖, 其 洞達,曉然 歸 揆。 王

使天

池。 導 日 潛授 而昇 Ŧi. 9 燦 龍,夾之以 如 長 庚。」事 飛。」公稱 固不 侔 蜀 詞 公云 意 亦

卓然過之。

東坡與歐陽叔弼兄弟帖

後 人當 蘇 知 以 所 歐 擇 而 顯 歐 以 蘇 而 尊 0 薦 士蔽賢,

東坡與林子中論賑濟帖

措置 衆。 自言 千 制 萬 既 僅 盡 計 不 荒 明 懲 心力 仰 政 免 無 ,此賈誼 狼 熙 給 而 第 寧 狽。」九年 於官 爲之,尚 流殍之禍,公私 手,蓋 所 活 以 者雖 哀 耕 蓄 庶 痛 必 積 幾焉 多 公私之積 有三年之蓄 無 其 素 爾。 皇皇,曉 聚 不 坡 免 飢 也。 翁 者 民 古古 夜 亦 亦 以

黄太史書少游海康詩

淮海 於人,竟亦不免,哀哉 而 云: 悲之。 「人言多技 秦郎 祭酒 醉 天下士,一 芮公賦《鶯 卧 古藤 亦 多 誠 生 窮,隨 花 一懷抱 可 亭 深 意 詩 惜。 百憂中。」嘗 文章要底 ×, 其 宜 中 人者 絶 宜 誦

蔡京自書竄謫元符黨人詔草

皆出 筆者, 編次。 爲檢 於 此 **藁**,尚 於京也。 Œ 裕 初以違 迨事 陵 建 裁 可 請 徽 決 掩 制 差官 黨籍之設,臣 皇,遂以 庶 乎? 論,後又以大不恭論,其實 政, 置 動 局 比 爲 出 其 類 相業之本。 親 再 一子所 而 札 相 爲 ,以至三人, 憤 書, 是 ,纖悉見 時 大 違 委 京 京 方 御

取 爲 寵 之。 任 商 既 鞅 敗 不 及 或 1/ 殄 舊 法 民 御 親 中 筆 受 原 其 從 丘 弊 墟 中 隕 贵 出 身 不 京 覆 痛 亦 宗 哉 不 誠 知 自 所

跋喬仲常高僧誦經圖

上 然 疑 其 年 節 無 題 見 Z 節 本 真 爲 不 口 童 筆 閒 Ė 龍 觀 見 畢 始 姚 日 子 斷 經 唐 余 眠 備 仲 欣 隔 衆像 四 後又 從 人 矣。 常 然索 而 瓶 摹 以 畫 鄉 善 意 注 琉 之外 固 則 大 見 僧 象自 畫 疋 視 指 璃 率 摹 子 知 紙 而 爲 瓶 本 事 末 怕 全。 失 人物、 爲 不 道 貯 於 不 得 有 真 易 作 子 藕 深 蘇 皆 大 羅 己 得 應 鬼 花, 考, 蛇 漢 卿 遠, 摩 新 真 神 伯 摹 詰 横 意 小 又 貴 數 而 不 昌家 本 行 也 Ш 龜 不 筆 H 人 水、 水 謹 緣 恨 意 待 舊 知 而 簾 茄 則 有 於 樹 尚 成 之三 有 不 中 得 闕 卓 跋 盧 石 而

> 諸 楞 且 妙 喬 思 知 君 伽 相 义 縹 姚 也 輩 0 紗 之 使 今 爲 見 人之意 自 見 訛 或 其 此 朝 也 圖 畫 也 出 洎 是 則 消 巖 僧 指 鬼 壑 默 物 爲 跋 俯 誦 龍 語 聽 眠 何 於 經 爲 亦 後 之 而 不 醒 皆 仙 知 有 佛 有

跋游嗣祖所藏帖

歐公與薛公期駕部帖

炙 直 馬 人 耶 節 瘦 春 歐 簡 家 公有《 肅 泥 法 滑 公 嚴 絳 送 野 公 子 飯 也, 期 天 弟 得 寒 公 多 餳 假 爲 賢 粥 歸 之壻 材 香 絳 詩 公 稱 最 期 其 爲 贵 清 人 Ш 行 其 德 膾

跋王順伯家藏帖

蘇子美錦雞詩

滄浪文采絕群,正似錦雞,雖欲爲木

鷄,可乎? 悲哉!

范文正公與尹師魯帖

1159

蓋平日之相予者如此。 師魯自筠州輿疾至南陽,託范公以死

韓魏公與尹師魯帖

非它人所及,此帖尤可見。兵凶戰危,安保嘗讀《安陽集》及家傳,公之慮事精審,

草聖

Ш

谷

勝

,晚乃得脱此耳。

草

聖

口

習,

無

如

俗

何?

以

Ш

谷

之高

唐子西與游氏帖

成論 志如 紫微公以爲終身之恨云。 腎,徒勞人耳。」先生戲答曰:「吾寧盡 筆硯閒,寂然之樂,俟來世尚 法,嘗曰:「文章習氣,盍痛 此。 Ŧi. 蜀 士鄭 百 篇、當以授汝。」未 先生嘗謂其 太玉 與先 生游, 子 日 . 掃除? 俱好 幾 未 疾 我 晚 世 作,遂殁 胸 也 」。」其 中 出 雕 有 此 世 琢 見 用 生 肝 閒

必勝?或記師魯謂公置勝敗於度外者,

過矣。

王荆公書佛語

此等語耶? 公之書自有來處,非無意於公詩有云:「世間有事佛説盡。」●豈爲

工者。

林和靖與通判帖

佳 郡,又得此老爲 通 判 不 知 何 如人,承 州民 樂哉 平 無 事 時 佐錢 塘

右軍章草

章草之絕久矣, 當見皇象所書《急就

章》。 者,是可寶也。 者不能及。 是合作,正使非 並恨峻,象斟 象時有張子並、 惟 酌其間,甚得其 如此 右軍 然後可 真蹟,决非 陳梁甫能書,甫 作章 妙 近世 草 中國 所能 此 恨 帖 善 逋 爲 信 書

米元章三帖一行書,一篆,一隸。

何耶? 一世,此卷四十三字尤高,而不善用二短, 知古人作書,亦有以篆者。寶晉行書妙絶 知問是,於然獨笑,如復覩其人。」以是 何耶?

「有」,殿本作「好」。

0

跋陳聞遠所藏了翁龜山元城帖

問 子 名 之 迹 德 孫 尚 相 凡 曾也 未 從 翰 十二紙,邑大夫江 楊 遠 於 墨 龜 耶 前 Ш 出 時 嘗 ? 後 家 幸 照 藏 百 餘 映。 二公及元 世 杭, 之下,尚 君相 整襟 今費 讀之, 與刻 城 府 當興起 先 陳 石于縣 生手 棠 凛如三 則 帖 矧 T 庠。 聲 君 齋 家

跋曾氏獨醒雜志

先 少 獨 一畫得 從 君 醒 博 子 余 雜 艮 士 平 比 志 齋、 ,爲之哀辭 生。 官 成 誠 嗚 均 示 齋諸公爲之跋,誠 呼 以 臨 備 書 者端明 江 矣! 曾 卷,蓋 無 忠簡胡 逸 無 逸 爲寮,嘗 狀 又 其 齋又 公, 日 行 序 遺 言 者 其 墨 樊 其

> 章伯益 來 倦 幾若 可勝歎 足爲 未幾 筆 視 專 子 博 游 愈 高 歷 雅篤 非 之衝 深。 尚 富 務 能 有 輒 藝之妙 過 貴若 古 居 遂 言 無 與 ,又以『 不 學,能 之。 故死 哉 友直 世 論 士 下 意 出 則又過之矣。 若 其 世 !」尋得《 之 道 不 於 相 户 獨 飛 足 君子。 生 居 用 也。 忘。 日 懸 故 而 跂 一禍 醒 浼 士遠 世,蚤 腕 知 併 於敗紙寫 墨戲數幅, 福 至 以 名 天 手 作 不見之外 而 獨 其 徐 在 誠 之至,了 下 澤 齋 行草 一歲得 日 醒志》讀 齋之 江 論 節孝平 之稱 藏 右,而 浮 天 晚 焉 追 疾,遂棄舉 二蟲,精彩 下 親 雲 。」余 ,然猶 如 號 初未嘗摹倣,落 達 配 事 日 居 且 之,益知 此 中 如 歸 前 默 厚,猶 士 畫 日 原 則 此。 愚一, 良。 居 處一 者多矣。 . 故 衮 111 勝 子業 其爲 衮不 畫 事 家 所 不 久 鄉 陽 室 絶。 知 造 益 往 有 也 歷 不

跋趙伯山責僞楚書

苟 於 其 臨 忠 搶 然者 大 行 憤 節 狀 攘 段 太 柳 中 能 在 尉 河 延 不 承 東 康 奮 士 奪 平 大 拳 然 乎 ·時 夫 拳 擊 書 遇 朱 平 録 事 觀 日 其 泚 者 苟 遺 無 事 不 不 徒 不 務 荷 已 知 興 操 ,故能 見 出 起 履 非 於 自 近 出 7 讀 日 於 時

跋姚編禮勑牒闢

姚 明 要當. 而 元 議 蘇 雜 禮之家,名爲 老大 如 進 此 異議 人 臣 而 書 欲 故 後 成 修 爾 可 聚 而 0 以 大 訟 人 嘉 服 革 無 祐 天 禮 彼 下、 異 惟 治 詞 不 而 成 平. 於下 得 事 閒 爲 卓 功 官 位 朝 然 矣 擇 拔 廷 名

清

儒

用

跋謝觀妙混元實録

安 是 幾 學 燕 寖 初。 局 不 傳,會粹 世 言凡十六變之説事 声 知 先 之 傳 道 者 載 齊 踈 靈 了多以一 奇 其 生 世 於 近 時 方士之餘, 道家者流出於老 驗 《道藏 既 之言 非 祥 不 皇甫清 代 等事 成編 實 未 誣 者 拜章 此 必有 也 日 不 》之書 非 類尚 然 窮 虚 . 述, 去本 役 化 青 搜 蓋 遠 鬼、 蒼茫 多,果皆 身下 與 迹 羊 約 亦 又遠 雜 知 氏 夫 隱 煉 白 取 非 取 尊 六合 降 放 晦 衛 氣 必 矣。 而 自 老子 百 其 者 光 之 實 爈 無。」信 支分派 家 號 外, 見 歟 靈 金 亦 餘 觀 者。 士 瑞 閒 實 迹 不 妙 爲 渺 一之有 示示 能 别 復 見 録 如 本 莽 博 瓊 嘗 載 紀 斯 儒 夢 聞 誦 臺 極 此 去 言 傳 生 皇 傳 皆 公 於 本 玉 庶 H. 書

跋李武義行狀翼

矢死 流 不過 士,惟 不坐, 而 涕 賈 徼 賁 不 天 知盡 燕 吏, 以 寶 屈 不 之 而 節,不以位 與,古人 尉 凛 變, 獨 討 然 奮 擁 賊 如 强 生。 臂 不 張 兵 卑爲辭 · 免 巡 坐 抗方張不 \equiv 有 以 而 復 縣 是 觀 也。 遺 言, 令起兵。 者 事, 相 制 忠 李侯官 之虜 環 爲 臣 也 之 義 朝

跋朱巖壑鶴賦及送間丘使君詩

詞 壑之名,始以隱逸召用於朝 來,詩俊、衣俊皆爲執政大臣 俊、富季申 承 平 ·時洛· 衣俊,●皆 中有 八俊,陳 時奇才也。 ,而骯髒不偶,終 簡 相 齋 與 詩 力引。 俊、 南 巖 渡 巖 以 壑

> 其羽翮 以 此。 猶思以 實似古君子,宜巖壑相與 退休。 余生 靈 《鶴 藥仙經求報主人,愛君之意又見於 成, 豈不能翱 晚,不及見 賦》之作,其有感於斯耶? 猶 翔 識 八之厚 寥廓,往 蘄州史君淳 也 而 不 誠 返? 使

冒張待制行實後字發

請 使,廷臣多畏 歎 미 自 民,而貽我千載 百: [] 使者,卒遣之,其副 行,欽宗爲之泣下,特 隤其家聲,安能污大 余嘗過 李 鄴 越 避 以 一苟免。 之辱。」余慰藉 與 吾 士人 州 降 則待制 府耶? 中書 語 免 虜 靖 雖 侍 張公。 行。 康 之日 苟 郎 欽宗 建 全 見大 陳公慨然 炎 倉 閒 大夫無 時 猝 彼 事 遣 但 之

●「衣」,殿本作「文」,下「衣俊」同。

以 奮 也 握 刷 節 不 兹 以 會 顧 讀 稽 死 身 張 之 深 忠義 公行狀,因記 耻 人 哉 虎 之 _! 狼 風 士 之 凛 园 曰 于後 凛 . 淪 如 然 生 陷 + 皆 是 餘 吾 贵 年 鄉 不 足 人 竟

跋袁起巖所藏閻立本畫蕭翼取蘭亭❶

乃 以 僧 朋 據 謂 = Ш 正 權 禪 畫 是 數 李 東 口 云 通 其 御 書 謀 張 : 床 王 此 見木 被 圖 納 府 生 以 不 而 書 之 選 嗋 行 世 交 所 客 生 之時 遠 多 體 平,皆非 齎 在 意 有 夢本, 至 1 氣 取《 遺 越 方 野 座 揚 元 卑 ,衣黄衫極寬 蘭亭》,首奏乞二王 īĒ. 後 童 珠 揚 也 或 辭 既 É 之態 謂 是 有 以 得《 隨 韓 使是二者 蕭 歸 求 9 昌 蘭 翼 亦 見 全 黎見大顛 亭》, 携 耳。 璧 亦 長 衘 書 之 非 不 潦 袖 吴公 則 帙 色。 也 之 倒 雜 以 應 傅 此 得 翼 老 僧 御 帖 或

> 折 史 而 且 尤 己 其 召 時 辨 非後 右 此 才 僧 相 人 曉 爲 不 可 然 惟 之 及 告之, 丹 絶 也 青 倒 精 良 不 妙 久 復 作 其 何 此 人 止 儒 物 口 酸 意 張 態 度 不 矣。 曲 嚕

跋姜堯章所編張循王遺事

平 者 大綾 戮 問 史》之傳 昔 郭 老 而 後爲 之幣。 晞 校 柳 非 之 退 河 雖 賢 軍 東 卒 詳 時 ? 士 以 顧 能 奮 段 以 太 蓋惜 撫 言 不 未 尉 太 焦令諶之農者, 其 慮 見 尉 忠 其逸 事 死 河 節 逸 0 以 東 顯 事 墜, 考 得 之狀,故 著 F. 其 且 名 史 何 以 所 者。 館 見 不 必 載 俟 自 受 太 者 ^ 事 舊 尉 此 朱 言 之 唐 泚 \equiv 好 .

- ●「亭」下,殿本有「圖」字。
- ❷ 「元」,此避宋聖祖趙玄朗諱改「玄」爲「元」。

之助 史氏 闕 小 節 而 多矣。 之遺,其志 人罕知者, 矻 不 書。 堯 宋 章 景 慕 文公謹 矻 循 也。 然 王 訪 大 謹 問 書之, 功 何 得 而 此 其 惜 爲 將 其 佳 細 以 補 行 傳

叮

嘉

跋 東 坡 獲鬼章告裕陵祝文

告。 雄 廟 遂 夷,武功未終,後聖 文如 攄 此 蓋 永 此 長 以 太宗 樂之禍 慶 否? 高 中 祖 平 可 奏 蓄 突 憤 語 厥 勝 繼 於北 也 高宗平 痛 志 哭。 亦 不 虜,太宗鋭 知當 既 鬼章 高 平盪 麗,當 奏告時 生 一,所宜 禽 意 宿 於 告 有 啓 東 陵 憤

跋 東 坡送 劉 道 原 歸 南 康詩

劉 凝 官 居 南 康 歐 陽 公所 爲 賦 廬

> 輿 原 Ш 司 坡坡 亦 馬 高 奇 公《 》,山谷謂其 公公亟 士 通 稱之。 鑑 坐客 \forall 問問 「忍貧 書 所 此 謂 賴 詩 如鐵 「古君子」即 道 本 末 原 石」者。 因 爲 多。 爲 道 凝之也 是 其子壯 此 生 道

跋 嘉 祐二年進士 小 録

攷矣。 紹聖 豐 公皆在焉 每 四 爲三等,殆不可 [者俱 事 八 輒 年 某曾 是歲 以 年者,大率與 内 容一字。 前 科。 ,此真千佛名經也 大父登 得名 葉盡 近 曉。 士十五 事 歲 治 傳 平二 之 録 司 今小異,今又見 得《 因 雜 年 六人, 年 革 事, 而 生 小 Ż 類 無 録》, 科 而 如 分職 此 此 蘇 又分試 又 大 不 姓 長公、少 因 父 此 能 名 併 登 書。 詳 題 下 録 元

跋揚州伯父賦歸六逸圖

白 彌 把酒 明 聯 句 玉 111 Ш 啜 谷 茶 西 軒 東 坡 真 題 長 詠 望 月 太

得 游 眠 屐, 有 史白、岑参。 若竹溪六逸之同 人言耶? 意 圖 畢 弗同時者,而 淵明以巾 忘 》,亦六人:宋之問 嘗見古畫《六逸圖》, 卓甕 象者。」 下。 雲林子跋云:「據 漉酒,韓伯休貨藥,邊孝先 揚 揚 皆 游 州伯 鑣 非 也。 並驅,●睇盻 同 父所 時, 滕 孫 王維、李白、高 圖 子 特 登 是豊 濟 取 長 其名 藏 其逸耳 、嘯, 阮 相 語 可 唐 1題,或 以 與 乎 人 · 非 適 出 書 俗 爲 蠟

志矣。

又四賢圖

謝安游東山 張翰思蓴鱸

釣

臺 淵明臨流賦詩 子陵

鷹 子 興 寄 、淵明尤爲高尚。 陵出見劉文叔,終不肯爲三公以歸。 高 謝 公雖 遠 尚 爲蒼 友 四 生一 賢 伯父擁麾持 一起,而 晚 而 得 東山之志不渝 歸,殆不負 節十: 餘 年 季 此

1166

跋了齋有門頌帖

知其旨。慶元二年八月上澣,有二僧叩門,某舊讀《了齋集》,見《有門頌》一篇,莫

學

佛

得

力,

豈易

測

識

哉

二僧

欲

刊

之石,

1

以

信

天台之傳,謹

書

于

後

而

歸

之。

二僧曰

妙

珣

怡云

境

尤

多

一,而

心

地

泰

然

深入不二

法門,公之

學

問問

深造自

得

固

自

應爾

0

方

在

丹

丘

時

逆

照

映

Ŧ

載

身

罹

百

謫

視

死

生

如

旦

晝

平

時

書

可可

以

知

其

所造之深

矣。

惟

公忠言

大節

之説 跋 施 武 子 所 藏 諸

帖

鍾 繇 墓 田 丙

余誦 石 司 刻 諫 鬢成 之子 慶元二 Ш 一谷之詩 絲。」爲之三歎 也 年 出 孟 日 其 冬壬子 . 家 平 所 生 藏 半 見 世 餘 墓 看 姚 \mathbf{H} 墨本 施 帖 摩挲 碑 尹 蓋 石

等

經

及《傳

燈

録

》,以

資

談辯

爾

若

唐之梁

補

闕

諸公,本

朝

楊文公、楊無

爲、

張

無

盡

及

翁

皆

留

心

教

觀

深

得

其

趣

讀

此

頌

及

學

佛

或或

僅

能

涉

獵《楞嚴》、

 \wedge

員

覺》、《净

名》

謂

此

也

近

世

士大

夫用力不及前

輩

只

如

0

可

貫

四

四

實

歸

。」公之爲《有門頌

》,蓋

空門,一曰亦空亦有,一

日

非空非有。

其實

云:

智者

大

師

所

説

川

門,

日

有

門,

此

頌

帖

讀

之

恍

然

因

問

天

台

教

觀

袖

出

T

翁

真

蹟

及

與

延

慶第

四

代

明智

講

Ì

論

軍 東 方畫 贊

 \sim 肅 畫 之象。」視之信然 像 李 贊 陽 冰 F. 洛 李 神 嗣 賦 真 》姿 ^ 論 儀 右 雅 軍 麗 有 矜 有 莊 云 嚴

王 右

〇六

黄 庭 經

書 耳。 精 少 書,恐亦未易定 筆 有名之迹。 ,而隱居《與梁 雲林子 不 硬 能 黄 到 小 字臨 以 第 若遂 陶 也 未 武 隱 黄 知 居之言,證 帝啓》自以《黄庭》爲 以 庭 玉 爲 軸《 平 興 黄 生 寧 庭》 所 以 此 見三四 後 經 比 宋 非 此 齊 逸 何 逸 人 少 非 如

王大令洛神 賦

後,何 不 知 與《 更 大令好書《洛 止公慙 畫 勝 像 此 贊 否 耶 ? 同 神 稱 柳 賦 公 右 權 軍之 而李 記 於 陽 前 冰《論 不 復 璨 叮 題 右 見, 其 軍

卿

?

東 坡 救 月圖 . 費

畫。 成蠅 人哉 成 坡 蛇 竹 樹 ,子敬爲 彼皆工 舊 曲 未 猶傳之文與 盡 見 妙趣,蓋 ·於畫· 此 鳥 圖 駮 者 直 牸 自 可,兹以 坡乃以游 1得之。 不 牛,高 知贊 道 若曹 之所 點 戲 興 至 成 墜 以 不 此 月,一 筆 興誤 作。 真 亦 成 墨 抹 東

東 坡 醉 中 書 對客醉眠

言 謂 煩 醉 酒 推 中 求。 氣 公自言: 從 醒 然豪 者 + 耶 指 ? 間 逸 我 出 邁 書意造本 往 而 如 飲 此 酒 者 無 正自不多 不 法 多 見 點 畫 豊 信 每 所 每 手

跋卞居讓攝泰州長史牒并宣徽院公文

院 印 年 樞 公牒 宣 紙 官 使 大 牒 者 告 密 印 君 皆 九 考 徽 奉 其 攝 副 乃 又 月 禹 前 余 處 與 文 而 南 所 使,至 平 錫 檢 長史,故爲 所 使 必 凡 分 此 此 院 給 也 自 時 校 日 诵 非 七,皆泰 合。 比 以 見 太 掌 故 告也 雍熙二 禹 知 北 後 士 保 竊 院 知 石 錫 某 院 夫 考 姓 之詞 其 事 則泰 晉 以 州 家 頗 州 荆 此 年 後 爲 太 優 團 故 天 共 軍 者 卷 冬方 禹 州 或或 平. 其 物 福 練 院 州 前 紙 勑 錫 之公 ·興 後 使 Ŧi. 事 異 授 兼 罷 宣 日 未 也 或 印 列 年 之官 廳 徽 嘗 榀 之 勑 銜 移 七 耐 院 密 或 不 除 止 類 皆 也 此 年 泰 唐 之文 朝 起 翰 文乃八 用 四 州 亦 泰 如 朝 世 敬 舊 林 月 既 今 掌 南 州 專 古 制 之 差 之 承 本 院 拜 姓 自 練 亦 有

> 旨 以 别 除 改 相 前 避 殿 傳 承 承 又 改 当 其 自 前 以 殿 白 稱 承 前 而 其 其 山田 餘 因 其 與 父 承 年 爲 備 次 当 清 拜 又 載 子 貴 爲 翰 班 出 之。 *耆《 殿 混 林 奉 於兵 直 淆 承 續 職 然 旨,上 翰 火 詔 此 蓋 或 林 煨 改 卷 云 蘇 志 爲 燼 乃 以 淳 易 \forall 卞 之 其 化 簡 云 中 氏 班 稱 舊 \equiv 以 ·, 是 故 奉 呼 有 是 年 物 職 不 殿 口 年 始

跋温公題劉雜端孝叔奏葶

寶

也

公正 規 純 益 王 忠懇 沂 戒 自 信 公 人以 士 稱 大 雜 至 夫特、 端 其 爲 深 劉 不 口 雜 重 識 負 7 以 端 治 獨 自 之 所 韓 本 信 職 行 忠 奏 藁 明 獻 諫 無 可 主宜 論 待 官 以 司 事 宜 於 馬 不 置 助 若 切 朽矣。 文 座 直 此 IE 然 側 有 公 亦 而 本 以 以 忠 賴 時 爲 爲 獻 巨

得喪,其猶足存耶?

跋陳昌年梅花賦

美 I. 勝 高 女以 , 亦又過之。 皮 日 以 爲 休賦 況 極 其 桃花,欲狀其夭治, 此 變。 賦 梅 形 容 古 非 清 桃 致 故 可 比 又 專 取 體 多 物 取 古 名 之 之

跋孫德輝作薛持國所居記

陽 不 薛 石 同 君 Ŧ 皆 . ',亦可 家 元 倒 南 簡 再 拔 朝 命鍾 惟 何子 脱 名 鬱攸 瑞 子 嶸 李 室 季 作《瑞 築室 之菑 云 所 居 秦 室頌》,刻石 鄉 巋 望 人敬之。 然 Ш 獨 Ш 存。 發 以旌 洪 水火 太守 水 之。 雖 衡 樹

跋李光祖所藏遠祖遷定海縣丞告

吴 侍 將 衛 封 日 朝 制 來二 殿,府曰朝 朔 晉 世 越 朝 郎 拜其 吏皆稱臣,惟不改元。 名稱多如天子之制,教令下統内 ,考之《五代史》 朝? 事 弘 而行者也。 廷,但 等。」 或 佐之三 十有 天福 皆專行 君 王 況此告不稱 , 参佐稱 長。」又《通 又范魯公《五代 八年,乃石 不改年 ,官屬皆稱 一年,自 年 一令丞 或者猶疑官制印 矣。 號 同 臣 銀 而 鑑 勑 是 光 晉高祖之末, 吴 臣 僭 己。」《 茜之賜 **学**言 而 時 改 朝 遣 越 稱 吴 元 置百 通 : 廷 、武肅 使 更名 制 越 録 通鑑》又有 百 贵 建 册 蓋 官, × Z 雖 文等全 僚 或 海 所居 奉 復 吴越 吴 王 之 有 中 之始,儀 日 建 越 中 有 自 號 派 制 諸 曰 似 或 關 或 第 原 相 勑 或 寶 府 宫 稱 中 以 承 於 IE

錢

塘

。」然則

此

爲

吴

越之告

無

疑

如給

事

中

射

兼

侍

中

一。」晉

國

公銘

日

憲憲

公祖

遂

相

:

祖

德

昭

武

政

事

章

簡

公爲《章簡

神

遂

易

元

氏

危

姓

危

仔

倡

可

尚

也。

光

祖

所

記

清

泰

=

年

里

祐

元

年

則

漢

隱

帝

之

初

也

併

後

唐

廢

帝之末,晉

高

祖

改

元

天

此

告二

白

五.

+

餘

年

得

以

存

先

不足

爲

輕

重

要

欲

辨

其

所

É

Ŧi.

代

亂

世

仕

於

晉

朝

在

相

位

所

謂

顯

德

年

周

元

德

昭

後

爲

公絳 德 肅 翰 四 郎 事 吴 夫召 世宗 代 道 昭 元 華 以 林 年已卒,且 等 王 越 厚 史・ 碑 信 即 Ш 學 稱 官 鄭 之, 派 派 ×, 使 之,皆 仔 州 士、行动 制 + 雖 相 相 唐 遨 吴 言 降 即 倡 , 明 不 不 用 越 或 之 武 及 德 曾 不 欲 宗 Ŧi. 口 禮 以 不 年 出 子。 事 昭 肅 祖 起 以 代 徧 譜 出 與 爲 部 兵 之 弘 仔 武 吴 史 考 師 擊 左 侍 **載** 相 則 熙 孫 佐 倡 拾 • 肅 越 官 郎 南 是 寧 者。 亦 至 與 也 惡 遺 相 唐 中 隱 有 六 至 俶 知 又言 行 其 Ŧ 時 元 制 年 參 居 晉 右 蘇 可 姓, 傳 本 誥 非 不 僕 魏 知 猶 高 而 至 書之。 與 章 + 世 耳 恐 爲 以 + 列 福之際 而 之舊 賓 俟 至 賓 事 辇 仕 數 見 一月,正當 人 李 博 於 佐 弘 客 ,右丞曰 於 日 氏 其 鼎 元 古之君子云。 史 將 佐 吴 信 者 藏 者 校 越 時 乾 他不 瓘

仕

又天

福

祖

以

諫

議

大

名

氏

於

紀

功

碑

陰

者

Ŧi.

百

餘

爲

平.

章

事

未

口

知

始

武

肅

嘗

疑

是

林

鼎

武

肅

以

羅

隱

林

鼎

以

鎮

海

節

度

判

官

林

鼎

掌

教

令,

玄亮,皆未

詳。

若門

下侍

郎

平

如

沈

崧、

沈

瑫

皮

光

業輩

不

過

可

得

而

見。

姑

敘

其

口

見者

有

鄭

遨

隱

居

者。

中

書

侍

後

E

平

章

正」之稱,《五

此

鄭

遨

也

〇六五

又蘇黄門帖

度支爲 傳《筠 相 老 此 坐 以 此 士夫 行 於世。 著 好 尤 離 而 翰墨 帖 也 當 佐 唱 洪 謪 蘇 陽 監 及 守 寶 州 爲簽書南京判 和 少 篇 唱 吾鄉 公謫 正 正 藏 税 甚 屯 和 居 衆。 刺 之。 益 集》見 赴 田 李 字 居 字 遒 績 Ħ. 光 筠 舒 來。 余既 贍 溪 年 君 示 祖 陽 中 績 時 可 時 官,長公以詩 移 考之《 假 派 喜 也 爲 今有《 H 知 誌 而 倅 在 然 携 績 録 屯 餘 《遺老 元 則 溪 與 其 之, 雜 豐間 田 帖 宜其 潁 曾 縣 著 公 既 傳》, 光 祖 濱 > 墓 得罪 歸 與 此 祖 及 雍 屯 蘇 少公 謂 帖 少 編 維 又 田 從 氏 公 携 云 時 雖 瞻 所 别

晋董資政元帥府事迹耘

今讀 馬,是 緔 止 炳 大 廟 史官。 跡 間 爲《大元帥 人 編 與 撰 、宗澤之表奏,何烈之《小史》、徐偉之《 載 如 獨 而 有 此 藩 丹 自 異 以 高 未問 高 爲一 編 列 計 同 屬 邸 奏 廟 廟 當 扈 其 中 帥 劄 四 書以 無從 據 行 登 深 從 時 興之初, 功狀 府 之 軍 載 知 之久, 臣 舊 可 進 質 時 之工 録 公之必 蓋 僚 僚 攷 御 IF. 見 \forall 故 妙 應 并 者。 紀 亦 聞 遇 選 見 拙 取 爲 前 載 初 者多疑 之 盗 紀 也。 云 不 其 此 宰 ,史官奏請 時事 若 實,以 勞 Ľ 誣 實 事之 書者 執 制 上失,既 大資 矣, 也。 而 者類 詔 其 各 不 曾 虚 事 多矣, (政董 書 舊 私 **\$** 誣 繫 無 實 非 不 檄 嘗 記 詔 者 自 復 日, 及 公 公 往 見 降 録 隨 而 書, Ħ 李 忠 初 往 與 龍 炳 高 付 事

裒 謀 真 可 而 録 寶 備 上之。 》及《痛 史氏 也 之採 然 定 則 録 擇 此 》等,皆公 以 編 是 信 所 後 謂 以 世 實 爲 ,豈特爲董氏 可 而 信 不 者,併 誣

跋魏忠壯侯行實勝

胄 中 嘗 與 或 騎 小 事 壯 徑 却 被 甚 悲 魏 吾 出 甲 衆 吒 侯 乾 射 望 怒 坐 久之。 背 道 南 戰 猶記 風 甚 如 城 門, 初 也 死 黄 奔 樓 之 推 余 潰 金 觀 又嘗從 地 去 嘗 不 出 戰 而 雉 過 知 又 虜 故 入行 堞 備 嘗 侯 所 Ш 老校 果 老 駿 戰 有 謂 陽 飛 襲 猶 馬 陣 鎆 北 退 騎 南 蓋 能 望 城 門, 石 卒 虜 而 言 清 慮 F 問 具 以以 望之膽 既 下 當 酣 河 裝 望見 知 戰 捷 時 口 數 徑 明 守 於 事 矢却 我 吊 光 忽 人 海 落 此 陣 忠 師 甲 相 州 П

> 實。 身中 登岸。 爲 數 不 流 弓 之,三軍敬服。 士 興二年仲冬,虜 軍 之三 + 氣 至。 爲 亦 射之。 數箭 百 鳴 喪 E 萬衆! 喟。 騎 侯 虜 呼 竭 氣 矣。 已 ,拔之,復 矢盡 爲之聲援 膽勇善鬭 進 所 〕渡者 子孫多壯士,尚其勉旃 使 乘 退 觀 而 出 當 後得 無 文 衆 船 矢 清 時 所 時 E 被被 ,豈至是哉 下 出 河 參 擁 而人馬 一馬 爲 因 韋 連 如 不 彊 政 淮 墜 甚 己, 雨 兵 告急 錢觀文所記,言 艘 東 馬 急 被 坐 勢 宣 以 而 遂 傷 而 於 冒 諭 不 下 戰 觀 死 已十七八, 大 侯 今覽 使 東 可 艦 之,而 者 當當 軍 支, 南 率 拒 稍 行 而 之 得 棄 神 而 出 船 出 其 救 中 勁 隆

跋蘇魏公所臨閣帖

於相 國寺 此 蘇 置得閣 魏 公所 本法 臨 閣 帖十 帖 也。 卷 甚 譚 奇。 訓 尝云 畢 嘗

公賜 群 知 書 本 中人自怠 蓋 也 出 學 魏 力。 公記 ,而欲追及前輩 觀 誦 此 絶 卷 人, 臨 固 摹之工 可 由 天分; 乎? 其 勤 博 極 口

跋華氏中藏經

具 緩 其 + 世 妙 察 難 論 色,以 一之良 ,又非 於 日得 在 餘 最 書之火于 長 盡 年 切 余少讀《華 信 醫 蓋 閩 人脉長,短 决 紙 而 曰 : 貮 中 也 E 余 死生。 然其 卿 倉 獄 始 語 姜 性 嘗 司 ·佗傳》,駭其 得 所 論 公詵 所 急 與 使之尚 人脉 之。 能 雖 議 刊 者 之 道 不 卓然 脉 論 爲 序引 也 短。」究其説 中 敢 脉 使 亦 存,若刳腹 以 藏 精 者 急, · 云 古汴 之 醫之神奇, 爲 經》 時 深 説 性 真是元 無 讀 所 高 陸 頗 緩 如 之, 刊 從 遠 涉 未 者 斷 華 暇 神怪 老, 化之 凡三 其 佗 胃 視 脉 而 也 説 脉 之 亦 之 近 惜

> 閩 之志 然欲 從 改者 久。」 老。 矣。 不 曉 藥 佳 録 本 過 者 方 子 處 後 未 本 若行 從老 惜 於治 校之, 數 凡 溉 因 有 兩 善 有 可 之, 出 乎 六 因 手 種 存焉,始得 於世, 以 後序 至 笑曰 以 其 + 所 録 差 始知 恐非 證 又 書 大 溉 之。 道 舛 藥 未 陸 版 書 見 所 . 難 使 此 知 凡 本之失。 亦 方 鋟 或 假 録 蘄 毉 此 據 爲 本之爲 識 此 有 木 增三之二。 改 面 者得 春 吾家 善本。 取 爲 所 今世 定 遂 授 王 以 而 及 是 數 携 可 使 其不 所 以 校 惠 而 所 否 + 至 習 祕 傳 君 之, 後 記 老 用 佗傳 百 姚 不 讀 也。 學 成 不 其 好 同 者。 閩 乃 字 江 之, 父聞 始 能 事 謂 本 而 且. 知 **>** 繕 末 其 以 者 稱 前 所 版 以 不 亦 閩 之,欣 于 寫 叩 能 間 濟 處 成 間 有 中 行 可 左。 從 多 余 以 齊 難 俾 之 E 輕 有 目

攻處先生文集卷第六十九

攻媿先生文集卷第七十中

四明樓鑰大防

題跋

跋潘恭叔所藏關仝山水(闕)❷

跋崔舍人宋鐃歌鼓吹曲敦詩❸

不可 和 服 等語 」,始有稱功德之意。 曉 思悲翁》而 上缺)世遠聲亡,不復可考。 《聖人出》一 惟《上之回》一篇有「月支臣 下二十二曲 篇云「聖人出,陰 至魏使繆襲造十二 其 詞 漢有《朱 具 匈 在 多多 奴 陽

> 唐 纔 篇,猶各爲二十四 異,疑未嘗被於歌也。 祥》、《宣受命》亦然。 篇之大小,句之長短 陽》,吴之《炎精缺》、《漢之季》,晉之《靈之 曲 鷺》爲《木紀謝》之類。 改《朱鷺》爲《楚之平》,《思悲 奏,或雖奏而未嘗用,故不被於歌 不復存漢之名。梁沈約十二曲,則又改《朱 又多不相似,不知何 在義熙之末,私造十五篇,皆用 曲十二篇,最 有寂寥短章爾。 ,以代漢曲,則篇篇專以鋪張魏之功德。 八爲雅 句。 柳宗元 以 健,亦疑 唐《破 謝朓爲齊作十曲 與漢曲 隋有《述帝 始 陣樂 取 私 翁》爲《戰祭 合。 漢曲名而 魏、晉義,爲 作 》等 如如 德》等二 何承 而 四篇 承 未 天 嘗 天 小 則

8 9

[■] 本卷卷端原闕,據本書體例補。

[「]題跋」二字及本篇篇名,諸本皆闕,據底本目録補。

本目録補篇名。本篇題及「世遠聲亡」以上,底本及諸本皆殘闕,據底

行 典, 之於 被 也 雖 皇 初 以 帝 之於歌 本 則 佐祖宗之光 遂自 安得洞 宋 此 出 斯文益以不朽矣。 編 也 於 見 私 IE 用 曉 尚 中 作, 字 之 音 書 書 明,柳 人 邦 韓 丽 律 舍 直翰林,近世罕有其比 或, 公,大奇之,以薦于孝宗 徹 如 人 聞 崔公少以 台 與 河 九 人之神解 郊 東 重 廟 以 備 來 金 著 未 石 本 者, 述 樂 有 朝 自見 章 此 之 取 並 闕 作 而

又陸宣公奏議總要

門 導 要》 然奏議 開 卷了 聰 分 一書上 類 明 阜 繁重 然。 陵 名言 裨 喜 之。 益 聚古今之精 觀 ,尚勤乙覽。」是 治道 確 陸 東 論 贄 坡 多矣。 奏議 先 閱 英,實 生 故 而 ^ 日 盡 紫 易 書 得 微 摭 治 **>** 日 之,所 如 華 崔 亂 納 · 安冗 贄 之 公 之 龜 爲 約 以 鑑 論 自 總 開 大

牖」,崔公有焉。

跋石曼卿古松詩

之句。 章勁健 自豪。 驛》石刻久矣,今趙 弩張之勢。 天」,尤爲 余三見真 籌筆 旗 妙也 光 曼 十驛》詩 秋 一,稱 今又見 書 卿 曉 人膾 蹟 體 Ŀ 其 起 吾鄉 有 世 兼 意 禮 此詩、「影 「意中 家 炙,皆警策 甲 顔 氣 部 郡 色 幺幺 柳, 尤 君 從 余以 州 夜 流 致 事 尚 江 前 水 燕 摇 遠 官 書 謂 横 遠, 也。 輩 俗 千 又欲 舍 家 字 謂 户、「 之 勁 中 愁 ^ 畫 歐 西 愈 武 外 句 刻 先 尤 陽 大 少少 師 此 有 舊 有 歐 聲 公 愈 W Ш 詩 以 稱 是 籌 劒 撼 陽 奇 青 爲 拔 半 有 筆 文 氏

公祖 劉 又 魚 原 鍾 殿 王 卦 古 本 衡 一人無 、容蔵、顔之僕、 前 亢 上 本 七 向 不 而 無 兹、 爲 年 F 侔 F 余 形 傅 服 蕭 又 向 近 八 各 漆 説 貌 位 虔 德 名 軸 聞 薌 得 有字 雕 像 次 不 人 臨 大 林 陳 從 類 白 借 闕 資 江 第 刻 戴 寔 ·, 位 孔子 背 而 狄 政 却 名 于 七 聖 周 左 不 鍾 校 學官 趙 置 無 昱、公良 軸 弟 郢 公禮 司 繇 王 之, 公帥 顔 石 亦 畫 子 · 而 者 古、 路、公孫 刻 不 文 諸 中 丹 疑 + 殿 守 有蜀 中 翁 倫 葛 嚴 青 多 與 孺 八 啚 成 有 亮 徒 君 九。 焕 奚 先 W 司 石 太 都 梁 夔 父 平 龍 然 人 崔 馬 守 蔵 刻 之 鱣 所 叔 嘗 虚 楊 相 李 冉 桓 字 球 叔 自 藏 羲 摹 紹 冰 季 魚 雄 如 平. 叔 仲 爲 盤 禮 畫 興

> 記 平 臣 之後,豈 濬 漢 無 玄、公 寬 畫 福 桓 之間 諸 大 杜 榮 賈 福 漢 王 概 益 名 名 武 預 孫 班 誼 濬 次 不 州 儒 帝 以 後 固 洪、 甚 張 刺 杜 司 或 序 俟 人 蕭 華 史 張 顯 馬 預 倪 在 考 所 亦 何 等 張 湛 遷 寬 其 證 張 多 續 豆 皆 收 0 前 張 不 邪 華 董 盧 廉 丹 ? 若 可 良、 魏 未 複 范 仲 杜 青 考。 晉 知 姓 舒 武 畿 鍾 叔 馬 愈 間 在 帝 繇 不 孫 漢 融 蕭 豆 Ι. 人, 漢 光 通 光 知 盧 德 皆 諸 第 何 既 武 何 武 葛 陸 帝 Ŧī. 石 雀 名 在 第 列 亮 賈、 時 鄧 倫 刻 張 於 桓 禹 所 陳 軸 姑 收 \pm 後 鄭

跋 孟 蜀 王 與 唐 世 宗

閱 張 次 余 功 家 所 藏 編 此 書 蜀 既 檮 杌 以 Ŧi. 載 代 此 史 尤 詳 證 其 因 事 具 書 兹

0

七

淮 宗 稱 蜀 度 青 度 恐 唐 高 赴 德。 于 萬 + 皇 南 使 韓 天 歸 彦 泥 倉 迪 後 子 帝 ... 王 我 監 儔 昶 請 周 請 年 環 時 閨 秦、 正 怒 季 益 師 廣 通 吕 軍 世宗 監監 棄城 月 札 至 師 政 職 荆 鳳 爾 彦 斬 王 仇 + 怯 貢 南 之俘。 軍趙崇 周 戀 珂 方 於 昶 遁。 不 池 懦 七 遣使來致書 師 揔 被 昶不 鼠 市 遣 答。 年 克 衆 不 殺 竊 + 0 雄 攻 溥。 秦、 以 進 十八 作 昶 武 秦 昶 周 禦 我 賊 遣 月,又 監 階 日 乘 州 世 二十年六月, 周 師 使 年 : 軍 韓 宗 馹 一言 何 成 敗 師 致 Ħ. 使 繼 即 得 朕 克 而 等 績 書謝 周 月, 趙 勳 還 位 郊 相 九月, 鳳 州 廷 世宗 季 薄 祀 州 李廷珪 雄 珪 成 改 札 鳳 稱 耶 天 已定 周 執 武 退 戰 都 率 翔 元 ? 地 大 世 節 保 於 震 節 師 顯 Ŧ

跋任氏所藏外祖汪少師帖

垂 龐 厚 居 屢 客來 詩 一淚 類 侍 丞 奉 向 相 此 筆]1] 某 空認 重 西 墓 任 生 研 增 風 忽瞻 長 **>** 悲 袁 有 書問 氏 。」陳簡 外家 公領 歎 云 與 遺 多 舒 墨 事外大父 出 齋《 泪 少 董 肅 親 盡 H 諸 跋 然 札 慙 拊 家 存 起 無 頭 皆 誠 敬 少卿二 外 楊惲書。」三 期 至 子 祖 帖》有 親 類 陳 母 我 + 後 相 王 餘年 Ш 云 莫 夫 與 ^ 復 人 年 篤 謁

跋參寥詩

以 姻 某故竄兖州 家 7,時爲 以 京 東 東 ,望爲之地。」 坡 漕 門 使 人 得 坡 罪 與 之 師 黄 是 書 師 曰 E 是 . 參 昨 坡 方

慨 詩 邪? 得 間 於 倡 屬 萬 至 也 人,不可 \Box 有 베 九 果然。 *** 勝勝 其 師 里 和 :「有僧携行李徑欲 兖,與之定交。 兖 江 如 得 教授,某大父 是 諸 風 與 州 少 游 與東坡 我 意詩 卷 驅 師 從 參寥集 父猶及 樓 師 與 長 止遏。」少師 中 白 館穀縣 喜 子 教授見 遺 君 得 翰 雨 叔 雨 和 文 共 稀 話 見 中 》 詩 來」之句,兹見 愚 碎 墨 愚上人》二首,「開」字、「奉」 躋 别》詩云:「霅水黄 登 齋,當同 所 子 少師 攀。」 飛 周 過,其人必 於兵燬 有 後宰 封 稱 魯 笑曰: 旋 動 云 時 真 坡 云。 也 如 人門,自言 試 登封 事 僅 許 登嵩嶽之頂,游從 亦云:「筭詩 可, 領其 口 聲 珣 兖 必參寥也。」 寶 何 存《二十 長 師 雷 公所 州 即 止 日 意 也。 者, 詩,重 碾 少師 與 I 而 青 段 藏 闉 遂 樓 集 詩 知 行 四 Ш 一增感 之字 以 赤 舊得 中 縣 人 人 而 軸 過 峰 相 告 有 己 爲 壁 故 已 既

集,以此知遺亡者亦多矣。字、「鵶」字三絶,《漪漣齋》一首,皆不見於

跋桑澤卿和林和靖詩

遺草 爲 Ш 風 對 度 絶 猶 結 唱 V 和 靖 也 廬 可 喜曾 詩似 知 墳 澤 無 前 其爲 卿 和 封 脩 靖 禪 竹 人,自然高 絶 書 亦 細和 筆 蕭 此則 踈 篇 間 勝,不特 不容和 有 云 茂 不 陵 能 湖 異 辨 日 外 梅 求 花

跋從子深所藏吴紫溪游絲書

仲 政 不 漢 斷 秉 萬 濱先生王公瞻叔之詩爲工 鈞 錢 嘗 塘 鈞 吴 稱 筆 傅 蜀 力歸毫芒」 朋 士 仲 游 絲 明 舉 字 佳 前 詩 句 無 云 也 古 春 蠶 然 伯 父揚 未若 黄 縷 給 州 冬 來 事

又題所書羅端良文三篇

其最 勝。 集 過 此 所 祠堂記 卷後。 共惜。 以以 此 端良 得意者。 新安羅端 不 》、《社 爾 暇 劉子澄清之爲倅 有作者欲 方無恙 雅翼》 求 全也。 壇 余每 良願、公輔器也 記 時 書,深识 論 爲子弟誦之,從子深請 常以 所作. 淵 爾 明 恨未得見之也。 雅 無 此三篇見寄,意 100 及 翼 不 社 以 ,止於鄂州 後 精 稷事 其 妙 序》尤 詩文爲 小恐無 而《 爲 陶 書 亦 高 \$ 世 以 小

書吏商贈趙仲堅題其後

余從兄之子伯時一女,謹擇所歸,近以

之哉 廉 미 蔬 已 誠 歸 河 龍學少師 道,又非 求 余言。 有不 謹 以有 爲半 竟日 趙 東 仲堅 詳 ^ 可及。 吏 練 爲。」知宗長 刺 能言者 師 ,佳公子也 商 老矣,幾 肉。 猶 世 祖若父,尚 執 聞 以 吏 故 其 卷 贈, 師 何 日 與 在 田 光顯 子 以 : E 世 而 間 告子 也 既 「人有 一虞時 系 相 ,繼有賢 尉 何它求? 躬 于 忘 ? 以 新 視僕 ,忍貧 朝 此。 不 城 素 精 惟 爲 夫 仲 不 譽 以 如 明 也 仲 糞 爲 堅 長 此 鐵 彊 堅 一大父 仲 於 書 田 而 卷 敏 石 勉 後 灌 堅 吏 柳 來

跋周尚書詩軸武仲

以 知 公孤 御 史觸 余少讀《龜 文 忤 於 權貴,屢 宣 和 Ш 中 先 獨 蹈 生集》,見周憲之墓 禍 祐 機 陵 知之甚 詰 \pm 黼 拒 梁

人。 之虜 敬 畏 部 法 適 師 IE. 尚 在 ,至是尤 成 而 無 嘗爲 公諱 書 謫 于 仰 漂泊 伏 極 世 居 高宗 節 論 貫 中 見 兹 可信矣。 流 不 童 餘 所 詩 讀 欲 寓 屈 貫 蓋 暇 誣 注,憲 公詩 之 柄 宣 留 蔡攸之罪 謫 建 嘆。 用 和 心 黄 之而 炎 之其 末 詞 翰 州 卷 元 年 翰 墨 中多 不 也 字也, 9 俱 9 年 及 得 間 至 高 黄 歐 剛 往 又 H 州 爲 陽 建 尤 稱 來 毅 以 詩 刑 之 使 率 使 詩 公 之 部 以 浦 不 人 更 意 氣 酒 筆 起 測 文 其 自 城 口 吏

跋虢國夫人曉粧圖

蓋 疑 却 《集 此 嫌 恐 脂 號 靈 非 粉 或 臺 杜 汙 》第 夫 少 顔 人 陵 色, 承 篇 語 主 淡 也 後 恩, 掃 乃 蛾 素 平 得 眉 聞 明 於 朝 同 騎 張 年 至 馬 尊 林 祜 集 子 金 余 長 中 門。 每 家

> 有 曉 粧 號 啚 或 也 夜 贵 游 E 圖 畫 > 甚 平. 佳 明 騎 而 馬 未 時 、之見。 邪 ? 或 謂

此

跋范石湖游大峩詩桊

無業 傳 打 善 湖 景 人 話 誦 先 ×, 臺 書 這 殊 也 使 Ш 禪 生《 鼓 必必 書 勝 文殊示 禮 師 石 笛 Ŧi. 大 不 大 塔,塔 吉祥 臺 湖 我》 爲 能 略 現 事 再 報 如 相 於五臺 元. 數篇 甚 登 L 此 禪 似 詳 大 雲 翰 師 Ŧi. 我 深 莫 色 尤 墨 亦 舊 普 放 處 光 飛 有 爲 見 必 賢 光 看 詩 現 奇 動 無 須 示 熒 偉 紀 盡 現 有 别 尤 煌 然 所 居 詩 於 有 爲 無 張 見。 士 大 云 公 盡 禪 而 我, 素 清 則 林 今 後 今 佳 稱 石 光 不 謁 川 不 涼

●「祜」,原作「祐」,據殿本改。

跋徐神翁真蹟

善守 閑 翁 大夫登第之祥, 翁 道 其 事 , 尤爲 後身也 海 成 陵 之後, 漢、 著 驗 晉 閉 如 閒 可 蔡 此 有樂真 謂 藏 魯公之東明, 卷脱. 神 舌 矣。 君子 去白 何 然使 用 長,或 字 管 人 吾 吕 遂 閒 云 得 東 爲 平之 徐 爲 如 桑 許

跋姜氏上梁文藁

外門 夕 以 宣奉公慶七十 書 儒 之 此 姜氏 顯 舅 故 卷 向 在 閱 氏 京 來 兩 適 師 親 旬 時 齋 以 見。 而 丞 尚 財 下 相 書 雄 世 壽 南 汪 E % 春魏: 公跋 梁 來 文 絁 吾 公見委以 語 筆 屬 鄉,子 甚 也 藁之初 詳。 某以 孫 樂 遂

爲 猶言輩 安循襲之。 之,此關 謂 陳 獲盗 偉之「偉」,皆所 舊 者幾人。」丞 虞卿、汪 如 語 來,其興則未艾也 孫 游 我隨 不曉其 今夜 棘 前 猶 諸 「兒郎 有云: 老,及 推 所 云「我 你懣 有 未 賞 去 也 中方言也。 偉」者 司 承平之 聞 刑 義,或以 去」。 聞 業 云。 部 生 然嘗 相 部 獨 Œ 領 長 季路諸 頗 例 或 秦 未 故 你 始之遺 余 東 猶言 兒 「懣」本音「悶 以 有 以 州 皆節 態 安。 爲 懣 啞 都 爲 云 李 語 上梁有 上梁文必言「兒郎 唯 然笑 厮 親 公、皆博 然。 德 尤 當年 諾 在 音。」又云 用相 元案,不改 逐去」,深州邊吉 尚 見 之「唯 郎 勑 姜氏 日 案 - 竹馬, 開 書延 文尚矣,唐 局 懣 兒郎 . 元之 洽 云「自 時 」,俗音「門 得 家 之士, 之、沈 : 蓋 之偉」 之 風 得 俗 或 見 盛 今 家 呼 矣。 蓋 以 見 語 元 際 皆以 偉 侍 都 豐 會昌 H 而 爲 偉 有 9 自 郎 告 所 從 中 云 有 奇 王

跋傅夢良所藏山谷書漁父詩

公私 急,醉 漁 家 無 眠 鄉 聽 縣, 秋 雨 滿 船 載 稚 乳 鞭 笞

太 谷 石 平 此 長 有《古漁父》詩云 右 雖 Ш 在碧波 僅得三之一,殘 谷之父亞 中。 夫詩 殆 此 . 主斷 意邪? 也。 几 海 璧,要 谷之書既刊諸 租 庸 自 人 草 可 草 寶

又孫鴻慶作傅和州墓銘

學自 古 未 無 免 六經、太史氏、 鴻 所 於 慶 不 稱 孫 讀 文昌 美。 其 兹 文 代 白 爲 自 家 文 和 章 歌 諸 州 伯 詩 子、浮屠、黄 之 志 也 賦 頌 志 有 人之 云 表 箋 だ老之 其 傳

攻

媿先生文集卷第七十

序、箴 州諱 艾。 有 閎 厲 也 頌 迹 色 麗 諒 以 若御 夢 友,繁昌諱 又不 薦 銘 如 可 良 和 紀 當 郊 民 爲 志,亦 減 州 廟。 大 余鄉 繁昌 鞏。 之 典 以 在 此 寬 册 邑 無 1之政, 蘄 非 簡 \equiv 所 年 詩 心 廉 不 聽 服 語 能 İ 直 訟 目. 其 精 _0 世 有 去 如 能 深 其 矣 父 又 家 家者 風 日 人 不 미 膴 作 列 所 無 仕 也 文 涖 此 於 當 疾 語 歌 章 皆 未 和

跋可壽上人所藏史文惠公帖

問 者 舫, 此 在 箇 恁 襄 漂墮 麽 前 便 于 陽 是漂 輩 事 襄陽問 傲 羅 賢 作 上 刹 達 墮 麽? 虐 鬼 羅 紫玉 所 F 或 刹 以 一于當 9 ? 玉 號 鬼 好 0 或 爲 與 時 如 云: 襄 有 失 何 于 道 樣 色。 是 於是有省 節 高 于 黑 度 僧 頔 玉 風 游者 云 猶 你 吹 能 者 其 正 有 于 船 秖 漢

一〇七七

得 必 能 以 師 别 相 爲 深 富 與 方 錐 有 貴 外 如 針 痛 隆 此 交 劄 鋒 盛 之深 ,此詩 如 相 諛言 許? 湊 邪 處 帖 塞 太師 皆 非 耳 其 若 外 史公 迹 人 不 也 所 得 地 知 此 位 0 人相 等 中 不 人, 人 然 得 安 與 安

跋褚河南陰符經

之法 也。 六注 言演術。 牽合, Ш 曰 ,張良之言九,鬼谷六,諸葛五 老 母 下 ,謂太公、范 此 蓋 陰 以 符三百餘言 有 嘗 符 亦間 上有神仙 正 彊 疑 經 義 兵 》説 之。 有 ,不言誰 戰 泉軸、 無 者 勝 唐李 È 抱 甚 ,百言演道 鬼 之 名者。 一衆,以 谷、 作,後 之道,中 術。」分爲三章 〉 筌傳 張 文 良、 略 驪 序 ,百言演 義 計 Ш 諸 中 有 一范蠡 不 老 太 謂 富國 葛 貫, 公 13: 亮 出 法 之言 之言 才一 又 安 頗 於 及 百 筌 民 驪 有 費

九十本矣。

二者皆見石刻,惟此

真蹟,尤爲

永徽 書,正 手 以 此 將 誰 其 未 至三 同,後 見 哉,是言 河 云: 其間 南真 寫 歸 幾 經 由 作 而 邪? 羽 群 妙 四,自「愚 Ŧi. 以 觀 攢 有 觀六年 筌及正義 (蹟注 年 兹 化 仙之集 遺 不 注 有若 也 三十 斷 奉旨 大 於 之。 미 者 章 初 1 徐 本,始知上古真仙各 觀 以 奉 相 粗 九 有 三費,又 人以 粹 而 寫 中 比 凡 智 尤詳 勑 得 應答,亦 首 道 中 爲之邪 歲 一百廿 見 書,五 知 遂爲三 天 醇 流 於都 二<u>;</u> 而 可 河 而 地文 携 謂 道 又與 南 言 + 爲慈谿 ? 以 有旨意全不 下三 備 士: 所 説 茅寶藏,摹得 卷。 贊 理聖」而 卷。 求 抑 矣。 世 希 書 者 售,索價 茅 姑 高 所 嚴 及此, 其 至 略 或 寧 存 真 出 版 本,其 道 無 壽 總 不 之 後 語 會 行 亦小 聯屬 宫 彷 蓋 耳。」 知 觀 稡 不言 題 注 不 彿 建 其本 見 何 其 本 脯 貨。 貨。 藏 者。 信 草 白 成 以 褚 許 誠 後 爲 不

善。 草 徽 合作 亦 萬 三年,年六十有 書 安 所 得 仍 書 本 字至 命 文冠 則 此 長 目 五. 十有九 子 小 以《 力 澟 邪 黄 三,書此 而 細 帝 楷 矣。 書臨 陰 法 然三 符經 精 岢. 時 摹于後,尚 妙 本 惟 計 》,要當 詳 筆 四 河 略 力 + 南 亦 不 Ŧi. 存 卒 以 自 歲 可 舊 於 此 不 跂 本之 顯 本 丽 同 及, 爲 永 慶

書石門披雲集後

旨 登 題 先 詩 石 覽 門 恨 奏 君 舊 事 矣。 勝 解 洞 縉 文,躍 處 印 能 復 乾 綬, 爲 悉 Щ 调 道 記 題 谷 余 躍 其 Ŧi. 詩 難 適 然 F 年 奉 壁 石 欲 分 相 祠 先工 間 教 游 門 羊 里 未能 永嘉 最 竟 居 部 淳 可 守 日 熙 觀 ∭ 奉 也。 栝 末 盡 羽 雙 蒼 士 見 誦 自 親 明 侍 王 巖 温 太 年 東 旁見 白 君 石 守 下, 之 得 留 愚

> 之次韻 集 夢 詩 叟 後 境。 一訪 此 文 而 八爲 余於 歸 以 永 之。 少作 老矣, 編 Ш 寂 中 非 愚 將 寞之濱 之傳 叟 I. 無 歸 好好 由 亦 而 信 棊 更 刻 自 列 與 言嘗 雅 尋 其 之。 琴 士: 中 故 文 也 詩 步 閱 住 有 此 荷 慨 再 佳 觀 然 好 語 過 爲 事 裒 書 者 又 如 古 能 于 爲 蹈

跋趙清臣所藏濮議

閱 事 議 乎 臣 曰 ? : 徑 獻 百 近 觀 歲 之神宗 嘉 頃 余 以 書 + 廬 泰 奏 派 日 閲 陵 卷 元 (藁授 金 畫 年 所 以 耐 壇 固 久 \equiv 刊《 後 之,遂 出 得於蘇 嘗見之, 之, 月 首 鎮 文 Z 忠 清 尾 爲 道 巳 公集 俱 臣 蘇 遇 氏 君 訪 同 氏 \Box 蘇 云 所 餘 家 : 魏 藏 而 「歐陽 則 姚 寶。」 録 何 嘗 此 **\$** 本 書 見 語 公 卷 余 君 多誤 也? 濮 以 及 趙 列 歸 在 此 此 議 而

平三 治 藥,故 劄 公序 得亳社,故序 之,實治 公薨於熙 及《漢魏 去 殿學士、 亦 子注 間 不允,十 平丁未,年六十一矣,因併見之。 一年也。 此 有 併 云: 議 勝 五. 平 進 行 寧 ൬ 於 辺 君 之神宗 月成 刑 進 五年壬子,年六十六,此 三月以 版 是歲 年 稱先帝 論》、《晉 部 之 行 尚 神宗 而 者 + 正 也。 書 不 言 月撰,不曾進 月蓋 ,議稱英宗。 知亳 時 及進者,英宗 者 問》,未 大 其爲《 指 併 罷 神宗即 州 濮 爲 政 知 後或問》二篇 議 手 以 而 所著 爲 校 位 出 ^ 其第 呈。」 年 邪 而 時 書進 爲 譜 年 説 歸 已 四 月 謂 觀 月。 W 之。 於 卷 考 服 求 治 文

跋桐陰韓氏家問

犯。 知 蘇 亳 魏 公嘗 州 H 第 言 二子 韓 舍 忠 人 憲 自 教 西 子 京 嚴 倅 肅 謁 不 告 口

> 守家法 是亳社 或疑 之,再 能 欲 奏讞 省 辟奏案尚不能記 之學宫,真桐 汝食朝 釋。 覲 撻之,衆賓 其言 者, 問 坐 時事 家法之 邑 其 廷厚 未 中 爲 事 詳 忽 過 能 整 可 力 木韓氏之子 禄, 云 云 嚴 辨 畏 解 對。 觀 何 : 事 如 方已。 ? , 庠 戸 一 而 則細 此《 此,所以 無 仰哉 遂 家問 郎 舍 E 推 務不舉 孫也。 人 諸 細 案 新 吾 》, 可 子股一 皆 思之未 持 多賢 聞 象 梃 可 當 西 又刊 Ш 信 栗, 令君 子 知 究 大 京 得 不誣 矣。」 此 弟 累 有 心。 詬 卷 猶 疑 也 日 E 日 不 必 寘 能 亦 獄 大 吅

跋張德深辨虚

奏邸 中 多 》闕文, · 檢詳 余少 時 新安張公爲 嘗得 能 遽 儀 解 真 所 寮,同 隆 刊 興 改 司 寓 馬 元 直 氏 舍。 先 光 潛 時 禄 虚 在 官

此,幾 之所 《易》曰 深漢 借 則 語 相 此 嘗示之,一見即言其大義 Ŧi. 首有贊,名有變。二體四位十等之象,八物 得見之,凡十餘篇,兼綜《易》、《元》二書。 侍旁,日從之游。 又辨氣 辨虚》一篇,洞曉其説。」因略爲余言之,自 及此 去幾 虚 檢 始知《虚》之大概,獨未見所謂《辨虚》者。 而 傳之。 以 邃於《易》、《元》,● 》之書未 與生成之數,乾中元之所以始,一三五 詳 無 、體、性、名、行、命 卦、《元》曰首、《虚》曰名。卦有爻, 書,子宓 四十年,與 虚 爲 総益 ,與夫 縣 又言:「爲慈溪 成 **\$** 而 德深之學真有 揲 時 日 自言家有《潛虚》全書, 已 新 法占 : 所爲 傳 「德深,從 澧 陽 法, 温 蓋 也。 與 郡 公晚始以 未 皆若異 令時 蓍。 博 識 歸 淵 檢 叔 士 ^ 閱 詳 源 潛 ^ 張 祖 有張 數 虚》之 · 而 而 又 子宓 虚 全 也。」始 日,著 實同 云 書 總 \forall 氏 也 . 得 序 虚 德 授 呕

> 此其所 《潛虚》之書章分句 補 温 世號精博。 隱》、《外篇衍義》、《通變》等七書,近百卷 范太史淳夫,遂 而 不見此説,兹又得《發微論》考之,則 不啻數倍。 此言耳 元》、❷《元包總義》、《潛虚 非 爲 公之筆學、潛虚》爲心學。」方疑 此 也 總論 書。 。」觀 以 觀物先生張公兵部 然觀 ,遂及筆學、心學之説。 尤 嘗 物 果 難 如 物 窮象數之學,著《 取《演義》讀之,爲卷十六, 也 傳於蜀。」後以問 之書 蜀 析,尤爲詳盡 士: 檢 之言,非 詳 未 出 又言: 演 而 行 義》、《 德 成 此 $\overline{\sim}$ 述 深 所 ,比《辨 蜀 人 直 通 能 衍 補 ±, 總 亦 經 世 以 衍 鑑 辨之, ×, 託 不能 爲 總序 序 日 》 爲 翼 出 中 爲

^{● 「}元」,即《太玄》,此避宋聖祖趙玄朗諱改。

②「翼元」,即「翼玄」,此避趙玄朗諱改。

[「]演」、《宋史・藝文志》作「行」。

專掌

送茶。」其朴茂

類

此

德

深耽

嗜古學,

天文

地理,無不該貫,此特

其

也

於己,不 變論》 ௱ 而 下, 没德深之作。 篇 有 此 論 九篇,八篇皆德 所傳 律 吕 者、 者 自《元 或闕焉。 ,在此書之外, 以 準易 深 又不 之舊 虚 載 猶 以 五. 止 擬 恐

是其本文,而 有《 元論》 宫、天軌、歲紀三 圖 德 深《辨名》之末 謂

劉 允叔 夢 紫瓜 而作舍萌題 其 後

甲科 拙 爲 矣。 瓜 之 書其後,以壯昆季西上之氣 0 然此 釋 生,畏君之詞, 若允叔之 退之送 褐 種一 者 窮 始以 名不落,彼夢 舍 而 萌 延 此,又似 上 則 自 真 坐,子厚乞 阚 (驅之, 當 不 滿 不 必 甑 復 雖 力驅 三顆 敢 未 巧 能 人 耐 之也。 不妨 吾 甘 絶 夢 紫 抱

跋朱 叔 止 所 藏 畫

徐 季 海 題 經

没德深

之實,而惜其

不

少見於世

也。

德

深

歸

,其父題

於門

日

.

三四郎

今年

免耘

田

兄

弟讀

書躬

耕

其兄宗

丞亨時

濟

得

薦

送

耐

罕有

知

所

自

者。

某

非

欲

與

檢詳辨,誠不

敢

也

淳熙

+

一年,檢詳之子

南

金

又刻之,世

漢章倬

爲

湖

廣

總

領,遂以

版行

實乾道二

年

察院

時

,以《發微》授司馬侍郎季思伋,其

兄

北

斗之任

1,非謂:

若

極之居其所

也。

檢

詳

爲

於四季

齊

亦土

也

居中

而斟

酌

造

化

故

以

極之任

乎?」輕改

言,失其旨矣。

土

分

 \pm

發微論》

沙日:

「處大中之内,在天

其

北

齊處大中之内,斟酌造化,其斗之任乎?」

趙 氏《 金石録 目録》第七卷一千三百

題經, 有 天 『楞 寶 中 伽 立。 阿 跋 歐 陀 陽 羅 氏 寶 集 經

四

+

唐

徐

浩

古目 之經,而 也,在嵩 部」,乃浩所書,而 録》云: 季 山經 海 所 藏 經 題 院 首 爲 經 可 叔 寶、又足 則吕問、 止 所 藏 姚 以 雖 子 考 不 天 彦 見 等 寶 所 書 中 寫

李公垂書樂毅論

官制之一二云。

字本 巖 甚 李。 刻大字,不 三俊 壑 小 、墨蹟 了,傳稱 老人故 爲第一,殘闕 其 李公垂 在 翰 知 以 具全,尤爲 物 林 短 其 文 也 小 小 藝 與 精 已多。 李 楷 節 悍 精 操 德 可 到 裕 見 詩 珍。 此 如 用 最 元 卷比 此 有 詳 稹 余 視印 名 同 右 今 古 時 時 軍 世 嘗 章 所 見 以 又 號 書 海 石 號 短

龍眠蓮社横卷

之者。 爲 爲 甚 此 精 必 藏 云 厚 一 」, 工,既 此 童子 長 有 爲横軸 勁,五彩 童子 圖 數 鬣 余得《 汲 妙 本 非 蹲 捕 大 水 意 其 而 蓮社 而 恨 焕 蛇 及 親書 非 猿 汲 略 未 發 翁 猿 亦 水 相 能 圖 亦 自 皆 有 疑 者 妙 似 盡 欠 一,麞 絶 高 一人」,而有二。 見 時 朴 别 知 9 三尺,横二尺,筆 也。 丽 爲 愛 惷 有 世 麞 則應 重 之狀, 不 此 亦 圖 同 或或 龍 卷 鹿 作記 也。元 縱 眠 必 謝 元 也 真 或 有 康 中之記 筆 横 能 樂 龍 余 中 也 力 意 辨 所 書 不 眠

跋李孟達六世祖少卿詩卷含章

詩 傳 益 而 昌 詩 少 陵之祖審言,山谷之父亞 遂名世 盛哉 0 自 李 早梅而 下, 夫, 傳 數 再 世 傳 丽

跋沈雲巢帖

惜,子孫尤宜寶之也。 尺紙,落筆 雲巢 妙 輒 於 爲 楷 人争 隸 諸 取 書, 富 備 池 古 靈 今 體 神 猶 知 寸 護 墨

跋吴僧若逵所書觀經

獻 少公《維摩經》手澤,蓋 太 府 卿 蘇 公伯 昌 諤 爲 爲 明 老 泉 州 長 小祥書此 史,僧· 有

> 經》,與 若達二經,元祐諸名公爲之跋 後 日 經》儼然如新,不 示公,且許求墨蹟 不 以 能 示 復 此 蜀 合耶? 同 士, 時 字體 士 知《法 日 以 : 來,後不知曾得之否。 亦 華 相 蜀 ·經》何· 類。」 有 長 而 以 公 在 增 所携 書 安知它 重。 ^ 圓 石 《觀 本 覺

攻處先生文集卷第七十

府 也。

攻 媳 先生文集卷第七十

四 明 樓 鑰 大 防

高

勝,所至多與

雅

士

游

若

魏

君

元

理

之書,

名

時

者。

花

才

伯父揚

州

持

節

擁

麾,

幾

徧

東

南。

襟度

跋 揚 州 伯 父 所 藏 魏 元理

卷

題

跋

蓮 荷

殆 其 葉 如 無 中 蕸 的, 的 的 餘 其 生,袢暑尤宜觀之,所謂宛然坐我水仙 爾 藴 本蔤,其 雅 中 . 又有 . 薏。」 釋草》言荷最詳: 熟芡、 華 觀 菡萏,其實 魏 生菱、鳧 君 墨 戲 蓮 「其 茈 曲 之屬 其 盡 莖茄 形 根 其 狀, 藕,

> 徐公明叔之書 枝,諦觀佳處,疑 1,皆擅 有秋 風 生 其 閒。 桂

跋 龍 眠一 馬

馬 眠 門大字者。 二馬遺余。 自攻媿始。 余家藏 令白 周 古 伯 可 氏長 有 範 以 以 模 慶集》 笑。 妾换 欲 得 舊 久 馬 矣, 者 本, 矣, 以 近 以 所 又 書 藏 得 换 龍 吴

桂 花

跋趙共父古易補音

智 手。 音 詳 貫 《易》之音,用 古詩 小 歷 而 不 集 詩》 》等書 成 況 識 盡 以 學之本 韻 懶 某老矣,習氣 多 補 者 雖 部 無 小 學之 矣。 雖 音 始 不 不 近 分 今不 媿 世 乎? 博 韻 能 顔 不 加 讀 廢 贍, 吾 檃 變 黄 復 能 志 韻 閲 書 友趙 久 門《家 見 甚 儒 於 栝 盡 吴 視 無 或 矣, 未除, 惟 勤 力 氏 有 攷古則未 生 不 至 共 有訛 也 之 好 陸 條 叶 苟 許 訓 父又 遠 習 古博洽 氏 例 簡 叔 頗爲是正 w 祛 謬 噫 以 稱 重 取 終 經 所 ! 率 剖 示 而 可 其 説 其 身 未 典 意 余, 讀 析 始 全 \wedge 凡 説 檢 不 釋 悟 文 之 誦 窮 閲 據 作《 自 將》、《 習 文》 以 解 者 根 之不 以 有 六文, 覺 字 字 始 詩 共父 源 補 功 口 》爲 知 爰 目 去 補 於 知 有 古 謂

> 之者 喋 者 文 今本 及 以 解 爲 此 字》定之, 諸吴氏,多 荷然 皆 謂 而 之 E 可 以《 癖 傳 미 集 共 無 也 父 韻 窮 0 祖 **>** 爲 雖 吴氏 其 證 然 餘 之書, 論 更 自 當 當 某 以 不 有 又 喋 説 好 知

題拳毛騧

藝,善 之。 紙 征伐所乘六馬,爲贊刻之。」此馬神駿耐 畫 初 日 昔日 記 拳 已來 干 毛 《長安志》: ₩: 金 杜 書 太宗拳毛 騧 畫 不 少 江 畫 ~ \ 當 鞍 陵《 都 鞍 價 馬 觀 金 王 0 馬 騧 曹 大太 石 神 緒 人 擅 近 將 妙 録 乃霍 名。」 宗 傳 w 獨 軍 此 時 . 昭 畫 數 陳 王 馬 郭 陵 昭 馬 江 元 爲 後 家 有 陵 都 圖 軌 師 江 Ш 六 琢 王 之子, 駿 都 亦 子 詩 石 謂 花 筆 云 又云 象 在 0 | « : 平. 誠 多 陵 戰 名 生 後 有 或

身 邑 是 親 雖 兵 大 言 (陣,信 合 武武 横 乘 屢 以 危 鬭 之 來 行 天人 德 前 馬 殆 萬 蓋 然。 元 而 槊 里 哉 年 後 征 未 穀 數 世 改 ! 堪 箭 嘗 充 穀 州 + 託 之 攷之史,其 爲 時 戰 州 乃 死 瘡 矢 河 生 黑 身 至 + 刃 南 闥 者 先 所 顯 有 府 乃 傷 慶 士 平黑 之 在 史 卒 處, 新 稱 Ш 年 今觀 闥 輕 安、 東 而 秦 始 騎 也 也 不 福 廢 帝 \pm 深 及 洺 自 手 昌 其 書 此 水 起

跋趙振文經幢碑

幢 年 井 年 日 晉 戊 也 _ 中 戌 改 趙 試 蓋 後 契 振 元 考之, 錢 書 開 丹 文 氏 爲 運 耶 會 專 臨 石 律 百 至 知 安 晉 德 + 開 П 郡 歲 光 年 運 啚 從 改 在 歲 川 酒 事 元 内 年 在 務 會 寄 歲 申 Ţ 曹 改 實 日 未 亦 從 元 J 小 七 至 暉 天 未 碑 月 天 所 福 + 福 V. 契 得 經 丹 九 Ŧi. 於

> 鏐官 明宗 倧 浙 晉 + 卒 時 漢 氏 年 耶 也 太 八 之 師 + 爲 用 爲 律 汴 初 也 自 而 年 卒 之, 爵 時 胡 會 致 Ŧi. 明 開 滅 滅 唐乾 因 俶 安安 年 年 晉 於 晉 仕 同 進 運 復 立 併著之。 此 IE. 戊 位 + 時 思 寧二 六 史氏 用 時 重 契 而 當 年 大 史 申 而 所 丹 月 嘗 誨 中 不 漢 赦 倧 Ŧi. 廢 年 意 會 或 漢 劉 奏 稱 所 書 代 仍 立 至. 改 削 必 寶 知 正 始 口 未 月 時 稱 此 漢 皇 晉 朔 鏐 + 遠 亦 IE. 改 見 天 蓋 或 E 貢 朝 年 祖 年 建 乾 頒 ^ 也 福 弘 舊 太 或 爲 今 號 爵 奉 人 IF. 祐 佐 汴 平. 大 乃 是 中 朔 契 Ŧī. 曰 錢 元 之歲 代 已卒,當倧之 安 漢 遼 用 或 興 于 J 丹 錢 弘 帥 史》 或 契 重 或 未 諸 不 氏 則 佐 仍 丹 誨 尚 絶 十二月 或 弘 開 兼 以 日 用 年 年 年 死 父 惟 會 佐 是 故 運 有 天 以 復 以 年 錢 凡 實 福 几 唐 网 口

跋王伯長定武脩襖序

本,尤 者 也 與 此 皆 石 誠 謂 本,帶、右、天三字 更 善本 定武 所見 在 當考紹彭在 爲 可 薛 貴 精 紹 本 無 好 王 彭之前 凡 異。 順 近 湍、 自 見 伯 中 則 言 畢 流、 謂 ,然不能 山 Ŧi. 已 爲 少 是 帶、右、 時 字 董 煕 闕 兒 歲月云 未 寧 壞 時 所 知歲 必 前 親 藏 大 天 皆 摹 在 董 觀 Ŧi. 月之久近 紹 定 氏 拓 字全者 再 于 彭 武 淳 見之, 中 劖 見 化 青 間 損 Ш

跋余襄公題崖碑

其 曆 嘗 襄 萬 公以 出 之 居 孤 師 庸 生 弱 西 起 口 邊 嶠 伐 亦 南, 戎 賴 忠言 酋 以 於 定。 九 劘 上,顯 + 晚 九 而 於 經 退 慶 制

> 之國 時 崖 之用不得盡 蜀 鎮 Ŧī. 天齊 蓋 亦 撫 管 四 皆 前 非 各自 夷 人物 一人。不 後 可 有 乃終於 以 + 爲 亦 地 頤 年 俱 口 指 如 歎 然 與之相 如 南 氣 交趾 昭 伏 也 使。 方 陵 波 高 非 之 使 此 人之功 大 在 坐 云 帖 棄 理 字 才 南 廟 特 之主 孔 業 堂 有 磨、 顔 真 明 不 體 之 而 惟 南 口 在 以 有

跋李莊簡公與其壻曹純老帖

公流 書 先 朝 客《 生英 誦 諸 中 謫 公,如 言 竄 以 韓文公《潮州 九 還 議 瀕 特之氣,行乎患 年》, 死,重 振 忠宣 慕 發 文 仰 愈 一之德 以愛子之戚,尤 略 不 表 奇 己。 不 × 而 度 少 難 柳 氣 貶, 純 元城 高 愈 河 老 東《 下 其 掩 姓 之 氣 前 囚 曹 所 勁 盛 何 Ш 氏 難 節 哉 如 堪 諱 莊 哉 東 劉 粹 簡 家 坡 本

玉也。中,吾鄉之善士,有《詩傳》行於世,真冰中,吾鄉之善士,有《詩傳》行於世,真冰

跋金花帖子綾本小録王扶、盛京

帖 糊 試 試 楊 侍 爲 廷 至 試 道 符 名 年 子 郎 而 給 IE 復 廢 太宗 花 三年上賓,咸 ,盛公帖子 事 知 集 猶 而 賢 於 兹 尚 押 貢 礪 得 勑 淳 制 蓋 舉 書 朝 王 以 李舍 下 ·, 其 公 化 也 宋公名白 第三榜者,誤 二公 帖 禮 金 同 子 花 部 人若 知 也 花 年 知 報 放 押 平 舉 帖 中 貢 至 榜。 改 乃 拙 Ŀ 咸 子,其 選 時 舉 是 元 此 梁 列 平 者 以 也 則 ^ 已七年 ,真宗諒 四 祖 登 元 司 翰 當當 知 人也。 一父,不 孫 非 年 科 諫 制 林 以 鄜 以 知 記 顥 學 誥 矣。 益 州 不 舉 \forall 闇, 土 及三代, 李 太宗 亦 臨 朱 公 謂 几 公沆 藝祖 稱 遂 祕 禮 所 端 軒 部 策 省 不 以 丞 考 拱

> 數、取 録 是進 制 貢 月 年 集 但 榜 太 $\overline{\mathcal{H}}$ 宗 舉 放 所 + 以 闕 駭 朝 俱 也 頗 朝 士 載 其 \equiv 有 F 進 大 士 諸 孫 者 多 百 取 權 士 五. 喪 滯 之多寡,惟 僅等 萬 Ŧi. + 士: 停之 凡 不 時 而 科 + 寖 + ·暇及。 才 白 不 人 及 Ŧi. 廣 詔 ,令禮部據合格人内 五 知 Ŧi. 太宗 高 人,諸 至 是 十人, 前 舉,多者不過三十 上所命, 麗 次 至 也 兩 既 所 一咸 五 年 科 白 來 貢 多 平之初 詔 年 祖 合千 餘 歲 取 並 宗 爲 權 非若 人。 不 賜 之, 停 時 至 餘 得 部部 及 貢 貢 道 近 而 獨 爲 第 舉 世 舉 進 後 孫 例 以 餘 至 之定 之 年 此 士 後 何 久 連 疏 停 小 是 世 放 於 川

編 丙 故 科 書 而 後 某 無 與 高 (今制 從年 存者。 、曾、先 家 不 章 侔 先 祖 氏 者 祖 仍 傳 E 少 \equiv 當 $\overline{+}$ 師 世 時 餘 登 元 小録 條 豐 科 末 中 又 雖 年 遭 嘗 印 焦 兵 見嘉 爲 蹈 燬 牓 大

陵郡 邪 拱 貫 諱、私 殊。 宜 州 此 字已上成,皆與今小異。 者 祖 府 成」爲「已上」, •詩限六 録 祐 開 直 都 柳柳 書 ? 前 有 二年有旨,國子 未仕者書「不仕」。三代名下書「皇任 今始 封 書 年 户 司 王 貫 此真 河 事 忌等外,若韻脚、明主 功 章 貫者充, 豈 者三十七人,不應 「狀元」。 東 建 不 參 曾 見 衡 作《 同 州 而 未 祖 軍。 王、 牓 如如 者 聞 第 某 陳 東 盛 四 也 二人,一 外氏 此 京 坡 父某,皇右 皇會 以 監 人張景書 者 行 兄 生 諸 家 此 非 書 狀》云「五 弟 八十字成 稽 公跋 故 並 金 其 日 小 今止書「第 司 0 須品 士子 花 如 母 建 録 馬 補闕」云云, 空 之封。 語 帖 此 「榮侍下」。 祖 寧 之多 · · 論 多用 如 父俱 官子弟 子 與 代 軍 祖 字,「以 載 及 焦 某 祖 存者 Ŧi. 開 綾 限 知 膀 皇晉 某 人, 開 舉 按端 日 封 十人 Ŧi. 本 者 父 Ŀ 陳 今 建 貫 白 家 小 或 封 不

> 每 謂 十人,可以綾書,不知 有 人,亦可以綾書邪 稱 書 項各空一字,皆與 「皇」不 皇 者以 - 仕者。 表其 仕 又 前 於 或 今不 此 唐 止 孫 也 書 何一 同。 「見任某官 此 又不 牓 此 膀 百 止 餘 五

典故 吁 榜第二人。主文極天下選,宜乎得人之盛 Ŧī. 國之初爲第一人,李公爲乾 稱舍人,亦因 公爲翰林學士而 又何 人,梁公與其子固俱爲大魁 所在 小録之作,近 ıĿ 方前 此耶 人多 可見前朝之官 止稱 亦 有 司 屢 深意 諫、祕 給 有 事,李 輕 丞各 以 德 稱 遵 , 朱公則 意 公知 几 云 稱 其 改 年 者 其 舊 進 楊 制 可 誥 孫 公開 士 耳 第 知 何 而

^{● 「}成」上,殿本有「以上」二字。字句」。字句」。

歸

之。

書,令從

子

溉

臨

寫

藏

於家,

仍備

書

其

後

而

盛

哉

借

模

本

於

豐宅之有

俊,老

眼

不

能

細

陋

不

能

盡

知

姑

誦

所

聞

時

人

物,

不

亦

矣。

李

Щ

房

謂

知

名

之士幾三之一

9

後

生

寡

員

外

郎

是

作《

太平寰宇記》者,其任

職

方

宜

盛

京

爲

文

肅

公

度之弟,樂黄

庭

父

史

任

職

方

劉

氏

徐

或

太

夫

人,

文穆公蒙

Œ

之弟

也。

王

克

從

爲

彦

超中

令之孫

,句希吉

爲

中

Ē

之子,

朝

者

也

吕蒙

休三

代

俱

贈

師

傅

父

龜

圖

母:

0

在

從

誨

+

五.

子

中

爲

第

幾

人,

與

繼

沖

俱

歸

本

南

平王

蓋

荆

南

高

氏

輔

國之父保

寅

不

知

輔 事 中 或 9 Ш 曾 劉 劉 祖 燁 子 季 子 儀 興、 岳 參 祖 父 政 從 温 李 誨 叟, 子 俱 跋 雲

丘

草

堂

慧

詩

集

淵

皆皆

在

此

榜

高

是

終

身

不

聽

樂

者

僅

繼

兄

何

古

爲

盛

紫微 之,云 世 其 朱 乎 清 得 宿 師 夕 ? 大 陽 詩 希 其 甚 亦 詩 真 僧 峨 公、雪谿 朝 余 流 僧曰 視 諸 編 矣。 諸 頃 朝 如 水 其 公游 朝 歲 詩 具 空 暮 : 號 其徒 見 游雲巖,有 圓 名 亂 暮 \pm ^ 最最 此 雲 雲丘草堂 余 則 雲 Ш 性 復 覺 赴 從 今之蘆 之、後 僧 來 後 祭 、 巖 净 東 巖 尤 去, 舉 前 求 温 Ŀ 嘉 詩 爲 也 芳 湖 跋 屋 集》。 叟輩 Ш 飛 牌 范 亦 草 其 蘇 老 老 暮 掛 石 辱 後 年 養 目 慧 僧 淪 壁 湖 及 見 詩 直 年 : 舉 移 落 感 所 與 雲 爲 緑。 也。」 幾 念 既 徐 知 非 吕 歸 贈 拂 疇 盡 翻 師 季 東 盡 愛 巖 塵 覆]1[若 萊 後 其 F 讀 而 和 沂

蘆 殿 本作「廬

0

能 可 大 想 兼 爲 見 書之。 得 其 衆 體 人,不勞贊 師 佳 老 處 於 不 禪 嘆 可 悦 也 以 詩 句 特其 數 餘事 讀之 者 而

跋蘇氏回文錦詩圖

之精 余前 手 波 成 滔 任 波、記之末 徙 П 7, 之悔 子 文 不 宛 流 淵 者 後 錦 沙 晉 無 知 轉 見 止 過。」故 何 史》 悔 循 如 舊 蘇 以 所 云 環 此 過 畫 載 氏 據 晉 竇 陽 以 製本 思 竇 Щ 依 史》注、 讀 臺 連 因 之, 滔 谷 記 之。 波 暮 大小不侔 述 符 題 織 1 載 若 之,豈 堅 此 武 錦 IE 何 如 蘭 置 時 氏 用 爲 此 之多 爲 云 之詳。 及 未 武 亦 П 秦 未 見《 文 考 氏 有 才, 州 千 英 旋 有 之 此 晉 刺 詩 復 如 記 記 圖 靈 滔 史》 史, 字 美 此 邪 織 蘇 以 卷 連 就 連 ? 蕙 之 贈 被 而

跋東坡行香子詞

惟 上。 以 滿 中 長 君 水 胎 在 也 人 曾 中。 天下, 段 橋 游 徒 示 還。」太守 無 道 聞之, 人。 尋爲 者徒 實文端伯 事,燕坐 起守文登,舟 上有 揮 南 亟 年 麈 Ш 二年 亟 募 東坡笑 以 東 寺 出 劉 軍 謁 第 人 下。 坡 9 空 則 所編 士 官 東 取 有 親 況 京 Ш 日 彦 坡 買 録 得 老 吾 書《 知 師 次 本有之,亦云《 云: 去, 載 僧 之, 鄉 法家者 望 泗 州 便 行 東 云 軾 豐 長 析 邪 傳。 上 遺 香 坡 : 知 吏 ? 爲 橋 子 墨 生罪 自 流 偶 有 部 寺 鎗 在 E 如 切告 黄 作 詞 新 叔 簳 舊 法 山東 新 燈 後 過 詞 詞 州 賈 與 矣。 有 泗 開 收 火 移 云 泗 就 苦 誼 沈 學 州 木 鬧 起 汝 守 此 刻 於 條 倅 夜 士 强 П 州 其 盱 名 使 游 深 木 不 勿 過 詞 何

登之 游 南 後 Ш 石 乃 作 ×, 聞 ,又以寄 則《 其 詞 揮 邪 麈 施 使 0 所 君 載 偶 武 殆 從 子 未 豐 清請 盡 氏 得 刻之,以 贵 墨 與 本 之 爲 既 同

跋黄氏所藏東坡山谷二張帖

都

梁

段嘉

話

先, 潁 孫 宛 Ш 是,字師是,直閣 适、遜之婦 父子思詩集 一公書問,情 丘,家 志 谷、二 遭 康二帖 東 靖 州名上字好、下字 坡 藏二蘇翰 康 張 與黄潁州父子厚善,❷嘗書潁 公挽 之變,隨 《墨 之後,又龍圖二女爲少公二子 觀 好 此 可 詩, 妙 名从一从 祭潁 知 墨甚富。 亭記》、《 其 直閣 父 子 州之文與龍 郎 謙 思名 之 龍 中 辛,字才 此二十一帖 孫 鵐 公脱身 上字 約 種 圖 之年 麥 名 孝、下 圖 行 叔 从 來 才十 直 州 , ۲, 南 从 字 及 及 閣 之 居

> 狀,不 記其 定居,少安晚節 皆用之,故 題 亦爲 能 孫 老筆,信可寶也。 此卷字字飛動,惠州 君 詩 攜 日之安也,悲哉 必 也。 及 爾 大 以 罪 滿 此。 自 略 簡 可 第七帖云「乞會稽 浙 隨 云。 謂 率」,蓋 東 約之幼子直 坡 善守 矣。 既 。」歸 書皆 第 又 今所 第六帖云「 家 + 第十六帖 力 修耳 及 有 法 九 貧 謂 者 毗 帖 法 義 登之石 陵 外 也 在 及 石 以 啓 0 而 曲 」,使其得 因志 北 本 真 者 云「乏人 余嘗 僊去,曾 江 歸 類 蹟 前 云 康行 等帖 其 多 見 銘 畫 未 請 失 示 其 寫 尤 何 刻 書 不 真。 爲 則 者 得 問 大 時 即

英, 則 黄太史、張右史、張 潁 州之賢可 知 太史先自 浮 ·休皆一 金 時 華 人 八物之 徙 豫

- ■「聞」,殿本作「閱」。
- ❷ 「潁」,原作「潁」,據殿本改,下同。

章,潁 稱從姪 旋伯 潁州作《友于泉記 仲閒 州 也 之先自 ,任道即汝陽守。 右史爲 浦 龍圖 ×, 城 故敘 徙宛丘,嘗敘宗 友壻 鄉曲 月且居 誦三公之詩,使 于陳,嘗 浮休又周 盟 爲 故

有章草體,别是一種風 墨妙亭記》惜未登之石、《鵶種麥行 氣

興

起

道。 垣」,集「不絙」。 黄兄」, 終焉 「含章不矜」,集「終焉不矜」。 祭潁 玉雪」,集「身爲 集云「 《州文》 幾 「與 道 大 故 義 玉雪」。 夫年 潁 降 州使君 升」,集「 兄之 不 緩 靈 同 與 不 年

湖 集 無「以」字。 《墨妙亭記》 Ш 「乃爲差久」,集「猶爲差久」。 谷 「余以事至吴 「仕路 「以爲吴興新集」, 厭風 沙一, 興」,集「至 厭

作「困」。「袖

有投虚手」,集「手」作

刀。

哀苦朋 集「使」作「得」。 張 友」。 右史詩 聞凶哭朋友」,集「聞 但 使 將軍桃李在」,

馬」。 集作 張 憶昔」。 浮 1休詩 著靴 常憶之官潁 騎 馬」,集 上時 作「 乘

贵 編集時嘗改定邪 三公詩皆親筆,集中 猶不同如此

跋 遺 教 經

世以 録 蓋唐世寫經手所書爾。 白 跋 六 尾 爲王 十三:「右不 歐 陽 叔 羲之書 「《遺教 弼《 集 石 經》相傳云 古録 著 在 書 永 目 人 唐時佛書今在者大 興。」 名 遺教 氏 羲之書,僞也, 歐陽 刻 經》卷第二 石 公《集古 年月,

言

不知

何

世

何人,得闕如之意也。

此

寫

不

空筆

畫

恐

非

唐

人書。

或若

Ш

谷

經營

則

尚

有

可

疑。

以「世」、「民」二

一字俱

如

謂

唐

寫

經

手

所

書,

明

誠

定

著

爲「

唐

遺

教

是。」考諸公之論

非

右

軍

書明

矣。

然歐

公

初

時

人盛

一傳爲

王

右

軍書,

惟歐公識

其

非

書,無姓名。」第

一千九百四十八跋云:

或

也。」趙明

誠《

金

石

録》云:「

唐《遺教

經

×, 正

子由 攷也。 《太子張 《紙帳》,此《紙帳》詩也。 贵 始覺 濤 可通。 骶」作「疊」,「煖」作「暖」,「秖」作「但」,皆 湧,中 自道邪? 論 心 坡公《次韻柳子玉》二詩,曰《 書日 和 惟以「鯨」爲「衾」,則非 此卷字 有 舍人遺織 平」,坡正 掉 . 尾 畫 端 鯨」,後又云「 莊 飛動,不可 成褥段》詩 用此· 雜 流 事,而 集中「紋」作「文」, 麗 ,形容。 剛 有 錦 編 也。 健 鯨 云 集者未之 地 含婀娜。」 開 卷還客 公嘗和 少陵有 爐 緘 風 目

清

勁

方

重

蓋

度越

蕭

子雲數等

非

右

軍

筆

畫

吾嘗

評

此

書

在

楷

法

中

小

不及《樂毅

論

爾,

蓋

今士

夫

筆

畫能髣髴乎此

者鮮

矣。」山谷

云:

不知

何

世

何

人書

或

日

右

軍羲之書。

皆

與二

人

佗所

書

一不類,

而

與

此

頗

同

子

知

寫

經

手

所

書

也

,然其字

亦

É

可

愛,故

録之。

唐

人

經

題

其

云薛

稷

云

僧

行

書

者

抵

書

體

皆

類

此

第

其

精

粗

不

同

爾。

近

有

得

0 殿本亦作墨丁《集古録》 作「敦

跋陳進道所藏杜祁公詩

敬 郃 先 遺 文 南 守 IE. 題 錦 网 才名記 君 名記 之作 門 任 獻 粹》有《古 照 生》詩,有《 鄉 第 侯 净惠 堂 涉 内 不 右 遠 不 也 杜 \forall 有 五. 同 也 $\check{+}$ 祖 云 知 在 年 院 E 錦 時。 諱 無 請 今竹 0 又不 意 獻 即 照 1 在 政 郃 之, 郡 效 孫 公詩 其 橋 慶 世 和 任 四 洲 知 止 陳 故 郃 曆 七 論 始 除 與 明 孫 上。 宅 博 有 拾 翰, 中 》、《春 年 次 知 者 正 氏 0 學 孫 遺》,有《 某 對 王 其 堂 何 宅 爲 界 載 扶 高 先 爲 周 相 之左 守 秋 姓 紙 於《 在 才 所 祖 孫 以 直 者 無 謹 端 居 氏 少 司 哭 啚 唐 公自 賢 爲 有 書 拱 號 師 封 宅之 玄英 經 末 誰 臣 堂, 按《 中 畫 爲 郎 **%** 授 , 論 注 錦 鄉 名 後 中 方 誦 又 太 ×, 左 几 云 ^ 坊 有 Ŧ 守 與 皆 唐 拾 起 明 :

> 邪 屬 博 請 陝 密 以 海 在 爲 繼 雅 ? 别 上 盗 直 鄉 鄞 西 而 繡 業 時 起 都 學 守 IE 更試 淺 而 $\stackrel{\cdot}{\sim}$ 在 轉 Ш 士 者 獻 陋 答 以 聞 東 運 此 知 贈 考之。 姑 繼 左 元 改 使。 益 王 以 故 誦 右 規 \pm 岐 州 此 有 所 知 公之後 之 大 未欲 公作 道 聞 詩 徐 資 别 州 里之言? 業 書》 中 遠 未 既 孫 實 罹 也 去墳 必 改 威 有 威 在 真 母 徐 云 敏 敏 憂, 敝 墓 不 是。 : 墓 越 聞 而 境 又 服 志 得 人, 比 贵 進 不 有 除, 知 嘗 道 及 豈 方 Ŧ 威 姓 明 荆公 至 以 好 威 得 敏 孫 以 州 古 爲 樞 郡 得 敏 邑 而

是 公致 有 知 云 仕 亦 蔡 嘗 君 已 新 居於 謨 七 治 詩 年 甬 四 時 E 會 明 居 召 亭 歸 遇 閑 將 資 逸 有 政 安 西 暮 孫 鄙 战 公 之 赴 任 以 闕

青從兄少虚教授金書金剛經後

字字 兄 刻 少 好 口 ,深愛之,一筆不妄下 嗚 敬,觀者當自知 呼 王 1 此 筆 從 力 兄 素 教 之。 高 授 少 0 後 虚 故 得 之 楷 樂 真 法 毅 蹟 精 論 妙 也

当 之賦 賦 體 肆 又 十 時 筆 能 也 可 而 以 成 年 兄 踐 云 文又 故 方 踐 書 始 諱 未 形 肆 兼 元 形 賦 冠 鉱 入太學,聲聞 勝 筆 經 兄 論 》,薛 少少 能 聖有 以 獨 屬 虚 蜀 成 謂 冠 出 叔 文 作 名 其 之。」兄 絶 可 雲元 而 字 士 + 斯文在 以 争 諸 馮 也。 Ŧi. 時。 踐 鼎 誦 自 公間 員 應 形 魁 之。 仲 少習 幼 鄉 蓋 兹。 文 方、 有 尤 書 它人 私 固 公試 書 俊 得 李 惟 試 未 佳 中 才 孟 皆 知 得 其 子 而 聖 惟 書 幾 謂 嘗 日 選 之 人 之 作 兄 聖 聖 誦 石

當 年,莊 授,未 錢 爲 篤 食 伯 赴 名 憂,先意 特,文勢 明 與之争衡 天》、《光武 E 才 父朝 學官 在 省 子 年 作 愈 生哲人, 祭文, 和 省試 邪 П 重 嗚 幾 文 則 既 散之喪, 豫 0 呼 太 雅 又 承 相 者 吐之。 登 爲 紹 爲 允 子 罹 健 必 志 總 與 而 第 興二 丙 參詳 非 欲 將 内 惟 擊 攬 難 惟 方未第 科 六名 曲 真首 葬 哀 元 艱 權 歎 於 老 天 至是欲寬伯 + 盡 官, 宫 毁 良。 0 授 綱 於 惟 言 有 子 選 且 瘠 何 ***** 鹽 寮 時 批 史學者不及此。」 祖宗 道 九 日 乃兹 甚。 或 其 場 官 ,嫂鄭 其 論 年 . 雖 多 以 尉 俱 詹 卷 啓 服 尤 解 奉 重 難 以 東 屬 高 事 母 云 佑 翼 爲 已成 試 离 親 異 邪 氏 兄 南 陳 我 世 而 爲 並 至 不 議 庶子、諭 1 除 乃 爲之。 氏 「議 國家 i 見 幸 第 所 明 小 堯仁 有 乾 泰 安 次, 稱 卻 真 七 人 論 家 道 勉 無 如 州 之 教 遭 如 純 文 德 强 雄 此 有 而

者 監 平 置 省 以 能 涉 躋 服 服 于 朝 少 奉 顯 不 淵 社 甘 神 我家 基 尹 翕 爲 易 于 德 弗 在 越 康 用 者 者 昇 兹 亦 然 郡 靈 白 日 壇 冰 百 勤 奉 於 怙 衆作 寮 于 : 師 或 当 庶 若 弗 姓 虚 萬 幽宫 今日 府 勢 首 尊 克紀 依奉令旨,改 雖 我 其 煩 里 于 斯 命 横 之。 善, 爲 主 在 多 惟 居 天 年。 者 月 兄 恣 之皆 述 器 兹 用 休 爲上庠之亞 惟 我 爲 有 欲 光宗 罔 其 ? 盤 儲 兹 祝 時 肆 不 惟 廣 廢 孰 若之何 誥 四 君 洪 惟 文,兄 用 以 衋 湖 惟 速 敢 人, 語 惟 御 貳 移社 尋 既 東 傷 是 戾 弗 1 我 士 我 宫 無 冠 爲 于 心 弗 執 袁 而 窀 虔 庶 億 宸 壇 堅 體 成 能 尹 臨 ? 穷 厥 弔旻天 有 不 矧 萬 士 極 京 往 持 之 躬 人, 미 安 IE. 就 誳 肆 惟 0 年 文古 來 府 規 是 事 夙 並 昭 惟 承 某 越 以 内 府 懼 , 所 矩 教 厥 受 慶 侍 靈 敏 等 降 我 書 在 中 授, 寺 學 無 若 抵 移 其 以 有 外 割 不 兩 有 知 日

祭,深 言 所 取 其 置 或 是 事 害 沴 有 然 治 前 令旨 若 示 之 旱 增 荒 大 有 將 築 而 雖 事 築 體 疊 祝 何 乾 早 蕪 不 今輕 失 可 加 止下 神 文 辭 水 乾 用 重 狙 禮 輕 别 \$ 責 不 者 溢 水 洳 改 意 尤 譔 建 有 於 而 知 既 之災, 溢 本 揆 社 改 難 聞 祭 祝 神 所 備 每 之 此 稷 府 作 則 輕 文。 者 屋 歲 謂 也 實 出 神 如 而 則 議 變 歎 不 累 況 難 法 神 明 某 服 毁 置 孟 今六 何 問 歲 今皇 修 以 或 某 竊 社 子 社 事 所 晴 咸 築。 下 不 有 雖 以 稷。」 稷 云 依 未 氣 雨 職 筆 失 日 太 聞 社 耐 ? 穩 順 若 子 未 修 只 趙 見 稷 然 更 便。 序 祭祀 治 殿 必 祝 昔 就 今 繫 置 岐 後 敢 欲 下 史之文 别 寺 謂 社 知 欲 製 可 止 以 改 領 宇 其能 壇 府 望别 無 蓋 合 以 其 移 時 0 閒 芟 委 災 易 謂 祠 利

0

延

而

竟

月.

大

期

家

以

其

子

以

族

子

×

漢

爲

不

問

盛

箕

號

能

衆

方

環

手

書

我

欲

:

繼

以《天

欲

名

如

數 科。 寡。 「惟 中 盛 我 亦 雖 汝 惟 聖 兄 悔 清 楊 非 可 媿 兄 人 聖 相 名 如 藏 清 口 無 形 公 日 其 與 者 而 福 冶 忽 藁 吾 有 何 而 私 ? 晚 不 弟 福 風 謂 出 得 爲 今同 鑑 某 官 問 佳 乃 日 鄭 0 兄 如 舍 而 先 問 何 此 馮 有 生 吾 之, 如 謝 子 默 剛 琛 存 忠 又 則 觀 者 登 席 口 蓋 舍 甲 : 下

實

而

娶鄭

氏

氏

紹

興

胡

子

以

才

宇

貢

院

壽

文

謂

風

節

如

是

之

高

也

參

其不 之文 惟 哲 立 兄 卒 之 蹤 幼 於 群 壽 俱 抱 弟 遠 婺 某 從 韻 在 也 少 不 負 輩 而 足 兄 其 不 遂 往 見 行 爲 群 四 泯 于 今 爲 子 兄道 宜 歲 泯 亦 世 護 浹 矣, 乎 者 愛 無 喪 裝 遠 而 以 撫 幾 止 故 潢 此 歸 訓 品 到 此 書之不 某 獎 品 卷 顧 過過 其 不 具 兄之昆 以 其 書 亡 載 嫌 求 於 少 此 也 于 於 跋 作 同 弟 志 此 詳 氣 則 鼠 者 Ŧi. 兄 痛 銘 場 之 念 其 不 傷 屋

0 娶 原 無 據 殿 本

〇九九

客

赧

龍

沈

約

文

坐

是 非 年 不 六 穢 慕 + 亦 兄 有七 之 書 矣, 而 勉 天 資 追 後 不 穎 塵 而 不 猶 及 如 遠甚 此 雖 覺 於

我

形

無

所

辭

跋 仲 兄 嚴 州 所 書 安 遇 Щ 房 題 扁

吾之心 感泣 仲 孝 念 廢 或 士。 遇 無 父 兄 墓 公《行狀》云 先 仲 定 先 書 左 兄 君 兄 为 是 也。 遇, 其 相 銀 遺 1 扁 作 繼 安有 青嘗 墨 遂 壽 小 下 尚 以 . 藏 後 庵 常安。」先君 世 所 讀 存 名 於 既 於 葛 <u>一</u> 十 所 報 從 葬 Ш 居 文康 居之堂,自 或 子 于 下 以『安 餘 號 Ш 濚 長 公集,見 仁 年, 妝 汀 欣然 安 八遇 濟 池 遇 撫 院 而 求 號 名 日 Ш 卷 Ш 其 跋 安 祖 軒 : 房, 不 房 妣 父 遇 言 清 勝 痛 亦 此 命 居 魏

跋 王 恭 叔 所 藏淵 明 雪中 詩 晑

之愛壻 學道 之趙 我, 知 所 不 子 兀 行 豐、元 凡 撞 0 亦 伴 觀 贵 詞 十六,有云:「何 初 我家之祖穎 衰 \pm 此 寮 也 也,言公之孫 祐 可 跋 郎 圖 翁。」 與 集 祖 示余 坡 則 日 與 中 穎 爲 又 相 之别 此 與 所 也 代 知 參 卷, 之 藏 奇 其 商 所 敢 賡 東 則 育 余 兄 藏 壻 唱 坡 日 而 弟 何 則 則公使 帖 君 近 : 不 敢 之 翁 真 = 及 吾 言 望 相 壻 + 棄,奇 好 詩 吏 寮 與 之 淮 友, 篇 君 閒 如 部 風 南 之伴 端 蓋 度 鍾 亦 趙 時 固 公 殊 謂 坡 須 來 寮 口

跋 先 大 父 徽 猷 閣 直 學 告

政 和 閒 , 先大父少 師 被 命 守 鄉 邦二 再任 中

望

温

州

龍

泉

百

餘

也

好

亂

之石 郡 子 公養 仕 既 遣 也 年 風 人 少 者 Ш 安人 賴 隨 絳 以 于 簡 境 處 閒 0 大 加 與 劉 侍 某昔 直 外 遁 花 外 亂 兵 宣 臘 几 帛 足 心 教 景 適 處 郡 和 鳴 石 而 略 帕 相 九 爲 授 祖 州 召 聞 在 進 鉦 後 伯 應 首 事 聲 + 無 家 汪 之, 伯 赴 奉 年 皷 勦 英 聞 定 父 公 寶 摇 守 帶 賊 父館 闕 等 滅 其 暨 所 備 臘 奏 唱 兩 順 方 鏡 勢 下 結 來 之 先 記 惟 義 聞 浙 流 臘 遂 於 下 日 怨 時 堅 處 君 不 初 是 某 遂 F. 起 據 而 張 東 先 守 也 爲 待 詞 敢 起 承 睦 下 實 升 州 H 南 此 次 臣 遽 祖 平 本 其 台 止 學 知 城 州 光 備 跋 里 去 無 不 既 諸 所 實 之。 州 以 中 禦 語 知 照 足 連 久 皆 奏乞 賴 數 品 在 又 其 曜 畏 甚 陷 欲 洎 舟 村 亦 揚 時 綸 頑 至 滕 詳 嚴 睦 諸 告 候 破 自 載 朱 未 州 勤 民 民 可 城 信 道 恟 知 戒 邑 避 寇 越 雖 台 危 温 户 有 魔 Z 之, 南 一台 罸 僧 0 分 膺 備 秋 大 僅 亦 甚 地 術 則

深

考

勔

父

倅

卞

父

多

保

全

京

師

杭

至

几

既

登

褒

詞

寺 不 先 熾 毫 帥 免 而 處 師 發 境 塞 越 深 不 來 祖 被被 府 郭 於 賊 囊 無 内 敢 新 嘉 城 而 者 雖 復 經 台 之 洪 少 犯 之 害 犯 剡 城 屢 皆 城 書 如 不 鳴 黨 保 之 再 我 最 盗 歎 雖 外 全 織 至 大 使 鍾 攻 仲 仙 寧 爲 亦 全 皆 一爲 略 在 故 其 城 居 ΪĮ 荀 不 得 恐 有 某 爲 諸 賊 賞 甚 徒 得 而 等 之 及 其 賊 如 急 既 嘗 盗 所 郡 之尤 外 急 來 發 衝 寧 徒 汪 實 以 則 品 仕 破 迫 中 境 攻 公之 雜 海 矣。 西 樂 發 鳴 久 布 置 皆 厚 其 蹂 於 俱 而 師 清 以 州 耳 而 境 亦 殘 記 衆 躪 西 與 剡 最 來 目 後 爲 獨 輒 破 寇 , , 殘 又 尤 中 奉 Ш 是 援 警 解 得 全 -,人心 既 遠 神 攻 滅 聞 化 東 惟 新 師 平. 道 爲 甚 始 其 其 斥 備 明 賊 明 祐 昌 囊 堠 矣 免 碑 東 賞 知 六 恼 魔 城 陵 以 海

敘 無 時 睦 之 所 有 州 聞 發 事 爲 ,使後 變 其 嚴 幺 矣 歙 潛 來者 州 者 某 爲 不 知之。 會從子 徽 肖 且 剡 老 縣 深 爲 以 每 嵊 此 念 卷求 先 亦 祖 口 跋 之 見 敬 當 功

書機汲記贈姜子陽題其後

沿 聱 策 源 侍 於 T H E 數 檄 栝 牙 而 不 取 郡 難 止 F 白 齋 來 蒼 乾 徒手 汲 數 步 歸 曉 中 道 無 於 文 後 四 因 疑 Ŧi. 下 谿 無 偶 六 詳 攀 其 語 F. 處 年 然 究 讀 勞 及 猶 援 不 閒 久 其 劉 甚 H 此 如 而 對 無 説 賓 先光 矣。」 試 歸 此 谿 詢 所 客 喘 則 口 Ш 告 問 彼 思 集 仲 禄 啞 之 甚 汗 語 卒 守 兄步 有 \approx 然 勝 悉 久 輩 有《機 以 栝 \Box 姜子 不 負 免 至 蒼 定。 而 是 之,竟 水 兄 谿 汲 有 Ш 陽 是 而 滸 記 無 弟 心 鉩 口 相 登 於 轄 施 無 水 隨 顧

> 幸 酒 未 遺之。 倣 比 利 之須 能 此 汲 加之意 物 於 筧 者 皆可 谿 若 以 歸 大 達 小 者大有 見 爲 有 於 黄 以 録 堂 不合 Œ 濟 賓 閒 堂 儻 下至 客 矣。 但 則 獻 所 又 得 記 其 一巖 外 在 引 説 居 而 又 潤 真 而 公厨 命 耐 澤 贊 Ш 谷 之功 成 上 汲者 及 作 兹 而 公帑釀 小 運 子 事 亦 式 之, 陽 縱 以 口

跋豫章别集

亭 賦 别 云 少 壓枝 午 笺 集 游、參寥各賦《春 無 梅梢 梅 注《老子》 詩 書 人 子 初 \pm 青子 氏 破 銘 末 夢 睡 大於 句 杜 錫 贊、 篇 云 H 扇 鵑 錢 頌 》詩 杜 乃 杜 聲 慙 詩 是 + 鵑 在 愧 序、 首 六 此 啼 柳 春 + 詩 花 在 説 參寥第 光又一 處 邊 柳 但 几 _ 梢 首 東 記 邊 Щ 句 年 云 谷 律

岢. 承 毀璧序》皆見此集。 Ш 天院塔記》爲 谷 愛參寥詩,嘗 人所 訐 書 遂 之扇 貶 邪? 宜 州 記 Ш 文及 谷 以

跋王伯奮所藏文苑英華

英華》。 嘗 列 \pm 刊 公作《神 直奉公之命,遠 中 三朝國史·藝文 傳 祜等共成之,雍熙三年上。 預 史 此 ·興 君 書 修纂,許 周 紹閣 略 伯 千 益公年幾八十,已校《六一集》,而 史傳 道 不 卷,足以惠後學矣。 奮出人公之門,公有遺言 @碑》皆一 及 書目》皆言晉公,而《國 以 又有 此。 寄 書 云爲 (志)注 此 成 一詩 文正公《傳》及 帙,某 爲 著作 類 寄。 載: 二字。 佐郎 得 公薨,公之子 續 與 《國 新 命 觀 預 楊文公作 歐 柯 史 朝 中 焉 修《 謂 Ш 陽 書 會 0 文 晉 晉 要》、 舍人 文 竊 \equiv 苑 忠 槐 公 考 司 公 又

> 《墓誌銘》亦云: 義 躔 ,長育於人材,講求乎六藝之文,修起。 布 畫之形 購 「遷著作佐 集 乎 圖 典,采 郎,時 莪 沚 天子 錫 瞻 朋 0 之 奎

跋清閟居士臨修禊序(闕)

攻處先生文集卷第七十一

● 以下諸本皆闕。

2 此篇諸本皆闕,據底本目録補篇名

攻媿先生文集卷第七十二

跋沈智父所藏東坡帖

四 明 樓 鑰 大

防

此時 度副 州之善政而亟稱之,不計身之百謫,恐一 姑息之愛,而望其警策以進於道。 一見梁邢 恐是佛印、參寥諸公以書唁之。 之不聞。 撫使,紹聖元年 再遭遠斥。 使,安置 坡公以端明殿學士、侍讀學士爲定州安 嗚呼! 惠 落職 州。 不 此其所以不可及也。 知所 帖中又言過邢 知英州,道貶寧遠 與何人,既言道 公不領細人 州, 軍 疑 友 善 是 節

跋 揚州伯父所 藏 張魏公帖

魏公謫連州 凡四載,夫人侍太夫人居 題 跋

跋

五

諫

帖

上 闕

爲慰。 沙門島, 以得登州 一 孫 不育,女又産死。 ,索寒衣,公文知 自言 今年 安 艱

困尤甚, 亦惟曰安心俟命而 己。 士大夫小

不

如意,輒不自聊,讀

此

帖可以興起矣。

0 沙門島」以 上,諸本皆闕,據底本目録 補篇

公所 德 之所存矣。 則 夫 時 長 前 劉 或 伯 時 沙。 以 節 父 以 收拾 杼 揚 致 餽 紹 傾 Щ 謝 問 州 興 覆 在 人物之心猶不 以 之 遷 全則 一十年 其 湖 勤 客 母 南 也 爲 持使節以過 自 移 漕 進 潭 兼 永 百 身計。 過 州 潭 謫 少忘 永, 帥 始 不 怨 之,魏 可可 權 又 迎 伯 惟 津 版 臣 父 以 其行 當 輿 義 略 思 公在 或 同 概 見 報 處 公 F 魏 士 連 凛

又錢希白三經堂歌

希白 调 出 揚 軸 州 此 儀 卷 末 真, 一,今五 紹 遂 一、蓋《三 興二十 章 到 某實侍 郡 云 + 齋。 經堂 君 四 年 行。 年 家 矣。 公餘 歌 歲在 世 時 业也 偶 世 出 七伯 以 爲 甲戌,先 示 問 好 希 書 父方 官一, 諸 白 畫 孫 名易,吴 卷 以 銀 後 前 有有 漕 青 書 桂 使 部 草 始 錢 兼 越 書 緇

空致仕 爲誰 事。 者 李 堂。 人也 舉 故 者,李白 舉 或 善行草書,有 士 言者以 Ŧī. 朕 進 0 昉 , 俊 逸 過 事 十,真宗甚悼之,恨 E 也 恨 司 致其 0 家 倧 年 士: 召 不 空宅, 有《東 十七 李 司 宋諫 其輕俊 之子, 甲 黑轓 至 才也。」 與 (家譜 昉宅有《孝經 空之子宗諤 科, 人。爲文數千言,頃 禁林。」會盗 李 議 舉 京 則詩 文集在 一蓋用《 又 白 與 敏 子 進 而 太宗 圖》,崇慶 舉 同 其 求 黜 ± 孫 所謂 賢良方正 時。」 著《東京記 之。 兄 爲 漢 御 喜 祕 昆 爲 舊 郎 起 一夾城 》、《道德經》,爲 不及大 閣 試 日 太宗 易 隨 翰 儀》 坊 者 劒 . 簡 俶 林 : 衆, 在 南 觀 題, 語 學 科 若 歸 盡 日 城 派 用 載 獨 此 刻 不果 蘇 :「有 然 朝 士 北 日 之東北 相 官 崇 卷 未 而 易 + 中 兩 翰 當 願 且. 年 慶 口 就 用 知 簡 里街 黑 而 不 林 錢 從 客 坊 知 用 有 轓 及 曹 經 復 易 科 學 其 又 唐 百 .

翰林 自 世 世 惟 或 侍 爲 昉 朝 讀 好官」 與 將 學 曹 相 士,從子昭遘 」,非虚言 彬 家 家 能 爾。」宗諤之子 以 聲 也。 名自 爲 立, 天章 昭 不 閣 墜 述 待 門 亦 制 閥 爲

跋從子深所藏書畫

東坡

與何人。謂視此民猶公民,雖欲勿與,得乎?莘、李閌、王子淵、張脩、劉淑、吕温卿,不知所經》載太守七人,皆止書元祐年:韓宗道、李經》載太守七人,皆止書元祐年:韓宗道、李

錢明逸 張文潛

錢子飛父子兄弟俱中制科,作字猶有

惜哉 父風 禮慶成 《賦》藁: 然以 張 右史手書自 言 相 事致杜、 類 有 范、 富三 種 風 公皆罷 氣 與《大 政,

林和靖 蔡端明 范太史

少。 里,屢 蓋 古 藏文字固已不全。 集中今無此詩。 向謝之什》。 范太史筆勢端重,似其爲人, 卷,題云《二十二日山堂小飲 用 有 悲夫 此 和 遭焚溺之厄,元 靖 徑 例。 名 事 通,字 比 也 西 家傳謂自紹聖之後貶責 臺 蔡端明 君 靖 一差少 復, 符 康 喪 避 肉,信 而 詩 歸,再嚴 地 日 見 和元 遷 於 然。 君 徙,所存益 集 郎 復 黨禁,家 中 中 頓 求 首 第 牡 仲 萬 丹 1

矣。 於聲 切。 溧 帖 我, 時 書 最 曰 白 望 歲 陽 問問 鮮 也 厚。 相 望 之人? 有 有 伯 吾儕老矣,違情 疾 人世浮生,其 色之娱,爲計 余 然 及拜公牀下 勞苦如 第二 日 與 觀 父 而 謫 如 揚 遷 0 進 此 避 洮 「久聞 帖 一苦語, 書 州 客 然古 垢 陽, 平生。 與 「三霍」之言雖 相 詞 汙」之言。 壽 杼 親者,故 誰 壽 交情 人必謂 有 似 見與 玉 Ш 不 逆 玉 味 與 踈, 一方持 同 境 死 後 此 미 其言哉 在 伯 堂 眼 衛 其 古 鴻 見。 意 其志 湖 父一 京 甚盛 生 於保 不 慶 不侔矣。 前 南 出 師 有 可 此 孫 先伯 亦 雅謔, 書, 使 太 堪 經 某 壽 皆 某 何嘗 尚 學, 者 者 若 其 少 命 在 之墓 不 書 節 第 言 隨 大 蓋 見 也 縱 敢 亦 貶 相 侍 恐 尤 過 是 所 與 有 左 意 謂 有 有

> 之知 疇 某 嫌 況 未 頗 在 公之言 帖 親 昔 溧 能 何 亦 死 丽 陽 歸 見 對 在 以 何 謹 受知 客 時 其 前 ,亦過清湘見 ,遂爲伯父上客,後 可 前 爲詳志之。 一發書 先 落 堪 輩 或因 君 筆 也 尤尤深。 責 草聖 ___ 沈著 銀青爲 善之義 此 嘗 疾 詳 歷 公、故 飛 公嘗 病 道 緩 歷 動 纏 如 州 服 觀 身, 甚 此 日 帖 所 愈 膺 不 「某無它 V. 中 者 幕 此 舉 苟 陶 亦 必 兩 動 i 問 避 也 謂 公 不 須 安 不 及。 伯 負 敏 感 父 世 知 手。 長 後 親 其 愴 大 舊

李 西 臺

風 度。 西 臺 紙 尾 不 花押 惟 以 書 筆 名 力 亦 每 不 見 凡 其 詩 真 有 唐 人

攻

錢曲臺昆 吕芸閣大臨 蘇後湖庠

接 邪? 老, 學之餘, 不 同,却 如 豈奪 此, 錢裕之善草隸, 止之諱 近李 家 命鬼手之後, 詞翰皆有 風 可 IE 西臺,但未老耳。 知 由 了 餘韻。 而字體 翁次子。 哦詩結 後湖 又 與希白、 字 居 芸閣 其 尚 與 士 詩 有 前 先 餘 筆 輩 生 子 習 經 相 俱 飛

游御史酢

今佳郡 先備邪? Ш 之閒 建 安游 宜 是 時 其 先 乃 與 生 空 了 從 乏 翁 伊 如 父 111 子 此,天災流 游 相 在 厚 謝 也。 L 行 龍 口 舒 楊 無 爲 龜

趙清獻

梓、 清 益 獻 兩 平 路 生 漕 四 使,又 蜀,先 兩 知 爲 成 蜀 都 州 江 最 原縣, 後 則 後 E

爲執政矣。

歷

時 家 邪 甬 ? E 神宗亦曰 軍 騎 入蜀,是爲部使者擕 : 能爲 我 行乎 ? 帖 琴 中 言 龜 寄

徐東

湖

可 中 知 即 徐 T 東湖 翁 次 與了 子 止 翁 之 家 也, 相 厚 呼 如 以 家 弟, 通 情 判 義 郎

畏之。 墨,尚 《千字文》及其家之墨迹藏 正 如 此。 南 有典刑。 陽 爲 宣 獻 元 傳言 章 潞公翰墨飛動,使 簡 筆 公書 法 精 神 禁中 妙 道 上 上 碑 ·, 故 字字 嘗 人 敝 取 體 帋 所 莊 渝 書 重 而

曹子方

擔 爲路費,曰:「少俟吾 相公不知,所謂 質責之,問 尹不忍辱之,引頸荷 而 至, 即其子也。 祐陵盛時, 所從 知,對 曹公上書 『焉 用 校 子。」已而一介草履 日 問所攜,前則草履,後 彼相』。」遂貶 而 . 極論 行。 「天下皆知之, 時事 吏卒問 0 去。 何 廟 負 以 京 而 堂

> 又閩 則乾糧。 爾。」愕不 我父得 人也,宜 罪 卒輩 敢動。 朝廷, 一乎游 憤然, 靖 1 爾 翁之門。 康 曹 欲 初 敢 加捽辱,子奮 召 加 還, 無 禮, 寖 至樞筦。 我 當殺 日 .

韓

南

陽

宋宣獻

文潞公

石曼卿 張都官

拜」、「尊候」施於所敬,今亦不見此風矣。官未知何等人。要是前輩作字不苟,如「再官未知何等人。要是前輩作字不苟,如「再

1215

張魏公

不 變 紫巖 也 翁忠肝 使 士 夫 義 膽,炳 俱 能 懷 炳 如 此 丹, Ľ, 蓋 或 矢 其 死 庶 而

1 「擔」,原作「檐」,據殿本改。

攻

媿先生文集卷第七十二

吕 子 約

舍弟 賢 惑 見 爲 其 送 以 九 如 在 在 亦不 進 行 庾 先 隆 原 子 之外,視軒 天台贅倅之行, 而 約 未 計 中 買 君 未 興 哀 口 作 哉 者 見 舟 初 識 服 意其 然此 亟 微 其 赴 子 也 中 元 所 以 約 與 調 止 斯 冕 蚤 意 謂 片 時 淳 或或 其 ! 没 又 不 人,吾誰與歸 紙 時 熙 兄 觀 蓋 如 也 又 可 力言 見 傳 相 九 東 有 人多矣, 浮 見 忘 其 以 過 年 之矣, 萊 雲, 嘗 其 也 書 其 爲 子 情 爲 評 遭 余 如 不 非 義 約 同 其 貶 其 未 將 我 可 見 勉 來 年 後 H 未 有 西 其 自 彊 篤 掌 网 之見 前 上。 表 聞 楊 然 此 得 庾 余固 子 裹 也。 秉 不 服 事 同 子 約 如 三不 復 始 也 朝 除 見 得 約 之 不 余 余

周蓮峯 朱鷺山 王侍御伯庠

傳》中 皆 頻 載 下 周 敢 亮 舍。 朱公舍人歸 \vec{z} 公豊 既 都 縱 親 如 撫卷 平,周 筆 此 侍 筆 市 紹 欲搜 數 侍 御 用 也。 興 惘 十言,二公俱 之末,蓮峯 E 周公之詩三,惟中 此 佳 然 公賀 御皆 朱公問之,侍 自 公 Ш 事 句 ,豈復得 年 平 谷《 邪 恐 使 表 江 雖 ? 春 人 用 與 未 老 代 周 俱 王 某 此 萬 稱 及, 才元 書 以 貮 試 少 前 御 馬 其 次 卿 時 而 輩. 遣 適 救 强 對 歸 舍 蓋 篇 俱 從 人 七 參 中 記 至 人 自 物 及朱公一 及 言 坐 來 原 許 敬 永 乎? 拜 故 公游 賒 寓 之 牡 對 誦 倡 几 地 丹》 枝。」 公床 醻 明 灊 臧 不 詩 詩 之 驢 僧 質 虜 Ш

徐明叔剡溪雪霽圖

嘗 盟 墨 謂 穉 公之風 客,如徐公明 爲 成成 Ш 久留郡 家多有之。 畫 則近故參政張公伯子也,因 侍 高 伯 X 於須 郎 流 父 神 麗 揚 韻度 有 使 品 臾。 齋 重 州 屬 叔 Ш 所 名 時 如 如 其 此卷幾是矣。 盡 水 至 ,從子 徐 秦 晉 置 人 辦 貢 詔 唐 也 其 物 治 卿 閒 刻 子 0 Ш 獻 石篆韻皆 人,翰 禮 官 幼 111 倶 之爲 志 時 府 器 冠 其 猶 清 命女 墨篆 併記之。 物 守, 絶 出 及 簡 以 其 望 處 「壻狀 濡 與敘 畫 歸 坐 筆 甚 見, 毫 多 四 詳 也 其 宗 佳 兄 漱 徐 明

跋再刊裴公紀德碣

熙陵命王著集《法帖》,第五卷有李斯

碑中 考爾 蓋 殊 者 見此 也。 帖刊 以 王 篆十八字,米南宫云未知 特以大爲小。 之半,但 乃《碧落 月 云 碧落 密 無 爲 所 岐 而 碑 篆 謂 皷 致 斯 \equiv 此 所 誤》云: 自 碑》,故 一代體 無 灋令, 史籀 也 帖 撰 翁之書 耳。 蒼 州 無「易」字。 碑》 銖 災明 一。」校書考古精 乃 頡 晝惡二三 與與 摹 書者。 今此 黍差,而米云不知何 第二字,「 至 「案其文云『田 用 州 使父子爲 豈祕書却未考此碑之額邪? 三田 也。 其 程 之。 刺 書 辭 貌 史 即 疇 云『楊 黄 字皆在,「糸」 書 祕書 皆唐 河 疑以「明」字疊而成之, 此 等十 唐 祕 皆 東裴 碑 鄒 確 書 僞 何人書,蓋 以 人筆。」亦爲未 字 額 州 魯」, 類 八字 伯 疇 公紀 爲「楊」字,殆 中字 裴 也 史 此 思 耕 易 乃 籀 爲 長 德 人 耨 也。「 即 李 陽 悪 書 然祕 書,蓋 睿 碣 斯 爲 冰 糸』, 傳 陽 亦不 「紀」字 書 後 書 冰 政 最 中 躲 盡 字 世 又 愛 未 字 春 法 與 敢

1217

精 若 書 東 名 此 屬 本 卿 無 李公以 者, 之,辇 武 俱 存 鑑 謂 也 而 段奇 趙 傳 矣 字 新知 者 或 今 明 無 石 毁焉 不 繁昌 臺省 事 誠 建 又 待 其 知 炎 代 德 ,使裴公之政、 俾某書 制 家 所 \equiv 舊 體 父《 縣 僅 仇 在 德 年 臨 玉 存 公 與 金石 矣。 視 來 其 牒 得 其 此 其 摹 臨 後, 善 此 額 邦 辭 録 刻 政 貳 潼 識 碑 皆 兵 ×, 亦 陽 卿 素 於 漫 成 燬 唐 此 與 者 名 冰之筆 多暇 I 者 榛 最 人 碣 有 深惜之。 景 小 莽 闕 筆 酷 築 又 和 篆 訪 中 之, 有 與 焉 舊 亦 得 九 八 公之 以 專 物 重 口 分 貮 江 按 刻 謂 成 以 墨 絶

爲趙晦之書金剛經口訣題其後

中 民俗 某七 富 世 厚 祖 以 意奉 貲 爲 佛 奉 ,邑之告 化 縣 録 事 成 明 當 化 咸 等 平.

樂 塔 意 之 厚 寶 觀 年, 豐、羅、 分 + 手 紫兄弟繼世 里 公尤厚 口 金 寫《 喪, 種 藏 音 施 部 廟 助 又 表 訣 剛 + 德。 于家。 像 以 多 邑 發 法 妹 **%** 痛 經 而 蓋 歸 袁、 所 年 於 下 念 壻 明 華 川 口 誉 諸 及觀 Ŧi. 江 童、郭、 先 六 經 訣 其 新 明 皇 科 是 世 又刊《 建 寺 沙 妣 ×, 彭 醇 樓 祖 祐 諸 生 祖 0 中 以 後序, 平. 某 澤 茂 至 君 之 閒 、姚、俞皆 四子,六世祖 長 時 IE 資 法 生 公又皆執 説 一今猶 某 趙 勤 方 登 杭 議 冥 佛 華 居 派 篤 願 第 僅 則 先 州 且 福 課 經 先 晦 尺 助 甚 有 起 羅 生以 新 云 至 成 大 妣 之 相 家 餘 存 爲 板 公 印 謹 友, 許 師 其 安 似 者 高 造 所 ^ 文 其 而 事。」 士 侊 華 爲 既 康 也 弟 而 作 行 時 次 相 白 大 欲 嘗 嚴 晦 郡 於 與 教 名 也 好 部 得 夫 敷 之 刊 則 開 曾 經 卒 太 提 端 公舒 尤 授 ×, 暢 書 夫 禧 古 皆 我 無 哭 六 刑 祖 嚴 篤 前 祖 金 鄉 曾 此 人 羅 不 經 銅 以 贖 元

功德 觀 大父也。 者 其中 品 品 遂謹書之,且 ·妙旨 之誠 開警迷懵者非 願 以 易注文爲大字, 追 薦 祖 先 善讀 親 以 無 者 量 便

跋山谷西禪聽琴詩

當自

知之。

詩,而 傳於 戴 詩 之詩 與此何以分,必 易言乎? 才七 道 幺 世, 士彈琴》詩,豈 不待贊揚 此 不得 泉」,「更作」曰「更 山谷《西 百 任 内篇有《 在内篇,又或云 餘 公子 首, ·●手自分内外篇。 禪聽戴道士彈琴》詩 有能辨之者。 淵爲之注 外 亦 聽 集乃 斯 宋宗 人耶? 似。 有千 儒 晚 者,皆 摘 年 外 集 餘。 删 阮 集又有《招 中 自 歌 去 今之詩 也。 人館 》,不 有 出出 詩 如 水 知 此 後 集 谷 口

跋晁深父所藏東萊吕舍人九經堂詩

云: 三經乃《孝經》、《道 真 大家文獻相 兹見東萊紫微公《題晁氏 所著《東京 蹟 「三經不滅堂不壞,君 甚 伯父揚州家有錢 一偉 初 志 承,未始不以經術爲本 不 \approx 知 始 爲 知 經 内翰 誰 爲 氏 崇 九經堂》詩,益 家世 作 希 德 慶 白《三 經 坊 後 世 李 **>** 閲 一爲好 也。 也 司 經堂 宋 空 官。 末 諫 歌 章 知 議

跋葉氏夫人墓誌

有仕登兩府、恩及三世者。 二十四年歲在四明衣冠雖盛,自開國以至紹興,曾未

❶ 「谷」上,殿本有「山」字。

事 甲 兀 兼 戌 年 ·,從子 參 知 政 浩 事 爲 參 贈 知 \equiv 政 世 事 爲 未 東 幾 宫 爲 \equiv 尚 少 書 右 隆 僕 興

射 司 中 書 門 下 平 章 事 至 淳 熙 Ŧi. 年 再 爲 右

水 相 其 後 位 極 人 臣 生 爲 太 師 賜 第 行 在

所 玉. 帶 金 魚 勳 名 富 貴 康 寧 壽 考, 爲 近 代

臣 子之冠。 子 孫 繁 衍 不 惟 爲 吾 鄉 衣 冠 盛

事 流 之所 四方 自 縉 則 紳 出 亦 於 莫不 八 行 歆 之 艷 企 人。 慕 又 面 求 其 而 源 1

之, 則八行 之母 葉 氏 夫 人 流 慶 也 遡

夫

人

以

子

孫

贈

典

凡

+

爲

冀

或

夫

上 人。 及 太 Ŧi. 世 師 一之祖 文 惠 \pm 其 推 敘 原 致 本 積慶 始 之 追 七 由 崇 封 極 可 品之 謂 極 外 其

至 某 年 矣 新 監 然 葉夫 文 猶 思 未 人之志 院 能 彌 知 忠 葉 銘 致 夫 碑 族 人 黨 石 之詳 既 之 意 碎 也 於 叩 兵 門 開 火 禧 而 告

漙

終

湖

州

通

判

若

樸

名

源

爲

曹

娥

監

場

後

知

所

在

近

方

得

於故

書

中

始

知

於

煨

燼

之

是

時

猶

未

生

也

元

孫

今數

+

人,

彌

大

爲

禮

葉 家 也 顯 美 謂 人 而 茂 之言 先 _0 者 在 13 其 此 嗚 有 世 志 源 未 遺 呼 此 銘 深 而 易 鰦 文 至 ! 碑 則 則 余 量 碑 片 其 子 建 獨 流 也 紙 言 伏 之大 炎三 長 以 ___ Ŀ 不 而 日 謂 世 銘 存 讀 累 年 父 曷 能 詞 之, 行 粗 吾 止 人 少 録 又 積 是 能 鄉 皆 師 不 其 有 德 哉 遭 班 謂 肖 爲 銘 日 厚 班 虜 孫 鄉 天 : 矣,後 禍 雖 見 之 郡 蓋 不 最 有 天 時 報 敢 本 闕 之 所 爲 必 固 施 文 不 作 報 有 善 溢 我 則

施 古 未 易 量 後 必 有 顯 以 大 厥 光 是 時

樞 密 方 爲 遂 昌 縣 派 而 終 貮 大 政 文 惠 王

名 即 光 夫 人 、之曾 七孫 孫 若 也 訥 即 碑 文 中 惠 五 E 子 之 舊 尚 名 幼 若 愚 後

名 淵 終 朝 奉 郎 知 江 陰 軍 若 谷 後 名

涓 以 删 定 官 爲 南 康 軍 僉 判 浚 爲 婺 州 通 判

學,以 賢關 焉。 闕 部 於今已 孫 今彌 秉彤史之筆 彌 敢荷 ,又著其 侍 承上世積善之慶,大率性行端良,相 字字 ,以賞 遠 郎、 闕文尚 是益知史氏之興未艾,而吾大父之言 方爲 也 爲 敷文閣 行 明 説 延登膴仕者,未易縷數。 登 起 多 爲 驗 於世 科 居 列 矣。 待制 可補者補之,餘當以 者 郎 女傳者,當以 使 已六人,其 既 彌 爲 彌 謹 堅 善者 方 IE. 録 兩 爲 之 知 浙 餘 樞 以 夫人 勸 東路提 名 密 補 薦 院 爲 家 況 它 傳疑, 書 檢 集 勉 其 稱 H 詳 之 於 子 游 有 首

之福 否。 報,然後其子孫 或 云: 之將 鳴 而 善惡之報,至 晉公修德於身,責報於天,取 今夫 興,必 呼 ! 寓 蘇 有 物 能 文 世 於人,明 忠公 與守文太平之主 一於子 德之臣 爲 孫 前 \wedge 一,厚 而 \equiv 取 其定 槐 施 之, 堂 而 也 銘 有 共 必 不 久矣。 》,有 得 天 食 於 F 其 數 有

刑 + 門亦云。 之,王氏之福蓋 氏 栖 口 等,而 年後, 必 筠之子吉甫 也 一、又曰 如持 忠信 左 仁 其 . 未艾也。」某不佞,於史氏之 契交相 厚不 世 孫 德 有 及魏公父子。 以 裕 付,吾是以知天之果 晉公比李 功 名富 貴

栖

筠者

由

此

觀

略

與

Ŧ

跋 姚 宣 伯所立許斯二 孝子 墓 表

書 來 賦 姚 爲之上者如何。 以 日 役 宣 東 日 伯 鄉 孝友傳》,墓在藍 不 東陽在婺爲壯 古 平 尤 爲 管内 也 非 之 曠 數 遠 良 民 有 别 月, 之頑 心人所 許、斯二孝子墓。 子 置 以 益勉之。」未幾,又以 縣,号難治。 驅 書 硎村,所 同然,或仁 尉 來 之使 以 H 領之。 : 頑 居名孝 也。 税 近 許見《 或 籍 歲 余報之 余里人 順 鄙 不 議 明 里, 者 顧 書

子 欣 蓋 念 事 碑 復 几 及 之意 其 明 得 然 陰 存。 併 勸 吴 河 日 姓 見《 赤 ,以詔邑之人, 使慕 親 一:「尉 於東樓 欲 遠 鳥 冢 婺實吾宗之故 置 矣,且 尚 立 間 經 巨 可 人,墓在 以 **%** 公, 識 石 警 必 二人 以 鹿峯、 而 捕 耿 表 望 令君 爲 后 皆 其 里 出 職,而 侣 焉 虎峯 墓 嘗 東 也 之所 村 表 陽 且 俱以 願 加 其 地 既 郡 各 樂 爲 意 門 名 書其 刻 爲 得名。 書之。」 於風 閶 孝 其 世 也 今 義 碑 0 遷 事 自 余 不 于 於 斯 X

跋 張 忠 簡 帖 闡

H.

宣

伯

併

刻之。

賀。 饌 昨 避正 夜薰風 蔡子 熙 寧 殿 Œ 入舜 年, 挺 爲 韶 夕 日 君王 副 微 當 樞 雨 食 未 四 獻 不 御 詩 月 見 IE. 朔 日 前 衙 食 裕 朝 四 百 陵 句 陽 爲 官 日 徹 X 輝

> 書,雖 過 詩 切 已 興 興 三子一孫同 未 可 之者,蓋 得 ,伏讀爲之三歎 十三年爲 艾 前 以 不 也 星 追 及 助 配前 大 又 爲 祕 拳 有 陰 用 和守 書 拳 人。 皇子 沴 郎 愛 而 潛 君 叔 後 是 清 之 隨 憂 子 以 德 時 慶 夜 或 遂 孝 事 映 也 雨 之誠 踐 宗 既 照 消 世 舊 相 端 E, 寵 學 官, 類 明 當 , 仕 數 見於此 張 張 詩 時 優 氏之 爲 語 公 無 渥 紹 精 尚 能

跋 王 如 晦 文卷

之曾 行 妙 也 以 年, 大 俱汪出,生長外家。 巨 軸 大父於少時。」余與表兄中書 開 父 固 禧 日 滁 非 . 州 漢 年下 之老 藏 此 之 曾 元前二 贈 大 告箱 父 耐 舍人幼孤,侍 朝 日 余 中 議 9 年 王 少 七十, 余 周 時 日 場 伯 陳 及 母 舍 屋 垕 識 之 以 人 周 示 安 伯 文 余 汪 君

門, 樂 某之僥倖, 髮 興 庠。 滴 文。 老 時 種 少 袓 E 而 之 级 在 在 不 日 朝 爲 施 少 先 又 篇,論 兵火之後, 千 得 體 郡 都 紹 師 歸 議 以詞 事 君 雖 庠 售 · 何 興 待 下 Ľ 未 E 方 可 三十 余十 朝 侍 先君 以 見 亦 議 E 賦 非 死 理 外 議 聯 仲 論 首 一,徒 明《 志 足 髪, 終 命 祖 歲 年 如 詳 薦 再以 舅 爲 之澤也。」今見所著《易義 中 也 不 時,見· 銘 易》試 雖非 費 姻 吾 往 明 善 歲 耶 口 其 抑 精 家 母 賀 本 ? 在 士 益 已。」然 墓 今時 聞 神 勸 日 舍人娶朝議 經 之勸 庚 優 往 見 滁 何爲 之 遇 外 滁 中 等 而 學問 辰 來 文格 西 州 報省 日 州 仲 鄉 矣。 無 竟 ? 笑 既 升 滁 . 泣 舅 舉。 之蚤 時 齎 時 成 内 膀 州 日 尚 若 然 先 君 先志 志 之女, 前 舍, 登 . 既 其 君 書 後六 太 鄉 髮 成 以 科 之 學 先 爲 高 籍 盡 握 E 不 殁。 之 年 寒 當 其 外 仕 種 及 再 君 誼 E 余 而

> 之。」因 門 歎 從 書 未 中 則 幾 士 艾 者 卷 服 襆 徑 無 人。 項 被 遽白公, 尾 也 出 時 來 置 以 附 其 迎 項 謁 它 之, 公知使令者厭 補 不 舟 周 文學彦思 不 問,後 日 家傳 伯 折 以 袖 值 券 拱 爲 爲食客,又濟其乏絕者不 出 之闕 E ௱ 乃 逡 所 無 伋 日 責 知 巡 贈 疑 貧 . 不 從 又 以 既 之, 甚 以 可 皆 者之 公怡 去 以 應 數 詔 孫 其 計 而 後之人。」 曾 廋 聞 場 然 須 · 王 銀 所 也 項 屋 E 杯 未 之聲欬 之舊 : 氏 嘗 聞 聞 羽 之 者 必 在 澤 益 無 知 旅 吅 願

跋趙大資政所藏趙忠定公帖

皇 發 E 日 而 視 受 開 理 之,乃 禅 禧 故 篋 前 年, 丞 有 日 相 簡 大 趙 韜 資 事 公報 紫 政 已預定,公密 羅 趙 章 囊 公 翰翰 中 奉 墨 緘 祠 如 居 封 以 新 甚 四 報 密 明 派

爲 末。 閒。 陸 年矣。公方爲蜀 平、勃之安劉氏 之命,播告四 爽之前,密聞 無一言之誣。兹欲以 相 人,公之意深矣。 賈 我序之。」某曰:「唯 正元 公曰: 交歡 相 時 朝 爲 爲 微吾 士存 知 大議 方,實叨 公以 樞 也。 帥 者無幾 密 某待 於公 子,無有深知當 時,當 大 院,喜 公慨 義 視 此簡登之石 罪 相君 矣,幸 諭 草 直學 被旨 然感 甚 殿 遂 而 示 帥 士院 上内禪本末, 念, 修已十三 日 得 書 以 郭 陪 在 太 此 杲 時 以 甲子 二公之 杖屨之 皇 事者 示後 太 正 所 謂 昧 如

跋 劉 師 文 昆 仲 :乞增 日 疏

有是: 三焉。」文王 哉 文王 謂 正 九十 武 王 義》曰:「年壽 七 日 乃 終。武 「我 百 王 爾 之數,賦 九十 九十,吾與爾 而 命自

> 之壽,而母後六年 兄弟以母 然,不可延之寸陰,不 暴得病 欲絶,各乞减 · 乃 已。 可减 嗚 之晷 呼,真有是 第三年 刻 然 增 劉 13: 氏

跋東坡與宗人帖

然 嘗 吾 居 此 坐六十小劫,五 見 士 事 以 書 遺 在 不 李 宗 生 駙 人 Ŧi. 下 生不 容 白 夷 馬 八甫,其 貧 年後,價 瑋 以 甚, 百年何足道哉 得 Ŧi. 人 吾 Ŧī. 百 直 百 則吾之所 無 千 千,勿 如 以 買 是。 濟 王 之。 以與 夷 吾佛 羞。 甫 昔年 東 帖 書 坡

待五 出 於坡,歎仰若此,必能審其爲真 百 俟 年 河之清, 坡 亦 壽 善 幾 謔 何。 矣。 容 錢 方 大參 苦 貧 書 法 而 使 源

書李氏建炎備禦録後

執 焚 禍 御 略 既 歲 其 베 力]]] 福 此 燬 家 長 方 最 E 無 即 任 邑 幹 或 李 公 境 酷 張 老 夫 始 以 蠱 氏 始 君 時 志 隱 余 才 人 人 遠 獨 家 慶 知 子 八九 然 先 高 集 承 衰 其 事 全 智 如 列 宗 平 墓 巨 憊 付 絶 老 妣 昌 江 室 之 歲 嘗 之 之, 既 南 人 安 人 或 力 時 先 氣 以 久 巡 定 孝養 康 猶 秉 也 是 間 顓 適 侍 記 郡 義 人 絲 永 壽 諸 顓 外 及 夫 建 嘉 李 不 不 備 邑 由 獨 至 父 見 祖 炎 君 知 掛 長子 至 有 奉 1 居 洎 雙 汪 兵 及 季 義 + 111 時 椿 故 少 年 修 王 舅 秉 社 望 爲 海 八 芝蘭 E 師 老 吾 武 夫 義 江 中 近 風 FL 而 素 鄉 自 子 人 外 則 州 道 終, 之 八 奔 號 亦 六 邀 被 列 祖 未 日 +, 散 + 虜 遭 虜 侍 過 奉 趫 13: .

禦 學、 學 報 利 艷 次 誨 生 + 又 奮 館 扼 所 勇 風 文風 得 出 以 諸 六 者 遠 穀 居 時 年 而 預 而 之責, 子。 官 支 弟 甚 盛 去 制 私 却 邑 數百 近 鄉 李 衆 邑 官 犒 矣 藏 今爲 亦 大 來 書 氏 中 長 犒 麾 召 總 轉 人已 君不自言 者 興。 之貲 歸 椎 開 衆 舍 之。 目 日 人 爲 Ŀ E 禧 4 追 元 士 手 隨 \$ 列 H 丞 君 舍 Ŧi. 白 産 方 躡 釃 元 即 議 矣。 庭 馳 迪 有 澤 六 生 是 年 雖 酒 授 事 撫 得 下 檄 功 人 具 0 九 賞 時 進 寖 定 學 第 其 使 以 理 諸 元 子 皆 存 亦 不 士 故 於 數 虚 君 自 几 勞 弟 E 不及。 第 及 長 台 軍 子 書 舒 張 延 備 級 勉 欲 與 竄 舊 聲 過 長 曲 致 餱 功 而 鄉 其 兀 之。 以 盡 伏 子 庭 既 其 彬 閥 還 功 糧 群 而 里 顯 逮 得 Ш 亦 振 長 璘 充 衆 莫 從 今將 冒 蚤 陰 從 揚 修 谷 事 庭 歸 皆 武 不 德 賞 先 寇 自 人 便 學。 定 太 備 是 感 歆 太 射 控 以 必 望 任 君

1225

之烈 \equiv 子 秉 義 避 君 高 載 也。 作 非 也 士 此 列 義 者 方 錢 數 人 勇 地 行 誼 0 姦細 多 欲 嘗 問 攘 宏 所 狀 贵 百 南 如 且. 俾 事 盡 所 千 慶 日 某親 矣。 知 略 臂 來 聚,遂投之。 一易得 也 某 - 方繋 壽 負之數,輸 親 : 其 如 曰 思 倀 序 歡 白 抑 見 爲 : 許 微 欲 哉 得 其 倀 聞 王 於 以 客 子 踈 毋 然無 後 然 之, 信 槐 列 此 皆 財 有 害 故 則 州 吾家 之官 好 司,不 爲 家, 集。 衣 詳 慨 所 善 舉 衆 李 IE 義 歉 冠 歸 己 然爲之書 室 氏 益 良 見 夫 有 南 見 徇 取 無 不 可 其 之 善 寄 從 問 壻 渡 此 於 公忘 噍類 壻 知 脱 興 遇 北 之, 言 命 劉 所 士: 張 所爲 以 也 之, 殆 音 氏 大 矣。」 則以 時 公 私 歸 在 航 未 獨 夫 則 侍 仲 遽 如 即 顛 艾 不至 之 官 修 又 子 具 大率 忽 聞 躓 房 曰 也 武 舟 族 逋 聞 列 親 者 所 有 .

跋 秦 \mp 獨 獵 晑

驟 谷 摹 豕 皇 兒 作 宣 馬 伯 3 獨 皆 弓 取 中 時 龍 而上 本 爲余作 獵 箭 應 於宗室家,奏以 Ш 眠 既 引 圖 弦 谷《 追 俱 丽 生於亥,故 滿 引 \sim 騎 也 未 以 題 以 滿 李 唐 矣。』余 真 見 摹 擬 伯 廣 小 者 此 而 燕 追 李將 奪 時 箭 進 畫 郭 騎 胡 笑 因 不 非 邪 御 鋒 尚 軍 兒 日 此 觀 敢 所 IE. 父 之筆 : 馬 深 箭 進。 敢惜 \equiv 與 圖 悟 鋒 挾 馬一 使 豕 * 復令取之, 但 所 畫 俗 兒 相 建 豕,皆 格 子 直,發之人 南 直 以 炎 馳, 爲之, 往 前 閒 此 贵 時 射 内 取 極 ^ 文 當 Ш 奔 府 胡 李 呱

攻 媳 先 生 文 集卷第 七十二

攻媿先生文集卷第七十三

四明樓鑰大防

題跋❷

晋曹武惠王傳後

神 爲 武惠之元勛,不容贊嘆。 事而已。《書》之意,蓋謂其臣與文、武之心 羆之士,不二心之臣,保乂王家,用 上帝。」夫所謂不二心者,人但謂其忠于所 一,如「咸有一德」之謂 ,而不知創業垂統,本于不嗜殺 康王之誥》曰 :「昔君文武 也。 後 人徒知 藝祖之造邦, 則 端 藝祖之 亦 人徒 命 有 于 能

> 知武 國祚 ム必能 殺 以 人奏上天以金陵一城生靈 殺之志,任得其人矣。」江 藝祖使人謂王曰:「汝能戒 尚 一人,所謂不二心之臣。 兹 無 惠爲熊羆之士,不 窮 副 ,曹氏之餘慶流衍,三代之君 朕不殺之志矣。 知 南 其用 爲 嗚 將 故 士暴掠,成吾不 曹厶 呼 下 伐 兵行 - , 藝祖 蜀 1 後, 而 師,不妄 我 戢兵, 宋之 自 夢神 臣何 知

跋趙睎遠使北本末

張騫、蘇武。」武之執節,千古所仰。若騫漢武帝得人之盛,史贊有曰:「奉使則

- 本卷卷端原殘闕,據底本體例補。
- ♀」,原殘闕,據殿本補。 年」,原殘闕,據殿本補。

謹 信 選 者 歎 意 得 以 取 前 殆 不 不 副 外 書 雖 膚 此 漢 蕩 得 誓,守之愈 往 之罪 卷 己。 使 未 上 月 無 或 或 來 之體 末 封 有 心。 奇 氏 信 匈 以 既得 狼 物 人也 要 使。 奴 領 居胥之快,而察公之忠誠,南 ,失侯之後,益言 , 迨其歸奏, 力 而 帝之贖 慰 堅。 + 公遇 周 猶 上 餘 文忠 少 賢 三復 之 方 年 事 武 師 一嗣之孝思 口 鋭 詳 以 公爲 以 謂 遺 也 意 至 審 皇族之彦,孝宗妙 其 編 恢 陳 虚 隧 抗節 奉 勤 手 拓 所 遵養之説 耗,騫實啓之, 云 碑 勞 使 聞 以 澤 别 則 不 有 於它國 發 粲 持 撓 指 可 、揚之, 然, 既 而 然 書, 敬 北 E 者 深 名 竟

跋黄刺史公移

其 壻 黄 余從 君 日 妹 宣 滴 ,自言鼻祖名从 新 昌 石 時 亨 文 日 今主 从 成 桐 唐 廬 簿 五

名器 第二 宗以 僅 者 寅,明 衙 次 開 諦 亦 首 不 忠之禍、哀帝嗣 紙 剡 季 前前 官 辨 Ē, 平元 視 不 愛 所 相 尾 閒 益輕 帖 天復 之,其 玩 復 四 示 爲 則 止 失 年 居 則 年 年 見。 其 明 稱 四 草 号 明 四 IE. 又念先 第三 書,皆 州 前 監 疑 北 月 中 年 餘 州 月 君 刺 後 刺 莊 而 更兵燬,不惟 蓋 家 重 帖 史 當當 位 史 監 唐 而 帖皆 專 月改天祐,八 大父少師 手 鑄 而 此 ,竟不改元。 天 中 第 且 亡矣,歲 始 澤 爲 之 檢校 帖 祐 之印 攜 正之。 居 開 印 鹽 也 帖 傳 其 平二年 鄞 事 太傅, 年。 \equiv 六 乃 家 在 家 宣 余 也 白 字 藏 九 隱 Ţ 每 集 和 鳴 年 牒 月 甚 三年 明 騎 月。 帖 印 歲 學 卯 中 見 不 呼 補 而 州 省 爲 明 是 文漫 守 在 存 可 舊 吴 憲 歲 遭 雪 後 公 戊 鄉 物, 寶 帖之 爲 德 竇 移 銜 晚 在 朱 吏 徙 唐 滅 辰, 也 爲 牘 下 唐 Ш 梁 全 丙 昭 無 於

及胥 故 使 用 者 ,故有「佐忠去僞 其 史。 武 IE. 肅 是 朔 笑 時 日 又言 錢 . 武 功臣」之号。 董 吾 肅 昌 贵 王 之誅 據 失 爲 吴 越, 孫 明 因併著之。 仲 州 或 謀 勸 君 耶 與 拒 有 梁

跋歐陽公與張直講帖

致 矣。 詢 多 未 勤 可 用 書 鮮 屢 知 士 請 花 嗚 歐 何 論 有 以自 有 止 押 呼 如 陽 恤 以 而 爲 張 公筆札 講 清 決。 後 皆今之所 而 公欲 氏 學 議 得 前 發,公亦 所 文 之。 若范蜀 進 輩 自成 少 蓄 道 風 恐 之夥 遂 本 爲 無 範 或 休 不 無 公之不待 問 家,故 也 9 以 9 暇 歎 息 口 蓋 0 爲 俟 仰 疑 官 出 直 可 速 縱 所 稱 何 處 講 漸 也 而 心 年, 直 極 見 君 出 調 於 之期 書 無 子 其 李宗 固 士 攝 外 僞 之大 爲 門 友 與 封 帖 高 門 公 易 閒 勤 久

> 世 世 哉 主 科 言,公亦自 明 非 也 頓 而 易説 騎 孫 隳 年六 科 雖 它 公薨矣。 期 馬 人比 非 篪示 素 而 公發 待 ×, 聽 月得 其 守。 猶 朝 忘 垂裕之效邪 不 也 後衣冠不 此二 明 言 淺 恨 雞」 疲 哀哉 以 ^ 謝 經學,於《 未 不 春 之句 精 軸 又 敢 憂 官 及 秋 力 世 明 止 見 敬 以 絶 > 耗 可 體 汝 年,當 之。 己 猶 大 題 知 矣。 曾 詩》 陰 或 理 其 意 且 處 之 孫 寺 公 後 爲 最 倚 六 士 熙 切 諤、 嘗 丞、 準 詳 閣 從 + 寧 公待之甚 薦 聞 也 訢 又 秀 王 Ŧi. 四 於 家 ^ 直 爲 洎 州 歲 易 年 氏 公 直 藏 篪 講 斯 之秋 倅, 之 至 何 直 講 道 文宗 俱 試 招 厚 有 挹 講 難 命 制 Ŧi.

跋 巢 經 唱 和 帖 向 薌 林 壽 岡 楊 愿 巢 經 蕭 奂

薌林詞翰固多見之,壽岡、巢經之酬

其字 稽。 公字 倡 可 原 杜 謹 以 仲 小 仲 見 冠、陳乾 姓 江 紹 名 右 興 驚 適 文 三 十 坐,不可 與 物之懿。 壽 岡 年 相 不辨 進 壽 似,今其 士 出 也 也 臨 江 家 樞 之 在 密 Ш 會 楊

跋 傅 欽 父 所 藏 職 貢 晑

後。 元 三至,或 年 遣 地 河 使 在 南 再 朝 河 歲 出 貢 南 鮮 至。 獻 古 卑 馬 之 慕 流 腦 容 鍾 沙 氏 也 吐 後 或 梁 谷 歲 天 渾 監 之 再

中天竺 或 名身毒 天 監 初 其 Ŧ

屈 多 遣 師 子 使 獻 或 瑠 大通 璃 唾 元 壺 年 等。 其 \pm 迦 葉 伽

訶 黎 邪 使 使 貢 獻

渴 北 盤 天竺 陀 或 或 于 天 監 翼 中 \equiv 年 小 或 遣 使 也 朝 中 貢 大 百

> 兀 年 始 通 江 左 遣 獻 方 物。

武 興 蕃 或 本 仇 池 天 監 初 封 武 都

王 一,後以一 爲 東 益 州

厭 帶 滑 夷 國 栗陁遺 車 師 之别 使獻 種,天監 方物 十五 年 其

王 波 斯 國 中 大通 五年 始 通 江 左

遣

使 獻 佛 牙。

或 朝 貢 百 百 濟 濟 國 其 東 也, 夷三 天 一韓,馬 監 + 韓 有 年 Ŧi. 遣 + 几 使

龜 兹 或 西 域 之 舊 國 自 渡 江 不

通 天 監 元 年 遣 使 朝 貢

倭 或 武 帝 進 其 王 武 爲 征 東 大

將 軍

羅

右二十國,亦有

屢

至

一者,姑

紀

胃國之旁小國也, 等禹元 丰吏吏遀因古柯國, ●呵跋檀國、胡密丹國,

並滑國之旁小國也,普通元年使使隨

滑國使來獻方物。

嬰與匈奴戰,斬白題騎一人。普通三 白題國,匈奴之别種,胡也。漢灌

年遣使獻方物。

末國,漢世且末國也,普通五年始

通江左,遣使來貢獻。

縣,天監九年其王范天凱奉獻白猴。 林邑國,古之越裳,漢日南郡象林

婆利國,去廣州二月日行,天監十

年遣使奉表獻金席。❷

宕昌國,西羗種,◎天監四年其王

梁彌博來獻甘草、當歸。

四千里,天監十四年遣使阿撤多奉表。狼牙脩國,在南海中,去廣州二萬

其略。

邪 ? 《武帝紀》中又有扶南、鄧至、于闐、蠕蠕、高 筆精好,其 麗、干陁利、新羅、盤盤、丹丹九國, 豈圖之 則有之。 平御覽》,皆 使」,龍眠以 虜而終疆,凡三十餘國。」今此卷 云:「梁元帝蕭繹鎮 一,必有遺脱者,余試考之。 正字傅 編閱《 既 F. 欽 南史》梁之記 爲「首虜」,而此曰「魯」,豈有誤 列 無 題字亦自合作。 父攜 魯 于 國 前,皆 與 荆 職 丙 時,作《職 貢 曾 丙國,其下二十國 傳及《通典》、《 圖 朝 **>** 其一曰「魯國 貢於梁者也。 見示, 李 貢 龍 纔二十有 圖 不 眠 》,首 惟 有 太 帖 畫

^{● 「}因」,此『因』字似誤。」

❷「十年」,殿本有小注云"「案《梁書》及《南史》並作『天

③ 「種」,原作「鍾」,據殿本改。

宋 至 或 所 遺 齊 自晉 邪 至 代 氏 其 南 渡 奉 正 介 朔 居 修 江 左 職 北 貢 荒 航 西 海 裔 往 隔 往 礙 而

莫 浦 之 通 捷 威 至 於 震 南 冥 徼 海 於 東 邊 是 界 鞮 壤 譯 所 相 接 係 宋 無 元 絶 嘉 歲 象

帝 時 第 七子也 泊 齊、 梁 書 職 善 貢 畫 有 序 0 自 圖 兀 帝 官 字 尼 像 世 誠 爲 之 武

圖 + w 餘 萬 卷, 卷 盡 此 燒 幾 之。 是 矣 著 書 然 甚 尚 多 有 可 内 疑 有 者 貢 既 職 贊

而

書

時

人

謂

之三

絶。

江

陵

城

陷

聚

圖

書

去 日 今 圖 Ė 書 六 盡 白 燒 Ŧi. 何 十三 由 得 年 傳 紙 ? 之壽 使 雖 不 在 调 煨 於 絹 燼 中,

亦 不 應 尚 爾 全 好 恐 是 龍 眠 摹 本 前 帖 即

知

它

日

不

獲

其

餘

也

龍

眠

之

筆

在

今

Ħ

誠

不

易

遇

欽

父寶

安

也

姑

罄

所

聞

更

俟

博

識

之

士訂

之。

噫

字 其 真 自 頗 類 此 跋 疑 蓋 也 其 亦 故 自 龍 又 謙 眠 云 之 之筆。 詞 恨 也 筆 又 墨 摽 帖 凡 題 云 惡 1 狀 楷 其 而 未 形 與 帖 究 而

> 等 作 既 遺 張 又 貞 中 軍 公 古 雖 在 觀 胡 洂 内 海 印 皆 御 右 嚴 靡 殿圖 開 岸 是 府 徵 俗 甚 好 所 丞 啚 元 達 精 李 臨 臨 不 等 書」、「 不 》,吴道 玉 明 今不 加 古 後 道 應 印 龍 名 子《 主 印 百 高 則 内 畫 見 印 子 至 濟 F 元 眠 善 合 所 之下 之 帝 刻 匀 如 神 然 同 韓 識 布 之 張 甥 滑 近 印 幹 畫 書「 僧 又 石 世 亦言 亦 者 如 當 爲 繇 疑 曾 T. 顯 尤 出 集 之, 是 止 於 榻 善 慶 伯 多 賢 摹 其 臨 直 時 本 神 四 時 院 所 其 畫 晉 年 於 口 御 臨 形 亂 者 貞 澹 李 滅 天 前 書 者 也 觀 巖 真 僞 福 將 X

欽 父云 \sim 通 鑑 **>** 宋 元 嘉二 + 年 將

之誤。」然《南史》亦 爲 北 掎 伐 角 詔 K 疑「 : 丙 芮 丙 芮 無芮芮之名, 與 亦 『芮 遣 間 対 使 相 遠 姑 輸 類 俟詳 誠 恐 款, 傳 攷 寫 誓

事 名 江 題 孝 貂 故 奴 啚 畫 0 記 僧 印 源《 裘 地 别 又《梁 下元 × Z 寶 種 公私 梁書 芮 是後數歲 畫 却 宋引之共伐魏 0 芮 . 魏 不 「元帝 其 隋 畫 日 書》云: . 及 晉 西 再 朝 録》云: 此。 世 部 官 書 北 一至。」貞 畫 匈 本, 諸 也 以 又云 奴 戎 任荆 職 助 亦 分 梁 自 傳 貢 天 博 有 : 爲 元 ***** (觀 元 時, 圖 監 陳、梁 聞 \sim 數 帝 魏 中 「芮 職 + 畫《 白 畫 南 并 中 貢 四 六卷, Ŧ 芮 遷, 年号。」《名 番 序 書 啚 年 部 或 客 舍 外 遣 大 **>** X 或 並 人 各 蓋 使 擅 卷, 裴 朝 貢 獻 其 有 有 匈

梁 甚 書 初 詳,考之不 疑 芮 芮 芮 | | | | 傳》首 恐 見 是 尾 而《 止 蠕 南 蠕 百 史 <u>_</u>, 餘 0 北 字 蠕 史 蠕 事 絶 蠕 與 相 蠕

> 類 見 前 乃 跋 知 在《 芮 武 芮 帝 果 紀 崇 蠕 蠕 因 也 併 蠕 蠕 貢

獻

E

跋二疏圖

本 詩 事 者 萬 公《送楊巨 已 廬 一十,二者 告老 ___ 木 中 又 疏 送 $\frac{\dot{}}{Z}$ 則 圖 俞 開 圖》詩 車 于 惠 禧 知 其 未 虎 朝 叔 舊 跡 源 知 翼 頭 至明 以 年, 至 有 序》引二 孰 自 圖 咽 此 是。 此 注 導 余 今照 置 卷」。 啚 云 騎 年 年 爲 右 矣。 再 交馳」,疑 疏 七 人 壽 丞詩 請 世 + 高 事 耳 9 澹 愛 貴 傳 云 而 目 又 巖 鄉 後 玩 鄉 顧 : 稱 黨 右 0 非 赫 得 公 長 不 作 赫 丞 潼 畫 後 之。 己 此 康 會 張 若 世 本。 蝎 隋 筆 0 韓 於 朝 公 前 Ι. 時 四 有 弊 龍 故 余 畫 文 Ш 官 H

■「楊」,原作「揚」,據殿本改。

臨 非 其 卿 眠 公也 深 此 魯 思 本 翁 人 出 陽 篆 新 展 李 近 冰 意 以 之室。 陽 又 爲 或 得龍 冰《 對 約 琴銘 舊 賀 眠 圖 公所 ^ 四 而 跋 皓 爲 稱 尾,趙 之。 圖 殆 \approx 是斯 稍 公 洛 大。 明 陽 誠 王 遂 稱 而

題柳公權所跋洛神賦

矣。 日 參 草 蹟 故 以 體 或 亦 多 余以 它 再 傳 非 洛 雖 見 本 於 全文, 神 合作 讀者 正定, 尚 世 賦 當 **>** 未 柳 不 本 嘗 以 屬 能 到 誠 見 冗 筆 感 盡 皇 懸 未 六 甄 識 小 象 暇 賦 欲 楷 諸 ¥, 王 ,書此以歸之。 居 書 公,其 爲 士 跋 大令好 行 家 書 傳 用 此 于 絹 卷 Ι. 後 書 亦 素 作 此 深 章 真 大

,其中實藏占書。

自后

稷

之封

於邰

跋金縢圖

後世 欲著于 要 意 多 北 遂謂 序》曰 斷,又若非 口 亦 金縢》之 當 易乎 雖 聯 略 面 一。」蓋 之輕 先 公作 而 屬 二式武 出 金 哉 册 所謂 不道 IE. 臨 縢 易。 篇 金 ! 聖人齊戒以 而 摹,而. 可 **>** 金 縢 之 王 未 爲 以 此篇之説 豐 縢 《記 之匱 暇 説 余熟復之,始 有 公 傳 不 古 疾 而 不 後 > 餘 意具 日 盧 明 作 字。 世 殊 周 一言、 求蓍龜, 甥 久 也 既 者 公 不 在 祖 矣。 不 易 所 知 作《金縢 遂 皋 古之 約 間 明 抱 得 謂 序《 申 嘗 ,似覺文義 其 爲 不 其 有 龜 之攜 書》者 金 失 1 之説 偶 意 不 求之天也 南 縢 »° 筮 通 得 面 而 此 之匱 辭 先 天 其 讀 蓋 後 非 圖 ^ 意 間 子 若 者 書 詞 見

也 時 此; 猶 以 於 納 先 以 胙 天 夫 公,言 大 召 二公欲卜之於天 意 盡 遺 後 册 世 感 事 IE. 未 公、太公曰 土 以 弁以 釋 於匱 金 龜 動 授 以 王 也 不啓也 以 爲 然 雖 我 及 不 縢 9 而 之以 爲 其 啓 得 也 中 罪 先 知 皆 知 不 之 不 意 不不 之, 金 誦 公代武 人 王。 匱 吉 天 : 龜 知 切 武 縢 雷 言 斯得 之 欲 也 則 之書。 矣。 占 電 我 也 \pm 所 遂 所 而 則 人之見之,非 亦 其 克 王之説 以 書 謂 之後,又爲《 既 以 以 不 天 不 史臣 風 爲 周 商 至 「啓籥 告 觀 爲 利 必 變 不 禾 公日 嚴 占 才 \pm 變,故 太王 孺 啓 於 至於執 知 穆 子 書 書, 偃 子 見 ト。」 此 E 何 年 : 王 之 孫 木 書」者 亦 啓 王 書 「未可,不若 爲 聖人欲 鴟鴞》之 拔 讒 世 何 而 亦 穆,敬 季、 占 也 日 而 王, 王 書 Ŧ, 守 疾 爲 未 古。 書 啓 文王 弗 以 IE. 徼 蓋 此 之 而 與 敢 非 以 泣 也 豫 詩 啓 其 大 心 誚 福 公 啓 1 書 有

> 於 説 册 後 勞 今不 新 以 \pm 後 爾 已 金 莽 見 心 一篇 世 縢 周 必 始 不 以 乎 明 公之 之義 出 平 大 1 ? 直 莽 悟 郊 帝 也 之讒 制 焕 首 而 有 以 禮 然。 始 迎 疾 金 詐 作 知 縢 作 雨 樂 孔子定《書》,特 其 不足言 天 之匱 反 策 以 勿 變 請 致 穆 之意 風 爲 太平, 命 1 周 漢 而 公所 去古 願 歲 欲 蓋 以 本 大 彰 本 存此 作 身 於 未 熟。 公 欲 前 代 遠 此 之 1 篇 也 勤 此 藏 而 而

跋章達之所藏虞書孔子廟堂碑

得 又 見之。 精 采 此 殊 本 得見 勝 雖 無 此 大 聞 本,斯 天 周」二字, 台 有 可 真 矣 蹟 比 在 余 餘 所 藏 生 爲 恨 不

又心經

有疑 示以 敘》,嘉定元 有餘,不 甚,只一疊字,真 餘 經》精妙, 年矣。 爲 大父參政 虞 書 臨本者,然亦妙矣,未易輕 如 柳誠 始 石 此 見 年閏四 刻 不 懸《蘇浩夫 此 雖 文 足 欲 本,章 不 肅公草堂 爲 照 月丙子同觀 盡 楷 人。 有,尚 一 法。 人志銘》,此 小字 卿自言家藏 户 所 多 簉 難 藏 見之。 于道 李 於 懷 公誠 寬 素《 Ш 本 綽 已 心 自 之 奇 百 而

跋潘刑部詩卷致堯

相 士 吕 科 彦先, 時 忠穆公薦其 方 濟南 多 艱 潘公之字也。 慷 有專對之才。二年,歲 慨 許 國。 始 登 爲 紹 尉 興 曹 初 在 丞 進

> 仍請 其太 皆壯 此 定。 致堯,其行也,季氏宗丞公致祥字彦 皆俊偉 劉公棐、察院 今其子侶 壬子 于玉堂直舍,俾佋襲藏之以爲家寶云 夫 假 道 授朝請 其 人人居 行,詩 人也。 山諸賢各識姓名於别卷。 禮部: 樓 郎、尚書刑 四 侍郎, 李公藹,又李公愿、馬 出 章 公既得 明。 甚 也。 衆。 使不 余從 攜 虜要領以 部郎 以 今其 測之虜。 妹 求 適宗 中終焉。 跋, 存 者 歸,和 爲 丞之子迂, 四 明日又書 一時 道 公永 . 和,奉 梗 公諱 殿 名公 好 概 卿 隨

跋李文敏公遺事

無 起 倉 臨 以 見 事 猝,文敏公廷叱之而 士大夫學爲文章,固足以 君子。 變,隳素守、忘大節者多矣。二凶變 宗社 再安,誠國有人哉 奪其 氣。 爲國之光華 事不 難

跋 郭 適之集句梅雪詩

跋

Щ

房

與

Щ

谷帖

如 此舅,安得此甥 此 Ш 房不 以是知 以書名,嘗見行書,不知草聖乃 前輩 也。 無 不過人者,所謂 不 有

跋黄子耕定武脩褉 序

寶。 選之有文者。 有道,丘不與易 帶」、「右」、「天」尚 余有 子耕、明遠以 淳 化閒 也。」 本, 古帖 全。 明遠 與 相易, 謂 此 姓單 子 相 耕 似 不 ,名两父,右 日 · 肯 各 而 . 流 一天下 有其

> 然。 雖曰 卿 新。」公甚悦。 濕 有刺字至半山之前,自稱 亦有擇之未精者,至下取鄙句,何耶? 適之畢業餘暇 繼之。 」,何以 以 公真之 集句 詩 爲 後 始於近世,莫盛於半山 爲 坐末, 有 對?」應聲曰 戲,非博記 爲 觀此篇者,其可輕視之耶 作者,鮮 梅 問 雪集絕句至六百餘 日 能 詳 : 集句詩人,坐客 江 及 取未易爲 「梨園 也 州 吾鄉 司 弟子白髮 耐 馬 也。 葛 郭 公亞 青 ? 駭 昔 然 衫

> > 1237

題 專 壑

侯客子來。 半 Ш 詩 云: 我亦莫年專 穰 侯 久擅 壑,每逢 闘 中 政,長 車 馬 恐 輒

刻 則 乃 驚 口 酒 真 語 傳 得 其 響 賦 猜 此 詩 語 身 舍 此 也 蓋 於 則 勝 殆 子 如 崖 余起 余 非 處 引 在 安 吾 實 穰 深 名 得 於告老之餘 專 侯 有 專? Ш 以「專壑 之矣。 事 窮 而 9 谷 況 而 余 中。 採《 此 若自 日 乎 莊 援 叨 ? 客 其 子 琴 公 塵 有 客一 變 對 退 樞 言 者 之,萬 擅 燕 近 日 笑,因 1觀之, 坐 寓 壑 此 酌 居

跋韓忠武王詞

公 簡 書 童 韓 縅 謝 宴 蘄 飄 藏 銄 \pm 近 然 見 之, 自 蘄 意 以 費 樞 行 羊 王 親 補 密 徑 羔, 題 之衮《 造 使 其 H 其 日 就 上云: 作 席 至 梁 第 喜 湖 谿 放 詞 上 漫 甚 浪 志 手 遥 醉 湖 岁 書 歸 望 : Ш \equiv 以 蘇 紹 紙 兀 贈 翌 仲 興 勿 馬 日 虎 間 亂 蘇 尚 數 折

> 之詩 之説 超 当、 耳 以 動 殊 先 然物 0 示 傾 帶 人 及 欹 蘄 淳 生 嘉 御 外 「塞 但詞 熙 王 器 定 長 然 如 長 丁未,蘇公之子壽 北 械 改 兵 其 蘄 子 中一二 煙 間 元 詞 王 莊 塵 乃 之 不 莊 敏 一字不 林 之句 曠 解 公, 訶 敏 達 下 書 石 公 莊 者 道 同 本 次 雖 晚 也 耳 敏 皆 見 父 子 年 以示 語 Ш 示 口 樞 昔 乃 稱 派 余 密 益 稍 人 莊 太 殆 有 信 副 稍 敏 府 未 都 能 競 梁 云 谿 之 畫 有 病 攜 承

跋韓莊敏公遺藁

始 老 談 有 出 而 至 世 以 難 故 某 不 示 以 慨 頃 而 告,子 之。 在 不 然 敢辭 周 有 行 忠孝 在 許 荷 側 身 或 大 之 將 莊 而 節 志 就 不 敏 公 及 死 可 觀 與 知 而 以 之 弗 此 概 事 苟 奏 進 見。 定 避 藁 抵 之後 勒石 母 蓋 掌 己 事 而

跋桑澤卿蘭亭博議

這 州 這 裹 闕 新 誦 者, 殆未 箇 有 箇 有 唐 時 ,贊揚不盡 片 事。」 塊 過 事 人 楔序之傳,歌詩序跋不知其幾,愈出 石 以 石,石上幾行字。 金 Ė 石上 可 印深服之。 來 Ш 也 以發好事者 佳 澤 一,余復何言? 佛印 句 有箇寺。 卿 又從 見其朴野 本 余輒 忽 ௱ 使 千人 千人 笑。 鳩集之。 用 人 嘗記本 一,彊 其 萬 萬 代 人 語 書 使 人 題 題 日 賦 云 長 後之 ?,只是 一,只 詩 老 仍 定 是 作 水 赴 愈

跋黄知命帖

山谷真蹟,中更禁絶,重以兵燬銷爍,

攻

媿先生文集卷第七十三

耕 千 廢 名太高, 口 而 想 許。 億 ,優游終老,始伏波家之少游 四 見 計 方得之者甚衆 白 風 度 知 衫 世憂患 大 命 騎 似 但 驢 伯 傳 卒 摇 氏 詩 則知 以 頭 所 篇,今 而 謫 謂 此老所書未 歌 死 之時。 始 0 不爲 邪? 見 知 此 命 少者 帖 Ш 雖 易以 以 谷 於 尚 躄 以 子

跋蔣亢宗所藏錢松窗詩帖

舊 朋 公珩 吴公秉信,皆自 外祖尤厚。 爲貳車。 餘,最爲盛 龜 某汪 太 宦 朝 府 游 議 公壯 出,生長外門,幼 事。 少卿 略 蔣 吾鄉 相 公 年風 汪 禮部侍郎 璿 以 E 舊 公思 後 下 流 有 郎 歸 輩 醖 五. 中 温 不不 藉,喜與士夫游,與 老會,宗正 老 顧 高 外 時見故大參錢公 公文、 于 敢 公開、 祖 與。 鄉 也 起居 衡 俱 王 少 年 州 皆 舍人 卿 太學 薛 七 公 王

公先 望於四 集 詩 游 欲 公 好 風 上 公繼之,然已不 詩文, ,始議 以獻 一,猶與 春堂 下 中所謂 ,其待寓公如此之厚也。 而 Щ, 後 光範 ,海棠尤多,即大參所賦 + 詞 蔣 爲 參 至,顧、蔣、 年 八僊人者,此也。 公通 翰 八老 政 門下,求跋其後。 閒 俱勝,不待贊嘆。 \pm 問。 及前 公 蔣 次翁致仕 公曾孫 今左相 朝議徐公彦老、 汪 日 之純 公、參政 亢 當 全矣。 蔣公園 寓 宗 大參素博學, 軸 也 又見前輩 居 裝 洎 與 池 高、 大參 中 布 嘉 大 後 詩 吴二 父相 素 使 慕 衣 帖 宜 淮 有 政 義 陳

跋先太師與張檢詳帖

公爲 未幾,先 寮, 先 君 俱未 君 太 易諸 師 有 隆 解宇 軍 興初 粮 料 司 元 處 院 監 直 "張公擢 進 舍 奏院,檢詳 情 好日 監 察 御 張

> 親筆 之。 蹟 婺源 墨 工部 辦 良 書之,今四 御 0 蹟 相子,物 下 奉祠。 先君 感歎 郎,因 識 ,尤見交情之篤。餽遺 遠 會有旨 以 者以 寄, 嚴 追 薄 此得守古栝 十年矣。公之子星子令南 意郡 又以 先君兩致專書,前緘銜位,某 爲 慕 處 薦 而情厚也 曲 9 事 郡 衰 盡 事 守, 以 淚 書 静 書尺盡 横 先 遂 爲 薦 君尋 集 碑 嚴 公遷檢詳,已 先君 本 而 謹 止此,又以 付 以 見 知 書 某 軍 遺 恤 其 畫 器 其 後 仍 監 静 詞 見 此 求 金 而 而 派 而 日 前 皆 代 真 以 歸 兼 歸 能

跋陳君楚薌圖彦直

名。」《 君篤好之,圖形作贊,而闕 離 小子 騷 何 > 具 莫學夫《詩 載 香 草,多 ×, 湘 所 多識 不 楚 知 閒 者 於草木 所 産 四 以 陳

校

初

止

言

昔

者

吾

友

從

事

於

斯

而

後

世

以

當

此

正

如

踈影暗香,它花亦

有之,惟

梅

口

以

語

此

耳

「有

若

無

實

若

虚

犯

而

不

指 是 是 不曾讀《 金」之句 一,而 言 知 而 詩 木 已 頗 蘭 人 離騷 、歐公謂 有 即 亦 陳 證 木 君 不 》。」公笑日 焉 筆 能 所 菊 記 盡 雖 半 無落 見。 亦 别 Ш 有 有 英 有 : 與 痛 辛 「乃介 飲 余 夷 半 籬 讀之,取其大 之名 所 Ш 落 聞 云: 黄 甫 未 不 花 不 可 曾 歐 滿 知 讀 九 孰 地

我 以 又 薌 Ш 知爲 澤閒 爲 **>** 相 卷 顔 與 軸 司 一笑。

跋 餘姚 縣 陳 Ш 碑

耳。

竟

無

辨之者。

余嘗

得

其説

不

惟

悟

歐

王不

能

復合矣,每

切

切

致

此

意。

木

蘭

仰

生

公之意

,《騷》之旨

亦

明

靈

均

自

以

爲

與

懷

慶裔 具言 力所 百姓 肅 之人,賴 惟皇帝救得。」 四方雲擾,惟 王 如 緜 絫 建 不及者,錢王實 五代史》載 立 遠 世 何救得?」道 道一 爲 奉 本末 佛,崇 本 言之善 兩 雖俳語 朝勳閥 浙境内不 主 耶 飾 僧 律 八爲之。 曰 塔 也 妙 ,人謂契丹不夷滅中 德光問 之冠。 : 廟,不 珣 知 Ŧī. 此 欲 兵 陰功 季 時 馮 持 知 姚江 革。 歷 佛出 道 謁 至普,于今 五 日 丞 方 陳 但 + 救 : 「天下 生 相 知 Ш 餘 不得, 于 靈 錢 年, 碑 武 或 丹 佛

蓉

在

水

而

欲

搴

於

木

末

皆

此

意

也

又嘗

於

此

理

乎

?

正如

薜

荔

在

陸

而欲採於水中,芙

而

欲

飲

其

墜露,菊

花

不

謝

而

欲

餐

其落英

有

蘭

有

感

焉

凡

花

之生

深

林

者

皆

能

不

以

無

人

而

不

芳。

然古

人

必

以

稱

蘭

者,非

蘭

不

足

丘,仍攜忠懿王制書求跋,遂書于卷尾。

跋舊答李希岳啓

書 斯言 問 之文, 當手報之。 力愈進。 高 洎 卷 既充,精神有養 本 何邪?」兄曰 朝 尾,以誌 少 嘗 歐 數年前 問從 余退視 蘇 吾之媿,尚 半 兄編 余方投閑 Ш 舊 . 復以 故 文 作, 修 山 老 景 谷 章 來 自 勉 而 李 Ш 諸 精 覺 示, 希 日 公, 希 神 只 岳 進 又出 一之進 老杜 岳 之 在 晚 故 惠 余嘗 發 而 大篇 也 以 處。 詩 也 韓 駢 佩 文 爲 益 筆 學 儷 服 柳

跋王額之所藏趙忠定公帖

然欲 收 紹 召 熙 天下 派 故老之有 相 趙 忠 清 定 德 公 雅 方 望 在 者 西 府 聚之 慨

> 遂已。 忠定 歎哉 來 時 起 諸 朝 知 之,庶幾大 休官 前 舊 時 輩 書,讀之使人流涕。 爾後事愈多變,而諸 太 其 大卿,某姑之夫也 相與之意,非 ,豐公先至。 府 選 卿 老 也 王 歸 公 周 以 正 年 己 有私 適 高 明 以 年 退 吏 於故 尚 煩 忠定 老亦盡 處 從其孫 部 言 寶 于 郎 舊 藏 當 家 而 中 也 之, 矣, 或 去 額 豐 使後 之 此 公 可 王 欲 見 勝 誼 事 盡

跋王岐公端午帖子

某,且 逸, 多矣。 止 以 曾祖 此。 如《資治 嘉 求跋。 然岐 嘗問 定二 岐公端午帖子 年, 通 公之 公在 某日 鑑 大宗 孫 序》、《韓 翰 . 大 苑 IE 華陽 并 監,云: 幾 丞 和 三 十 魏公神道 兼 集》 范 蜀 權 年, 不 公詩 吏 百卷 著 惟 部 碑 述 有 郎 》皆 殆 可 軸 王 所 遺 謂 不 君 日 示

仁、君 康 子 以 烈也,「皇后」欽 御 陵之盛際也。 口 太皇太后」慈 中 來 馬 製 百揆,俱 明 君 不 實 四 實 經 敢編 有子 世凡十榜登科。」又云:「予 内 在 甲, 翰」,又自 葉 人家集 登弟。」公之長子仲脩、蜀 後 聖 聖 公祖洽膀第 亦 光 憲 在 詩, 獻 中。」某謹 肅 是 注 也 集 也 年 云: 中 0 0 皇 詩 四 時 集 自 太 甲 考 題 熙 中 此 后 有 寧 詩 太 温 軸所書 云 平 宣仁 與 公之子 年 子 公之 與 兼 興 皆 聖 景 裕 呈 或

跋周侍郎三帖書

口

惟

「鳴鳳」作

雛

鳳

平 使 樞密 和 關 某衰 陝 於 無 時 鳳 間 族 聲 言 翔 本 績 長 出 而 甚 東 安 陰 陽, 能 西 六 消 侍 樞 程 諸 密 郎 極 公自恣之心 通 周 用 譜 公 心 爲伯父行, 書 凡 中云 事 極 皆 :

> 是 歸 使 不易。」周公古君子,言又出 時 事 士 張 口 夫多 中 見 乎 出 李 亦 入兵閒 世 歸 輔 中 後 傑 名 以 黠 顯 濟 周 國 忠 於 公 事 無 竟 可 推 心 隨 誠 仰 樞 則 待之。 也 當 密 以 時

跋章達之所藏唐石淙詩序

詩 宗 李 者 徐彦伯、 則《夏日 ム「大周 聖」,蓋 嶠 也 即 皆七言,侍游 蘇 口 其 平 相 知 久視元年左奉宸大夫思 楊 樂澗 味 游 王 則 樞 《秋 敬 道 日 天 石 密 姚 述、于季子、沈佺 也 淙詩 則 所 日 院 應制,亦 睿宗 作 元 章 宴石淙序》, 則天賦七言,太子顯 序》, 一崇、閻 也。 公示 也。 有姓 日 有云:「爰有 以 朝 武三思、狄 故 隱 壘 名殘 序中 碑 期 製 崔 各 薛 、缺者。 融 i 册 稱 曜 壘」 薛 其 奉 若 其 則 石 傑 官 曜 音 後 勑 中

要》: 字 樂澗 者。 殆 含樞 志 宫 天 谷 正 峻 駕 Ŧi. 歷 實 陽 作 其 文 在 不 月 \equiv 相 至 在 石 年 然。 不 河 殿 地 柰 洛 改 淙 又 \equiv 也 似 久 登 知 南 與 何 造 有 同 陽 年 視 城 云 長 封 《太平寰宇記》及《 以 縣 或謂 去 時 宫 亦 百 文 久 安四 元 縣 田 一陽宮一 宗廟、 曜 也。 不 退 視,七月 六 年七月三日 此 \equiv 此 此 書 石 而 之爲「月」,「 + 陽宫, 石 年 知 時 于嵩 之上 淙 春明 詳 里, 毁 碑 淙 其 還 曜 即 攷 之。 多 在 非 都 有 至 Щ 乃 武 之,《 宋 都 晋 登封 用 也 夏 自三 稷之兄, 伊 次道 石 后 上 其 之, 安山 右 水之 崇 聖 唐 疏 河 城 四 縣 壁」之爲「 \wedge 亦 補 武 陽 敏 之 歷 史》 有 月 南 「淙」與 日 闕 有 谷之僻 隔 宫。 求 \equiv 后 金 志 云 幸 字 石 張 字 作《河 傳》言 谷 年 淙 \equiv 》皆 畫 崿 則 畫 説 ^ 造 陽 勁 聖 唐 考 \equiv 崇 即 坂 以 云 處 天 不 IF. 金 之 聖 南 之 可 則 T. 有 陽 車 會

> 書,亦可補史之闕文也。 「圀」之爲「國」,「全」之爲「人」等,不能悉

跋趙明可家藏三物記

者蓋 門 龍 古 州 墓 又 知 兖,有「手 E 傳 翻 何 等 縣 人 曆 牙之異 於 制 以 古多 鮮 其 若干,又云金 金 器 又記 半 知 叠 明 唐 亦 可焚 板 其數,殆 爲 初 不 可 族 裁 荷 松栢 墟 信 既 葬 墓 香 如 奇事 膏 藏 可 楷 中 此 若 記 一蠶若 不 油 此 寶 物 干 也 之句。 置 可 三者 也 葛文 無 株 墓 曉。 干。 蠟 疑 域 石 故 ,及其宰縣 康 炬 此 漢 蠶 有 羊 家 公魯 嘗 數 鐙 簡 亦 乃 遺 見 + 石 真 制 墓 口 物 卿 虞 虎 冢 中 闕 收 亦 傳 少 世 甚 物,不 里 燈 適 數 石 仕 在 南 巧 灺 世 某 干 沙 家

其 義 各設 岳 傳, 隆 北 秋 康之忠節 改京秩,其 汝逵、汝 岐王之子安康郡 州 汝 狩 興元年進士。 其 ,葬之河干。 几案,正 ,不勝忠憤 善待,字時 開 (述歸. 六世 遇、汝适 ,岳州之義方,是宜有後哉 元 自 興未艾。 孫汝述 年, 慶 坐 爲 元 某 其 舉,久寓 杜 俱 \pm 是生銀 縣 既 **#**, 方 門 虜 \pm 踵 信、岐二 ,更求跋 登 閒居,書 罕出,教 而 説 自 世 立之石。 自沈于黄 吾 嘗 科 爲 青公不柔,銀 使 鄉,又與某同 指 語 信王、 虜 王之賢德,安 其 + 授。 至嘉定二年 ,并敘家 營,隨 餘 (四子 河 年 後 岐 甚 汝 閒 青 虜 \pm 皆 Щ. 嚴 述、 爲 生 服 聖

公之論 爲知 序首 者,不幸不見天地之純,古人之大體。 子之本心。 莊 隱 者。」此莊生之妙旨 郭 郭 蓋其首論 耦,顔成子 行於晉 几者 象爲 子可乎? 子綦隱几而 本,而 景德三年勑,莊 注 ,蘇文忠之記, ,而未有若子綦 0 而 六經 象所 莊子者,可 清 義 游 而 自兹以 談 造 日 荆公專 之道 坐,仰 謂 於 名 . 本,恐 「今之 淵 理 後 而 周立言 莫 微 謂 天 既 以 超 無能 也 象 不 非 知 而 末 乎 而 」。」嗚 隱 乃 自《 莊 以 本 嘘 篇 先儒之表,得 真 日 几 象 子之本 也 理 莊 . 知 呼 非 嗒 天下》爲言 矣。」 爲 歸 子》 者,惟 昔 焉 後世之學 子 稱 於 之 似 游 之 莊 謂 也 首 沖 喪 常 隱 之 子 書 \pm 百 寞 其 荆 知 見 南 其 盛 几 古

學力淺 言 儒 張 六 凡 藏 益 陳 見 之,始敂 以 也 在 老 往 老矣, 修然 之説 世 所 若 經之 君 竊 儒 百 聃 而 人 大率 家 藴 虚 于 爲 太史公先黄 爲 不 以 朝行。 意 真 短 不侔矣。 家,顧安知 之科,不敢上 博 反 何能 因 爲 去國,留 其 似 ,必不 不 以 探 大 相 前 説 不 雖 爲 真人,又自 莊 坐 與 敢 能 此 聞 荒 未 惠 生之深旨,得二公之遺意 進 商 言。 輕 合矣。」 未 之不 其 方欲 老 敢 唐 然 ? 議。 権 此 有 耽 謬 而 以 以 之。 乎? 與六經比 發 君 可 時 玩 悠者 爲 其 後 耐 嘉定改元 日 此 稱 欲 方以才名入道 奉 此書,且 六經、《六家要旨 盡 書示 其言浩博,未 後 旅 其 祕 從 余 皆 得 得 列 進 者。 道 容 雖 余,始 其 諸家 推引以 送 以 術 服 此實蒙 言 説 始 有 客 求 而 膺二公之 所著 於後 以 然 發 得 而 識 又 而 爲 自 Ш 通 易 獨 莊 明 以 西 而 與 别 册 之 乎 究 深 語 皆 以 世 盡 留 蜀 知

> 余將 興 君其 於 府, 祖 顔 澹然不 廣 勉 再 面 旃 掛 漢 則 衣冠,歸 進 其 見 人 也 進 所 其 不 得 喜, 一已,尚 所 老 及其 養 田 可 里 可 去 知 以 無復 矣。 也, 寄我 亦 再 萬 無 也 見 里 幾 之日 相 君名 微 望 見

攻處先生文集卷第七十三

知

大參范公不苟於薦士,太

師謂之二

難是

官品,休論異姓之王。」丞相

極

一稱之。

以

是

魏

惠

憲

Ē

鎮宣

城

過郡

宫宫

教

爲

教官

作樂

間

語

,有云:「天上風姿,咸仰吾君之子;人

攻媿先生文集卷第七十四

題跋

跋

史太師答范

多政:

薦

崔宫教帖

賢之福 用,不遺餘 太師 也。 魏 力, 郡 乾 王聞 道 此 間 其 真 人一善則 派 帖。 相 魏 盛 文 節 大 志之,隨 H 公守吴門, 有後,薦 時 薦

四明樓鑰大防

跋趙忠定公家書

掖 辭 詔 以 帥 李公巘 甲子,既成翊 渥,特寘樞府。 知孝宗,擢登從 自 ,改樞密使。 御史之有言,又列 全 直學士院,主上猶在北内,忽蒙 蜀 弗俞,尋知 派 相 所 知 忠定公魁 草 貢舉 麻 戴 上,皆本 制 之功 至八月二十八日 列,又留 樞 引故實 已 密 多 行,三命 拜 高 院 朝 士 宗聖 事。 力辭,至于五六,重 以 天族 右 登 遺 丞 一訓以 紹 光宗。 館 之所 相 而 僂, 熙 殿 某 侍 爲 未 Ŧī. 翰 終 宣 時 年 有 林 據。 兩 經 押 以 遂 學 七 朝 帷 月 受 御 西 牢 士 眷 而

世矣。 矣。 之喪,紫微哭之甚哀,人琴俱亡,未幾 鮮 紫微先生舉某自代,遂出門下。 知 者 紫微兼内外制,文擅一 ,故表其警聯 可 以 知 時,宫教之文 鼎 味云。 亦 宫 下 教

四

媿 先生 文 集

籌 此 君 實 大 詔 察 未 輿 啚 府 筆 K 其 繁 乎 綍 . L. 望 任 : 帷 何 俾 篤 之 趙 言, 壽 俾踐 其 水 留 敢 某宗姓 誠 朕 居 意 逮 皇 某 早 遂 不 子 徑 宰 惟 咨 間 台 我 以 擢 以 敢 有 路 不 符 委 其 作 相 少 屢 不 貢 之賢 興, 膠 · 控 股 切 師 機 得 書 具 者 直 何 肱 厥 避 可 併 載 衡 卓 偉 觀 之 循 功 莫 除 賢 屢 草 寄 墻 文 然 尤 維 П 右 敷 佐 肆 兩 之過 忠 殿 大。」 況 時 派 朕 心 麻 殊 擢 度 實 大 承 相 之 腹 繼 咈 勤 越 又云 居 宸 0 學 宜 之言 太 眷 承 致 宥 拘 翰 士 派 詞 E 9 懷, 府 相 詳 今 厥 反 判 體 臣 9 制 密 荷 尤 汗 密 太 萬 建 政 壽 功 哌 辜 贊 E 得 機 爲 皇 有 如 **令** 康 而 頒

> 子 府 派 過 蓋 寺 相 具 初 之進 仕 載 派 不 數 以 E 敢 端 用 語 家 辯 本 真 問 也 末 示 口 雲 大略 比 某 以 漢 歲 爲 敢 之 可 不 世 章, 詳 攷矣。 知 範 書之。 者 至 云 以 一今寶 公之長 某 若 爲 藏 其 褒 戒 子 然 稱 從 太 則 太

跋 白 樂 天 集 目 録

今。」 其 今 時 日 者。 中 面 在 自 佳 旬 歡 若 静 如 \pm 也 香 旬 Ш 情 使 文 谷 . Ш 爾 有 日 當 其 公 由 居 周 輕 風 去 集 時 貶 士 公 終 紗 閒 心 所 身 之 中 恐 夕 安 寄 詩 便 懼 凉 幅 時 不 今 + 死 0 流 巾 處 知 既 愛 小 言 妙 順 亦 之 詩 不 短 絶 日 生 香 簟 者 如 造 如 真 六尺 Ш 王 衆 昔 理 時 . 莽 詩 僞 9 齊 後 亦 皆 床 老 有 謙 也 物 當 有 香 色 恭 誰 輕 履 未 無 不 日 此 知 Ш 詩 之 特 篡 客 如 F

政

令之未

乎

,復多

水

旱

之

間

作

是

圖

賢

佐

中

止

既

幸

輿

望

殊

咈

眷

懷

又云:

矧

今

以

贊

繁

機

越

彼

拘

孿

不

膠

者

卓

矣

置

于

左

右

亦

職

有

利

哉

非

爲

朕

私

其

遂

我

相

求

以以

成此

書云。

手

編

目

録,寄吴門使

君

李公諫

議

録

寄之。

李德邵

璜

有《白

氏

年譜

高

勝

而

口

輕

之

乎

?

余平

日

佩

子

房

爾

則

能

此

非

吾

所

宜。」立

論

自

謂

相

遇

遲。」「:

終

雜

霸

者道

徒

千文?」其

所見

超

詣

如

此

留

. 侯

0

敢訾之者

~, ~

四

皓

廟詩》云

.

聞

於老君。

若

道

老

君

是

知

者,緣

得

難

言

一之祕。

 \wedge

道

>,</br>

《德》二

經

讀老子》詩

云

:

「言者

不

知

知

者

來

漸

喜

無人聽

琴意

高

低心

多

而

詩

爲

屠

龍

才,

獨

詩

亦

多

有有

曰

自

彈

不

及

聽

患

嬰

疾

苦

而

其

訶

意

愈

益

平.

澹

曠

達

有

古

所

不

易到

後

來

不

口

及

者

未

容

人彈」, 「子房 自知」,皆有自 世 稱 之在 默 服 併 至 何 悉數 又曰 得 所 帝 此 其 此 尚當 自 以 沛公, 尊 妙 者 漢 ,尤爲 著 語 所 無無 處 師 尚 訪 聞 五. 近 吾 琴 游 深 子既 乎?」 作 不 攜 巢 能 跋 友 之伎,故好之者 人 能 大編 少 林景 以 又登三 切痛之,讀 日 舉子業。 或謂 0 長,名曰 詩自適,終窮 . 唐 爲之太息 訪 思、竹 文猶 人 老 吾之病 惟 余, 以 益 Ш 窮 詩 且死, 口 卷 求 廢 陸 隱 書 然後 復 以 名 寡 忘 徐 績文,而尤篤 放 , 語 病 古,字式之。 發 家 淵 語 翁 0 而 矣, 工,笠澤 無 身 不及它, 者 之門。 黄 子方 子皆丹丘 不 以 詩 而子 衆, 余 巖 悔。 答其 於 戴 雖 在 近 M 甚 稱 号東 詩 與 君 甚 時 襁 意 詩 意於古律。 或 幼 玉 世 雖 名 棟 I 褓 文 益 告 谿 士 反 知 異 字 皐叟,不 中。 詩 夫 人 進 以 生是已 好 敏 好

遂

無

傳

1249

語

親

肯

詩

能

窮

之,

而

既

從

之

日

雪

遺

言

如

此

語 之 顧 何 日 足 子 爲 軒 惟 輊 能 邪 古 窮 則 詩 愈 高 矣。 余

跋汪季路所藏書帖

唐僖宗賜憘實勑書

憘 憘 黄 必 韻 王 墓 頗 書 實 實 建 松 非 詳 與 爲 子 姓 永 又言 施 唐 喜 猝 謂 氏 黔 平 著 於偏 末 同, 中 袁 蓋 四 南 徧 勑 猶 氏 裨者 節 年 外 閲 書 它未之見。 偏 爾 | 唐 本 度 書 史 裨 讀 可 得 張 檮 辟 也 之使 史》及《編 觀 治 之古 琳 杌 爲 0 平. 始 **>** 余觀 推 + 文 人 中 末 墓 鄧校書名世《古今 官 安 悽 卷 張 有 中 JoT 勑 年 王 惻 唐 云: 載 書 通 疑 君 英次 憘 委論 前 即 載 時 世 字字 後 大 多 功自 ×, 憘 臣 惟 蜀 詳 順 不 實 跋 工 事 初 集 著 之 號 語 於 0

邪 昭宗 惡未 閒 年。 州 歲 收 以 次 之言 書 書 姓 和 起,至廣平元年庚子遂入長安,帝幸興 而 幸鳳 ? \equiv 宫 年 後 憘 未 不 年 氏 几 之勑 實 果, 月 闕 月 改 就 者 若大順 止 有 書 其詳 元中 E ,始還京師 平 蓋 誅 書 此 辯 是 翔 殆 爲 京 僖 擒 + 氏 證 不可 斯 書 爲 則 今增 和 · 区 五 黔 師 宗 其 乃昭宗之次年庚 \forall 僖宗 中 昭宗 時 Œ 乾符 日 南 在 得而 巢 遂幸 黨 言 引《檮 也 尚 節 鳳 人。 ,改元光啓 遁 並 中 雖嘗 二年 度, 越 翔 不 知,僅 去。 皆 蜀 和 四 詔 在 逃 書 乃 机》之説 至 之 年 播 之未 巴 謀 三年 所 月 竄」及「已收 知 夏, 大 勑 越 蜀一, 得 幸 謂 王 姓 幸 順 無 二書, 巢既 黄 蜀 戌,欲以 癸卯,李克 憘 元 初 疑 是 君 石門, 又 惡 且. 而 始 巢大盗 \pm 在 遽以 有 誅 未 名 E 知 贵 辟 建 蜀 誅 宫 實 其 此 Z 爲 張 中 迎 幸 幾 雖 元 闕 也 姓 始 爲 用 元 中 琳 和 駕 華 五 E H 姓

杌 尚 又 它 有 一件 書 待 鄧 未 於 校 必 博 書 無 之不 洽 之, 之 及見 士 顧 淺 此 王 炳 書 君 老 也 偶 懶 未 未 考 能 檮 詳

東坡嘯軒詩

字》注 代 緣 重 文》:「音石 所 名 碩 謂 不能 大儒 鼠」从頁 鼦 唐 之「 易 走 云 捂 皆 本 鼠 窮 鼠 不 . . 鼦 又 木, 晋 以 能 Ŧi. 五 石 五. 始 日 鼠 掛 先 爲 技 能 技 深 技 聲, 人。」 貪 > 而 從 游 之九 六六 鼠 疑 鼠 而 窮 不 鼠 大也,故曰 之。 也 也 技 畏 是 能 0 0 四 楊 石 人 鼠 真 度 引《本 能 考 聲。 之 晉 倞 螻 也 谷 許 飛 鼠 所 蛄 如 叔 不 若 草 能 下 注 鼦 陸 也 能 重 **×** 穴 然《 又 乃 大 鼠 德 過 《荀 不 説 出 鼠 有 明 詩 屋 螻 能 於 文 也。 雖 云 学之 蛄 叔 釋 能 掩 解 近

> 身,惟 作 嘗 蠅 彌 不 傾 謂 必 能 得之。 待 明《 終 聽 試 蚯 歌 夕 費 蚓 久 其 石鼎 此 不 之,篝 亦誤 嘆 叫 唱 Ŧi. 物 能 暑月 ò , , 歌 技 聯 於 成 嘯 似 皆 句 火 淺 曲 丽 余 軒 亦 發 然。 W 土 後、土 云 既 未 土 一穿穴, 詩 得六 成 土 知 云 果 曲 中 時 中 爲 螻 技之説 於 有 百 螻 蛄 食 或 聲 蚯 蛄 蟲 作 也 土 若 取 蚓 名 而 嘗 蚓 於 竅 度 長 能 徇 坡 哦 路 無 曲 微 於 以 俗 翁 者 腸 窮 作 夏 穴 邪 詞 處 俗 夜 掩 蒼 ? 亦 翰

付官奴樂毅論

水 或 半 玉 云 Ш 作 梅 余 集》 軸 聖 見 此 排 俞 中 作 有 刻 疏 多 疏 江 有 矣, 鄰 云 最 幾 未 奇 邀 有 羲 小 觀 如 楷 獻 此 墨 樂 館 之 跡 毅 書 精 論 畫 明 卷 詩 永

蹟 和 邪 題 尾 付 官 奴。 豈. 承 平 時 此 論 猶 有 真

淳化本脩禊序

篇 詳 其 用 本 藏 最 無 豢龍 刷 亦 ,自言董氏有三百本, 以 太 佳 余嘗 董氏 重 此 者。 毫之差,而 一,遂 爲 淳化中本最 後 \equiv 一二《襖序》,近 引 多 本 而 名 中 伸 此 土 第 之爾 長 題 半 勝。 故 跋 一寸許, 取其尤者三, 少 歲 尤 脯 得 寶 董 田 當是裝潢 畢 之。 君 跋 秀 其 少 與 實 此 後 董 者 此 大 V 甚 所

邵康節觀物篇

天之説。戴九履一,左三右七,二四爲肩,《易》之傳尚矣,至本朝而後有先天、後

坤 餘 卦 以 各 震 乾 故《説 以三 日 水 卦》云: 坤八,乾自南而左,巽自 兑以七居西,艮 六 成言乎艮。」 离,致役 火不 此 相 東 八 以藏之」,曰「乾健也,坤順也,震動 以 如 一,兑二,离三,震 、爲足。 北 烜 所 惟 二者爲先天、後天之辨,竊嘗攷之《 居東 對,此先天之說,伏羲之《易》也。 卦》云: 「帝出 之, 謂 相 而 万天 乎 巽 射。」蓋乾 巽 艮以 雷 坤,説言乎兑,戰 西 坎以 地定位 此 乎震」之序合於今人之説。 以 以 |南, 兑 後天之説,文王之《易》 止 動 帝 以 四 之,風 之, 兑以 出 八 居 居 Ŀ 東南 Ш 乎 居 四,巽五 東 北 而 震 東 澤 南 坤 以 坤 西 而 北 乾 散 通 説 下 南 齊 以二 艮 之,乾 之,雨 氣, 乎乾, 勞乎坎, 乎 而 ,坎六,艮 离 以 离 西 右。 巽 以 雷 北 六 居 左 相 以 九 居 以 風 而 西 故《説 也,異 潤 居 君 坎 相 西 南 掛 見乎 也 右 薄 南 北 説 其 各 儒

天之説 火,艮 手 然 爲 州 見 衣 天 長 腹 离 扣 叔 乾 出 、震爲 其 余 坤 ,兑爲口」。 也 似 得之,傳 男長女,坎、离 其 太 奏 康 爲 全。 始 雉 府 事 傳《 爲 爲 馬 坎 節 在 艮 進《經 也,顧未 派, 坤 地, 陷 《皇マ Ш 足、巽爲 親 永 後 爲狗 兑 也 於希夷 筆 同 極 嘉 震 爲 後 丞 官爲 世》之説。 得 4 外 又乾 离 經世》之 爲澤。 爲 有《 八詳考 , 兑爲羊」, 曰 今 震 爲 府 股,坎爲 麗 雷 光天、 寮,始 見 觀 絫 中,艮、兑 蜀 稱 也 爾。 爲 巽 此 物 終《 傳 父, 龍 書於王 艮 爲 卷 士 篇 方圓 得 至 先天千 阜陵大喜其 説 止 吕 風 耳 坤 巽 \approx 悚 蜀 康 也 坎坎 澤父凝之以 卦》之篇 稱 隔 爲 乾 爲 然 离 本 木 節 母 圖 兑 鷄 眼 少 爲 爲 起 全 載 爲 叔 而 坎坎 於 説 大 敬 帙 震、 後 絶 水 目 柟 首 又 薛 書 也 皆 學,麻 盛 坤 爲 巽 始 因 离 乾 艮 象 云 而 行 豕 留 先 爲 爲 閬 先 爲 爲 知 得 不 爲

> 之理 歎 不 盡 象, 於 探 板 仰 此 能 索 在 本 四 是矣。 通 以 加 失 無 象生 ^ 還 損 窮 真 繫 出 毫 爲 罄 辭 康 八 明 使伏羲、文王、 末 多 其 卦」, 》所 節 之德 於 謏 之學 然 謂 此 聞 明 猶 9 類 書 太 雖 道 恨 不 之,以 萬 極 先 不 不 如 物 生 易 生所 見 周公、孔子復生 是 之 兩 窺 俟知者 其 何 情 儀 測 謂 全 哉? 以 兩 要 也 倍 皆 順 儀 法, 熟 性 生 不 命 復 出 啚 几

温公奏藁

欲 名 或 盡 前 春 秋 總 平 不 》,所 章 衆 加 軍 職 以 或 重 以 尊 重 盗 字 尚 事 大 贵 止 兀 權 老 預 其 阚 也 大 力 事 不 彼 近 + 足 亦 歲 以 不 條 竊 得 足 平章之 此 以 知 申

●「一」上,殿本有「加」字。

獻,豈可當此位耶?此,蓋有教之者。嗚呼! 非文潞公、吕正

歐公與劉原甫帖

命邪? 鄭 至 之,作《班超》詩 知 知 相 T 厚,西 青州 甘陳不足攀。 又膠 揚 有 玉 道,不知 門關 州 西 公是先生望 西 、公是 歐 齋 齋 帖 陽 擾 蓋 東 作《董 公所 閣 擾 平. 然 詩 諸 時 云 欲 何 終不 不 臨 爲 侯 群 賓 事 仲 無 賦平 等 賢 誰 時, 眼唇 班 能 少 舒 棄 0 聚 超 望 》詩 挽 之。 山堂之詞 會 後 而 投 頭 矣。 之還 之地 又 云 不容於朝 髮 筆 爲 帥 白 起 歐 問 朝, 歐歐 行間 長 江 公 却 公 也。 安, 思 都 贵 與 氏 孫 傅 之 非 至 生 才 移 出 派

韓魏王與歐公帖

翰墨 更相 公!」今觀 欽服, 又其 歐公嘗曰: 餘 此帖, 宜 事 平同 也 魏 累百 心 王之推 輔 」歐陽: 政 以以 尊 其何 歐 致 公又 慶曆之盛 敢望它韓 如此。

東坡與秦太虚帖

坡公愛淮海如子弟,喜黄岡如鄉曲,殆

前緣邪?

跋

黄子

邁

所藏

Щ

谷乙

酉

家

乘

卷, 諦玩 頃 歲 不 見 已 張 因 志 略 溥 效 庇 其 家 筆 藏 意手録之。 Ш 谷 雜 記 兹 小小 見

生卒 崇 先 待 然 記 此 伸 足 所 天 子 人塔記 者 謂 快。」 生 足 制 自 寧 デ 邁 ·於季 元 於 適 所 務 青 卷 宜 死 外 觀 **>** 臨 **^** 末 Ш 觀 更斥 祐 秋之 家 此 嘗言 生之際乃如 ^ 沾 諸 白 所記 Z 而 乘》止 濕 雲,江 書信然 歸 宜 西 公多已南 晦 清 之。 日 家 人誰能堪 涼 四年 用 先 相 乘 湖之水湛 嗚 事 生 去 ×, 欣 此 ·, 豈 八月二十八 呼 臨 一才月 歸 典 然 1 9 刑 終 世 復 自 之? 而 餘 時 具 言 然」, 以 有 建 先 耳。 存 范 爲 遷 中 生乃 暑 先 寥 平. 寧 謪 靖 中 爲 日 信 三山 生 復 或 日 之 以 得 録 方 歎 中 有 未 圃 以 雨 訪 陸 先 翛 承 雜 ? 有 不 至

跋朱晦菴書中庸

部 郎 出 乾 守 道 末 年 嘗 侍 余客 坐, 授 論 東 訓 嘉 詁 貮 音 卿 韻 曾 數 公以 端 公公 吏

> 公正 乎 公, 問之,謹思之,明辯之,力行之,五者不可 皆 緩 星。 公乃文清公之次子,文清 口 ? 0 以 其 以 家學有自來矣。 偏 晦 兹非 色日 爲 戒之哉 庵 有 然。 則 先 . 所緩。」至哉言乎 所 必 示 生書 謂 余 有 大 然。 博學者 所 此 H 蔽 以 ^ . ^ 中 告學者 耐 中 乎 此 庸 況 及 庸》 ?」余爲之悚 皆學 **>** 見元 以 所 一,而 之言, 謂 力 學者試思之, 者 城 行 博學之, 又 之 日 爲 昭 龜 細 可 如 Ш 也 闕 諸 廢 H

跋費校書被召省**劄**肅。與陳簡齋同被召,不出。

求 士 事 其 皆 力 志 惜 費 尚 不 校 此 可 爲 書 機 知 之不 恢 者 復 力 謂 計 赴 既 其 特 不 爲 遽 可 招 高 以 以 而 和 竊 已 回 議 聞 自 之 大 屈 是 遂 肥 忠 時 遯 人 義 之 情

跋胡澹菴和學官八詩

海 照 也 爲 某 某 得 始 憸 救 短 屈 死),於是: 策 就 箋 煙 映 之奏聞 北 遠 承 地 投謝 恭 瘴 卷 還 試 益 置 澹 也 之 誤 新 高宗 菴 窮 時 南 始 謙 坐主 孝宗 狀 先 先 先 州 犯 經學,又 省 風 磬 得 生 生 諒 泰 旨 拜 生 又 折 先 初 一處之泰然 以 衣 其 陵 一或報 復 贊 先 相 政 生 冠 忠 舊 音 八以昌 移 生 其 與 書 以 諱 甚 吉陽, 吐 或 下 決 擢 擠 再 觸 秘 偉 洪 不 風 吏部 其 遂 之,而 徙 知 秦 書 暢 雖 報 詩 舉 爲 如 蓋 氏 叨 少 遭 長 郎 略 惟 見 威 末 内 秦 監 又下石焉 身 摧 紹 竄 古 不 先 武 第 氏 相 爲 隆 興 辱 霜 昭 生 見 洪 簽 人。 必 參詳 興 更 州 鬣 報 公方 欲致 久 略 蓋 化 改 章 時 諸 神 優 居 不 官 元 始 爲 之 甚 乃 群 以 嶺 采 恩 欲 賢

其長 煃 湖 及 詩 率 益 涌 第,先生首言舞陽 奇 中。 條 生之門 寵 相 古 武 童 次 公爲 多 季 泉 ,爲言 與 南 猶 筆 子 子 先 韻 最 唱 今見 良 憲 永 以 文,益 科 三子 隧 某 遂 季 生 以 後 怬 厚 江 力 尤 學省 碑 樊 識 多 之 酬 永 未聞 西 愈 切 伯圜 言 某 武 又 用 細 四 游 漕、 見 勁 年 世 在 諭 諱 也 感 八 大 其 先 英特 至 七 樞 仲 中 雖 詩 事 服 以 生 篇 次 Τ. 抑 百 十 密 書 某 其 恨 寶 方 而 韻 蓋 遂 以 院 刻意 有 及魁紀,皆 嘗 之氣 其 頃 右 藏 是 俱 人 引 知 數 攝 四 編 預 蚤 既 科 時 以 人 + 澹 釁 詩 祭 又 修 試 没 登 魁 報 求 年 才 菴 篇 己 夏 酒 騒 至今凛 門, 選 仲 業 歸 遂 之, 逾 之德澤 而 載 滕 後 時 方二 未 踐 樊氏之先 自 六十,思若 又辱 然 仲 再 文 愈 於 也 得 生投 世 奮 子 則 登 先 等 然。 出 子 官 一,今爲 爲 許 於 此 進 季 而 前 生 數 燿 先 從 集 1 周 愈 輩 + 解

艾也 謹 併 書于卷尾云

跋 鄭 德 輿 歷代蒙 求

德 備 行。 史,或 其事 其 之。 或 相 相 賦 学中 輿 述 道 似 關 歷代 事 蓋自 别 家 屢 同 專 蒙求》始於李氏,後 童子易於 而 之書, 前 年 「秉燭」、「不諧」尤 用 見 鮮 著 由 \pm 鄭 成 蠟屐」、「好 和 小 知畏、忌二字出 述,此 伏 君 對。 戏、裴楷、鳴 韻。 説 羲 意 德 及 誦 以 輿 亦 如「忌鵬」、「 特其 有句 本 習、千古大 老 勤 至大宋,事 朝 財 不 矣, 賡者 故 廢 鶴 似若 非 爾 終不及李氏 事 書。 、士龍之類,多 有作者,終不 於 0 切 亦有 畏犧」,人 班 概 不 對 不 然 用李氏之體 左 求對 類 孟 比 如 傳 廣 則 堅《 指 之衆作 × 編 而 以 一,句以 諸 之 多 西 事 出到 + 事 掌 盛 取 及 漢 知 七 意 則 通

其 其 後 殆 且 最 優 將 乎 使 諸 孫誦 其子 洽 濙 鋟 板 以 傳,

?

爲

跋 黄 長 睿 東觀餘論

帖 微 議 朝 再爲 事 所 也。 録 惟雲林之書爲 前賢所未發,後人所難 者,未 不苟 篤 董公逌皆鴻博之士,與之言 始自歐陽公《集古録 》至二千卷,考訂 詳 好。 及居館 以雲林之美才,又仕於洛 雲林子妙於考古,是書久行於世, 校 暇 惜 余觀此 而 也 閣,盡 寄之。 其 訛 盡 著作 書辯 善。」 舛 見太清 甚 王 尚 莊 析隱 多,每 順 工。 順 及。 子 》千卷,趙德父《金石 伯 伯 禮欲 樓 奥,上下 然 蓄 厚 修撰劉 欲 所 猶 古 之當言 多多 ,自以 得 手 藏 未 刻 善 寫 異 見 千古, 公壽、紫 最 免差誤, 本傳後 爲不 故家 書。 以 富 傳 余尤 本 論 及 名 皆 好 時

公同 碑 也 又 額 體 籀 裴 尚 非 自 極 知 遇 人 方 何 璇 移 縮 與與 公紀德 言 書 有 事 所 承 乃《 題 王 故 據 王 而 疑 長 平 加 \Box 其 揚 明 猶 粲 大 用 小 焉 之 . 碧落 林 辭 州 則 鼎 令《 其字 之, 碣 見 重 精 考 爲「易」,「 皆 題 此 畫 則 彝 書」, 此 如 w 審 静 既 書 校 唐 碑》中「 河 易 中 古 ,雲林 日 米 全 息 而 人 字。」 宜 往 . 器 南 決 悪 自 襄 取 雲 筆 帖 無 王 古 無 具 系 乃 注 陽 唐」字 林 誤 豪 氏 **>** 可 悪 事 見 駅 踈 顧 李 礜 疑 云 謂 以 髮 所 迹 謂 略 制 能 不 陽 李 石 之 劉 爲 藏 作 辩 精 知 先 冰 陽冰 州二、「 斯 事 恨 表 系 謂 子 又 揚 其 確 欵 正 ·, 篆 書 須 在 不 敬 謂歐 字 矣。 識 以 皆 異 孰 素 及 荆 書 帖 始未 明 謂 《紀 畫 殊 之 取 苑 讀 好《碧落 細 州 太極 **>** 然 舊 無 州 不 公考校 云 其 \equiv **>** 德 讀之, 彊 時 謂 之 謂 刺 知 字, 半。 碣 記 太 考 殿 未 曹 代 嘗 何 史 史

之題 與 爲「寂 易 部 從 帖 引《 以 榜 又引: 古 七 用 IF. 可 百 Ē 笑 年之前 0 其 帖 + 草 云 尝云 之,不特 玉 顔 之。 點 , 杜 飾 也 有 也 然《選》 與 得 氏 非 雲林 畫 椽 之類 牧之詩 四 、之俱 家 爲 是 魚 鍾 ^ 不 頭 似 稱 王 聞 非 訓 似 壽 詩 尚 敢 化。 王 難 如《 世 見 是。 於 **>** 按 竹 止 衆 云 所 自 以 以 將 浮 寡 書 ^ 孟 謂 四 . 説 謂 來 於 如 此 此 以 表 陋 生 翰 + 子》之言 詳 多 文 詩 文 既 * | | | 是 璇 9 世 隱 長 心 盡 以 從 爲 爲 解 益 顔 中 題 而 勿 之 顧 意 更 焉 證 小 字 之 頓 精 知 勿 納 書 好之, 爲 行 學 考 推 俟 榱 博 翰 乏 行 此 ^ 蔗 筆 而 隱 古 博 謂 勿 月 如 跋 在 多 題 帖 W 作 雲林 勿」, 雅 不 著 此 右 牧 古 稱 以 艸 非 者 自 書 之 君 之。 軍 人 勿 亦 , 最 子 之 H 雲林 略 耽 知 余 在 數 詩 勿 乃 題 之 相 爲 其 年 不 俗 蔗 0 扁 玩 中 ψ + 謂

跋揚州伯父耕織圖

之盛 躬 以 兵 世 民 於民、太王 至 爲天下之本。 桑」、「載績 穡之艱 文》之配 授 間 於 耕 法 不 百 |衣 | 與 第三。 飢 耤 姓 ,周公《無逸》之書, 周 勤 之心 難 家 之 高宗皇帝 不 天,后 勞 寒, 以 夫「 勤 一之于 百 至《 農 而 爲 爲 又 而 天 ^ 無 稷 事 伯 心,未 孟 兼 七月》之 疆 百 身 子 衣 以 開 父 櫛 子》 畝 女工 于 $\dot{\equiv}$ 濟 時 來 國 無 風 之 理 皇它務 推、皇 備 大 世 , , 爲 沐 褐 田 以 而 業 陳 切切 守 生民》之尊祖 臨 陳 R 言之。 何 其 王 安 致 墻下之桑,言 王 紹 后 下 備 然欲 道 業。 以 文、 於 業 開 親 之始 知 卒 則 潛 務 蠶 中 是知 武、 公 民 歲 君 令,篤 農 興, 遂 又 劉 由 瘼 子 成 之 首 出 農 之 ·, 爲 於 知 詔 尤 之 條 言 厚 思 意 X 萬 黎 桑 稼 康

獎,宣 長 農 者 鳴 以 及 莊 績 臣 事 朝 口 民 司 _ + _ 耕 其大 事 ,宗黨被賜 一之薦 詩 民者多矣。 實 沙, 後 廷 呼 事 桑之務 × 而 遣 刊 爲之 況 示 帥 歷 慨 基 事 賜 使 織 諸 略 後 萬 士 廣 念 於 惟 循 石 宫 乘 對之日 大 閩 圖 農 此 揚 不 曲 織 行 者 書 主 外於此, 夫 某 舶 圖 夫 盡 学自 孫洪 郡 麾 繫 乎 近 爲 蠶 飽 晚 使 姓 情 節 邑, ? 遂 以 Ŧi. 之 浴 婦 食 狀 而 名 深 漕 耕》 + 紀 Ŧi. 之 書 蠶 以 見 絫 煖 退 屏 以 等 湖 則 有 言 雖 作 以 自 課 丹, 朝 間 進 者 衣 閒 慮 餘 北 詩 四 至 古, 最 浸 其 呈 古 其 庶 載 斥 猶 方 剪 居 湖 聞 種 厚 初 E 究 久 以 章 俸 習 帛 有 官 所 即 韙 以 南 除 떼 傳 訪 撫 不 俗間 餘 凡二 至 蒙 至 時 行 尋 之。 章八 淮 湮 始 永 民 知 多 又 以 惠 在 玉 久云 没 東 最 末 耕 + 倉 爲 著 審 音 有 有 利 未 句 織 欲 之 幾 凡 義 聲 攝 嘉 近 不 几

1259

革 身。 从 以 其 於 恐 大 口 X 而 夫 以 壞 害 事 腹 世 玉 力 亦 吾 於 不 使 , 从 既 役 未 蠶 之農 盡 知 垂 盡 夫 必 壽 以 繅 成 此 如 盡 奪 而 字 織 夫, 體 知 其 此 又 天 圖 絍,女之勞 壽 塗 出出 實 時 桑 圖 時 之詳 足,農之 玉 隱 斯 遭 之 不 無 民 雨 所 可 汙 此 之 勞 而 字 不 必 吏 置 困 至 勞 非 葉 能 或 暴 苦, 矣 此 至 敢 不 早 述 器 胥 詩 口 憚 矣 潦 而 也 上之人 食 以 官 螟 誠 又 衣 而 肆 至 伯 蠶 螣 不 爲 必 粟 其 朝 父 尤 既 蔽 無 有 有 不 毒 諱 議 不 其 戀 有 兵 飽 補

跋先大父嵩嶽圖

舊 中 有《嵩 蓋 嵩 天下 高 Ш 維 之 圖 嶽 絶 》, 丹 境 峻 青 也 極 故 于 暗 天 父 爲 巍 揚 登 然 州 封 居 伯 宰 父 四 設 家 嶽 於 之 閒

符二 字 大父 子治 是 歲 遠 圖 謂 雲 子 或 Ш 居 不 兵 右 試 燬 某 遺 久 以 北 岫 元 先 > 政 碑 又 見 最酷 可, 以 生 年, 書 年 地 亦 堂 年 客 幼 細字 寄 於 七十 鄉鄉 陳 屏 下 有 不 時 參 者 少 閒 則 無 諸 以 有 知嘗 如 猶 人 欲 名 寥 考 有 室 碑 辛 己 雜 序 張 獲 及 漫 父 日 而 之, 四 集 E 爲 Ш 不 碑 文 誦 拱 致 刻 僅 嵩 書 矣,不 崇中 記 達 載 歲 乃 璧,真 之石 及 至 遠 之。 在 大 得 歲 磨 家 敬 也 詩 榷 翼 父《二 多 縣 今 生 藏 書之, 月 先是 面 能 場 仕 也 有 全 首 在 我家 知 曇 壁 詩 更 京 貿 知 倡 尾 集 其 + 潛 故 處 序 作 嘉定 西 易, 中 縣 和 凡 移 舊 建 爲 書 作 四 書 廬 注 伯 于 物 炎 峯 大 忽 字,使 焚 如 菴 云 元 年 潛 父 樂 也 中 父 見 其 蕩 符 年 日 \forall 登 建 生 詩 即 石 兀 遺 上 某 庚 得 嵩 弟 惜 嵩 參 中 於 大 於 明 辰 後 父 靖 物 山 寥 元 於 其 遭 Ш 叨 左

而

爲

呼

!

峯

絶

攻 媳 先生文集卷第七 + 四

至

少

六

攻媿先生文集卷第七十五

四明樓鑰大防

跋

題

跋春秋繁露

程 林 本 先 舛 以以 誤 公跋語,亦以篇名爲 生序文。 至 繁露》 玉柸 爲 多 必 佳 恨 」等名與 始 無 得 書 而 它本 寫 凡 相 本 其 得 去 可 於 四 書 殊 疑 校。 里 本 不 不 中 相 遠。 又以《通 E 皆 關 呕 有 而 後 又 傳 得 高 竊 典》、 而 見 京 祖 疑 讀 尚 師 正 之, 議 書 竹 印

口

强

通

者。

 \wedge

春

秋

會

解

 \forall

書

年

者 果 總目》 不 書 庠,考證頗備 君 義 景憲多收異書,屬其子弟訪之,始得此 余老矣,猶欲得 名《演繁露》,行於世。 其名謂 書,今書皆無之,遂 太平 仲方 有 非 通 可 中, 言。 者 八十二篇,是萍 及 御 也 則 必 兩 榘 覽 歐 知 類 以 存 宰 × 然 陽文 程 小 校 萍 止於三十七篇,終不合《崇文 公所見者未 太平 説 印 鄉,得 凡程公所引三書之言,皆在 忠公所藏 家。 本 轉 善本,聞婺女潘 寰 寫 以 鄉 各 後 羅 宇 相 爲 開 本 取 自 氏 記 訛 非 禧 猶 所 爲 廣,遂 八 蘭堂本,刻 董 》所引《 三年, 未及其半 又古 長 +== 氏 編 悉 本 謂 語 同 今編 篇之數。 繁 書 加 記 爲 年 亦 露》之 改定, 也,喜 雜 之 有 小 修胡 叔 H. 事 不 度 説 縣

傳》猶 經學 之説 第 皆 刑 見 無 陽,陽爲 策 朝 叔 舒 王,三者天、地、人也,而參通 其 中言天之仁 疑 具 之類,今皆 廷 四 重 余 專門 求 有 + 在 所 潛 在 未 且 竊 「古之造文者 雨 嗚 大 四 後 集, 心 其 德,陰 行於世 謂 篇 余又 漢 閉諸陽 議 呼 者 大 文 0 惟 中。 和 甚 仲 業 詞 使 在 據 爲 帝 衆 愛人君 方 一,仲 漢 亦 其 使者 人之 総総 非 其餘 《説 時, 刑 摭 非 獨 承 書 禮 舒之言《春秋 故 其 後 諸 文 秦敝, 及 今所 中。 仲 對 ; = 傳 不 引 解 世 陰,其 9 廷 王 舒 日 中 行 字 畫 所 天道之大 繁 者 引 則 尉 以 對 旁求 ***** 能 而 對 「仁人者,正 其 任 張 在《王道通三》 露 純 止 之者王 \pm 越 到 策 連 爲 德 湯 儒 字 雨 以》多用 儒 十三條 也 其 爲 仲 就 下 教 反 稱 雅 古 者 其 也 中 引 舒 一之問 而 是 士 在 。」。上許 謂 今 人 公羊 家 董 左 所 不 9 第 但 以 問 氏 任 之 仲 其 著 陰 今 9

《唐鑑》 它乎? 所 有 以 誼 公刻之, 三篇闕焉。 類 \Box 一,它本皆無之。 春秋》者也。 成 未見 以訂 非 不 敗 謀 不 || 爲 之, 爲 相 其得 其 由 而 是皆 輕 庶 謂 更俟 其 利 與 惟《 重 幾 余記 道 校 此意之純 真 也。 焉 自揚 明 讎 來 玉 而 得 其 其後 勝 哲。 前 ,將寄江 杯 褒 潘 吾 子 道 後 **∀** 貶 夫子 ,雲猶 不 氏 仲 增增 者 不 評 本 如 竹 方得 多 計 右漕臺 論 在 由 之 林 有 楚 凡 其 惟 近 其 心 愧 此,尤以 四 莊 功 世 道 法, 於 \pm 是之從,不 十二篇, 篇之 一長兄 惟范太 而 一》篇爲: 斯 蓋 又 敗 名 況 有 祕 爲 深 未 史 此 前 第 閣 其 於 而

0 秋會 有皇 而 有 義》。 一祐間 小注 年 云:「案是書未詳孰 進 士 | 所集 杜 諤 集 《繁露 厂原 》諸書 撰。 爲 空格。 考晁 斷 以己 公武 殿 本 《讀 書志 此 句

跋宋宣獻公書李公垂詩編

掇禍 生厲 夫。 書、皆親自傳 難 參以惡札,如 寺,見李公詩 公德度如此,思讎 之偉如此,人品真可 求石刻於寺,補 書之,可謂兩 由夫好競者爲之也。牛、李二黨更相摩軋數 高 及 公垂 字亦 階 也 李公垂詩編自號《追昔游 《大雅》曰 ,至今爲梗?」詩· 短小精悍,才氣絕人,其自言治 去 宣 其 獻 録 碔 碑,今在 絶。 春 П, 父名息,不 砆 百 . 太 乾道七年 除言。 列於璠璵 尤 明三世 君子 明 與文饒相上下。 見 編 以以 中,而 真 人之意,謂 實維,秉 宣獻 以 此得名位 迹 惟 嘗 中,益歎前輩之 博洽稱 不 》,宋宣 有闕 宿 於本字缺 字 疑。 剡 心 畫精 文。 JII 厲 無 一,亦以 有 如 階 惜乎二 之龍宫 獻公手 競 妙, 此 之 以 呕 筆, 生 爲 此 等 誰 行 也 而

> 十年, 而 唐益 以 衰 可可 不戒哉

跋 周氏棣華編

失其 矣。 其樂至 孺 未甚詳。 義 具而無它,則和樂 妻奴」,1 如瑟琴。 豆,飲酒之飫」,特一時之適耳。 ,此真 高 本義 故又曰 矣。 歐 陽 於 情 所謂 兄 此 且 公於 深哉! 也。 弟 詩 : 得公之言,詩意始明 如 湛 人 天倫 方以兄弟爲急, 燕 妻子人合也,苟 不 此 兄弟之詩, 不至於「 詩人之旨也。 間 也,如 則可 猶 於昆弟之言,而 湛 以「宜 酒 其 且孺 之湛,其 既 發 爾 翕 而 不 能 前 家室,樂 毛 耐 猶 如 使兄弟 好 無 樂 儐 孺 末 鄭 友 合, 間 家 尤 慕 爾 生之 章 二氏 肥 爾 之 既 深 猶 簿 猶 則

0 奴」,殿本及《詩經》作「孥」。

Ŧi.

八

樂事 季 周 庠 矣。 不 道 痛 幸 氏 又 來 兒 因以 至 其 也 見,以《棣華 無 是究 爲 亡 有 餘 Ħ. 之 余伯 矣 藴 興 勉 是 流 感 乎 其 矣。 圖 願 涕 歎 後 仲 ! 終惠 不 九 亶 集 前 人, : 》求詩 足, 人,僅 歲 其 之。」 始 毋隳 武 然 併 乎 寧 與 兄 存 ,許之已 書 此 二而 周 吾 弟 其 古 意 氏 兄 後 四 無 詩 昆 同 以保其 篇 故 之 備 久。 仲 致 天 終, 義 嘗 俱 此 以 今其 手 下 兄 自 家 遺 足 之 E 弟

跋 林 氏 所 藏 趙 清 獻 公父子詩

爲 蕩 仕 游 盛 昊 明 清 頃 事 越 年 歲 獻 間榮之。 次 客 萱 公以 子 堂 授之初, 景仁 林 元 先 豐 至今廨 倅 生 登 永 隱 堂 年 嘉 居 宇 慕 春 從 樂 想 有 加 道 公游 嘗 戲 太 綵 子 與 録 堂 天 少 公 台 保 父 猶 唱 子 致 鴈 以

> 凛 定 神 和 然,俱 之篇 道 交寒士 碑 攷 兹從 之, 敬 萱 堂 IE. 堂 仰 以 堂 哉 布 年 一之元 衣 庚 與大臣 申 孫 歲 晉 也 獲 爲 寮友 見 清 真 獻 高 蹟 父 子 以 風

跋 八 陣 啚

口

而

併 仲 蓋 詳。 清 王 及 君 乾 馬 刻 薛 方 其 叔 道 蔡 嘉定 焉 隆 八 婦 士 末 曉 四 且 贊 陣 翁 隆 年 以 俾 家之書 自 \equiv 武 \pm 9 示 要 訪 客 景 余 侯 年 桓 略 而 求 授 之陳 於 温 醇 陳 遺 編 悉 東 建 方 君 是 逸 修 以 嘉 言 安 帥 原 又 始 胡 授 之後 蔡 夔 於先 以 始 見 余 仲 之, 門 季 薛 聞 遂 武 方 裒 無 通 天 將 氏 其 取 侯 榘 能 元 六 説 以 所 前 之 所 示 究 定 + 復 傳 於 遺 藏 後 余 其 著 ^ 寄 衆 毗 几 意 薛 握 説 論 夔 卦 説 陵 篇 陳 機 者 之 帥 寄 尤 王 中

陵 樂 以 方 當問 其 啚 不 有 井 而 興 余 田 其 乎 爲 日 實 ? 苟 . 則 道 蓋 井 部 以 且 田 深 之 日 周 遺 知 . 禮 井田 法 諸 **>** 也 葛 兵 之制 亮 制 ^ 不 文 何 也。 死 中 在 ? 子 禮 毗

兵於農 坐 對 作 日 進 退 在《 比 之説 間 夏 族 官 黨 且 非 爲 日 兵 伍 : 制 爲 此 什 也 0 但 即 對 畋 其 獵 日 制 閱 也 寓

+ 人 四 人 習 熟 即 此 公 法 卿 也 皆 可 祭 爲 祀 將 燕 帥 饗 用 猶 此 以 道 爲 用 也

外

致

非

如

後

世

别

有

兵

法

八佾之

舞

毗

陵

日

:

固

然

當

知

古

人

法

制

素

明

中

考之,韓信 法 制 既 隳 知 連 兵 百 者 萬 猶 之 得 衆 遺 戰 意。」 必 余因 勝 攻 其言 必 取 而

以 自 謂 + 多 多 八 益 騎 分 辦 四 者 隊 此 而 也 F 項 尚 羽 能 敗 披 亡 靡 之 漢 後 軍

意 亦 用之, 此 也 孤軍 晉 之馬 深 人,略 隆 以 無 小 後 繼 將 音 自 薦 問問 既 武 絶 帝 傾 而

> 此 但言 捷 0 奏 其 忽 後之任 聞 用 偏 則 將 箱 E 帥 車 斬 者 樹 可 今 機 不 乃 能 知 知 而 此 其 平 哉 深 涼 於 州 八 矣 陳 0 如 史

六〇

跋山谷奇崛帖

助 詞 後 吾作字 Ш 有云: 谷 ,故尤 草 書 E 奇 釣 藍 崛 魚 寺 燕 船 上 堂 謝 夜 半 郎 鬼 之

物, 乃 吾 得以 儕 生晚, 夜 半 助 恨 奇 不 崛 識 之筆 Щ 谷。 此 鬼 E 正 藍 自 何 不 等 凡 鬼

劉資政游縣學留題❶

資政靖文劉公以大魁發身,高宗擢至

■「劉」上,殿本有「跋」字

趙

頗

聞

之,

不

勝

究

心

大舉

凡

所

頗

擾

多指

言

其

經

略

中

原

H

爲

日

0

縣

學

大

成

殿

建

於

至

和

聞

其

居

官

殊

有

口

紀

校

文

汪

出

表

弟之子

之彊

力

學

X

嘗

自

以

好

論

公嘉 拜公, 著, 權 龍 閑 公 元 讖 學士 若 圖 非 恐 恢 時 而 名 尚 0 游 良 廢 П 不 是。 懼 復 事 次 親 不 而 位 書 紹 有 翰 中 致 足 之計 年 9 聞 見 但 公處 相 且 不 興 石 其 或譖 乙 丑 此 先 赫 介 年 似 謂 知 + 而 事 晚 界内 皆 趙 菴 赫 之 高 諱 使 有 調 鋭 益 於 前 孝 公公 之名。 趙 名 彦 泊 求 漢 避 兵 受知 几 上 宗 則 古 端 祠 公 節 武 退 然 年 遂 造 時 少 盛 有 記 始 帝 兼 甲 不 魁 於 不 笑 朝 卿 \pm 蓋 歲 有 時 終。 聞 有 孝 天 侍 至 公 陛 諸 彦 尊 其 爾 廷 在 之 此 讀 F 也 方 端 老 + 大 人 郡 5 甲 與 千 笏 安, 漕 誅 決 其 兄 或 感 敢 公 從 但 解 日 年 他 聞 移南 笑? 科 弟學于 容 臺 者多矣。 初 不容言。 滅 謀 亦 無之」,未 可 問問 公之 不 也 何 作 竣 以 頹 欲 日 Щ 疑 知 曰 圮 事 尉 若 興 . 撤 郡 某 端 爲 . 役。」 兹 己 E 來 議 而 某 止 庠 四 推 又 士 倪 甚 邑 必 見 聞 而 新 論 年 者 歎 是 明 此

+

六,

時

侍

先

太

師

仕

柯

Ш

1267

端

以

見

獻

納

之有

益

於

貴

德之懿

也

子

大大

水

去

其

鋭

石

景

出

狀

皆

以

此

爲

奇

固

窮

力學

、以以

致

膴

仕

不

知

年

頗

聞

鄉

之

名

公始

末

9

朋

周

公操

陳

可

以

深

悟

聖

一意

也

帝

前

動

用

後

以

資

政

殿

黄

公中

徐

除

禮

部

侍

郎

乾

道

Ŧi.

年

起

之

深

沈

醇

厚

盛

德

侍

從

賢

德

日

寂

然。

久

乃

知

劉

公夜

對

卿

監

中

有

人

笑

朕

所

爲

者

徐

對

日

0

聖

主

一所

爲

安

不

同

則

恐

有

之。

E

意

頓

議

論

不

同

耳

0

趙

公

聞

此

倉

猝

中

出

言

之盡

善

若

止

某生

晚

不

及

此

志

甚

嘉

方

勉

使

成

又

之,

翕

然

響

應

動

有

緡

錢

數

齋

館

X

甚

焉

幸

士

民

之

相

書 艾 法官。 平日 爲 之 公之子 已 爲 其 此 E 于言 公道 平素 家 也。 講 矣。 可 侍 謙 得 堂 聞 之衡 ? 其 所 之。 壁間 退 今諸 」,旨哉 亦 劉 以 目 是宜 不 故 公 自 宰 求 孫 嫌 Ш 以 布 知 斯言 勉 龍 跋 爲 勉 於 刻之堅 111 之 衣 泉 於 太詳 所 守 後 雖 時 者 縣 某。 學 爲 以 秀 9 寡 大 有 然則 珉 未 教 也 倅,公之餘 聲 取 鄉 足誇 人 而 此 以 後 之大 飲 尖石之讖 而 壁 頃 某 詔 酒 前 讀 壞 先公守 爲 所 後 方 禮 焉 不 御 以 來。 師 之 復存 慶 史 不 友 概 益 贵 成 括 殆 臺 公以 能 之 知 見 蒼 未 足 益 檢 自 於 公 訪 嘗

跋袁光禄與東坡同官事迹

多 延 致 慶 鄉 曆 詔 里之有 郡 或 7 文學行誼者爲之師 學, 而 置 教官 者 才 數 我 處 高

試 公亶、 最 夜》。 詩 事 倅 爲 成,不 祖 更三 解 知 可 有《 名公皆 日 × . 博 想 杭 于 額 爲 IE. 韻 可 時之盛 六人, 聖賦 坡書《 州 議 洽 膾 開 而 應有 袁 如 坡 類 炙 在 先 封 知 謂 試 東 次 公轂 題 正 生 别 席 也 博矣。」又從 龍 試 微 妨 坡 選 羅 韻 名 教授 乘 下 韈 爲 泉 爲 里 于 善百 試 於 舒 抑 羅 事 公而 人 薦 郡 譙 何 時 詩 于 以《 來」, 四 是 嘗 小。」公 卷, 公適 氏 守 樓 ,丹丘 明, 時 聞 舜琴歌 作 留 名。」於是舒 0 後 而 相 而 坡 ^ 赴 日 秋 前 槎閣記 __ 風 學 袁之 ,三人皆 謝 則 得 夕 鄉 增之,前輩之不 賦 後 賴 月 其 芎椒 歡 舉 録 H 南 之 平. 著 之。 甚 賓 者 + 謂 數 風 年 \forall 分 述 一,有《 主之閒 在 才百 + 公 》,袁以《 試 餘 子 破 介亭 傳 元 先 魁 白 于 年 日 學 於 迓 祐 生 之 爲《 選, 項 餘 鄉 業 世 謂 唱 風 新 五. 詞 倦 除 者 易 時 流 實 袁 年 坡 和 啓 既 舒

時

覺

名

鄉

變

吏部

知

九

江.

槱

以

特

科

有

孫

字

質

甫

好

古

篤

學,

教

子

有

聞

干

見公作守時 者,至不言坡之姓字。 公之墓。 公之遺文。 之下 韻别 名公,而 古今類 如 此 之,讀 必必 自 + 崇寧中 尚 書 有 事 詩 少 書 第 者 多 賦 學 石 豐公稷 重疊 隨字 題 賦 0 刻 故 方 模 蓋 ?徑取 諱 某 最 又必 以 類 亦 隨 Ì 遺 重 書 IE 題 其 侍 蘇 有 韻 必 議之高弟 括 選 家 氏 索 雜 類》之書 須 此 但 蒼 爲 而 分 言 於 外 名。 獲 門, 惟 郡 罕 爲 每 誌 況 齋 此 雖 竊 見 守 射 時 方 爲 見 興 亦 向 異 云。 爲

於學

書以

多出

以

爲

公編

纂

精

確

諸

經

注

疏

搜

括

無

遺

蜀

有

書

目

策,有 有啓云 丞。 殆未艾也。 亦 同 坡 以 變之子 之論 所 機 特 深 、雲慷 科 . 知 進 肅 是 談 羅 故 慨 笑 其 公 甫 意

之

風

9

父子

談

經

無飲

名

動

兀

海

號

稱

蘇

0

與

公

適

相

先

後

因

附

亦

爲

杭

之

貢

車

與

坡

百

風

雲,

咳

唾

珠

玉

弟

兄

子

治

與

肅

俱

收

世

科,

其

孫

字

叔

平,

又

有

名

書 陳 止 齋 所 作 張 忠 甫 墓 銘 後

意 情。 游。 久 小 子之 有 勁 嘗 忠甫 乾 所 語 從 道 日 聞 實 我 . 七 居 所 必 城 年, 如 性 樂聞 詰 南 流 直 客 其 也 言 相 授 始 以 意 見 東 末 某 此 如 嘉 而 執 日 終三 平 是 友 獲 生 Œ 或 年 從 朋 歡 之, 不 往 友 能 時 道 略 學 來 堪 賢 喪 校 如 無 已 不 1: 隱 中

公所

爲

銘

謂

某

書

于

後

大

誦

所

聞

併

書

网

家

子

弟

衰門

既

幸

未

墜

而

公之

後

儒

風

H

公之五

世

孫

槱

録

公

與

東

坡

同

官

事

迹

及

豐

閒

其

實

反

成

猥

釀

殊

失

本

意

世

鮮

知

者

林

爲

該

博

. 1È

取《白

氏

六

帖》

散

於此

乏

年,凡 雅言 于 假 無 拜 雖 何 州 獨 非 日 遇 以 熟 全 守, 也 貧 取 春 1,於是 不 復 書, 而 又自言 始 其 則 或 秋》未易 其 仕 不 而 所 忌 以 公已亡。 而 持 願 一,曰:「今之仕皆非 躬 則 校定大字刻之,實爲 相 志 禮 禄 履 舊 論 引 銘求 節 與 之。 窺 也。」問 與 不 緇 讀《 具 測 其 口 黄 在 書丹。 貮 又二十 書》 ~ 友 類 而 〈詩》、《 卿 其説 謝 自 此 薦 與《 曾公逮 古以 君 在 · 曰 感 Ŧī. 詩 黔 後 書》、 天 念 年, + 古之道,是 爲 **%** 講 之 善 ·疇昔 時 始 習 五 靈 難 執 當 ^ 本 以 儀 年 皆 禮 讀 嘉 至 謂 吏 禮 一,夫子 併 定 **参**易 叨 則 嘗 部 古 而 問 書 冒 以 DL 朝 典 所 公 雖

跋唐林夫父子帖

唐質肅公盛名,士大夫户知之。少時

宰 則 縣 及 書 見《唐 稱 自 工 又 謫 其 其 部 知 必必 實 有 知 少 Ŧi. 陵《劒 知 父翰 羊 尚 有 識 I 林 能 氏 移 樞 别 書 書 夫 林 訪 風 林 汪 密 不 墨 可 夫之名 器 監 求 憲記 侍讀學士彦 季路 院 池 知 待 遺 太 行 惠 迹 贊 × 和 **>** Ш 其 父子筆 及 叔 揚 ^ 以 鹽 谷後爲令,嘗 哀 之 舅 鄭 東 增 云 酒 江 君 次 也 坡 益 税 が 頭 墨 子 寅 守 之。 季 以 遂 \cong 宰 杭 相 路 聞 林夫 帖, 取 吉之太 詩 照 州 好 其 所 映,後 爲 併 贈 古 與 博 嘗 藏 之 家 使 林 有 雅 自 林 賦 問 夫 刻 和 有 來 諫 夫 今 詩 等 詩 鄭 當 所 院 能

跋六逸圖

酒 酒 巾 畢 孫 卓 登 邊 甕下 長 韶 嘯 書 眠 馬 融 阮 卧 乎 吹 蠟 笛 屐 金 陶 貂 潛 换 漉 絶倒 於此 其 馬 已,童子 氣 始知今世所畫陶 加 , 始出 有 融 爲 見淵 滄浪 竹 雅 頃 陶 在 谿 忽 龍 潛 明,又 真 高 李白 放 回 眠 蹟 邊 炳如家,見案上有《六逸圖》,意 諸 樂 韶、 、孔巢父諸賢,閱之乃孫 在館 「豈針灸圖邪?」●坐 以 人意匠 則 六字目之,尤爲可 阮 暢 狀 中 孚、畢卓。 其 一、未必 見唐人爲太白 達 遠 韻,李則 真 逸 也 此 蘇子美書 0 卷 寶。 客 極 展 寫 絶 玩 其 爲 登、 照, 似, 之 未 俊 余

跋吉日圖

證之。 未版 悉率左右 行,本各不同,故 此 前 置 有壯 古 以以 1矣,意: 士驅 燕 天子」之意。 其 群 出 滄 醜 於 浪 而 唐 前 録 人。 以 舊 然御者當 文 待王 是 而 時 以 射 今 六 居 得 本 經

御者或在左,或在右,殊未曉也。中以執轡,主將居左,必擇勇者爲右。

此畫

跋史文惠公帖

焕, 得高 公爲 孝宗,上殿改秩 効。 羅公,是生三子,長字公權,爲 以恩科得 少負俊才,紹興 始得官。 官雖不達 卿《 家藏太師 司 四 明 業,陳 春 太師史文惠 沈 一尉,食祠 秋》卷,真之首選,聲名籍 氏累世爲儒,某幼 而 公少 所作博 + 有盛名。 爲 四 南 紹 年 禄以終。 爲 羅 興 王 初 博 挽詩及薦尉公於梁 篤 簽 尉有子燠,力學未 開 士 布衣之交,薦之 判 太學 皆 鄉 簽判 年猶 時 極 次字高 人 ,侍郎 天 師 及 有 甚。 下 表, 識 子 選 卿 竟 高 日 晚 博

■「灸」,原作「炙」,據殿本改。

遺 有 派 風 以 相 平. 得 帖 ? 此 足 也 撫 以 卷 見 前 太 輩 歎 師 日 谨 垂 遠 情 書 寒 後 其 士 來 後 者 而 V 歸 以 可 不 知 勉 尉 之 紹

跋 范 丞 相 江 西 唱 和 卷

日 班 見 諛 己 之夫,獲聞 一,遂俱 物 : 成 傳 行 奏 二公姓 方 知 風 惟 狀。 高 偶 贵 爲 徽宗 人已 襄 平公相 叨 真第二 應 公之第四子孝 名。 陽一 内 名 公平生 墮 相 想望 第 亟令索 范、吴 業 李 州 甲 往 且 丞 之 縣 一尤著。 首。 風 别 欲 詳 相 中 采 之, 興 ? 公既 此 歸 士 見 隆 _ 美 Ш 何 暨 初 劉 於 公 棟 中 卷 以 公 得 赴 臚 直 王 年 實 進 讀 考 官 廷試 日 傳 大 言。 爲 始 書 官 讀 : 盡 參 時 某 踰 侍 未 嘉 如 時 京 瞻 何 甲 妻 冠 7 暇 歎 方 之 公 丞 科 師 叔 等 求 對 相 出 姑 再 佞 所 不

> 識 名 席 唱 進 歲 目 異 如 問 舊 爲 Z 也 科 聞 高 此 日 將 宗 于 何 時 不 應 軍 後 朝 嫌 伸 陛 焉 尤 遲。」 名 壯 楯 用 加 劉公名寧 相 士 何 免 歎 然公竟 0 眉 知 冠 賞 兹 亦 爲 得 更 贈 歎 止 ? 敬 自 向 以 咨 觀 此 Ш 詩 高 詩 横 中 風 曰 天 篇 翔 讀 己 子 遺 書 側 方 漢 去, 諛 將 廷 敢 功 前 初 臣

跋 米 元 暉 着 色 Щ

爲 形 矣。 胸 即 更 勝 9 解 次 口 元 絶 嗣 Ш 移 向 暉 晚 超 Ш 仝、 高 薌 陪 專 林 水遠 然 帝 貌 李 向 有 故 所 江 成 日 題 清 物 南 皆 筆 家 元 閒 也 Ш 端 世 居 暉 水 雲 名 道 横 筆 後 起 士 筆 自 軸 人多作贗 力 風 今 今 成 休 多 K 狂 朝 論 大 家。 筆 扛 Ш 早 可 本, 落 鼎 謂 爲 此 喬 仙 嶽 去 卷 曲 Ш 神 鄉 之 尤 盡 此

跋

王

都

尉

湘

鄉

/]\

景

楊 叔 禹 所 藏 東 坡 帖

矣,既 坡公猶 處 耶 ? 退復 以 疏、 名 淵 來 位 明 過 求 洎 分日 去 文 未 太 負 得 師 憂 其 尤 責, 有感 退 吾 曹豈 於斯言。 也。 容 老 安

休 佳 謀 官 府 年 排 也。 再 出 嘗 致 句 惟 官 不 也 汲直,在 守婺女, 書此卷。 ,楊渾父爲檢院 紹 如此等帖 人言作文當. 見恍 熙四 謂 萬里之别, 如 復 年 唐 來。 隔 叔禹 又明 -, 余以 無黨 可 世 如 以 而 送 年,當慶 作家書,長公家書即 弔 余 左 坡 叔 只 ,其子叔 以 喪問 一史攝 帖 香 自 禹 詩,有云:「 <u>П</u> 廢 八 召 疾而 軸 還 退 元改元,余自 詞 禹 雖 掖 復 十三年, 登 由 廢之乎 得 不 爲 學館 甲 敢當 披閲 爲 殿 科 漢 又已 試 册 實 寑 天 文 明 編

荒

開

之野

雖

嘗

大

謫

居

而

見之,

几

時

草

木

小

》,著身富貴,不

以

平

陽

池

館

爲

戀

而

樂

群

飛

,皆有生意

胸

次可

想而

知。

浩

然金陵《

離

亭燕》詞:「多少六朝興

八廢事

盡

漁

樵

閑

話

曲

盡

其

妙。

今又見《

湘

鄉

鴛

鷺

同

飛

蓋

者

又有

詩

云「夢

人

平

陽

舊

池

公偉

人

悉

在

焉

淮

海

詞

所

謂

憶

昔西

池

會,

尤

勝

頃

見《雅

集

圖

》,坡、谷、張、

秦

時

鉅

或

家

盛時,禁臠多得名賢,而

召日

卿

風

流

館

花

猊

口

吐

清

寒」,皆爲

此

也

嘗

畫

孫

跋

一六七

1273

念疇昔,遂書卷末云。

又跋東坡三笑圖贊

帝元 H. 三年丁 静 嶽 陶、 元嘉 而 之亡亦二十餘 遠公卒於晉義熙之十二年丙辰,年八十三。 而 云 脩 吴筠 獨笑》 同 ,少遠公三十一歲,卒于元嘉之四年丁 ,舉世信之。 陸、遠 時 末 徽 静年七十 坡 所 始來 未。 書《三笑圖贊》不 Ŧi. 一編,乃以爲不然,謂 撰《簡 余曾 公事,陳 年 廬 遠之亡,修静 丙辰,去遠公之亡正一甲子。 年 Ш 有二,推而上之,生於義熙之 因 寂 有宗室彦通字叔達,作《 矣。 其言 ,遠之亡已三十餘年 陸君碑》,修静卒於宋明 賢 淵明生於晉興寧之乙 良 細考之,《十八賢 舜 言 才十歲, 況脩 俞 爲誰,山谷實 《廬 遠公不與 Ш 記 淵 静宋 傳》 廬 脩 以 亦 明

姑志之,以示好事者。 如。遠亡時淵明年已五十矣,固宜相從。

跋曾召南所藏先侍郎訓戒

字。 如趙清 《春秋》、《廣 觀休寧以語姜尉之言,可謂嚴矣。 罕有以「清」爲謚 云: 雖 清 每畏於人知 老泉之書有其 日 清。 未 憲則未免有議之者矣。 惟賀 及, 謚法尚矣,子孫孰 俯 弗 獻 惟 特 殖 琛之 公、豐清敏公,皆世 先臣, 夙 謚 貨 謚》、沈約、扈蒙諸 , 書乃 利 負米服 一,曰:「避遠 清 日 者。 孝」。 清 有 有 卓行。 其三,曰:「 勤,孝實 嘗求之周 不欲顯其先世? 臨官 頃 葛文康公之父官 見文 不義 潔 飲 一所歸 書,皆 由 IE 冰 康 公之法及 於天禀。」 弗 日 曰清。」有 自 重,若趙 謝 至曾文 邇 無 清。」蘇 勵 表 聲色 清 清 有

是所以振家聲者哉! 思所以振家聲者哉! 思所以振家聲者哉! 思所以振家聲者哉!

攻處先生文集卷第七十五

攻媿先生文集

攻媿先生文集卷第七十六

四明樓鑰大防

題跋

跋、欲書

行成跋 《集韻》,二十陌有「欲」字,與「劇 先 字或作『欲』。 而 欲』名,蓋示其倦游,不晞 釋者亦云:『倦欲,疲憊也。』先生之書以 生,有書 蜀隆州 云:《方言》曰 有山名跨鼇,郡人李公新 編,名《欲 故司馬相 書》。 『谼,倦 如云:『窮極倦欲。』 時 用 觀 物 也。」 也。」余考之 一同音,注引 先 生張 號跨鼇 Ţ 度謂

> 此。俗書與「山谷」之「谷」無别。「虱」己逆 欲,亭名,在上谷。禮,謨官切。」《説文解字》:· 《方言》「倦也」。 切,持也,象手也。《集韻》云「隸變爲『丸』」, 虐切,口上阿也,从口,上象其理,郤、給皆从 故不以靖康之嫌名爲避。「劔」从「舎」,亦極 無「欲」而有「級」。 是亭名,别 之「丸」,則是欽宗廟諱 書足以相亂。「欲」从「山谷」之「谷」,「彈丸」 則「倦」,跨鼇之意不過 「執」、「孰」等之「丸」,「恐」、「筑」之「凡」,皆當 上林賦》曰「徼欲受詘」,曰 一級,極虐切,●相踦級也。」二字若不類,而俗 無 義 可 然則此書之名音從「劇」,義 取。 《集韻》: 此爾。 嫌名第三十六字,止 跨鼇卒於宣和之末, 「欲,胡官切。禮 窮極 然《説文解字》 倦欲 司馬 」,俱 相 如

> > 1276

鍇《通 欲之意耳。 極 相 音 多用奇字,已在選中,正 見之,以俟好古者。 不應取踦劔之義,正用《方言》、《上林賦》倦 司 以 虐 蹄 劇 角 爲犯 切 釋》亦引《上 」,倦欲,疲憊也。 聲 ,徼要極而受屈 廟 亦相 品品 諱 嫌 近,疑即飙字也。 名而罷之,過矣。 雖若辭費,詳考及 一林賦 癸未 也。 》像 而《説文》「劔」字,徐 用「倦 申 欲 極受屈 同 」竭戟切、「劔 年 錫 跨鼇之書 一,謂 此 赴 ,而有 宏詞) 因併 以 力

跋 藲 書

反。」徐鍇《通釋》曰:「承天之時,因地之利,著書名曰《極書》,以八起數。或問「極」字何義,余攷《説文解字》「二」字部「亟」字注:「敏養」。」(一)。 大地也。 去更亲,一)。 大地也。 去更,一个一个

跋汪季路所藏書畫

東坡西山詩

揣 歲 次韻 鄧 公 西 裔 Ш 附 詩 孫 見于後 碑 以 止 前 有 輩 坡、谷、張右史三篇,近 和 時 篇 在 數 翰 + 苑 首相 仍効周益公 示 輒 不

意,气至切。」《集 書。其下又加「木」,則未之見也,當考。 既擬《太玄》、《潛虚》以 文,而又於入聲二十四 吏」乃本音也 才,故用之。亦務用奇字,故又加「廾」。 謀之,手執之,時 了,要當从去聲爲正 韻》於去聲七「志」正引上 乎 韻》爲據,惟 時 「職」出此字: 爲書,謂此字實備 不可失,疾 復别 呵 也 見它 一去

院 用 一公俱曾用 猶 印 用 章。 承 蓋 平. 此 南 時 也 渡 舊 來 印 官 鑄 府印 於 景 多 德二年 更 鑄 惟 翰 鄧 林

顔魯公書裴將軍詩

不疑。 實若 既言 忠肝 日 矣。」初不指名爲何人,而後世皆以 ,真可畏而 虚 義 劒舞,疑 魯公集中 此書不見姓名,其劍拔弩張之勢,非 ,犯而不校,昔者吾友嘗從事 膽 不 能 仰 爲裴 木 哉 爲 見 此。 旻。 此 詩, 所謂 曾子言 裴 將 言 軍 言如嚴 ·: 不 有若 知 爲顔 爲 霜烈 於斯 無 誰

温公倚几銘

文正公自「不妄語」推之,亹亹千餘言

以大過人者無他,善推其所爲而已耳。一出於正,是以輔成元祐之治。古之人所

蔡端明吐谷渾曲

愈好 一絶。 吐 谷 渾 此 而大字 西 柳 河 海 東《鐃 亦足 曲 也。 歌 名世。 皷 忠 吹曲》第十 惠公字,人言 瑰詞 妙墨 篇李 靖 叮 愈 稱 小 滅

富韓公帖

在當 李待 拜。 云 「宰相 時 制 自文 或 猶 初 師 Ш 中 襲前代之舊,士夫隔 忠公爲 事 一嶽,然 書 ,體都 詞 謙 被 相, 尊 趙 富 而 濟 一切 鄭公壞了。」兹觀 光,尤 敢 罷之。 摇之,而 增 品 致 歎 潞 敬 師 仰 則端 公 中 嘗 亦 與

趙德父帖

字形 家《師 周 據 絲 子 此 ,與 前 卷 公祭文王之器無疑。 亦人名。」此謂仲忽以 謂 聲假借,魯 趙 薛尚 此銘合,當以『絲』爲正。 春書》宋之世次,曰『景公総』者,昭 宋公無名「絲」者, 德父爲《金石録》二千卷,最 功謂 乃《説文》「魯」字。 公者,周公始封爲 考古之難 爲魯 而黄長 公器 周 睿 如此哉! 絲 魯公,爲 稱 謂 者 古之文 女及 精 無 鑑 所 溦 汲 公

范寬雪景

削 窮 范 絲 髮 寬 畫 而 亦 行 可 筆 模, 堅 勁 見 鐵 真 者 屋 輒 石 能 人,無能 辨 之。 及 刻

攻

媿先生文集卷第七十

者。非其天性甚寬,亦不能爲此也

燕 文 貴❶

是耶? 家數, 者,因 昭 畫 應 Ш 小,不 宫之役,偶 圖 補 丽 畫 圖 布 專 畫 見 置 院祗 師 聞 一精 法 誌》 畫 工,别 候,實 自 Ш 載 水 立 燕 有 爲 文貴 家 精 幅 品品 種 規 本 範 風 隸 有 此 氣 尺籍 告 卷 預 贵 不 都 玉 其 清 知

跋王逸老飲中八仙歌

逸 少作行書, 朱 巖 壑跋 逸老 逸 老 爲 草 草字。 書 ^ 蘭 外 亭 人 襖 那 序 得 知

●「貴」下,殿本有「畫卷」二字。

有

書之。」子

野

吴

興

人,名先,而

此

云

追

薦

以「袒」爲

「但」,以「轉」

爲

褥」,以「薩」

爲

薛」之類,是終不欲書篆法之所無也

亡父張三先生」,

何

耶

?

更當詳考。

其

閒

堂 當 矣。 興 稱 爲 午歲,自言年七十 六歲,嘉定 生於丁巳,後公 本 稱 監鎮 道 家 十一二年閒 也。 改「从九从日」字 感今念昔,爲之惘然。 有 如 柳軒豈 羔羊居 ,與之還往 許。 風 味 四 寓 年 亦 猶 士 居 逸 六十一 辛 其 乃 烏 老 未 有 ,舊亦得其《 及 家 其 爲 戍 以 始 Ŧi. 識 耶? 自 草 ,是時先太 見此 年。 「顛」,蓋 其 則 號 聖擅名, 人。 知生於丙辰 聖采 某隨侍 書 方識 八僊歌 此卷 長 則 公時 史素 爲 師 其 亦七 時 書 所 岐 爲 才 于 於 當 或 名 居 有 之 此 Ŧi. 紹 此 公 公 Ŧi. 庚

跋張謙中篆金剛經

獻公帖 頗 詳。 謙 中 此 一之篆 表 蓋 其 自 忠觀 真 成 蹟 碑 也。 家, 額 口 近 然 用張 當 坡 公 跋 子野 有 復 與 之孫 趙 編 清

跋李晉明所藏書畫

文與可竹

坡公 欲 李陽冰云: 向 一亦曾 人 笑」字 而笑者,妙處 用 竹竹 从 其 説 竹 得 从 風 湖 可 其 夭, 得 州 體 而 而 兩 夭 字 窺 枝 屈 書 哉 開 如 不 卷 人之笑。」 述 閲,真 其 義

與可老木

德 州 閒 如 老筆 。當以 愛其畫者乎?」 廉 义 博 坡 士: 出 公 宣 真 其 仲 筆 上 以 映 古 坡公有云 之,全無 木 墨 戲 精 得 采 名 孰 於 有 滋 愛 紹 見 其 湖 興

緒

餘

,是真不

可揜矣。

東坡漁父詞

問 稱 於江 至 兀 一檃括 濱者 真 子 其 何 生 詩 異 爲 篇 耶 魯 大 公客, 書之。 後 其 又 與 爲 屈 坡、 靈 均 谷 答 所

東坡獲鬼章告廟文

鬼章擾邊如唐之默啜,种誼之奇功似

世。」文 假 方 惠 郝 禁蘇 作《 寵 靈 筌, 有 安 人人多 氏 邦 南 第 學, , 制》有 未 稱 用 而 知 服之,蓋 能 當 文人之 云 保 時 . 爾 有 亦 傑 出 Ш 詞 惟 坡 如 111 臣 恃 忠 如 公之遺 土 我 惠 此 田 朝 公 否。 廷 傳 亦 意 爵 祚 祖 翟 其 時 永 忠

跋宇文廷臣所藏吴彩鸞玉篇鈔

耳。 謂 所 事 H. 不 而 之鈔 藏《玉 敢 ,疑其不然。 書之耶? 辯其爲陸法 以 必 始余讀《 今 其 篇 竊 玉 鈔 謂 日 篇 文 抑彩鸞 如 言言《 미 則 近 簫 ^ 驗之果然。 辦,然 北 於 切 又 傳 以意 堂 過 韻 汪 **>**,言 之,是 季路 書 亦 取 鈔 吴彩 奇矣,爲之賦 兹見樞密宇文公 之耶 尚 \forall 不 尤 之 書家 鸞 知 可 類 ? 書《 舊 寶 9 見 蓋 有 有 世 之, 唐 節 此 口 詩 韻 雖 既 鈔 文 用

之字 覽觀。 殊精 氏三 輒 墨書,字之次序亦不與今合,皆不可致詰 居如今本,皆以朱字别之,而三字五 書前歲所與 丽 ,豈亦彩鸞之苗 娘寫」,問之越 今玉 略去,有 篇 汪氏詩跋于左, 庶來者 》惟越本最善,末 非 日 裔 用之字 人, 耶 ? 無 前 能 反 知 題 取之。 者。 字止 會 稽 得 楷 法 吴 以 以 部

跋所書卞公祠堂記

將登 第 生慕、 + 戴 爲 年 時 鼎 之立 受忠簡深知,實門下士 矣。 于 立。 東 卞公之節 晉 石 祠, 忠簡公爲之作記 忠簡 記 死節之士, 卞公爲 成 某 之子 義 爲 而忠獻趨召 恨 何 澥 不及登忠獻之門,叨 將漕 耐 敢 碑未及 江 與 最顯。 也。 忠肝義 左,俾 此 ? 兹乃幸得 建,今五 某書之, 忠獻 顧 膽,千 惟 末 平. 公

以惡札託名於不朽,故謹書之。

跋趙氏所藏大士

之筆 盡 有 可 馬 所長,尤可 此像,端 *, 梵相 諱 趙 君 棿,皆 所 則 行 供 寶 出 併 以 大士,聞 於 也。 作山 畫 司 得 馬 林 名 參 於 竹 議 石 此 紹 端 皆 軸得二名士各 興 行。 初。 廉 博 廉 余家亦 諱 宣 布, 仲

跋胡五峯論語指南

能發明「仁」之一字。子夏問仁,●夫子固嘗《論語》一書,自昔大儒不知幾人,未有

●「子夏」,殿本作「樊遲」。《論語•顔淵》:「樊遲問

之謂

仁」,它何望

焉

自

伊

洛

古之祕,洙泗言仁,深見本源。

答以

「愛人」矣。

韓

昌

黎《

原

道

》 首

 \Box

博

愛

公皆深於 ,則或者疑 》之本體 天下之説 勉哉 豪 兹讀 憂,蓋 也」,則 先生始 五峯之言。 了 恐 : 釐 人 也,烏 此 不 也 差 ※ 指 曰「有 焉 識 者 君 未 有 發 日 於 心 南 得 有 嗚 子 然 千 . 間 爲 書 中 年,又有《謁 故 也 晏元 亦 樂 術 知 正 跋 天章 始 派 又有《 俱 非 興 獎 通 全。 爲 諷 爲 甚 不平闕。 於 守 獻 范 IE 閣 通 南 樂全 也 深 南 河 公欲 文 全上范文正公 未嘗 守 謝 待 都。 蒲 Œ 中,樂全以 郡 制 青 范 樂 擇 雖 公 而 坂 仕 士 ,俱 州 恐 天 全 而 不 講 諷 會 於 章 是 林 范 集 雖 成 婚 曾 己 道 府 濰 薦 中 引 歸 天 爲 其 婚 爲 知 布 則 睢 亦 章 應 却 用 乎 文 天章 青 ,然皆文正 河中 衣寄此 陽 》等 制 馬 有《上北 北 正 州 無 則富文忠公,次 季長、 科》詩,在明 所 樂 海 詩 北 也。 然文正 0 知 全以 文正 書,自 海 二范 北 考之, 之 海 孔 又曰: 一所薦 知 文 范 海, 文 稱

呼!

此言旨哉

1

此

《論

語

天章

道

舉

事

南

郡

不仁,心無不仁,此

要約

處

不

可

是

復

明仁者之心,

日

本

無所惡

識

也。」一曰「能

惡

人

則

是當

好惡之時

胸

中元

未了

仁?

又「顔淵

問

仁」之下有日

心

於

爲

仁,則

日

如

此

V.

言

.

峯

斷

以

一言,方見二公猶

有差

處

卷, 樞

密黄公、察院沈

而

非二公相

與

講

貫,

亦

無

以

發

過

於

此

者

夫

子

以

學之不

講

爲

故《易》以

朋

友

講

習

爲

説

蓋

之憂未

有

甚

於此

者。

學者可不

在

明

道

俱

曾

乃

范

睦

濰

州

經

敘

南

都

文

則

受

知

具 於 爲 升 唐 中 宋 杭 蘇 而 女孫 列 北 爲 詩 天 宣 諷 州 晚 之,以 寶 獻 之 海 濰 及 IE 知 贵 郡 書 州 以 後 、蔡文忠 青 北 皆 天章 0 始 書成 俟 州 此 政 海 爲 得 知 郡 書 和 守 誳 此 不及 則 者 列 稱 始 青 職 皇 而 薦 己 北 社 Ŀ 以 作。 樂 此 朝 疾 又 青 一, 仍 海 書 以 全茂 甚 又 執 青 州 當 青 實 藏 蓋 政 樂 爲 州 北 材 在 於家 以 謂 之 全 齊 范 海 在 異 明 青 後 亦 郡 等,然 漢 縣 氏, 耶 道 州 知 E 置 屬 以 邠 而 也 通 北 軍 年 濰 乃 則 海 顯 鄧 傳 後 集 大 州 同

跋東坡備水帖

既 人 蓋 去 蘇 而 水 水至 民 少 去之後 公序 益 而 親 民 黄 不 請 此 樓 恐 增 帖 賦 築 水 言 ×, 徐 大 得 謂 城 至 旨 長 而 以 見 公之備 民不 役 木 堤 七 潰 捍 千 水 水 餘 水 有

> 彩 年 至 衝 照 戊 城 之 午 時 人 下 可, 也 帖 熙 寶 坡 寧 稱 也 時 t 年 月 年 四 + 七 月 日 河 則 筆 決 其 澶 雖 明 淵 未 年 老 元 九 月 而 精 水 元

跋李莊簡公與傅樵風帖

爲 劉 也。」 莊 招 既 將 前 並 晏 潰 此 家 馬 簡 殘 率 攻 卒 也。 近 李 廣 建 略 何 稍 兵救 城 德 於 公 炎 至 言 嘗 緩 時 五. 指 郊 兀 附 巡城 始 之,晏 年 爲 野 月 畫 賊 戚 厚 太守, ? 得 遂 攻 金 親 乃 爲 具,公以 韋 陵 待 戰 X 以 備 宣 潰 死 之以 無 人 寇 鐵 卒 州 第 兵 相 天 詔 扇 四 爲 可 鋒 顧 \equiv 障 遣 散 誅 恃 用 書 不 帖 統 面 日 傅 必 可 所 亟 三月 制 : 戚 當 加 矢 而 言 設 巨 射 與 賊 此 方略 師 箭 間 參政 其 戚 汝 副 劉 爲 副 我 IF. 馬

哭,既 仰 故 無 匕首 其 中 一公里 哉 將 落 使 詳 之, 人 觀 1 賊 枕 危 而 所 手 取 經 匣 用 報 機 略 。 一 日 中 與 K 命 忠 11 屢 潘 首 給 寬 義 與 矣。 賊 公其 事 矣。 相 家 則 遯 危 傅 勉 我 舊 人 壻 而 公手 公誓以 甚, 必 曾 約 城 也 風 死,汝 問 。嘗言公 果 日 全 節 帖 於 : 遣 凛然,皆 死 郡 老 則 人至 輩 城 守 人 校 所 勵 亦 不 當 至今 退 聞 俱 志 口 危 口 卒 益 自 必 如 時 家 畏 祠 而 信 保, 戕 此 事 慟 寘 而 得

跋吕東萊舍人所作趙鈐轄墓表

孫 東 於 晉 也 君 趙 ,爲之墓 卞氏之風。 ,子死於父,忠 侯 死 節 碑 九 甚 劉 江,三子相從 公嘗任 孝之道 東 萊 從 萃 紫 班 於 微 於 吕 派 難 門 公 相 有 父 殆 沆 文 之 有 死

> 某 然 宗 Ì 吴 書 跋 章 元 何 族 其 爲 真 興 語 孫 重 幸 蹟 吴 名 本 之父道 書 家 謂 一,乃得 遂 興 東 又 H. 欲 萊 吴 使 得 爲 勉 俾 州 碑 君 興 慕 以鄙 之 其 銘 亦 崇 書 表 _. 墓 併 自 今不 規 墓 日 録 札託 表 言 刻 先 表 本 V 復存 足 未 東 過 名於斯 以 以 H. 入石, 以 萊 某 墓 得 補 當當 之帖 傳 目 碑 先 東 不 爲 示 而 世 萊 朽 以 惠, 家 求 近 之 所 信 多故 之其 從 朱 遺 答 後 臨 簽 晦 侯 家 菴 慨 判 大 111

跋彭子壽甲寅奏藁并日録手澤

受内禪 公 間 賢 以 在 無 舊學受眷 列 紹 有 恭儉. 熙 敢 曾未 Ŧi. \exists 年 仁孝,中 發 幾 歲 最 其 時 渥 在 端 甲 而 忠 者 外 寅 權 憤 具孚,厲 七 臣 時 激 月 已 惟 發 甲 薓 吏 子 數 精 薓 部 其 圖 侍 孽 皇 女好 治 牙 郎 彭 其 初 群

公之 言 涕 化 幸 出 奏 呼 下 見 自 今日 之 皆 世 於 奏 至 此 藁 德 公論 初 驗 亦 九 再 補 子 及《日 業 原 竟 於 外 E 壽 與 爲 既 後 矣 五 미 林 不 可 皆 白 某 年 以 得 録》手 公 痛 而 E Ė 感感 欽 在 不 俱 П 公 見 也 倅 東 ·朽矣。 恩 召 念 尤 於隧 消 澤等見示,覽 臺 嘉 加 疇 公之子司 爲 遂 長 禾, 厚,公亦 昔 同 曲 列 自 碑 求 中 突 彌 此 不 病 跋 書 徙 分 聯 中 復 農 舍 其 薪 矣。 不 扶 之 寺 人 屢 之首 後 自 獨 憊 輒 È 書。 三人 林 公 悼 書 林公 爲 簿 不 公 其 此 之 及 繳 鳴 不 流 欽 更

跋 韓 熙 載 投 吴 狀

或 温 已專 ,天祐十六年始即 楊 政 行 矣。 密之 據 九 淮 年 南 温 吴王 始 進 傳 位 隆 渥 改唐 演 再 爲 傳 之天 吴 隆 E 演 祐 ௱ 爲 建 徐

鉢 裂之 父光 見 汙。 朱元 雖 矣。 史 禍 以 雖 相 武 詞 宿 可 挾 空, 傳 德 待 其 翰 及 義 垂 在 皆亡 要其論 禪 時, 戦 熙載 嗣 之 士 金 垂老,萬水千山 俱 江 而 元 子 乃 月 或 南 爲 陵 年。 變, 勝 南 在 四 知 南 自身歸 貫 文 縦 諸 後 制 奔。 誥 方豪 走 大 嗣 華 休之 議 唐 惜 横 書 又 朝 北 爲 和 主 擅 未 傳 之氣 順 乎 權 所 明 不 左 傑 走之 嘗 益 六 投 生不 宗 載 謂 至 此 僕 歸 而 時, 年, 忌 少 溥 不脱 孟 其 得得 所 司 Œ 之。 射 政 士: 屈 北 逢 空者 蜀 爲 殺 南 歲 煕 改 己 類 信 人, 辰 司 來。」亦 唐 在 載投吴之時 五. 煕 時 六 元 有 歸 假 空。 英 謚 多 甲 崎 載 詩云: 季 非 中 年 順 知 此 物 酖 以文靖。 午, 娄 嶇 方 原 誥 歲 義 温 等文 此 宋 也 之, 隱 多 茶之體 危 即 在 類 相 齊 立 拜 嵩 故 亂 知 丙 耶 遂 去 詞 延 温 丘 也 想 丘 誥 戌 中 名 瓶 賓 至 九 以 見 此 雖 左 賢 自 分 自 然 狀 其 亭 年 爲 懼 温 É 派 而

跋向薌林拘僞楚檄藳

僞 楚 臣 擾憂恐中, 夫 劾 其 所 時諸 聞 ? 名 能 奉昭 虚 使博 奇 無 博 建 及哉 陸 公之議 變, 有 人 君 陸 侯 其 臣 慈 主 聞 即 雖 既 表 禮 龍 垂 此 檄 有 立 中 天 簾 而 寧 合 驕 宣帝,威 事 之議 此 前 實謬懦 肥 復 慢之心,亦足以奪其 雖 舉 敢 拘 E 不行,朝 實 桀 其 璽綬 則 贵 權 中其機, 邪 家 其 益 ? 於 敢 人 重,而 廷 高宗。 想 可 望 封 其 肅 此豈 博 知 府 方 然 陸 嚴 庫 淺 之 敬 在 雖 向 延 氣 憚 以 惶 萬 出 公 年 丈

又薌林家規

薌林遺訓凛然如生,而三子俱賢,興國

氏 立 規 法 能 及 又 歎 有 石 公,保家之 之興 書 門 行 邵 規 諸 如學規 ,禮緣人情。 仰不已。 守素業,少 於規 此 最 倅 矩 孫 未艾 既 以 長 以 相 、贈之。 2,更惟 警其不 然師 矩之外 遵 慮 與 然嘗聞 也。 行 見其 結 尤 維持 與 約 蓋 爲 勉之,以全雍熙之軌 者,而 率者, 既 弟 比。 ,爲久遠之計。 深 不欲專 古之循吏有云: 以《薌 於前 子 長 臨 以 況 非 既 家 恃 道 武令君 林文集》求序引 以 貮 聞 此 乎 義 法 車 ? 於 以 相 臨 高 郡 爲 處 悉以見示, 臨 壽 民 士夫名家 庠 ,不得 律設大 武 也。 獨 又 則 校、當 令爲 刻 殿 向 家 之 諸 不

代史少保恭題御製和詩

罪 經 帷 臣 不 寵 肖, 光 殊 仰 奕,复 蒙 陛 下 無 矜 前 念簪 比 履 廼 季 舊 秋 壬子 俾待

戺 儻 褒,下 L 兼 洪 世 焉 賡 其 錫 民 1 竊 亦 玉 目 一堂之 敢言 之 期 備 惟 不 觀 至 進 思 儒 猶 宴 如 敘 於 得 衆 能 9 有 用 陛 臣 得 而 飾 直 詩 虞 陛 體 感 澄 以 壽 勒 下 遭 心 崑 大 小 隆 之堅 見 盛 下 碧 遇 聖學 廬 逢 己 書 閬 天 陛 時 賜 之 殿 有 有 之 而 簡 顧 詩 厚 珉 帝 雖 萬 下之立 以 淵 日 e 所 乃 因 策 謂 捧 之中 地 聖 宸 奥, E 以 未 庸 朕 獲 手 臣 都 之 主 9 章 垂 勤 侈 有 作 縱 是 從 瘠 句 此 志 護 恩 所 文 睿 屢致 歌 大 觀 法 夕 游 天 俯 會 以 萬 視 後代。 作 賜 前 清 臣 F 裁 深 若 不 優 口 臯 年 之妙 天 意 激 肥 愚 醇 其 成 夫 後 禮 可 臣 觴 陶 顔 焉 之 渾 何 古 罄 泉 以 老 韻 則 抑 臣 益 勝 何 得 是贵 以 詩 嘉 陶 臣 無 有 然 有 之 有 温 當 以 謀 颺 華 罪 稱 者 \equiv 紀 洞 蕪 日 天 光 言 + 見 衮 惟 命 至 以 塞 務 心 焉 成 陃 臣 之 宿 起 陛 載 ? 庭 躋 沂 韻 臣 駭 極

> 勳 田 紀 業 里 中 尚 興 則 庶 臣 非 幾 臣 不 見之。 佞 衰 朽 荷 之 未 所 先 敢 狗 承 馬 填 至 溝 使 壑 直 筆 雖 在 以

代仲舅汪尚書跋了齋表意

諦 年 公往 先 俊 沖 上。 忠 無 紹 中中 少 皆 觀 肅 非 興 始獲 卿 甲 自 來 在 爲 陳 德 忠 書舍人任公申 方官 選 壽 公所 議 恨 憤 寅 見 之飲袵 中 乃 皇 晚 所 公手 論 吾 著《 詔 于 帝 出 激 之餘 朝 中 英風 尊 書 鄉 不 館 興 堯 高 禮 遐 表 某 得 之士是 慨 先 想 藁 集 部 公 端 因 義 氣 》讀 以 侍 相 念 於 拜 得 氣 裕 繼 象 郎 蔣 姻 F 之, 剽 IE 高 職 陵《 君 凛 連 風 聞 之。 如 其 其 輝 館 公 凛 實 在 之家 閌 事 立言措 寓 乎 逮 録 内 左 當 其 右 今 方 間 》之誣 相 册 Ŧi. 及 范 盤 見 時 也 之 諸 + 取 英

此書。 抱壹 孰 事者隱其詔索之實而 編 其尊君戴上之心,死生禍 州之謫。 竊考之國史,政 得 修 孰 政 鬱於一 失? 及奏御留中,而 典 局 觀公題識數語,雖在 時,昭聲烈於萬世,以 其所建 某輒不揆,敬書其後而 和初元張公商英猶在相位, 也,於是得旨命公繳 誣以私,九 張公以八月罷政,用 福有不能奪者。 顛 沛 月遂有台 艱危 此 歸 較彼 之。 中, 進

攻處先生文集卷第七十六

攻媿先生文集卷第七十七●

策 Ξ 道

攻處先生文集卷第七十七

宣王内脩政事賦省試

試

藁

玉巵爲壽詩

光武大度同高祖賦教官試

宅道炳星緯詩

0 卷第七十七至七十九、諸本皆闕、據底本目録補篇目。 召試閣

職策問

召試館職策問真德秀、留元剛

召試館職策問

陳峴、

陳邕

御試武舉策問

攻媿先生文集卷第七十八

省試别試所策問淳熙八年

省試别試所策問 紹熙元年

策

問

御

試

進士策問嘉定元年

上舍試策問淳熙八年

秀州解試策問乾道七年

温州州學策問

擬策問二首

攻 媳先生文集卷第七十八

	r/r
1) 魄
	先
,	生
	文生
	果 类
,	位笛
,	七
9	1
	JL

語

致

曾温 王御帶致語按視海船

州宴

趙倅宴新守王侍御致語

姜總管慶七十致語

工部慶七十報會致語

奉化南渡橋成宴汪及甫致語

宴交代沈詹事致語

仲舅尚書宴汪及甫兄弟致語

餞制帥林待制致語

太淑人慶九十 致語

趙倅宴新守莫給事致語

六叔祖慶七十致語

王守報宴致語

仲舅尚書慶八十致語

勸

農

文

新居廳事上梁文

攻媿齋上梁文

汪及甫母慶八十致語

趙資政府第落成致語

台州勸農文淳熙七年

上

梁

文

台州設廳上梁文

奉化縣學上梁文

攻處先生文集卷第七十九

攻 媳 先生文集卷第八十

四 明 樓 鑰 大 防

青 詞

聖 帝 亦 豫 祈 禱 青詞同侍 從

時 壽 敢 養。 之 皇 伸 聖 於 慈 氣 帝 頌 宫 9 坐 恭 禱 違 迪 願 豫 自 恭 泰 未 修 天 和 低 降 净 , 於 供 康 得 安 萬 仰 勿 平 或 藥 吅 ; 之 有 高 從 喜 真 騹 列 投 益 備 至 誠 嚴 尊 几

至

先 君 九 幽 詞 卒 哭

境 籙 拔 是 得 卒哭之在 遽 志 願 尚冀至誠之感。 遂 白 雲 濟 用 遭 儉以 馭 九 陟 哀 簡 於 壽 祓除庭宇,祗設 無 祈至 幽 之言 幾 來 岵 父 逍 、助廉。 一之苦。 何 辰 臨 之 八 遥 切 愴 怙 秩 痛 9 , 星 追 祕 宿 莫酬 官 慈 久無求進之心,晚遂退閑 方 伏念臣父具位 集兹 攀 籍 慕 顔之 世 昭 承 注 號 醮 何 列 塵 啜 罔 名 冥 靡 益 窮。 儀。 緣 菽之歡 極之思; 福 及, 先 遠。 徑 恐 臣 廣 登 用 視 尚 受鍊 延十極之真 平. 絳 薦 息僅 臣某 稽 謂 生素 釁積諸 闕 英 於 天蓋 清 魂。 誠 盡 存。 超 履,宜 都 如 而 度。 高 孤 之 之 黄 恭 驚 處

疏意

受祕 曾未 Ŧ 僊 洎 之精神。 委照 隔。 齋 出出 世 役,終幸退休。 境 諸 報 心 愆尤,凡 於聖造。伏念臣等先臣具官臣某久更勞 章 之 附 蕆 通 昊天 周祥奄及,哀益遠於音容; 攀 俾英靈 事 彰 於 ,謹持妙 度之亡魂 泣 號 還復混元,逍 肸蠁。 罔極,莫報於父慈;太上至仁, 明。 心 永訣,感切 图 血 之不 是用恭 測。 驚宿疢之俄深,痛冥途之遽 戒。 陳 平生廉 9 詞 六道 昧,悟機 煉 詳 何 遥 伏望 按 究道家之旨要,親聞 至真之水火,集既散 四生,悉遂飛昇於 儉,神 窮。 浩劫。二兄一 沖 上聖顧 科,肅清 會之難 聽 善果屢 必 歆 逢。 昭 私宇。 衆真 , 弟, 脩, 積 祗 敢

> 於所怙 員 備 嚴 説 功, 益 籙 至靈, 妙戒 成 固 修 君之永隔,緬 最先於度世 凡 ? 人 伏以 事。 以 情之信嚮 ,覃善利 伏望俯 召魂立 洗心,燃 天地之德,莫大於好 若匪 於 聽 傷同氣之云亡。 應。 僊真之降格 無 哀 法 邊。 雖 祈 精 燈 已矣,道 神受 耐 監 悉令鬼趣之廓清 破 觀 暗。 煉 Œ 何由 生 度。 則 脱 歷舉科儀 今者追慕 9 昭 體 集 齋 皇上之 飛 醮之 殊 昇。 勳 符

母氏醮謝鹽蓋青詞

敢復勤 闔 門 拳之謝。 百 山,曲 伏念臣妾某 蒙 覆 燾 之仁; 夙 依 稽 大 顙 道 心,

之方; 爰 報 于帝 倪 願 護 用 餘 木 遽 交恐 持。 用 汛 息尚 保 多 不 除庭 專 蘋 不 勝 恭 艱 黄絹 願 樂。 大禍 蘩 圖 實懷臨 喪。 俟 之 上 宇, 祗按 於 哀 浹 朱符, 真 之餘 荷 我 羞 疫 旬 降 活。 良 薦 癘 谷之危。 3 鑑 人,僅 方 9 科 蓋 藏身於北 他 香 列 陶 興, 儀 之如天,於 何 壺 火 聖居 經 . 覬望? 深 鐵 雖 死 共 卒 軫 徹 柱 者 歆 竭 哭; 傷 斗 不 誠 之下。 擇 更祈 弓之 焉 殘生未泯 可 悲 時 心 地 閱 以 哉 序 神 於 仰 痛 歲 既 復 仲 禱 物 華 伸 周 子 是 之 屋 旄 昭

保安醮青詞

有 初 飢 心 寒 門 伏 之 户 念 有 患,慈親 祥 臣 嘗 憂 患 祈 當 以 道 喜 來, 蔭。 懼 之年 兢 歲 虞 時 益 既 頃 甚 久, 因 宵 爰答 重 累 夢

> 邇 之謀。 伏願上帝 無妄之災; 星之位。 不 迎 寧 侍 統 家 將 占 來歆 既 即 行 匪 綏之成之,用保無窮之祐 平. 衡 吉 衆靈 康 擇 門 庚 深 而 神 寅 就 設 慮 斯 鬱 本 列。 供 佑 命之辰 攸 助 延 之 居者 净 氣 兹 侣 行 列 以 共 者 以 歲 之 爲 陳 悉除 官 運 遷 誠 諸 在 徙

疏 意

愚 門 履之虞。 誠 累衆、欲 之上達。 右 伏以 凡與 祈 慈 長幼之安。 禱 家室 母 祠 年高 悉蒙孚 遂團 願 樂之樂, 望天鑑 保壽 祐 康 之昭 JIÍ 之吉 塗 臨 無 俾 闔 跋

丁巳本命醮青詞

晚境投閉,已銜洪造;屏居多病,敢叩

皇慈。 被,頓 氣劣。 念尸 有滿 痛楚,十日 室之未 近 竊 就 太 東 素之過優,致災屯之不貸。 倉 盈 銷 寧。 偏 併課 之懼 伏念 之 疾 ,稍營旁舍。 粟 而 病之憂;道 恭 照 项 臣 9 九呻吟。 願 某 臨之星 身 爲 高 賦 無 退 靈, 分數 避 位 事,尚 之謀。 恐神祇 而況老母 俯 一, 敢 蔭所加 奇, 歆非供。 伸 叨 聯 之驚 . 禳 歸 榮 永 内閣 謝 年 \exists 四肢 己 高。 犯 之 四 保 光 甚 ()真科。 之班 年 和 威 致 弱 而 平 家 妻 猶 來 \equiv 深

疏 右 語

祈景 祠 長 於 禄 貺 無禍 聖常 本 無 實平日 善於救人,在 他望,敢 之
夙 瀆 心。 高 真 真。 經 歸 而 處 IE 具 家庭,久饗 爲多災, 載; 福 莫 願

東樓畢工醮謝青詞

禁橐。 斯,聚 得謝。 早賜歸休。 始 敢圖 啓醮筵,以安神位。 之衣冠,不翅足矣。 仰憑道 二子以 繒之賜 有 日 召 得 於斯 寵 襘禳。 ,增前時土木之工。 節之班, 寖歷 奉太平之香 蔭之加 深慮興修之際,或干禁忌之方。爰 少 踰涯,莫效君恩之報 是 有 日 爲 伏 伏念 善 願 止 火,若將終 頌 所冀一門之安隱,先令 期 上 昨 政 臣某絫汙朝 而 聖 荷 誉 陋 塗之峻。 善禱 合 俯 幸遂告成,未 以 臨 室, 嘉祥 , 苟全; 焉 更祈 實 ト 居 以 紳, 倚 掛 比 歸老, 貺 來 先 歌 晚 歲 神 施 廬 於 容 武 塵 金

政府禳火青詞

恭 歸 用 駭 過 念 所 按 及,豈 臣 願 擇 騰 休 堵 之志 高 焰 某 良 乃 比 仲 爰啓 驚 靈 辰 老 之方興, 謂 鄰 , 垂 既 春 閱 邇 祐 火 即 醮 投 餘 歲 遐 私 筵 閒,晚叨 閨 景 深 亟 時 無 第 之 之深。 之 懼 福 吅 閒 以 肅 始 來 頭 延 陳 俱 臻 燔 而 參 永 儀 成 有 致 日 預 祈 覆 正 不 老 集 禱 亟 道 露 晝 幼 遑 發 羽 古 蔭 之思。 鬱 既蒙 粗 安, 流 願 已 之 攸 安 而 心, 自 非 加 之 大 蕆 早 知 夢 尋 造 災。 事 遂 福 伏 寐 欣

保安醮青詞代魏丞相

還 精 神 微 於 痾 舊 有 感 觀 致 敢 祠 尋 禱 前 於 請 高 真 以 答初 靈 茈 心。 所 加 伏

> 祈 鑑 疢。 踰分 念 帝,敢屈真遊。 折肱之醫 之憂,乃終 臣 免陰陽之寇; 獻芹之至意 H. 某 人以 蒲 昧 食 柳 夜而 衛 痛 爲 早衰, 生之 則 命 + 歆 伏 闔 呼天 有 酌 起。 願 門 或 桑 經 水之微 老幼 寶 併 榆 徧 馭 獨 浸 日 嘗 頃 下 蒙 而 逼 永同 苦 冒 誠 臨 神 口之 外 既 湌 祐 飽 僊 邪 四 慙 9 暖 官 序 藥 齋 嘗 母 得 之歡 就 暄 莫 嬰 寵 而 惟 涼 列 遇 寒 之 事 疾

又

府之居。 縣 念臣 俟 公 徒竊 真 朝之幾 某 游 傾 之 投 禀 食於 福量 霄 政 性 來 背 下 極 斗 一既盈 重 時 升 荷 禄 敢 靈 爲 人 靡 修 而 貺 貧 太官 薄 道 乃 之 漫 供 所惡 歷 無 仕 之聚 禁路 私 用 分役 之清 鬱 祇 闔 初 蒸在 被 門 心 心。 班 户 安潭 於 候 庭 伏 參 州

爰痛懲於小己,潛請命於穹旻。道蔭所臨,寖興無妄之災,老穉訪醫,莫逢勿藥之喜。

恭願 罩 病 暮 魔 境,得 奉 良 已。 實馭於清 安甘毳之歡;而 恭按沖 都 科之秘,少陳昭 ,鑑微臣之丹 寒暑四 悃 時 報 皆 之誠 荷 免 庭

陰陽之寇。在臣爲幸,過此何求。

下元設保安醮青詞以下代仲舅

復蒙 列。 節 爰竭 大道 香花之供。 伏念臣 即即 道蔭。 用保 誠心,清醮 齋 坐令孤 私室以 一某涉 戒以事帝,每荷神休; 祐於此身。 迹,消 屬當 爰廣真科之祕,仰酬 世 陳 甚 儀。 仍 秋 艱,受生多 歲 加 季,弱 伏 時 於比歲。惟下元 每逢弧 願天仗來臨 無妄之災; 妻忽苦於外 病。 疾痛必呼天, 矢之辰,必 洪造之恩。 夙 更 傾 僊 俾 官 之 依 瘍 紀 設 於 就 置 ;

門,託天地不言之德。

奉使回程醮謝青詞

仗來臨 朝 神休。 覆,賴中國之威 是用即 憂;寒窮 人,往還 臣某等頃 金 石之盟。 將命鄰邦,懼愆使指 琳宫而 兹咸遂於生還,顧 七千 歲殫,人懷 持 漢 餘 就 陳薦、 凡與禱 節、遠聘燕 里。 列。 靈。 皸嫁之苦。 按琅笈以宣儀。 輪 歆 竣事 祈 此 11 ,咸均福: 敢忘於昭 馬敗, 日 ; 投誠 而 Ш 蘋 歸,交口 蘩之供,佑 上 祉 荷 H 上帝, 有 下六十一 報。 圓穹之花 伏願 顛 相賀。 伏念 隮 果 之 辱 兩 天

1299

森秀菴畢工醮謝青詞

頃歲悼亡,因作首丘之計,一朝竣事,

神 會 陰 斤 喜 餘 洪 敢 屈 辛 微 陽 坌 於 臨 覆 忘 帝 臣 之 集 苦 僅 薦 真 不 馭 返 伏 所 本 拘 而 藻 故 念 之 忌。 命之辰 拔 無 更 歸 Ш 某 誠 濟 神 憑 比 0 今 徑 物 出出 道 爰 遭 既 則 之 謀 靈 演 蔭 鳩 伉 不 震 吉 新 寂 衆 儷 負 俾 加 阡 驚 1 士 之 於 惠 I. 託 既 3 沖 以 戚 初 孤 體 畚 悵 就 科 蹤 心 於 鍤 流 適 之祕 奉 喪 交 Ш 離 當 窀 尚 制 馳 之三 30 穷 行 有 告 或 恭 役 獲 祈 終。 載 之 斧 犯 游 願 於

仲舅九幽青詞代表弟

冠 奉 矜 道 而 及 哀 親 歸 陟 伏 姻 9 顧 岵 然 義 念 出 纏 既 藩 悲 臣 周 壽 父 不 鄉 從之久, 具 且 黨 勝 康 位 禁 屢 臣 雖 痛 某 惟 居 , 膺 生 閑 叩 濟 綸 幸 閣 自 人 綍 適 逢 利 請 之 物 辰 命 寵 遂 之 掛 心 仰 啚 常 冀 在 衣

> 勝 定 於 福 + 通 当 施 人 0 數 極 向 情 利 極 大 0 六道 俾 安 弗 或 罪 以 當 (,變俄 謂 圖 先 資 罰 四 七 無 瞬 臣 冥路。 何 憾 七之日 生, 息 得 生 堪 之 於子 遂 於 賴 ? 間 於 不 法 恭 念九 逍 道 測 力 遽 用 願 贵 遥 咸 恭 隔 高 九 檜 云 蒙 演 图 靈 之年, 凡 禳 有 於 於 冥 來 預 終? 靡 之 真 煉 下 禱 及 曾 異 度 科 祈 衷 莫 藥 病 \equiv 悃 爰 逃 攀 均 石 E 仗 清 潛 於 號 難 至

禱 旱 青 詞以下代永嘉守

深 爰 順 月 受; 伸 琯 焦槁之憂,備舉 疾 上 已告旱災 謂 天 痛 吏 至 之 政 仁 呼 拙 0 偶 疎之致此, 伏 禱 謂 有 念 書 祠之典 陰 微 生 陽 臣 奇 之 來 民 蹇 盭 之 官 神 則 , 宜 支 靈 下 何 咸 然 郡 辜 土 ? 格 無 自 僅 告 自 更 雖

游 誠 是 粗 関 用 9 獲 電 拜 於 稼穑之寶。 幟 章 幽 雷 真宇,請 通 車 9 驅 天 聽 起 雲軿 命皇穹。 未 四 口, Ш 風 之 馬 恐 恭願 雨 難 盡 0 逃 從 歆 少 於 列 蘋 救 常 聖 繁之 民 數 之 生

疏意

之急,終令歲事之成

如江 民。 槁 於九閽,庶少蘇於千里。 尚 火災之變。 而 炎 殫 可 見崇墉比 憂, 塗 灌 伏 大旱爲霖,洗 風 之 溉之 以 時 雨 種 仲 肆 意) 勞; 禱 ·藝,若知 夏 櫛之餘 於飄 垂 以 祠 成 高 來, 亢 未 颺 鑠 而 海 隴 效, 石 輒 氣 依 又虞 陽 震懼 之薰 流 止。 Щ 尚 爲 金之虐; 期 坐見 害。 邑屋之居 赫 蒸。 靡 洪造 日 容。 下 禾苗之瘁。 農 益 俯俯 田 豐 惟 增 功 近 於 欲 年 念 仰 或 水 焦 就 疲 叩 有

謝雨青詞

居; 念海 實藉 以 湫。 屢 風 咸 蠲 爱依琳宇,敬演 全盛之地 成將 與與爲 + 豐,旱忽驚 愚俗之愆尤,洗陰陽之繆盭 華 皇天 沛爲 R 邦,夙蒙道 驕 蓋横陳,深 新 陽 來之福。 永儲鄉國之休。 故民 之賜 \equiv 爲 虐, 千 日 於 倉 之膏霖 瓊科。 蔭。 方懷 物多滿 恭願 已 萬箱,遂 敢 閟 甚 陳 斗 赤 Ш 九霄降鑑 菲 柄 上以 地 盈]1] 嘗 盡 供 外指 之 之秀。 之災。 有 憑 起 酬 憂; 農 仰 寂 四 莫報 八 答 夫之慶; 久安城郭之 郊 士 甘 自今以 年 在 初 之 表 雨 之恩,下 恭 方 東 心 嘉 會 應 禱 賴 南 穀。 始 同。 祈 五. 爲 於 靈 重

人日設醮青詞

之苦 假 歲 陰 違 恨 兹 多 和 玉 止 歎 陽 黍 守, 冀 風 笈 改 緣累歲之災 多 以 之 伏 春 息 王 道 忱衷之可 陳 陽 未 稌 Œ 之 願 頻 蔭 幸 璇 儀 伊 順 聲; 年 廼 曲 霄 始 9 之 涓 此 加 傷 用 夙 歷 農 達。 沴 少康 0 欣 人 駕 徼 冬不 事 浸 日。 氣。 品品 瓊 日 福 順 眷 有 雨 於 彙 雪, 成, 侣 惟 陋 即 然 斯 日 之 來 邦 兹 情 黄 念 慮 暘 民 無 咸 之 游 土 安 堂 疫 方 有 亨 以 禱 氣 泰 癘 蟄 而 素 水 , 祈 象 口 而 之 而 展 號 溢 天 永 祥 千 必 或 雷 事 名 早 聽 消 應 微 里 於 城 臣 乾 不 愁 恐 新 按 9

疏意

宇,祗 叶 齋 乖。 憂 民 臻 冬之安静 康 戒 氣 用 氣。 百二十分位 先事 序之 樂。 沐 弗 伏 集道 麥禾 浴 堪 惟 之誠 比 非 而 ; 莫知 流 充廪,田 早 年 祈 IE 以 潦 9 新 卜今月上 于今敢 來 伏 而 火 赦 歲 愁 風 願 愚 之豐 里 此 嘆 歆 俗 息 邦 後? 未免 之 蘋 七 肩 X 多 實 往 蘩 丙 故 無 慮 愆 蕰 凡 子 況 是 藻 預 寒 之辰,設 飢 用 П 陰 深禱祈, 之薦, 暄 饉 汛 陽 雖 海 不 疾 嚴 之或 隅 幸去 齊, 疫 鑑 公 咸 醮

禱穰風潮青詞

風烈必變,亟叩元真;天聽不違,遽於

之災。 俗 之加 飛雪 避 五. 知 坐 比 妙 以 亦 咸 大 風 年 感 9 農 + 造 無 幾 遂 之 潮 戴 夫釋 之 干 雨 事 於 惟 有 溢 息 洪 0 難 里 兹 蹷 祥 之 期 人 休 末,居 是 病 幡 阻 石 歲 時。 小 之, 用 Ш 之恐 秋 歲 萬 尚 飄 汛 帶 有 以 以 户 海 冀 不 嚴 江 豐登。 偃 紀 千 爲 户 高 止 邃 之 禾之憂。 于 門, 迨 期, 傷 靈 於 宇,敬 地 望 此。 弓, 之 終 俾 果 日 下 間 朝 人 狂 月 春 或 演 有 墮 人 飈 帖 盈 而 作 仰 折 沖 而 之大 然不 之候 先 登 憑 庶 科 木 康 1 Ш ***** 道 發 樂 震 驚 罷 之 寔 既 古 蔭 屋

郡治禳火青詞代天台守

伏 在 念 耳 臣 印 某 因 頭 庸 舊 反 陋 火 尹 告 事 無 新 堪 豊 之政 拙 由 誠 人 自 報 9 仰 信 E 蒼 首 救 呼 比 膺 物 天 言 臨 之 私 遣 猶

> 曾 之 厥 恭 此 民 春 來 試 有 孫 願 耕 · 贵 疲 而 生 之 高 伊 祈 蕃 薦 一,咸資 真歆 始 稼 默 福 宣 藻之敢 禱 當 間 鑑 惟 自 方 人善利 憂 ,大道 吏 勤 閻 去 國 忘 道 寧 載 ? 以 延 之未 處 捄 矜慈 願 燔 爰 焚之際,念衆 豐 永 遽 即 開 9 消 息 琳 年 賴 夕 П 宫 惕 穀 神 禄之災。 顧 順 敬 靈 不 交 成,喜 遑 之 宣 符 人 有 瓊 奔 思 圃 藴 助 見 命 爲 至

叔祖母九幽青詞代二叔

以 簡 至 庶 傾 之 森 深 依 寬 猶 羅 之 道 長 陟 振 謀 屺 在 蔭。 夜 之 纏悲,莫贖 九原之 爰 雖 方 思。 當 因 齋 伏 旦 生 幽 音 前 念 祭, 滯 終天之痛 容 無 臣 恭 之 恙 母 母 設 遽 某 之 氏 醮 亡 人 日 聖善 9 筵 久 吅 預 而 處 閽 儼 杯 爲 頃 致 棬 身 萬 年 後 籙 象

之超度 星官下 澤 祈哀 如 存 墮 垂 一,雲馭 天 休錫羨,敢 鑑 高 來 明 臨 肸 受煉朝 爲 蠁 嗣 之 子之 通 真, 不 私 遠 默 圖 想 伏 慈 稽 顔 願

杜 氏 從姑 保 安 醮青 詞

首

,叩心請

命

以 亦 之際,猶 女之阽危,重寸心之震惕。 里 初 願 分薄 一馳驅 歆 資 心。 寓 蘋 厚 居 客 之役。 十餘 路 之 伏念臣 蘩之菲 夜 勤 粗 驚憂,屢投洪 之 禮 超 定。 斗 初 供, 年甘苦之同 還 妾 昇, 依歸之心。 ,蓋棺遂已。 鄉 併 生則多 鑑 下 陳 未及,感疾已深。 螻 以 造; 蟻 祈 醮 艱 9 之 闔 仍 晚 嫠居 俱嘗 末 方旅櫬之既 微 門 追 宦 之 須痛卧 方有 誠 薦 請 途窮 孤藐, 安 九 命 拔 託 穩 幽 痾 二千 濟 賴 綿 加 敢 沉 恭 上 惙 稚 良 以 負

> 餘 魂 生。 遂 徑 躋 於 真 境 , 保 全 數 П 9 期 粗 適 於

景 孟 舅 奉 使 還 醮謝 青 詞

於艱 等敬 膺 之誠 改轅 卒蒙 蘋蘩之供, 福祉 ? 終王 道 險 璇 荷 蔭 極 ; 伏 無 馳 命、遠使虜 之餘 九 佑 乏 願 賜品 重 事 兩 天 一,敢 原 0 朝 馭 隰 爰答初 必 既 金 下 遂 庭。 忱 石 臨 亦 I 之盟。 ,星官就次。 生還之幸, 衷之達; 深懼 心,虔 奔 走風埃,顧 於 凡與 修 顛 軺 敢 隮 净 禱 車 供 歆 忘 祠 萬 豈 此 逮 昭 里, 咸 此 辭 日 報 臣

1304

九 幽 青 詞 代

自 古有死,獨我父之痛深; 謂 天 蓋 高

聆冤

呼。

將

使

教

以

追

修

同

母

親

而

附

度。

滯

甫到

家之浹

日

驚

卒

決

於終天。

闔門

, 徒

切

於

攀

不

能。

讒

箭

既

行

禍

機

隋

慈親

俱

逍

遥

一於真

境

更

生。

供。

拔冥途之幽趣,

蕩

宿

朱陵受鍊之功

恭

願

於净

醮

用專薦

於

後之食言?

事至

逍

遥

過

身

非

,遇天

恩

尚令苦塊之餘,免擠 一,天下 怨家 已,今竟 横 慈,長 志 疾惡不避,賈憎 敢 指 而 出出 追念生前之素願 可 再三,時更終七。 之不 翔 詛 傾哀 蕩 途。 之 以 -徒怪 9 語 滌 他 傷 有 元何之; 凡 恭 訴 其奢 望。 家 蒙 遽 仕 溝壑之苦。 徑 願 期 難 法 仰 徹 中 超 昭 禍 奮 孤 力 叩上 右 冥漠 都 鑑 孟 生所忽,疾 身 羈 漫多。 嫠 以 肱 忱 軻 單 而 爰併 敢 率 銷 瀝 真。 衷 之 能 萬 有 永 遺 非 血 除 慘。 言 立 狀, 得 脩 俯 身 退 以 伏 善 ; 世之往 哭之在 敷 按 洞 號,旅櫬 發。 於 直 厨 向 敢 季 鑑 黄 善 、生業。 傳 衰 朝之安。 ,奉職公康。 控 舅 利 哀 籙 幾卧 贵 哀祈 而 無 九 廣 愆 衷,俯飲净 垂 辰 期 稱 父 幽 屢 客 科 歸 晚 何怙 之 霑丐於群 遭於 漳 依道 仰 訓 路, 以 之典,求 猶 1 詞 濱 覬 法 未 宦 、之疾。 有 阻 遽 莫

令

而

爲

師

粗

知

無

媿

飾

ŝ

僅

更十月之久

曾

靡

裕,幸分

湓

浦之麾

;

命

實

游

備歷

於艱勤

事,家食

弗

營

英

爽

蓋

棺

而

遂

祕

不

明

初

驚

食

雖

無

以

自

存

後

或

外

人

、皆稱

其

好。

去。

王陽

自奉

0

酬

生

育

之恩

謂

天

蓋

高

伏

念

臣

父

具

位

某

禀

資

踈

太

學

蚤

遂

流

落

幾

年

特抗

臣

父

某

生

無

母

惟

誠

心

之

應

速

長

號

悔將

焉

及。

九九

疏 右 語

趣。 霄各遂 諒 妙 孝 著 誠 兹 太上 玉 於超 延 之 責 一慈仁 寂 昭 盟 昇。 士 格 真之文。 ,仰會高 垂金闕 仰 願 謝 考 天恩 妣 靈。 度生之籍 拔 俱 少少 濟 蒙 幸 群 伸 於 醮 子 迷 煉 式 道 度 之告圓 悉 真 科 庶 超 雲 苦 深

馬氏建黄籙醮青詞

從 之 命, 痛 繁之净供。 (),俱 悲 念慈親 陳玉匱盟真 太 、發信 孝 上 欲 ,當伸 垂慈,著 心。 寧 仰 神 祈洪造 之科。 延寂 素 願 忍 金 士以合謀, 視 闕 言 竭 俯 杯 度 螻 猶 照 卷 生之籍 蟻之微 在 、丹衷。 之 耳 澤 按 靈 遽 , 誠 伏 下 文 遂 纏 念 同 脩 臣 而 風 臣 請 蕆 群 木 蘋

> 所 苦,咸 獄 净。 闔 靈。 事 密 雖 饉 七七 護之仁。 極 暨 精 0 ; 邇 疾 族 由 拔 于以 日 肸 宿 親 大開 嚴 疫 棟 福 與 出出 宇 畫 業 姻 而 利 蠁 惟 冥 恭 資 受煉之門, 器 之 闡 夜 致 惟 潛 新 咸 之境 願 母 黨 之 用 教 無 均 通 , 遇 氏 飈 久。 於 則 六 辜, 0 施 大 馭 飛 九 深 道 敷 清 及 齋 或 昇 下 用 九 圖 四 曠 岱 廣 同 水 之薦,于 以 篇 臨 蠲 生 蕩 嶽 濟 洗 時 火 星官 答 道 潔 ,賜之更始。 之恩,空 之 含生之衆。 附 滌 夭 揚先志, 德之言 羈 威 度之人。 罪 横 以 儀 魂 就 燃 而 明 豐 列 符 沉 道 超 裒 建 都 簡 苦 塗 之 威 家 登 或 對 照 近 壇 則 趣。 Ŧi. 滯 清 則 上 於 臨 神 拯 飢 務

城中禳火青詞

救焚既定,尚懷扇赫之虞,請禱實繁

驅 衆未 臨 起; 甚, 撫 盍 口口 而 亦 僊 亭之宏 號 人 舉 凋 南 遽 祀於 哀 連 瘵 忘 振 幾 海 遭調 班 甍 以 之 真 言 於 除 不 就 啚 出 盤 接 念此 之禮 敞 夢 忍 是神 列 火之驚。 全。 形 愕。 棟, 盡 庚。 聞 邦,久 0 亟 斥 焦 忽 五 凡 爰 眷 雖 敢 令遠伏。 炎 爲 而 日 與禱 集 躬 鄭 烈焰 官 鬼 無 之精 瓦 或 時 祈 羽 爛 之熱 礫 異 祠,悉蒙祉 於帝 曾 幸 流 長煙,恍 之餘 變。 專 禳 免 保 憂惶 屬 大開 公私 於 於 所 毋 比 恭 口 焮 前 贵 有 願 瓊 若 庶 使 禄 福 隨 而 所 惟 笈 融 永 天 雲 復 況 俱 未 鑑 蜺 息 而 户 風 然 泰 有 宋 駭 之 之 於 斯 即 萬

疏 右 語

必 從 大 道 矧 兹 無 禳 私 物物 襘 之修,祈 常常 善 救 9 免鬱攸 凡 民 有 之孽 欲 天 其 沖

> 息 科 燄 既 燄 演 炎炎之害。 景 貺 旋 臻。 仰 願 資 銷 法 譆 力,益奠民 禧 公公之祥,永

從子伯時九幽青詞代諸子

律身而 之羞 諸 業 趣 魂 敢 測 敢 之受 之素 升 叩 群 因卒哭,併 孤 0 0 生 沉 難 無 錬。 優 父 事 伏 歷 諶 盡 何怙 意 數平生, 念 之 無 有 冥 三清 造。 過 臣 叔 預 宦 途 舉,没 父某 弟 追 莫酬 途 而 聖 欲 修 以 之 超 疑 境 伸 度。 0 賦 先 可 罔 無 战 駒 亡, 望 性 願 極 陪僊 媿 而 犢之慕 0 謙恭, 之 列聖之垂慈 作 人不問言。 亦 寖 恩 ; 馭 慈 嬰 尚 3 以 居 懷 沉 謂 虞 逍遥 輒 家孝 之 宿 痼 天 效 俾 所 蓋 障 遂 矧 蘋 9 友 痛 高 官 繁 靈 未 棄

攻處先生文集卷第八十

攻媿先生文集卷第八十

四明樓鑰大防

疏文

高宗皇帝小祥疏文温州江心寺

之扁 冠 嘗 炎 孤 南 嶼 一方 以以 祚 經 之 中 鳴 榜,雲章 慈 濟 而 蹕 興 極 林戀,御 大業; 之 僊遊,莫贖 獨 之始,爲永 餘 盛。 猶 泝江 仰 榻 時届 自 於 今 龍 昭 號弓之痛; 而 存 嘉 小祥, 樓之晏起,驚 上,首 口。 於 南 渡 嵽 合二 之行 福 嵲 幸 宜 9 此 中 刹 專享 浴 Ш 以 11 駒隙之 光 遵 增崇, 法 清 海 亂 窟 眷 輝 流 而

> 祖 制 日 場。 後 屢 而 一人有慶,祈永祐於皇圖 一,乃練 有請 遷 ,供極人天。 ,豈忘過沛之思。 高宗 旋拜 萬 衣 聖 俞 敬尋光孝之典故,乞 歲 初 神 音 争 御 呼, ,虔修妙 武 萬 之 文憲孝 國 尚 時。 戴 歸 想 睿 果。 奉 爰 皇帝 德 巵之樂 尚 率 以 當 官 何 難 恭 奉 新 資 僚 酬 永 穀 願 ; 於 既 位 思 千 聿 吅 梵 之道 升 遵 超 帝 秋 力 之 佛 禮 閽 己 ,

高宗皇帝大祥疏文同郎官

深於舜 高宗 超 宫 净 聖 益 士。 神 慕 載 衍 追 四 武文憲孝皇帝,恭 無 海,甫 參 爰率祗園之衆,少 疆 列 之祉 聖 畢 於堯喪; 咸 仰 在 願 天之靈 位 伸 萬 歲 冠 郎 覺 吏 干 , 之 秋,方 眷 誠 佑 神

成肅皇后小祥疏文

神 爰 佑 游 湯 肅 孫 無 吅 長 益 於梵宫。 樂 礙 上賓, 縣卜世之慶。 仰 惟 時 文母, 成 適 肅皇后 經 於練 永配 伏 祭 在 願 天之靈; 覺 周 性 行 追 長 存, 感 垂

重明節功德疏四首

游 觀 用 震 物 萬 祈 夙 之 之旦 戩 仰 乘,日承問 初。 穀。 壽 康之宫, 想聞 娱 太上皇帝陛下 侍 萬 寝之歡 兩宫,時 歲三呼之聲。 方謹 五日 覩 ·, 恭 奉巵之樂; 願 朝之禮 怡 爰叩竺乾 神於 ; 淡 坐

敢 獻 龍 呼 樓 之祝 上壽,莫陪百 聖安壽 辟 之班 仁太上 ; 皇帝 象 教 陛 祈 下 年,

> 太極。 覃 恭 安壽仁太上皇帝陛下 長 及 願 見 八 奉 龍 玉 荒 泮奂游矣, 閱天長 樓 巵之樂; 昊穹薦祉 兩宮之養,均萬國之歡。 之域。 上 壽, 想聞 敢 修 萬 -,恭願 梵 歲 则,仰 之聲; 益綿 地久之期 祇奉 祝 寶曆之期。 鳳 聖子 兩宫,坐 皇龄。 趩 ; 承顔 來 福 朝, 聖 履

恬澹。 顔 安壽仁太上皇帝陛下 預 ,歲舉漢巵之禮 獻 萬 慈宸 皇穹垂 年之祝。 上壽,將嚴 祐 敢 坐 涓 Ŧi. 聞 -,恭願 梵 日 嵩 刹,用 之朝; 嶽之呼 玩道 啓 穆 寰宇 鴻 9 清 聖子 因 投 頤 誠 承 聖 神

綏之,見日居月諸之永。

瑞慶節功德疏五首

用 紀 聰 誕 彌 明 時 之節 乂,實維 0 集 祇園之净衆,比 有 道之長; 瑞 慶 華嶽 大來, 之

久。 封 玉 巵, 人。 奉三宫之寶册, 願觀盛 皇帝 陛 事 F 恭 既 願 舉 如 縟 日 儀; 方 升 E 萬 與 壽 天 之 司

用 驩 興隆,奉三 皇帝陛下,恭願 表 心。 嘉名。 占繞電之祥,適 宫之色養 爰傾 鴻 就 圖 日之誠 有 當良月; 永 皇恩溥洽, 聖德 仰 採 祝 又 後 磨 新。 得萬國之 天 崖 八之第。 之 孝治 頌

用 運,益綿 帝陛下 紀 中 虹 - 恭願 興 流 寶曆之延 之瑞 電 繞, 如 H 遹 爰憑. 洪 方升, 觀 , 載 象 仰悦慈顔,長奉 震 與親 教, 之祥 仰 同 9 費 壽 地 鴻 闢 坐乘 禧 天 玉 開 昌 皇 巵

帝陛下 苑 敢 一益綿 貢 延 嚮 ,恭願德冠 洪 明 箕翼 之祝 而 治, 之期;桂 坐凝 式 白 憑 \pm 久大之勳 緇 愛形 海 侣 冰天, 仰 四 , 白 海 如 咸 紺 日 被 閬 容。 之 衣 風 升 裳 崑 皇

之化。

學; 大業,鞏 心,俱上空乾之禱 天長 九五福日 古 地久,允符博大之真人。 丕圖 壽, 日 仰 就 祈天子之年 月將 皇帝陛下, 始 益 懋 9 恭 緝 \equiv 熙 願 干 之 規 聖 恢 臣

天申節功德疏四首並代作

東宮

恭 烈,兹綿 同 適 玉 意。 當震 願 巵之壽。 尊 如 處 臣 夙 日 寶 之辰 叨居世 龍樓,備 之 曆 升 之 0 期 後 嫡 浣 極 9 元党 天 貝 一崇高 億 而 葉 舜 老。 以 之奉 懽 日 輸 悰 顯 萬 誠 , 文 堯 整 祥 皇帝 謨 年 開 海 陛下 虹 承 隅 永 武 而

太子妃

坐綿 之祝。 夷。 當 誕 育之 鳳 得 黄 壽 曆 皇 屋 之期。 得 非 帝 嘉 名, 心, 陛 辰 下, 益 獨 敬 侈 儷 恭 修 尊於 龍樓之養; 願 婦 游 道之恭 太 神淵 極 ; 式 默,玩道希 赤光紀 卜年卜曆, 効 封 瑞

宗 正 司

恭 伸 乎 壽 九 其 辭。 願 誠 州 四 爲 與 悃 永無疆; 海 喜逢 天下 道 恭 ,常瞻太極之尊; 長 叩 君,尊 電繞之辰 存,後天難 高 八千歲爲春爲秋,自今以始。 真。 歸 於父; 五日 佛 敢 云上 老。 朝,永享未央之樂」。 後 乘」。 願聖人壽,情 九五 嵩 呼 皇帝陛 之祝。 福 日 富 下, 俯 見

温州守

家之過 之驩 永觀 恭 恭祝皇齡。 願筹等南 漢 ,咸紀生商之慶。 備 曆。 九州 殿 之 箕,尊 稱 光堯壽聖 之養,於昭授 觴 9 同 1 太 七 憲天 仰 極 百 憑梵力 0 舜 體 年之期, L 之明 道 千 太 ·萬 ,道云「道 上皇帝 歲之壽 坐 得 一見周 四 表

放生疏文

之歡; 之休。 樂恩波 福 祉 JII 虹 蕩 增 光堯 於 流 珍珍 蕩巍巍,均 于渚 文 壽聖 沼 祥 . 鱗萃。 稱 憲 用 聖 天 廣 仰 壽 體道 好 如 洋 於 天之覆。 洋 生之德,益 漢 太上皇帝 幸 巵 幸 9 魚 共 躍 儲 陶 于 恭 在 滋 願 藻 至

會慶節功德疏三首

帝 紀 奉 貝 慈闈 陛 葉之文。 王 下筭齊箕翼 應 之樂; 龍 之令節 啓 爰集 漢, 九 協 州 勝 命 德並 千 四 大 羽 載 海 士 乾 之休符 用 咸 緇 坤。 申 歸 流 虔 壽 之衆 五日 9 祝 域之中 瑞 Z 恭 誦 朝 生 願 琅 商 皇 永 函

當 允 睿 和 符 第 良 月 金 Ŧi. 乃 之就 簡 日 聖乃神, 皇 之書。 帝 朝,長 陛 盈 下,恭願 仰 演 離 奉玉巵之壽 元始之真 明 之 緝 繼 熙 照 純 科 9 嘏,保 三呼 视 載震 無 萬 載 合大 疆 夙 之

又 帝 宜 生子 陛 後 下 天 重 ,符三代有道之長; 華 福 而 禄 協 不 帝, 日 老。 來 邁 恭 聰 前 憑 明 古之未 妙 時 梵, 义。 春 聞 以 子又 而 9 効愚 後 V. 秋,秋 子 生孫,孫 誠 生 商 耐 皇

後春,享五帝獨高之壽

放生疏文

之驩 之瑞 鱗萃,德澤 ; 暨 願一 餘龜放于 魚鱉 人之壽]1] 流 而 ,歧沼 咸 躍 若 如 魚 岡 坐還忠厚之風 恭 陵 于 願 而 Ě 皇 不 舟, 帝 騫 陛 會 ; 有 下 均 興 福 萬 隆 祥 或

皇后生辰功德疏三首

東宮

適 之化,益高正始之風 后 殿 臨 下 端 仰 福 月 蘭 閨 與 之貴 虔 111 修 增, 子 尊 壽 職 處 同 奉上皇萬歲之觴,永 長 爰 地 秋 演 久。 ; 真 占 宣 科 玉 太 勝 姒二 恭 之祥 願 南 皇

助未央之燕。

太子妃

惟皇后 陽 夢 如阜之詩,敢祝聖人之壽 ,願多男子之祥。 春。 丹禁騰驩,喜逢穀旦;紫光紀瑞,適 祈仰報於姑慈,用 殿下端居 坤 極 小永 費乾 歸 9 占維 誠於梵力。 剛。 熊 維 歌 如 羆 届 之 Ш 恭

皇孫

福 翟衣贊治,奉千秋萬歲之歡 少答含飴之愛。 厚岡 椒 陵。 房啓慶,方占夢月之祥; 鸞輅問 恭 安,陪五 願皇后殿 H 下 化行 琅 朝之禮; 笈 江 輸 漢, 誠

皇孫生辰功德疏

命名之愛,未央前殿,永陪上壽之歡。英姿日茂,多福川增。甲觀畫堂,方厚

金山寺水陸疏文代仲舅奉使回

彼岸; 望邊疆 馭監: 篆。 委命 舟 裹囊,用設伊蒲之香供。 萬姓,永安休息之時。 遇風 於濤 敢圖 臨。 肅將明命,餞使客以言旋,冒涉巨 波,竊 湯湯淮水,復作安流。 而 六道四生,共脱沉淪 昭格,訖賴護持。 神。 甚 邇。 **疚心於國** 望慈蔭 寧 知末路,乃值險塗。 於寶坊、寓精 事 • 伏願龍宫示現,象 悠悠旆旌,咸登 大水吹船舫 爰傾行者之 之苦; 誠 兩朝 於 "; 亦]]] 爐 同

普覺觀音祈謝疏文温州教授

祈雨六首

之可 郡 尤 古 無 之初 知 速 礙 憂。 氣 員 數 ,亢陽已告。 惟 通 我 爰致禱祈 大士 之 必 家之三 示 然 9 現 一葉,蒙 法 驚 用 無 耐 求 河 方 均 潤 流 ; 慈 普覺 霑, 澤。 之 蔭 頓 正 者 涸 春霖 道 藉 百 念穡 場 神 年 太甚 効 通 之 試 事 靈

勤 之無及。 秋 顧 R 己 ,必害三時 敢 圃 及 後 荒 雲 於祈 政 道 霓之望,莫 雖 伏望俯憐 殣 禳 行 之農。 寔 ? 曾 繁。 莫 重 疲俗,久困旱災。 爰稽 念 蘇 急 雖 此 於 於 耒 首以 凋 邦、久無樂歲 此。 耜 瘵 之 求 , 儻 耕 時 哀, 乖 暘 图 恐 + 未 敢 日 暰 若, 之 麥 之 弗 臍

> 其 也 少少 可 再 施大士之威 乎 願 副 老 神。 農 之 懇 請 , 雨 自 E F 者

之澤。 惟 士 久合,尚祈 抑 矜 豐 天 時之 連月不 隆 関 之 衆生 弗 不 破 雨 靈 順 塊 之 雖農 爰 或恐 河 滋 竭 流 丹 隙 , 祝 斷 誠 法 而 融 溜 雨 來 可 之 均 憂; 場 爲 伸 霑 孽 精 圃 半冬未 揚 願 禱 霈 員 塵 隨 密 通 寒, 贵 雲 大 車

俯 庶 顧 恐 彌 農 念 焚 甚 幾 民 疲 廬 事之至斯 歲苦大旱, 生。 泉原 俗 之 變 終藉 涸 沛三日之膏霖 9 竭, 詔 洪休 比 致 增 夏 植 禱 畦 物 麰 E 焦 煩 而 種 尤 曾 枯 9 秋 病 П 無 書 四 鄰 破 郊 仰 有 再 之 塊 雩, 火 祈 和 佛 之 災 爲 濡 氣 日 害

士 又 則 懷 幾 早 靈 於 暵 R 既 無 之 零, 憂。 告。 方喜 罄 顧 心 斯 霑 民 濡 而 咸 之 有 冀 惠 禱 於 , 小 秋 顧 康 陽 再 以 瀆 捨 暴, 之 大

大旱 何 涼 辭 救 用 作 伏 群 願 霖 生之 俯矜歲 雨 俾 千 事 之餘 里之豐登 深 抑 9 驕陽之暴。 煩 暑 變成

焦

槁

願 垂 又 慈 成 有 雲 夏 頃 抑以 密 非 畦 祈 大 Ħ 布 之病 見 士: 澤,幸消 佛 法 以 力始終之賜。 雨 疇 驚 普霑。 依 泉 旱魃之災; ,爲衆 源之頓 不徒 生 涸 慰 而 弦 邦 惜 致 復 人焦 農 禱 亢 事 陽 之 槁 伏

迎請 遶 城 行道祈 雨

之槁 之禮 惟 臨 明 彈 佛 力 早 靈。 壓 之 暵 是 里 爲 敢 口 願 間 災, 再 憑 四 之 邀 沙 懼 郊 法 雖 農 甘 氣 馭 殫 功 9 हों 端端 懇 威 之 之傾,救 請 神益 盡 處 之誠 廢 公堂 振,指 9 禱 干 尚 祈 里 瑞 影 呼 未 良 江 像 尊 効, 苗 崇 海 所

謝 雨 几 首

冀 此 時 之 膏 兹 若 千 望 反 士。 雨 於 倉 靈 致 大士之 游 肅 今 之積 禱 秋 再 祇 尤 精 應諸 9 ; 勤 陳 得 舍 既 净 書 方, 優 仰 供 比 大 既 大 吅 有 有 真 耒 願 渥 求 年, 浸 施 乘。 耜 必 之 威 庶 遂 成三日之霖 興 或 神 疲 ; 力 耘 瘵 白 咸 或 穀 少 俾 劇 好,方 蘇 雲霓 之 丽 仰 於 暘

言。 牟 霑 遽 蒙 於 悉資 既 迥 優 歲 知 野 渥 事 膏 既開, 所來 之 潤 私 孤 荄 何 仰 猶 陰雲 凍 有早 敢 神 枿 忘 通 潛 報 之 乾之禱 漸 助 無 覺 於 礙 昭 寒 9 蘇 有 威 佛 美 9 慈 Ħ 旨 利 善 蓄 雨 而 應 廣 來 不

救 陽 驕 朝蒙潤 蹇 丽 致 早, 公私 四 普及,田 境 懷 憂; 里 佛 咸 慈 蘇 悲 不 而

成 後 氛 大 風 士之 不 慮生 凡 雷 第 厥 靈 以 真 颶 有 威 春 是 母 生 如 嘗 將 誓殫 冀 來 形 法 神 之 雪, 馭 勤 通 法 以言 之加 繒 深 雨 懼 ; 歸 若 護 秋 遠 風 保 展 若 謝 豐 近 海 稔 誠 有 益 於 而 妖 敢 垂 知

謀。 意 於 後 穫 士 又 之勤 萬 惠 恐 曲 雨 衆之渴 霖 爰修報 晚 用 借 ,始霈 必 霪 田 迄 殊 以 之 就 康 私 謝 夜 槁 害。 心, 年 霶 之誠, 固 不 雲 致 欲 惟 妨 此 Ŀ 伸 澤。 膏 益 場 於 祈 潤 謹 圃 時之精 天 檜,未 之求 從 歸 之 人所欲 E 農 依之志 , 起 功 禱 免 多 稻 遲 稼 若 殆 梁 敢 П 已 尚 終 之 期 自 祈 生 大 迫 爲 XIJ

祈晴三首

多稼在田,天忽作於淫雨;

積

陰

成沙,

懼 大 影 扶 士 吹 海 持 塊 · 田 神 飄 響之從 必 稔 噫 多 通 里 庶 歲 氣 於 而 怨 憑 大 爲 將 答。 佛 將 降 命 風 發 告 力之神,以 澍 三日 屋 歲 應 凡 惟 之 水 時 功, 此 是 爲 溢 邦 而 憂。 霖 又窘 早 た農 消 凋 爣濯 乾 瘵 散 伏 陰 之禱 黑 之 夫之慶 願 雨 枝 餘 哀 風 而 生 憫 不 人 如 未 衆 心 致 形 倚 己 生 於 恟 聲 9 大

深 厄三 慮 苦於浸 屏翳之妖 夏旱、恐激 耕 作 土 時之始。 良 淫 膏 農 初 之 開 成 起 老 害 導 後 仰 穉 羲 固惟 日之災 祈 號 嘉 和 大士,哀憫 寒, 種 之馭 甘 不 雨 里 容 東 之 間 作 於 求 坐令四 告 萌 則 , 衆 病 蘖 西 陰 生 野 沴 成 春 平 日 掃 尤 潦 疇 咸 懼 除 必 悉

之害 尚 蒸 溽 雨 欲 澤 之 伸 過 未 控禱 多 清 農 須 重 末 以 皆 仗慈悲。 病 日 之 雖 霖 陰 伏 霾 願 必 斥 爲 已 逐 千 散 里 雨

和

秋

歛

夏

耘

更

賴

雨

暘

心之若。

9

師,驅除屏翳。起四郊之昬墊,俾萬物以

昭

蘇

謝晴二首

苗則 前。 通 功於銍艾。 興 坐令吏責之少寬, 見陰雲之解 年 矣,變和 미 顧感通之甚 望,忽驚秋 氣於郊 駮 原 著 雨之霖霪 益 斯 9 民 仰 誓 陽 交喜 法慈 歸 以 嚮 暴 , 以 之 之,了農 誠 如 無忘 無 佛 禱 礙 現 纔

爣 賓 已。 開 寮 心 霽 亟 陳 洎 不 雨 歸 再 師 報 厭 初喜陰雨之頓 依 伸 作 謝 梵宇。 何 於 之私 孽,咸苦墊昬; 敢 忱 自 悃 亦 萌 欺 始 可 芽 解 , 大 示 甲 神 ,獨憂冷氣之猶存 遂於 禱祠之驗。 拆, 賜 佛力 未 已 初 終, 應時 陶 心 贵 風 日 爰 容 然 率 之 但 而

開元寺迎請祈雨

感格 使千 禱。 憂暮 相 如 日 循行 初。 沛 伏 然 夜 里望霓 旱 用 民生不 之 魃 願 而 謹 廛 爲妖 或 命 下 居。 歸 驚。 雨 之人,快 雨 依。 聊 0 師 易巨 涉 比 纔冥濛 夏秋 加 吏責 連 灑 刹 \equiv 夕 以 道 難 而 日 於 煖 薰修 未 道。 濯 驅 少 然 艾 枝之澤。 П 頃 而 是 慰 ()復開 禄 似 祝 用 衆 以 春 融 祇 生 銷 示警 一之瞻 迎瑞 益 霽 冀 威 彰 以

1317

祈 雨 雪

春夏之 愆。 隴 凋 麥鬱 郡 祈 仰 以 慈悲 而 興 不 嗣 ·伸,河 之蔭, 歲 流 迄 同 咽 用 雲 而 康 未 欲 年 作 涸 9 甘 隆 澤 冬爲 心 亦

雨 來 方 歲 渴 焦槁 而 之 無 又 稼 浸灌之勞, 如 咸遂昭 望大旱之霓 伏 願 蘇 寒風 雨 雪 交 3 而 積 農 有 事 霡 微 雖 霂 霰 閑 之益 先 零。 且 將 降 坐 1

謝雨雪

平 矣,更求 條 彰 少但欲 之期。 於妙 爐 感 煙 表 三白 飄 既 豐年 飛 篆,方展 慰 一之祥 霙 人心, 之瑞 閒 9 舞 於精祈 3 天 敢 雨 寒 實爲 忘 必 氣 佛 以 ; 頓 之,用 力? 夜 Щ П 雨 尤 隨 滿 歲 雪 足 車 云 見 不 方 暮 封 E 太

祈禳颶風

隨感而應,久依大士之靈,先事而祈

鳴 指 造 期; 冀 然; 欲 壑,驚心猶懼於傷弓。 麾海 多 條之警。 保 預 瀕 去 稌 有 弭 若 秋 海 而 秋 巨 被 匪 多 之 俾 災 傷, 庶乎大稔 遥 黍。 無 慶。 發 此 伏 大 占 屋 邦 恐 竊 願 風 之 暑 特 俯 以 濟此 有 幸兹 虞 甚 鑑 雨 颶 候,或 9 之 忱 風 垂 彈 時 爲 餓 誠 爲 成 壓 雨 莩 兆。 云 害 飛 曲 而 尚 春 憐 廉 時 累 雪 嗟 呕 暘 凋 不 以 於 載 投 瘵。 復 慈 爲 方 填 而

海神廟禳風供斛疏文

門。 之腹 戌 敢 餘 之 先 殃 期 佛 幸災數之已窮,喜 重以 積 風 慈 而 有 無 致 去年之甚旱。 冤 礙 干 禱 滯 疇 凡有 惟 鞠 草 此 感 奸 野 東 而 農 陰 之 嘉之千 飢 必 陽。 功之在 墟 羸 通 萬萬 轉 , 未 里, 壑 歲 衆 望 蘇 事 累 葬 木 疫 將 然 歲 江 於 癘 成 之 魚 丙 盈 而

者,其 之憂; 歡 助 證 設 計 出出 人 明 冥 喜 順 途。 颶 心 母 易 陽之法 信 萬 敢 多 恐 或 風 安乎 靈 兩 伯 稼 里語 生 歆 潮 收 在 食 於 ? 鑑 來 威 今 田 相 建 往 是 H 傳。 飽 未 無 嚴 之 用 餒 初期 萬 净 保登 恭 微 魂 謂 竅 之 即 風 於清 飛 怒號 道 場之慶。 靈 濟 偃 雪 場 祠 此 草 供 再 之恐 豐 ·, 已 見於 虔 伏 拔 登 修 懷 願 爲 滯 釋 初 同 諸 之 拔 海 魄 教 春 神 吏 木 生 於 佛

郡治祈雨供斛疏文

皆然; 變,死 薰 周 尚 於 者 賴覺 歲 水 不 事 紀。 知 慈之可 早, 屢 其 愆 幾 古 痍 人; 告。 此 知 未 方特 定 復 I: 竊 數 午 以 早 甚 之 颶 天 暵 難 風 % 旋 丙 逃 代 以 戌 臻 9 來 有 溢 方 今 所 沐 海 良 之 則 在

虔, 柬 蒙潤 悉 伏 設 物 揚 苗 悔 H 有 自 不 間 用 和 刀 仗 砧 命至 暢之 願 以 老比 然 穢 之在 責。 日 塵 以 無 0 崇 勝 諸 言 銷 陳 鼎 鄰 遮 求 獨 緣 風 儀 丘 重 鑊 除 佛 廣 於浮侈 深 田 清 境之應 未 甚 戒 一,烹庖 延 乃 無 證 慙郡政之不 9 净 入郛。 咸 發大誓 於 潔 辜 聖侣 明 雖 厚 豈徒三日 之法 超 經 誶 ; 之物 萬萬 膏 0 夜 祈 惡 月 懼 下及於 語 澤之漸 骨 出出 食,誦 趣 既 靈 願 而 庖 列 何 與與 魂 肉 乎 靡 不 處 厨 積 爲 修 爲 嚚 應。 神 洗 飢 爲 細 雨 感 之不 公堂 有 後 通 甚 霖 訟 衆 滌 饉 抑 0 而不 微 馨 妖 我 仍 深 恐 滯 愚民 疾 生 連 , 得 謹 香 悖 沙,上干 微 宗,亦 甍 淹 疫 初 人道 民 而 況 遂 慮 我 而 妙之密 别 之 非 宿 風 請 心 病 僧 如 己 飽 彝 氣 之不 惡 之 業 供 暍 命之流 命 衆 坻 閉 滿 四 倫 大大 太 盈 能 伊 隨 涓 之 閤 郊 如 扇 3 蒲 和 之 弗 澤 京 揚 凡 望 服 里 懺 而

之穡;庶幾千里有衆,永爲樂郊樂土之民。

净光祖佛謝雨疏文

大千。 用 爲 真身於公宇,彰妙 還窣堵波之居。 均,風伯收 水 嘉 頃 深 禪 機 旱暵之憂, 成威而 不 退聽。 勞一 感於 願安故山 宿 備 海 爰飭 9 邦。 舉 曹 一,永福 祈 稻 谿 禳 雨 田 滴 師 之 兹土。 衣之舊 水 潤 典 物 遍 禮 以 滿

送蒲杓潭聖水供斛疏文

潤 佛 之 願 之休。 皂衣 力。 心 甘 竊 雨 讀 得安恐 惟 遣信 既多,已 四 句 變 之 通 士 怖 雖 以 法 彰神賜; 在 印 啓 頃 於龍 行 致 咸 許 早乾 謹 神 靈泉欲返,爰答 受持 勝緣 之禱 佑 助 , 而 值 亦 有 憑 於 縷

歆

無

礙

之齋羞

,郊野蕩有

生之沴

氣。

慈

雲

界居 神 壺 果 垂 而 施 歆 獨 應 此餘休,長使雨暘之若。 後 感 ,十方均 可 虔 保 修法供,上 足。 豊穣 受兹善利 雖 衆 報 水 陰 益 之 功 既 資 歸 伏 潛 躍 願 貯

晋覺寺禳風祈雨水陸疏文

猶恐 禾。 修 無 沮 益令疲俗 今歲亢陽,不若他 之間,至今未已。 净 洳 繼 供。 朝暮 之郊 風又困之,苗無秀者。 方數千里之旱,爲 頃 之不 伏 求 之難 亦復告病。 願 大 虞; 士 萬 堪。 曾 靈 眷兹 邦之已甚; 麥種 斥 發 答 鹵之地 海郡, 願 害固 哀哉 難 心 諸 況復火驚 施 多 佛 屢 野 月 且 爰 而 自 鑑 己 有 老, 即 積 天災。 憂春夏之 知 無 年 寶 望 七八 可 坊 輒 重 此 冥 爲 恭 木 月 陽 晚 雖

法 雨 來 尚 蘇 祈 焦 妙 槁 利 之餘 普及含靈 9 早 魃 火 神 屏 逐 要荒

海 神 廟 風 祈 雨 水 陸 疏 文

開

洗旱 之鴻 消 忽 陳 拔 法 具 因 四 魃之餘 食。 木之暴 田 方 祖 之 告 尚 謝 妖 憑 風 ,還作鳴條之和 功,正資 天 佛 地 霈 慈 恐 鬼 作 俯 神 懼 三日 秋 之大賜, 弗 徇 霖 勝 之 祈祈 慰農夫之渴 欲 雨 敢 9 禳 廣冥陽 即 收 飛 方 靈祠 廉 召 謹 作 和 水 氣 孽 恭 陸 遽

獄 空 道 疏文三首

好 令 吾 生之德。 果見 新 漢 代 屢空。 之章 雖 日 程 樂吾民畏法之心, 喜 務 清 令易 於淹繫,恐 避 , 驗 積 體 周 年 聖 邦 之 未 L

> 於梵唱 衆生之 免於滯 障業於將) 愚暗。 1,變苦 冤。 來 涓 海 庶幾 蠲 擇 爲 宿 剛 道 愆 辰 場 不 於已 犯 汛 仰 除 往, 諸 圜 佛之慈 悉與 土 易 爲 悲,憫 痛 新 呼

喜妙果 假 期 口 封 慈 有 航 獄 可 之圓 繫俱 之濟 之不 永除 空,賴 成。 犯 9 爰 覺 罪罟之虞。 尚 率 皇 具 人之慶,庶 之 僚 明 證 載 同 9 祇 干 緇 故 里之風 流 比 事 皆 屋 之 更

符盛世 所 之氣 楊。 流 發, 繫囚 集净侣 盡超瘐 旦 一之好生,下使斯民之遷善。 願終憑於妙果,遂永濟於 喜 相 聞 以 踵 死 於 咸 之魂 + 刑 來, 年 措 9 建 不 佛 道 見 掃 會告 場 於 除 而 吾 狴 員 致 空 犴 凡 9 無 潔 洗 聖 夫。 復 沈 澤 滌 梵 音 旁 冤 桁

城中禳火道場疏文二首

恐天 患 檜 尖。 焚 廣 共 遂 比 妖 之立 設 圖 反 ; 屋 孽 煬之虞, 畢 % 火 萬 幡 勝 百 鄮 方既 之未 衆驚 以 幢 事 家 成。 延 Ш 燔 無 之 甬 周 他 號, 市 逐, 招 殄,非人力之可 良 水 洗鬱 太 行 久, 緇黄之净侣, 9 陰 素 闤 共 然而 灰 城 攸 闄 被 號 爲 施 飛 震 之 害 樂 曲 威 末 煙 氣 願 動 殊 邦 突 俗 滅 無 見 深 3 徙 訛 失 復 幸 聞 建 爲 П 薪 傳 之喜 救 畫 黔 禄 風 之 浮 焚 夜 連 烈 願 祝 廬 謀 屠 之甚 之 捨 集 朝 焱 融 赭 千尺 道 衆 小 馳 垣 忽 永 庶 警 場 緣 至 銷 之 之 禳 掃 爲

驚 以 來 俄 伏 無 劫 以 有 火之洞 川 火 明 災 樂 之恐。 然、況 土 萬萬 海 室 仲 風 連 冬 之助虐。 云 始 自 奇 從 變 民 兵 居 燬 口

> 庶 修 難 長 邑 齋 屋 念 逃 觀 懺 變於清 於天數,願終賴 遽化 音 之 衆 埃 涼 力 心 煤 備 ; 當永 ; 祝 盡 寶 融 消 塔 緣 於 悔 於 事 佛 戒 禍 熱 告 慈。 壇 惱 無 成 亦 爰 復 爲 建 畢 火 煨 坑 道 方 燼 之妖 成 場 併 池 古

育王作潼川水陸疏文

原,具 流 舍利 大 法 功 百 果 東 ,俱來温習。 年 藏 光 載 何 水 陳 南 惟 待 明 而 以 陸 規 信 有 攢 玉 復 之殿 大 範。 士罕 几 振 成 揚 齋 之幽 自 將以重午之吉,廣募 冥 方 讀 由 見 江 梁武 陽 欲 秦 者 深 潼 浙 普 莊 ,不減 繕 無 111 近 帝謀於誌公和尚 供。 襄 修 不 楊 年 現 起 * 氏 多 金 於英 報 敬,行之未得 會 之 用 Ш 應 全 儀 之殊 眉 公禪 不 蜀 Ш 可 四遠之 雲 窮 蘇 勝。 筭 師 水 究 公之 數 之 況 本 其 隔 取

空,徧法界,悉與證明。以其施用之餘,助此前良? 上碧落,下黄泉,皆蒙利益,盡虚人。積少成多,庶幾易舉;自今準昔,何媿

右語 附

修營之費。

各希喜捨,共結勝緣

水陸 海 皇上後天之筭,永爲 潼川之儀。 地,普施慈悲, 六道四生, 咸蒙 Ĭ 大齋 ,併來擁衛 阳 育 王 久嚴法供。 勝 舍利 事圓成,群 9 寶塔, 緇 流 東 道侣 兹憑蜀道之衆, 南 夙 著 集福 情胥悦。 ,毋怠焚修。 靈 之場。 **参善利**。 光 9 三乘 梁 Ш 仰 共 武 君 祝 + 演 帝

持誦三經發願文

塵世七八十年,心歸三寶;毗盧五千餘

卷,口 方。 諦。 浮界内,總是空華; 心。 岸,免墮迷塗。 津梁,尤爲萬善之機要。誓從今日, 談净土。 冀諸佛之哀憐,使願 上 專持三經之言,咸足大藏之數。 誦一 則欲悟明於 觀音所説,救苦爲先。 一周。 載惟般若之名金剛,彌陁之 盡此衰殘,永無退轉。 心 其 地 如 次次 王之滿足。 生死路 則欲修 廣示衆生之 頭,未 證 更 遂 古 發 超 於 明 知 誠 彼 實 西 閻

攻魄先生文集卷第八十一

媿先生文集

攻 媳 先生文集卷第八十一

四 明 樓 鑰 大

疏 文

鵝

湖

已

老

住

温

州

净

光

疏

處 喝 蜀 悟 言 裹 之奇 證 讓 切 發 辭 親 舊 永 道 聲; 鵝 嘉 ,傳東坡之裔。 孫 歌 及 湖 子 本 重 早 楊 翕 老 色 與 爲 岐 叢 和 然大 便 出 金 林 來。 是 剛 隻 衆之傾 真 久 卷 江 臨 手 矣 獅 直 月 濟 <u></u> 子 向 松 震 兒 方 正 心。 風 雷 法 之 0 卷 喝 復 眼 某 不 虚 中 曾從 見 人 要 煩 席 透 孕 傳 知 苦 ; 過 家 落 作 兀 西 員

防

丹

丘

同

老

住

鴈

Щ

崇德

疏

皆 拂 竹 翁 人 風 禪峰 然 坡 顯 流 ,共看今日 舊 焕 鴈 甚 居 要 吞 蕩 3 峻 蓬 ,坐使 主 得 Ш 張法 道 當 中 透 重 峯 卷 場主人, 價素高。 新 丹 眼,且 丘 峯 自 秀 改 是 觀 絶 須 平. 是 振 , 還 棒 生 起 鹿 逢 喝 高 這 場 袁 門風,更 了 分 家 作 會 兒子 明 9 戲 下 拈 覺 槌 易 箇 竪 地 離 祖 某 箇

皇 甫 道 籙 住 玉 隆宫 疏

錦 帷 逍 住 遥 青 之 藜 地 縹 贵 緲 之 無 宫 里 閈 久 之 演 思。 教 門 況 之 是 秘 旌 ; 陽 望

之清,

白

河

目

海

口

共

看

説

法

之

精

神

若

,

能

徹

底

爲

人,是

即

名爲

報

或

之異 今 鏡 雞 Ш 子 追 故 Ħ 棲 湖 微 + 廬 之曲 之勝,宜訪 知 宴 共 二君家風。 且 期紫氣之來,少 領 坐 看就靈 有 夙 洪崖 左街之要 進 高 丹之九轉, 登 真 優; 舊 絳闕 某人道價穹崇 一瓊宇, 迹。 職 之名; 若非 遼東鶴 慰黄 密 F. 倦 侍 賀監 裨睿第之萬 第 遊 冠 玉 御之歸 E 之望。 皇 神 流 或 隱 鋒 居 人 雅 受 物 俊 福 意 兩 宜 IE. 年 難 須 得 地 西 朝

唱

仰

延

睿

筭

振

起宗

風

智門蒙老住台州瑞巖疏

之恩 聞 大 面 事 俱 IF. 當 渥 宗 ? 鞔 峯 古 刹 世 某 視 重 道 事 新 臨 人 價 源 空 濟 獨 絲 黄 照 流 與天台 高 二之道 不 有 龍 掛 自 致 不 場。 使龍 器 間 鴈 海 今古 蕩 度不凡。 若無 Ш 天 相 孤絶 推 爲 當 出 況 長 真 禪 有 雄 九 成 機 誰 清 ; 泉 桃 負 心 八 朝

> 鳴 # 命 起 此 鶴 兒 四 段 含 衆 無 箇 話 傾 意 一什麽, 頭 聞 心 直 聲; 幾 主 與 象 承 人公莫 片開 軾 當 之肯 前 雲, 受 畫 來 家 人 何 瞞 據 法 心 猊 出 九 會 床 岫 重 須 而 有 拈 舉 石

昕老住台州寶嚴疏

照之燈 梵 掃 九 粥 呵 宗 刹 重 飯 雨 物。 地 三之壽。 派 主 駡 祖 密 是當 風 未 此 人。 師 ; 在 開 姑 自 際 命 海 當 蘇 見 幸 脉 不 邦 是叢 不不 來 臺 須 逢 地 正 更 邊 知 雖 明 林手 斷 法 陳 己, 白 云 曾施 如 眼 久 絲 段 不 讓 且 做 飛 9 臨 妨 之辭 量 來峯 古 從 + 濟 重 方,却 柴 佛 相 之喝 爲 數 試 下 道 便 開 米 場 血 好 是 親 Ш 先 肉 來 本 傳 幾 有 專 作 無 如 佛 某 成

雪庵瑾老住天童疏

又

詮 平 神 羅 電 主 宸 風 道 出 庵 正宗,真是心 場 等 老 推 道 翻 盟 翰 不 仰 墜; 慈 場 ? 頭 子。 太白 出 碧落,本 中 費 飾 地 無 9 某人 兩 有 以 江 乳寶 永嘉 名 便把 漢 雲 宫之睿 江 却 Ш 兩 卓 漫 聞 來 湖 漢 煩 Ŧ 般 游 嫡子。 似 爾 數 鬱 接 昭 宿, 巖 條 第。 雪 0 不 百 П 納 乎 可 寄言 楖 點 群 衲 之光 出 振 天 後 謂 老 龍 子。 櫪 紅 處 起 地 來 去 杯 湫 爐 是當 淑 來 明 來 而 渡 弦 白 是爲 舉 覺 自 靈 益 看 黄 焉 孫 丈, 揚 之 在 師 壯 龍 兒 虚 諸 況 東 氣 重 9 法 面 ,莫駐 席 普化 南 承 祖之真 席 新 動 9 玲 舅 諾 靈 第 處 孰 吾 瓏 機 雪 皇 鬼 源 如 爲 矩 家

> 望 潔 人辩 幾 巖 取 呵 人。 佛 下 足 乳 ; 音 峯 罵 如 才 天 佇 鏡 無 直 舊 童 祖 看錫 鑑 瑪 游 礙 須 寶 9 等開 像 來 性 瑙 恁 坊 杖 不 麽 坡 飛 赴 地 甲 前 拈 老 將 來 鄞 真 于 出 師, 空。 不 近 江 曾 迎。 勤 郡 聞 自 來 以 請 9 然 鐵 主 妙 雪 心 敵聖 此 艇 名菴 用 凡 聞 處 歸 全提, 我 嫡 一驚群 法 去 非 里 子 席 9 玲 清 何 存 某 瓏 認 妨 者 俱 非

真濟爰老住慶元湖心疏

出 南 來 Ш 遂 善 某 解 超 人發菩提 衆 字,古: 説 每 佛 心 恨 便 寂 稱 傳 寥 律 毗 既 師 尼 9 教 抗 何 折 幸 有 百 志 老成 家

境界。 藍。 接 映 利 月 四四 物之志,開防 方之雲水 要令鍾 重 新 廣大津梁 皷 交音, 非止惡之方。 現 大圓 9 直 柳岸 使 鏡 湖 摇 請 Ш 風 談不二門, 坐十 改 顯 觀 洲之 出 清 石 凉 橋 伽 久

雲老住育王疏

背,尚 枝; 諸 既 師 受人天作禮之供。 重 正 大意 是當 須 孫 H [1] 慧力; 達 存奕世之風 育王 露巖 磨 ,好來伴佛照老人。 得髓得皮,無 仁,毋爲多遜。 師 接 爲 頭,吸 踏 取 舍利 長 禪 蘆 盡 門 而 香 命脉 西 圃 負單傳之業; 造塔, 佇 Щ 自鬼 某人拙菴 江 渡 頂 用報 之水。 江 上,擘 坐斷 神 推出 聞 久 國 納僧 嫡 飛 賴 開 既 恩 子,佛 錫 以 不觸 主 連 己 之臨 舌 來 盟 得 理 頭 祖 之 屢 之 不 H

雲隱觀老奉勑住天童疏

呼猿洞 須還 粲 成 瀾 人神鋒峻 陳 翻 錫飛下。 可 北 臨 迹 海 共 内 П 9 濟 作 高峯未 任 名 發,正令全提。 當 證 章三要,正 山,最説 家。 明, 他 萬 如道行孤 直得 詔 壑争 山田 天 衣 流 童 賴 冠 頒,人 聳。 法 9 西湖 舉 巢 宿 席 揚。 許 鷺 水不 心 亭前 光一造, 襌 口 豊 俱 伸 林 抵 惟 嚮 ()便看 勸 的 辩 祖 派 都 某 師 П

1327

吕妙嚴求僧疏

至今無計 越 施 心,肯出一 奉苾芻之教,于兹 結 緣 隻手; 未就 索 索 遂使河 有 年; 價 愈 裁稻 沙寶塔,能合 高 田 冀 之衣 承 檀

百尺尖。盡此報身,仰資福利。

西山行者求僧疏

夫,無 出 但 日大長 家 要 得 Ш 非 者特 須 皮 林修道,豈問 報 尋 得 効。 多 達 髓。 寶 爣遂 如 後 來若 來 是佛是僧 圓 買 成 非得度,没 箇 9 他 護 9 時 身 佛祖 下 符 世 版 子。 傳 不 頭 燈 號 I. 今

陳如璧求僧疏

檀越之發心 知 投 若早 身 净 刹,于 得 ,盡色身 [1] 堵物,便 兹 而 有 圖 年; 報 미 厠 裁 迹 屈 緇 眴 流 衣 未 逢 願

王妙容求僧疏

梁 塵 有 契於祖 鎖 橋 頭 就夢 《黛遂 須仗 心。 説夢,總是迷途; 衆檀 全於僧 荷德 越, 無 相 成 窮 9 取 們 他 大丈夫。今日 恩 時 傍家出 \equiv 何 限 條椽下 家 漸 百 離

温州北山隱清修造疏

處 語,勸好事者。 口 遊 諸公諭延 舊 同 有 年 隱 翁 清 處 福 堂 度 主 邀 俯 僧 予 龜 俾圖 遊 亭, 北 一之,爲: 蕪 Щ 廢 歷 作數 覽勝

君之舊游 近郊,人獨 東嘉素多勝 罕 惜當策杖之餘,獨 到。 地 訪 朱 名 處士之遺 皆 有 傳 無 9 駐 迹,追 北 足之所。 Ш 蘇 秖 史 在

會聞 但 神 存 龜 荒 下 壑之高 闖 址 澄碧, 欲爲匠 人,共作數椽之佳 宜有危亭; 石之費 八,自恨 雙瀑 廣 來 處 文之貧 對 隱 後或 清

開元觀修造疏

來

此

尚當賦之。

中,指 幸賴 東麓 間 杓, 踰 楹 猶 可 於 在 之隅。 鉅 而 前 適 永嘉 嶂旁連 禾 寂 事 由治 萬 稔歲之在 人, 坐 \pm 成於志,夫豈辭勞? 福 ,得未及於二三。 稍尋故 一清人, 上。 平之下徙, 惟 地 於 開 華 滄 使 今, 元之 - 蓋 海 安於黄老之教 雕 步 集衆 名 甍 舊 致 凡 城 襟帶 刻 基 祝 日 緣 桷 有有 膽 融 黄冠之字 七山 而 城 大於 П 望 星樹龍 尚 可 郭 禄 如 Ŀ. 冀 復 軀 以 應 崑 上 權 墮 挺災。 輿 以 買 費 壇 於 多 雖 幘 贊 之 若 幾 棟 之 依 斗 西卒

> 心,共成勝處。 兩宮之萬壽,下以祈千里之百祥。願啓施

台州棲霞觀建三清殿疏

遺照坐 歸然獨 工 於輒 成; 百載 遂賜 白 非 法輪之役,併崇僊闕之居。 禾 水真 不 於坐上,不妨墮 徒 大 壞, 加 栖 四 中 忘 厦 集。 存 慨殿 霞 和卓菴,始著白雲之號 事 然 忽 ; 之名。 難 或 不廢 信神明之力,有 傾 獨 日 庭之甚 學赤 有 幸吾 有 非 數。 其 囊錢之費 據郡之東北 城 何 幘於醉 州 隘 居 道 繩 以 ,俾棟宇之 旁卜築,信三年 土 . 興? 之可 適 當樂 中 建 言念斤斧 室無纖 以 助。 隅 況元始之像, 功 9 陰相。 共 歲 祥符 立 捐 閲 雖 增 事 粟之儲 所 時 垂 高 了, 正 À. 爰啓 一之不 幾三 積之 冀 成 揮, 觀 至 須 功

餘,助成輪奂之美。永祈道蔭,加芘民生。

化經幢疏

資休 易 之衝 爰 濟 建 恐。 ,咸保平安。 於迷途。 法 要, 息 子 幢 寒燈 城 頗多暮 備 東 共 惚 南隅,古岸 軫 刊 炷,已 兮恍兮,永 須募衆緣 納 神 夜之往 溝 呪 之 破 念 來。 庶 昏 出出 助助 仰 欲 蒙; 除 闃 憑 虚言 成善利 妖 處 推 於 小 釁 0 拯 佛 屋 相 雖 , 溺 數 驚 力, 居 非 之仁。 橡, 過 者 道 用 行 者 拔 用 路

臨安縣葬遺骸疏

實 之 側 先 王 葬 之至 野 耕 衣薪,乃上古之遺 田 鑿井 恩。 ,帝力何加 眷兹壯縣之區 ; 俗 送 ; 密 死養生,民 掩骼 邇 埋 行 都

> 之陰德 殍。 過 有 飽 小 無 心 方之净侣 在 兵 風 ,足以 殤 所 餒 知 有 者 悲 無 之無 歸 情 莫窮 魂於清供。 0 動 憾 日 是 미 ,洛縣之哭聲自 而 心 曛 歛 知 建 用 安忍 主 夫何 所本, 祗 青海 形 一,弗 廣 贵 無 ; 凡 募 犁 隱 兆 得 頭 礙 日 盪 衆 欲人之不 墓 地 之道 之天 域 益 埋 見聞 緣,共 除 以 堪 藏 大 多 氛穢 爲 絶 場。 高 傷。 陰 有 同 田 ; 行 雨 遺 興 各令就 得見,豈亡者之 垂 神其 拔 致 道 濕 融 義 骸 因 喜 滯 死 僵 化 事 成 捨 來聽,王 魄 尸,凶 耐 視之慘 泰 古 次 暴 於冥 爲不仁, 戰 槥 和 露 場 集 櫝 年 , 途 忳 鬼 餓 抑 之 雖

慶元府砌街疏

列萬家之市。 譙 樓巨 麗 行塵 5 臨 弗斷、古甃 九 達 之莊 寝隳。 雲屋 參差,傍 不勝 磽

贊 嘆 确之多 平如砥 而福 欲集衆緣 無復 生。 ,直如矢 坦 隱 共 夷 以 成兹 之舊。 錐 ,尚庶幾周 樹 事 以 時 松,雖 既 焉 往 道之行。 久矣,過 來之步 不及秦堤之 者 宜 病

環村建橋疏

仰 杜征 役。 他 **约之設,既阻於征途**; 杠梁 幾 Ш 仁 南 共思累石 合數百 之 心 人懷病涉之憂,孰 盛 ,共垂樂施 , 源,來從 濟 或 可 溱 絶 越 洧 嶠 流 庶 9 有 之成, 沿十 無 建 知 鄭 津 橋 富 之問? 餘里,徑 子産之勞。 又煩 平. 於 敢 望 歲 略 F

妙應院募隨年錢塑佛疏

彈指開八萬寶閣,當知無礙神通,枝

各施 像。 供 草 箇伍雙,俱 作 養 隨 中尊 丈六金 却 年之數 須 力 成勝 相 就 身, 好 衆 事 何 光 0 力未 一文四字,盡 用 明 願 有 0 垂喜捨,用保遐齡。 周 爲 惟 功 此 欲 德 精 結 出 藍 萬 善善 若 人之緣 心; 舊 要 莊 無 佛 嚴

奉化告成院造藏殿疏

狀。 真 闢 尤勝。 無端 子 尚惜故 咸 聚 五 於 平 中 奉川 沙 適 百 新 逢樂 大士 基, 賜以 規。 之 有 百 有 榛 大檀 歲; 一,併 告成之號,有 里,僧刹 毗 漸 蕪 盧 9 歷 列 H 越,改 施 Ŧi. 吅 諸 甚。 心一 T 高 相 天。 卷經,首 爰創 門。 遷 望 發,笑龐 營求累年,艱 勝 如聞 縣治東偏, 舊 興於寶 地 店 尊 喜之名。 殿塔 重開, 公沉 四 藏 部 俱 寶 窘 用 佛 如 ; 全。 之 當 童 增 萬 應 廬

開元寺修造疏

爲之故 熏修 臣。 藩籬。 是 猶 士 寓 久之不葺, 寖以弗支。 光 垂 文場。 喜捨 殿之 爲 有 戀 富貴鼎 甬 佛 有 爰啓 獨 暗。 水 以 心 法 將 凡 存; 南 資 倡 隅,開 筆 來,人 今日 願 相 雖 外 衆 老柏 陣之掃,千軍 心。當 公侯之盛,次爲言語侍從 已 緣。 護 各開 縉 物未艾。 元巨 之力。 蒼然,有 紳之賢,多 求 如 於 檀 廊 使 刹 户 僧 施 廡 益 牖 贵 於 武 桑下之經,三宿 層 廬 增 焉 侯 樓 忘 矧 有 異 未 福 惟 欹 廟 古 來 再 知 時 禄, 寶 之 甚 興 處 傾 韋 剖 ? 遐 之 所 丹 誓 布 如 破 期 想 謹 之 之 雘 舊 於 願 靈

白水鑄鍾疏

利 聲 惜 用祝 出 古鍾之 紫翠之閒 青 Щ 遐 深處, 瑕 璺。 白水奥區 萬 欲 衆警昬矇之病。 求 良 冶 雖净刹之莊 須 募 勝 集 緣。 兹 嚴 妙

修董孝子廟疏

旁風 泯,遂 喜捨 志 繒。 更新。 所同 屬 以 ,見丹青之故暗 純 爲 下邑 歲時之既久,致 孝 助 鄞 著 然 勝 水之靈 聞 建 而 緣 祠 費 實 豐 既 揭 始 神。 不 虔 碑 董 貲 妥靈,豈 東 甚 棟宇之寖隳。 溪 廟 廂西 飭 力 之孝子 食至今, , 難 序,思輪 城 特 自 中 爲 9 庀 民 英 役 方 上 敢 奂 生 靈 衆 祈 之 求 知 雨 不

福 之 地 9 化 民 成 俗 抑 將 勸 干 里 事 親 之人。

慈溪崇壽觀修造疏

成 其 將 金 樂施 趾 新 霞 甬 襴 之家 爲 胎 水 星冠 名 禽 可可 方 巢 邦 敢忘 集 林 與 羽 福 以 共 流 發 圖 之 此。 蓋 地 其 報 寡 夫 祥 雲棟雪脊, 9 董 豊 元 溪 武 偶 勝 據 然 處 爣 地 遂 須 以 琳 定 有 千 宇

建井亭疏

欄 濟 有 靈 衆渴 寶 宇 坊 上 斥 供 未 總千 於 鹵 之地 尊 無 稱 門 天 窮 偉 涌 丽 觀 助 \exists 會 出 良 得 汲 一甘泉; 今 大 道 欲 於 盡 有 莊 几 荆榛之區,化 嚴 永 衆 來 傑 9 奮 以 閣 下 空拳 傾 崇飾 蔭寒 依 9 井 豈 不 爲 扶

> 之高 無 期 與 勝 他 長 緣 者 H 風 ,咸資 粥 爲 抱 飯 成 甕 之供,普 《福力。 兹 飲 事 醎 ? 接 指 通 洗 禾 途 海 墮 雲水 瀕 幘 之 之流。 陋 毋 習。 歉 古 凡 尚 人

妙應院作塗田疏

釋 行。 路 喜捨,不問少多。 煎 子, 頭 塗 空拳雖 伏以 田 箇 無 錢 董溪佳 幾 有 無 曰 五. 四 難 不 雙, 字, 成, 處, 論 好 須從 事 己身 要 妙 此 相逢,莫教蹉過 結 意 應 這 飢 衆 終 寶 裹 飽 人 坊 須 去 緣 有 願 9 問 應。 堪 得 債 笑 著 兄 大 弟 主 奉 香 家 诵 相 111 Ш

岳林寺作塗田疏

山號岳林,有短李公之題額;古稱彌

宇。 之 往 欲 爲 餘 餐 處 餘 勒 緣。 募 得 可可 年 右 難 流 當 化身千 粥 人 海 事 作 變桑 眷 來 豪。 , 永 膏腴 傳 皮 下 藝 此 愈 無 袋 生 百 田 瀛 秋 黍 之 乏 盛 之 除 億 壖 歛 稷 贊 品 絶 道 衆, 春 於 歎 是 惟 之 素 場 耕 未 憂。 設 錢 蛟 我 多 變 己。 隄 苾 流 龍 斥 儻 現 地 自 蒭 地 之 防 鹵 遂 無 在 今以 之 於 上。 窟 生 窮 奉 侣 濤 就 成 JII 始 爲 始 浪 誉 之計 共 歷 是 憑 之 世 名 福 孤 圖 生 化 中 利 粥 聞 絶 ; 士 涯 有 左 最 之 白 寰 飯

修戒壇疏

所 江 難 淮 發 實 之 學 靈芝之故 間 佛 故 非 祇 戒 百 樹 之 餘 儀 規 院 體 用 六 出 不 弘 + 存 地 教 四 * 層 法 首 結 基 戒 本 惟 建 無 道 鄞 原 壇 111 場 之 寺 勝 9 寶 心 而

> 未 文 綿 莊 兀 藏 加 免營 啓 佛 受 衆 嚴 遠 珠 具 歸 而 覆 遵 募緣 求, 足。 丹 依 釜 種 南 青 善 庶蒙 之 Ш 周 善緣 敝 中 根 洪 祖 繞 暗 更 ; 布 師 誓 至大, 永使 檀 施 棟 啚 重 越 經 宇 摶 之繕 苾 福 儻 之 手 傾 倣 芻 利 捐 制 無 轉 欹 修 無邊 金 度。 得 輪 策 幣 依 寖 聖 覩 費 五. 不 發 歷 王 錢 方壯 戒 歲 於 願 果 不 + 袁 之 時 貲 觀 佛 之 舊 之 戒

慈溪縣建夾田橋疏

良 昔 脩 橋 萬 梁。 於 啚 户 陳 經 富 氏 濟 易 誉 當 平. 乘 舊 濤 時 輿 庶 真 從 波 於 興 得 T 吞 新 溱 起 材 惠 吐 洧 之 民 方 歷 之 之實 易 爲 岩 歲 衝 集。 久 知 月 亦 計 爲 以 支 車 惟 路 寖 傾 馬 兹 既 之端 隳 拄 往 近 共 境 壞, 來 由 今 9 之要。 董 於 終 建 斯 溪 厞 河

贵 海 道 之役 惟 ,宜各啓於善心。 利 四 遠之行人,抑亦增一 平步 侕 進 不日 何 殊 耐 插 成, 方之壯 天 雖 螮 非 蝀 鞭石滄 觀 之 雄

東湖二靈山鑄鍾建藏疏

之鴻鐘 妙 内 沉 萬 和 萬 人 Ш 境。 . ; 冤 計 捕 菴 來 Ш 取,不減 主 之 爲 劒 願發 飛 含靈 護 大 中 湖 輪 法。 ·, 尤 湛 振 之在 有性 宗 施 千 輪 二千艘,而 爲 心 鼎 風 頃 空; 之 挺 之碧, 共 脱 新 0 寶 秀。 棟 幸 成 命 三界光 藏 宇 鄉 勝 無門。 真 韶 震 水族傷 衮 事 是 消 或 特 耀 中, 除 涵 師 題 當 今欲撞 林 業 殘 虚;二靈立 留 主 人 使 戀 障 下 盟 華 千 動 有 公案, 嚴 拔 頭 干 以 念 之 漁 魚 濟 石 百 祠

龍潭法海院起殿疏

甚 幸 咸 青 寶 此 -蒙喜: 開 相 而 藏之 華 倒 照 祈 鮚 捨 榱 廪 年,而 靈 棟宇重 埼 之心 載 ,立見崇成 奥 9 品 飭 Ш 精 9 龍 111 一新 藍 非 即 暈 潭 賴 戒 翔 兹 木之 古殿 勝 良 寖 爲 境。 Ι. 獨 壯 可 復 河傾,歷 競 觀 鬼 爲。 佛 致 神 廬 揮 願 加 況 之 百 斤之力。 投 護 闔 盛 年 巨 境於 而 共 寶 丹 愈 稱

象山棲霞觀起殿疏

嚴然。 頃 之芝,經行自 謀 遷徙, 寖 棲 爲千年傳 霞 吉 壤,並 此 致 隳 道之區 陶 海 頹 隱 靈 0 居 壇。 號 坐使 留 透 徐 殊 方 瓶 君 庭 之井, 植 房 鞠 福之地 求 爲 遺 養 茂 像 神

脊之焕 草 Ш 以 就 中 勝 之宰相 兹 然 緣 欲 鼎 庶 或 望 新 星 島 古 可 冠 上 迹 希 霞 之神 蹤 裾之萃 復 建 僊, 琳 止 固 宫 知 願 將 難 垂 雲 遇 喜 棟 , 捨 仰 雪

黄州雪堂建思賢寺疏代錢文季作

岸 雪 章 使 爲 何 晚 Ш 白 曾 節 微 浪 坡下 具 游 傅 錦 在 欲 陳 泉 几 長 夢 老農 時 望竹 迹 公之隱,實 方, 孰 結 紅 江 雖 樓; 非 僧 游 春 不 已就 樓 夫, 自謂 沾 廬 其 色, 志 而 丐 故 上。 此 荒 日 不 於 在 此 壘 士。 遠,築 行 過 黄 殘 語 西 坐 樽 乎 膏 邊 見 岡 前 江 前 聞 再 , 無 雪 屢 狂 Ш 東 衆 3 翰墨尚 閏 堂 不 副 游 如 四 坡之名,本 ,若將終身 使。 以定居 加 心 赤 故 望 敬 争 壁。 多,所 後 歲 武 奮 丘 月 昌 岷 頃 甘 北 文 南 因 幾 至 峨 由

> 之風 奉。 立, 其 流 段 聲 傳 愈山 奇 惟 名 於 新 事 檀 遺 鍾鼓之音 越 蹟 矧 高 之施, 在 而 先 吾 水 帝 長。 曹, ; 如 親 自 墉 敢 爲 庶 爾 崇 忘 之 幾 相 而 序 師 承 萬 櫛 表 贊 口 比 永 ? 百 遠 爲 ; 詞 從 則 香 夷 足 先 今 尤 火 之 創 生 重

攻處先生文集卷第八十二

台州 謁 廟祝 文通判

攻媿先生文集卷第八十三

四 明樓鑰大防

温州修大成殿祝文教授

祝

文

壓焉。 殿 易弊從新, 久弗葺, 隳蠹 飭 日甚。 工伊始。 神像在兹,懼將 恐驚神靈,不

敢不告。

物者,何止一 泰嶽以膚寸之澤及天下,功利之在民 邦。 某佐郡此來,伏謁

靈

康

行

祠

顧歆。

巖

巖

之瞻,

貌

在

天外。

神

聽

則

近,

尚 其 祠庭。

於台城。 功聞于朝,是以有仁濟之封。某佐郡此來, 惟神之祠,肇於永 廼崇寧元祀,曾祖 康 而 來守,以神之陰 靈響之著,盛

祠 所以事神者,何 下,靈康之謁,少俟朝夕。 敢不肅? 祗事之始,先款 惟神其鑑之。

東 嶽 行 祠

1337

諸廟

靈康正廟

致 封 襘禳。 雨 庭 有光。 謁 Ŧi. ,襟山帶江。千載喬木,鬱乎蒼蒼。 肴 風 王 昔曾大父,來守海 之威 鮮酒 豐 某兹 年 神, 穰 薌 叨 穰 震 佐州, 祗 願 于一方。 吏責苟 廣 陰 佑,保綏 敬 邦 逃, 疫 靈 列 癘 神 響。 功 雨 賜敢 此 于 暘 巋 疆 朝, 忘? 再拜 然 罔 侯 祠 不

辭廟祝文

先聖

之道無乎不在,某之心 道,而願學焉。 夫子之教也。 夫子之廟 夫子曰 可辭,而道不可須 . 今去矣,敢敬致辭。然夫子 羨員 君子學道 此 邦 亦當無乎不 則 ,所未底于戾者, 與離 愛人。」某未 也 勉 知

諸廟

也尤爲 菑 福於身,願神之福吾民者,千載猶今日也。 無 害。 某贅 不貲。 倅 神 之 此邦,首尾 福 今去矣,祗 吾 民者如 年。 拜 此 祠 年 而 下。 穀 吏 順 之 非 成, 被被 敢 徼 賜 無

温州謁廟祝文知郡

先 聖

尊。 舊 子實鑑之。 所 人,使民以 儀 共。 夫子 夫子之道,萬世 革 某頃 大成 有 時。」 嘗 言 之廣 分教,今十五年。 某雖 曰 : 殿。 一所尊。 不敏 敬 事 兹 請 叨 而 夫子之尊,萬 事 假 信 斯 守 奉釋 節 語 尤 用 仰 奠 惟 而 之 或 夫 愛 師

諸廟

業冠 威 德 于 著於東南 永 唐 嘉 内 威 德 外 創 著于 百 祠 此邦 神 是 邦。 咸 ,民已受賜。」海 某 著 頃嘗 靈 響 0 客授,祈 神 祠 云 Ш 云: 惟 報 E 惟 屢 勳 E

> 幾 力以 霖 者祀之。 置 甚 乎 未 吏,凡 廣 ? 祗 兹焉 止 獨吾州 王 祗謁 願 以 事 秋 假守,獲 呕 爲 氣 之初 有 惟 開 民 方 神 年 祀 霽 中 有 ,神之賜厚矣。 ,敢敬以告。 共 ,岌岌 典 以 以 香火之奉。 全農 所 相 載 諸幽 然 功。 以 亦 風 惟 則吾民其 某 濤 今歲 或 有 不 爲 家 功 敏 憂 早災 張 於 官 庶 竭 愁 民

祭酺神祝文

神之賜 憚 乃閏 祭。 成 有 食其 云 再 瀆 熙 惟 Ŧi. 0 心者。 隨 寧 月 周 復舉 蝝 議 丙 即 禮 螟之 臣 戌 衰 》族 斯 士民 欲 息。 典。 以 酺 每 師 蟲 歲 之職, 以前 兹當晚 《詩》云: 螟 春 慶 爲 秋 曆 日 害 春秋祭酺 之制 行 之 禾秀 禮 靈 祭 靡 異 茂 以 終 有 來 致 神 之際,又 不 蝗 請,不 禱 不 果 蟲 鄭 行。 賴 康 則

倦 典, 靡 於垂成,不亦休哉 於應。 愛 專職 斯 牲 於 俾 __ 蝝 田 耐 螟 況 祖之神畀之炎 者 明 神 吏不 見之《 敢 辭 禮 火,以 其 經 勞, × 著 全 神 之 歲 其 祀 事 不

辭廟祝文

先聖

修 使民 子 願 里 古 日 嘗 相 集 釋奠之禮 學之志,又非 安。 請 以 道 大 嗚 時 事 呼 成 千 斯 今去矣,敢 乘 而 語 某不肖 之國 顧 又 聖人之言可寶萬世 黽 止 瞻 拔 乎 一,敬 廟 勉 其 此 以 萬 庭 試 萃者 事 也 展 郡 而 謝 忍 以 猶 信 乎 來 得 節 遽 四 去。 二年之間 伏 一,而 Ŧi. 用 夫子之言 年 謁 而 況 若拳拳 間, 之始, 愛人, 吾夫 + \mathbb{H}

諸廟

窮哉 社。 霈 康 兹 吏之撫 祠 膏 年。 有年矣。 無 澤。 今去矣 惟 不響答。 民 晚 明 神 不 贵 禾 、既謝 過 闕 某 么 福 麽 試 雨 永 今歲尤 嘉 能 不 郡 靈貺 之民, 年 此 動 免煩 神 ,某拳拳 來,荷神之 ,神其加 幸 聽 瀆 民 蓋 + 之謹 雨 此 千 秋 惠斯 邦 里 Ŧi. 休,凡有 高 奉香火,于 之幸 風 氣 民於 無 清 以 異 也 無 迄 禱 鄉 忽

工部加贈焚黄祝文四首

氏 列 世 朝 籍 有 或 積 贈 家蔵事于 德,衣 先 考 爲 冠 南 中 相 郊,大 散 襲 大夫 既 齊 白 四 = 鳴 海 + 呼 餘 某 載矣。 惟 以 ...樓 叨

勝 廉 不 極 自 0 及 曾 喪 周 而 生 伏 密 大 遂 束 惟 父金紫 登 不 於 始 昭 Ŧi. 得 新 終 鑑 品 司 制 無 而 歆 乃 致 玷 下 我 承 卹 闕 今 先 寵 階 典。 而 官 考 渥 官 後 簿 歷 焚 至 得 益 仕 黄 朝 之。 幾 高 九 議 京 者三人, 仲 壽 甲 追 兄 七 子 + 既 痛 罔 謹 俱 不 有

皆 乃 除 贈 帝 年 E. 書 拜 先 之間 恩 丐 贈 塋 歲 登 至 0 遷 君 郡 先 于 下 某伏 0 歸 極 ~,寝 之賜 得 君 0 惟 掃 八。 寵 E 婺,按 爲 自 我 松 聖 逾 渥 而 楸 IE. 淳 先 前 朝 也 踵 分 某 議 熙 君 恩 几 淚 故 至 量。 遷 大夫。 + 位 尚 者 賚 霑 事 秩 几 惟 古 不 不 以 宿 幸 中 動 年 嘗 祇 稱 肖 請 草 逃 奉 及 今者某 七 服 燔 德 子 0 譴 泉 於 月假 命 又 黄 某蒙 敢 壤 何 積 是遂 數 遇 以 以 慶 由 被 明 告 先 守 得 四 以 流 有 權 遂 遺澤 堂 永 矣 告, 君 佑 衍 Œ 吏 大禮 贈 嘉 部 今皇 我 奉 併 歸 典 後 年 之 侈 尚 辭 +

入于無斁。

不 積 薦 第 天 鑑 式 于 燔 墜 厚 下 惟 皇帝 绺 黄 門 流 綏 追榮之恩 域 光,某不 户 寵 至 御 以 渥 是 宇 顧 爲 而 之 瞻 先君 肖 九。 四 普及 松 祇 年 楸 羞 弦 服 泉 親 音 敢 義 + 壤 祀 容 以 方 有 南 如 宣 几 憑 於 郊 奉 在 載 藉 乎 大 霈 之 陰 1 夫 尚 大 間 佑 之 澤 惟 顯

告

考

于

幸

命

歆

安定 官 及 歲 顯 光 再 有 妣 孫 至 六 天 禄 追 子宗 曾 \equiv 郡 大 伏 年 遽 蹤 夫 自 夫 棄 曾 康寧考終,荐 告 妣 世 人。 祀 諸 嘉 祖 第 合宫 一受國 泰 孤 加 之 嗚 = 封 顯 典 呼 年 恩,存 憂 安 妣 又贈 至 ! 苦 郊 克 康 更大郡 + 摧 祀 享上 顯 考 郡 殁 有 割 金 大 考 夫 均 禮 壽 紫 捐 人 未 幸。 餘 石 光 館 今既 遑 考 慶 禄大夫 恩 ,于今二 惟 蔵 加 窷 所 命 是 視 贈 事 啓 暨 未 奉 秩 封 銀 頒 燕 至 天 妣 去 青 顯

塋下。 某 妣 等 色 不 養之久 勝哀慕之劇 近 經 初 謹 忌 併 又首 以 四 告 行 燔 黄 黄 之禮 展 儀

移長汀庵祭告祝文

三代并陪葬位

俟 年。 佑 祖 庵 氏 新 考 之 傾 俾大事克修,某等不 神 後 菴之成,復還 兹 某等 逝 主于 以 是時 母 伏 罪 享亭, 氏 自 逆 即 1 酷 淳 日 議 熙 罰 廟 庶 合袝 少 十年 免斤 室 母 遷冢 氏 勝哀 移 9 伏 斧 先 大 舍, 庵 惟 Τ. 痛 考 寧 役 鑑 于 因 葬 郡 感激之至。 察 驚 左 循 于 太 動 敢 長 夫 密 神 賜 先 + 汀 人 靈 陰 餘 奉 祖 汪

先君工部

之至 母 素志 告。 棄諸 喪 力 天 静 M 屋 之不 袝 貧 填 服 禍我家 ,子孫蒙 八旦預 基 孤 不 ! ,永奠二 先考之墓 惟我先 鳴 及見 呼 敢 卹 攀 伏 1 墓 典 休 母 ト十二月 考默 號 也 恐 祭 將 親 氏 先 擗 驚 將 考之葬二十餘 頒 久 大寧郡 掛 九 踊 相 動 燔 議 幡 以 原 大 神 之居 痛 遷 此 八 追 黄 事, 靈 割 薦 月 太 移 未 日 先 使 何 夫 祖 果 丙 併 + 極 人 品 於 不 庵 申 惟 年 寒 勝 品 今 以 不 奉 歆 食 矣, 悲 孝 日 IF. 日 太 某 鑑 敢 之 誠 等 月 痛 設 夫 體 丙 節 輕 痛 感 祭 九 早 人 忍 魄 辰 之 吾 激 遂 以 昭 解 死 日 安

土地

位

敬

書

揭

虔。

捨

舊

從

新

馮

依

永

傳。

佑我

後

來

慶

系

其

緜

墓,預 尚 神 事 氏 其 别 大寧 鎮 蓮 陰相之。 安松楸 先祖 當築 用 1 郡 昭 吉日 少 太 告 室妥靈,永祗 夫人之喪, ,保佑存殁,惟 師之葬,建 「奉神 「遷庵 位 于 稍 左 將 立 就 香 方。 祔 庵舍,今八十 神 西 火。 于 ... 廂。 伏 先 賴。 惟 恐 考 俟 神 有 光 兹以 \perp 鑑 役 冒 禄 年。 察, 訖 之 母 明

畢工奉安神主

神 蔽 新 主 新 旃 告 阡 長汀 遷 顯 建 忍 考之藏,安康合 庵,垂 死 兹 竭 焉 力,徙 訖 八十年。 役, 于 奉以 焉。 東 偏 物 言 各 惟 旋 此 有 土 數 舊 木 載 ~,输 基,實 初 髹 興, 新 而

鄉校奉安先生祠堂祝文代工部

先 其責 與有 里人推 教授 稱 意。 矣。 祠 友,以庶幾先 F 生其鑑之。 鄉校。 榮 近 ,堂宇一新, 惟 繼自今歲 郡太守欣然從之,遂爲 以妥先 焉 又請 我曾 本 文 於郡 祖 粤子 風 生之風 生之 時 時 以古學起家,不 之 瞻 像 名公横 孫 所 願 敬 靈 設 不 由 徙 以 ,其勉 嚴 敢 興 祠 無 備 世蒙 經受業,最 9 以 東 相 負里人之意。 是 四 進學業,惟孝 序,以致 與 其 餘 勤 明美事 務 祀 率子 休, 鄉 仕 于 曲 進, 爲 懼 學 弟 尊 丁, 衰族 盛 尚 弗 身 有 祇 退 惟 惟 克 任 而 拜 年

一三三七

立 皇 太子 祭諸廟祝文以下代 温 州守

兹 官」。 食兹 神 仰 我 本。 乎 以 千 有功 奉酒 答 土,法應 皇帝 里 推 之民 上 及民者,命 禮牲 恩 惟 之 沛 宗 賜 自 得 牢 祧 惠 祀 俯 今 之 以 綏 以 長 無 薦 重, 萬 謹 吏 爲 或 馨 方。 涓 咸 豫 邦 有 香 吉 致 建 人 早 凡 敬 辰 之 太 潦 神之聽 郡 焉 休 子 疫 或 癘 作 顧 以 惟 / 之 之, 謹 不 大 古 神 災。 遣 在 相 之 或 廟 某

海 神 廟 祈 謝 祝 文

祈 雨 Ŧī. 首

惟 神 相 唐,若旱作 霖。 精 爽凛然, 廟 食

> 變爲 或 歲 弗 深 謳 欽 民 以 願 早 霈 告, 膏 澤, 吏 視 寔 古 疚 心 猶 今。 潔 齋 庶 幾 致 歎 禱 图

吟

禱 既 日 吏 實 就 虐 ,牲牢馨香 燥,安得 風 不 海 肖 亦 邦 之 暴 心 是 民 敢 上 吹 悼 神 忘 天 雲使 所 報 陰 勞, ? 雨 醨 日 膏 氣 再 驕 ? 瀆 不 陽 冒 神 神 傷 兮 勿 農 平 至 躁 下 靈 疇 無 早 隨 良 告。 苗 魃 所

報 神 再 是 瀆 敢 後 求 夏旱致禱 哉 0 暑 氣 願 爲 日 H 甚 神 嘉 露 既 迄 穀 應 成 將 之。 歲 槁 驕 事 0 陽 吏 無 靈 復 應 所 興 益 告, 實 彰 惟 慙

澤 以 後 桑 告 榆 ,排此疲氓 H 可 病 頃 歲 憂。 惟 夏旱, 間 今之災,秋 瀆 有 神 火 秋 驚 再 而 無 晚 得 顧 雨 未 敢 岢 已 安 農 得 處 已 千 功 麥 里 雖 不 内 失 願 外, 爲 尚 士, 膏 收 日

神之求 輒 疫 演 應。 將 農 孽 時 連甍 事 務農,以 既間 神 芷 间 居 神 斯 神 H, 民 . 爲命。 亦 少休 井枯 尚 聽 竭 া 禱 早暵 暘 祈 宜 不 告病, 若 寒而 三日 隨 燠, 之 惟 禱

廷

一,神其

來格

迎神像行道祈雨

霖

拱

耐

一一一一。

意尚 應。 時 處 黄 諷 堂、慰萬衆瞻 虧 唄之勤。 旱災致 人所欲者,公其聽之。● 於 舊禮 禱 庶神力之益彰 雖 願 依之切; 日 同 造 佛 於 像 靈 周 悉裒緇侣 祠 俾 9 歷 H া 郡 澍 師 城 盡 愆 之 期, 速 列

謝雨四首

夏旱而雨,功歸於神。神安厥居,蓋亦

未 不我聽。 幾。 稔可待。 秋陽爲虐,于于復來。 三日之澤,如 神之賜 也 敢謂 響 應 聲 偶 然 不以爲瀆,而 苗 ? 興勃然, 敬拜 于

必應。 農 靈 彰禮敬。 不俟雩祭。 生酒 性酒 功,俾終有 神居是邦,民之司 亢旱既久,千 斯 人心惶惶,神 盛 肅 慶 神之歸 或言 里告 海 實 命。 氣 如 來 病 初 則風 聽 日 之 雨 迎 之證。 迎。 處 以 日 黄堂。 陰以雨 暘, 揭 0 虔 來禱 祈 妥 佑 用

是 以 馬可 堪。 秋 誣? H 吏之不德,不能 亢陽,正 神之愛民,若父於子。 尚請于朝,以 此 無 銷 告。 去。 伸陽 海 精 風 報 隨禱 祈 助 虐,其 未 既 而 應, 何 靈

❶ 「公」,殿本作「神」。

旱災之餘,人心易恐。

ায়

小不應,千里

然 其 嗸 如 敢 嗸 不 生 虔? 所 膏 不 澤 甚 尚 所 恐 冀 霑 時 惟 若 神 闔 境 是 告足 恃 汔稔 衛 歲 率 公 屬 精 爽 來 凛

祈晴二首

吏故 敢 調 欲 護 不 前 勉 無 惟 耕 爽 神 重爲 未 害於民 廟 能 吏 食 神 之久, 政 怨 羞 實 廓 咨 ? 燃 清 於 無 致 告 頑 民 陰 有 此 惟 功。 陰 使 神 遂 是 沦 開 賴 雨 霽 雨 曰 毋 暘 以 不 吏

曷 師 沴 難 爲農 日 應 惟神之令。 盛 春 慶? 然念 耕 欲 嘉 種 此 雨 日 邦 多 不 有 在 蘖 禱 甲 倚 則 汩 子 于 告 神 兹 於 病 爲 深 命 神 匪 濘 人 其 休 既 淫 來 證 東 霖 無 聽 作 未 厭 驅 荷 므, 神 斥 失, 陰 亦 1

謝晴

暘 功 清 嘉 著千 尚 氛 應 翳 春 期 載 1 霖 終 勤 太 口 惠 宵 甚 爕 視 旰 調 四 良 野 之 農 德 妙 物 音 病 物 四 又 馳 昭 及 蘇 吏 我 求 曾 朝 神 於 不 神 實 淹 E 相 辰 雨 日 唐 廓 俟 日

祈 雨 雪

霂 芘 亦 重 有 告 潤 年 木 吾 病 惟 何 及 農 民 兹 以 原 歲 隙 東 報 野 玄 云 而 嘉 德 幕矣, 早,敢 雲 是 歲 滃 在 事 興 煖 明 瀆 屢 神 神 然 愆 密 不 聽 如 雪 春 神 交 勞餘 泉 厚 下。 竭 又 其 力 恐 麥枯 賜 益 疫 儻 以 癘 霡 終 大

謝 雪

如 既 乎 冬温 ? 微 雪欲 不 雨 作,先集 嗣 歲 于霰。 憂。 致 報 禱 神 于 之 神 賜 靈 庸 應

有

發 海 舟

則 相 戍 所以 之, 四 明 郡 俾 報 祇 往 神 惟 天 來 者敢怠哉 子 神 鯨 命 廟 波 食 遣 此 如 巨 邦 艦 乘 數 安 靈 + 流 應 艘 如 無 響 由 有 海 驚 願 道 畏。 陰 以

禳 謝 颶 風 首

永 災荒 首 尾 + 年。 今歲之稔,近所

> 惠 愁 我 師 無 穡 嘆 有 之,其敢 ,使見白 相 0 事 屬 時 積 暘 忘 日。 陰之 垂 時 報 成 雨 風 ? 久,或 之賜 伯 神 退 賜 聽 致 實 惟 鳴鳴 颶 宏。 神 風 是 條 秋 依 不 窮 霖 聞 民 未 驅 己, 除 爣終 雲 害

災乎? 汔 禱 雪,以 信 靈 響 我 者。 0 穡 曰 魯有爰居,止 秋爲 千里具 暘 事 此邦歲 是歲 H 期。 雨 也 依。 苦 神 暑 海 颶 已佑 TI) 於 是 多 風 未休, 東 大 用 之於 邦 門。 風 祇 人 深 謁 前 先事之占, 畏 展 恐馴致。 祠 禽 甚。 下, 其 日 終惠之, 預 春 今 罄 其 惟 有 有 E. 神 有 那 口

其 貺 輒 昭 應。 敢 不 甚 吏 育 恪? 反 不 風 震 之感, ·肖, 無 風 凌 雨 雖 功 於 -昔掃 民。 偶 然; 除 神曷 如 抵謝 神 芷 之,隨 之靈,答 祠 庭, 禱

龍女廟祈雨祝文二首

求 何 司 於神 以 之。 報 早 德 歲以 潦 出出 有數,天實 鳌 早告,將 奮 起 霈 (爲之。 木 然 吾 民。 膏 千 澤 里 天 之 俾 高 潤 成 難 豐 神 忱 年 用 實

又許修廟

青 甚 雲,沛澤千里。 飢 相 猶 圮。 輝 己。 靈 棟字豐侈 早禱 貺 在 神 未答 民 相 于 何 廟 出出 以 或 食 休戚 神之聽之,誓有如水。 報 其 久 神? 矣。 在 是。 只 靈 葺 只。 吏 雖 祠 職 不 舊 養 渝 願 址 民 嘘 祠 丹 玄 視 則

一龍潭請聖水祝文

之潤。 聖水 事 來,慰此渴望! 雨 0 神 仍 歲以旱告, 龍 將緇 三日之霖, 勺之多 猶 卧 流 於 9 諷 靡 靈 賦 將於此 唄 神 湫 靈 致 不 于 禱 舉。 爰 中 乎 遣 挹 求之。 端 百 屬 彼 穀 如 僚 注 方 泰 兹 仰 修 神 Ш 尚 於 膚 郡 雖 肯 故 膏 寸 日

迎四龍王行道祝文

图 出 宫。 措 躬 深 聖水 Щ 大澤,是 旗旄幡幢 勺,神 生 往 神 在 從紺容 其 龍 中。 早 甘 魃 霖 願 爲 災 驅 未 7,迎之 妖 施 吏 沙,

堂 П 禄 祝 麾 融 成 功 願 呼 膏 群 雨 靈 浪 浪 屏 黍 翳 苗 靊 霳 芃 芃 尊 策 居 勳 黄

而

歸

報

神

何

窮

巾子山龍潭請聖水祝文

早 下。 里 謹 神 願 祈祈 龍 興 命 竊 所 雲 縣 記 示 檜之禮 居 惟 霓 大 神 巾 日 夫 則 應於無窮,不 沛 子 修 膚寸之雲, 徧 以 Ш 天 敬 于 甘 降 靈 群 郡 雨 時 湫 神 之 0 雨 雲 其休哉 望 以 雨 勺 一,真 輒 Ш 慰 聖 出 應之。]1] 渴 水 龍 相 出 想 以 望 之 雲。」 伸 所 膏 以 郡 誠 居 苦 蘇 澤 然 禱 也 千 未 亢 惟

九龍潭請聖水祝文

神龍之居,實爲靈山。旱憂吾民,神不

之,其 非 水 得 宣 雨 神 可 閑 暘 而 挹 敢 誰 從 相 不 玄雲四 ? 人 子 肅 之來 求之於 屢 ? 興 神 奮 ,干 乎 初 起 既 萬 畝 出出 居 含 蟄 目 滋 0 願 所 來 安 矚 爲 即 出出 此 公堂, 柸 于以 宫。 澤者 將 節

平水王禱旱祝文

之霖 閔 爰 既 吏民 言 上 濟 斯 陳 太 雨 民 始 甚 己 旁 惠 人 菲 几 寤 風 物 陽 之 謹 誓 奠 咎 靈 之未 來 之功。 率 無 爲 於祈禳 神之 或 耄 告。 虐, 在 謁 倪 免 在 兹。 明 方 沛 比 何 靈 邇 益 而 憂 乎 歲 聞 西 守 謹 誠 白 以 之惕 伏 廂 謂 宰 禱 牲 來, 幽 里之潤 願 東 護 · 久 愆 之未 牢 矜 然 或 序之足觀? 之報 其 通 小 於禮 乎 祠 爲 天 己之寡 , 寖 , 敢 之號 且 之三 敬 故 廢。 寧 令棟 老 止 有 聞 有 H ? 雖 幾

宇,聿觀輪奂之新。

郭先生廟祈雨祝文

安之。亢陽 維 兹 斗 有 城,先 禱 神 生 ト之。 又 へ聽之。 歷 廟 千 兒之崇,後 百 年 民 用

其圖之。

祭勾芒神祝文二首

帝 墳 與 興 神 正 祀 月 4 歆 惟 此 于 閏 非奠, 門, 既 協 望 用 始 氣 介豐登 是 春 迎 甘 司 雨 我 霡 穡 霂 事 膏 惟

輔 迄 康年。 之。 維 廼祀 時 發春,盛德 土 中,用 介 在 一種事 木。 帝 實 其 尚 主 一之,神 居 歆 實

春賽諸廟祝文

聿 之,惠我 修 歲 惟 祀 神 無 功 疆 利 涓 及 辰 物, 致 潔 廟 食 徼 此邦。 福 於 民。 維莫之春 神之聽

王侍御謁廟祝文

先聖

服 治 世 道千乘之國,敬信節愛,聖言 1,或其 前言, 徒 知 夫子 誦 在兹。 以 爲 仰 從 中 王 而 都 事,惟王其聽之。 某宰 不 辛, 得 郡 聞 年 之初,敬謁 所 以 而 致 四 如 化 方 丹。 之由 則 廟 中都 之。 廷 佩 惟 後

諸

廟

力 敢 修 所 敬 不 及者 勉 某 謁 竭 祇 千 以 天 惟 子 里 啚 神 之内, 命,來 濟 其佑之。 集? 守 Ξ 若 事 兹 水旱 土 寔 繁 癘 視 篆 疫 某 之 雖 有 初 不 非 敏 人

外祖焚黄祝文二首

前 天 先 罔 我 訓 三品之恩 先 遺 極 惟 匪 君 德 天 第。 官在. 子 敢 再 以 嗚 祀 徒 朝 爲 呼 泰 寵 行。 加 ! 壇 於 祭 9 身 獲 也 八珎之養,不及於 惠 後 以 澤 通 均 霜 奉 川 露之愴,昊 大夫之命 海 某 生 蒙

土 某 去年 故 事 贈 恩 顯 考 再 左 任 宣 知 奉 泉 大 州 除 夫。 敷 是 文 年 閣 直

> 音容 帥 \equiv 而 壤 某 X 釜 前 薄 以 行 江 右 之 郊 如 哂 在 霈 展 無 賜 年 徒 省 尚 贈 從 對 閩 以 松 左 9 其 便 Ш 憑 楸 光 身 顧 朝 弗 藉 禄 後 歆 焚 遺 克奉告第以 大 恩 聖 黄 訓 夫 恩 榮 以 優 叨 告。 㬎 愴 隆 職 妣 九 西 許 生 新 至 京 一前 清 安 過家 墓 之 郡 禄 澤 下 何 養 夫 Ŀ 及 及 痛 冢 出出

畢文簡公祠堂奉安祝文台州

章 敢 設 公 睟 郡 室 然,争 闕 聖天語 曰 組 一輔 尚 興 典 宣 或 友 先 思 遺愛 暢 之 舉 快 庶 皇 初,台 廼 覩 幾 昔 風 傳 方,美 趨 尤侯,建 之 蠲 爲 某去 步。 番 除 王 易,冠 談 虐 土 于 千古。 賦 祠 百 以 擢 黌 年 奠 佩 去 公 宇。 容 之, 叨 君 朝 歷 與。 繼 華 子 行 揭 遺 首 人歟 前 途 像 示 道 武 貌 未 儀 綰

矩。 曰士曰民,惟敬惟慕。

鄉校序拜奠謁祝文代鄉人

先聖

遵 者 聖訓 茁 夫子 Œ 於鄉江 月之吉,敬拜 兹與 鄉 恂 人飲 恂 爲 酒 殿庭。 先。 以 丛 鄉 退序長幼,仰 人飲 謹 以 酒 清 後 酌 薦 杖

兖 國 公

籩

一式陳

明

獻

其樂。 酒 以 战 惟 願言 釋 公亞聖,苦孔之卓。 菜于先 晞 之, 聖,謹 敬 拜于 以薦籩之禮 學。 非 禮 兹 勿 與 動 鄉 西己 人 不 飲 改 陳

明

祀

鄒國公

明 何 酒 祀。 以 人。 盎 學 鄉 以 釋 黨 明 菜于先聖,謹 倫 尚 孝 齿 弟 遺 具 言是 申。 以薦 遵。 徐 **籩**之禮 行後長, 兹與 鄉 人 舜 配 飲 陳

攻處先生文集卷第八十三

攻 媳 先 生文集卷第八十 四

四 明 樓 鑰 大 防

孝 帝 發 祭文同

宗

皇

靈

駕

引

侍

祭

文

孝 高 列 + 日 聖 皇 五 恭 揖 儲 帝 日 維 慕 惟 壬 遜 休 靈 紹 龍 之傳。 尊 承 寅 熙 駕 輴 五. 號 發 藝 具 年 皇 引 祖 位 臣 歲 亶 帝 神 臣 等 臣 次 超 道 明 某 某 謹 甲 今冠古之資 之胄 全 等 等 寅 泣 德 謹 伏 + 血 9 備 覩 於 有 頓 中 哲 道 首 興 月戊 左 文 妙妙 熟 垂 死 恭 神 義 統, 旋 罪 武 子 陳 乾 紹 朔 薄 成

> 之役。 之養 若孝 慕; 臣 誠 之莫回 號 疑 疆 轉 等泣 慟 坤 事慈闈 以三年之久,親 之略。 乘飈 ,仰奉兩宫之歡。 德之大 臣 兆姓悲 俯 血 等 臣 頓首 等 馭 無 濤 而 高 以 成, 叨 任 摧 盡 江 E 出 死 塵 號 禮 而 蓋聖人之未 賓 百 班 兹當 罪 天 欲 王之表, 列 謹 攀 摧 方 濟 執 且 以 龍 絶、 同 夙 堯 萬 凝 軌 髯 口 喪。 荷 哀 傾 之期 乘 規 神 而 有。 生 慕 之尊 恢 丹 何 泰 釋 成 感 悃 及 億載之圖 極 神 永 既 ? 切之至 器 敢 痛 躬 惟 庀 介 干 薦 以 四 靈 因 壽 行 芹 官 海 駕 無 不 舜 Ш

祭 龔 參 政 文 茂 良

之亡 之用 則 嗚 人 天 則 呼 哀 望 道 焉 哉 亦 不 先 可 先 生之 知 生 矣。 一之生 貶 自 嗚 殆 呼 古 不 哀 有 偶 此 哉 然 先 先 生 尚 生

年 堪 歸 又 石 鳴 須 命 而 何 言 出 哀夫父子之 腸 飛 臾 夫 呼 居 愧 鳶 非 毋 哉 能 生芻之闕 之墮。 人之所 死 東 禍 無 兹 聖 閤 非 動 福 且 度 乎 託 之變, 命 相 小 況愛 居 ? 然。 如 隨 夫 北 0 身 天 於 斯 矣 嫡 以 處 陶 斥 向 九 人 之 埋 馬 風 甄 某 而 原 者 也 玉 伏 晏 受 何 多 也 之 波 慟 既 如 知 而 朝 還 之 痛 驚 有 先 露 有 聞 堅 疾 歎 斯 生 淚 雖 之 旅 使 於 壯 禍 在 徹 + 有 先 櫬 澽 云 血 泉! 之言 有 鐵 猶 兹 先 生 脈 七 少 非 心 不

祭謝樞密文廓然 同寺監丞簿

公台 我 刃 恢 豸 柏 丹 恢 惟 臺 丘 之境 公特 言 Ì 起 聽 寤 主 諫 抱 應 行 泰 風 負 雲 奇 階 天 壯 才 顔 名 懷 屢 德 遇 開 輩 含 事 出 風 香 青 蘭 生 霄 未 省 直 游 躋

> 意 酌 材 自 上 震 此 富 斯 罍 悼 劒 貴 麴 佩 鼎 生 糵 矢詞 儼 榮 飅 來 然 死 梅 哀 洪 慟 公安在 天 樞 我腸. 某等 乎 運 不 動 哉 九 叨 淑 大 口 列 梁 政 廼 周 參 壞 列 行 陪 Ш 斯 屢 頹 殽 登 謂 上 廼 翹 當

祭王丞相文淮 同郎官

然 擢 宰 求 愠 歸 半 輒 輔 于。 髦 斷 不 之 H 邇 俊 縟 邊 七 嗚 得 黨 儀 聯 紹 呼 府 君 不 坐 大 興 巍 魯 最 偏 鎮 之 季 典 公,氣 巍 憂 專 浮 有 壽 或 奉 若 儇 己, 川 皇 孜 愛 以 不 備 年 孜 惜 周 勝 尤 任 才 其 旋 名 全。 衣 急 諫 崇 愛 彌 器 親 垣 如 似 君 縫 無 賢 結 拳 Ш 避 不 藏 器 揚 知 拳 遠 能 其 用 歷 口 知 勢 言 澄 名 公日 中 朝 海 權 無 如 外 内 靡 喜 臨 運 晏 旁 機 勞 無 再 逢

纏 以 驚 慶 盍 弗 衣 歸 傳 門 歸 林 宣 0 詞 阻 竟 多 泉 帝 有 拜 某 不 經 故 前 淚 新 等 綸 勝 舜 如 阡 天 喪 未 亦 叨 上]1] 命 命 究 列 意 敬 不 精 禹 郎 病 傾 以 延 吏, 屬 菲 弗 龍 力 未 奠 痊 飛 久 虚 嬴 御 愆。 與 左 遠 博 兩 天 陶 致 待 痛 宫 名 甄 几 旃。 念 震 遂 Ħ 筵 身 悼, 盤 風 絶 嗚 0 退 舊 望 木 矢 几 呼 學, 衮 悲 方 來

祭羅樞密文點

要 弊 樂 亹 生 善 九 津 遷, 以以 憂 鳴 國之瑞 深 呼 賢 學自 逼 思 1 惟 以 遠 致 天 富 恐 語 之 氣 貴 弗 年 生 輒 勁 至 才 不 歔 而 而 可 欷 和 公謙 公 足 及, 用 爾 色 論 虚 衆 温 忘 事 世 推 而 私 得 剴 大 厲 寵 切 力 器 如 思 捄 公之 無 立 畏。 亹 登 時 所

> 寓 母 遽 望 居 顧 原 相 驚 方 奪 以 大 忌 哀 勉 孰 某等: 遠 之, 位 經 忠 痛 悼 主 退 義 濟 歸 哭 喪 哀 張 仕 1 省 流 哉 氣 是 子 以 其 同 才 比 涕 ? 殄 不 班 舊 私 Ŧi. 日 潭 瘁。 及 學 不 列 浹 賦 扈 府 情 侍。 從 以 旬 眷 改 方 平 宏 端 新 寵 均 尚 生 公之齎 才, 兄弟 粹 尤 疾 得 無 賀 異 登 聯 玷 吊 而 謂 之 騎 逝 相 恨 俯 同 擢 如 兩 繼 若 仰 寅 貳 有 天 地 人, 協恭 何 西 此 宿 胡 矢 媿 樞 宜 九 乃 詞 不

祭趙觀文文彦逾

帝 富 之子 貴 於 惟 孫 承 我 兮, 朝 平 兮, 之 固 天 龍 盛 族 種 人 兮, 之 才 分 不 於 凡 銀 瓜 瓞 潢 惟 於 之 我 僊 緜 源 尤 仰 爲 高 極

兮,信 之流 之 兮, 名 傑 公實 於 情 鉏 丹 邇 斷 公之取 世 又 諸 E 濟 積 衷 出 於 從 之 聯 兮,定策於 騰 徹 傳。 道 蠹 兮, 危 領 泰 容 兮,皇天 班 政 靡 不 于 之 當 兮, 疑 褏 於 日兮, Ш 譽 勞之弗 揖 知 Ŀ 狡 細 偉 兮, 于 紹 之 平 於 振 儒 其 不 穴 君子 氊 安 時 熙 勃 瀛 萬 風 后 謂 方 科 畏 幾千。 兮, 之 髦 之 壖 宣 衆之先 采 憂 咸 土 於 於 阜 之勞謙 間 兮, 無 末 於 伸 夫 實 池 强 妙 陵 官 葺 年 出 案 心 禦兮, 杞 與 臨 兩 年 畀 覩 水 由 藩 口 兮, 載 公之一 鐵]1[0 虞 或 兮, 以 以 利 大 宰 0 進 人 之天。 之 淵 石 鯁 \equiv 從 怬 明 下 縣 於 推 忠 初 出出 而 論 輔 兮, 之 撫 以 不 公 謀 小 勳 言 介 冤 未若公之善 愈 至 兮, 朽 兮, 恤 佐 繼 名 於 試 不 發 堅 擢文昌之 於 郡 兮, 於 升 長 而 於 藹 將 大 輕 彼 視 駢 黎元 兮, 兮, 樂兮, 弗 簿 遺 計 使 取 兩 頌 劇 政 肩 專 指 愛 聲 舟 領 梁 於 群 子 路 措

> 兮,無 望 之 將 外 痛 於 兮,俾書龍 而 筵 漢 妄 薦 罔 競 攜 蜀 於此 化 興 兮, 橰 賢 0 愆 妖 孽 閒 起 琴 道 於 以 俄 而 切 兵 兮, 龜 之 引 改 報 而 屈 而 憂時 語 繙 肆 兮, 再 故 端 絃 疾 上 求 之 飛 若 登 萬 兮, 致 行 兮, 以 事 黨 旃。 之 而 蜩 追 書 兮, 告 兮, 起 而 末 偏 拳 螗 軌 又 以 大 歸 不 拳。 孰 與 之 躅 兼 開 塗 裒 自 老 得 兮, 守 知 顛 群 炭 於 制 東 X 適 共 於 陪 豁 公 趙 閩 於 喧 宫 返 鞠 兮, 海 政 陷 天 都 方 張 之 於 錦 頑 兮, 濱 若 宗 地之 之 平 馳 之 帥 邊。 新 里 而 兮, 管 將 臣 心 睿 賢 盗 爲 垣 編 而 開 終 籥 於 直 旨 公雖 帝 詢 大 名 其 兮, 闢 半 筆 於 方 服 權 黄 曾 全 師 身 兮, 測 萬 讒 身 歸 袍 髮 以 經 於 焉 兮, 帶 佚 進 里 邪 在 又 猶 更 濟 經 而

0

^{■「}揖」,殿本作「掇」。

[「]知」,原作「矩」,據殿本改。

公之賜 公之 舍以 之未 鑣 抵 接 翩 兮,尚踸 酒 旋 兮,惟我 殆 而 口 遺 武 於 掌 吾 出 于 日 心 兮,棄塵 行 於 兮, 求 究 父子 謂 九 約 後 關 以 Ħ 閣 Ŧi. + 及 相 獨 劇 田 而 而 踔 祖 之宿 乎 乃 泉 居 談 棊 公 知 日 倍 而 生先 忽 兮,若 登 匏 公 Щ 九 兮 以 而 再 蹣 品 於 既 頃 夢 繫 百 緣 舉 戰 原 無 往 跚 哀 而 吾 疾 扁 匃 偶 兮, 尺之樓 於 還 而 蜕 纏 相 日 而 丽 外 何雲 兮, 前 感二子之受 不 舟 兮,澹 陪 蟬 繞 著 望 和 不 得 而 而 露 悵 之者 幸 乎 鞭 之 痊 翰 投 緊 東 兮,十載 去 門 念吾 登 箎 故 蚤 若 分, 龍 下 閒 之未 之進 門 我 袁 壎 或 邦 歸 水 兮, 門 兮,公亦 母 之 徒 方 或 以 册 而 乾 知 讀 之 雖 之窀 奉 謂 忝 爲 何 尺 木 爲 留 無 兮, 兮, 高 兮, 晚 公 天 書 將 於 賜 之 連 僊 間 兮, 穷 峻 之不 以 IE. 之 沈 環 來 殄 驚 又 相 然 兮, 禮 荷 翩 聯 之 時 問 幸 身 隨 周 瘁 痾

煙。 致 相 世 之 辭 距 兮 遽 才 尚 灑 乞身 遷 四 歲 衰涕之潺湲 以 寄 兮, 掛 薄 亦 冠 奠 豊 分 於 久 繐 期 於 帷 執 人寰。 兮, 紼 于 慘 南 爰矢心 東 陽

望

之風

之阡

以

又 葬 事

露門 得 兹 歌 也 期 險 0 執 夢 式 夷 去,公已 功 惟 紼 微 寐 人 成 節 公操 故 少 望 不 送 登 Ш 展 所 居 厲 公公 求 僊。 悲 橰 歸 冰 之古 江 寄 痛 霜 干 間 聲 尚 疾 , 道 忠 促 不 秉 抗 尊。 及問 貫 歸 政 欲 蓋 章 機 日 隨 乞身,六請 以 相 月。 更 安 出 喪 從 化 難 社 歸 莫 不 還 進 東 稷 得 年 易 朝 西 爲 匏 慟 未 退 惟 進 繫 悦 我 一,竟 俞 命 尚 未 讀 干

0 干」,原作「干」, 據殿本改。

致 聞 芻 公 奠。 窀 穷 東望 哀 佳 不 足 城 而 老淚 媿 有 如 餘 濺 呕 遣 長 孫 往

祭趙侍郎文粹中

弊 公問 弦 未 議 儲 隆 執 流 烈,衣冠所宗 倦 用 、公論 宫 登 節 遠 後 空 學 古 游 始 年 朝 鳴 終。 除 瑣 呼 班 當 「今貫 俊 冥 所 闡 歲 論 9 折 冥 口 雅 氣 遷 煌 議 批 惟 衷 通 飛 如 望 龍 從 勑 煌 引 建 公 鴻 虹 E 厚 藝 族 出 仇 飛 父 炎 經 0 古古 崇。 祖 系,盛 雲從 守 子 據 然 南 僧 詞 兄 古 獻 池 人 渡 坊 配 場 L 名 陽 追 忠 弟 蕭 策 天 昭 於 嗟 容 蹤 0 9 瑟 其 勳 吏 若 勝 Ш 見 師 天官 臺 凛 發 功 東。 昂 友 暮 晚 鴈 遇 道 蒙 顒 民 磨 鼓 銓 行 事 Ш 眷 東 雍 礲 貂 晨 綜 敢 雝 言 意 向 螭 源 蟬 言 鍾 雝 之 女妓 惟 雖 蚴 深 H 風

> 殺 中 朝 事 賴 縱 兩 無 人 室,自兹登 之滋 0 不 翁 寓 斯 傾 窮 豐 摧 登 公。 顔 堪 遺 恭 如如 臨 筋 几 處 像嚴 公居 公乎 歗 明 柳 9 千丈 庸 公 歌 尚 骨 慶 0 來乎 方 然, 其 霈 战 松。 翰 樽 胡 間 沖 既 素 猶 酒 墨 爲 融 攽 淚 某 髮 尤 俯 存 從 小 等 如 方 容 首 古 I 疾 盡 卷 奔 辱 瞳 鞠 風 還 不 藥 洪 居 躬 П 故 去 石 觴 有 首 里 雖 封 手 人 間 酒 弗 有 不 許 詠 既 化 堪 攻? 鄉 圖 宜 日 老,亦 其 其 對 書 頓 人 社 宣 有 失 樂 横

祭莫侍郎文叔光

有 公, 者三,其 不 而 可 鳴 壽 呼 勇 不 論 無 延 正 或 前 而 之 禀 堅 資 用 朝 0 賢 中 行 璧 夫 恂 和 水 宅 恂 道 岢 Ш 似 易 心 柱 静 然 不 能 淵 史 言 成 掖 決 德 垣 義 科 如

之綿 泉 俱 鉢 揚 尚 忝 有 歷 官 傳 簡 清 陳 0 聯 方 知 華 豆 將 公 益 籩 古 斤 引 不 深 斤 見 無 歸 公能 擢 + 憾 幾 朝 居 年 何 來 露 右 乎 誰 忽 銓 遽 直 先 舍 驚 有 如 進 旃 淚 蜕 朱 0 巾 如 蟬 絲 子 矧 未 III 如 秀 央 思 相 發, 我 率 若 何 輩 來 衣 湧 疾

祭陳閣學文居仁

其 非 旧 其 俊 無 成 立 偉 坦 至 見 不 如 蕩 光 朝 親 惟 惠 可 渾 前 公 也 蕩 明 不 利 金 小 之 得 旧 不 與 而 馳 海 其 及 見 知 璞 不 内 焦 物 文 真 其 玉 知 孰 聲 章 情 胸 器 其 而 不 之 中 晚 日 知 孰 用 經 ·之渭 蓋 以 用 仰 知 莫 或 文 公 之 鋤 得 涇 之 鳴 而 榘 베 姦 而 知 0 性 孰 矱; 之 其 名 公之 德望 資 知 若 治 渾 人 故 獻 談 深 郡 寖 然 知 納 人 笑。 隆 也 之 知 其 天

之 公 既 遂 家 里 木 失 用 秉 盈 不 儀 出 人 加 几 之意 九 慟 舟 知 朝 將 才 已 之, 及帝京 鈞 於 坐 刑 越 忠 龄 哭 觖 廟 衡 可 埋 年 欲 有 而 身 已形 堂 以 望 信 周 誠 玉 外 遠 惠之 知之不 至 欲 自 穆 挹 於皇孝宗, 旋 宿 壁 衆 猶 庸 爾 而 進 天 以 Ŧi. 叢 於 然安 心 和 於 庶 而 風 天 縡 身 是 州 桂 而 泉 盡 顒 幾 千 引 胡 焉 益 而 夷 舉 之 不 清 ; 扄 有 顒 復 丈 嗇 嘆 去 遠 謀 之清 能 世 芳 才 衰之 耶 而 知 起 之 之, 驚 於 謂 於 0 王 不 稱 潤 和 ? 公 而 松 蓬 體 今 君 殊 爲 其 昕 平。 愛、 至 爲 攀 某 天 E 瀛 必 嗚 門 廷。 遷 長 不 蒼 矣 可 紫 盾 傾 蒼 牛 者 用 之命 用 呼 咫 大 以 生 之 薇 蒼 矣 奉 長 矣 皇上 哉 尺 謂 運 士 而 畏 之 外 交臂 而 祠 \pm 親 而 贵 丽 夫 使 樞 用 餘 家 趣 言 難 而 成 黨 知 是 之 不 以 出 極 問 歸 歸 疾 小 未 爲 萬 爲 人 爲 到 mi 大 而

淚 送 寧 朗 弟 相 公公,鬱 0 兄 百 之交横 與 間 事 登 0 諸 虚 卒 鬱 可 也 堂 舅 佳 以 欵 如 而 安享 城 於 諸 進 情 拜 父, 舉 於上 話 悵 而 中 遺 徒 觴 壽 像 外 追 而 乃 於 痛 親 致 不 丹 密 於 奠, 青 得 如 出出 不 冥 門 知 日 銜 0 涕 之 悲 朗 之

祭史敷文文彌正

使假 數 煌 穸 所 欠 是 之奉 一第。 年 惟 似 至 歲 先 可 公是 小試 年 紀。 行之孫,三公之子。 杖 意 人丞 承 倚 顧 而 詞 太 志 後 何 場,再 大農,蘭 師 拂 起。 止 年 衣 此 高 拔 賦 旦 遂 其 執 歸 省 貮 抱 嗚 萃。 喪, 攝 卿 沉 呼 事 術 即 痾 不 則 長 業 才名 世 人才,蓋 堪 以 忽若 持 傳 哀 喜 家、公 節 已 相 毁 蟬 擁 昭 棺 公 周 麾, 蜕 己 煌 所 實 窀 旋

> 念昔 矣 Ŧi. 1 遽 相 某 隔 向 等 生 出 死 託 涕 契 存 素 誠 深 觴 游 豆 级 從 晚 乃 歲 來 祭。 持 感 憲 者

祭王侍御文伯庠

益 清。 尚 生 履 穉 立 子念之, 朝,藜 尚 涕 壯 無 ,終始無 愛民 洟 圖 嗚 歆 呼 孜孜於民, 書 藿 薄 起 戢 正 奠。 瑕 殿 不 安 女 人云 採 公之學 大 問 郡 奉公之喪,不 出 邦 蜀 Ľ, 以 政 退 遇 貨 聖 術 至 向 居 夔 善 屬 成 里門, 明 子 能 類 河風 纊 萬 來 世 疇 公病 敢不 里, 雲 善 其 東 依 間 千 家 刀 嘉 蕭 里 已 勉 載。 , 而 然 相 侵,公志 益 精 公之 藏 吊 爽 見 IE 舸。 老 真 操 色 如 天

又路祭

聞 然 新。 孰 夫,想 涕 天 真 直 方 人之謙,與 胡 先 吏 慈 不 威 如 自 傾 矧 師 庭訟 惟 不 名。 望 劉 公 在 所 勉 典 更 奪 少 寮 無 時 出 願 生。 以 人之誠 刑 吏,若 年, 留 濟 我 奉 事 0 蜀 以 老 承。 剛 父 有 H 門,清 成 猛 兄。 何 益 聞 場 IE ? 盛 相 爲 屋 廉 精 宿 德 顧 郡 來 情 聲。 介, 明 飲 姦 節 如 歎 政 泣 震 著 公, 如 奔 仰 恂 晚 巵 巷哭,嗟 驚 宋 走 稱 行 登 恂 酒 宜 如 廣 出 風 未 見古 百其 拊 霜 博 凡 平。 迎 酹 摩 臺 采 洽 我 嘆 龄。 諒 Ė 悲 此 薰 待 相 士: 四

> 不朽。 及,此 設 爲 紼 月 迎。 變歡 兮幾 祖祭兮道 兮中壽。 嗚 公之去兮丹 恨 呼 何, 兮何 謡 ! 兮悲 樂 周 巷哭兮 究 公之來 何 奠單 歌。 少 旐 甘 修千 失聲 兮哀多。 杯兮 棠兮 分 嗟若人兮宜 雙 紛 泣 里兮相 峴 旌 柩 碑 雨 欲 紛 淚 攀 尚 馬 吊 瞻 人,蹇 兮 轅 Ŧ. 望 輿 如 載 一兮弗 分 分 曾 溜 分 何 執 往 H

祭 薛 寺 正 文季宣

之宏 道 學 才 嗚 而 呼 而 施 ! 不 用 昌。 不 天 彰。 之不 天之未 議 佑 論 斯 欲 之 文 平 醇 耶 治 操 ? 耶 履 ? 如 之 公之 如公 剛

攻

媿

先

生文集卷第八十

之見 之道 貫 薛 則 其 表 載 與 不 海 長 根 無 之以 直 知 使 悼 者 大 内 者 利 之文章 不 六 一,柰何 者 也。 君 善 諒 横 而 所 通 慾之謬 經 蓋 藴 尊 以 鶩 而 類 似 而 而 嘗 事 之 斯 己 多 爲 之不 别 貫 夸 登公之門 乎蒼 真 初 無 於 耶 單 徒 然 人也 妄 白 驅 矣, 所 無 中 不 形 幸,一 剛 氏 掃諸 謂 尚 蒼 相 窮 練 者 之於外者,不 知 而 闡 何 而 去 極 不 公之 已 人亦 微 儒 言 哀 者 不 見 之 幼 爾 嗚 章 言 話 及 其 尋 也 哉 而 深 眇 呼 莫 句 而 中 而 0 出 短 常 1 不 究 之 知 言 蹈 壽 涕 過 巵 ൬ 相 又 之者 其 苟 披 大 皆 酒 幾 公之聲 施 究 恶 又 向 福 徇 所 猖 方 之 奠, 之 其 人,言 何 善 絶 而 乎衰 知 亦 存 政 旨 止 哭 禍 惟 其 蓋 破 事 歸 之 俗 爲 失 意 相 淫 所 書 稱 故 千

又辭靈

身 所 生 何 知 諒 贖 某 毋羞 歆 登 1 菲 九原 誠 解 最 組 晚 知 東 己 受知 淚 去, 盡 之 辭 報 莫 獨 窮 嗟 深 與 ,嗚呼哀哉 執 無 人之云 紼 及 矣。 英 尚 爽 行 如 百

祭鄭龍圖文伯熊

然 中 性 生 理 凼 天 質玉 容 9 順 ,得之者多。 登 成 不 而 嗚 其 粹,而 顯 深 呼 而 門,如 其 探 1 Ŀ 軋 於 迹; 不 和 雄 於 德量 人 勞於 氣 進退 周 泰 軻 生 Ш 漢 淵 物 琢 至切, 之 與 磨 澄 ; 本 之 其 问 無 而 游 0 進 其 而雍容 偏 不 形 於 是 如 見其 頗 非 道 於 在 0 也 文 至 不 春 惟 涯 也 明 怡 見 風 公之 涘 , 其 之 然 渾 而

動 羽 爲 他 芻 最 道 楹 輔 有 徒 而 向 折 久 而 ? 之 贊 儀 至 哀 而 奠 和 酹 衷。 彌 天 風 ,涉學昬瞢 而 至 心折,矧 惟 朝 於 者 ,葬不得執 縫 不 而 夢 慈 聞 登 傷 蒞 也 而 母 之 慟 公之亡, 官 藏 仰 爲 進 之垂白 意 外 則 諸 法 公之伯仲者耶? 絶 發 庸 有 用。 從。 紼 時 識 既 不 以 反 而 摳 相 之 惡 積 何皇天之不 獻 中 送。 衣 超 與 偹 物物 而 納 節 而 詣, 豈 嗟 哀 嚴 馳菲 論 兹又 請 望 痛 而 之 思 益 罙 擗 風 奠 而 死 某等 0 喪 皆其 重 踊 憋 以 格君心, 生 不 憂 或 寓 之 登門 忽 是 得 執 所 世 雖 哀 當 能 束 經 兩 以 則

祭吕太史文祖謙

如 古 鳴 亦云 呼 久 才 難 思 之 得 歎 贵 人 謂 庶 凡 幾於 才? 此 治 才 不

> 廷之大 之不 奪吾 游 欲 呼 惟 夫 無 其 柢 非 逝 而 登公之門 公其 然 用 嗇 細 尚 愛憎之累 不 1 ,古今貫 多 大賢 議 後 暇 而 其壽,誘其 天之生公,其 嗟 足 位 未 退 人歟? 公已病, 論 此 以 尚 是 可 矜式 穿 嘗 數 IE 知 何 表 覬 以 平 孰 真 而 年 聞 敢 斯 爲 胡 守 於 裹 而 是。 可 病 餘 衷 知 民之小 後學之師 凋 爲 如 之 爲 得 論 不 而 亦 公之所至? 喪 世。 抱道 痛哭 事 以 必 一、俯仰 之一二。 可 不 甚 善 有 機之要,人物 約 使 以 康, 難 類 流 規 學 何 而 伸 有 而 表 窮 涕 疾 抑 不 爲 其 模 無 不 天 者 木 得 吾道 本 矣。 進 顧 志。 愧 宏大 易。 乎天 一之,夙 原 試 矣 《詩》不 平 可 ,若人者 之不 行 也? 以 卧 時 蓋 賦 兼 而 乎, 居 某 家 昔 天 之 取 師 不 有 等 朝 遺 又 子 德 鳴 根 仰 優 而 而

● 「摳」,原作「樞」,據殿本改。

乎 也 相 耶 與 設 「人之云 奠 而 哭以 Ľ, 邦 斯 或 文 殄 是豈 瘁 _____ 日 抑 吾 公 徒之私 其 人 也 意

祭吕寺丞文凝之

意響 其 得 俾 府 氣 衮 再 以 (傳,若 濟 友三 丞 登 婉 則 無 合, F 行 外 敵 書 鳴 以 且 國 益 雅 府 呼 數 動 亮 量 澤 用 乘 迨 白 直 容 始 邊 鎮 父 每 人奏帝 人 矣 黑。 歎 有 脩 浮 懷 康節 百 何 息 門 朝 年 長 私 往 夫 喪之 蹟 前 憂 之 已 古 之學,茫 H 才 F 著聲 見 來 辦 特 亟? 漏 勉 卿 鴈 0 今, 病 劇 親 下 毋 序 學 績 色。 藥 數 行 昧 横 口 白 妙 博 刻。 石 驗 莫 飛 其 也 惟 龄 分 而 測 可 聞 在 符 我 世 通 家 戊 論 君 子 同 閬 科 聲 辰 君 文 事 才 側 僚 風 之 1 赫 衮 麗 得

> 遇 歸 E 使 呼 朝 孤 究 嫠, ,行道 爲 哀 末 陳 極 同 天 疾 慟 迹 嗟 此 與 俄 樽 涕 惜 休 以 得 酒 岷 淚 戚 才 論 峨 難 如 徑 文 西 而 激 兄 某定 談 走 壽 來 乞州, 君 之 笑 交 萬 家, 翰 雖 里 經 墨 己 泛 晚 紀 祕 義 宅 甚 Z 此 俯 易 力。 深 絶 仰 簣 學 匍 之閒 將 庶 匐 幾 不 安 鳴

祭從舅汪删定文大辯

息 栅 進 兮, 我 齠 之於 焉 兮, 闔 非 而 鳴 而 無 日千里兮, 諸 是均。 呼 爲 朝 樽 舅 群。 酒 兮, 夕之 之弗 惟 迨公之鼓 飛 舅 有 積 甥 與 悵 黄 異 公亦 之 3 奔 著 於 閒 琢 逸 鞭 他 篋 磨 兮, 之 兮, 人。 依 上 至 絶 古 庠 於伯 切 媿 蓋 塵 兮, 分 駑 生 至 父兮, 馬 我 長 亦 無 親 之 詩 亦 外 游 ; 弗 自 繼 焉 不 家 幽

之及民 之屈 經籍 貽 氣出 楓 鑑 紛 閒 遠兮,亦忘其分之卑尊。 薦 以 紛 氊之聞 作兮,真出於意表;曾一指之傷兮,害右 公之所自許兮,人亦以 怒 裁 孤 使 宸 紜。 栩 于 嫠 伸。 藜 於 萬 鄉 至 栩 兮,益以 謂 兮,眇 之 藿 柄 情 高 夫之上; 老 卷懷于家兮,志則在 我 驚 今,不 投 之不 逢此百罹兮,幾三 好 ПЦ 臣 9 其 號兮, 以 益 喜 , 探聖賢之深醇。 軒冕於浮雲。 可 世之英兮,奄蓋 南 所問 採 引 篤 以 以 小試 兮,幾 經 宫之接武 , 與 我 何 兮,惟 諏 居於外兮, 於 爲 蒼 律兮, 以 類 蒼 期 斯 不 事兮, 仕于百寮之底兮, 於君 明 於同 文。 足語 之不 兮, 仕 不 又以 時 於當世 進於朝 負 而 無 Ż 可 相 顧 氣 棺 9 三已, 臨 不 以 激 與 憂 詞 忽 所 , 而 賀兮, 年 寮友 關 奇 患 一; 沉 章 用 使 嗚 事 兮, 禍 之 於 不 之 功 呼 E ; 0 酣 之 沉 肱 細 相 雄 之 此 利 反 鼻 1 9 可

賜 第 于 問 安存 念一 旐之南征兮,今其已矣; 言不成章兮,尚 迷兮,荷 於穹旻 昔之千古兮,◎不知淚涕之霑巾 ? 撫 望丹青之圖 憐 之日 至。 像 兮, 登公之堂兮,君 何 精 神 之逼

今其

真

翩

飛

何

又同鄉

英發。 苑 屢 在 千里之駒 深 蹶 朝 嗚 聲動 探 浮湛 呼 理窟 登上 景孟 9 魏 遇 里 闕 0 天 庠 事 閶 冀 徑 敏强,若遼 賦 此 當夷塗之欲 中 挹 奇 生之有用 不 簪笏。 倔。 自 屈 少 天之鶻。 驤,驚 小 耻 讀 方 孤 書 且 脩 俊 立 名之泯 横 霜 甚 鶩 氣 蹄 知 之 藝 己 如

- 幾」,殿 本作「凡」。
- 2 昔」,殿本作「息」。

景 葛。 嫠 之析 没 倉 禍 蔚 之於恍惚者也。 復 而 卒? 充其 孟 竟 顙 揆 乃 慟 理 之公言 悲 生 殁 廣 雖 精 行道: 於茫 埋 矣。 於 頤 矯 爽何 此 、所養, 壁於 所 張 矯 士友之所 昧 鳴 忽 亢 之,尚 傷 顧 生 黄 呼 ? 蓋 亢 割。 豈 有 家四 壤 迨 壤 事 非 高 奇 能 親 劘 痛 某等義 有 今 明 攬 骨骨 聞 視 壁立,夫將 刜 友之及 前 難 而 時 寒 此 音 辦 後 之人 涕 世 言 以 篤 何 里 吐 孰 於髣髴 而 福 知 奇 洪 物 金 有 而 執 善 爲 疾 巓 暢 安 疑 和 也 則 紼 禍 之 之遽 謀 施? 之 耶 矣乎 己 辭 應 契 淫 者 ? 蓋 嗚 條 連 欲 變 孰 嬰, 寡 ? 於 棺 豐 呼 瓜 孤 爲 況 歸

祭姜總管文

遭 時 多 惟 公 難 生 長 乃 京 能 華 奮 身, 起 自 自 戚 喜 閈 吏 幹 積 習 天 富 資 精

> 以 尋 見 中 閤 外筦 萬 宴。 相 Ŧî. 鄉 劇 敏 文,有 驚 賓 卷 + 喭 0 原 間 煩 儒 歆 贊 承 胡 爲 餘 権 此 談 雅 某等 平王 羨 生 蘭 年 塵 淚 物 所 笑 飾 有 寓 玉 變。 如 立 緣 至 陸 宦 里 孫 公 秀 涯 胡 濺 辦 增 沉 游 少月 寄 爲 發 社 雅 \Box 治 衍 赤 不 客 沉 游 樽 簪 意 結 絲 倦 縣 痾 從 有 审 笏 作 之 如 交 郡 醑 練 公 輝 善 老 棼 奄 交 或 開 晚 者 炫 蒼 如 情 韜 解 元 而 靈 結 鮮 露 戀 鈐, 俎 衆 舊 退 繩 光 外 廬 電 戀 有 之 事 休, 口 足 臺 百 ? 壽 0 饌 争 亂 于 當 荒, 間 薦 幾 歲 雍 嗚 薦 書, 今 月 有 容 呼 藏 投 矢 帙 面 哀 侵 識 幾 閒 1 書 中 以

祭劉宜人文王台州母

猗歟夫人,婉嫕静專。生自名族,嬪于

偏 待 曲 蜕 彝 兼 斕 名 慶 如 太 郡 綿 蟬 人 婦婦 備 孫 原。 生 又 蕃 綿 ,望之退 愈 則 富 坦 曾滿 忝 夷 宣 夫 壽 厚, 誰 姻 貴 真 人 開 夫人之子, 壯 連。 其 俱 前 奉 相 之夫,學行 醇 九 然。 全。 比 佛 帙 ,得全其天。少疾考終,忽 夫一心,教 慈祥 升 肩 愈虔。 設 堂 丹 尚 ? 愷悌,舉 奠矢哀 丘 進 何 自 拜 憾 赤 歲 推 奉 于 焉 城 騰 賢 子 愈 語 涕 版 騫 二遷。 兹 約 無 不妄,一 樂 某等託 泗 間 有 輿 高 善 執 潺 言 邨 年 牙大 謙 好 湲 綵 軒 施 愈 事 衣 慈 五. 在 餘 如 不 福 斑 容 壼 鄉

祭史宜人文太傅女兄

盛 共姜之守。 ,年秩開 惟 靈 八 九。 行 古 之 稱 惟 五 孫 我 拾 福 魏 公、事 其 遺 之 婦 曰 姊 如 孟 母 母 夫 之賢, 唐楊 人人尤 慎

> 奠薦 趨走。 首。 俱 矜兄弟 何 叮 登 歸 憾 厚 慶 羞 高 何 友愛, 咎 夜 事 淚 年 ? 半 方隆 女婿 落 世 事 計 某 巵 姊 所 聞 疾 乘 等 如 酒 未 悲 龍 母 己 出 有。 在 芝 哽 人 躬 蘭 腠。 相 心 率 六 門, 疚 俱 四弟, 老 進 秀 于 成 粥 恭 兹歲 圕 備 惟 燎 終 須,醫 極 始 此 夫 孝 風 哀 人 友。 俗俗 稱 薄 檜

祭族兄心上人文

蟬 生 乃 朝 露 日 ,俊氣騰 聯 溘先。 朘 惟 我 曰 人 伯 鼻 騫。 物 叔 壽 祖 彫 季 雖 使其起家,必 四 零, 已穹, 仍 子 賴 居 俱 賢 奉 有 惜 達 0 111 不 仲 源 少 收 既 生 延。 青氊 天 富 先 乎不 生, 且 達 庶,後 源 少從 衣 淑 之 冠

●「友」,原無,據殿本補。

骨 之若 袁 我 君 説 空 詩 研 律 釋 遂 海 高 通 不 種 菛亦 以 壖 倅 愛重 ,妄夸真 篇 E 稱 蹈 貫 日 氏 俾 終焉 灰 僊 纂言 教 0 丹 日 服 其 得 然 無 丘 流 孤 理 膺 力 挽 味 又 業 無 記 雲 累 傳 詩 拳拳 傳。 詮。 中 精 參 銘 之 來 如 悠 事 我 我 耕 江 晚 邊。 使前 專 可 游 枯 珠 益 悠 徒 媿 湖 而 行 名 細 鐫 禪 萬 在 工 晚 鹵 節 獨 驚 或 有 聲價 結 師 0 年。 穿。 出 莽, 交 器 勸 説 不 節 棄 鶴 林 敬 説 陳 業 老 塵 翩 猿 出 空 捐 窮 書 最 義 乃 愈 祖 旁 欲 益 世 翩 世 顔 芸 梗 辱 甚 喧 俾 正 誑 與 及 踏 堅 0 出 愛憐 概 令, 高 人 其 直 如 其 欺 同 百 遍 念之 其 世 田 家 與 猶 勉 隊 人 以 車, 萬 室 勝 緒 色 旃 諸 天 比 蜕 覃 贊 牛 中 意 境 鉢 餘 往 寖 家 耳 淵 肩 蟬 莫 遺 消 機 尋 剽 薄 思 有 徑 翰 我 惟 編 衲 旋 緣 , 祇 先 鑽 有 恐 書 望 歸 師 塗 黑 目

名盌三酹,淚下迸泉。

祭謝雲臺文傑

然諾 筒 傾。 髒 辯 道 赤 殞 決之餘,名 其 壑,自 不 鳴 城 欲 屢 名 賡 忘 不 河 嗚 以 车 呼 衝 繼 侵, 傾 喜 事 許 自言 惟 以 熱 謝 嬰。 流 獨 自 交,語 遠 公巋 大參,又 公, 誘 清 合 主 多 臨 掖 漫 并 門 病 然 後 物 仕 握 必 永 嬾 庭 進 之 見 有 手 盡 嘉 委 風 謂 英。 順 列 通 誠 名 糾 流 有 帝 卿 情 邦, 浮 老 合宗 醖 如 去 成 爰 京 藉 湛 來 不 秋 自 黄 文獻 盟 半 爲 肖, 至 E 慨 末 文 Ш 郡 生 今 奕 蔡 然 宦 如 密 高 派 有 奉 世 綺 邇 見 寄 懷 斯 不不 稱 祠 徑 心 鍋 丘 骯 以

老之彫 舍之十 計 喜 欲 呱 音 馳 而 爲 忽聞 菲 不 此 奠 零。 楹 寐 行 以 心 日 覽 荷 冀 折 寫 聽 翰 孤 魂 中 先 蹤 墨 府 驚 聲 扄 以 之未汰 之 猶 裨 痛 望 願 濕 助 東 斯 IE. 當 乃 人 堂 望 山 之云 之 以 遽 倒 前 舍 興 隔 屣 輩 盖 之 哀 以 於 傷耆 典 幽 逢 闢 尚男 冥。 迎 刑 官

祭周通判文去非

髴

其

來

聽

諸 登 偃 規 論 橅 世 各天一 室,退公之餘。 故 前 鳴 宰 呼 憂 發蒙 書 劇 患 直 隅 熏 邑 夫, 曲 砭 一,赫 心 余分郡 盡 愚 而 講 篤 然 錙 謂 易談 志 銖 有 再 止 符 弗 譽。 仕 於 爣 玄 渝 嶠 君 斯 遇 不 南 爲 方 乎 事 忘 渴 之躊 憂 備 1 然 不 遠 居 自 荷 當當 歷 始 躇 憂, 崎 雖 閒 有 動 嵋 求 有 劇 至 取 同

> 奠之生芻 與之俱。 乎 通 五. 大矣,何 牘 有 方 十 乎 銜 於 1 周 Ħ. 余。 不 晝夜,晏 下 姓言 祛 其 交 尚 净光 謂 舒徐 私 孤 明 當 曾 然 情 堪 東 是 良 啓 不 驚 輿。 已 麓 半 殊 揮 緘 遥 愴 刺 翰 恍 乃 明 欷 望 寄 嗚 然 終 月 僅 歔 故 呼 别, 弗 清 得 乃 直 廬 除 緋 風 其 君 對 夫 言 遺 魚 客 猶 矢哀 抱 穆 書 而 能 負 如 近 0 又 以 誦 自 不 傳 何 死 凡 詞 悟 數 生 憾 短 淚

祭陸提刑文洗

1369

見 益 龍 陶 列 展 Ш 畀以 侍 長 陸 才。 大漕 氏 華 公尤 家 節 聲,源 徙 荆 秀 鄞 門 歛 及 出 擁 散 流 麾 見 雲閒 得 盛 宜 薦 課 漕 0 際 流 最 臺 左 莩 E 丞 雙 徹 再 棒 浸 儒 生 偕老, 宗,振 登 孝宗 膴 就 仕

言 長 憲 致 處 士 俄 菲 年 師 車 0 奠。 辨 興, 1 刑 居 小 明 公 期 矢哀以 斯 病 , 不 無 卒 成 困 刑 爲 如 之, 生計 動 公言。 詞 卒 大獄 隨 有 楚 得 淚 楚 株 逝 請 宏 如 JII 連 祠 遠 濺 里 0 廷 平反 之 社 窀 業, 賦 穷 相 甚 有 歸 從 卷 勇 翩 時, 藏 期 來 公 退 煩

祭趙安國文鎮

堂 舉 澹 則 E 矣 不不 觴 乎 云 Ľ, 天 世 惟 陋 味 酹 君 乎 傷 不 孝 涕 莫 如 華 於奉 心 之 淚 測 計 霑 何 優 親,友 有 臆 青 游 1 餘 卒 Ш 喪 于 歲 滿 能 此 門, 群弟。 振 足 善 其 人 寒 以 家 自 梅 鄉 自 滿 適 里 信 乃 坡 嗟 淳 築 忽 直 公 焉 新

祭張梅州文祖順

得又不 呼 麾,謂 之才足 道 之屢,引之深 聲 立 於片 之士 爲 三仕三已。 可 之 事 貴 甚 隕 ! 者邪 言 夫 美。 涕 鳴 自 踰 荷仕 以 孰 久,終不得以 此真良二千石之選 呼 理 此 嶺 擢守武 辦 不 1 ? 矧 升矣, 財則 來 爲之,何 往 宦之平 鄉 劇 刺 歸 贵 而 倅 其 黨 史爲 優 真 造 當 而 番 111 之 於心計。 之於 嚴 遽以 物 進 陸 禺 素 行 千 時 於 足 小 迢 交, 里之尊, 君 其 方 薦 率 以 煙 不 兒 遞 壯 志。 而 以 戢 瘴 牘 也 起。 而 之 謹 歲 獨 之地。 交 次 吏。 同 見 於 自 不 而 至。 人 而 予之早 社 家 戲 奉 宰 既 屢 以 生 折 馴 之 纍 法,鋭 得 畀 ? 也 龍 而 是 就 獄 以 致 深 然,行 ? 屢 數 游 果 秉 Ŧi. 而 則 奇 政 奪 於 馬 鳴 有 敏 公 今

公之 觴 以 將 爲 行 酹 開 靈 樽 其 盡 來 醉 平 9 曾 庶 歲 知 月 此 之 悲 幾 痛 何 之 而 意 舉

祭趙運使文善悉

鳴

呼

哀

哉

樂 力 右 仍 敏 呼 望 尋 夫 浸 一公自 孰 疾 忝 成 尹 而 轉 卒於杭 革 神 辨 知 姻 公 明 是 餉 生 京 此 公, 家 贵 護 帝 大 受知 於 嚮 此 訖 偶 城 命 流 荆 用 中 而 成 理 然 以 孝皇, 離 矣 南 雖 文 素 葬 也 傾 數 母 精 屢 於 跬 哉 長 0 而 年, 擢 見 鄞 E 步 送 於 天 1 悟 要 賓 真 子 起 Ŧi. 公之喪 而 惟 余與 (), 因 津 死 列 震 擁 嶺 莫 公才 生 卿 悼 與 雙 徑 Ш 從 公 幾 于 七 登 爲 旌 容 具 親 傾 謂 如 閩 啓 陵 西 於 黨 有 蓋 日 宜 飛 清 霞 9 永 畫 歎 持 稱 稽 公方 芻 居 驚 嘉 Ш 疾 江 既 鳴 平 知

> 之自 涕 誠 某 以 扄 吾 身 歸 投 淚 之 之縱 蓋 處 吾 爵 分 不 素 者 情 禄 横 死 深 如 可 在 也 泊 以 前 此 齊 生 然 吾 不 久 年 長 生 爲 復 而 黨 往 也 交情 兄 亦 於 無 何 謝 乃 爰 心 物 爲 毉 見 設 , 可 而 ?,余亦 却 恩 薄 嬰。 哭 藥 奠 愛 失 至 然 湛 聲 不 以 重 則 知 寫 耶 然 不 公 夫 此 中 ?

祭舒簽判琬通判璘文

訟 立 賴 敢 不 自 言 至 以 少 自 而 帝 年 主 猗 乃 以 歟 晚 前 門 不 相 舒 對 西 户 隨 冤。 尉 美 氏 大 者 於 于 廷, 九 元 何 Ŧi. 惟 武 原 其 英 直 溪 昌 傳 邪 多 聲 既 峒 Œ 賢 恩 1 凛 已 蠻 威 傳 玉 然 惟 動 並 道 折 吾 昆 興 元元 宣 於 傳 仲 止 戈 往 或 Œ 飛 質 鋋 H 歲 尼 英 之 負 剖 之, 鼎 氣 所 俱 兀

堂 天之 惟 庠 遠 所 中 甄]1] 事 人,如 誦 道 露 馬 一,受知 子 前 憾於 傷 季 邇 無 9 愛 深 夏 遽 横陽 之 以 於 驚 劇 絃 先 人 哉 惟 熙然之陽 兄之於事 利 親 其 舒 疾 嘆 易, 兄 且 士 南 中 身; 撫 詠 禄 氏 困 惟 本 之愬 元 喻 人 軒 心 耐 今而 字 之, 思 吾 且 何多 無 歌 我 强 拳 無 元 嗚 春 吏 鐫 故 遂 几 如如 之弔 其 忽焉 拳。 呼 邪 質, 人有 0 畏 日 子 傳 新 至 名 主 投 燭 以 民安。 干 沉 也 ? 貫 良 新 叩 戈 連 盟 照 鄉 才 通 傷 里 緜 三百 知 安 豈 請 璧 解 義 而 籍 有 而 公之亡 自 師 名者造物之所 不 吾今不 客 仇 沈 風 數 私 不 金 曲 祠 篇 天 友 淪 計 授 之 使 淑 直 禄 閨 聲 羅 淵 9 他 諸 究 不 也, 將 甫 拜 至響臻 範 處 復 蚤 嗚 季 源 於 頒 馬 于 之於 模 以 登 宦 見 呼 古 用 前 公 而 此 治 春 學 朝 閩 無 陶 上

> 夫 從 甚 哀 而 贵 傷 誰 貴, 下 爲 哉 咨 吾 有 吾 詢 非 儕 鄉 利 之 靈 痛二公之不 禄 私 輀 里 之 情 有 有 所 ? 行 後 能 生 上 雙 均 得 爲 緊 旐 耶 伸 清 誰 相 ? 也 時 是 大 惜 我 遵 有 此 薄 ? 疑 0 奠 慮 寫 悲

祭從兄少微縣丞文

後 閒 致 殞 可 身青 其 門。 佚 病 爲 老 身 惟 尉 1 雲。 歲 我 爲 築 而 兄 久 大父,二 湖 丞。 疾 號 留 凋 濱 E 零, 秀 落 介 成 穎 久之,始 然自 + 奉 僅 早 祠 餘 有 抱 守,不 香火, 登 + 孫 痾 成 人。 與 視 列 均 縉 蔭 女嫁 緇 兄 爲 傷 紳 不 謂 爲 Ŧi. 男婚 磷 哉 收 之 家 數 沉 長 世 年 歸 同 淪 科 庶 之 又 而 出

諸 嫠 鄰 相 惸 父 應 惸 盛 网 方 家 時 期 葬 子 游 從 弟 晚 歲 宦 其 情 7,杖 先 頻 誼 仍 遠 尤 屨 日 親 逢 禮 數 训 智 讀 旬 出出 書 院 從 酌 明 奠 澽 師 久 送 隔 矣 調 行 孤 琴 比

祭李府君文奉化鄉人

涕

淚

霑

巾

髮。 子 始 年 不 筠 舍 極 偶 隴 茂 後 反 微 孫 望之 於 樾 言 東 終, 進 西 世 郭 香 先 承 旦 之 儼 居 身 彎 鄉 生 楷 莫 外 者 然 則 之弟。 間 何 死 己 先 湖 吅 之 人? 生 矣, 華 疾 之 生之家 水 仰 斯 清 木 此 書 屋 如 續 之, 發 澈 書 著 種 湖 鶴 當 爲 無 書 之 有 精 脩 \equiv 傳 儒 其 清 不 繼 梁 絶 神 絫 傷 架 韋 書 謂 方 何 駭 世 有 編 空 滿 戀 君 瞳 隱 家 究 華 上 霜 百 君 原 何

> 聲 誉 我 先 心 ? 疚 生 惟 何之? 今來 窀 穷 者 有 非 期 親 來 則 舊 奠 典 巵 刑 之亡, 哭 者 失 使

祭表兄馮耤田文端方

延 文 駢 師 經 則 唐 右 命 0 照 尤 逢 偏 史 差 旋 胡 儷 貫 一肩 原 映 外 歎 所 數 I. 門 穿 至 至 奇 姻 兄 驚 賦 惟 持 文 備 好 汪 篇 場 今 屬 之以 鳴 衆 兄 絫 氏 長 聯 流 屋 體 敏 世 諸 筆 而 鴻 傳 沌 生 謙 悟 屬 得 慶 詞 力 表 邅 文, 得 似 兄 孫 妥 又 森 翩 盍 ? 意 齊 然。 翩 白 公,一 之於天 不 思 登 年 能 韻 年 全。 青 若 及 言 報報 惟 詞 雲, 湧 代 半 嬉 閒 我 泉 儒 以 百 操 所 與 加 晚 見 則 長 先 筆 兄 層 長 尤 以 百 始 箋。 俱 如 篤 隊 清 出 從 多 沾 始 見 修 椽 學 學 兄 左 鄭 終 賞

淚如 焉。 極口 豆籩。 我所畏,猥先著鞭。 伊始,一疾弗痊。 起,益壯益堅。 室罄懸。 إال 贊揚,未嘗舍旃。 **總帷咫尺**,欲酹 矢哀以 久依 詞, 擢居掌故,進 相門,賓主 歷 薦紳嗟惜,親 歷 無 吾徒掌制,媳 究宣。 緣。 喜兄欲 亟 一俱賢。 司 言不盡意,老 遣兒曹,往陳 達。 黨涕 藉 田 在盧前。 而乃忽 貴名 漣。 亨塗 兄 日

攻處先生文集卷第八十四

攻媿先生文集卷第八十五

四明樓鑰大防

祭文

祭叔父郴州文以下代工部

遊 門 家 比 巸 無 未 鄰 動 户 幾 口 就 亦 軌 鳴 爲 則 替 幼 呼 終 千 猶 歲 則 我 焉 里 費 星 父 相 同 計 經 是 隊 與 晚 理 周 長 爲 食 弟 生 命 淪 室 祠 則 五. 寓 先 禄 謝 共 子。 止 成 被 相 外 人 俱 惟 繼 而 舍 還 如 矯 我 己。 跂 桑 相 鴈 矯 與 梓 如 去 弟 序 \equiv 平 矢。 密 兄,雍 年 彫 生 築 彌 我 宦 室 差

得 之干 哀哉 得 味 至 死 又謂 法 進 湛 進 時 有 日 有 生之爲 佐邊 官辟 間 是 用 藥 撫 0 遽 止 ,治家處 景 共 其 雖 以 里 禄 餌 心 小 所 己 棺 摧 壘 水。 我 期 别 賞 才術 有 疲 聊 繼 隻 美。 肝 時 官 葬 百 己。 影 先 瘁 萬 復 不 有 裂 精 得 于 弟 年 鍾 世 之施, 不 翩 爾 甚 衰 安 朝 酒 目 明 雖 醫 得 内 同 然, 耳 詎 爲 書, 口 絶 卧 酒 天 外 淚 禱 臨 祖 此 肯 意 醉 人,所 寧 + 嘉 病 如 亹 乎 餞 燕 斬 白 其 爲 舍爾 忍念 · 不 一 頗 殽 洗。 端 隧 不 斬 亹 喜 如 飢 安 杖 禮 淑 盈 遣 所 至 亦 ? 竟 無 知 屨 此 使 弟 紙 向 子 驅 可 自 遽 小 以 數 ? 相 吾 他 風 執 抱 未 以 不治 紀 慰 已亡矣。 不 旬 過 兩 之 長號 時 猶 手 微 祭。 今 起。 宰 賦 免漫仕。 心 子 郊 痾 也 便 蒞 歸 中 歸 來調 不 劇 原 隔 侍 情 死 知 謂 官 嗚 時 有 縣 吾 + 勉 作 知 其 宜 行 呼 真 傷 不 浮 牛

猶 不 以 文, 少見吾手足之義 姑 寓 哀 日日 鳴 呼 九 京 其 有 知 乎 ?

祭安康郡俞夫人文蔣參議母

彤 吉,將袝九 秀 哀以送之,奠此 而 史。 時之盛。 文。 起 惟 于 歲 名門,作 子 原。 年 時 惟 登 Ŀ 孫 清 某 壽 班 配 酌 等 +, 簪 君 衣 相 笏 子。 盈 胡 與 門 相 不 有 壼 百 映 連 年 助 子 事 ? 之賢 家 列 契不 慶 朝 日 成 行 月云 輝 薄 孫 圖 干

祭伯母馮恭人文同兄弟

愛無 具 宜 虧 巨 族 事 秩 之胄,華宗 夫 如 秩 子 賓 舍, 捧 兟 是 案 歸 兟 齊 眉 孫 婚 枝 撫 好 撫 族 益 締, 循 以 鞠 和 室家 育 恩

> 斯 以 酒 不 專 行 夫 計 人是 覿 欒 在 1 魚 情 聞 巵。 温 矧 軒 依 顔 舉 生 此 話 情 , 徒 宗 嬉 輝 仲 寓 季 嬉 春 傷 瞻 於文,靈 父 方 奄 悲 靈 游 期 何 旂 宦 穷 意 來 靈 有 其 中 歸 + 雤 涕 期 聽 途,一 西 年 慰 泗 之。 旋 秉 此 白 嘉 麾。 疢 離 行 殽 郊 寖 思 在俎 迎 何 夫 危 奔 人 親 馳 如 繼 從 戚

祭王樞密文剛中 以下代仲舅

爲 言 汝 E 金門岌嶪。 1,與典 忠臣 諧 超 節。 躐 猗 往 貫穿 歟 (謨 叱 即 出 \pm 接 馭 功 公,生 陳 白 鳳 業 不 治 家,藝 掖 坤 懾 安,爲 優 宋 維 蜀 處, 謀 苑 道 八 朝 葉。 之 帥 天下 耕 螭 無 公論 難 獵 蚴 顧 申 身 獨 憂, 捫 其 歷 攝 參 誰 威 道 在 四 協 仰 動 Щ 江 朝 大 脅 邊 湖 我 一哉 險 帝 巍 尊 \pm 夷

皆 吸 啓 贈 輟 輔 復 横 神 始 夜 歃 奉 謂 急。 途 朝 歸 會 堅 成 膊 祠 關 公,行 太 信 丹 雜 人之云亡, 氣 執 胡 以 集 機 平 尺一 眔 合 塵 歸 旐 開 使響答。 光 忠 忽 見之恨 帖帖 矣爰 置 高 趣還 肝 驚 某 樽 明 卧 義 騎 列 俎 煒 王 孰 7 晚, 膽 鄉 官 折 哀 遂 師 承 榼 燁。 不 邑。 于 衝 以 用 登 增 越 明 大夏 川 嗚 朝 送之,千古一訣 之 天胡 西 見 再 氣 匝 唱? 醜 東 無 府 眉 人。 莫 梁 虜 Ш 及。 不 睫 羽 拜 棟 震 月 以 雅 天 首 憋 檄 Ę, 讋 馬 贊 志 子 ? 定 存 臣 星 鬣 調 捷 震]1] 主 或 殁 馳 變生 智 鷗 哀 悼 舟 是 相 靈 略 軍 盟 侵 楫 遇 爲 終 疆 呼 縱 書 連 不

祭鄭衡州文若谷❶

嗚呼衡州,才大屈宋。筆擅雕龍,詞高

曲 空洞 夢 廟 勝 沙 萬 利 吐 巧 0 嗟 作 人, 首 鳳 口 痛 歌 歸 送 0 悠然漫 發 復 追 妙 至 重 奇 爲 寶 來 惟 年 配 時 中。 祖 横 仕 馳 亨 公 用 開 聲, 棄 雅 公喪,爲 途 無 退 荒 方 隊 出 稱 惟 所 頌 闢 諸 徑 脩 冠 公之文,盍 屈 **%** 八 之一 綜 淵 挹 鄉 彌 驥 、公不 貢 晁 駿 慟 閉 足 董 飛 公乎 方 吾 悶 鞚 爲 儀 却 馳 州 吏 禁從 動 云亡,鄉 掃 事 多 讒 賢,不 精 刀 胸 天 口 定 含 形 清 次

祭趙路鈴文不枯 以下代仲舅同鄉人

闕 出 官以 廣 惟 公派 内 出 艱 天 危 來 潢 奮 歸 忠 四 生 脱脱 明 長 昭 身 踰 代。 騎 四 塩 + 政 載 宣 卒 隆 歸 待 平

■「谷」,殿本及底本目録作「容」。

設 堂 艾。 平 謙 郊 酒 而 奠以 真 Ė 感 廟 相 恭 侍 孫 慨 過 率 處 致 疾困之, 之故 祠 身 高 雍 哀,尚 蓋 静 容 會。 我 今 態 貴 退 我 日宗 英 遽 忽 也 介。 冠 靈 焉 至 蓮 佩 室 之 年 揚 社 危 陳 之 如 清 殆 從 迹 踰 屬 遺 在 歌 游 七十 樂 近 老 今爲 也 嗚 以 不 行 歡 呼 猶 미 尊 風 使 前 再 度 富 安 人 談 輩 不 開 貴 識 相 中 改 未 與 承 都 樽

祭徐少卿文子寅

貴 漢 府 員 策 逼 東 徑 而 結 能 天 惟 登 公骨 台 方。 朝 進 知 壽 行。 尤 用 早 相 皇 未 稱 奇 繼 乃 央。 循 厖 家 分 委 良。 聲 寄 左 德 賦 符 日 量 明 歸 持 隆 汪 習 + 乃 節 汪 年 憲 寵 奏 踰 章 賚 明 嶠 林 和 相 光 壑 而 澄 旋 望 徜 知 按 自 留 介 南 富 幕 中

> 聲 況 邦 繐 囚 Ļ 帷 0 州 尚 在 鄉 云 其 堂 歸 胡 來 某等 途 不 享 千 淑 遺 從 里 像 季 游 如 兩 子 生 夭 H 旐 傷 望 飛 奠 0 揚 歸 此 情 艎 行 鍾 觴 兹 弗 道 登 質 堪 相 公 涕 公亦 向 失 M

祭趙恭人文王滁州之室

間 姑 淑 憂。 宜 哀 口 以 質 瘳 備 非 動 孝 婉婉 使 鳴 Ŧi. 爲 多 某 君 呼 福 膳 悔 與 嫕 等 既 羞 尤 和 物 益 Ľ 辱 彤 柔 以 高 在 尚 賢 史 周。 春 親 子 哉 不 不 爾 秋 黨 後 虐 不 夫 書 舉 人,靈 人,獨 留 不 具 無 女 胡 妬,不 間 聆 教 爲 馴 言 彝 芳 異 不 累 致 是 猷 修 忮 輩 年 豐裕 末 收 不求 流 疾 心 設 閨 優 熏 天 門 遂 游 子 之 不 百 事

祭袁通判文章

令譽 其憂, 恭 者 浮 養 不 謙 蠅 壽 時 儒 Ŧī. 膚 見 執 卷舒 嘆 不 終 登 世 頭 吉 0 至 登 旰 申 1 少 嗚 細 事 而 秩 鳴 天不 書。 晚 科 呼 於列鼎,仕 公之 公處之則 矢 敬 膠 幡 古 益 惟 9 死 與與 望于 愸 所 倦 庠 外 余 安 弗 鬢 惟 遺 謂 文 游 齊 和 人 車。 霜 渝 袁 鄉 年 篤信好 内 忠者,惟 高 奄 晏 有 須。 氏 不 間 剛 進 宅 往 如 行 禄 歸 四 调 不 出則 泉 不 不 來 也 孤 於 世 學, 惟 品 聞 0 途 舒 及子,二 口 Ŧi. 題 吾 公兼之 守 舍車 中 徐 沉 0 吕父之ト 公, 得 輿。 叔 年 識 痾 死 安 而 平, 盛 善 貧 漫 凡 與 來 而 人或 親 孫 而 道 樂 于 侵 徒 仕 我 不 尤 踈 道 東 蚤 有 水水 獵 識 同 爲 不 日 餘 都 退 社 孤 耆 Ė 聞 堪 則 處 隨 著 勞

> 聞 問 與 視 之君 字 公步 淚 ·之酒 俱 子 趨 如 嗚 奠今日 吾 呼 有 叔 1 几 平者乎 有 尚 杖 束 復 之 有 有 全德 芻 琴 有 篤 欲 壺 寫 行 博 余 載 悲 物 平. 治 時

祭魏丞相文代王知道

屢 見 意 置 故 講 所 沃之忠 也 其設 謂 數 大 ; 0 解 既 其 嗚 壯 , 莫究一一 夫 飛 而 備 事 呼 施 歸 矢 無 而 以 於 明 不 在 1 從 口 順 色 天 和 L 政 使 于 惟 誣 養 子也 行 議 0 者 外。 公盛 不 動 至 又 人在 僞 一今,南 竊 召 施 及 虜 既 德 0 窺 從 實 下 再 手 盡 少 緒 幕 惠 不 北 前 犯 足 於 而 餘 府 可 之人受公之賜 境 之愛, 輔 篤 公 其 涯 蓋 張 贊, 學 神 淮 奉 涘。 本 旜 色 甸 以 太 又 寢 不 實 出 鼎 罄 夫 承 食 雖 動 地 沸 使。 啓 其 人 不 欲

之志。 計 涉 之,極 於 物 再 乎 乎 則 有 乎 報 獲 登端 ? 善 晉 尚 拜 爲 醉 0 洪 隨 簪履。 之 宋 益 「人之云 類 施 其 不 力 某等先祖諸 歆 之風 潭潭之居 叶 揆 覽 其 高 知 此 於 ()使其 雍 載 天不 氣 再 下 其 蘋 嘘 憐 容 籍 度 拜 蘩之意 幾 枯 Ľ, 其 憗 不然 · 出 蓋 蕭 小却 公 則又其 也 吹 孤 遺 散 天 人 父俱託 前 古 邦 生 作 榮 處 9 釋 野 奄 ,猶當出 已 晚 之 或 之林 地 俯 餘 老 老 視 棄 大 居 際 殄 藏 伏 争 猶 夙 塵 事 其 碧 觸 瘁。」 下 流 契,來 席 以爲 也 子 世 舊 溪 頭 侯藩 物 涕 0 尚 弟。 風 顱 其 而 不 公宴 人皆 ^ 而 可 方 詩 流 詠 如 官異縣 公之 嗚 Ш 渝 引 以 許 醖 **>** 林 呼 使 望 遇 居 東 而 不 典 籍 萬 之 謂 云 客 H Ш 公 莫 進 刑

祭王令人文以下代陳閣學

鄞 又以 不得逮 也 之恩。 今。 矣。 處 鞏、芾扶 如 十二月戊午之吉。 百,而子姓凋踈, 貧 JII 無恙時,屢以爲 禮 (,不得) 夫人 廼歲 庚子之秋,既哭子 惟 全諸 以 陳氏 事 夫 叔父之外,他 靈轝 成夫人之美意,以 在丙 忽 人人有 於 子手足之愛, 己鞠于 世家 生前 以 以 戌 疾 知 東,卒哭在 閩 贵 È, 滋 趙 余 言, 尚 命子 中,我 有 氏 得 無 應 耐 臨 意 謂 曅,因念夫婦 庶 朞 更 ,迨今十 言 且 此 請 趙 歸 子 緩 功之親 先 猶 俾 言 氏 伏 於 邇,且 廣 於 少卿 無 在 是 趙 有子 喪次,使 陳 今日 耳。 有 時 忘 嗚 氏 氏 兄 將 族 趙 九 年 呼 之 弟 此 猶 1 大 俱 可 方 年 氏 嗣 始 涉 執 葬 子 仍 以 壯 未 尚 撫 續 E 半 大 徙 子 至 忍 育 喪 歸 夫 而

其

穴

而

盡

禮

敬

而

淑

德

歸

無

計

喪

不

得

祭劉

半子 盛 踰 市。 開 奉 閨 枝 無 顯 福 Z 紀。 夫人之身 聞者意消。 蓋八十 我壻王 年益 室人云亡, ·拱侍。 夫人 珠 福 氏 固 四年, 自 尊 安興 相 履。 伏 奉 母 而 之德,柔惠淳直。 維 無 含 夫 倚 至 無 儀 神 憾 飴 徐 而 子 處 歡 約 行,去 婦 夫聞 傷 是 矣。 弄 之如 謡 内 事 未 似 孫, 則 以 雜 外 之遺 真 於鄉 他 己。 然 施 鄉 斑 衋 撫 人 朝 洋 則 密 口 衣 傷 爲 教 夫人計聞 愛之辱 家 以 饒 濟 邇 幾 溢 壻, 愈 晚 表 子 夫 濟 0 千 人 爲 千 歲 言 猶 儀 肥 而 今 里。 之 騎 子 罷 乃 尤 無 於 而

> 奠甚 狀 懿 行 行 菲 終 事 不 有 東望長 不 敢 能 溢 盡言之媳 美。 號 ,靈其歆 雖 已大書特 也。 íŁ 甥 書

東

致

祭 Ŧ 參 政 文之望 以下 代曾 吏部

之 淮 綱 朝 出 參 氣 城 官官 政 堧,長 紀 風 其 視富 富閎 緒 ,使君子 前 機 惟公負卓犖不群之才,養剛大不 餘 城千 貴 諫 政 十一不 深 議 如 事 謂 自 有 里 Ė 脱 且 得 所 明 足 屣。 相 侍,而 之學,奮經 白 雅 絶 歌 賢 俗 而 東 投 佞,公非 翩 蓋文 坡 耐 小人有 壺 先 然 驚 去 章 生 世 坐 綸 之。 直 稱 所畏。 公是。 矣。 却 四 欲 張 胡 海之志 文 高 正 追 騎 定 ·屈之 蹈 督 色 兩 振 立 進 舉 都 赤 師

攻

媳先生文集卷第八十

假 者,豈 爲 思之意 相 悦者衆。 不 千丈松崩 與泣 守 盡 九 E 人之所以 京之魄 屬 海 ,下不求合於士大夫,故悦 公之謂 不 於 邦 疾, 求合於人主,故 尚 甘棠之下,亟 ,猥繼英 ,聞者爲之流 然至言天下偉 欲 也 當 耶? 見 期公者未艾 力 不 追 軌 某登公之門,俯 遂。 公於步趨之餘 遣 涕。 欲一 巍 雖 薄 人,則 也,而 巍 貴 拜公于 奠 嗚 巨公, 以以 呼 而 以 公者 泰 不 寓 公爲 庶 床 用 仰二 Ш 何 吏民 千 其 F, 寡 :恙不 乎 里 用 首 不不 頹 紀。 不 去 方 而 而

祭劉衢州文朔

之靈 授之以才,而 委造 鳴 呼 ! 化 獨 天之生賢,其 之 短 和 其命 不爲 不 伯牛之疾, 顔淵之 蓝 靳 已 甚。 子 之以 鍾 Ш 賢 111

路坦 方 於時 者 得 夭,豈 哽 之友愛,不 純 追 審。 南宫 者,儵焉 百 上 處之孔門,未 呼我公,受天 不一 也 視 孝 天將降 襲 可 公以 ",温 忽 坦 黄 日 激貪立懦 使 獨 騁,而 之遺 某 安於 相 鳴,萬 藜 凊 孤 奪之,蒼蒼 其 慕 從 爲 藿 蹤 定省 見 以 身之不幸? 公 於 軫。 朝 繩 大任。 之不 凛 八異禀。 必 遂 畦 論 口 高 九 廷 準 不 凛。 町。 至 皆 之上; 風 原, 採, 議 升 鶴 一於隕 噤。 仕 者又何其 惟 孰 四 堂 髮在堂,公必不瞑。 鯁 當今人才 歲 此 + 下 三巳 挺。 弦 知 方 而 尤 年 乎? 月 風 小 可 屬 夫堂堂王佐之才, 在 人 邦人,崇仰 良 薦 相 節 使 重 試 不 寢。 心 物 遠 紳 望 日 斯 嗚呼 太 事 兩 器 一,俱 韋 謂 以 假 新 州 民 在 孫 忍 居 業 布 疾 公之未達 皆 劉,身 第一 守 負重 ! 之奠枕 之廟 耶? 利 有 之所悲 病 最 東 公之 足 害 如 堂, 公 益 正 以 嗚 不 公

又代莫守

隅之一 亡,邦 君 聞 子 服 或 哀 郡耶 道 殄 感 德 瘁。」要 萬 之 井。 教 〈當爲 小人 詩 天下惜爾 懷 不 撫 云 字之 乎 . 政 何 止 之 計 於 云 海 音

祭王詹事文十朋

之隕 榮。 事 特 周 誰 或 諍 兩 楹 失 汲 其 7 一獨行。 其 得,公集 典 星。 惟 公 籍、王 · 刑 公行 明主 有 平,公 去 ? 某昔拜 震 就 射策 出 陵 往哭 其 爲 悼 或 乎 精 成。 權 善善 公 誠 論 功 不 以 爽 學根 事,仲 衡 成 凛 屣 類 公論、 重 可 羽 然,尚 失聲。 履 輕。 郡 翼 舒、 乎 以 之興,公爲 紱 有 人亡 經。 迎。 政 賈 其 是 抑 天亦惜之,爲 顧 如 祭。 生。 揚,人 高 公去不回 歆 神 鑑,夢 見遠 明 設祭道 面 主 爲 折 盟 識 辱 奠 廷

> 焉假、 公雖 旋,毋 氏。 宿 相 不 交,歲踰一 云 勉 草 草 乎 守 嗚 盛德大節 云 敢 相 *,實 呼 : 一亡,道 木 望 失 「高 ! 紀。 公梓 墜。 臭 水。 味 某之於公,殆 Ш 在 略 里。 視 晚寮青宫,益 仰 百 馳 焉 哭公之喪,義 具是矣。 止 世。 九 如 奠告哀, 京不 景 生 嘗 行 庶 有 録 嗚呼我公、《詩 作 行 澘 幾 敬 夙 遺 止。 然出 益 契。 無 何 如 事 畏。 媿。 所 同 奉 涕 E 稽 則 氣 以 太 欲 視 道 Ш 義 定 周 中 兹 酹

> > 1383

祭薛寺正文

而 無 苛 惟 公學 論 E 博 而 丽 不 知 迂。 約 行 求 高 之 而 海 不 内, 孤 未 見 政 其 嚴

章 不 親 於 故 比 餘 絶 灑 踐 見 直 廬 生 意 ·, 建 尚 於 履 諒 蒼 者 衰 復 之 幾 我 多 者 功 天 淚 見 舊 來 日 聞 生 名 於 又 剖 人物如 之益 聽 斯 驚 何 於 生 符 宏 人,其 死 其 萬 芻 論 公歸 盡 生 忍 公者 里之亨 於謦欬之餘 之 乎 嗚 讀 必 ? 里 呼 頓 篋 乎 將 居。 殊 中 途。 ? 1 公之守吴, 口 未 狂 吾 古 寓 纔 見 瀾 老矣,不 0 嘗 哀 之 小 於 情 試 書 千 服 方 余 於 載 將 高 而 之 曾 知 在 奪 短 H 風

祭鄭司法文頡 同官

酒 者 七 不 爲 劇 階 得 談 之 之 E 鳴 選 太 歎 呼 裁 常 息 途 德 燭 之 升 賦 而 欲 9 詩 君 止 第 試 於 處 精 , 無 之 斯 神 晚 所 則 乎 爽 歷 ? 拔 裕 有 曹 不 銜 掾 如 早 也 不 0 名 見 祛 而 衰 薦 方 不 相 書 其 旁 能 謂 觀 釃 脱 而

> 笑語 路 能 歌 當 畫 膚 在 隅 腠 收 其 飲 , 置 身 清 矣 功 而 飲 在 凛 君 聽 名 入膏 之 之 則 鳴 如 於 其子 已矣, 否 樽 對 呼 桑 肓 ? 1 面 孫」者, 榆 而 有子 淚 倡 而 不 而 孰 酬 蓋 盡 口 酹 謂 其 之詩 是 棺 除 詞 祖 夫 在 事 似 殫 奠 斯 易 江 定 方 之 空 人 古 風 瞳 芻 而 相 青衫已 歟 人 瞭 夏 爲 與 所 然 薄 望 德 哀 謂 强 君 升 挽 E 得 之 於 非 忽 於 尚 疾

祭陳司户文僖

之 淵 以 博 經 惟 噤 君 之家 监口 不 监 得 秀 施 世 發 晚 篤 書 儒 而 學 無 君 0 生 不 讀 君 之 謂 皇 中 興 吾 考 童 宗, 子 尤 科 教 號

- ●「磬」,原作「罄」,據殿本改。
- ② 「掾」,原作「椽」,據殿本改。

生 嗟 瞻 至 服 龍 此 飛 大 遊 故 學 得 ? 官 年 君 户 之 曹 暮 1, 千 於家 鹽 朝 里 虀 跬 孝 步 友 乃 天 云 登 成。 何 上 主 安 也

倦 第 其 敢 老 靈 收 不 瞿 遠 爲 淑 卹 到 自 何 孤 親 歸 公之餘 露 舊 壯 糾 有 年 歸 合宗 長 急 手 旐 才, 匍 不 翩 盟 釋 廢 匐 然 救 於 卷。 君之於文 云 之。 中 胡 君之 道 不 積 悲 於 是 我 亹 義 ? 我 =者 閩 亹 惟 勇 Ш 宜 不 我 於

又 路 祭

日

寮

周

旋

最

久。

菲

奠薦

誠

疚

心

疾首

其 遽 又 而 嗇 悲 成 位 甚 也 九 其 鳴 原 壽 卑 呼 詩 武 使 也 盟 仲 不 皆 文會 及 天 學甚 悼 畀 四 其 之 + 書 富 不 以 之 名 幸 而 期 才 居 命 而 也 而 以 甚 同 爲 不 奇 寮 與 也 永 之心 疾 好, 以 氣 木 時 非 又 甚 之, 也 何 君 高

行 知 向 歸 之 之 風 巾 無 炎 而 也 長 ? 恙 天 誰 號 赫 也 猶 官 不 曦 ? 可 則 可 青 以 道 有 及 慰 衫 守 阻 己, 我 欲 畫 Ħ. 之 啚 嗚 長 送 思 呼 宛 丹 不 也 武 宛 可 旐 乎 仲 翩 祖 惟 君

奠

于

郊

君

家

暑

知

乎

不

然

君

將

之

芝

眉

祭 湯 率 海 文烈

琴 之 其 善 哀 麗 歸 幾於罷 日 而 人,忽焉 長 乎? 治 惟 逝 來 君 之資 兹 宰 望 隔 市 方 寧 囊 望 世 及 III 無 矧 如 揮 瓜 襲 涕 雖 同 政 玉 衣 束 之 王 有 尚 粹 菲 事 檐 平 室 休休 易 歸 有 不不 計 惟 孤 戚 悃 君 得 累 所 之 奇 愊 自 繋。 辭 疾 無 致 吏 困 華 民 不 如 彈 晑 興 君 結

祭陳安人文詹事良翰女兄,旌表門間。 以下同守倅

是似 彝。 表高 婦 繐 勤 誠 家具宜。 帷 壽 道與稽。 歸 門,彤 思播 ,爲家門楣。 台之著姓,朱陳是推 祉 節孝有間,過者式之。 孔 清風 之死 門孝友,累 齊。 史 夫人之姑,年登期 有 靡他, 夫人之弟,名德 輝 厲 月評升聞 0 幽閨。 世 面 某 割耳剺。 不 兹 虧 0 叨 爰設 既 寵 假 生自 夫 頤。 光 我 守, 菲 夫人視之, 人贊之,室 巍 陸 奠,來 陳,朱子 孝養 欽 離 歎 同 瞻 既 壺 旌 氣

祭劉天台文孝蕙

不倦 名父之子,徒勞 平易近民,民罔 州 怨咨。 縣。 悃 生 幅 無 無 華,夙 赫 赫 死 宵

> 謀 知 則 痛之。 葬山 ,庶其來享。 阜。 知君 更率 清 貧,賻 同 僚 ,奠此一 贈 加 厚。 觴。 知 君 君 無 而 歸 有

祭周侍郎文代侍從

殽 底藴 有。 持 急義首公,可以 何末疾,遽啓 數年,簡 更,介然有 八乃酹 心近厚。 未究。 天其或者,欲昌厥後。 惟公性識淵沖,智略 斯 在 酒。 斯 守。 忽拜 趨 久。 足手。 事 矢哀以文,公乎知不 Ŧi. 不朽。 總帷 赴 擢 溪 功,力 深 主大計,亨 位 孰 人,四 不稱德,年不及壽 信 幅奏。 不疾首? 瘁 息從班,於公何 某等爲 心 蜀 疚。 途 奔 悃 方驟 奏。 僚屬 愊 ? 乃 險 無華 陳 夷 給 斯 云 屢 餉

攻處先生文集卷第八十五

攻媿先生文集卷第八十六

四明樓鑰大防

史文惠王挽詞 三 三 三 三 三 三 三 元

苗 舜,羹 軸 昭 朝 鳳 詢 相 善 甘 訏 墙欲 國荐 訪 類茅 盤 謨 行 及 裨 稱 源 芻 見 簪 連 舊 廟 流 蕘。 堯。 貂 茹 學, 筭 遠 -, = 英 綺 長 感 未 聖 策 季 才 師 急 會 置 楚 簉 御 慶 宣 滋 逢 儲 天 [IX 系 攘 千 廣 驕 翹 遥 寮。 狄 載 大 先 孝 榮 曆 經 樞 衮 求 闕 綸 治 華 數 庭 禹 先 心 任 極 終 冠 勤 格 鈞 光 歸 附 四

懵

,平時荷

0

姚 饒 橋 暖 摇 滿 燒。 翰 蕭 行 補 踵 所至 頻年 清 一、欽槧 樽 羹 信能 教子躬 官雖 精 越俗 幾 和 柳 前 見 鏐 客 走 手 歎 起 到 懷 依 居 盃 承 自 先 民 載 垂 使 恩 鼎 引 日 師 凋 髫。 謡 調 招 軺。 月 接 道 壽 紀 鼐 端 樂 傳 閩 重 寶 持 洮 中 晚 臨 人 合 家 來 不 玉 人 間 論 書 歲 機 頮 侍 作 帶 服 改 配 等 書 俄 輸 車 杜 宗桃 世 横 簞 九 教 還 游 憑 尚 如 垂 腰。 韶。 條 瓢。 著 父 薛 几 戲 晦 談 封 皇 處 賤 衣 物 門 紳 潭 群 桑 子 户 事 慈 冠 表 經 緌 府 公 榆 外 慙 燭 溢 第 推 李 忽 自 車 成 輝 方 借 票 宸 文 愚 葬 消 治 繼 賜 長 屢

●「荷」下,諸本皆闕。

二八

政

夕

崇憲靖王挽詞(闕)❶

王敏肅公挽詞之望

經綸今已矣,貫日有餘忠。	□□□宣公。②全蜀增天險,長淮折犬戎。	
--------------	---------------------	--

腹 新。 政 九京 賤 地 子 仰 無馥 慙 洪 生 鈞。 作 晚 ,知己更何 龍 古 門 栝 莫 杏 問 壇 人。 津 舊 東 詞 嘉 場 棠 沾 蔭 賸

樞密謝公挽詞

楹 諫 爲 輟 臣 或 瓜 主 揔 恩意重 樞 意 衡。 合, ,終始備哀榮。 風 行 雲 矣 平 登 地 三事 生。 悲 立 哉 朝 奠 專 論 兩

陽。 路, 且 送車 千古台山 破天荒。 無路到 秀, ,東望淚浪浪 名 故 流 里空華 列 鴈 行 屋, 佳 惟 城 公 映 登

觀文殿學士陳公挽詞騤

給。 卷,魁冠數千人。 惜哉真漢相,不遂秉洪鈞 台嶽 鍾 神 秀, 居 南 然社 服 頻 稷臣。 懷 綬 西 海 垣 涵 屢 書 演 萬

平。 學,大政任 功成身自退,寵 幾見衣 名 冠 卿。 偉 終 神 利 聞 器 羽 親 豪輕 翼 傳 成。 授 崇 先 朝 皇 崇 再 舊 太

朝著登門久,詞林辱眷深。代言稱據

[■] 本篇諸本皆闕,據底本目録補篇名。

此 名 篇 據第二首格式补空。 名至 宣 公以 上 諸 本 皆 闕 據 底本 目 録 補 篇

丘文定公挽詞密

林正惠公挽詞大中

音。

病

中

聞

赴

告,老淚

動

盈襟

議

禮

許

同

心。

去

或

臨

歸路,

還

家

寄

好

德,今日見斯人。正色欲劘上,敢言寧顧愛直趙清獻,忠文范景仁。累朝推舊

身。紫樞方大用,惜不究經綸。

言。 骾,嚴冷帶 騎箕 去國 雖 名 春 永 逾 温 隔 重 ,精爽儼 還 公綽 朝道 真 如存 益 無 尊。 慾 臧 清 孫 虚 尚 懷 骨 立

空。 邪 龜 凛凛古 正 潭 烱 Ш 胸 .循 下 中。 水 吏,堂堂真巨公。 流 憂世 慶 與 心 無 誠 窮 切 籌 死 生 邊 忘 事 度 己

規。 名字落戎夷。 隧銘書不 白 辟 素 歸 盡 重 一,歸泣 召 朝 節 峴 俱 叨 Ш 受知 同 碑。 命, 0 幾 風 廷 稜 振 踵 臺 舊

> 遇, 四 謀 海 或 規 身 模 勞。 闊 絶 儒 人才 將 通 具 鴛 高 序 樞 \equiv 朝 庭 千 握 載 豹

韜。皇家資柱石,天遽奪伊臯。

殊。 園, 世將易兵符。 寧同 初擬 死 文翁化,誰 諸 葛, 空恨失吞吴。 養 知懷遠 虎竟遺患 圖 斷 廟 謨 蛇 由 專 制 不

1389

空。 虜, 決策竟和 灰心 載 更霜鬢,千載泣英雄 龐 居 戏。 ±, 宥 朝裴晉公。 密 行 誰 尼, 規 宣 恢 威 先 事 抗 F

風。 將 全蜀 屢書終不 處 事 賴 拘 明 盡 公。 外, ,詩意亦何 鉏 畏 姦談笑中。 愛 盾 衰 窮 日 清 幾 年 和 Ľ 夷 主 惠

節 蜀 可 道 與 送行 隆 興 軒。 第, 嘉 預 禾 草 見 剪鬚 兩 詔 0 驚 瀛 傳 壖 易 迁 使

言。不堪鸞鏡舞,雙旐愴丘原。

觀文殿學士趙公挽詞彦逾

千古盛周宗,皇朝實比隆。位多窮貴

通。龍飛稽事實,信史詔無窮。

爵

誰

見立

Ŧ

功。

語

或

先定

寸

心

天

與

用 人望 授受唐 屬 橰 虞際 閒 從 晚 容平 侍 經 勃 闈 閒 讀 寖 宗 登 英 規 誰 殿 柄

班。帝鄉留不住,歸去老湖山。

最 心慕 麾節 伯 稱 夷 循 清 吏,三朝藹 諸 道 俱 政 遺 聲。 愛 兩 治]1] 如 尤 黄 著 霸

起,今歎一身存。 皇上 初 更化 追 别 鋒 久勞 詔 語 魂夢 温 人 同 Ľ 看 濺 \equiv 淚 老

名。

起家

臨

制

閩

更羨錦

衣

榮

痕。從兹歸故隱,舊事與誰論。

殄瘁人俱駭,伊余獨永歎。十年交義

翰 重 佳 城 日 何 舊 處 盟 是 寒。 東 求 盼 涕 去 汍 重 瀾 維 欲 歸 無 羽

刑。 月, 我 靈 聽 亦 光更陳迹 履 寄 領 雷 簪 霆。 纓 ,楚些不 忠 憂 言 世 徹 形 堪 帝 詞 庭 色 卧 公 家 方 存 扶 典 H

安忠簡公挽詞機

日 ,名重佐 壯歲志 州 先定, 時。 耆 雅 年 望 氣 登 不 朝著 衰 忠 治 高 徹 爲 帝 縣

墀。亨途日千里,闊步不容遲。

摧 敬 極 朝 邊 力 事 廷始更化 阻 , 釁 \pm 初 恢 開 大老盍 惟 兒 公論 戲 何 歸 不 堪 來 口。 用 冰 深 謀 Ш 忽 比 婁 E

門。 借 風 經綸終 共 裁 八政三 靡 囂 未究 一年久 喧 猶有 **蜚英四** 但 欲 典刑 持 海 公道 存 尊。 寧 色 容 詞 啓 無 幸 假

寮 寀 侍 儲 闡 如 公 久 任 稀 載 欣 商 皓

起 終 惜漢 疏 歸 問 字 煩 參 訂 談 經 賴 發

揮。 書 真 總 要, 星 H 重光 輝

序 誕 得姓 頌 共 干 東 秋。 樓 同 老 朝 矣 兩 俱 故 宜去, 侯。 公乎 文編 不 叨 少

臣。

吾生良可

耻,不及見斯人。

日

留 來 書 墨 猶 濕 展讀淚 空 流

少 保 李 公挽 詞 孝友

戚 閈 疏 恩 厚 勳 門 積 慶 餘 弓 彎 飛 將

如 惜哉終半 百 聞者爲欷歔

架

插

鄴

侯

書。

六纛

秦

官

重

槐

漢

相

蚤歲聲

名

大,婆娑始遇

時。

難

兄

屏

隔

王忠文公挽詞 十朋

主 绮 夙 負 更 敢 (憂民。 言 氣 輸 治 忠 行 不 真 愛 循 身。 吏, 風 劉 稜 蕡 古 仍 争 遇

> 臣。 薦 紳 千 載 恨 不 得 究 經 綸

賻 哀動 木 四 今 州 其 民。 壞 誰 已矣天人策 能 問 大 鈞 傷 恩 哉 深

社

稷

兩

宫

端 明 殿 學 士 注 公挽 詞 應辰

制 闔 詩 書 帥 ,公朝侍 從 臣。 身 能 全 進

退,人可

得踈

親。

曳

履

聲

猶

在

持

衡

迹

遂

陳。 從今幾百 載,更復見斯人。

坐,令子桂 芳枝。 人望 還 爲 用, 天 胡 不 憋

遺。 成蹊 堪 喻 大, 墮淚 不須 碑

居。 色, 薦士有遺 莫酬推 道學不 盡 轂意,衰涕 書。 試 功名紙緒餘。 百 贖 濕 嗟 巾 無 裾 及, 九京 立 朝 誰 惟 與 IE

二八六

錢殿撰挽詞佃

折 憂國 譽畫 鬢 先秋。 庠 校, 孤 惠 忠 滿 動 長 冕旒。 江 水, 風 捄 清 荒 心 詠 欲

樓。

禁途交一

臂,人物等閉

休

束 刻 燭 芻 粉社 點《易》細研 名門餘慶遠 歸 來 晚 朱。 翛 ,丹穴看奇 然 有 得 淚 故吾。 悲 雛 連 璧, 哦 ^ 無 詩 階 奠 頫

趙待制挽詞粹中

天。 徑入漢甘 平生經國 明 主 畫 泉。 志 接, 惜不冠貂 清 批 班 敕 歲 嚴 九 東 蟬 遷。 省 掄 材 居 E 周 小 柱

吏, 萬卷老書 詩 近 劉 賓 生。 客 手 世諦 追 歐 浮 率 雲 更。 薄 生 雙 緣 旌 曉 古 夢 良

驚。 吁嗟東向議,何日遂施行。

成。 行, 文會忝 发生 半 光維 世 誰 余盟 爲發,落筆淚 知 己 登 持 門 論 意 先 縱横 氣 忠厚, 傾 談 交 經 情 歎 忘 老 父

端明殿學士王公挽詞希日

羊陸 今已矣,兩州遺老倍欷 屢草千言奏,垂 片言 遐 衝 寤 雖 主 坐 折 E 絶 亨途, 猶 高 騰 文 歔 八 宿 幾 難 憤 向 書。 竟 專 誰 城 漢 攄 佩 殿 左 平. 履 魚。 聲 時

陪潤 利 故 物 或 色, 平. 遁 短 檠 生 身 挽公無路涕盈襟 鐵 事 來 憂 濟 研 岱 用 或 功 忘 壯 深, 家 年 發 萬 片 藻 卷 心 向 蟠 儒 胸 史館 林 不 輟 頃 愛 吟。 年 民

程文簡 公挽詞大昌

尚

書尤公挽詞家

碑。 陣, 萬 鄴 敏 卷 侯 甚 納 書 Ŧi. 須 插架,分付稱家兒 行 彌。 下 豪 有 釐 夏 耻 傳 不 追 知 蠡 先 千 秦 人 拾 揮 筆 斷

初。 士,上念老尚書。 梁溪釣游處,此意竟何如 憂國言多切 直道 回天力有餘。 終難進, 高 衆推 懷 只 真 遂 學

身。 月 聽履 甘盤: 舊學方登用,公來領從臣。 上 終罔 星 辰。 顯 闹 共 露未霑新 政 將 圖 舊 騰 末 章 光 屢 依 乞 H

名。 至,●敘契 送車 北 面 若 願 無路到,寒涕爲君傾 師 平生。 承,東臺拜老成。 風 月吟千首 ,雷霆寄 忘年 · 容 末

> 業,特立 論著大哉堯, 仰 高 標。 英 言 聲 議 早 超 已 干 昭 載 風 横 猷 飛 聳 欽 遠 几

朝。 惜乎經世學,不及珥 金貂

還。 野,竟復老商山。 太上崇耆舊 龍鱗 漢 閣 手 頒 可攀。 綸渥, 瀛 胡 壖 爲 遯荒 擁 斾

靈光遂陳迹,

西望涕空潸

1393

夫。 象, 畫地 登門嗟最晚,猶得覘宏摹 設卦 口 探 成 義 圖 畫 隨 健 Ш 筆 究 凌 禹謨。 前 輩 殘 仰 膏 天 浹 真 萬 見

至」,殿本作「坐」。

八八八

吴待制挽詞博古

功。 水, 疾 惜哉 御 惡 史 迅 辛佐治 再 如 乘 風。 騘, 竟不到三公。 忠 遇 言 合嗟 沃 帝 何 聰。 晚 論 處 思 心 信 平 有 似

稀 起 ,終作二 閒居 三仕 忽仙 踈 儲 歸。 去, 闡 西西 堂堂 冰 玉 望 夾日 是邪 清 班 飛。 非。 近 衣 初 冠 百 盛 四 事 皓

情。 衣 自 東 鉢 甬 慙 有 無 與 門 報 賓 所 生。 興 ,老淚爲 文 劒 闡 佩 賴 今 君 主 何 傾 盟。 處 樽 菲 罍 葑 空 無 復 下

王給事挽詞信

簿 禁掖 主 眷 粲 逢 英 千 辭。 載 寵 論 光 議 傾 推 東 時 省 威 銓 聲 曹 憺 著 北 官

夷。平生經世意,懷卷竟何之。

滿 撫字亦 宦 學 素 心勞。 稱 豪 仍 藩 聞 輔 吏 連 事 高。 組 沉 精 神 痾 見 雖 腹

毛。

胡牀

庾

樓

在

殘月墮江

臯

親 獎, 客 有 自忝 授 Ш 喜 觴 年 同 詠 家 寅 地 好 П 居 别 首 慙 去 重 雌 時 沾 甲 無 巾 辰。 幾 年 賓 來 興 蒙 意 益 異

顏侍郎挽詞度

班 水, 立 始終 宴 説 坐 信 無 勿 如 玷 菴 Ш 闕 Ŀ 風 晞 屢 裁 顔 擁 許 亦 皇 誰 是 華 顔 節 盍 平 登 1 清 真 禁 似

蹇 錫 禄養 類 日 嗟 烝 無 烝。 及 朝 賦 朝 政 飯 優 吴 僧。 郡 知 移 賢 忠 仰 躬 阜 蹇

● 「閒居」,殿本作「聞君」。

陵。 清忠與公恕,餘慶啓昆仍。

編。 予,侍坐得 典刑 贅 体丹丘日 今已矣, 周 旋。 西望涕潸 眼 妙 看 畫 康濟泉。 多 傳寶 然 遺 同 文合 朝 叨 細 獎

陳文懿公挽詞❶

有,心地只天 衆 推文伯 知。 何 至 人識 死 終 吏 無 師 玷 平 義 襟 生 本 惟 不 古

欺。 在公亡 可 憾,猶恨哲人萎。

文最宜爲誥 尤能簡上心。 周旋 鑾掖

三山 風引去,雲海竟沉沉

惆悵玉堂深。

去國身仍遠,

還

朝

病

 \exists

珍館 徑 歸 鄞 ,人猶望秉鈞。 郵 傳 千 里

公乎不亡矣,衮衮看簪紳

訃,哀

動五

州民。

躃

踊

森

賢

嗣

攀

號

感

路

宅相惟公久,伊余忝後塵。 + 年 追桂

> 親。 网 幸成三學士,何意失斯人。 禁踵 一詞臣。 接武參吾舅,承 顔 奉老

别屢 經歲, 歸舟已及門。 方 期 情

原。 悦,空訝語 傷心歌楚些,無 音 存。 善 地可 行 傳 招魂 千載 蕪 詞 媿

九

話

端明殿學士張公挽詞构

天分已高 明, 樂 哉賢父兄。 勳 名

亮,問學本諸程。 襟 滿 英 雄 淚 琴

情。 相從九泉下, 何處覓三英。

空。 刃,手敏運斤風。 章臺舊時 籍甚張 京 柳, 兆 ,精神滿腹中。 無 河滸恩波遠, 復映 金狨 廛間 才 高 狡穴 解 4

英略 古 無 對,外庸今最良。 衆方期 共

0 公」下,殿本有小字「居仁」。

希

葛

手足

章。 政 康 己 廬 歎 星 云 忽 墮 丹旐 不 聽 裊 尚 清 書 湘 履 猶 懷 太 守

鮮。 風 偉 昔 義 幸 人 薄 無 參 雲天。 復見 朝 列 惟 於 送 務 公 别 寶 更 詩 青 有 猶 氊 連。 在 貽 規 書 橅 墨 包 世 尚

仲舅敷文閣學士汪公挽詞

我 獨 籍 我 甚 最 牢 知 之 公。 舅, 難 潭 追 府 宅 書 相 無 風 繼 9 西 惟 州 公 能 事 已 愛

空。

形容

盡

心力,

庶或慰

出出

宫

金。

廟廊

期

引

類

疾病

兩侵尋

終。 似 宦 絶憐 外 達 氏 偶 桂 學士, 相 成 同 叢 只賸 諸 澹 甥 室 長 既 衰 養 長 翁 中。 往 適 名 稱 齋 俄 無 酷 考

楊待制挽詞王休

志 滿 望 筬 重 薦 威 賢 無 書。 怒, 德 深 政 勇 不 有 勝 餘 載 才 百 猷 年 憂 未 盡 或

攄。 佳兒人物似,真可大門間。

旄 即 惜 蜀 裹 道 哉 益 覘 名 \equiv 或 天 刀。 意 險 不得試 馳 漢 驅 殿 敢 聯 龍 憚 簪 韜 勞。 橐 燕 劒 頭 Ш 懸 擁 節 六

政, 上 蜀 相 用 最 東 知 南 心。 彦, 皇 泛宅 家 屬 俱 意 、杭葦 深。 可 貮 朝 卿 擬 頻

陳。 少 萬 何 事 里 能 契 宦 發 大 游 潛 口 德, 頻 薦 空有 交 别 情 後 淚 晚 霑 益 猶 巾 親 濕 歸 半 來 生 迹 文 會 遽

報

斷

窺。新阡何處是,西望不勝悲。

沈憲敏公挽詞樞

寬。 終著侍 紹熙多 天使魁 臣 舊 鄉 [學,胡] 冠 薦, E. 持 不相宫端 令卿 節 威 改官。 行 惠 專 蚤 城 峩 烏 猛 府 濟

方。 禁,子舍屢黄堂。 桃花千 仕宦 接 樹滿 $\bar{\pm}$ 楊 ,諸公嘆老蒼。 空憶舊劉 自得 垂車樂, 郎 誰 門 傳 生 却 多 老 紫

麗 長。 受謫 典刑今已矣,無復歸 徐邈 更芬香。 今非 介, 申 戲 棖 綵 焉 衣 靈光 得 冠盛 剛。 崖 立 棋 朝 無 H 月 附

游。

鳳

凰

Ш

下

路

丹斾

想悠

悠

豐。 寵 ,平寇不言 誰能 持論 死 真遺直,操心本至公。 生際 功。 ,猶得教之忠 光禄文階峻 嘉 贏 興 貲 色 寧 養 市

橐,試郡 晚 出 守 荷 蕭 公知 規。 登門未覺遲。 藻 翰 猶 頻寄, 宫 通 墻 班 不 依 漢 再

尚書湯公挽詞碩

世, 摛 先正 藻 擅 真 傳 良 家。 弼 彤 禁路 墀 几 優 拜 持 麻 橐 侯 決 藩 科 幾 承 奕 建

牙。相門宜出相,恨不見隄沙。

第,海郡繼承流。方快飛騰上,俄聞汗奏邸崇先契,周旋古栝州。殿庭觀

臚傳。 位官, 湯爲代。 蒼又與周 隆 預覆考,唱名日侍立殿上,親 十六年,永嘉得 興 初 旋 先君 淳 熙二年,某爲 除進奏代之,後 召 赴行在奏事 殿 試 知 見 諸 括

漫

唱

商 侍 郎 挽 詞 飛卿

寒。 節 始著侍 天乎驚 矯 矯 真 臣 玉 御 折 冠 史, 不及上 風 給 生 饟 白 鬢 一金鑾。 筆 先 端 雪 籌 出 邊 持 膚 心 爲 使

辭。 子, 伯道 邊民紛墮淚 所至仁 痛 無兒。 一聲著 、忍讀峴 甘 郎 棠幾去思。 省傷 Ш 連璧, 碑。 文闡 敬 姜 見 嗟 刻 哭

尚 張 公挽 詞 抑

似 才氣 文靖 號 饒 無 風 雙。 度, 高 幾 皇記 見持 曲 英簜 江 終 賢 孫 看 擁 真 是 碧

幢

誠齋主

詩

社

到

此

亦

心

降。

闕 高 撫 興 字 屬 推 東 循 Ш 吏, 論 同 思 歲 領從 叨 宗篤 班。 比 宏 鄰 才 足 名 往 北

桂籍

兄聯

弟,

蘭

階

子

克家。

上

恩

嘉

踵

還 舊 游 成 昨 夢 衰涕 不 勝潸

炎

曾侍 郎 挽 詞

從, 凛凛舊 文獻 南 家 豐 風 裔 源 金 流 玉 曲 方 阜公。 交映 巖 琴 巖 忽 雙 併

法

空。 平生心 地直 流慶尚 無 窮

僊。 始, 熊 同 紫陌尋 軾 登今有幾 媿 盧 春 前 H 揮淚撫遺 惟公最 寄 我 書 少年。 編 濕 思 鱣 君 堂 迹 慙 遽 隗

余給 事 挽詞崇龜

煩。 論 外 用 烏 似 才 府 不 殊 仍 能 未 螭 言 盡 陛 無 銀 厚 地 臺 德 可 更 鎮 招 掖 浮 魂 垣 薄 平 事 幾 心 剸 無 弗 劇

武 花。 京 遽 秩 成千 爲 增 ·古别 華。 南望想悲笳 朝 著 蒙 傾蓋 綸 闡 覩 判

鄭 司 法 挽 詞 頡

學,句 思。 功名賫志没, 逼簡 袍 空 齋詩。 無 礙 精 荒 施稱家兒 神 瘠 老 留 不 陰德 衰。 平. 家 傳 反 有 司 去 業

口

芻 社 忽 梅 傾 已 霖將客淚 蓋 悶 歡 泉 如 途。 故 淒 相 歸 澹灑平 從 路 滄 孤 海 飛 ·蕪 隅。 旐 交 方 情 將 理 束 詩

梁 仲 蒼 挽詞

生。 極 ,長吉記 行人痛埋璧,父子若爲情 延 賞 高 先 \equiv 成。 讓 殊 妙 科 語 擅 遺 一鳴。 膏 馥 玄 元 談 賓 悟 文 未 死

> 部, 踈。 篤 學 富 何 物 時 酹墳草 如 \equiv 君 餘。 少,相 細讀茂陵 淚 期 盡 L 知 石 無 及, 交深 博 文 未 該 覺 几

旲 通 判 挽 詞

功。 夢 繡被落天風。 毋書卓行傳,非介亦非通 死 交情 見 鄉 身任 評 重 朋 此 僚 翁。 責 心 素 忘 車 尺 奔 寸 夕

翁 府 君 挽 詞

遺。 易, 夢裏 清風 骯 髒 阿 終 翁 連詩。 未泯,吹折 夫子,高 德 才 喪 謝 噤 嗟 庭芝。 不施 何 及, 天 床 胡 頭 弗 癡 憋 叔

0 折」,原作「拆」,據殿本改

徐府君挽詞

賓。 孝友篤 他年芳五桂,傷不見靈椿。 孺 子 人如 天 倫。 玉 功 己 名 有傳 不 在 家子 身。 曾 死 充 生 觀 齊 物 或

陳崇道挽詞

德,陶 虚。 其父號 學造 令竟閑 龜 寢 Щ 虚 居。 先 藴 生。 詩 白 平 傳 業 生了 汝 追 水餘。 蓮 無 社 恨, 丹 于 善 經 公 類 授 足 寢 陰 勿

欷歔

師 隱行 功名齎 未 第聲 畏 人 志殁。 先 知。 振, П 纔 晚 施 官 境 稱家兒 節 終 無 奇。 玷 遺 精 文 誠 尚 與 口 神

魯少卿挽詞貴

閒。 者十人。 晚 游 桂枝芳未已, 棣萼儀 倦 得 身閑。 鴛 綴 何 翛 止倍 然 在 兩 義 燕山 鬢 皇上 斑 六十 經 時 傳 清 年 閒 伯 嗟 登科 歲 仲

蟬。 族,跪履 功名雖已矣,千載尚遺 前輩風 記 T 流泯 年。 靈 有 光 子 獨 傷 巋 埋 編 然。 壁 惟 指 翁 禾 亦 推 蜕 甲

魏監丞挽詞叔玠

彈。 鄰 難兄秋 元 好 老 許 餘 金 夜感,風 風 蘭 烈, 優 醫 雨舊 游 謾 挹 肱 盟 美 寒。 官。 折 生 朝 惟 行 指 喜 銀

篇 悼亡千 里淚 疊 嶂 想 新 阡 葬於平江

族 兄 道 州 挽 詞

腹 金。 撫 懷哉季公諾 出守春 字 亦 勞 陵 心。 遠, 已矣漢碑陰。 相 思 去 瀟 成千古 水深。 書 精 來 神 失 雖 萬 滿

周 太博挽詞汝能

陽。 逆, 撫 亂鶯 雨 事 漲 秖 穿 雙 堪 緑樹、誰復爲 溪 傷。 水 風 訪 高 雪 五. 無 傳觴 柳 П 堂 櫂 9 論 面 交 Ш 空 成 夕 莫

碩 居 氏 挽 詞蔡尚 書 之室

退 裹 頃 謁 侍 戒 尚 私 書 專。 坐 曾 夢 聞 斷 閩 松 助 江 賢。 路 神 晤 傷 言 薤 成 露 勇

扶 風 馬 君 挽詞

劇 無 間 命 里 盍 久 歸 湛 休。 浮, 真 雞 成 唱 馬 言 少 何 游 達 0 鴻 有 冥 才 堪 逝 辦 不

佳 城 送 君 處 風撼白 .楊

留。 野 真 連 壁, 齋 寧遺金 齊 家

襟。 月評何處見,名士列 碑 陰。

憂世

百

年心。

折券

無難

色,

傾

禾

想

義

平.

日

黄 君 挽 詞 周子及爲

原。 用, 心 傳家 積 事 慶 與 Ŧi. 源 誰 男子 流 論 遠 留 鄉評 骯 眼 髒 看 數 纔 騰 大門。 騫。 徑 淒 吏 涼 才 堪 遽 九 世

陳祕撰挽詞舉善

草 誰 邦 獨 醒 陳 彦。 氏 冷撰 蒼 多 蒼 名德,兹來慕典刑。 何 又泉扃 可 問,耆舊日 自古有 .. 遺直 零。 宫端 一,秖 驚 今 宿

陳 主,務實見臨民。 清風凛衰俗 跬 步 不 忘 孝,掇皮皆是真。 自足盪秋旻。 三諫言猶 炳 平, 移 生 忠 迹 思 遽 致

徐季節挽詞

書。 老,没世竟 魯山 公府 一終不 推 窮 徐 識 廬。 穉, 撫卷倍欷 Ш 行 陽 道 薦 嗟 仲 無 歔 車。 命 傳 盛 家 時 幸 遺 有 此

周德遠挽詞汝能之兄

空。 色, 交友盡 怡如堂下月,猶 家世 傳 名公。 儒 業 鄉 太學 照紫荆叢 邦 聳 飛 義 聲 風。 早 9 浮 將 生 迎 轉 無 首 倦

盧夫人挽詞武岡遼之姊

收。 蝶、衆子慕 于公有佳兆,衮衮看公侯。 名族著 桑 崗 鳩。 頭, 出 物 閨 化 女 7 教修。 難 問 9 壺 良 彝 人 驚 誰 爲 夢

王夫人挽詞周子及之室

養,勉學就清名。 閫 内 誰 無 助 夫 遯 人 世 事 期 特 高 明。 節 辭 傾 風 囊 歎 資 落 色

英。丁寧猶在耳,伉儷若爲情。

水 珉 鶴 秖 荆 髮 愁書字 或 倍 風 沾 流 拙 巾 遠 貽笑衛 幽 厚 閨 夜 女教 招 夫 香 循 魄 英 鳹 詞 原 驚 列 翠 逝

鹿夫人挽詞同年應尉振之母

職 枝。 彤 鳳岑歸 内 管著 外言 賢 去路, 無 規 閒 含笑不應悲 初 慶 終 衍 志 珠 不 三樹 移 芳 白 先 頭 桂 供 婦

肥 賜 我 新 慶霈 獨 傳 避 快 疏 女壻 恩 封 輝 日 , 姑慈不 亦復掛 孝 篤 神 冠 忍 應 歸 違。 勞 9 風 人 方 高 侈 家 愈 君

旌表門間安人陳氏挽詞詹事良翰之姊

婦德高千古,鄉評徹九重。柏舟終自

誓 雍 石 死 窷 生 啓 無 新 憾 封。 處 了不媿三從。 孫 子 傳 清 白 閨 門 慕

肅

城。 壽 難 寶 族 弟 鄰 姓 各 方有 朱 清 陳 名。 託 盛 何忍 夫人 節 行 送 事 輝 銘 愈 彤 旌 明 管 門 老 間 姑 照 俱 赤 E

孺人陳氏挽詞同前

相 乘 豈 從 桴 惟 門 去 誰 追 户 憶 可 自有 奪 生 宫 天, 光 端 英 彩 舊 靈 風 典 凛若生。 直 反 刑 火 使 報 朝 尤 廷 貞 明 列 況 姓 復 雖 名。 是 云 難 弟 煙 兄 娣 海

王通判挽詞琰

派 巖 世 壑 篤 誦 青 新 箱 篇 學 驊 竹 騮 馬 更 迎 著 雙 鞭 舄 棠 半 陰 Ш 憶 分 近

天。黄扉伸讜論,風節尚翹然。

悲 手, 口 連 才 施 年 真 稱 事 盍 家 如許 時 兒。 用 ,天道杳難 拂 嬴 衣 博 俄 延 去之。 陵 知 恨, 善 琴 藏 子 經 敬 世

何司業挽詞伯謹

波。 水, 自合上 傳家衣鉢 頃 歲 游 鑾 孤 在,衮衮並儒 坡。 嶼, 名門説 器 重 連 城 科 何。 價 心 胡 澄 爲 古 終 璧 井

斜 自 悃 傷 骯 幅 髒 心 信 傾 陽 無 蓋 司 華。 舊 業,作州 何 方喜 處望東嘉 如 亨途遠 理家。 俄 源 驚 流 暮 知 景 有

太碩人潘氏挽詞葉尚書翥之母

玉映清心著壼彝,閨房賓敬到齊眉。

應 共 贵 推 腸 惟 斷 諸 Ш 不 水 福 協 備 見堂前 高 趣 旬 舉 猶 更 酒 爲 負 時 或 年 家 期 生 好 伯 兒 冬日 萬

張 好 羅 兒,爲國家分憂。 文定齊賢 氏 亦 宗少文每 有 高 母 情 詔曰 遊 與 Ш 少 : 水, 文 「婆婆有 へ 協 趣 。 往 輒忘 福,生得 太宗 歸 賜 妻

孺人曾氏挽詞葉寺正之室

庭 詠 淚 越 婉 盡 Ш 嫕 女 埋 應 壁處 拏 眉 銘 壽 秋 天 蘋 丽 胡 藻 濕 弗 空 銘 與 南 旌 龄令 澗 芝 情 蘭 深 有 孫 謝 楚

孺人陳氏挽詞周子及之母

教子推陶母,相望百代前。詩書經口

授、名節誦家傳。藝苑高鴻筆、忠言徹細

氊。源流知有自,何止父兄賢。

悲。 日 孟. 天涯 令子 母: 1 致 齊 鄰 芻 年 時。 束,淚落薤 好 相 未 從 下 識 升 歌 壼 堂 辭 彝。 拜 俄 蕭 聞 生 陟 結 屺 綬

孺人林氏挽詞盧彦德之室

情。 侃 勤 誰 家 苦佐 世 知悼亡意, 甘 淵 泉 明。 舊 揮涕望佳 出出 蘋 閨 澗 有令名。 今何處 城 鳩 賢 桑 明 空 教 復 陶

石南康挽詞憝

志 百 長 能 挺 夜讀書燈。 惜哉 挺 石 可轉, 天不整,無復見川 大《易》窺三古、《中 恂 恂 衣不 勝。 增 平 生 庸 憂 進 或

> 施。 公舍,淚落蔡邕 遺編 家有《春 屬賢子,孝 秋》學, 碑。 謹 官早 淵 不 源 應 終 更得 衰。 難 進 師 才 全 風 高 竟 蓋 弗

城。 進, 傾蓋若 友朋. 伊 昔 爲 相與泣 平生。 君 御 ,反袂不勝情 儒 坐 流 見 賴 埋 主 黄 盟。 壤 空 執 勞 經 望 容 赤 後

臧温叟挽詞春卿

空。 水、氣襲舞雩風。 臧 白首 孫 知有後 行逾恭 ,三世著陰 鄉 禮 評 貌 敬 諸 此翁。 公厚, 功 聲 心 華 開 上 瞬 池

陸宣城挽詞梓

美,心與 奕世 練 承 江 家學, 澄。 諸 易 公薦 簣 去 吏 何 遠 攀 政 轅 傳 悲 花 不 縣

勝。傷哉嬴博葬,淚盡老延陵。

戴縣丞挽詞樟

真 伯 藍 前 高 田 定 將 方 蚤 ,忍看 歲 束 欲 帛, 鄉 新 漫 書 誰 壁, 翁衰淚零。 薦 從 弟 小 處 兄, 戴 1: 授 寧 羨 遺 知 君 經 却 再 應 舉 佳 星 F. 城 青 得 忍向 冥。 1

姜總管挽詞浩

歲, 金。 冠鶡豊 精神空滿 及見開 初 元 腹 心。 盛 愁絕病沈 曾 論 聞 事 Œ 風 始 生席 沈 疏 雕 恩 蟲 帶 徒 錫 壯

芽。 計 詩 真歸 富 禮 盛 舊 了 俄 生 無 遭 恨 涯。 變, 超徹妙 艱 仙 難 桂 却 應 蓮 起 傳 華。 家。 秀 庭 田 蘭 袁 更 新 茁 活

胡監獄挽詞紙敘

陵。 雪, 黄 諸 賦 卷 郎 就 短 追 八 檠燈。 叉手, 五 桂 洗 文高 夢 眼 斷 看 采芹水 飛 折 騰 肱。 神 青 凄 衫 雙 下 馬 鬢

余永彦挽詞

間 瓶 沉 户 粟 冥誰 外 竟 諸 無 爲 生 表 儲 屨 賴 隱 有子 前 行 長 刑 雲書 者 宗 車 黨 清 柳 風 袍 照 空 自 里

趙路鈴挽詞不枯

亂,及見會昌春。 蚤 歲 游 金 闕 霞 宛 冠 宛 拜 王 紫 孫 宸 態 飄 可 飄 堪 物 天 寶 外

靈光愴陳迹,遺老更何人。

生。 展,泛月共 Ш 諸 深 父論交久,忘年許與盟 淒薤露 飛觥。 ,愁憶 來 往開 醉歌聲。 Ξ 徑 9 安 登 閑 Ш 陪 羨 躡

令人王氏挽詞表兄陳左史之室

均。 母 ,憂物勝憂身。 孺哀聲不絶,淚栢不成春。 嫁早 仍知 孝,夫賢自不貧。 鳳誥 恩榮 渥 鳩 事 桑 姑 德 如 事 意

室,千載 宦達 尚 方資助, 高 岡 家肥忽悼亡。 奉 倩 神 猶慘, 安 仁鬢 品 終 欲 異

蒼。

黄

昏

愁絶處,

誰伴紫微

郎

太淑人葉氏挽詞單侍郎夔之母

婦 職 躬 蘋 澗 芳 年 誓 柏舟。 壼 彝 全 肅

> 睦, 梵行極清修。 貝葉開空性, 神篦 豁

病

眸。 飄然指 歸路 净觀日 西 流

疑。 養,從橐 孝心天罔極,腸斷蓼 爲 國 勉 生 論 賢 思。 子 戲 遷 舞 備 老 多莪詩。 母 萊子 慈。 , 平 版 反 輿 崇色 雋

從姑太令人 挽詞

堂。平生好心地,持以遺諸 露 誰復是 伯祖 八 靈 賢 光。 女, 惟 采藻 姑壽 空 且 南澗 郎 康。 生 又 萱 聞 歌 愴 北 薤

太恭人劉 氏 挽 詞 E 一台州 之母

約, 封。 福備禮 何人紀遺德,女壻正 籍甚成天助, 彌 恭。 上壽 薰然藹婦容。 九 乘龍 開帙 湛 家 恩 肥 身愈 四受

檄 千 衛 騎 氏 擁 潘 兒 輿。 足, 他 台 人 嶽 揔 傷 不 歸 如 旐 青 麾 Ш 滿 欣 送 義

門。

用

才

終

不

盡

流

慶在仍昆

曠

典

將

行

日

南

宫

得

舍人。

銓

衡

輕

易

舊

事

誰能

記

交

情

我

獨

車 佳城 流 慶遠,旁可萬家居

蔣 慈 谿 挽 詞 鶚

明。 秀, 山下 淒涼 伊 昔丹丘 育泉清。 千 ·古意 去, 潮落 相 敬 逢 梓 又潮 意 情 氣 逾 生。 傾 厚 9 交 樓 梨 前 論 巾 益 子

公。 鍊 駢 詞人 下 儷 筆 能 語 欲 尤 可繼 生 工. 風 0 文陣滑 磨 經 礱 問 日 南 稽雄 有 雷 功。 叟, 家 推 傳 敲 + 詩 益

吴大 監 挽 詞 飛英

皎,笑語若春温。 庠校 聲名早, 朝 四 廷 擁 譽 皇華 望 尊。 節 屢 忠 登 言 金 如 馬 H

李下

真

無徑

門

前

口

設羅

0

詩

如

翰

林

親 地 造化漫 吁嗟三 勞 昧 神 手 不

見掌

絲

綸

梁 運 使 挽 詞

蹟 巫 0 才高 風 節 月詩 僨 不 亨 盡 千 途。 用 首 無 煙 南 地寄 霞 海 宅 瞻 長 遺 吁 品 堞 西 \equiv 門 年 破 著 老 朝

李 撫 州 挽詞 庚

情 仕 林 天台 與 壑 物 寄 隔 初 平 風 無 生。 浪 忤 無 臺 跪 地 評 履 拜 反 嗟 佳 謂 何 城 傾 晚 揮 麾 犀 符 空 成 復 漫

趙提刑挽詞子濛

不

逸, 書 從 似 來 鄴 好 侯 哀 多。 挽 薤 奇字今誰 露 忍 興 歌 問 遺 編 尚

輩 推轂 風 蚤 歲 流 致名 文 今李漢 聲 卿。 振 極 ,長沙見賈生。 子 口 舍真 贊 冰清 連 璧, 生 積 涯 薪 付 看 晚 短

王遂安挽詞時敘

長。 秀, 网 青氊 淮 桂 水 蚤 傳 占 聯 令子 王 芳。 氏, 生平 才大 箭取 熟義 用 雙 何 倉 方。 嗇 源 深 珠 流 欣 自 競

傳,真有古人風。 人琴悲子敬,三讀愴 學問 自 「冰翁,」 詞 捫 章聳巨公。 蟲 書 深 猶在 衷。 飛 不 慙 凫 迹 循 遽 吏

毓秀從天派, 盱衡動至尊。 使星方炳

門。憂原流長と、て状葛觜系。耀、卿月遽侵昏。已矣悲吴館、誰歟護北

門。慶源流未艾,文獻藹諸孫

豹, 徤 處事 筆 走 才游刃, 龍 蛇。 論文辯粲花。 持 橐 身 終外 垂 英 姿 車 夢 凛 熊 到

家。平泉花木在,愁絕舊生涯。

空。 水,論正氣 無因 客授 早 送丹旐 如 登 虹。 一龍 老淚灑 襟 近問 期 書 西 笑同。 猶濕 風 重 門 來 清 跡 心 遂 似

李度支挽詞嘉言

斷 事向 忽作堂堂去 蓋棺多。 門 心 繋 前 爵 六 已 州 羅 鐵 身 夢 傾 隨 千 彈 丈 指

坡。喑喑晝夜哭,柰此敬姜何。

陳 舊 翰 孰 無從效經 墨 匪 恍 同 猶 升素, 新 紀,悲結淚 君於我最 别 去 情 沾 逾 巾 親 篤 歸 詞 來 章 傳 跡 自 遽

安人鄭氏挽詞木詹事爲銘

枝。 寵 总 木華文雋麗 勤 鑑 儉 미 佐家 勝 悲。 肥, ,銘德粲堂碑 猶 謝 齊 砌 舉 森 案 群 眉 玉 郄 錦 林 封 先 俱 被

王夫人挽詞陳少南之室

游。 里 蓬首日 幽 淑 原 質 誦 依 詩傳 名 秋。 士, 無媿栢 身 陶 期 母 白 傳 爲 不 遺業 舟 憂。 嵇 藁 孤 砧 託 家 舊 萬

方運使挽詞有開

伸。 膽, 處 聖主 留屯十二事,公論付淮民 事 掇 皮 見 真。 決, 孤 氣 忠 直 自 老 致 彌 身。 壯 言 籌 高 邊 滿 用 未 軀

祝通判挽詞鍔

非。 物, 抱 賞延 坦 鶅 坦 自 曾 推不及,有子尚家肥 忘 無 機。 我, 休 老去心 休 蚤 見 逾 幾 壯 歸 虚 舟 來 事 寧 E 忤

厚,近 車 新阡 花縣 别 信 何 弦 音 一處是, 歌 踈。 化 東望倍欷歔 蓮城 不作 水竹 三刀夢 居 空 舊 寮 垂 情 别 駕 義

王武陵挽詞錄

風。惜哉天不愁,遺恨渺無窮。 氣,遇事等英雄。井井清邊瑣,駸駸有父氣,遇事等英雄。井井清邊瑣,駸駸有父

攻處先生文集卷第八十六

攻媿先生文集卷第八十七

朱

婺州

挽詞

安國

四 明 樓鑰大防

冠。

去天才尺五

,惜不見長安。

徼,持重息群讙。

久弄趙堯印

重

彈

貢

禹

治行古循吏,

風稜真諫官。

鋤

姦

清

遠

秀, 和氣一 庠東亡二老,凝望倍沾巾 經學高餘子,躬行慕古人。 門春。 台嶺漸摩久, 銅 儒 官 風 撫字 \equiv 葉

張 泰州挽詞禮本

志、筆底百家 燕趙 多奇 書。 如如 報國 公名不 1 尤壯 虚 籌 胸 邊 中 智 九 有 域

莫銅 陵挽詞堂

家學傳三世,几間無二書。 故舒徐。 前輩 多遺墨, 先人 力行 秖 真 故 勇 均。

廬 後來 窺 纏牖 ,志士爲欷歔。 猛

一,進取

袁

府

君挽詞文

和叔之父

挽

詞

坦 坦 出出 人履 恂 恂長者言。 憂 時 見 顔

門。 色, 樂道竟丘 四明耆舊傳,他日數諸袁 園。 隱 行推 同 氣, 高賢 萃

餘。功名竟齎恨,西望倍欷歔。

周路分挽詞良臣

靖 游 蚤 藝 負 亦 功名 精 深。 志 從 湖 戎豈 海 開 素 豪 心。 氣 雲 治 天 軍 廓 先 肅 義

襟。高門尚餘慶,蘭玉正森森。

台嶺論交契,天街惜别離。飛書能幾

到,埋璧遽成悲。舊識歸樵句,愁看結局

詩。紫髯無復夢,空有淚交頤。

字 韻詩,公和 在 丹丘 時探梅 篇 最 浮 云 江 却 9 李 從 史 谷 君 有 口 問 樵

歸樵」。

彭宣義挽詞汝知,子復父。

種德不在大,至誠天所親。但能存一

新。为召讨己遣,下公宝吾身。念,何用活千人。經笥儒風遠,香山句法

新。功名付兒輩,不必在吾身。

友,家訓 生芻 甚 仰 不 清 嚴君。 成奠,揮涕想江 湘 守,脩名 歸路 所 飛 在 丹旐 . 濆 聞 長 宦 空 途 修白 資 畏

沈朝奉挽詞雲章,宜之之父。

香。 此,與世遂 浮休 相業富 了無恨,流慶尚深長。 相 青箱,丁年稔 忘。 終老三牲養, 義方。 凌 生 晨 兒 有 炷 如

石通直挽詞莊問,純度之父。

瑕。 自 悃 慶門傳未艾, 籍 幅 其 更 新 無 昌 華。 族, 蘭玉茁 真 奉 成 職 萬 冰 一新芽 石 同 家 潔 持 源 身 流 璧 端 有 不

王 檢正 一挽詞回

虜 恩信 到 處 感亡牛。 稱 循 吏, 星 省 軺 闥 復 主公議 郡 侯。 祠 威 名 庭 尋 致 舊 降

游。 善人天不整,愁絶峴湖 秋。

客授蒙

傾

蓋

,朝參喜綴班

開

藩

才

斑。 水, 去國遂千 功名付諸子,含笑謝塵寰。 Ш 晚 遇名 方重 言 歸 鬢 未

張 欽 州 挽 詞舟之

十,才刃比 少 誦 東 庖 窗 丁。 句, 從 古 君 鏡 見 悲 典 总 刑 偶 寒 義 原 襟 愴 希 脊 竇

腹,撫字亦勞心。 游 宦二毛侵,欽 膚 Ш 使章 繼 鬱林。 交上, 雌 精 堂 神 疾 雖 遽 滿 令。

恂恂守家法,

蘭玉

滿

階

庭。

深。 護 喪 嗟 季子,又復 喪 清

我 晚 姻 歲 好 忍 自 銘 [諸馮 公。 東 書字今猶濕 床 取 回 戎。 心 平 期 時 誰 深 念 與

同。 口 頭三十載,灑涕向 一西風

陸 郎 中 挽 詞 沅

子 ,霜髮貌 壯 歲 聯 嬰 雙 兒。 捷 衰 萬 年 事 困 幾 百 樽 罹 酒 9 百 肉 年 身 千

心

佛

蒼。 苦,冰玉 稽陰終反葬,西 從弟 兩 忝 俱 東床,相從二十霜。 傷。 别 望倍淒涼 久成今昔,歸 人 琴 來 失老 何

詩。

浮生成夢

覺

吾道竟何之。

齊 國 夫 人曹氏挽詞趙知宗之母

痛 哭 王 孫去, 南 來 萬 里 餘 解 衣 催 艇

子,扶杖擁籃輿。已矣空鸞鏡,誰歟得鴈

書。辛勤立門户,地下勿欷歔。

芳。 養, 浯水刻恩章。 九齡 宗子今曾子,夫人古敬姜。 天 、報遠 ,餘慶尚 湯 沐 封 流 逾 光 寵 芝 邛 蘭 郲 晚 承 孝 更

信國夫人秦氏挽詞林子長之室

得 鸞 未 成屋 誥 法 晚 蚤 夫 0 人 能 無 富 倦 鳳 封 教子 凰 貴 大 Ш 或 出 下啓佳 懷 登 魚 綳 科 軒 新 城 不 擇 有 及 西己 聲。 伴 和 雙 鳴 難 旌 得 息 仲 南 肥 卿。 谿 家

王夫人挽詞羅尚書外祖母

後,餘慶 婦 德 尚 勝 無 賢 涯。 士 嫠 楊 居 惲 成 出 大家。 司 馬, 陶 陰 潛 功 傳 宜 孟 有

嘉。文昌紀遺範,外氏倍增華。

恭人强氏挽詞曾南仲之母

温。 道 訓子 相 祠 部 期 大吾 送 源 丹旐 流 遠 馬 來 頒 鬣 嬪 誥 近 曲 恩 周 阜 光 原 孫 渥 9 升 事 堂 夫 笑 終 語 婦

恭人董氏挽詞劉侍郎穎之母

雛。 行, 家慶 蜜章應未艾,卿月映階符。 敬 饁 展 尊 新 夫 圖 子, 升 半 堂 世 乳 悲 呵 总 姑。 舞 高 鄉 年 評 樂 推 鳳 至

●「難」,殿本作「歎」。

恭人胡氏挽詞陳奉直千能之室

相 ,彤管著 芝蘭 懿 行 俱 表 銘 秀發,所恨失元 閨房 章。 情 蘋 親 澗 共 誰 衋 供 方。 祀 藁 繡 砧 衣 空 來 悼 宅

因行郡送其葬。先喪其長子。 時參議外生劉提舉誠之爲作銘,

趙司户挽詞琇夫

雲。 士,終屈 傷心桑落酒 奕 奕佳公子, 病 參 軍。 無 詞 舊 復 場 事 到 早 成 孤 策 清 墳 勳。 夢 9 高 願 標 爲 想 新 斷 進

王大卿挽詞正己

3、清亦 少 壯 畏 節 人 先 知。 著,年 處 侵 世 氣 無 不衰。 求合, 安 忠 時 雖 竟數 由 父

欺。 傳, 奇。 頂踵 甘泉人物會, 卷懷終 麾節東南半, 阜 陵 未 知。 盡 流 澄 自謂二宜去, 老漢空遺。 慶稱家兒 清冠一 時。 權 稱 輿 周 翰

新。 樂,誰忍半生貧。 風 啚 流 史但 嗟 頓 環堵 盡 ,晉韻更何人。 江 海 湖 内清 幾問 名滿 津。 毫 雖 端 多 暮 秀 旬 年

年。 禄,真得 桃 老去 源 地 不 王 無路, 行 摩 仙 詰 重上慘風 歸 日 來 欲 道 增 更全。 三徑 煙。 9 君 賸 胡 添 欠 天 美 白

選,可配老姑賢。父行偏知我,交情不問上世總儒先,猶傳夢雪篇。惟應佳壻

年。槁梧誰共語,愁斷伯牙絃。

徐少卿挽詞子寅

目 草木尚 聖主 知 言 名。 寤 長 盍 淮 被 干 腰 耦 金 耕。 寵 徒 Ш 爲 III 攬 皆 轡 在

行。諸郎襲餘慶,定自不慙卿。

生。 攀戀 所至 湖邊舊門巷, 一多遺 城 傾。 愛,丹丘 E 到一心驚 恨 最 數離别 有 聲。 寧 奉 知 常 干 隔 載 死

陸提刑挽詞洸

原。 裔 文采左丞 數 素欽仁者勇,大獄竟平反。 馬 謙 恭 孫。 甚, 揮 晚 犀 幸 色笑 成 三徑 温 一,身 風 胡 流 遽 士 九 龍

蒼。 甸, 雙 早歲 八旬俱已矣, 節 照 擅 江 詞 鄉。 場 回首倍淒涼 夷 蓮 途 社 列 容 鴈 寒 行。 晚 葭 莩 麾

接

老

分

楚

史敷文挽詞彌正

薦、紙欠一青 八行 諸 孫 氊。 盛,三公嗣 郎 省 刑 子 章 賢。 肅 侯 連 邦 收 政 四 鶚 譽

傳。平生憂國意,齎志入重泉。

曲 風 學問 木 愴 源 寒 流 聲。 遠 ,樂哉賢父兄。 深 痛 幾 成 毁, 沉 人 琴 痾 Ė 沱 舊 喪

生。孝恭無可憾,猶得傍佳城。

厚, 姻好 西莊 少 小 晚 相 行樂地 逾 從 親。 久, 望斷爲沾巾 自 别 慙 去 雌 驚葭 甲辰 律 0 歸 交 情 來 見 日 棘 加

寧海 劉 君 挽 詞次皋之父

知。 法, 闇室肯容欺。 薤歌 識紫芝眉, 慙不稱,冢子素能 空傳有道 未 覺 Ш 川改, 詩 碑。 深 義 明 方 晝 真 夜 口

丁寺丞挽詞允元

學,公乃擅 家世 傳 專 經術 城。 膠 滁 庠 上功 藹 雋聲。 尤 著 潮 上 陽 方 思 政 舊 愈

明。 哀哉鍔 流 水,猶解 不平鳴。

志, 燕樂了 嚴冷不 才高不盡用,流慶尚 餘 可 年。 向 其 鶴 中 化人何處 實曠然。 綿綿 总 行 孤 藏 影 睽 自 素

駕

同

恩

渥

金

巓

藹

義

曹工部挽 詞耜

裔 有意 箕穎 振 文章 家 風。 土 儀 祠 同 禄 社 稷 宗道 功。 郎 惟 潛 公 承 歎 慶 老

真

馮 傷心 循 吏手 齎志. 九原 中。

去, 終向石橋 宦達 推 公早,丁 歸。 齊 年備皂衣。 國 世臣少 9 正 幾 元 爲 朝 銅

稀 松風談笑地 回首倍歔 欷

范致: 政挽詞醇

飛 義 將 俠 許 久 無 功。 迹, 吾 銀 鄉 茜 見 聯 此翁。 紫 微 欣 税

風。 雖增 嬴 博 恨 猶喜桂 成叢

致, 一醉竟. 昇 無 平 何。 曲 開 老 中 驥志空在 安樂窩。 孤 千 鸞悲 金 曾 亦

士:

虎

多。相望才歲許,託體共山阿。

王觀國挽詞觀

窮。 面 遺恨想 梅花縞寒夜, 晚 識 高 珠 風。 樹 埋璧衆香中 方知獨 小楷 墨 笑翁。 猶 濕 殘 舊 膏 游 澤 虧 未 半

高端叔挽詞元之

頭。 照 淒涼數閒 百 氏 極旁搜, 堪 憂。 屋 知我獨 潛心老不休。 弟子多藍綬,先 春秋 鄰 生 光 竟 時 白 自

落 干 鐵 載敢 石 賦 諠 梅 譁。 花 閑 清 情 節 白玉 成 瑰偉 瑕。 浮 兩 詞 公終 尚 糵 磊

滿卷變《離騷》,歐公一素袍。豈惟將

芽。

君看死生際,不見一毫差。

錢江陰挽詞佖

號。

雖

無韓子誄,貞曜本來高

厚意,要使丐殘膏。

宿草成千古,生芻爲

知江 侵。 腹,撫字亦勞心。 陰。 傷哉東逝水,無復大江 庾嶺 梅花 暖,賢侯 九轉 惠 竟難 愛深。 陰。 遇 前知· 9 二毛 精 南安軍 神 何 雖 移 遽 滿

休。虞山渺何許,淚落不能收。 篤,更喜吏才優。每嘆頻年别,俄驚一夢 客授向東歐,●君爲郡督郵。豈惟寮契

■「歐」,殿本作「甌」。

李 删 定 挽 詞 叔 益

摩。 玷, 古井竟 佳 積 兒 傳 務 無 素業 增 波。 厚 留 求 議 眼 名 法 看 惟 資 巍 恐 修定, 科 多 0 監 白 州 # 極 寧 撫 有

碑 出 清 填 冰 節 空 玉 畏 雨 心 人 黄 相 知 葉 照 西 誰 尚 望不勝悲。 云 憶 内 紫 舉 芝宇 私。 無 深 慙 居 有 無 道 浪

趙 左 司 挽 詞 鞏

禮 敵 行 或 誼 歎 高 才華。 餘 子 9 文 直 章 節 自 曾 無苦, 家。 全 嶽 瑜 神 更 均 客 不

瑕

儒

流

有

遺

恨

不見草黄

麻

近 ,公去北 淮 甸 争 門 錢 輕 幣 夔 避 城 寵 辯 若 戍 將 兵。 浼 求 詔 閑 歸 竟 南 郡 不

僅

有

品

宅

曾

無

頃

田

相

過

惟

載

成。 亦 齊 無 適 莫 笑老于 行

眷 未 許 覺 或 故 終 人 無 踈 撓 居 高 家 論 不 三千 願 餘 牘 陰 深 蒙 功 四 明 主

圓 學 書。 0 成 佳兒 鄉 佛 貢 歎 承 蚤 長 君 别 積 馳 先。 慶,端一 譽 郎 天 可 潛 癸 大門間 方 年 比 將 煙 肩。 暮 金 求 丹 仙 語 容

袁 通 判 挽 詞 章

忽

傳

偈

天

闊

散

雲

未

我

懷。 勌 胸 無 次 道 瑕 樂 夜 知 無 光 如 璧 涯 路 黄 孝 壤 謹 心 痛 長 古 深 似 難 埋 齋 及 友 耄 恭 期 人 稱 自 不

磨。 瑑, 古井 同 盛 庚 德 竟 適 不 無 齋 容 波。 老 費 託 多言 前 體 輩 共 可 苦 Ш 柰 凋 SIL 何。 謝 後 大 生 圭 誰 元 琢 不

至 老不 言 錢。 幾 得 拜 牀 下 何 堪 哭 道

邊

門人

下馬

向

新

阡

酒

方 興 化 挽 詞 叔 珪

勵 廟 吏極 乏著 廉 靴 平。 鬼 夢 薦 中 口 言 聲 更 名 明 重 0 朝 起 家 行 去 尤 就 感

輕 奏篇真 確 論 何 日 遂施 行

簣 方。 越弔後 吁嗟德浮 鴈 塔 深 除 論 喪。 位 契 口 鵷 支 施 班 郡 與諸 試 難 著行 留 郎 鄧 佳 參 Ť. 城 久 聞 夢 易

寧 海 駱 君 挽 詞 季友

傳 秋 露 清 古《易》 風 簡斷 誰得似 \forall 人 韋 皆學, 編 竹 滿 空 惟 卧 谷 君 牀前 甘 志 無 益 用 堅 佳 研 兒 尚 朱 有 滴

師

郎

闡

方

進

用

何

乃

朱 坡 史居 \pm 挽 詞

桂 遺 巖 逸 邑 歎 富 朱 人 坡。 物 才 學 惟 飽 史 終 氏 難 多。 售 9 詩 流 傳 成 秖 有 自 丹

哦。 空餘著書 在 令子挹餘波

游 \Box 詩 0 更煩賢 交友俱 興共 南 宅相 名 樓。 土,儀: 相 喜 與 曹禮 得 發 江 潛 意 Ш 出出 周。 助 還 使 口 華 汗 臨

劉 吏 部 挽 詞 俣

籍 百 總 里 角 静 異 潢 群 池 兒 9 庭 所 趨 至 棄明 蚤 清 學 民 時 詩 瘼 平 鳴 生 號 登 桂 吏

遠 庾 剸 嶺 劇 使 最 星 雲 還。 間 題 中 輿 道 上 趨 越 臺 Ш 治 0 名 洞 庭 王 切 澤 近

漫

夏

六

班 0 陰 功 多 及 物 陽 報 看 循 環

誰 擾 奚 Ш 衆 焚 林 獸 E 窮 徙 薪 能 遠

公。 但知分謗喜, 寧肯自 論 功

慮

下

瀬

得

深

攻。

南

嶠

肩

隨

息

中

朝

論

愈

原 節 余忝 佳城 兄長 代 隔 與 王 慈恩 風 言。 浪 丹旐 相 共 親 約 愴 色笑温 游 飛 翻 徑 俄 公方 悲 作 持 九 使

戴 縣 丞 挽 詞 機

夢 陳 小 迹 戴 愴 久 遺 僊 文。 去 何 晚 堪 暮 更 期 哭 相 君 與 9 死 舊 生 游 俄 驚 遽 昨

分。

銘成

媿

潛

德

揮

涕

望

新

墳

棘 桃 高 李 士 自 終 成 爲 蹊。 簿 贵 官府 惟 勾 資 小 關 稽 決 儒 鸞 流 凰 仰 雖 品 在

題

定知

餘

慶遠,遺愛滿

雙谿

王 提 刑 挽 詞 ΙĒ 功

廉 白 真 家法 原 由 金紫賢。 兄 辭 嶺 南

編 老成 俄 者 爲潸 然。

膊,

弟郤

澧

陽

錢。

築

屋

吾將老

藏

書

手

自

己 矣, 聞

籍

甚

青

箱

學

醇

乎

赤

子

心。

片言

皆

口

斷

復, 僞 不 容侵。 處 事 幾 游 刃 論 交 欲

金。 諸郎 傳 素業。 桂子看成 林

肅 忍 見匹 廣 外臺首 夫 冤。 威 奮 稜 擊 著 猶 鷹 門。 鷙 興 志 期 讒 諸 有 郡 兔

爰。 投閒 了 無 恨 此 意 與 誰 論

恨, 金 伯 玉 仲 遂 俱 珠 摧 樹 優 南 爲 阮 方 世才。 深 痛 31 人 琴 連 尤 先 起 可

哀。 桃花 源 E 路 老眼 更 堪 開

文 挽 詞 若容

優。 或 蚤 如何急 府著 擅 春 神 流 秋 州。 學,賢 退,不使上瀛 試 關 邑人交薦 第 洲 流。 還 少 朝 公 譽 清 澤 更

闕 孫。 殊 吾鄉 籍 寵 甚 鎮 耆 柯 吴 舊傳,千載德彌 Ш 門。 政 八兒童 就 養 識 家 貴 傳 尊 温 子 休 歡 官 謡 澤 聞 及 魏

成。 節、徹底歎 抱 兄弟忝 痾 難 真 執 同 清。 紼 登,論交最有情。 揮涕望佳 正 爾 尋 姻 城 好 胡 頹 然 波 喪 知 老 勁

姜 離 挽 詞 柄

學,決意 門 户 取 期 儒 興 科。 起, 交朋 贊 府 務 聲 琢 尤 磨。 著 鄰 反 身 封 求 惠 大 亦

> 多。 傷 心 濠上 路 無復聽弦 歌

子。 矣,力量 作銘 别 去 果 雖 期 何 不 媿 如 載 回首倍欷歔。 伻 平 來 日 痛 真 知 書。 我 遺 死 言 生 苦

誠

大

問

顧 養 挽 詞 義 剛

業,文字作生 萬頃 東 湖 涯。 下 曾 堂 門 後 起大家。 萱 猶 樹 庭 子 中 孫 桂 昌 欲 世

華。 惜哉時不待,誰忍送悲笳 舊向君 家去,宜 齋屢舉觴。 人 哀

陽。 顧, 里不 袁 林 見 未 他 成 揚。 趣 鷗鷺 身 世驚 亦淒涼 春暮 湖 Ш 愴 誦 諸 勺

孫子才挽詞

身後 名 何 用,人亡意 愈 蓋 棺 悲 昨

尋。 夢 掛 悼元 劒 答 情 更切 初 心 接 潛 隴 德 栢 仍 森 能 森 發 遺 言 尚 口

子 侯, 森 也。 森 亦悼 潘 以 安 攢 元 植 而 0 哀 懷 元 嗣。 舊 謂 賦 墳 道 *****: 纍 元, 纍 既 以 楊 興 接 戴 慕 隴 侯 於 之 栢 戴

俞通判挽詞茂系

泊 官事 强 仕 極 賦 精 歸 明。 去, 頻 攢 年 畫 亦 王公幕 漫行。 監 宦 州 情 亞 雖 淡 父

城。

佳兒守

遺

訓

清白

勝

金

籝

傳。 矣, 遠 佳 象 邇 邑 城 爲 隔 推 潸 風 然。 浪 俊 忍 靈 孝 賦 光 敬 薤 賴 心 歌 此 何 篇 賢。 極 公 老 平. 成 録 俄 尚 已

求參議挽詞子紹

美, 展驥 絫世 愈 朱 情 陳舊 親 宦 游 草 多 歸 向 田 鄞 賦 欣 飛 迎 鳬 觀 人 幕 政

賓。斯人忽千古,望斷剡溪濱。

高。 忽 姑 孫曾 玉 姊 立 亦 聞 期 凋 競 清 零。 爽 貴, 蘭 厖 厚 玉 眉 德 在 望 今 階 壽 誰 庭 龄。 在 佳 父 城 兄 慘 嗟 欲 奄

魏郎中挽詞熊夢

誰 未 高 足 最 隱 切, 酬 碧 相 吾 谿 公 Щ 志 鍾 心 房門下老門生。 更 鼎 攬 遠 蔽 轡 詩 今游 寧 聲 知 老 湘 鯉 此 浦 也 行 句 聞 尤 詩 今 清 蚤 日 得 哭 握 名。 君 蘭

一 昆。善人今已矣,餘慶在兒孫。

南雄挽詞价

宋

戰,政 歸。 情親今已矣,老淚不勝揮 譽藹 一宋久云遠 王畿。 遺 梅 風 嶺 君 方 庶 騰 幾。 最 雪 才 華 谿 俄 試 賦 文

莫子執挽詞珪

傳。 志 芹泮老遺編。 橰間最崇篤 樂有父兄賢,談 小 經 阮 「話齊年 絳 情 帳 何 前。 切 9 童 桂 鳥 林 業 孤 未 素

繆伯恭挽詞

德 猶及見 我實 由汪出, 新婚。 垂 謹 髫托外門。 厚 推 鄉 曲 恩 非 慈 惟 篤 拜先 弟

朱南劒挽詞

津。 學,游宦肯謀身。 虚堂兩遺像,誰不倍傷神 再世文章伯,三 别 朝侍從臣。 駕 歌 章水, 甘 傳 棠 家 想 推 篤 劒

春。 韻,不飲喜娱賓。 據鞍 朔望第 猶矍鑠, 客,巡寮意 何 名 遽迹成陳。 帖藏 更親。 中 古 珍 有 茶 詩 試 欣 和 早

看。 率,乃爾 佳 棋戰久不 城 變悲 何 處 歡。 對,詩 是? 東望涕汍瀾 歲 盟 晚 亦寖寒。 本 無憾, 情 方期 深 那 會 真 忍

盛夫人挽詞

婉嬺閨中秀,清高林下風。相夫能盡

教 壺彝 子 使 今具 移 忠 在,流慶復 邊 郡 官 何 無 窮 曠 都 城 養 得

宜 史 氏 挽 詞

禮 超 家貴 悼亡 閥 閱 肯 無可 冠 期 驕 憾 朝, ,直筆付 尊 教 公 子 兩 門 孫 珥 風 樵 貂 振 澄 夫 賢 神 性 能 地 盡

太令人 軒 氏 挽 詞 趙 Ш 甫 母 自 號 覺 庵 居 士。

家。 富 無 貴 斷 更 身 拜 空 先 靈 花。 隱, 几 年 佛 奠趙 侵 祖 鬢 親 州 未 提 茶 華。 印 9 兒 死 孫 生 猶 競 曉 起

因

容。 路 覺 舊 棘 庵 説 更 誰 蘇 無 嗣 無 蹤 法 著 别去德雲峯 夫 蕭 人 散 亦 超 E 塵 宗。 界, 扶 毒 持 蛇 禮 横 紺 在

> 蓬 横 在 路 無 著 L 吞 費 却 臨 覺 更 濟宗旨 無 庵 蹤。 云 . 云 栗 棘 蓬 條 毒 栗 蛇 棘

宜 人 聞 人 氏 挽 詞 趙 婺 州 之室

謁 色養 美哉彤 几 郡 謹 歌 安 史筆 賢牧, 輿。 一三誦 魚 故 軒 里 爲 從 稱 欷 隼 家 歔 旟。 法 諸 深 郎 閨 讀 無 父 裹

太孺 人 、蔣氏 挽 詞

塵 首 艱 平生 之死 苦 棘 貞 靡 成 烈 他 薪 意 志 終 天 晚 作 乎 福 坐 不諒 容 忘 Ŧ 身。 指 心 嫠 空 孤 滅 蓬 在

下, 風 潤 月 屋 舊 惟 湖 純 濱。 儉 居 子 然 婦 法 皆 度 知 循 孝 孫 松 曾 楸 亦 先 可 龍

浦江如可贖,真欲百其身。

百四從妹挽詞❶

訃,老子倍傷神。 姊妹二十四,凋零餘二人。 已歎嫠居久,何 他 堪 鄉 逆 忽 傳 境

頻。 佳城千里外,西望淚沾巾。

娱。 共,甘毳四時須。 吾家女兄弟,似此亦幾無 孝養全終始,真成乳阿姑。 衆子俱傳業, 諸 衾 孫 禂 足 幾年 自

事,猶著嫁時衣。 去歲 桐川弟 ,新從姊處歸。 尚欲尋松社,寧堪 備言家 哭素 慶

家。

送行詩尚濕,

身世遽空華

蘇江陰挽詞十能

幃。

人生真一夢,

回首事皆非

萬卷蟠胸次,千篇秀筆端。 朝行 期奮

> 迅,賢路竟艱難。 雖 號循良守,欠爲文字

窮。 官。 語,謂有魏 遺編幸無恙,留與後人看。 誨言非教佞,後裔報宜豐。 伊昔初傾 公風。 蓋 ,摛文已甚工。 既往言多驗,歸 親 聞 來 南澗 道

更

趙縣丞挽詞彦案

瑣,寸寸畫 玉立佳公子,哦松始戍瓜。 江沙。 慷 慨 志 憂 或 清 拳 拳 修 僧 飭 在 邊

鮑潮州挽詞潚

三試皆前 列 官何 後 時 低佪廣文

0 「百」,疑當作「廿」字。

舍、龃龉使君麾。遇事有如燭、衛生寧及

葵。舊游成隔世,流涕讀新碑。

麈 家 ,竹院幾 猶 懷 授 郡 壬 烹茶。 齋晚 辰 歲 群 巍 假 雀 科 守 一噪簷 盛 深 永嘉 交誼 蛇 清 芹 談 宫 及 屢 道 揮

張運使挽詞孝仲

宴 杜 义 坐 束 幾 惠 周 高 年 閣 劒 期 外 不 真 與 死 使 淮 謝 臨 南 行 鯤 居 歸 著 石 卧 巖 信 空 非 Ш 欲 凡 且. 向 避 西 不 讒 應 陵

張工部挽詞季樗

尋

宿

草

秋

風

何

日

送

歸

帆

老,積善 忠 簡 見 傳 多 清 孫。 白 家 兩 聲 桂 屬 昌 弟 書 晜 種 雙 惟 椿 公 殿 藹 諸 慶

門。壽終無可憾,況有典刑存。

吏, 治行 壯 歲 最 登 諸 郎 侯。 省 旌 憂 麾 或 歷 言 五 多 州 切 籌 仁 聲 邊 慮 號 循 更

周。積薪無恨望,終老得夷猶。

皤 幾 朝 忽聞 勑 士 局 更 埋 司 無 壁 寅 多 痛 舊 薤 雌 問 露 堂 信 不 屢 書 成 肯 猶 歌 過 濕 相 故 望 人 鬢 今 有 已

戴迪功挽詞應龍

瘳 聚 0 親 無 猶 意 記 由 愈 見 天 綢 安 街 道 繆 會 汎 同 吉 雪 爲 德 悵 乳 宜 口 竇 多 舟 游 壽 9 奇 姻 痾 家 竟 頻 不 會

衣 晚 呵 好 悟 連 學 世 悲 數 俱 未 仍 泯 非 奇 無 躬 教 淚 行 子 爲 家 惟 君 遂 黄 揮 肥。 卷 高 時 將 看 詩 緑 自

砧。

佳兒隨玉折,尤切悼亡心

度,疾疹

遽

相侵。

已矣空蘋澗

誰

歟

助

藁

家世

戟

如

林,

來嬪

藹

德音。

功

容

俱

可

齊安郡 夫人金氏挽詞趙左司公碩之室

宜 人

楊氏挽詞鄭華文之室

歲 擇 里開 壻 得賢 依楊氏,年家託 孫。 婦 德 儀 鄭門。 中 · 壼 陰 升堂從 功 燕 壯 後

昆。 尤憐吾女子,流涕説 慈尊

壽 ,近侍望 枌 承顔。 榆社 一、心游 昨 水竹灣。 聞 微 恙 寧 丐 知 歸 竟 期 大 拜

孺 錢 氏 挽 詞丞相之女, ,適曹氏。

還。 佳城無路到,夫婦淚俱潸。

> 版,巖 避 險 地 遜 供湯餅, 征 騑 當 遇 筵 事 接縞衣。 智 尤 敏 相 倉 夫 皇 家 奉 寖 神

肥。 考終 無 可 憾 ,蝶夢 遶芳菲。

邊。 濟, 廉儉信家 版興俄棄養,事業待他年。 Ŧī. 子 俱 英 傳。 發, 尤知 别 乘 仲氏賢。 徑 爲郡 高 勤 城 明 欲 真 捍 世

太令人趙氏 挽詞王帥 柟 之母

游。 態,❶曠 令德比 哀榮誰得似,同穴樂哉丘。 達 T 鳲鳩, 芳年誓柏 無 憂。 方奉平反笑,俄 舟。 承 成 平 汗 猶 漫 有

0 態」,殿本作「戀」。

三四四

子 賴 節 有 愍名 斷 機 驚 親。 代, 浮 勉 光孝 使 方 絶 張 虜 終 宜 能 生 克 不 家 帝

秦。

桮

扶

E

馬,

孰不

爲沾

巾。

席, 哀。 舉壽 琅琅 姻 短託 荷携 垂 一絶語 杯。 槐 烈婦信高哉 同 京 朝 尹 得 俄 往 遭 來。 難 都 迎 春 亦 煩 助 設

挽詞別藁

安恭皇后挽詞

蘭。 幸 幾奉 春深 天作 玉 蠶 周 巵 文 事 歡。 起 合, 誰復上桑壇 禕 吴 褕 女 禮 簪 可 新 觀。 柰 梁 屢 房 陪 掩 金 舊 替

空。 露 秘 但餘 鬱鬱南 殿 掩 彤 椒 史筆, Ш 風 路 内傳紀陰 傷 故 心 劒 鳳翣紅。 恩 雖 功 厚 中 哀 歌 璫 事 凄 E 薤

同前●

鄧 盛 玉 德 一勝 邁 漂祥 娀 嫄。 兆, 禕 鸞 衣 掖 配 空 至 陳 尊。 迹 霓 柔 軒 儀 高 服 厚 馬

恩。傷心臨七夕,素柰已花繁。

殿, 哀。 委化已泉 未央當月望,不見翟 啚 史懷 規鑑 臺 篇 出 章 壤 妙剪裁。 湖 車 濱 來 秀 清 承 笳 歡 方 日

楊武恭王挽詞存中

終。 上 几 吾知 歷 海 數 雅 尚 中 推 遺 · 興 將 公。 恨,不見朔庭空。 誰 富 爲 貴 第 無 危 功。 溢 哀 兩 築 朝 有 忠 始 衛

●「同前」,殿本作「又代人作」。

暮

秘

馘 解 勇 縛 氣 屢 真 招 虓 携。 虎 細 心 柳 劇 門 放 堅 麑 閉 長 推 楊 鋒 多 馬 折 不

嘶。夜深星忽墮,何處問撑犁。

同前

虜, 無 父祖 從今紫荷 劒志 成完節 伊吾。 橐 9 接武 忠孝 丹心激懦 上亨衢 公何 夫。 媿 哀 枕 榮 戈 梟 世 所 逆

春 艦 狼 功臣 王 子 爵 歎 誰 報 江 第一 元 神。 勳 過畫在 臨 木 危 落 更 淮 麒 一致身。 南 麟 暮 塵 鯨 清 波 飛戰 塞 外

陳文恭公挽詞康伯

謝 傅 唐 風 虞 流 千 冠 載 江 左 道 重 晉公威譽比 光, 奕 奕 元 汾陽。 臣 任 贊 折 襄。 衝

> 誰 曾 不 可 問 勞聲色, ,坐令邦國 輔 政 歎 惟 云亡。 先振 紀 綱。 天 意 高

高

誰 干 未 聞 戈 能 雖 及 宫 德量 漏 在 白 汪 轉 相 世 尋 汪 旌 歸 日 萬 忠頌 來 頃 俄 休 德碑。 陂, 見 沐 哲 宛 直 如 人 將 萎。 無 去 事 就 哀 時 佩 榮 安 八終始 奏罷 危

同前

静 夷。 與 傷 輔 物 心 費 盡 卢 藏 忘 雞 諸 夢 私 用 梁 庸 德 木有餘悲。 人 望 自 儀 擾 群 之。 辟 威 惟 名 公 憺 知 遠 好

趨 覲 胡 哀榮 致主唐 騎 敢 極 長 終 虞 驅 始 上 何 東 夢 止 Ш E 一渡江 志 商 不渝。 楹 無。 奠, 朝 衮 猶 衣 重 漢 殿

何内翰挽詞溥

身先 高 諫 文在 坡 死 論 豪 鼇 奪 ,痛惜誰能 事 禁,一 言 錦 皆 摽 合,帝 天 時 下 作九原。 名 聞 士上 幄 談 慨 龍 經 然 門。 道 有 益 志 經綸 尊。 整 乾 未究 千古 坤

姜祕監挽詞師仲

與 心 王 楊 孫 知 有 仕 子,公亦何 文筆 宦 陰 德, 曾 無 相接 勞 立 巧 爲 朝 游 剪裁,一 不 人 豫哉 嘆 夏 有 淵 餘 源 時 有 才。 妙 自 斵 功名 來。 冠 巓 口 治獄 施

方 梓 兆 里 非 尚 久聞 熊 遺 前 政 ト, 曳杖 H 績 愛、棠 最 淮 俄興 淝,鄮 陰 梁 還 木 長 嶺 悲。 舊年 循 良 千里 枝。 親 見之。 釣 佳 璜 城

許待制挽詞尹

空

望

斷

他時

歸

哭峴

Ш

碑。

紀,遺愛滿諸州。 吏事 緣 儒 術, 人 叱 材 馭 第 無 長阪 流。 籌 宦 邊 游 有 幾 舊 Ŧi.

樓。遺安陰德在,衮衮見公侯。

省,丘 貌。 遺 蚤擅 壑訪 心編聞 文 愚 章 好 在 溪。 價 ,後學仰筌蹄 ,名公屢品題。 得 句 追 飛 兔 摛 碑 毫 銘 走 摹 怒 諫

同前

忠。 士; 慶 + 源 載 話 知未艾,往 更 文 麾 翁。 節 陽 到 日有陰功 春 處 萬 留 里 遺 同 愛 諸 時 郎 時 守 逢 教 蜀

唐舍人挽詞關

鍾。 舘 典 鴈 諤 刑 塔名三世 著囊 傷 不見,衰涕忽無從 封。 螭 至 蚴 性 侍 悲三釜, 九 重。 高 循 懷 循 薄 儀 學 萬

志 露 發棠陰德在,陽報質蒼旻。 夷 電 路 百 方 年 馳 身。 轡, 甘泉喜問 搯 掌 雖 多恨 津。 爲 廟 箕 廊 自 平 有 日

李公執挽詞

久 心 Ξ 地 聞 共 乃 賢 翁 知 訓 容 志 渤 欲 魏子 澥 卧 夢 煙 端 霞, 魂 能 曾 起 宅 外 不 枕 家。 到 清 京 江 瀰 華 欲 望 泛 伯魚 槎。 江

未甘辛苦去朝天,故作逍遥陸地仙。

梁

水

院

西

德

澤信

無

涯

日月 老子 人不 見 平 同 奔 生 曉 驥 萬 風 事 吹淚 擺 足, 脱 忽潸然。 人 塵 間 煩 等 五 蜕 福 蟬 身 重 全。 到 江 厭

頭

看

日 崇 德 挽 詞 書 問

白 春。 滿 善人陽報 剸 腹 劇 是 推 精 才 在, 神。 刃 蘭 臨 未 玉 機 E Œ 妙 金 詵 斵 閨 詵 輪 籍 空 傳 留 家 花 得 清 縣

霜。 見, 主人今已矣, 疾痛 回首情 云亡。 親 處 鷗鷺 相 縣 過 郭 亦 瀨 Ш 淒涼 水陽 空 秀 家 + 袁 年 能 橘 幾 自

王縣尉挽詞彦正

髪,我 幹 獨 蠱 破 恢 藩 才 籬 刃 誰 風 能 RI 貨 空 殖 殘 私 夢 池 人 臺 皆 愴 競 昔 毫

時。板輿臨穴處,行道亦興悲。

同前

看。 在 夜 情親 潤 雨 屋 舊 悲 公餘 盟 不 那, 寒。 事 望 能 家 絶 爲 有 旐 人 書 飛丹。 所 堪 難 讀 囊 蓼 莪 無 錢 遺 爲 恨

潘大卿挽詞

冥冥矰 今無 功名已 有 直 留得 矣 上 不 青 到 乖 時 雲 遺 蝶 望 不 編 飛 作 向 栩 風 後 難, 栩 節 看 夢 翹 壯 驚 然 年 殘 見 何 歲 事 傷心 寒。 掛 衣 耆 鴻 冠 老 去

樊運使挽詞光遠

夫子 Щ 師 下 友 路,幾 才難 淵 妙 龄 源 用 得 便 人下馬拜塋中。 猶 有 西 洛 老 喜 文 成 先 風 生道 章 聲 孝 價 不 友 窮 冠 丹 南 心 他 宫 天 日 與 鳳 古 通 泉 知

嚴冷獨 闔 在 人 境 耳,不須樂 民 樊 侯 峩 蘇 豸,道 勳 御 史 德 雨 佐 石 院 中 更刊銘 列 清 興,百 閑 城 誰 人 掣 仰 世 鈴。 使 兒 君 孫 謡 星 尚 頌 典 洋 憲 刑。 洋 臺

同前

身。 節 家聲知有繼 科 署舊 目 公餘 儒 臣。 事 ,仙桂兩枝春 南 倦 宫 拜 第 方 辭 人。 餽 哀 七 良 閩 莫 新 贖 使

横浦云亡後,斯文付此賢。命其隨道

緣。 喪 傷心耆老 又絶 心 傳。 盡 揮淚 河 洛 對 湮 來 天。 派 西 州 憶

莫將仕挽詞隨

今誰 諦 遽 如 觀 問 許 烱 自 老淚 奇字, 歎 烱 清 死 生 才 臨 遺 際 久 風 經 陸 自不 古 寧 沉 復 亦勝黄 紛 晚 紛 從 金 利 内 禄 典 + 心 用 年 Ι. 載 契 深。 闊 酒

伍主簿挽詞景善

寧 冉 冉 浙 미 贖 身 聲 好 名 賢 先 發 蜕 元 棠 鶚 不 誰 蘭 薦 減 復 玉 緇 濟 四 森 齊 衣, Ш 森 饑 家 風 客 正 物 到 肥。 公 暈 家 人 飛 如 有 所 桑 百 歸。 身 榆

同前

舊

殊 老 隋 去仁 未 幘 已 何 由 宜 來 妨 IF. 分 風 壽 應含笑 白 誼 玉 萬 獨 樹 指 穹然, 人重泉。 種 成 禾 身 寧 坐 已 復 亭 問 仙 家 三千。 肥不 衮衮 計 公侯 靈 年。 椿

不 招 君 不得 獨 忍 全 啮 晚 終 年 悲 朔 始 朋 讀 風 八人物 佳 舊 淒 傳, 益 切 彫零, 淚 誰 可 縱 能 堪 横 繼 口 歎 老 首 絶 成 念平 斯 人 清 生。 奠 此 兩 一楚 交情 楹 魂

梁審計挽詞季琦

緣 屣, 諸老 神傷賢: 壯歲 亦 嶄 忘 伯 頭 仲 年。 角 風 夷 論 FI 塗 議 夜 試 傾 無 著 朝 眠 鞭 譽 功 群 名 公 争 短 世 倒

樹 衰 淚 夭 灑芳萱。 古 難 問 吁 事 嗟 契深 不忍言。 群從 英 嬰 才 啼 愴 摧 九 玉

原。悲吟慙楚些,無地與招魂。

太淑人管氏挽詞

窮。 子,乃有 死 彤 史久 生 昔 無 人 可 不 風。 憾, 作, 況已 誰 鈿 能 軸 悟 有 恩 真 婦 何 空。 功。 渥 芝 寧 庭 知 澤 貴 家 不

陳夫人挽詞程吏部之母

纏 兀 德 訓 慶源 作 配 子見三遷。 知 流未已,佳 名 士, 周 兆 就 旋 得 養 牛眠 内 築 則 方 逮, 篇 歸 寧 宜 家 病 兼 忽

陸參議挽詞流

掾,身世 中 外 半 衣 僧 冠 寮。 盛 流 寶 傳 晉 識 書 後 九逸, 凋 坡 聲 仙 名 隱 \equiv 語 可

招。梅溪殘月墮,蕪没舊風標。

郎。 石 桑柘 飾 吏先 龍 滿 無 黄 半 儒雅 岡 在 低 風 知 雨 徊 己 夜侵床。 五. 平 十十霜。 ·津老, 傳 萑 家 蒲 删 掃 定 韶

李堯卿挽詞唐佐

空。 喜,持論 淒涼宋清傳 里 社 耻 久 雷 相 同 從, 健筆 知 素 君 業 媿 陰 諸 河 有 郎 東 功。 在 浮 救 生 多 夢 藥

悲。

藁砧

方得路

,腸斷悼亡詩

祖

一,詩禮

付佳

兒。

未

見

魚

軒

樂

俄

興

鸞

鏡

彤

史

無

人

續

誰

能

識

壼

彝。

蘋

蘩

奉

先

王

夷

仲

夫

人

挽

詞

陳 夫人挽 詞

周 左 挽 詞

司

頡

切, 清節 照 人寒。 交臂失持 橐, 乞身 終 考

快婿

更

東

床。

珍

錫

加嘆,

佳

城

神

所

族

姓

甲

休陽,

夫人懿

範彰。

奇

男

已

南

平生

陰

德

在

餘

慶尚

難

量

節 相 府 記 傳 觴 詩 藪 懷 高 隱 郵 筒 見 短

章。 不堪千 里隔 丹旐 想飛 揚。

老成 從 Z 丑. 政 慈 心 今已矣, 恩會 無 媿,敢言 ,今幾六十霜。 西 望涕 人所 汍 瀾 難。 精 軺 忠 車 憂 來 世 握 省 藏。

嗟。 敬, 見子 誰將彤 雅 有 致 出出 清 史紀,大筆 閒 華。 操 來 方享 嬪 一爲 清 乘 雄 白 軒樂, 誇 家。 俄 相 興 夫 陟 全 禮 屺

1437

夫 人 挽 詞 鄭貴 虚 之母

碑 蚤 政 婦德 識 爾 身 高 清 合歸 爲 心 情 重 恊 玉 宗老,故 映 彤 晚 許 史巨 境 誰 還 編 同, 知 宜 中。 性 嘉 更 亦 遯 有 空。 樂 飄 龐 飄 已擬 公。 林 下 張林 遠 風 謀

茅

攻媳先

生文集卷第八十七

張夫人挽詞余元老之母

緣 則 晚 于門有孫子, 佳氣藹 婦 歲 識 德 天然備, 真 詮。 肥 倒 家 廪 五. 非 新阡 + 徼 年。 福 翻 平 經 生 勤 亦 應 内

王修撰挽詞

樓 慶 衣 冠 門 前 月 終遂志 共 + 斜入 仰 載 聯 頻 \equiv 寒 欄 平泉花 鳳,禁路 刺 干 史帷, 欲向 木總 誰。 咸 名 成 嗟 卿 詩。 欠 風 裁 傷心 夔。 映 紳 積 神武 緌。 翠

空 樽 嗟 罍談 何 懸 徐 賤 及,衰涕 笑幾 子 孺 何 榻 侵夜,琴劒 能 滿襟如迸泉。 重 直 來 無 錢,夫 復 孝 周 廉 旋 君 船 不 於我 計 百 年。 獨 身 知 願 此 憐。 去 贖

攻媿先生文集卷第八十八

四明樓鑰大防

行狀

妣

安

康

郡

太

夫

行

狀

絫贈 大觀 正奉 也 少 卿 大夫。 曾祖 先 越 Ľ 兀 直顯 妣 年 或 諱 元 姓 夫 歲 謨 父思 古 璩 汪 人。 閣 在 不 氏 曾 庚 温 仕 神 明 紫 以 寅 今 贈 左 軍 三月 慧 祖 爲 少 朝 器 通 洙 慶 議 師 字字 監 1 明明 元 大 日 丞 府 妣 IE 夫, 仕爲 州 0 兼 · 亡 恭 柔 助 權 少 人王 教, 妣 明 尚 師 太府 之 生 絫 書 長 氏 於 女 贈 鄞

> 紫光禄 禮 部 疾 人。 宗聖體 月 禄 壽聖皇太后 封 + 無 九 大夫, 絫贈少 薨 大夫。 進 先 宜 恙 六 郎 十三年高宗 于 六 年 封 官 君 人 時 鐊 大夫。 乾 安 年 清 封孺 畫 始 捐 知 右 康 先君之 明 安 錦 命 館 道 處 (,天子 慶壽 郡,不 堂 坊 + = 人,二十三年封 締 迪 師 三年封 父諱 州 恩 之弟室,享 婚 功郎、徽 祖 恩 進 慶 終 年 行慶 及 兩家 一年某 封 异 諱 霈 封 朝 拜。 + 恭 徽 太淑 常 封 大 議 于下 少 州 九 人。 該 太 寧 大 師 猷 朝 四 績 年 而 人。 碩 郊 郡 夫, ·, 封 年正 安 實 閣 議 淳熙 谿 九 歸 祀 人, 直 大夫, 爲中表, 縣 絫 + 嘉 于 信 慶 恩 學士、 月癸酉 尉 九 贈 有 泰 紹 二十 我 安 元 封 絫 Ŧį. 郡 年 熙 Ŧī. 銀 錫,承 年 太 年 Ŧi. 太 + 八 紹 朝 贈 青 金 **\$** 年 議 光 子 以 郊 夫 光 年 興 金

■「三」,殿本作「五」。

夫、 女 澡 兼 登仕 縣 潯 潗 從 參 文 伍 興 士 康 紹 議 十二 軍 林 璿 府 户 尉 9 興 政 軍 郎 主 通 迪 浯; 涷 部 郎 郎 郎 兼 節 , 府 餘 管 功 議 權 鉼。 次 人 度 大 嵊 主 姚 郎 紹 監 發 大 建 濋 治 鏘 適 縣 軍 推 簿 縣 夫 興 遣 9 淮 率 長 戴 新泰 倉 官趙 承 派 孫 奉 蔣 癎 府 嚴 東 府 適 謨 , 9 務 提 逢 綸 議 上 州 蔣 總 武 淜 州 鋁 師 郎 吉 舉 淔 , 郎 虞 再 軍 領 與 蚤 夷 ; 海 ; 潯 次 • , 江 9 適 縣 州 求 淶 天。 鍨 況 所 知 Ш 陵 濡 滴 ; 次 州 迪 派 事 , 鎮 沖 福 9 次 縣 適 ; 孫 迪 太 功 , 次 涔 孫三十 3 濂 州 溍 江 佑 適 尉 濛 儒 功 平 郎 某 適 ; 永 9 府 觀 何 9 ; 林 濼 郎 興 承 淛 渟 福 再 溆 太 紹 潚 朱 泺 顯 郎 9 奉 或 9 , 縣 適 9 温 平. 謨 軝 興 ; 溗 渡; 郎 從 渥 宫 滌 事 次 添 奉 州 惠 閣 府 政 9 ; 9 適 差 直 知 直 新 次 民 司 洔 洎 渢 溧 銷 錙 郎 獋 紹 學 滴 大 局 馮 建 理

> 之原 弟 室。 棟 次 廣 弟 枚; 八 適 ; ; 札; 一人許 機 次 將 將以 二兄 亡妣 孫 3 仕 滴 女,皆先 桔; 杓 郎 適 迪 幼 及 十 二 鄭 戴 功 而 錧 登 櫑 圭 郎 闓 敏 仕 月 卒。 鏘、 之, 悟 樂; 郎 新 丙 ; 溆、 温 弟 未 Ŧī. 申 先 机 椷 州 奉亡 歲 行 四 君 濛、 9 9 瑞 從 人 葬于 柯 枝 棟 安 曾 妣 外 許 9 縣 之 檉。 孫 樾 祖 適 奉 弟 主 喪 男 教 陳 化 合 簿 + 槱 女十人: 授 篚 縣 六 Ŧ. 弟 雄 金 餘 格 州 鍾 在 9

妣 府 待 明 親 歷 日 吾之 及 贊 習 在 歷 庭 口 笄 讀 或 親 能 加 授 紺 有 側 道 籨 虜 珠 詩 遺 河 平 凡 往 犯 具 語 忘, 朔 箞 矣 京 E 遭 教 所 書 端 問 師 亂 以 見 整 數 往 之 散 事 裁 及 歲 來 失,餘 如 皆 定 邊 剪 皆 己 響。 携 可 Ŀ 紉 能 能 家 爲 又壞 縫 作 記 風 將 南 法 纂 物 家 嫁 其 京 於 組 騎 書 外 以 外 漏 之類 之名字 射 祖 越 歸 祖 舟,不 之 爲 或 不 詳 督 \pm .

直 故 君 平 祖 節 謝 縭 長 太 得 所 晚 逮 1 - , 言 之 府 與 爲 興 有 李 饋 下 盡 仕 再 雖 事 過 謙 110 共 氏 子 助 懟 卿 幼 分 舅 歡 晨 不 示 抑 人 而 之。 姑 也 ,必贊令從厚。 女, 姑 服 昏 命 加 出 遜 罄 遠 外 與 及 定 是 進 子 闊 所 È 之 歲 祖 順 矣。 爲 伯 先 省 生計 時 既 婦 有 時 偕 妣 知 擇 父、 君 之敬 被 遂 或 以 祭 湖 老。 愛 猶 自 自 良 妣 服 終 送之。 伯 祀 有 州 育 臨 日 配 少 爾 寒素 養 年 母 觸 蠲 王公之父提 清 削 如 視 可 挈往 才 遂 如 怒,必 故 妹 介,亡 之。 執 舅 潔 先 多 歸 公姑之禮 廬 王 内 喪 出 誠 君 + 寓 郡 隨 既 氏 \pm 外 先 盡 仕 勸 至 宦 治 有 事 外 公正 初 妣 碎 交稱之。 君 禮 參 使 必必 家,亡 游 教 實 七 於兵火, 得 舉 相 乳 從 曉 賢 飭 己, 爲合德 理家 躬 時 自 秖 13: 與 内 寬。 婦 必 練 妣 助 爲 方 仕 箱 劉 此 以 務 親。 先 結 宰 先 至 篚 世 氏 不 因 廉 有 致 0

以

事

節 于 間 以 侈 鳥 俱 本 至 時 飴 至 以 而 日 序 0 于終身。 紗 集 家 中 供 今日 盡 澗 言 ,時家之有 此耳。」一視 薦 原 平生不 束脩 0 飲 水 髫 則 食 新 人, 其遣 不喜 又以亡姑三人 進 齔 日 所 有 ,未始少 脱 諸 享 忠愛子孫,亡妣 . 不 爲 澹 嫁 節 曾 粟 遺 無 子 不 女孫 時 於 非 九 對 飯 以 粗 翅 靡 榮 世 所 子, 莫年 廢。 兒 爲 有 足 務 粧 有 利 亦 以 豐殺 輩 矣。 成 精 無嫡 無 沖 然。 饋 爲 竣 素 髪 出 立 鑿 後 以 禮 靚 不 事 篤 不 庶 0 女孫: 待之甚 豆 也 春 蓄 勝 飲 平心 不 於 雅 或 每 之 豉 秋 義 問 教 IE 財 冠 福 言 間 有 者 謹 皆 語 處 子 何 避 必 或 嫁 無 有 厚,卒 守 預 之, 以 其 欲 勸 方 故 虜 珠 及 則 至 響馬 家 爲 遠 璣 緣 家 授 質 甘 時 自 薰 裹 訓 之 貸 手 人 僅 以 室 適 染 如 無

時 殿 本作「視」。

其 載 嘗 卿 遣 貢 多 奪 以 依 涯 婦 不 坐 心 不 尤 口 中 賀 外 爲 在 忽 命 而 一之句 地 親 多 取 以 解 能 嚴 以 惟 先 丹 助 府 親 1 誦 13 而 邊 者 爲 祕 州 爲 世 恐 君 處 戚 哭 爾 育 以 北 不 不能 難 方, 在 兄 後 夫 家 勉之。 邪 之,亡妣 方 已 輕 妣 而 是 烏 又 人 歲 安 則 聞 舟 曠 無 每 家 某 之子 鎮 以 誉 悉 夫 曾 度 從 聞 分 守 人 先 毁 時 書 先君 珍 都 豪 人 T 子 永 次 有 爲畢 睦 君 卒。 也 劑 也。 達 之 過 羡 友 以 嘉 豁 壽 除 婣 以 有 壻 詩 慰 省 慕 然 其 H 終, 存 È 畫 問 迎 喜周 爲 再 之,其 之報 陳 及 昏嫁。 古 妣 起 夜 則 有 侍 得 從 固 施 飲 公 訓 之 爲 年 其 弟 曰 治疾 爲 居 己 人之急,家 膏 然)哭,哀 已 達 女弟 詳 喜 難 八 不 妹 之意 其它 勤 女 己 十之 高 不 識 改 堪 É 苦 長 起 唶 幼 其 自 贊 類 至 皆 未 是 死 終 御 解 孤 慶 度 勝 此 喜 若 少 甚 藏 半 憂 中 衣 無 牛 爲 :

> 見 徒 歸 Ľ 抱。 苛 暇 分 有 日 不 网 日 嗣 日 親 歎 臨 亂 定 妣 . 陷 歲 . 陷 時 非 分 黨 服 圍 人 日 民。 略 莫若先歸故 領 復 子 它 口 朝 意 道 城 婦 來,時 有 去 夕且 無 舊 中 某 在 在 孫 我 親 則 比 衰 故 某 還 此 後 周 自 亦 老 相 去, 得 也 仕 竦 則 行 省 吏 甚 念 鄉 0 嚴 者 里,脱 猶 郡 而 可 嘗 毋 部 自 歸 某 又 某 譴 間 知 圃 明 承 以 以 尚 久 滴 脱 亦 亦 命,不 事 自 告 書 恐 禄 矣。」 封 不 不 巾 仰 虜厄,以 以告, 宜 引 謀 于 駮 位 可 假 體 朝 去 爲 有 補 盡 久 外 逃 敢 慈 扶 亡妣 累 斥 外 方 不 室 復 訓 掖 使 同 是知 寧身當之。 逐 決, 世 傳 爲之東 請 子 列 不 擷 日 聞 弟 或 徒 妣 死 跪 聞 敢 黄 既 多 聞 奉 謂 者 生 驚 以 甘 以 下。 過 之 真 告 某 尊 無 吾 以 嚴 以

經 告 老 越 或 而 生 陳 氏從母之子 女 子 仲 諱 舅 居 尚 書 爲 諱 中 大 書 猷 舍 引

以

示

晨

餐

以

前

無

非

佛

事

寒

暑

如

9

又

與

舅

補

之。

近

年

猶

作

梵

唄

時

舉

大

果

之族

姻

孟

春

爲

慶

既

報

之,

又

合樓

氏

年

调

0

七十

者男

女二

十餘

人别

爲

席

以

侈

其

仲

春

爲

尚

書慶

酬

酢

稠

疊, 迭

爲

重

客。

季

春

又

夫

人

生

朝

也

簫

鼓之聲

幾

無

虚

日

未

幾

0

外門

切

鄰

妣

年

九

+

尚

書

公

亦

八

+

里

士」之語

從

母

及

舅

母:

亦皆

封

贈

至

夫

終

華文閣直學士。

里有

舅二

甥三

學

聖朝

推

老老之恩

一、亡妣

授

郡

封

尚

書

公

進

真

猒

問問

安

直

頷

之而

己。

晚

歲

備

福

誠

世

所

鮮

儷

也

奉

佛

素

謹

甫

旬

已

閲

大

藏

經

×,

取

龍

龕

手

鑑

以

IE.

奇

字。

越

或

嘗

再

誦

及

半,

年

未

問

納

婦

及壻

惟

孫

曾子

女增

四

+

有

Ŧi.

童

丱

滿

前

愛撫惟

均,

歡

笑雜沓,

不

以

爲

家。

先君

在

時

古

己

贏

八

+

口

逮

今

+

許

郡太守致

上命

羊

酒

粟

帛

之賜

焜

燿

网

公、 有 接 必 有 至 復 以 以 辭 舊 覺 婦 見 額 不 使 待 哀 而 之。 恩 屬 出 爲 奏 少 頓 郡 問 辭 得 大 六 賀 某 依 差 纊 語 弱 妣 縣 從 勞 資 日 以 者。 比 故 所 經 人 殆 以 咸 官 子 面 雖 周 忽 蒙 形 率 弔 歸 馬 懷 善 西 爲 仰 悉 及 澡 丛 容 命 某 鄉 恩 者 之 業 然 側 感, 神 鄉 歲 豁 浴 之士 間 痛 盛 與 旁 劇 無 之 卧 校 明 首 體 且 美 郡 巷 不 念 及 不 疾 報 或 之 正 受 時 理 羸 與 嚴 夫 待 其 兀 盡 既 也 未 録 以 至 若 髪, 哀 命 E 州 近 鞭 婦 近 革 哀 九 夜 微 衰 而 久 榮終 白 兄 有 自 扑 親 + 分 下 也 哂 元 聞 禄 人 來 慈 此 加 妣 者 不 加 H 者 始之 各 者 \equiv 安 自 不 董 吅 猶 家 耳 燈 倦 制 猶 無 來 馴 之 及 否 日 然 能 不 聰 帥 自 前 備 致 不 服 則 後 不 以 待 從 以 尚 Ħ 去 h 則 談 傷 祭 動 應 且. 手 書 恩 去 妾 郊 政 明 年 與 危 舊 i 者 不 意 媵 以 黄 恩 名 加 业 力 方 諸 事 如

上壽全福無可憾者。

銘 末 伏 紳 範 哉 降 先 伸 見 非 明 大 彌 父 賢 著聞 苫 夫 哀 實 之 以 惟 諒 酷 甚 兄 ! 人 所 塊 不 痛 行 閨 直 凋 罰 嗚 發 示子 輒 方 行 闖 喪 呼 孺 難 援 潛 遠 忍 敢 肝 聞 慈 不 狀 之 慕 能 以 德 孫 曾 邇 膽 格 祥 死 孝 賢 之 之 者 來 使 文 若 日 潰 言 清 以 罪 體 誠 婦 昭 毋 窀 子 輕 母: 裂 舊 粹 襄 逆 其 敬 不 所 公亡 忘 穷 之 去 矣, 子 大 以 容 肖 非 曲 不 魂 有 刊 厀 心 相 德 事 至 能 子 魄 不 是 盡 妣 哀 之 時 下 倚 廣 於 某 欲 及 岩 石 之 紛 敢 人 哉 未 追 爲 大, 此 自 情 有 稱 以 亂 極 汶 惟 而 有 敢 命 省 孝 意 窮 Ш. 而 天 吾 尚 不 烈 對 效 求 餘 費 具 事 動 敬 禍 年 極 母: 何 銘 能 丈 生 先 後 揚 以 依 載 淳 彌 我 夫 淑 以 盡 於 無 君 Ш 來 大 篤 高 家 名 生 之 陳 當 究 以 質 況 母: 而 義 確 公 始 薦 爲 世 親 高 懿 遽 懼 口 屏 小 自

痛哉! 嗚呼痛哉! 孝子樓某泣血謹狀。事,長號擗踊,冀相尋於九原之下耳。嗚呼

先兄嚴州行狀

曾祖常,故任朝議大夫,累贈金紫光禄

大夫。

妣翁氏,贈永嘉郡夫人。

祖异,故任徽猷閣直學士、朝議大夫,

累贈少師。

妣馮氏,贈秦國夫人。

馮氏,贈魏國夫人。

父璩,故任朝議大夫,主管亳州明

道宫。

母汪氏, 封恭人。

先兄諱錫,字予善,一字申伯。世

家

明

之奉化,今居于鄞,蓋自我高祖正議先生

典教事 迥出流 仲也。 校凡三 矣。 冠 辦 氏携 之稱,太保魏 伯 始。 不 自爾舉業之餘,幹蠱尤篤 先公嘗以 尋者自兄以上才八世。 會集,人夥事叢 建炎之燬,依外家以居。 一,而中 則 仲 怯不躁,委 先公久欲問舍而 伯氏 四 踵 應 鑑 輩。 兄天資穎悟,精力絕人,自幼從學, 十二年,擢第起家,金紫、少師 明之樓實出於東陽,不知所遷,其 世 -外親 쨈 軍 科 繼往,兄已能理門内 裁 中 器 年十三游郡 ,後來者又繼之,衣冠 甚精 蛇 度, 國史公爲墓銘。 識 監 曲 他 已 談 派 盡 ,兄一試占高等。 極 攝 笑 人智力所不給,兄爲主 無 無其貲,兄 自 Ι. 稱 先生以古學教 劇 庠,三山陳 若 部郎,有忠 先公攝 其 易 樓、汪二族吉 能 必 遇 生九子,兄其 而 舉。 事 如老成 事 承親 期 平江 彬 有 公元 厚 用 故 祖 膽 彬焉 廉平 皆以 於 居 授 雖 母 竭 世 N N 裕 遭 鄉 未 可

謹 聽訟 兄 授 遇 居 歸 公之心。 相 耶 力 率 右 郊 ? 通 圖 寓 而 則 諸 以 之 書尺之繁委,行 迪 祀 奉 後 人 全其家者幾 大 弟分掌家務 功 111 俟 侍 銖 城 禮 故先公專意郡 郎 于 積 謀 兄 屏 4 奏 秀 度 慨 蓋 内 絫 補 州 然 日 以 將 司 曰 力 以 立 公退,候 李之 雞 户 仕 紀。 : 就 任 堂 初 參 郎 政 宇 緒 事 往 親 鳴 隆 無 軍 落 年 來 乾 侍 興 米 伺 有 先 益 先 道 左 顔 鹽 成 内 公懷 右 公 高 改 色,承 年 靡 不 奉 顧 赴 以以 元 密 以 至 兹 太 處 中 累 受 親 命 先 有 守 口 銓 州 謁 公 先 惟 定 章 無 緩

聞 行 濟 故 兄 之。 前 郡 俄 交, 既赴 日 民 有 事 因 : 有 旨 多 户 引 兹 訴 使 資 掾 姓 事 獄 録 決 ,太守徐 名 甚 冤 事 歲 明 者 專 糾 月 典 以 曹 與 是 公 獄 詰 懵 事 時 蕆 甚 糾 之 曾 新 漕 曹 始 制 守 使 公 末 呿 未 吕 方 逢 不 行 委 辯 公 能 數 某 IE. 兄 見 己 明 協 如 與

令郡 隨 使 得 滅 伏 耶 暢 郊 公 相 稱 胡 新 州 派 軍 示 塗 相 辜 外 生 ? 所 來 樓 縣 用 日 爲 口 四 矣。 許 屬 君 東 清 梁 置獄 數 見 . 中 脱 顧 列 座 漕 公 會 意。 者 强 日 自 時 日 面 吏 身 校 屬 鎮 官,許 盡 丞 如 方參大政 與 與 淮 貸 趣 以 而 某試 耳 相 出 江 繫 之之行。 吕 依 之語 南 錢 待 來, 隆 虞 有 所 公合詞 易 兄 子 以 以 吕 吏未 口 暑 軍 公 後 訴 節 鈎 之 理 所 萬 公 不 駭 必 校 者 慮 寺 言 來 兄 計 以 半 徑 嘆 得 口 有 其 訴 薦兄。 摇 來 推 也 日 欲 歲 取 久 其 言 追 于 糾 曰 知 軍 獄 旨 遣 繫 : 密 者 其 朝 曹 情 贵 心 請 行 具 理 以 事 訪 欲 得 吕 應 作 獄 且 出 請 奏 械 官 檄 比 關 言 訴 人 解 與 吏 時 此 自 吏 于 軍 兄。 敕 以 物 至 此 軍 秀 已 門 言 胡 漕 往 上 將 不 校 ൬ 旅, 州 二公 桁 候 公 至 臣 則 殺 訴 當 以 久 事 掌 君 秀 先 楊 自 于 昉 擇 今 以 者 不 爾

漕

聞

兄

及

門,

大驚

既

見

道

所

以,

喜

甚

 \Box

吾二

人舉士不

繆矣。

亟呼

吏草奏,兄

塗

比

文案

該

敘

詳

密

老

獄

吏

所

不

能

爲

踈

略

大

爲

備

言

之,

唶

日

.

弗

口

及

己。

歸

某

亦

無

所

逃

責

0

然

尚

疑

兄

年

少

氣

鋭

或

有

也

始

得

制

書

府

庭

爲

之

震

動

非

君

來

悔

兄

日

:

我

不

知

觀

望

惟

盡

其

情

而

己。

汝

第

爲

我

行

文

書

一,它日

有

責

我

當

任

之。

既

出

尚

書

蔡

公洸

爲

守,

握

兄

臂

E

何

其

神

頓

首

感服

箠

不

用

僅

 \equiv

日

而

竣

事

大

理

吏

跽

請

.

事

體

甚

重

今

遽

己,

後

必

有

軍

伍

死

有

餘

責

即

吐

實

尚

全

爾

生

0

其

甚。

察爾

之情

欲

逃

死

耳

上

芒

朝

廷

下 下

駭

0

詰

之,皆

日

誠

有

此

而

悉

已

償

矣。」

各

以

左

券

來

有

須

會

問

于

軍

者

頌

餘

即

日

縱

遣

復

引

訴

者

謂

之

日

.

爾

之

妄

明

滿

庭

所

繫有

官

横

行

者

兄

以

所

訴

貸

錢

之

目

銷 雖 吾 名 0 儕 同 既 在 爲 就 事 法 國 譏 職 而 主 偵 訶 藏 潤 出 伺 色 任 甚 成 責 得 嚴 法 匪 其 或 輕 隨 過 各謹 成 失 請 仇 者 于 隙。 賞 上 攸 有 司 積 兄 差 弊 某 日 故 寖 :

兄 力言 然 從 不 所 封 其 至 萬 明 事 在 如 南 不 備 0 須 探 所 繁 紙 政 屑 彻 以 願 庫 踧 郎 微 諸 省罷之便,兄 也 歸 未 闕 得 某 踖 無 蓋 列 而 君 幾 神 奏 囊。 凡 官 此 號 不 而 裒 位 屋 事 任 賞 Ŀ 氣 精好 典 官 吾 退 E 朝 以 置 有 滿 皆 方 使 湛 巾 領 吏 其 備 忽 旨 紛 定 無 留 兄 立 然 主 失 殆 遣 糅 賜 命 數 意 以 由 亦不 成 初 管 立 色。 乎 使 花 中 兄 楮 返 是 而 不 規 躬 都 其 日 ? 等 使 無 兼 幣 命 相 總 之 得 督 後 謁 茶 兄 _ 吏 用 臨 以 攝 處 其 張 親 辯 帑 兄 場 即 丞 徐 不 詰 視 具 甚 臨 凡 公 數 吏 相 會 服 取 日 得 兄 聞 歡 果 彙 實 兄 於 曾 由 勤 屋 子 . 胥 摇 尚 視 之。 若 罷 籍 此 分 公 執 庫 其 角 而 輩 手 書 是 寶 受賞 므, Ŧ 之, 籍 中 弊 事 標 0 又 張 僚 有 貨 歸 非 繒 取 益 不 又 纖 公 籍 識 各 品 顧 陞 百 日 軍 物 集 進 見 僚 造 兄 任 津 得 悉 右 具 衣 將 粲

事 曲 某 趙 魏 職 旋 者 皆 業 不 無 謁 司 罷 信 之 散 公 公 謀 勑 即 最 攝 聊 可 白 **\$** 欲 又 再 清 身, 爲 嫌 主 隸 若 之 口 何 相 所 舉 相 簡 處 管 惟 用 官 四 敢 而 冒 君 未 ,素以 删 以 鎮 尚 靖 方 遠 貫 復 司 爲 H 定 敢 職 江 贵 書 ,它日 共 百 言 慮 之, . 官 遽 獄 事 使 應 兄 自 例 刑 ? 及 言 官 事 得 或 智 以 爲 守 顧 不 I. 此 一,今丞 費 恐 然 以 家 薦 可 者 能 部 1 之, 上 難 度 賴 自 章 用 嫌 亂 垂 架 不 即 必 遽 日 楮 及 活 相 力 滿 耶 且 真 閣 察 白 復 集 格 ? 幣 奏 欲 雖 文 也 故 於 薦 於 派 以 詣 知 日 朕 字 改 遂 Ŀ 況 上 多 後 資 之, 相 銓 宣 猶 願 除 前 敗 作 部 遂 如 用 曰 教 擇 記 是 詳 尚 僞 吏 兄 度 爲 郎 時 曹 定 避 時 可 者 派 此 向 言 真 子 曹 它 時 虞 相 中 用 失 今 鄉

旨 揮 時 Ŧī. 千 方 修 餘 項 · · · 司 條 路 千 酬 賞 三百 法 取 繼 諸 又 編 路 類 專 海 降 訟

欲

望

頒

行

使

得

遵

守

續

有

陳

請

自

編

0

别

勑

仍

下

諸

道

且

用

舊

法

理

斷

免

致

大

州

縣

無

所

依

據

胥

史因

得

爲

姦

反

致

淹

延

獄

雖

已

出

於

睿

斷

修

定

新

書

止

緣

頒

降

尚

遲,

乾

道

修

法

久

己

奉

行

閒

有

牴

牾

重

加

審

核

臣

可

以

求,

廉

者

淮

則

贓

吏

不

必

治

又

論

9

循

_

待

報

遷

太

府

寺

丞

又

以

輪

對

論

紹

興

和

買

事

謂

會

稽

郡

賦

額

最

重

然

經

界

:

初

物

力

及

四

萬

錢

者

始

敷

絹

今

乃

半

之

德

上

日

.

朕

之

即

位

卿

與

觀

否

對

.

臣

是

時

雖

不

及

見

今

叨

朝

列

冬

至

TF.

成

奏

篇

轉

通

直

郎

輪

對

首

誦

主

E

孝

儉

0

行

法

兄

夙

夜

疚

心,

筆

削

損

益

多

出

其

手

0

是

則

是

傚、

有

於

此

者,令郡

或

察

舉

以

聞

E

顧

而

笑。

再

奏

請

明

詔

有

司

議

V

科

目

凡

日

親

見

陛

下

拜

太

上

皇

壽

真

千古

盛

事

也

擇

其

尤

者

尊

顯

以

風

厲

天下

孝者

舉

則

忠

三四四

條 甚 氓 寵 即 出 據 止 論 有 其 每 网 門, 季 不 憑 是 左 明 矣。」上襃嘉 命 施 T 朕 兄 行 私 物 帑 無 稽 行 專 無 終 産之 貨 前 置 權 於 考。」上 下,至今遵 記 女妓 即 難 權 文 後 時 出 弊 權 爲 檢 記 民 出 與 再 之 出 差漕 柅 其 對 弊,謂 再 日 遇 勢 則 之 欲 : 最 四 用 物 從 所 出 又 不 臣 萬 著 可 陳 其 能 之。 外 即 0 與 : 且 門 以 九 弊 府 久 注 免 郡 出 全 事 宣 曰 者 印 如 守 假 才人 : 皆 此 免 諭 給 此 以 百 不 之 等 蒙 宰 朕 時 卿 共 即 而 歸 吝 睿 執 簿 既 拘 措 所 銷 爲 殊 獎 天 非 收 因 付 具 太 置 陳 不 正 今 有 0 利 平 語 都 有 雖 知 太 科 害 之 録 府 有 又 甚 中 重

見 追 逮 之平, 吏 遷 牘 大 固 它 必 理 詳 所 處 寺 當 究其 比 派 謹 0 夫 獄 兄 人 擇 所 尤 之司 不 向 恪 可 意 間 已者 命 從 里 事 廷 驚 始 謂 尉 摇 禀 又 天 天 每 獄 卿

> 之,斥 苟 者。」 矣。」 訟 翻 子 隱 考 審 長 不 是 ,深以 者 掠 廟 例 爲 覆 事 無 而 一始至 最 久之,熟見兄 堂 送 勢 尤 行 僅 節 用 退 寺 之。 稀 力 拘 相 驚 吏卒 施 爲 寺, 留 闊 中 知 顧 + 迫 問 難 既 愈 忌 吏曰 ·,使得 是 視之 則 爲 數 事 即 深 至 非 戒 呕 0 亦 得 官業 |: 「是 一去之。 人 如 立 士 兄 則 不 盡 故 適有 徒 傷 大 決 窮 究 詭 其欲言。 囚 咸 率 至 夫 日 爲 見 情 法 一之宿 大獄 前 或 則 之 底 謂 皆 初 以 實 先 未 力 日 未 官 藴 惠 俱 厭 於 有 . 9 之 嘗 時 姦 遇 露 服 處 數, 獄 案 親 見 能 有 厲 此 加 而 斷 者 加 卷 皆 也 決 軍 威 猶 真 去。 婦 者 公 甚 聽 詔 得 民 晻 人 以 爲 平 察 孺 臨 廋 預 鬭 獄 由 昧

嚴 州 兄 久 時 去 謁 告 親 歸 庭 力 省 拜 求 命 外 于 補 家 九 未 年 幾 几 交 月 代 差 知

0

外,守

宰

欲

有

所

言

親

題

曆

上

不

時

往

不

得

與

聞

其

閒

脉

絡

貫

通

了

無

壅

滯

命

以

行。

Ħ.

各

置

曆

緘

以

紫

囊

公

之擾,

又罷

無

名之

歛

期

會

寬

而

信

欣

甚

而

處

處

役

閣

或或

爲之分限

其

應

輸

者

皆

指

期

至

貳

以

F

争以

爲

不

可

兄

不

爲

變。

邑

無

子弟

凡

口

蠲

者

落

筆

掃

盡

其

它

或

爲

自言

首

尾

七

八

日

朝

莫

相

處

如

父

兄

與

夫

當

蠲

加

未

蠲

己

發

而

更

催

者

皆

使

來

受

要

東

盡

取

財

賦

本

末

審

緩

急

使

歸

之,

跡

不

留

也。

諸

邑既

已

肅

給

兄

日

郡

尚

口

爲

也

何

亟

如

.

分

往

諸

邑

公

吏

Ŧi.

白

又

旁

午

於

道

日

具

訴

煎

熬

木

急

之狀。

先

是

曹

掾

筦

庫

之。

而

逋

負

動

以

干

萬

督責

交至。

以

郡

計

訪

任

郡

更旱

潦

之餘

財

用

空

賈

陋

不

祠

有

旨

趣

行

不不

俟

臨

遣

便道

之官

九

聳

以

不

Ħ.

然

各

神

語

也

月

者 略 事 侍 謂 扶 非 及。 訴 墻 雖 厨 曰 或 者 Ĭ, 傳 郎 相 喪 民 老 良 于 . 以 則 曾 望 力之所及者 於 有 監 大率 賓 近 疑 善 種 情 哀感行 治 公逮 千 ,巷哭以 之, 厚 司 廡 事 隤 木 翕 石 迎刃 民 者 爲 來 若樓 以 然 下 當當 者 插 終 先 念 路 環 亦 愁 至 未 而 今 籬 更 務 之 送 從 嚴 求 嘆 舟 易 解 中 以 則 之。 郡 十二月,丁先公憂,徒 直 容 州 之 调 則 · 庭 子 師 易 去 近 人 於兄 響 爲 聲 忧 軍 口 者 城 壞 如 謂 在 無 政 答 化 久 士 木 官 失 留 未 平 矣。」 或 爲 之 其 場 慈 動 僅 事 日 静 必 謳 以 差 苦 感 父, 設祭 中 . 得 聞 吟。 請 次 化 + 於 要 百 馭 試 此 者 兄 廢 餘 流 潦 吏 領 郡 傍 具 以 接 聞 水 具 日 應 户 於 郡 有 爲 而 而 舉 物 部 道 有 之 聲 辨 跣 難 築 人 方 以

葬 顔 既 色深 歸 墨 追 慕 + 摧 年 割 几 不 月 口 感 解 疾 於 去卒 心 哭 力 未 貧 遠 謀

之所 臺 怒 以 不 不 度 傲 以 先 人 氏 鳴 量 相 也 베 恢 ,矜敏 過 生之 + 得 卒 倦 嗜 不 抱 0 呼 適 耐 封 其 足以 人者 洪 持 進 不 痛 閲 尤 困 辭 承 孺 年 歡 哉 知 墓 七 而 於 好 色不 莫 計 務郎 而 人。 容物, 八月 者 心 ,天才之優 哭, 左 日 南宫。 説 見 怠 利 吾 少 惰 涯 以 享 子 至 語 詩 居 1 新 澡 異。 或學 爲汝 涘 自 年 之日 男 五 家 察 \approx 午 知 録 豐 筆 Ŧi. 三人 月 作 葬兄 得 以 紹 兄 不 力 朋 受 者 也 + 書之。」 T . 吏 爲 興 風 行 人之 H 友 能 0 卯 閒 官 于 府 雅 明 吾 事 然 幾 同 進 以 澡、 奉 之 餘 有 至 竟 尚 以 觸 嚴 寮 嗚 自 人 無 深 動 化 姚 未 承 之 告 濼 不 忍 將 暇 所 而 呼 旨 傍 縣 縣 翰 免 議 言 于 勝 閱 恃 有 日 ! 近 觀 滐 龍 蔣 如 郎 才者 某, 多 哉 喪 刻 兄之 惟 爲 綸 氣 潭 兩 風 而 矣 以 學 之 爲 與 女 娶 兄 薦 而 IE. 憤 器 所 之 議 將 問 己 或 馮 料 漕 無 子 兀

者

以

曉

之,人亦

不

以

爲

件。

克勤

小物

略

如請者之意。 , 先究 不翅 流 慶賀 遺 失 委 賤 此 告 方 精 文 焉。 傳 心 運 情 其 長 以 攷 己 瞬 甚 顧 自 實 少 見 從 急 閒 證 事 蓋 多 好 息 適 於 韻 難 ^ 能 與 爲 0 之,下 其 數 説 外者。 濟 旷 必必 道 之 詩 則 晚 資 則 文》, 函 分, 亦 盡 人 詞 又 傾 更 性 如 筆 感 胸 禮 不 其 歛 身 欲 篤 身得 皆 仍 至涵 輒 其 中 見 所 爲 以 制 厚 清 集 I 人有所 誠 之欲 其 安 應之。 之喜 9 張 稍 養 新 雅 耐 書 勞。 也 好 饜 氏 尋 許 切 存 苟 **傷**,絲 亦 弗 法。 不 然有 如 坌集 給 有。 秋 務 簡 匱 登權 及 弗 豪,有不足道 用 〉,率歸 整 終 聞 貧無告 髮 而 兄 潔 日 所 者 有 不 食 預 砣 居 客 於 能 自 爲 矻 創 動 者 惰 無 恕 逃 造 日 舘 有 時

斯

冰之

體

近

竟不

就

餞

别

復

古》

與

鍾

鼎

當

壓

倒

坐人。

飫

增益

德

性

求

惟

力是

視

和

氣

薰然,

無

貴

者

爲

之致曲

之,故率能

否

則

介介

若

有

濟

物

之心

而

才又

足

以

行

其

志

此

所

以

爲

不

口

學。

遇

有

不

可,

亦

必

曲

爲

言

其

所

以

不

可

或

就之謀事

嘗

見

徐

公兢

作

篆

事

者争求

扁

牓

客

作

書,

真

行

俱

行 觴 節者、兄爲近之。 豆 貴人之門。❷ 彌 月 無 有古 倦 虚 則 器 必葺 穀 規 而 推 而 日 不 色。 徊 之 用 矱,不 自 以 人運 踈 足 晉 計 翔 晦 巧 船 濟 財 心計 閒 少 筦 人 以 其 思 尚 以己 甓 居 其 帷 閒 遇 所 庫 立 明 之志 横 旅 義 帳 須 有 士 又 身矣。 , 謂 不不 次, 知 出 長 問 器 餘 子 含 俸 性 己 望 用 就 勞 垢 容 人 問 至 使 每 滿 人,人 其 咸 試 厀 家 匿 人 取 通 之 不 F 前 乏絶, 備 瑕 之 之 勤 以 利 足 之 親 而 不 0 情 地 有 則 爲 所 手 自 以 析 賓

⁰ - 垢匿 瑕 」及下文「有弗及」, 原 殘 據 殿 本 補

⁰ 人」,原殘 據殿本 補

子,惟 素少 第 程 數 今。 止 之感人者深,惠之及物者 在 中 赴 歸 兄 之,存殁 商 而 衣 文數 年 於 益 省 日 私門爲亢宗之子,在公家爲 兄育其數 食之資 久 榷 揮 少游 遂 此 疾 闡 不 :「是吾 文 以 友之賜 十 成 義 售者 病。 兄取 人上庠。 是可 無 筆 篇 西安 以 通 端 憾。 助 謂 Ē, 叔 人 痛 其 無 使 也 口 既 必 之。 LoF 與 自 也。 父之愛子 新 9 再 滯 熟 在 坐 將 東陽 又爲 張 以 作 從 其 觀 用 選 礙 外 建 故 讀 元 爲 謂 之,曰 弟 意 於 耳 舅 立 有 謀 歛之日 之,日 晦 親 • 故 太 鏞 姑 事 廣 所 族 資 也 汝 深。」 幼 之 舊 功 沉沉 親 : 身 子 」。」飲 張 明 孤 喪 類 : 之策 E 爲 曰 爽 厚 婦 復容 有 是 爲 親 及 此 溥 求 用 然 君 善 食 家 時 未 0 取 葬 戚 之才, 文 z, 教 師 悟 聞 貌 寖 吾 交游 必 前 以 皆 嗚 温 誠 誨 在 窶 頎 霑 場 勝 \equiv 未 窮 呼 飽 兄 偉 所 Ι. 積 德 年 張 爲 於 至 下 屋 來 輟 而 1

> 之, 言。 宫及 近臣 未易 和買 絶 計 「不知 至 丘 鍨 星 也 音 愛 間 而無及矣。 兄深 之請 寺 如 復 遽 嗚 之生,先公以 里 是何 交相 馳 子, 改。 兄亦自 呼 觀 有 耋 護 惜 請 既 1 撥 穉 官來 驚 以 喪,治 上尤注意,令候 上 者 行 賜 悼 至 皆 兄之孝 度 遂遣 意之未 兄之齎志 無 一成人。 惠 郡 久 相 抱 葬 吾州 名之額 民 向 多男子之故,命兄育之。 負 而 撫 友 漕 聞 慟 後 不 究, 澡之居喪,鍨實同 孤 篤 耶?」帥 臣 哭 之 信 凡 於 終終 益 矣! 以 甚 無 之, 抗 地 搏 省 行 訪 不 未 有 下 至 膺 志 限 奏催 利 鼓 能 恩 僅 伯 何 閎 今 盡 滿 害, 舞 意 止 氏 盡 能 吊 遠 哀 日 科 喪 此 期 如 者 蠲 且 取 方 弟 哉 于 兄 申 減 傳 尚 紹 日 急, 日 力 之 丹 殰 圃 聞

撫 弟

無 原 殘 殿 本 補

選謂」及下 文「舊類此」,原殘, 據

生

事

日

廢

幸

能

以

器業自奮

改

秩

才

几

合樂以送之,兄 使家人女子 具智 方伯氏之亡,而 禍 哉 施 安, 事 無故 並 壽 憂。 百 我 設 處 略 丞 俯 而 家 去兄 家,先公棄 相 具言 轡 ,極奉 ,誠人 育之類 <u>I</u>: 日 官 兄 游 從 仰 史公、 以 寅 「當以 得 勑 宦 遠 給,憂苦鬱 宦 於 趨 親 屬 輔 局 閒 一,更爲 甚 許久,不 庭 之歡 ,吾二人分任 諸弟尚 疾 魏 郡 之一 匪 丞 闡 諸 公率里之士 敢 又 外 奉 以 0 聽 勉 孤 身服 樂也 以 同 雙 府 請 躬 幼 結 兄 勵 命 足 爲 時 調 親 益 欲 焉, 以 以 適 號 爲 榮。 每 山田 省 西 餬 郡 先公 與 慕 甚 寡 之。 相 殞 而 侍 Ħ 上, 其 適 之 夫 其 某 其 父 後 悉 深 哭之淚 之重 之! 哉 品品 亡,斷 雖 贵 之心 有定 竟 年 能 窀穸之事 神明,而 之理,未 才氣 切 又 何 而 形 1 數,不 一、嚴 有 爲 得 容 乃 吾手 嗚呼 詞不 以 郡 未 哉 如 時 大 長 陵 問 大禍之餘 兄當 此 、又雪涕以 乾 紱, 差 概 號 兄 可 足 亦 而 耶 時臨 之平 授 逃 今日之 不 太 卒

而

重

以

畫

夜

之

哭。

門

户

責

任

?

不

可

曉

也

垂白

之

母

畫

復不自免。

福

善禍

不可

活

矣。

與澡

等

忍

死

以

圖

繁

乎

?

某

泣

日

吾

兄

之

.

書

此

或

曰

子

之志

足

以

喻

其

痛

H

重

悲

夫

之,

猶

懼

不

能

勝

某

何

以

堪

9

七十

同

歸

拜

母

俱

存

兄

弟

先

連

以

居

過

以

毋

貽

親

鄉

曲

豔

其

盛。

大

E

圃

先

公

益

某

自

度才

耶

?

世言

陰

德

隱

行

有

益

生

以

棘

寺

數

月

治

獄

平

兌

民

循

良

(之効、

亦宜

得

佑

於

不

及澤其

子。

竟

何

爲

哉

事固

有能言之者,

贵

真

相

語

日

仰

.

意

以

佐

其

傍

以

報

焉

勞,而

切

7,大事:

未

涯

天乎

哀

也。

不

幸

天

又

月

以

政

事

攻 媳 先生文集卷第八十八

以

寫

吾

之悲

也

吾暇

文

乎

澡

而

使之求銘焉

謹

狀

不

得

顯

於用

特

書屢

書,

猶

攻媿先生文集卷第八十九

有

八狀

本

貫

玉

牒

所,

諱伯圭,字

禹錫,年七十

四 明 樓鑰大防

行 狀

皇 伯祖太師崇憲靖王行狀

曾祖 世 將 華 州 觀 察 使, 贈 太 師、 福 或

公。 妣 李氏 封 淑 贈 商 或 夫 人。

妣 劉 氏 ,封宜人,贈 齊國夫人。

祖

令譮

武

略

大

夫,贈

太

師、益

或

公。

太 封 師 秀王夫人。 、中書令,追封秀王 父子偁,左朝 請 郎、 益 祕閣修撰 安僖。 妣 贈 皇兄、 張氏

> 聖家 睦九族,恩禮隆備,真足以度越千古。 法 某仰 相守 惟 皇 道,本支緐衍,日 朝 以忠厚仁澤 涵養天 熾 而

年 爲 龍光 人臣 外。 牒, 嘗考福國公藝祖皇帝之元 四 而 長自見,爲世豪英,代不乏人。 請,雖威 溢萬鍾 國史》,開 安僖爲秀州嘉興縣丞,孝宗實生于官舍 十餘年閒其惟崇憲靖王乎? 翼、黄之政,人有旦、奭之望,兼 又壽考康寧,子孫盛大,始終 赫奕, ,出處繫海 自熙寧間稍就外補,才業 不 望 以 彰明 知 或 幾 以 閒、平之賢,躬曾、 有如 内重輕者。 人。 來 屬 然皆生長宫邸,專 周王,亦未嘗著 近 行尊、貴窮人爵、 若夫歷 **漫顯,各以** 孫 曾未有位 無憾 閔 也 某四 之 建 是 事 民 一百 數者, 行,出 下, 四 昌 掌玉 奉 庸 親 朝, 所 於 富 考 極 朝

許 堂 侍 橐 先 選 築 安 慟 \pm 極 Ŧ 停 恩 在 故 以 哀 ž 外 植 擢 矣 祠 表張 堂 毁 奏 髫 事 襄 生 宣 之器 V. 見 齔 於 不 事 \pm 和 補 拱 • 似之, 其 及 又 行 有 元 者 聽 將 識 進 升 在 長 年 豪 隕 成 仕 自 用 秀 所 長 子 貢 不 涕 安僖 X 郎 少 州 而 也 取 風 建 殁 0 士 已 彌 爲 袁 弟 於公家 有 有旨令秀 + 不 大 謹。 安 嘉 安 廟 追 喜。 \equiv 凡 僖 交 興 僖 封 於 年 矣。 游 安僖 被 府 绺 賜 肅 雖 皆 安 服 謚 州 域 重 所 銓 紹 僖 任 儒 之 應 客 曹 以 興 如 薨 子 時 寵 辦 雅 寵 七 以 濮 必 名 請 尋 命 賚 法 安 年 \pm 王 由 之 舍 懿 號 明 不 以 王 又 傾

警盗 無 邑 苦 百 所 容 多 + 里 則 1 焉 几 盗 而 家 年 近 王 應 授 有 歲 周 之, 鹽 右 久 行 鐵 淤 迪 境 塘 家 塞 功 内 容 郎 自 鹽 以 女好 金 運 秀 Ŧi. 則 Ш 不 州 家 几 海 通 華 爲 家 亭 甲 口 屬 \pm 縣 坐 郡 建 尉 家 議 盗 城

帑 既 習。 謀。 檄 掾 劾 戚 爲 請 疏 普安郡 至 廣 止 庶 狹 郡 觀 廪 鑿 樂 云 流 補 吏 寬 口 民 一、卒賴 事 從 若 凡官 償 竄 假 Ŧi. 材 爲 役。 足。 . 不 望 年 桴 發 Ē 調 納 則亡 既 筏 守 知 者 王 懲 爲 軍 筏 戚 地 有 興 周 調 役 材 隨 其 不 臨 四當 皇子 期 士 有 方 用 治 失 獄 宣 守守 己 靡 聽 利 視 林 出 Ŧi. 會 未 者 逮 州 具 優 馳 益 木 戍 死 白 迫 晚 繫 王 不 司 齊 王 封 犒 詣 役 皆 繕 歎 甚 也。一 甚 法 復 王 或 建王 道 辯 E 民 軍 默 服 士 治 衆 參 可 一之喪 郡 愈 疑 : 中 恐 識 卒 之 代者 郡 得 軍 境 力 而 法 三十 競 之, 不 守 勞 0 以 争之。 可 是冬以 後 及 津 以 勸 以 古 將 得 若 既 屬 歷 V. 年 事 加 4 險 以 甚 案 承 小 至 王 甫 津 辦 9 詳 保 前 重 酒 假 重 M 守是 舉 孝 又 梁 會常 畢 世 H. 讞 梁 全 歲 政 解 宗 然 主 非 則 H. 行 而 王 王 9 弊 官 方 獄 自 告 度 罪 尋 平. 循 所 Ħ. 師

全 吏請 訟 殿 三十二 公 歉 郊 備 尉 以 修 從 明 魚 爲 修修 舉 州 使 事 利 活 爲 矣。 潮 政 密 傳 飢 補 嚴 撰、 乎 未 没 充 溢 郎 擢 受 檄 民 苴 一年六 真 衰 譏 細 人。 以 沿 知 赴 麢 不 敷 罅 亟 明 里 邏 民 息 台 爲 絶 遣 海 至 人 漏 文 年 月,孝宗受 特 富 多 王 具棺 州 ,民始 驚 制 獲 舟 閣 夏 而 以 改宣 或 日 水 置 鹽 濟 分處 歲 待 添 大 灣鹽 譌 殆 歛 隆興 使。 則 溺 課 差 制 義 商 酗 晏 及 屬 遠 者。 歸 寺 自 兩 死 抵 郎 鶭 然。 女 之官 人不 元 内 虜 二年 觀 若 浙 其 于 罪 垣 再 水 尋 年十二 禪 徒護 西 也 9 城 王 發 乾 不 犯 幸 將 0 王 添 路 命 丽 下 道 廪 深 至 秋 邊 差 八 人 爾 喪 以 縱 提 邀 念之, 月 元 城 潦 月 此 振 囊 通 治 則 刑 以 嚴 其 郵 捄 年 暴 齎 判 以 除 忍 行 人 民 囊 司 筒 海 歸 漲 明 戸 諭 多 歲 幹 幾 職 於 道 改 集 大 土 萬 州 所 之 獄 大 遠 明 以 知 洲 塞 事 英 辨 爲 加

禮 冬,以 攀 以 以 茅 舊 六 感 建 例 家 年 疾 人 海 邑 皆 月, 號 藥 溉 砧 蓄 有 悦 \equiv 0 帥 矣。」來 H 擁 戎 今見 浮圖 至 道 灌 利 事 碶 沈窖湖 泄 必 邦 以 酋 絶 至 送之, 自 水水 行 親 人 獲 一今其 與 以 致 而 而 者 中 縣 舉 繪 以 則 海 嘗 慈 時 復 争 謝 豪 國 且 俸 留 \pm 寇 以 面 衣 親 或 蘇 谿 者 曰 言 規 餘 右 像 慈 功 色 再 接 人 視 : 息 政 溢 模 死 不 足以 深 谿 侵 任 以 以 其 畛 矣。 陞 不 商 解 宏 吾 米 築, 墨 益 祈 爲 宜 琛 敷 之家 或 不 帶 定 古 勝 終大事 壑 壽 貢 哀 民 文 思 \equiv 俾 貴 人 海 感 紛 抵 至 閣 動 失 所 年 既 浚 於 居 盡 近 慕 島 今 争 其 以 直 行 悉辭 遭 猶 舊 E 捐 口 夷 秀 賴 遂 路 久不 利 學 惠 流 殁 溝 問 内 傳 所 Ŧ 之。 士 除 民 喪行 歸 艱 聞 王 之。 夫 定。 早 尚 溝 者 籍 四 開 之貲, 安 方 人 成 没 擗 則 又 浚 籍 無不 否 有 年 之 寢 定 賻 邦 足 復 其 踊 兩 \pm

東

顧

遣

謨

閣

學

1:

以

寇

之

請

也

0

E

官

賊

破

力

捕

及

將

士

復

亦

從

招

服

恐

其

合

虚

實

動

息

清

以

王

之。 與與 東 書 郡 下 瞻 新 憂 謀 生 頃 械 年 朝 所 以 閣 生 學 疑 人 時 宗子 歲 祠 本 歸 其 實 服 員 宫 之, 徐 謂 得 稽 膠 主, 備 增 六 於 欲 之, 除 同 頹 德 定 旨 東 置 古 不 年 西 直 Ξ 爲 璽 弊 榮 增 八 海 移 大捷 序 遵 書 陞 益 犯 明 度 後 書 月 覘 葺 控 定 防 籍 大 學 治 吾 倫 多 褒 地 之, 舊 再 之後 扼 檢 出 制 海 士 境 戰 修 城 焉 月 誉 之 知 者 軍 緡 司 得 艦 堂 隅 課 飾 或 衝 明 錢 水 于 要 度 爲 海 海 歸 俾 諸 以 取 嚴 譌 葺 州 軍 平 寇 領 容 不 波 至 科 IE 生 人 閱 傳 屋 之。 舊 江 葛 以 學 所 齋 不 萬 口 級 揀 習 下 虜 數 屯于 之 驚 徹 明 歸 竈 者 習 舍 汰 舍 + 以 結 自 車 許 張 備 門 軍 以 又 遂 楹 城 閑 謁 張 高 於 大 而 甚 浦 廡 造 寬 移 先 麗 降 外 是 酒 成 軍 以 以 之降 郡 散 之 授 年 以 罪 願 德 又 來 黨 人 庭 口 \pm 尤 有 以 之,反 陞 巢 技 詰 問 股 人 以 不 久 以 海 官。 之,其 分 也 顯 危 倪 始 方 窮 可 穴 而 栗莫 道 之, 貸

殺

之,

後

H

有

以

佚

罸

其

鋒

以

爲

請

誘

懷

H.

恐

其

脅

從

者

德

號

倪

郎

之

江

相

與

V.

 \pm

請

于

規

矩

醴

勸

爲

之

末

明

感

泣

悔

懼

願

自

效

又

進

其

之

殿

御

聖

顧

Ŧī.

略

授

將

佐

每

遇

必

勝

王

日

兵

不

0

遣

人

諭

以

逆

順

禍

福

遂

降

羅

拜

於

敢

仰

視

王

爲

却

兵

衛

霽

威

嚴

鎧

甲

器

制

可

軍

來

者

無

者言

處

之。

校

若 平 實 害 放 苴 萬 謂 寀 寬 出 有 慮 不 此 量人 生 貸 餘 鄰 猛 事 糶 ,不易之道 萬 反 日 多 官 富 使 池 周 死 緡 也, 相 勸 郡 樂 易 百 無 米 者 爲 密 人 濟 汝 扁 遣 廢 交 業 閉 諭 爲 舟 亦 出 類 至 欲 其 具 餽 碎碎 使 金 人 糴 尋 無 平. 用 以 此 數 希 舉 糴 堂 平 以 之 0 易 亦 敢 求 盡 其 + 與 利 幸 於 失 之。 日 兩 踵 歛 再 近 裕 在 歸 器 白 其 災 浙 而 造 郡 乎 犯 民 至 不 廣 公 耐 一 而 人。 冒 其 西 ? 在 及民 治 前 者。 生 帑 書 行 取 0 重 千 其 抵 之則 庭 後 嘗 者 姓 急 禁 不 閉 價 里 於 9 0 + 每 列 行 名 獲 又 飾 征 邪 糴 必 安 大 罪 以 年 益 之 日 石 得 於 ? 鑄 者計 以 厨 據 之。 平. 郡 甚 於 既 籍 政 資 率 其 傳 銅 案 人 0 之 側 妄用 者 久, 從 尚 利 窮 節 究 禮 饑 不 後 與 西 乃 末 數 中 其 用 遇 湖 犯 錢 王 刻 沛 事 争 出 而 輩 减 和 之 情 愛 决 寮 先 採 然 不 爲 包 孰

> 流 捕 或 月 雖 不 不 宫 始 優 敢 之 絶。 恩 于 得 詔 禁。 意 請 去 以 狎 周 郡 私 待 至 除 治 之 也 遇 端 而 日 0 賓 明 寓 歸 自 客, 貴 殿 公 志 以 學 賤 寄 不 不 久 耋 士 客, П 去 爲 穉 0 提 松 豪 皆 攀 淳 舉 楸 侈 得 轅 熙 江 , 其 絫 挽 元 州 而 歡 留 求 尊 年 太 閑 心 + 平 俎 出 9 退 境 興 風 而

宗 高 以 月 月 德 王 玉 見 宗 帶 0 語 天 卿 軍 加 充 登遐 節 高 0 人 \equiv 顔 明 開 + 皇 撫 度 年 感 堂 府 主 勞 又 曰 使、 積 動 儀 大 朝 年 甚 . 奔 官 禮 口 提 至 于 清 赴 充 至 吾 \equiv 舉 橋 德 問 郊 朝 欲 司 隆 道 禮 見孝宗於素 壽 欵 祀 奉 自 興 頓 成 充 宫 密 别 大 見 遞 府 萬 夫。 高 廟 加 篤 使 玉 壽 王 亞 少 皇 睦 隆 觀 保 性 喜 獻 之 至 幄 萬 使 素 月 日 恩 是 壽 封 0 謹 + : 始 龍 祭 宫 换 九 几 賜 久 不 見 授 輴 陽 年 年 啓 欲 敢 孝 以 郡 九 九 安 加

重

嘗

召

王

及

諸

子

宴

于

北

宮之静

齋

敢

言

孝宗

笑

日

何

太

謹

也

然

以

此

益

:

焉

每侍

清

燕之閒

兩

宫

皆

待

以

家

人禮

Ŧ,

執

禮

愈

恭

語

不

輕

發

H

孝

宗

宴

私

隆

治

不

覺

前

席

密

問

潛

龍

時

事

王

孫

避

良

久

徐

閣

有

司

既

度

材

矣,

E

恐

重

費

縣

官

又

古

辭

屢

嘗

臨

幸

光

賁

林

壑

詔

益

其

地

並

湖

爲

複

翰

也

紹

熙

中

憲

聖

洎

孝

宗

光宗

皆

同

中

囂

9

奏:

臣

老

矣,

不

復

記

省。」

問

至

再

終

不

僖

祠

堂之

側

屢

欲

奉

孝宗

幸

祠

弟

力

辭

憲

聖

慈

烈

皇

后

賜

水

月

袁

堂

日

瀛

燕

亭

日

玉

林

湖

州

私

弟

中

又

有

堂

日

一慶

遠」,

圃

月

詔

覲

加

太

保

嗣

秀

王

仍

賜

甲

弟

於

安

9

月

光宗

龍

飛

以

皇

伯

加

少

師

紹

煕

元

年

加

少

傅

月,

充

明

堂

禮

頓

使。

+

六

年

塗

事

大

體

重

詔

充

總

護

使。

五.

年

六

月

曰「小

隱

樓

日

溪

Ш

勝

概」,

扁

榜

皆

朝

宸

亥 命 賜 議 辭 慶 襃崇 有 年 弟 兀 御 司 春 爲 元 于 筆 復 之 趣 火 年 Ė 答 誉 禮 災 召 日 以 0 舊 延 賜 復 邸 燔 乃 肩 遜 + 詔 乞 輿 避 拜 几 贊 還 莫 中 月 至 拜 湖 П 書 殿 不 \pm 州 門 名 勉 丐 故 令子 從 Ŧ 歸 居 嘉 所 以 孫 守 泰 請 九 曠 扶 袁 改 月 典 口 掖 廟 兀 癸 别 Ti.

喪。 祠 藩 顯 厚 金 玉 流 左 質 節 其 長 武 秀 賜 設 袁 金 光 大 賜 遺 絢 弟 祭之文 夫 奏 子 棺 相 于 爛 舊 、保 積 孫 聞 綏 京。 履 繩 久 允 章 是 康 L 以 愈 繩 甚 文 廼 荒 震 蟬 軍 孝宗 厚 寵 百 文 分 承 冠 悼 考 茅 篤 世 太 宣 朝 \Box 輟 念 社 生 其 師 則 使 服 . 視 于 功 賢 昌 吴 維 友 歛 藝 朝 \pm 思 其 垣 彼 日 祖 遣 巖 \equiv 忠 祭 篤 兄 衮 造 濯 内 日 巖 等 陽 不 衣 邦 侍 濯 秀 Ŧi. 忘 賵 召 煌 祥 邸 押 繇 源 人 赤 贈 煌 麟 班 建 不 護 旂 外 深 加

宗 薨 氏 成 月 幣 命 然 遣 邇 精 昌 弗 方 爰 無 日 皇帝 父保 癸 清 太 0 Ш 使 . 降 神 遑 暨 維 憾 壽 追 一之原 卯 以 城 臧 常 方 子 沖 我 此 贈 酌 典 行 諸 彊 貴 嘉 外 愽 人 伯 慶 刑 弗 齊 齊 子 天 極 乃 孫 士 祥 牲 祖 軍 孤 云 應 胡 侍 魏 Ŧ 遥 謂 愈 動 也 錢 奉 亡。 父 承 娶 龍 忍 孫 謙 致 或 當 粢 維 王 易 臚 宣 安 封 初 子 携 標 夫 奠 白 之喪 盛 年 緘 大 直 旬 使、 德 衛 翔 斚 人。 的 年 殲 父 庶 辭 蟬 耋 不 等 或 帝 宗 駙 行 品品 此 益 名 往 冕 以 鎮 軷 葬 姬 夫 宣 英。 夙 馬 老 生 奠, 相 莊 賁 之 此 祭 干 用 力 有 人, 都 紫 成 望 宗 女信 泉 鳥 薦 寄 死 于 奉 百 懿 尉 踰 微 先 扃 盟 哀 程 哀 都 哀 範 爲 釐 邦 爰 王 是 七 誠 榮。 安 縣 門 光 飭 列 比 望 令, + 不 媲 郡 0 爰 觴 調 水 外 邸 邦 來 八, 以 遠 兀 + 娱 德 實 \pm 遜 主 新 朝 典 熾 徽 宋 量 實 伊 年 隱 文 又 鄉 澼 多 娠

郎

添

差

兩

浙

轉

運

司

主

文

字

張

似

續

次

事

鄭

嗣

宗

蚤

亡。

次

永

嘉

郡

主

適

故

宣

教

縣

主

適

故

朝

議

大

夫

直

祕

閣

知

蘄

州

軍

州

俱

得

旨

除

直

祕

閣

未

拜

女三

人

:

長

嘉

興

郎

添

差

通

判

廣

德

軍

事

師

显

師

彌

師

貢

議

郎

添

差

涌

判

嘉

興

軍

府

事

次

師

貢

宣

教

朝

奉

郎

新

權

發

遣

通

州

軍

州

事

次

師

彌

奉

臯

保保

慶

軍

承

宣

使

提

舉

佑

神

觀

次

師

昰

次

師

禹

慶

遠

軍

承

宣

使

提

駆

佑

神

觀

次

師

先

Ŧī.

年

卒

贈

昭

慶

軍

節

度

使

追

封

信

或

公。

蚤

次

師

卨

深

州

防

禦

使

提

舉

佑

神

觀

使

提

舉

佑

神

觀

兼

秀

安

僖

Ŧ

袁

令。

次

師

垂

定

江

軍

節

度

使

提

舉

佑

神

觀

次

師

稷

謚

恭

祭

次

師

揆

檢

校

少

保

奉

或

軍

節

度

之

襄

奉

哀

毁

而

薨

贈

少

師

追

封

新

安

郡

 \pm

節

度

使

開

府

儀

百

_

司

充

萬

觀

使

以

王

賢

用

肥

 \pm

家

子

男

+

人

:

長

師

夔

興

寧

軍

差 差 補 引 杷 次 次 郎 孫 郎 軍 婺 見 江 女 官 適 適 監 新 + 州 次 從 陰 希 司 承 兩 差 觀 曾 人 吴 適 邛 事 縣 事 浙 幹 察 孫 珙 郎 承 事 郎 轉 辨 長 承 推 女十 節 9 胡 運 特 御 事 特 永 官 餘 郎 元 司 前 添 郎 沈 康 Ŧi. 添 未 卿 造 新 忠 差 燁 人, 縣 行 差 ; 船 差 佐 婺 餘 主 次 通 長 餘 場 幹 軍 Ŧi. 州 曾 適 適 尚 適 判 范 辦 人 觀 頭 孫 文 承 幼 通 嘉 幸 御 引 察 林 九 務 未 直 興 9 前 見 推 郎 郎 賜 郎 次 軍 忠 官 司 名 未 府 適 特 佐 特 吴 知 林 補 事 保 賜 軍 璞 改 改 燮 江 官 添 添 名 頭 義 韓 陰 9 ,

崇 呼 既 鳥 方 覺 散 導 程 \pm 聲 之 天 嗚 朱 猶 菁 及 人 呼 袍 爲 在 1 Ш 也 而 安 耳 最 杜 冕 僖 其 佳 甫 者 免乳 1 生 謂 直 1 宅 也 汝 之 至 之 兆 陽 秀 而 寑 際 銜 王 食 所 王 香 哀 爲 夫 奏 霧 真 走 然 人 鈞 數 滿 天 夢 念 室 天之樂 百 力 彩 終 里 不 仗 某 能 傳 謂 惟 H

之? 翼 嘗 所 得 紛 致 公者 四 舍 以 欲 右 曰 巡 加 適 日 率 求 護 售 見 覺 見 . 求 無 覺 夢 裴 膏 拯 鄉 爾 訶 嵲 動 葬 神 莫 叟 有 神 今寝 口 而 問 援 R 屼 心 過 人 贵 形 地 日 其 游 道 知 乎 甚 之, 如 既 久 禱 1 以 狀 乎 處 帝 旁 何 袁 ? 注 之, 哀。 爲 橋 雨 是 則 獰 ? 所 故 藁 是 嘗 守 道 闔 望 此 異 瞑 日 夢 葬 尋見 也 9 王 以 境 我 曹 叟 之 而 士 後 又 而 纍 神 閔 告 邪 矍 久不 繡 忽 嘗 不 伏 出 憔 告 纍 所 公它 方 ? 足 雨 衣 然 跌 前 章 郊 夢 悴 我 召 派 告 安居 翰 者 有 其 曰 悉 與 日 矣 者 郡 王 過 日 頃之, 暴 支 帝 0 . 林 人 爲 乘 時 當 盛 日 言 體 露 學 既 指 願 掩 小 官 9 橋 服 爲 . 汝 居 者 不 許 舟 岢 士 瘞 庇 所 語 端 地 何 之。 適 湖 洪 之。 環 恍 具 1 我 姓 人 立 主 王 者 有 心 以 公 矣。 所 繞 之 趙 日 如 邁 晚 悟 夢 唯 見 紛 召 故 數 僧 地 知 ៣

始 載 了 屬 如 覺 纊 王 於《 無 體 之日 之交於神 怛 夷 中 堅 化 有 志》尤詳 起 異, 殆 處 僊 集 皆 如 去 子 明 平 矣。 孫告之日 白 時 神 圃 異 夜 嗚 又 之 尚 有 呼 事 觀 0 驗 1 古 於 時 爲 王 至 甫 後 難 真 矣。」 言, 天 鼓 故

也。

之,四 有 得 則不處。」又 之疑,與客 平生受用不盡。 秋 儉 愛欲 食色 度 謙 方外之士 二丁必具盛 勤 王 十年 無情 雖 煩 了,皆其一 風 惱 重 姿 未嘗 反覆 保 對 一, 書 旁 秀 禮 天 長 饌,祭先 取 治 挺, 義 分分。 廢 論 廣 生。」書之坐隅 又喜 釋、 法 以 辯 襟 大 安之。 門。」又曰: 每 加 老二家 度 又摭 慈 誦 聖于家 \Box 以 粹 《 孟 悲 熟 好學,善 夷 其旨而 方 富 流讀《論 而 子》,間 便 忠孝 貴 塾, 爲 以 忍 可 之説 願 自 率子 語 持 爲 辱」八字 求 誠 舉 警。 有 言 論 篤 · 曰 情 非 孫 曰 書, 書 拜 皆 道 恭 春 .

之。 辭 至感泣 之。 寬 以 治 棋 此 方 色。 之,且曰 詠 躬 如 食娱侍,夫 日 厚 品品 賡 此。 便, 獻 督人舟,王 ,未嘗案 ,奚俟多言?」 弟戒以 侍側 後其 有餘, 不以 其 酬 甚 廣 智之功 喜玩 愈出 高 . 徒復爲之辭,幾 大, 貴 勝 子 燕 謹 人 事 皆 法 冠者衆,童 盛 何 將 聖 居 守 寮 也 無 必 秀 其 愈新 自 待 書, 自 丞 之 儒素 難 屬 勉 王 餘 其 居 我 怡, 屬 事 夫 忍 色。 以 字 事 人愕 之 作 辱, 邑, 恕 嘗見 人 也 多記 畫 申 淺 居 下至 使者 尤 尉 温 謙 數百言。 申 而 久之不 也 閒 慈悲, 謹 時 服 丞 詩 秀 之德 夭 退)° 見王 有 則 臧 如 膺 相 詞 如 夭, 終 獲 也 慈 以 迎 筆 魏 其 部 蓋 也。 敢 一。皆假 爲 徒 此 ,未嘗怒 訓 養 無 文節 使者 爲 其 Ŧ. 一之用 進 端 剡 步 不嚴 在 自 書 疾 所存 目 亦亦 富 官 娱 其 言 王 公於 之色 責 要 也 旁 賦 在 遽 者 悔 派 趣 以 退 而

之。 所 遺 親 邸 爲 能 也 至 興 重 Ш 非 棄 弟 守 舊 味 記 前 太 不 閒 所 吝 之 守 買 憶 ル 雨 必 則 歎 器 聞 先 也 雪 貧 極 屋 日 募 賤 也 至 不 以 屏 者 H 而 輪 H 0 乳 亦 録 華 騶 勢 月 居 拜 奂 竟 爲 者 其 飾 閧 某 位 有 之 表 之 則 與 收 稍 小 凛給 起 遼 美。 衾 僅 及 之 加 育之。 加 字 令人走 書 絶 襦 門 畢 周 禮 葺 以 生 今見 用 嫁 下 旋 不 治 示 而 布 築 娶 總 車 蓋 間 敢 不 謁 之, 病 屋 自 角 詹 用 浣 忘。 里 有 己 趨 尚 朋 故 奉 之 事 濯 使 賑 請 人 就 窮 游 至 以 王 鄉 矣 隨 紉 賓 施 人 事 薄 義 公 補 人 高 媿 王 雖 廡 力, + 爲 者 嬰 賓 歎 下 不 食 寒 意 左 客 真 則 孩 濟 朋 棄 不 吴 :

貂 進 蟬 拜 寶 某父子 帶 撫 進 有 兑 止 加 弟 有 焉 出 度, E 王 照 在 門 映 朝 班 晚 端 列 與 Ш 班 古 立 綴 E 玉 增 時 色 重 得

哲 實 哀 弔 銘 親 聞 從 朝 自 自 殄 於官 不 佞, \pm 賜 制 建 俾 挽 於 見 求 容 而 是 瘁 動 廷 竊 質 之書 者。 多有 聲 葬 無 節 之 之 心 舍。 皆 狀 惟 者 既 由 之 私 不 色 痛 紹 王 E 忝 盛 表 後 不 兼 敢 熙 屏 視 但 之抱負 獻 之行, 且 而 惟 德 直 見 及 忘 末 王 居 草。 日 替 外 富 致 於 明 禁 全 之 爲 也。 年 海 無之,故莫 廷 貴 酒 外 之 林, 美 執 諸 非 將 角 迨 屬 逼 往 語 殺之饋 人 紼 王之訃 子 以 丐 王之-目 細 來 不 淺 去 不 之 外 但 自 求 事 9 兩 陋 露 倚 思 敢 役 名 加 見 墓 少 而 本 得 者 宫 於 王 最 聞 以 位 若 其 恩 歸 隧 保 不 亟 聞 所 人。 以 深 姓 H 施 調 養 兩 識 必 之 而 走 隆 焉 爲 能 名 尊 於 威 虞 鎮 書 碑 F 至 Ŧi. 不 暑 究 或 重 密 敵 人 重 遠 詩 識 中 此 識 流 拜 有 而 脩 己 勿 某 保 寄 皆 \pm 所 以 涕 中 某 訪 造 以 者 自 有 明 藴 爰 不 事 傳 若 寓 厀 相 别 **令** 所

攻處先生文集卷第八十九

太史氏,以備採擇。

謹狀。

攻媳 先生文集卷第九十

諱

淮

,字季海

年

六

十有四狀

本貫

(婺州

金華

縣

大雲鄉

安期

里。

王公

四 明 樓鑰 大防

行 狀

少師 公行狀 觀文殿 大學 \pm 魯 或 公致 仕贈太師 王

曾 祖 本 絫 贈 太 師、 魯 或 公。 妣 陳 氏,

贈 魯 國 夫 人。

祖 登 一, 故 任 承 議 郎, 絫 贈 太 師、 魏

或

公。

妣 陳 氏 贈魏 或 夫

公。 妣時 父 師 氏,封魏國太夫人。 德 故 任 宣 義 郎, **絫贈** 太 師 楚 或

E

而

召還,諸公争欲

羅致。

公曰:「受蕭公

之鳳林,後徙 至魯公守道自 金華, 晦 始闢 遂占 家塾,延 名 數。 名士以

潭縣。 秩滿 尉。 七日 也 爲 孫。 多委公裁 趨,率有彝 學士何公溥志其 由 [漕薦] 吏部 ,倜儻有大志,義 循 郡 ,幼穎悟,粹温凝遠,寡言正色,顧瞻 政和二年,魏公以科第起家,知潭 王氏系出 守 擢 尚 是生四子,次日 左從 决。 蕭 進 書,終顯 度,力學善屬 士 公 政 科 太 捕 振 郎 調調 墓。 原 盗 謨 五. 見即 應格 風 左 蕭 閣 公生於靖 爲 迪 季 公帥 學 師 不 以 文。 鄉 功 避 心, 士。 公輔 里 郎 地 就 蜀 紹 繼 所 至 台州 其 康元 興 敬 期 踵 辟以自隨 婺,居義 二十三年 幼 之, 世科 世爲 十五年, 故 即 臨 年 訓 郡 六月 楚 州 翰 海 步 公 子 事 縣 林 湘 鳥 仕

柄

聽

於

E

使

號

\$

無

紛

更,

官

吏

無

數

成

法

失

部

自

有

正

百

官

體

貌

大

臣

勿

假

以

權

刑

朏

陟

之

知

無

則

其

它

將

不

革

而

自

去。」

上欣

然嘉

納,公自

其

矜

勢

以

養

尊

小

臣

持

禄

以

遂

私

執

政

以

前

批

括

囊

爲

智

以

引

去

爲

高

願

陛

下

Œ

朝

廷

以

情

法

監

察

御

史。

六月,遷右

正

言

首論

大

臣

要

聽

詔

舉

臺察,薦公及史、虞、

劉

四

人。

几

月

擢

有

送

重。

三十

年 再

考省試

知

舉

朱

公倬尤

知

公。

乃

者

休亦

人

,抵暮始

歸

時

名

臣

汪

公應辰

史

宗

公浩、虞公允文、

陳

公

俊

卿、劉

公珙

雅

相

器

務。

教

授。

既

人館

屏遠

人

事

益

讀

未

見

書

假

加

高

要

1469

罪

之

誉

祕

書省

校

書

郎

二十九年,

兼吴王、益

 \pm

府

在

請

總

字。

一

七

年

爲

省

試

點

檢

試卷官

知

舉

湯

宰

既

歸

授

國

子

監

書

庫

官

改主管

吏部

架閣

文

無

公

初

深

知

故

奉

親

爲

萬

里行

詎

爲

利

禄

計

耶

?

以

公鵬

舉

薦

除

樞

密

院

編

修

官

冬,

兼

檢

詳

諸

嫉

風

房

文字。

+

八

年,

改

左

宣

教

郎

月

爲

私

三六三

問 業 惻 月 違 成 然 也 制 法 轉 亟 來 左 有 大 眷 上 御 奉 金 諫 遇 筆 議 盡 繒 議 日 令三 之 大 郎 去 隆 夫 宿 賜 省 何 四 弊。 且 六 公溥 月,丁 將 曹 或 大 遵 依 入對 用 楚國 守 違 遷 = 此 憂。 就 就 + 令傳 實 公 F 則 之 聞 年 旨 坐 之 IE 相 慰 以

言 治 月 月 必 部 檢 公端厚 E 副 欲 照 責 外 聞 使。 使 轉 者 有 0 致 典 治 隆 左 或 誠 興元 君 乾 除 之 ,是冬除 故 承 史 補 科 慤 於 道 策 院 議 治 有 年 堯 改 鹽之宿弊 尤 Ŧi. 體 郎。 編 狙 舜。 詳 元 直敷文閣 服 月 _0 修 之者 兼 官。 除 十二月, 四月,除 召 上 又 0 皆 赴 奏 皇子 洗滯訟 未 與 孝宗厲 賞 行 監 幾 外 歎 福建 恭 在 起 祕 司 皇 任 郡 知 書 Ŧ 之冤 陳 且 孫 精 路計 江 府 守 少 責 降 政 監 州 數 直 難 枉 : 生 事 年 講 0 易 度 之説 治 閨 卿 又 及 轉 妙 申 兀 以 乞 内 最 七 居 運 選 年

矜,直兴 之重 既 賦 擾。 之。 閩 年 告 辭 遷 慈 將 又言 奏 奏 平政」,生 六月 浙 中 病 轉 祥 赴 籍 事 而 備 鎮 州郡 冬, 奏事 清 利 運 止 右 欲 榷 器 改 加 改改 公命 簡 副 病 水 轉 使 建 以 酤 簡 任 畢 始 使 及 災, 一爲 崇 熟公仁 無 兩 左 寧 拜 情 建 ,上令一至 兵、 以 水 建、 立 朝 一人之獄 風 府 浙 禮 欲令 尋 谿 早、義 石 或 足 祠 散 西 教 劒 0 有 用 仍 爲 厚, 食 以 路 郎 公於詳 許 浮 召 務 之, 舊 輕罪 汀 八月 川 提 梁 炷 命 倉、 浦 儉 東宮 職 事 七 點 潦 言 香 又 邵 既 水 節 編 典 年 刑 轉 以 又言 切 讞 去 F 軍 置 爲 對 水 者 獄 迎。 戒 皇 獄 左 之 供 任 天 而 先 祥 尼 則 , 失太宗奉 太子 預 公 朝 差 際 銀 橋 御 申 曦 疏 撤 之,公亦 役 莅 借 事 奉 軍 成 鑿 明 節 殿 去, 尤 悉 政尤 折 以 郎 9 之 年 之 闘 E 人 帛之 切 施 榜 行 師 陳 要。 役。 壽 征 法 哀 奏 以 行 力 就 儒 者 擇 六

陽 當 來 月 救 舍 年 隸 姦 朝 兼 Ŀ 於 縣 十 二 人。 之 + 加 禁 除 臣 太 詳 開 未 戒 止 除 F 中 子 月 或 月 行 九 授 相 書 左 男 年 除 上 縣 賜 使 沿 兼 亦 舍人,仍 庶 閨 之 日 田 食 事 太 天 有 太 子。 推 之 IE 邑三 常 先 下 子 Ŧ 家 月, 吏 議 不 次 小 詹 几 機 兼 當 或 百 論 卿 見 供 事 月 兼 速 直 取 户 行 其 切 職 9 權 則 學 轉 兼 民 當 重 + -過 者 先 吏 士 左 權 禄 閒 部 朕 施 直 朝 月 己 九 望 侍 盗 行 所 學 佃 請 月 申 簡 論 郎 兼 販 而 士 之 郎 舊 兼 榷 後 注 軍 權 院 制 \mathbb{H} 侍 封 書 貨 興 中

月

書

1

所

除

配

侍 官 而 乏 讀 猶 龍 體 除 淳 依 大 資 熙 淵 舊 + 政 元 太子 己 殿 年 致 月 皆 仕 詹 陳 封 覺 除 事 而 還 越 翰 民 之。 例 非 林 求 年 學 隨 訓 恩 士 龍 知 詞 數 而 禮 知 深 援 執 制 部 厚 例 政 盐 貢 得 罪 轉 舉 兼 罷 E 兩

講

正

東

押

以

七

謹 權 郭 甚 密 濟 源 開 書 月 月 尉 上 九 叔 0 善 接 密 月 在 達 俾 鈞 或 或 每 及倚 兼 以 除 夜對 馭 伯。 擇 事 事 朕 京宮 深 古 東 修 衆 詳 0 文學行 賴 亦 端 或 人有 宫 用之意 無 公懇辭 又 審 從 退 觀 協 史, 明 講 皆 術 日 容 不 有 濟 願 殿 ^ 被 力 誼 兼 易 多暇 幾 以 公 學 未 進 陳 之士 且 實 致 E w 語 無 $\dot{\pm}$ 合 人 四 擢 徹 戒 其 謂 録 生變, __ 家 權 111 法 臣 簽 章 以 院 不 卿 又 人 之 制 度 薦 須 張 推 書 修 可 存 説 稱 轉 置 處 鄭 命 是 無 説 誠 樞 撰 遇 心 使 朝 龍 竟 伯 得 徇 罷 待 必 至 密 事 又 范 奉 奉 熊 雱 而 樞 公, 院 公 遇 將 誠 無 嘗 公 體 大 外 傳 學有 在 密 李 將 事 上 私 E 不 成 夫 究 焉 祠 禁 理 帥 燾、 : 當 除 大 詳 進 林 奏 閨 樞 遴 淵 太 練 爵 程 口 几

■「遴」,殿本作「邀」。

帖 北 實 敷 院 爵 漸 日 書 轉 自 口 奏 剥 墮 不 曰 然者 之 江 甚 己 樞 事 朝 治 東 息 侵 就 : 之 陽 夷 此 嚴 安 就 散 西 漁 密 \pm 怒 成 皆大 業 策 高 郡 捕 。」公奏 禽 上. 大 院 某 勢 乃 大 虜 夫 又 宗 茶 以 開 事 難 是 不 所 酋 而 而 寇真 待之。 節 稱 慶 或 得 趙 稱 可 陳 李 率 無禮 城 八月 目 雱 公 壽 侯 復 公 其 昌 之 逢 卿 是有 盡 也 謂 則 留 所 雄 奉 祖 原 刼 ,公奏天下爲 宜 授 三年 四 鈞 公 其 長 誘 擅 留 Ŧ. 掠 冒 功 其 因 無 月 之 留 中 尊 殺 身 人 寅 行 薦 它 皆 罪 私 心 大 然 或 申 號 降 多 協 奏 可 應 軍 大, 大 夫, 賞 謂 史、 議 裨 殺 人。 恭 代 事 爲 栅 務 事 太 僻 雾 使 者 除 益 篆 度, 日 邊 制 濫 於 E 公皆 湯 條 文 傜 六 爲 但 口 曆 寶 事 自 宜 又 州 惟 人。 邦 奏 却 多 繩 X 知 書 官 用 蕃 姚 語 當 彦 隨 己 樞 如 須 亦 治 成 湖 謂 之 簽 使 核 又 部 講 有 明 密 進 即 剋 骀

外,則 薄,本 姓名之下,公謂 批 退 嫌 朕 令宰 行 齊 則 罰 不 日 唐 端 懷 即即 家 爲 旨, : 是 再 足 制 且 治 功 執 本 上言 也 行 爲 此 朝 事 然 作 宰 無 不 業 進 ,功業次之。」嘗 審 或 武 光武 聖 遷 相 后 無 後 自 呈 未 콧 閱 非 奏 安 旨 令之患。」 妃 過 E 徒 成。」公奏: 日 批 上聖莫 以吏事 退 事 舉, 始 多 中 施 馬。 傷 又 出 將得旨文字再 賢 行 宫 好 止 命 日 人 然 今若 躬 生 除 無 是 能 朕 進 具 責三公之道 或 參 後 之 儉 授 事 可 П 擬 自 及。」上 宣論 初 知 施 誠 德, 再 當 仍 議 奏 以 目 功 范 政 行 信 經 曲 論 進 業 爲 E 質 事 注 亦 審 賢 呈 折 幸。 具 雖 日 皆 等 太 既 鄉 保 李 也。」公奏 閱 否 + 熟 中 子 **\$** 公彦 全 係 免 貫 退 或 年來 狀 主 所 温 體 不 然 於 大 就 賜 專 前 進 口 少 臣 臣 後 茶 穎 擅 恭 究 事 殿 代 者 成 寮 之 之 欲 形 付 廬 舊 奏 而 儉 責

除 祀 才 相 事 充 誠 參知 亦不 儀 賢 耶 五年三 仗使 政 當 不 事 以 禮 己 敢 月 時 成 私 以 宰 知 鄉 而 進 席 樞 庇 曲 爵 之。上 久 密 故 開 院 虚 舊 或 事。 ,公與李公同 公。 而 日 廢 + . 四 9 户, 年 善 苟 拜 六

月

行

太

中

大夫、樞密

使。

郊

非

迹

曾放 身人 院 陰刼 及冒 當 兵 存 陞 等 所 草 事 下 任 名 羌 爲 錢 寇 公在 江 上 以 西 承 合 職 亦 等 Ш 公良臣 用 卿 賴 代之弊,安邊 事 右 稱 招 人 宜 兵 公應 · 揀 差 其 文 府,憂邊 到 多無 協 遣 政 曰 毫 作 費。」又 汰 酬 ,禁黎 : 釐 過 筋 成 郴寇 羽 人,措 不 王 思 功 力 書 差 某 鄙 職 州 未 日 陳 一、又嘗 號 臨 以 所 衰 今卿等究心軍 0 峒 置 約 ***** 「向來 懷遠 部 屯 事至公, 歸 束 賞 李 邀 駐 顧 IE. 諸 罰 人; 接之變、 功 離 簽 大臣 添 軍 生 軍 遇 書 明 動 差 擅 事 人 不 審 員 差 事 樞 中 務 白 知 密 淮 機 撫 平 闕 不 改

等輩當 堂充禮 朕 吕 或言 望 私 内 功。 謂 八 却 亦 死 云 日 月 有 È 顧 日 ± . ,蒙宣論 復 何 事。」六年 人,不肯爲用 惠卿、蔡京、蔡卞,然曾公亮、蘇頌 [閩 ·, 若 帥 何憂?」 如 生。 肘 不 上欲令三 會要》 今無 腋 艱 此 可 不 儀 人不可 令主 ? 可 真 難 萬 使。 之虞,外 無 日,握 事 四 王 善謀 錢 帥 E. 書 一衙 此 有 月, 或請 用 丽 樞 0 相 成 公亦 日 置此, 如如 建 警 使 者,公謂 兵于外, 者 又請受賞給 . 有 度 H 康 主 轉 在 韓 也 「卿 曆 使之擇 尾 語 孰 主 兵 西 〕。」當 通 世 他 大 書 公曰 任 帥 官 府 不 奉 忠 軍 成 置 不 0 腹 數 置 願 相 置 大 論 必 勇 背 掉 : 年 固 勢須 度 親 轉 心 背 夫 置 7 謂 敢 嵬 之 不曾 之 聞 有 嵬 軍 通 賢 此 近 主 等 患 章 寄 奏, 卒 者 無 九 議 加 軍 出 郭 帥 軍 厚,怨 子 長 月 大夫 死 ? 方, 棣 公 能 錯 自 世 宰 以 厚、 力, 慮 募 獨 成 T 嘗 有 忠 恐 執 明 而

若 歸 里 月 聖 後 憲 溺 封 减 延 比 止 極 陣 一、公區 等 美 執 滿 恩 半 殿 以 1, 來 士 襄 君 守 卒 奏 爲 萬 溥 几 臨 亦 議 謂 内 王 户 公復 年 邊 事 L 朝 博 然。 閩 褫 事 降 處 罰 輩 樞 遂 九 統 並 IE. 人 官 無 封 軍 之 未 亦 使 月 奏日 免 七年 兵 史》 也 從 信 務 顧 難 宜 嘗 言 封 拜 之官 宣 豪 或 寬 書 苟 行 如 還 : 名 率 1 江 矜 公。 宥 右 平常 主 成 者。 此 且 敘 各 月 皆 浙 伐 敗 派 所 賜 復 當 合 公執 進 之 古 臣 相 張 軍 寇 詔 朕 近 以 詔 宴 其 多 色 宜 正 何 説 之 賞 欲 釋 公今後 用 隱 命, 兼 才 名 議 政 力之有 之子 將 眷 然 格 按 之 秀 樞 臣 絫 大 孝宗 至 望 意 比 軍 而 如 密 罪 夫 年 上 愈 于 薦 北 垂 悟 益 法 亦 何 使 古 ? 十二 日 歸 再 明 謹 食 誅 厚 以 虜 拱 有 爾 當 . 之。 授 見 水 邑 戰 成 殿 \equiv 守 稱 王 戮 光 公 實 萬 光 及 乃 教 成 將 功 朕 上 欽

粟 朱 政。 以 言 瞻 者 引 中 豈 尚 出 子 足 道 禄 此 獨 次 用 自 熹 蟻 蜀 無 誰 大 不 戒 專 尤 人心 IE. 斷 擢 進 辜 憚 將 夫 起 之 宜 附 士 非 飭 濟 奔 李 遷 ____ 人 者 浙 率 任 檢 邊 平 競 盟 封 知 踰 ? 椿 版 於 公 用 東 相 有 視 郡 之 懌 福 無 日 月 於 之 曹 對 提 隨 去 是 官 或 又 歸 秋 不 所 無 休 意 闕 舉 意 日 以 始 公。 日 司 若 言 公 正 喜 致 ? 所 貮 公日 . 去,是激 甚 按堵矣。 之 奏 以 . 以 也 更 驟 朕 右 嚴 絫 俾 有 事 闕 爲 _ 易。 卿 爾 所 次 派 月 君 郡 公擇才 . 力 食 早 等 陞 孝宗 信 對 亢 相 者 或 如 辭 之使爲黨 勢 或 若 朕 朏 大 帥 趙 用 早 之 此 既 問 拜 宰 所 · 非 遴 長 公 上 借 倡 至 廣 之初 沙 之, 因 臣 苟 倚 選 卿 雄 日 貸 惟 是 薦 信 而 從 爲 罷 力 公 也 兩 有 知 大 出 臣 當當 不 政 緘 _° 贊 麥 路 駭 南 好 卿 日 雨 逮 宜 盡 荒 觀 進 皆 直 種 出 康 朝 霑 0 而

權

主

鮮

不

以

此

受謗。

旦

斥

去

中

外

無

斥

之。」後

數

日

1

又及之。

公奏

近

習

弄

不

服

陛

下

之明

斷

既

而

宣

諭

欲

改用文臣

然開

納

日

:

非

卿

盡

言

朕

不

聞

此

當

爲

卿

此

頗

甚

造

膝

極

陳

上始

爲

之動

色,既

耐

欣

知

論

籍

籍

無

敢

斥言。

公憂之已久,

至

事

輒

用

白

劄

子

徑 作

得旨

行

下

朝

廷

又

不

預

副

都

承

上日

 \pm

抃

竊

弄

威

柄

招

權

納

賄

軍

機

邊

諱 譽亂 言 抑 以 輪 下 分 諒 力 公 批 不 洎 王 而 頃 薦 之 好 藺 對 以 事 可 無 不 與 之大害 日 則有 以 鄭 自 悪 Ŀ 朝 以言 因 起 只只 隱 蕭 外 真 : 象 建 噎 治道 豊 燧 知 任 救 德 與 諱言之謗 則 以 以 緯 君 進 以以 廢 弊之 輩 此 失 朕 丞 臣 言 爲 非 以 用 士 食。 妄 度 風 待 相 所 之 獎 而 相 . 卿 風 遂 肆 好 制 初,當有 議 唑 言 閒 用 望?」公曰 高 前 如 必 傳 扇 臆 忠言 名之士 之。」上 爲之。 正 奏, 涉 欲 下 此 耻 莫若 説 而 欲 畏 興 沽 不 故 良 而 爲 不 如 相 以 天 天 激 相 獎其 章 至於 劉 日 留 F 能 亦 此 新 : 師 求 下之大 若 穎 堯 嘗 . 至 全 可 濟 天下 成 言, 又 夫 誠 以 切於治道者 諭 今 賀 雖 今。」公奏 無 也 朕 風 有甚焉, 此 有 虚 後 縉 欲 之耳 人 根 利 此 爲 或 於 紳 會 有 不 蔕 獎 後 派 病 實 章 除 激 當 合 加 少 如 用 相 目 示 欲 É 沮 許 穎 然 直 0 不 周 天 毁 直 處 .

吉

厀

行

欲

退。

公即

奏

清

皇

一帝還

宫

降

旨

别

日

引

令館

伴

議

之,

次

日

卒

如

儀

而

去。

樞

密

使

魏

IE.

吉

朝

見

執

書未進,公諭

以

禮

而

IE.

乃

不

得

志

者

所

爲

一、示之

以

静

則

無

事

矣。」

虜

聞

Ŧi.

鬼

七

殤之目

者,上

以

爲

問

公

曰

此

:

處

州

同

列

皆

服

公之仁

朝

士

有

論

朋

黨

始

全

久

閑

若

示

録

用

將

有

私

憾之

嫌

奏

起

知

時

', 侍

御

史

李

處

全嘗論

公召命,至

是

公

謂

處

周

嗣

武

皆從

之,尤見責任之意。

公爲

閩

漕

乞就 點 闕 復 栗 編 其 格 訴 知 E 多 分 好 去 叔 口 歲 管 夔 歷 矣。」 光 職 廉 龃 君 陳 多 請 名 陸 難 江 荒 。 除 夷 州 内 命 窮 介 無 一令先 趙 九 年 陵 有 地 有旨 林 治 上 人 實 政 鐫 以 鞏 淵 亦 及 殺 、公奏 才 栗 置 施 稱 令見 處 彭 秩 深。 除 及 廣 總 索案, 學 傷 奏 善 行 而 以 罷 删 監 侍 仲 所 略 譚 不 略 久 任 之。 吏 不 此 定 從 司 各 別川 相 問 之。 備 汝 E 而 人 死 亦 官 薦 將 撥 當 翼 獨 大 栗 隨 以 劉 ,潛消姦宄之心 無 蜀 舉 恭 有 萬 之 豐 繳 清 又 理 任 所 示 它。 武 治 遠 人,公拔 斛 不 儲 罪 詣 之 當 其 犯 優 П 臣 早 勝 以 責 倉 並 闕 上曰 汝 省 流 容 鄒 忠、 而 傷 濟 治者 <u></u> 上 蠹 聲 配 翼 劄 與 詡 尤 汝 之。 則 萬 冤,欲 其 官 弊 . 職 死 乞大 翼 E 自 饑 尤 當 少少 即 罪 上 事 職 怒 亦 欠數 各 則 公奏 賑 、公以 蠲 聞 官 /减 俟。」 又奏 安 如 事 貸 其 伏 更 之。 卹 易 官 其 莫 命 任 羅 擅 闕 雖 有

> 當 賢不 差。 定 子之數 公道 甚當 不 物 誠 亦 郊 得 恐 欲 宰 尚 以 派 帶 ·肖較 上曰 。二人皆臺 其 不 置 卿 遠 相 以 相 職 人 能 報 姑 + 知 以 於 得 員 ? 然。 者 盡 0 令熟 清 人 人 郎 何 記 上 張 物 嘗 爲 執 冗 禀受 以 又 大 自 議 官 敢 不 大 賀 政 上三人, 諫 曰 經 輕 有 荷 若 進 全型訓 八 E 也 説 也 手 如 人, 朕 擬 行 付 近 記 此 黄 諭 之當 公 外 侍從 宣 庶 日 致 。」公奏 治 以 有繙 奏 集 諭 幾 差 仕 近 稱 自 議 六 寡 除 日 遺 閲 成 H 大臣 聖 過 : 頗 表 進 都 + 主 恊 選 除 裁 臣 敢 擬 卿 餘 始 在 人 得 過 於 莫 留 减 監 不 望 甚 非 遂 去 竭 E 有 川 Щ

進、 提 日 舉 左丞 九 編 似 年七 不 修 相 能 玉 月, 進 言 牒 封 而 爲 詳 冀 智 明 或 足 定 堂 公, 以 大 决 禮使。 司 監 天下之疑 勑 修 令。 或 九月 史、 制 日 詞 如 拜 有 特

既

盡

X

情

後效

不

止

此

也

0

+

年

欲

行

推

排

事

公

謂

同

列

日

.

非

不

知

其

以

臣

寮

所

請

而

行

, 尤或

可

緩

若

作

直

当

將

八

十,久

任

機

衡

求

退

甚

力

<u>+</u>

不

· 許。

訖

事

以

任

子

減

前

郊

幾

時

韓

琦

等

减

任

子

猶

不

免紛

紛。

補

其

經費

方

可

蠲

放。」

E

慨

然從之。

者

欲

起

催

則

荐

饑

方

蘇

恐致

重

木

嘗令計之,爲

緡

錢三十

七

萬

有

奇

若

部

申

明

赦

文

蠲

閣

税

租之外

其

餘

赦

所

京

鏜

等

分

爲

監

司

9

時

翕

然

稱

爲

得

人。

點

、鄭鍔等,又

以

張

构、

傅

淇、

徐

詡

主 王

正

召

一蔡戡

謝

師

稷、

周

頡

尤

袤、

林

枅

鄭

僑

半,公奏:「仁 陛下行之, 以太夫人 公奏 明 朝 是 官 不 傾 羅 利 己 宗 嘗 堂 載 則 廷 薦 多 是 户 任 言 端 禮 對 之士 賚 月 者 父母 月 止 既 長 民 奉 昔 禮 己而 甚 吾使 境 未 水 成 ,爲郊祀 乃驗於今,豈 陳 所 行 象緯 **>** 人謂 矣。』」 必能 報 緩緩 $\check{\exists}$ 害七 苦 詳 設 過 轉 之來, 當 備 虜 當 . 兩 虜又 告 既 急 之詳 主 之。 + 官 大禮 異 利 大 四 被 如 口 歸 È 餘 報 求 未 方 疾 亦 用 擬 命 又謂 力 平日 上 不 家 非 使。 使 及 有 難 撰 周 痛 辭 京 解 臨 可 或或 真 人 而 受 敗 尊 之 極 愛 機 難 所 高 廟 接 恩 更不 害先之。 彼 在 安 號 謂 政 惜 必 宗 不 謨 伴 差 日 許 册 之 豐 身, 不 先 顧 人才,正 慶八 哉 差發。 亦 人 不 章 П 使。 軍 文, 必 知 其 可 使 不 !」十二年 授 四 聞 身, 之, 以 又 + 權 公奏 不 吾 須 E 上不允。 水 聞 爲 議 遣 救 上 輩 止 意 爲 小 可 早 公公 禮 . 乎 在 日 三年三 典 恐 謂 廉 蓋 此 年,公 盗 ? 儀 . 此 禮 $\dot{+}$ 啓 耳。 彼 曲 跅 人 日 使。 賊 之 天 賞 卿 争 既 九 謹 見 弛

闕,欲

召

試

及

選

治

郡

高

第

者

爲

之。

於

勝

衣

而

勇

足

以

任

天

下

·之重

士

林

誦

之。

H

梁

公克

家

拜

右

派

相

同

心

輔

政

, E

益

公首

以

用

人

爲

己

任

以

館

職

及

郎

習 樞 覆 外 將 豈 批 E 斷 欲 進 月 制 難 日 敢 以 係 熟 罷 封 外 而 去。 别 以 非 藩 要》, 魯 手 輕 後 輕 見 畫 之, 重 天 無 正 臣 鎮 喪 患 改。」 或 或 子 重 札 聞 度 利 權 觀 下 長 於 爲 史 公。 臨 哉 問 其 夜 害。」公奏:「 所 重 子 軍 吏 禮 開 院 上令促 朝 難 思 不 及 併 中 旦 儀 元 + 親 進 9 制 求 公又 樞 未 兵 基命之地 更 豈 歸 無 使 四 加 去 密 四 强 又 擬 張 疑 \equiv 無 敢 年, 裁 愈 玉 非 朝 奏: 建 貳 旨 天 省。」 利 決 輕 力 非 牒 古 以 或 下 故置 唐 本 揮 害? 對 實 所 早 制 又 史 之盛 兵 公 一、乞少 祖 軍 天 其 且 謂 收 進 又 列 之 奏 宗 監 晚 中 語 視 與 天 振 求 書 傳 . 時 地 禀 唐 規 軍 唐 開 : 其 F 俟 去。 士 **>** 模 承 不 力 勉 末 兵 謂 廟 籌 祕 行 兵 此 氣 事 既 號 辭 足 於 謨 之 從 柄 密 柄 度。」 書 又 而 法。 定 官 院 在 省 内 中 兵 又 雄 不 中 以

> 之役 堂 撰 册 宫 非 上 敢 方 望 御 廟 朝 高 輟 修 文官 乃 相 調 之 册 宗 與 筆 門外,一 孰 事 號 出 當 護 不 知 廢 文 謹著 見不 若 尤多。 官 豫 及 命 ,然二人資序 否 ,公力主 號 緒 欲 小 ? 大 其 非 陵 遑 公 遴 除 時 忍 蓋 手 大者 選 安之 請 名 密 0 典 薛 以 孝宗 兵 筆 其 在 具 依 廟 禮 叔 待 部 ·, 稱 庭 皇 議 意。 奏 號 唐 皆 似、 大 侍 無 太 才 難 · 充 來。」公復 参畫 IE. 業 天 許 郎 事 子多 望 及定 逮 觀 定 之 E 逃 林 不 及之二 升 四 謚 成 定 實 册 聖 與 栗 决 遐 年 永 之。 ? 與 鑑 寶 公議 乞 衆 庶 思 奏 典 禮 扈 官 人, 增 説 其 禮 務 陵 曰 充 從 職 雖 儀 置 於於 競 名 事 資 撰 權 如 非 使。 于 相 遺 遂 進 序 謚 此 陛 議 當 德 臣 大 不 補 己。 者 才 F 高 號 視 所 事 Ш 公

苟 同 公又以 + 莊 年 親 年 高宗祔 益 高 E 廟 禮 章 丐 畢 外 請 益 議 力 政 復 不 <u>Ŧ</u>i.

孝

懋

德、

奉

天

敬

民

用

人

立

政

六

事

又

復

加

特

詔

臣受

或

恩

至

深

至

厚

此

而

不

初

詔

求

言

中

外

之臣

咸

得

條

奏

不

遺

舊

臣

臣

則

有

罪

天

下

之

事

莫

難

厥

初

0

歷

陳

杰

朕

將

受

而

行

之。

公奉

詔

感

泣

遂

奏

疏

E

夫

因

革

損

益

之宜

可

以

裨

朕

者

其

悉

以

告

政

地

+

有

几

年

凡

或

家

利

害

生

民

休

戚

與

光

宗

受

内

禪

以

詔

書

答

詢

初

政

略

H

卿

.

曩

以

經

術

羽

翼

朕

躬

以

德業

股

肱

聖

父

周

旋

干

户

,食實

封

Ŧi.

千

七

百

户

六

年

歲

日

詣

鄉

校

講

釋

菜

序

拜

之禮

监

於

韋

布

閒

月

府

洞

霄

宫

明

堂

大

禮

加

恩

積

食

邑

萬

Ŧī.

厚

宰

執

白

官

郊

餞

奉

版

連

還

鄉

極

衮

衣

書

錦

戲

綵

之盛

又

以

便

親

求

開

秋

提

舉

臨

安

褒

諭

勞

勉

至

于

再

 \equiv

退

爵辛

東

宫

慰

撫

尤

月

除

觀

文

殿

大

學

1

判

衢

州

内

殿

朝

辭

0

言

高

壽

皇

如

堯

舜

而

以

禹

處

陛

F

1479

三七

之自

是

風

塵

表

物

加

以

間

學

邃

深

詞

藻

膽

廻

晚

73

鞭

笞

几

事

赴

功

0

信 鍨 脩 府 儀、 橚 次 次 年 姚 穎 女三人: 職 功 岳 温 次適 府學 餘 郎 薨 郎 日 E 廟 元 州 倓 倫 朝 承 機 哲 檝 瑞 新 散 俱 皆 務 教授程珌 次 次 子 安 將 次 孫 監 通 大 通 蚤 長 郎 承 日 縣 日 八 仕 適 台 夫、新 直 女 卒 直 適 務 樞 棟 紳 郎 十一 州 郎 從 郎 故 侑。 郎 之 支鹽 朝 I 事 孫 宣 朝 監 知 長 女 知 散 嗣 人: 次 郎 教 男 仍, 散 億, 西 辰 紹 曰 延 郎、 大 適 倉 封 + 京 郎 州 信 模 興 將 夫 長 承 將 冀 餘 中 \equiv 軍 府 州 通 模、機、樸 仕 通 奉 適 仕 通 或 未 新 岳 州 人 判平 上 郎 判 迪 郎 郎 夫 行 直 事 廟 知 溪 虞 臨 功 郎 姚 人 岳 儼, 縣 俌 江 縣 安 佖 郎 元 次 次 州 監 後 主 軍 皆 事 承 特 軍 承 日 軍 日 簿 偃 公 新 府 西 奉 奉 先 府 樸 栻 州 次 次 + 趙 建 京 事 儔 卒 事 郎 郎 修 滴 迪 汝 康 姚 中 \Box

公神字

秀

整

雅

而

藏

者

必

稱

有 丰 度 清 虚 粹 夷 淳 遺 孝宗 之人。 之官 夷,以 驕 理 無 調 七 事 千 經 際 麗 熙 勞 右右 遠 遇 盈 失 娱 府,公獨 載 財 番 之際 之 各 好 孝宗皇 聰 而 則 萬 府 步 遂大有爲 淳熙 迹 當 謀 取 時 務 裁 不 明 則 清 馬 7 守法 之 其 人才 其 爲 果 有 要 遍 職 以 士 帝 苛 濫 或 斷 無 使、 歷 天資 來益 則 急, 家 以 輿 之志 方 度,行 而 危 刑 臨 先 知 左 不 望 内 以 溢 公爲 必 論 照 謙 器 務 樞 右 世 E 至 之憂,至 X 9 當 兵 百 謹 内 識 故 密 相 出 屬 安 端 之 罪 官 則 治 事 時 一之資 之下 院 輔 治 稱 揆 尤 公公 大 君 而 進 贊 中 選 首 民 同 今言 歸 極 用 相 近 以 彌 緇 任 雖 事 直 則 於 周 多 知 儆 所 寬 邅 縫 則 君 儒 小 治 寬 有 趨 欲 密 戒

未

有

也

厚

精

深

務

優

賞

不

中

外

E

無

紀

持

守

簽

凡

臣

相

遇

參

知

政

雅

厚

重

矣。 光宗以舊學之重,待以 用。 以溢 之。蓋公之爲善不可勝書,徒恐辭費,又不敢 有以見公知遇之深。 所以爲此者,欲重其選也。」某何足以當之? 哀榮終始,士之致身至此者有幾,亦可以無憾 而善始以終者尤爲罕遇。 此縉紳之所重歎。然自古稱君 敘次爵里、履歷、行實之大概,參以見聞 之備道全美,宏才遠業,某何足以知之? 謹 樞等以行狀 今不敢忘。 謹狀。 美也。 孝宗眷 公之薨一紀,某之投閑 倚 嗚呼! 爲屬,將以上于太史氏。 最 久,經綸 高宗擢之言路,不及大 雖以私諱不 爲政,而 未 如公之受知絫 究 而 公不 臣 遇 乞身以去。 及就職,至 勝 合之難 亦久矣。 仰惟公 喪 而 朝 書

不觀

雖機務叢委,退坐静室,飲食亦不釋

卷,夜則使子弟讀而

聽之。

制譜

尤

有

體要,

時文學之士皆出

衡

鑑

上

選

詞

臣

必

以

密訪之。

有詩文、制草、奏議

四

十卷,藏

于

至十

年不易。

素不喜酒

外物

一無

所

好

屏

絶聲色之奉,一意篤學。

聚

、書數

萬

卷,無

所

知者

沖

澹寡欲,自奉至薄

,食不重

味

衣

用

者外人不得而見。

其所薦進,能盡其才,

而

避遠

名迹,若不自己出,蓋

有受恩而不自

攻 媳先生文集卷第九十

博士之除。 議禮之地,最當擇 某不肖, 上問 再點朝行,負丞太府,忽有容臺 班序反下,若左遷者。公奏: 人,而近歲乃以序遷。 臣

無

雜

賓。

功總之慘,素服盡禮,皆當於古人

無墮容,家人不見喜愠

之色。

不治生産

門

友愛諸弟,任子恩先以及之,撫卹

聚族餘百口,上奉慈親,既

極其誠

敬,

遺孤。

居

中求之。

攻媿先生文集卷第九十

字仲嘉,年

八十

狀

慶

元

府

鄞縣

武

康

鄉

沿

江

里。

0

汪

大

猷

明 樓 鑰 大防

四

敷 文閣 行狀 學士 宣 奉 大夫致仕 贈 特 進汪公

行

狀

曾祖 祖洙,皇明 元吉,不仕。 州 助 教,累贈正 妣何氏 奉大夫。 妣

陳

氏

,累贈太碩

仕 了,累贈 父思温 少師 皇 妣 左 王 朝 一氏,封 議 大 夫, 恭 直 累贈 顯 謨 越 閣 或 致

夫人。

子孫宣 文章顯 代以 汪氏 祐陵 閒,簽書樞密院 伯彦首相高宗,遂爲佐命之臣。 晉之遠,莫 遥譜牒之相 食千載,後 上 饒 龍 時 、四明諸郡大率皆出於新安英濟 至本朝,未嘗有 惟汪 嘗謝 達 大司 魚及《檀 相 氏 順崔 裔縣衍, 宦路 踵 派出黄帝, 傳, 成解以 司 成 弓》重 事勃、樞密使澈俱至大位 盧 没 端明 薦 之閒。」概可 没衣冠之不 耆 舉 殿學 汪 儒名,翰林學士藻 , 顯 得姓尚矣。 止用 踦 相遇,多講宗 者。 土 事 一尚書 張 。 **②** 且 宣城 知 振。 衡《思玄賦 紹興、隆 應 矣。 日 辰 雖 然自歷 王 鄱 以重 丞 更 盟 朝 興 以 相 魏 遥

0 0 重」,殿本作「童」。 慶」上,殿本有「本貫」二

1482

朝 所 表 崛 在 起 康 此 衆 寧 雖 其 多 耆 尤 不 艾獨 至公 幾 盛 如 者 殿 輔 王 也 諸 而 謝 老 公 道 家 以 抑 誼 贵 其 文 風 族 昌 次 烈 姓 焉 舊 足 盛 臣 爲 衰 今 歷 汪 世 亦 仕

氏

有

待

於

時

邪

?

几

師

名

問 公其 衢 年 淳 老 真 於 而 网 亦 受 於 備 州 同 范 岐 浙 以 學中 嶷 生 文正 州 舍 仲 漕 江 沾 公之曾 少 使 縣 也。 Ш 骨 産 丐後學。 師 所 公、 者 縣 相 於 風 遇 講《論 尉 日 始 祖 Ŧ 穎 宗 叔 誼 千 越 處 所 荆 異。 尤 祀 父 公 或 部 里 約 少師 公。 語 吏 高 補 漸 方 百 而 × 四 儕 部 將 娠 漬 人 有 搢 ^ 歲 紹 IE. 輩 鄞 仕 孟 ,公之從 義 士 紳 誦《 興 奉 默 皆 縣 郎 子 方 君 初 推 爲 畏 識 孝 丞 w 調 子 曉 輒 爲 鄉 重 一之官 姓 之。 經 之行 右 述 伯 暢 太 先 名 府 吏 迪 父, 生 生 口 及 紹 能 舍 道 義 功 四 少 榦 文行 興 對 夢 受 子 卿 郎 若 七 以 生 應 力 客 知

其 厚? 錢,至 士 其 案 救 家 家 遜 縣 天 之 汝 南 鉤 若 家 户 及贍 前 牘 不 Z 之, 發 優 派。 宫 攷 送 義 破 _ 科 平者。」 籍 前 紛 滯 劣 凛 所 有 存 公餘 遜 塋 矣。」命講 積 處 訟 不 婦 使 以 爲 活 司 輒 嫁 有 事 公詰 秩 滿 諸 潤 鬻,以 以 爲 肄 得 斷 姑 法 按 益 滿 半 其 衆 弟 多 業 其 之 之厚 門 明 關 啚 頃 屋 錢 其 由 用 奉 以 食 無 長 陞 更 再 者。 時 買 了,公曰 要 期 Ш 先冢 全 復 避 理 幼 分, 左 薦 方 蹊 限 9 田 分 水 取 人 0 之 從 謂 漕 豪 申 以 必 已 鄉 至 者 歲 均 禮 託 事 臺 祖 民 兼 嫁 出 信。 得 警 在 之, 軟 郎 以 屋 陸 親 經 諸 遂 要 爾 捕 又 甲 嫁 之制 枕 公 氏 不 且. 文 爲 服 父 領 中 取 姑 子 資 境 復 析 日 Ш 念 引 兄 婺 + 鹽 而 産嚚 可 内 贵 公 之 長 洪 同 又 州 退 口 Ŧi. 以 商 相 肅 考 得 訴 日 力 此 兄 以 金 年 嘗 大 水 訟 然。 婦 質 舟 時 不 起 義 最 據 華 谁 稽 試

之? 若 其 者 + 俱 展。 公 鼓 豪 行 又 目 E 步 户 游 欲 不不 舞 釐 自 免 日 不 部 年 縣 H 則 宁 又從 李 公 催 以 旁 差 陳 侍 . 知 少 徒重 以 E + 公問 獨 科 覆 俟 郎 其 而 縣 默 觀 多 越 保合爲 而 實 李 日 保之圖 幾 所 一勞費 皆 計 驗 寡 者 或 十之,不惟 辦 當 官 公 供 取 其 實 以 憂, 事 率 約 何 椿 既 與 反 爲 爲 廣 愚 至 無 談 星 如,公 東 年 至 法 袤 多 神 改 民 9 圖 益 黥 笑 用 奔 嚴 建 之實 IE 不 於 躬 須 配 哀 而 紙 峻 議 仍 事 凡 不 日 識 經 行 使 毁 T 悉皆 行 能 盛 畢 事 與 凡 弓 已 界 之首 阡 百 經 鄰 躬 吏 俱 啚 氣 步 量 悲 不 也 陌 界 番 運 有 施 畫 都 臨 納 之 10 動 失 有 復 不 犬 籌 行 置 方 唱 田 忠 E 選 行 由 亦 不實, 善 牙 帳,李 略 受 久 弓 乃 公 路 是 安 無 隱 厚 無 之, 度 相 一賜 量 口 諸 所 邑 爲 地 敢 藏 量 服 公 之 者 許 郡 無 並 忤 龍 用 口 畝

言 檢 幸 耳。 諸 知 官 知 輸 多 也 幹 不 熾 除 賑 公名。 校 権 供供 皆 引 _0 辦 使 平 給 甚 百 口 爲 貨 糧 遂 獻 江 蓋 去, 公 生 得其 人所 無 億 守 嚴 衆 務 料 事 謝 生 府 居 也 不 禦 百 事 州 中 左 院。 三十二 之。 崑 兩 財 實 切 出 調 建 難 旦 藏 生 指 都 之 Ш 虜 以 中。 度 德 能 徐 文 財 庫 差 説 縣 之 亮 公佐 多 對 縣 書 年, 閒 總 者 釋 有 夫 犯 旋 老 將 出 派 明 羨 盈 之。 領 必 而 賜 其 邊 吏 遭 年 用 規 詰 儲 冒 几 淮 害 驚 <u>一</u> 十 緋 外 畫 長 以 請 西 日 饋 於 又 用 朝 歎 目 以 艱 魚 爲 者 以 饟 江 民 嘗 舉 日 袋 辦 几 不 薦 謂 沱 東 遜 Ŧ 者 以 給 既 年 械 是 寧 改 群 未 軍 無 師 薦 諉 改 視 造 繫 公 某 甘 幹 有 Τ. 馬 事 饑 宣 牘 公躬 於 朝 曰 都 高 心 公 扈 錢 辦 也 民 教 前 宗 7 辭 某 閒 分 從 糧 行 有 嘯 郎 自 摘 進 都 餘 或 在 咸 洲 財 達 受 所 聚

科

應

也

0

除

乞

表

베

任

臣

日

薦宗子 兼 爲 用 毋違所 比 之 禮 道 爲 興 小 對 抑 疏 外 幹 之文足 户 類 奏 部 變者 不 尤 節 兀 部 錢 辦 案 通 而 可 年 員 急、公 年 取 隨 公先 右 公 長, 詳 邊 行 外 几 總 會 以 事 曹 公 事 宣 陲 兼 雅 量 月 郎 亦 覈 行 録 薦 力 諭 0 即 有 公 吏 能 贊之。 名 有 意 九 用 參 争 海 於 司 部 取 議 日 公自 授 實 蜀 月 政 之, 上 : 之 在 其 郎 論 泗 官 E 士 錢 乞 力 責 改 州 官 同 登 自 注 在 雖 理 今 毋 唐 簡 任 也 縣 充 類 弟 與 是 目 不 和 日 法 主 拘 臣 參 肅 時 之言 者 始 鄧 久之, 得 糴 管 有 有 遷 嘗 流 F 議 公 守 併 之弃 爲 酬 盡 旁 侍 習 大 用 品 宣 將 官 Ŀ 定 賞 行 宗 照 郎 察 宏 之 謂 0 大 多 諭 之。 例 又 辭 才 其 終 錢 才 輔 吏 左 IE. 淮 委 口 内 以 箋 奏

省

吏

沮

六

月

輪

物

驗

許

選

派

乾

必

欲

以

裨

幕

府

降

公

執

以

免

倉

猝

妙

宸 利 天 夜 又 人 言 直 權 兼 録 年 舉 逸 神 通 言 甚 思思 下 對 亦 宗 病 判 給 權 見 殿 IE. 玉 率 之事 於 堂 日 時 事 刑 德 以 以 公敏 屬 且 與 苟 監 欲 部 行。 中 來《 壽 借 多 先 分 卿 夜 無所 有 侍 遣 宫 司 會 纂 等款 次 吏 五 訪 宣 於 之臨 公首 郎 所 察 孝 决 部 要 一對選 朝 幡 以 官 宗 六 聞 不 道 遣 ***** 尚 之 上 對 時 語 當 按 以 决 厲 111 月 書 大 聞 可 德 而 事 不不 事 論 清 獄 E 精 處 兼 極論 典 曠 殿 之, 體 爲 言 高 畿 民 事 欲 得 崇 歲 始 嘗 朕 接 太 移 爲 賜 邑,公奏 有 知 事 不 政 領 不 備 之。」公悉進 曰 送 重 每 訪 置 主 坐,從 朝 體 謹 殿 舉 袖 伴 厭 政 意 局 徒 於 深 説 名 金 問 宦 滋 使 卿 自 闕 始 擾 書, 士 使 容 或 命 嚮 官女子 不 懼 爲 失、 諸 果 導 遂 宰 爾 之。 來 勌 八 E 典 職 侍 縣 所 民 改 有 公 月 閲 臣 賀 當 故 每 從 欲 之 使 兼 命 滯 遇 宿 語 必 尋 提 散 几 修

均 變,廣 限 役 寬 害 緣 催 物 水 見 之。 近 又 廣 治道 陳 次 和 場 其 爲 别 灾 於 者 法 科 力 收 田 八, 乞用 之要, 買 監 意 困 甚 白 糴 事 其 承 均 求 以 而 奏 於 苦, 引 造 功之實者 里 差 以 貸 衆 鹽 至 此 對 編 今取 里 厀 IE 備 曹 澶 議 錢 死 當 均 具 折 明 IE 啓 則 民 賑 取 州 獨 必 税 先 而 錢 有 白 承役之初 專 沃 糶 耆長 劉 争。 後 無 息 嚴 欲 遺 雇 或 主 謹 之 曲 射 涣 定 可 將 禁 編 有 際 煙 論 書 又乞 雇 收 盡 數 家 誅 利 必 未 官 火 役 之。 亦 情 買 反 直 若 産 求 須 爲 嘗 户 法 或 改 盗 耕 僞 撥 抑 及二等 講 受官 厚。 遲 親 削 定 則 使 賊 例 以 4 Y 又 義 以 上 熬波 兼 經 減 陳 之 池 藁 役 論 且 户 多 歲 進 法 充 總 限 法,令州 而 亭户 饒 以 長 隱 三公尚 聳 月 之勞, 役 鄉 制 田 故 不 E 未 壯 寄 聽 者 信 之 傳 通 司 事 不 依 若 可 T 而 詳 官 居 受 則 郡 又 充 欲 輕 並 建 惟 論 行 乃

器

重

E

今惟 業。 居官 用 費 此 倉 富 IF. 絶 充 可 萬 以 行 楮 户 庫 室 當 寧 者 役 而 可 産 其 奪 官 至 ,莫爲 忍 綱 行 酒 欲 錫 以 銅 券 租 而 論 廢 於 惠 之 運 不 應 以 又 之 爲 弊 使 人 據 問 彊 捕 鄉 論 策 及 負 金 地 以 獻 深 窮 償 村 盗 酒 桀 陷 帛 給 欠 不 民 爲 藉 之 若 私 欠 囊 家 嘗 官 賜 黠 負 發 器 洩 使 害 立 既 流 橐 勢 立 錢 大 勳 者 於邊 , 浸 拘 用 而 自 官 用 税 足 離 陵 輪 舊 妄 而 者 則 産 求 使 銅之水 鋪 凍 銅 轢 指 對 致 近 吏 境 坐 則 不 日 之。 人 之 餒 論 破 戚 犯 官 罷 以 . 而 以 州 在 重 罪 已自 家 之 銅 以 贓 贓 法 官 給 給 縣 又 民 罹 重 漸 器 者, 籍 田 監 之 還 不 私 賜 其 至 論 户 於 涸 可 之 没 嚴 人, ,使 酒 罪 遭 出 宜 籍 苦 不 銷 念 害 坊 復 賣 有 能 劫 得 然 没 民 則 銅 壞 皷 之 盗 鑄 及 故 以 至 朝 誰 之 法 爲 則 自 指 財 酒 以 者 前 切 今 劫 救 有

遂

著

之

甲

·令者

數

處

有

爲

産

何

户

揮

户

陳

應 著 之 後 盗 拒 猶 ___. ___ 付 捕 有 所言,皆今日 罪 明 遇 也 考。 外 官司 今 官 捕 重 捕 殺 司 於 酒 究 雖 口 殺 酒 人 不 詳 舉 議 告 者 人 者 復 備 家 有 空 也 罪 明 盗 可 不 拘 0 人之家 白 既 行 止 百 繁 玉 大 之事 不 音 不 則 率 非 身, 敢 嘉 是 盡 公 法 9 肆 鄰 獎 臣 捕 之 而 見 受 毒 里 寮 酒 諸 論 苦 老 嘗 所未 至 之 鄰 幼 施 事 則 暴 前 里 自 用 皆 及 是 甚 亦 則 0 於 卿 深 犯 得 亦 誺

增 舉 著 之 章 郎 常 初 損 爲 哀 兼 迄 首 紹 <u>Ŧ</u>. 矜 侍 平 年 無 興 茶 立 講 庶 再 成 法 鹽 詳 獄 職 書 爲 等 定 於秋 今 參詳 公乞重 敕 司 司 四 官二 局 之法 + 官。 官多 自 年 修 年餘 建 四 法 吏 而 炎 多 月 **\$** 緐 几 編 孝宗 代 除 年 集 俸 謂 條 權 監 優 章 月 刑 垂 賞 學 中 意 大 以 部 革 貢 前 刑 侍 興

若 條 去 選 之 去 兼 益 明 法 删 不 大 之。 留 卿、本 吏 時 通 重 民 廷 難 其 省 减 帶 存 日 聽 考。 時 申 修 司 練 不 臣 緐 冗 留 移 修 敕 出 於 嚴 之士 一,惟 討 重 建 官 照 創 部 月 乞明 E 定 見行 或或 炎 路 令詳定官,此 加 論 用 改 V. 遽 極 用 以 以 專 公疾 者 郎 者 輕輕 其 雖 行 庶 詔 之, 以 後 法 自 法 當 \equiv 官、寺丞 百 幾 係 廢 爲 盡 重 續 不 中 佐 百 心 以 否 續 筆 罷 然 行 舛 降 + 修定 六 增 售 訪 降 係 削 即 編 牾 有 指 舉 其 有 + 損 求 四 纂,命 海 必 可 尋 揮 數 司 令條 無 以 姦 八。 一,全删 元 當 行 舊 年之冬也。 率 即 + 直各 爲己任 所 文 吏 者 用 墨書 萬 年 衝 大 以 及 遵 具 五 新 之 、,仍差· 改 即 網 餘 杜 臣 今不爲 承 白 舊 制 員 舊文, 者 羅 釐 條 法 吏 典 七 文 推 使 而 、公遂 姦 故 領 送 佗 + 若 八 即 舉 大 舞 棄 之。 牘 朱 + 詳 官 以 切 删 理 久 文 舊 不 川 们

> 此。」對 信 循 宰 諭 條 夕 行下。 新 因 情 將 書 文字 册 觀 執 前 ,敢不盡 考 公之舊 新 書 前 爾 指 覽 有 條 後 訂 例 緐 有忌 孝宗 目 後 所 問 續 年 編 拏 不 : 屢 嘗 未 降, 而 人。 餘 心 此 不 以 與 公者 曉 更修定, 宣 取 ? 精 書 頒 參以 所 許 問 進 法 易 各有 力不 成。 降 奏 佗 遽 本 所 將 盡 條 累 俱 人 日 疑 欲 列 能 今 具 與 看 進 記 朝 譖 又 合。 隨 於 申 天 凡 詳 書 逮 申 留 問 法 言 選 下 之 也 再 所 敕 案 即 嘉 意 德 意 共 有 易 如 册 奏公所 賴 奏 當 賞 所 初 之 殿之左 矣 司 酌 聖 對 以 明 職 再 以 遂 言 規 明 況 元 凡 草 乃 四 上 畫 不 吸 修 州 屢 去 右 也 又 方 大 以 稱 承 至 因 縣 取 日 取 爲 依 之 人 率 於 官 於 朝 於 謂

守 公 臣 因 王之 奏 F. 又 温 僧問 望當爲 台 大 本 水 職 執 郡 政 事 不 陣 刑 以 巖 罰 聞 肖 黜 使 爲 陟 之 贵 從 官 具 無 析 過 特 以 免

行

此

吾

職

也

請

依

太

祖

舊

法

贓

謂

今

之

彊

盗

非

親

遂

從

公議

借

吏

部

尚

行

法

則

才

四

人,若

如

日

或

信

使

歸

至

盱

胎

盗

並

依

祖

宗

舊

法

所

公元 皆得 下手 嚴 延 與 滿 艾 捕 鐫 送 改 吉 即 示 一漕,各 論 監 補 名 遂 不 兩 追 饒 侍 己 衆。 之。 糴 司 目 具 貫 秩 樞 令别 改 州 殺 應 郎 案 前 改 奏 者 密 取 降 前 若 林 坐 永 推 雖 政 有 日 IE. 皆 行 劉 命 勘 者 别 公 結 以 欲 不 所 旨 0 斬 公 官 立 栗 類 越 作 之 得 亦 虧 示 改 公又奏 珙 0 辩 彊 法 法 皆 訴 緣 警 任 爲 常 以 公 以 台 E 盗 F 故 右 親 平. 不 屢 不 恐 彊 岩 時 即 民 云 而 變, 死 行 民 米 司 遂 尚 依 楊 皆 盗 又 則 口 書 皆 恕 得 舊 夫 盗 立 已 無 天 法 法 心 再 民 而 爲 者 所 聖 則 請 計 未 黠 犯 六 ? 印 法 抵 更 榜云: 將 者 者 則 之, 始 死 項 死 循 景 全 六 必 用 取 者 爲 無 死 犯 襲 百 案 年 能 尚 祐 舊 死 非 則 十七七 謀 既 七 噍 例 者 多 口 賀 者 法 「今後 禁 凡 以 ? 宣 人 類 久 、公以 謂 依 0 金 其 益 而 得 刃 人, 俱 和 寬 法 若 知 或 衆 爲 濅 痛 爲 財 殺 以 死 犯 用 有 嚴 處 懲 矣。」 盗 Œ 盗 不 失 見定 鮮 人 來 彊 見 斷 可 適 之,

分

首

從,

雖

不

殺

傷

悉

檢

察

坐

之,

且

不

得

不

當

其

罪

案

E

提

舉

李

庚

巳嘗

申

明

方

及

*

而

坐

擅

用

奏:

知

信

州

趙

師

前

失

仍

在

不

若

徑

禁

女妓

之意

今已

議

爲

0

非

此

而

但

得

財

惟

中

矣。

此

輩

雖

愚

贵

生之路

志

在

得

財

而

者

切

貸

死

遠

近

歸

益

用

中

典。

太

上

與

何

爲

不

口

?

惟

是

違

慢

之

劾

乃

移

罪

亦

覺

未

是

待

作

知

其

未

是

當

明

以

書

周

公

執

羔

韓

率

不

處

死

無

所

懲

條

給

賞

仍

免

其

罪

者

無

復

全

人。

究

其

極

陳

公

良

祐

爲

諫

議

案

聞

奏。

用

六

頂

彼

先

以

死

自

處

則

被

不

及三

貫

者

此

法

既

大

任

若

盗

而

能

告

會

問

無

期

獄

訟

淹

以 送 物 爲 置 見 從 案 以 好 行 百 有 生之 錢 價 勘 弊 詳 所 刑 如 不 六 六 司 定 院 情 項 騰 州 亦 審 得 部 得 項 德 罪 多 之 其 軍 踊 翻 自 審 指 理 欽 者 ,公申 以 制 職 者 異 根 專 恤 覆 可 揮 未 當 勘, 之仁 憫 亦 行 更 絹 自 當 至 即 如之。 下 不 易 定 紹 嚴 究 列 依 今 E 施 悉 罪 問 之,使見 求 興之良 遵 舊 公以 監 朝 行 數 者 去 其 用 例 其 司 廷 0 也 詞 每 焉 擬 按 爲 明 法 到 E JL 若 斷 具 有 罰 發 既 也 闕 增 聞 情 有 違 申 官 降 經 敕 爲 未 其 請 法 監 戾 法 吏 奏 旨 久 \equiv 詳 及 以 者 相 司 不 耐 貫 聞 處 結 當 大 助 並 即 (,公乞 薓 分, 局 聖 得 辟 非 者 行 有 H 詔 朝 改 送 尤 止 奏 復 有 即

惟 於 承 議 人 事 甚 使 使 Ė 虜 周 事 又 之 而 疏之。 相 役 介 處 權 然 亦 有 衆 要 不 守 服 爲 爲 其 輔 未 異 裁 行 嘗 IE 惟 與 公在 不 之 而 能 其 通 朝 人 過 累 自 爲 至 年 此 是 奉

清 公 文書 九 耳 今 令簡 德 令。 合 對 請 可 陳 以 或 不 少 月 爲 改 H 爲 經 承 通 曰 可 相 兼 先少 聞 贵. 嚴 : 親 官 訴 攻 行 守 法 簡 玉 順 樂 者 見 要 狀 色 旨 口 取 所 矣。 夷 者 權 亦 不 之,自 師 輕 見 以 不 計 或 意 Ŧi. 虜 兼 尚 日 未 到 嘗 爲 動 悦 聞 耶 時 紙 曰 書 過 古 集 易 過 虜 爲 ? 者 名 ? 之 孝 分已 爲 傾 爲 人之長 庭 今 吏部 言。 外 宗 躬 公又 郎 再 H. 公頓 大言 不 上 方 爲 甚, 須 置 許 日 故 知 嘗 郎, 七 欲 辯 日 敕 益 建 首 令改 不 彼 凡 歷 月 固 . : 經 析 仕 務 局 公歸 到 日 所 應 事 明 略 者脱 除 如 **兼** 内 臣 舉 吏 . 淮 選 以 不 從 尤 中 治 卿 權 不 不 首 以 詳 南 口 久。 窄 多 聲 誠 原 兵 吏 所 得 敢 以 取 不 定 非 (火,亡 言 績 部 如 以 至 率 蔽 妄 然 使 俟 知 卓 聖 爲 長 侍 司 曩 以 論 機 因 此 其 則 П 貳 郎 訓 先 失 敕 建 未 法 者 會 迎 具 所

之便。

中

使

嘗

夜

傳

旨

學

士

院

袖

出

資

治

通

有

無

此

弊

其

説

可

與

不

可

行,

來

早

面

對

0

退

即

呼

燭

既

歷

陳

數

項

事

龃

鑑

>

册

指

唐

沈

既

濟

論

選

舉

事

日

今

日

行

皆

欲

去

弊

剔

蠹

使

選

法

流

通

以

爲

公

私

免

行

下

取

會

又

條

列

部

中

留

滯

節

目

附

赦

施

任

滿

奏

聞

案

後

收

坐

不

當之·

人

止

就

部

檢

照

免

關

刑

寺

注

籍

以

妨

差

注

縣

4

臧

否

欲

俟

其

修

Œ

川

廣

定

差

之

弊

命

官

被

訴

不

經

勘

正

者

科

權

官

選

人

願

致

仕

者

請

以

歷

调

嶽

廟

爲

考,

宗

室

及陣

亡人

女

夫

不

當

在

七

色之數,乞

恩

從

人,其

有

不

可

9

明

以

告之,

退

無

所

恨

辯

得

速

求

者

得

遂,人

人

感悦。

亦

未

嘗

屈

法

以

平

-, 尚

謂

之銓

衡

邪

?

由

是

鬱

者

得

伸

滯

者

詞

者

多孤

寒之人,於

此

不

爲

留

意

使

不

得

其

公

方

且

一鄙之,

何

忍

效

尤

乎

調

官

陳

?

比

0

蓋

有

務

爲

沮

抑

號

能

任

怨

而

至

顯

用

者

讀 言 今 盡 且. 甚 異 曾 云 讀 明, 弊 畢 筆 更欲 不 於 雖 更 似之, 敢 紙 試 詳 留 深 觀 中 言。」 其 夜 9 可 言 退 書 遂 因 則 至 寫 留 奏 難 廡 不 下。 -下 行。」上 謹 一宸眷 正 又 E 恐 遣 日 日 言 即 宣 降 **\$** 不 取 能 展 卿

後 數 閒 今石 或 漸 餘 至 遇 七 風 年正 宫 遣 萬 事 左 人 遣 盡 而忌者愈 強 戍 刻 翼 風 畝 會 將 ΙX 當 爲 生,不 月 存 侍 軍 其 所 分 號 從 除除 備 郊 焉 狃 渠 種 屯, 平 館 於 甚 魁 佗 勞 敷 更 特 湖 閣 還 盜 軍 迭 文閣 ,竣事 而 差 餘 諸 日 鄉 賞 民 勞擾 忽 辦 充 分 又 公 几 皆 爲 待 鹵 配 登 賦 力 忽又 月 公公 郡 制 以 島 求 簿 海 詩 諸 實 夷 爲 使。 起 即 岸 提 外 報 郡 留 瀕 便, 號 知 舉 其 祠 題 殺 侵 海 毗 泉 江 地 初 略 不 犯 上亦知之。 舍 知 州 州 造 中 則 敢 餞 徑 邪 枋 有 太平 屋 禽 每 犯 行 捕 者 用 沙 四 到 遇 色, 百 有 興 至 南 奄 洲 郡 百

所 閒 公 已 得 得 屯 以 賊 舟 黥 或 販 X 庭 安 其 明 俗 + 城 黄 深 固 猶 以 偵 涅 而 有 加 自 文 察 情 蠟 譊 疑 軍 外 不 而 中 真 以 舊 不 ? 償 辨 善 士 遺 似 譊 仍 執 應 或 牛 法 有 臘 爲 首 以官 其 處 被 不 始皆退 縱 械 人盜 贖 而 與 此 大 功 而 伏, 己, 誣 捨 歸 罪 , 郡 邏 商 其 用 則 錢 誣 即 ? 者 主 庫 公 夷 俱 公諭 JL 人 X 公驗 命 其 既 聽 俗 失 争 將 服 銀 舟 日 以 亦 使 所 知 者 其 者 鬭 牙 辯 : 俱 飾 爲 其 難 其 參 其 即 窖取之,皆 情 儈 數 行 俱 盜 將 物 制 踰 對 非 毗 爲 使 矣。 甚 旬 不 而 貨 苟 其二 至 垣 日 舍 盡 商 苦、公不 日 類 E 公 什 至 失 . 折 邪 而 旅 X 蕃 閒 之郡 號 吾 器 銀 傷 出 已 來 何 面 使 商 伏 义 遣 於 前 + 遠 信 到 邪 目 真 皆 贵 辜 爲 行 雜 衆 爲 驛 然, ? 如 當 邏 是 餘 處 公已 得 用 鋌 動 漆 者 微 依 寇 察 其 陷 民 軍 所 軍

> 任 增 宗 犯 州 就 祠 法 賜 價 中 守 郡 治 正 九 之。 以 或 鑄 司 臣 衣 年 之 糴 廪 監 銅 帶 給 禁、又爲 民 造 始 以 瓦 歲 付 治 有 _ 始 廣 之。 行 萬 所 免 片 尤 憚 外 久 於 公上 異, 夷 以 苛 舶 無 所 爲 除 取 司 敢 疏 役 病 敷 得 鬭 極 文 公 旨 者 獨 論 公撙 閣 再 不與。 其 **\$** 直 歲 泉 不 節 學 佛 兩 可 用 南 廣 士 求 齊 度 既 外 請 再 奉

官 伸。 治 甚 使。 歸 人 有 折 地 資 寵 次 得 其足。 吉民 誣 財 赴 淳 延 主 江 闕 熙 ₩. 訴 人夫 王 上 奏 元 女 于 除 事 氏 年 聞 有 事 州 達 婦 知 雄 篙 公 甫 申 帥 隆 於 師 威 尉 前 憲 屍 興 財 謀 名, 或 請 不 、公同 於 府 害 門 怒 屈 神 密 主 始 兼 武 告 祠 即 有 夜 X 奏 江 尉之不 之後 縣 其 歸 興 **\$** 而 南 令,公爲 過 據 引 或 事 西 宫 」, 且 其 其 對 冤 路 容 門 之 女, 始 臨 安 謂 命 使 獲 究 撫 父 佃 大 遣

六月

初

有

旨

湖

南

令帥

臣

王

炎

節

制

如已入

旗

幟

爲

疑

兵,

由

鳥

道

竄

去

兩

日

而

後

知

之。

降,至

折

箭

爲

誓,人

知

其

爲

詐

而

不

寤

賊

立

士人

Ш

反

爲

所

覆

不

可

復

用

又

遽

遣

約

9

委,凡

事

薓

不

相

關

到

賊

壘

莫

夜

驅

迫

將

主

帥

調

發

而

簉

牧

領

兵

職

也

武武

謂

朝

廷

專

踰

此

人

者

未

及

出

門

而

得

旨

果以

委之。

意

頗

輕

敵

或

己

議

其

很

愎

難

任

然兵

官

無

管賈

和

仲

總

數

州

之

兵

以

討

之。

和

仲

老

將

勝,止

爲

逃

死之計

遂

據

禾

山

洞

公遣

副

總

使

臣

死之。

以

湖

南

曾

戕

官

軍

至

此

又

小

吉將兵,

亟

遣

未及,

而

賊已入境,

與吉兵遇

江

西

帥

司

即

令境

Ŀ

防託

0

江

西

所

恃

惟

贛

黥

配

嶺

海

併

坐

推

吏之受財

者

江

右

無

不

快

Ŧi.

月

茶

寇

賴

文政

等

起

湖

北

自

湖

南

白

其

名

孝宗

閲

奏震

怒,徑

下

所

勘

建

昌

軍

皆

子

皆以

貨得

官

一、恐從

末

减

無

以

懲姦,乞先

除

逃 遂 降 去。 0 未 幾 興 或 尉 黄 倬 請 行 Œ 合 前 説

詔 既 六 朝 退 盡 六 慶 會 + 上 网 疏 四 閑 復 年 霈 有 七 年 家 論 求 浙 年 以 言 年 既 舊 自 儁 爲 優 公 西 秋 天 提 復 川 職 便 初 卒 久 功 和 路 老 下 初 官 舉 E 龍 一受賞 一 十 二 仲 提 于 事 以 感 無 特除 又 官 鳳 圖 和 各數 地 隆 疾 舉 賜 復 年 翔 閣 公公 仲 興 者 常 年 用 詔 致 待 府 敷 七 子 敗 千言。 平 遂 世 書 仕 Ŀ 始 制 月 文 又 事 男三 司 清 落 撫 得 閣 拳 降 庚 自 娶 幹 問 太 + 外 職 兩 學士 集 辰 樓 拳 劾 慶元 辦 朝 平. 四 祠 薨 英 憂 氏 賜 南 公事 即 宫 降 年 端 殿 于 或 銀 康 賜 Ŧi. 位 封 + 龍 IE 修 合茶 中 再 軍 年 衣 終 碩 之 紹 置 寑 撰 奉 居 帶 + 年 閣 V. 不 初 熙改元, 奉 人 . 祠 藥。 住 中 鞍 弭 待 議 遺 後 高 先一 忘, 月, 郎 馬 制 奏 公 有 宗 宣 帥 至

> 恩 安 幹 翰 教 公之 女二 通 福 留 石 六 之輔 臺 仕 府 補 郎 副 州 承 人 柩 鄉 郎 臨 永 官。 將 將 奉 知 尚 合 趙 安 福 龍 撫 ,之範 丐 婺 郎 縣 幼 竴 焉 縣 女四 潭 州 祠 州 尉 事 之 監 駐 禮 次 就 武 求 碩 樓 原 人,三 許 嘉 劄 也 養 義 人 女七 鏘 得 適 興 趙 諸 縣 以 宜 而 王 再 善 蚤 府 孤 丞 淳 次 公亡矣。 適修 元 華 琮 天, 將 熙 沿 恭 適 長 亭 以 Ŧī. 檄 武 里 適 縣 孫 + 年 餘 適 歸 議 士 迪 郎 男 市 葬 未 奉 省 沈 功 中 月 四 舶 于 行 新 議 楷 郎 弗 慈 人 東南 將 務 内 郎 曾 谿 次 新 申 以 口 之 之 第 遺 縣 孫 滴 臨 知 久 奉

弟 勤 廉 稱 恕 於 鳴 鄉 施 呼 黨 惠 於 長 公之爲 民 而 聲 立 譽 朝 人 振 則 幾 於 忠 於 場 諒 全 屋 矣。 精 白 結 仕 少 知 則 而 于 公 孝 益

以

此

服

公之

介

曾

向

有

簡

見

人

説

江

Ш

汪

縣

尉

之

賢

如

出

日

在

此

未

嘗

往

來

某

少

爲

仁。

有史官

坐

中

問

日

.

亦

與

蓋

寡

龍

在

閤

門

聞

諭

德

之除

淵

明

歸

處

或

出

求

Ļ

大

概

時,諸公不 孝宗察見隱微,幸 魏、錢三公不 公及今少 驩 之熟 之 爲 高 项 有 有 處 盛 特 之 衢 體 迹 姻 如 同 截 事 口 焉 達 稱 嫌 兵官 家 兄 邪 年 _ 0 傅 然 其 又 以 孫 -之好 弟 前 聞 不 隆 周 在 有 爲 劉 天 几 咸 保 者 龍 者 禁 後 性 只 當 涉 蔣 不 益 興 明 復 其 下 庠 賀 後 計。 多其 之 + 竟 公 非 去 致 不 屨 益 可 ?! 其 摧 得 自 用 上。 來 徜 達 屢 至稗官 通 以 辭 公歎 公公 沮 及 善脱 空函 欺 徉, 力 貶 書 沈 恩 **>** 乎 遇 也 修 聞之日 曠 酣 登 科 南 ? 觴 平 公方 小 南 日 好 貽 達 得 史 臨 康 於 説 康 客 易 . 時 羞 既 公深 官 類 之 史 自 謂 則 挹 之行 精) | | | | 碩 干 若 登 册 今 此。 久 適 切 送 求 使歌之。 X 載。 不 七十, 能 歎美此 謪 未 求 親 進 行 赴 上 視 該 若 既 爲 者 葬 則 之 下 星子 既 老矣, 前 究 戚 將 至 此 · 岩 即 數 不 廟 歸 恐公 輩 終 日 節 \pm 樂 前 堂 口 抗 千 塗 而 無 身者。 不 . 魯公謂公不 廬 載 尉 未 不 章 每 而 中 必 念 八 媿 使 聽 辭 不 爾 年 引 Ш 以 興 和 免 歸 号 某 佳 天

於指議

公精

敏

而

寬

和

處

事

爲

梁

文靖

公、

陳

正

獻

口

時

公樂於

平.

進

既

無

附

炎

樂易

於

人

無

不

容

而

風

裁

自

錢

公

知

獎

最

深

魏

成

公

少

小

相

水

相

口

爲

官

寮

· 王

侍

御

伯

庠

實

語

謂

嬰

懷

或

致

相

命

耳

0

恐

梗

歸

史

公

風

口

犯

者

其

在

朝

行

史

文

惠

公

素

爲

義

郡

至

公

而

忠

厚

之

風

益

君

用

雖

不

盡

退

而

居

鄉

高

誼

不

得

祠

終始

方龍

、曾鼎

貴

雅

不

相

樂

徐

而

避

之。

公所知

惟虞

雍

公與

史、

之君

年

求

致

不

爲

我

年

近

之勝,

杖

借

書

郡

先 發之。 其 其 後諸 吾著 事 朝 鞭 尚 公 論 書 相 矣 以 鄭 繼 爲 公 得 高 丙 謝 貽 遂 又予 書 爲 日 清 之 :「公少某二 時 祠 美 再 事 實自 申 力 歲 請 公

於 方就 皆身任 俱 佐 視 親 事 又 能 用者 得 經理 Ш 以 皆 ,又以及女弟之貧者。 Ŀ 閒 爲 推 力 行 所 始 官賦 之。 <u>一</u> 十 歸 式 貧 廣 方 少 廬 可 便 師 居 之。 南 襄 爲 聚 終 既 輸送皆親爲之,不 城 餘 内 以 事 物 永久。 族 祖 外 深仁 喪,拜埽 畢 少師 年。 物 規 濅 隴 窀 百 F. 橅 外 衆 穷 厚義 口 凡 奉 有 三妹 宏大 公 先塋素謹 獨 家 之外 假貨 闢 利 稱 所 當 \pm 益 先 尚 於 得, 外 纖 諱 家 氏 經 廬 ,此吾志 幼 世 誉, 悉 奉 以累兄弟,又 孫 務 房 盡 日 竭 周 宇 ,公之葬一 既 JII 出 嘗 爲 必 久 備 力 諸 百 孤 曰 諸 私 親 而 也 收收 嫁 墳 餘 : 一。一公 院 薦 鄉 財 冢 遣 楹 養 羞 事 公 以 舍 X

門 之後 于 急 行 之。 得 使 葬 能 子 有 員, 中、 志,而公之孫今尚有白丁 之不 再 姻 貧 以 衆 以 整 疾 稽 將復 「安得 厥後 者之 黨宗 用用 及伯 辨 頃 未 公爲 中,又 推 替 無 嘗 無 刻 亦 子 以 江 靳 親 氏 派 喪 之 謁 有財 汝 漫 歸 與 叔 色。 州 及 長子 好 條 勞,效 曹 告,子弟之已 金之負。 窘。 不 0 弟 次 沿 季 列 如水, 世 知 産業 之子 家 子 行 弟 預 公之意 受國 號 隨 其 後 中,次 有 誉 江 積 素 幾。 力 美 天之 闡 中 以 州 興 少 薄 恩, 周 池 檟 命 之子 濟 中 當 焉 師 尋 敘宗 施 嘗 仕 祝 終 僅 人之欲乎?」 録 而 鄰 以 及 既 又 嫁嫁 敏 者 乎 歲 不 *****, 足 公 里 輟 兩 任 奏其 盟 ? 中。 必必 自 官 果 閑 以 人之孤 以 宫 位 來 諸 及累 給, 遺 處 汲 子 聖節 以 子 宗 使 然 甚 既 子 納 之 子 世 黨 獨 終 每 拘 伯 愜 晚 孫 女 力 歎 外 俱 禄 得 非 念 至 有 不 限 初 氏 歲

盟斯 傳 式。 既 菜 以 親 以 以 厭 講 飲 必 文,謂崇釋老之居以 自 量量 則 助 爲 絶 誦 壽 與 新 兵火草創 貤 而 不及,遂率鄉之人爲義 凡里· 風 約 爲 産 倡 席 好 鈞 事 冠 多寡 及 自 祭酒 化。 東,防 客 禮 少少 會 手 衆皆 僮 中 不 頃 者 長 周 觴 僕 東 爲 首創 義 ,自編 歲 不 開 問 之。 以 南 競 歌 豆 事 凡 下百 無 禮 久寖圮, 遠 曲 不 勸 詞 儀 賢 不 於布 買 至過 近,必 盡 0 率自公倡之。 冬至 門, 霑 士 皆安分 至三百 客 徼 可 地 推 夫 治 豐,而 立 一,手 章之間,以 聞 福,不 年長者爲 歲 勸 親 爲 之清 莊 莊 者 旦 率 無 謝 自 閒 畝 知 首 於 不 如 巨室,●且 情 其 窮之利。 勸 赴 足之 序 貧 約 城 新 又 割二十 意 門。 幡 學賓 宴 拜 西 賓客造門 而 身後 得 爲一鄉 夫子之宫 周 連 集 語 門 有 趨 郡 性 備 之阿 規 夕 庠 餘 必 不 遇 黌 爲 不 中 不 多 喜 矜 主 舍 之 校 給 益 畝 釋 歲

> 抄 之約 傳 集 引光 侍 主人之歡 故,公一 舉 稱 訓 身行之。 田 鑑 少 真一 編 年 郎劉 非名士不與。 誘 鄭公鍔、簽判 等 日 今藏于 觴 書 顯 隨 爲《 書 適 于 一見識 生,有《 公孝韙、史公彌 代之吏 所 詠琴弈 中 後 ,危坐笑談,雖達旦不先退 詩 齋 家 職 端 外 生之官 備 韻 拔 中 適 志 > 於稠 師 有 沈 四 樞密 等 =未 齋 以 知 也 公銖,皆卓 十册 方 多 嘗 告,能 存 人中。 人 七册 大資 會 以 以 藁 成 之 大、經 0 稡 * + 卷 爵 就 稱。 0 又有《漫 政葉公翥方 行 軸 協 尚 人固 俟 取 - 然者。 公言者 求 自 略 書錢公象祖 晚 佗日 唐 册 潘 教 居 多矣,而 更 宋 绿》、《 (篤學 公時、 公公 鋟 名 其佗 多 此 觀 木以 公詩 爲 樂 皆 著 真 書 屯 掌 能 終 率 訓 薦 於 手 汲 如

● 「巨」,原作「臣」,據殿本改。

某留 輩 出 爲 進 聞 + 時 閒 女。 君 酒之賜,皆爲 居 與 父,受知於公尤深 出 人,仕 表兄 生長 封信 爲 公公 素 暮 有 I 也 京尹 侍 部 劇 行 切 交婚至 某 春 少 安郡 側 談 華 外家,蒙 曾 鄰 遂 必 兩 方 + 俱 ,公之歸又先二 締 從 文 傾 家 袓 護 止 至 歲 太 今, 金 倒 姻 公既 閣 少 客 尚 有 紫 焉 師 直 時っ 夫人,郡 鄉 歲 外 使 如 其 唱 書 娶 爲 謝 學 間 晚 祖 且 之盛。 虜 朱 樂 必 翁 公之碩 表 白 事 士 合 公既 陳 久。 教育之賜 無 和 氏 皆 兄 以 陳 慶,元 而 然。 奉 徒 涯 、公祖 弟 許 某 五. 公 年 公爲禮 爲 平. 詔 人又 行 侍 + 步 得 居 ,而壽過之。 真 先 時 夕之 旨 去 行 往 1 學 仁 事 奉 君 又 母 歲 慕 均 某從 歸 來, 祠 繼 部 依 陳 士 甚 諸 白 致 後 老 晚 休 登 甥館 祕 相 氏 樂 伯 殆 舅如 粟 老 簫 母: 而 監 從 好 猶 年 天 帛 年 無 母 鼓 僥 父之 翁 某 班 時 之 以 之 諸 羊 虚 先 亦 相 九 倖 陳

聞 飾 厭 爲 風 版 嘗 哉 宿 石 益 敢 詳,公歷言出 且 曰 何》之歌 適 名節 公之亡者, 道 塵 矣。 興 真 追 書《 . 公見之,賦 與公同 樂天行 有 骨, 配古 世 過 適 名 雖 池 報公之疾 藥石 齋,「 齋 而 公, 不 必 純 E 徑 中。 閲 》等篇 敢 全,壽 詩 篇 謂 笑 僊 檜 宜 石 當,然足 造 詩 處 而 無問 》等於其 公既 E. 語 禳 邪 「林《避 静 真 大 平 大 甚 變者, 壽 竟 ? 皆 考 略 之 澹 概 貴賤 I. 名 日 有 令終,幾 禍 所 以 集 能 何 偶 慨 暑 室 不 爲 顔 疾,時問安否,一 亟 去 不 似 中 起 小 録 公比 道 然 後 不朽之榮矣。」 走 畫 之。」 之 及 大,駭 見 非 話 殆 人 而 牀 履 速 又易 意 小 無 樂 莫 情 歎 下 某 道 也 嗚 異。 論 可 天 能 曲 最 怛 宅 ? 遂 以《 呼 謂 樂 憾 則 尤 辯 折 爲 赴 録 圖 才 内 天 無 E 切。 也 弔 驚 於 和《 于 日 吾 隔 遂 惟 事 公豈 不 行 可 9 痛 册 屏 達 礲 公 非 甚 柰 相 僊 修 口 奉 再 某

舅,而 某敘 姓名 擇 諸 謚 之感也。 歷言入仕之初以 此,小官時事 人之悲慟 至庠校之士相與設奠,而寓哀於文,皆盛 向 其 孤 而 法、秉史筆者,庶有取於斯焉。 哭,俱爲盡哀。 可 以 次 知舅之詳 葬 法者備載之,不 行 不忘。 某痛 日 采 事 迫 0 不 不 近, 徹 竊 必 者 忍 聞 至 肺肝, 自 未遑求銘於當世 屢 亦 聞 見 通 鄉之達尊,郡太守而 惟 書,痛 莫如某。 ,行道之人所 所記 顯 念愛我 嫌 固 凡 E 於詳 既 惟 經 不堪。 不 园 侍坐之次,公 公之名位 撫 也。 可 處 謹 我 者,歲 共歎 勝 儒宗,俾 狀。 莫 若太夫 佗 如 日 達 也。 定 月 至 吾 德 下

攻處先生文集卷第九十一

攻媿先生文集卷第九十二

公居仁,字安行,年六十九狀

本貫

興化軍

莆田縣崇業鄉孝

義

里。

陳

四明樓鑰大防

行狀

大夫陳公行狀華文閣直學士正奉大夫致仕贈金紫光禄

曾祖砥,故不仕。曾祖母林氏。

安人。

祖

嘉

謨

故贈

右朝奉

郎。

祖

母

黄

氏

贈

贈 咸 特 寧 郡 進。 父膏,故任左朝奉大夫,太府 太夫人,贈 母蔡氏 新平郡夫人。 贈安康郡夫人。 少 汪 卿 氏 封 累

世事

,得旨赦不在法恩之籍者。

又争之,謂

事

覺

或或

請

屠

城

以

示

四

方。

力論多

殺

非

聖

分教汾 館 姻 惠州 範先生以 奪而降。 歲已學屬 也。」少長 抱,不作一聲, 奄 朝陞邑爲軍,至今衣冠不絶。 司直避五代之亂,自光州徙于泉之莆田 至,親 四 ,公以建炎己酉生於奉化,未 ,值曾衮之變,徑至賊 明,遂著籍慶元之鄞。 惟陳氏 州 爲御史,四明 黨竄伏窮 穎悟,性 來,世系蟬聯,皆可推考。 文。 佐 | 胄出 延 特進以文章氣節 同行 康 姚 不好弄,厚重如 張公克戩 Ш 虞,爲世著 相 寇 有僧 與 攘 言 壘譬曉之,賊 始特 法恩謀 蠭 守 曰:「此 特進宣游 城 起。 及 姓。 望 桿虜。 進 月 于 成人,十 公 不 來 而 七世 後 朝 貴 在 漢 軌 依 虜 始始 或 聯 子 襁 騎 氣 知 甥 祖 文 而

烈。 ? 愛 日 孝 時 進 宥 也 餘 干 如 養 嘗 特 未 新 汝 萬 特 能 平. 語 公 進 人 里之敏 兩 嘗 進 相 夫 之 幼 子 任 州 爲 益 反 其 倚 人挈 家 日 泣 皆 時 奇之。 顧 爲 實 賴 事 以 下 0 侍 今尚 命 不 以 乎?」公曰 之。 特 外 似 立 且. 足 依 進 祖 甫 聞 勉 稽 聞 外 何念? 其 遺 少 欲 + . 之學 據 氏 汾 大 澤 師 以 几 此 補 州 節 況 誓 我 歲 . ·, 益 外 兒 事 將 大 皆 如 使 終 某 而 祖 當 此 脅 仕 雖 自 虜 靡 孤 能 母 人 大 從 郎 刻 執 幼 它 \pm 惠 憤 宜 古 吾 苦 公公 夫 其 調 喪 家 然 敢 州 不 願 0 信 憚 人 尤 見 激 有 有 悉 如 不

行

賊

特

籍

寬

子

特 此 秦 左 進 派 遷 相 論 紹 投 興 而 分至 弗 + 大臣 能 密 害 年 時 也 堅 御 登 拒 時 史 進 之, 秦 多 士 公 而 由 科 威 抗 此 疏 柄 大 特 方 求 用 進 盛 外 嘗 舊 坐 風 與

懼 公請 公取 者 騎 狀 討 范 元 監 發 矢 酒 相 媿 賊 是有 公公 公 在 壯 告 大 壽 官 年 去 出 官 行 至 成 嘗 之。 春 納 没 魏 在 世 孝宗 以 命 、公設 以 時 大 告 ,行人在 公 魏 點 繼 科 身 焉 爲 之 既 公 年 和 公 辨 日 檢 許 下 修 0 或 者 事 和 退 戰 使 考 白 贍 . 高 方 失 魏 終 勸 忤 劑 京 未 滿 翻 虜 軍 下 公。 略 廟 先 據 不 退 公公 局 泉 决 口 以 激 聖 生 當 束 自 見 使 部 此 賞 遣 與 至 政 虜 嘗 尋 冒 公 裝 改 9 通 分 知 酒 及 可 公皆 諭 境 欲 復 寒 兵 學 以 秩 妙 而 公, 庫 得 行 虜 上 F 事 俟 鉛 出出 在 選 厲 且 自 所 縣 兵 美 既 授 向 馬 之, 淮 劾 Ш 議 寮 使 西爵 筦 糴 當 已 北 永 開 屬 以 之 久 辟 使 真 猶 此 場 庫 豐 進 不 威 孔 道 人情 公爲 從 者 盗 所 觴 中 時 公 **令**, 道 卷 定 脅 而 _0 容 竟 謂 隆 參 兼 不 E 9 公。 得 飛 觀 改 負 盗 舉 突 書 水 檢 興 恟 政 .

禮

勉

盡

撫

己

州

鉛

Ш

尉

連

取

漕

薦

之

贊 兵 仁者之勇 皆 畫 引 爲 滿 以 也 待 卒遂 魏 公 成 察 禮 公 减 無 歲 懼 幣 色 而 唶 還 日 公公 .

孝宗 得 年宗寺 先 雍 事 不 用 未 王 不 閒 求者 定 堂 公爲 若 能 宫 嘗 進 ,公不欲 帖 求 大 初 改 秉 陛 徒爲 頗 闕 小學 左宣 之 退 陛 授之。」輪 權 進 或 下 官 動 以 丞 不 下 均 鋭 大言 就。 教郎 教授 澤 、公方 字 書 色。 非 初 意 競 虞雍 無 抵 恢 日 執謂 謀 六年始赴, 對 踰 終 之, 口 復 以 : 攝 忍 時 奏 必 年 致 公一 奉 繼 事 公 貧 朕 謂 魏 之資 始 無 使賞 立 日 需 乃 未 公日 以 : 見奇公,欲 爲 成 求 遠 嘗 通 希 軍 又導公言 國之要, 有定 轉 幸 而 次 貴 不 和 寶牒之賞。 器 兩 成 規 立 者 監 閉 乾 官 力 亦 規 模 和 一紛然, 門 主 道 乃 引 在 旋 差充 模 未 戰 兵, 簿 讀 元、二 以 可 規 立 敗 書 諸 公 守 擇 俄 立 謝 模 明 爲

之。 略之士 戒。」 所 臣 奏: 時 使 下。 至 意。」上 也 規 施 曰 \Box 0 . 一、深得: 學 於 模 更易 人 者 行 . 遷將 、必信 淺 偏 又奏:「聖 即 以 ,已差下 少 迄 國家 文武 此 蓬 ,尚不 或或 陋 勝 日 前 録 今 則 持 作監 去位 本 可 H 禁此等書嚴 隨 無 多 平 請 並 也。 定 納 又奏邊 j 能 機 定 便 救 增 只 一、公專 用 派、 力 政 别 而 論 慮 保 佞 偏 爲 今朝令夕改, 之論,某 府 長 應。」公復 或 與 之道 甚至 輕 ,外閒至有前 文臣 不 雍 民 子 省 躁 久 差 書 知 盗 但 之徒 之術 甚 Ĕ. 監 遣之類 事 以 公 太勝 何 馬 派、祕 不 臺 今 日 試 恐 奏 又 者 事 益 之。 應用 察 又 未 不 爲 人得 要 陛 宣 知 降指 非 書 此 奏 必 可 適 規 發 當 下 諭 公 得 派 此言之當 此 太 兼 不 過 已見之, 模 號 獎 扶 直 增 顧 中 智 可 揮 用 闕 ? 施 進 更不 旨 恐 再 試 而 之 謀 局 司 本 上 舍 復 武 行 生 正 紫十 勇

公適 平 能 者 輸 即 或 加 + -之數 慨 推 諭 能 退 絹 每 公貽 告 當 然 剥 廣 重 F 兀 守 聖 率 爲 欲 其 而 當 寬 德 蠲 書 + 痛 時 民 遽 令。 重 之, 謂 革之。 病 使 干 吏 官 : 兀 乃 則 出 如 又 吏 而 天 以 有 命 自 令, 兩 奉 蠲 時 子 睿 罪 徽 Ш 並 行 民 其 版 節 多 0 輸 斷 過 益 獨 曹 經 + 自 \mathbb{H} 當 謂 止 不 威 費 今 以 少 堪 申 + 嚴 荷 揀 以 絶 兩 舊 , 控 米 兩 擇 及 惠 並 無 則 制 而 太 緣 度 儉 訴 敢 恐 舉 左 輸 之姦 精 程 瘠 徹 忤 郡 悍 八 隨 聞 公 吏 折 忽 所

得 植 至 及 即 表 四 下 輒 民 F 批 Ŧi. 之深 表於 升 受 銷 老校 民 秋 人 敢 庭 苗 多 抗 往 無 預 有 益 此 聲 往 留 以 選 類 裹 以 中 滯 告。 良 告 度 贏 吏, 吏 又 以 而 親 已 連 不 减 遭 歸 爲 即 歲 得 抑 加 分明之。 自 大 摇 徽 耗 退 稔 者 以 手 之 之 名 政 甚 米 實 抱 銜 甚 者 至 惠 鈔 所 受 休 不 輸 確 至 石 輸 論 平 隨 V. 口 而

訟

盡

110

民

事

政

成

當

召

。 又

謂

大

臣

H

.

陳

某

論

事

明

練

貌

類

汪

大

猷

曾

派

相

 \vdash

.

是

其

甥

也

方

欲

用

卿

乃

澽

求

去。

卿

其

清

省

獄

陳

某

無

它

口

\$

陛

辭

而

行。」

臨

遣

甚

寵

H.

或

?

E

欣

納,

甫

數

日

,首召李

公。

尋

再

對

不

欲

爲

異

亦

乞

免

謝

辭

上

指

日

.

差

知

徽

州

時

朝

行

 \equiv

數人以

故

去,

皆

乞

免

林

不

待

臣

言。

李

燾

莫

濟

岢

應

棄

之

侯

舉

公奏

如

周

必

大、

洪

邁

在

禁

郊

恩

賜

緋

荐

攝

禮

部

郎

中

嘗

奏

論

臺

閣

宜

議

者

不

樂

,公乞去。

相

君

堅

卻

之,

Ħ.

E

.

方譽美未已。」將

上

則

御

史

不

安。

是

年

無

敢

忤

御

史者

一、公人

奏,

Ŀ

稱

善

即

寑

前

議

多

用

明

習

典

故

之士,

上

日

.

知

名

之士

試

據 刺 淳 史 熙 陶 几 雅 年 宿 赴 重 郡 兵 賦 郡 自 倍 五. 旁 季 郡 楊 行 祖 宗 密 削 割

者。 剖 拜 生 授 官 詣 甚 新 遠 所 晏 錢 闐 石 爲 之。 慮 壽 也 吏 析 偉 臺 用 軍 民 擁 民 之 公由 _0 創 ,皆取 之 滯 省 資 未 道 以 後 祠 既 事 效 御 見 庫 病 梅 路 爲 願 赴 它 霖 受 史 涉 數 爲 得 情 於 造 亡 武 去 道 代 自 暴 哌 + 餘 之 公 法 閲 忽 慮 郡 昌 去 是 漲 稱 年 財 吏 股 定 曲 武 鳩 歲 + 千 於 所 取 父 遂 栗 民 斷 亭 盡 I 餘 萬 民 朝 道 未 老 遮 得 者 造 舉 年 不 人。 或 復 有 郡 或 公 留 以 渡 日 行 知 至千 於 也 中 遇 略 送 : 御 濟 舟 役。 非 0 真 郡 抵 生 别 史 不 數 猶 素 古 郡 始 有 言 庠 今 日 排 數 府 + 聚 聽 有 有 之 截 郡 創 賴 知 + 索 比 艘 綵 訟 大 以 良 鄰 公 鐙 之。 人必 御 案 里 揭 明 溪 徑 先 感 莫 斷 境 書 外 旗 去 敏 千 其 來 以 既 橋 有 閣 事 測 歲

還朝入對,褒諭再三,首曰:「新安之

心

顧

能

爾

耶

自有 忠 守。 示終 行。」 之人,今老矣,添 察。 市 賦 讀 付 利 初 有 飭 日 政 苛 此 有 順 兀 出 之 甚 賴 始 十三 數 過 數 訟 軍 初 如 尋 取 好 法久 其 卿 以 於 句 念 士 在 敢 既 即 重 盡 做 從 爲 歎 處 優 减 至 郡 違 功之意 擾 御 則 心 其 之賞 乞 臣 戰 恨 渥 吏 再, 戾, 批 方方 易 觀 臺 因 乞 編 功 胥 有 . 聽 玩 諫 日 加 奏 歎 具 加 差 之 成 類 戰 市 解 : 堅 屢 五 不 申 己 别 行 實 事 隆 告 則 體 士 例 爲 後 事 己 罷 惠。 久 尚 可 下 戒。 千 興 者 大 反 朕 生 謂 此輩 萬 則 本 書 以 末 輕 廪 言 有 啚 奏 正 名 易 年 來 省 路 上 章 朘 乞 稍 報 劄 皆 恐後 言 猶 怠 H. 取 監 日 寬 明 雖 極 削 半 之心 几 出 舉 旨 司 . 恤 言 詔 給 恐. H 其 篇 人未 惟 萬 日 卿 詔 猥 優 。 上 變 常 皆 重 後 死 至 申 也 所 卹 多 作 法 丐 策 歸 切 能 論 依 日 加 斷 之 覺 遵 復 E 勳 团 施 絹 戒 奏 干 IF. 有 水

耶 徑 從 成 於 從 大 謝 是 之 撥 以 達 知 此 再 官 夫,且 ? 爲 乞 南 俟 益 玉. 曹 職 E 添 則 即 撥 帑 用 差 不 深 事 既 又 歎 篇 政 色甚 無 再 許 之外 曾 還 借 足 0 矣。 稱 网 策 適 兼 語 極 會 之。 爲 0 貸 任 道 遂 在 禮 悦 派 有 駕 或 NA V E. 除 能 去歲 除 向 衣 聲 相 幸 盡 貮 嘗 初 H. H 郎 户 用 糧 來 H F 死 諭 卿 以 兼 奏 部 日 會 明 指 心 全 . . Ŧi. 石 力 借 論 大 堂 攝 采 樞 \Box 揮 右 給 事 大 用 治 貸 度 臣 借 屬 之 贵 曹 X 訪 -, --: 便 中 閱 支 切 度 不 行 闕 -後 尤 撥 應 郎 當 公 軍 方 貳 方 論 ,特旨 當 可 : 老 員 左 即 官 用 見 爲 之 爲 殷 爲 戰 帑 不 以 陳 卿 方 卿 之 爲 天 例 且 是 先 功 金 加 ^ 0 援 某 欲 以 轉 或 呼 會 下 留 帛 事 H 卹 見 自 著 例 詳 知 援 行 0 舞 要 第 甚 出 爲 ? 乃 公遜 莫 歲 是 爲 或 朝 練 庭 **>** 當 郎 命 若 還 書 受 卿 名 爾 不 例 議 敏 至

> 之 受 乎 郎 谁 考 ? 私 擬 E **\$** 謁 即 日 E 甲 差 除 . E 遣 樞 酌 : 恩 贵 密 故 陳 例 院 有 實 某 悉 檢 人 今 \$ 才 詳 可 何 投 諸 如 否 官 牒 陳 7 房 送 某 文 决, 檢 對 字 而 詳 右 曰 口 所 選 久 翕 公爲 樞 爲 今爲 然 郎 不

歸

心

等 閱 類 序 平. 不 下 速 口 答 關 省 白 程 道 諸 隨 謂 嘗 餘 限 都 檢 年 公 白 事 里 如 除 大 萬 IF. 司 擇 由 辨 又 П 湘 公公 諸 歲 輪 緡 爲 是 其 遠 析 潭 房 遷 對 明 終 便 開 處 來 賞 公 費 及 Ħ. 暢 徧 心 事 歸 事 赴 典 倖 順 歷 相 明 執 昇 於 不 滋 者 子 左 審 是 天 上 潤 政 龃 繁 更 右 下 乃 曉 日 持 之,計 緇 江 司 軍 E 然易 事 . 公 心 餫 西 屯 E 盡 忠 調 非 得 却 歲 從 於 年 退 搜 厚 撥 Ŀ 卿 省 亦 米 政 至 故 忠 荆 導 既 閒 論 省 展 不 中 牘 鄂 於 行 者 便 轉 以 議 書 有 考 體 書 之 語 門 Ħ. 寬 無 失 不

曹 冤 法 吾 以 既 者 尤 爾 爲 或 擿 會 翻 宜 ? 者 日 罷 州 甚 閱 位 其 指 責 相 有 貪 誰 一一六六 何 荒 尤 之民 但 論 不 賞 來 去 古 踵 卒 蠲 定 能 者繩 送 倦 其 徽 政 效 卑 治 勘 放 及 如 方 迎 公奏: 太 以 卿 饒 此 當 E 至 費重、 之。 急 此 所 甚 E ? 以 故 雖 者 震 八 事 鄭 者 朝 以 平 深 守 平 尊 \equiv 怒 九 長 又 餘餘 綱 重 糾 納之。 反 文書 捄 有 心 長 皆至 日 貮 萬 歎 事 爲 應 六 荒 便民, 雖 之限 或 吏不 徑白 緡 在 E 肅 多 之。 曹 斷 無 有 樂 . 追 有 先 絶 術 嚴、 者 聞 宰府, 立 能 大 而 司 停 刑 或 謂 9 是 似 又有 無 職 爲 婺 循 奉 逾 請 安 房 有 此 文 安可 失刑 自 禀行 業 行 亦 獄 月 姑 得 請 非 罪 書 故 是 言 且 Ħ. 不 從 案 從 幸 以 之下 朏 不 慢 守 廢 流 報 + 端 鐫 闊 免 如 尊 令? 能 \$ 徽 免 士 移 公公 萬 略 Ш 秩 今 早 夫 撓 六 罷 改 爲 多 則 本

之, 之 中 之, 盗 欲 徑 指 者 可。」公曰 公爲之裁 自 陳 口 文。」公曰 可 切沮 引 念 精 用 賞 爲 揮 ,公詰之, 疏 理 即 辨 鮮 泊,不 去。 覈 乎 有 放 本 而 恩 日 有 論 欲 之, 行 ? 執 賞 得 行 克 數 一一前 派 從 之。 此 續 且 丞 訂 吏 以 則 改 濟 定寬,今日 陳 皆 降 四, 乃 相 擇 請 駭 屬 吏 E 某 古 爲 徑 日 取 坐罣 相 艴 删 乎 服 吏。 愈 公 過 精 争 言 以 . 以 乃 此 此 然 弄 七 名 日 審 不 者,公曰 公 三字 爲 誤 爲 指 大 有 權 人 日 尚 可 後 手 有 多 汝 禮 而 揮 皆 任 . 乎 吾 疏 失 所 復 沈 耶 輩 退 之後 滿 當 中 以 此 者 職 ? 贵 拘 抑 檢 舞 何 各 :「格改之法 有 賞 改 絶 者 將 賣 疑 者 閡 者 疏 Œ 文之具 某 吏姦。 自 爲 正 理 皆 者 上 何 恩 其 自 部 於 願 得 今後』之 賴 者 冤 將 吏所 上 便 推 派 紛 之矣。 狀 耶 又 與 白 L 相 至 内 閱 捕 格 溝 則 難 躬 若 施 Ħ. 都

公嘗 朕 宰 革 言 浼 熙 行 以 御 陳 每 不 殊 史京 ,公應 備 + 奉 執 某 也 恨 拘 兼 行 老 能 廟 見 無 駑 鏜 堂 否 親 文 領 年 詔 忠 清 和 蹇 ? 嘗 極 爾 左 賀 惟 , 乞韶 勤 欲 平 濁 啓 藏 論 不 金 命 試 令 氣 全 但 是 從 擬 或 諭 足 之從。」 陳 象 才 非 庫 窄 公 歲 某 之。」 生 以 某 之 卿 攝 所 人 聞 上 須 辰 共 奉 弊 以 侍 能 務 者 一公回 遂 詳 首 或 使 累 煩 行 立 文 韙 借 已 信 試 賢 使 寬 者 聞 之。 蒙 吏 奏 E 使 乃 者 大 \equiv 其 部 開 褒 日 見。 耳 每 IE 有 有 中 尚 納 諭 嘗 以 頃 親 冬, 書 初 非 公 賤 繁 歲 大 祖 此 朕 陛 宗 所 奏 息 監 早 差 能 F. 但 劇 風 辭 淳 謂 求 用 察 聞 敢 相 爲 未 . 口

静 諫 官 有 · 今 文 使 還 H 將 立 除 處 螭 卿 起 以 居 不 清 郎 必 要 多 久 人 謝 矣。 謝 0 論 上 去 日 歲 圩 欲 卿 \mathbb{H} 用 端 多 爲

請 勢 疑 悦 實 得 焚 櫬 舍 事 明 作 果 如 所 有 可 方 之 人。 此 從 爇 謂 勑 家 何 增 所 以 歲 日 Ŀ 公 令。 如 方 殯 心 所 爲 藉 聞 許 公 多 . ? 稱 大 公 寺 泛 平 據 見 口 之 豐 埋 悉 朕 院 恩 即 上 誦 對 氣 和 + 9 對 葬 稔 使 議 當 哌 而 濫 日 繳 定 久 及 而 年 水 E 日 忠 仍 子 欲 之, 作 + : 賞 之 論 不 曰 問 . 無 告 觀 標 必 孫 圩 年 人 : 同 朝 所 : 謂 封 又 必 陳 之 以 識 經 也 士 瀦 無 臺 繳 日 如 不 某 會 來 卿 以 不 涉 0 時 中 子 諫 無 此 待 水水 動 比 詞 復 郡 肖 西 虜 明 如 孫 則 澼 使 其 命 無 邑, 者 幣 給 掖 卿 年 早 祭 陳 緇 家 虜 自 所 亦 暫 舍 今 春 不 省 某 屢 爲 有 古 徒 尋 兼 泄 得 闕 多 在 通 見 告 者 惟 之勘 之 察 敵 兼 訪 口 成 以 其 善 近 即 官 或 無 許 詳 權 利 圩 挾 班 情 是 情多 欲 驗 奏 **\$** 上 賴 中 定 害 自 田 從 律 狀 詐 有 得 旅 書 攝 甚 未 凡 與

行 惠 有 去 且 過 將 知 不 願 口 半。 風 Ŀ 忽 可 下 恩 宿 大 頑 曰 必 慶 郊 眷 不 習 齋 也 藥 民 惠 若 0 備 耶 之 驕 上 赦 耳 乃 當 而 百 其 渥 前 9 佳 笑 自 冗 以 盡 小 壯 名 臣 郊 日 公曾 處 民 中 放 兵 士 以 陞 爲 祀 移 天 不 忽 爲 徤 爲 赦 兼 時 四 方 以 下 與。 記 諱 馬 E 詳 外 有 H 方 足 賜 得 Ŧi. 合 敵 定 罪 9 决 今 得 疾 卿 等 名 卿 除 朕 未 呈 出 不 求 既 足 爲 未 户 中 意 足 須 輕 露 奏 去 謝 身 寬 爲 以 書 畏 是 舉 劄 無 惠 真 舍 T 逋 問 上 75 就 而 餘 女妓 負 勞 論 云 於 補 贵 内 顧 几 民 尤 . 赦 足 中 等 應 患 在 又 耳 篤 户 以 F. 益 有 中 申 E 我 其 不

蒙 有 報 不 便 公 口 在 事 安 詞 日気に 定 掖 或 最 郡 體 久 \pm 乞封 論 所 事 妾爲 難 不 言 爲 夫人,公以 带 公 輒 細 論 而 詔 葵 率 今

體 誠 性 猶 殊 當 勝 節 以 自 相 方言之, 日 自 人 論 E. 事末 0 之 主, 之言 今 覺 御 未 講 與 前 不 子 同 叢 艾。」 次 臣 道 全 亦 持 明 E 彤 盟 時 丞 在 當 下 守 脞 事 事 H 貴 俯 節 況 如 相 何 又嘗 奏 卿 繳 語 少 極 在 遠 省 循 而 此 簿 爲 近 以 降 奏 等 事 痛 輔 執 紊 近 智 唐 及 則 外 列 書 論 指 快 訖 留 臣 要。 大 小 慮 劉 此 又 乎 郡 細 它 揮 意 . 體 大 ? H. 洎 以 求 非 故 財 日 之臣 今陛 朝 是有 中 多 頤 陳 去, 陳 熟 賦 口 願深 對 人 上 記 廷 書 精 某 某 復 省 事 對 日 之 日 上 多言 未 下 神 補 務 之言 即 奏 其 奏 思 0 事 曾 . 日 清 親 風 E 言 劄 省 漢 之 進 . 上 及 失 上 教 训 朕 細 中 不 甚 明 方 口 諫 於 退 日 此 日 朕 謂 故 今氣宇 忠 帝 用 也 是 之義 必 尤 好 . E 舉 黄 而 卿 爲 朝 繁 詳 之 後 老 之 朕 前 卿 見 綱 忽 廷 近 瑣 之 擊 數 等 忠 養 遠 意 所 大 不 此 亦 君 所 要

洪公 乞 闕 焦 德 自 獄 制 公手, 脞 欲 H 口 曰 人,信非 聖 勞, 加 澤 詔 不 以 也 用 獨 自 ,公奏:「長 一政》中 浚 至 耳 陳某 催 邁典貢舉,復命 然今日 内 陳某 大農 固 應 應之不 深 Ħ 廣 外 伺 幾 欲 虚 又 錢 察之風 長 當之,略 省 爾 語 一人足辦,不 調 脂 自 既 閣 吏 E 賦 此 度 煕 血. 煩。 老李 養兵 各 非 吏 派 略 當 向 以 日 誠 執 帥 豐 公心考察,陛下 相 寬 來 責 不 以 不 E 公巘 要之道,又恐 變 屬 少寬, 之 中 兼 之 明 以 不 朘竭。 見 臨 有 更,崇、觀 監 書 日 可 下 直學士院,王言 其 必 出 朝 而 贓 或用 長。」 媿 司 難 更差它人。」 日 疆 養 嘗 不 養 謝 0 べ。」 時 今賦 兵 0 以 劾 日 兵, 以 又 三人,今 此 益 所 方 9 0 侈 闕 論 人不自安。 端 至 人 大 是 事 説 仰 其 靡 官 官 : 數 拱 煩 邏 終 已 有 不 奏, 利 内 .俱 内 倍 欲 編 責 陛 者 不 聖 列 可 不 心 聖 成 F 外 出 於 興 擇 相 F 叢 可 可 源

> 費 爲 所 而 以 汰 己 世 哉 續 冗 不 民 兵 深 上 命 以 口 而 一皆是 慮 其 壽 哉 可 天 之。 ! 省 下 之數 ·之脉 願 詔 贵 大 定 臣 爲 止 博 蠲 召 議 除 和 之目 致 絶 豐 浮

人 省 冬, 忠 比 房 官 配 重 可可 「編置。 乎? 公公曰 擾之 本 厚 坐 筠 高宗 廟堂 州 而 大 無 耳。 日 疏 升遐, 用 無 極 公勃 : 與, 自 E 通 臺 論 葛 不 一從容 朕 秋 率 之 然 快 醫官 然, 官 復 邲 司 之。 得 大 安 謂 丐 既 亦 用 靖 寮 必 旨貨 許 外,上 輔 王 其 之意 給 俱 和 欲 涇 全 人 臣 舍 平。 人奏。 真 命 臺,省 死 也 久 已 曰 之極 固 杖 __ 有 . 决 天 無 留 餘 脊 下 又 連 省 陳 官 典。 切 罪 銜 于 且. 本 日 某 吏 獨 勿 上 上 之舉 都 無 謂 時 老 不 廣 市 事 當 成 許 從 使 也 無 0 鐫 卿 是 凝 至 刺 全 前 H 庸

● 「司方説」三字,原殘,據殿本補。

苛 矣 獻 當 卿 降 體 是 於 詔 兵 頓 下 須 \Box H 重 經 節 衛 不 擾 復 徑 期 已自 毋 翻 爲 F 宜 易。 得 筵 詔 迫 振 前 亟 向 節 不 至 衮 閲 不 中 矣 日 與 不 日 明 非 明 削 思 酌 冗 適 : 詔 班 寬 加 司 過 示 白 費 無 卿 弱 獻 無 反 簿 申 假 思 口 卿 百 朕 爲 言 煩 爲 失 闕 以 飭 陵 費 也 神 裁 意 在 但 擾 言 每 欽 全送 。」公力 自 朕 E 之 乞持 幄 如 抑 職 事 近 臣 公 奉 瞿 役 内 亦 亦 盡 議 己 何 諫 剽 獨 往 之 然 几 未 庫 欲 之 臣 忠 ? 臺察 之孝。 聞 奏 大 支,罷 意 方 辭 轉 寤 日 年 以 不 而 0 沿 夫 對 : 何 移 不 堅 得 知 漕 尤 不 路 人 有 日 忽 敢 觀 體 不 欑 諸 見 臣 德 酒 應 則 泣 八 闕 . 當 以 宫 但 路 忠 果 相 聖 壽 頓 久 下 數 E 應 以 深 孝 不 藎 宫 繼 遷 州 願 微 欲 只 L 行 聞 辦 浮 欲 官 存 物 作 日 寘 必 以 有 軍 處 光 貢 降 更 冗 大 陛 屬 事 戒 : 少 卿

之藥 尊 豈 公師 許 拜 易 醫 年 甚 部 何 少 曰 又 若欲 祖 俟 復 以 退 盡 尚 古 親 敢 藥 五. . 留 宗 致 以 月 忠 近 魯 書宇文公价 辭 踵 劄 之 省費 顔 奏 時 ,俾久 至 子 疾 求 即 俱 上 稱 新 及三 懇 某 必 E ? 日 却 去 久 平 斷 用 奉 切 退 日 次 要進 當 之, 次 留 年 公 E 使 忠 及 . 具 日 然 峻 後 厚 被 對 且 家 口 宰 旬 以 ? 遷 對 不 别 爲 省 淳 疾 以 日 日 臣 休 實 可 ,方及欑 即 則 之 思 其 直 上 + 非 . . 奏 求 須 對 蹙 與 所 不 代 者 日 平 各 公與 對 殊 小人有 卿 爲 允 頻 以 言 爲 竟 __. 進 遷 之 每 真 力 論 用 日 之, 宫 也 不 眷 年 尊 以 權 命 欲 卿 每 ___ 丐 事 事 許 眷 報 陳 親 有 禮 卿 已 1 要 皆 下 外 對 去 之。 某 不 壽 半 部 正 E 數 除 頒 去 得 祠 日 己。 其 何 幾 則 矣 侍 遽 日 + 公 尚 敢 以 更 選 何 미 郎 , 兵 0 室 方 雖 當 ? 臣 見 又 欲 顔 再 便 Ti. 1

之賻 執 去 或 奏已 0 而 遭 尤 公哭過 内 慮 艱 公之幾於 矣。 於哀,公卿 上 嗟 毁 惻 也 吊者不 久之, 呕 惟 惜 以 金 公 乏 帛

沔、 綱 寖 耕 適 心 如 立 威 治 計必 莫能 以 成 力爲 唐 鄂之閒 曠 加 盜 家 政 服 費 出 土 惠 崔 急之 魯流 聲 敚。 闕 治 之,三 此 加 調 郾 行 軍 援 闢 除 所 旅 娱 民 者 則 公聞 私 不 聞 然民 謂 集 數 帖 事 築 鑄 而 足 英 土 以 及公爲之, 月 在 隄 服 生。」 之 聚 課 殿 平 兵習 爲 今 沃 衆 捍 而 日 X 修 也 前 郡 日 諸 江 民 至 領 倍 撰、 知 後 剽,雜 數千人,巢穴 水 計 最 略 司 勢已 蓰 密 地 所 知 爲 欲 仰 從 江. 召 理 患 無 鄂 商 重 調 Ш 容 總首 滋 以 遂 有 情 口 州 兵, 征 鎮 泛 熾 夷 除 得 使 翕 應 <u>;</u> ",緩之 俗 公總 坐 鄂 大 公 寬 諭 然 深 興 賦 嘯 \equiv 司 軍 非 號 日 阻 國 持 則 勸 之 鼎 纖 盡 大 用 口 難

> 輕貸 直 徑 爲增 悉 屯 至 比 郡 使 之不忘,此 紹 歸 以 計 熙三 棘 牒 兵 有 俾圖 勢 大之, 業。 曲 數 安 闡 使 軍 (樂寮 年 臨 之前 萬 以 之。 是 中 考官。 始 贵 外 進 感 治 具器 軍 以 悦 驅 郡 以 罪 焕 不 叱 民 奏 章 養 之使然哉 士子 踰 而 外 有 用 公度 聞 閣 知 主 窮 旬, 訟 郡 附 憚 待 給 帥 民 士 仍 其 平 梟 0 既 試 制 病 公 毋得 乞分 必 其 心 樂 夫 去 田 褒 致 魁 公固 郡 其 而 治 歲 戍 紛 至 以 處 數 不 行 久 者 徇 隨 争, 以 譁 持 年 相 漸 也 如 鎮 9 者 不 侵, 餘 Ŧi. 輕 隳。 其 始 可 歸 皆 夜 亦 重 秋 定 焉 地 公 縱 躬 曲 大 不 則 祠

公首治 Ħ. 連 坐 秩 鬭 滿 鬭 殿 移 者 尤 建 爲 嚴 寧 之衰 府 於 爲首 俗 息。 尤 者 聞 勁 環 浦 悍 城 視 動 有 不 輒 謀 勸 殺 弄 止 兵 亦

■「以金帛之賻」,殿本作「賻以金帛」

告 者 寬 禁, 爲 境 冤 五. 佛 必 在 不 業者 使者議 十人 行 暇 糴 稱 宿 將 戕 内 所 且. 給。 之令, 之。 逋 肅 不 而 戒 覆 遠 + 家已 殺 然。 授 家 屬 出 公親 , 傷 公在 此 餘萬 以 數 邑 嚴 爲 輩 者 郡 朝 致 無 方 人 反 惡 筆數 皆亂 尋 ,又代輸 家 鄂 苦多 饒 略 輕 坐之 矣。 鄰 益 渚 亦捕 計 受妄訴 整 百言,疏其 民, 里 訟 知公爲詳 政 遂 法 一空造 日 擾 聲 下 獲。 苟赦之,不惟死 誅 蓋 禽之。 動 行 自 ,受者先坐之。 Ŧi. 有 之, 事 於 今上覃霈 此 等 專 公召 ௱ 江 繭 缿 情 吏 以 崇安又 待 湖 訟 狀 税 因 把 左 一示以 罪 閒 頓 爲 持 翼 民 清 公公 女妓 自 者 建 以 誣 有 戍 矣。 列 銜 與 舉 法 去 H 訴 牛 大 兵

錢 郡 不 足 + 有 何 有 改 餘 知 貲 几 以 不 鎮 萬 爲 江 應 振 不 府 業 能 計? 公 適 糴 再 當 疏 萬 荐 又不 曰 饑 斛 . 報 請 以 舊 粟 直 支 將 於 以 兵 所 朝 書 食 留 尚 抵 緡 謂

> 贵 之,正 之所 忍 遐 郡 吏胥 弊 猶 畫 以 \Box 如 派 有 : 米 即 詳 千 方 使 以 如 流 應 相 ·里之民 就 今 亦 懲 備 遠 遽 移 君 爲 是 恐 日 苟 徼 日 者 習 變 糶 臨 未 陳 : 講 有 不 朝 知 所 者 其 盡 亦 待 且 繼 勞 究 徒爲 丞 公勞瘁之意 去 守 計 旁 也 及 制 將 乘 即 深 相 ? 而 之。 闔 使 耶 若 扁 又 勸 切 餓 平. 暮 胡 始 ? 畿 境 何 告 舟 昔 莩 邦 公 米 미 至 委 ? 均 甸 也。」始 以 糴 俱 瑑 價 人 還 屏 誠 遣 之近 及,全活 愛 於 某願 告 以 至 以 翔 者 騶 寮 惻 民 荆 于 書 其 爲 衛 屬 不 怛 皆 許 稱 楚 尚 湖 乞 自 來 ·忍欺。 雖 不 時 稱 身以 無 昔 事 北 數 委 日 遠 給 憚 貸。 計 萬 不 無 賑 而 日 到 商 糶 往 荒 計 感 歸 得 遺 人人 不 公分 聞 以 給 不 慮 勵 顧 政 之 未 散 願 平 他 有

^{● 「}在」上,殿本有「行」字。

之,顧 遠 賀 歲 改 米 止 揚 汝 F 曰 謝 河 也 恩 自 言 子 曹 造 . 信 巨 舟 盗 而 公察 之險 湮 艘 石 結 安 前 沓 古 吾 在 無 自 賊 地 連 守 硅 得 塞 有 廬 至 古 得 策 鎮 勢 出 此 檣 其 造 以 瀕 以 無 之 皆 民 以 高 没 價 江 可 叹 庸 閘 乎 泄 矣。 患 江 櫛 所 爲 避 仰 江 以 往 汝 遂 悍 於 ? 干 霪 永 阚 願 比 無 陰 誉 每 詩 以 必 丹 水 地 商 潦 不 久 江 。」公訪 恐 合詞 度,鳩 之 爲 平 徒 爲 終 賈 之利 僻 滸 之日 矣 間 謂 邏 之 父老 不 鎮 而 郡 0 此 使 對 公 卒 登。 囊 問 介 : 各 T. 欲 又 民 事 君 問 所 日 因 橐 嘗 于 舊 數 濬 造 取 不 殆 慮 公爲 : 距 侵 公按 有 有 + 治 江 知 古 及 僧 境 此 擾 風 海 沈 百 巨 饑 潮 此 所 視 之 懼 官 幾 僧 濤 鮮 溺 里 艦 之 願 民 以 未 也 甚 投 撤 何 界 猝 0 行 時 府 旅 0 以 羅 灌 爲 見 牒 港 起 去 公 城 既 有 拜 立 禁 濟 相 漕 害

公不 公 支。 郡 耶 有 可 帥 于 憲 是 自 此 濟 曲 命 此 容 、公爲 今。 ?」赴 奠 使 吾 院 以 尉 室 迓 巨 專 貌 向 枕 欲 何 之過 商 曹 有 蠹 吏 籍 以 即 多 不 旅 公 矣。」 具 掩 鎮 首 者三 至 静 去 也 其 破 積 異 衰 也 久 列 捕 選 過 城 壞 鎮 \mathbb{H} 非 聞 服 饑 或 _, 政 建 又 郡 歸 之,悉 之, 數 無 果 迅 加 之 公 詆 民 績 代 上 乃 焉 4 白 不 得 雷 寶 推 名 之日 下 一、父老 日 既 及 罰 無 里 以 盗 文 不 所 真 . 蘇 户 此 俸 吏 者 手 願 數 閣 不 及 以 : 于 之 民 事 以 韓 乎 出 輩 加 歡 掩 待 帑 治 理 輸 驚 自 聞 9 預 爾 於 延 額 耳 训 制 庾 建 此 咎 以 戒 輩 壽 撤 于 其 途 未 如 赤 者 邦 嚚 爲 福 之 上 令 乃 中 调 邦 其. 立 百 課 行之八 易 獨 訟 神 閉 佐 之 奪 徽 名 屋 X 姓 未 鉏 未 毋 幾 閤 屬 吾 爲 時 挽 咸 以 感 息 增 治 盡 得 不 慈 復 增 Ш 品 留 便 州 悦 羨 服 詣 自 + 謀 父 見 養 房 口 不

皆自 禁,蠲 散 盗 裨 辦 初 啓 校 爲 人 人 之 旁 境 奉 運 經 買 屏 領 郡 成 宫 鹽 餘 帥 跡。 筭 之宿 數 忽 事 以 人定 遣 折 治宗 行, 逋 狂 迓 簡 一,優貢 民 賊 罪 兵 子 相 有 計 數 有 要, 之 嘯聚者,公念攻之必 路 差, 窮,酋豪 銀 横 要截 公惡 之市 暴 脅 從 申 估 其 者 度 如 蠱 桀 縱 不 指 毒 内 傲 能 諸 去 之 侍 脱 女妓 劾 舊 幹

備 歸 閣 得 戌 濕 無 Ŧī. 直學 疾,及 即 綰 抵 所 汝 口 郡 家 乘 慶元 憾 語 疾 組 共 者 其 觸 諸 甲 (圖之。 事 復 提 遽 子 寅 惟 年二 作。 君 舉 劇 . 先 疾 臨 江 塋之 勢 吾 月, 民 力請 其爲 既 州 遽 之 太平 平 召 碑 不 變, 病 外 我上章休致。」 赴 敢 未 待 病 祠 遂 ·興 行 有 立 對 矣。 至 薨 國 在 媿 蕭 再 義 于 宫。 0 於 仕 寺 莊 Œ 始 長 心 至 六月 規 寑 涂 進 又 禁 尋 今日 矩 華 爲 冒 從, 有 未 甫 庚 文 嵐 雨

> 諸 恊 縣 武 郎 旨 幼 適 + 命,女一人未 $\dot{\equiv}$ 王 孤 0 轉 紹 9 9 康 承 日 將 年 碩 興 縣 曰 氏 -奉郎 官致 阜, 革 卒 以 府 人 ; 贈 十 一 , 葬 鄉 日 承 , 贈 朝 曰 仕 貢 于 卓, 允迪、 · 奉 議 碩 嫁, 曅 月甲 進 鄞 郎。 人。 大 宣 , 遺 士 縣 皆前 夫居 允修、 日 教 表 申 石 豐 鞏 子男六人: 芾 郎 榘 聞 奉公之匶 樂 卒。 先 隱之女, 鄉 通 次 允 贈 新 横 許 諧 直 金紫 年 知 孫 谿 郎 嫁 紹 一合焉 男 卒,革、 西 女五 封 光 日鞏,宣 王 興 四人: 新 奥 令人, 埜 禄 府 知 之原 人,長 。 餘 大 曅 餘 湖 夫。 義 先 未 尚 允 姚 州

素 孝 望 事 不 前 以 篤 之 甚 己 實 密 而 公性資渾 周 長 與與 意 人之急則不計 始 望 消 物 終 , 無 不 厚 至 忤 而 渝 風 誠 而 喜 待 耻 見 度凝遠,胸 物, 有 言 義 之 無。 必 人 不 勝 勇。 過, 己。 能 善與人交,久 次洞 以 寸善 和 自 形 氣 奉 然 遁 必 襲 如 而 取 寒 忠 臨 片

心

師

也

省

服

推

服

甚

丞

相

0 嘗 之罷 推 地 多 書 言 出於中心,不自以爲長 彼 已不苟。 力, 敬 汪 監 給 在 言無 與 輓 0 自 端 : 所 而 無 漕江 都 之處 事 吾 多 ,上怒未已,公力救之。 道 悔 謂 不自表 明 舊 中 司 之 名 廣 毫媢 忸 東,上 不 海 應 出 王 聞 嘗 流 益 自 聽 而 内 人 辰 公信 待 名 以 友 然 能 襮, 有 朝 嫉之心, 少 之如 論 而 一疏留 進 也 降 雙。」少 周 致 推 行, 未 每 事 故天子信之, 學 心 身 誠 忤 初 語 識 奏論一 雖 不 行,皆人所 知 0 法 薦 人曰: 王 人以 面 也 有 院 非 倦,文亦 以 從 1: 魯公, 今 推 意 彊 胡 者。 文受知 賢 有 於 爲 自 相 戾 公 自 楊 味 納 爲 揚 不 干 鄙 陳 晉 林 以 久 公萬 而 難 愈 善,不 其 忠 小 可 乃 公栗 倍 於 公 臣 ± 恬 爲 知知 官 言 及, 魏 信 夫 得 獻 里 之 同 不 貴。」 從 嘗日 内名 史公 體 尚 0 其 此 曰 子 相 : 書 日

夔

州

時

由

祕

之文,時 襲、黄當 異 在 勝,某 婁 知 . 0 賢 韓 前 時 之最 「某交游 公元 相 執 而 陳 御 反出 以 必 位 有 手 同 史 佳 平 深 以 吉 時,恨 文 日 陳 年文章今日之巨擘, 其下。」待制 生之 句 者 稱 名 : 多 某 誦 金 0 也 之 世 矣 在 不 知 於 玉 _ 日 觀 太 得 之 己 耐 百 正 公人物器業, F 德 相 也 寮 歲 朝 文 獻 楊公曰 成。 絶 上 寒者惟公一人。 詞 挺 陳 周 似 ,又薦之孝宗, 然 温 公 尚 益 乃 爲 潤 嘗 父。」 書 而 公尤愛公 名 必 薦 陳 有 程 政 臣 文 當 公 事 公 于 制 惠 海 大 誥 則 鼎 上

遺

餘

較

而

逾

所

立

而

公

無

不

鄞 特 才有 進 之 租 徙 四 于 百 鄞 斛 9 田 廬 仲 之 氏 在 蚤 莆 世 者 尤 悉 與 其 群

倍」, 殿 本作

本作「屢」。 婁」乃「屢」之古字。

之如 公,益 三山 兄子 公取 莆 今上 女。 壻 窘 季 二頃 於 婦 氏 板 與 中宗 Ŧ 南 及 於 叔 輿 既 每 受 之行 甥 俱 用 父 其 肇 而 公爲 氏 略 Ŧ. 寡 内 族 又 行 頗 季 殁 後 自 而 用 氏 捐 居 夫 禪,公在建,命之奉 葬 皆 生 友 以 感 以 其 畫 隋 范 妹 周 俸 婦 仰 事 來, 愛 奪 動 特 生 送 兄 繡 文 卹 以 俱亡 死 給 遂官 而 特 恩 以 愛 婚 其 Œ 雅 給 有 葬 貧 進 補 之 子 嫁 家 公義 久 嫁 方 光,族黨 矣。 之。 官 捐 曾 而 猶 甚 教 無 日 之。 無 館 莊 子 育 不 澈 嚴 彌 至。 卒 取 力辨 親 以 規 也 其 篤 被 張 新 公又命諸子 老 州 故 自 新 接 試 賜 矩 表 於 孤 平 集 氏 有 存 平 遂 集。 踵 二女弟 郡 貧 中 命 公以 急 以 聯 尤 至 而 遂補文資 又 從 奉 女爲 公 二子、 給 愛 戲 人 雃 弟 嫁 無 叔 公 中 無之。 宗 太 下 又 翟 其 時 不 斥 吅 適 曅 母 分 亡 學。 婣 諸 仕 季 之 與 益 張 待 周 É \mathbf{H} 以

代 先 者 奏上 公惻 帛 華 郡 姓 竟 在 卹 没,二子乞 長 有 償納。 者 亭 都 名 躬 於 吏。 死 人之遺澤 難 0 然,既 曆 且. · 日 閱 私 及。 待 柳 司 有 之。 安 公之及物 氏 在建 帑 券具 雍 給 穉 徽 仍飭 康 爲 彦恭。 食 即 其 飲 之 子 有 有 州 在 可 之 費。 食 久 爲 訴 族 招 諸 嫗 以 買 矣, 之, 闢 類 人疑 其父官 自 道 不 即堂白 仕 詳 命 官 田 此 衙 言 小小 求 命 異 問 义 下 舍 者衆,三 軍 其 取 自 前 厄貧 之, 汪 , 吏俸不以時 廣 又 氣 教 給 便。 推 文 立 下左帑代支,令本 氏 中, 撫 官 則 常 書 度 以 故自 表 之家 事 泣 學 平. 公 養 來 不 歲 於 義 尤其著者 訪 之 類 之 F 門 餘 襟 去又 爲 棄 夫 至 卒 粟 其 日 特 不 給 召 爲 有 伍 實 得 數 達 者劾 以 婦 保 此。 取 願 年 有 屬 既 任 問 乃 行 人 布

著 情 各 屬 按 定 郡 心。 不 請 適 風 有 相 實 邑 劾 盡 制 乃 在 宜 若 可 言 多 厭 或或 皆甚 及。 E 具 其情,樂爲之 。」上從之,徽 甲 故 薄 公自 去徽之後 各置 有 鋤 勸 悉 見, 得 能 人 **令**, 而 女好 相之者。 止 輸 宰 生 所 政。 後 不 之, 無 不 + 如 兩 至 薄 去。」 掾 Ŧi. 對 得 所 曆 數 其官 尚 惠 或爲 則 以 馬 守 顧 E 面 兩 有 利 晚 至 尤善因 日 語 用。 忌,撫 政 爲 而 是 人 宰 及民,水 奉職 公稱 差 臨 . 禁 不 長 不惡 聞 後 親 几 欲 從 叨 賢者推轂恐後,間 慮 發。 此 待 恤 郡 筆 更 屈 輕 其 在 論 H 感 在 無 鈎 往 善良若不可 法 而 俗 早 謹 與 要 則 德 歲 距 復 以 有 途 以 人 外 反 笑 吏一卒不 夏 深 精 不 出 東不 後 重 爲 禱 八年 處 日 矣 E 奇 不 力 税 政, 率 : 臣 處 請 而 丐 德 口 · 得 和 既 寬 爲 前 寮 政 解 待 外 並 應 後 量 買 窺 成 至 從 於 春 有 去 皆 輩 猛 來 君 之 吏 如

> 精 名 治 於 天 歷 文 坐 爾 用 任 雜 雅 要爲 室。 蕭 公 户 下之言長者莫先焉 有二 事 庭 然。 錢 著 几 公退 朝 非 + 如 矣。 出 ·卷,藏 編 自 私 書 有 謂 則 未 事 之 藩 疾 名 凝 讀 嘗 入從, 風 故 日 于 塵 故 每 以 0 不 ^ 家 滿 書 擷 私 有 諸 謁 飭 室 一、尤熟 芳》。 要 喜 奏議 告 己 當 怒 孤 澹 甚 將 惜 施 制 如 故公之文温 於 嚴 版 日 藁 也 官 班 7 箠 必 行 二十卷,詩 物 、左,摘 遂以 茸 以 無 如 亦 玷 傳 己 不 而 缺 世 物 其 妄 便 厚

始 學 春 歸 俱 母 召還 及 士」之謡 厚。 公荷孝宗隆 謂 分舅 某亦 當春、 某既 氏 謂 尚 汪 必 容 奉 出 書 枋 天乎 里社 與與 祠 每 用 興 垂 ! 公俱 無 鄉 如 及門 1 時 何奪 存 政 不 生 E 之感 而 途 過 長 吾表兄 有 病 舅 外 而 不 待 家 家 以 能 之遽 舅二 中 憂 朝 聞 公 歸 外 見 甥三 公之 諸 也 今 老 表 1

謹 殆傳記 不傷 問 得 謹書之,將以告于太史氏 之詳無如某者,又以舊所聞 兹乎? 器自奮。 之日,上而士夫,下而兒童走卒, 處 部,卓登紹熙元年進士科。 次致奠,且道其邦 上 狀。 鄉 此 壽,而年不及七十以卒,尤爲可痛 究經綸之蕴 嘆。 ,以公之仁厚有餘,奇厖福艾,意 治 所罕見也。 家之法,皆公之餘 將葬,芾等泣拜求狀公之行。 鞏嘗魁國子監, 芾兩以漕 内外姻黨哭之盡 豊非 人聞計涕泣,幾爲罷 諸子承公義方,各以才 命 耶? 而 哀, 五 積善餘慶,其 事也,不屢書。 審於母氏 請 嗚 益 呼 郡 識 于 薦 吏民 不 朝。 也 舅 識 知公 上 必 姑 氏 市 若 在 禮 以 無 薨 享 無

攻媳先生文集卷第九十二

攻 媳 先 生文集卷第九十三

公伯

本

貫

濟

南

府

章

丘

縣

巨

德

鄉

巨

人

Ŧ

庠,年六十有

八狀

四 明 樓 鑰 大 防

行 狀

侍 御 史左 朝 請大 夫直 祕閣 致 仕 王 公行 狀

傅。 妣 趙 祖 氏 寂 故 贈 成 任 或 永 静 夫 人。 軍 東 母 光 丘 縣 氏 令, 贈 累 贈 濟 或 小

祖 禔, 累 贈 少 師 妣 張 氏 贈 衛 或

夫人。

夫人。

致 仕 累贈 父次翁,故 太 師 任 妣 資 趙 政 氏 殿 學 贈 士,左 秦國 夫 太 中大 夫

> 文,贈: 鄉 令。 特進者,以 四 世 祖 异, 明經出身,嘗爲 贈 太保者 甲 河 科 中 爲

先生。 以 子屏 少師 親 州 州 人。公登 遂 歸。 郎、 邃於《春秋》。 學 致 供 左 自 直史館、嘉 甘旨。 教 列 其 司 居青崖 古學精 避大河之 公字伯禮 授。 理 事 紹 主 紹 興 參 管 居 興二 名聞 + 初, 深,兼 軍 Ш 潭 於 既免少 患,葬 岐 其先 0 之 執 州 一年進 四 東 年 試 兩 王 政 南 通 明 州,學者雲 任 教 河 府 凡 特 大名府人。 醫 嶽 傅喪,不樂進 士科,授左迪功郎、吉 西 官 滿 0 翊 進 兀 廟 卜,工真 湖之陽,今遂 爲 太師 善 年, 於濟 循 第 十餘 時 左 力 因 集 太 從 南 丐開 教 行 時 年 改 師 事 Ŧi. 授 草 取 因 請 充 號 世 方 郎 -篆,尤 退 家 其 爲 明 在 府 兩 老 尚 祖 上, 已 閒 政 便 州 鄞 而 書 虞 河 繼

1519

台 直 月 議 御 舊 朝 服 除 年 書 閣 縱 知 + 府 年 史。 職 請 寫 之 温 祕 州 官 年 召 通 授 詔 崇 機 力 閣 南 郎 州 顯 + 明 赴 判 主 兩 以 道 省 宜 Ŧi. 鎮 管 浙 改 諸 日 行 可 年 皇太 觀 試 隆 文字 九 月 台 年 知 江 東 將 兼 與 年 在 遷 進 省 興 + 州 路 軍 夔 皇子 通 成 赴 士 ,尋主 后 侍 罷 除 元 崇 府 判 安 子 却 州 E 口 御 年 户 月 爲 道 平 撫 敵 慶 知 職 鑾 ,才三月,終于 史,八 部 兼 參詳 知 三十 觀 功 江 司 \pm 興 改 管 名 太 本 左 閬 參 軍 兩 府 或 台 皆 曹 路 改 師 三十 議 州 官 府 月 贊 州 浙 軍 郎 安 年 左 充 官 罷 讀 西 崇 奪 就 官 撫 禮 宣 Ŧi. 乾 路 院 道 大 以 職 尋 年 太 教 年 儀 四 仍 道 安 觀 州 擢 覃 臣 罷 改 七 師 使 郎 年 殿 撫 治 有 賜 元 恩 奇 歸 年 薨 月 直 主 旨 年 轉 + 辟 中 直 謀 司 五. 講 品品 管 侍 參 移 復 復 左 Ł 服 公 祕 指 兀

官至朝請大夫。

舉 造 郡 其 之。 學 財 後 請 師 知 至 日 延 有 政 子 閣 0 朝 以 趨 守 以 V. 肉 蠮 訓 或以 之命, 分教 、公亦 召 名 楮 叔 味 家 道 公 安 爵 聲 兵 父 當 素 忠 ,父子易 衣 州 際 貧 見 稱 禦寒,手 積 以 清 四 次 , 欽宗 世之意 孝 樂 時 遇 力 在 甚 粟 皐行。 明, 貧 謙 爲 道 聖 宰 美 辭 等 太太 過 勤 不 衣 + 欲 焉 明 人 登 事 去 手 口 擢 有 會 以 種 位 士 首 師 得 奏對 既 勝 以 平 抄 出 苜 餘 派 未 教 仰 之 論 之 乃 奉 年 讒 古 蓿 江 列 子 來 天 慕 養 備 連 表 當 寺 閒 書 而 以 明 甚 若 人 資 中 者 遭 太 抗 充 冠 適 白 力 才 佛 將 往 例 又 論 蓋 世 志 飢 與 自 裕 終 名 師 往 音 論 科 當 之 ,及冠 朝 不 名 幼 之。 自 其 既 成 衝 推 考 民 凡 夕 吐 1: 刻 身 此 不 誦 洪 恩 講 察、 力 相 益 不 欲 猶 意 毗 初 慨 暢 習 薦 先 公 復 誊 私 被 奇 然 未 問 理 太

漲

之

地

未

嘗

耕

耨

施

I

布

種

乃

是

務

本

之

病

無

敢

言

者

公

乃

極

論

之,

其

略

日

沙

然

稍

稍

録

用

沙

H

蘆

場

議

起

租

税

民

以

爲

以

恩

折

之

以

威

庶

口

收

效

於後

E

深

以

爲

及

此

無

事

之

日

以

次

召

還

使

備

環

衛

撫

之

戰

多

有

不

可

掩

者

不

應

以

眚

而

廢

之。

宜

以

高

論

蓋

真

材

苟

Ħ.

之

風

或

口

1

革

是

時

大

夫

議

論

之

不

公。

惟

不

以

虚

言

先

實

用

不

口

不

知

駭

輿

之言不

可

不

鑑

0

又奏:

方

今

弊

莫

大

於

風

俗

荷

且.

而

苟

且.

之

弊

生

於

士

振

而

易

彊

人

心

難

得

而

易

失

乘

航

之

喻

不

宿

將

類

以

罪

廢

公公

奏

.

一奔

北

古

爲

可

罪

௱

9

床

自

以

起

遠

外

被

異

知

益

展

盡

低

藴

9

勝

帝

子

歛

袵

受

之。

逮

執

法

殿

中

進

遷

南

H

除

户

部

郎

講

讀

 \pm

府

究繹

經旨

詞

義

俱

E

意

開

納

陛

楯

亦

屬

耳

傾

聽

爲

之

咨

嘆

即

謂

彊

或

在

法

制

古

或

在

人

心

然

或

勢

可

發 傳 子 焉 於 或 7, 抨 君 弟 爲 視 也 弗 者 公 公平 筆 彈 坦 諫 危之,公 得 如 力素 所 無 長 H 與 何 及 城 耻 率 爾 高 府 公 言 論 動 IE 作 人過 論 事 涉 色 既 奏 有 政 尚 仇 日 居 不 府 多 愛 未 怨, : 能 敢 乞置 身 嘗 非 自 言 之念 言 無 臧 施 休 之 詔 責 少 否 行 分 地 紀 獄 所 諫 人 於 顧 在 物 藁 遇 外 己 綱 忌 謹 者 乃 顧 恩 事 何 意 莫 下 賴 忠 輒 讎

卿 所 言 可 用 議 論 全 似 唐 \pm 珪

之不 得 吏 道 當 分 士 壽 得 啚 譴 其 公,遂易 誦 可 曰 之地 以 群 纖 諸 之 行 · 何 與 而 事 而 上 忘。 嚴 歌 試 欺 郡 風 臨 土 香 此 悉 公止 必 舞之。 木 皆在 聞 也 之所 地 安 夔 夔 獄 真 丽 畢 取 之工 或言 理 祖 以 帥 從 臺 不 見 具 元 馬 撫 宗 大治 罷 容 失 日 合 諫 奏 又 皆 夷 巴俗 去 諱 夔部 免。 自 實 品 而 公以 也 太 建 親 人 或 辰、 默 有 處 0 爲 守 以 貢 多 加 之 即 上 郡 曠 條 指 請 薦修 奉 寬 __ 闡 爲 省 略 後 上 亦 今既 有 遠 9 理 授, 閒 厖 養 祠 子 覽 分别 章 知 巨 事 及三 且 夷 未 女 品 而 不 盡 自 公 刹 百 其 事 有 夏雜 陋 以 幾 施 險 劾 目 姓 出 非 語 在 以 涉 歲 既 要 爲 行 於 而 以 出 有 之 命 其 以 公 以 合五 爲 糅 貨 之, 成 此 茸 惠 於公, 司 日 閬 所 獸 故 嵩 廢 子 公 公首 州 且 嘗 士 馭 人 蹊 風 俱 贵 呼 特 漕 民 人 莫 嘗 念 始 祝 官 鳥 起 論 獲 復

楊 之屬 致 道 豪 尤 焉 之。 皆 嚴 南 耶 於 帝 請 取 觸 震 尺 宣 族 難 平 ? 水 葺 城 發 遂 其 所 書 得 詰 軍 市 西 城 寧、 禁。 其 其 皆 布 或 目 動 書 有 萬 素 地 人 事 威 輒 他 潼 蓋 以 課 曰 感 思 接 何 竹 無 有 歡 德 誉 疑 以 餘 義]1] 民 公日 泣 生 明 思 綿 蟠 井 阻 呼 此 繕 閒 力 以 泉 譬 投 夷 飲 明 竹 非 牟 筧 錢。 接 人 牒 牒 . 曉 相 獄 血 利 而 任 筒 新 水 不不 公修 訴 乞 禍 , 謂 爲 掾 盟 者 思 於 鬼 詹 引 之。 先賢 藏 累 福 給 者 誓 州 可 有 日 師 事 Ш 水 E 牓 興。 貲, 稇 揭 則 年 究 王公 施 喉 邊 遺 於 公 楊 杜 載 矣 示 田 也 各 不 境 家 公化之深 跡 故 黔、 震 小 要束 氏 而 + 還 乾 帖 傳 如子 事 公豊 陵 來 世 公立訊 雅 穆 珎 朋 其 息。 者 所 襲, 示 會 嘗 責 又 爲 至 美 子 謂 伯 公遇 增 耐 等 州 縱 郡 瞿 或 得 高 撫 孫 白 遣 治 或 親 其 皆 與 仲 御 齋 民 失 唐

聽 事 訟 敏 之 明 際 臨 機 反 善 覆 斷 究 問 戢 吏 誠 至 意 嚴 具 乎 莫 敢 無 仰 不 視 退

聽

者

卒 謹 忠 堈 辦 郡 處 嘉 女 汪 + · 、 垍 下 9 篤 大 州 公 八人,其 克 鄉 有 省檢 日 事 軍 Ŧi. 志 既 赴 配 淳熙 有 之 事 後 闕 埏、 日 從 ൬ 夫 瑞 推 大 IE 也 奏 有 事 幼 垓、 公九 子 雲 官 事 諸 9 伉 元 適 亡 通 不 0 娶同 圻 Ш 年 房 儷 進 直 H 年 少 男三 女三人,長 太 E 公 之 士 郎、 意 孫 卒 餘 懈 郡 師 事 月 戚 孫 男 欲 未 9 福 成 人 墓 九 周 + 而 留 瑜 名 日 建 側 : 氏 亟 舜 日 病 餘 Œ 路 惜 封 請 日 , 元 以 適 人 葬 大, 坦 提 在 公已 星 祠 不 朝 宜 . 公于 次 舉 室。 郎 禄 文 埴 起 請 人 坦 衰 適 市 ,柔 將 林 郎 奉 實二 域 未 承 曾 遂 舶 矣 仕 郎 化 移 名 中 淑 孫 事 司 埴 郎 月 縣 女 幹 孝 郎 書 新 而 到 永

衆 記 議 誌 歎 隱 以 路 紙 以 出 多 至 務 議 日 ×, 賞 目 親 老 圖 筆 0 帙 金 問 奉 類 日 公。 經 太 出 文 不已,又歸 周公素簡 附之。 未嘗釋 陵 公 絶 比 告蒙》、《資 隨 月 雖 師 事 就 之 公 等藏 見 獻 意 公歷 0 親 以 手。 若 學 納 表 舉似 博 公公 卷。 公公 居 至 舍 于 中 覽 不 喪 默 孝 亦 不 有 誦 人朱 以 家 經 載 用 獨 治 哀 少少 賓 可 作 以 僅 勵 臧 歷 意 貫 籍 編 客 毁 以 其 文 探 時 公 其 舉 質 穿 Ш 驢 年 盡 相 少 字 他 其 而 子 所 契 傳 集 當 經 × 伸 載 對 禮 __ 官 問 不 語 得 焉 嘗 × 宣 ^ \forall 史 素 都 中 學 爲 及 多 宏 諸 有 成 問 ^ 志 市 恨 之進 屬 雲 警 數 旁 作 公 政 夫 詞 子 人 侍 矣 事 藁 安 拔 + 集 適 侍 出 閒 所 人 文 然 郎 集》、 語, 要 雄 參 否, 難 奩 立 崇 諸 偶 散 周 舉 7 奇 白 坐 及 具, 後 子 論 公 忘 公 奥 朝 落 ^ 氏 公 銘 惟 悉 夔 奏 典 宏 甚 操 V 所 綰 生

皆 之 家 請 主 吝 客 須 滿 色 章 寮 H 永 在 踈 州 夔首 惜 屬 嘉 Ш 盟 嘆 不 必 曲 財 野 至 百 他 威 息 問 疑 爲 面 軍 谷 0 士 服 好 姓 應 無 望 禁 之 夫 與 卒 汪 義 而 几 疾 巷 嗜 怬 凛 顛 之 直 一公殁 科 故 經 不 百 明 無 退 有 卧 哭 好 倒 然, 終 治 舊 買 理 不 内 以 Τ. 以 計 層 日 (,公實 俸 温 至 狨 愛 而 故 爲 咸 初 書 過 見公 家 疊, 給 未 待 麝 治 義 敬 倒 具 一或倍 求 車 鄉 之 久,病 之外 之 公公 下 人 郡 人 人 屣 繼 市 人尤 几 有 類 非 接 蜀 人 之。 延 償 者 案 顯 無 至 德 物 之裝 與 告 納 仍 之 切 歸 謨 間 蕭 卑 則 之傾 義 豪 幾 人謂 以 緩 罷 心 汪 里 然 感 惟 牧 於 以 急 所 半 公 不 焉 公 遣 人者 恐 E 建 墨 鎮 當 聞 寫 其 移 以 吅 思 丽 甚 其 康 紙 本 過 鏤 費 門, 爲 風 廉 服 温 略 深 喪 後 寄 公 悦 以 版 有 用 節 爲 無 閑 行 而 視 無 平 甓 之。 帑 服 徧 倦 以 傳 之 行 所 所 所 朝 居

> 惜之。 平. 默 獲。」 和 進 講 方 比 白 人 家 時 焚 猶 明 歸 柔 用 金 如 香 望 食 輕 公 來 務 期 其 日 生 及 宴 病 時 售 舟 求 不 屬 且 皆 再 : 者 坐自 負 而 미 未 革 纊 X 行之實 積 下 所學, ·嘗 不 日 也 以以 善 不 如 幾 忘 : 之 終 子 怛 於 或 餘 以 以 報 不 上 以 不 事 商 蓋 錢 此 報 章 得 也 藥 亂 乎 自 其 凡 西 主 休 究 進 ? 隨 志 所 꽢 F. 致 知 見 手 人 尚 聞 德 止 H 當 處 如 格 愈 X 見 業 去 以 有 畫家 此 之去 歛 必必 朝 不 答 緡 倍 其 以 錢 事 詢 肢 野 蓰 及 清 行 體 若 噟 究 之 静 共

筆 泝 獎 不 嘉 公適 復 鄙 江 閒 輟 某 某 置 以 者 汪 來 以 坐 行 出 屢 守 假 隅 實 矣。 元, 吏之 因 見 匪 外 屬 得 壬 怒 燕 家 窺 寅之夏,提 自 伊 會 以 治 惟 教 拜 别 行 荒 F 殆 之 于 淺 風 詳 非 金 不 幹 自 Ш 足 公一 日。 公之二 蚤 以 客 歲 稱 疾 公 授 辱 子 F 永 將 知

攻塊先生文集卷第九十三 攻塊先生文集卷第九十三 水塊 人有愧於泉下。今推官又以爲言, 起, 殊使人有愧於泉下。今推官又以爲言,

攻媿先生文集卷第九十四●

明 樓 鑰 大 防

四

或 子 司 業王公行狀

行

狀

曾 祖 景 章, 屯 田 員 外 郎, 贈 金紫 光 禄

大夫。

祖 真 臣, 朝 議 大 夫致仕, 贈 銀 青 光 禄

大夫。

父俱,左中 大夫、 充敷文閣 待制

致

仕,

贈 光 禄大夫。

公諱 速,字致君,姓王氏。 上世居 大

> 間 《孟》、六經、《爾 丘,日 仕 所。 炎南 洛。 戍兵有自拔 詩、蓋未嘗一飯忘君親也。 燕久之,會調 絶人,書一 寓居越之餘姚,今遂 名,蓋三槐晉公之别派。 Fr. 郎 已 ,公年十一,被擄 知 高 自是益 渡,待制 爲 名。 明 祖贈 南 年 讀 吏部 耽 春 向 丽 再爲 發騷 輒 玩書史,一試入太學,在 ,中銓試 十五年,以 計。 南者,公與之俱,遂達行 不 雅 尚書軫 忘。 户 動, 》,教受汝潁 嘗 爲餘 能 部侍郎,終工部尚 脱 默 第 建 以 徙于陳之宛 身走 會河 寫 尚 姚 炎二年金人 一,循 婉言 紹 舊 書 人。公幼警悟 . 決, 遷 興 河 郊 脱 所 間 右修 朔, 八 祀 禍 記 時 年,中 恩 復 丘 墳 ^ 職 破 諸 論 墓 補 作 歸 至 郎 宛 建 登 生 在 歌 * 宛 幺幺 原 于

⁰ 卷九十四至九十七,原闕, 據底本目録次序,依 殿本

矣。」 公名 汪 尚 特 巵 充 樞 口 屬 公 審 捷 湖 密 書 差 之。 聞 計 既 北 使 憂。 兩 事 賓 歸 者甚之。 汪 京 司 浙 必 僚 訖 西 公 服 西 答焉 宴 相 事 一澈 宣 路 除 僚 特 賀 諭 以 安 公亦 屬 公道 監 使 御 撫 改 公 行 司 哌 史 司 右 獨 所 不 在 准 中 稱 准 承 以 歎 爲 備 雜 公 派 備 奉 然者 苟 日 差 貨 論 宣 郎 差 合。 遣 . 務 諭 事 遣 幹 雜 不 荆 E 蔡 辦 嘗 汪 荷 加 襄 賣 未 人 行 坐 公 果然 場 上 塗 舉 素 在 辟 中 門。 諸 炭 得 聞 差

列 史。 卿 勸 旨 F 奏 引 問 北 疏 見 時 退 隆 是 除 方 金 興 日 . 公奏 人 改 人 御 車 材 再 史 元 昔 駕 對 于 臺 窺 婁 西 中 尹 雍 淮 主 敬 都 進 侍 容 簿 甸 勸 長 士 御 漢 上喜 安 朝 第 穡 越 祖 廷 七 都 尹 日 明年 趙 旰 日 . 以 歸 充 早 公對 中 國 遷 赴 上 張 公 監 晚 計 書 當 與 忽 良 察 院 有 御 用 亦 口

之萌 勞賜 過 出 使 郢 爲 著 從 先 哀 不 有 天 事 返 上 令必 不 州 僅 痛 俟 下 流 可 也 日 誅 相 將 采 補 之 得 以 9 史臣 終 事 形 七 辰 先 即 益 之科 帥 諸 由 詔 專 急 日 者 防 勢 零 日 願 H 武 將 不 書高 以 荆 矣 意 陛 啓 皆 詳 庶 省 應機 收 昌 和 1 襄 襄 行。 下 表 乎 臣 陳 月 舟 則 人心 大 鱽 之 祖 陽 務 遠法高 不 僚 其 戊 備 極 不 師 如 衝 事 使 命 金 失事 所言 從善之 聞 論 選 以 禦 此 申 必 令專 又 , 輯 城 大江 張 之 奏, 且 奏 日 則 宰 睦 祖 事 去 機。」 黄 策 請 是 不 疏 必 相 宣 ; 長 何 七 速 而 州之 多 日 條 可 致 之 士 安 由 月 凡 又 帝 也 上 且 方 書 誤 賢 卒 F 用 遠 而 嘗 甲 絶 勢; Ŧi. 斷 疑 急 寒苦 則 事 以 我 甚, 不 條 奏 寅 姦 夫 宣 誤 務 置 任 軍 以 成 分兵 論 遷 帝 寧 璽 璽 人 單 敵 之, ? 必 或 宜 都 開 矯 事 書 願 大 書 内 事 下 戍 加 邊 或 功 僞 略 今 往 大 必 報

乞韶 皆 言。 守 實 群 制 歸 力 用 趙 地 取 口 反 宰 樽 F 恋 疑 惠 奪 置 親 不 IE 盜 姚 于 沿 相 舊 陛 每 人 且 有 根 無 安 遣 且 循 號 言 以 之 機 對 芽 江 危 鋭 請 固 仲之徒 默 排 進説 貪 私 之 諸 速 疑 卒 群 赤 督 之 姦 斥 殘得 房 日 郡 也 宜 姚 以以 心 師 心 士: 宄 異 ___ Ŀ 是 守 尚 仲 軍 猶 首 不 于 議 不 次 令姚 罪 時 順 臣 以 一皆 嘉 舊 有 專 以以 書省之事 論 必 禁, 論 者 攻逆,以 宿 從 静 于 在 居 官 進 擇 仲 保 將 宜 邦 其釁未 宜 乞 持 閒 納]1 之塗。 義 相 措 如 本 將 Ш 詔 陜 加 重 者,公一 制 之 李 畫 蜀 之, 守 不 主 + 曾 抆 諸 之 難 顯 Ē, 9 次 宰 關 拭 待客,各 人 以 樞 今 將 將 論 忠、 行 且. 月 科 于 面 聽 于 江 以 密 燕 不 講 寬 言 邵 左 施 擾 督 條 院 有 擢 專 北 1 收 和 騷 右 宏 行 政 之 爲 初 府 其 其 于 右 歸 有 兩 淵 司 權 以 決 之 專 才 分 節 河 死 務 IE. IE.

之説 戰 任 守 陳。 晁 與 于陛 歸 其 格。 聞 留言 然更革 陛下 之, 公同 人 當俟 公 諫 破 0 路 武 之 公武 若 不 敵 職 最 下 以 知 之計 若 -,令欲 奏 家 其 長 條 矣。」 願 異 願 且 吾 責 既 除 具 請 可 口 繁 朕 時 治 有 草 急 是 行 當言者使之言, 0 大 而 親 劇 必 户 力行 備 此 奏 此 務 時 勿 舉 利 行。 擢 自 部 聲 改 利 疏 復 晁 行 興 和 効 侍 之心 除 不 害 再 之。 公公武 0 害 人情 日 郎 亦 出 須引 有 除 揆 NY. E 銜 在 陳 或 憤衆事 善善 或 之 賜 雖 進 公 日 其 嫌 有 爲 請。」上 義 人 得旨 擇 有 未 人 御 中 聽 辭 侍 浮 内 其 奏言 必 分 不 筆 矣。 善 避 之不 一交鋒 御 議 安,終 ·, 臣 當 日 殿 晁 用 史, 意 者 之 責 次 繁劇 某 又 不 理 隆 功 卿 應 同 臣 理 有 明 至 論 敵 渥 歸 方 獨 奏 就 財 H 所 丛 廢 慨 人

直 政 Ħ 秘 將 閣 進 除 用 吏 知 部 鄂 會 郎 州 論 官 尋 館 供 以 職 職 母 免 老 召 丐 日 試 祠 力 非 求 是 主 外 管 0 補 台 忤 州 除 執

道

觀

之普 朱 内 屢 能 吏 政 不 猛 良 豐 迹 者 帑 吏 浹 適 以 H 一、士民 埭 總 錢 乾 公未嘗更 也 E. 海 而 中 雖老于吏 道 ___ 、瑞 二千 寺 成 其 日 溢 除 遂 事 之後 \equiv 民 怡 安 祠 積 年 召 萬 除 近 蒙 塘 愉 之 州 歲 除 知 艱 、路石 ●盡 至今。 事 遂爲 其 嘗 鄉之士有 縣 無 温 其 利。 知 者 令王 名之 州 心 選 台 而 不 樂土 出 力而 災 公庭 州 逮 某 樂 擬 斗 既 求, 傷 才幹 也 清 守 試 門, 至 爲 無 會 流 罷 台 縣 郡 郡 之。 功 移 者 水 永 留 廚 **\$** 州 有 人 之 役 意 利 訟 嘉 董 傳 顔 畫 擇 績 未 浩 其 餘 闕 多 屬 摩 不 效者 大 像 縣官 繁, 役, 行 守 廢 撫 急 松 歲 邑 于 皆 之 無 之 寬 此 州 事 如 得 Ŧi. 執 邑

> 之賢 之法 公 常 費 事 敷 舉 果 併 淳 隨 南 官 平 審 無 就 ,公帑積 革 諭 福 路 按 整 熙 者 甚 提 公 本 聖 建 事 郡 其 辦 改 備 路 舉 黨 從 訊 錢。 意 無 元, 始 豪 常平茶鹽 蔽 鞫 行 Ė 罪 常平茶事 約 見即 服 除 右 、公又 不 贓 九 辩 令先行之一路。 萬 公之守 以 不 吏,人 荆 過 年 薦之, 之, 得 緡 檢 湖 數 丐 執 校 逞, 公事 事 南 輩 以 歸 Ē 皆 前 之 公奏陳 至 求 路 其 相 不 爲 説 期 所 臺 者 主 轉 半 率 公危 撓 親 7 至 省 弗 運 管 誣 X 使 静 常 内 與 台 判 建 公 之。 者 訴 行 四 謐 平. 艱 朝 也 官 州 盛 按 乘 年. 憤 于 服 以 廷 崇 觀 獄 其 部 傳 府 明 改 爲 陳 裁 遇 道 除 成 異 使 庫 至 年 弊 荆 易 差 節 僚 充 觀 新 理 湖 **\$** 浮 提 屬

^{●「}召」下,原有「韶」字,據文義删。

②「千」,四庫本作「十」。

攷其 外。 自 矣。 終 興 所 飛 道 嘗 競 論 對 願 Ħ. 向 進 以 此 趨 陛 舉 將 有二 而 ,使弊其 大 蒙 而 E 又 呈 成 遂 止 來 下 輪 用 不 誅 陛 無 中 迎 日 是 使 言 對 年 留 卿 賞 F 有 問 遺 軍 小 近 文 群 奏 . 其 。」公奏: 爲 操 羽 擢 器 賢 至 大 恨 _ 移 用 言 中 臣 吏 翼 無 于 私之情 從 : 協 先 無 御 往 各 劾 。」 此 部 人 代 冗官, 閱 心 報 卿 人 筆 來 居 無 主 管 馬 郎 臣 于 効。」 去 其 以 佚 言 之 軍 走 子 官 天下 更不 本 或 比 俾 位 劉 張 深 器 ()使 獨 日 願 0 監 官 有 E 任 或 責 非 . 斷 \equiv 有 加攷 職 中 之 + 官 則 盡 日 . 臺 勢。」 進 成效于 以 年 士 年 任 人 之 人 戸諫 其 8 然 呈 絶 日 分于 否?」公對 П 察。 事 君 無 分符 力 遷 毋 不 後 省 又 覬 有 修 所 而 軍 赴 奏 臣 往 得 其 覦 臣 臣下 容 官 不 無 至 器 部 下 察 出 事 湖 : 以 言 公之 其 塞 代 L. 所 也 外 州 爲 之 紹 之 流 旬 歲 鳥 其 私

中 郎 告 繩 學 列 試 言 其 其 廢 職 人,大臨 士論 大 日 而 行 特旨 金賀 美惡 ,始終 校 大 終 未 往 進 E ,欲乞略 與 滿 綱 姓 事 娶 稱 于 久,士子素所欽 士上舍,攷官 迪 口 張 名 不 合 愜 生 官 將仕 功郎 奏對 有 求 如 别 氏 以 辰 則 舍 依 爲 致 開 不 故 進 使 至 功 0 虚 故 益 院 精 其 前 享 郎 上 接 九 公嘗 罪 文。 事 知 詳 事 年 明 送 月, 以 稱 獨 可 漳 以 0 州 六 伴 女一人。 仍令監 稽 公持 上 無 服,人 州 子 遣 派 得 遂 遂 慈 + 使。 敢 意。 公調 貢 弟 轔之女。 以 暍 除 溪縣 事 有 逃 文 專 預 疾 或 Ŧī. 情 職 舊 派 罪 柄 四 護 主 Ŀ 年 主 子 相 旬 翕 例 至 ___ 年 舍 使 親 累 司 簿。 月 離 然。 宰 是 子 + 秋 鑑 試 客 臨 官 月二 業。 就 則 執 復 月 男 裁 5 至 孫 謹 或 監 引 誅 具 本 作 精 + 公在 朝 守 子 差 所 賞 嫌 無 郎 部 甚 奉 察 八 謁 規 監 曹 充 間 É 總 並 忤

日

IE

欲

各

出

所

見

0

後

省

率

如公言

.

魏

公方

鋭

意

進

取

、公上

書辯

論

以

爲

無

規

模

而

決

大

計

以

天

幸

而

希

成

功

魏

公不

以

爲

事

變,著

明

利

病

動數千

言

初

登

第

時

張

塋

域

及

几

時

之祭皆

可

法

也

少

歷

艱

苦

通

練

世

故

慨

然有

大志,不爲無

用

之學。

究

極

私

遇。

父母

諱

日

潔

齋

兼

辰

哀

動

左

右

奉

加

詳

悉

事

寡

嫂

孤

姪

内

外

斬

斬

無

毫

之

成

人

事之尤謹

尚

書

捐

館

之後

率

循

家

法

繼

日

河

南

郡

夫人

宋氏

撫

公

于

岛召

龄

中,

以

至

既

居言責

當國家

多

事

知

無

不言

居

憲臺

門

不

改

度。

母

文

安

郡

夫

人黄

氏

生

公

旬

浹

൬

殁,痛

念終

(身)語

輒

泣

下

遇

外

家

特

厚。

出

不

敢

就

廳

所

避

尚

書

之

舊

也

迓

吏

到

事

尚

書

無

闕

者,居

喪

盡

禮

後

雖

寖

顯

輿

轎

謹

Ē,

色視之。

公一

兄二

弟,

相

繼

蚤

世

公性孝友,尚

書治家嚴整,子弟

小有

不

四 五.

宗 之詩、 其爲 之,張 深 然。 騷 張 以 直 小 文 近 傾 公記 養 世 八必自 親 選、 : 爲不 以 聞 其 公 楷,手抄 生 前 之不 糶 一學者多 綱 文皆高 座 對賓客 魁 問 者悚 公 論 唐 及 先 輩 人。 爲 非 可 因 > 也。 秦 給者 人 所 禮 豆豆 歎 邑米價賴之以 王 謂 書 盛 宴 古 荷 欲 文章 期 晚 某 部 精 盈 稱 令人 字 膚 自少 笑, 待 乎? 頗 作 侍 博。」 居家 溢 淺,其 公才學之懿 欲 春 如 字 務 畫 郎 高 巾 才氣 此。 重 夏 姚 自 簡 必 有 衍 爲 吏 談 吏 間 奉 水 嘿 自 與二公皆號該 教子弟嘗 之語 日 ,首尾 詩 雄 不 持 爲文 傾 平。 墨 鍾 甚 凡,方 辯 必 . 吅 銓 禾 約 、王諸公。」故 積習之功 自 0 唯 牓 援 務 非 則 遒 廪 Z \equiv 二公歎 間 西 應 據 整 第 來, 赴 所 極 日 白 以 同 大饑 詳 開 銓 本 有 · 欲 篇 張 明 其 列 尤 不 選 源 洽 明 下 卷 公 理 怪 餘 以 口 自 時 公 問 精 爲 遽 其 益 粲 賑 率 及 謂

粥以食餓者,里人勸率,全活甚衆。

哭之盡 列, 書 摭 出 銘 以 之,又爲癸未 日 道 未 几 而 + 平. 且. 葬 幾 得 歸 于立言之君 嗟 自 齎志 公于 纔 白 呀 罪 去 ,力學自奮 近,且 攷公之平生 不以 所 權臣 以 哀 國。 得 而 7、又相 ·縣之 親 爲 子 殁。士大 貴矣,曾 見 未 更憂 官 閒 壻 同 雙林 聞 有 子。 與祖 廢 遇 年 暨 以 于公者, 也 患 + 兩 我 進 登 浮 鑰 夫無不痛惜 不 薦 世 屬 祭于江 八 士。 中行 湛 其 不 上庠 家子 年, 鑰 得 科,不 肖,公以 久 具 公既 敢 狀 既 不 之,一 如 Ŧ 不上 淪 公行事 以 在 預 以 左 陷 兩 者數百 古 言 撫 世賞。 Ŧi. 一第,又 異 年 ,兩學諸 陋 語 兄 日 兄 月二 謹 域,脱 將 居 辭 之 侍 天 子 狀 諫 子 如 子 從 以 + 以 年 引 Ė. E 妻 之 身 謹 己 求 生

直秘閣知揚州薛公行狀

苦 怙 T 稀 尊 大 祖 以 以 朋 南 義 長 溪 遠 敬 夫。 歸 郎 龜 弁 勢 廂 無 縣 之。 横 公諱 滯 户 民 到 故 以 知 故 方 東 通 恣 礙 П 服 任 不 湖 公自 受 喜 議 + 翼 尉 居 仕 厚 右 州 差主 寶 致 公 有 公之政 任 公 几 遇之, 朝 武 幼 以 萬 武 E 仕 字 滿 祖 奉 康 儒 弁 敏 恩 最 管 唐 循 云 大 安 悟 學 縣 追 臨 爲 從 華 此 而 補 夫 儼 起 累 科 安 風 劇 政 遭 而 將 者 家 贈 始 世 不 知 繁 郎 骨 府 1: 不 仕 其 純純 至 右 爲 擾 衡 魁 城 懲 淑 尋 郎 朝 明 梧 公 而 州 母 南 明 延 以 之 議 是 手 集 嘗 簡 右 父 王 初 累 監 鄞 通 大 箭 決 静 充 廂 氏 老 庭 議 贈 賞 任 夫 人。 張 訟 掖 公 之 訟 問 改 鄉 福 公 通 禁 牒 事 庭 憂 益 期 曾 疾 黨 議 父 宣 州

篙 公説 藥 持 艘 之 法 盜 績 帥 酒 畦 命 有 司 助 1 期 闕 公 其 沿 師 教 遣 彈 下 户 臨 E 趙 以 毉 之 聞 移 輩 府 爲 必必 安 泝 也 壓 事 放 而 部 鄉 不 漕 造庭 有旨 僚 肄 無 坐 奮 復 被旨 緩 敢 使 喜 杖 兵 侍 視 副 習 所 作 生于 迅 公 分 攝 急 郎 欺 而 下 之。 用 民 當當 進 臨 鐫 委 趙 候 事 餘 遣 何 - , 肆言 所 心 疾 今 退 公 乾 事 秩 士 任 事 州 之。 口 苦 活 之 Ħ 子 滿 静 免 夫之 道 日 用 爲 多 最 H 節 也 惟 慢 官 遨 潚 初 厚 之辟 ? 日 吏 咨 多 趙 0 侮 城 公 間 陞 里 以 而 部 徙 訪 乃 列 公 是 一、公以 領 市 龍 擢 都 能 居 易 尚 于 焉 之 按 即 其 時 學 毉 下 者 不 書 是 他 趙 視 遠 舳 女好 出 家 大疫 畏 初 薛 獨 Ι. 爲 帥 郡 公 狀 郊 强 艫 公日 守 公 至 部 率 如 四 漕 100 勒 雲 禦 于 所 漕 復 議 所 良 明 共 侍 此 有 稱 兵, 府 集 . 府 轄 部 制 以 以 貢 朋 海 疾 郎 何 之。 是 置 賦 1 姜 以 胥 府 與 名 車 白 而 時

及 海 任 道 雅 都 廂 知 日 公諳 諫 練 大 辟 夫 尹 以 公穡 自 隨 出 焉 使 東 浙 措 置

今行 養。 黨 愚 聽 至 迹 挽 當 以 自 辦 通 一、又能 者 親 庭 併 敏 謂 治 取 民 户 嚴 公爲 Ž, 流 之。 省 簉 相 静 授 遇 廣 妄 閱 興 臨 扇 之 重 領 金 、公之 訴 書 調 而 跖 化 之 之 安 公洞 榷 初 所 之罰 娱 審 充 籍 士子 士 府 建 酤 在 詰 E 斥 力 得 群 爲 始 通 備 傑 究 城 下 之, 咒 爲 失 之屬 吏 判 處 盛 閣 器 弊 市 以 議 職 術 多 決 多 或 往 以 用 迄 源 未 財 併 0 者 精 往 請 有 庋 施 而 于 遂 _ 赴 奕 權 不 隨 當 得 分 御 疾 學 日 成。 辟 十 任 樂 奕 發 曹 其 事 者 書 訟 積 宫 公 間 遣 情 以 更 浮 者 飲 課 爲 隘 庫 崇 旬 新 會 治 興 革 其 悦 議 主 爲 陋 人 齋 月 曾 化 窮 者 水 增 横 管 服 七 不 間 有 弗 教 宇 軍 丞 倍 或 出 文 見 令之 累 浮 郡 公 以 稱 思 相 字。 愈 不 以 其 始 至 白 屠 安 得 教 欲 懷

及 曹 任 租 學 喜 爲 遺 不 事 期 建 以 會 行 死 萬 姦 9 部 諸 迹 憚 會 路 自 少 爲 而 0 0 0 0 多士 摘 弗 公視 保 使 勤 散 利 甌 常 厚 公 鄉 郡 固 獄 之 者 聞 勞 忍 邑 遣 不 平. 率 帥 一韙之。 約 辭 非 之。 狀 得 可 地 究 也 茶 之 尉 閩 之 疏 所 省 吾 賢 慢, 也 狹 事 執 曰 濬 隱 在 騎 志 公 公除 移官 朝 盗 : 郡 以 逐 不 千 從 必 而 方 也 廷 公 謀 吏受 非 浮 折 圃 集 足 持 執 石 郡 興 審 不 以 賞 政 之。 歲 屠 立 故 以 使 且. 修 究 左 時 以 爲 之先 成 境 人 老 罷 出 節 水 會 道 監 聲 外 学 道 獄 少 規 則 與 之。 此 利 公 以 至 勢 司 麻, 主 保 吏 良 鄉 奉 頗 悉 攝 惑 \equiv 臨 詞 自 公 則 1 陳 民 就 之 以 行 以 以 衆 憲 Ш 驅 選 有 公 也 屈 日 秀 激 除 爲 其 惟 體 當 擇 馳 . 糴 者 罪 或 駮 疑 資 揚 提 太 具 謹 或 之][[不 致 價 得 其 爲 舉 朘 守 歸 IE 簿 不 翔 附 圭 容 自 知 其 民 循 尉 己 書 福

保 力 公 秩 滿 丐 難 奉 其 赴 祠 神 都 堂 主 速 管 審 建 察 尋 寧 除 得 府 廣 旨 武 南 内 夷 東 引 Ш 路 沖 公 佑 力言 觀 導 所

官。

踊

公還

建

寧

發

常

平

粟

萬

斛

朕 提 闕 始 常 復 爲 閱 爲 V. 面 1 起 有 夫 倉 所 生 群 者 諭 刑 倉 平. 不 意 部 又言 忘 屬 騷 虚 廥 兩 提 徒 以 所 卿 償 擾 郎 數 淮 以 舉 公姓 木 可 公憫 納 豐 以 閩 官 事 答筆 括 水 爲 公 中 宜 塞 即 名 既 人 早 責 其 常 部 感 1 H 薦 繫 委 逋 而 無 然 而 綱 激 之 獨 請 者 陞 以 備 負 無 受 粟 公 空, 爲 班 郎 城 之 遂 所 命 取 請 切 司 中 對 險 且 鼓 從 除 夫 盡 長 禁 便 要、 即 舞 出 淮 聯 力 洗 貮 漕 止 殿 : H 南 而 之 浚 宿 藍 奏 以 粟 引 轉 去 臨 費 弊 勉 池 請 縷 脩 上 都 道 運 遣 カ 隍 枯 嘉 垣 至 所 ***** 與 淮 判 甚 辦 瘠 獎 之 又 漕 有 至 官 百 至 内 寵 職 將 治 兼 漕 + 更 折 留 輒 無 口

之冠 踪 築 藝。 其 揚 謀 審 辭 隸 即 漕 如 御 之 計 尤 屋 漕 罷 源 以 跡 州 帥 期 日 者 邊 始 時時 辦 貯 又 治之者 司 行 筆 以 淮 優 集 藏 興 明 仍 民 F. 因 取 IE. 地 上 安 利 其 **\$** 公檢 親 多苦之。 公 而 矣。 被 樞 典 豐 以 餘 除 增 語 奏 約 邊 刑 意 公 軍 害 貲 府 造 公 陳 閱 用 于 屯 肅 修 E 光 狗 窮 纖 邊 其 之, 是 漕 田 其 静 州 無 公不 治 鼠 公設 事 悉 目 汰 事 司 蠹 勞 舊 爲 之 有 囊 E 所 冗 謀 軍 弊 盜 深 虧 有 修 以 橐之黨 醲 特 聞 造 吏, 之 庠 嘉 數 忠 雲 築 纖 賞 轉 併 弓 合 之, 校 尚 主 勇 迹 罷 毫 塘 弩 以 置 多 眷 剗 鳥 擾 軍 圩 不 遂 即 官 就 委 疏 耳 散 既 水 急 磢 州 出 爲 \$ 公。 以 呕 其 廣 寨 渥 縣 殆 和 淮 姓 公 淮 爲 募 補 人 無 吾 盡 之 所 陛 不 名 取 知 東 奏 隨 右 種 罅 州 知 Щ

而揭之市,群盜屏迹,外户爲之不閉。

澤 之正 公 IE. 宜 舉 蔬 適 長 亦 百 傷惜 文字 除 起 進 揚 明 素 次許嫁通 次 祖 寢 居 州 淳 士 H 直 循 之。 + 熙 造 汪 以 久 迪 秘 次 閎 庚子 祖 船 安 月 功 閣 遂 佑 中 累 場 懷 否 仕 郎 四 得 祖 官 \pm 次 祖 郎 娶 爲 早 H F 特 克 至 以 徐 朱氏 適 休 也 既 痢 延 充淮 常 朝 國子 睎 戚 承 之 太 祖 請 夔。 務 白 次 甚 疾 南 封 大 入太學,將受公 姓 閱 郎 述 許 ,公以 東安撫 宜 夫,嘗 爲 祖 兩 郡 嫁 新 人。 之 月,竟終 民 將 監 禱 悲 女四 以 仕 日 男六 司 兩 襘 慟 書 職 到 郎 浙 ±, 勤 轉 寫 事 于 劉 庭 人 勞, 遺 長 修 夫 郡 問 安 運 機

喜 物 不 流 酒 歷 于 公稟資 官 居官 刻 \equiv 未 + 自 寬 嘗 奉 年 亮 夜 甚 而 T 宴 約 能 無 而 濟 視 玷 未 以 王 缺 嘗 嚴 事 蓝 如 以 遇 于 家 緩 事 事 急 明 惜 吅 性 察 請 官 不 而

> 爲 耶 年 得 失 以 多 者 者 志 知 而 巨 公之諸 親 公 色 處 中 義 止 此 如 ! 難 割 獎 于 右 辨 表 鄉 五. 諸 且 到 擢 俸 俟其 子 子 親 雙 + 謂 闔 孤 郡 或 鑰視 以 謹 以 各 舊 有 公奇 寄 捐 以 周 以 更 心 狀 公之 嶼 士 九 八, 之。 公爲 事 非 爲 平 私 之原 龐 年 亦 意 · 氣定 夫 汲 不得 行 財 沈 六 諸 維 無 相 不 先 引 事 ~,從 毅 月 揚 干 舅 惟 徐 不 爲 屬 盡 福 馴 七 行 得 公 新 以 償 必 鑰 其 起 致 帑 日 其 之。 公之才 1 禄 平 退 編 而 才 葬 宦 平 負 未 也 次 時 應之,故 而 公 用。 達 者。 易 民 遇 深 相 于 因 業 鑰 量 事 錢 坐, 與 嗚 奉 晚 平 紀 應 積 有 母 巾 素 呼 其 化 結 未 于 有 生 思 數 口 厚。 嘗 公 大 縣 天 以 主 多 有 疑 頗 而

攻處先生文集卷第九十四

攻 媿 先生文集卷第九十五

四 明 樓鑰 大防

行 狀

文華

閣

待

制

公行狀

端,故不仕。 楊 妣 氏、

祖

蔣

魏

氏

祖 父涣,故宣義 零,故 不仕 郎 妣 致 邵 仕 贈 氏 中 散 大夫。

妣

徐氏,贈令人。

諱 王 休,字子美,年六十六狀 本貫慶元府 象 Ш 縣 政 實 鄉 美 政。 楊 公

楊 氏世居郡 城,公之曾門始家象山 遂

之謀 請 鐵 奸 賴 經史 方 自 末 邵 踵 調 爲 通《春秋》。 必 成 之力,至雪積于 狀 善 課 貴 捕 ,蓄雄狡數十輩,分而 皆 左 年始名 夫 面 人 邑 , 白 于 事,日 于 人 監 鬭 督 迪 少 氣 人,累世 以 府 立賞 功 · 胃 監 象, 中 中 之人也。 爲 又 郎 散 年 鄉 郡 中神者爲之行貲, 曰小 獎 出 莊 遇 格 台 延 抱 游郡庠,名出諸生之右。 書,再薦,登乾道二年進 源 以 拔 于公 重寡言,樂然後笑,相 略 儒 肄 孫 ,階而 州 隱 計實 其 ·賣 隸 士 業蓬萊 官吏莫敢 極 德聞 黄 尤俊 生 也 他 教之家,苦 巖 不自覺。 一愛撫。 而募于衆。 П 州 于鄉。 縣 秀者。 者, 間 爲三: 邑 Ш 尉。 有 誰 僧 痛 里 于髫 豪 何 庵 懲 懽 首 尤好 無 公生而 其 日大神 民, 中 興 而 伏 書 後 公 禱 龄 神 稱 邑 詞 歸 具 登 武 雨 者 者 中 窮 傾 一岸,公 其人。 士第 賦 奇 紹 科 則 公爲 得 則 者 斷 以 E H 貲 龐 神 其 無 爲 相 興 兼 夜 爲 有 買

仕 龍 之 爲 初 之 器 示 現 業 聞 捕 望過 盗 則 人已數 鯨 海 爲 等矣。 之 肅 清 蓋 統

平 章 客 之 敬 漕 尚 邵 歲 所 此 自 口 X 釋 饑 訟 徐 壽 户 不 書 隨 夫 公,各致 不 猶 然, 人 所 相 能 書 夫 終。 可 王 尋 發 毫 日 及。 公 能 也 人 年 侵 以 至 置 防 不 息 0 賞 公 過 希 執 邊 **剡**舉 聽 擾 酒 久 地 而 典 官 九 又愛公筆 追 日 喪 馬 事 交 不 訟 野 民 改 舍 + 慕 于 爲 一、公因 料 懽 覿 難 樂 如 左承 H 夜寢書室,洛 含 帥 家 方欲 運米給貸 面 決,公司 就 闢 僧 而 勉 飴 歎 役 待 得 僚 端 居 務 之 奉 至 公前 欲 公益 調 郎、 吏 笺 愛, 親 重 今 : 娱 無 行 漕 奏 年 親 知 及公任 賴 邁 不 其 敢言. 厚 據 阡 皆 如 誦 之歡 盧 之。 欲 間 司詰之。 案 陌 屬 或 州 公 行 淮 者。 内爲 決 至 之。 日 合 攜 賦 爲 民 而 夜 是 肥 一公爲 役 之 多 實 中 邵 而 分。 帥 非 公 縣 有 僕 皆 散 均 W. 爲 夫

> 之疾 幾 白 者?」公 不 疏 而 民 于 幸 集 艱 ·者官又 居 郡 食之狀,且 公擇 萬弩手 請 新,邊、 力經 方 易 入斂之。 製 以 赴 方 畫 己 藥 瓦 帥 責 爲之壯 以 市 郡 司 其 給 木 多 帥 檢 秋 之, 傍 草 日 閲,多苦 觀 償 境 廬 : 病 矣, 者 易 教 非 至 多全 民 致 君 傷 期 延 陶 孰 寒 皆 燔 活 瓦 能 喉 不 公 辦 督 其 閉 未

公餘 衆。 界 官 寬 院 于 亦 轉 堂 宇 猶 以 相 待 宣 則奉 有 公與 Ŀ 來, 與 教 淳 惜 制 發 吏 郎 熙 境 朱 其 明 隱 朱公力 安興遊名 兀 太 公熹 不 内 授 守 堂 年 盡 事 苦 南 尤 Œ 時 磨 如 無 于 康 敬 請 勘 與 所 爲 巨 賦 軍 刹 中 于 守 細 轉 Ŧi. 陳 簽 重 散 以 朝 老 承 巾 判 悉 日 民 盡 扁 利 峰 事 課 以 不 其 害 郎 相 廬 郡 諸 委 聊 歡 亭 甚 直 Ш 素 公。 明 生 生, 白 日 東 號 娱 講 年 六年 南 敬 流 侍 雖 自 任 書 江 勝 移 雙親 行 東 滿 幸 境 者 經 轉 賞 小 公 道

力

請

外

郡

除

知

洋

州

+

Ŧi.

年

轉

朝

奉

郎

0

既

滿

秩

 \pm

派

相

欲

處

以

司

農

寺

簿

公又

召

還

首

薦

公才

德

之

美

孝

宗

命

中

書

識

之。

爲 綱 論 敷 馬 淮 奏 利 甸 施 撮 病 課 行 光宗 紹 是冬赴 圃 喜 和 日 買 鎮 最 議 爲 洋 論 民 本 害 X 佳 物 郡 俱 論 偉 近 几 歲 111

事 有 0 健 治 訟 賦 者 期 會信 剖 決 必 精 不 明 嚴 人 而 不 辦 能 征 欺 商 榷 坐 以 酤 無 亦

9

皆 沛 然 郡 有 丹淵 蘇 鮮 于 子 駿 川 賢 繪

詠 像 教 化 》,公盡 日 課 望 必 復故 率子 桑 迹 弟 姓 拜 退 安之。 之。 食 多 丹 賦 纔 淵 詠 有 其 下 袁 池 俄 又 崇

知 金 州 兼 管 内 安 撫 前 守 武 吏, 居 圃

H. 元 席 無 所 卷 稽 以 致 歸 爲之節 又 盡 焚 用 其 度, 籍 懲 公 吏 女妓 至 則 不 枵 能 然 給

以

遠

到

幕

府

事

既

爲

盡

力

吴

公

亦

開

心

聽

務

至

簡

而

少

保吴公琚

爲

總

領

見

公,

期

百

糧

料

院

以

歸

尤

高

之。

+

年

到

官

職

叮

司

賴

公爲

多

明

年

轉

承

議

郎

吴

公

留

公。

自

以

Ŧi.

年

憂患之餘

力

求

鎮

江

府

分

農

百

閲

月

改

都

下。

貮

相

王

公淮

梁公克

家

是

其

言

有

意

競

皆

E

之人有

以

來

之,

仍言

海

舶

不

口

徑

造

資

冥

福

人

以

爲

難

服

除

造

朝

言

士

風

奔

絶

迹

罕

至

公

處

僧

室

閱

佛

經

藏

以

道

路

執

喪

甚

苦

九

年

又丁

中

散

憂,

勉

舉

我

考

而

公

遭

内

艱

以

歸

矣。

扶

護

暑

行

悲

感

在

西

掖

以

公

及

派

相

京

公

鏜

應

詔

京

公

遂

奉

議

郎

初

有

詔

臺

諫

給

舍

舉

察

官

Ŧ

公

E

大

事

家

爲

之

罄

邑

鄰

台

州

有

蓋

蒼

Ш

高

又 極 力 詔 經 置 理 獄 僅 前 能 守 成 坐 邦 編 置 西 津 没 网 其家 渡 ,公帑 貨 公 征

利 旅 病 民 人 爲 首 立 罷 祠 之。 過 者 創 必 浮 梁 祝 于 處 西 分 津 西 以 城 惠 漢

四

之。 公力 茶 絶 111 奠 爲 士 績 事 以 計 其 陰 與 私 交薦 場 類 如 大 風 歎 增 司 初 亦 販 有 平. 酌 費 Ź 試 素 禮 興 日 帥 本 藉 止 鬼 配 欲 取 利 學 之, 利 守 錢 攷 陋 隸 其 愁難 有 以 衆 隸 賣 \equiv 去受 宫 官。 尚 從 茶 助 安 鄉 雅 聞 俾 者 説 引 邑 書 馬 康 學 推 歌 舉 官 綱 官 相 以 宇 總 境 守 罷 之 輸輸 者 者二 光宗 投 多 屬 馬 僚 便 舟絶 領 内 文 茶 或 政 壺 寖 售。 守 倍 及 民 以 公价 場 乘 人,其 之 盛 登 征 , 諭 前 險 損 亦 水 勢 風 而 極 既 司 之 鄉 所 或 均 遠 年 灩 權 鼎 焉 抱 害 E 之大 憲 公出 敷 未 以 轉 始 通 引 取 科 新 納 使 自累。 又 朝 有 之 襄 有 + 祭 擾 州 息 夫 錢 朱 至 散 費 流 也 鄂 器 更 錢 六 袁 有 募 公 士 移 方 郎 寓 引 年 之外 户 榷 行 致 各 公極 春 人 條 無 用 也 施 之命 茶 平 其 陳 爲 秋 郡 深 係 商 知 不 竹 場 之 白 理 公 治 郡 釋 政 其 几 相 快 省 不 木

與 乎 六 中 遂 斃 俱 解 之, 陽 以 興 奉 民 甚 西 以 \equiv 從 之 + 賴 雙兔 夥 蜀 金 祠 西 致 榷 0 石 三公 邊 喉 舊 初 里 都 以 几 至 此 利 聽 堅 王 鑄 軍 洋 居 襟 砲 郡 統 隸 啟 邊 師 者 余 不 爲 府 之 竿 失 争 京 田 力 老 竦 E 爲 戎 相 面 鎚 可 角 重 移 守。 公 禦之, 師 闊 津 將 破 與 然 均 服 整 立 陽 去 世 公 遠 從 縣 敬 置 房 並 歸 又 視 卿 嚴 廚 遂 公 即 容 而 服 公 鎮 馳 不 遂 乘 古 如 醯 臨 傳 横 商 爲 權 之。 無 公公 日 問 撫 由 勝 已 熾 動 於 間 安 視 輕 豆 : 使 斜 擊 交 家, 止 又 之 炭 有 流 之, 財 閒 0 谷 歡 素 舊 破 保 重 向 干 敵 以 嘗 貴 語 愛 得 而 一費 以 洋 善 攻 饒 騎 邑, 獵 郡 \equiv 百 殿 軍 古 何 遁 之,石 大 百 風 州 射 宿 犯 僚 近 交賄 士 以 自 0 帥 鐵 將 以以 里 塞 饒 郊 重兵 日 今 直 郭 備 如 商 于 爲 風 : 郡 爲 通 歸 之 擣 公 愛 倉 大 步 沙 守 歸 及 猝 豐 爲 漢 將 矢 騎 棣 吾 多 之 隘 中 中

貲

重

以

歸

IF.

之

蠹

方

左

枝

右

梧

之不

給

而

出

適

當

洊

饑

西

師

除

掌

武

門

下

增

俸

不

置

籍

大

書

明

别

淑

慝

條

园

别

賢

否

列

城

爲

震

悚

利

路

屬

郡

多

在

歸

外

漕計

人

不

支

即

受

理

御

吏

甚

嚴

秋

毫

無

擾

攷

察

吏

治

轉

運

判

官

自

郡

赴

臺

幾

千

里

道

遇

訟

牒

隨

然

※從之。

憲

聞

歸

月

紹

熙

元

年

轉

朝

請

郎

年

除

利

州

路

勝 暇 民 恤 兵 也 衣 暑 金 州 雨 大 爲 火 災, 幾 E 無 煩 子 宵 遺 旰 守卒 又 躬 僅 撫 以 勞 舟 賑 免 濟 之役

革 公兼

倉 使 即 發 米 以 救 之。 漕 司 力 不 足,寢 食 爲

義 廢 相 貮 許 卿 公力 楊 公輔 請 于 方 楊 護 公 餉 日 几][[. 與 安 公 康 同 年 爇 甚 氣

矣。 軍 中 有 事 力 多使 令, 猶 口 興 起 公 私

應。 赤 7 頃 何 罷 以 本 爲 州 州 安 ? 撫 若 司 請 有 僧 備 牒 邊 于 庫 朝 錢 萬 萬 里 萬 難

樁 者皆本出 留 使 所 0 于 前 金 守 州之民 拘 没 贓 一、若以 錢 有 此 旨 建 官 輸 府 内 措

之日

爲

緡

錢

+

餘

萬

此

正

以

防

邊

也

__

自

軍

用

外

不

支

錢

去

乎

?

懲

閽

者

而

軍

中

亦

治

其

騎

將

内

外

始

肅

舊

有

撫

養

庫

例

與

公

使

用

等。

公

E

賞

罰

有

差。

將

官

有

夜

飲

于

城

外

者

私

留

門

鑰

以

俟。

公日

:

吾

與

敵

書

地

而

守

其

口

弛

游

惰

之習

休

日

則

較

禁卒

事

藝

號

\$

精

明

0

甲

親

給

支

犒

無

侵

漁

之

患

時

比

箭

賞

歲

餘

以

所

積

置

防

邊

器

具

增

保

兀

鄰

惟

當

痛

絶

舊

習

雖

賈

憎

不

居民 于 ,經費 無 所 損 而 可 以 新 此 邦 矣。」 楊

公慨 方 食 麥 盗 賊 横 公既 行 吏 兼 惰 訟 使 淹 德 意 外 壅 六七 不 宣

冒 暑 慮 囚 歷 階 成、文、 鳳 几 郡 賙 貧 剖 訟

所 車 至 間 有 用 恩 籃 輿 行 徒 襃 步 斜 以 谷 度 出 險 武 于 休 中 闘 暍 道 以 不 文 通

州 地 荒 民 稀 而 力 役 最 重 爲 奏 罷 其 不 急

公 符 吴 記 役 取 補 T. 道 莫 行 數 司 知 人 公公 甚 既 餘 助 郵 縣 翕 條 不 役 IE 皇祐 甚 風 間 其 以 猶 翅 兵之闕 于 深 然 欲 詳 傳 雨 縣 此 役 以 數 稱 到 人 西 視 元 侵 隔 蜀中 庠 邊 帥 之。 倍 軺 例 蝕 俱 絶,公大爲 舊 豐 爲 關 吴公挺 由 卷 傳 畫 劾罷之。 加 -皆歌 而 酒 \equiv 吏 益 以 有 至 不 疆 闢 肆 不 爲 昌 利 時 到 司 分 日 公公 久 詠 以 此 今成 至 州 繕 之 掌 當 公力 之。 鎮 役 經理 取 兵官 大 地 治 以 嘉 道 元元 貴 于 安 夷 椽 陵 爲 武 辭 期 重 民 告 遂 塗。 軍 豐 柱 以 犯 興。 江 以 許 嘗 由 待 名 帥 綯 其 暴 修 勿 有 紀 茭 明 太 文 賓 費 分 漲 服 公日 創 壞 設 ~ 守 客 其 南 用 E 修 漂 敗 棧 乘 條 聞 尤 數 以 廉 橋 陰 É 暇 閣 壞 風 約 厚 歸 此 祥 蜀 閣 採 總 楼 教 平 今

試 外 省 年 公自 移 成 向 都 爲 路 攷 提 官 刑 兼 古 常 E 平 具 事 知 蜀 得 旨 人 多 護

爲 捐 買 急 取 故 其 伸 爲 所 則 衝 焚 申 規 百 牢 閲 永 歲 甚 問 俸 決 簡 竹 饑 萬 制 而 式 廋 無 籠 易之。 之。 爲 者。 語 木 官 久之利 而 司 命 始 關 陋 不 漢 以 于 親 不 于 切 感 伐 修 防 重 有 綿、 爲 嘉 害。 民, 公身 筆 程 石 服 築。 禁 備 擾 後 巨室責 疑 西 批 文 爲 漢 0 絶 春 盡 舉 門 則 臺 西 告 率 徒 中 執 之濬 又 之。 又 猶 親 照 有 石 蜀 饑 詳 官 有 眉 既 未 筆 平 梁 租 用 吏 有 藉 究 僚 廣 倍 藥 州 集 施 至 究 允 郡 親 容 不 0 江 試 溝 費 水水 局 蟆 行 齋 綿 問 得 至 力 私 水 使 闡 人 畎 歲 之, 頤 州 革 預 而 已大 人 縅 名「楊 聚 耕 護 公 曲 郡 久, 歲 Ш 之, 幸 堰 舊 獄 夫 又 以 折 豫 下 主 主 市 視 編 弊 灌 中 紫 至 劑 案 自 于 故 公橋 黄 參 瀦 者 于 囊 爲 戕 料 溉 行 多 冬 積 堰 雀 以 寒 泄 中 陳 成 荒 ,公治 得 歲 初 薪 俊 謂 亦 舊 南 式 腐 政 皆 苦 收 其 \$ 率 省 獲 之 夜 V 救

淮 佐 北 是 姦之意。」又論 人 有 恤 官 勞 通 民 使 者非』六字 守 轉 則 依 六 會 ,今自裂 民 湖 商 用 項 之 關 朝 子 大 廣 急 其 旅 鐵 指 及 請 辟 總 錢 非 不 大 揮 務 疑 而 領 在 會 夫 通 法 三之, 慮奏裁』 欲 民 子, 錢 役 又奏 使 仍 嗟 召 間 于 弊 民 盜 \$ 湖 赴 怨 用 -甚 者 禁盜 奏 東 賊 殺 北 相 行 行 悉 指 有 南 事 會 人 以 在 聞 在 謂 揮 則 所 賊 子 屍 軍 官 用 憚 下 之 對 則 兵 七 不 不 . 會 添 便 若 法 月 行 爲 又 經 貲 收 且 異 之, 朝 在 . 罷 驗 除 之。 泉 明 會 于二 兩 彊 彊 取 此 户 示 而 奏 子 淮 俟 盜 盜 其 無 安 部 無 罷 者。 邊 收 湖 流 惠 殺 證 E 邊 郎 兩

漕。

州

蠻

獠

青

羌

攪

邊

州

所

遣

兵

爲

羌

所

平

年

轉

朝

奉

大

夫。

四

年

冬,

除

本

路

遺

棄

者

百

餘

人,悉

加

撫

養

俱遂生全

剖

決

兩

司

詞

訟

迎刃

而

解

酒

禁素嚴

有

捕

郭

兒

啼

聲

得

嬰

兒

于

枯

木

中

因

籍

城

内

外

得

韋

適

攝

帥

以

策

禦之,

遂

遁

嘗

聞

道

旁

究 充。 軍 兩 司 楮 處 金 糧 券 詳 會 椿 穀 之姦 積 閱 子 浩 盡 爲 軍 穰 ,分錢 絶 用 公首 而 而 則 不許 覈 交子 官 去 虧 會 移易, 八 數之實, 爲三 通 弊, 行 而 而 拒 實 不 親 總 河 爲 容 臨 計 支 利 耳. 廊 爲 出 便 用 支之 之 判 而 H 總

者。

庖

饌

豐

贍

士

愈

悦

造

吴蜀

會

子

紙

每

至

Ŧ

人,每

月

必

再

人, 攷閲

程課,

旌

其

能

文

少

城

大

族

擁

笏

致

謝

十

餘

人。

府

庠

養

士

其

非

滌

器

之徒,

治

告

捕

者

而

慰

遣

之。

郭

Ŧi.

私

醖

至

庭

下

公詢

之,

郭

乃

邑

令。

公

費

倍

平.

時

或

慮

Z

興

而

公

處

之

裕

如

遂

積

尤

衆

以

公心行

之。

量

能

授

職

多

得

實

緡

錢

至

几

+

餘

萬

W

在

漕

臺

典

外

銓

倖

門

才

服

鑑

裁之明

界

至

六

千

萬

漕

計

始

+

七

萬

緡

偶

會

多

事

慶元元年, 覃恩轉朝散大夫, 尋又以年

名 之。 茶 武 錢 周 遣 爲 請 手 藝, 也 使 引 Ŧi. 屋 而 千 軍 盤 百 有 米 以 仍 中 緡 楹 循 量 綱 通 授之。 書 升 瓦 行 行 無 惟 公 差 邊 舊 之 陳 礫之場 湖 移 赴 屯 以 便 腐 進 廣 置 司 蘆 之 退 之 會 按 几 憂 荻 以 既 盡 數 襄 試 上 至 藉 豐 公, 興 陽 繩 廣 公勉 米 棟 火 盈 中 兑 軍 宇 儲 災 選 支 士: 、公又 蓄 之餘 以 者 截 感 易 益 之地 忠 悦 即 支之 以 歎 節 書 親 慮 板 呕 其 擾 親 議 撫 事 兩 之 校 後 姓 存 撥 郡 而

先 中 口 勇 與 不 在 爲 敢 書門 供 韃 可 次 職 將 供 士: 不 靻 十 下 年春 職 帥 几 慮 相 省 事 + 也 攻 檢 人, 明 月除 因 就 未 年 Œ 又 薦 御 除 知 諸 奏 列 統 太 筆 勝 司 事 房 擇 府 制 農 籍 負 公事 將 陳 少卿,十二 而 記 少 然 備 F 審 卿 皆 内 邊 六 勢、 時 0 足 之 H 미 中 九 修 以 策 始 爲 書 月 月 環 戎 爲 人 **\$** 積 \equiv 謂 或 列 吾 獄 赴 日 金 門 患 外 案 招 方 除 行

過 假 習 切 廪 省 銷 案 得 甚 務 孫 月 反 而 H 曰 停 泗 顯 者 甚 今 厚 隸 己 多 趨 部 月 盡 以 : H 罷 謨 向 日 結 州 于 于 吏 差 申 後 爲 奏 許 又爲 月 六 引 殊 女好 先 閣 州 尨 絶 御 案 非 北 庶 引 日 者 史臺 曹 利 學 縣 任 雜 則 書 保引 或 口 復 謂 動 少 之 殊 而 緦 宗 奏 而 以 有 表 清 舊 歸 該 置 吏。 甚 總 麻 劾 大 之法, 催 揩 小 初 兼 風 吏 恩 X 籍 于 親 之, 功 督 節 改 參 侍 選 習 命 宥 乞 \equiv 之 親 其 月 迁 之 1學守 _0 讀 輕 庶 索 加 省 許 弊 中 委察 洂 餘 П 儇 聞 乞以 無 使 爲 澄 書 名 録 . 0 0 故 闕 而 者 荷 冤滯 副 汰 其 金 贵 官 或 俟 几 皆 求 不 或 大 爲 其 子 出 或 有 能 赦 月 韙 止 家 吏 理 之民 異 賀 知 笏,公令掌 詭 孫 淹 員 悉 降 轉 之。 許 者 以 寺 姓 生 幾 若 秘 延太 稽 察? 對 賞 之 及 天 或 保 辰 百 異 致, 六 人 又 引 下 優 四 改 即 使。 9 姓 月 論 子 之 氣 而 勾 方 移 吏 奏

再 自 差 統 領 歲 · 兩 至 遣 隊 使 兵 約 輪 不 轉 下 差 百 撥 餘 已 行 者 彼 城 不 許 等 辟

器 士 卒 或或 日 用之,必 經 惲 行 于 洪 解 河 有 發 太 助 而 Ш 焉 收 0 激 貯 又論 昂 不 壯 嚴 志 竊 郡 轉 取 縣 相 求 拘 傳 售 到 聞 所 銅

恭

?

即

麾

Ξ

節

人

退

班

終

不

能

奪

歸

而

奏

曰

臣

將

命

殊

鄰

大

得

觀

民

情

之

向

背

敵

.

之

盛

衰

與

夫

士

馬

之

虚

實

財

貨

之

盈

虧

在

有

之。

乞令

盡

發

赴

錢

監

仍

申

嚴

禁

戢

之,儀

正

如

此

使

以

左

袵

至

本

朝

贵

爲

不

當

用

皂

背

白

領

蓋

北

方

朝

儀

皆

用

紫

也

公

本

朝

止

用

此

服

H.

泗

州

東

京

既

用

之堅

瑕

地

理

之

要

害

必必

有

能

覘

之者

大

使

儀

至

真

定

謝

酒

果

金

之

中

使

忽

謂

使

副

不

使

者

以

盛

服

相

見

贵

無

差

等

耶

?

竟

受

儀

以

禮

折

之

日

都

管

而

F

便

服

來

參,

.

性 五 嗜 年 學,久從吏道 差 省試 參詳 ,未嘗廢 官 五 月 書。 除 自 秘 謂 書 平 監 日 欲 公

之書 見 祕 府 尤 書 不 而 喜 不 可 趨 得 競 遂 百 終 省 日 贈 坐 以 省 詩 有 沈 觀 九 未 見 衢

達 宦 方 馳 轂 群 玉 詩 仙 獨 下 帷 之 句 有 以

從

便

免

致

科

敷

可,

以

絶

姦

利

而

價

自

平

矣。」

中

奉

大

夫。

+

月,

遷

太

府

卿

轉

對

論

几

年

以

勞

遷

轉

朝

議

大

夫,

又

以

年

勞

轉

奉

使三

節

人從

近

歲

託

請

貨

取

僥

賞

而

己,

操

其

權

而

官受

其

敝

乞

置

場

收

糴

聽

民

商

然

在

我

不

口

日

而

不

備

又

奏

\`: _

和

糴

所

以

惠

民

而

備

兵,今平

糴

良

法

寖

壞

牙

儈

胥

徒

皆

己

口

知

此

古

見

天

道

好

還

今古

不

異

0

官。 爲 後 時 者 月,除 一、公笑 禮 不 答。 部 侍 郎 九 月 兼 兼 修 實 玉 牒 録 官 院 檢 計

年 進 故 事 論 監 司 廣 朝 廷 之耳 目 攷 州

備 孝宗 詔 兼 資 否 弭 書 使 癈 縣 陳 之計 成 充 之 修 Ι. 歷 耄 闕 天 亦 、公讀 變。 此 聖 兼 否 失 部 應 何 訓 尤 選 容 臧 侍 當 取 又 天 詳 五. 郎 徇 以 之 奏, 于 先 願 于 則 月 苟 惠 深 實, 殿 外 擇 備 有 夏 安 且 路 詔 Ŀ 臺 風 詔 布 早 論 斯 大 之 而 力 口 罪 之 以 臣 略 寄 民 以 强 上 天 税 己 賞 者 風 哉 蒙 濟 除 封 微 下 轉 節 也 仍 福 授 事 権 9 中 材 9 0 詔 使 矣。 之 尚 大 因 之 具 若 請 侍 資 内 際 擾 夫。 歷 精 罷 下 光 從 外 歷 雖 敏 陳 軟 罪 宗 之 和 而 不 而 之人, 高 四 不 己 臣 糴 玉 混 下 可 宗宗、 月 擇 之 牒 先 疏 啚 廢 賢

歸 請 暍 命 具 除 往 紙 歸 時 來 文 慈 筆 而 華 冒 懿 病 閣 暑 日 寖 皇 待 革 吾 感 后 制 暴 上 啓 提 將逝矣。」 下 仙 手 舉 之疾 足之 江 兩 州 部 際 力 太 書 事 請 平 繁 色 興 外 頌 莊 公 或 祠 甫 不 嘗 畢 亂 以 \equiv 病

> 卒。 儼 先 事 Ш 月 紹 派 遂 人。 之原 庚 興 相 半 終 轉 次 之孫 年 于 午 府 孫 適 大 娶同 葬 男 卒。 IË. 嵊 中 承 將 縣 也 公 寢 ____ 大 事 人 葬 于 丞 邑 女 夫。 寔 郎 史 基 俞 鄞 四 女皆 燡 九 氏 縣 杭,次許 人 新 請 遺 月 登 通 知 先 狀 長 奏 王 子二 遠 仕 常 公之行 卒 適 聞 申 鄉 郎 州 嫁 吴 人, 也 金 贈 宜 未 次 興 以 谷 四 行 適 興 燡 病 鄉 嘉 里 官 縣 將 後 文 貢 中 泰 四 林 派 仕 澤 公 進 乞 明 郎 洪 郎 其 龍 年 ± 致 年 後 九 其 唐 新 燧 井

者 賢 定 不 途 交馬 第何 畏 譽 反 **峩冠粹** 强 日 鑰 欲相 禦, 今四 足言 起 少 與 幾 温 傾 人 ? 公 危 猶 + ,人爲公懼 即 同 年 其 \Box 且 語 薦 舟 長 矣 當 司 者 公 以 中 行 嘗 耳 賢 間 自 者 按 公抗 貴 海 離 日 郡 其 有 合 E 守 使 辯 聞 不 後 蜀 風 于 有 于 至 度 也 朝 0 時 爲 如 不 之 公之 遇 聞 地 公 遂 少 干

命

耶

?

逮

其

賦

歸

E

先

1

城

居

棟

宇

閎

敞

論

思

之

間

亦

何

止

此

厄

而

不

得

騁

贵

濟

事

使

其

婆

娑

從

班

吐

胸

中

之

奇

以

見

于

見

其

歸

而

持

橐

意

必

由

此

而

升

姑

未

間

經

用 用 年。 之 麾 蜀 公 者 名 求 無 屈 而 1,首薦 命 尤 節 其 如 士 人 加 中 蓋 燡 厚 公之宏 最 間 帥 楊 敬 執 求 往 浮 其 賢 嗣 焉 成 之。 法 其 有 往 清 家 紹 都 勳 而 爲 深 曉 歷 才 修 依 熙 京 有 直 公欲 又 旨 暢 偏 遠 約 京 東 派 初 才 之 多 哉 吏 遠 業 公東 己 南 者 相 而 歸 以 詔 事 ൬ 士 嘗 後 所 東 而 無 内 後 歸 夫 所 某 謂 定,于 意 莅 南 未 外 如 歸 至 人 帥 鑰 公 獨 得 不 從 楊 士 主 蜀 治 蜀 日 家 苟 處 官 夫 是 子 大 會 者 時 辦 于 薦 參 如 美。 益 計 揚 京 亦 而 祖 蜀 蜡 此 口 古 壯 公趨 歷 多 不 以 宗 者 故 爲 于 知 公 最 疎 叮 某 之 諸 至 前 又 卿 蜀 不 衆 召 稱 = 監 爲 柄 朝 多 以 與 路

> 猶 不 望 口 爲 爲 老 朋 見 友 亦 以 不 相 及 依 也 然 哀 哉 公 歸 而 病 病 遂

捧 洋 家。 方 惟 之。 郎 郡 又 咏 所 難 貌 惜之,是必 始始 共 有 0 ,今爲台 表 州 堪 尤 公之來 而 充悦 故 篤 ^ 散 恩 士 公厚 不 嘆 東 覺稍 果。 使堂 于孝 無 落之餘 任 也 齋 廬 賢 0 重 弟 州 先 集 有 人 衰 而 堂 友,中 公 周 不 著 之子 業 支 過 V 咸 朝 既 雅 肖 密 Ŧi. 述 而 鹽 盡 人 無 以 卷 望 貴]]] 又 甚 散 與 燫 者。 倉 以 爲 間 奄 連 多 與 時 每 人 遂 言 朝 富 諸 又 二弟。 年 憚 有 至 素 不 遺 問 貴 見 宦 史 攜 猶 有 少病 九 爲 \$ 航 舍 未 嫉 闕 遊 游 以 謂 兒 京 翕 燡 海 艾 于 疑 岷 名 出 自 漕 之險 女之戚 此 然 其 日 湖 也 聞 漫 疆 Ш 古 晚 成 熟 E 筆 歸 尤 志之 都 卷, 隨 吾 循 識 久 屢 歸 去 **>** 班 時 從 將 謀 者 家 藏 處 自 時 而 而 編 矣 素 事 以 赴 干 題 所 共 敬 氣 北

薦引。 寒微, 謹 備 于人,亦鮮以歸語 能盡記。公又以爲 也,其他大有建立。 郎趙公介,俱嘗與公同 敢不承此志?」公在蜀中,樂賢之衆,多 也 狀。 0 群從 如今吏部尚書費公士寅、前兵 謹摭其可記 多困,其有以助之。」 其家,恐尚 者爲之狀,將以求銘焉。 王事 是時 朝,此其 所當爲,不 燡 Ë 有 奉 遺 母 燡泣 最 事,未能 而 表表表者 惟 歸,不 部 不 曰 夸 侍 所 :

攻塊先生文集卷第九十五

攻媿先生文集卷第九十六

公諱子寅,字協恭,世居文登。

特進

以

四 明樓鑰大防

行 狀

直 秘 閣 廣 南東 路 提點刑獄公事 徐公行狀❶

曾 祖 義, 贈 中 奉大夫。 妣 胡氏, 贈

鞠氏 ,贈碩人。

祖佐、贈宣奉大夫。

妣許氏,贈

碩

考立之,故任朝 議 大夫,贈 特 進。 妣李

氏 贈安定郡夫人。

本貫登州黄縣

年,以 莅官 終身誦之。 人。 憂,遺訓有云:「吾以孤寒自奮,爲 中選,授右 授《詩》于鄭先生 四 紹聖初元登進士甲科,南渡先寓會稽,建 公方弱冠,一試中其科。二十一年丁特進 多山東人,與特進 而 三十年。 敏 一年令人梁氏生公,徙居四明,今遂爲 1,内勿 悟 特進家 明堂大禮恩 尤 中遭兵燬,僅能 所鍾 欺 迪功郎、監 服除 無 心,外勿虐民。」公泣 儋石 愛。 ,授建州 剛 補 厚善,勉公習法。 儲,而 中,累 先 將 渾 仕郎。 意 州 司 立家。 篤 承 冠 南 法 志,務進 意教子。 鄉 嶽 多軍 十八 校。 廟。 汝 血 曹 年 IE 紹 時 明年, 于學。 公生 任 書 異 郎 法官 春 興 慶元 滿 紳, 時 者 銓 + 炎

0 此 目 1録改。 題,殿 本 原 作 「直秘閣廣東提刑徐公行狀」,

非 部 審 可 歸 復 0 以 敢 陞 未 縱 右 聞 N 牘 赴 從 人 減 以 以 累 政 磨 求 郎 白 法 勘 賞 科 授 凡 巾 改 駮 潼 年 0 福 E 111 竟 建 死 府 公 存 路 罪 路 日 而 提 七 轉 不 刑 + 用 運 法 可 九 口 所 檢 主 人。 當 法 管 官 吏 帳

農 議 修 病 補 輪 \equiv 後 年 路 公事 年 誉 對 惠 提 口 除 徒 以 文 比 觀 刑 H 降 有 差 鞫 知 力 之 年 中 興 口 嘗 制 重 充 無 以 事 潛 歸 \mathbb{H} 檢 兀 以 費 獄 删 爲 清 久 年 IF. 心 法 詰 除 修 軍 刑 猶 之 矣 是 于 官 以 問 派 續 爲 患 X 于 孔 之。 舉 地 + 改 降 甚 請 其 不 聖 子 有 主 除 指 衆 給 詞 孟 人 皆 餘 改 月 上 大 揮 日 之 軻 以 宣 分 而 古 陛 所 理 臣 : 之言 意 爲 處 人 教 己 評 辭 嘗 删 一志 飢 州 不 郎 識 事 其 類 大 寒 奏 業 郡 足 之。 兼 0 知 鞫 官 授 所 : 有 之 乾 仰 邃 勘 每 兩 迫 立 丐 矣 道 于 歸 兩 以 几 給 浙 不 爲 外 年 操 IF. 大 淮 柱 元 西

事 内 牛 文 過 賣 灩 計 耜 嘗 得 税 口 免 給 \mathbb{H} 臣 邊 帑 16 往 其 # 費 之 詢 免 牛 輻 道 錢 已 世 者 委 税 湊 税 資 究 途 白 而 敢 備 免 過 亦 餬 卿 免算 之費 淮 爲 亦 寝重 爲 守 販 之 則 税 其 則 能 免。 + 是 Ŀ 此 嘗試 必 臣 牛 口 至 曠 勿 保 税 治 緡 知 欣 備 過 計 土 收 歸 固 欲 何 若 田 之説 淮 然 税 臣 耕 以 H 也 應 正 苦 之 得 望 紹 從 至 恭 0 具 即 闢 其 倍 人 犯 遵 具。 官 興 覩 不 事 遇 上 矣 招 樂 兩 于 法 仁 備 敕 仁 干 惟 大 災 買 蓋 歸 淮 哉 令云 内 于 廟 蓋 耕 宗 畎 人 悦 臣 傷 4 詰 者 IE 耕 之 地 具, 皇 每 畝 稀 恭 9 以 住 人 法 放 乎 帝 0 招 且. 臣 使 一汝 農 誉 聞 又 税 税 # 爲 矜 \vdash 若 緣 陛 治 隙 申 或 亦 H 家 輩 室 及 亦 : 其 對 下 甲 以 史 經 閱 淮 免 未 言 Ŧi. 廬 艱 牛 若 ***** 歷 必 牛 方 **>** Ŀ 以 日 歸 分 得 之 發 税 武 耕 商 耒 荒 販 凡 更 竊

卿 能 利 尤 書 楚 此 體 害 擊 款 州 時 賞 狀 既 或 較 在 相 視 遠 然 皆 北 退 玉 措 慮 方 如 音 御 其 置 亦 及 卿 批 甚 真 耕 此 所 條 寵 陳 情 耶 夫 陳 具 獻 ? 耳 日 者 聞 口 大 -, . 卿 奏。 採 袖 咸 卿 未 朕 出 日 先 于 置 口 舊 訊 然」。 次 試 此 資辛 差 郡 囚 久 以 之際 往 矣,未 朕 進 臣 淮 將 使 南 乃 用 有 J: 手

勞 間 卓 訪 眷 此 即 至 者? 通 傳 徐 寵 然 奏之,上 議 某 情 動 公 事 日 宣 未 深 所 詳 在 F. 明 語 既 見 在 矣。 議 聽 朝 年 畢 圖 既 \Box 行 宣 正 . 不 E 公躬 感 若 恂 月 諭 以 孰 事 激 出 笑 歸 催 恂 肯 宜 使 盃 履 自 而 促 似 者 將 阡 奮 酒 去 大 不 自 使 陌 E 與 中 公 始 能 旨 以 居 首 之 募 使 性 盡 言 其 分 襃 而 至 簡 樂耕 力 0 上嘗 爲 太 酌 諭 盱 易 于 朕 簡 此 胎 之 淮 日 念公之 究 方 中 事 也 人, 對 甸 戒 心 使 在 奏, 與 而 公 如 歸 適 以 田

> 禦。」 措 己 供 開 并 備 歸 遂 城 喻 有 餘 極 業 職 築 置 差 荒 屋 耕 頃 邊 奏 頃 IE. 之 從 五. 條 候 牛、 人。 兩 免 壘 勸 公奏: 復往 之。 納 地 詔 目 地 不 滿 農 種糧 家 諭 甚悉 守 監 且 本 堅, 口 + 爲 到 具、屋宇等錢,家 禦,上 錢 淮 是 于 其 年 萬 甲 歸 城 「喻 又 寶 月 大大 東 奏。 次 錢 起 沿 IF. 應 無 除 並 П 納 均 傅 略 御 日 海 爲之長 大 Ш 屯 淮 當 昌 筆 . 謂 税 Ŧī. 雖 俟 陽 理 兵,乞下 東 射 等 年 賜 賦 : 有 非 入莊 得 IE 帥 陽 還 四 知 閒 楚 其 徐 空 奏 不 湖 與 隨 揚 百 之 某 勸 還 田 日 閒 乞 人海 草 候 處 餘 州 楚 0 淮 不 足 諭 給 水 措置 授 屋 置 莫 名 州 可 等 給 付 未 陰 陸 濛 告 之 莊 措 欲 乃 X 其 有 \mathbb{H} 要, 監 先 置 就 獎 仍 沿 兩 田 以 X 初 Ŧī. 城 監 淮 次 守 潮 爲 給 百 處 傯 年 牛 給

❶ 「監城」,依文義疑當作「鹽城」,下二「監城」字同

遺 器 其 IF. 授 置 半 淮 行 奏 徐 高 \mathbb{H} 啉 施 K 0 諸 人 萬 東 舊 莊 甲 年 下 利 某 郵 行 今特 招 等 及 繼 弩 莊 軍 所 Ш 而 並 集 未 司 營 水 種 命 又 浚 水 卿 陳 宇 依 命 輿 人 公 曾 之 宜 尋 寨 奏 利 中 歸 田 4 所 民, 汝 郎 審 奏 使 使 及 協 六 兼 IE. 荒 乞 因 具 實 吏 委 民 力 人 效 賚 年 權 有 施 田 而 畢 E 高 給 措 有 計 白 尚 委 兵 及 正 _ 使 行 賑 備 日 選 田 公 總 守 置 金 勞 書 月 古 給 : 9 利 干 官 按 效 有 駕 首 **\$** 溝 非 Ŧi. 七 歸 緣 便, 0 徐 旨 部 視 并 几 拊 \mathbb{H} 百 月 就 曾 可 īE. 諸 某 除 百 郎 激 莊 摩 : 洩 兩 9 緒 甚 把 原 節 莊 詔 清 餘 駕 犒 寨 等 官 耕 水 有 麾 徐 散 次 以 使效 貧 部 事 之 五. 川 條 \mathbb{H} 持 勸 在 某 仍 莫 又 月 夏 月 理 節 濛 告 措 支 揚 共 不 奏 亦 諭 E, 潦 詔 措 置 差 受 不 置 舟 己 得 實 詞 仍 到 楚 對 五. 爲 **\$** 官 及 置 旨 循 歸 餽 以 舊 知 有 師

> 月 置 公 惑 高 俞 泰 海 鹽 兼 欲 召 堰 州 郵 以 場 虎 事 領 職 專 盱 各宜 又一 與 甚 事 許 委 胎 徐 悉 修 \$ 才 兀 月, 某 舉 協 遂 每 吏 郡 同 濟 兼 召 年 措 除 措 今差 權 奏 置 直 以 置 事 淮 往 兩 副 秘 誉 知 東 諸 淮 閣 朕 大 高 H 提 官 莊 使 陳 郵 舉 卻 激 令之意 鹽 田 令 0 犒 切 場 御 徐 得 慮 利 札 0 某 俄 旨 諸 害 + 同 改 徑 及 莊 **\$** 措 捍 知 委 疑

體 卿 隙 措 殿 肅 嘉 無 等 之。 置官 悉。」十二月 静 所 ,上令相 9 復 避 或 七 卻 條 當 未 憚 田 年 當 具 官 之思 9 如 撫 度 挺 賜 鹽 處 故 之 身 事 緋 事 以 以 故 隨 任 衣 9 楚 遂 鹽 恩 即 IE 兹 責 銀 州 除 課 奏 獎 宜 不 足見 魚 提 申 增 聞 諭 如 口 淮 舉 羨 此 專 E 恪 四 復 淮 人 特 用 喜 月 陸 示 勤 東 然 轉 刑 9 朕 乃 梁 茶 御 奏 淮 威 懷 職 鹽 批 官 恐 民 事 也 常 開 選 宜 既 朕 平 加 恐 已 甚 卿 敵 德 派

將

有

見

忘

者

矣

E

而

果

然

淳

熙

年

管

州

崇

道

觀

淳

熙

元

年

Œ

月

召

赴

闕

奏

對

稱

旨

除

T.

部

郎

中

仍

舊

措

置

官

莊

樞

密

院

得

旨

列

具

淮

東

官

莊

旦

成

之

數

總

五

部

七

几

白

川

+

九

間

耕

者

干

百

有

奇

4

六

百

縣

楚

州

忠

勇

使

效

爲

Ŧi.

+

四

莊

屋

干

卒

以

總

領

所

申

額

鹽

虧

失

罷

九

年

七

月

主

,

改

ĪĒ.

屢

請

外

祠

以

鹽

口

積

厭

鹽

本

降

秩

仍

自

行

津

運

委

見

盡

心

或

事

又

轉

官。

有

欽

歎

不

己。

是

年

以

和

糴

最

多

而

先

辦

相

虞

公

允

文

貽

書

謂

司

治

辦

前

所

未

年

不

覺

察

所

部

私

渡

降

官

後

乃

得

實

實 塗 朝 有 歌 餘 思 巷 紹 地 年 欲 熙 詠 不 榷 除 闕 率 年 酤 知 郡 有 任 台 征 計 滿 税 州 太 而 尚 平. 大 又 公 書 官 率 裕 至 張 府 從 民 郡 公 寬 昔 量 杓 詢 所 置 人 爲 訪 未 爲 郡 帥 利 見 出 熙 病 薦 之 優 之 干

效

以

爲

喜

公

蒙

1

異

恩

感

激

盡

力

嘗

白

+

有

耕

H

九

百

+

几

頃

F.

見

實

有

Ŧi.

稼

器

六

白

+

五.

副

老

穉

Ŧi.

干

几

歎

日

古

者

專

以

屯

田

爲

養

兵

開

邊

之

計

或

無

重

費

而

口

成

功

今講

和

方

堅

無

所

展

究

滯 增 台 下 既 太 吏 爲 邑 杜 條 爲 重 不 軍 不 語 守 亦 之 訟 銷 過 蒙 以 庠 刺 盡 耗 至 1 有 口 皆 蠲 較 蔽 及 利 職 久 軍 注 八 虚 明 情 因 在便民 石 千 感 之請 籍 弊 年 久 子 積 廢 計 V. 法 月 餘 矣。 民 歎 ,公爲 版 逋 或 賞 弊 偶 精 餘 俱 石 有姦胥增 問 曹 至 詳 罰 皆 非 + 無 當 是 0 倅 公既 比 + 公, 政 得 節 去二三, 所 天 ,使之自 買 以 至以 貳賢者 較 人 餘 有不 之。 容 雨 則 能 田 不 發之, 既 上供 萬 鬼 不 Ŧi. 急之費 至 + 改 悦 平則 輸 擾 : 爲 鈔 百 歲 陳 增 還 謡 服 日 何 以 畝 百 而 減 而 額 萬 朝 求 頌 吾 置 秋 以 使 台 辦 罷 數千 以 斛 騰 弊 當 籍 以 苗 致 語 照 輸 爲 振 毫 播 當 饋 此 Œ 百 几 以 爲 人 苗 屬 優。 之。 斛 虚 使 賂 案 爲 倉 鈔 求 救之,今 日 遠 縣 者 益 籍 民 之私 +, 籍 其 Ŀ 邇 剖 寧 財 每 人 尤 以 源 郡 上 親 僞 謂 決 賦 爲 爲 寮 則 鈔 III

> 攀 公不 月,除 力 如 車 徐 請 許 惟 轅 使 滿 留 卧 君 諸 贊之而 廣 秩 太守者累數 轍 專 郡 南 喧 意 耐 未 東 去,立 撫 動千 己。 見 路 摩 其 提 里 憲 9 比 祠 點 Ŧ 如 使陳 ,幾不容去 塑 刑 當 牒 恐 像 獄 以 傷之, 公杞 陳 公事 聞 以 公 于 歌 行 歎 吾 E 謡 郡 日 無 郡 刻 父 所 人 Ŧi. 尤 老 年 用 得 惜 擁 川 民 其

累 罙 禱 還。 謂 徧 益 Ŧī. 威 贈 嚴 不 職 兼 H 歷 願以 堪 第 諸 令人,再娶陸氏,封令人。 爾 公歸 行 在 郡 列 既 澄 四 身代 遂 痛哉 抵 此 子 按 郡皆 相 或謂 亦 隨 所 繼 不 倦 部 侍 公既 聳 而 能 瘴 遊 享年六 詳 逝 矣 自 自 煙季春 慶元 還 刑 公 己。 寔 力 而 決 得 + 丐祠 五 元 此 獄 爲甚,姑緩之,公 疾 至 月 有 年 子 Ŧi. 于 務 八 先 六。 春 七子: 而 羊, 道 日 在 以 夏之交, 促 娶汪 寬 疾 疾 驚 相 行 卒 平 長睎 作 憂 之旨 去 氏 纔 精 欲 恩 而

崇

道

觀

唐

漼

9

次適

進

士

王

然

次

適

從

事

郎

監

温

州

在

城

商

税

琴

次

適

承

奉

郎

監

台

召

師師

伋

師

夏。

孫

女

四

未

行

諸

孤

將

以

0

年

九

月

T

西

葬

公于

鄞

縣

翔

鳳

鄉

隱

學

之

原

新

1,

且

公志

也

之

孫

將

以

遺

恩

補

官

孫

男

+

人

0

師

顔

師師

孟

師

周

師

偃

師

雍

師

錫

師

點

師

州

在

城

商

税

汪

立

中

次

滴

史

宣

之,寔

太

師

;

習

進

士

女

五

人:

長

適

朝

奉

郎

主

管

台

州

江

者

次

睎

垂

將

授

公遗

澤

次

睎

契、睎

夷

睎

夔

儒

林

郎

新

鄂

州

觀

察

支

使

即

死

于

曲

州

盛

海

縣

派

次

睎

稷

嚴

州

觀

察

支

使

次

臯

通

直

郎

先

年

卒

次

睎

益

承

直

郎

知

9

密 知 晚 獎 益 論 實 公天 更 事 練 子 E 性 故 載 前 夷 之 台 曠, 如 遇 州 之政 辨 與人 往 白 來 尤 黑 以 淮 誠 爲 動 南 實 人 輒 數 所 寤 素 年 稱 嫺 詳 朝 吏 孝宗 奏 究 道

●「十一人」,據下文,當爲「十人」。

汝尚 者。 所 以家 列 爲動,已而得釋,伺 公之僕爲囊橐, 均 至,前後薦士百二十餘 卿,豈非 無 事 何 而公出入三朝,受孝宗之知尤深,官 訴 付汝,累 間 ? 命 言。 其 耶 ? 無 歲 公在 追捕 競 侵 公歸 類 漁 治 淮 此 已 南 掠甚苦。 而 人,其間 聞 多。 訴 鄉 者服之。 之,公曰 人 迨 有被盜 一假手 公聞 有在 以 麾符 從 亦 治, 我 止 班 不 疑

六

書之,俾求銘

焉

謹 狀

攻 媳 先 生 文 集 卷 第九 +

州 公情 爲 出 來 日 日 其 留 . 有才。」鑰 口 奏甚 公 手。 見之坐中,有語 親寖厚。 語 鑰 朝 所 汪 非 廷 明 出 鑰 其 知 每 不 丽 也 實 因 下 早歲 惟 丞相 미 也 邊 問 行。」 0 諸 服 郡 日 及 留 公之 其 孤 措 :「相公何以 與公同 及公者、留 公當國 因 請 後 置 曰 狀 知 丹 禁 公行, 人,而 丘 銅 舍, 一,最 其 錢 廣 姨 過 公 重 并 又 東之除 知之?」 純 界, 日 然 母 喜 以 一:一此 諾 既 茂 公之 惟 所 歸 聞 皆 隨 向

攻 媿 先生文集卷第九十七

四 明 樓 綸 大 防

行 狀

觀 文 殿 學士錢 公行 狀 代 汪 尚 書

贈 太 師 曾 鎮 祖 暄 國 一,故任 公。 妣 中 陳氏 大 大夫、寶、 ,贈國夫人。 文 閣 待 制 累

贈 太 師 祖 景 康 臻,故任 國公,尚 少 仁宗皇帝女秦曹國 師、安武 軍節 度使, 賢 穆 累

太 師 父忱,故任 雍國公。 妣 少 唐氏 師、 潼 雍 111 國 軍 夫 節 度 使, 累 贈

明

懿

大長公主

六十九狀 本 貫 開 封 府 錢 公諱 端 禮 字 處 和

年

使,以 章 受知 吴越忠懿 襄 章 鉞 聖 鎮 盟 掌 王 津 六 内 世 移 外 洛 制 孫 陽 也。 + 下 有 歐 高祖 餘 陽 年 文 惟 擢 演 樞 以

譙 親 宫 賜緋 使。 間 也 通 石 艷 三子,以賢穆之孫 尹公洙、 10 門 判 有 ,謚文僖。 避 神宗朝 猾 台州 靖康 宣 下 项 奕世光 地 - , 守欲 吏數輩 開 湖 和 謝 元 倉 三年賜 廣, 公絳 王莊定公存領三司 歲饑 年 顯 俾 鎮公在慶曆、治平間 設 監 ,白太守,户 ,至康公而 累 以 兵 皆 方議 次 奉 衛 金紫,主 ",政和 登 在 受 祠 聞 幕 栗, 禄。 公 賑 鼓 初 給 日 院。 愈大。 無 諸 管 紹 授 飢 . 敢 西 市 宣 興三年 時 未 京 譁 是 民 鎮 義 公雍 士 幾 者。 促之 千 嵩 號 郎 墳 忠公修、 公 餘 隨 靡 Ш 良 公第 添 爲 識 爲 侍 崇 七 不 X 干 其 歆 集 差 文 亂 年 副 密 重 福

1557

公明 罷 朝 役 繕 之,不爲 以 判 公 東茶鹽 觀 可 嚴 率先 苛 廷 有 時 治 歸 敏 積 州 方年二十 外 敏 七 行 年 鏹 府 闕 自 告 郡 屈 又改 引對 近 任 也 辨 政 通 增 又 萬 多 判 湖 茸 僚 餘 改 加 何 萬 除 決 明 州, 宫 吏 敬 以 直 或 除 由是聲名籍甚。 州 于 城 重 獻 焉 皆 徽 勸 公。 兩 足 爲? 不 猷 公 太守 公獻 浙 而 + 赴,主管 閣 與 轉 除 立 Ŧi. 時 臨 尚 運 直 進 之,公曰 一、公獨 年, 安 書 判 秘 宰不 寶 守 官 除 閣 莫 華 文 四 公公 分 提 以 州 閣 樂, 年 : 任 理 將 雲 時 舉 後 遂 此 漕 其 方 臺 淮 折 政 知 通

其誠 嗟 通 目 ?,官吏 相 覩 聞 ,遂爲減入,至今賴之。 公 七 一希賞 私之害,忍 公日 年, 趣 除 力言 淮 辦 東 過 于 不 轉 豐 朝 言 運 乎? 副 切 皆 漕計 使 取 危之,公日 秦 給 丞 率 時 于 相 耗 金 民 于 亦 使 無 察 怨 方

爲 溝 迎 年,丁 千人。 版 境 通 動。 香 用 有 以屬公。 去之日, 或以爲蚤計。 不已,公度必 名之費, 一,近 便。 遺 途 聞 餘 火未收,雨 庫 浮 公坐城 跡 不 ,遂乞罷 世 雍 歲 梁既漂 公分 嘗 明 因 國 方苦 盡 所 歲 遮 公必 治 年 是 憂,服 無 用 復 道 處 上 早,即 大農 時 已大注 也 多請 其 有 進 豪 欲竟其獄 挽 去, 僧 0 厚 舊 水 直 留, 夕 氏 舍 除 \equiv 溪 歲給, 正 賞 患 于上 自 之無 齋 龍 水 知 衢 之, 生 南 邦 計 舟 项 素 啚 暴 是 衢 大 立 一、公革 市 人 害未 口 ,漕陰中 良者,偶 人歡 默 閣 又儲三年之貲 至 募 無 州 火,公以 祠 人 給 禱 一,城不 客舟 競 火災,民 至今。 求 知 食,悉 艾 呼。 首 過 去宿 載 救 婺 也 婺 ·公而 百餘艘, 與 以 祈于 者 没 州。 民 己 弊 漕 遂 濟 者 奉 號 方 闔 乃 而 居 罷,人 全活 有 星祠 祠 公 大 訪 境 幾 呼 纔 爲 帑 侵 霖 連 以 古 據 送 數 震 數 備 霪 廪

幾

月

已

易

見

鏹

數

百

萬

年

月,丁

一十八 年, 赴 行 除 在 知 次 撫 年 州 陛 0 對 抵 除 玉 Ш 太 府 以 雍 忠 公憂。 肅 陳

公嘗 П 而 領 公曾 浙 漕 不 事 介 至 意 是 9 + 振 四 舉 年 職 再 事 至 視 人以 昔 有 爲 加 淹

居 無 何 顯仁 皇太后 上 仙 太上 皇帝 欲 得 典

禮 懈 訖 嚴 備 事 御 進 筆 右 委公專 文 殿 修 領 撰。 辨 護 + 公晨 年 Œ 夕 月 不 除 少

知 臨 安 府 府 以 應 辦 積 欠 民 户 緡 錢 幾 數

直 萬 何 以 日 示 : 天 天 下? 府 爲 盡 郡 還 邑 之。 首, 即 明 售 年 物 七月 不 償 除 其

端 曹 禮 闕 官 口 當 故 遴 有 選 是 太 命 F 問 八 誰 月 口 兼 者 樞 密 對 都 曰 承 山。 錢

權

户

部

侍

郎

先是

御

史

中

派

汪

公澈

論

版

至 九 是 月 專 兼 委 權 公 知 經 臨 畫 安 ,分爲 府。 公當 六格 建 出 明 納 用 皆 楮 有 爲 法 弊,

皆 病 少 卿 冤 丐 之。 歸 七 月 是冬召 除 秘 閣 修 撰、 兩 浙 轉 運 副 使。

> 説 號 日 公 ^ 瓘 次 IE 論 年 所 撰 今 進 Ŀ 之。 芻 即 説 位 W 公公 中 取 + 故 事 諫 議 事 爲 大 夫

隱 篇 宵 爲 修 勵 下 自 以 劉 啚 畹 中 非 嗣 相 欺 遁 錼 大之計,不 : 土 稱 備 雖 「當 善 或或 卒 殘 君 時 服 國之 居 原 而 (滅,不 邊 E 之 今 憂 全 首 忠 賜 之 增 ,公肆 境 初, 或 軍 福 讜 于 民 不 親 理 方 若 外 然 能 家 陷 也 所 札 將 邊 嗣 擾,公言 미 從 大 没 支 利 當 見 \Box 要。 乃 有 言 託 或或 爲 去 是 害 講 襁 心 聞 「然無 年 寒心 而 聘 負 外 罔 逗 疾 莫 卿 見 諸 務 睦 戰 撓 而 與 退 不 大 世 實 軍 無 鄰 在 歸 成 守 之 師 于 不 積 今金 所 憚 王 效。 進 或 爲 和 忠 修 夷 張 口 化 其 剡 家 尤 孝 明 狄 È 恃 虚 矣。」 而 牘 間 幸 餘 詳, 侵 政 新 者 聲 姻 不 載 取 或 而 侮 事 7 公又 忘 其 上 獨 蹈 閲 聯 敵 小 避 然 奏 内 訓 陛 捷 舍 實 略 戚 每

狄 殺 彼 下 除 無 兵。 屠 勇 尚 將 勇 奏 网 不 寡 베 之士 若取 戮 人 世 妄 能 志 强 鬭 强 Ŧi. 適 無 豊 代 俱 我 出 保 大 願 . 弱 在 未 足 如 陛 持 計 亦 法 有 遭 專 兵 既 于 陛 恐 以 今 激 口 鬭 祖 篡 利 其 下 殺 以 戰 E 使 爲 與 餌 日 F 强 民 宗 哉 弑 蹈 審 之 諸 不 勝 之 訓 得 兀 虎 0 敵 矣。 人 弊 思 後 以 將 同 而 夫 兵 較 , 練 口 利 患 藝祖 後 仁 疲 又 故 之 城 勝 甲 耳 法 不 報 縱 害 于 定 不 政 勇 兵, 負 川 日 應之 惟 有 夫 而 能 奔 爲 也 不 海 今彼 邑 . 驍 終 戎 熟 乘危: 申 命 先 堅 血 倍 之 今日 而 理 無 勇 狄 計 命 自 守其 令彼 刃 勢 内 旋 兵 民 之 所 俗 之 僥 將 各 而 木 將 雖 不 歸 得 口 兵 益 尚 倖 帥 要害 殺 得 以 明 戰 財 以 旋 帥 屈 , 殺 我 類 天 久 詔 忠 竭 鞭 焉 失 貪 人 非 而 戮 下 至 亦 致 諸 撻 小 義 蓋 無 事 人 而 更 殺 之 是 然 寇 既 利 衆 賈 兵 夷 陛 盡 將 相 力 忠

> 賞 難 歡 謂 禍 講 革 不 , 妨 當 好 圖 不 誤 獻 固 息 也 修 息 或 以 言 0 守 民 睦 遠 安百 意 之 邊 鄰 圖 外之虞 士 + 障 好 姓 徒 後 餘 之生 遵 以 雖 以 年 養 又 懷 孥 口 一,仁及 有 時 柔 今 戮 打 晦 爲 之 不 賊 日 務 亦 口 草 若 欲 勝 上 無 木 則 以 將 以 言 及 安 奉 帥 則 虚 者 矣 靖 妄 名 兩 中 休 宫 希 太 臣 招 原 息 之 實 不 上 竊 功

爲 無 有 宜 必 失 不 竊觀注 進 未 立 利 用 成 可 緩 之後 兵之實 徒 身之資 而 隆 得 興 未 九捐 措 恐 其 聞 元 施 貨 當 南 須 揣 其 年 爲 北 財 時 耶 效 冬外 是 摩 ? 相 至 者 可 欲 虚 F. 持 則 謂 岩 中 除 增 費 意 可 勤 和 原 重 民 非 召 爲 所 且 戰 之 兵 力 議 對 耳。 一勞矣。 以 未 當 威 論 内 施 决 有 復 而 偏 今 殿 爲 用 反 勝 之 士 人 且 公 弱 兵 事 多 皆 夫 自 機 奏 之 或 未 持 大 符 知 事 曰 名 嘗 功 爲 以 失 離 .

敵

知

備

禦

有

方

未

必

便

敢

輕

犯

若

處

之失

須

以

威

望

素

著

懷

忠

善

謀

者

使

各

護

稍

復

官

爵

責

之

後

效

孰

不

願

盡

死

力

仍

?

前

日

有

因

事

而

罷

者,

願

加

收

卹

諭

以

恩

意,

江

江

池

,皆當

嚴

備

又

須

選

名

將

數

人

如

既

古

則大兵當

屯

于

沿

江

如

采

石

宣

化

鎮

以

輕

兵

居

前

重

兵

居

後

爲

臂

指

之

用

淮

上

不

可

專

恃

陸

贄

謂

兵

當

居

重

以

御

邨

蓋

謂

水

止

口

以

處

游

兵

水

寨

之屬

或

口

爲

間

探

謀

略

大

將

臨

之。

高

郵

僻

在

隅

面

阻

拒

捍

維

揚

六合、

和

州

當

爲

聲

援

須

擇

有

河

淮

西

必

自

渦

口

兩

處

當

豫

選

梟

將

委

之

已

開

爲

興

師

張

本

敵

X

犯

邊

淮

東

必

自

臣

聞

金

人

數

有

文

移

取

索

俘

擄

衆

是

釁

鄰

援

此

皆

賈

怨

生

事

無

益

于

或

者

又

以

9

東

守

備

未

具

及

所

用

將

帥

未

盡

得

人,

又

奏

贵

不

爲

鄰

所

侮

哉

至

于

招

納

叛

交

1

之言 恐 宿 奏 子 相 必 T 調 尚 有 録 日 未 湯 日 增 上 歲 書 議 兵爲之一空。 四 兵之久,未見 財 且 公思 甚 之。 百 出 論 知 正 願 賦 口 是 餘 年 人 甚 臣 救 陛 須 恐 對 之數 退、 萬 後 好 寓 頃 弊 充 此 論 下 望 自 一之道 在 足。」 内 去 吏 經 右 陛 朝 度 9 及 休 户 或 部 庫 度 比 相 下 臣 牒 經 今日 息 部 取 較 更 仲 侍 目 張 聽 皆 既 費 之期 e, 有 上 撥 前 郎 通 公 五. 不 納 行 匱 調 云 年 因 所 奏 又 浚 及。 見支 乏, 僅 發,不 增 . 不 奏 Ŀ 用 E 招 F. 臣 所 在 得 損 面 户 實 時 亦 直 用 等 多 公奏: 此 1 諭 部 韓 稱 由 恢 易 不 須 所 有 數 + 寡 善。 公 長 復 足 于 應 恢 以 爲 限 萬 仲 貳 辦 前 恐 復 此 夙 而 兵 時 仲 未 嘗 辛 會 夜 通 日 口 中 通 惴 E 公 左 今 約 總 食 劄 到 通 口 原 爲

四

Ti.

若 若 之。」公 大 竟 不 堪 備 都 有 民 必 分 賣 撥 須 食 知 取 Ŧ 堂 不 ,必致人言。」韓 司 知 貴 切 以 于民 施 度 萬 口 必 與 合 右 牒 鹽 何 行 日 行 以 須 用 兩 相 名 數 奉 之,恐 未 未 韓 飛 多 派 問 行 取 民 萬 公 泛措 少 必 鹽 相 之? 力困 兩 道 欲 ? 及 致 事 執 淮 後 置 退 千 差 公云 中 政 尋 敝 右 再 興 惟 萬 而 輟 口 有 面 論 相 兵 若 之 有 經 議 爲 議 旨 鹽 用 云 須 數 費 無 鹽 公云 事 先 然 度 民 且 名 既 鈔 若 間 錢 添 有 横 給 改 軍 右 不 非 定 0 糧 科 起 事 斂 自 中 法 相 于 一公云 大費 萬 論 鈔 斂 不 亦 足, 云 經 此 容 甚 道 面 重 然 惟 費 事 試 飛 不 難 事 然 後 不 污 内 體 議 H. 則 .

未 群 嘗 居 權 竊 時 或 左 議 之利 但 相 乞 以 害。 出 和 公 分朋 戰、守三 大 對 植 黨 事 又 奏: 牢 爲 不 進 「今廷 可 身之資 破 以 臣

者? 大 然兵 然之, 惑 稷 或 中 安 役 不 歷 不 以 見,故以 至 (),陛下 治 賜 至 恩 乎 致 用 陳 至 上 原 但 者 兵之利 計 蒙蒙 ? 破 夷 秦漢 靖 聽 巵 秦 問 度 願 蕩 M 皇 狄 酒 康 事 以 非 陛 不 欲 器。 E 一、漢 之 萬 力淺 夷狄 一今日 符 不 H. 下 殺 成 加 澶 改 變。 非 離 知 几 帝 武 非 云 爲 恢 不 容 深 事 多 順 海 之 淵之盟 常 \pm 復 用 武 當 又言 治 欣 得 旨 潰 獨 一之道 之志 之 兵之禍 知 何 卿 納 也 志 應 爲 迎 知 遇 彼 奈 如 可 . 云 爲 合 有 于 天 戒 ,此 以 以 己 ? 何 見 大太 臣 0 中 中 趙 順 口 高 不 當 ? 聖 湯 早 而 氏 或 或 公 以 人,指 卿 E 治 爲 何 思 決 帝 È 之 豊 即 不 保 講 論 本。 治之也 如 退 或 言 之 和 福 爵 所 奏 説 事 解 非 耳 顧 親、 是 用 謂 禄 諭 誰 太 ِ ك 甚 以 燕 不 \equiv 圃 心 爲 當 世 恩之 祖 宣 朕 必 致 Ш \pm 定 也 _0 受 代 灼 之 帝 者 社 大 極 執

府宣諭,右相遂行。

平。 見 增 兵, 者 權 不 不 西 疾 于 Ŧī. 制 F 備 在 足 疫 代 深 今 頡 日 兵未 或 無 今 德 公奏 以 則 維 者 兀 利 以 石 術 何 月 兩 保 自 大 爲 殆 年 晉之事 人 必 得 賴 制 計 文 力 天 淮 用 木 無 精 先後 焉 充 人 夷 詳 有 名 虚 民 惟 狄 下 ! 淮 内 , 尤不 陳 今 日 所 H 之序, 欲 者 空言以 不 外 東 臣 以 秦 所 備 不 增 在 得 急 故 宣 至 漢 官 守 以 勝 足言 兵 休 迫 和 歷 諭 于 之 . 爵 未 則 永 息 守 使 亂 願 陳 叶 事 上 長 雖 不 餉 虚 未 自 蕃 者 躬 驅 使 下 足 殺 自 譽 饋 且 王 多矣。 古 必 行 敵 煎 以 完 傷 有 Ì 而 無 公 備 此 抵 所 敖 充 來 終 顔 不 所 不 之 道 以 巇 者 賞 亮 犯 口 始 從 望 名 惟 魏 以 制 而 而 邊 之謀 出 勝 人 蓋 錢 晉 使 致 要 議 \exists 有 夷 寇 紀 但 利 穀 欲 治 者 以 狄 太 唐 淮

言 漢 以 斷 敗 勇、 理 易 不 未 在 勇 怯 弱 北 重 顔 ? ? 其 淮 其 柔 然 兵 亮 至 均 鳩 知 几 贵 爲 此 間 其 郡 克 行 覆 遽 焉 集 甸 陳 忠 意 恐 與 不 不 時 禮 之, 車 之 行 有 重 帝 明 蓋 敵 爲 故 議 義 爲 未 地 或 文之 事 相 尾 欲 懦 可 王 角 委 者 之 剛 萬 若 遠 以 邀 機 大 和 ? 之 不 逐 事 前 何 前 索 事 耳 不 以 使 謂 慮 道 而 不 日 以 彼 連 修 掉 安 日 今 命 挾 不 剛 計 以 處 餘 和 兵 以 之 持 文 故 口 得 能 日 彈 ? 之? 輔 則 事 兵 數 重 德 在 患 遽 用 和 勝 者 通 實 退 明 戰 付 又 兵 今 絶 U 兵 議 在 之 師 主 況 贵 攻 庶 昨 ? 又 而 來 日 恢 爲 後 甚 元 古 河 1 幾 無 1 不 不 遠 和 復 可 懦 前 也 者兵 功 帥 有 人 使 几 爲 之 南 和 之 不 欲 日 爲 之 爲 郡 弱 則 口 木 説 謂 使 敵 岢 用 與 可 交, 怯、 行 商 利 進 敝 者 寇 自 臣 忠 帥 不 不 兵 兵 榷 爲 襄 使 謂 爲 爲 未 力 今 南 經 下 而

誅 淮 多 來 東 輕 無 望 發 此 及 察 不 體 **\$** 臣 例 思 經 愚 後 爲 度 忠 置 彼 事 明 摧 宜 兹 詔 沮 不 蒙 大 以 敢 選 臣 自 隱 擇 早 取 默 俾 定 辱 其 取 宣 誤 議 德 蓋 緣 或 意 之 事 御 干

筆

付

省

之 益 州 此 迎 其 能 F 有 虚 塗 敵 民 之仁 智 費 患 \mp 地 Ē 不 守 者不 錢 守 師 又 也 恐 生 如 奏 既 聖 中 糧 釁 業 還 難 此 能 傳 原 而 端 矣 然 枉 保 蕩 招 爲 聞 又 之人非 向 再 自 散 來 殺 Ш 陛 道 不 者 陳、 起 無 出 軍 能 下 \Box 路 適 經 蔡、 餘 兵 堅 謀 兵 \pm 足 不 果 或 誉 收 連 守 矣。 懷 以 爾 謂 順 Ш 初 若 ~禍 復 祖 則 離 東 昌 爲 旲 無 此 結 方今將 宗 一、壽 所 人 9 可 璘 金 益 望 得 之心 之 養 至 見 E 人 簞 春等 世 海 劫 德 成 用 屠 失 帥 食 州 掠 澤 兵 戮 大 德 不 兵强 堅 處 壺 而 患 無 順 徒 皆 後 漿 肝 歸 終 重 效 馬 陛 雖 秦 被 腦 擾 無 H 以 不

之連 清 糧 或言 議 視 戎 池 康 人。 欲 弱 傷 壯 而 \equiv 破 鎮 堅守 不 E 割 長 野 秋 壞 未 殘之餘 或 襄、 鎮 平 和 固 後 江 有 真可 冬必 之 死 則 堪 江 下 守 鎮 漢之兵 敵 如 戰 是 彼 以 福 損 之 披 騎 璘 9 爲 先 備 爲 遂 百 也 又 兵 久 帶 必 大 者 長 痛 時 官 自 邊 成 不 半。 且 經 偃 相 允 驅 具 緩 哭 廷 棄 聞 患 不 大 力 蹇 木 數 \pm 爲 之。 也 能 議 金 急 變。 贵 尚 事 邀 易 權 而 烏 又 人 堅 必 网 索 東 窮 主 不 舉 無 合 李 非 大 萬 臣 決 致 淮 前 勢 南 敵 帥 朝 兵 横 危 何 軍 所 城 誤 迫 諸 H 皆 力 殿 道 彼 敗 況 士 以 見 以 金 邑 事 議 郡 謂 以 司 則 哉 應 餘 半 氣 屻 墮 留 屯 人 臣 起 4 拒 或 之 徑 之 ? 戍 肝 爲 未 虹 人 臣 發 相 土 軍 言 後 抵 淮 乎 膽 丘 縣 振 故 與 雖 之 爲 不 ? 墟 京 割 太 靖 欲 或 兵 率 積 成 吐 日 口 江 師 地 息 情 俯 懦 康 與 欲 雖 和 敏 建 與 粟

朝

廷

云

雖

未

至

楚

泗

淮

H

守

備

大

略

己

Ŧī.

月

公公

至

揚

州

頒

詔

勞

賜

諸

軍

即

申

實

願

陛

F

夷

致

前

事

永

以

爲

鑑

早

定

和

議

萬 設 敵 則 人 揚 自 州 天 巋 長 然 徑 在 後 瓜 詎 洲 能 曠 堅 野 守 約 口 容 瓜 洲 也 + 林

守 小 禦 城 止 不 過 如 容 此 Ŧi. 泗 七 州 千 貌 人 在 贵 淮 足 出出 當 其 如 敵 鋒 ? 兵 渡 网 淮 處

不 必 取 泗 州 遠 則 光 濠 近 則 浮 Ш 卻 奪 帶 皆 女

驢 口 馬 以 濟 泗 州 近 恬 然 淮 不 北 知 賊 過 或 浮 敵 Ш 人 徑 寨 渡 及 自 婦

上 河 口 灼 運 然 糧 可 而 見 來 若 泗 自 州 西 必 路 先 而 層 人 絶 則 此 海 不 淮 待 泗 啚

之

效

也

有

稱

長

安

談

笑

口

取

鳳

翔

之

虜

如

不

至

使

至

今和

好

未

決

則

未

見

其

折

服

使

人

使

用

敵

或

一之禮

者

及

從

而

遣

之

則

辱

命

無

所

必

勝

之

説

果

如

何

有

自

獻

其

説

欲

折

服

人

H

?

不

勝

僥

倖

行

險

輕

躁

出

師

大

喪

師

徒

則

州

而

澽

棄之,

則

恢

復

之

計

復

如

何

有

用

兵

?

者

謂

敵

人

已

弱

口

以

恢

復。

今止

得

宿

口口

乘

惟

陛

下

所

欲

爲

耳

又

奏

專

言

用

兵

勇

以

待

時

著

積

U

富

或

待

兵

力

既

壯

機

遣

使

通

誠

以

保

或

安

民

爲

計

既

和

之

後

何

口

逃

者

今

西

師

取

德

順

尚

不

能

有

則

未

見

其

談

笑

取

長

安

之效

也

凡

此

數

事

皆

口

折 北 不 支, 揚 楚 坐 木 前 日 劉 錡 之敗 是 也

今 平 營 曠 屯 分 備 布 守 難 皆 遍 嚴 聚 將 于 + 亦 處 願 賈 則 勇 不 能 其 分 如 守 地 要 勢

害 各 守 方 則 臨 事 難 應 大 敵 今 劉 寶

實

V.

事

則

朏

其

浮

議

幸

其

致

驗

誤

或

明

甚

不

口

掩

願

聽

言

則

審

其

忠

軍 以 前 分 屯 出 後 外 空 在 别 寨 無 者 後 不 繼 滿 或 萬 謂 自 輕 以 兵 爲 在 邊 憂 IE 重

四 Ŧi. 九

監 可 如 軍 否 犒 坐 兵 而 亦亦 贏 ? 賞 失 留 必 金 塞 貲 故 湯 不 网 屯 今 楚 미 金 之 ,皆公措 淮 E 江 可 以 泗 州 帛 古 用 恃 上 尤 安 州 滿 官 兵 邊 前 姑 非 則 浦 難 爵 若 置 H 小 民 策 閘 敵 而 欲 之大 蓋 增 計 也 可 守 助 開 增 嘗 兵 今 直 軍 亦 清 拓 略 大 以 至 日 臨 聲 不 以 河 若 有 也 張 大 帑 易。」 爾 之 希 聲 所 軍 江 藏 戍 大 勢 費 須 罷 若 功 兵 矣 小 調 可 移 揚 決 駐 度 充 皆 積 萬 州 欲 江 不 其 監 陰 糧 牧 守 徒 無 去 備 馬 勞 用 本 饋

争 去 棄 不 巡 重 鋒 兵 戰 則 城 則 得 棄 既 上 而 我 若 至 泗 勝 觀 亦 今 守 盱 州 也 覽 平 夏 即 而 胎 形 其 去 金 不 若 勢 城 泗 去 人 彼 則 州 郭 蓄 于 得 時 則 鋭 宣 如 我 準 泗 會 淮 詔 無 御 州 重 秋 陽 犒 利 筆 而 必 兵 軍 師 害 云 平. 犯 之 絶 其 不 邊 與 類 糧 守 城 必 泗 是 道 郭 與 彼 臣 州 也 之 以 而 是 遍 口

> 此 後 待 楊 州 衆 六 泗 周 朕 亦 人 有 江 餉 合, 各 何 未 宜 審 欲 淙 意 饋 由 上 0 調 連 别 休 爲 義 不 絶 處 王 發 足 作 淮 提 朕 有 其 息 琪 減 屯 和 E 歸 卿 憂 舉 西 本 便 于 宜 少少 守 所 以 防 П 以 ? 路 自 茶 而 遣 前 之計 見 殿 兩 前 減 欲 朝 帥 鹽 有 公 日 止 月 司 屯 即 軍 休 廷 臣 吴 衙 爲 王 恐 0 兵二三 戰 戍 屯 具 不 尚 彼 巘 聞 彦、 兵 調 金 奏 守 楚 得 書, 未 既 其 于 謂 至 發 來。 人 張 相 州 休 清 通 意 朝 彼 聲 江 不 萬 鈎 守 去 書 野 各 計 上 及 扼 欲 致 言 能 屯 時 謂 忠 遣 欲 如 清 静 稍 揚 彼 聚 而 幾 審 . 等。 卿 使。 安 此 州 河 遠 帥 兵 來 不 議 何 宜 静。 兩 之意 得 其 于 官 ? 必 敵 卿 郭 輕 軍 知 淮 静 兵 近 胡 有 宜 緣 然 揚 往 兵 振 兵 與 邊 昉 保 然 州 彼 所 楚 雖 守 則 我 金 屯 或

今業 曷 絶 信 致 帥 書 所 是 薩 通 和 彼 與 伐 不 不 若 之 傷 未 之 忠 書 彼 書 E 虞 使 可 布 而 意 之。 先 直 書 然 之疑 必 已 周 薩 止 有 義 不 使 事 淙 大 欲 之謀。 爲 造 後 簽 定 在 或 在 彼 命 速 等 通 燕 款 口 不 連 邊 軍 論 我 必 終 必 至 情 若 恐 納 Ш 兵 和 累 則 持 意 不 前 日 楚 · 可 待 因 仍 之計 我 年 兵 興 此 欲 曾 固 嘗 既 循 州 使 調 其 以 以 則 師 説 行 執 0 有 發 不 及 無 曲 款 之 若 又 納 口 持 前 動 遣 秋 沮 書 諸 禮 議 舉 直 其 奏 見 成 而 空言 謀 使, 格 往 軍 力 侵 敵 論 意 爲 必 論 金 调 和 以 其 來 踰 彊 ? 急 情 勝 又 久 分 主 有 解 以 激 議 無 無 之 而 難 負 則 激 屯 今 前 相 大 功 後 彼 果 自 禮 兵 料 意 求 江 遂 誤 不 不 利 此 具 與 決 則 幣 取 淮 南 若 若 繫 屢 以 則 也 之 交鋒 無 淙 待 謂 北 所 彼 今 以 則 通 强 曲 便 盟 功 等 趣 阻 其 遣 雖 布 以 備 我 元 在 弱 口

> 衝 衆 終 朕 筆 俟 寡 何 突 云 泗 能 近 前 爲 秋 州 比 日 ? 調 得 完 輕 發 卿 陳 顔 則 當 敏 亮 敵 設 按 之 奏 衆 若 兵 泗 事 持 七 則 州 IE. 月 澼 重 兵 類 圖 敵 少 此 之。 縱 人 也 使 伺 欲 _ 增 得 我 又 戍 泗 不 得 備 兵 州 御

仍 指 舟 E 久 申 江 和 問 朝 至 被被 議 再 陳 彼 江 **令** 兵 廷 無 仍 及 省 月 力 日 \Box 來 言 劄 和 謂 歸 險 耗 近 議 得 住 守 來 要 奏 起 楚 未 勢 備 盱 朝 事 發 決 具 必 胎 州 疎 未 納 守 空 報 以 略 口 以 公 備 劄 實 П 知 北 此 又 恐 當 對 子 體 徒 人 若 敵 嚴 + 未 度 致 再 改 澽 人 衆 有 應 人 及 往 七 除 人 副 疑 來 六 奏 寇 月 吏 ∭ 北 耗 部 圖 守 乞 俟 口 人 侍 再 早 公 至 待 報 對 郎 定 具 鎮 H 而

❶ 「義」下,殿本有小字注:「案『布薩』舊作『僕散』,今

之 變,勢 \equiv 應 決 姦 耳 使 其 此 兵 盡 發 未 遣 速 動 不可 來 賜 冒 語 其 陰 計 介 兵 兵 使 可 可 庶 禮 信 與其 決 深 睿 謀 發 瀆 · 誓 以 必 合 旨 臣 其 示 兵 憑。 兵 人 天 相 書 不 待 事 者 先 若只 遣 使 信 雖 聽 施 虞 其 侵 以 機 云 今又 使、 墮 者 不 П 行 定 報 防 : 則 兼 其 彼 0 武 即 遣 惟 其 發 又 恐 嚴 則 無 然 使 城 遷 北 見 數 使 遣 變。 當 實 兵 後 海 耗 兵 不 人 使 人 西 日 遣 屬 失 無 見 古 以 抽 來 城 來 又 若 泗 敵 官 使 事 若 機 所 敵 守 俟 П 申 所 必 使 期 情 與 楊 皆 速 懼 會 酋 軍 其 喜 有 皆 朝 發 郡 與 至 狡 由 遣 不 言 馬 和 之 後 是 詐 廷 必 義 北 兵 所 使 不 無 可 . 力戦 不 必 必 並 先 赴 廷 則 以 過 有 緩 介 脱 竊 端 定 噬 受 闕 行 乞 信 至 使 미 則 議 慮 之 臍 的 兵, 否 速 若 彼 于 是 堅 奏乞 宿 論 别 使 行 未 料 事 彼 謂 遣 望 再 決 以 中 牛 只 而 有

> 戰 以 書 則 當 設 吾 異 内 曲 務 之 直 議 使 存 中 破 少 有 重 心 遷 其 或 敵 無 之 大 小 于 和 謀 就 體 有 語 遣 不 從 X 亦 爲 于計 之,以 使,若 見脅之語 聞 簡 相 而 知 先 却 從 人。 我 吾 嚴 事 恐 有 爲 濟 其 本 至 使 引 不 以 備 得 謀 文,不 命 大 再 起 必 戰 議 則 既 得 至 和 不 待 備 往 和 不 議 遜 必 其 若 不 須 則 之言 早 信 議 用 書 虞 兵 先 和 定。 前 當 非 來 遣 與 如 定 必 空 日 後 以 而 使 此 不 言 來 矣 後 復 釋 可 則 得 則 書 其 遣 遣 難 安 間 中 書 其 H 使 疑 處 海 則 辩 間 中

及 令將 時 子三十 引 參 派 E 相 議 海 云 月 Ŧi. 魏 官 錢端 泗 道 由 公 以 杞 義 下 \$ 州 禮 爲 П 與 親 戍 所 本 自 由 納 兵 奏 司 行 義 宣 先 未 參 在 諭 會議 是 次 9 議 撤 云 官 劄 回 左 : 子 公大 相 是 到 便 係 日 又 H 令奉 奉 言 招 得 面 聖旨 旨 劉 授 日 行 寶 劄 内

割

或

事

有

未

定

只

撤

戍

占

據

之

後

餘

事

難

事

北

界

書

中

悉

己

相

從

則

目

下

撤

戍

便

口

交

到

本

朝

之

書

有

續

當

遣

使

之

文

若

所

議

之

以

商

量

縱

欲

備

宣

聖

主

亦

信

之

意

他

H

亦

界

口

書

未

到

之

H

承

降

指

揮

今北

界

П

書

E

口

議

之。

即

具.

申

奏

論

撤

戍

不

便

緣

繫

北

不

敢

奉

行

須

俟

遣

使

或

朝

廷

通

書

議

定

始

去

就

至

輕

此

事

繫

天

下休戚

斷

之

于

心

必

1569

之

世

彼

乘

虚

據

之,

自

言

收

復

不

以

爲

我

之

相

未

曾計

割

几

郡

若

無

故

撤

戍

加

П

是

棄

定

而

後

退

師

今使

命

未

造,

雖

敵

帥

通

書

本

求

几

郡

之

地

前

後

雖

己

許

之,

彼

心

候

盟

書

約

得

E

而

爲

應

兵

曲

不

在

我

若

멢

之

和

彼

己

幸

觀

敵

情

以

待

其.

成

舉

動

皆

未

口

邨

必

不

屢

干

内

殿

奏

和

戰

之

議

未

決

Ħ.

當

古

守

邊

惠

他

時

别

有

邀

求

或

乘

時

侵

軼

孰

任

其

責

上不

以

某

不

肖

付

之

路

事

權

己

?

于 知 搋 廷. 盱 邀 是 北 索 以 界 胎 書 海 申 是 先 齎書已過 泗 日 行 與 發 之, 然 下 後 宰 不 北 抽 相 是 界 兵, 白 與 布 棄 庶 薩 敵 兩 書 郡 人 先 登 H 得 時 後 免

禀,又 恐 既 卯 軍 方 北 未 使, 民 雖 IF. 今 界 飭 死 防 而 望 以二 招 康 諸 女妓 被旨 無 网 射 九 早 遣幹官禀 撫 湑 公 詐 月 將 益 州 過 州 賜 副 司 癸未 嚴 撤 申 于 未 榜 撤 之。 申 調 戍 或 備 尋 朝 文 胡 戍 發 朔 即即 蒙 耳 己 議 廷 竊 明 庚 奉 得旨 ____ 璽 , 乞發 寅 云 恐 具 兵 相 使 引 民 書 尋報金 奏合候 : 馬 兵 見 疾 未 盱 南 切 過淮 已回 力 欺 求 過 兵、遣: 自 胎 奔 責 不 罷 至 報 也 未 人 正 加 使 E E 敵 撤 淮 非 有 是 知 使二 措置 行 ,累乞王 即 報 己 戍 E 人 危 厥 敢 議 恭 薄 差 人 寇之 規 後 者兼 疑 定之後, 依 兩 海 魏 撫 П 之 之 避 琦 具 杞 于 州 意, 時 意 之。 近 誠 申 奉 軍 辛 而

啓姦 決 其 六 騎 爲 生 處 御 萬 蓋 可 之。」公奏: 海 有 反 示 大信。 勝 其説 敝 靈 者, 筆 師 輕 禍 州 事 半 已 遽 一甲 俯俯 心 變。 則 : 得 先, 歸 X 絶 奮 爲 可 不懼 泗 IE E 此殆 不可 居 其 虚 盡 從 勵 彼宜 州 或妄爲 辰,王公之望除參 人 州 令王 張 民 糧 諸 其 抽 亦 輕 大言 所 敵 道 將 天亡之時 議 反 П 民 臣 應答如 多 焚,餘 敵 琪 以 堅 人 不 ,令大臣 已 有 陰 挫 被 ,公肆 起 我 貪 謀 謹 不 其 害 壁 可 發 若 無 婪 及 戒 響, 者 鋭 使 以 别 取 也 信 無 南 劉 邊 皆 迫 鋒 M 老 通 兵 有 接 而 厭 寶 渡 吏, 脅 爲 具 州 分, 書 知 其 使 以 乃 窺 夫 者 軍 積 敵 以 既 師 包 講 政 介 固 無 逸 伺 詔 陛 馬 用 糧 聞 見 藏 成 解 事 事 待 守 持 臣 則 劉 有 尚 下 勞 則 異 撤 刖 封 重 當 信 寶 分 壬 撤 憫 望 意 其 疆 戍 T 深 + 在 以 可 傳 戍 南 寅 義 亦 日 未 足 不 自 遂 乘 檄 他 得 餘 不 以 北 如 敵

之也 計 奉 建 既 河 治 走 未 速 録 淮 州 報 如 不 宣宣 民 使 取 到 敢 左 加 徑 死 探 本 都 而 若 禦 俘 楚 來 聞 相 路 之, 報 諭 間 州 督 癸 敵 古 擄 虚 州 書 除 焦 日 敵 司 移 震 府 屋 亥 守 等 驚 進 副 都 至 乞 湖 是 騎 治 宇 參 動 敵 道 人 據 本 結結 督 此 復 夜 差 己 贊 未 郡 決 理 還 贵 楚 盡 南 局 充 初 至 Œ 0 渡 大 不 人 戊 使 移 州 0 徙 濠 大 緣 頓 無 取 庚 淮 可 奔 申 知 又 + 泗 梁 禮 先 遇 自 從 迸 戌 所 而 我 月 韓 初 申 州 守 哉 鹵 得 遺 得 盱 盱 事 不 金 朝 庚 致 璡 淮 壽 簿 四 省 錢 胎 胎 畏 申 溺 守 須 廷: 魏 人 泗 郡 使。 春 劄 糧 大 守 怯 、公以 棋 舟 廬 報 本 勝 9 火, 移 遂 酌 狼 金 不 自 金 除 力 + 比 13 謂 治 致 人 狽 爲 軍 拒 燕 不 得 督 人 兵 所 敵 繋 天 猖 甚 民 月 于 渡 侵 部 宜 府 館 以 盱 己 長 衆 橋 獗 清 奔 癸 胎 淮 郡 速 欲 既 渡 廬 尚

德 公控 問 動 臣 驚 事 密 宣 納 峻 上 願 議 人 口 院 其 0 宣 0 疑 壽 諭 遣 不 . 論 前 數 行 太 問 者 法 敢 宫 . 時 事 辭 内 欲 副 似 日 獨 ? : 公 邊 甚 戌 禁,公曰 E 小 近 亦 卿 遣 賜 盧 聞 遂 卿 誤 開 事 報 力 更 有 議 楊 仲賢 公赴 百 行。 陛 不 納 宜 陛 日 望 諸 由 進 論 奏 下 變。」 下 至 辛 ,公奏: 宫 召 義 自 實 行 闕 士 Ţ 亦 都 H. 燒 見 忠于 持 是 出 此 酉 有 F 兼 知 既 察 臣 朝 香 始 敵 贵 除 身。 · 下 所 事 户 對 之議 聞 廷 官 端 帥 定 或 小 其 備 金 之 部 9 鎮 詔 王 民 書 事 甲 明 E 人 人 詳 欲 去 静 抃 尚 所 親 多 殿 辰 而 日 人心 用 而 者 願 必 持 者 書 謀 征 以 學 辭 又 : 用 陛 兼 卿 復 和 重 移 亦 H 士 行 雖 之。 還 愈 前 權 爲 下 人 戊戌, Z 審 有 徙 甚 簽 參 不 但 摇 執 不 後 未 妄 力 細 E 當 識 民 或 政 知 書 或 可 狂 傳 自 議 欣 輕 間 誰 太 傳 樞 自 其 臣 政

既 何,有 言以 **令** 欲 方 Z 左 Ŀ 副 帥 也 寧 E 元 一,若見 可 亥 副 執 至 駐 見 和 元 帥 「若然 背 淮 公奏: 本 議 元 帥 在 政 處 定有 兵 需 王 可 耳。一 等 前 帥 情 滁 出 不 得 用 家 索 抃 州 書 意 進 彼 説 臣 動 需 口 兵 至 是不 到 否 恐 抃 呈 意 竊 不 適 索 擊 掩 口 户 闕 通 至 詳 乃 文 見之 必必 王 見 擊 曉 樞 連 恐 欲 乞 若 字 之 所 付 抃 也 書 密 來 難 和 先 已擊之久矣。 必 望 以 望 今既 將 出 徑 以 未 虞 通 應 是, 欲 盡 嘗 親 閨 書 往 王之 副 左 啓 書 若 允 和 忠 建 臨 過 都 E 本 + 。」公獨 派 封 文 只 定 皆 = 淮 望 别 嘗 所 元 望 相 如 對 無 F 策 見, 之 月 寫 帥 宣 從 無 陳 盧 必 復問 不 處 Z 以 問 欲 金 意 必 望 發 公 仲 而 而 有 遜之 爲 卯 敵 賢 康 外。 行 不 乞 又 放 往 則 左 之, 允 約 情 之。 在 敢 再 左 于 副 伯 得 彼 今 言 或 定 公 妄 左 如 通 江 處 副 元 疾

治 喉 説 需 果 彼 E 不 舊 機 或 又 可 目 姪 應之? 固 界 減 當 同 IE. 贵 制 不 而 内 有 知 國 可 公日 ? 若 + 又豈 爲定,若于内不與, 能 思 事 難 可 書 險 如 爲 雖 遠 易 萬 應 公日 況 要,我若求之而 復與?」上 用 其 餘 忿 歲 虞曰 不 啚 日 與 以 名 式 無 兵,未 幣 稱 此 姑 向 而 足 . 報 他 外 後 姪 言半 今正 「今既 從 與 來之和 之。 此三 請 若 用 之 且. 見 也 是 曰 : 更 和 以 辭 其 如 敵 再 事 虞 E 以 力 未 及 不 爲 或 和 拜 可 則 最 得 曰 和 曰 争 皇 能 同。 見 輕 他 尚 我 大 定不 :「何 . 與 帝 彼 書 制 重 恐 要 原 皆 是 得 兼 我 向 卻 虞 彼 今 辛 欲 最 舊 求 休 成。」公奏 止 執 H 稱 以 死 E 必 既 爲 E 係 書 釁 息 但 是 之已 殊 求 命 别 治 則 年 權 111 以 也 元 欲 不 蜀 荷 如 無 定 兵 修 名 何 以 有 其 世 同 位 親 内 何 以 襟 他 前 事 力 所 項 稱

王 至 抃 漏 F 北 虜 曾 用 别 擬 四 號 以 進,遂改「乾 道

行 年 Ē 月 辛 亥 朔 E 親 祀 睘 丘 ,公爲 禮 儀 使, 元

不

率 百 卯,公乞出, 僚 班 賀 于 端 誠 許 殿 0 庚 丑. 申 ·, 充 德 壽 宫 使

堯封 1 論 公以帝 姻 不 不 可 任 T 執 政 殿 公即 中 . 侍 再乞出 御 史 唐

次

遣

使,莫若

安静

庶

幾

他

日

有

事

卻

口

與

抃遂行

十二月辛卯

除

參

知

政

事

兼

權

知

樞

密

諭

堯

9

以

公

選

用

才

即

非

私

若

且

休

待

事

定

T

别

議

。」公又

人

奏

第

數

刻

方定。

虞已承

命

明

日

又

奏:

只

理

會

,乞令奏使

朝

陵

寢

事

0

E

日

征

之計

臣

乞先罷

專

任

能

者。」争

辯

堯封 除 太常 少 卿 戊寅 ,又申前 請 上云 :

朕已宣 封 朕

意。」公奏 曰 . 決 難 曰 請 . 去。」 既 己 移 卯 臺 9 諫 降 詔 愈 不 不 允 自 安 不 得 H 再

有 陳 請 一月庚 辰 朔 祥 曦 殿 奏 事 虞 公 奏

云 錢 端端 禮 輔 佐 陛 下 9 方 成 和 議 恐 未 可

去。」王 去。」上 公 日 亦 0 奏 和 : 議 大 出 臣 于 進 朕 退 意 一, 所 參 繫 政 非 端 輕 一。一公 不 口

又 奏乞從 臺 諫 之言 間 陳 累 數 白 言 退 復

克勝 文字。 任 辛 倘 Ė 得 御 筆 其 人 不不 朕 念 以 即 私 位 義 以 廢 來 雖 股 議 肱 者 鮮

身,上

以

為問

剛

中

奏

此

事

具

見曾

布

日

録》,不當

復用

錢端

禮

欲

改

虞

允文

有

不

同

之論

臣

爲

當

改

御

筆

欲

用

乾

統

西

公曰

改元;

大

典

也

簽

書

E

剛

中

奏

事

留

諗

嘗

用

虞公

以

爲

載

籍

所

不

載

自

不

必

改

已定。

丙午

」, 上

問

改

元

事

隆

興

故

叛

臣

趙

奉使過

界,北

軍

Ė

口。

甲

午

降

詔

和

議

外召

Ŧi.

X

面

論

然

後

審

擇

而

用

上

皆

從

其

令。

論

館

職

不當

限

員

又

論

人才

當

須

自

院

事

先是

己

得

差

遣

人

限

Ŧi.

日

出

門

奏

除

0

或有 不 容 而 曾 無 告 愆 見 于 論 疏 抗 屢

乞 忠 寇 位 直 忠 能 當 唐 中 派 以 冢 易 咈 上 贈 康 旋 薨 以 才 丐 相 去 朕 翊 秘 觀 1 興 戴 閣 陳 德 得 位 七官外 意 焚 二公之後 公 伯 再 去 少 卿 ? 公已病 選 又云: 黄 也 甚 以 師 次 亦 宜 宜 重 宣 1 子 力 稱 不 竭 兩 優 大 次 更 德 安 其 問 節 緣 酉 贈 公爲 宫 備 觀 詣 加 一只 方 鎮 節 竭 私 推 寒 壽 典。」 至 因 德 文 浮 贈 憫 忠 賜 親 聖殿 誠 食, 如 致 壽 歷 援 風 輔 同 遂 許 宫 仕 敘 公 職 陛 典 亟 俗 治 是 進 贈 並 大一 太 安 F 家 故 奏 之 士 日 以 太 賜 引 公奏 厥 踐 世 欲 極 Ŀ 約 出 以 師 件 示 酒 詹 位 阼 弊 上 亦 身。 族 長子 優 果 事 大 上 先 黨 再 禮 康 毋 已 嫉 方 以 日 世 非 既 偉 逆 具 以 伯 浮 而 故 爲 0 諸 薨 諭 所 亮 節 集 卿 言 王 以 小 事 以 嫌 之 剛 大 内 于 爲 表 卿 王 誰 不

公既行相事,兼權提舉玉牒,監修國

筵 京宫 求 公人 史。 坐 論論 外 賜 茶 奏 祠 觀 八 事 避 月 不 襃 始 仍 親 Z 諭 少 改 奉 嫌 酉 貶,而 尤 提 朝 渥 詔 舉 請 甲 7 臨 午 勇 鄧 踰 安 退 除 王 府 之志 月 資 爲 兼 洞 政 皇 霄 侍 益 殿 太 宫 讀 堅。 大 子 學 公 辭 七 士 壬 E 在 日 辰 章 宣 經 在

緡 勸 獲 知 以 徼 麻 政 治 治道 大 種 免 紹 尚 巡 莊 姑 麥 治 興 簡 簡 Ш 四 去 方爲之鼓舞。 年 ,官與之 適 李 百 府 静 太 地 修 廢 秋 公光 雖 甚 力 曠 幕 荒 具 鋤 者 起 多 辭 府 舉 政 力卻 治 爾 知 種 藏 而 省 姦 不 不 寧 女 歸 文 之, 建 六 國 猾 加 憚 明 盜 書 炎 鞭 年 府 勤 一、公奏 年 奏 九 終 答 仍 勞 初 四 蠲 麥 年 爲 以 劇 月 而 大 畸 7 民 奏 恕 申 立 丐 租 寇 零 熟,收 廟 事 賴 岩 前 行 攻 税 祠 税 以 而 命 城 如 境 仍 八 安 每 行 數 六月 期 辭 置 故 萬 内 E 官 參 又 不 郡 有 餘 . 公

之修 資 大 文殿 \equiv 降 明 辨。 許 郎 祖 大 忌 侯 故 決 高 夫 政 夫。 年 者 滯 官 奉 資 軫 承 監 大太上. 議 學士 殿 恐 訟 縣 直 政 最 建 氏 其 達 議 行 六月 再 主 聞 郎 大學士 殿 貢 顯 壻 理 郎 封 L 在 簿 用 學 囂 皇 經 謨 除 鄆 也 車 前 \pm \pm 女 知 士: 閣 再 慶 因 費 觀 或 輅 H. 辰 鐸 處 請 曾 以 莊 提 壽 以 文 院 夫人,先公一 葺 人,爲 薨 吏 州 舉 ,公以 無 殿 孫 罷 飛 承 之女,贈文安郡夫人。 吴 月 公 民 軍 二人, 學 于 洞 務 語 不 修 宇 屬 以 時 州 IE 霄 中 士。 郎 從 莊 年, 疾 紹 爲 淳 廢 事 寢 宫 公。 文 興 日 神 知 熙 或 壞 公在 迪 請 太子 雲, 常 從 明 年薨。 者 以 娶李 功 既 女三人, 致 几 臣 德 年 郎 御 越 其 年 以 日 率 妃。 府 特 兩 氏 筆 几 澤 事 \equiv 祠 談 凡 新 轉 郡 桃 男當 月 批 月 歸 笑 修 孫 皆 中 復 通 並 源 福 有 竟 也。 行 職 象 再 奉 觀 奉 爲 登 縣 州 復 建 而

> 仕 郎 0 女 人 尚 幼

盡

之習 從 言 文僖 間 元 或 應 于《 世 進 甚 往 父 孝 經 所 祐 左 因 公承 之 道 公生 備 史,未 公 + 不 行 黨 氏 得 科 以 唐 問 及 廢 熟 以 × 晚 平 以 氏 雍 知 來 而 講 ^ 又 嘗 于 質 娶 時 或 者, 西 文 不 入著《諸 典 至 論 晁 肅 晁 生 漢 尤 群 獻 宰 章 文 日 歷 公 氏 氏 長 所 ×, 相 詣 相,非 居 介之幼 去 歷 諸 史 由 京 鍾 率 繼 濟 手 能 重 提 老 熙 商 師 愛 多 北 慶 故 言之。 要》 力學烏 寧 尚 搉 成 先 少 富 子 下 親 公 以 古 無 誦 行 貴 生 時 日 教 至 今。 恙 嘗 承 干 補 中 嘗 謂 自 以 能 政 仕 幼 世 顔 公 之 手 李 T 詩 又 至 少 好 宣 館 幹 從 實 德 多 先 0 節 無 是。 閣 爲 間 蠱 + 裕 容 膏 爲 識 世 尤 事 耽 通 前 É 其 粱 群 以 曲 不 雍

0 諸 字 原 脱, 據《宋史。 藝文志 補

史

玩

名 甲 情 師 和 康 剖 然 也 子 或 翰 游 伯 如 和 方 決 即 有 往 申 者 議 用 房 圃 神 得 祖 之私 是非 爲 師 終始 歲 鳴 大 其 兵,公親 貌 仙 内 之 來 可支吾 呼 但 事 遺 政 若 中 相 也 騒 書 人。 以 飾 必必 風 婦 文 不 動 掃 立 尺 温 意 以 内 變。 百 辛 以 見 判 默 肅 唱 事 尚 清 所 儒 審 巳 爲 姓 啚 和 公 寮史禀 勢 乃 和 氣 癯 不欲, 雅 敵 或 公 戰 公家之利 經 爲 大 勰 甚 能 節 如 謂 寇 計 規 辭 不 畫 用 多 不 功 不 字 仇 金 之 畫 決 ,今新造之國 迫之 公公 白 揣 名 專 勝 外 秦 穆 崇深 變 甚 而 衣 察 事 成 弑 而 尤 父 使 雖 知 遠 致 終 無 敗 兵 文 興 亮 盡 果 亦 刻 大 無 在 而 不 與 多 可 力 之 法 漢 決 其 意 患 下 眸 不 能 蘇 奈 非 中 爲 日 慕 詞 位 子 望 又 蓋 洞 少 文 荷 故 動 何 不 瞭 效 時 負 休 之 嘗 見 自 忠 以 于 力 篡 若 敵 言 儼 \pm 就 陳 靖 顧 況 聞 詞 稱 無 公

之苦。 其 然 果 分 之 探 以 機。 泗 懇 弑 穆公頤 是 不 盡 何 · -: 非 日 欲 或 之名, 退 以 其 致 行 可 以 以 公言 支 . 師 乃 卻 欲 敗 西 爲 乞遣 至 徒 \exists 浩 前 定 敵 惠, 和 死 則 公之言 此 減 于 必 人 張 贵 廬 今, 行 則 姑 至 歲 敵 使 始 至 不 而 爲 見賞 幣 敵 有 以 肯 服 有 人 濠 于 少 己 不 虚 誰 亦 0 \equiv 似 兵不 通 效 待 面 之説 先 執 公 痛 聲, 之 歎 不 往 尤 詰 進 好 能 之。 遁 詔 哉 力 爲 動 往 出 實 而 以 公 以 爲 書 斷 也 東 不 不不 日 者 退 人 取 主 公輔 抃 是 大 而 兵 則 用 是 不 IE. 禍 于 故 事 П 未 至 以 似 公始 時 劉 位 公笑 以 期之。 而 和 淮 出 攻 但 示 既 \pm 士 寶 號 爲 自 用 楚 備 以 欲 而 皆 至 抃之行 氣 不 然 此 故 之 當 再 緩。 偃 援 緩 台 如 愈 又爲 南 謂 頗 遭 勤 日 兵 索 約 棄 公益 定 蹂 吕 北 事 魏 失 如 勤 以 海 名 忠 成 此 幾 勝 躪 使 貇 諭 其 靖

之勝

立

舍

繙

經

其

中

暇

H

幅

巾

野

服

巖

僧

舍

年

餘

始

1

築

于

城

之

東

北

隅

林

泉

年

某

月

甲

子

從

葬

遂

爲

台

人。

公初

歸

寓

瑞

?

初

康

公

賢

穆

葬

天

台

之護

或

山

公公

以

某

于 鑑 貴 卿 布 元 監 派 衣 臺 樞 相 與 視 也 軒 方 及 外 冕 遇 之 如 員 無 1 悟 徜 故 禪 徉 出 師 笑 處 傲 究 死 生 心 觴 之 内 詠 際 典 琴 奕 超 絶 然 甚 遠 自 自

甚

滴

常 捐 倖 泣 得 告 覬 金 疾 大期 公公 即即 萬 分 施 屏 日 ? 將 以 去 : 至,待之而 謝 醫 浮 汝 之。 藥 屠 曹 氏 日 贵 前 或 解 己。 勉 此 生 日 之, ? 疾 則 肩 亦 革 有 大 輿 笑 家家 死 登 丈 不 所 夫 人 亦 答 居 捧 事 何 第 藥 之 Ш 口

終 袁 神 瞻 色自 謁 釋 若 道 贵 像 苟 如 然 平 哉 時 ! 歸 公 即 薨 瞑 之 目 後 安 坐 象 祖 至

之最 以 書 詳 來 日 願 . 爲 紀 先大父居 述 將 以 官 告 立 于 朝 太 之大 史 氏 節 鑰 知 竊

時

公

雖

家

居

而

恩

數

視

政

府

其

孫

裒

所

詩

文

奏

議

若

Ŧ

卷

號

松

窗

集

藏

于

家

賜

亦

賜

忠

實

字。

兩

朝

宸

翰

光

動

如

此

大

問

及

閒

居

自

號

乃

大

書「

松

窗

以

耳。

好

賢

樂

善

如

恐不

及。

嘗

奏

事

德

壽

太

H

賞

雪

賜

坐

以

玉

盃

宣

勸

不

以

名

呼

隆

眷

賢

于

己

者

誠

竊

慕

之。

士

之

賢

者

恨

未

盡

知

郎

者

甚

衆

介之士

一,荷

所

許

口

無

不

委

曲

或

取

于

賓

僚

推

輓

名

士

至

輔

弼

禁

從

公浩

魏

公杞

知

院

Ŧ.

公綸

或

交

薦

達

嘗

日

:

韓

安國

自

謂

所

舉

皆

天

下

士

賀

公

充

中

皆

相

友

善

尤

有

知

人

之

政

席

公

益

所

汲

引

中

書

舍

X

潘

公

良

惟 紳 參 知 之, 政 德 士 望 民 勳 誦 業 之,豈 在 家 衰 有 朽 牒 骫 在 骳 之辭 或 有 所 史, 能 發 搢

見 揚 是 非 于 有 奏 觀 對 攷 公自 者 于 多 前 隆 矣。 興 而 以 所 皆 來 成 本 與與 敗 干 有 忠 人 驗 實 主 于 論 合于 後 天 F 其 信情 事 先

四 七

于此。 力 以 婺,鑰適丞 江 擊 大者書之,不敢隱,不敢諛,卒狀如右 辟以爲屬。 蒙賞愛。 見 而 口 太上 才 鑰既 見屬,宣諭之行亦備數幕 薦于上前。 Ш 而 如蓍龜 土 心 ,公方主 服者。 凋 無 几 燒香之行,抑都 謝 + 來 所 之明,其定力 一金華, 後人爲六院,正隸 倅 無 効 餘 漕 幾 以鑰之不肖,叨 載念 鄉 尺 年 事, 郡,鑰 所 知 寸于公者。 何敢 以挈 鑰自幼識公于三衢, 遇 即 益 以 收 人遷避之擾,皆 如 初 提 深。 固 置 竊 金石之堅。 成 陋 下 門 第 矧 護慈 就 真 辭? 版 下。 以 從 曹 公之門,名 之者至矣, 進參大政 歸 寧之喪, 列,實基 ,煩使必 公之守 謹 所 及 摭 至 尉 首 其 目 如

攻

媳

先生文集卷第

九

十

七

攻媿先生文集卷第九十八

四明樓鑰大防

神道碑

太 師 封 保 稽 寧 郡 軍 王 節 史公神 度 使 致 道 仕 碑 魏 或 公謚 文 惠 追

奉勑撰

博 稷 興 諭 大 士 ,妙選天下 + 臣 奏 高 有 宗 日 事 皇 九 殿 年 帝 中 浩 ·學行 以 太 高 今 孝宗 師 端 宗 日 粹 有 會 君 之士 見 稽 用 德 契 之 郡 日 合 才 以 干 就 輔 也 史 屬 0 浩 導 將 目 除 之。 屬 以 送 或 以 祕 之。 書 子 紹 社

> 宗 罷 使。 禪 子 年 受 華 恩 士 撫 詔 爲 拜 省 爲 知 問 宫 齊 仍 侍 尚 遷 擢 封 諭 祕 知 未 采 讀 書 建 高 賜 書 趣 侍 宗 起 制 中 渥 幾 右 宗 行 御 王 郎 宴 經 誥 書 居 E 僕 罷 Ŧi. 札 9 命守 處 筵 郎 每 舍 被 遷 少 政 射、 年 粤 以 八 清 人, 遇 卿 司 三月 明 兼 Ŧi. 臣 再 同 孝宗, 八 月 老 間 封 年 兼 左 以 年 典 日 中 先 三十二 員 庶 思 參 侍 禮 書 遣 告 復 巨 生 外 兼 實 子。 見 知 讀 門 津 藩 幹 呼 歸 拜 郎 普 昉 下 政 舊學,太 發 之。 辦 得 右 年 安 六 平. 事 + 於 淳 兼 請 御 丞 Ŧi. 郡 月 日 此 既 熙 章 藥 孝 直 相 月, 7,孝宗 王 明 X 事 川 爲 宗 講 院 E 府 覲 再 年 明 年 十 一 立 移 兼 翰 楊 皇 召 春 正 年 教 皇 受 又 林 爲 御 樞 舜 見 月 授。 月 太 召 學 内 明 卿 攽 密 孝 重

■ 此題,底本目録作「純誠厚德元老之碑」

宗、 宗 以 辭 命 爲 書 例 異 品 事 年 儲 不 顧 之文。 才 親 + 替 敷 宫 所 以 公 几 純 E 可 又 盛 學 藝 今皇 月 餘 登大 以 日 善 竊 述 誠 特 皇 爲 多 孝 糾 年 祖 Ŧi. 始 伏 震 盛 追 厚 壽 臣 一帝 統 日 正 夷 事 封 思 德 悼 以 美 寶。 卿 皇 ,公薨 贊 系 以 登 君 夏乂 終,殆 自 天 賻 輔 元 之遠, 弼 潛 以 末 極 臣 古 自 以 老 兩 朕 藩 贈 學 詔 相 君 肅 自 餘 誠 于 賜 之 居 初 Ŧ 舊 有 待 得 兵不 不 臣 里 其 承 賻 碑 謚 相 潛 載 學, 加 罪 朽。 孝宗繼 以 緝 高 葬 第 位 殆 而 北 文 親 以 遇 熙 恩 之正 廟 贈 ; = 非 輕 有旨 不 門, 賜 惠 遇 合 臣 數 光 付 卹 用 他 人 志 焉 朕 雖 並 明 託 爲 寢 之 乃 遇 以 人 經 親 述 之重 甚 建 刑 難 典 得 推 且 公 比 如 也 事 灑 計 幃 朱 不 哂 身 對 宜 而 命 陳 也 而 之功 邸 妄 宸 聞 方 從 逮 至 時 篤 揚 臣 康 居 何 施 翰 孝 公 眷 干 敢 明 鑰 伯 優 孝 今 極 Ŧi. 陞

以 人 爲 進 致 記 又 仲 嚴 公先 祖 衍 惠 祖 願 承 繼 0 或 誦 子 妣 以 得 光 温 +: 超 簡 顧 顔 六 才 士 州 登 子 曾 科 詣 絶 葉 公諱 帝 順 祖 八行 大 揆路 旬 諸 紹 人。 以 祖 氏 州 色 師 授 詔 措 顯 浩 興二 以 學 蚤 之 續 父 薦 祖 休 生推崇 左 詞 日 少 遺 教 世 愛, 史 字直 衣冠 持 于 妣 迪 孤 篤 師 + 表 授 追 氏 葉 論 朝 徐 功 刑 仲 聞 日 $\dot{\equiv}$ 之 媲 盛 翁 自 之。 夫 氏 郎 于 出 親 郡 年 桃 典 力 事 俱 積 人 X 几 世 嗚 爲 守 紹 妣 謨 莫 於 贈 以 意 德 有 是 海 呼 胙 爲 張 興 簽 洪 尚 學 太 中 表 生 遺 垂 慶 我 孝 九 府 書 氏 光 ·,貫 焉 師 書 腹 祐 公 元 宗 太 樞 贵 成 餘 于 舍 年 穿 祖 俱 冀 之 寖 指 有 姚 公 密 偶 奄 師 萬 人吴秉 贈 川 經 或 鄞 縣 性 院 然 重 大 天 棄 世 教 福 + 冀 史 公。 哉 名 穎 其 自 慈 尉 事 之甚 或 始 慶 而 異 家 極 信 曾 登 夫 曾 流 待 尋 理 又

孝宗

竟

用

公議

高

數

遣

使

邀

還

出

皇

城

宗

何

取

?

父行

而

子

隨

萬

世

不

易

之

道

也

執

鞚

前

導

不

足

爲

法

對

H

臣

於

宫

,公議

嗣

皇

當

乘

馬

扶

辇

高

宗

諭

公

H

宗

能

隨

明

皇

幸

蜀

安

得

有

靈

武

事

?

建

Ŧ.

悔

立

俾

公

草

奏

請

扈

蹕

以

供

子

職

辭

意

視

師

之行

而

内

禪

之

意

決

矣。

高

宗

將

過

不

亦

卿

時

又

忧

廟

堂

方

議

以

建

王

督

師

由

是

不

果,

遂

0

到

高

宗

聞

議

出

於

公

歎

曰

真

王

府

矣。

或

...

方

艱

,父子

贵

口

須

臾

離

使

唐

移

聞

之

呕

往

問

孰

爲

大

王

計

?

9

:

抗

疏

請

爲

前

驅

誓

不

龃

賊

俱

生。

公方

以

事

動

中

要

領

逆

亮

南

牧

邊

廷

用

兵,

建

機

輒

斷

平.

居

若

不

勝

衣

而

剸

裁

勇

決

毅

不

口

П

推

究

經旨

多

先

儒

所

未

發

引

經

莫

孝

有

頃

望

張

F

薦

除

太

學

E

遷

博

士

改

宣

教

郎

自

此

年

以

至

相

位

近

世

未

有

也

公

智

慮

深

長

唐

當 庶 前 也 公, 後 方 御 必 解 君 退 議 參 0 言 筆 得 以 政 朝 合 與 而 多 然 政 志於寬厚。 ,然軍 康 卿 老 德 何 日 以 後 康 今 爲 臣 伯 . 職 自 公 壽 伯 威 施 之賢 良 不 是 乞 大 聖 務 嚴 相公愛君 乃 行 T. 臣 罷 奏 諭 安 意 脅 民 可 輔 僚 凡 政 上 其 職 不 事 蓋 人。 嘗 可 奏 有 毋 前 不 未 留 屬 孝 因 安 請 所 至矣。」 怠 得 别 史 可 尋 以 公 其 宗 諫 陳 焉 其 白 則 密 也 更 爲 妄 擊 意 批 要。 是 改 詔 不 重 議 皆 問 鞠 燾 然 政 公 非 公日 是 事 先 : 又 若 若 事 令, 即 甚 日 與 向 嘗 恩 張 礦 明 其 . 奏 高 來 派 多 必 語 「朕 禮 請 燾 金 . 宗 柄 宰 先 迎 相 人 璞 已 共 未 粗 賜 康 相 刃 臣 議 以 日 已 政 玉 以 伯 勤 器 得 示 而 . 而

冤 相 宜 趙 鼎 公 復其官 既 參 相 政 益 爵 李 思 光 録 所 之 其 以 無 子 報 罪 孫 上 大 凡 者 將 坐 廢 首 岳 者 言 飛 次 之 前 第 久 宰

在 斬 此 令赴 滕 古 乘 所 른 語 干 甫 者 昭 田 H 樊 對 濠 忠 出出 志 其 人, 日 雪 必 塞 倜 噲 燕。 姦 未 君 燕 督 汗 信 藴 於 衆,公雖 州 欲 口 日 悉 境外 得 定 人,姑 古 人 府 等 不 下 奏 . 從之。 爲 以 自 耐 力 劉 張 知 萬 八 而 内 + 募 此 官 請 人 君 人 藴 知 用 退 浚 欲 憂之, 應。 萬 皆 之。 到 古 還 失 家 以 何 藉 胡 亦 時 横 無 北 言 何 抗 該 自 初 以 以 昉 外 以 公詰 家 行 公 方 在 虜 通 E 其 Ш 於 而 成 建 反 戰 匈 ? 日 游 借 古 東 深 必 功 無 書 都 其 灼 時 問 奴, 手 今, 閤 不 察 ? 藴 證 生 督 或 久之。 欲 自 再 僅 門 其 爲 其 古 府 季 耳 言 許 談 藴 僅 皆 萬 宣 家 能 朝 布 之。 古 辯 己 補 賴 大 歸 贊 皆 否 不 廷 後 猶 錯 結 如 其 詰 承 正 舍 來 留 無 因 以 公 欲 老 愕 信 故 流 集 用 之 人 人 其 幼 刺 爲 獨 不 以 拔 宜 不 郎 萬 及 謂 皇 探 皆 無 如 知 營 遂 諜 Ŧi. 有 口 而

孝宗 專保 今 罷 其 知 下 右 募 才 暢 歸 維 則 葛 以 事 也 0 涥 識 事 人 舍 亮 天下 此 E 兵 宜 口 0 孝宗 者 言 往 登 此 蹈 親 出 私 蜀 窺 取 日 既 公公曰 報 。」上怒 命 可 維 而 長 師 德 П ·必以 若非言路 遣 「妄言德 謂 閱 公即 0 安 多 而 覆 必 順 僕 以 曲 之日 出 攻 吴拱、王 轍 璘 爲 : 歸 捷 俟 選 隴 陳 盡 高 少霽 亦 9 疑 臣 燕 至 大 德 然 初 西 倉 祖 勢 時 壽 「它人 恐 舉 狄 殿 政 及 迫 出 方 僕 彦 若 以 宫 宫 遂 廬 郿 而 漢 又 議 以 暴 奏 道 中 正 有 間 失 作 斯 遽 奏: 必 中 告, 即 行 其 虜 論 左 私 道 蜀 詔 臨 去 須 E 不 賞。 罪 右 折 今之鳳 酤 Œ 遂 矣。 以 諫 **令** 洮 能 而 皆 心公公 扼 其 諫 此 伏誅 恐 官 歸 就 公 璘 道 徹 閹 得之無 萌 宜勉 道 官 啓 翔,得 朕 奏 歸 宦 戍 日 何 袁孚 詞 也 則 兩 無 有 耶 路, 意 班 諭 吴 將 故 宫 ? 益 師 陛 罷 方 其 姜 之 諸 璘 有 奇 明 何 m

> 間 温 州 願 少須之, 自 是 益 無 使 纖 其 介之隙 引 去。」 尋 除 直 袐 閣 知

之鋭 年 寇 耶 陜 外 顯 寇 覲, 乞即 乞戰,豈 \equiv 兩 一説 彼彼 守備 邊 忠 至 淮 ? 則 出 何 張 無 氣 惟當 獨 謂 邵 僅 浚 州 收收 致 日 以 督 宏 不 先 . 保 屢 敵 降詔 固 縣 知 應 府 淵 無 虚 若 Ш 之慮 奏 供 警 守要害 之? 之命令不 奏乞進兵,公又 用 寨 下 欲 億 幸 之空 動 我 詔 取 建康 顧 重 然 兩 能 若 親 Ш 爲 費之外 何 城 後 淮 出 巡 征 孝宗 東, 益 荆 行耶 口 不 兵 邊 寇 乎 則 前 襄 可 公 山 ? 犒 去 無 勝 以 朝 以 東 ?」浚繼 日 奏: 則 師 若 間 故 解 廷 繼 之 : 論 以 乃 計 自 則 招 公。 Ш 而 賞 宿 順 東 牽 德 致 大 用 於 公陳 請 必 之 虜 將 將 諸 制 師 緡 壽 朝 急 錢 輒 李 俟 去 將 兵 111 于

●「募」,原作「慕」,據殿本改。

74

七七七

宗 兵 傑 豈 壽 審 虜 寸 有 論 祖 亦 有 曰 而 公,公曰 千 之 鐵 感 : 思 至 起 口 猶 必 辯 圖 不 以 几 懷 不 起 於 於 僥 憚 騎 悟 行 有 百 勝 將 非 何 殿 亭 倖 安 法 而 衝 萬 則 貽 日 豪 不 能 廣 行 收 以 E 長 突 制 後 傑 未 今 自 起 能 帝王 失 之。」公日 維 主 悔 浚 敗亡 矣 則 有 而 起 都 何 以 事 浚 持 E 日 行 都 Ľ 以 督 機 言 之兵 鉏 之, 待 若 承 又 : 之 宫 虜 城 繼 ? 」公: 先 耰 有 我 E ? 未 餘 ? 騷 中 往 : 棘 當 百 陛 若 兵 疏 豪 中 口 臨 動 原 矜 烏 若 浚 出 執 下 陛 傑 至 年 力 以 邊, 久 Ľ 可 萬 當 何 日 原 基 諫 下 不 而 而 遽 陷 秦 . 比 業 全 俟 移 決 口 以 以 自 不 日 爲 取 之託 也? 蹕 今 馬 處 能 無 有 行 彼 内 彼 贵. 退 也 之? 豪 不 起 上 功 靖 必 應 民 萬 口 又 欲 緒 傑 成 取 尋 待 嘗 以 今 間 漢 康 奉 則 朕 功, 之 不 若 復 公 豪 試 詰 虜 是 我 無 高 德

> 患 械 寡 馬 韓 溺 此 禍 以 叮 雪 舉 謀 於 大 以 有 猶 劉 臣 則 古 丁,安保: 幕 此 耻 服 請 進 邊 而 不 子 臣 遠 F 岳 耳 能 有 取 幸 孰 品 恭 新 各 其 闢 全 進 不 品 進 想 蓄 德 擁 勝 必 0 或 大 痛 素志 之謀, 宸 大 壽 財 今欲 勝? 復 臣 心 可 衷 賦 贵. 兵 讎 未 乎? 疾 實 以 之 眩 無 附 首 寢 皆 浚 寬 功 天下之至計 顯 於 報 老臣 膳 民 西 百 惟 思 忠 北 敵 不 退 北 力 姓 當 之 欲 人 忘。 無 勇 誑 蹀 輕 慮 不 練 + 勞 士 信 率 惑 士 宜 血 然 年 ? 師 也 卒 之 及 虜 宏 燕 而 邇 費 而 語 時 此 廷 後 備 淵 遽 安 財 薊 張 之 之 用 爲 以 良 而 則

以 民 爲 於 庚 盜 民 臣 費 督 等 遽 康 府 皆 重 浚 伯 乏 當 征 又 與 用 之, 丐 公 奏歸 欲 退 相 恐 取 顧 IE 外 之民 E 賊 人當優待之,公 司 爲 未 奏 公公 之 必 日 給 至 日 虚 . 民 告 必 貧 未 Ŧi. 欲 以 將 取 施 白 爲 道 於 自 德

祜

立

規

模

而

預

竟

其

功

相

公

若

先

計

相

公養

成

名

望

9

日

失

利

岢.

重

浚

曰

.

公言

良

是

但

浚

老

矣

杜

預

輩

有

平

昊

之

功

而

晉

歸

功

於

議

論

不

同

不

惟

爲

社

稷

生

靈

計

亦

忠

望

中

浚

金兑

大

學

宫

以

軍

資

而

浚

平.

時

願

執

鞭

∭

不

可

得

幸

司

事

任

實

以

集

大

勳

先

近

後

遠

以

安

邊

鄙

名

捨

近

而

謀

遠

見

利

而

忘

害

願

思

害

以

杜

亂

萌

ĺ,

言

甚

切

至

又

與

贵

應先

爲

自

蹙

之

計

?

其二

日

恢

復

彼

H.

無

所

歸

怨

川

虜

亦

知

其

内

繒

之意

其

有

至

者

當

諭

之

使

安

孝宗

不

得

將

反

有

怨

悔

之心

可

不

遠

慮

乎

?

古

謀

以

撓

我

縱

流

民

以

木

我

而

沿

邊

方

得

宏

不

口

必

身

拒

乎.

?

又

兩

X

奏

其

日

.

虜

不

口

浚、

康

伯

俱

日

彼

以

善

心

.

0

爲

功

數

年

之後

香曲

食

既

多

或

用

國之有 棄實 羊 至 立 益 爲 棄 ± 以 H 公 有 而 浚 不 規 祜 乏, 名 加 招 相 數 言 見 以 爲 安 損 口 日 模 以 公 利 俟 威 H 取 務 彼 徠 女女 絶 口 器 淵 歸 士 容 原 意 正 陳 公 後 不 與 П 不 自 緘 用 聞 語 人 去 合 康 . 使 械 知 出 爲 恐 之? 默 伯 未 紹 臣 兵 人 不 康 兵 臣 尚 何 失 則 。」言 若 諸 藉 口 及 興 即 伯 知 苦 機 忠 焉 恐 何 計 府 H 月 將 禀 是 日 至 義 會 用 浚 他 待 公力 訖 去 : 而 出 狀 有 5, 乞出 是 失之後 慷 相 乎 因 日 或 宿 拜 兵 成 ?」公對 心 吾 慨 哉 始 必 内 州 辭 而 遂 沮 辭 屬 無 爲 引 知 亦 英 失 而 大 臣 遠 喪。 俱 如 陛 恐 不 提 斷 相 利 由 退 奏 又 清 不 張 兼 公之 下 日 舉 陛 由 是 言 知 喪 光 浚 上 右 . 子 遂 \equiv 既 F 求 臨 . 降 . 府 士 近 省 終 以 然 孫 臣 道 功 安 去 而 詔 馬 習 史 康 觀 卷 之 與 德 彻 府 不 不 省 而 徑 罪 甚 浩 伯 積 之 卷 得 憂。 0 文 已 中 洞 出 元 衆 檄 己 之 議 欲 老 霄 殿 復 憾 兵 忽 意 何 諸

而

臣

論

俱

無

如

納

歸

從 兵 悔 非 雜 未 建 亦 ? 之。 請 然 備 自 苟 雖 爲 以 公公 劾 公既 不 故 異 嗚 去 爲 求 應 止 也 獨 呼 位 去 之 近 其 無 矣。 功 如 進 其 意 公 兵。 於 所 初 而 本 奏 事 規 或問 浚 欲 若 請 模 功 措 修 邊 多 甚 惟 置 之, 政 防 遠 不 萬 知 固 捍 公日 以 之者 弩 禦 議 幸 時 誉 者 報 裕 乃 安 及 不 信 民 事 他 可 浚 察 練 其 亦 不 力 所

孝宗 傅 計 所 求 辭 除 以 無 害 治 奉 領 太 見 後 月 親 公 保 不 速 餘 1 除 公, 歡 不 寧 口 居東 几 聽 驗 改 軍 縷 首 歲 III 節 舉 言 知 湖 時 制 度使。 從 太 紹 . 越 之 賀 置 雜 容 興 麓 表 卿 使 賜 爲 府 至今德之。 外 徜 前 會洪夫人 對 坐 知 兩 所 徉 不 訪 成 奏 浙 至 Ш 以 以 都 陳 鎮 東 水 治 府, 路 屬 勝 字 進 爲 如 道 安 絶 疾 以 至 檢 龜 民 撫 思 之 親 行 兆 校 公 興 使 歸 地 老 以 少 利 數 在

慶。」 + 力 此 後 崇 葬 後 洪 力 時 公 功 知 後 王 日 信 性 德 \equiv 甚 . 夫 府 丐 六 方 也 福 人子、 纖 間 人生 其 萬 滋 叨 日 至 有 軍 州 時 祠 問 悉 派 歸 孝 節 爲 功 初 不 之榮 米 此 除 周 兼 相 動 得 過 朝 平. 自 允 帥 開 斛 備 眷 静 E 福 今 朕 及 拜 越 帥 極 府 日 寵 建 謂 乃 四 學 方 日 公 人對 世 以 閫 矣 奉 儀 ? 路 許 萬 公 老 力 珍 E 爲 所 IE 母 同 穉 安 謁 日 堅 旌 饌 相 孝 謝 漕 難 日 至 甚 賜 撫 告 训 古 旄 宗 賜 賜 司 及 是 必 周 可 拜 宴 使 迎 又 行 取 公 酒 酒 指 悲 心 ,孝宗素 以 擁 内 侍 嘗 去 前 充 避 前 毁 果 肴 心 公自 術 分 庭 道 以 使 羨 此 即 魏 未 骨 而 爲 明 公 遺 御 餘 勞 吉 爲 時 有 言 \pm 幾 言 IE. 立 擁 太 筆 知 問 壽 同 數 罹 垂 日 夫 登 遂 有 皆 忍 版 之。 徑 泣 鎮 日 内 加 人 爲 緡 臣 賜 特 位 卿 哀 輿 優 艱 歲 之 於 之 之 之 錢 何 除 於 改 舉 於

免誘 宫。 公,不得 子 觀 貧 事 他 里 柰 使, 略之害。 後三年, 臧 否 立 遣 婦孕育 葬 何 ? 規 已而 兼 ?」公奏除 獲 旅 金 遂 侍 則 四 字 櫬 方 後 除 讀 孝宗 取 月 牌 以 淳 傳 於 起 少 有 千 熙 又 頗 福 以 保 問 所 萬 元 之。 取 聞 與 爲 給 計 執 觀 年 漳 式 尚 有 政 文殿 秋 既 至 闢 書 尼之者, 泉間 閩 丐 使 官 建 省 大學 生 久 祠 舍 移 甃 劒 不 丛 以 文 提 Ш 公置 至 几 1: 見 益 益 封 舉 路 州 兩 繁, 史 貢 以 充 洞 降 多 七 \blacksquare 囂 百 霄 付 親 醴 爲 又 不

莊

餘

每

例

法 陛 祖 朝 此 下 宗 抵 史浩 門 寶 未 者 都 訓 恐 嘗 城 厚 必 不 \forall 以 及 委 德 可 聞 大 真宗《 曲 人, 開 輔 臣 援 。」孝宗 蓋 臣 投 引 正 深 謫 嶺 説 知 英 開 南 唯 前 州 廣 唯 實 事 H £ 及 他 或 關 事 心 見 家 治 0 也 H 體 語 忠 嘗 奏 進 厚 宴 及 近 E 之 當 讀 臣

答之。 清 滯 待 闕。 堂。 碧 測 將 虜 錢 獻 至 封 風 日 不 曆以 天 旅 殿 先 椿 復 可 未知孰 派 願 下 倍 既再 寓 無 夜參 鼓 如 初 相 卿 酒 以 日 者 請 引 相 八 何 此 紀 再 久 代 孝宗 數 ? 瓦 半 X 陳 月 時 相 0 矣。」 是,而 行 人 孝 以 輸 蜀 八百 境 襄故 晦 相 是夕公進古詩 賜 孝宗 引 宗 其 携 公 步 請 爲 蜀 帥 ,天下之幸 與 半。 雙 手 對 曰 遽治 事 至 人,各隨 九 郡 以 治 執 蓮 丁,薦 登 日 清 月朔,或言 緡錢 曆官 孝 政 : 燭 橋 曆官 激 復 却 自 石 宗 以 人 觀 之必 又 斗 獻、公謂宜 郡 其分處之,爲 欣 送 税 謝 也。」公以 機 葉 賜 文 是自 公 方 然 泉, 德 衡 + 有 等 H. 日 木 會 從 是 壽 罷 散 爵 Ť. 韻 彰 宣 H 慶節 於 之。 年 宫, 一天 失, 其 勸 人,皆赴 和 孝 虚 士 命 紹 以 失 無 宗 高 道 使 買 儉 之 席 此 宿 是 姑 夫 興 也 筭 德 留 宗 游 年 所 和 **今** 以 玉

批

泉

無

怒 死 當 密 釋 者 Ľ, 爲 弊 以 是 軍 徇 舍 大 朔 但 皆 坐 所 或 得 藝 尚 當 都 人 請 爲 請 死 日 大體 當 公謂 流 捕 至 方 幸 祖 有 承 諭 口 或 得 有 义 斷 祕 忌 以 後 罪 旨 議 接 語 深 自 是 可 後若 未 書 指 伴 比 議 皆 皇 而 禽 意 招 比 乎 上 得 省 十月, 使, 以 館 罪 百 如 帝 爲 捕 朕爲 怒 其 求 職 姓 欲 孝 公之言。 生 若 首 平 欲 不 許 免 爲 行 衙 辰 者 宗 -, 兵士 使 亦 秦 諸 此 取 以 之。 皆 慶 口 則 當 都 謂 人 一世 送 軍 贵 爲 兵 禮 欺 與 不 渡 棘 下 . 列 是 然 以 民 而 口 當當 車 坐 口 耶 於 寺。 江 洶 也 公公 軍 多 公 各 並 駕 斬 改 ? ___ 洶 西 如 闕 視 緣 則 既 乃 曰 宣 廡 可 白 舊 人, 贵 語 額 文 當 彊 幸太 奏 宰 公 列 期。 姓 先 又 不 取 武 語 : 梟 崇 陛 輔 飛 相 陸 、學,公 聞 以 如 孝宗 E 首 有 下 慶 及 被 儒 閤 日 顧 奏 失 等 童 逃 門 愈 恐 以 樞 略 盡 矯 乃 晦

得 公。 卿 亡, 已 盛 此 故 節 議 下 酬 至 冤 色 取 不 天 度 奉 + 今 者 罪 士 媿 年 事 + 建 和 公徐 下 公 用 見 未 ,孝宗 贵 祠 甘 邸 五. 至 使 既 七 悔之。」 讀 吏民 及七 年 人, 人 也 如 再 累 醴 盤 進 之 畢 世 初 朝 今 叔 泉 年二 無 孝宗 日 以 日 弊 邪 干 賜 事 仁 得 奏 此 似 . 觀 示 遂 . 大 第 ൬ ? ·德至 樂 與 日 使 嘗 召 月 眷 日 史 去 城 孝宗 要 如 . 用 卿 也 除 聞 自 留 求 浩 兼 中 仁宗]。]公 謂 臣 爲 太 判 北 之 去 者 餘 蓋 侍 時 或 嘗 以 豐 出 建 祖 宫 意 位 縮 以 嘗 讀 H 而 朝 自 七十 屢 沛 御 除 康 0 不 頸 次 臨 力 害 大備 過 求 故 製《 擬 又 忍 府 幸 收 争 後 喪 少 而 於 有 館 歸 人 薦 殺 擢 有言 長 夫 之 傅、 忠 六 公 時 語 坐 公 職 子 薛 春 厚 策 而 奏 飲 此 不 日 不 保 及 忠 佑 叔 花 慶 陳 爲 往 求 : 汝 厚 辜 以 極 聖 似 童 寧 可 俊 詩 去 動 言 岩 之 皆 俊 卿 謂 去 觀 軍 示 而

非 於 致 至 過 卿 魏 仕 耶 不 月 仍 ? 能 陛 公嘗 如曾 乞改 爲 解 此 歷 公 猶 言 日 永、 亮 進 **-**例 衛 八 Ŧi. 於 事 月 魯 忠厚』。」 謝 0 始 + 許 或 明 年 歸 公,於 年 請 孝宗 除 老, 先降旨 少 是 除 日 師 進 太 .

其 尚 爲 閣 建 列 堂 咸 爲 閣 良 何 以 慊 以 公晚 臣 E 日 省 賜 奉之。 嘗 歲 乎 0 中 卿 公謝 治 遇 以 ? 自 輔 榮 誕 第 舊 朕 觀 古 勑 因 H 西 不 之 公公 學 後 際 湖 奏聞,孝宗 敢當 錫 久, 遇, 苑 之左, 又 以 造 日 字 謝 莫 金 聞 扁 孝宗 即 不 器 裒 盛 忠言, 榜 政 敢 者 書 兩 於 事 日 + 朝 此 命 明 既 堂 . 深 四 所 中 良 古 歸 賜 年 悟 賜 請 使 慶 ·, 年 朕 御 馳 以 鑱 人 會 書 心 願 乏 名 諸 同 賜

倦 蓋 之情 朕者 皆 首 心 三代之盛。」孝宗日 歸 輿 典 + 天 退 相 重 踰 公平 開 倫 _0 華 及 月 見 次 人 又 使慈 詔 今日 人,當 之 加 前 大 詣 隔 故 乃 後 雖 公隨 既 | 奏: 召 又 時 門, 東。 器 重 自 老,公上 吊 孝 屢 無 華 專 寶。 有 引 仍 者大悦,實 得 衣 班 兩 陸下 一,孝宗 奏 嫌 L 以 至 辭 命 褐 以 盡 L 皇 疑, 欲 忠 兩 性 孫 甚 行 見 壽 封 御 孝二 爲 報 宫 從 定 躬行三 足 切。 之。 事 亦 極 莫 . 萬 使 何 進 之 容 可 數千 自 宜 古 大 者 必求 命 太 扶 孝宗 進 謂 此 E 爲 然 先 之 父子 發 相 傅 年之喪, 掖 太 公 皆 言 如 度 友 恩 意 免 望 明 誥 師 日 卿 滕 賜 反 暑 承 9 之 聖 皆 耶 特 0 平 曰 唯 文 高 命 計 ? 玉 志 懿 學 當 改 降 . 昔 宗 應 公 與 之 復 世要 範 京官 詔 今與 曲 謂 毋 詔 尊 盡 卿 再 所 見 求 金 言。 舉 事 哀 以 堯 復 乘 盡 父 亟 垂 言 子 語 慶 誠 戚 舜 卿 得 朝 肩

1589

絶

江

文

彦

博

故

事

道

中

具

辭

再

 \equiv

奉

俞

音

乃

0

候

至

或

門,

白

官

郊

迎

見畢

對

御

賜

宴,

用

封

保

留

有

日 子 立 得 孫 望 人才、受盡言也。 之愚 天下之大本,平 ,伸天下之直 陛 永 下 永 心,少裨 召 無 極 臣 繼 非 明 故孝宗不 氣 徒 太 夫 之 使 E 下之隱 治 謂 霑 垂 教 聽 被 敢 忘 皇子 慰 此 寵 難 爲 光,亦 收 言。 几 獎 休備 説 再 天下之 夷 以 再 恐 狄、 獻 對 有

堅 遠 知 貝 節 居寖 奉 H. 吾受 氏 朝 寧 大 死 通 彌 衰 夫、 或 其 既 國 直 奉 啚 追 大 歸 軍 封 以 尺 厚 郎 郎 復 之次 府 後 故 寸。 恩 是 魏 直 主 感 事 兩 進 或 欲 通 管 祕 年 疾 浙 0 命 贈 奉 夫 閣 長 建 報 危 路 遂 左 銀 大 人,先三十 寧 無 甚 瞑 子 轉 主 夫、充 右 青 所 府 呼 享年八十 彌 管 取 運 光 武 大 禄 司 華 手 諸 汝等 夷 敷 以 藁 大 主 州 子 九 Ш 文 疾 夫 遺 及 管 雲 惟 年 沖 閣 不 表 孫 文 臺 卒。 有 當 佑 待 彌 起,公起 ⊟ : 戒 字。 觀 世 九 觀 Œ 制 子 竭 日 吾 彌 彌 朝 娶 忠 彌 几 新

定之, 公事 縣 府 賓 提 州 鑄 請 温 事 書 郎 官 大、 和 之。 旨 郎 上 舉 軍 郎 丞吴樸 州 寧 錢 充 人 彌 宗 元 瑞 酒 茶 州 司 海 宣義 前 以 新 江 宜 遠 之,通 縣 孫 安 鹽 事 檢 庫 軍 淮 權 是 監 皆 之, 次 女 縣 李 方 踏 9 司 節 服 郎 發 平 荆 登 叔 + 官 幹 宣 主 友 適宣 宣教 直 度 遣 公之 浙 進 江. 恭 Ŧi. 之、 直 豐 簿 辦 新 郎 判 永 士 府 福 謙 人,長適 9 公事 次 知 教郎 次 郎 官 教 憲 州 第 建 糧 改 實 婺 適 適 次 軍 子 廳 之、 之, 廣 料 添 夏 知 州 彌 迪 通 適 也 州 公 南 院 前 鼎 差 臨 寯 蘭 修 E 直 奉 功 事 朝 事 路 沿 知 安 之、 溪 職 郎 議 次 郎 女五 請 陸 安之, 王 都 彌 湖 海 府 縣 郎、 郎、 適 郎 杞 寬 堅 橚 新 大 州 制 新 富 承 之、 提 亦 監 武 知 新 置 荆 前 次 陽 迪 守 議 孫 累 紹 點 康 明 知 司 湖 滴 長 通 縣 密之、 之, 功 郎、 + 建 興 舉 縣 北 州 幹 判 坑 從 適 派 郎 府 承 簽 康 派 鄞 辨 路 湖 冶 事 朝 春 9

鎮 秦 税 鉅 胡 次 綱 適 次 官 義 適 修 郎 職 新 郎 監 新 臨 安 秀 府 州 華 仁 亭 縣 支 鹽

官王友元,餘未行。曾孫八人:唐卿、虞

卿、文卿、夏卿、商卿、周卿、漢卿、顯卿。曾

宗

知

之

茂

嘗

毁

公,

曰

:

卿

贵

以

德

報

怨

恩

也

嘗

擬

知

湖

州

陳

之

茂

進

職

知

平

江

孝

君

之

人

自

耶

?

對

日

臣

不

知

有

怨

若

以

爲

恕

而

以

孫女十人皆幼。以其年十二月庚申葬公于

鄞縣翔鳳鄉吉祥安樂山,合魏國之兆。

公盛德絶人,備福無比,蓋嘗竊窺其大

者。性本至孝,有不可解於心。故爲士時

惟 見 其 事 親 事 長 ', 篤 朋 友 鄉 黨 之 義 及 出

而 事 君 則 盡 其 忠 謀 或 則 竭 其 慮 接 物 則 極

心 而 義 有 不 可 不 以 死 生 禍 福 小 變 率 自

其

寬

臨

事

則

務

於

恕

兀

夫

孺

子

不

失

其

懽

孝道發之,君臣道合,脗然無閒。蓋近古人心 正皇有不正 不以歹生补福少變 率自

主躬行通喪自孝宗始,而公又以此事之,其

能不膠漆而固,豈無所自哉! 孝宗嘗謂公

乎 曰 ? . 卿 頓 所 首 薦 用 日 人 此 其 臣 閒 所 有 以 負 報 卿 陛 者 F 亦 也 知 之 臣

> 公。」遂 狀 德 初 濟 0 詆 報 非 蓋 之, 議 毁 公之 除 是 卿 尤 中 者 有 甚 寬厚 書 乎 心 舍 ?!公 公 也 類 人,兼 薦 此 莫 濟 H 濟 直 掌 人 . 作 學 内 雖 臣 詹 土 有 制 不 事 院 不 敢 孝 \pm 説 待 宗 以 + 之 然 私 朋 日 無 害 行 如

物可以忤意,古人所謂澄之不清,淆之不

公既 濁 雷 極 霆 貴 破 處 柱 鄉 而 曲 神 色 如 不 布 動 者 衣 時 猶 未 每 足 以 道 事 也 親

文, 寺府甬於京崩。 二从最且旁之庙,下从爲未足, 又推本史氏積德累行之原, 自爲之

文,時 勵 子 孫 節 之習 誦 於 其 家 用 廟 意 E 篤 以 矣 報 事 祖 物 考 之 之 施 來 不 · · 間 以

劇易,雖至難甚冗,或連日夜廢寢食,而精

74

八

六

於世 義》、 無 也 餘 密 神 如 口 憾 不 神 怨 ,不見其多, 東 酬 ·足以 《尚 有文 者。 ,餘皆公之細 無 而 應 館 悪 又 器 書講 益 而 八居權 集五 公屬 累 惟 謙 用 有 其 以 動 義 餘 虚 之日 文多立就 十卷,外集二十卷,《 中。 而 鉅 》、《周 出 裕 退 經 也 公大度 新 然, 少,安 此 濟 不 意 考 之業 禮 如 若 其 勝 天官 萬 佚 無 雖老,表 推 其 克 書。 斛之舟 與 之,生 之日 在 勤 則 地官 者 富 小 銘 用 長 貴 物 之 章 榮 野 曰 容容 講 中 論 猶 猶 故 服 死 凡 義 語 自 未 物 哀 舉 蕭 望 事 散 之 傳 爲 盡 有 無 世 精 口

光 師 謹 宋之緒。 繼 明 厥 承 輔 於 維 德 藝祖 皇 翼 修 成 高宗 高 图 宗, 孝 七 覺 宗 世 日 帝 天 嘻 有 武 咨 開 兩 文, 輔 帝 中 臣 孫 興 子 神 命 弼 實 武 政 不 維 易。 鞏 承 毋 本 是 宋 之。 輕 于 我 用 基 黷 學。 業 儀 付 雍 兵 啚 託 雍 思 緝 熙 册 太 永

> 報 臣 又 君 帝 繼 旁 過 顧 \equiv 日 奉 我 臣 志 招 瞻 用 亦 取 天子 始 太 遺 休 歸 玉 述 多 民 烈,于 之, 終, 師 事 士 美 巵, 毋 詔 寧 雖 媚 輔 四 福 濫 + 翼 登 爾 以 恨 禄 我 于 用 後 之效。 寶 追 莫 高 八 寵 \pm 刑 人。 宗。 册 遠。 榮。 年 或 追 言 孝宗 帝 錫 天 有 召 兩 天 如 之篆 用 赫 謂 對 宫 地 蓍 景 乘 昌之,耆 德 燕 清 聖父,教誨 龜 碑 命 雲, 壽 娱 夷 孝宗 嘉 天 中 靡 湯 太 艾 帝 壽 外 孫 師 有 之功。 有 平 差 是 騎 康 晏 格。 然 箕。 心。 寧

少 傅 文 忠 觀 周 文 公 殿 神 大 學 道 士 碑 致 仕 益 或 公 贈 太 師

奉勑撰

嘉泰四年十月庚寅朔,故左丞相、少

之宗 之 忠 程 引 切 以 碑 臣 敢 文 前 公 篇 郎 人 年 起 Ŧī. \equiv + 居 月 改 七 徽 日 年 除 左 紹 年 郎 州 興 宣 監察 司 中 除 它 <u>二</u>十 直 教 户 博 太 H 前 郎 御 參 學 學 奏 史。 事 六 上 月 日 孝宗 . 朕 即 舊 位 八 見 卿 月 文 除

謂 轉 事 群 E + 臣 行 別川 六 事 礙 īF. 參 如 止 皆 此 法 除 切 事 時 朔 此 病 望 E 皆 過 日 被 其 宫 : 眷 外 注 初 嚴 一之始 止 勿 銓 謂 改 試 忧 舊 之 卿 法 能 制 應 文, 又 詔 至 奏 條 不

建 管 公諱 左宣 朝 城 散 必 教 大 大,字 曾 郎 夫 祖 太 衎 子 妣 學 充,一 潘 朝 博 氏 奉 士 郎 字 李 妣 洪 氏 妣 王 道 張 郭 氏 氏 世 氏 家 公既 父 鄭 祖

詵

州

利

簡

公

琳

之

墓

復

以

勑

命

爲

之

碑

故

事

甚

碑

以

辭

綸

又

日

.

昔

歐

陽

公

脩

已

銘

願

毋

辭

臣

既

共

史館

敢

不

敬

承

明

旨

以

可

進

近

作

兼

編

類

聖

政

所

詳

定

官

暫

權

給

子之請

以

揚

公之休

光

用

詔

後

世

中

兼

權

中

書

舍

人。

嘗

論

翟

婉

容

位

官

市

賜

詔

臣

某

爲之文。

臣

某

不

佞

荷

文

知

深

屏

居

四

明

先

以

撰

公

隧

道

泣

以

請

天子

日

0

嘻

此

四

朝

!

也

一溢

以「文

忠

御

書「

忠

文

耆

德

之

碑

矣。

聖恩

起

於告老之餘

待

罪

翰

苑

欲

傅

觀

文

殿

大

學

士

益

或

周

公

年

七

有

九

薨

貴

=

世

俱

累

吉

州

之

里

第

+

月

丙

申

葬

干

廬

陵

縣

3

夫

人。

宣

和

出

之

原

至

嘉

定

元

年

公之子

綸

告

于

朝

而

孤

曰

先

臣

備

位

首

相

既

葬

而

隧

碑

未

立

遷 敢 既 諉 御 竭 公亦 行之。 劇 金公 而 器 奉 但 而 就 除 安節 請 間 械 龍 E 再 命 正 E ? 一已允 除 以 ,俱 大 事 遽 : 祠 同 淵 加 搢 有 陛 格 公日 爲 兩 非 奏: 曾 紳 未 下 任 除 公論 知 便 指 有 舍己 閣 覿 主 目 者 目 一管台 大 納 尚兹 除 不 前已 下 從 若 淵 諫 知 臺 不 州 罷 閤 之資 以 人之義 諫 憚 反汗 回繳,可 崇 越三 攀 副 門 有 極 道 都 附 事 言 故 論 、公與 觀 日 今 承 舊 臣 復 旨 外 E 不 有 恩 特 輩 申 議 尚 獲 旨 呕 依 覿 給 各 命 獎 方 命 罷 事 思 有 歎 喧 罷 贵 自 以 帶 中 口

黯 親 改 書 年 告 少 制 改福 監 贊 詞 乾 光之徒。 首 道 書 兼 建路 尾,公· 四 直 臣 年 學 提 觀 點 儒 士 奏 權 漢 院 刑 者 : 發 社 獄 公孫 兼 遣 陛 公事 稷 或 南 下 弘輩皆持 臣 史 取 劒 院 乃 漢 州 陛 編修官 在 宣 對 未 周 帝 留留 禄 赴。 勃 之 位 爲 意 , 汲 上 祕 六

> 文。 當 以 定。 廣。 唐 謂 記 用 故 遴 上 皇 選 廣 憲宗・ 太 問 之, 久 帝」爲未 宣 云: 任 陛 兼 名 耳 七 上 帝 該 何至 年 萬 實 儒 下 目 Ŀ 以 博 學 奏事 順宗 . 壽 録 欲 爲 上 而 士院 安。 郎 雜 所 卑 俗 稱 信 院 官 而 霸 尊號 藴 : 宫室, 儒 以 任 檢 按 湫 紹 哉 專 0 可 爲 之, 討 不 隘 建 興 重侍從 以 册 達 以 要務 官 炎 末 不 臣 旌 文,皆 自 上 時 公奏: 以 議 外 在 等 宜 見 日 加 以 文 後 棟 居 庸 兼 上 儲 稱 及 遥 當 宇 此 使 權 監 德 將 近 卿 皇 拜 日 之 宫 宣 亦 兵 壽 司 E 學 相 徽 麗 一帝 夕 過 城 帝 部 尊 表 術 增增 宗 郡 與 」,議 矣。 也 不 求 侍 號 表 精 用 守 容 卿 真 郎 皆 論 除 增 公 諫 遂 及 嗣 儒

⁰ 位上 一字 殿 本 有 保 卷 九 + 九 周 公 神 道 亦

②「事」上,殿本有「四」字。卷九十九《周公神道碑》亦

勞

民

費

財

始

勤

英

斷

?

E

日

.

朕

自

此

知

戒

矣

又

奏

日

主

無

職

事

惟

在

察

臣

下

邪

韓

玉

等

使

臺

諫

無

所

顧

忌

蚤

爲

力

言

贵

至

使

女妓

邪

望

風

畏

戢

銷

患

未

形

如

近

歲

張

松、

宰 若 舍 削 欲 官 未 縣 術 即 效 江 功 口 如 IE 出 ·, + 人,固 聞 官 。」公遂 爲 非 省 湖 指 0 何 可 Ŧi. 疑 緡 0 左、 古 乎 急 亢 凡 王 代 睹 儒 耳 錢二 大 ? 司 兼 安 闕 早, 0 之 者 輕 解 右 馬 夫 欲 奏 侍 石 唐 於 臣 不 又 + 丞 Ŀ 也 光、 然 更 上 且言 前 足 講 以 太 任 論 相 萬 艱 其 稱 宗 用 蘇 古 堯 0 事 非 . 代 中 : 食 名 龔 如 之 沿 又 舜 前 軾 m 間 民 則 速 臣 茂 專 奏 口 革 卿 畫 之 臣 愚 外 租 所 盜 於 中 周 寮 用 議 道 : 良 爲 即 而 制 而 改 求 起 之太 書 乃 才 務 措 之設 論 告 隋 流 後 退 非 近 門 售 臣 不 置 爲 0 殊 盜 俗 君 智 之 是 奉 者 今既 下 乏 宰 八 善 有 新 臣 Œ, 起 0 詔 實 尤 平 顧 事 説 年 則 理 必 上 使 當 藝 欲 章 行 卿 以 0 人 調 紫 至 曰 主 僕 朕 管 祖 謹 欲 兼 事 公 察 忧 非 兵, 年 0 敗 之。 射 之 皆 聞 商 徼 於 中 請 用 不 事 名 之 之 出 書 止 小 所 費 知 奇 其 口

宗

廣

諫

諍

之德

使

嘉

言

日

聞

治

道

日

興。

上

戒

於

篇

末

蓋

是

時

惟

證

爲

善

諫

願

思

太

嘉

納

又

奏

諫

官

虚

位

願

蚤

擇

IE.

先

朝

參

用

古

制

卑

其

品品

而

厚

其

禮

責

其

盡

篇

既

先

之以

魏

證

論

爲

君之道

又

著

不

克

終

郡

守

數

易

之

弊,

且

言

.

 $\overline{\ }$

Œ

觀

政

要

>

四

+

以

守

郡

或

前

責

實

之

方

未

至

又

指

陳

大

將

劣

苦

不

自

知

使

各

極

陳

其

當

否

公

退

而

條

魏

證

問

對

以

在

位

之

久

功

未

有

成

治

效

優

子

詹

事

陳

良

翰

對

選

德

殿

出

御

札

引

唐

太

宗

陳

練

兵

以

啚

恢

復

而

用

將

之

道

未

盡

擇

;

權

禮

部

侍

郎

仍

兼

直

學

士

院

陞

同

修

或

史

實

録

院

修

撰

有

旨

公

與

吏

部

侍

郎

王

之奇

太

提 權 除 密 也 令。 九 爲 0 舉 院 給 年 不 除 貴 可 卒 、公當草不 凡 江 事 戚 因 州 陛 有 中 知 太 預 繳 未 莫 下 建 政 平. 奏 當 欣 濟 寧 、公私 興 而 亦 然 允 府 或 欲 遂 封 聽 詔 其 宫,天下 免 再 還 兩 納 兼 繳 奏 辭 失, 御 奏 謂 不 曾未 筆 張 臣 愈高 許 非 未 説 遂 周 昨 專 敢 再 俱 中 歲 責 者 具 除 道 與 復 草 舉 以 簽 外 引 有 朝 詞 書 疾 祠 時 此 以 樞 翰

號 郎 敷 典 Ŀ 迎 論 曰 合 雅 尊 文 臣 閣 號 八 淳 前 無 用 無 月 熙 詔 待 詔 附 預 人 草 元 制 惟 議 字 麗 兼 亦 年 上 卿 直 上 可 兼 庚 除 學 所 除 智 日 議 侍 寅 草 右文 士 兵 與 之認 . 。」公奏 講 邪 部 院 下 此 殿 侍 愚 六月, 亦 文 修 郎 E 不 兼 出 難 嘗 撰。 移 兼 臣 太 於言 稱 初 兼 0 手 子 侍 説罷 公持 上 權 中 講 詹 光 兵 F. 而 事 重 愕 堯 温 進 部 惟 召 嘗 之 太 不 侍 然 上 純 爲

0

用」,

原作「

調

據殿

本及卷九十九《周

公神

道

嘗奏: 勸 兀, 奏: 無 郊 與, 御 擇 天 所 多 日 卿言 朝 0 下 祀 以 毬 官 御 私 廷 可 臣 「自唐」 「太子人子 一裡禮 違 場 最 守至公之道 以 甚 屬 則 甚 孰 命? 爲 口 聞 固 忠 引 朝 危 在 不 官 慕 執 至 金 中 聖 知 之。 夕 擇 者 心 本 星 陛 E 才 綏 不 論 躬 朝 服 F 以 也 近 忘 爲 備 陸 思 上 ? 優 可 勿 前 讎 閲 小 贄 顧 則 日 陛 有 或 待 不 命 星 耻 武 問 人 引 四 下 : 司 歐 有 之可 自 詞 未 0 中 然 年 除 命 「愛?」 持 陽 補 雪 臣 武 卿 又 人 太 吏 以 於 一、不欲 脩 士 奏 也 口 爲 以 除 祖 部 定之法 驅 擊 治 也 語 其 翰 E 君 侍 馳 毬 道 陞 太 自 作 百 聞 子 無 林 郎 大太 Ŧi. 兼 得 子。 臣 逸 簿 餘 陛 色 年 侍讀 行以 安 爲 子 耳 書 年 下 奏: 日 古 敢 亦 _____ 公 H 人 :

草 嘗 書 道 進 堂 舞 無 道 本 爲 改 實 文 御 雖 所 赦 鑑 汗 爲 兼 此 乃 彊 非 動 論 試 曲 以 上 墨 馬 一從 天 明 禮 詳 本 序 可 弱 也 岩 興 翰 並 日 之勞 之戒 朝 猶 ×, 定 也 語 著 衰 林 : 聰 無 公定 官 專 濕 E 此 F 學 古 竟 明 禍 L 兵 社 也 。」公公 以 尤 日 致 士 禮 如 作 亂 謂 上 圜 勢 仁 稷 得 . 稱 此 承 0 何 爲 除禮 公 似 日 旨 以 丘 立 靈 日 之, 旨 爵 ?! 六 公曰 翰 視 所 弱 . 撰 合 或 示 長 位 : 墨 論 草 能 部 賜 官 來 -動 選 . 職 丽 公 之 勞 六 皇 尚 爲 御 年 世 互. 宣 天 德 此 又 部 甚 書 功 天 \Box 哉 舉 本 書 力 0 誠 詔 以 殿 之 、公奏: 長 : 白 親 禮 之 朝 當 文字之間 兼 贵. 禮官 禁暴 記 貳 由 居 有 成 議 似 翰 以 除 小 i E \forall 判 德 易《 獻 周 故 及《 德 林 補 吏 詳 安 再 一臣 學 依 詩 似 部 饗 人爲 七 哉 惟 執 議 秦 皇 弱 字 素 未 出 有 綏 明 兵 德 朝 又 知 :

若大述作固當煩卿。」

安 代 耳 耳 緡 免 事 去 曰 論 民 惟 執 爲 韓 一十 今已 之。 _____ 失 流 歲 0 . 困 恐 政 殊 可 琦 E 之由 荒 臣 束 軍 至 法 此 殍之苦? 不 七 古 早,若 F 歐 依 非 身 民 年 爲之悵 不 出 數 + 自 不 倉 之心 , E 大 陽 敢 違 Ŧi. 於 倍 言 年 猝 歸 臣 月 措 脩 不 非 問 宰 前 所 殿 於 然。 自 人臣 舒 得 除 先 執 則 其 民 能 歸 上 司 應 辭 州 參 已 故 事 乘 自 安 成 Œ 日 敗 進 4. 乃 知 汪 公公日 後 災 賑 當 添 得 也 ? 有 呈 亦 相 革 欲 政 救 遂 唱 0 和 所 不 須 湖 所 差 口 自 始 事 亂 以 E 争 而 禁 北 等官 : 平 木 否 貴 謀 是 爲 深 不 ? 必 戢 時 月 得 乎? 退 不 上 且 當 以 口 苛 椿 秦 民 致 善 有 則 曰 此 以 歲 然。 0 爲 暴 若 檜 歡 蠭 錢 以 : 嘗 特 平 IE 公 用 數 存 然 起 用 其 陛 爲 江 如 Ŧi. 卿 何 極 E 事 卹 是 最 以 下 前 萬 府 陳 遇 有 亦

勝 任 賦 歸 稱 御 敢 解 以 謂 不 任 法。 恃 曰 日 徹 使 筆 之 當 怨 者 數 : 軍 公 任 於 古者 責 八,公奏 如 命 語 與 臣 所 不 通 不 之援 F 襄 此 上 決 一省 而 本 卿 非 敢 以 練 以 陽 講 之,可 不 可 本 臨 倍 任 臣 以 軍 此 金、 和 與, 未 事 怨 公 等 勉 文 求 費 : 則 政 諭 軍 明 商 墨 自 可 也 爲 謂 何 E 罷 自 敏 皆 輟 意 + 當 受 郎 Щ E 深 敏 怨 : 兵, 契 古 九 卿 不 者 眷 베 執 險 知 副 矣 之云? 當 丹 年 今 未 月 從 有 奏。」 公益 擢 」 上 贵 非 與 既 決 9 則 有 每 F. 渤 御 知 用 用 曉 見 而 失 俾 有 F. Ŧi. 嘗 深 海 筆 朕 樞 之 騎 武 E. 歲 難 不 體 諭 + 歎 漢 欲 每 密 之 意 嘗 與 事 處 歎 從 幣 給 : 年 養 兒 移 嘉 院 地 之事 奏 ? 則 舍 兵 之。 屯 慕 卿 之 而 興 事 事 繳 有 . 費 聞 誤 公 等 則 義 兵 兵 元 怨 退 奏 所 其 蒙 謝 又 來 義 不 不 邦 卿 上 壞

職 身, 過 及 杲 先 不 公 從 年 宣 上 昨 報 過 可 計 岩 若 管 具 若 異 謂 0 也 日 密 上 撫 曰 帝 然 明 同 以 問 . 軍 宣 使 . 人 遺 京 廟 上下 之左 汲 馬 E 揚。 諭 惟 火 薦 謨 此 舜 卿 黯 北 謂 矣。」 . 卿 之數,使郭 事 舉 意 獎 相蒙,非國之福 右 用 在 因 若能 牒 在 \mp 口 深 贵 諭 卿 遷 條 九 西 十 二 朝 以 藺 爲 上 嘗 察 官 之。 可 云 府 上 考 道 也 論 \Box 淮 衆 無 . 料 數 實 年 遠 事 皆 光 . 杲於 此 南 情 公奏 未 端 事 先 頗 前 咨 孰 等 金 權 寑 軍 必 無 是 偏 深 人? 四 絶 敢 襄 州 六 : 謀 遣 止 帥 也 巨 謀 後 岳 陽 妄 謀 金 月 賀 當 使 細 路 遠 舉 主 預 奏 帥 Œ 盡 ,今果不 況 御 自 經 、公欲 若 拜 卿 ? 辦 慮 與 避 言 生 筆 上 以 金 其 樞 皆 暑 有 辰 朕 大 更令 嘗 除 獻 而 藺 究 洋 密 私 邊 壽 使 謂 納 所 論 授。」 合 不 雖 來 薦 安 事 使 彭 邊 大 當 顧 不 爲 稍

機 石 見 忽 之明 魯 契 應之。」 竊 丹 矣。」 據 欲 未 1 加 幾 京 兵 之 上 於 諭 報 虜 公: 0 公 又 奏 諭 所 結 傳 皆 但 約 妄 當 夏 真 或 嚴 9 備 有 又 先 隨 有

令所 紀。 事 夸 臣 奏: 亥 時 休 見 無 事 拜 皆 ,則 等 不 不 求 戚。 過 經 時 此 + 退 舜 若 敢 右 失 失 上諭 四 比 心 甚 Œ 之 今賴 丞 致 廢 年 禹 0 至 力 可 相 絾 審 望 弼 以 更 君 給 懼 直 隨 陛下 默 於 請 委 尋 旬 月 臣 舍 之 之 事 凡 初 依 任 兼 Z H 相 繳 義 戒 冗 時 勤 慶 之意,公奏: 提 亥, 拜 戒 奏、 , 宜 勑 又 政 曆 舉 當 相 奏 日 面 中 臺 求 免 或 唐 内 有 思 : 後 諭 史 例 積 篤 諫 太 外晏 論 經 : 院 人 降 人 宗 實 罪 論 奏, 遠 難 秩 爲 才 戾 人然, 殆 不 卿 列 「自古 會要 之 動 繼 不 或 存 皆 在 計 己 繫 失 也 者 臣 形 所 樞 不 之 爲 將 鮮 天 有 筦, 許 迹 T 大 又 有 虚 勑 後 F 所

> 政 遂 將 L 使,贊 復 歸 政 或 自 使 也 理 古 要當 不不 ___ 奏 於 奏 者。 事 近 未 在 至 不 荷 是 可或 始 高宗升遐,始末 得 : 安 喪 而 可 成 各 可 有 次 後 公力陳不 行 耳 失, 聖孝 實 請 未 勝 盡 行 遂 上方 易 議 然 紀。 惠 安 所 但 Ē, 陛 口 淡 **\$** 及 危 見 彼 雖 篤 下 占 哀 欲 黄 館 封 民 贵 所 行 口 面 復 禮 意 數 袍 E 事 伴 繫 X 詰 莫 祖 救 可 語 兩 稽 下 多 止 御 使 遠 若 何 宗 自 荒 尚 備 相 考 言 以 殿 諭 使 來 害 寬 密 應 制 同 受書, 維 宰 縞素引見, 其 遣 歸 ? 減 ? 白 會 非 而 反 度, 執 所 報 之 夏 賀 覆 若 朝 公 同 既 以 奏置 然後 焉 止 税 制 生 論 無 人 奏 異,公奏 是 贊 奉 辰 難 才 協 使 寬 行 施 虜 素 Ш IE 辭 使 邪 賀 德 止 心 果 陵 文 \equiv 幄 日 至 IE. 之 體 當 書 欲 使 心 禮 Ti. 見 於

●「石」,原作「臣」,據殿本改。

德 以 勤 奏: 宣論 之帷 若 泣 慮 例 典 戊 善堂 先令侍從、臺 始 服 如 ? 壽 此 使 ,非是。」遂 日 戌 而 病 過 取 人堅 、公請 退。 幄 議 手詔 西 而 、公奏: Ŀ 或 端 聖 有 欲 晉宣 分 事 以 之幸 日 體 不 欲 十二月壬申,密賜紹 詣 討 堂 病 相 : 不 E 康 退 E 論 猷 倦 也。」仲 諫 再 必 猶 特 休 禮 寧 壽 孝 天 皇 堂 思 欲 拜 詢 集 攝 御 得 莫 莫 禧 太 爲 傳位 陵 衆 公 請 太 止 議 延 嚴 故 子 重 公公日 乎? 奏 者 行 傅 發 冬之初 是 議 和 於 參 於 實 太子 親 引, 孝 殿 事 乃 事 執 決 上 往 **令** 堂。」 恐 朕 必 思 以 : 宗 公 喪 典 奏乞骸 尤 不 以 公攝 無 卿 稍 而 奏 興 或 宰 禮 廟 稱 + 宜 而 争 此 須 欲 過 傳 一之重 執 獎 少 不 而 五. 於 初 委 執 太 用 位親 奏 永 卿 得 贵 留 年 傅 孟 骨 今。 顯 欲 事 事 。」公 應 0 饗 熙 Œ 卿 仁 開 日 札。 公 欲 至 倦 謀 月 多 忽 能 舊 故 不 資 上

韶,專以奉几筵、侍東朝爲意。 辛卯留身,議定二月壬戌之吉。又命公草

降 詔 奏 無 日 同 陛下 任 慶。 傳 事 . 兼 正 依 位 始 ·巽位與子 提 六年正月己 戀之至。」 詔 諭二 臣等輔 賴 舉 卿 玉 翼 府, 等 牒 日, 政 協 ,古今盛 及 旬 無 哽 費 監 上吉 日 亥, 噎 狀 新 修 當 幾 君 自 拜 服 日 内 典, 不 此 曆 左丞 御 禪 能 再 紫 無 言。 見 相 由 宸 又 聖 月辛 殿 H 令公獨 侍 朝 壬子 ,公奏: 亦 中外 西 天 泫 顔 然 大

宫 覃 開 不 月 事 得 霈 0 或 拜 已 男 Ŧi. 尋 光宗首問 而 少 月,求去方力, 而 得,力 至滎 即 保、 降 始受之。 益 陽 詔 辭 或 郡 當 ,公積階 不 公。 公, 世 可。 奏 急務,公奏用人、求 歷 以 公以三孤之官 而諫省有言,請 封 至 又乞回授 朔 濟 特 望 許 進 之次 爵 至 日 或 自 于 朝 不 管 公。 益 四 應 言 城 重 切 Ŧi. 華 以 縣

於是 崇 年 器 主 監 朝二 仕。 少 几 職 助 除 Ŧī. + 傅 官 儉 E 勞 干 年 之, 觀 子 察 除 告 登 萬 問 文殿 公 八 即 六 日 御 嘉泰元年,布 七 遂 明 觀 月,坐 百 極 月 緡 , 控 綸 史 年七十矣, 任 年 以 文 紹熙 户 贈 大學士、 復舊封,冬易鎮 葆 也 殿 少保 郡 求言 免 几 乃 食 太 之女, 學 事 事 所 至 朝 復 改元 師 實 皆 皆 充 土 舉 於 再 請 衣 醴 賻 親 封 遺 官 判 大夫、 舊 三表 益 判 切 始 判 泉 上書及公姓名 理 銀 Ŧi. 奏 以 潭 弼 潭 或 於 許 之。 觀 干 隆 絹 既 州 賄 州 夫 引 世 新 貤 各 八 興 使 言 聞 公奏 隆 敗 人, 用 年, 知 百 恩 三年 千 府 而 興, 能 E 降 者 筠 累 歸 户 遂 聖孝、 倍 辭 遣 先 爲 力 孝宗 不 慶 紫 州 四 以 閤 食 税 不 震 求 E 陽 娶王 臺評 元 軍 月 少 門 牙 赴 邑 年 敬 悼, 元 奉 郡 州 傅 殿 復元 契 官 賜 事 年 公。 薨 天、 氏 祠 萬 輟 降 賜 錢 中 致 金

> 糴 孫 火公事。 納 顥 宣 倉 蕭 一義郎、 孫女五 彖 餘 新 尚 人,長 監 幼 饒 州 適 浮 承 梁 事 縣 郎 景 監 德 嘉 鎮 兼 興 府 煙

宗,以 之出 平. 謨 作 事 主 考終,五 重 輔 相 定言 者 贊 上之休寵。 輕 爲 如 極 終始。 彌 仕 嗚 崔 至位 幾 鋪 論 驗 縫 祐 呼 張 + 無 議 亦 之妙 得 1 甫 極 揚 有 則 纖 口 其 人臣。 眷 厲 天之生公, 謂 瑕 \equiv 究 中 孝宗 宋 愈隆 之 年 極 微 干 兩 廣平 以 美; 載 古 纇 以 + 在 始 晚 之 今, 之可指。 逆 之守文 年 位 以 以 輔 致 遇 近折 固 文字 出 身元 風 + 光 矣。 授 姦 + 度 宗 年 人 鋒 之 有 受 翰 如 宰 之 輔 杜 文章 自 以 知 張 ·, 出 苑 八 深 初 政 如 決 閒 , 時 九齡 年, 政 高 忤 秉 晦 則 科 處 氣 宗、 鈞 L 之 公 追 方 退 以 爲 意 善 實 謀 盡 孝 西己 時 被 至 承

●「益」上,殿本有「封」字。

書 碑 歐陽文忠,此非 斷,公幾兼之。 十餘 撮 以對楊休命。 取 種, 其 名 總 爲 節 臣 乃 二百 或 銘 之私 所 事 日 願 卷,行 而 言 則 略 尤 也 其 切 於世。 餘 平 切 謹 日 於 著 陸宣公、 校之 再 述,爲 拜 前 特

悲 拳 機 贊,百工 察 盛 君 佐之,家有宸藻。 表表忠節 拳 其 顯 輒 際 斷,華 斯 忠。 既銘公墓,又勒 巍巍孝宗,天錫 是爲宗臣,後慶其衍 文, 猗歟益公,善始 惟熙。三 0 再折姦萌,逆 夷 以 獻 密 惠 納論 如。 後 憂邊 聖 學。 豐 相 勇智。二十八年,是 思 告老既 思職, 授,同 鱗 碑。 以 知 天不 終。 以 無 批 生榮死哀, 休,著書自若。 具存宏模。 守一道。公實 憋 不 始 爲。 遺,殄 進 事 定言驗, 以文,終 彌 身美 瘁 縫 臨 輔 爲 興

攻處先生文集卷第九十八

殿

本作「規」。

攻媿先生文集卷第九十九

四明樓鑰大防

神道碑

少 傅 文 忠 觀 周 文 公神 殿 大 道 學 碑 士 致 仕 益 或 公 贈 太 師 謚

全德 親 五 力 而 排 見 人 不 備 明 倦, 權 龍 孝宗皇帝 飛 倖 福 良 聖德 狙 會 御 未 名之 其 遇 日 有 在位 方用 可 新 如 立 謂 ,光紹祖 益 二十八年,厲精 件旨 已 已 盛 或 矣。 周 嘗 文 宗。 去 預 求 或 忠公者 議 其相爲 宰 略不 相凡 中 求治 間 少貶。 終始, 始 十有 再 公 以

> 聞 所作 史氏 抵 聖 宗於春宫, 聰 冠 旋 照 立。」謂某荷公之知,晚 士大夫之過計 之實 朝之宗 四 , 猶被主 ,公之明 密勿,終贊 愈 ·行狀。 ,俾爲之辭, 明 加 而 樓 褒 書之。 臣矣。 某,曰 E 敏 擢 夾 某不佞,謹摭其 寵 肅 遂 與子之決。 輔 者,謂 光 給,真千載之遇。 且 初 : 「先公既葬 公薨之二年,嗣 至元宰。 者十 政, 示 公不 以 年。 而益深,又 功 今參知 以孝宗之實 成 復 任天下之重 大概 嗚 身 用 呼 退。 矣。 政 泊 子 而 嘗 事 而 隧 聖 平 待 綸 其 既 李 又 睿 碑 掛 事 H 公 罪 以 可 明 壁 未 實 見 太 書 謂 光 周 衣 洞

國公。 散 州 郎、太學 大夫。 管 城縣 公諱 曾祖 博士。 人。 父利 必大,字子充,一字洪 妣 建,以 曾祖 郭氏 以 公貴,三 祖妣 衎 上舍 朝 潘 魁 奉 世 登 郎 氏、李氏、張氏 俱 第 贈 ,終左 道 祖 太 詵 世 師、秦 宣 左 爲 教 朝 鄭

郎 監 作 郎 職 場 IE + 康 紹 汳 康 妣 司 通 勸 察 字 高 + 淮 府 户 興 人 元 判 Ŧ 兼 有 講 來 直 御 府 參 而 陳 年 七 氏 非 宗 因 權 問 循 + 史。 持 公 前 學 年 軍 太 爲 者 家 或 稱 左 俱 教授 生於 學。 奏 夫 此 分章 史院 奏篇 焉 應 贈 文 中 改 年 六月 事 眷 人 博 監 林 如 秦 擢 郡 卒 太 注 外 編 析 E 學 響。 或 三十 行 夫 郎 謂 進 治 之 孝宗 修 祖 日 句 宏 夫 它 在 士 人 公記 始 官 給 : 詞 文又工 躬 人 年 和 第 幼 \equiv 日 IE 世 即 事 0 科 劑 督 + 孤 可 誦 朕 欲 三十 授 位 除 中 局 宣 掌 誦 從 舊 絶 循 侍 歸 靚 太 左 門, 緻 和 書 制 年 容 見 左 學 八 V 迪 信 知 中 訪 月 年 修 卿 遂 率 講 録 以 功 平 州 改 徒手 除 祖 問 文, 除 職 名 郎 至 Ŧi. 鄰 筵 外 江 左 祕 爲 召 郎 月 薦 夜 家 火 府 宣 X 徽 以 有 試 吉 書 奏 起 罷 書 分。 舉 從 靖 裨 近 居 除 教 省 館 建 州 . 州

乞 則 安 六 皆 事 備 聖 定 不 前 諭 爲 未 如 止 給 備 穆 參 返 論 不 但 合 故 許 憂。 切 此 法 未 聰 事 除 0 以 皇 中 令 人 事 備 中 而 記 以 以 究 公奏: 欽 適 望 者 對 后 時 不 事 講 注 率 朔 兼 上 治 宗 中 併 當 追 作 病 曰 多 定 好 望 權 百 日 修 繳 服 册 : 之故 朕 寬 過 其 闕 中 0 列 . 之。 金 祔 而 奏 前 宫 無 其 兼 書 奏 蜀 者 人 廢 初 寧 室 外 欲 力。 舍 編 不 嚴 : 民 論 來 0 謂 祖 執 先 從 人。 類 銓 親 勿 翟 久 宗 向 邀 卿 上 侍 自 也 又 聖 奏 試 寧 改 困 婉 者 之 舊 止 奏: 從 六 嘗 日 政 神 之 舊 神 容 征 樂 禮 能 祐 月 應 : 依 論 所 主 法 位 制 求 陵 文, + 赦 兩 詔 邊 詳 詔 官 别 謁 古 比 遂 未 至 復 條 事 定 不 從 諸 又 然 願 歲 廟 吏 所 職 H 1 今行之。 E , F 官 奏 謂 降 臣 奉 史 室 轉 修 欲 群 慈 安 前 卿 剛 官 詔 指 行 亦 以 暫 事 論 殿 則 臣 蜀 寧 陳 有 權 IF. 礙 不 撫

1604

專

徇

流

俗

輕

瀆

天

威

居

家

俟

罪

再

乞

重

賜

小

宣

殆

論

E

諫 其 或 屈 難 屈 之資 不 有 塞 而 以 可 之 辭 志 何 請 則 故 名 則 E 伸 臣 告 而 使 0 亟 輩 以 受 者 加 今 各 通 耶 之 獎 而 好 思 ? 歎 行 遽 自 於 許 ,公亦言 事 竭 當 用 之, 有 0 兵 再 當 龍 之 必 用 駮 後 謂 大 鄰 者 淵 以 或 我 陛 之 怯 皆 下 曾 何 有 名 將 覿 極

彼

有

雖

而

論

納

事 允 非 知 搢 副 加 示 略 公論 贵 舍己 閤 御 紳 都 遷 無 門 札 陛 應 指 承 也 適 從 下 事 尚 如 目 旨 謂 莫, ,公同 人之義 於 此 兹 若 臺諫 覿 將 獨 以 П 給 罷 此 相 繳 攀 公等 給 舍 有 帶 也 要 附 事 言 爲 可 御 官 人 舊 中 奏 有 人 特 器 乃 或 外 恩 金 言 鼓 旨 依 械 爲 罷 議 安 惑 奏。」 : 尚 之 或 方 節 俱 有 昧 罷 遷 貶 喧 議 奏 己 以 口 就 於 論 劇 閣 加 而 諉 事 群 就 諱 付 門 大 除 體 避 閑 起 相 淵 公 命 處 IE 道 職 獲 但 無 竄 又

罷

除

觀

以

遽

已? 道 命 他 但 責 。公公 E 朕 俱 以 意 格除 信 欲 不 曰 已 允 破 州 再 . 目 朋 遷 除 不 前 人 黨 奉 兩 下, E 謝 請 知 振 反汗 右 閤 祠 上 紀 . 揆 綱 E 且 今 兩 以 耳 . 云 任 聞 復 主 朕 申 旬 管 察 後 越三 命 日 台 省 卿 州 日 贵 想 務 不 敢 亦 相 舉

草 聞 故 擬 雜 年 有 官 面 事 晁 名 帝 草 祕 青 舉 改 乞罷 之言 公 公 書 其 中 而 乾 福 制 武 少 道 外 廉 無 建 監 不 文 其 知 四 及 路 親 F. 武 Ŀ 實 楊 年 許 捕 制 改 提 之才 州 可 將 贊 首 盜 點 權 不 之, 兼 書 官 副 刑 尾 發 以 允 或 候 具 獄 詞 仍 遣 備 明 詔 史 官 六 公 **\$** 南 選 示 公 院 考 御 兼 事 而 奏 劒 用 好 編 筆 行 直 非 惡 州 修 益 陛 改 學 賞 其 官 陛 敢 定。 縣 對 未 人 士 執 \$ 大 下 院 論 赴 初 公 之 訓 政 又 取 帥 引 俸 論 詞 漢 鄭 會 奏 臣

殿 受 伯 安 院 以 持 順 爲 宣 派 術 鄙 推 베 宗 威 書 監 帝 檢 自 禄 相 紹 精 樸 驌 廣 按 求 保 尊 討 見 深 聖 爲 汲 雄 興 則 爲 叔 公 建 官 真 位 末 矣 意 介 以 號 黯 俗 . 1 立 姪 炎 儒 御 中 議 册 之少 問 風 儒 自 則 情 用 朕 文 加 具 札 以 臣 書 文 趨 該 不 公 此 親 之, 及 E 未 草 生 後 觀 舍 文 博 達 向 皆 孫 當 德 嘗 近 漢 遥 辰 人 世 霍 歸 何 時 有 洪 稱 日 壽 上 諭 奉 使 拜 社 嫌 于 至 宜 又 輩 云 夕 尊 光 表 皇 或 徽 稷 兼 使 蓋 坐 嘗 IF. 雜 . 與 實 之 號 例 宗 書 賀 臣 帝 齎 起 矣。」 霸 曰 爲 卿 不 公公 用 有 之 ? 尊 金 或 _ 0 表 哉 之。 乃 論 學。 激 意 卑 謂 書 主 嗣 上 及 在 議 文。 平 後 而 分 生 皇 太 曰 唐 昔 乎 四 遂 故 而 陛 至 云 定 封 日 帝 E 兼 卿 定 憲 宣 於 唐 H 所 下 爾 萬 宗 宗 爲 帝 能 對 或 實 藴 卿 儒 勃 理 以 道 室 趙 上 學 之 祕 校 會 未 録 漢 使 嫉 者 口

> 記 朕 心 來 路 中 事 指 口 謂 示 之, 人 才。」 命 内 賜 侍 坐 導 久之, 而 出 欲 退 而 不

郡 苦 事 修 部 陛 皆 名 書 證 云: 尹 諫 兵 撰 侍 下 體 、公既 當 以 問 或 不 陳 儒 以 自 對 良 郎 欲 啚 廣 式 久 七 學 而 而 任 年 卑 翰 仍 耳 知 信 恢 有 土 草 責 以 降 對 旨 - , 奏 宫 目 復 任 院 兼 制 實 各 在 選 付 上 公 之, 室 湫 直 四 之 位 郎 而 極 德 與 稱 因 東 隘 學 事 方 之 臣 不 用 陳 官 殿 奏 其 吏 宫 。」公奏: 士 等 未 在 久, 將 其 專 袖 爲 部 重 院 至 棟 居 當 以 之 要 侍 兼 侍 功 恐 出 道 否 宇 此 旌 升 務 未 郎 從 權 别 御 又 之 亦 未 外 口 王 有 以 札 宫 兵 無 指 公 庸 麗 過 修 皇 盡 一之奇、 成 儲 被 城 部 退 引 矣 陳 或 ; 也 太 監 受 將 不 0 侍 大 擇 治 史 唐 子 而 相 容 司 若 太 除 將 條 實 郎 欲 人 效 太 領 增 以 宗 遴 優 録 權 依 郡 郡 陳 子 增 臨 廣 守 守 魏 院 選 練 劣 禮 上 詔 守 臺 安

之臣

即

隋

才

臣

能

趣

敗

事

不

正。

凡輕

又

奏

前

愚

而

後

,當局多誤,惟旁 蓋 潛哲, 可 擇 力言 責 辦 於任 : 智, 近 之臣 證 「方圖 不察。 IE. 其 是 目. 使 今既 歲 論 顧 人 安能 言 時 盡 · 贵 嘉 張 事 爲 言 藝 惟 : 人 主 言 力革二弊。」又 松、 君 而 先朝 若 累 至 主 祖 盡 證 觀 無 H ^ 之 速 使 韓 年 疑 勞 Œ 之 用 爲 見?」上 乃 聞 職 道 姦 於 多用 儒 民 玉 善善 觀 臣 之 其 見 事 求 邪 等 者 費 治 政 即 之。 諫 又 如 效 售 望 古 不 惟 財 道 著 要 Ŧī. 可 使 何 者, 足 風 曰 制 奏 在 始 **>** 朕 H 代 願 不 耳 睹 臺 : 用 四 畏 它 察 興 之 自 勤 卑 克 諫 思 + 戢 其 臣 臣 終 英 又 唐 H 如 諫 太 而 此 無 篇 宗 之 太 品品 上 消 論 必 下 知 人 專 斷 官 所 非 戒 謂 至 奕 嘉 虚 既 邪 戒 顧 患 廣 而 闕 若 龔 之道 闕 奏: 官 宣 亦 愆 艱 萬 是 軾 曰 臣 臣 亢,欲 代 諭 , 茂 流 輩 非 可 食 具 今乃 寮 惟 舉 良 則 民 爲 告 古 宰 此殆言 俗 (察官 白 卿 務 以 (措置 租 盜 流 行 相 人 執 議 爲 可 五 不 加 欲 乃 俗 主 此 起, 具 事 姓 新 論 謂 欺

精

禱

公

奏:「《

洪

範

 \forall

肅

時

N

殊

善

使

朕

聞

所

未

聞

謝

事

陛

F

兼

侍

講

E

以

雨

雪

旬

不

除。」上

言

.

未

有

人

。」公

路

曠

官

之證

臺

端

日

不

口

忌

早

爲

雖

天縱

未

形

如

厚

其

禮

位

願

早

納

Ħ.

日

.

有

理

公公

請

.

出

南

庫

緡

錢

尤

當

深

察之。」

上

日

.

蘇

軾

却

顛

倒。」

嘗

奏

江

湖

大

早,

稱

説

欲

徼

奇

功。

王

安

石

以

堯

舜

實

行

管

商

之

術

指

司

馬

光

蘇

不

乏事

0

非

不

知

大

農

急闕

然

盜

起

則

調

兵,

費

可

省

乎

?

於

編

末

諫

諍

之

德

數

易

之

弊

先

之

以

魏

碁

Ŧi. 0 更

其

名。

周

之太

宰

卿

也

小

制

0

E

驚

日

「朕

不

知

此

遂

:

名

取

旨

差

權

苟

未

欲

輕用

0

何

至

乏

才?

兼

御

史

臺

令殿

中

E

又

奏

.

近

奉

詔

以

僕

射

名

0

宰 相 日 前 如 中 古 太宰 同 大 沿 中 夫 革 今 吏 書 而 也 門 退 部 下 中 尚 平 閒 書 章 所 爾 事 改 皆 止 亦 可 欲 未 削 爲 口 左 公 用 0 遂 右 歷 派 E

繆。」 户 文字。 法 説 寮 凡 西 隱 曰 日 H 協 部 再 漏 掖 有 根 除簽書 未 公 爲 既 本 。」上意 知其 IE. 贊 擾 Ħ. 當 日 年 名 之 理 元 有 民 言 權 : 地 財 人才 增 良。」 欲 望 難 : 樞 不 9 中 於 其 陛 無 朝 行 而 密 悦 欲 外 耜 繳 卿 下 實 書 廷 賦 院 0 制 又 退 奏 之 知 既 舍 與 又 税 E 非 之 奏 嚴 寺 税。」上 而 大 知 人。 理 供 之奇 設 州 繳 曹 奏 丞 財 億 專 何不 公奏 一。」公 詞 耜 閩 反 責 E 争 賜 \Box 頭 除 漕 亦 重 以 欲 改 肆 出 . 日 府 陳 於 免 詞 謹 漁 正 身, : 推 此 兼 願 峴 他 西 翰 ? 於 取 並 漕 臣 議 浙 别 路 事 矣 也 出 因 變 0 臣 命 即 致 爲 擇 E 鹽 辭 之 公 張 俊 有 上 以 且 今

> 御 也 者 失。 曾 陛 當 允 奇 愈 面 界之,臣 未 更, 臣 下 高 筆 亦 草 翩 曾論 若 之。 中 欣 周 不 然 遂 未 道 謂 然 允 歲 徑 敢 俱 引 奏, 聽 詔 西 非 行 具 與 復 疾 納 府 今乃 欲 草 外 有 奏 閒 提 專 0 九 祠 嘗 謂 此 以 舉 任 與 年 時 除 : 武 Z 文 江 説 權 兹 又 除 臣 吏 昨 州 百 給 貴 事 趣 知 者 也 太 升 願 事 戚 誠 公 建 亚 舉 擇 中 恐 誤 出 預 寧 Ħ. 興 朝 大將 莫 亦 門 府 政 或 當 旋 以 濟 未 是 宫 即 爲 公 有 當 再 兀 再 時 改 不 私 馬 威 天 辭 封 遽 命 口 還 受 之 不 望 网 便

侍 公持 色, 郎 除 講 敷 然自公發之。 重 嘗 文 淳 進太上 一,不迎 論 閣 熙 改 待 元 官 制 年 合, 尊 舉 兼 除 號詔 無 削 八 侍 右 附 到 月 講 文 麗 草 部 殿 兼 放 除 六 修 直 散 月 撰 兵 日 之制 部 兼 士 侍 説 此 權 郎 罷 文 後 兵 召 難 部 仍 雖 Ŀ 還 兼 侍 於 稱 潤

心。

今因

小

利

更

相

猜

察

情

既

不

通

緩

則

日

此

尤

非

也

主

將

而

下

須

令各

得

懽

:

賦

統

領

却

治

之,

미

相

關

防

不

致

妄

費

公

公

日

昨

聞

殿

司

進

羡餘

<u>二</u> 十

萬

緡

此

何

從

൬

得

?

E

日

一朕

已不受。」公日

雖

則

不

當當

思

其

所

自

來

上

日

.

統

制

官

不

治

財

名

器

又奏兵

將

官

刻

削

等

事

Ŀ,

日

今不

.

望

遷

擢

後

將

無

官

可

遷

願

力

革

此

風

愛

惜

擇

官

則引

中

才

爲

小

人。

今不

及

數

月

已

如

此

且

言

王

友

直

極

廉

安

有

刻

下

學

如

耆

飲

食,《

長

編

攷

證

異

同

罕

見

其

比

兼

太

子

詹

事

上

論

史

事

公奏

李

燾

於

史

所

御

爲官

擇

則

引

中

X

爲

君

子

若

爲

論

用

惟

E

智

與

下

愚

不

移

中

人

惟

上

言

而

温

純

典

雅

無

字

可

議

0

公

奏

:

向

者

初

1

光

堯

之

號

臣

己

預

議

庚

寅

之

詔

亦

出

臣

手

上

愕

然

日

一前

詔

亦

卿

所

草

耶

?

怨之説 之可 雪,不 言 場 道 部 無 林 每 下 定之法 下 日 上 何 學 諭 侍 事 簿 命 . 甚 屬 E 由 固 士 得 0 忠 在 書 大 郎 也 得 以 卿 欲 知 人固 0 驅 臣 武 聖 之冗 其 可 止 行以 自 得 不 奏 法行 奏 陞 馳 彌 士擊毬,太子 躬 語 死 是略近 非 逸 忘 多 兼 縫 力 太子。」 臣 憂 耳 閱 無 可 可 9 以 侍 ? 人 自 朝 安 銜 最 武 私 不 以 公公,人 讀 情 。」公曰 唐 廷 敢 又奏: 橜之虞 可 自 又 朝 大 公日 孰 守 至 無 勸 慕 然 愛?」上 奏 夕 自 不 至 本 禮 亦 有 以 者, 太 . 論 與,臣 朝 心 乎 是 公之道 執 違 無 祖 「太子人子也 聞 陸 思 服? ? 優 天道 處 怨。」 綏 命 聞 金 贄 待 作 ? 備 或 陛 百 Œ 其 星 高 色日 四 詞 Ŀ 顧 歐 下 有 近 陛下 餘 有 危之。」 以 近 遠。當 年 問 臣 日 乃 補 年 日 陽 前 讎 司 脩 於 有 除 之 除 持 勿 耻 御 以 星 朕 治 其 未 卿 天 球 翰 任 命 陛 論 中 m

1609

力,揚己 若 學 乃 土 以 進 宴 取 見 則 名 無 有 安 時 隱 至 能 退 逃 爲 則 H 親 不 月 近 密 之 照 擠 哉 而 上 利

嘗 及 進 御 觀 使 德 院 用 由 士 暴 書 覽 引 論 殿 甚 有 口 故 安 百 學 得 代 至 記 Ŧi. 皇 匠 似 人爲 問問 日 既 者 年 居 其 \vee 碑 本 手 朝 弱 力,不 者 易《 見 F 又 朝 聞 爲 也 文 本 實 命 所 專 鑑 上 吕 御 七 傳旨 祖 非 書 以 但文字之工 以 除 序 又 試 德 祖 上 謙 之。 弱 仁 有 並 詳 ₩, 禮 謙 舞 . 日 涵 也 無 立 博 定 能 上 部 養 記 後 賜 或 美 禍 官 「兵 日 文。 尚 既 文 内 之, 社 之 亂 書 久, 勢 稷 直 兵 詞 。」公曰 稱 也 公謂 屢 卿 墨 似 靈 宣 兼 0 習 乞 采 非 之文 猶 弱 是 贍 翰 對 去 歸 得 知 0 不 濕 公公 林 旨 蔚 用 典 至 職 别 在 翰 也 上 學 撰 故 玉 本 \$ 問 此 廷 召 苑 而 日 堂 之 莫 選 朝 以 後 文 卿 中 史 須

人 庸 植 學 聰 語 之誠 著 詔 似 相 之 赦 經 以 由 從 黨 望 此 古 彝 类 禮 爲 明 引 是 周 祖 人 士 0 與 多 0 以 作 禮 宗 官 承 儀 定 周 語 公日 , 卒致 自 嘗 詳 彼 充 旨 爲 以 配 上 睘 漢 奏檜 章、 奏 徧 所 此 秦 侍 日 議 未 丘 故 示 能 秩 從 . 嘗 明 論 兵 合 裔 蔡 來 事 前 以 爲 堂 六 群 雖 深 祖 夷 皇天 動 宫 世 有 沮 朝 對 患 哉 部 典 神 考 彊 宗 之 天 也 耳 已 + 畢 失之 禮 長 日 其 禍 誠 涵 舉 行 氣 親 有 輒 興 貮 義 除 以 養 當 禮 之 之 有 納 心 紹 衰 公奏 判 俶 善 中 吏 以 制 壞 成 議 德 致 竟 圃 副 興 部 經 濟 類 德 風 獻 依 之近 封 以 如 饗 路 忌 尚 俗 詩 世 公 今 名 惟 何 既 字, 刻 洗 有 書 寢,有 俗 祀 再 制 獎 日 卿 知 又 之資 道 出 前 帝 止 執 讒 遂 兼 爲 才 道 淮 其 弊 六 誦 祀 皇 此 蓋 綏 乃 疑 諂 大 改 翰 動 年 孝 得 夫 祐 以 爲 林 贵 草 口 天 明

卿 Œ, 勞 爲 不 所 封 又言 甚 爲 耶 不 如 之 使 規 非 有 公公 左 ? 宣 曾 功 皆 右 開 主 奏: 「 願 力文字之閒 無 前 人 贵. 自 博 輩 後之 所 次 才 小 古 求文武之英,布 爲 臣 今豈易得?」 及大臣 衰 補 上 人 也 素 落 哉 自 所 無 特 1 貽 人 · 牽 未 汗 不 君 患 制 若 爲 馬 及 爲 至 者。 大 勞 之勞, 下 又及 四 期 今。 列 述 也 上 至 方 會 中 作 土 致 謂 之 外 安 Ŀ 論 庶 舜 屑 此 公 古 思 日 口 視 鮮 之 上 之 當 爵 納 屑 : 獨 請 求 人 其 以 事 示 口

耳

無

曰

.

副

職

無

草

有

位

煩

翰

後 殿 遠 今 卿 乃 又 F. 遇 嘗 肯 日 七 事 當 年 有 各 殊 曰 和 五 述 所 不 而 争 月 所 依 前 不 見 違 除 退 此 同 。」公奏 0 參 則 宰 懽 執 知 公 相 政 然 政 議 日 : 無 之 事 事 . 間 於 大 韓 執 F 室 臣 最 琦 政 日 相 自 爲 更 事 應 歐 口 無 陽 任 互. 法 近 語 脩 非 相 見

贵 箭 之 九 公 出 E 聖 法 是 華 日 穀 外 、公言 臣 協 不 直 何 爲 否 何 明 愧於 公公 休 得 害 贵 Ì 當 乃 濟 緣 Ш 若 在 ? 欲 秦 證 竹 米 然 蔽 天 封 不 L. 心 況 檜 ? 自 米 初 欺 若 事 獲 相 未 . 9 E 乎 陛 是 爲 臣 用 及 星 爲 罪 遂 聞 П 以 ? 明 乎 下 事 紹 瑞 嘗 瑞 大 變 公議 八 E 奏 1 有 ? 目 虚 興 以 臣 而 萬 執 早 月 慮 過 再 達 必 心 中 得 紹 ? 惟 災 政 有 朕 \equiv 所 聰 而 無 無 以 因 罪 興 上 至 小 乞 殆 在 及 人 須 水 我 相 孔 者 久 初 自 事 而 不 改 繇 此 留 早 不 因 早 括 呕 聖 惟 行 吾 敢 不 常 中。 臣 是 知 一從之。 議 之,或 申 且 語 儕 敢 措 恐 等 皆 平 御 乾 也 請 宣 宣 臣 不 有 亦 公 不 0 所 道 有 筆 示 辭 和 能 隱 下 口 日 昌 以 致 間 付 遂 賑 以 又 外庭 有 不 將 列 化 赦 有 此 濟 則 \equiv 後 與 言 此 順 之 謀 原 以 付 E 奉 省 大 勉 遂 有

其 院 貴 官 支 令二府 謂 有 必 不 戢 以 錢 此 歸 叛 或 分字 得 苛 數 移 故 盡 漸 致 善 存 特 非 等 、公奏: IE 公公 矣。」 岩岩 、公日 善。 民 遙 暴 卹 其 折 次 口 添 互 ř 起 變 科 赦 相 日 何 如 差 爾。 之數 但 去歲旱 領 上 聽 之 爲 彼 以 等官 前 乞令 在 9 大 原。」 權 是 亦 免 更 代 且 固 上 白 唐 以 日 耳 安肯 流 加 失軍 -荒,若 以 削 一公嘗 爲 年 出 有 止 歲 神 爲 0 殍 熟 之悵 平. 於 去, 官 之苦? 司 宗 所 然。 東身 用 此 慮。」有 民之心 江 不 制 傳 增 極 非 非 亦 只 Ŧi. 府 然。 導, 得 難 自 陛 陳 從 有 上 倉 萬 齊 論 己, 以 猝 下 意 嘗 歸 民 海 恃 五. 緡 民 進 之。 舒 驟 則 先 廢 木 所 於 行 謂 代 長樂之 亦 呈 安 州 今 改 乘 事 之 併 能 二十 司 法 始 樞 須 得 汪 湖 乃數 災 賑 由 成 敗 不 密 置 聖 平 革 北 不 遇 其 ? 唱 救 援 若 崇 非 年 諭 始 時 E 月 困 网 亂 求 謀 前 古 來 禁 且 政 所 有 ? 問 椿 口 赦

> 從 與三 上 不 上 禹 爲 唐 著書 之 與 歎 曰 郎 鑑 則 則 . 省 者 曰 ¥ 皆 Ŀ . 有 壞 相 卿 可備 書 怨,不 法。 維 此 等 俾 興 持 肯 所 諭 Z 衰 命 如 謂 當 贵. 給 夜之覽,篇 治 下 此 任 與 可 舍。 亂 之日 任 責 諭 而 之 怨 公 不 意 理 非 臣 ?」公曰 奏 與 ? 任 甚 篇 等自 . 明 怨 即 何 不 、公奏 也 是 怨 從 臺 當 諫 之云 則 諫 E 當 執 疏 失 嘗 奏。 給 與 ? 祖 舍 而

不 然。 官之類 以 其 口 止 雷 數 差 任 可 韓 世 廬 語 鎮 以 九 世 賢 可 \equiv 月 決 禦 江 忠實 説 和 之, 省 除 軍 敵 時 則 淮 本 五. 屯重兵。 知 可 與 當 南 千 未 楚 之 謂 樞 其 地 口 人,公奏: 州 接 敏 密 衝 形 輟 舊 以以 矣。」 院 緩 卿 屯 滁 今無 事 急, 每 觀 軍 阻 0 E 其 欲 故減 Ш 八 見 謂 上 才。二 Ш 千 守 林 公 難 \Box 陽 滁 戍 處 雷 可 控 公因 它 之事 如 卿 世 自 臣 扼 時 謂 清 方 守 統 才 奏 乞 或 堪 而 制 卿 河 不

爲

楚

喉

衿

争

辯

甚

力

乃

許

萬

且

\$

騎

分

戍

杲

謂

襄

陽

爲

要

地

而

江

陵

亦

在

江

北

與

其

孥

永

屯

襄

陽

公言

止

當

以

兵

之

半

微

馴

致

禍

敗

温

州

軍

士

喧

悖

憲

司

欲

先

定

汪

義

端

刻

削

之

罪

仍

正

紀

律

公

奏

此

風

不

可

長

恐

兵

愈

驕

郭

杲

請

移

江

陵

萬

干

微

弊

不

勝

救

0

1

日

.

-

自

昔

多

大

不

防

其

事

必

留

意

不

敢

忽

略

日

有

萬

幾

不

察

於

挺

止

申

照

會

公請

:

_

督

其

根

治

使

知

朝

廷

敢

徹

所

以

倍

費

。」文州

蕃

部

刼

殺

漢

吴

邦

賦

之八,公奏:

自

古

未

有

Ŧi.

+

年

屯

兵

不

解

古者

講

和

則

罷

兵,

今既

有

歲

幣

而

兵

不

寬

之

詞

然

有

備

乃

能

無

患。」

E

嘗

歎

養

兵

費

日

脚

之

氣

冬常

有之。」公言

此

H

官

相

白

氣

自

西

南

日

天,

宜

爲兵

備

0

E

日

增

必

致

虜

疑

揚

州

武

鋒

軍

有

衆

八

千

本

屯

Ш

陽

若

歲

撥

千

口

戍

誠

爲

兩

便

+

Ŧi.

〇八

洋 其 方 御 彼 御 軍 孜 日 誉 當當 筆 皆 批 口 1 或 議 岩 以 契 廉 事 如 先 遷 遭 金 丹 卿 曲 趙 計 殆 火 謹 謀 雄 商 渤 不 更 慮 多 馬 大 海 Ш 汝 雖 令 深遠 得 之 險 以 漢 彭 愚 無 欲 兒慕 數 遷 杲 瑕 希 E 良 之。 具 口 移 使 希 用 義 以 指 郭 襄 吕 公奏 嘉 來 皆 此 杲 陽 賞 緩 却 意 歸 帥 於 用 急 恐 深 オ 襄 騎 屯 口 誤 察 也 之 路 於 陽 當 衆 事 經 地 興 預 0 義 情 元 辦 金 聞 E 勝

院 效 察 開 季 不 光 弓 其 欲 能 審 前 北 察。 能 絶 也 乞 閒 月 牒 後 否 召 與 後 以 呈 拜 罷 使 若 池 上 諸 <u></u> 主 樞 軍 有 京 州 軍 密 將 李 邊 道 上 陞 雖 使 不 事 思 遠 日 差 不 敢 孝 專 宣 籍 權 上 容 自 用 撫 此 日 止 言 私 公 此 使 : 皆 賀 IE. 奏 取 惟 上 樞 IE. 將 卿 卿 \$ 生 使 在 可 己 赴 辰 措 人 亦 西 及 樞 它人 使 置 因 不 府 之 能 密 以

也

上

謂

王

藺

論

事

頗

偏

公

奏

藺

雖

血 志 奏: 用 弩 年 年 與 謂 帥 於 手 取 矣。」 萬 廟 口 宣 既 旨 民 四 人 謨 襄 諭 川 + 立 兵 矣。」 陽 E 已 蓋 兵 則沿 又嘗 年 卿 以 多 王 當 少 等 止 希 以 送 留 淮 閻 料 衙 吕 死 IE IF. 歸 口 世 未 不 乞 淮 申 IE. 軍 分 必 雄 增 口 南 爲 西 數 Ш 欲 遣 闕 兵 兵 T 主 深 得 水 使 戍 已 人。 欲 寨 恐 此 則 免 廬 今 令發 民 睥 人。 帥 起 公奏 州 果 睨 兵 司 不 皆 上 荆 來。 虜 年 口 來 爲 襄 不 以 公 得 我 須 萬 口

事 下 諭 能 九 舉 遂 上 上 安 考 與 官 云 卿 有 實 皆 日 便 年 不 事 咨 : 孰 條 可 無 敢 四 大帥 上 措 金 大小 妄 岳 數 置 州 舉 當 端 之 謀 與 卿 自 事 帥 其 皆究 深 E 因 私 除 公 謀 _ 論 薦 上 心。」公又曰 授 欲 遠 邊 日 **\$** 不 慮 報 公 侍 若 異 朕 日 從 昨 明 同 . 所 管 密 揚 不 問 舜 軍 天 及 獎 若 用 薦

之。 是 劾 先 京 保 泗 贵 筆 職 過 重 大 審 爲 録 放 不 問 見 任 耳 得 若 詞 ? 如 陛 然 未幾 罪 詳 之 。」至是 漠 ?」公奏 令公帛書 此 大石 若 批 問 口 1 下 汲 然? 覆 明矣。」廣 無 果 後 輕 下 左 黯 似 公, 而 罪 右 有 契 相 不 未 在 許 又 斬 公奏 諭 贵 朝 妨 釁 丹 蒙 古 可 公奏 通 諭 几 旌 公: 洪 口 不 欲 也 淮 信 彼 人, 結 非 何 東 : 賞 無 可 邁 加 南 約 或 患 虜以一 雖 帥 此 守 後 違 兵 方 弦 夏 褒 所 無 家之福 鋭 帥 潘 等 於 婺 誓 又 或 小 事 謀 傳 詞 人? 無 示 於 畤 虜, 報 警 事 體 皆 ? 或 誅 范 除 便 以 忽 公公 盡 大 妄 首 果 宜 也 有 成 惡 何 擅 急 魯 況 言 有 10 亂 釁 奏: 之文,不 大, 至 當 斬 然 在 樞 大 以 而 之,在 先 六 端 移 閒 逃 使 隨 夏 人 Ŧ 獻 不 是 文宿 命 頃 探 兵 直 機 據 或 何 納 顧 我 自 嘗 精 以 御 止 至 經 有 應 上 難 身 爲

甚 之 誰 時 奏: 勑 致 比 敢 望 此 凡 禹 T 令所。 緘 力 審 陛 亥 與 至 廢 君 IE 事 今賴 共 拜 默 於 給 弼 F 臣 無 + 口 東 懼 此?」 又 直 隨 初 相 几 凡 舍 不 日 右 府 之 之 陛 事 上 繳 戒 經 年 冗 . 派 事 義 時 戒 諭 又 駮 宜 下 心 唐 相 繁 方 奏: 敕 勤 月 以 太宗 當 臺 求 賴 日 尋 清 非 擢 政 Z 更 免 思 篤 諫 「人才不 卿 有 兼 亥 依 用 旬 西 積 經 不 内 實 論 等 論 提 慶 榀 人 H 罪 存 遠 外 爲 列 宣 協 奏 舉 才 比 曆 拜 戾 形 之計 晏 諭 贊 或 或 中 相 已 及委任之意,公 失之 動 迹 一,若 然 自 者 史院 爲 例 繫 臣 0 古 後 殆 卿 降 後 捨 虚 有 臣 天 又 大 鮮 在 秩 將 朕 夸 時 下 等 會要所 所 奏 早 有 難 過 樞 休 見 而 不 求 則 無 繼。 筦 等 紀。 戚 若 舜 退 失 事

●「共」,原作「其」,據殿本改。

使三 議 同 備 攷 耳 紀 方 當 相 有 稽 惠 可 秀 亦 篤 令館 不 制 未 ? 維 州 和 及 不 自當 省 若 公曰 買 民 初 度 非 然 乞 許 封 意 要當 伴 官 欲 人 權 事 詭 捄 奏 止 曲 反 雖 使 才 覆 用 避 徧 多 減 荒 覆 若 置 奉 各 徇 發 面 奏 至 顯 言 邪 禱 大 此 行 論 盡 寬 Ш 其 相 遣 多 而 軍 群 Œ 大 贵 難 所 文 減 會 陵 詰 所 請 後 例 望 臣 勘 總 書 見 夏 賀 Ŧī. 公奏 政 責 以 行 遣 陛 當 制 同 税 也 權 生 使 下 事 贊 何 錢 臣 IE. 下 時 異 免 辰 詔 得 使 施 寬 害 贊 高 耶 欲 每 復 使 求 失, 德 仁 公 ? 賀 成 萬 年 宗 謂 棋 祖 公 至 言 當 之政 聖 奏 禮 宗 餘 E 量 安 止 口 古 奏蠲 徐 自 0 孝 緡 上 僊 古 密 心 遂 口 危 欲 謂 議 近 白 始 奏 不 在 否 體 不 治 贵 哀 歸 事 之。 釐 始 吏 之 口 喪 或 忽 體 禮 於 可 擬 末 上 可 IE 制 行 稽 下 所 是 勝 上 會 實 不 兩 苟 勘 尚

帷 觴 書 傅。 典 畢 令 太子 語 下 但 IE 西 可 袍 天 即 舊 日日 既 然後 月 幄 侍 致 晉 御 使 彼 止 禧 ,參決 行 中 詞 例 戊 從 有 殿 遠 歸 端端 是 以 時 慮 戌,公請 宣 受 來 報 皆 成 過 縞 有 臺 非 仁 庶 年 書 使 猷 禮 相 不 素 無 議 朝 諫 是 廟 務 之 堂 後 人 引 必 猶 所 0 無 然 事 集 尚 典 喪, 正 堅 詢 Ŀ 攝 見 預 上 堂 後 今作 議 遂 幼 禮 日 欲 衆者 壽 辭 特 太 又 素 再 臣 虜 使 公 時 上 傅 御 始 初 用 思 議 幄 等 拜 果 於 將 日 不 壽 延 親 欲 見 七 陵 見 保 事 請 心 理 至 過 況 往 和 開 月 輔 堂 發 使 無 未 服 公 行 隨 事 殿 資 或 臣 之 引 者 或 争 口 安 奏 而 理 班 善堂 乃 家 手 執 制 請 令宰 也 有 0 恐 公奏 曉 拜 以 公 大 詔 權 遂 司 不 然, 舞 公公 E 引 事 公 欲 執 力 十 永 討 易 口 可 不 若 謀 欲 見 攝 熙 陳 淡 占 用 論 五. 用 陛 必 受 太 顯 故 事 奉 年 皇 黄 數 不

獎勞 於 乎 子 報 之幸 壬 於 思 F 徒 月 ? 執 申 事 稍 爲 ,復令臣 卿 即 王: 宗 再 紛 喪, 過 也 朕 須 欲 密 戌之吉。 紛 _0 廟 賜 求 方 世 且 而 仲 少待 外。 紹 留 以 應 不 忽宣 而 Ŀ 冬之 0 興 此 遽 得 孟 尤 緣 傳 公 委 饗 爾 H 又 諭 稱 京 人 初 位 卿 多 奏 勌 命公草 至 獎 . 使 鏜 親 0 勤 . 以 留 德 : 已 比 使 札。 公 ? 病 壽 身 聖 行 回 卿 年 泣 詔 而 奏 體 E 辛 能 病 聖 而 分 願 欲 . 專 康 \Box 倦 卯 任 詣 乞 退 慮 不 寧 以 留 . 責 臣 骸 欲 ; 來 退 奉 身, 如 + 孝莫 禮 賀 歸 止 傳 骨 休, 几 此 議 _ 莫 自 者 大 位 筵、 定 月 得 大 大 孝 F 求 陵 太 或

身呈 辛 大 奏 酉 詔 事 + 朔 六年正 草 宣 降 諭 傳 兼 位 提 月 府 詔 舉 己 旬 女, 玉 꽢 牒 日 日 拜 當 及 Ŀ 左 監 内 古 派 禪 修 服 相 0 H 御 曆 又令公 紫 \pm 宸 子 殿 月 留 始

侍

東

朝

爲

意

公 侍 朝 亦 泫 天 奏: 中 然 顔 外 無 陛 同 0 任 慶 下 正 依 巽 賴 戀 臣 位 卿 之 等 與 等 至。」 輔 子 恊 政 贊 古 哽 無 新 今 噎 狀 君 盛 幾 自 典 不 此 9 能 再 無 言 見 由 聖 H

切。 宫 霈 緡 政 赴 賜 副 月 縣 事 不 0 端 金 得 恩 開 0 拜 不 器 助 除 光宗 E 或 Ŧi. 而 尋 15 以 之,遂 年 年 觀 月 得 男至 即 勞 而 保、益國公。 簡 力解 求 降 兀 問 後受焉 文殿大 問 除 貴 月 祭 詔 當 觀 以 去甚 自 陽 世 紹 復 少 不 文 居 郡 公積 學 熙 保 急 元 殿 可。 力 公,歷 奏 士 務 職 罷 學 改 充 公以三孤之官 以 階 既 醴 士 倍 又乞回授至于 元 判 朔 公 至 而 泉觀 封 -税 潭 判 望之次 奏 判 諫 特 月 濟 牙 州 潭 用 隆 進 省 使 契 許 坐 州 言 興 有 而 錢 爵 日 所 言 者 府 歸 求 示 朝 É 親 舉 或 四 不 孝宗 言 + 辭 管 請 應 官 理 重 已 Ŧi. 萬 益 以 \equiv 郡 不 城 華

贈 告 崇 言 適 浮 賜 阡 鎮 夫 或 官 嘉 是 賄 江 有 梁 夫 捌 年 儉 於 承 謚 南 太 九 明 泰 隆 敗 縣 師 伯 舊 興 事 文 人, 西 七十 元 大 再 降 年 曰 累食 忠 景 户 弼 郎 路 年 乃 久 祭 理 賻 辭 先 Ŧi. 德 轉 矣,三上 復 任 陽 監 免 司 銀 布 娶王 年 遺 公奏 邑 鎮 運 郡 嘉 直 絹 年 衣 皆 奏 始 兼 司 四 力 公。 各千。 興 薨 E 訏 氏 聞 主 萬 許 四 煙 年 求 表 孫 府 書 謨 管 事 火 $\overline{\mathcal{H}}$ 貤 監 + 奉 几 F. 顥 糴 引年 及公 也 千 公 恩 帳 月 察 年 祠 仍 爲 納 日 子 六百 宣 事 庚 御 司 八 命 倉 震 聖 遣 即 姓 義 遂 慶 月 中 宙 主 弟 蕭 以 悼 孝 閤 綸 户 名 孫 郎 葆 以 元 朔 復 H 之子 彖 護 門官賜 也 輟 女 之女, 薨 少 元 踐 日 舊 臺 新 食 襄 餘 Ŧi. 傅 年 敬 朝 阼 封 朝 縝 實 評 監 奉 年 -,公於 人,長 致 尚 天 兩 請 添 饒 封 封 降 七 少 詔 冬 幼 日 益 尋 + 傅 州 大 差 伍 曰 求

> 申 初 奉 益 公之喪 或 夫 人 合 葬 焉 廬 陵 縣 斗 岡 之原,十 月 内

裁 慮 本 年。 佐 事 號 後 深 欺 援 始 自 咸 公道 皆 以 據 無 宋 + 察 處 周 大 親 遇 之光 典 其 曲 爲 不 榻前 焉 年 以 公在 丽 事 祠 精 當 敏 不 詞 爲 赦 輒 及 公皆 章 養 忠。 高 論 自 明。 兩 一空言 被 宥 發 受 内 民 事 參 宗 宫 遇 禪 北 以 在 立 不 知 擇 若 朝 預 極 日 出 尤爲 或 屬 門之官 復 后 守 水 樞 孝 己 隆 故 可 人 事 車 升 顧 早 筦 治 以 擢 天 憂 經 爲 儲 至 閒 身 災 子 數當 之 臺 平 邊 史 重 己 有 以 異 聳 鋪 過 盛 屢 挹 察 訓 任 四 歷 、夷 練 古 聽 官 大 張 跲 美 兵 進 ,公偏爲之, 講 事 習 日 事 官 復 嘉 揚 出 狄 揆 慶 孝 仰 典 徽 奮 典 郊 退 獎 厲 寇 而 宗 章 壽 贊 稱 禮 Ė 人 盜 又 實 而 無 秉 最 睿 才 宫 涉 之 動 有 非 加 心 論 口 謨 名 盛 前 議 列 有 + 爵辛 以 尊 而 不

如

老

書

生

鋟

板

家

塾

以

惠學者。

1

- 築貢

院

居

士

集

訛

姑

大

甚

率

同

志

者

朱

黄手

校,

老

之

後

猶

引

故

等

夷

之

齊

年

者

遇

生

朝

同

之善,收

拾

如

恐

不

及。

退

而

均

逸

汲

引

無

虚

用用

韻

賦

詩

者

數

年

方其

端

委

廟

堂

介

日

類

莫

不

歸

心

焉

以《文苑英華》及《六

錢

公

良

臣

司

爲

參

樞

人謂

 \equiv

府

爲

丙

午

坊

公嘗作

詩

用

文

潞

公

同

生

丙

午

之韻

恕之道

大《易

勞謙

之義

孝

友淳

篤

事

從

古

矣。

天資

超

穎

非

凡

才

可

及

而

體

夫

子

忠

浹

旬

始

諭

宰

執

注

意

委

任

可

謂

不

膠

漆

而

1

后

孝

宗

獨

與

公素

定

於

數

旬

之

前

近

將

族

姻

具

有

恩

意

官

同

姓

者

六,

異姓

者

Ŧi.

閑

。 曰

平園

老

叟。

孝宗

生於

T

未

時

輔

相

少

自

號

省

齋

居

1:

中

年

日

青

原

野

夫

既

貴

而

多

在

丙午、

1

未

閒

0

公及

派

相

 \pm

一公淮、

參政

兄

如

諸父。

自

奉

甚

約,

絶

聲

色之娱。

周

卹

五 五 三

筆 者 跋 公之細 飛 議 科 以 傳 優 忠 百 又 平 之語 歎 卷 舊 無 銘 誦 録 襄 游 園 一,藏 藁 公 遺 鳴 以 服 平. 奉韶 胡 續 《》、《政 呼 恨 爲 不 考古證 袁 藁》、《掖 於家。 親 忠 模楷。 末爲《三忠堂記 者 銘曰 使 勝 簡 征 録 也 ×, 里 皆郡 府 書。 録 今,歲 代 其行於世者已多,屬文 》及《 應 若克 公之文不待 承 垣 矜 有《省 風 人 制 明 叢 式 閑 流 也 藁 藁 月先 勤 集 居 × ×, *, < **一齋文** 小物,誘 於 精 是 《歷 紀 後 焉 確 謂 玉 玉 兼 録 贊 官 藁 盡 簡 堂 歐 通 堂 》等書 揚,微 × 表 公之 矣 嚴 陽 徹 雜 類 掖 奏》、《 藁 明 記 文 後 某 幾 别 É 美 忠、 × *, « 進 之士 總 何 於 至 藁 ^ 龍 詞 皆 足 絶 題 奏 楊 讀 而

樂

哉

平.

袁

晚

陳

几

事

不

于

言。

既

掛

衣

亦

命

禹

首贊

大

議

龍

飛

再

覩

功

成

身

退

冠

無

與

世

道

胡

不

百

年

遺

此

老?

作。

獨

步

禁林

不負

所

學。

<u>二</u> 十

1

年,

相

爲

始

以

文

鳴

芸

省

蘭

臺。

高

文

大

册

追

配

古

謾

畏

縮

慨

不

足

用。

堂

堂

益

公,

負

王

佐

才。

合,

奚

翅

斷

金

?

於

皇

孝

宗,

才

選

於

誕

始

終。

屢

路

而

奮

致

身

Ŀ

公。

堯

既

授

舜

舜

攻 媳 先 生 文 集卷第九 十九

銘

刻

惟

子

是

似,

觀

行

取

則。

後

其

有

興

視

此

隕

于

堂

人之云亡。

不

Ì

者

存

文

章光

安

得

奇偉

直

道

而

行

無

患

失

心。

有

遇

古

所

歎

吝驕

平凡

動

則

爲

己

不

合

是

憂

世

非

乏才,

何

謂

才

難

有

君

無

臣

自

?

先生文集卷第一百

攻

媳

四明樓鑰大防

神道碑

簽 書 神 樞 密 院 碑 事 贈 政 殿 大 學 士謚 節 愍 Ŧ

是。 有 日 口 忌 也 凡 前 殊 嗚 忠 皆 不 呼 而 臣 風 以 思 義 俗 爲 自 時 靖 士 大 祖 熙 伏 禁 康 敝 宗 寧 節 夷 錮 時 涵 死 虜 至 木 養 義 之禍 當 章 苦 幾 之士 或 不 蔡 者 慘 百 絶 容 用 矣, 惟 年 立 事 務 無 自 於 變 不 H 古 Mi 世 更 甚 應 僅 所 尚 如 至 有 未

> 然者 當 傑 巇 以 以 軀 蓋 建 手 是 諂 身 之 盡 炎 是 以 無 者 濟 相 佞 ± 望 時 圖 或 瘁 以 策 女好 有 如 其 不 身 事 來 首 宄 年 而 機 然 節 可 利 則 矣。 有 愍 及 智 募 亦 待 尾 無傳乎 奮 闆 公者 其 多 安 衡 能 勇 文 身 茸 知 辯 事 以 决 使 王 犯 時 貪 所 出 高 絶 難 攫 而 比 忠 廟 黷之人。 謂 爵 倉 域 取 後 之前 義 謨 或 猝 主 重 美官 興 出 蹈 顛 爾 辱 禄 者, 後 執 倒 於 不 忘 臣 所 諸 天 測 節 家 禍 當 安 死 甚 誘。 性 之淵 公, 抗 者 事 變 能 之 則 前 虜 忽 任 若 又 及 賣 自 義 者 起 其 卒 夫 或 此 非 哉 又 有 卓 徇 捐 冠 豪 抵 搏 非 1

子 師 臣 六 是 世 仲 尚 公諱 祖祜 子 手 書 文正 令, 植 倫 以 字正 兼 文章 一公旦 槐 中 者 書 起 道 相 也 令, 家 真 0 世 宗, 追 終 事 爲 封 兵 太 而 大 晉 部 祖 名 王 或 侍 氏 府 太宗 公。 郎 幸 益 縣 爲 生 贈 名 太

之 李氏 對 兵之利 之 往 論 定 子 李 太 亂 有 夫 居 而 太 平日 賢 蔡 或 太 氏 贈 來 大 氣 尉 無 京 翼 欲 者 夫 傅 京 悔 志 節 京 師 贈 H 贈 人 太 則 洛 欲 人。 不 罪 有 授 廬 子 慶 魏 傾 公之五 讀書見 妣 季子 浮 自 惡 護 迪 使 官 太 Ш 或 或 心 父毅 趙 來 功 貧 沈 保。 軍 細 爲 乞 夫 夫 事 氏 諱 矣。 郎 行 富 驕 道 俗 IE. 人。 之。 古 世 從 充 憧 間 朝 贈 士 妣 相 典 喜立 人 公生 九 祖 資 不 散 李 福 太 祖 刑 都 義 宣 從 頗 也 可 靖 或 氏 郎 師 元 大提 以 奇 H 概 和 以 於 因 用 康 夫 在 節 贈 弭 贈 俠 事 之 曾 禮 是 朝 官兵 於 虜 政 舉 太 内 自 秦 季 請 祖 義 犯 得 必 輕 守 和 子 是 憂 任 或 端 之 罪 大 京 部 慨 繼 財 知 間 禦 太 E 夫 門, 夫 晁 城 然慕 郎 好 天 通 使 然 嘗 書 書 聞 師 人 公公 施 中 氏 F 加 贈 議 奏 言 Ŀ 士 則 司 之。 以 幹 貧 妣 召 民 將 夫 少 公 疏 贈 太 繼 大 贈

宗愕 相 始公欲 以 門。 駕。」 十 二 倍。 置 辦 有旨 左言 見 緩 立 官 效鳴之時 出 邪 籍 公 統 功 鄭 王 前 俱 然 月 ? 建 班 £ 制 是 次 姓 事 旦 實 使問 宰 召 直 雄 官 以 之孫 戊 弟 名 人 欲 願 也。 見 執 而 蔣 渠 選 之, 虜 申 斬 劫 爲 以 、公宿 赴 未 宣 慥 健 拐子 先 也, 之。 蔣 内 虜 公 之 便 李 等率衆聲 殿 得 日 卒 攻 宣 帑。 自 謁 宜 日 有 攜 廷 : 縋 通 城 禁中 即 日 等, 宣 0 都 從 致 以 議 津 而 事 大言 掃李 公復 大守 化 人, 餘 虜 君 事 事 首 出 門 - , 乞命 亟 門 皆 言 _____ 澤 攻 戰 戰 拐 矣, 忽 公 派 日 乞以 禦 人,公 奉 股 傅 之 民 獲 子 於 相 虜 又 請 使 皇 栗 慥 從 之 兩 城、公 捷 殿 懇 邦 失 臣 慥 孫 帝 將 速 聽 之, 術 旬 往 下 彦之 利 日 行 真 兵 分 傅 奪 命 兵 不 嵩 麗 小 . 無 宗 \equiv 士 賞 説 保 萬 兵 門, 能 呼 景 却 路 傅 朝 此 或 氣 贵 統 勝 扈 百 東 門 F 某 欲 自 故 欽 與 華 法 會 月月 口 録 制 云

誤

大計

或

至

天

子

蒙

塵

雖

誅

相

公

數

百

輩

何

何

人,乃至

此

邪

?

又

面

斥

其「不

材

寡

謀

必

曰

若

何

人,

敢

至

此

邪?」公亦

叱

日

爾

.

萬

誤

或

臣

當

伏

死。」公怒

髮

衝

冠

桌

叫

益

桌

怒

狂

生

言

既

不

用

恐

爲

亂

請

豪 欽宗 數 命 俠 女 萬 整 臣 真 忠之, 齊 皆 奉 不 六 陛 識 口 械 事 送 執 E 御 誅 者乞换公左武 御 ,公皆不拜 史 之, 批 府 V. 且 將 於 從 ,止循 就 置之死 班 \$ 大夫、吉州 中 衛 修 以 地 + 職 免。 賴 執 郎 之。 上 E 又 防 全 次 得 禦 E 護 間 使、 H 意

獲

免

用

未

决

公

桌

畫

旨

出

都

矣

帶

御

器

其

平.

日

能

服

役

之,

當

募

死

士

盟

果

如

臣

言

今無

它

策

京

師

進

比

歲

嘗

上

書

言

大

遼

不

口

滅

F

侍

上

皇

挾

諸

王

决

韋

南

幸

0

多 倍 抗 太 試 高 E 得 制 在 同 公 宗 書自 ? 辯 晉 道 璽 不堪,公談笑自若 詞 尚 ,旁若 或 奉 而 遂 略 IE 書 何不 聖北 璽 伸 行 歸 云 市 思 命 勸 前 漢 擇 部 無 魏 齎 會聞 進 志 0 狩 人 胄 侍 迎大 絳 人。 公見 ,乞使沙 虜 出 郎 以 即 高宗 大 帥 罕 公侯 元 和 轉 河 元 粘 憤 帥 戎 張 朝 勉 東 移 罕 帥 怒 漠, 康 9 邦 資 奉 蹕 以 汝 大 已 留 M 王 郎 昌 問 節 兼 惟 金 焰 其 次 ? 之 義 智 揚 軍 雲 遠 借 南 熾 問 ,公走行 同 聖起居 勇。 前 甚 慕 京 中 朝 : 然 韋 公公 侯 通 議 尚 從 朕 即 或 拱 生 問 大 與 侍 未 行 方 與 踵 使 在 之 俯 時 淵 安 御 淵 知

説

E

以

問

公,公曰

.

此

必

誤

或

非

臣

之

肵

敢

聞

悟

曰

:

倫

之言

是

也

桌

進

日

勸

幸

青

城

者

· 字

相

何

桌 已主

和

議

將

用

其

下

勿

疑

三且

請

F.

御

祥

曦

殿

慰安

中

外。

時

有

1623

再

對

自

言

己

得

數

萬

悉

願

效

死

幸

陛

成

口

除

尚

書

兵部

侍

郎

既

拜

賜

以

出

次

H

軍

召

募

死

士

且

以

片

紙

批

日

.

王

倫

事

0

慰

必勞甚

厚

解所

佩

夏

或

寶

劒

以

賜

澤 不 兵 下 恩 援 契 大 視 曰 黄 商 由 兩 利 至 馬 丹 金 之。 深 佑 於 於 日 是 龍 人 宫 先 天 大 厚 不 委 先 粘 相 陳 安 兩 府 此 使 大 ,人未 忠 金 持 宫 可 頓 語 罕 比 大 否 天 地 聖 使 始 之時 告 渡 邪 及 勝 聖 公 所 聖 神 師 H 恐 契 鳥 使 ? 江 知 計 結 老 厭宋 明 贊 以 北 禱 敗 深 臣 陵 本 丹 盟 契 安 狩 糧 語 殆 也 於 使 盟 人 事 思 朝 楊 海 丹已 可 生 盡 天 先 成 副 公公 謀 約 中 永 Ŀ 今主 崎 欺 ,使 大 即 雲 使 靈 至 興 亨 以 滅 嶇 也 日 終 聖 中 約 遺 使 塗 驛 朱 朝 E ? 大 Ŀ 而 之 敗 身 冥 之功 炭 告 爲 公 涌 法 尤 衂 江 不 冥 金 金 急 兄 我 大 弁 勺 \$ 爲 南 之 從 弟 之 金 道 但 死 口 及 使 之 聖 桀 中 贵 臣 即 君 見 紫 知 爲 洪 新 信 達 驁 後 皇 太 必 非 遣 大 言 年 含 屢 我 公 L 通 賢 請 帝 喪 忽 金 后 有 目 有 兵 朝 焉 意 皓 貌 前 在 失 進 才 德 稱 所 南 重 與 與 有

> 知 勝 和 春 沈 來 子 母: 並 主 1, 粘罕 答。 天 者數 免肝 思 天 用 E 决 日 眷 天 臨 非 必 • 輩 腦 遣 忽 復 定 南 圖 塗 於吾 來 若 朝 侍 亦 復 我 地 盛 實 郎 能 讎 非 之苦 土 所 情 言 勝 尋 疆 陳 問 盍 人, 盟 兵 是 直 幸 皆 講 爲 也 衛 侍 來 惟 未 兄 遠 爲 郎 公裁 弟 復 當 知 延 贊 謀 私 之好 對 何 X 達 成 意 今乃 歸 爲 問 之。 此 大 爾 ? 我 日 意 計 使 粘 0 公 遽 南 聖 罕 衆 明 使 思 北 欲 日 不 能 謀 議 年 赤 太

撰 以 弟 境 奏,各授其家 天 有旨 ,主管萬 所 語 從子。 議 勞 紹 付 興 獎, 趣 改 之。 壽 特 覲 公之 元 觀 轉 粘 具 時 乃 右 將 賜 奏 罕 劉 以 朝 歸 銀 不 羈 豫 公 議 絹 犯 從 留 歸 日 大 邊 曲 議 夫, 充 遂 干 折 事 和 攜 洪 匹 戰 皓 皓 兩 虜 右 未 官 情 母 弁 文 年 決 老 底 其 書 殿 秋 藴 請 修 歸

書

及

使

公

 \Box

使。

至

南

京

僞

齊

授

左

中

大

夫

樞

帝

顯

肅

皇

后

計

至

主

管

江

州

太

平.

觀

居

計

詞

意

間

切

覬

E

Ш

東

河

朔

久

望

王

師

堂

擬

除

邊

帥

公公

謂

在

左

朝

議

大

夫

尚

書

賜

拜

以

謝

中

時

事

E

日

主

物

足

矣。」

E

聽

取

去

金

爲

之。

公袖

之,

拜

此

召

問

之,

公

日

.

1

問

幾

何

時

在

御

書

倨

不

口

告

語

上

聞

年

韓

肖

胄

使

還

虜

谱

1625

吏部 人不 F. 除 密 或 機 館 凡筆 會 盧 以 之 院 李 親 喜 虜 公 都 書 稽 中 侍 於 不 自 出 日 永 公等 徽 征 性 奏 當 承 鴻 格 可 郎 知 知 : 壽 旨 猷 徑 貪 鎮 納 慶 失 日 七 兀 充 厀 大 遠 閣 人 宫 术 紙 0 金 年 非 王 充 之 但 送 力 臣 待 來 驛 之 春 幾 主 詡 王 但 移 伴 激 训 陳 屈 難 屬 制 爲 踵 倫 得 請 故 使 與 使。 賂 文 進 也 其 我 至 宗 借 道 皆 指 取 梓 案 耳 不 加 取 請 直 皇 大 借 勞 雲 精 辦 廟 上 或 宫 驕 無 報 謝 补 音 训

以 自 使 絫 虜 終 此 廢 人 之。 導 豫 和 好 意 議 賜 使 云 於 無 特 謂 是 復 異 公日 仗 間 侍 徑 節 阻 郎 : 除 來 少 所 歸 但 歸 休 借 有 報 職 E 當 皇 上 任 馳 帝 在 議 奏 彊 建 者 矣。 康 梗 須 掃 是 不 嘉 去 久 歎 倦

 \exists

沿 事 者 至 駑 誘 爾 睦 兵 ? 中 功 是 季 邊 相 蠟 無 未 知 諸 陷 彈 明 H 父存 密 以 若 年 爲公之族 及 將 旗 耳 獲 酋 以 佐 0 發 姦 和 徒 榜 又 欲 書 相 中 議 公曰 細 而 見 往 結 來 視 興 文字 白 謀 往 見 太 無 定, 餘 返 泄 押 撻 公大 行 語 辱 通 猶 奉 辣 存 朝 語 義 虜 示 詰 豫 付 命 言 廷 於 喜 初 士 捕 IE 公: 明 ,公之族 祁 公。 報 徑 無 各 存 恢 降 至 擣 理 州 欲 黨 素 存 約 南 虜 . 乘 專 奉 虜 囚 心, 既 巢 束 朝 某 時 有 出 使 以 之 還 欲 幸 贵 諸 求 自 聞 講 只 留),改合 地 和 竟 恨 復 信 是 公 尺 軍 京 拘 斯 敢 寸 欵 脩 招 疲 師 而

之日

猶

生之年

詎

敢

以

登

頓

爲

勞?

嗟

異

公益 存 謝 堪 欲 情。 陵。 士 腦 謀 謁 曰 宣 人 重 \pm 之 上 某 . 侍 進 官 加 其 疲 9 從 茶 爲 勞。」 旨 公泣 如 容 今 厚 加 廢 郎 極 具 迎 止 念 i 信 進 虜 劉 至 Ш 賜 日 願 H. 詳 奉 公請 闕 豫 拜 東 斗 遣 任 日 親 遂 獲 思 華 梓 朝 張 Ħ. 下 以 . 見 謀 真 遂 T : 宫 辭 御 益 之 通 曲 陛 伸 但 郎 公公 此 所 社 歸 使 古、 札令公籌 力 Щ 盡 稷 祈 事 請 主 期 F 九 尤切 亦]1[臣 鳥 州 於 兼 臣 知 請 明 敂 拜 真 太 少 禮 也 陵 之 劉 必 請 H 請 賜 口 效 遠 虜 思 外 0 齊 遂 濟 1 太 」 上 度, 伐 使 上 主 寧 之 謀 荒 不 行 撻 母 復 也 臣 喜 大 既 告 别 欣 廢 報 寒 辣 易 淵 借 之 賜 公之 聘 既 殊 戒 以 然 見 否 跋涉 日 聖 龍 北 職 之 金 見 其 領 撻 使 曲 祖 朝 啚 來 酒 辣 略 虜 0 非 宗 雖 恐 始 者 盡 閣 將 主 公 死 具 聖 學 龍 朝 不 於 相 思 111 大

之比 悦 良 兀 來 久 燕 及 龍 境 啚 犒 閣 連 而 \equiv 學 不 肯 士 H 進 侍 遂 揚 讀 决 言 大 議 虜 日 . 漕 蕭 歸 此 哲 奏 非 E 它 石 使 慶 大

之, 行 客 來 借 者 贵 即 ? 無 端 日 口 如 既 明 用 渡 何。 殿 就 平. 淮 學 館 相 時 副 士 禮 舍 見 使 數 侍 公 有 藍 相 讀 索 慙 公佐密 待 充 副 色 ? 計 書 日 議 奏,乞 及 邀 . 使。 議 索 何 朝 白 命 煩 哲 見, 端 端 . 等 公 民 既 民 僞 地 事 方

迓

聞

明

遠

問 公力 行 作 事 哲愕然,既 何 不 如 爲 見 E 此 ?」公曰 疾 語 王 連 被 足 則 端 久之, 人,令子 日 命 當 瘡 明 何不一見?」公曰 再 未 不 再 來 行 徐 能 肯 詣 議 弟 當當 陛 道 謂 河 既 事 扶 爵辛 所 公 北 不 11 以、欲 掖 何 軍 相 日 須 賜 哲 耶 . 前 聽 坐 問 ? 議 口 損 不 何 館 之。 日 命 朝 E 决 憚 伴 簽宣 議 以 儀 於 聞 使 定 退 調 行 此 之, : 取 不 護 公 ? 遠 旨 遵 即 兩 曰 人 去 哲 故 欲 哲 俾 H

> 肯 人 見 啓 或 起 書 居 進 割 書 地 如 講 儀 和 許 下 還 喜 兩 懌 宫 及 梓

公: 公 又問 既 聞 厚 不 府 南 屏 遺 大發 界使, 行 始 齊 見 向 京 盡 賜 之, 安堵。 人問 留 虜 之 九 還 連 岳 護 進 貲 主 年 主 交了 知 即 兼 促 諸 士 飛 倉 春 名 之,遂言 和 密奏乞令張 元 出 東 將 守 JŁ 庾 兀 者 真 落 身 帥 京 許 去。 西 以 耶 术 以 盡 後 充 京, 留 除 多 撻 賑 律 備 守。 端 爲 六月 司 疆 辣 兀 窮 親 紹 迎 吴 不 兀 明 界 等 术 乏。 文 信 公 護 虞。 玠 公既 俊 殿 术 渡 罪 有 聞 作 梓宫奉 人 守 而 守 學 所 否? 兀 河 害 見 其 宣 略 上 長 交河 東 屠 术 撻 公、若 紛 勘 安 不 北 以 京 還 留 簽 辣之意。 擾 答 事 及 官 至 示 南 張 韓 數 書 兩 歲 皆 以 會 大 欲 盡 傳言 世 寬 浚 白 宫 樞 變 不 臣 有 寧 逐 忠 恤 交 建 密 矣 知 府 却 問 持 督 守 取 割 院 疲

公佐 邪 欲 年 之 知 往 末 疆 知 辭 沮 寒 往 或 割 日 公對 貴 苦 元 嘗 若 君 閤 見 來 ?」公曰 不 口 河 無 若 日 禀 忘 南 出出 來 臣 明 通 者 **\$** 詰 术 宰 歸 請 往 臣 燕 海 网 如 爲之喪 歸 如 不 輕 難 執 乞檢 朝 父 和 良 上 往 前 請 初 . 梓 失 數 達 之好 之盟 ,●乞不 當當 輸 過 老 必 0 中 宫、 + 時 前 誠 汴 盡 談 度 膽 只 大 前 反 原 變, 耳 日 太 相 都 必 復 恢 道 奏 知 庶 0 贵. 發歸 蕭 公忠 母 結 急 歸 \pm 不 復 本 貪 有 幾 虜 已 哲 館 疆 得 有 朝 而 至 淵 衆 與 知 元 忍 Œ 命 等 憤激烈, 歸 它 無 今 聖 諸 事 民 帥 叛 又 人,切 未 則 死 齎 哉 親 日 休 遣 將 變, 親 始 以 通 口 書 不 天下 \exists 息 分守 夕 紹 離 待 與 不 將 至 無苟 亟 知 辭 如 文 密 是 議 久 太 泣 自 奏 本 有 皆 就 矣。 彊 所 行 平。 語 氣 H 1 朝 取 上 Ħ. 北 弩 驛 歸 以 風 又 人 不 副 以 矣 斃 去 之 侵 受 許 它 咸 朝 少 雪 則 金 虜 藍

> 以 期 紹 失 E 後 待 曾 文 前 至 白 報 啚 不 0 驛 知 將 自 無 傳 恩,反 分 言 是 驛,與 語 几 問 及 貮 旬 公: 其 我 無 公佐 私 君 所 _ 向 臣 聞 酌 拘 0 别 雲 十 云 遣 中 : 月 副 本 品 歸 庚 無 品 辰 還 留 悉

宇 乃 脅 聽 貳,臣之節 使,公力 孤 命 或 猥 . 以 澄 其 振 恩 威 絞 留 霽 衣 先 被 以 河 死 冠 臣 拘 拒 且. 忽 閒 辱 留 也。 實 文 之。 陰 南 六 復 君 正 雲 + . 望 年 命 貳 驅 几 晦 公 以 行 受 ? 而 虜 迫 冥 年 旦 僞 闕 命 荷 以 H 七 於 命 勳 則 風 官 公 甚 月 是 見 業 再 雹 生, 爵 公公 爲 戊 大 拜 逼 炳 雨 倫 平 不 午 慟 稽 然 雪 日 敢 戀 受 斥 也 實 首 愛 臣 則 咫 耻 駡 厲 君 尺 爲 路 死 之。 是 死 使 聲 不 或 日 命 轉 公 相 秋 將 言 又 無 運

0

堰

犒

賞

酒

庫

曾

孫

焯

從

事

郎

隆

興

府

新

光

州

録

事

參

軍

构

迪

功

郎

新

監

常

州

薛

剡

女七。

逸之子

几

人

:

梓

通

直

郎

機

文

林

郎

新

臨

安

府

觀

察

推

官

棠

迪

功

郎

焕

炎

從

事

郎

新

監

衢

州

都

酒

務

炳

郯

九

路

安

撫

司

公

事

榅

將

仕

郎

曾

孫

Ŧi.

奉

大

夫、守

將

作

監

兼

知

臨

安

府

主

管

网

浙

述之子 大 7 輟 以 不 六 夫。 視 勑 奉 E + 述, 朝 就 之。 Ŧi. 逸, 有 朝 平 報 河 朝 請 江 其 明 閒 0 皆 縣 北 不 盡 死 九 分 爲 陽 方 節 盛 人 孝宗 豪 將 П 公之亡 縣 Ш 令公家 仕 大 者 主 俠 淳 簿 郎 訪 Ŧi. 也 塢之原 得 日 巸 止 焌、 公 述 0 初 時 自 之 稱 是 搜 相 焴 聞 在 骨 冬 訪 專 燧、 X 虜 冒 知 於 和 問 之,始 身亡 萬 河 戎 爚 閒 之 死 擗 熺 功 踊

公前 使 始 非 它 投 視 暴 屬 人 如 烈 身 末 X 莫 虎 鳴 丈 鼎 酋 後 懼 知 夫 及。 未 Ŧi. 呼 鑊 公尤 禍 隨 反, 兀术、 粘罕 1 能 刀 易 久 宜 臨 之乎 鋸 詳 古之膚 以 不 應 死 之閒 乾 敢 對 生之際, 舌 出 道 使 悉 辩 述 氣 閒 也 中 等 郎 不 始 止 撻 又 事 摭 中 1 敢 以 洞 公 辣 機 公言 壟 鍾 狀 專 達 性 等 離 對 公之行 以 智 皆 勇 根 動 公 濟 意 决 忠 貪 松 能 及 横 義 大 如 如 嘗 使 事 此 出 狼 貌 爲 紹 事

故 命 與 歸 號 煇 卹 從 杞 葬 又忌 絶 典 兄 于 燦 枏、 勺 遵 有 公 E 之 機 飲 未 洲 百 女

賞

庫

杞,

修

職

郎

監

行

在

打

套

局

枏

中

朴

承

奉

郎

棣

承

直

郎

監

三省

樞

密

院

激

郎

通

判

光

州

軍

州

事

贈

奉

直

請

夫、

主

管

華

州

雲

臺

觀

人

石

娶

陳

氏

封

安

康

郡

夫

人。

子

家

贈

左

通

議

大

夫

賜

銀

絹

各

府

安

葬

仍

\$

有

可

應

辦

享

年

年

,公之計

始

聞

天

子

震

悼

特

覩

城

郭

内

外

地

皆

震

裂

數

H

懼

其

呗

1/

公

祠

家

繪

公

像

婚 公分 矣 此 公之名 于 未 權 諸 覆 愽 曰 有 熙 口 南 兵 盟 : 朝 聲 謂 义 展 連 謚 臣 孫 廂 士: 兀 謹 特 久 派 被被 績 禍 求 不 官 妄 年 此 助 摭 議 矣。 益 忝 結 銘 請 開 又二十 之 歸 行 贈 帥 居 命 其 以 顯 其 謚 邊 請 始 狀 當 資 臣 爵辛 宛 距 進 閩 矣。 先 節 房 于 言 母 謀 之大概,参以《 講 政 丘 用 公之亡 有 舶 矣。 愍 朝 某 其 講 宗 ,公最 而 横 殿 未 某妻 淹 生 易 行 有 盟 解 禮 大 艾 挑 擢 年 晚 公之從 異 名 學 蓋 部 也 强 祖 至 無 帥 後 才, 當嘉定 而 士 尚 六 竊 鄰 再 敢 I. 淮 出 某 竟 於 + 書 慕 部 至 又 西 行 疆 廟 以 孫 時 槐 是 公之 自 八 倪 不 尚 者 號 之 爲 之 進 行 在 庭 列 還 年 書 公 以 時 卒 功 也 尹 四 考 公之 濟 節 忠 思 俣 矣。 大父之志 枏 在 年 就 京 功 美 實 爲 義 與 兩 語 肅 時 -,公之 邑 和 旬 節 集 與 爲 某 爲 比 太 尚 有 家 月 議 請 書 晉 皆 歲 之 年 尋 締 城 常 而

之云 可 嗚 邊 措 以 請 靖 聞 ^ 兵 德 也 有 傾 日 劒 中 之萬 盡 以 於 與 遺 呼 . 置 臣 戒 以 以 銘 興 ? 恨 飭 後 愚 爲 唐 百 ! 序 网 大 就 俟 小 時 諸 患 直 儉 慮 淮 此 然 將 天 大 此 曆 與 假 將 公 0 難 爲 Ш 忠 則 富 未 又 舉 碑。 × 其 每 雖 練 者 安 抑 吏 水 公 貴 悔 臣 將 子 閒 先 兵 必 寨 足 聞 遺 大懼 間 雖 之 志 禍 俱 觸 明 備 居 以 取 惜 之 史》、 志 屠 士 怒 極 有 以 于 器 清 酈 醜 韓 通 骫 贵 故 沽 所 陝 大 召 外 脱 生、 誰 儒 信 虜 雪 骳 揮 專 所 以 臣 命 西 使 尚 肯 與 谿 不 有 唐 之文,不 時 塵 不 痛 弓 絶 以 之 存 家 未 進 顧 王 時 可 儉 録 廢。 弩 憤 求 域 俱 公 討 人 酈 知 乘 自 貽 ×, 手 者 九 和 而 銍 ? 生 死 相 之 書 處 自 其 及 京 爲 法 惟 足 不 之烹, 賀 所 所 宰 機 見 以 之 行 網 有 能 將 恐 以 功 作 不 相 品 之 才 自 英 哉 上 則 其 發 羅 何 行 智 沿 秩 必 泣 請 賀 必 必 F 必 用 李 潛 舊 御 節

則

雖

有

異

議

者

至

是

翕

然

歎

服

惟

公之

雹

地

爲

震

裂

或

者

蔽

之,

使

不

上

徹

有

子

身

天

作

風

虜

啖

以

官

成

功

高

眷

X

身

任

南

北

之

議

其

能

爲

也

公

初

自

奮

於

稠

Y

公之言必

不

苟

鳴

呼

!

此

徐

與

之議

則

版

啚

歸

復

何

止

蜀 笑 事 士 子 君 ± H 以 張 + : 餘 大 是 時 人 不 岢. 者 競 敢 所 年 願 不 以 從 最 勉 遺 高 公。 子 聞 孫 Ħ. 虜 有 多 邪 11 欲 病 許 以 終 留 及 貨 其 不 取 終

始

天

下

喜

聞

丽

樂

道

之,

而

登

載

于

書

者

同

尚

口

略

大

節

以

者 也 兀 相 被 雖 有有 歎 术 , 逆 留 微 日 輕 風 其 : 騎 暴 能 宵 小 雨 得 遯 人 戎 ± 行 不 心 壘 信 深 X \pm 舍 濘 如 端 間 此 大 明 知 爲 兀 不 劉 术 雨 公 之犯 錡 始 所 稽 順 破 昌 顙

語 事 1 中 復 説 天 河 尤 公 日 荷 敢 不 南 驟 非 南 偉 之 繹 輕 容 而 人 噟 朝 長 舉 公之言 已 南 力 欽 及 或 子 牧 其 宗 之 富 之 所 劉 且 死 H 而 兵 誓 之, 死 其 人 爾 顛 未 厲 各 兩 相 M 云 世 大 今。 酋 勸 之 望 生 宫 倒 誦 賜 立 用 視 識 之 0 銘 進 廟 虓 = 所 劒 決 得 之 公 爲 分 謨 槐 聞 暴 \Box 子 求 韋 干 生 之 其 晚 無 臣 不 橐 南 使 望 戈 其 遭 奮 痛 要 王 如 子 能 巡 絶 者 前 雲 間 1 領 哭 者 由 徒 族 齊 域 震 拘 擾 怒 布 以 奪 謀 手 不 系 驚 駡 其 衣 0 之 忽 疑 副 扶 不 ___ 緐 高 間 呼 昌 今 氣 及 上 逼 而 卒 有 親 皇 惟 小 特 直 心 用 陰 神 聖 F 殉 得 公 有 隨 都 表 中 衣 以 孝 方 數 出 忠 異 事 機 冠 公之 小

馳

至

韓

州

劉

公

後

親

以

書

淮

之

約

何

遽

如

許

小

人

違

天

也

0

乃

折

箭

誓

不

彊

徒

虧

和

好

,咫尺不

雨

是

萬

人

欲

奉

狩

于

北

奉

0

Ŧi.

以

節

行

勇

以

死

自

肆

辯

出

古

略

欽

宗

忠

È

憂

臣

唇

慕

奇

偉

鼎

盛

名

德

乎不亡。 臣子, 其 辭。 祠,寵 和 分驛之際,語不及私。 死孝,終歸其骸。 之有行,請 短。 議以定。 公亦勤止,萬里往 仰止忠烈。 數孔昭。 迨其執節,無 孫 益兵備。 有 帥 祖 淮 我 風, 尹 作 卹 京,得 捐 不 典 銘文,會秤衆説。 機 反。 雖 心 軀 有 死輕鴻毛,了 降。 將 頒, 請 可 命。 全軀之臣,尚糵 于 乘,雖烹何畏。 烈士所哀。 鬼 朝。 必 屢 厲 探虎穴, 隆 賊、公 無異 名世 萬 公 世

攻處先生文集卷第一百

攻媿先生文集卷第一百一

四明樓鑰大防

神道碑

寶謨閣待制贈通議大夫陳公神道碑

其 蓋 以 寶 天 X 謨 先 子 非 聚 飾 閣 自 它 其 歎 嘉 而 閩 待 泰 人 終 日 相 徙 者 制 云 弔 È 年 温 如 此 四 之比 遺 州 故 吾 集 方 瑞 奏 典 舊 英 士 也 聞 安 學 殿 夫 縣 門 修 贈 聞 且 公 弟 帆 撰 之, 四 諱 書 子 遊 陳 官 傅 命 鄉 哭 無 公告老 之臣 良 之 湗 録 不 失 其 字 村 衋 也 聲 後 君 里 傷 于 者 朝 舉 除 里 所

淵 公景 公天 父以 傳 自 滆 安,公曰 年 參 者。 勉 公 何?」公釋 舍,士子 我 甚 軍 八 以 E 龜 昔自喜 分 插 讀 興 朝 梅 公 世 歸 衡 少 Ш 力 化 高 潭 書, 楊 也, 請 貴 矣。 莫 亦 周 教 : 劉 勝 中 公 即 邃 一毋 然 不 公行 絶 官 而 累 興 復 時、 其 於《易 仙 壁 曾 增 歸 人。 日 名 贈 以 之 立 不 得 巖 於 祖 建 進 敬 己 千 已 來 朔 朝 敬 倚 公程 也 數 隆 學 靖 安 ×, 里 言 歸 高 以 請 0 天。 薛 游 問 公 師 教 南 祖 伊 心 士 大 文,以 寺 親 公 理 開 心 親 授 其 薛 省 邦 夫 見 洛 龍 性 酢 IE 悟 見 門 友 鄉 爲 第 氏 之 兄 之 日 之 伊 士 神 受 父 薛 爲 里 有 妣 學, 梅 學 外 : 龍 解 111 徒 彬 氏 絶 人 後 不 潭 徐 者 以 先 見公, 東 比 於 惟 祭 出 來 X 口 而 宗 篤 皆 氏 生 參 仙 南 忽 文 苦 永 相 爲 解 贈 永 不 行 若 得 之 公之 嘉 問 巖 倚 志 從 於 云 司 仕 **\$** 許 1 其 僧 隊 於 如 所 户 自 113

業 賢 之名 幾 不 末 於 以 最 實 惟 布 口 爲 動 於 其 粲 治 斯 久 用 馬 薛 而 家 尤 色,文體 名 文 法 道 氏 造 大可 所 如 盛 凡今名 有 爲 後 動 可 治 論 也 其 出 己 宇 以 著 最 以 陣 任,綜 書 内 興 爲 深 本 加 如 行 圖 士 者 朝 滯 公 以 於 之 以 得 蜀 六 不 名 考 補 屬 臨 理 之 其 中 經 訂 變。 公 過 敝 當 民 研 説 文 論 該 鉅 數 千 世 治 精 復 學 者 通 至 人。 卿 載 等 之 軍 經 古 最 委 傳 不 小之 文 務 之際 史、 自 至 盛 曲 人 口 公 井 道 所 攷 夷 縷 貫 自 讀 則 真 田 條 在 覈 貊 數, 穿 爲 之 公 擅 可 流 舊 百 王 者 一游 舉 畫 場 視 自 施 聞 播 氏 制 子 本 從 之 無 韋 屋 前

公 衽 劉 次 君 F 之, 風 春 乾 道 徐 胡 八 六 君 公誼 年, 年 時 公之 等 又 始 皆 次 人 之,薛 高 鄉 太 郡 弟 學 蔡 人, 公 士 公 非 叔 幼 無 公之友 似 賢 學 鮑 不 爲 君 肖 省 則 潚 兀 其 歛

事 居 裨 既 辭 衆 堂 古 年 用 宰 未 江 徒 相 風 人羔 贊 梁 罷 0 除 采 也 : 相 赴 西 也 就 臣 用 政 就 事 年 公克家得 不 欲 陛 以 是 授 尤 迁 則 鴈之禮 尋 亦浸 職 會 始 擇 事 人 書 爲 轉 朕 下 奏 泰 主 幾 太 赴 自 取 孝 運 形 良 幣 州 所 管 學 月 郡 有 服 名 時 判 宗 教 迹 法 招 素 台 不 録 公喜 相 車 矣。 儒 盛 官 之, 授 也 日 州 知 卒 闕 提 行 嫉 駕 爲 事 . 以 崇 者 甚,以 改 以 願 舉 者 幸 E 於 \pm 求之 太 歸 0 道 待 專 與 兩 學 問 荆 林 世 既 學 觀 添 除 次 擅 浙 定 登 爲 所 有 湖 者 參 録 政 差 改 命 不 論 交。 西 起 誰 推 年 甲 南 衆 政 委 承 通 改 矣。」 路 罷 者 科 知 之。 闕 路 龔 以 判 奉 下 公 提 闕 桂 常 時 龔 公 越 郎 公 而 福 朝 一善辭 點 日 陽 公 茂 平. 公 淳 果 對 睥 拘 初 野 州 刑 軍 茶 悉 實 熙 龔 無 孿 睨 官 良 想 獄 此 鹽 閒 心 公 異 者 行 帥 七 望 帥 上 不 而

年

始

迁

起

居

郎

紹

巸

末

年

龍

誊

讀

未

幾

除

起

居

舍

兼

權

院

檢

討

官

皇

子

嘉

干

府

妙

選

也

__

朝

列

傳

誦

實

黄

公

裳

之

詞

首

色

夷

而

氣

温

儐

者

贊

其

於

廟

容

臣

訓

詞

F

:

朕

H

御

便

朝

延

見

郎

公

敬

謝

而

退

以

~

周

禮

説

進

有

所

著

書

進

來

0

時

L

臨

朝

淵

默

幾

何

時

?

朕

欲

見

卿

久矣。

知

奏

留

爲

吏

部

員

外

郎

初

對

E

奏

事

再

人

脩

門

須

鬢

如

雪。

派

倫

天

地

觴

之

見

嘆

E

幾

年

陳

君

舉

尚

口

救

荒

力

不

能

辦

申

請

减

額

損

遂

及

方

以

服

勤

使

事

嘗

感

講

荒

政

所

及

者

廣

進

登

極

銀

公

在

桂

陽

蠲

除

宿

負

罷

弛

斜

科

糴

諸

郡

米

至

萬

斛

漕

司

亦

蠲

遇

必

欲

連

名

騰

嘗

贊

嘉

等

在

Ŧ.

剴

切

痛

名 官 擢 使 卿 寒 \equiv 中 日 錢 樓 相 吏。 也 之 書 寮 罕 學 外 疾 干 祕 數 0 則 問 留 倉 補 兩 書 問 萬 舍 有 汝 寢 以 兼 卿 公 至 有 口 深 邪 緡 聖 少 實 實 屬 公 傅 去 是 不 郎 IF. 則 監 語 醇 或 惠 期 録 良 白 以 兼 方 力 補 者 矣。 躬 之 邸 邸 憤 身 奏 時 臣 退 既 長 云 論 而 行 IE. 至 任 於 指 而 思 復 1 爲 或 自 其 其 L 度 去 不 失 之 虧 義 補 陛 古 中 陳 百 大 然 化 F 耳 餘 稱 渦 下 終 = 責 以 官言 班 今父子 利 臣 意 骨 賀之儀 宫 不 更圖 屢 開 紙 加 害 請 而 又 不 臣 鯁 之 加 之。 許 導 請 對 下 從 之言 口 貪 無 賢 歡 譴 人 之 臣 君 直 更 丽 品 戀 公自 奏 所 \pm 又 以 習 遂 臣 草 進 前 厚 則 而 嘗 不 出 之 F. 有 必 品 奏 讜 恩 言 臣 若 以 奏 用 幾 베 際 掛 敵 不 言 又令傳旨 等 亦 受 曲 不 會 疏 未 其 無 冠 己 耳 如 人 不 講 慶 謂 不 盡 垂 從 至 虚 之 忍 之 以 家 之 聽 闕 世 事 0 用 讀 班 感 决 傳 月 下 大 之 節 E 皆 蓋 多 之 所 必 去 臣 則

上

雖

犯

顏

極

有

致 爲

法

今

不

能

勝

爲

空

不

能

堪

日

奏

受, 不 口 玉 音 既 賜 行 口 授 0 袐 公 閣 即 修 申 撰 省 乞 嘉 致 王 仕 府 贊 宰 讀 輔 留 之

娶張 監 簿。 文 修 平 矣, 子 朝 + 再 狂 兼 1. 异祠 男二 字孝愷 撰 議 興 直 鎮 率 有 而言 學士 (國宮 降 氏 皇 連 江 師 大 禄 上 府 朴 人 日 病 江 夫, 名 三官 者 終 革 一院 縣 凌 御 之女, 遂 指 承 幼 爵 師 于 慶元二 謝 派 極 口 除泉 其 務 實 昭 永 轍 罷 薛 里 酒 事 學術 郎 以 以 , 字 嘉 録 第 師 庫 祠 迪 州 婦 中 遂 院 縣 年 享年、 雍 潘 景 功 0 女七 不 有 書 德 開 口 次 復 子 嘉 惠 郎 以 E 著 次 修 舍 或 順 劾 泰 主 病 人 六十有 對 聞 撰 安 男, 其 罷 次 力辭 一之命 管禮 召 豐 , 先公九 年 在 爲 食邑 長 適 還 謂 軍 敘 太 提 適 郎 從 七 兵 壽 除 舉 可 E 三百 兼 復 政 迪 部 + 行 春 積 集 朝 江 年 侍 郎 功 元 一月 架 素 縣 英 州 官 奏 卒 户 官 講 郎 主 閣 對 殿 藴 至 太 新

福

州

適

迪

功

處

州

州

尚 學 尉 二子奉公之喪合 教 幼 徐 授 沖 林 令人葬 次 子 適 燕 進 於 次 士 前 焉 適 張 Ш 迪 紹 開 功 次 禧 郎 適 元 新 進 年 福 士 州 張 月 連 疇 庚 江 申 縣

建 後 業 光宗 諛 書 公行 高 觀 之心,澤 朝 口 隆 人 墓 0 多 掌 書 垂 企 至景 之詞 忌, 及, 别 統 敢 誼 鳴 内 則 以 摭 有 呼 著 專 舊 卒 外 求 民 無 德四 高 也 其 于 木 之 欲 制 以 非 之古人亦 識 論 愛惜 鄉 以 得 具,其説不 奏之孝宗者陳 叮 + 公之赴郡 作 奏之大 經 曲 公之 究 傳 Ŧi. 帷 民 文 之法 其 年 述 史 力爲 自 抱 經世 未 閒 作 者 館 出 易 負 免 擅 不 列 易。 而 南 本 機 一之學, 偉 多 之,然 于 深 征 奏 杼 之。 爲 傑 得 當 謂 攷 仁 事 北 不 也 類 世 學 爲 伐 厚 之 . 而 蓋 後 遇 非 澤 未 故 博 去 可 藝 公 不 受 知 今 牘 痛 而 嘗 憂 待 裕 其 知 祖 歸 人 而 也 所 非 名 自 我 創 或 覲 屢 無

難

口

畏

罰

而

蓋

天

焉

月

椿

苗

以

是

取

1637

民 使 出 錢 雇 役 而 逸 其 力 也 自 罷 募 户 恤

哉 茶 之 公奏第 命之永不永 + 之 祖 計 無 而 皆 其 民 盡 司 之 引 額 之 額 斛 供 金 在 之困 它 始 至 曰 上 約 盡 州 1 銀 面 E 雜物 奏 係 今 隨 束 歸 供, 倍 縣 錢 九 極 曰 立 取 爲 省 所 劄 都 帛 爲 不 矣。 : 之 宣 至 E 在 茶 額 會 輸 子 熙 綱 切 而 折 崇 和 供 糧 場 莫 送 運 寧 民 方今之 紛 古 不 變,取 乃 而 之 税 寧 草 急 則 力之 鹽 更之。 折 盡 所 初 是 是 經 遂 雜 額 於 有 鈔 帛 謂 皆 增 取 無 處 物 制 之科 此 ***** 寬 患 盡 富 定 置 和 數 熙 不 七 項 紹 何 新 不 歸 藏 買 大 之 但 千 在 倍 寧 額 敷 封 寬 興 法 榷 天 中 説 之 以 但 州 用 之 椿 既 貨 下 類 祥 此 贵 事 留 處 抑 縣 百 夷 既 總 務 者 行 不 特 者 置 元 符 州 不 狄 西己 几 制 也 秋 豐 爲 甚 於 與 增 始 錢 ? 上 元 + 贓 升 所 後 領 使 口 軍 以 版 軍 也 微 民 褒 而 美

供

耳

1

供

取

藝

則

有

物

雖

諸

道

萬

事

年

之者 之害。 今 此 遂 次 以 機 簿 著 壯 方 大 匆 則 法 復 安 世 士 法 保 著 罷 保 是 亂 察 通 而 T 守 夫 則 長 爲 募 縣 石 舊 盗 役 法 T 也 而 至 付 能 耻 其 令, 充 計 乃 取 賊 法 不 隨 役 利 此 之有 言 其 若 甲 改 變 之, 自 得 而 與 即 以 法 其 又 之,章 安石 頭 錢 有 出 亂 行 不 紛 非 轉 甲 雇 免 魚 今 司 催 於 保 之 之 壞 更。 鱗 頭 錢 役 王 而 , 之爲 税 甲 也 餘 隸 厚 安 爲 以 同 初 而 代 法 保 過 能 以 至 總 加 保 石 封 比 大 不 人, 之 熙 爲 檢 IE 紹 耆 制 力 之舊 保 甲 椿 屋 魚 相 舊 寧 長 坐見 行 成 指 聖二 户 之 0 之 計 長 歸 維 長、 催 憲 自 之, 章 類 而 嘉 催 法 之。 簿 莫 科 特 年 有 行 厚 祐 起 壯 熙 是 於 科 此 條 敢 章 役 萬 爲 是 保 以 矣。 寧 斯 催 1 是 也 法 議 古 厚 法 罪 以 之 元 七 甲 0 前 役 民 科 爲 設 魁 有 Ŧi. 保 最 悉 祐 屬 但 五. 者 申 年 古 元 法 等 大 豐 等 白 嚴 議 無 用 匆 以 始 以 甲 而

若 矣。」 按 横 傳 還 錢 亂 之 爲 身 除 行 而 源 而 其 公 爲 去 比 與 黄 其 T 並 誦 内 行 役 F 裳 0 獨 侍 率 留 偏 其 書 封 切 特 進 法 非 於 還 當 省 給 裨 在 行 大 逢 吴 論 除 故 此 若 雖 原二 窮 臣 池 之。 臣 押 張 事 詞 事 公公 放 挺 泛 未 班 中 以 尤 陽 子 頭 上 民 力 之除 議 其 然 者。 足 真 命 所 幾 逢 請 仁 瑣 則 此 遇 論 美 沸 宗 以 樞 至 原 未 之 代。 皆 引 達 事 觸 觀 尤 騰 源 臣 軍 麓 詔 盡 喻 建 公平 攝 唐 輒 之言 雷 詳 之 鐫 變, 暴 兩 寬 也 節 黨 事 吕 發 而 霆之 戒 貫 0 浙 民 與 爲 恃 者 其 時 兀 則 以 盈 未 誠 力 卒 考古 M 繳 膺 方 福 總 有 甚 怒, 請 爲 易 能 焰 不 待 章 幸 難 奥 建 領 先 减 亦 紹 悉 不 得 幾 罪 者 驗 鄭 援 不 Ŧi. 不 折 處 數 荆 可 以 興 見 閒 所 及 今, 上 湜 口 不 莫 謂 帛 分 程 湖 保 誅 嚮 自 於 所 自 如 留 如 至 至 甲 瑀 口 不 身 發 用。 全。 邇 皆 請 舉 副 兇 忽 陳 恩 IE. 以 如 法

乞身而 敢 鉞 不 制 M 行 嬰 源 升 公於 終不 都 其 去。 亦 統 鋒 罷 公去 者 ,公又論之。 得 去, 者 一、公神 俸 執 未 逢 奏 幾 原 逢 色 再 以 耐 原 不 = 内 病 源 先 動 禪 終 廢 供 被 子 來 不 宣 職 則 惟 奉 劄 自 仁訖 繳 此 詔 e, 如 不 自 以 而 得 至 書 詞

銜

統

命

觀

者

爲

之

寒

心

而

外

閒

罕

知之者

無

節

蹟 教 再 其 派 IE. 人 之比 命 請 决 相 百 東 相 而 給 · 而 年 嘉 某 趙 特 與 情 等 爲 與 與 之 公宣旨 事 如 義 依 藝 公 書 禮 遂 弟 布 H 同 禄 祖 行 定。 衣 昆 篤 格 某 生 東 交,義 然。 而 公上 全支,公已 嚮 於 謝 臺 又 宗 T 諫 至 知 旦 執 奏 兼 E 廟 於 閤 有 不 先 同 師 少少 大 淵 同 異 可 友 具 在 典 書 寅 以 論 我 某 西 集 協 行 太 公從旁力 九 後 掖 之 某 議 恭 母 而 雖 日 駮 之弟 極 某 至 同 章 駮 論 再 非 攝 同 自 之。 贊 始 他 北 朝 分

才如 卒 傳 作 博 其 蔣 己。 欲 所 聖 及 近 也 \pm 而 憑 論 既 ×, 之 他 望 意 極 礪 服 明 傳 得 本 清 鳴 守 不 楊 恐 奏。 願 群 成 義 追 樓 左氏 止 修 呼 之 見 書 引 就 不 寢 意 某 炤 敢 韓 若 史。 不 及 慝 ! 御 延 委 執 章 誦 而 左 魏 則 口 更 譽、 在 筆 是 奏 同 孰 指 於《 在 讀 耻 反 氏 荷 得 書 朝 允當 濟 ; 有 不 湖 仍 使就聲名者 過 知 而 翼 春 行 則 公議 則 Ė 負 南 正 遂 喪 其 書。 經 秋 薦 則 不不 E 臣 重 臣 應 賢,不復 非 之,之後 始 之 左 朱 衝 : 如 名 有 鹵 詔 熹、 知 揣 蓋 氏 深 此 公者 無 改 於 薦 莽 \equiv 》尤 臣 經 旨 山 而 見 葉 時 罪 不 之 宋 吾身後之書。 失 爲之序 止 善 以 乎 揮 殆 致 究 適 罪 文 著 知 於 獲 私 則迁之義 未 仲、 使 極 ^ 身至 麟 吴 點 其 嫌 其 春 有 聖 汲引人 有 則 仁 吴 檢 幾 爲 其 秋 事 迎 此 孔 口 此 忌 傑 也 遂 門 合 制 書 子 後 無 不

贵 蔭 忌 朝 幾 之 露 不 遂 嫌 負 以 不 何 ? 吾 銘 究 自 Ľ 爲 此 知 以 友。 志 公 投 爲 小 閒 會 某 最 愈 + 稡 欲 詳 遂 有 未 述 扶 \equiv 公行 若 集 年 憊 畏 而 而 病 事 避 E 畢 掛 而 之。 深 或 没 衣 恐 恐 其 冠 溘 有 實 先 視 觸

作 之。 字 以 詩 宫 善 君 使 而 可 終哉 復 其 皆 邸 人 畫 臣 頌 公 意 『哀 得 藁 之 公風 相 有 時 W 敕 後 遒 消 誳 示 寮 猶 推 而 度高 嘗 某 媚 諫 寀 蓋 維 記 王 己 不 奏 ~ 頌 以 是 懲 其 愁 未 謝 登 遠 知 Ŀ 詩 幾 艾, 覽 略 及 韻 者 爲 以 安, 爲 動 刻 度 高 云 太 置 御 口 不 壽 輒 : 尚 致 而 未嘗 史 不 札 酒 專 過 公歸 惟 口 公 季 登 謂 於美盛德之形容 吟 人。 各 想 不 翊 讀 諸 札 戰 諷 親 流 善 也 戰 觀 石 低 詩 虞 訪 書 涕 黄 樂 恐 而 昂 律之精 求 書 所 方 公 也 跋 懼 歌 主 此 親 上 與 其下 善 之 藁 詩 成 至 頌 公 L 深 守 不 則 於 在 謝 王

> 之爲 皆 也 0 敕 銘 之 戒 感 之 日 咽 義 0 嗚 秦 呼 斯 以 來, 此 又 此 先 義 儒 殆 之 絶 所 未 某 發 讀

儒 澤 陛 全。 儲 帝 斯 末 先 民 史 席 貫 賢 神 穿。 道 毓 爲 温 館 齎 之不 哀哉 前 舒 居 秀 經 志 退 瀛 向 筵 其 終 行 止 然 典 壖 金 焉 必 齋 布 刑 玉 賴 獨 儒 有 衣 具 見 當 游 學 有 天 年 存 此 遺 雷 名 之 夏 之 銘 淵 編 霆 淵 震 訓 宦 生 鐫 源 八 詞 力 才 匪 後 閒 埏 是 欲 不 有 群 氣 夫 專 口 達 百 晚 書 所 贵 天 載 登 博 鍾 受 偶 王. 周 極 才 邸 復 然 經 挺 行, 則 見 ? 世 螭 本 生

攻處先生文集卷第一百一

攻 媿 先 生 文集 卷 第 百

四 明 樓 鑰 大 防

神 道 確

寶 謨 神 閣 待 制 碑 致 仕 特 龍 晑 閣 學士忠 彭

道

子 皇 吏 詔 兀 7,某求 一帝 部 陞 樓 侍 擢 爲 某 皇 之愴 林 Ŀ 郎 對, 踐 彭 既 大 悼 祚 龜 又 又 中 之十 御 年 以 赴 詔 批 之忠, 乞賜 爲 行 贈 有 請 在 寶 四 謨 彭 且 年 大 閣 龜 録 + 中 直 年 褒贈 其 先 有 學 係 諫 至 士 朕 月 草 ,首言故 潛 仍 嘉定改 乙亥, 以 藩 與

進

舊

之初 榘、 起 學 言 書 簿 懷。 之勞,至 日 華宫,一 内 無 嘉 人 意,恐有 賜 褒 未, 宜得 又因 美謚 差 禪 過 ,首論 御 卹 一、公時 造 曾 之地 製《 之 口 幾 居 權 特 晚 典 時 是 此 遣 由 司 侂 郎 正 臣 加 講 上 黄中 寖 韓 舊 謚 胄之姦 行 西 以 邪 用 理 先 贈 賜 年 奏 之遲 以 掖 寮 侂 右 事 論 宜 是 龍 謚 謝 就 胄 惟 使 遷 出 史 之 禮 *****, 優 紹 圖 公最 忠 爲 貳 人 講 奏 人 緩,當 始 兼 部 異 上云 且. 閣 熙 人 肅 兩 憲 卿 筵 嘉 其 言 尚 學 首 五. 官 聖 ,方趙公汝愚 如 承睿眷,宣 王 狙 同 書 又云 公 雖 1 爲 能 年 ,始有 慈烈皇 此 府 抑 之 進公家所 章 E 七月 批 其 抗 必必 彭 直 盡 穎 追 出 抱 疏 龜 子 講 竊 能 贈 忠, 甲 后 。」八月,三 折 恨 是 侍 年 欽 召 弄 真 子 其 以 肅 忠 未 被 御 決 幾 知 威 有 與 女妓 殁,乞 敬 寺 權 稱 主 骾 無 史 無 在 賜 大 萌 監 策 劉 朕 日 虚 重 於 不 御 口

奮 久 祠 疾 外 尚 若 龜 轉 罪 事 罷 漸 龜 彭 龜 罪 人 發 丐 書 中 至 郡 併 年 年 知 承 辭 年 龜 趣 于 大 公 威 閒 使 뽆 以 宣 悪 以 劇 大 年 還 極 某 斷 使 門 出 盡 去 中竟 貫 林 貳 就 中 除 得 論 再, 等 外 必 忠 盈 公 爲 非 卿 閒 加 職 獨 之,且 婺 職 陛 不 由 妄開 惟 在 中 則 優 得 以 公不 與 不 口 事 復 給 下 書 誅 公 慶 此 人 異 郡 與 赴 事 乞去。 來, 之 言 轉一 舍 乎 幸 娅 元 直 兵端 若 書 而 中 已 ? 人 謫 罷 自息矣。」 i, E Ħ 侂 行 以 中 奉 爲 爲 官 尤 歸 同 胄 無 祠 若 爲 外 公除 成 吏 優 舉 内 重 某 狀 内 隱 千 稱 部 以 優 公 世 \equiv 異 祠 與 繳 異 快 祠 侂 古 侍 職 在 某 震 人 侂 何 大 , 侂 日 胄 郎 與 者 荆 韓 故 遂 罪 時 不 胄 動 中 在 爲 郡 尋 爲 某 及 南 之 胄 꾟 擅 鐫 侂 H 再 左 無 見 權 皆 有 主 職 吏 無 胄 爲 亦 侂 \mathbb{H} 奏 批 右 罪 部 ? 故 L. 之 罷 胄 更 而 以 補 給 無

化之盛,士大夫莫不痛惜之。

苛歛。 保 早 此 捕 先 第 義 孤 + 朝 大 祖 寅 忠定公將 "授左 告。 甲 陂 罷 計 不 八 0 奉 廣 奉 歸 之, 爲 薦 大 公字子 而 比 ,祖愈,考 母 灌 就 按 趙 緡 夫。 陞 長,得《 無 于 盡 迪 賞 乃 田 公首 圖 從 錢 其 漕 鄉 功 孝 萬 以 七 妣 壽 政 籍 疏 郎 如 公以 三千 公 \equiv 聞 取 + 程 文 治 郎 世 楊 成 憮 方 最 萬 與 氏 通 袁 氏 人。 陂 調 爲 然 餘 書言 初 (易)讀之,至 獲 計 甚 州 俱 而 紫 成 畝 吉 臨 日 筮 盗 者 宜 偕 無 幼 不 贈 州 江 : 而 月 春 彊 如 名 穎 而 仕 一是 登 安 軍 歲 椿 碩 縣 人, 宗 宜 者 異 利 乾 福 稔 錢 清 尉 縣 錮 彊 考 春 自 民 道 忘 縣 病 讀 江 之根 其 半,皆 麴 以 郡 自 以 公 派 縣 Ŧi. 褒 民 書 時 利, 引之 公貴 七 委 立 爲 年 能 食 派 本 檢 歲 縣 非 歲 E 出 趙 進 曉 相 不 類 察 於 以 有 如 親 公 趙 士 年 大 贈 曾 而

其 問 之 數 裒 菴 弟 淳 牘 艱 與 義 閒 檢 强 年 務 襘 集 執 朱 劉 早 南 弱 可 熙 以 歡 理 高 而 口 公, 格 法 子 愈 軒 禳 爲 服 乎 歸 丐 + 調 喪 賴 ? 言 澄 張 益 後 夫 明 以 耐 祠 此 盡 而 法 既 以 清 公《 年 學 開 乃 類 禮 篤 便 爲 各 尤 均 致 之 農 愈 爲 中 發 養 前 以 於 用 使 得 育 敬 誠 往 成 後 庸》、《 法 學 後 I 此 舉 勉 其 "嬰兒 主 信 復 書 矣 進 賈 聯 未 致 有 主 要 病 管 以 問 備 之業 合 有 樂、 賑 改 者 名《 語 建 救救 摳 辯 極 蠲 再 統 得 貸 毋 宣 以 × 昌 衣 致 放 紀 Ŧi. 請 疫 税 實 時 自 《孟》大 教 服 北 按 軍 憂、致 葬 不 致 疾 如 祠 欺 藥 相 僊 郎 籍 租 又 面 之日 及二分, 録 此 未 户 與 者 都 雖不禁 有 立 名 全活 者 哀 以 義 滿 折 日 别 辦 無 觀 齋 觀 13 衷 衆 請 多 其 晚 而 致 尤 者 於 以 碩 它 寡 遭 至 自 巫 老 藏 而 嚴 衆 歎 是 之 内 晦 復 書 初 人 覡 日 此 民 病

祭儀》行於家。

公光 舊 改 E 急 舉 傅 也 至 訓 請 頗 构 陛 或] [[] 易 疏 此 淫 密 多 務 左 相 屬 同 下 家 差 乞 祖 右 極 於 薦 爲 服 也 少 侈 大 爲之不 月,除 宴 之議 除 復 之, 因 除 矣。 而 法 公首論 成 讎 游 論 又 侍 其 以 得旨 吏 習。」光宗 未 以 帶 伸 位 御 朕 使府 部 太 復 崇 難 多 開 光宗首 御 臺 E 日 尚 學 引 寧 9 樂 請 器 諫 而 始 又 夜 風 書 寮之勢 見 博 御 之 之道 之 械 貽 内 俗 思 鄭 士 用 日 筆 肯 初 氣 書 吴 外 時 之 公 所 爲 可 久之, 進 端 宰 宴 重 「風 僑 光 變 不 以 時 馬 戒 願 安 相 改 於 宗 逸 未 殿 革 聞 光 以 兵 俗 太 侍 乙 且. 之。」 豫 初 令伴 有 猶 公 仁 改 中 部 驕 府 御 之 即 日 宗 易 侍 不 襲 又 尚 侈 少 戒 位 祖 自 大 宣 道 讀 杜 御 書 卿, 太甚 宗 諫 當 史 Ŀ 和 義 官 嘉 權 奏 張 内 謂 嘗 之 之 公 劉 始 公 世 提 要 降 Ŧ

禮 集《 此 又言 授 當 爲《 祭,光宗 下 爲 文 諫 士 四 公始朝參 嘉 伸 憂責 八六月 策,又 格 詩 相 世 祐 明 式 官 倖 朝 禮 經術 子 中 下 壽 似 意 長 臣 參 記 ()。) 次 至 文 之。 不 之私 重 意 使之習 太學 \approx 以 須 除 然 ,公爲言保富貴之道 口 潞 華 鬱 熟古 督 知 或 遂 生 與 六月 論 日 公 命 鬱 課 ***** 選 子 不 同 日 ×, 乃 因 有 押 文,則 時 不 學 經 H. 監 復 侍御 名 設 聞 諫 醫 又 文, 豫 言 孟 官。 義 派 選 大 内 醮 官 以 非 × . 至 0 0 此 文 夫 詩 引 宿 下 惟 史林 子、 公 恭 格 展 郊 非 雖 賦 同 宰 都 殿 名 獨 儉 恭 禮 年 所 自 史 中 知 與 執 堂 不 公大中 論 惟 謂 謝 不 IE 遇 貢 中 故 嘉 無 口 兼 策 德 亦 可 之 教 \equiv 雨 舉 事 朝 過 同 王 魏 各二 欲大 日 校 也 年 白 爲韻 見 恭 同 日 辟 __ 欲 色色 祠 王 文 之 行 儉 廟 . 公充 許 於 府 百 臣 公具 大 雖 E 作 禮 不 共 望 忤 爲 使 篇 在 又 教 變 或

進、 十 二 爲 兼 率 非 郎 張 直 序 人 經 IE. 事 御 君 之有 之奏, 多 虚 公 遷 各 嘉 0 筵 口 通 史 君 子小人不可 傳,至 叔 館 先是 月,林公以論 有 典 明, 臺 王 几 子 又 故 府 椿 不 論 年 益 主 長 不 將 公 謂 勝 代 直 外外 奏, IE 也 簿 是 謂 事 經 退 日 林 書 講 月 。」光宗云 傳 果 又 沽 須 謂 之 . 宣召 多用 然。 召 再 勉 除 書 素業,不 激 公操 勸 時, 論 此 姜特 奏乞留 其 樞 事 司 講 説 講官 多用 IE. 留 不 農 大 廷 除 八月 行 之臣 經 : 是 争之, 公引李絳 立,公白丞 可 者 寺 堅 吏 理 應 多 卒 元 不 部 親 丞,三月 IE 則 當 以 不 精 用 祐 嘗 詳 侍 儒 不 小 遂 不 問 舊 切 晝 用 讀 就 末 覽。」 郎,公乞去 生 人勝。」公因 褒 事 接 班 爲 所 明 明 年 梁 最 相 不不 學 乞 對 經 詭 白 除 小 燾 有 王 留 乞 退,公 之士。 Ŧi. 隨 人 益 裨 公恐 例 辨 祕 如 日 復 將 益 邪 書 夜 以 遇 舜

亦

以

爲

難

也

亦

以

君

子

爲

小

正

恐

錯

看

爾

一公日

堯

請

,公亦入

奏。

會

被

命

禱

雨

因

言

网

詩 所 祐 邪 云 書《 紹 IF. : 瑶 聖 當 辨 間 Ш 君 如 **>** 閻 以 子 詩 是 多 賜 1 用 凍 乃 公, 人 心。 光 餒 進 Œ 宗 退 廣 嘗 指 在 厦 大 大 燾 東 媿 略 講 官 奏 膏 詩 時 而 梁 \pm 發 作 Ŧ. 待 直 俱 又 有 前 以 不 學 奏 報 會 識 慶 事 人 +· =: ,光宗日 節

月

除

起

居

舍

人

明

年

正

月

:

久

欲

見

卿

説

話

此

官

又

賜

雪》

H

親

製

^

具

述

元

公言 君 大 者 王 奏 一人主 無 下 須 議 忘 以 使 此 因 風 X 意 言 刺 臣 而 上 直 推 言 用 已 廣 其 是 人 之, 事 須 人 方 則 臣 先 是。」 善言 識 委 邪 曲 公 至 IE 日 矣。」 __ 要 Ë 知 親 讀 願 爲

容

易

壞

1

公

對

日

聖

論

及

此

天

F

之

1645

家

法

最

善

漢

唐

所

不

及。

待

外

戚

尤

嚴

不

口

奏

以

祖

宗

家

法

集

爲

此

書

光

宗

曰

祖

宗

方除。」公謝

月.

進

内

治

聖

鑑

>

比 愆 題 其 頑 童 説 於 不 奏議 比 可 頑 有 童 贊 何 王 讀 事 E 沈 不 : 公 有 要 有 ? 是 開 公 講 病 稱 Ξ 根 風 贊 全 在 + 不

E

0

畢 難 竟 亦 人 字字 請 如 於 \pm 何 坐 題 知 右 講 ? ,公質 義 君 上 子 之於 以 聞 小 Ŧ. 王 人 宴 爲 王 居 小人, 日 書 . 小人 知 然 人

> 書官 福 云: 官女子之防 祖 不 宗不 至是。」三月 委 以 權 尤 直 嚴 乃 前 是 恐 奏 愛 不 得 親 戚 進 起 御 之道 居 注 光 乃 宗 繫 此

到 日 之書 宫 一言動 陛 下 半. 無 年 不 不 記 出 者 如 今 此 已 月 書 \equiv 四 + 次 書 餘 次 免

以 貽 後 世 實 累 聖 德。」 几 月 駕 幸 玉 津 袁

不 公言 奉三宫 於 宰 相 而 獨 謂 出 : 宴 近 游 捨 聚 宰 景 執 而 以 遠 公 幸 言 玉 乞 津 恭

以言 用 殿 笏取 華不 屢 戊 臣 講 許 蓋 又 居 不 不 乞對 不然。 日 離 寅 聞 家 去。」公又極言 讀 過 天 和 戊辰 一今日 壽 豫,已奏告,公與 光宗 劄 宫 教者也。 身 待 班 之 地 則 及求去 教 子 位 官 罪 和 天 皇 置 内外不通 伏 ,公繳納告勑 或 者 云 9 則 下 無 服 IE. 龍 仗 公 從,言教者訟,陛下 雨 大於 不 地 藥 言豈若身之切哉 欲 墀 ,至今日 集 又 未 和 知 赦 敂 Ė 臣 而 獨 不 卿 下 額 有 禍 等 不出 天 奏 陛 過 再 始 忠 久不 不 侍從、臺諫 下 教 不可 : 拜欲 , 乞竄 下 亂 宫 直 和 以 不 入城。 屢 侍 不 事 誤 己, 而 父子 和 許 理 聞 不 辭 從 以 逐,待 雨 則 群 光 會 極 奏陳 出 血 臣 者 臣實痛 以 君 天 臣 諫 癸未,公念 宗 何 始 漬 請 充 7,拜訖 身教 臣 地 事 甃 云 命 對 五 不 自是 嘉 傳旨 ?!公 月 之 效 甓 不 江 不 . 人 心。 \pm 臣 道 滸 果。 和 則 須 獨 府 皆 屢 Ŀ 重 搢

光宗爲之慘然,曰:「終當去。」

過 矣 禮 與 之誠 中 已,必不 匆,參 奏: 受 辭。」首乞奏 知 云 朕 泰安, 拜 書舍人。 , 乞先 遽 内 翊 又問 此 善黄 心。 踐 六月 禪。 前 表 决 日 大 以位 牋 乃 但 如 可 不 初 公裳 戊 再 位 是 宗 聞 日 尔。」公奏:「今只 何?」公奏: 而 曾 政 庚辰 戌, 擬 知 ? 晚 退。 建 食。」 廟 爲樂,況宫室乎? 入奏,率 及 同 起 太 壽 召 儲 社 泣 Ė 人 奏 居 上皇, E 皇 因泣 之 公 稷 辭 物。 往 劄子,乞日 朝 嘗 升 議 對 所 不 白 朝 泰 遐。 問 于 下, 繫,陛 因 許 明 亦 安宫, 官 南 陛 . 大 七月 擬 自 又言 H 恭 内 至 下 得 恐 堂 劄 再 謝 可 下 今 本 至 因 進 太 盡 本, 見 息 甲 聖 亦 怔 壽 出 則 定 上 人 浮 壬 子, 容 通 子 昨 E 不 松。 皇 於 皇 過宮之 猶 褒 言 申 梓 不 未 即 得 蹙 門 事 太 主 云 宫 得 公 贵 肯 擢 閉 匆 寫 又 親 而 頞 上 .

令也

使

其

可

行

臣

即

書

矣

何

待

再

令?

使

口

與

書

行

指

揮

夫

可可

與

書

行

乃

近

世

敝

不

可

岢

敢

因

再

令而

書

哉

嘗言中

宫

陛

F

自

登

大

寶

聽

言

如

流

忽

於

此

事

首

降

非

爲

慶

祖

惜

此

官

蓋

爲

朝

廷

惜

此

門。

其

忠

勤

不

若

任

之

以

事

不

必

優

之

以

官

臣

又

奏

日

慶

祖

無

官

口

轉

止

有

建

節

若

念

9

繳

奏

Ŀ

於

劉

慶

祖

事

批

:

미

與

遥

郡

承

宣

使

而

以

太

E

隨

龍

人

落

得

罪

於

太

F:

而

差

幹

辦

泰

安宫

劉

後

先

乞候三宫

戚

屬

次

弟

推

恩。」

當

推

恩

母

黨

然

上

事

 \equiv

宫

禮

有

隆

右

武

大

夫

帶

行

遥

刺

公封

還

詞

頭

喪

聽

政

從之。

代

言

之初

李

孝

純

Ħ.

居

南

内

以

休

息

聖

躬

陛

F

少

留

重

經

誉

泰

安

紛

紛

不

定

太

E

微

疾

未

在

殯

Ħ.

居

喪

次

於

禮

爲

IE.

旬

日

俟

袝

廟

命

下

裁

待

制

官

少 目 書。」上 以 應 多 。」公奏 萬 爲 故 急 務 E 具 以 問 云 務。」 非 潛 來 講 . 多 邸 筵 上 兩 讀 朝 今 講 袖 \equiv 所 書 退 有 堂 月 出 奏 不 亦 機 書 諒 不 口 無 目 務 紙 與 쁄 事 謂 儒 罷 又 不 恐 生 講 奏 比 具 自 講 舊 講 講 太 怠 矣 例 堂 筵 E 人 惰 專 君 講 講 不 公 之 筵 況 書 奏 口 讀 太 學 子 書 不

不

久

重

孰

朕

待 傅 望 依 訓》、 陛 公 黄 聖 兩 與 而 御 朕 巘 裳 舊 日 堯 制 精 曰 學 書 書 下 欠讀 车。 俞 朱 講 庶 次。 若 ~ 弟 經 生 奏議 可 京 陳 乞 殿 公 不 招 講 史 孟 專 鏜 傅 幾 書。 班 E 今欲添 事 同 徠 + 學 子 》、《長 以 有 良 中 蘇 黄艾、 晚 五人 不 愈 × 潛 世 件 太上 書 益 惟 頌 彭 ^ 邸 切 只 在 . 舍 能 上講 之下 編 講 龜 通 學 之 用 多 又 鄧 ^ 讀 虚 人 此 》節 官至十 年 春 鑑 傑 日 小 也 官爲之。」尋 馹 許 陳 心 以 帝 早二件 秋 衫 黄 本 . 多 受 請 公 王. 如 ; ×, 依 ^ 它 由 公請 諫 俱 書 + 之 員, 唐 朱 繼 日 以 舉 講 書臣 沈 禮 書 熹 除 養 遷 各 又 聖 充 堂 召 有 也 晚 記 德 輩 除 侍 專 善 出 意 開、 至 講 例 寮 × 讀 侍 講 東 改 方 件 若 官 44 上 ^ 朱 宫 = 講 紙 過 公 詩 厭 朝 否 少 講 云 件 熹 引 早 辭 讀 垂 人 ? 寶 × 乃 而 :

> 公奏: 爲 祐 出 而 後受。 黑 黨 此 籍 何 不足爲 弟 但 所 御 當 不 人 筆 威斷, 察君 有? 是司 舉 御 子 適爲 又言 馬光,小 史有 小 人 小人所 . 不 不 人陷 近 植 可 賣 差 問 黨 君 耳 除 與 黨 子 多 與。 之言 自 變 元 中

之風 見 任 今 猛 光 祭 言 起 高 陳 接送 於 君 恭 於号令之不 儿 復有 臣 「近 子之 轍 雷。」 外。 太之説 九月,除 跡 伴 顯 日 日 太 意 楚 因 使, 指 君 好 變, 危, 州 極 未 子 出 爲 吏部 至 其 陳 應 乎 測 始 告 堪 平. 不 臣 略 詔 於 切 陛 測之号令,故 侍 江 一今日 分 猛 借 責 人 郎 奏 下 太 疏 用 言 吏 之言 滿 而 尤 事 用 者。 部 小 公知 暱 漢 極 之 尚 人 臣 比 剴 元帝 大 咎 小 書 竊 太 事 小 小 天應 切 震 驟 弄 勢 人 人 充 時 雷 機 及 權 漸 謂 或 之 金 處 以 H 斥 暴 心 柄 變, 得 跡 或 臣 青 不 堪 雨 與 弔 測 無 太

雖

罷

職

而

T

内

祠

公

除

職

與

郡

給

舍

繳

駮

不

今當 聲 要云 去,一 是 退 盗 大 聞 愈 甚 送 不 邑 不 體 親 濟 矣。」 勢 能 詳 伴 重 E 言官 戚 者 百 皆 베 如 久 至 人 只爲 竊 聞 時 户 小 矣。 龜 再 楚 何 進 俱 弄 下 不 + 0 人誤 大臣 ? 年 聞 退 又多 之 威 得 罷 親 公見 明 是 福 朱 中 大 派 報 戚 堂 奏, 或 陛 月 只 公奉 舊 臣 出 書 0 相 故 陛 禮 不 F 九 廟 有 學 派 及歸 陳 其 信 能 F 成 之 堂 更 晚 H 龜 祠 門, 相 兩 之, 總 易 知 事 之 也 又 講 封 年 留 以 攬 又奏 Ì 聞 於 屢 權 清 堂 不 而 在 之 聞 君 之 乞 路 是 復 日 Ŧi. 侂 謂 江. 説 子 君 權 又 聞 對 歷 輕 人, 胄 Ŀ 取 縣 皆 如 或 恐 子 性 云 奏 不 疏 開 以 知 此 侂 E 初 爲 不 小 直 甚 人 之, 其 許 : 或 0 胄 死 政 能 而 此 人 肯 駭 女好 男, 奏 之 侂 最 假 自 侂 知 人 消 知 言。 勢 0 胄 憂 胄 所 大 食 事 H. 託 關 必 長 知

> 路 能 安 口 撫 也 使 0 除 公既 焕 章 閣 去 待 水 制 相 竟 知 論 江 罷 陵 矣 府 荆 湖 北

之敝 撰 錢 夫。 子: 于 開 郎 致 勒 相 職 輸 州 家 停。 言 其 禧 罷 太 提 俱不 新 欽 享 娶敖 事 復 治 政 TV. 祠 公至 特 舉 年 奏 和 嘉 興 承 報 年 牙儈 差 除 建 荊 氏, 脩 起 中 泰 Ŧī. 或 六 事 充 寶 寧 知 嘉 年 \equiv 宫 長 公遂 + 罷 荆 郎 以 先 謨 府 言 贑 王 年 隄, 守 寬 有 和 湖 \equiv 閣 武 州 事 慶元二 秋 以 糴 Ŧi. 者 商 北 待 + 教 夷 司 乞 疾 以 復 旅 以 以 路 制 民 111 年 農 遺 丐 元 疾 加 平. 蔡 提 沖 撙 卒, 兵, 寺 年 祠 米 奏 力 官 貶 璉 點 \equiv 佑 浮 主 六 聞 辭 9 價 竄 乞 贈 月 觀 誣 費 刑 再 簿 月 支 碩 告 請 獄 於 特 除 以 罷 奉 還 + 俄 以 贈 公 集 是 而 除 沙 口 興 鉅 幹 論 備 追 與 _ 英 提 以 市 中 魚 或 迪 生 殿 趙 舉 辦 日 邊 湖 官 奉 疾 列 祠 官 公 功 紋 其 修 落 江. 之 買 派 庫

宗 于 女 監 瑢 士 事 封 四 碩 縣 室 次 0 胡 江. 之建 人 州 人, 夢 女 潭 適 四 俱 在 得 後 進 州 安 人,長 幼 城 益 士: 次 鄉 税 年 陽 敖 適 金家 七月 務 適 卒。 清 縣 從 進 之。 并之原 派 政 王 孫 士 生 郎 午 男 贈 陳 再 諸 二人: 中 復之, 揚 子 娶 ,從治 大 州 孤 鉉 燕 夫 江 奉公之 \pm 次 滋、 命 承 伯 宫 都 滴 也 務 攄 縣 沄 宣 鄉 郎 之 柩 州 派 貢 女, 室 孫 新 位 章 進

之 賓 之 居 歸 刃 嚴 以 媚 親 客 識 重 勁 日 口 黨 非 權 蹈 直 公 止 敢言之氣 性 親 倖 晚 文 堂 善惡 既 資 與 Œ 致之罪 賢 色立 投 剛 公視之如 悠 是 閒 不 方 然 學 皆 非 妄 朝 專 自 務 潛 交。 人 其 識 以 得 盡 窺 無 所 愛君 養 正 道 陰 郡 彼 幾 難 性 大 理 伺 縣 微 及 憂 讀 亦 吏 而 ,故公議 世 義 不 欲 書 不 乘 議 見 一之誠 所 爲 捃 得豪 時 論 當 於 摭 事 羅 尤 先 爲 細 顏 毛之 浩 扁 織 爲 微 面 公 白 然 見 簡 所

> 書益 者莫 故,相 之陽 變者 隙 合爲若干卷,藏于家塾。 禍 0 其 卷 如 虎 也 加 自 與 在 某。 僞 涵 也 訓 此 日 聞 泳 學之説 蒙 厚。 乎 其 偶 著《 蘇 ? 禍 然未 經 師 公之三 韓 皆 止 興 解 日 氏 死 (), 鮮 堂 爲 如公言。 奏議 必 訓 節 尚 子 不 矣。」 蒙 度 變者, 求 某幸 外外 何 * 使, 辭 銘 及 著 制 書, 1 同 日 聞 公於 謂 并 朝 内 用 銘 蓋 知 表 治 兵 日 公之 牋 此 終 歸 聖 見 始 雜 洛 韓 日 鑑 深 著 如 氏 不

志 不 慮 務 乎愛君 Œ 日 不 欲 用 不 納 大。 召 П 於 矯 Ė 忠 善 自 矯 天, 節 于 擢 嘉 其 彭 言 居 愈 側 邸 筮 公 重 白 綸 目 天子 仕 簡 華 螭 罩 多 寮 憂 違 陛 聖 忌 豫 主 或 剛 直 極 開 愛民 前 龍 天 介。 問 口 權 下 飛 論 寑 龍 姦 學 選 事 有 蘖 風 堰 問 登 雲 敂 愆 牙, 略 遇 朝 淵 是 頟 無 事 邃 屢 惟 朝 依 奏, 言 顧 獻 公先 言 夕 避 規 思 議 雖 無

之初 泚。 恩 者 虜 附 長 知 呼天乎,不 益 式 光 遂 塗 炎 切 分。 之。 優 日 抗 九 炭 與 京 盛 聞 疏 渥 世 斯 言者 者 逆折 可 更始。 民。 假之年。 施 縮 作 太 及 雖 頸 鳴 阿 赫 非 其 力,無 驚 倒 然天 鼓 曲 公誰 子。 持 攻之。 突 歎 身不 誅 徙 膽 救 竊 公凛 歸 新 公公 决。 絲 ? 及見,徒 弄 Ŀ 如如 棼。 威 論 如 金 色爲 柄 公有 復 生,誰 井 去 聲 伸 之原, 爲知 生 動,公言 横 幾 一勢長 留 顙 改 挑 言。 消 過 有 嗚 弦 點

寶謨閣待制獻簡孫公神道碑

多君子 而 得 謝 開 忽得 寮 禧 投 因 \equiv 故 年 自 別 歲 吏部 念 以 在 以 來 侍郎 T 凡 相 卯 才 忘 叨 孫公從之之子、 道 余 近 術 以 遂 列 衰 疾 帰 引 時 死 年 生 同 新 者 幸 朝

> 有銘 瑞 激 悲愧多矣。 然門户之託 之大概, 序公平生 已而又自遭 九京,以 方公之薨,余方遭嚴 先公不幸薨於 金 于中,有 ,因仍八九 西 尉 少 鐩 不容 贖 老而 内 之書,寄 惟 不孝 艱 己。 慶 先 年,重不幸二兄俱蚤 學落, ,憂苦無生意,以至于 前 元五 友有以 之愆。」余執 閱 系 譴 示從 年四 Ŧi. 本不 以 ,不得致生芻于 年,始 碑于隧 銘 之行述, 月之丁 足 以銘 克 書 道 謹 以 Ħ. 公。 摭 泣 以 世 且 行 葬 惠 今, 前 凛 未 實 顧 .

父銀 公以 里人 曾 陵,五 有 奇 祖 按行 所 節 公諱 文 青 季避地於吉之太和,五 推 霸之命徙 妣 雅 逢吉,從之其字 阜 李 不 陵 晚 喜 氏 恩 以 王 特 經 名 氏 祖 日 數 學 叔 贈 授 於 遇 承 弃 諸 龍 也。 務 科 通 孫 泉,今 世 郎 舉 經 先 祖 卒 不 博 世 德 昌 妣 爲 就 古 居 弼 邑人。 李 其 尤 倜 奉 南 氏 爲 爣 其 蘭

公生於 杖 于 公 之。 終袁 考 知 試 就 子 知 義 垂 吏 調 情 之。 剛 鈞 學 宜 嶽 聽 無 理 長 左 贈 公居 州 沙 雖 麓 自 奉 領 曲 文 不 嚴 何 守 行 漕 直 公 豪 紹 書 功 弱 晚 方 場 미 無 民 院 計 郎 興 冠 獨 大 尤 未 帖 屋 從 敢 而 俱中 匿 Ŧi. 不 夫 高 始 息 喧 郴 相 迕 資 次 坐?」争之數 一薦 罪 年 沈 愈 與 動 州 其 實 逢 网 公 越 于 儒 書 妣 語 愛敬 尚 同 時 司 上 意 年 俊 怒 訴 鄉 科 羅 書沈 詭 户 禮 方 H. 者,公自 邁 里人 甚 列 終 氏 捕 參 隆 隨 俶 部 日 踰 課 上猶 既 之 沈公 公 興 擾 0 軍 而 贈 0 垣 八有 二三 日 不 藝 得 始 介 學 元 不 令人。 避 父 若 以 留 令。 而 其 獲 爲 乾 穎 年 及 之。 1: 後 有 更 受 父, 難 真 帥 道 擢 禄 出 傑」之 解 得 罪 季 知 合, 幕 進 四 公諭 執 奉 必 父 給 散 以 之 年 逢 士 府 因 子 終必 欲 祖 其 事 直 公 深 辰 公 校 奇 力 不 併 子 黄 以 御

誠 强 章 珙、 得 安。 賢 惠 心 太 德 處 年 局 人,今日 京 辭 之,始 交上 陞 不 令人春 之 以 ,不爲便文逃 自 府 削 攝 少司 學官。 值 晚。 傾 隨 教 事 爲 左從 知 蓋 歲 授 或 9 而 授 其 初 成 赫 不 熟 秋 之 H. 大 謂 歸 它 袁 鄭 可 事 赫 不 聞 公以 高 頃 會侍 侵 ? 曰 公 失 郎 州 識 名 公 : 公之該 沈 未 責 不 伯 質 萍 \pm 待 面 歸 郎 既 而 事 忍 口 0 以 黄 鄉 儀 熊、 哺 弟 欲 李 慘 薦 去 用 數疑, 公還 縣 淳 曹 亟 游 者 力 洽 公 劉 公 怛 已 左 熙 以 有 宦 薦 數 一燾 沈 關 公焞 惠 而 右 先 公以 畀公。 朝 Ŧi. 京 於 萬 公了 公 利 陞 出 懼 得 以 年, 朝 削 皆 薦 之 \Box 閱 守 闕 闹 荒 學道 書 既 加 政 辯 有 常 於 又 改 兩 子 留 政 約 樞 而 不 如 德 廟 重 職 歲 宣 皆 出 愛 以 密 見 教 但 果 V 堂, 教 名 授 人 劉 待 于 民 有 以 於 畀 知 郎 爲 實 薦 常 欲 芟 至 鄉 恨 公 史 舉 公 七 以

言 意 上 遵 講 直言 官 陰 其 容 度 係 明 子 子 年 衣 白 陽 奏。 納 ___ 嘉 博 於 諭 用 讀 銀 幹 、公疏 此 又 公 剴 -, --紹 魚 寒暑之變化 首奏:「帝 狷 隆 王 士 辦 日 一府直 會 切 熙 日 E 心之運。 直 興 行 惜 日 . : + 諫 六 在 元 併 深 八 名 伸 眾 月 講 年 六 官 諸 年 中 事 器 論 中 論 年 除 Ŧi. 鄧 軍 詔 王 壇 外 時 以 和 駮 光宗 此 二年二 月 七日 馹 審 書, 經 小 支 不 弊。 買 司 獻 心 徙 計 請 世 几 農 賜 尚 而 折 節 融 拔 覃 增 司 之 合從 華 H 輪 寺 帛 祕 人民 用 月,雷 徹 材 恩 9 崇 諫 學 日 之弊。 飾 對 書 派 惠 + 發 武 員,即 根 去 事 論 氣 兼 轉 郎 民 五. 减 亦 於 蔽 之 物 今歲 節 八 雪交作 朝 年 事 省 實 以 · 五 諛 政 之 一心, 上喜 奉 日 擢 九 天 録 當 月 統 事 飭 初 郎 公 簡 月 復 院 天 紀, 郊 戎 素之 右 省 曰 詔 則 大 悉 勸 兼 遷 檢 賜 心。 備 親 1 討 而 IF. 用 求 阜 緋 或 可

歲

有

繕

脩

芻

藁之擾

事

又

不

集。

公既

葺

其

陋

义

糴

粟

以給之,遂有經

久之計。

脩

學

市

縣

苗

税

素

重

爲

裁

酌

而

損

其

額

又

以餘

力代

貧

民

之賦

爲

錢

刀

百

餘

萬

馬

驛

在境

内

既

裕

稍

捐

其

餘

遗

以予

民。

邑之西

北

土

瘠

民

窶

一,受役

甚

苦

公與

錢

市

田

教之義

役

以

濟

貧

乏,

擇

賢

士

È

之,

民

賴

其

利

催

科

不

亟

不

徐

行

雨

露

於

膏

火

中,

民

亦

樂

輸

縣

計

别

貯

之,

久

而

盈

溢

輟

四

+

萬

市

穀

創

社

倉

早苗

養

禾

孫

是

歲

饑

而

不

害

例

有

添

給

代還,丁内艱,服闋家居又久之。十三

最

,有旨

籍

記

力士民

亦

至

今歌之。

如

此

雖

欲

蔽

賢

可

乎

?

諸臺

競

列

F

治

使

湖

陰

過

縣

貽

書

江

西

諸

司

.

部

有

賢

邑

當

孔

道

謡

誦

藹

然。

起

居

舍

人

吴公

燠

出

政

直

可

比

古之循

吏,非

有

矯

飾

求

名之心,

而

督

課

諸生

身

爲

之師

士

風

大

振。

公之

若 選 辭 奏: 逆 結 忌, 者 劾 後 諫 爲 厅 L 知 時 地 矣。」 以 、公曰 謀 多 奏 也 心 臣 誉 也 不 衆,公 口 思 故 一、一不 介, 竟 拜 進, 結 遜 繕 位 踐祚 人 亦 欲 併 監 志 舌 兩 濅 逐之。 力言 鄧 所 不 補 萬 之戒 天 得 論 上 處之,必不 疏 以 廣 公疏 難言 得 名爲 報 物 諭 景 已 不 來 下 其 久 可 珪 就 旨 報 ,屢易 切 未幾公亦 則 其 者。 利 居 弊。 弟 育 優遷 脅 日 職 磨 雖 罪 害 其 再 持 之 舉 肯留 期 治 失之於 公自 而 職 諫 無 對 前 建 臺 反 無 士 於 道 求 由 復 臣 一諫 以 有 論 罷 不 撤 難 以 去 臨 非 論 計 1 其言 遂 遷 前 負 者 蔑 民 肵 七 受天 言言 安 愈 聞 傾 所學 除 官 推 所 視 居 旬 守 力。 尚 之。 之 職 其 以 數 或 紀 潘 中 子 此 願 口 路 言 示 命 子 綱 百 公之 章 留 特 後 師 收 鄧 景 無 中 大 壅 司 甚 達 連 神 答 之 移 珪 復 儒 不 外 業 備 塞 初 之 臣 于 + 之 章 於 大 交 怨 口 顧

> 宰 之勇, 才 將 是 是 除 兩 不 某 求 學之士 狗 專 相 口 有 或 再見 奪 彘 平 去 以 獻 議 上 章 九 言 我 也 之 替 其 數 矣 或 爲 。」公對 月 親 弱 事 E 百 職 遂 鳥 擢 不 贵 業 人 派 除 口 出 能 得 相 也 荆 能 與 日 祖 : 留 人 湖 無 派 歸 不 矣。」 公 相 南 口 宰 外 得 垂 IE 否 路 比 相 其 及 聽 提 哉 日 人 言 與 官 是 : 點 謂 諫 而 刑 以 中 君 然 是 派 官 不 諫 獄 興 相 不 相 有 公事 去 爲 不 以 敢 知 仁 日 同 名 其 者 來 以

清,民 生 薦 體 盈 項 安 安 不 也 几, 世 世 公寨 亦 披 專 之 Ŧī. 自 閲 按 吏 帷 曾 峰 參 以 部 刺 胡 孫 考,决 爲 吴鎰 先 傅 境 孝 不冤。 昌 生 經 風 遣 方 决 俱 宏之子 采 如 銓 獄 尤篤 隱 凛 流 了, 工. 然 衡嶽,公請 多 大 意 部 所 未 守 時 人物 徐 貸 數 法 元 應 宥 月 太太 度 龍 城 文 官之, 劉 皆 案 府 書 識 先 所 卿 爲 牘 大

髪 乎 公 政 雷 於 攝 刻 陵 以 久 自 ? 陳 詞 邑 漕 繼 秋 邑 外 公 賢 奉 輸 事 至今 不 量 騤 諸 特 嘗 相 通 出 免 首 之 重 融 亭 尸 與 日 計 加 世 疏 公日 作 月 而 有 賦 X 六 祝 餽 佛 無 孫 事 名 蠲 之 隨 家 : 今 某 深 雖 土 道 + 也 以 則 好 昔 得 不 之三。 還 場 公 1: 咸 祠 計 行 之, 愛惜 \equiv 人。」 在 無 官 度 畫 其 焉 聞 使 之 公帑 夜 **\$** 中 無 體 者 臣 尚 以 下 韙 取 大 不 報 取 歡 焉 軍 衡 之。 上 贏 聲 亦 之 以 伐 仰 茶 毫 念 參 如 給 石 口 兩

之,又 今第 謁 登 初 用 醇 重 舊學 一流 IF. 華 率 年 不 諫 勸 同 九 人 以 越 館 講 省 月 物 時 \equiv 列 多 翊 H 名 益 之 召 公數 善 擢 以 爲 褒, 今 黄 公 進 祕 具 遂 承 公 兼 書 裳 疏 上 失 七 權 少 助 意 日 月 尚 援 監 心上 0 也 書 主 引 訓 吏 上 古 孫 部 受 詞 曰 Ŧi. 誼 直 年 有 侍 内 深 講 禪 郎 言 問 當 朝

言? 者。」 釋 價 以 路 經 意 心 或 吏 然 遭 明 推 願 初 部 格 男 納 變 養 恩 太 太 起 以 政 也 得 言 之。 其 上 侍 敬 重 隨 F. 斯 派 事 先 食 蓋 有 相 郎 明 龍 以 + 之, 起 日 们 邑三 推 E 宜 日 獻 月 舉 覃 孝 達 人之屬 揆 之 斷 尤 明 賜 . 大 行 恩 其 擢 在 至 事 陛 可 以 數 既 百 金 初 之, 轉 權 陛 是 兼 下 嘉 以 慶 紫 輔 申 爲 政 朝 天 請 侍 然 之本 F 審 皆 邸 也。 嘗 之, 温 服 言 稍 奉 止 講 講 其 嗣 告 可 下 凊 事 知 議 大 則 又言 限 緩 心 斷 膺 明 可 派 官, 公已 論 蠲 夫 守 撫 公 以 也。」 大 堂 運 相 語 减 \equiv 在 經 接 凡 乃 贵 寶, 九 恩 於 深 以 宗 年 若 嘉 事 立 又 庶 可 掌 蓋 封 月 所 和 蓋 邸 戚 請 建 政 而 不 公平 非 廬 除 矣。」 買 論 口 至 非 得 立 造 嘗 俾 使 是 古 權 公 折 陵 有 長 得 其 事 進 之 L 之 之 集 結 帛 縣 尚 首 日 不 宜 秋 \exists 學 之 開 欣 皆 本 陳 書 樂 民

之以 之詩 脩。 宫壺 要 失 合, 多不 謂 爲 擇 講 祠 竟 差 自 心 者 所 元 閣 日 而 於 壽 老 止 此 它所 當 反 可 孝 嚴 重 理 成 妃 去 康 書 長 治 用 宗 謹 非 則 經 待 宫 宫 而 后 公 日 説 覆 有 之 者 制 幄 。」公日 順 殰 上 嬪 内 化 謹 於 皆 紬 自 而 朱 家 。」冬有 外 宫 佐 之原 願 爵 地 E IË. 繹 以 得 之 多 公熹 六宫 按 遵 禄 狹 曰 前 之 理 東 以 啓 禁 : 行 肇 舊制 屋 奉 争 宫 趣 爲 震 日 私 在 使,朝 之 肅 未 弊 親 熹 爲 諷 論 於 雷 謁 節 經 政 見 欲 不 論 館 外 甚 選 宫 筵 詔 用 曰 其 以 嬪 上曰 可 閣 桃 苦 廷 年 壼 持 方 度。 親 遂 内 不 御 求 以 廟 公毅 IE. 議 四 儒 侍 格 闕 或 可 . 論 奉 而 獨 則 因 + 撤 又論 ; 達 慈 君 本 養 失,公 施 切 講 與 朱 Ŀ 闕 以 祕 於外 之 備 直 然 私 用 極 下 衆 E 熹 治 書 違 權 志 身, 力 掃 之 言 事 者 體 論 所 省 所 願 忽 争 廷 輿 除 也 之 言 職 當 奉 亦 知 願 调 留 不

習媮 納 備 核 濅 兼 意 之於 假 暇 有 比 必 伴 全 公熹之去,公力捄之。 内 得 其 · 而 器 名 枕 有 緣 實 密 金 焕 從 省 戈殄虜之意 録 、公奏 實 輕 初。」大 或 章 恩數,勿 之 械 館 容與 請 公於 院 事 視 賀 閣 伴 蓄 卒習惰 講 匪 0 中 同 學 正 之議 財 是 求 頒 刺 修 璫 或 樞 使。 士 使 用 公公 時 孝 求 皆 撰 之心 宰 王 與 政 選 宗 北 提 E 難 風 卒 之 德 虜 事 有 舉 内 事 俗 得 願 使 將 却 使 職 謙 0 近 萬 治 之 不 習侈 陛 事 需 比 之。 論 侍郎 帥 竊 典 習之 Ŀ 見 外 壽 物, 下 畢 司 年 竹 道 聞 深 容 觀 攘 簡 上 上 拔 人 慶 戎 或 牛 公 自 經 彭公龜 然 臣 者 之 精 材 對 卿 孝 信 元 角 兼 邦 恬 之。 心 職 矣 策 賢 鋭 習 宗 之 侍 元 所 在 F 無 大 0 願 年補 屬 城 嬉 安 年 讀 + -禁 旌 厭 上 奏 待 懼 E 萬 賓 要 Œ 循 密 尤 將 失 充 幾 當 期 制 無 月, 害 良 月 朱 嘉 虜 館 之 虜 臣 遏 復 以 願 帥

遠畢,有馬上回咠之皆,公蜀下頂,皮 は,不應爲近習而逐正人,忤韓侂胄之意。 撰勁

X

論

又嘗扈蹕,有馬上迴揖之者,公獨不顧,彼

又以爲簡驩也。一日會食部中,或報王喜

除閤門祗候,公曰:「此乃優伶,當於内廷

效 朱 侍 講 容 止 以以 儒 爲 戲 者 贵 可 以 汙 清

寒? 宇元克フェ・デリト・空間角 いっこう 変分信詞名山 じ信息 唐者 呈可じ汚泥

選?當抗疏力争,否則於經筵論之。」有飛

武人為上八是及,可以是国党古之。 語上聞,五月内批與郡,而王喜之命亦寢。

或以爲出於誤報,而公憂國愛君之心亦云

至

矣。

累 章 丐 潛 祠 邸 恩 九 轉 月 朝 提 散 舉 大 江 夫, 州 七 太 月 平 除 興 知 或 太 宫。 平. 州 \equiv

Z

酉,葬公于

萬

安縣

龍

泉

鄉

緜

津

Ż

原

1657

年 始 轉 疏 朝 前 請 事 大 沮 夫 之。 **Ti.** 公素 年 Ė 有 月, 德 起 量 知 未 贑 嘗 州 語 人

史 以 自 去 娱 或 不 之 由 以 得 杜 喪 門 介 深 意。 居 時 至是 事 以 ___ 言 不 掛 者 傳 口 播 書

公之 于 里第 直 節 愈 壽 顯 六十 而 有 公已 五. 屬 五. 疾, 月 除 章 集 納 英 禄 殿 矣。 修

> 簡 忠 涣 康 功 鐩 務 子 男 特 、溱、澟 郎 也 致 軍 0 \equiv 0 錤, 都 仕 娶 贈 前 人: 女五 昌 迪 李 寶 臨 嘉 縣 謨 功 浦 氏 江 銶 事 定 郎 閣 軍 胡 累 Ŧi. 進 待 女 司 承 新 代 年 封 1: 制 户 奉 臨 李 令人, 人 羅 其 安 郎、 仍 上 尚 晟 壻 府 度 以 聘、 監 幼。 餘 越 也 公 與 通 鄂 李 杭 彝 舊 公 直 州 六 拓 孫 縣 典 學 相 郎 在 年 男 尉 繼 羅 賜 軫 城 前 + 川 謚 沂 而 其 知 鹽 季 人 卒 獻 月 南 遺 税 迪 即

文 務 經 不 委、 理 詞 卒 爲 通 史,不可 宦 以 流 乘之法、 有用之學。 公資禀醇 族之譜 理 修 爲 解 世 主 封 系 於 教 澹 心 或 以意 於於 尤 除 植 行 精 拜 治 外 自 爲先 河 於 之 道 物 之 幼 或 歲 利 至 誠 朝 月 體 無 老 有 典 參 制 所 與 志 章 手 貫 具 好 夫 焉。 事 不 備 融 前 惟 物 釋 液 發 關 代 之 刻 卷 意 爲 疆 鍵 無 源

之所 傳 慤 貶 給 交 知 幾 達 家 嚴 氣 敢 方 遇 静 之 等 承 言 善 事 何 遠 表 人 閲 密 即 晚 公 出 林 文? 見 氣 變。」三 左 簡 無 居 心 從 裹 位 有 幸定交,情 而 公 聞 賢 規 士 未 瑞 有 無 如 而 旁 不 攷之, 大 右 愚 從 久 金必 有 臨 媢 念公之三 有 能 贊 中 月 矩 貴 班 忌 0 法 文 大 \exists 言 多 , 言笑不 朔 於 賤 欲 胡 集 不 脩 節 者 義 有 又 去 尤 晚 少 君 喜 以 七 身 不 爲 爲 陰 至 力 長 正 講 + 子 之 銘 怒 踐 可 翳 與 篤 綺 僚 陽 之 行 卷、 而 見 不 妄,恂 言 奪 咸 公爲 麗 於 之月 嘗 次 失 形 屬 述 之 接 講 爲 外 之 樂 論 得 其 不 於 論 風 以 習 讀 少 集 同 恂 於 H 隱 色 明 老 0 三十 救 之 司 禮 間 年 聞 照 似 食 復 不 以 吕 官 成 余 晚 而 调 誣 病 不 事 先 必 某 平 亦 初 卷 祖 歲 則 TF. 能 瘁 未 足 有 實 視 大 實 儉 余 亚 遜 自 謂 藏 日 之 昔 戸 背 爲 岢. 以 賢 與 相 蔭 別几 誠 於 號

乎 摹 行 謂 心 膂 盡言 矣。 所 私 不言 與 日 萬 大 悲 甚 於 意 1 同 : 天 在 思 目 雨 備 儻 當 F 宰 劾 任 列 而 見 至 銘 識 惟 謂 汗 選 嗚 左 余幸 紹 以 後 不 任 相 其 次 日 者 公 必 呼 一史劉 0 史 行 熙 私 以 寄 青 剥 天 H 以 所 事 時 周 1 以 忤 無 耳 慶 蝕 與 則 陰 司 尤 其 旋 非 害 光 意 斯 目 日 雲 諒 兀 又 不 盡 忠 祖 其 天 爲 孰 爲 於 人 而 之 不 直 雨 言 遇 間 良 憚 之示 當 而 公 臺 知 身 間 見, 0 類 事 位 謂 才 在 如 諫 古 余 去 此 此 劉 E 君 至 非 諫 之日 彼 皆 有 戒 矣 心 相 雖 德 既 争 不 朔 之 不 居 蒼 激 如 當當 與 片 隆 之 嗚 至 論 秀 以 日 於 何 悲 此 論 言 以 乃 不 爲 寬 思 ? 犯 忠 呼 有 0 人 脩 而 天 之 諫 疑 顔 暸 憤 公 爲 下 在 君 道 之 願 史 列 然 爲 官 不 又 於 之 助 卒 自 惟 心 寄 亦 殄 難 此 多 奏 瘁 規 不 容 此 爲 以 多 心 使 口 義

成去 丞弼 極。 鯁 犯無隱,嬰鱗之逆。 爲糾邪慝? 不力。官以諫名,惟言是職。 爲天下惜。 之辯,不爲婉 用,博聞多識。 又不得。憂世之士,所共太息。孰爲敢言, 論 國。 首擢從班 日 帝王之興,四 遑 聞 遑 命 ,不容煖席。 非 靡 銘以昭之,後人斯式。 矯矯孫公,古之遺直。 畫。 不 寧 ,寵光赫奕。 其處 期 通 門以 前 天姿則然,不動聲色。 補 登諫垣,身任言責。 友朋,直諒三益。幕中 君德。 闢 道之塞。 召還 經帷史館,人望 無 蓬 飛 視古已狹,言 人不言,猶 山,上方御 語 不 容何病, 中人,又 學爲有 有 恐

攻處先生文集卷第一百二

攻媿先生文集卷第一百三

四明樓鑰大防

神道碑

資政殿大學士致仕贈特進婁公神道碑❷

矣。 守 以 與 未足,假恢復之名以逭 締 債 嗾 鄰 帥 之, 道 比歲權 好 或 爲 家中 平. 遵 夫 方召 章 豈. 養 臣 ·興 軍 時 不 一竊弄 八 以 或 晦 欲 + 驕 以以 復 威 餘 益 兵當犬羊,人人知其必 柄,富 大 年 俟 無 危 讎 天 忌 溢 四 之禍 命 憚 貴 歸 朝 己 侵 以 蓋 其 極, 疆 聖 其 旦 繼 ? 黨 猶 廟 一妄發 聖 又 謨 以 而 相 爲 深 相 申

> 丐歸 競 友 既 是 抗 危 詆 中,公皆與 初 古 有 不 龍 以 不 時 議 誦 和 叨 不 逐 諫 <u></u> 知 權 容 召 競 無 言 除 此 爲 兵 表 争 强 進 還 臣 所 職 人,則異 大夫遂 必 將 者 聒 稱 之者。 雖 回 與郡,竟求奉 爲 敗 專 仕 方 賀, 倡 撓 漕淮 寮, 主 或 一爲 縱 此 于 以 自 此 議者不已。」公亦自以 事。 議,猶 每 時 臾 右,騰 朝 詆 以 議 惟 語 以 者 公, 爲 御 友 及 婁 苟 雖 勢當 史,即 未 龍 書投合,妄薦大將 爲 祠。 公機 褫 此 爵 敢自 面 侍 至 職 位 從 未始不 如 御 不 會泗 不 罷 以 上 而 破 任。 史、 能 祠 疏 直 腹 在 竹 州 堪, 諒 明 非 爲 鄧 其 此 奮 獲 辯之。 之資 友龍 給 開 群 不合 然 位 日 無 捷 禧 讙 事 者 h 敢

- 本卷卷端原闕,據底本體例補。
- ❷ 本篇題及正文「聞之不悦」以上二千零五十三字、原

婁。 彦 傅 郎 高 郭 其 和 詎 莊 父 至 杞 上 左 長 + 公公曰 壽 氏 益 發 氏 公 實 鄉 重 世 口 臨 少 ൬ 有家 之 爲 仕 苟 至 書 奮 則 班 幼 朝 安 師 始 勵 曾 左 徇 郭 Ш _: __ 譙 得 府 奉 乾 而 馬、 干 法 宗 該 簿 時 祖 或 曾 姓 鹽 郎 事 道 他 穎 4 好 也 諱 一、崇國 韓 教子 後 祖 貫 官 吴 悟 日 衛 ? 銅 億 經 妣 以 縣 越, 年 以 柳 上 有 建 城 日 甚 史 杜 公 蓋 尉 億 此 將 賜 食 爲 信 避 有 榮 百 嚴 誦 氏 貴 其 生 致 標 軍 進 采 侯 八 武 或 家 數 1 乾 立 祖 君 的 于 + 士 肅 在 之 占 公其第三子 白 志 成 曜 澤 成 妣 婁 出 世 四 漢 書 數 王 言 或 E 或 國 民 者 鄧 身, 累 圩 俱 爲 嘉 嫌 憂 不 作 夫 謂 氏 能 贈 名 劉 要當自 爲 别 興 授 凡 遭 人。 文 其 自 服 顧 將 少 爲 左 矣。 直 始 蟬 持 五. 夏 刻 也 保 氏 仕 婁 少 潦 迪 傳 聯 欲 復 論 V. 苦 氏 郎 妣 小 主 功 太 以 師 爲 數 大 网 而

惟樓氏自武王封夏禹之後東樓公于

宗

디

朝

交

信

之

厚

既

葬

而

求

銘

義

不

得

以

經

濟

未

究

孰

不

興

殄瘁

之悲

諸

孤

以

鑰

口

年

高

疾

侵

奉

身

而

退

居

無

何

考

終

于

家。

詞

色

假

相

與

維

持

和

議

密

贊

更

化

惜

乎

驗。

先

見

敢

言

人

所

畏

服

既

坐

廟

堂

不

以

不

畏

强

禦

逆折

兵

鋒

言

雖

不

用

而

後

H

皆

太

子

賓客

月

參

知

政

事

蓋

公

天資

忠

鯁

0

尚

兼

給

事

中

月

擢

百

知

樞

密

院

事

兼

左

庶

子。

嘉定

改元

E

月

到

闕

兼

太

子

詹

事

Ŧi.

月

除

給

事

中

兼

權

工

部

尚

書

七

月

除

禮

部

天

子

思公之忠,十二月除

吏部

侍

郎

兼

太子

女

黨

失

措

始

媿

公之言。

月

再

畀

祠

禄

明

月復

職

+

月元

惡

既

誅

大

明

黜

陟

年

之

Ŧi.

月

也

己

而

延

敵

致

寇

塗

炭

數

郡

0

老

退

爲

解

先

書

V.

朝

之大

節

系

以

言

行

履

歷

而

銘

設 寬 葺,公大修酒政, 潛 章 服 植 壞 所 罷 士 預 廟 邑 匐 師 交 新之。 廬 JII 啓庠 被 裕 其 益 賓 素 得 奔 ,礱石 僅 出 上。 以 以 送 廣 慰 無 知 疾 存 處之, 于官,民 先代 蠶 矣。 縞 勸 學, 而 以記 其 民 擢 序 桑 獄 尋 歸 甚 賢科 素 大 輸 为 擇 訟 版 派 政 一德之。 0 優 盈 聲 貧 命,織 比 籍 既 師 幾 於 樂勸 七 郡 給 門。 既 無 民之奇税 遭 親 歲 E 絶 儒 潛 攝 以 庸 聞 應 書 外 羨 9 趨 酒 紡 委 淮 直 庭空 公 士有 漕 選之士,公首 艱 息錢 貿 有産 坊 有 桂 公, 邑, 性 士 使 時 縣 易至 兩 日日 枝 至 以 吾 , 寖 檄 役 率 犒 計 旬 去 近二十 民 坊 都 孝, 養 虚 公 I. 以 告 酒 税 以 于 堂 所 莫 以 三千 攝 治 炙 治 畢 仰 再 居 不 審 存 及 李 表 萬 宰 久 税 辦 之害 喪 借 行 四 察 器 邑人 建 廷 其 有 、公首 之 聞 等 稱 盡 留 廢 用 以 光 夫 H 廬 公公 闕 奇 最 户, 禮 子 歡 以 弗 薦 材 0 首 小 匍

> 復 爲 手 舊 書《 江 東 華嚴 提 舉 司 ^ 法 幹 華》等經 辦 公 事 以 嘗 伸 易 冥 淮 報 東 免 E 喪 而

舟 塋 課 西 欲 無 阼 公。 金 口 轉朝 將 域 干 安 亦 車 上,察 侵 縣。 不乏。 淳 之 紹 以 官之嫌 誰 發 熙 照二 衝 私 歸?」 地 請 其 十二 + 郎。 有 遇 號 誣 六 年 滯 親 騰 難 石 年 守 年 白 閱 慶 2 謗 訟 治,公以 督 光 復 郡 以 案 通 元二 者 隨 賦 宗 索 覆 舉 判 籍 不 以 峻 覃 元 主 鞫 饒 年 爲 清 厲 豫 學 價。 恩 之, 改 州 到 動 省 ,公不忍 定 道 宣 0 官 賜 0 得 役 愛 公 教 Ŧi. 巨 銀 不 事 人自 次, 日 郎 年 室 緋 重 多 冤 -: --施一 民 買 歸 皇 知 人 死 任 設 縣 地 服 獄 衢 決 上 箠 不不 得 爲 當 具 踐 其 州 而 又

0

[「]其」,原作「具」,據《四庫》本改

❷ 「熙」,原作「興」,據上下文義改。

遷 經 不 奏: 幹 得 萬 源 攝 相 詞 · 及 百 宗 費 熙 減 辦 章 洪 州 人 0 又以 公邁 等。 E Œ 及 諸 祖 寧月 身端 萬 一經詳 寺 又 南 宗 軍 監 主 論 參 稱 康 盛 支 審 乾 行 簿 諸 政 覆 刑 道 口 時 四 計 道 治 尤 袁 臺 科 名 吏 以 萬 司 公説 已支百 薦 不 疑 益 其 既 禄 之。 容 慮之弊。 Ŧi. 南 稱 口 兵 以 口 友 年 渡 其 疑 、廪歲 六十 謂 派 敘 帥 之 無 能 者 相 蜀 公所 歲 公學 七 同 萬。 京 不 相 六 辟 不 月 太 過 公 率 輯 年十 有 用 守 議 欲請 也 緡 列 ^ 兵 源 以 幕 漢 錢 見 薦 委,工 聞 不 輪 隸 裁 + 即 月 月 就 損 俱 猶 數 對 除 字 内

問 官 縣 編 、公日 中 以 時 嘉 公兼 興館 皇太子 泰 陳 元 E 資 閣 年 言 善 書 以 9 IE 堂 爲 目 惠 道 ×, 太 小 或 常 又 學 又 公始就 請 博 教 以 授 寬 士 累 卹 朝 外 秘 或 淮 事 傅 書 公 浙 親 郎 遴 鋭 被 修 選 情 早 請 身 學 學 州 續

> 矣。」 問 夏 治 裨 無 上 爾 觀 日 益 他 喜 省 或 間 長 又嘗語孝宗 曰 : 昨 愛 只是廣好 習 嘗 • 民 日 細 謂 更 唐 與 四 民 公 無 先 事 文 贵 日 宗 生之意 生 能 手 戒 : 句 但 説 今 堪 食 書 及 何 云『人皆 以 蛤 之?」公以 日 。」公隨 事 百 獻 蜊 甚 ? 姓 事 熱 真 苦 或 · 禁 事 之 此 或 炎熱, 公具言之, 坐 開 公 意 奏之。 廷 明 過 日 深 之 我 多 邃 朝 遠 愛 此 E 所 出 勺

其 結 閒 爲 百 事 郎 職 奉 官 煩 官 E 而 承 改 條 三年, 以 至 不 不 Ŧi. 具 資 知 苛 兼 月 闕 善 訓 刻 能 除 駕 9 政 倚 閱 爲 以 太 出 部 ,公力言 常 重 以 秘 木 己 以 不 强 丞 書 民 見 專 允 軍 財 省 以 仍 訓 律 著 裨 \equiv 兼 導。 周 作 將 弊 或 資 旋 時 帥 論 郎 都 善 謂 公 四 偏 載,不 年 城 裨 外 尋 旋 七十 大 務 朝 臣 兼 以 火 爲 懈 臣 民 右 不 交 稱 漕 務 命 曹 丐

外 開 獨 省 公 六月 公得 公 虔 F 亦 必 小 所 而 日 論 慈慈, 怙 學 孰 及 憚 郡 睠 廷 不 兩 惟 論 人才 同 之尤 公。 解 守 图 勢 顧 不 任 辨 公 近 师 寮 妄 最 測 輕 願 有 奈 難 極 時 監 析 子 幾 日 嘗 親 作 濫 喜 舉 ? 得 告, 何 察 俛 士 如 口 不 字 公又 與 太 主 狙 風 御 響 首 蒙 命 忍 財 閣 公 甚 畫 薄 之, 史。 年 蔽 講 1 不 捨 權 力 門 E 每 惡 少 又 \equiv 官 貽 敢 自 卒 臣 未 謂 疏 納 當之, 公亦 著《 差,必 講 戴 + 肆 害 吐 驕 聞 聞 裕 . 極 謁 未 公溪 干 以 之不 者 廣 萬 逸, 論 語 恢 退 公 爲 詞 首 里 上 求 干 聳 及 復 遽 之感 于 而 説 方 爲 耐 然 是 禄 尾 之 者 兵 除 雖 驅 寒暄 之 去 時 許 字 如 E 名 必 所 連 命 密 于 涕 跋 小 作 又 **>** 罪 已 議 禍 非 謀 鋒 兵 史 論 外 縣 公深 日 編 結 愈 不 去 頒 端 鏑 他 蘇 京 四 美 莫 之 臺 久 方 官 或 或 無 又 于 年 或 而 師

> 端 之, 得 日 大 主, 主 知 能 將 保 議 베 爲 其 甚 羽 誰 力 可 書 用 計 公 馳 乎 日 臣 ? 以 中 孰 苦 外 任 惶 ? 語 惑 勸 IE 0 之, 使 友 且 以 龍 殿 日 方 巖 爲 今 當 臺

釁 昌 形 説 論 泗 惟 公 書 \equiv 優 几 言 捷 月 有 於 司 舍 養 衙 晨 廣 聞 色,略 管 蓄 開 香 日 人 以 省 會有旨令宰 愈增 死 致 諸 禧 . 備 軍 人 9 閏 而 每 各舉 禱 才, 乞韶 緩 改 道 使往 憂 不 月 已 會 元六月 進 急 危 少 真 願 坐 兵, 將 不 慰 變。 除 天 且. 1 帥 執 能 安 佑 謂 親 侍從、 除 月, 邊 曰 從 人 聞 今 或 見 . 侍 郡 . 也 情 除 丞 家 欲 公 右 從 吾 若自 二人, 臺 相 太 則 以 力 正 以 老 春 臺 諫 公 常 史公、 言 可 詆 安邊 矣, 此 初 諫 少 宣 友 學 必 兼 卒 成 無 集 卿 諭 召 龍 士 境 樞 欲 侍 功 議 以 問 荆 所 用 密 兼 開 講 此 待 襄, 施 甄 公 及 兵 宇 以 邊 權 去。 制 力 拔 聞 義 攄 啓 之 公 文 中 首

仍致

前

書

以

示

而

東

官

愈

加

愛

重

否

以

事

未

果

發

猶

未

知邪

耄

唇

恐

無

以

補

儲

德

子

尚

小

煩

卿

教

導

民

瘼

所

著《

年

皇太子念公最篤 不忘 紀 待 未 生, 穆 内 於 映 之眷。 謂 Ŀ 深 聞 集 死 報 卿 律,課其 公在 侍 私 朝 敗 耳 : 亦 公來 敢 玉 首 日 久 等 列 或 「至公始 幸 勇 人心 . 音 矣。」公謝 選 所 自 爲 未 殄民,今惟 歸 嘉 不 謫 部 昨 籍 嘗親 是 勤 汲 幾 莫 將 獎, 官 守 問 家 難 Ė 惰 引, 還 簡 無 不 可 尚 信 除 日 貲 法 於 必必 朝 注 書問 以 以 所 想 私 何 革 招 尤 絡 詹 : 專 爲 衰 觀 當 聞 讎 服 言 德 深 事 安 爲 莫 太 後 感 未 行 天 望 風 而 之汙隆、 言 宫端 爲 資 嘗 昕 廷 治 秋 及者予之。 戒 而 撻 赴 王 吏 甚切 總 朝 鼎 對 銓 小人欺隱。」 繳奏海 數 望治之誠未嘗以 調 誠 恩旨太 要 宰 者 益 盛 吏,使之治 爲 貢 以 治 **>** 、公奏:「古 公謂 並 清 舉 執 維 思 欲 廵 貴 效之 持 與 書 所 並 使 濫 八 上 彼 有 免 公,乞下 成 兼 加 以 乞 與 廂 又 顧 既 里 優 宫官 差 就 葬 以 裨 聞 親 稱 宰 收 冒 人 御 劣 而 潤 助 廟 日 從 非 法 至 臣 人爲 寑 故 試 色, 後 遂 . 禮 論 綱 仍 都 禁, 再 月 口 日 未 任 來 諸 部 舉 E 時 冀 軍 亟 : 國 諳 取 應 天 位 而 領 下 赴 聞 頭 具 啚 舊 一之心 官 知 年 所 官 部 挈 三千 上 指 朝 夫子 者 宫會議

格

之

揮

使

1665

以

絶

異

議

官

親

族

有

赴

繳

極

矣。」次

論

兩

淮

招

復

且

爲

沮

仰

涉

以

至

公。

若

 \Box

私

恩

而

驟

致

巾

又

無

欲

速之

下。

權

臣

以

私

意

横

采。

見

E

首

論

=

事

益

鶴

精

神

照

但

恐

進

鋭

裉

速

禍

愈

胥

不之問

即

· 韙之。

上

頃

刻

不忘

喪

未

舉

而

子

高

文之

宿

憤

老

臣

雖

害。」

仍

請

檢

柅

權

臣

難

於處。

若

非

繩

以

養兵

之

助

天

顔

説

粲

之始 若 之不 賢 之, 物 裨 切於時 用 議 扄 俾 以 員 諫 如 直言 及 第 陞 至 甫 某 論 以 尤 或 斷 此 格 E 爲 亟 固 朝 奏 成 以 爲 瘡 非 除 不 則 官 前 邦 , 先務安 爲 當 多 之 可 미 痍 通 授 有 以 既 當 本 要 序 賞, 改 自 否 之不 行 方 籍 勞 爲 登 覽 隨 重 秩 練 應 者 深, 以 陳 不 月 兩 事 惜 不 作 執 士卒 静 當 能 乞 備 何 課 地 時 輒 市 弊 名 奏。 邑 及 封 參 當當 以 以 蠹 言 患 私 器 茸 以 親 决 贈 若 勸 飛 而 恩 堂 紛 在 干 罅 壯 無 之 持 政 蝗 必 不 公日 然。 戈甫 漏 吏 孤 或 汝 嫌 不 餘 求 循 欲 有 知 寄 以 威 寒 輩 於 避 言 法 鷃 内 公 定、信 資 成 可 者 乃 數 嫌 知 度 彌 失 除 用 未 紀 又 何 之 以 士 怨 縫 考 綱 仕 謂 奏 白 進 以 所 則 夫 公 使 人 協 訂 身 辛 伸 退 往 論 恐 有 節 日 有 而 得 舉 來 皆 去 臺 勤 ? 人 儲 例 非 財 和

未 孟 濱 公與 適 儒 之清 秋 俱 爲 攝 公首當之。 慮之昬 四 再 同 0 禮 聚 許 9 上 納 坐 生 中 冬分詣 諸 堂 留 告老之章。 儀 禄 旬 古 於癸丑 書 嘉 後 裒 方 9 使,前 不 定 E 侯 上 **\$** 浹 公皆屬 形 才 時 志 一, 正 寵 原 閒 雖 允。 讀 詔 五. 英 方 貢 甚。 年 廟 病 0 用 雖 導 册 日 旨 氣 浩 囂 都 八 和 公 \equiv 趨 相 於 疾 云 彊 是 然, 詔 方 月 省 之生 又 賜 去 拜 廷 年 尤 \equiv 年 輔 按 日 後 臨 大作 亦未 生 五. 爲 鼓 吴 如 太 七 :「太公既 年 堂 百 軒 甲子 朝 餼 月 晚 吹 子。 + 少 Ш 辟 久 雖 行 詔 見 景 壯 求 嚴 有 水 傾 以 不 耄 皇 某 精 曰 歸 七 然 聽 公 之 講 而 矣 禱 太 退 更 : 神 段 生 尤 弗 秀 警場 盛 子 老 祝 闷 而 之 美 初 九 儲 切 九 日 敢 册 感 猶 頌 慶 典 憊 生 未 談 月 秋 百 君 復 疾 之 命 以 縟 聞 F. 起 我 與 在 Ŧi. 明 風 言 禮 詩 儀 公 智 復 冬 使 耆 堂 猶 公 露 仲 海 公

累官 薨 故 修。 州 寮 復 顧 忽 光 伯 嘉 俱 紹 卹 , 先公 卢 感 興 諸 勉 敘 徐 監 彭 典 禄 實 力 遺奏 微 郡 子 留 川 氏 IE 西 大 如 辭 或 冢 從 四 日 京 開 議 説 疾 大 制 夫 四 而 年 燔 事 史、 提 聞 大 或 以 中 去意 年 旋 + 「大期 猶 黄 皇 郎 晟 舉 夫, 嶽 公, 進 ,上爲之震 實 卒。 取 寝 太 以 3 府 臨 廟 除資 堅 録、勑令、會 食 月辛 懇 東 表 紹 子 安 典 迫矣, 復 决。 邑二千六百 請 奏 耼 子三人: 賻 宫 府 樂 女一人,適 政 康 展 徹 酉 不 奠 洞 申 承 悼 殿 除 彊 己。 章 也 閱 加 勿 霄 之 務 大 資 檢 厚 以 輟 尋 宫 曾 享 郎 紹 加 學 政 要 皇 視, 藥 以 Ŀ 視 孫 年 故 曾 可 贈 户 士 殿 皆嘗 太 來。」 歸 朝 休 命 以 特 七 學 謂 致 朝 子 封 食 迪 致 筆 + 請 公 哀 仕 士 進 吴郡 提 又 是夕遂 實 延 贈 功 書 之 參 有 榮 大 舉 賞 見 遣 金 爵 封 知 郎 豫 矣。 偈 夫 九。 親 夫 紫 纂 宫 延 陸 至 福

> 直 寅, 績 運 承 務 司 焕 葬公于嘉興 長 慶 章 曾 郎 適 孫 元 閣 知 進 府 知 於 士 造 : 慶 潛 史 船 楚 縣 兀 沾 縣 場 履 府 丞 孫 程 次 程 ; 端 鄉 適 女 進 同 節 東 承 0 次 祖 洲 0 務 孫 之 郎 五. 尚 滴 原 人 年 幼 進 監 \equiv 士 兩 續 月 女三 魯 浙 祖 之 甲 轉

皆 翼、 時 親 類 爲 如 英賢 聞 董公彌 如 源 可 祝 喜 公言初弟 此 公天分素 流 舜 朱 前 然爲官 俞 大 又禾 輩 少 師 將 卿 龍 詞 拜 高 興 方公侍 自 IF. 章 親 鮑 輔 自 號 加 政 任 郡 未 少 以 事 巖 道 郎 易 師 篤 紹 壑 仔、 務 學 戒 學 興 」, 爾 德 之 , 問 聞 閒 其 而 滋 日 論 人 寓 謹 爲 家 議 務 公 方 之。 名 訓 各 德 寄 得 景 勝 尤 滋, 有 客 義 官 南 嚴 多 次 方 誠 所 雲

⁰ 聞 卷 人 務 德 「嘉興 滋, 疑「務 人聞 人茂德 作 名滋。」 茂」。 宋 陸 游 學

之 諸 於 理 不 士 篤 益 再 流 士 長 X 善 垂 口 後 素 事 子 古 孝 爲 歸 最 情 論 紀 雖 壯 而 學。 聖 若 公從 薄 遲 0 憚 緣 以 友 深 久 宫 近 抗 歳 主 將 之。 遺 然 逢 寮 飾 而 輸 議 少 輔 終 之 先 用 既 服 澤 辰 棟 送 以 是 師 雖 導 卒 身 游 之 主 以 之。 出 雖 任 未 自 沮 非 囑 在 最 焉 太 眷 此 晚 丰 冠 貤 聞 權 同 公以 枉 遠 勤 發 晚 周 日 弟 編 恩 見 而 姦 譽 直 霄 外, 憂 身 隆 之子 貧 贈 益 民 孤 顧 耄 望 直 判 或 翩 濟 念之不 官 又 遇 廣 弟 未 注 已 於 L 然 撫 0 急 門 自 尤 意 高 及 語 心 求 所 詔 育 模 建 居 無 初 渥 大 尤 而 下 特 閒 著 訓 擢 年 立 忘 鄉 耿 筮 雜 用 從之。 篤 疾 諸 飭 以 兒 不 愈 用 耿 不 歷 然 惟 姻 木 書 爲 誠 相 偉 甚 官 不 復 卒 方 皇 之。 公 亦 黨 悉 若 峻 後 接 少 顧 嘗 太 爲 老 居 侍 所 無 有 言 變。 物 忌 命 善 性 急 資 子 愛 敢 生 至 而 而 功

畫 閒 見 序 之。 動 知 耽 進 好 左 干 不 亦 疏 庭 同 皆 賢 其 前 賜 口 如 引 在 嗜《 亦 以 列 清 以 商 平 環 宗 爲 殆 私 某 姓 不 有 字源 稱 談 則 東宮 榷 寺 初 I. 名 不 者 欲 久 生 而 法 知 獎 從 古 而 歡 歸 未 及 容 人 公之相予 出 容 ×, 所 人才,不 今, 尺 益 作字 其 旋 故 識 之 書 牘 可 敬 會 廬 同 干 班 公, 馬 温 知 論 當當 真 用之 遒 僅 人 0 馬 禄 然 也 文 而 軒 美 多 兩 集 庇 字 \approx 遺 清 如 畏 有 説 同 榜 議 行 實 藏 地 風 裁 類 用 寸 春 近 友 年 詩 年 以 雨 弆 ***** 時 若 意 長 也 恊 矣。 草 以 傾 李 銀 事 致 不 小 蓋 俱 最 備 既 心 扁 亦 吏 題 學 有 深 又 可 勝 執 無 於 既 公之意 歸 采 時 部 榜 訪 犯 老 别 不 政 H 取 朝 閒 出 聖 亦 隸 好 闢 微 問 可 事 復 夕 而 所 法 議 俞 古 之 其 丈 而 賢 游 來 俾 在 者 公 剛 書 嘉 小 室 政 所 能 善 公 名 爲 寶 篆 始 素 薦 於 書 毅 餘

非 馮 問 身 欲 耗 稠 時 歸 往 筆 比 來 僅 研 墨 能 盡 既 屬 猶 廢 受銘 藁 未 乾 日 文之託 既 耐 過 計 不 故 能 聞 府 偶 發 惕 云 明 以 然 Ľ 潛 多 之 德 于 病 痛 中 終 有 乞 志 古

媿

於公云。

銘

日

是

侔

末 郵 總 津 仕 居 獨 信 語 厭 侯 乃 林 抗 ,貴名日 學 德 偷 師 俱 修 思 自 妄 丘 論 婁之得姓 絡 後復 婁。 幾 謂 優。 絺 人 力 如 破 惟 休 運 遏 士 偓 公 鄧 竹 厥 立 元 狂 騭 木 或 實 初 惡 不 朝 權 期 0 謀。 欲 橐 容 器 既 正 衆 女妓 乃 功 本 兠 誅 色, 衆 莫 棄 於 專 大 東 六 河 敢 或 楚 涼 置 避 樓 秋 月 告 舊 僅 言, 欲 鏐 州 競 天 德 出 后 取 老 球 0 在 咻 是 嘉 師 徒 挑 邊 謂 累 師 漢 求 猷 懷 氈 壘 石 公 致 葉 文 初 爲 裘 私 爍 立 寇 以 嘉 謂 劉 捷 寖 川 憂。 異 發 金 沮 禾 皓 書 登 氣 債 自 ()解 身, 軍 流 公 要 索 置 帥 義 來 建

> 儔 哀 縫 恊 漢 榮 調 恭 爕 殄 雖 厚 老 瘁 備 德 歸 相 悲 周 鎮 急 與 深 浮 咨 景 閒 諏 己 銘諸 于 饑 遒 兩 勢 饉 出出 社 寇 方 典 克 攘 白 刑 尚 平 壯 瘡 E 爾 其 痍 矣, 後 猶 未 人,先 去 後 瘳 不 孰 司 留 列 與 彌 寅

集 英 殿 修 撰 致 仕 贈 光 禄 大 夫 曾 公神 道 碑

登 以 卷 博 世 而 館 進 直 道 仕 士 ,荆國王 贈 不合, 士 德 宋 贈 道 太 第 興 文 師 太 Œ 崇 ,達者三人: 章 文公志 密 爲 言 師 尚 名世,學者宗之, 文 或 事 儒 魯 + 公南 術 或 太 其墓,蓋 餘 八宗、 真 公易占 振 豐曾 萬 日 起 言, 鞏, 宗 公致 首 一代之治。 又著 有 爲 稱之。 爲 號 文 名 堯 中 南 章 以 臣 時 書舍人, 政 文 六子皆 議 先 事 是 鳴 直 > 當 材 牛 中

者 皆 第 公幼 謚 奉 大 相 餘 謂 南 師 高 氣 E 吾家繇 一因 娶 夫。 仲 端 友 大 時 繼 郵 年 節 文 布 則攷古 淵 夫、 曾 强 軍、 取 昭 嚴 論 位 祖 而 世 銘 父協,年十 議 源 有 悟 氏 舒 當 密 知 孫 宰 纁 南 科 其 尤 非 大 著 州 永 豐 刑 元 相 文 能 書室 明《 魯二 挺 臣 11-州 甫 益 書, 祐 之 部 口 憲 言 特 之 利 春 爲 盛 曾 侍 公 公 即 贈 卓偉 日 强 文 有《雲 風 禄 九以 秋》 天 際、 益 郎 家 「求 至 仕 肅 知 正 而 子從 其 炎 永 重 奉 終 擢 徽 讀 而 E 之 以 詞 名 與 莊 後 州 於 第 大 祖 皇 書 日 承 儒 臣 賦 從 集》 汝 天 亦 肇 夫。 初 始 魁 議 奉 故 雖 如 IE. 當 弟 勉之。 下 最 政 居 行 皆 胄 郎 使 終 上 奉 志 矣。 家 吏 自 盛 湖 於 數 取 監 贈 蔡 翰 再 部 其 語 文 文 之 世 科 道 爲 林 公服 侍 後 遠 昭 獻 尚 龜 公 左 第 德 學 詞 中 六 終 歷 表 書 且 日 \equiv 郎 Ш 世 不 膺 朝 晚 + 大 然 奉 知 字 表 俱 .

> 器 義 興 三十 之。 方 州 攘 官 海 隆 益 陵 興元 年 吏 自 縣 多 刻 太 尉 年 解 勵 學 兼 散 賜 端 從 公公曰 主 進 名 簿 明 士 儒 汪 出 : 授 時 公 身 毛 應 廵 虜 授 騎 徼 辰 鄭 左 驚 爲 職 詩 擾 迪 也 司 功 吾 所 郎 其 在 紹

以 獎 羅 之 數 寇 泰 滿 彦 見 奉 新 可 志 學 循 致 後 + 去 治徽學 穎 宜 乎 繼 親 官 左 幕 輩 IE ? 從 就 儒 下 不 爲 派 課試 奉 - , 竟守 於貨 者 養 相 林 禮 乃 憂。 以 與與 郎 部 周 賞 廣 精 凡 文 侍 其 職 爲 類 服 調 格 審 經 忠 郎 榜 季 得 徽 不 除 介 指 公必大、參政 有 爕 就 諭 州 末 意 與當 授 再 自 俱 教 以 減 皆 旁郡 爲 公公立 而 授 秩 安 路交 温 言 滿 臺 集 爲 執 於 郡 州 篤 以 之 上 時 「三樂 經 理 教 意 争 京 李 名 親 歸 授 官 席 教 論 忠文 削 陞 捕 齋 養 薦 下 及 兵 如 劇 者。 以 酬 將 燬 淳 所 更 盗 垂

當 散 政 降 奉 煕 制 在 爲 吏 施 先 催 制 拘 請 Ŧī. 於暇 部 諸 年 天 錢 守 科 公公 選 兼 郎 於 議 悉 者 下 侍 臨 無 年 格 劇 以 左 文 可 得 不 承 時 擾 縣 評 糧 明 治 郎 紹 民 ,爲《邑 惠 其 以 隨 議 改 堂 摭 熙 邑 沈 料 事 公 歲 迎 實 民 利 事 郎 通 0 公 院 恩 者 前 元 良 感 命 刃 害 旌 直 揆 年 輩 至 究 勸 政 賜 光 近 臣 其 而 П 賞 郎 繼 役 江 八 賢 緋 總 心 0 宗 臣 惠 帥 解 撓 寧 月 令嘉 有 將 詳 類 治 任 衣 知 覃 舉 江 皆 漕 不 軍 滿 有 讞 銀 W 建 遷 歷 恩 父老 東 言 俟 先 意 民 魚 命 康 殊 又 任 大 暨 書, 稱 善 字 差 期 偕 雜 赴 績 府 年 請 詣 理 爲 行 樂 民 而 處 監 都 講 則 人以 寺 勞 江. 臺 项 平. 與 願 輸 堂 待 寧 司 畫 主 轉 加 府 獄 治 月 允。 法 充 以 審 既 縣 授 簿 借 朝 獎 上 犴 幹 訟 令之所 者 推 詳 察, 不次。 之, 拔 治 奉 留 屢 事 辨 多 輪 以 排 空。 最 以 無 行 + 參 故 公 轉 對 新 朝 陞 牽

> 之。 取 Ŧi. 又 憂,五 不 請 + 申 萬 趣 年 飭 而 選 権 八 辦。 屬 月 酤 吏之才 除 征 \equiv 税之禁,利 年 司 農 轉 者 寺 朝 授 丞 請 以 一,被旨 害詳 郎 成 九 筭 明 月 和 戒 J 糴 時 以 母 米 論 苛 石 肆 碩

人

年十二

一月擢

知

温

州

公正 緡。 稱 筏 穫 以 醫 軟 東 1 令之議,又請 公錢 者。 0 塘 畚 颶 不 身 里 水 梮 以 慶元元 其 風 誡 社 退 給 帥 殺 永 以 用 淫 廢 乳 修 濟 生 嘉 1 其 勸 疾 雨 年 爲 捍 哺 衝)築瑞 號 無 0 稽 細 之, $\dot{\Xi}$ 立 海 者 多 告者 闢 皆 板 大 月 祠 溢 費, 士 安 極 良 畢 籍 使 陛 爲 石 \mathbb{H} 意 且 舉 全活 可 素 聯 辭 菑 出 民 以 賑 碑 久, 服 戢 保 及 産 贍 卹 復 以 樂 甚 公 伍 吏 至 平. 子 學 清 衆。 申 紀 奏 化 拊 今 陽 棄 其 汰 劇 尤 蠲 創 民 人 而 故 邑 德 酷 廵 養 T 賴 斗 弗字 年 以 尉 薦 錢 濟 教 門 其 循 秋 數 具 院 **\$** 之 舉 丞 利 舟 罷 相 良 爲 未 月 所 以

從 寬 葛 是 爲 燕 復 押 越 或 左 銷 潾 對 解 斥 年 上言、 有 論 境 曹 泄 選 文 宴 正 民 遠 轉 Ш 使還 定 問 者 勸 9 難 抵 事 力 邊 私 日 以 朝 諭 凡 之。 公家 故 或 羨 至 將 昵 上 公 奉 竟去 皆當 命 使 信 京 躬 銅 猶 9 垂 邲 大 未 杜 宴 去 久 始文 錢 地 使 理 世 意 然 鎮 口 世 夫 嘗 任 絶 皆 文案 樂。 一,以 前 經 、公避 越 道 宣 急 廣 帥 用 昭 請 將 術 其 賜 導 務 和 南 守 例 及 嘗 接 行 年 去 樂 奏 滯 事 糴 豐 席 恪 諸 之 使 伴 召 樂 停 等 胡 值 訟 除 以 對 不 弊 守 使 惟 朔 納 及 赴 印 語 伎 憲 厚 尚 頓 拜 祖 者 方 以 罷 合 行 稱 造 申 聖 清 書 邦 訓 皆 始 公叱 講 燕 厚 引 在 嘆 增 慈 嚴 以 户 儲 以 求 就 射 之, 所 名 義 聽 烈 九 部 贓 蠲 重 重 位 止 内 最 家 詰 納 之 月 楮 墨 或 郎 以 虜 之。 治 逋 几 列 者 充 體 責 喪 之 忠 中 券 它 悉 授 諄 負 月 0 再, 科 諫 及 館 禁 金 治 人 諄 勉 往 比 辭 既 以

以 者反 既 産 爲 民 决。 副 請 剡 期 寔 軍 夫 知 餘 疏 事 定 去 授 它 馬 使 大 以 緐 時 縣 典 屬 奏 、公奏 自是 匿 首 夫 之, 輸輸 錢 税 兩 \$ 部 六 刑 物 報 存 殿 不 綱 糧 月 月 之 廉 七 競 送 稱 約 , 出 起 良 之 運 最 所 請 所 月 復 知 以 以 是 定 諸 愿 發 乃 患 弊 存 9 部 除 除 委 時 趨 不 物 郡 詳 無 9 蠹 師 也 戒 疾 直 且 部 户 勸 多 力 賦 擾 列 0 特 不 郡 苦 議 敷 凡 使 爲 部 税 不 賦 甚 軍 宿 四 選 賞 縣 文 部 女好 者 文 郎 時 不 税 年 給 獄 閣 罰 飽 必 民 運 緡 以 無 書 人 中 許 干 以 官 有 兩 當 錢 翻 容 以 福 高 上 不 契 總 饒 公奏請 造 被 侵 進 失 訴 欺 竣 多 建 價 可 券 遣 欺 俱 訟 領 期 之 秩 見 之。 事 路 折 之 吏 五 移 淮 集 久 者三 多 奉 者 轉 計 施 估 首 卒 年 繫 F 用 西 寡 公復 詔 始 面 行 朝 度 諸 百 當 獄 轉 以 要 其 散 以 E 得 轉 江 而 路 案 束 又 革 否 便 訟 朝 奉 丰 萬 H 東 大 子 運

税 奏 人 繫 及 倚 者 虧 閣 收 上 呼 錢 刀口 舞 合 州 散 + 積 去。 有 負 六 鹽 而 萬 本 漕 緡 ·, 併 計 視 免 累 始 州 歲 至 縣 木 增 所 於 負 鏹 郡 白 IE. 邑

萬

悉付

來

者

以

寬

氓

征

諸 院 詰 旁征 逸 所 月 修 州 凡 苗 克之弊,謂 長 除 支 修 房 勑 檢 宜 宜 倉 税 令官。 公事 進 費 詳 征 巧 征 嘉 一戒其 吏 起 不 泰元 取,肆 諸 商 禮 商 居 慶 房 悉 交相 遣 或使它官吏侵擾,爲 元 舍 而 年三 二年 歲 文字, 歸 條 詣 人。 行 縣 中 足。 于 規 闕 法 一月,詔, 無 有 徧 州 三月,遷 歷右 奪。」上嘉納 内外, 事 今爲 因 忌。 以 居 若 類 直 宰 備 入奏計 外 \approx 司、 小民 郡 前 掾 答 内縣 中 縣 轉 者 奏事 左司 裨 訪 書 則 苗 朝 赴 於 門 之。 贊 俸 議 縣 税 因 訴 郎 州 九月, 請 下 者 給 大 爲 或 論 取 中 搜 除 郡 夫 省 名 概 屬 反 衣 舉 勑 檢 樞 兼 不 籍 輸 糧 縣 遺 \$ 故 密 敢 於 掊 删 以 與 兀 IE

> 是 諸 從 可言 令。 通 曲 進 肆 爲 解 中 郎 修 月,除 去。 外 大夫。 官、 議 阜 萬 爲 生 賜 孝宗、光宗 用 十二月, 大 縣 端、公持不 臺 事 誕 政 民之命, 實 服 六月, 夫。 開 嫚。 改 者 金 録 起 公持 或 正 廣 表 紫。 居 院 公察其 右 男 裏寺 實 復 轉 提 郎 必使姦豪 鉅 心忠 檢 食 有 經 録 舉 中 少貸,且併 商 討 吏,曲 兼 筵 邑三 奉 轉 訴 江 虐 恕, 官。 姦 權 讀《 大 者 州 死 太 執執 刑 白 臨 夫, 畏 太 爲 中 下 其 兩 = 部 户。 事 付 平 法 道 弟 大 棘 朝 尋 年 劾 侍 明 京 興 地 夫。 寺 寶 改 四 商 郎 吏不 開 流 審 或 兆 訓 兼 閱 月 綴 人罪 禧 竄 每 宫。 同 郊 實。 或 舞文, 9 補 終 逃 獄 祀 除 詳 謂 史 ",卒以 年 文書 歸 篇 恩 史 吏 權 刑 權 院 定 院 求 勑 轉 封 乃 侍 門 輒 獄 編 轉

月,公被命守婺,未 定 改元 , 皇 上 幾 更 改 化 姑 孰 盡 起 暑 故 老。 抵 郡

宗 集 聲 夫 甲 夫 年 月 惟 縣 興 爲 Ŀ 適 相 1 府 告 自 祀 或 有 英 徹 府 命 陳 夫 也 錢 辰 仍 師 禮 遠 殿 子 弟 爲 貴 聞 都 塘 也 本 旅 遂 娶九 成 慮 今既 修 縣 奏 誠 職 税 饑 官其 享 先 祠 輟 述 撰 欽 至 務 致 饉 進 年 + 而 行 請 出 屬 移 江 賢 秋 孫 仕 之 後 七 封 疾 年 仲 疾 處 鎮 感 王 鄉 治 後 女 復 + 開 如 日 卒 良 焉 暈 大 滴 氏 越 提 姑 西 或 格 有 以 勞 登 概 公日 眩 數 谿 舉 孰 承 子 侵, 可 封 子 來 疾 仕 事 隆 Ш H 乞骸 如 冒 0 八 碩 掄 流 加 求 : 薨 故 先 郎 興 郎 月 會 遺 爲 人, 徙 去 食 ? 绺 骨 府 承 奏 臣 合 丙 實 新 邑二 益 克 之 寬 子 務 午 聞 玉 雖 肥 知 IE 詔 丐免之章 堅。 次 有 隆 整 郎 事 擇 逋 發 月二 葬 以 以 百 令德 君 萬 軍 節 帥 從 州 前 光 通 户 于 壽 息 費 年二 東 監 臨 + 奉 詔 所 東 禄 宫。 民 數 善 安 陽 自 H 大 几 嘉 大 西 以 政

外 遺 以 朝 守 深 謙 黨 顧 通 校 去 利 人,又問 調 覺 澤 銓 有 家 官 廷 鄰 抑 廼 翁 徊 杜 繇 法。 及 制 未 始 竟 公資 有 里 卒 如 門 同 翔 受代 公 遲 少至老 加 是 方 加 婚 故 因 南 姓 却 久 嚴 次 妙 禀 郊 葬 搜 業 以 豐 而 爲 掃 之, 六年 欲 先 恩 年 純 急 訪 律 後 名 聘 遂 好好 世 决 難 任 明 始 己 谿 爲 孰 菴 使 六 爲 資 時 科 學 登 持 而 圖 園 在 者 器 必 日 新 從子 相 産 不 前 賞 班 禁 Œ 晚 數 賑 安 識 安 意 虜 推 倦 舉 不 典 遭 列 年 從 畝 於 凝 而 之 屬 問 與 六 者 意 以 外 遠 平 内 助 口 行, 杖 其 公 其 皆 既 補 囏 象 既 進 外 經子 焉 迴 屨 氏 事 季 歸 簡 無 餘 不 不 而 奪 族 徜 族 親 恙 既 默 以 日 得 復 自 待 又 公 史手 姻 徉 告 盡 免 其 方 自 以 公亦 以 恬 所 以 海 敭 人 喪, 禮 言 姓 自 接 於 欲 於 自 造 職 至 IE 陵 歷 益 從 奉 勢 校 物 鄉 不 或 名 是 蜀 赴 謹 號 中 丽

期莫逆 子若 生 薨 生落 媿。 堂 狀 典 祖 藏 不 岐 願 事 定, 考異 · 負 契 公 者 雅 風 展 先 手 來 Ħ. 初掌 烈 文獻 闊 及某 敬 弟 落 家。 藏 爲 日 以 : 多 弆 銘 某長於公四 而 如 撫 攝事 諸 《詩》云: 「先君子 兩 公既 爲 楷 爲 奏邸,正 晨 起 之傳,故 詩,表于 事 史 榮。 仕 於 法 短 星 新 西 興 傳 水嘉 葬,論 章 掛 進士。 行 垣,公丞大農,俱奉親 悲,衰 日徯 有《覺: 記 大 草 冠,公方 奉接武 於 隧 「維其 立本 篇 攷 歲,亦豈 ,載筆左 見 以 法 公歸 道 某於公事 釋 凡 謂 額何 菴 當當 校 朝 精 有 周 所 集》與《 資 奏最 書郎 慨 得 以 足言 詣 使 之,是以 螭 行 久於世者? 述 治 益 念 隣 尉 皆 作 尺 通 藩 在 陳君貴謙 將有 契 壤 文? 遲 邑政 昔 牘 鑑 時 部 有 率 莫,而 既 挺 \sim 在 列 先 書 皆 似之。」 興,升 深 請 總 惟 院 太 續 前 判 挺 同 温 矣。 類 之 有 公 死 公 之 襟 有 年 師 好 潤 於

非公之謂歟? 銘其可辭? 銘曰:

是從 聖化 南豐。 攻。 庸 周 己,中積 不 日 在躬。 既 行 文昭公。 訖 敭 施 惟 更 弗 有户 從 從 曾受氏 新 外充。 歷 來 六子 盡 西 起 上 本厚源深, 寔 部 才 方興,銘詔亡 東。 法 於 聯芳,弟 郎 ,奄其令終。 早挹世 曲 宫。 閒 事 仗 列 中 節 我 始 進 封 殊 科,奏最 上考功。 難 申 窮 宗。 鄰 生覺翁。 退 畀 西 氣 舞 易,先 鉅 雩 谿 博 壟 藩 Ž 之原、父祖 德 士 同。 夷 疾 望彰 繼之, 傳 哲之風 學 戎 己 以 望 翶 徹 外 求 内 翔 疑

攻魄先生文集卷第一百三

攻媿先生文集卷第一百四

四明樓鑰大防

道碑

神

簽書樞密院事致仕贈資政殿學士正惠林

公

神

道

碑

治之 某 幾 專 大 國 何 殆 中 始 以 弄 召 開 堪之? 禧 才 主 權 赴 E 行 ,妄啓兵端, 年十 赫 日 在 0 然 9 而 有 先是 震 有 怒 此 月 平. 禍 俾 命,公足以 四 及南北 誅 章 日 軍 娅 有旨 之。 或 生 事 當 靈 樓 更 韓 此 化 或 侂 矣, 善 勢 胄 林

爲林。 受責 督財 初,少 盡 劾 所立 主 興二 師。 傅。 少 又 左宣 三十年 而 保。 貽 簿。 預定者 ,公多端 而 競競 去,守 教 十七年 書 計 E 妣 妣李氏 公字 傅 公少 貧 登 姚 妣 至 郎 太 如 輸 隨 甚 進 氏 四三,不聽。 陳 和 此 急,公堅 媿謝: 於 母 寬 T 士 篤 高 淳 俸 ,信安郡夫人。 叔 į 氏 郡 卹 嫁 少 科, 薄 熙 乾 志 太學,文 許之。 婺 平. 咸 盧 己 師憂,役 受 三年 道 郡 問 調 郡 之永 寧 請 氏 而 役 六 學,文章 左迪 夫 郡 欲 寬 再世 視 者 年 邑民感公之深 公取告勑 人。 夫 康 月 行 以 知 歲 派 無 功郎、 人 人。 人。 有 數 俱 撫 額 貴 異 泣 皆以 考茂 承 增 月 州 高 自 反 池 其 詞 曾 祖 日 不 · 士 魄,卒謝 出 湖 加 金 納之 姓,公始 臣 公貴追 邦 祖 有 焉。 用 州 機 谿 反 一、太子 敢 論 禄 薦 鳥 先 杼 縣 太 州 有 歸 誤 恐 者 子 差 程 太 求 贈 負。 重 年 役 復 其 改 縣 少 我 郡 紹 少 子

帝

事

年

夏

除

諸

王

宫

大小

學

教授。

院

遺

郎

指 之 許 餘 之 高 官 於 舟 儀 展 之三、公 無 之力 公與 法 患 户 輻 策 七 民 於 私 究 而 增增 太 年 遂 間 也。」 心 湊, 不 和 夜 薦 計 年 官 民 湖 除 口 輸 必 闔 或 半 知 冬求 違 衡 于 以 寡 事 太 以 湖 謂 欲 涌 歲 境 去 朝 姓 常 邑 是 蓋 實 民 早 恐 寬 水 以 州 + 名 補 遺 缿 藏 寺 如 者 情 益 之, 自 長 爲 河 外 愛, 迨 主 日 訟 年 帖 始 乎 多 神 荻 官 涸 興 簿 推 日 然 至 同 洽 事 縣 浦 無 幹 此二 米 稀 見 所 擬 ,公曰 今 和 灌 贏 辨 若 + 衆 價 在 者 訟 買 蓄 未 河 下 行 有 翔 期 弊 川 人 浙 牒 兀 比 文 泯 在 相 佳 限 聲震 貴 右 年 人, 必 公 獲 經 之 諸 移 也 此 寬 竟 遭 號 方 界 免 可 孝宗 E 者 無 司 數 而 曲 内 難 前 憂 除 詹 乃 者 有 糧 信 直 艱 里 治 省 侍 紙 縣 職 皇 五 增 慮 攘 料 覺 遷 言 等 寢 事 首 大 月 此 謂 部 論 又

千

几

米

而

奪

境

不

事

可

於人 室 之任 體 兼 殿 當 : 察 其 尾 日 葉 事 E 以 庶 中 各 四 主 侍 以 命 . . 無 尚 臺官 時 彊 毁譽皆 不 侍御 年 講。 抗 書 光 所 臺 職 知 下 有 本 孤 宗 翥 直 其 口 綱 潭 最 有 朝 亦不 不 於 舊 公之論 史,二年八 等 皇 敢言 挺 論 常守 IE 州 有 委寄。」 當 制 9 爲 帝 几 當 善 則 趙 所 踰 兹 避 稱 人 初 擇 爲 紹 俊 朝 善 試 越 嫌 職 期 俱 即 其 事 稱 示 熙 廷 也 俊得旨 自 分守 怨 位 抨 各 以 八月除 朕 改 賢 根 職 理 是 知 彈 謂 務 公 意,宜 者 於 元 而 詔 風 静 委 一薦 無 於 : 誠 愛 忠 侍御 遂 奏 侍 采 寄 江 遵 不 實 月 君 與 善 事 如 擢 從 若 府 務 益 聳 匪 承 俊 憂 史,三 聖 皆 同 舉 監 欲 上不 遵 御 陳 服 振 輕 或 何 訓 列 察 察 收 言 承 賈 批 極 答 官 御 用 將 求 年 然 賜 務 所 言 論 Ŧi. 在 當 宗 合 居 公 户 臺 存 月 事 而 奏 而

以 餘 思 别 部 督 舊 誦 忤 對 미 道 相 派 召 而 口 旨 忠 責 院 商 E 部 故 何 迫 論 宰 相 汝 當 位 退 直 然 意 前 留 愚 権 相 移 州 亦 如 其 遂 又 、公曰 良 者 將 斥 郡 多 之賢,它人 不 公正丐去,公 召 不果 其 論 申 此 死 孫 可。 口 作 太 曾 對 其 其 諫 此 監 以 甚 而 : 去。 擢 祖 日 口 説 行 E 賄 語 章 、公請 言 公上 無 邪 安 . 其 言 問 遭 既 至 特 民 身居 不 不 子 御 聽 昨 事 孰 重 聞 三上 操, 靖 敢 率 爲 批 同 彈 之 曲 不行 爲 賢 劾 不 言 元 同 爲 善 爲 章 始 竟 不 加 刑 ,公奏: 祐 路 俊 寮奏乞宣 也 公 中 與 宣 優 也 部 口 口 只 名 與 以 而 郡 容 諭 司 典 爲 臣 專 有 日 伸 郡 有 宰 知 鄧 而 執 刑 : 俾 爲 薦 諫 臣 福 願 高 此 去。 獄 政 司 又 去 深 復 公 諭 省 特 别 宗 遣 人 諫 州 兩 之氣 人臺 ,使安 舊 刻 易 與 免 死 監 都 户 念 更 馹 汝 日 簉 公 易 其 其 有 文 無 以 遂 愚 司

> 拳 真 拳 決 於 寧 加 纍 遠 竄 囚 如 公勇 此 於 排 逐 擊 方 古 用 多 之 從 此 臣 皆 其 베

治 之 都 議 論 君 漸 過 爲 未 子 而 不 就 害 小 功 氣 如 惟 後 子 無 差 小 人。 口 見其 得以 爲 人 可 至 今日 倡天 則 以 以 此念存 爲 其 得 大 君 此 消 子 概 論 禾 全其 IE 愐 之事 節 下 彼 念 狙 黍 者 議 成 曰 之義 有 之可喜,而 不 於 其 當當 趨 矣。」 美, ,莫大 : 釁 可 直 心 尤 於 向 益 忘。 而 趨 而 大之氣。 爲 根 不 雷 以 厚 則 後 向 切 於 小 E 本 其 雪求言 來 陵 然 口 果 直 人 既 讎 長 天 養 寢 乘 事 雖 正 無 而 其 立 耻 F 如 變 小 無 當 所 不 恢 姦 之 之才 、公以 見 雖 不 有 綱 容 正 責 未 理 僞 復 於 常常 紀 小 口 者 其 其 之 復 古 作 羹墙 節 日 喜 事 我 萌 首 姦 深 未 미 多 天 節 此 絶 不 論 容 有 議 故 又 之 中 車平 備 事 其 失 則 君 Щ

籍

自

應

坐

父

祖

之

罪

其

非

理

破

蕩

所

異

議

及

/ 淳

巸

指

揰

若

止

\$

其

異

財

初

不

析

開

户

名

而

不

知

壞

風

教

之

實

禍

欲

申

嚴

律

文

疏

絹 後 絹 和 要 心 本。」於是 田 本 意 輸 買 宅 也 而 而 今 絹 折 折 其 中 詔 欲 又 帛 帛 餘 理 使 求 重 頒 以 子 猶 爲 納 對 木 行 錢 孫 有 己 折 之, 、公奏: 補 皆 與 説 分 帛 之 鹽 口 至 0 也 策 反 分 自 今 則 成 數 安 爲 和 不 以 有 倍 均 買 肖 便 實 寬 産 輸 給 其 者 美 民 則 初 全 後 江 化 不 力 有 先 失 浙 遂 移 萌 税 支 而 立 H 川 晷 風 於 法 錢 路 古 之 納 賴 之 大 邦 紬 税 以 而

之明

驗

也

當

毋

使

小

人

得

以

閒

君

子

夷

狄

出

疏

E

雷

電

之

後

大

雪

繼

作

則

陰

勝

陽

:

公, 貢 上 府 除 省 繼 直 見 謂 論 且言 改 而 實文 次 棘 公初 曰 贑 力 卿 矣。」 . 州 求 閣 至 論 林 當 補 版 而 贑 四 某 外 與 與 卿 曹 爲 章 好 棘 被 以 龃 劇 不 改 卿 人 論 祠 郡 龉 報 除 俱 者 朕 去 公公 遂 者 吏 有 與 甚 幾 部 别 郡 明 念 何 月 侍 。」公尋 以 以 之, 正 後 郎 姓 平 僅 言 省 名 心 能 異 丐 爲易章 知 口 申 處 外 去 大 奏 尚 寧 之。 對 祠 留 或

勢張

矣。」

又

奏

律

有

别

籍

異

財

之

禁,

祖

父

事

則

百

任

撫

養

士

卒

之責

有

事

則

獨

當

號

令

通

情

而

共

事

則

緩

急

可

以

協

濟

以

成

功

無

行

營之寄

其

任

重

其

權

則

邊

防

立

而

或

路

悉

用文臣

爲

大

帥

武

臣

副

之。

平.

時

使

之

武

合爲

道

慶

曆

中

分

河

北

陝

西

各

爲

川

實

才略之人,付

以

江

淮

荆

襄

經

理

之任

使

文

謂

:「今之言備邊

者

皆

其

細

務

當遴

選

行

得

以

窺

中

或

女謁

得

以

行

於

外

嘗

論

邊

事

罪

淳

熙

勑

\$

所

看

詳

亦

然。

今州

縣

不

明

法

意

父祖

\$

異

財

者

亦

罪

之。

知

美

風

教

之

虚

母

父

母

\$

别

籍

者

減

等,

而

\$

異

財

者

無

之。 聽 彭 他 批 中 清 七 欲 武 事 制 束 文 官 侍 勑 行 月 民 請 訟 與 語 漲 尉 手 移 而 尋 郡 郎 九 誘 糜 期 以 初 依 兼 殆 主 乞 使 不 風 月 龜 致 錢 所 會 廩 有 所 裁 侍 出 差 上 雨 盜 公 分 奏 數 年 禄 乞 講 如 神 登 文 動 通 除 而 掠 給 尚 抗 者 百 便 除 臺 問 助 臣 有 極 中 水 郡 諸 論 民 可 在 公代 在 中 後 成 書 高 邑 侂 趣 罷 大 五. 西 時 趙 京 惟 規 數 員。 舍 賣 胄 而 3 事 召 願 言 清 掖 0 裁 宫 尺 +人。 爲 禁 公還。 9 甚 内 侂 得 獻 觀 餘 皆郡 某 請 斷 奴 科 怪 切 交 公以 胄 制 紙 論 十 二 龜 在 罰 曲 婢 添 石 誥 來 之 又 州 有 猾 直 年 置 瑣 3 , 之 盡 贑 後 見,公接 急 旨 笑 之 除 Ŧi. 四 胥 月 闥 土 體 没 石 不 却 冗 侂 務 惟 謂 乞 豪 焕 軍 至 可 遷 連 胄 俗 之。 禁 音 此 贑 官 而 弓 民 險 動 之 名 給 五. 繳 謂 閣 特 時 無 爲 縣 廣 兵 摇 公 之 之 上 待 轉 無 事 職 會 詞 得 年 兩 東

不 遂 登 望 力 之 侂 優 筆 既 卿 改 過 年 口 疏 除 罷 子 論 誠 繳 尤 拜 胄 異 政 留 於 曰 謂 外 奏 内 廉 公 府 事 去 心 初 經 龜 則 罷 恩 除 : 任 者。 吏 贵 祠 無 車 筵 年 意 職 汪 侂 焕 之 次 部 過 至 除 龜 或 爲 胄 則 奉 不 義 章 不 龜 升 對 尤 侍 是 子 之 職 過 年 侔 召 端 祠 年 閣 然 留 郎 不 侂 外 乎 轉 以 見 與 則 爲 既 待 過 亦 則 務 胄 ? 祠 真 去 郡 無 承 蓋 監 龜 旦 制 在 不 命 侍 者 引 時 宣 則 察 年 兩 决 以 恐 已 外 爲 終不 郎 侂 不 使 爲 論 寵 御 以 知 爲 慰 自 去 之 過 除 胄 復 非 右 之已 言 史 事 慶 公議 此 優 職 侂 得 職 以 優 史,公又 事 乃 能 口 異 元 無 力 胄 侍 與 異 外 至 序 遠 出 並 得 敢 府 郡 左 攻之不 難 乎 初 於 祠 此 書 侂 反 爲 右 以 時 趙 若 請 況 愛 下 陛 胄 行 駮 獨 慶 官 丞 陛 若 以 奉 留 於 初 留 下 元 竟 相 出 下 謂 爲 貮 又 無 去 御 龜

費 器 聞 決 皆 舊 漲 其 此 郡 物 才 V. 克 居 力 點 得 之, 幾 志 安 物 齋 辨 勤 可 河 潮 ,公之善政 年 登 亦 賊 兼 而 小 以 水 有 贏 初 素聞 矣 皆得之, 也 物 行 備 城 動 盡 幾 盜 固 貲 不 之,不 小必 南 者 其 混 若 如 傾。 不 以 有 鄉 贑上之最,慶 念。 欲 七人分 鬼 實 爲 敢 爲 萬 語 河 之有 某 由 親 可 捕 神 長 干 緡 人。 行 自幼 見之。 之 是 治 日 屢 以 興 而 才智者 狀 坐 董 數 姦 E, 江 私 宰 者 在 日 即 浦 人 其 黄 時 人 病之。 郡 而 亦 公清 委 熟 抵 精 屏 堂 元 役, 人 果 無 才 官 屢 聞 隄 力 息 剖 鄉 、皇惑。 然。 可 數 悉 非 置 謀 此 有 決 郡 心 下 閒 干 月 以 局 公廉 害 者 餘 民 寡 而 也 前政 遇 者。 石 膳 未 不 數 訟 足 欲 公以 撙 命 奉 潮 「爲之。 遂, 不人。 處 明 節 富 知 退 以 所 始 是 無 祠 敏 室 公 行 失 非 浮 自 隄 爲 居 家 河

> 邪 在 請 穉 所 中 記 直 吏不 几 几 ??!未 自 哉 : 者 月 攀 枅 明 褒 復元 1,公日 留 二年求 得 皆 異 進 守有 補 提 與, 政 職 嗟 行 水 在 舉 又 三林 : 橋 惋 致 前 武 民 銀 不 祠 一何 仕 如 以 有 夷 不 臺 留 出 至 爲 聲 至 Ш 用?」而 知 後 駮 以 未 北 最 也。 于 擾, 沖 林 論 口 幾 福 渡 謬, 再 佑 尤 、公怡 御 凡 吾 指 鐫 =; 觀 冠 得 利 再 史 州 日 職 <u>一</u> 十 0 守 承 始得 及永久, 落 丽 罷 然 六 謂 如 乃 風 職 成 祠 Ŧi. 而 年 旨 侍 此 聽 請 里。 行 而 未 郎 論 公 其 引 民 砥 歸 列 道 求 郡 經 聞 用 平 Ŧi. 有 郎 歌 安 摭 有 年 耋 閒 有 人 欲 繩

作 然 客 莊 至 布 則 袁 嘉 泰 其 衣 擷 上 也 \equiv 杞 最 年 菊, ÷ 去 得 取 邑 月 谿 居三 縣 再 魚 勝 復 以 里 處 職 佐 所 酒 得 時 談 閒 挾 龜 笑 潭 書 自 之 紀, 以 勝 往 適 退

令州 院 胄 表之 更化 脩 亭 聲 官 論 部 臣 朝 贓 獎,公首論 福 不 之 擊 尚 之 皆 門 榭 績 吏 口 夕 事 之實 之 心 竊 以 侂 書 軍 憂 縱 天 隨 及在 胄 之 嘉 罪 伸 以 欲 則 之, 也 權 意 太子 不 禮津 定 命 息 皆 其 不 求 陳 防 歎 贵 有 次 西府,當 是 改 冤 以 兵 己 口 賓 微 獨 自 知 福 曰 歷 遣 貶 元 月 Ŧi. 知 客 非 强 且. 杜 力 樂之風 . 陳 死 除 閨 日 亦 又 去 之 以 所 漸 朱 恢 端 矣。 今 欲 公 四 促 侂 權 貪 其 能 爲 熹、 欲 月 復 免 明 胄 無 抱 其 臣 它 沓 直 移 命 宗 之 禍 殿 内 求 彭 殘 行 不 負 乎 言 類 或 學 官 引 名 社 毒 龜 更 所 口 謂 宰 之勸 此 ? 士 奏 則 公 之餘 學, 有 化 0 年 始 再 者 執 公不 定 對 之 安, 邊 到 既 則 不 簽 中 並 量 日 3 釁 價 名 可 闕 日 有 非 未 書 末 輕 玉 外 兼 祖 以 : 議 既 召 乞 音 易 樞 謂 重 必 息 書 俱 東 儉 而 命 嚴 禍 經 有 務 嘉 權 宫 密 侂 旌 以 吏 兵 人

> 公以 計。 未 親 賀 胄 屈 理 同 在 曰 而 否,不顧身之利 言 . 公 成, 十三 榻 0 日 日 己。 「近 売 語 略 被 . 事 : 前 未 之當 年 某, 召 遂 事 矣。 議 報 陛 年 能 此 定 敝 講 下 且 韓 將 體 政 爲 之 廬 心 之言 解 人 益 侂 八十 承 贵. 後 帥 事 害 如 推 胄 相 則 聖 上 上 \pm 及 何 誠 勉 \exists 可 乞 訓 亦 亦 岩 柟 此 王 王 不 以 不 就 身 欲 日 不 堪 初 盡 佐 口 革 戮 以 與 或 暇 以 往 ? 勞 忘 革 其 矣。」 歸 之福 實 卿 顧 朕 勩 通 敝 長 也 等 對 公 忌 爲 ? 好 倖 又 然 與 作 也 但 而 生 歸 問 爲 獨 0 虜 和 同 家 後 論 靈 誦 公 計 忽 念 退 使 經 列 發 事 其 不 與 謂 和 之 未 久 爲 謝 某 之 憚 是 之 議 侂 嘗 所 П H.

不 喪 奉 惡 甚 悉以 薄 耐 公孝 嚴 先 清 於親 ,一言之出 疇 俸 分與 之餘 友 愛諸 之,又官其從 以 ,終身可 給宗 弟 既 黨 復。 終信 子二 莊 讀 安 敬 書 夫 好 至 人 老 自 之

之。 東宫 洛 議 震 制 知 出 事 蚤 不 自 如 病 不 其 中 雏 悼 以二 所 殁 誦 倦 大 力 則 後 前 夫 爲 的 難 亦 卷、文集二 以 林 自 郡 至 極 去國 僕 司 致 趨 人,未嘗 而 和 視 服 爵 親 口 齋 在從 家 賻 朝 肩 不識 告之。 叔 其 朝 公退 東 不 孫 居不 輿,僅 焉。 謁 初 名 賜 答 陽 足 班 其 節 無 十卷藏 不 節 也 郡 六 以 水 享年 以 躬 面 識 接 用 相 風 月 免 承 侯,食邑一千一百户, 銀 督 事 之, 得 朱待 誼 人 而 徒 王: 所 家 干 悼 諸 七 深 龍 於 作。 愈深。 凛 行 清 申 居 但 亡 + 孫 州 腦 家 然 制 有 薨 殊 聞 而 一之後 課 有 縣 修 嘗貽 有 當當 及 恩 己。 于 陋 其 八, 奏議 幾 程 意 銀 冒 公文詞 、既貴 守 位 於古人中 人 二十 暑 或或 絹 書 積官 自言 臺 素不求 \$ 吏卒 + 朝 得 各 能 E 浼 無 卷、 年 疾 淳 士: 不 Ŧi. 爲 子 至 以 訪 或 有 白 改 實 之 外 猶 求 人 外 事 聞 朝 利 尤 雖

> 點 簿。 趙 郎。 娶趙 其葬。 實 西京 判 陳 合袝焉。 公於縣之長 IE. 將 並 遜 臨 黼 封 惠 中 次適 氏 將 安軍 設 楷 、孫栻。 女七人,長適從 ___ 」,特添: 嶽 朝旨 軷 百户,贈 仕 實 先 府 郎 廟 祭,力辭 承 子簡,以公樞府 進 十八 轉運 安鄉 事 餘 重 差從 士: 孫三人: 棫, 應懋之,國學生 解 未 胡 資 年 南 司 官 迪 名。 子 政 卒,贈 之,以二年 應 塘 之、王 一殿學 功 事 籥 辦 Ш 曾 女五 楷、樅, 郎、 郎 爲 之原 孫 永 士 可 婺之司 樾 新 新 恩 嘉 1 四 謂 十一 宣 湖 正 汀 例 尚 並 郡 人 喬 終 州 有 奉 州 幼 . 夫 户 迪 時 教 始 特 月己 歸安縣 州 司 大 子 參 功 敏 郎 哀榮矣 贈 學 定 夫 郎 里, 軍 至是 未 登 謚 教 新 護 仕 主 監 授 葬 子 有 通

可

考功郎, 酌 臭味 公摽 荷 矩 見傾蓋 同 自 歡 高 如 望 平. 公久在御 之儼 生。 然,若 始 在 史 府 宫 不 某 庠, 可 入後 某 以 爲 挹

席 楷等 不整遺 公者。 篇 多 復 關 省 止 同 如 詩 晚 、公見 吾 不 水 託 再 交 **>** 嗚 求 日 見 情 芘 口 而 紹 而 呼 喪 銘 非 矣。 儕 卷 而 出 澄 桑 由 熙 所 義 此 喜 也 相 我 是 之不 處 梓 閒 謂 赴 寄 逢 林 益 不 元 略 心 君 各 闕 别 公其 范 容 老 厚 E 相 匪 鳥 此 欲 子 後 之 太 辭 ; 似 石 絲 殄 殆 之 俱 維 幾 初 史 E 其 欄 發 瘁 天 交 名 持 於 墮 又 稱 不 之悲 直 揮 使 也 握 淡 位 公議 是 百 同 可 口 書之。 出到 手 如 以 相 平 謫 可 馬 轉 嘗 光 笑 矢, Ŀ 成 論 公 又 也 自 往 爲 且. 下 愧 非 者 駮 日 0 銘 而 謂 往 某 龜 歎 弗 它 邪 . 我 端 未 取 曰 潭 不 此 相 ? 克 人 之 其 心 謀 有 友 賦 相 生 隨 比 稱 不 清 天 匪 如 古 大 語 不 出 而

於全。 表公德。 儒 喜怒 者 學 制 以 未 行 致身, 發 或 、公名 流 政 于 能 斯 偏 及 得 民 猗 發 歟 秉 林 而 心 公, 中 無 節 行 競 幾

> 遺 貢 終 闥 胡 貮 非 通 掇 几 身 皮皆 愛 明 不 宥 天 介 動 官 不 府 之 憋 百 叔 有 更化 謫 真。 遺 政 磷 不 向 陰 横 望 ? 遺 相 合 不 實 之 加 尊 具 直 緇 則 親 初 朝 清 品 謹 鑑 去。 廷 首 見 灌 孰 聲 遇 終 云 之。 河 其 名 圖 事 如 几 Ľ, 號 兼 達 落 舊 始 敢 \equiv 贑 風 人。 之, 殄 言 夷 不 石 視 生 歸 瘁 虜 視 欺 清 獨 險 栢 何 上 老 此 漲 若 立 臺 藹 悲 喜 經 龜 銘 夷 不 綸 見 潭 然 節 刻 心 懼 若 公, 吏 未 子 著 非 與 究, 師 産 俾 將 瑣 天 通 网

中書舍人贈光禄大夫陳公神道碑

圭 出 Ŧ. 時 於 贈 有 爲 公 宣 諱 嬀 銀 奉 其 青 希 大 點 光 夫。 來 禄 遠 字 大 祖 矣 子 夫 汝錫 與 積 九 處 世 勳 擢 州 祖 紹 上 青 名 柱 聖 田 師 或 四 訥 年 曾 吴 進 陳 祖 越 姓

架 舉 利 樞 之 其 稽 第 復 베 初 六 再 孺 通 网 女 至于 閣 決 折 仕 許 密 預 聳 兩 人 朝 判 浙 文字 之。 薦 也 潭 丘 登 口 東 贈 積 論 至 廷 公密 事 直 甲 州, 路 惜之。 再三 連丁 碩 草 左 公承 公退 科 無 樞 安 道 再歲 朝 贈中 ,皆公左右之。 創 爲 大 密 授 自 撫 請 内 守 小,悉以 竟 家 羅 賴 立 將 公葉 父棣 遷 大 從 大 外 贈 不 訓 公 彈 屏 或 夫、 屢 艱 夫。 事 不 中 能 點 厭 子 篤 息 出 以 郎 小 奉 祕 能 奪 以 辦 Ě 屬 職 淳 有 妣 學 碩 與 大 閣 俟 平 護 浙 事 公。 熙 葉 場 夫 H 除 有 自 修 X 其 時 之 江 西 争 氏 賢 撰 進 八 屋 主 石 爾 小 高 提 府 力 行 辩 年 高 管 聲 諸 公 行, 林 霽 馮 F 舉 荒 觀 爲 点 丘 知 宗 以 先 尚 所 牛 察 氏 多 兼 奉 政 紹 執 公或 問 書 書 南 駐 人 生 推 府 議 興 斥 修 論 省 太 俱 威 從 難 擬 蹕 吏 官 郎 事 府 水 學 部 馮 第 封 不 名 望 兄 會 經 如

> 感 尋 覆 禮 L. 心 史 而 重 遷 泣 至 者 疏 中 ,深體父子之至 而 華 太 數 備 嚴 不 得 止 寝 學 Ŧ 言之。 能 以 物物 私 疾 言 博 肆 謁 自 論 光 士 其 己。 皆 紛 宗 所 讀 邪 然 剴 拔 亦 者 説 一情 愛 切 多 不 以 公謂 君 出 宿 豫 大 爲 又 憂 於 學 疑 辩 省 嘗 衷 或 E 有 成 代 而 覲 實 誠 畏 行 其 從 不 闊 言 被 誼 深 激 遂 班 疾 疏 之 及 切 至 兩 直 1: 或 則 而 類 猜 疏 悲 而 間 夙 反 此 阻 其 傷 有 戒 時

見 法 我 奏 尊 事 命、 矣 廟 不 家 ,遷大理寺 固 日 自 納 堂 主 法 已不樂 欣 E 以 也。」 副 祖 爲 然 即 封 宗、 就 位 不 奏 主 及。 職 至 之 時 日 **\$** 簿 是 初, 結 宰 赴 ,人爲之憤 素 以 派 以 人 吏 輪 將 不 爲 公 心 部 對 作 讀 輕 嘗 首 銓。 監 律 我 敷 出 陳 公公日 敘 又 其 且. \equiv 而 Ŀ 門 幾 詳 事 原 獨 日 年 情 明 喜 不 引 E 公 是 用 畏 以 派 經 知 所 不 間 故 司 天

農 衆 蹙。 以 以 朝 權 不 錢 中 餘 几 屈 減 計 省 百六 去二 糴 任 策 家 弊 登 司一 石 輕 遲 言 責 則 後 ,今之所 以 大 而 二 十 二 有大 口 者 農 去 + 馬 策, + 又 百 助 凛 久 爲 E 四 議 六 歲 有 萬 除 司 餘 有 之, 丐外 於 且 之 從 弊 + 寬 計 萬 未 既 萬 江 乏 此 以 此 日 少 公言 庶 作縣 減 八 石 已 浙 有 興之 者 多 : 臣 裕 萬 淳 移 之 + 奇 幾 加 所 熙 屯 外 此 不 力 方 知 是 懼。 或 乾 以 未 時 初 州 當 其 泰 中 圖 議 計 時 虚 道 實 解 而 權 州 守 熟 運 公與 在 而 州 額 稍 年 施 支 紹 也 郡 倖 邊 僅 米 豐 痛 有 及 行 口 年 熙 ___ 歲 方 外 爲 革 陛 爲 司 口 口 收 楮 白 願 以 額 而 辭 之, 者 張 辭 支 官 列 馬 重 三十 歲 究 來 餘 不 糴 公公 究 吾, 耳 料 公 樂 然 昔 陳 不 除 未 仰 車 降 等 敝 E. 者 農 不 之 亦 後 下 八 馬 弊 至 本 和 源 或 祠 所 萬 寺 益 支 少 凡 迫 得 採 在 緡 軍 糴

請,改知衢州。

曾 糴 以 減 法 法之 及 利 闕 痛 其 元 或 血 日 孫 0 羨 額 筆 用 得 節 0 贏 ൬ 歲 弊、欲 三品 公謂 至數 憚 百 不 餘 餘 浮 州 以 楚 歉 以 七 若 寬 其 當 萬 取 + 費 所 裕 價 品品 嚴。 世 + 以 乘 征 財 舟 几 民 取 以 增 則 力 至 緡 此 資 取 裕 E 車 萬 限 IE. 可 裁 者 粒 愛民 自 則 富 安 緡 之 寓 拊 ? 田 以 八 米 召 厨 可 依 商 可 衝 公服 心 吏請 備 品 如子 狼 赴 傳 以 舊 輕 大 止 歎 M 訟 戾 行 行 止 法 視 賈 用 以 息 其 年 之 Ł 惜 志 繁 於 在 用 品品 反 耶 少 風 日 几 之急矣。」 聞 時 首 首 孫 既 事 秩 ? 操 過 裁 官 . 品 夥 爲等 不 其 廣 舊 公 奏 閱 錢不啻己 從 秩 至 此 軍 闕 權 歲 數 行 曰 八 六 滿 皆 將 1 收 申 品 品品 又言 以 農 限 時 迎 民 犒 視 貯 發 之 寺 以 吾 之 有 止 邀 帑 無 11 給 私 膏 於 於 贵 藏 蠲 止 役 積 和 留 無 厚 虚

遷

軍

器

監

平

章

之

初

方

觀

衆

情

向

背

公一

首

求

外

補

旁

觀

者

爲

公

危

公

日

去

其

間

裁

以

法

雖

盡

所

職

而

念

去

 \exists

深

今上

F

恃

和

爲

安

將

驕

卒

怨

虜

勢

雖

衰

未

易

乘

也

0

遷

右

司

郎

官。

時

權

臣

專

制

政

柄

貪

相

濁

亂

朝

綱

公與

今

知

樞

密

院

雷

公

彌

縫

渡

未

嘗

與

虜

和

故

不

弛

備

而

戰

亦

不

慴。

郡

數

易

皆

闕

政

之

大

者

又

言

晉

之

南

浸

成

衰

弱

併

主

無

甚

過

行

求

直

言

遂

極

論

主

-

無

失

德

皆

論 曹 弊 口 歷 徒 家 自 女 腻 郎 事 以 任 以 致 邪 人 市 官 與 少 上 通 進 大 致 債 寬 九 下 暴百 略 此 饌 帥 品品 嘉 者 偷 詭 0 謂 及 公 泰 止 安 言 别 寄 : ± 於 四 輟 計 之 畢 風 風 西 本 年 K 弊 流 俗 漢 H 身 著 都 庶 涕 亦 偷 脂 之 市 官 口 末 韋 州 大 依 會 漸 户 : 於 益 舍 除 切 行 意 餘 福 中 乏 人 悉 繁 E 中 建 處 八、兼. 建 縱 書 時 食 路 久 決 門 務 遣 提 太子 不 有 不 非 之。 F 點 飢 足 倦 容 復 省 刑 侍 民 深 心 歸 檢 召 獄 講 鈔

治

取

爲

首

數

人

真

之

輕

典

以

不

冤

時

方

用

兵,

征

求

略

逮

繫

白

數

公謂

皆

迫

舊

著

不

數

H

元

惡

就

誅

遂

正

諸

房

公

事

未

幾

擢

起

居

進

兼

侍

讀

兼

左

諭

德

還

論

虜

事

皆

深

長

之

思

革

除

户

部

右

既

有

限

節

下

户

官

和

舊

法

子

孫

子

1

品品

而

未

嘗

於

矯

世

0

遂

以

直

寶

謨

閣

爲

訟

訴

萃

於

憲

司

明

恕

而

火

延

燔

省

部

之 謂 揚 敬 無 祖 重 患 宗 慮 聽 廬 ? 成 7 公講 + 重 者 帥 或 萬 都 逆 兵 聳 司 之本 讀 者 而 增 曦 駐 然。 之 漢 成 置 之 漢 意 際 沔 都 變 立 親 沔 之 之兵 必 至 螭 兵 至 根 東 反 之 人 無 仍 柢 不 南 覆 道 初 敢 增 也 滿 陳 禁 首 大 抗 募 白 述 旅 今 緇 者 屬 陳 不 漢 太 何 治 縣 西 謂 能 中 子 以 之卒 蜀 亂 \equiv 爲 爲 制 大 兵 宜 之 之起 大 末 事 端 輕 如 大 軍 庶

以 惑 慢 次 未 歲 悦 必 諭 爲 不 嘉 也 H 討 足 之 畏 痛 下 亦 民 定 天 不 車 而 可 以 或 尋 者 公直 興 天 詔 駕 鎮 抑 中 天 初 爲 不 爲 若 謂 熟。 出 意 求 禱 元 其 憚 真。 虚 循 成 成 _ 方, 時 解 當 前 于 則 繼 下 美。 乎 肅 王、宣王 請 政 以 進 太 奏 公既 緩 人 人。 皇 慢 兵 喪 起 闕 警 以 謂 應 人 急 荒 天。 遇 禱 居 制 周 宫 其 失,公言 : 皆 必 代 事 有 可 之餘 西 郎 未 事 餘 以畏天 矣。」上 知 以 歸 言 繳 甘 出 知 太 終,主 明 陛 未 倚 天 奏, 末 大 雨 而 之 久旱飛 詞 踰 仗 F 者 于 節 體 故 隨 . 身 尚 閔 丽 月 爲之感 上 逸 興, 細 車 事 策 太 文 任 漸 體 存 雨 不 故 干 兼 無 王 畏 上 其 要 都 蝗 不 之 親 應 畋 亦 權 便 厲 責 天 可 知 知 動 人 切 屈 親 不 隨 于 人 於 中 長 越三 7,人心 天 者 王 天 歡 萬 奏 屑 職 觀 出 情 書 此 呼 乘 或 其 故 禱 出出 戒 惶 屑 舍 則

> 率 開 意 變 已。」公前後 心 于 下 王 説 未 者 夫 亂 即 以 可 稱 必 位 慢 ,下信于 宣 加 指 天 述 有 十有六年 天 切 政 其 而 命 事 論 事 政 民 人 情 多 奏 介於天 有 心 是陛 闕 累 雖 恭 其 彌 聖 不 是 儉 政 久 下 繼 盡 命 之心、 殆 者 彌 有 承 見 人 未 必 古 其 於 心 祈 知 者 有 敬 心 施 之 天 推 其 畏 在 矣。 行 際 永 其 事 之 此 必必 命 所 誠 而 夫 也 立 荷 反 有 E 爲 中 覆 論 而 德 其 通 陛 更

深惜 青 六 之 所 奉 IE 大 答 堂 + 病 \mathbb{H} 之, 夫。 縣 有 病 公素多 至 識 矣。 開 賻 是 與 以皇太子 或 贈 積階至 歛 疾,至 不 男 襟 加 識 年 禮 食 危 <u>+</u> 通 是 莫 邑 坐 册 議 以 不 贈 而 寶 月 大 久 官 傷 白 逝 恩 I: 夫。 次 之制 IE. 户 午 問 贈 方 0 卒 遺 光 擬 首 之云 先 家 奏 禄 于 進 引 事 位 聞 大 擢 唐 日 夫, 文 設 贈 享 而 榻 無 爵 宣 年 公

勇

或

招

麾

之,亢

立

不

動

其

抱

負

如

此

登

朝

著

+

餘

年

終

以

落

落

不

爲

當

路

所

胡

公晉

臣

文

日

朝

有

IE

臣

其

或

乃

重

漢

0

汲

蕭

唐

稱

魏

宋。

誼

形

于

色

賁

育

其

當 皇 太 以 中 子 書 尤 令處 爲 惻 之。 然。 亦 知 口 用 自 博 以 法 士 世 法 左 道 亂 遷 爲 之 己 遠 弊 任 洂 也 清 嘗 要

見 曰 眷 : 遇 收 孤 之深 也 奉公之柩 若 矣。 在 以 歸 + 月 甲 申 非 謂 無

足

以

年 月

葬 于 鳴 鶴 鄉 慈 明 之原。 公 娶 百 邑 朱 氏 封

得

苟

得

平.

心

守

法

者

其

庶

幾

平

?

蓋

自

許

救

時

之

相

古

不

E

世

之

不

更

化

以

來

始

遂

碩 子 仲 堪 迪 功 郎 福 州 羅 源 縣 主 簿

仲 埴 承 務 郎 仲 垍 或 學生 先 公 九 年 卒。

謹

奉

H

旨

既

畢

葬

送

弟

妹

婚

嫁

謹

奉

先

志

也

孝友

勤

儉

得

於家

傳

碩

人

能

承

公意

0

仲 垓 仲 坊 將 以 公致 仕 遺 表 恩 補 承 務 通

夢 仕 符 郎 迪 女二人,文 功 郎 鎮 江 林 府 郎 延 陵 新 鎮 汀 税 州 兼 州 學 煙 火 教 授 事 孔

如

未

遇

時

所

居

才

蔽

風

雨

作

詩

雖

名

録

其

私

室

既

又

推

所

遺

田

宅

悉

以

子

兄

弟

自

奉

事

兄

如

事

父

;春 ♦

冬賜

帛

必

先

奉

其

兄

而

後

盛 立 禮 其 壻 也 孫男 女五 X 尚 幼

以 爲 難 公 作《 性 9 公 素 見 蓋 레 剛 優 録 交際簡 爲 以 之。 寓 淡 意 慕 E 其 其 陵 不 哭 爲 汲 知 311 長 樞 附 孺 密 院 爲 人

長

左

右

規

矩

風

摽

益

峻

起

居

飲

食

之

處

公静 得 意 默 者 嚴 文尤 重 出 簡 於天 古, 資 字 兒 畫 端 時 方 已 如 如 成 其 爲 及

終 始 如 喜 愠 不 見 於 辭 色, 雖 家 人莫窺 其

際。 笑 語 有 度 使 人 意 消 讀 書 觀 大 略 荷

有 會 心 處 則 涵 泳 充 廣 必 使 心 通 意 解 達

始 於 登 踐 東 履 萊 吕 執 太 邨 史之門, 哀 慕 之 餘 見氣合, 意 探 討 相 與 質 免 疑 喪

 π 八三

父祖

瘁之 之詳 歲閒 銘 《淡 辨 此皆右史王公介狀公行之詞也。 掖 日 同 類藁 惑 朝 于 齋 敘 某 歎倍 封 相 筆 由 贈 好 述 談 自念 是 非 至 於 委折 經 ×, < 單 筵講 他 及識 淇 日。 見 人,故不敢 渌 益 使自爲之亦 訓 解》及《奏議 潭州,已服 掛 遣 明 詞皆出公手,知某家 冠 興 9 而 × × 復來,思 所 璧 以 守 不 其 水 固 過 愈 賢 各藏于 及三世 雜著》、 仲堪等求 定 陋 是 (厚,與 矣。 辭。 也 世 公 西 銘 殄 有

> 輔 相 從 孰 疾 有 困 之, 如 公,一 遂 隔 節始終。 千 古 鶴 谿 之 原

攻處先生文集卷第一百四

東 化始 乃 多 見 氣 變,秉 全吾 宫 剛 明目 横 用 者 誦 剛 詩 經 吾 張 論 我 讀 心。 膽 思 輔 惟 重 書, 獻 導 彼 公不群,尚 天分既 納 孰 諄 輕 進 非 諄 悪 退 西 儒 0 高 以 員 掖 雅 折 友陵、 義 喜 ,學力尤深。 代 ? 而 落 方。 言 不 悠 黯。 落 撓 訓 悠 禍 難 千 詞 福 持 合。 載 温 度 望 閲 志 淳 公 未 世 養 更

攻媿先生文集卷第一百五

四明樓鑰大防

神道碑

龍

晑

閣

待

制

趙

公神

碑

公粹中 議 京、司 太 公弅、王公普、朱公震以下 經之制 多訂 廟 孝宗 第 馬公光、范公鎮、孫 奏乞正 ,旁引漢 其説 皇 室, 帝 集 永 太 在 魏 爲 位 祖 而 晉 不 之 東 成 唐 祧 + 嚮 編 之規 之祖 = 之位 公固 及公之 謂 年 近 . 太宗 中 上 吏 取 太 叔 考 部 興 本 居 祖 侍 以 朝 \equiv 父 代 第 當 涣 來 馮 郎 董 居 奏 公 趙

> 不 皇 其 室 哀 中 以 F. 允 東 曰 : 瞑。 議 當 比 萬 繒 也 原 ,公嘗撫 永 唐 天心,光 尊 者,公又爲 世 沉 推 爲 後之君 之陳 一公議 淪 藝 無 不 之久, 祖肇造之 其 祧 與 京, 久 之宗。 昭 書 子 《闢 而 祖 而 而 昭 無 誰 烈。 歎 考 未 異 穆 忘 功,早正 能 遇 論 īΕ 旁 北 信 上 袷 . 過 書, 尤爲 願 列 伐 之? 饗 之。 極 兹 陛 之圖 向之。 以 當 東 下 事 L 侍 奉 嚮 至 未 既 之位 著 太 Ŀ 所 定 明 其 會 謙 遺 尊 祖 明 廟 吾 有 志 表 遜 居 ÷ 制 猶 未 沮 寔 死 中 口

祖 故 也 太 封 之 以 0 祖 順 祖 惟 蓋 比 而 祖 我宋 其 唐 契 E 翼 雖 稷 四 下皆 祖 之 起 親 爲 宜 於 興, 之 親 唐 高 祖 廟 與 盡 太 祖 几 則 商 前 亦 祖 廟 毁。 周 親 景 不 如 建 盡 皇 漢 同 漢 隆 則 帝 魏 魏 毁 初 始 之祀。 祖 契 元 封 禮 稷 廟 唐 立 之正 凡 爲 公, 僖 始 太 H

哲宗 宗 擢 説 室 僖 孫 經 崈 合 足 廟 也 祖 石 公欲 一,給祭 以 中 之 争 有 異 嗣 爲 祖 造 亦 仁宗 復 議 之, 請 時 袝 邦 快 議 服 御 興 於 以 救 之主 又 方 則 西 史 遂 盡 天 ,公之叔 横 居 安 將 請 申 其 夾 祔 明 宣 用 人 東 俾 不 石 祔 議 袝 此 宣 室 已 所 之憤 祖 廟 公之説 祧 繒 孝宗, 廷 强 们 仁 甚 僖 議 當 禮 之 宣 以 七 臣 辯 止 之誣 父 桃 祖 祖 請 位 列 也。 世 故 古 共 以 吏部 以 始 得 於 以 已 光 執 議 蔡 謗 將 爲 而 議 日 僖 故 神宗 昭 宗 備 聞 除 尚 復 京 作 太 至 祧 集 馮 祖 穆 議 書鄭 時 此 奉 在 監 廟 至 宣 欲 者 議 元 權 公 熙 者 議 太 徽 翼 始 英 派 祖 祐之 以 寧 居 公僑 常 + 宗 以 又 司 祖 宗 對 僖 祖 慨 東 五. 有 少 馬 上 而 不 Ŧ 朝 然從 黨 既 繒 年 祖 首 居 公等 以 果 卿 E 有 少 廟 又 之位 藉 ·, 王 袝 西己 卿 下 陳 第 人 建 丘 几 之, 皆 天 皆 引 集 公 曾 其 九 安 祧 主 高 廟

> 公 之 者 既 以 斯 以 廟 來 不 東 興 于 詩 死 備 議 碑 請 及 嚮 寧 又 事 御 見矣。 之。」 有 某不 且. 未 之 究 以 至 史 曰 又蒙 冠 立 位 不 始 是 当 . 臺 泣 肖 碑 朽。 末 使 先公之亡, 力 寔自 又十 首 拜 無 Ħ. 百 定 信 素 先 時 不 又序 不 今之 川 桃 荷 其 公發 已,某 公 年, 以 待 年 廟 公之 説 立 罪 爲 知 之 某 而 而 之, 朝 瑣 當 既 此 卒 制 銘 方 亦 藝 知 闥 然 丽 者 辱 IF. 爲 建 投 祖 再 嘗 狀 之 公之 幾 或 閒 明 群 始 議 而 家 授 之 流 其 公俾 人 川 居 鮮 而 亡 之大 哉 大 行 第 以 涕 明,公之子 有 益 已八 全 者 爲 而 知 敢 定。 室 典 之 書 其 敬 墓 無 願 年 Ē. 先 自 得 詳 有 隊 如 列

奉 身 東 大 趙 號 夫。 公字 也 東 叔 父 西 達 濬 趙 祖 伸 密 左 不 西 州 朝 有 諸 仕 散 派 城 大夫, 相 祖 人 清 公 家 綽 憲 絫 世 累 公, 贈 多 通 贈 而 以 奉 右 公 文 則 大 發 IF.

年

通

水

用

門。 矣。 甫 豐 監 苟 請 左 父 贊 奉 世 充 傅。 遂 紹 公 於 迪 其 縣 乾 給 通 事 失 占 行 子 免喪,除 下 乞正 下 道 其 興 。 長 功 奉 覽不 名 在 收 皆 間 筆 世 元 職 郎 因 雜 經 數 天 二年 + 自 成 年 輪 如 宦 忘 買 支官 制 南 下 對 几 公 爲 章 太 此 東 用 務 明 錢 大 劒 j 厲 奏 抱 年 知 常 南 薦 雜 詞 今 錢 乞辯 州 計 志 三十 己 寺 負 者 與 妣 賣 鋒 以 爲 州 順 高 久 主 不 弟 碩 改 場 人 寬 與 鋭 昌 謂 慶 雪岳 邁 寓 簿。 凡 左 門。 已 大 人 甚 邵 民 縣 : 元 年 會 宣 自 高 猷 屬 聲 力 武 主 府 少 稽 公 幼 此 教 雖 口 氏 望 通 保 弱 虚 簿 望 世 篤 登 憂 郎 在 兒 以 奉 卒 飛 認 公 蓋 \exists 陞 明 學 筦 進 必 之冤 乞 文 天 葬 聳 爲 調 左 初 明 禮 庫 1: 几 免 大 高 資 從 統 谿 不 吉 或 明 學 年 科 吾 截 之 器 論 寨 政 E 煩 絶 州 對 源 未 者 卷 條 鑑 0 明 招 如 所 月 録 人

鹽

授

時

師

鄞

夫

當

郎

不

兵

之,公謂 暫權 耕 議 專。 其 例 口 年 中 儿 功 極 專 定 挺 春 取 原 江 111 爲 説 論 論 論 之 書 義 益 淮 + : 除 文 有 給 詳 屯 人,用 書 傳 建 1: 人具之 荆 = 六 祕 優 確 事 田 既 制 康 軍 門, 書 襄 卹 中 9 進 狄 進 將 律 弊 利 頻 奇 荒 其 郎 送給 之説 四 佐 不 自 年 以 家 恢 田 害 年 翼 願 + 以 後 脩 擣 不 雖 復 未 冬, 深 卷。 多 以 H 獲 凡 舍看 燕 嘗 盡 機 税 兼 詔 激 部 盗 =考 遷 Ш 留留 密 大 又《 權 不 厲 曲 爵 攝 轉 詳 歷 太 意 + 役 臣 將 起 劫 賞 官 咸 此 富 代 又 府寺 論 而 家 崇 居 士 盗 未 職 進《 彊 事 未 *****, 承 云 舍 重 尚 要 出 迹 及 俾 曾 派 學 制 当 人 論 策 實 問問 委 前 無 邊 揔 狄 事 司 兵, > 用 募 代 主 閏 任 帥 淵 權 責 無 再 歸

保 原 作 師 據 殿 本

此 俸 公 貴 擇 弊 遠 罰 濫 其 拘 奪 曰 顯 奏 又 從 誠 選 者 更 臣 子 官 論 以 X 日 莫 反 實 之説 將 邊 知 閤 考 己 朕 卿 臣 思 多 加 若 以 第 久 見 振 於 朝 職 功 不 紹 軟 報 召 考 以 捕 職 求 卿 行 廷 沽 興 熟 直 命 或 又二 察 如 獲 \blacksquare 厚 之 有 上 伍 激 府 每 不 赴 此 推 畝 亦 賞 節 尊 中 上 目 足 會 自 子 殿 加 賞 則 不 均 行 概 : 日 稽 條 激 F 用 試 有 科 不 爲 其 求 繳 何 . 獎 拔 和 其 是 如 名 敢 類 額 奏 オ 除 仍 以 不 擢 以 對 買 不 誠 武 此 妄 進 外 倅 E 1 太 示 封 應 用 日 智 則 如 矣 有 統 臨 可 人 警 駮 尤 兩 重 : 格 卿 卿 略 利 僥 領 屢 始 安 ? 皆 欲 省 歎 者 。」公奏: 言 害 乞 覬 者 耶 書 奮 彼 集 其 Ŧi. 許 詳 律 權 惟 除 公 勵 議 寝 以 正 劉 0 子 謂 己 话 保 自 盡 臣 E 大 駮之。 罷 直 將 試 户 光 欲 Ŀ 守 亦 其 相 哩 館 之 臣 又 祖 使 乞 如 且 真 以 富 推 無 客 而

敗 之 嘗 也 以 朝 祀 怨 持 輸 州 命 法 孤 元 П 無 盟 數 _0 先 奏 年 江 於 誠 請 郡 紀 非 立 恐 則 送死 雪 七 講 Ŧī. 中 綱 大 東 除 或 務 折 虜 遭 僥 惟 夫 漕 爲 月 權 後 求 發 獻 之 陛 遣 倖 封 臣 中 吏 經 渡 霽 臣 明 羨 爲 試 駮 遷 路 以 下 泛 輩 傷 部 費 江 及 干 餘 多 聖 理 I. 使 起 塞 願 扶 0 侍 以 此 道 古 部 則 明 梁 益 儲 持 居 請 小 來 F. 郎 稔 笑。」 尚 可 大 郎 於下 肅 加 其 是 用 人 更 日 歲 陛 見 書 暫 論 兢 道 度 以 加 : 蒲 下 肅 公。 權 冬, 和 業 糴 以 容 充 消 覈 察 揔 如 等 酌 好 備 朕 刑 米 接 矣 臣 實 守 以 兼 此 攬 唯 立 朝 部 分 水 自 送 愚 公 中 答 太 於 唯 定 臣 以 貯 早 伴 侍 但 直 照 上天 子 心 來 E \Box 制 屢 代 使 Ħ. 郎 諸 非 以 , 知 左 攝 下 言 郡 常 皆 宰 以 後 不 之 諭 瑣 户 月 淳 0 其 煬 待 賦 能 無 避 執 省 闡 借 之 王 巸 郊 慮 仇 守 晑 維 又

禁甚

密

" 嘗奏:

自

人

銓

曹

不

敢

荷

簡

惟

恐

有

負

委

任

之意

近

懲

數

吏,爲

之

肅

然。」

進

一、公請

次

任

方

許

薦

舉

改官

條

列

銓

試

之

濫

選

人

有

力

者

初

任

或

併

取

京

狀

有

妨

平

建

到

任

賞

格

輕

重

不

等

宜

加

裁

抑

以

革

冗

依

次

注

擬

以

均

寒

素

耐

待

才

能

]1]

廣、

福

書

右

選

必

候

呈

試

方

許

參

選

免試

恩

例

並

不

許

用

曾

經

堂

除

人

及

舊

許

壓

在

部

者

請

將

堂

除

架

閣

以

下

歸

部

以

開

公道

以

清

中

郎

公久

貮

天官

盡

公革

弊

不遺

餘

力

矣。

以

尚

書

開

懷

見

待

略

無

疑

忌

是

以

盡

布

北

生

靈

爲

念

贵

肯

容

易

言

兵?

彼

此

從

順

有

所

歸

公

日

.

皇

帝

守

天

F

以

尤

以

南

遣

使

ĪĖ.

欲

再

堅

和

好

不

肯

舉

兵

先

舉

則

曲

自

然

和

好

堅

固

肅

等

相

顧

云

:

如

此

則

濟

腹

心

不

敢

有

隱

事

訖

備

奏,

Ŀ

大

悦

日

.

卿

可

謂

專

對

之才矣。」二

年

九

月

除

吏

部

侍

Ti. 八 九

批 還 甚 欠 次 役 槍 將 曲 尋 孫 邊 以 言 像 所 動 就 錢 犒 畏 留 帥 或 遇 帥 責 則 天 吴之書 步 物 賞 後 F 下 又 如 之才。」 高 人, \$ 久 宴 求 刀 齊之 乞崇 有 效 情 宗 近 典 降 因 擇 四 之 名 日 通 監 過 旨 堂察 銓 其 任 事 庶 愈 又論 獎 内 裒 下 無 司 南 欲 施 曹 免 出 招 力 實 直 贈 政 郡 行 情 内 倣 過 衆 奏 數 兵 之 魏 言 守 勞 宴 其 通 唐 失 者 聞 易 數 掞 治 績 號 公前 賞 唐 制 則 謂 之 苟 爲 之 年 之、 狀 武 且 因 君 H 取 府 : 之 患 非 始 坐 止 與 顯 人 士 著 後 武 獎 行 子 長 兵 已 以 得 出 科 著 邊 諭 川 慶 士 有 宰 甚 主 步 請 農 此 方 以 除 求 典 鄭 所 又 宜 中 射 執 能 奏 隙 差 H. 外 恃 咸 鑑 1 敷 + 請 侍 者 候 來 令鐫 教 科 遣 步 補 賜 文 兩 條 與 從 足 小 任 天 閱 弩、 蠲 閣 月 免 以 歲 E 宫 具 不 滿 人 以 F 降 除 待 步 有 積 試 儲 之 御 眷 歡 以 J 舉 風 召

年 其 止 嘗 使 得 既 愛, 鎮 制 大 百 世 味 茸 病。 不 冬 **\$** 醇 數 學 與 除 池 萬 不 謂 輸 補 姦 臨 知 私 甚 公公 犒 忍 備 以 以 榷 校 者 積 盗 詔 政 池 之,軍 償 簡 便 爲 多 禁 自 秋 逋 酤 郡 勤 親 爲 以 州 太 概 税 也 静 汲 其 又代 但 敏 不 政 之 簡 較 受輸多 0 嚴 者。 不 脩 籍 禁 時 士 事 人 諸 眷 屏 大軍 擾 寬 孝宗 歡 慙 既 貧 愚 而 其 舉、 之 迹 生 爲 猛 百 物 民 服 甚 徹 自 民 課 深 分 取 本 相 實 廢 之 戢 抵 聞 方 引 程 首 理 屯 於 而 濟 惠 具 誉 税 去 冒 以 而 財 得 民 下 有旨 薄 及 舉 時 有 者 賞 壘 布 職 一、公深 之。 節 其 民 邑 加 衆 決 名 公 罰 取 車 宣 兵 用 罪 行之諸 饋 令 日 訟 水 德 爲 大 必 陞 川 民 遺 嘗 疾 侵 行 閱 久 意 П 如 重 年 龍 安 官 之, 遠 漁 以 流 獲 而 之。 以 \equiv 置 錮 路 詢 醖 吏 非 官 勉 充 私 閣 爲 錢 價 畏 月 人 至 吏 訪 有 茶 溢 待 聖 不 增 創 民 廉 赴 利 功

卒

次

竴

修

職

郎

新

吉

州

永

豐

縣

主

簿

女

卒 公自 江 氏 户 故 却 職 邊 署 太 有 制 几 府 徼,此 言者 官 平 繋道 藥 名 年 遂 朝 民 常常 子 遺 持 止 興 十三年,高宗八十之慶, 書 不 屬 議 處 爲 奏聞 國官。 熟 四 橐之後 承 進 不 疾 至 大夫 到 7 極 而 人 縣 議 絶 浸 徹 求 任 生 不 典 郎 派 ,特贈四官 劇 懲 宸 億 致 祠 長 年 初遞 在 爵 聽。 自言 日 年 其 幼 次 恐 池 勞賞 高 之女,封 事 年 而 Ļ 嬬 卒 陽 有 獄 密 年 罷 臺 厄運方迫,必 甚 汪 四 與 官其 縣 格 成 承奉郎 春 次 評 青私 監 月 於 開 具 不 凡 端 以 碩 此 移 甲 奏 或 用 百 四 盡復舊 家二人。 爲 者 啓遞 人, 先公 伯 者 戌 互. 知 承 任 公因 後 疑 薨 乞 事 湖 <u>二</u> 十 食 提 E 公十 郎 筒 于 不 州 口 公 邑七 言 舉 深 職 寓 可 避 餘 娶錢 坐 以 實 江 Ŧī. 知 挽 事 年 爲, 舍 年 平 百 年 + 鐫 爲 以 州 會 留 歸

> 棨、棐、 諸 縣 事 適 之陽 修 孤 郎 長 職 奉公之喪 適 知 堂 梁、 郎 滁 迪 鄉 監 樂、 果、 功 州 同 嘉 郎 清 合 奥 興 馬 流 之 前 府 棠。 縣 原 温 澉 魏 通 州 浦 女二 奉 峴 鎮 司 墓 法 税 尚 側 孫 參 曾 幼。 男 晏 軍 辛 七: 次次 月 碩 勸 人 Z 適 葬 西 承 次

賞 後 簡 績 紹 直 謹 公、 夷 奉 及之。 ,自結 然 罙 乾 ,公經紀其 遺 尚 無 澤遜 厚 親 不 公事 道 所 故 以 汪 人 主 附 末 崇篤 與 有 親 得 公爲 知 謂 年 離 長兄之子靖 以 盡 喪 家, 枋 外 緩 名 孝, 器業 真 芥 歲 用 家,養從 公 急 取 率 蔕 居 幾 從子 一前 告 而 蚤 之 於 喪 與 者 輩 遽 就 集。 哀 九 太 力 年幾 竦 多知己者 母 退 次 遷,人 禮 師 爲 閒 終 兄 僑 周 俱 史 之 身 居 以 之。 至 Ŧi. 公、 從 嗣 僧 居 疾 + 事 鄞 出 坊 廢, 丞 始 不 先 先 孤 乳 藩 + 相 有 緣 以 僅 忠 又 以 母 年 茈 朝 亮 世 魏 無 介 尤 通

言、 重勁 劉 聽 章 泉 澹 杜 戚 必 表 更、公權之閒。 表 有 而 風 章 舊 門 均均 裏無 至 欲 能 無 如 雨 白 静 矯 公輔 揚 詩 不 雅 正 德 寂 久。 之作 爲 激 自 之 律 該 健 暇 異 寂 也 見 崖 盡 號 位 酷 追 郡 者。 使 貫 日 者 禮 日 異之行 書 望之儼 達。 既 似 字 幅 誦 邑 配 敬 萬 通 唐 梅 論 巾 愈貴 文集十卷,奏議二卷,《梅堂 有 習 尺牘 幾 前 之。 顯 卷,手 人,杜 堂 事 蕭 楷 無 於 人。 所 然, 剴 兒若 散 愈 專 遺 爲 法, 相 學 舉 號 謙 切 不 以 詩 尤喜 即 人藏去,告身書名端 忘 有 猝 至 水 通 燕 之甚 介 停 薦 韓 不 多 原 遇之不 墨 暢 儉 坐 論 披 ± 而 爲 凝 本 皆 筆 積 素 日 和 有 治道 塵 爲 艱 能 習, 文有 知 容 深 不 持 己 滿 9 深 意 知 動 無貴 啻 造 古 身 名之彦, 任 席 奇 交 其 足 出 人 一,片善 體 寒 精 玉 主之 澀 賤 雖 今典 爲 處 要, 潔 率 之 之 疏 甘 淡 曰

> 欺 親 矣。 未 家 雜 誌 戚之貧者廪 衰 無 銘 也 晚 Ť. 事 猶 日 卷,《 於 遺 取 此 令諸 歷 史評 給之。 朝 嗚 子 實 **>** 呼 友 Ĭī. 録 悌 卷 或 ! 纂 請 守家 及《 提 公之所 禱 綱 廟 法 目 議 日 治 存 當 諸 吾 葬 可 世 書 以 知 素 藏 時 不 也 于

陳 復 則 京。 會 列 如 京 稡 穆 東 魏 熙 9 與 嚮 惜 抗 藝 寧 議 昭 祖 廟 論 集 横 昔 造 之行,不 日 其 議 爲 在 太 邦 猶 大 唐 功 祖 Ŧi. 虚 全。 群 太 尊 朝 東 見其 公 冠 祖 總 争 神 几 無 萬 成。 堯 論 世 親 以 公之爲 上。 興 未 俟 百 孝宗 桃 廟 唐 後 有 室 立 世 餘 力, 封 聖 開 居 几 年 始 明 基 第 親 倍 既 之主 於 祧 惟 過 惟 如 虎 賢 公 於 袷 漢 愐

^{● 「}稱」、原作「猝」、據殿本改。

斯銘,不顯幽光。巖巖豐碑,以賁其藏。於九遷。入從出藩,聲望燁然。建明非一,於九遷。人從出藩,聲望燁然。建明非一,

攻處先生文集卷第一百五

攻媿先生文集卷第一百六

四明樓鑰大防

墓誌銘

端明殿學士致仕贈資政殿學士黄公墓誌銘

公祖。 産 居 特官之。 發 梓之安泰。 居 粟 賑 東 公諱裳, 邑中 郊 壻何氏,始籍隆慶之普成 梓、劒、 文友生阜,阜生舜 不 顧 六 字文 治他事,篤 公齒 閬 世 祖 \equiv 八叔,其 長 州 日 饑 文 恐 友者, 民 先 於教 亡 所 所 出 舜 見 子。 江 活 寶 生 聞 夏, 萬 元 悉 楰 母 計 考安 康 唐 鄭 是 捐 朝 定 晚 氏 中 爲 徙 舊 廷 間

大悦。 《漢中行》以諷,與 學益 奉 矣。 時 繩 意 析 或 \equiv 進 賴其束脩葬父祖及 子從授 之官,經紀其昆 領李公蘩復招 ,其純 太夫 達 年 之加 錢,吏且督輸旁午,漢中 人傳其詩 出出 士 第 宏 旦不寐,人與語 杜門潛 詣 總領趙 公又作《 嚴 悉焚 人 業,公語 孝幽 調 深 游 閬 四 公公説聞 ,不知其學已成 公未冠 究 青 尚 達 州 其 以 經傳,出 有 城 新 罷 弟 以 藁 往 文 古風 井 李公意合,力奏罷 親 經 糴 其諸父兩世 時 無 詞 刻勵 尉。 族 若 義 行 其名,俾諸 服 爲 明 於於 邊民苦和 之家 》, 至 無聞 入古今,默 闕 諸 又爲 暢, 激 未 尤以 世 授 Ш 非 昂 赴 今歌 然。 而 動 澹 巴 之 率 後 爲病。 九 復 如 中 罹 登 講 州 糴 子從之游 賦 之。 行 喪。 於 前 律 乾 也 外 通 實 而 解 詩 是剖 日 度 道 艱 之, 精 江 其 公作 考滿 公將 以 文 不 後 Ŧī. 思, 尉。 民 得 寄 叔 微 總 而 始 後 邑 年

宗

下

· 其説

卒不

果

行。

次

論

常

古人救

荒

良

法,不

過

 \mathbb{H}

積

穀

勢

E

難

行

分

兵

就

糧

官

司

贵

無

樁

積

以

州言之則

則

多

水旱

之災決不常有

米

運

率指

沿

江

若

稍

分

邊

屯

0

外

計

費省

今千

里

漕

粟

商

因

石

௱

致

石

名

爲

養

兵

+

萬

兵

困

民

窮

職

此

之

由

此

深

兵

民

俱

木

此

恨

也

邊

於

敵

境

勢

便

地

饒

兵

火

之

餘

木

極

矣

臣

思

其

故

有二

恨

焉

不

用

屯

 \mathbb{H}

積

穀

之策

乃

榷

民

以

首

召

對

論

蜀

兵

民

大

計

E

.

獄

脱

冤

死

伸

無

告

其

衆

終

主

當

改

秩

制

帥

留

公

IE

薦

使

往

年

策

又

救

遂

作

軍

除

或

子

進

擬

孝

特

賜

錢

則

曹

M

迭

用

舉

主

闘

陞

爲

興

元

府

録

事

參

不

口

不

不

口

不

課

不

口

不

定

則

龃

守

成

道

必

有

1

雖

當

守

人

論

創

先

大

Ŀ

已

登

之地 其 省 少 非 臣 奏: 主 即 鎮 據 終 修 己 勿 肵 重 之。 兵 矣。」 子 謂 任 用 其 位 要 鎮 在 省 也 日 之 地 _ 乃 荷 謀 建 國之藩 或 受兵 當 始 又 吏。 狃 既 , 吏 今吴蜀 康 大 方 其 立 宰 V. 輕 F. 建 於 論 要 多 有 所 品 之 名 相 用 奏 臣 籬 都 無 及 而 在 式 與 大 城 任 之 處 以爲 門 綿 言 日 事 邑 以 官 陛 讎 共 都 其 於 户 課 耳 環大 率三 課 下 少一 忽 濟 大 建 守備 責 者 始 萬 今 篤 然 其 中 耻 方 官 康 里 兵 用 忘之。 也 日 於 興 年 功 必 古 吏 今 有 不 大害 之 以 之 躬 者 當 雖 輕 官 Ŧi. 闕, 則 守 根 最 若 變 行 字 字 號 易 棄 一當計 利 雖 大 本 弊 之,分大 則 此 勿 以 是 爲 而 之於 9 具 相 憂, 僅 兵 風 疑 固 天 戰 耶 重 通 資 感 而 也 之成成 矣 下 兵 百 之, 鎮 ? 多 終。」 考 職 愧 而 疑 大 미 列 爲 之 之 陛 臣 則 以 實 惟 陛 而 宿 郡 F 别 下 久 食 E 人 則 以 又 不 而 師

年 切 説 守 不 以 中 於 使 夫 賦 竊 子 \pm 士 有 古 。」公感 不 然 實 府 目 即 軍 謂 可 而 口 規 太 益 則 雖 邊 前 邊 兵 用 政 沿 翊 日 以 當 切 數 多 E 熟 備 行 之 善 備 邊 漸 諷 月 以 而 異 觀 嫁 日 無 郡 主 則 實。 之, 實 減 諫 理 無 改 以 之。 日 天 禍 事 守 知 可 祕 養 之 下 衆 其 論 省 於 贵 則 以 宜 官軍 遂 兵之費 書 之, 語 兵 效 大 於 耕 後 省 非 悉 黄 吏 以 郎 之説 勢,至 無 猶 是 日 兵 除 至 裳 縱 之食 有 日 輔 虚 將 始 執 用 計 善 以 有 事 導 不 又 9 在 始 日 武 被 陛 乎 論 多 怨 則 可 以 爲 旬 事 可 0 + 可 臣 簡 ? 守 對 答 以 事 官 己 日 理 得 言 前 他 年 記 少 付 任 軍 則 若 其言 矣。」 朝 必 之 寧 矣 時 親 如 增 戰 前 以 口 夫 除 號 能 雖 擢 後 無 此 以 民 公 省 爲 太 條 以 吾 開 公 欲 則 曲 雖 後 省 兵 在 官 能 益 學 達 荷 少 藩 爲 逃 直 民 凡 民 吏 之 直 皇 博 之 明 憂 嘉 怨 又 而 兵 籬 責 Ŧi.

伯

克

段

于

鄢

一、公曰

.

段

驕

而

有

過

鄭

伯

知

然

則

是

可

不

汲

汲

於

學

乎

??」公性

真

베

語

疏

達

<u>Е</u>

大

感

悟

恨

得

公

晚

及

講

 \pm

年

既

過

之,

而

或

家

九

都

統

之設

贵

容

日

唐

太

宗

年

十八

起

義

兵

平.

禍

亂

則

何

以

服

之?」上

日

何

謂

九

都

統

.

也

中

興

以

來

聖

相

授

荷

惟

不

能

統

御

,故《春 今大 公 乃 鄭 率 不 分 連 之 御 能 \pm 切 統 衰之説 之重 前 言 喜 即 不 庳 子 以 大 H 上 處 日 有 學某 不及 》載 日 王 東 日 有 可 日 之?」上 兵 講《左氏 \overline{Z} 云 宫 使 某 待某人,正 輕 取 品 有之。 舜 中 舊 之 書 即 「大王之學,正當 處 勝 善。」 之 以 書 是意 節 人 云 預 》禮 思良 事 則 如 政 左右 除 使 意 云 政 一公因 人不 乎 以 有 有等 帶 也。」公大抵 大 益 事 ? 久, 得 凡 某 人 御 或 王 嚮 咸 事 叮 等 此 親 在 事 器 衰 公 1 象, 如 大驚 啓 無 衰 親 合, 舜 in 械 大 E 所 鄭 發 因 學,前 舜 腹 之説 之 與 ; 作 . 見 伯 雖 未 退 大 問 道 弟 鄭 閒 即 之處 1 之 大 喻 所 王 L. 但 商 也 率 伯 某 以 啚 王 有 日 有 汎 府 日 又 之 事 度 告公。 類 事, 以 論 臨 之 當 段 謁 獨 . 舜 則 也。 得 日 此 乎 「昨 富 事 謝 不 今 封 某 宜 亦 以 失 貴之, ? 見《 H 公 公 之有 某 也 日 胸 他 如 曰 H E 必 大 某 双 孟 聞 書 等 中 上 接 何 H

跨吴

、蜀、

荆

廣

閩

越

百

州

兵

與

民

諸

侯

也

周

之

 \pm

惟

其

不

能

號令諸

侯

郡

鎮

則

帝

不

足

以

爲

帝

今之郡

鎮

即

古

號

令諸

侯

則

 \pm

不

足

以

爲

Ŧ

帝不

能

統

Œ

月,

日

周

之王

即

今之帝也

 \pm

不

秋

書

王

E

月二,

所

以

諸

侯

之

Œ

朔

也

今天下

· 境

土

比

祖

宗

時

不

能

+

之

四

然

猶

任

任

吾

民

者

白

州

也

任

吾

兵

者

九

都

言

如

姚

田

輩

皆

所

不

及。

後

來

諸

賢

講

貫

劘

皆

自

公發

之。

公講《春

秋

 \leq

初

及

受 爲 矣。 斷 惟 Ŧī. 何 容 無 本之於 官 術 極 而 念言 文武 美 E 所 善,必 用 。」公各 日 誦 我 毫 謂 日 日 公每 諱 酒 度 也 精言之,上 則 不安者 Ŧi. \equiv 九 各述 賜 對 心 能 美? 誥 才 誘 流 上謂 子 時 指 日 何 受之。」每 勸太 ※語 學 E 掖 過多,忠鯁之士 太 :「爲學之道 大 謂 事 皆 其 性 術 稱 太 人日 E 曰 王 如 \equiv 上日 必 大旨 贊 所 意主 仁、 宜 日 戒 此 日 傾 E 不 「黄 天 至 俾 以 帝 ? 陳之, 如 喜 聽 日 미 一安静 文、 喪 心爲 王 日 此 誠 曰 爲 陛 日 進 紹 敗 翊 E 要當 日 立 也。」 之 下 可 嚴 危 善言 不 運 相 嘗 日 日 地 規 説 有 翊 謂 È 己, : 侍 師 踵 明、 理 凡 模 而 該 Ŧi. 善之功 之 體 去 因 語 宴 於王 此 美、三、 否 E 終 盡 日 曰 之於 崇 事 或 宫 亦 循 陛 所 之 則 公、 而 Ŧ. 故故 儉 中,從 寖 難 下之 也。 無 心 以 盡 行 宏 伯 身, 戒 怠 堪 以 日 言 遠 有 不 有 百 學

有雷 從。 也 雷雷 中, 動 雷 事 其 事 諱 儀 不 諷 宴 七 高 息 君君 其 0 宗 0 乎情 朔 稱 説 關 焉 通 凡涉 在 ,君子以謹言語,節 往 之 意 在《隨 公還 廟 猶 或 象 地 略 欲其 内 返 諱 後 紹 體 稱 慾之象。 中 也 震 日 奏曰 數 故 命 帝 後 ,前實失之。 熙二年二 先 使 : 體者, 公接 四 名 居 則 未 難 震 遣 王 謹 * 之安 曰 皇及。 之。 虜 本 使 伴 公 以 按《易》 澤 取 是 使 臣 坤 人 虜 至 日 也。 月,雷 公日 義 以 中 語 體 當 以 使 日 安可 今已 有 聖 塞 尤 理 力 閉 飲食」、欲其養之正 陽 一一帝 在《 一,然卒 高 雷 因 嚴 人 詰 議 關 雪交 自 宗 即 於六 前 不 通 之, 出 頤 君 改 外來交之, 吉, 改 袝 W 在《 乎 乎 欲 以 正。」太 子 作 其 則 乎?」令典 廟 或 + 震」, 其復 當 此 前 以 復 公公 辭 已 名 四 在 嚮 例 4 w 已 久 諱 排 震 具 E 之 則 不 傳 Ш 晦 順 静 + 之 有 下 爲 封 納 果 廟 乃 E 而

以

勝

之。

勝

心

既

生

則

以

諫

者

爲

仇

從,

書

舍

可

以

爲

賊

如

天

右

武

臣

拊

無

以

逐

之。

大

私

心

而

牛

勝

心

大

勝

是三

物

者

爲

之

蔽

雖

以

太宗

之

況

其

他

乎

?

陛

下

即

位

以

來

皆

私

也

私

心

既

生

則

以

諫

者

爲

病

後

謂

之私

也

事

苟

不

出

於公

而

執

凡人

主

私

心

非

必

如

好

色

好

貨

事

曰

.

唐

太

宗

最

重

魏

證

職

郎

省

而

不

及公,不果

Ŀ

几

月

幾

瘡

發于背

1, 告滿

白

日

甫

特

切

深

皆

人所

難

言

者。

時

求言

者

謂

省

己

之

私

也

贵

時

政

之

謂

哉

則

知

之。

變異之來

豊容:

掩

覆

?

日

洊

雷

震

君

子

以

恐

懼

脩

省。

酒

亂

之。

夫

人

主

起

居

動

息,人

雖

不

愈

F

無

不

其

=

蔽

夜

不

口

以

慾

心

蕩

之;

養

之

正

食

也

復

之

静

書

不

可

以

鄭

聲

撓

之

啚

以

如

故

加

之

心

臨

苦。 就 乞留 之章 太上 部 指 都 者 稍 疏 貢 人 願 不 疏 侍 舉 之 分 差 侍 人 然 陛 職 感 極 「父子 比 徐勞公曰 中 屯 公 郎 無 尋復除公侍 臣 論 也 下 激 又上 歲 未 公公 進 慮 凡 自 襄 勿 幾 遂 恨 漢 替 幾 天 數 用 六 今 H 天 除 封 除 不 天 十上, 宜 夜 瘡 下 此 不 七 性 張 侍 受 事 顯 下 望 方 意 Ŧi. 復 當 致 講 形 命 陛 謨 無 講 恬 車 H 請 作 意 近 貴 勢 繳 閣 事 駕 下 於 又 轉 堅乞去。 車 焉 見 引 公在 以 戚 論 於 待 請 之出 朝 宴安,公策亡 駕 甚 嘉 不 對 宦 備 制,專 甚 以 重 權 尋 得 \pm 即 寺 瑣 便 敵,公心之素 連 切 華 ,譁言紛 撥 學 除 日 效 坐 解 達 丐 鄂 不 問 過 久之, 爲 給 死 限 中 甫 去 꼬 應 又 渚 兩 翊 殊 事 以 外 以 爲 不 日 有 兵 宫 善 進 月 紛 所 法 中 之 報 遷 許 Ŧ 太 他 言 、公奏 最 謗 施 君 公 公 邸 同 應 上 所 封 疑 父。 用 始 病 存 萬 後 駮 對 力 極 奏 兵 知

公自 憂危 謂 再 聲 其 僚 意 官 遺 出 曰 能 太 祖 止 議 譜 E 故 即 : 宜 朝 切 E 相 屬 此 論 是 悉 不 事 侍 繼 奏, 欲 諫 益 書 獨 改 再 哌 報 瘡 嘉 且. 朱 在 非 大 傳 不 勢益 從 擬 除 人 諄 至 選 復 言 即即 納。 熹 用 前 所 叮 他 同 臨 給 號 諄 作 可 H 儿 真 移 載 急 職 班 數 事 數 泣 時 比 + 瘡 尚 疾 連 抗 復 王 前 問 中 干 隨 輔 年 太上久不 遂 充 書 明 闘 章 論 皆 0 古 初 公疾 之, 臣 學 大 學官 乎 請 外 日 不 F. 就 卿 人 交 問問 作。 ? 待 宫 語 己。 以 外 備 力 君 傅 如 口 權 輔 門 也 如 極 陛 何 且. 又 諫 以 命 蜀 過 孝宗 上 禮 _0 一、公力 臣 閉 堯 忠 下 請 令兼侍 兼 廣 不 宫 士 即 部 公 愛。 宜 \pm 聽 旬 歸 舜 楊 掩 位 此 尚 不 日 中 收 之 田 疾 書進 涕 輔 豫 大 公 外 禹 讀。 公 聞 黄 聞 召 里 而 裳 病 孝宗 復 莫 劉 使 中 臣 見 湯 謝 出 0 舊 備 書 抗 喻 光 不 外 伎

於後 皆 後 則 年 文、 爲 IF. 之 萬 心 在 武 Ħ 而 心 忘 事 之 帝 決 里 位 獻 有 得 陛 武 躬 則 而 稍 梁 説 我 論 始 世之主 於 人 固 亂 其 親 陛 F ,委任 之。 久,而 外 與 壽 而 君 武帝 安危 所爲 下 未 聽 謂 應 好 不 庭 無 知 斷 陛 雖 酬 Ħ. ,享國之日 終。 百 也。 之事 要之道。 大臣 唐 登 亦 其 終 權 F H 陛 餘 岸 全 平 左 身守之可 不 委 熟 下 明皇 陛 歲, 右 政 相 自 税 生 歸 任 新 下 持 聰 駕 反 所 迎合之徒 在位 於 大 此 少至 即 出 今日 心 明 之期 使 爲 率多不 人 臣 大 中 日 三君 此 大臣 主 之日 也 位 是非 老 書 意 政 則 新 非 臣 只 日 始 非 如 久,其 者 竊 他 萬 初 得 多 臣 亦 請 美 如 積 涉 終 不 故 臨 得 窺 事 人 恐 欲 至 悪 略 ____ 月累 善 大 如 聖 年 坐 萬 常 數 間 日 Ħ. 出 舉 由 如 () 然]1] 意 幾 稍 理 六 年 己 意 如 其 出 如 高 恐 之 + 大 作 今 此 虚 行 行 否 持 漢 至 事 兩

既 忠良 臺 親 欲 臺 劾 爲 恐 則 得 此 成 不 能 大 大 ? 臣 是 無 陛 能 諫 之 用 諫 亂 生 祖 也 不 而 之言 時 階 如 得 獻 不能 而 之 F 宗設官之 怫 不 其 陰 必 委任 終 陛 今 然 志 説 不 耐 聽 爲 竊 須 身 陛 日 可。 日 於 下 不 遂 從。 禍 主 無 謂 借 下 關 大 矣。 守 能 心 深 使 怒。 患 權 陛 聞 助 臣 所言 聖 乎? 之 意 9 鑑 善 何 人 下 潛 之,能 左 聽 不 或 夫 可 近 主 左右 所 悪 獎 移 右 能 朝 滋 暴 使 也 弊 不 或 不 臣 用 品 上 如 多 臺 廷 近 斥 至乎 能 迎合之徒 不介然於 恐 臺 分, 意 獎 小 今 不 所 諫 習之罪 然 小 自 是 一諫 日 人 用 恃 綱 得 臣 ? 引 人 由 時 能 本 矣。 得 臺 以 之 恐 人 紀 用 獎 無 臣 諫 志 常 振 分 自 以 過 邪 心 陛 竊 使 若 用 之所 厭 乎? 别 今以 革 如 立 黨 下 窺 陛 臺 使 每 何 不 善惡 聖意 今 聞 弊, 陛 此 所 委 諫 厭 憂 殘 有 下 H 往 然 欲 者 任 亦 心 IE 彈 害 不 臣 F

貴 宗 愛如 謂 之。 勝 之,又 獵 謂 苟 如 臣 政 下 使 日 口 計 : 異 老 其 此 亂 其 亦 之大者 厭 君 無 漸 是,勤 其 物 漸 於 其 也 恐 子 天 有 謂 所 忽水 謂 衆 多言 姑 小 不 世 下之 陛 大者 論 其 六 其 利 臣 人 故 也 下 自 耐 於 列 漸 謂 漸 早。 物 之 不 不 事 自 焉 臣 臣 學 輕 在 其 不 所 若 相 安得 不 四 所 復 不 君 問 臣 寡 位 漸 使證 憂 侵 自 言 叮 謂 聽 能 因 子 下 如 欲 疑 日 者 亂 勝 其 數 條 其 不 保 用 日 是 久,魏 大 生於今時 九 此 者 言 以 事 漸 切 其 舉 退 則 臣 謂 薄 謂 思 也 爲 也 踈 常 E 於 專 爲 小人 其 於 其 憂乎? 之, 君 七 證 : 陛 如 X 在 漸 嗜 此 漸 子 下 猶 謂 今日 其 陛 君 諫 臺 其 日 好 倦 不愛民 以 之 其 之 F Ŧi. 者 口 諫 事 進 如 朝 身者 所以 + 漸 謂 昔 憂 也 篤 憂 咋 是, 政 漸 者 於 舌 好 其 唐 不 陛 而 爲 太 又 然 + 畋 漸 戒 孝 言 閉 E 朝 口 天 1

乎若朽 尾。』此 之。 明 者 之心 其責者。」蓋 出 H 臨 將 放 以 收 陛 則 於安逸, 日 於安 深 持 隕 有 F 乎?」凡 有 時 人主之心 度吾 淵 E 常常 憂者又當 亂 心 于 旨 時 之説 復召公, 聖 索之馭六馬。』 逸 深 知 朝善 蹈 充 有 獨 必 人持 之 亂 淵 首 明 虎 安 語 不 憂之深也。 地 堂 暮 末 尾 則 臣 又 知 可 日 如 ? 心 又 與 禮 移 惡,固 請 皆 有 . 危 爲 而 何 之 日 常常 坐 危 頓 主 終言之。 矣,後 安 ? 法 書 Ŧi. 知 使 與 . 此 危 不可 又曰 有存 年 亡, 也 **>** 心 語 不 夫 意 存亡之念不 \Box 公 之功 之君 公疾 同 心 、公絶 則 . 保。 從容良久。 之 . 則 連 世 自 者 又豈 「慄 憂 有 \equiv 子 贵 寖 古及 子 動 溺 無 Ľ 陛 歲 危 筆之作 必必 慄 臨 羸 有 於 物 使 肯 F 病 , 若 馭 危 兆 富 嗣 有 須 使 不 欲 易 瘡 懼 民 六 後 於心 蹈 能 日 復 臾 求 人 有 縱 也 馬 至 壞 數 虎 自 任 主 凛 所 放 口 難

考,

積

官

至

朝

請

郎

公娶蘇

獎

善

憫

孤

恤

貧

蓋

出

天性

知

荷

家言

無

不

與之交

而

文

高

處

殆

至

論

事

之

狀

公之行

以

報

未

能

去

萬

里

베

9

言

議

多

某

日

前

言笑,終日

飲

酒

無

筭。

其

爲

切

也

爲

人喜

思思

慮

樂

辛

勤

機

之自

然,不

知

其

燕

居

深

其

事

核

其

理

盡

人

但

見

其

贈公資 念,索之精 樂易 幸也。 弟秉 發於造 廷 氏 至 乘之,九 學 陛 外 氣 公端 究 而 政 F 忠 平 其 耻 下 對 内 繼 不 義 殿 下 筆 派 僅 客 好 説 明 次 其 爲 學 聞 所 相 物 月 殿 爲 氏 書 輒 而 口 土 若 辭 激 拘 公死 學士 之 懽 見 爲 之。 占 推 所 切 奮 拘 + 之 E 遺 賢 然 不 天 瑾 後 肝 後省 適 妻 壽 節 骨 博 氏 也。」 合。 不 豆 僕 皆 禍 得 膽 進 如 以 飰 既 明 口 以 止 甚 尚 及 贈 四 此 請 各誦 年 歸 藜 之 喪, 制 相 士 白 愛 等 + 忍言 羹 銘 照 餘 碩 詞 何 具 洞 足 田 又 傾 所 有 朝 鏜 人 於 數 也。 達 連 處 矣。」 閒 相 Ш 之? 聞 九 野 0 某。 篇 ,夫人而 倒 失二 亦 與 前 中 與 望公即 既 終 惜 無 自 皆 甚 進 嗚 之 耕 子瑾 大 病, 哉 左 日 一孫,每 有 不 樂 出 厚 士: 呼 夫 盡 一史劉 不倦 盡 君 爲 能 何 真 預 客 得 抵 承 手 伯 知之。 無 伍 種 大政,而 皇考贈 視 掌 誦 公之立 語 公光 嘗 務 巽。 風 央 談 公,公 公遺 此 思 **| 笑謂** 地 郎。 氣 也 有 時 祖 世 日 相 某與 若 承議 故

然

忘

身。

每

論

事

人

主

前

其

平

時

於

利

害

是

非

若

不

經意

以

賻

卹

之

加

厚

公

寬

簡

0

皆

撫

手

相

弔,

以

爲

或

之不

致

仕

他

恩禮

悉

依

執

政

朝

朝

終

始

爣

得

乞

骸

稻

芋蓊

然

嘻

笑

日

.

富

貴

真

天

遽奪之,

女二人,許

郎

母

公同

在

1709

大

驚詫

傷

悼

即

日

批

出

除

表

大抵

不

異

前

奏

意

日

:

是

以

積

憂故

瘡

雖

損

而

他

疾

几

日

卒不

起

方

疾

项,

命

子

言,至泣

下

朩

能

己。

遂

其

剴

切

自 忠, 石 已也。 ,而系之以銘。 憂深 而 惟左史之作,文實 思 遠, 撫 銘 卷 日 \equiv 歎 事 使 覈 流 敬 涕 俾 載 而 於 不

之悲 遷 俾 委於 悼 陳 放 秀 登 出 中,乃生斯賢。 恩賁九 侍 前 侍 厥 力, 氣 英 焉 天。 心 弗宣 細 公能 辭 躔 嗣 井絡之區,爲 窮探 有卿 旃。 義所當 聖 0 折 亹 盡 神會氣合, 巖 本原 泉。 涕 亹 設 有 巖 將 忠,左右 涉 漣。 百 馬,執 雲,有 職 劒 降 歷 英特 炳 篇 惟 門, 千 大任, 移 東 炳 嗚 專 載,扶 孝 奉 之 累 雄 西 武 Ш 呼 惟 邁。高 圖 彌 年。 爲]1] 以 險 有 忽 我 1 官 忠、立 堅 周 淵 0 地 慈皇, 焉 輿 今真 雖 余嘗 引 旋 偏 鍾 登 蜿 視 屢 死 經 = 秀 經 仙 朝卓然。 蟺 八 進 評之,先 識 生 據 蘇 夾 勢 在 筵 埏。 之最 人,名 禍 古 諸 日 連 職 上 萬 以 福 闘 范 終 心 指 輔 Ш 殄 咸 先。 隴 飛 不 之 見 瘁 震 大 士 事 踵

> 者 其 蓋 如 全。 司 吕 然後以余爲知言 馬 中 嗚 公自以 派 9 呼 勇 ! 決 爲 尚 如 不 范 何 及者,公或 蜀 言 公, 哉 敢 過 言 惟 之, 如 知 蘇 公之深 而 文 皆 忠 得

攻處先生文集卷第一百六

攻媿先生文集卷第一百七

四明樓鑰大防

墓誌銘

朝議大夫祕閣修撰致仕王公墓誌銘

尋 稱 樞 舶 知 三十二 召 政 湖 密 赴行 大 州 \equiv 沈 紹 一省詳 年 弊 長 興 公 命 在 有旨 七 興縣 與 加 年 求、 一人蓋 訪 有治 有 府大臣 問 旨 王 政 其 正 : 父子 聲。 陳 擇 己 人 王 公與 不畏 如 士 也 高宗 勳 在 召 義 脩 强 先是,公之父 皇 赴 可 俱 絜 禦 帝 與 行 以 者 以 節 甄 在 爲 爲 廣 所。 概 録 薦 之, 南 口

辨。 公時 父 況 以 六計 爲 用 衡 至 陵 聞 吾雖 疫 既 三日 考之《周 淳 古 廉 ,當孝宗 者 廉 方 對 :熙元 弊 歎 貧 才 耻 説 嗚 究 爲 在 廉 者 婦 擢 冠 道 者 呼 旅 本 服 於 敬 政 群 禮 在 繼 提 ____ 喪 ! 年 日 用 府 猶 位 以 古 殁 皇 吏之治 舉 之久 四 然 : 詔求 而 ,以公辭 皆節 人亦 能負 却 賈 天 帝 爲 市 則 日 弊,斷 之, 官 厲 有 子 胡 舶 成 廉 ? 廉 有 喪以歸,不 儉 是 : 精 卒 爲 哀之, 周 . 且 吏 正 惟 果 言 IE. 小 父 之初 盛 賻 · 五 以 也 王 直. 廉 以 而 日 宰 時 事 世 勵 氏 率錢二 故 者士 清 *****: 廉善,二 有 亦 日 爲 名 既 既 末 仍 吾父以 裁 是 媿 不 廉 稱 卿, 斷 俗 有 父 以 大夫 著 以 子。 廉 灋,六 以 首 以 子 派 訪 百 廉 皆 聽 名。 廉 叔 六事 日 問 廉 萬 以 爲 自 又復 之所 官 公 相 度 稱 之寵 廉 廉 難 直 爲 日 此 府 葉 在 也 歲 顯 聞 膊 9 廉 當 之 發 又 然 召 公 海 大 ൬

洪 復 自 免 事 氏 散 祖 字 卿 大 生 源 字「言」, 仕 之 欲 喪 贈 夫 Ě 州 後 郎 舉業, 勉 任 ,首以 母 曾 鎬 之,至今以 爲 吾志,不 武 贈 哉 公, 尤 也 祖 祖 仕 再三,始授 城 陵、 以 有 金 ! 謹 玩 説 吴 縣 用 又請 金 紫光 避 以 而 公舊 永 以 越 主 孝宗 紫 贈 至 與 季 負 寧 幼 學 爲 海 遺 舊 信 與 朝 子 禄 今二 所 名 行 明 普 字 季 澤 奉 嫌 宗 大夫 州 將 學 漕 E 悟 爲 州 弟 奏 寧 行 郎 名 IE. 王 仕 王 足 字 檄 鄉 衙 郡 改 必必 長 少 使 0 少 矣 郎 從 爲 部 里 推 其 焉 弟 夫人。 父 母蔡氏、元 卿 長 君 欲 桃 一个一、 綱 所 提 先 何 字 從 珩 因 益 既 自 源 宗 舉 必 少 桐 方 家于 嗜 贈 ,伯仁。 之 相 取 而 公蔡出 卿 從 師 爾 廬 也 詣 書 望 銀 與 幡 世 真 ? 尚 終 人,六 鄞 臺 科 史。 青 實 通 焉 然 氏、 無 受 之 左 光 經 遂 五 父 曰 恙 也 薛 既 先 桃 舊 要 少 朝 世 爲 考 不 禄 下

諸 對 黨 罷 有 以 用 公 封 法 饘 始 證 以 遽 束 以 參 俟 浚 乞休致,遂 軍 守 陳 邑民 郎 粥 ,所立 疑 乃 垂 其 先與 使 免 募 以 糧 , 軍 幾 拱 似 無 利害以 者 而 忠 萬 不 料 他 誣 殿 方 歎 公姓名 已 一富 却 獻 弩手 繼 又件 之, 帥 詔 院 脱 忠 然。 E 謁 舉 泊 以 以 兵 獻 獻 遭 逮 民 意 ,官吏 書 縣令, 乾 公易 叱 之樂 火 進 如 帥 繫 重 嚮 歸 有 遜 道二年 鈴 旁觀 之 9 也。 意 郡 劾 納 他 而 謝 知 理 下 畏 酷 善 竟 獄 會稽 攻 憾 泰 官 改 卒 爲 怖 又二 公 也 慰 苦 州 諷 募 稱 宣 之 會冢舍失瑞 處 迫 勉 詔 郡 食 有 公文 奔 海 疾 既 一年,始 教 安 股 之 遣 隆 寓 \pm 薦 淡 走 陵 而 難 栗,公 郎 職 如 興 史公 監 公爲 致其 恐 縣 去。 從, 左 平 公 改 幹 授 司 後 圖 不 時 元 始 亦 浩 婺 辦 聚 罪 張 游 時 郡 香 右 勝 正 謁 爲 州 服 亦 公 忠 相 宦 使 守 月 花 憤 在 公 告 之 者 無 獨 獻 司 姻 司

廣

南

西

路

轉

運

判

官

議

臣

請

逋

欠

奏,公

鐫

兩

秩

不

辯

也

官

移

知

湖

州

未

半

年

罷

而

Œ

諸

房

公

日

使

正

0

漏

下

數

刻

治

婺

數

月

改

荆

湖

官

遂爲

真

葉公去國

一、公亦

以

事

件

憲

司

,劾罷

主, 主

管

台

州

水

相

之

薦

除

尚

書

吏

部

員

外

擾

如

公言

起

知

饒

州

改

嚴

此

最

深

切

著

明

者

公

以

此

罷

官

一言欲

燒

棄

Ш

水

寨

案

萬

虜

亮

深

人

乃

無

人

爲

用

責

諸

郡

不

遠

爲

詭

禁

止

若

西

路官

賣

前

説

議

公首

貽

施

行

公

水

寨,

騒

動

网

淮

競

進

圖

册,

徒

擾

良民

無

益

備

禦者

七

條

除

嚴

州

改

婺

州

内

引

奏

事

旨 牘 謂 州 曦 崇 且 版 遭 郎 尤 又 行 公抗 北 言 沿 曹 論 而 得 殿 道 客 爲 加 復 以 虜 權 他 路 勝 舊 江 以 觀 褒 外 改 販 絶 再 退 右 郡 轉 兵 嘗 郡 權 疏 納 鈔 饒 後 祠 奉 全 亦 運 以 起 數 爲 籍 司 列 司 鹽 祠 害 州 徒 葉 焚 除 年 判 郎 農 至 + Ш 1 民 事 矣。 隨 計 薦 判 林 客 生。 取 誠 虜 又 身受其 不 臣 書 使之非 借 移 以 任 辦 非 爲 亦 於 鈔 浙 俄 以 爲江 孝宗 淮 内決可支吾 有 鹽 屈 駮公所陳。 胡 西 勢必 禮 庭 欺 除 弊, 虧 法 復 帥 南 陛 直 又 部 左 之善 儀 聞 西 屬 下? 以 不 辯 代 無 奏 尚 以 司 提 折 之震 胡 憂 勝 法 析 其 書 公, 職 刑 庭 遷 儐 死 弊 然 甚 接 口 事 事 金字 贵 移 怒 且 直 者之 易節 中 救 科 苦。 而 送 修 公 領 至 書 既 以 漕 折 又 議 伴 舉 胡 牌 漕 鹽 踞 利 變 門 江 而 有 大 臣 還 金 計 踵 直 廣 事 湖 矣。 肆 東 害 弊 公 略 下 坐 朝 或 至 立 議 寶 南 未 私 不 謂 省 一嚴 行 賀 9 無 見 尚 文 告乏, 盡 及身,遂 臣 必 可 檢 譴 而 到 IE 其 空 不 閣 口 去替 欲 變 否

寺

Ė

簿

知

江

陰

軍

在

任

得

派

相

魏

公杞

在

瑣

闥

薦

對

祥

爲

兵

防

江.

守

城

爲

大軍

聲

援

聳

服

太

議

臣

帥

桂

説

庭

直

而

法

果

變

民

不

聊

改運

判

江

東

運

汲、洌、 恕 建 樓 覃 大應 都 封 疾 再 外 女 在 末 子 Ŀ 六 康 錝 税 宜 却 恩 任 皇 其 疾 孫男 府 將 務。 求 當 娶樓氏 紹 帝 人, 先七 轉 壻 武 藥 祕 户 涣,皆蚤 歸 踐 預 朝 熙 仕 閣 節 巾 不 部 文 潛 八: 祚 議 玉 主 郎 五. 郎 進 修 林 登 贍 徽 牒 大 賜 年 管 撰 年卒 軍 延 郎 頤之、 閤 翌 幼 仕 猷閣 夫。 史 金 八月乞 建 世。 酒 平. 門 日 江 事 紫 郎 鎮 寧 陳 庫 舍 終 東 直 贈 慶元二 澤,文 江 府 顒之、額之、 仲紱 遷 所 力 于 人 提 今惟 致其 學 洌 恭 府 武 幹 宗 辭 開 正 刑 出 士贈 人。 金 辦 ,宣教 夷 正 林 寝, 封 朱 繼 年 事 壇 改 俄 公事 Ш 少 + 郎、 朱 氏、 子 少 少 三月 縣 享 太 沖 改 卿 龜 郎 師 卿 男 監 年 派 月 樓 廣 佑 府 顯之、 浙 年 之季 爲 Ŧi. \equiv 紹 延 七 氏二 漢 新 以 觀 西 自 卿 曾 人: 今 日 平. 干 興 張 提 同 以 女 孫 頔 府 屬 Ė 女 忠 有 既 領 郡 陳 以 丐 任

者 彰 周 有 自 平 多 雖 福 朝 力 女三 恭人之墓,是爲午嶺之 行。 女五 彼 龃 先 生 所守 耶 翰 孫 處 壓 於 於學,多識 亦 頡 度外。 恬 惟 ? 傳 偉 龉 以 俱 曾 德 : 之、 人也,吾何 長 大 幼 然,亦不 孫 奇父者知名 是之行, 具 未嘗求合於 而 適 上下 君之命 穎 男 載 定, 削 同 始則 諸 之、 四 始末。 前言往 去 .既信 不 郡 孤 : 以 辭 視 顥 爲 樓 不畏 以 可 惟 此 亦 賻 人 之。 滌 士 服 五. 不 口 公嘗刻 行,曉 賢 干 固 人,而當世 數 所 自 上官 可 月 奪。 名 原。 次適 亦 執 ? 先 + 難 丙 惟 以 號 於 而 言 之嚴, 申 暢事理。 寅、 公資不凡,而 尤 於 七 揆 此 人 毗 時 明 年 奉公之喪 安 金 澤 駭 踣 辯 陵 以 惟 大 則 顒 義 紫 老 廣 其 古 之, 張 久 而 賢 明 公 之 焼,餘 碑 漁 命 東 不 道 復 益 贵 相 仕 立 卒 惟 陰 作 易 謂 振 自 知 干 以 置 身 合于 節 云 强 甚 此 禍 7 自 名 蔣 孫 而

以

名其

堂。

詩

文

似

其

爲

人

少少

嗜

Щ

谷

詩

造

倒

風

流

韻

度

如

晉

宋名

勝

又

使

人意

也

藏

書

至

萬

卷

手

抄

爲

多

號

酌

古

居

士

又

詣

爲

微

 \pm

公洋

所

擊

賞。

晚

又

以

杜

之。

及其即

之也

温

洞

見

肺

肝

善可

取

之不

置。

臭味

荷

同,忘.

年

- 忘輩

行

與之傾

薦

舉

必

公,

按

刺

至

一寡

而

端

毅

簡

默

望風

畏

幾

半

東

南

所

至

無聚

歛之政

省鞭

扑之苛

不

徒

以

文法

臨

賓

屬

加

有父兄

教子

弟之意。

矣。」有、 泉甚 呼 爲 省 榮。 州 之以詩 公近 人之云亡,有 妹,妹得所歸,二弟教之有成。 少 不 事 陵 1 Ē 某不 之詩, 唶 負 適 蘇蘇 以 尚忍銘 民倅天邑,三人同時 夢 來 日 我 文集若 長 . 蒙蒙 肖晚出 所 寐 公 日 「槁 期也 公也 一爲 欲 誨 識 0 干 梧 侍 子 標 共 卷 不 哉 誰 特 巾 淮 以 歎 劇 藏 惟 共 屨。 異。 威 談 石 把 贵 於 語 銘 痛 姑之故, 湖 降 某 家 空斷 歸 比 飲 日 參 奏子 幡 點 而 政 夫之 或 始 相 朝 殆 伯牙絃。」 正功 范 辱 孤 連 得 行 鄉 將 公 聞 在 私 日 愈 今爲 撫 里 焚 成 不 歡 親 ? 公林 以 養 筆 大 倦。 黨 嗚 哭 弟 見 爲 蘄 硯

身退

之

後

聞

朝

論

欲

再

起

之,

笑

日

少

欲

掛

衣

冠

老

乃

强

吾

顔

以

進

耶

?

風

力

素

晚

而

益

嚴

絶

不

可干

以

私。

剖

符

數

郡

持

節

然

中

外

踐

敭

終

不

得

登

禁

近

非

命

耶

監

司

未

有

越

所

部

而

治

事者

,眷倚之意

口

知

命

公竟其

事

公爲

辯

明

止

坐

薄

責。

前

此

時

或言

鎮

江

軍

帥

張

詔

不

法

幾

中

深

文,

特

孝宗擢

公於

下

寮

獎

待

尤

渥

漕

淮

南

特 如 行 已 嚴 俱 Ħ 善。 斯 士爲民瞻,莫先 而 臨 父不究用 復 皇皇孝宗, 起 風 裁 毅 子 H 焉 高 知 以 於 而 是 廉。 和 公 譽 , 介 最 顯 望 深 惟公父子,持 日 馬 終始 偉 而 視公之心, 通 三仕三 節,一 老 成 身

私 典 丘 刑 緊 今孰 爾 壑 後 往 踰 人 公? 尚 而 不 其 反。 八似之。 人 惜公歸 我 銘 新 公自 阡, 匪 謂 哭 晚 其

朝請大夫致仕王君墓誌銘

君 厚。 進 葬 太 學,德澤之及來 口 正 之子宗正 源 1 府 奏子 民 也 矣,君之諸子以國子正袁君燮之狀求 王 之墓 科 先 吾 是生三子: 朝 ', 興 三人 生 鄉 請 提 才 少 暨 五. 大夫, 古 舉 以 卿 先 我 未 八 疏 節 生 珩 高 年 艾 裔 財 長 俱 誼 諱 祖 者 也 孫 而 尚 太 以 政 之 IE. 君 義 廣 源 府 文 後 術 功 嗚 與 南 深 行 皆 能 卿 以 呼 季 提 而 大 世 季 廉 師 ! 諱 舉 相 流 其 知 節 表 繼 蓋 昔者 市 IE. 長 著 家 安 士 己 其 下 舶 矣。 子 嘗 慶 所 世 某 啓 勳 府 既 次 積 先 惟 繼 迪 銘 歲 既 銘 諱 尤 登 生 即 後 桃

青光禄· 推 州 賄 於 州 郎 不 載 寧 光 名 从 概 壻 惟 四 ,爲之 普 年 鞫 毆 待 改焉,遂字 吾 司 宜 故 於太府之志。 禄大夫,娶 王 「真」,下 理參 即即 者 黄 紹 彊 氏 門, 爲 狴 寧 大夫。 教 縣 興二十四年 郡 岸 君 書 荆 樓 用 姻 軍 È 按 E 屢 湖 夫人,君 曰「思」,字有之。 氏自二先 而 初 好 簿, 視 (蔡氏、 承父。 情 南 空。 如 系 稠 筠 祖玩 路 訊 尋 成 以 號 則 惟 疊 銘 轉 乾 之, 易 人。 道 更 君 薛 元氏、 由 贈 生以道 道 曾 運 處 院 日 生 感今懷 具 出 銓 君舊 以 朝 祖 司 州 而 自 服 也 選 而 主 年 薛 説 金 奉 青 經 不 授右 義 獄 名上 紫 管 氏 郎。 H 凡, 後 昔 家 先 循 隆 定 事 遺 帳 以 君 生也 世 贈 右 幼 興 迪 交, 亦 父 字 乃 澤 有 避孝 司 察 從 武 繁 之 初 篤 功 贈 从 補 其 訴 摭 至 詳 陵、 政 郎 於 將 給 精 調 夫 金 贈 宗 其 太 必 學 郎 永 事 撫 仕 筠 死 E 嫌 大 府 意 銀

其

生

事

君

E

:

乃

從

邦

人

之

請

即

州

治

陽

樓

前

俯

大

江

巨

麗

冗

食

補

罅

漏

郡

計

無

不

給

君

去

其

侵

蠹

之

0

何

以

厲

其

後

?

即

灩

鹽

因

爲

寇

鈔

由

是

知

君

後

爲

監

嘉

歎

再

四

年

到

郡

論

沙

毛

錢

及

雜

賣

場

司

機

官

文

字

紹

煕

元

以

伯

氏

將

漕

引

嫌

日

後

復

爾

不

汝

傷

卒

徒

篡

官

亦

被

二公争薦 捕 裁 治 至 司 兩 拒 信 以 窮 數 之,又 疑, 宣 見 嚴 貸 決 獲 使 牒 端 捕 清 治 創 屬 數 嘗 教 明 也 無 其從 沈 服 訴 者 0 省 之 至 救救 表 稱 + 敢 郎 公 剖 數 爲 此 而 感 人。 薦 而 輒 至 更 父太學 析 延 寮 百 知 宋 尚 賞 之。 謝 經 徐 得 而 譽 加 無 屬 興 書 氏 官 其 懲 外 而 釋 賞 免 敬 不 留 僅 兵 子 化 沈 黨 臺 其 邑 去。 之, 諸 罰 異, 難 取 岸 怙 公 而 篡 非 軍 期 者 不 生 充 且 黄 不 介 林 勢 郡 取 大 莆 實 月 伸 也 位 戒 又 殺 姓 突 舉 爲 公 怒 公 田 以 理 而 之前 乏。 帑 事 事 涕 罷 守 利 貳 已 年 四 民 餘 緋 修 + 甚 差 庾 年 泣 具 於 力 走 無 衣 官 陳 上 枵 主 及 者 甚 君 闢 者。 依 近 閒 銀 霸 亦 而 知 ___ 春 郊。 然 悉 Ì 官 城 魚 4 年 深 澧 管 爲 用 節 門 賊 而 寺 通 九 廪 改 民 州 湖 浮 知 是 君 郡 用 道 年 七 淮 以 知 其 深 禄 罷 北 費 裁 人 頗 君 年 簽 南 累 弊 有 永 建 陛 安 切 裕 有 以 開 書 汰 皆 灌 備 澧 月 辭 撫 乃 將 通

武

安

軍

節

度

判

官

廳

1717

如

此

耶

?

至

其

行

加

退

衆

唶

日

是

己

決

其

久

滯

者

遂

寖

喧

競

于

庭

皆

捕

毆

吏

林

公

枅

守

縣

縣

素

難

治

始

削

應

格

七

年

改

爲

忤

也

帥

簡

貴

威

重

法

不

勝

慙

怨

· 擠

之不

遺

門

納

之,

力

贊

郡

將

修

戰

歸

會

劇

寇

沈

師

逼

城

爲

憲

屬

者

武

斷

鄉

曲

征

溉

利

淳

熙

六

年

賜

判

潮

州

推

誠

佐

郡

守

或

未

安

君

改

之不

舉

以

厲

口

列

之

持

君

果

於

立

事

滯

訟

黄

公

鈞

主

漕

計

以

之吏, 僧 耆 有 執 爲 先 舳 遇 蘄 最 以 心 軒 曰 亟 欲以 老 還 言 賄 : 遏 以 發 霪 州 以 闦 豁 艫 它 訴 糴 懌 銀 朝 緩 稔 遂 輻 廪 雨 使 請 勢 移 其 鑛 貨 云 古 湊 至 自 惡 君 而 士 于 爲 奏事 力 文 非 來 獄 發 私 聞 絶 損 通 朝 氣 求 使 古 售 于 又 其 市 錢之廢, 往 變 方 振 重 免 邑令發其 先 君詰 訓 禾 山 乞禁 念 一歲當 直 無 如 厲 偉 華 耶 者 縱 歲 糴 比 此 始 觀 而 官 且 ? 之,治始急 遣 收 有 止 登 君 坐 嘗 淮 多 行 自 舉 才能 君 即 商 此 場 視 欲 而 邀 民 内 端 爾 多 屬 以 了。厚取 日 販 民 事 遏 多 謂 以 米 有 決 某 慶元 官 深稱 自 之而 , 許之。 杖 食之空,咎 窶 牘 商 足 科 記 給 之。 罪 (),鮮 食之 其 復 來 不熟計 者。 之。 上 不 許 四 未 Mi 財 贏 得 年 有 意 五 可 以 望 民 於 君 巨 藥 由 赦 年 其 視 蓋 蠲 E 相 將 商 袁 而 矣。 君 是 日 説 事 藏 征 誰 知 以 寺 謂 率 人 遽 奉 司 : 而

公事 終 寧 自 死 懼 劾 隸 訴 攫 佛 以 行 冒禁,而 人,先二十九 베 曰 于家 移 前 之, 以 . 其 爾 者 取 燈 償 府 逮 獄 嘉 者 武 無 無 大 貪暴之尤者,請 臺 致 繫 君 非 呕 數百 享 鄰 藝 師 夷 慊 郡 之 治 捕 亦 上官以 泰 徒 路。 於 者 Ш 法。 年 所 獄 元 寖 之, 人病 無 家 中 自 沖 七 年卒 在 危 年 益 令誣訴於言者,公遭 寮 佑 六年 令脅 + 不按吏爲從厚。 痛 處之怡然。 賜 其 矣。 稱 可 佐 冶 觀 有 猶 0 擾 戚 四 使 户 勸 治 未 興 今宜 品品 莫 里 託 除 \equiv 死 以 止 獄 定 安 服 廣 年 者 敢 挾 虧 娶 者 不 也 人 令之子 南 無 抱 權 IE. 聽 詰 頟 同 ,欲變之。 應 廣 西 所 年 冤 要 0 坐 初 君 郡 氏 路 右之俗 乎? 聽 冬,主 比 君 書 屬 深 君深病之, 伍 爲 蹴 提 論 至 走 疾 出 文 氏 奏 子 始 點 小 郊 罷 州 而 劾 男 癸 知 輕 君 吏 刑 歸 黥 建 **\$** 有 怒 至 悚 於 産 獄

術

亦

當有

以

牢

籠

之。

交,終始不

變。

筮仕

之

險

巇

之人,一

對

以

誠

彼

自

意

消

不

足

以

償

清

貧

市

井

小人,

過

而

挹

之,

俯

接

惟

謹

有

問

亦告以

實

不

敢

戲

侮

之。

不

見

喜愠之色。

開

心

見

誠

柩

合焉

君資

禀

忠信

不

發

縣

桃

源

鄉

排

隩

之原

諸

孤

以

兀

二女:

一夭,一未行。

先是,伍

後

半

卒。

次

適

進

士

伍

遵

女蚤亡、餘與

第

四、

第

五男

俱

有

仁之、儀之、信之。

府

會

稽

縣

户

部

贍

軍

L

臯

酒

庫

遺

澤

補

官

女

八

人

長

適

從

蕪

湖

縣

主

簿

登

紹

熙

川

年

進

士

郎

新

池

州

青

陽

縣

尉

洙

迪

爲

恂

恂

É

卒

與

\$

以

私

每

深,從

事

郎

新

無

爲

軍

巢

縣

太府問客言何 初,或言邑令有 信之先 吐露 毗 功 事 科 月 尉。 . 宜 廢疾。 妄語 第 郎 情素 陵 郎 田 己 以 或 人 Ŧī. 張 夫 泌, 漬 監 太 酉 葬 是 遇 年卒。 如 野 符 第六 平 奉 善 機 孩 妻子 于 孫男 紹 將 迪 女, 與 孺 心 穽 君 鄞 圃 以 州 功 之説 資 潭 於仕 謹 力 衛 莆 爲 自 尤 郡 甚 逋 日 -非 計 負 游 稱 公、 送 厚 處 陽 人 之人, 0 而 進 歎 錢 則得 質 從 其 荔 令所載者 以 食 有 樞 如 君 至 不 子最 服 真 = 密 義事 君 誠 貸 雅 是 不 執 而 白 矣 淳,力 使 求 自 之禄 者 待 以 相 遇 手 盛 所至未 萬 亦勉爲之。 軒 知 之爾 給 愛 知 事 不 如 有 謝 悉 · 奉 也 於 重 + Щ 敢 體 忍 薦 徇 王 不受。 人 以 爲 年。 拒 或 别 嘗 Ė 呼 於上。 情 何 一公每 前 張 名 之, 何 至 君 飾 毅 術 撓 品 侍 ? 人但 然持 薄。 爲 治 然 之可 惟 法 後既 澧 欲 講 餽 自 器 晚 不 廉 備 以 齊 汲 陽 栻 者 損 以 得 知 用 可 歷 用 潔 取 舟 稍 年 引 終 風 君 有 之。 堅辭 Ť 禄 ? 麾 浮 守 説 兄。 裕 裁 不 更, 餘

親

故

有

補

不

足

之。

恬

家

圃

歸

市

物。

家

法

俸

吏白

有

於

人

自

丞

相

京

公

丞

相

捎

節

皆

其

甚

高

在

學 既 之季 於 立 竭 色。 然 君 家 嗚 益 府 本 無 求 卷 此 用 皮 呼 前 召 造 與 力 亡,祔于 及 制 隨 阿》之詩,言求 女也 版 以助, 平 王 幼 人 行 田 録 其 力 以吉 孤 信 澹, 醇 \pm 行 叔 事 本 未見之書, 以 書》 氏 篤 州 者 有《 鞠 問 親 廟 體 籨 應 士爲 伍 父子 之 各 日 之禮 於 以以 立 日 具 蓋所謂「吉人」、「吉士」、「長 宜 荆 閒 萬 兄 : 身 隆 : 首 良 兄 人 時 澧 佳 餘 「吉人爲 嫂,少 賢用吉士也 事 處 厚,皆 冬細 亦 文 弟皆 公知 唐諸 奉 集》行於時,餘 卷。 之。 句 家、施於 順 祀。 帝 與 適 民 帝實 少喜 長 有 天 之化 人所 之相 嫂 君 乏食, 善, 下 太府 省 以 即 意 爲 録 事 長 有 自 幾 難者。 惟 某 下 詩, 略 諸 政 見 者 躬 賑 漢文 自 上。 先 日 備 於 Ŧ 乎 藏 女之行 執 不 與 風 周 念 祖 世 ? 于家 婦 性 誼 實 帝 足。」 莫 今 孝 旋 無 小 禮 年 嗜 聳 周 寫 養 倦 惟 太 基 初 師

> 爲善者 足以 者」人 四 已 小 行,可 矣。 子 試 卒 緒 俱 也 使 歲 亦 此 餘 列 鄙 一,故 某 可 仕 夫寬, 感化 鄉評 以 天假之年 平 版 勸矣。 家道 日 已多 卒以 頑 敬 夫 歎 銘 肅 廉 是歸之。 亦 每 穆 日 品 而 可 ,天之敷 以 表 之宅 風 語 率 俗 人者。 使其 始 鄉 庶 佑 幾 曲 成 得 於古 如 今也 求 位 而 遽 H 而

以 不言而 行不 朴 不 游,求田 颺 淑 野。 之, 棣 · 捨。 恂 化 周 恂 用 問 華 藍 王 云 慰 舍。 凋 古 君 義 田 謝 泉 皆 家 所 士,漢言 謂 下 真 當 世 宜 高 元 爲, 其 E 儒 一壽,式 門 雅 規 長 勇 者 間 非 於 假 君 是 施 尚 尤 君 鄉 舍 容 篤 施 其 1駟馬 社 於 恭 人 云 麾 有 歟 節 視 力 政 何 倦 詩 如

攻魏先生文集卷第一百七

攻媿先生文集卷第一百八

四明樓鑰大防

墓誌銘

叔祖居士并張夫人墓誌銘

簿,以 衰,以 贈 也。 也 祖 Œ 郁 讀 議 ,以古學全德 先世居奉 居 特 禄不逮 大夫。 士 奏名 敏 姓 而 樓氏,諱弆,字元 **慰**,不 勤 補 考肖 jή 和 後徙 白 州 爲 ··, 正 復 氏之言無不 助 鄉 仕 議之季子 焉。 教。 先 進 ?,終大 生,登第,主 曾祖杲,不仕 居士 應,明之鄞 該 篤 理 世 貫, 評 其 學 事 句 家 廬 晚 累 讀 者 江 人 不

窖 難 罄 維 怨。 士 以 音訓 故 兵火倉猝,居 有 手以古字寫《春秋 校,學者取 處其仲,性孝悌。 儉静專,克相 而學問益高。 先世 妹皆幼 藏,人 色,且 餘 課其子,用 ,好浮屠 力之盡。 考證! 加 再不遇 一家産 人同 濟之以 至 贊 稚 氏 今得 是否,有先儒之所未發。 法 其 心, 四分之,獨 夫人承其意,無 未立 之説 夫子。 i, 志 焉 士 決。 娶夫 識 而 如 爲 尤 甚 一,所以 和 家 此。 左氏傳》、《禮記》、《莊子 小學尤精 家 Œ 以 知 人張氏,里人詢之女,勤 厭 蚤歲居貧甚,夫人心計 州 益 名 議 寶。 爲 之,遂 所取 不 病 饒。 然澹於榮利 Ш 奉 憂。 好 取一 沉 古刹 居 著 甘毳、畢昬嫁者, 予,未 兄 綿累歲,下二弟 不 鄙 土 夫 書,手澤 不周悉。 金,夫人亦 弟 復爲 意有 中年 人 流 Ŧi. 始與 捐 俗 場屋文, ,少舉進 益 金 朱 所寓 簡 盈 他 人 募 居 薄 黄 陋 世 無 爲 H 讎

不 於是 卒。 間 月 分 年 死 要 愈 日 旁 族 假 雖 不 給 + 尚尚 觀 葬 暇 給 也 嚴 出 所 不 榻 有 子 · □ 夫 年 豪 晚 以 X 宴 能 于 較 至 四 舍 陽 釋 飲 棺 平 人 倦 益 至 七 坐 甚 米 如 日 賙 堂 既 劇 + 老 者 游 富 生 T 戒 鹽 卒 歸 自 率 還 稗 譚 吾 鄉 有 日 人之急, 悟 鉢 以 耶 亦 , 衮衮 諸 ,享年七十有八,將 奉 家 以 梅 官之説 相 Ŧī. ? 自 未 歎 爲 至 湖 孤 儉 踵 矣 力 屏 衲 嘗 人 之 薄 以 之故 曰 聚 寺 竟 雖多不 處 正 木 是 樂 或 : 原 毋 族 見 夕 如 觀 乏。 月 持持 年 易 累 輕 而 道 華 室。 吾 畫 誉 不 + 費 十二月二十 歲 謀 門 靡 較。 焉 無 繕 此 妄 有六 古今,涉 忘 户 乾 之 長 能 盡 夫 取 淳 隨 返 病 服 道 愈 日 少 以 人 以 所 坐 熙 以 不 謹 癸 給 至 治 感 與 明 求 客 垂 家 間 Ŧ 妄 E 經 以 年 家之 之 盡 奉 有 疾 傾 瞑 寅 所 而 過 歲 用 史 閏 蓄 之 以 聽 應 Ħ 佛 無 親 川

使後 之訓 詮 晚 弟 後 居 當 善 皇祐 行。 錦 珹 男 歷 友直 + 能 少少 葬 來 士 世 所 五 次行事,未 有 曾孫 致 中 其 記 者 雖 名 女六 人: 生 見前 夫 之 書 婿 月 9 餘 可 猶 士 人卒 蓋 傳 不 日 衣 人,長 + 也 論 無 曰 得 得 輩 如 先 冠 人。 由 念 夫 沾 每 生 流 及成 施 門 又 相 日 乎 仁,曰 人 丐, 用 蚤亡。 教 日 適 爲 書 傳 侍居 啓 嗚呼 ? 以 球 授 女二 六七 而 字 翁 種 其 而 居 鄉 9 墓 某 居 夫人又亡矣。 烜 賴 士 所 士 行 力 日 ! 人, 銘 校三十 世矣。 孫 士: 以 以 琰 之墓 紹 以 次 則 樓 四 見 實 大 不 福 世 維 適 愛 俱 氏 人 先 屬 先 州 業 絶。 而 持 豐 防 餘 誨 業 贵 自 祖 居 懷安 合 之力 有 流 語、鍰、 鍰、 儒 良 年 某 先 少 惟 也 有 士 葬 基, 渥 傳 乃 師 生 自 祖 縣 卒 如 諸 承 焉 爲 典 之 餘 尚 念 和 生 考 起 居 派 鉉 多 刑 從 積 未 歷 生 皆 杜 土 子 州 日

叔之命,併敘而銘之。銘曰:

視 巧 有 拙 高 此 學 出出 節 碣 達 焉 變 人 其 彼 大 博 賢 觀 行 欣 配 也 于 戚 無 載 泯 闕 同 絶 穴。 窮 不 通 孰 Ľ 有 發 者 命 其 存 不 潛 厥 繫

盛夫人墓誌銘

孺 袋 經界 父兑 歸 場 仕 又 徙 屋 ,寔吏部 于 吴 人之伯 各明 所 嘉 越 洪氏,夫 贈 孺 措 禾 位 人 通 姓 祖 置 尚 直 因 通 僑 官 盛 經 書 家 日 郎 顯 氏 以 文 焉 懷 號 名 德 錢 憲 父師 世 祖,今爲 六 儒 興 氏 曾 公之次子 爲 經 公且 爲 納 大父偕 聖, 餘 家。 國子司業,文 土始居 杭 老 迪 通 人。 孺 直 功 也 德 猶 人 郎 郎 嚴之建 提 有 年 興 元 賜 充 五 令。 H + 祐 憲 緋 户 蟠 子 有 德 中 大 公 試 部 魚 者

答,唯 從之遊 未 三,不 疾 悟 雍 色,平 會 客 嘉 孫 通 仕 所 而 墓,又 一, 欲 遂 秋 嘆 孺 直 版 通 表 自 如 直 七 公固 ,然卒先之。 前 襮 革 也 處 加 嘗 先奏補。 居 而 人之長子藏 月 姑 引 沖 鞭 宦 締 雅 見 己。 歛 不屑 孺 年 以 屬 靚 情 扑 文 婚 相 惰 袵 休 疾 故 甚 笑纔 器 焉 安 食 容。 危 厚貲 意 致, + 孺 薄 重 郡 藏 不 有 坐 遇 兄 遂 人 孺 啓 明 官 孺 兼 夫 終 妾 年 装 力 日 下 人 年 泉 监 人 味 身 人 媵 始 升 爲 ,嬪大家 有 辭 資 卒, 語 以 南 , 裘葛 若 亦安之也 尤 朝 不 志 有 髫 恩 至 凝 愛之。 孺 不 郊 籍 忍去者。 上 数, 享 年 過 懼 泣 意 重 妄 霈 弟 交。 年 人 無 有 喜 待 下,文 告諭 文憲 發 贈 六 念之甚苦 舅 副 所 亦 通 子 孺 既 怒 十有 又 聞 補 至 憲 愛 文 有 淳 直 未 銘 婦 不 鼎 京 其 于 憲 嘗 閩 熙 爲 所 見 如 夙 德 秩 貴 Z 賓 之 穎 有 子 多 登 再 唒壽 内 於 興

悲 牒 宦 西之 景、 浩 母 過 其 男 孫 藹 法 遠 學 子 年 九 參 仲 次 日 子 泣 <u>+</u> __ 軍 銘 京 方 原 垂 孫 適 薈 藏 於 女六,長 \Box 又不 通 丹 曰 十年 一月八 洪 昭 皆 願 日 新 丘 直 : 從 得 孫、 氏 藝 · 得 處 錢 與 日 政 子 藏 有 終 輒 適 之 諸 起 叔 葬 日 郎 銘 連 養 不 松 不 延 ,二人未 子 旦、 薰 孺 吾 孝,素 偶 平. , 哭之 陽 又 母: 會 恨 陳 **令**; 于 蘧 與 無 女 之 孫 仲 不 甚哀 台 爲 先 以 四, 行。 松 墓 草 得 達 皓 奉 州 吾 陽 即 卒。 長 以 餘 孫 嬣 孫 新 厚 母 死 適 塞 魯 松 日 皆 海 男 建 也 所 \Box 姑 無 陽 縣 以 歡 幼 康 鍾 孫 芹 不 蘇 窮 從 鳳 府 愛。 得 之 隨 以 伯 吾 日 潭 翁 晚 日 司

養 夫 與 不 偕 洎 子 於 老 于 善 千 而 而 鍾 生 壽 不 嗚 得 不 洪 被 呼 其 安 封 其 於 命 儉 子 耶 而 既 報 强 仕 不 斯 銘 而

也,尚以詔於無窮。

江元適墓誌銘

大父以 授 初 之。 聲 其 大 束 仕 乃 饒 南 人繫置 庠 髪 之安 聞 異 黨 者 學 塘之門顯 也 本 姓 子 序 知 籍 其 始 0 蓋 讀 親 ,漳守陳公杲得 座 E 於 余 解 徒 詔 張 右 簿 君 伊 遊 書 潛 江 辟 諱 右 出 君]]] 柯 德 没 者固 口 史與 欲 Ш 泳,字元 之賢 弗 者 泉 是 誦 以 耀 官 多 司 見 聞 爲 心 爲 龔 於 其 惟 屬 南 而 己 考 右 而 公 君諸 其 子 寒 塘 以 史文 沔 適 不 爲 江 夬 鄉 孫 徐 卒。 得 本。 暑 君 從 俱 世 之 生 誠 潛 不 則 中 人 常 居 秀 無 今二 君 叟 外 手 廢 得 後 衢 先 Ш 其 ±, 抄 孫 以 無 其 起 之 + 生 季 龔 後 其 弱 傳 且 中 家 開 一之名 子 餘 氏 者 紹 子 冠 而 日 庸 年 也 妻 主 以 許 興 有

嘗

有

小

疾

日

出

就

外

寝

焚

香

默

坐

間

H.

食

之,

日

伯

氏

仲

氏

貲

取

樂

以

所

凡

勞

而

辨

有

亭,

以

限

僕

所 聞 德 喪 是 臧 息 預 瞻 絶 其 記 妾 其 因 君 見 行 居 吾 珙 家 H 仰 友 不 子 不 之年 告 後文 弗 爲 非 以 細 倍 爲 壻 務 陳 事 震、升 人, 去 如 養 便 大 西 舉 公 戚 生 益 親 其 條 藝, 觀 願 子 莊 遂 欲 而 竢 産 壯 以 見 學 省 \Box 理 治 不 語 以 謙 絶 而 百 家 體 復 學 耐 家 堂 既 右 擇 師 蒙 畝 業 力 自 創 室 謀 既 益 欲 史 養 謹 不 之。 與 樓 之 無 不 有 軒 仕 遭 明 奏 革 其 厚 以 之, 逮 所 西 館 澤 法 外 以 者 利 肄 榜 材 再 而 者 增 偏 下 艱 他 與 謝 業 董 家 行 應 也 達 中 益 官 _ 教 不 其 闊 啓 其 塾 其 揭 至 廬 鄉 ^ 雕 身。 人 自 傳 享 訓 也 申 諷 而 而 易 朋 之 欺 孰 其 其 也 葬 年 詠 × 遊 聞 意 流 余 0 于 仕 也 學 不 兀 ~ 不 講 畢 惟 君 中 + 以 欲 葬 禄 亞 又 則 習 異 而 行 之 孔 墩 余 皆 之 庸 有 仕 口 知 平 \approx 逝 風 門 於 之 V ? Ŧi. 九 口 見 樂 有 時

器

用

悉

有

銘

先

聖像

朝

夕

明

善

命

志

於

家

號

大

夫

舉

不

利

君

爵辛

焉

廼

及

X

不

就

至

官

7

外

孫

壻

墓

毁

瘠

除

日

^

天籟

編

日

^

因

心

録

解

他

論

述

尚

多

藏

於

家

未

年

始

得

以

銘

諸

墓

嗚

呼

原

遺

文

日

^

西

莊

題

意

 \Box

以

其

年

+ -

月

+

六

日

庚

實

乾

道

八

年

月二

+

九

日

惟

勵

諸

子

以

毋

忘

疇

昔

之

其

心

亦

不

使

中

所訓

先

有

用之學,上

可

以

爲

邦

南

面

於

用

乃

翛

然

自

適

以

終

其

1725

如

君

才

足

以

取

事

足

以

得

使

從

政

觀

聖

人

與

點

説

漆

0

0

吾 挹 其 氣 清 允 矣 德 成 志 南 行 塘 而 脩 或 源 不 害 由 義 用 於 程 孰 世 若 有 派 不 淑 仕 諸 其 流 以 者 全

有

媿

焉

故

爲

之

銘

H

道

未

有

聞

而

仕

仕

而

未

能

優

道

者

之

爲

高

而

以

政

學

者

皆

抑 之,觀者勿 君 之 細 命 雖 匪 長 後 其 熾 昌 銘 以 訂

知嵊縣季君墓誌銘

報 文簡 篇 君 其 則 光 E 相 日 之 萬 風 涉 與 ,朕 弼 言 名 傳 亦 讇 而 皇 所 E 摭 甚 誦 旨 帝 日 亦 獻 書 嘉之。 書公車 光 克 聞 至於 深 即 由 文 武 用 敷 西 聖 字 位 此 意 勸 + 繹 府 天子 出 之六 有 暴 0 進 篤 事 前 除目 白 日 補 先 官 而 備 説 導 經 年 於 以 治 是 言 論 愀然 人 史, 五 天 百 道 又泛 列 四 婉 以 使 月 下 計 不 月 動 進 可 諫 王: 論 戊 含 日 訓 與 獨 戌 當 目 高 君 盛 諷 詞 辰 循 爾 則 世 居 日 朔 德 既 諫 有 樞 兩 私 ^ 之 近 八 頒 日日 日 美芹 筦 日 資 務 迁 年 新 與 士 有 庶 爾 不 夫 中 食 聞 卑 制 再 奏 而 季

試

庠

校,

輒

出

其

輩

一行,而

器識

凝邃

不

見

苦,視

生

産

作

業

與

閨

房

之

私

不

經

意

群

^

詩

×,

禮

一》、《左

氏

春

秋

淡及

諸

子

古文皆

手

自

編

寫

寒

暑

不

少

變。

年

+

六

授

室,

益

加

刻

學。 母 習 之 世 以 呼 皆 之宰 宣 書 如 編 猶 教 桂 祖 不 郭 有 1 並 以 年 公蚤 朽矣。 無恙 君 源 超 微 相 立 子 君 才不 録 爲 少 意 儀 陞 繫 起 與與 世 曾 吴 穎 朝 得 亦 論 自 朝 祖 越 君字 荷 悟 林 究 君 不 説 武 廷 贈 宗 錢 位 方 齎 孺 痛 得 輕 德 之 觀 宣 氏 喬 在 人 自 百 與 裴 重 國 非 教 常 志 自 髫 祖 激 五. 寂 侍,始 其 據 郎。 而 其 讀 釐家 齔 文 一十有 終於 昂 殁, 先家 可 瑩 號 假 者 於於 妣 務 忽 著 籍 以 爲 五 慕 林 俱 書 天 諸 于 隆 處之龍泉, 書 之 俾 氏 如 不 ? 無 去 祐 温 名 聳 君 贈 成 仕 所 居平 取 楊 歎 遂 雖 涉 孺 抑 不 意 父 亦 攷 元 揚 問 敦 祖 陽 足 作 鳴 勳 唐

縣

至者

相

公待 土 德縣 屬 振 自 奉 五. 進 咸 1 郎 聲 以 秩 生 少 子 期 + 議 器 士 績 聘、 良 凡 如 君 滿 祖 君 充 丞,改通直 有 郎 第。 重 課 等 經 召 用 朋 母 之 邵 而 待 而 代 七 之。 試 指 儕 數 張 薦 憂 抱 見 州 其 制 皆 授 横 授, 者 人。 不 於 負 時 者 教 程 甚 蕭 臨 左 兩 浦 關 赴 淳 Ħ. 用 厚 授 度 多成美才 公振, 미 郎 薦 視 邵 迪 高 陞 甚 者 矣 熙 至 稱 之, 功 于 第 陽 左 服 + 止 知 1 悉。 者 俄 鄉 僻 郎 于 從 除 學 太 里 咸 於 年 紹 數 遠 恕 疾 政 行 之 自 州 興 孺 鄰 授 調 紹 四 端 郎 府 臨 先 郡 奮 郎 縣 如 士 政 月 卒 人 福 興 安得 剡民 證 僧 得 黄 察。 爲 孝,君曰: 又 相 溉 豪 鑿 濟 養 陳 ,僧自 子 無 力 鈎 此 往 者 有 陳 右 偕 河 張僖 來,歲 辭 隙 之 以 以不孝坐之?」申 申 羅 距 引 然 所 謝 君之善興 之。 公命 衣 自 源 9 潮 也 田 誣 特 匿 之子 明。 尉 以 於 「不爲 服 以 早民 田 起 君 灌 君 有 鍛 浙 東 至 家之子 輩 爲 按 之, 鞠 陽 君 母: 錬 西 民 君 誠 勞, 伋 盜 黄 察

治

悉

從

平

反

公

欲

騰

奏

改

適

丽

子

有

後

言

訟

其

不

也妻者

是

不

爲

白

也

母

公稱

其

引

經

之決

平

民

爲

盗

以

希

賞

連

帥

派

利者然

也

君

之

聽

不

諫

議

之

舊

疏

濬

以

廣

灌

臨之,公而

生

明,

無

不

洞

憂

一,授

福

州

寧

嵊

縣

磨

勘

轉

特

旨

授

左

儒

林

安

府

鹽

官

主

簿

州

福

清

縣

主

簿

達

少少所

許

可

漕

河

淺

淤

例

調

民

運

水

以

至

今

爲

便

閩

有

僊

湖

爲

水

愈

不

至。

君

相

地

形

有

聲

湖

湘

間

此

君

之

善

教

十七七

年

遂

登

角

閣

學

林

閒

所

在

皆

著

術

皆

欲

以

古

人

于

縣

治

享

年

四

日

也

鳴

呼

勵

登

巍

科

如

張

無

師

承

君

遇

諸

曄

勉

以

身率

鹽

官

邑

产

不

獨

以

爲

疑

,求之竟得

於

其

,使其交訟之,

旁

引

曲

遂

禽

真

盜

又

有

王

生

與

其

非

殺

人者

故

緩

其

獄

所

戕

疑

怨

家

黄

氏

爲

之父。 哀 堵 丐 加 既 事 之 爲之謡 才 賑 丞 如 屬 出 家 爲 ",當下 朱 諸 於 意 君 程 初 於 糶 君 告者遂 縣、又 惻 公 拊 公叔 場 府 而 司 課 尚 畿 烹 寒不 嗣 君 怛之意 摩 日 督之。 得 君 賑 得常 憂 邑大歉 達 列 歲 力 遭 伏 米 預 所 濟 飢 憂, 尤 急 以 舉 洊 辜 令富室致吴中之米七千餘 四 飢 場 陳 平. 民 甚 六 務 今有袴 數月之後,鬚髮爲變。 饑 所 焉 萬 不 不 緡錢 哉 察 盡 六 道 養 尚 斛 · 山 至 憂, 行 荒 條 發 書 濟 未 疚 君 二萬 谷 縣 與 常 獻 坊 (儒) 政 登場 薛公良朋 縣 丞 之救荒不 心,受賜 窮 之庾 尤尤 三十 平, 之, 有二 相 喜 民 林 於 民 史 日 隨 詳 裁 季公 易 鄰 餘 + 魏 儒 致 價 即 於 E 者 邑,始 所 尹 ·爲文 七 菜色。 公 民 越 嘯 林 分 使 施 京 戴 鄉 聞 季 之 糶 諸 聚 行 具, 朱公 得 公民 派 隆 星 凡 君 母 0 以 邑 斛 之 _0 按 皆 出 求 秘 君 民 給 事 皆 爲 興

甚明。 得 論 唶 領 耋 爲 心 體 可 或 爲,則奮然直前 去。 所 尼之者。 每 日 . 爲 勸 慨 得 以 是 日 長 穉 至 或 貽 巨公知 費其 時 無 俱 罪 相 皆 愛 書 ,則待寮 吾豈 然 用 往 儒 持 有 民 勞 心 善 許 後 可可 長 君 可 勉 簡 林 聚 之 以 人亡矣! 之。 當 君 己 紀 謀 雖 之 子 泣 切 哀 此 友 \Box 敘 甚衆,亦 爲 聞 敖 不 命 也已。 釣 如 事 : 而 有 至 理 詩 無 之, 及 既 爵 甚 兄 去 貴 巷 省刑 所 聞 日 此 下, 詳 輒 弟 位 無 臣 不 哭 顧 平日 者 也。 娶同 耶 有 見 莫 請 敢 以 以 调 忌 緩 人謂 韙 不 ? 欲 思。 保 介 縣 過 不 賦 於 安 君 里周 之, 堪 薦 任 竟客 介。 境 車 親 樂 長 君 於 爲 卒 於 以 枉 亦 故 爲 而 氏,清 且 義 之日 冠 朝, 派 道 П 君 授 以 以 至 識 盡 後 通 命 蓋 貮 依 天 方 是 不 義 出 湖 亦 行。 力。 顯 意 陽 相 儉端 爲 則 終 識 位 所 論 或 外 剡 虎 望 簿 抗 當 皆 及 故 悉 有 以 君 説 中 非

某

頃

官東

嘉

見辱定交,盡

之,

相

與

益

厚。

今其可

辭

銘

然君

志不負

?

某

鄉

某

原

以

君

之甥

朱

德

邪

諸子

將

以

某

年

某

月

?

晚

歲

歸

休

之地。

竟不

得

日

前,惟 所 學, 所著之書 而 見 於 行 當當 事 者 表其大者以示 僅 如 許 既 已 後 屢 世 書 於

復之、泰之、蒙之, 有疾必躬治湯 甲子葬君 成之狀 女二人, ,言皆有 之適 書作 得君之 静寧」,欲 惟 林泉之勝 母 别 君 以 來 文,自 藥,執 及 長 俱 于 有 論 天 顧 求 用 書 邑之 資 習 母 非 文 著 適 讀 集 命 爲 庶 自 甚 爲 喪 篤 進 世 者 者。 濟 忠 書, 何 使之作史,亦 而 上 陽 論 有 曰 也 言 之 邪 其 可 顯 : 切 而 (尤,姚 哉 具。 旷 譽。 以 惟 銘 不 時 言 君 分 實 與 發 1 務 而 章 之生,未 潛 0 3 使 昭 宋房 後 咸 寤。 事 交公車 德 用 紬 之, 之 必 有旨 有 而 繹 於 杜。 君子 大 唐三 用 責 誅 世 乎 明 爲 趣。 備 以 姦 君獨、 義 君 白 不 於 則 必 載 命 諛 獨 遇。 年 德 位 勸 必 有 之説 究觀 下 君 進 非 9 如 沮 古 撫 曰 御 之 其 位 晉 可 人之 是 宰 名 據 雖 公 嗚 磊 以 書 ^ 日 動 呼 不 而 美芹》之 於

垂

世

鑑

不

恕。

1729

與

稽

9

而

太

息

尚

不

腐

砢

乎

經

娱。

奉養寡

薄,俸錢

多

以

買

書

幾

乎一

飯

不忘

君

者。

雅

一愛東

Ш

八

卷藏

於家。

爲文渾

厚

典

雅

築室其

下,樓

曰

雙清

軒

曰

以

毀聞

與弟兄光度友愛,

誦

師

友,終

身無閒

言

無

他

嗜

好

至

,未始暫去厀

下。

輔。

汎

豐,

朝

論著

如

汾

厚

孝

謹

過

人。

少

小

孤

立

奉

祖

士

一林仲明

次

適

陳

權

皆

周

出

也。

業。

次

兼

善、

舉

善

蚤

世。

恪

,克相夫子,先

君十年卒,後以

明

堂

恩

贈

孺

男五

人

朝散郎李公墓誌銘

夫 之 子少 之 幾 大 洛 將 叔 閣 大 文 定 夫 亂 如 夫。 偉 中 俱 日: 仕 而 旼 孝 號號 公相 詣 師 郎 己 劉 亦 所 公諱 子 行 從 柬 在 生 配 偉 孫 氏 西 ,竟以 决之, 謚 真宗、 在所。 宗 公有 兄 生 母 在 蜀 日 「京房。 則公之曾 質 劉 晟 中 提 展 又 姊 舉宗 氏 氏 字 仁宗, 直 間 懿 公之 承 至 去, 歸 閣 歸 贈 生 靖 文 議 江 臣 中 延 尋 恭 叔 可 從 嫡 郎 祖 又 隱 州 携公人蜀 賞 馬 散 訪 人。 13: 母 也。 以 然 世 水 知 大 文 命 至 也 四 名 爲 家 南 懷 夫、 IE. 子 公 公 柔 金紫 則 德 社 于 ,始遇 安 八 公之諸 紹興 又 贈 已下 世 濮 稷 軍 順 歲 聞 散 生 金 其 臣 賢 而 展 紫光 叔 於 贈 朝 八 世 家。 六 明 孫 孤 氏 年 父 靖 奉 奉 子 世 直 於 惟 直 與 補 撫 康 未 大 禄 徙 太 祖

賦 爲 給 年 派 杖 將 帶 筮 明 養 州 人 處 1 相 廛 奏改 子孫 事吴 改 遇 下 率 錢 者 新 居 仕 州 哭。 租素重、公思 州 中 數 名 筦 大 遂 建 Ŧi. 右 主 物 而 一十年 公常 百 嵩 縣 塘 + 庫 昌 命 後 Ŀ 目 色 宣 以 遂 萬 臨 派。 人侵昬 縣 鹽 聞 良 公。 濡 登 教 公悉. 贈 爲 爲 令。 場 于州 爲 事 是 耳 郎 極 二十年, 帥 孝感 有 明之 安人。 既 極 染 九 恩 犯 饑 司 以 以寬之。 知 謝 不 至 年 邑者 群 寇 爲 馬 鄞 遣 紹 苟 會 循 别 車 到 黨 作 世 氏 闘 之。 赴調 稽 興 右 人 + 裁 官 公亟 帖 於 姊 矣。 吏 秩 陞 劇 府 文 餘 有 息 傍 見 先是,以 滿 授 邑, 右 因 師 蕭 林 惟 方 年 之 郡 捕 從 家 之 右 郎 李 Ш 授湖 耐 非 政 公 而 首 七 日 于 迪 政 氏 或 縣 得 健 譽 年 信 惡 郎 年 功 僧 告 隆 奉永祐 州 代 例 吏 未 甚 尚 爲 坊 郎 豪 不 興 長 斃 就 裒 奉 有 抱 赴 少 元 花 監 興 民 洪 顯 色 口 差 晚 持

郡

有

静

鎮

堂,

退

公

不

X

私

室

危

坐

堂

E

吏

命

罙

É

奮

勵

聽

訟

必

先

抑

告

許

懲

女

惡

廉

公勤

列

薦

于

朝

差

知

台

州

陛

辭

Ŀ

日

久

聞

卿

才,

宜

以

節

用

愛

民

爲

務。」公祗

E

抱

案

牘

至

前

隨

即

决

遣

庭

無

留

事

暇

則

默

而

觀

書

治家

尤

嚴

外外

無

識

子

弟

面

者

内

外

斬

斬

不

能

欺

理

財

精

察,

量

一人爲

出

者 撻 其 舉 器 養 公 服 母 也 故 庭 時 無 母 以 以 事 生之。 人,間 衆 物 其 子 弟 寬 威 下 按 士 親 可 平 如 每日 縱 名 聳 者 毫 閱 位 厲 魚 子 不 妄 初 爲 遠 聽 允 幾 始 置 恭 實 肉 及 有 威 至 : 郡 戒 聞 白 一費 粲 使之。 之耶 調 無 廋 兄 一此 以 年餘 諄 畝 外 祭 庫 縣 然 寇 敢 戍 隱 而 臨 藏 複 吏 ? 曹 重 譁 兵,遣 上 不 之。 惟 庾 擢 枵然,八 訓 等 重 隨 公深 但 者 得 下澹足。 人 公之 爲之充 有婦 提 諭 繩 即 一欲 足 荷 發 號 舉 海 承 治 得 其 擿 使 伍 有 **\$** 精 兩 人訟 舟 發 一發,人 命 閲 之 不 里 符 其 簡 力足 衍 浙 亦 母 犯吾 月 改 情 誤 尺 凡 咸 而 明 東 前 輒 不 之迹 事 籍 設 事 而 未 以 增 路 母 以 責 得 忍 **令**, 凛 方 整 罷 而 之子 嘗 常 以子 爲 行 \mathbb{H} 視 略, 有 辨 退 平 然 之。 于 必 閱 所 輕 神 治 風 蓄 求 不 求 獄 群 簿 學 茶 聞 亦 用 而 不 以 V. 鹽 者 爲 順 民 鞭 有 識 歲 以 雖 書

卒

義

不受

錢,龔公益

歎

嘉

之。

提

轄

行

在

公

不解

帥

以

助

公之

歸

不

得

Ē

以

其

半

分

給

吏

濟

盡

力,全活

者

衆

倅

廳

有

贏

貲

頗

豐

致之

安

撫

龔

公公

茂

良

垂

意

荒

政

多

以

事

屬

公。

賑

州

引寓

居之嫌

改

隆

興

府

時

江

西

大旱,

詔

全

今紀之。

T

展

氏

憂

服

除

權

通

判

明

雜

買

務

雜

賣

場

改

通

判

鎮

江

府

外

臺

以

清

殰

免三

鄉

支

移

折

變,公請

依

永安祖宗

陵

吴

公

具

以

聞

不不

挾

日

而

得

L.

出

父老

歡

呼

拜

寢

儀

制

舉

邑

皆

免

仍

豁

除

折

帛

ıĖ,

輸

本

色。

公遺 次 辛 俄 仕 遽 熙 境 源 寧 木 夫,亡十 至 几 文 文鑄 郎 夏 感 致 + 西合葬于 府 屑之智,所 薄 萬 鎮。 人,長 澤。 氏 其 孫 王 疾 武 緡 游 六 女三人尚幼。 事 年 祐 夷 通 九 而 其 朝 次文錡 蓋 文 之。 Ш 適 直 年 行 月十 奉 歸 公於是年 ·天童 或 鎮 公之勤 沖 姜 於家 矣 郎 至 不 大 勸 實 佑 孫 不 處 夫、 Ŧī. 贈 復 ,卒于隆興。 通 止 Ш 觀 男 遜 者 加 俊 日卒于正 之,不 有 判 安 儉 南 知 之, 再 賦 移 Ŧi. 七十 官 當 過 公系 臨 人。 奥 徽 於官 安府 Ŧī. 之原 世 人, 適 亦 而 州承之女, 可。 有 轉 以十二年 意 用 夏 以 出名門,而 真 澤、 食 三矣, 寢,若前 至 以 , 先公一 祖 成 次文鑑 拜命 不 男四 朝 尋差 饒 有 禹 涇 公之志 兼 古 散 素 才 味 津、 能 次 侵尋 十二 主 人 郎 年卒。 將受 數 知 少 遭 管 適 相 竹 自 也。 然。 月, 病 長 時 月 登 建 淳 暮 其 頭 奉

> 風 爲 時 容 與 與 謂 廪 刻 簪 險 多 之墓,義 於某拳拳 殆忘 林 賢 致 故 相 以 苦以至 阻 ,不輕以 猶 公周旋,某贅倅 下 勞苦 矣。 食 得 有 位 且 游 輩 貧 不 窺中 部 人 以 從之 庖 者。 此 然惜其不 行,治郡 如許,使人 · 得 詞 使 所 孤 色假 饌 辭 者 原 孽 不 安分 時 約,而 故 有 能 不 出 退 丹丘 銘 家 人,不 珍 之績 堪 得 究於 知 其 而 鮮 典 不能 公 者 於親 足 餘 燕 必必 刑 皆 亡 知 以 未 閒 以 用 先世 忘。 矣。 所 者 畀 父 濟 也 挺 年 病 生 親 以 執 或 身 來 理 而 二子 公 舊 見。 先 以 奉 事 自 憂居 掛 遇 頗 抗 物 爲 甘 君 立 歲 裕 衣 侍 求 直 旨 忤 I 不 、公時 皆 冠 寒, 銘 有 坐 公 部 遺 艱 相 獨 從 散 公 祖 方 久 可 難

用 其 之晚。 門。 矯 矯 事 丹丘 無 李公,文定 劇 之政,尚 遇 之 之 孫 有 輒 可 辦 紀 奮 低 身 使其 徊 孤 宦 藐 用 塗 思 大

所 7 必 偉 未 疾 引 年 得 終 其 天 0 公 乎 不

視

此

銘

鐫

洪子忱墓誌銘

安人。 湖 士、左 慟。 禄 姓 遺 見。 白 父擬 洪 州 事 會余從 夫 始, 氏 其子 甚 以 余故 通 旦 備 尚 紹 其 謚 君 奉 横 以 聞 書 X 愴 興 先 兄 郊 文 大 遭 洪 書 子 晚 然其 初 憲。 夫、 祀 丹 編 上 子 居 忱 來 爲 恩 陽 修 官 之計 忱 台 丹陽 求 吏部 不能 父 人。 作 摧 銘 之 贈 以 光 州 折 寧 · 言 郡 朝 尚 名 自 祖 曾 道 摩 111 侯,累 書,終 請 己 家 心 遠 大 甚 右 郎 撫 也 子 實 君 悲 父 不 朝 扶 念之。 力官業 贈 得摩 以 徽 古 持 妣 請 奉 子 婦 左 猷 贈 甚 郎 忱 \mp 家 金 閣 其 使 氏 特 諱 勤 在 紫 事 直 棺 得 通 而 進 蘩 贈 光 紀 學 自 南 既 試 判

還 書 右 者。 豐 無 君 首公任 度 甚 以 賄 歲 城 仕 베 在 者,由 一,尚 從 推 ,得其 峻 緘 户 實亡,公私 金 酒 郎 變 因 部 爽 日 政 官 樞 税 題 穀 書汪 亂 家 怨 密 不 郎 補 贍 · 未 出 君 始 + 是 焉 色價。 义 同 屬 林公安宅 吏 軍 入以 於稠 臨 赴 末,告於帥 益 公爲代, 邑 九 艱 糴 交病。 以 君 間 事 紹 善 年 奉 難 場。 T 賞 人 察 不 以 興 君 君 新 . 荷 中 其 循 萬 授 綱 問 時 功 有 君 宰 時時 僞 賞 右 + 計 右 督 切 未 而蠲之。 僚 苗 以 少 以 尚 文 循 迪 几 捕 人 白 裁 倖 及 吏 户 米 孤 書 林 書 右 功 年 茶 兩賢之。 林公。 之 門 成 能 簉 抵 Ŧi. 郎 與 修 郎 寇 有 通 以 至 否, 領 而 君 授 白 君 職 參政 意 監 判 多 公, 罷 引 餘 糴 有 郎 公治 鎮 自 大參言 君 遺 圃 以 斛 連 事 君 秩 挾 壟 無 爲 立 南 改 澤 或 自 復 素 名 滿 勢 公 閲 庖 庖 敢 監 補 軍 軍 隨 行 君 召 存 知 簿 節 犯 行 將 陞 在

者究 郡 劇 獄 聞 守 遷 臺 州 其 趙 降 官 以 日 西 吏 怒 迹 方 門 公汝 漕 攝 德 謝 焦 次 至 筠 詰 陽 君 安縣 檄 旁 於 止 火 灼 責 益 狀 是 時 愚 之,皆 君 勤 延 行 分 縣 少寬 竟 無 怒, 昭 愈 到 燔 寧 勞 帥 縣 酒 遂 德 不 晣 督 官 移 始 數 欲 中 官 宰 之狀 色。 無 昭 解 始 可 責 視 + 方月餘, 委 謝 德 丞 實 雪, 父 人 爲 罪 得 事 君 日 家,兵官 安 竟 始 老 淳 狀 繫 通 、民 整頹 守去 兵官 峻。 磐 派 罷 熙 日 皆 官 滿 寢 忤 去。 帥 詣 人皆 以 Ŧi. 獄 負 其 綱 吏俱 而 , 劾章 君 後 吹 年 Ŧi. 俾 君 派 奏。 不 君 君 而 帥 謀 毛 郡 改 知 暴 君 訟 人 貲 按 亦 深 意 避 鍛 將 其 捄 訊 弱 宣 冤 已 Ŧi. 堵 新之。 歸 知 之, 錬 芘 具 問 教 焚 歸 無 有 君力 人 矣。 其 如 之不 君 郎、 他 甚 妄 有 者 遽 訴 白 故 即 誣 訴 力 尋 請 以 相 歷 呼 漕 春 按 邑 于 知 可 者 霖 素 置 告 漕 府 訟 會 干 以 江 率 道 徹 使

卒 之。 半。 夏亢 堪 煩 米 刲 霈 逋 卯 賴 暴 重 也 行 至 擾 以 歲 股 烈 損 以 謡 以 漲 我 君 顧 以 全 日 陽 君 林 足 早 君 年既 惓 誦 次 直 孺 田 公枅 曲 É 迨 活 H 奉 中 惨三 家 舉 躬 以 相 人 民 供 母 從 爲 者 禱 及而 聞 無 禱 行 或 糶 日 負官租 者 之 嘉其 期 衆 其 雨 一請,謂 所 名 . 至 圖 言 得 獎厲 間 以 無 疾 疫 得 志 Ш 意 糴 崇 我 疾 又 年 癘 不 有 食 而 食。 七千餘 率家 飾 不 甚 父 俾 歲 及三之二,從 有 繼 極 無 猶 君 歛 縣 及今爲 償之, 似 年 郡 加 作 貲 其 發 手 勉 不 庠 給 五 者 至 殆不 邑 待 飭 廪 及 斛 親 蔬 千 弦 可 毉 人 盡 以 細 見矣, 之, 蠲 食 斛 E 至 以 勸 免矣。」 誦 藥 務 征 私 逾 水 他 是 而 漕 未 寬 君 焉 不 帑 月 謹 浮 人 甘 弛 寖 猶 輟 笙 H 能 딝 載 償 護 尤 澤 膚 未 刑 必 歛 和 徹 遂 不 盡 初 米 之。 視 自 哀 糴 及 緩 蓋 家 以 至 之 癸 行 有 而

其

孥

於

邵

問

弟

葆

聚

僨

于

道

銜

哀

閱

數

歲

始

得

移

獄

江

西

又

涕

徑

走

湖

外

從

事

逢

郡

侯

橐

中

物

歸

李

女二人 併 行 且, 孝 男五 卒 將 東 君 官 哀 也 之 往 友 于 首 育 星 以 舉 以 廣 訴 司 望松 怒 伯 奔 邑治 來 人: 部 某 蚤 推 : 娶 法 于 州 + 兄 都 長 護 捕 綱 鞠 年 以 曾 當塗諸 順 年 之子 楸 之正 下 柟 道 未 其 待 所 于 某 繫 氏 之。 孫 使 由 行 追 喪 贏 外 物 願 月 甚 寢 封 君 甘 又 慕 家 幼幼 納 高高 歸 急 日 棣 公, 季 家 有 苦 孺 悽 葬 禄 神 兄 葬 早 孫 益 大 誼 卒 愴 室 南 以 色 百 君 世 于 别 卒 以 仍 過 栝 脱 不 不 贖 聞 某 周 爲 曾 未 X 孫 吏 其 亂 之 邵 鄉 孫 日 州 給 勉 又 孺 能 能 議 罪 挈 男 而 垂 陽 還 É 自 某 桂 教 以 無 人 粟 之 依 公 覆 乳 計 命 盧 剛 徤 方 有 直 君 堪 倦 日 至 庭。 直 圭 護 窘 急 暴 於 邑 好 君 歲 解 縣 才 訟 自 卒 孝 隆 其 有 紛 人 租 辱 下 難 巷哭以 不 有 半 君 以 所 孫 時 興 任 司 其 君 君 加 惟 其 不 與 償 寓 驚 升 死 禮 念 胸 亦 力 而 及 客

勝

幼

妹

未

鄉

歲

時

祀

亨

痛

禄

不

逮

親

里。

君

天

資

諸

孤

孫

棒

孫。

授

發

之女。

日

而

歛

如

生

1

月

+

七

H

君之喪, 治之 君定交, 嘗以 責 得 過 斗 惻 也 有 君 其 中 之 至 胡 又周 之 車 胡 人 還 人 鼠 不已,委 清 E 無 下 視 峽 以 心 以 贏 半 泣 病 伏 石 貧 留 州 逋 之。 君 爲 必必 乃 人 於 俸 者 矣。 事 又 銄 括 在 難 或 租 如 前 以 懲 曲 善 己 饋 掛 官 葉 公 此 負 甚 縣 活 没 其 調 有 冠 諭 而 名 無 君 事 民 之, 哀。 主 其 人 護 之, 家 不 潔 爲 待 虚 有 大 忤 簿 家 其 其 而 曾 平 之 居 廉 姓 辩 貮 H 良 之 絶 歸 家 \blacksquare 無 如 年 自 胡 免 車 民 妻 空 南 貧 跡 且 怨言 將 官 者 初 豐 臆 蒞 失 以 爲 遇 既 君 不 不

免

求

待

賴

案

請

能

然

肆

禄

所

事

至

險

更

1735

然亦以 言,不 可 悲 肯 己。 惜乎天不 此 詭 寡 隨 合 以 徇 假之年, 君 人。 殊 不 雖 暇 見 以 於 顧 此 事 卹 故 久 爲 所 者止 在 而 整 此 辦 亦

志以 勒 九 洪,藹 銘 江 殁, . 罪 Ш 銘 然簪 阿 曰 罟 聞 . 是嬰。 以詔! 纓。 者 惟 歎 文 昆仍。 君 驚。 憲 志 公, 皆謂 自 急 立 策 誼 君, 家 首公,尚有令名。 名 訓 中 否 興。 終 克 則 承 丹陽 傾 試 齎 之 邑

蔣德言墓誌銘

宰 勤 慮 江 其不 ·, 貌 爲 猶 越 仕 不 不 能辨 壯 宦 勝 暇 以 縣 衣 給 東民 作邑爲 年 户 П 四 又 亦望而 繁 明 尚 難 庶 蔣 少 君 丽 士夫 易之。 平. 德 又有甚 時 言 駢 簡 以 集 去 易 便 難 鄉 和 親 令才 者 近 口 爲 之 而 姚 或

子自 之 聚哭 當 之最 以 傳 至前 曾未 見白 者。 舟 是 無 拜 明,不妄 而 聽令。 以 贵 循 不 · 播道路,皆以 車 宗義 於門。 挾日 事 爲 之 可 良 可爲矣。 ,或片言 府主丘 . 情 議 則又以其餘 知 以 衝 久 益 施 E 丘 聲 力致 己者 其 風 於 當當 毫 通 公及 公密 喪舟之行,耋 後 歌 其 折之, 稱 箠 進 其 髮不 哉 闔 累 職 爲神 流聞 ^ 意 境 部 世。 才 鹿 見 而 者, 及, 世 相 無 力修學校 半 使 者 鳴 官 明 蓋 退 吏 吊 不 未 君 者 歲 滯訟 * 悔 君 人 賦 而 以 厭 師 必 大 少 人 一穉 夙 吝 家 而 催 如 視 勸 服 ,威望 得 俊 自 稱之,以 辦 屬 科 長 喪 見 必 以 篆, () 茸傳 多 邁 受役 別別冰釋 民 微 以 至 詩 號 所 徭 士。 得 近 之 遇 疾 爲 役, 赫 親 江 君 此 日 不 深 滸 舍, 事 親 相 歲 應 爲 者 綱 其 書 風 傳 如 尤 閲 子 講 今 俛 君 相 判 兩 甚 雖 目 此 造 古 殆 首 簡 者 刻 月 日 與 序 難 曲

郎

饒

州

安

仁

縣

父

任

爲

將

仕

郎

氏

君

諱

綸

卿

奉直

大

夫。

謨

右

朝

散

大

夫

于

海

Ш

葬

隱

好

周

人

之急

客

至

必

置

酒

於

其

家

圃

不

得

仕

者

七

年

必必

日

蔣

公。

强

盗

賞

改

承

務

,德言其 旬 郎 誌 非 亭 皆 仁哉 民 尉 嘗 贈 中 問 學 月之間 作 Ŧi. 其 侯者 之不 贈 知 守 篤 執 小 Ш 年 邑 字 墓 進 淳 信 金 1 厚 明 法 師 之 試 日 進 也 見 煕 子 州 紫 君 州 終 代 丹 曾 忠言 難 : 德 銓 未 貴 以 \equiv 光 孫 陽 子 爲 「至今論 徽 闈 靖 已 溪 年 久 不 禄 顧 遂 乾 也 聞 金 康 直 猷 之官 得 矣, 縣 六 道 爲 其 大 故 族 壇 來 道 閣 究 年 夫 鄞 = 13: 如 其 人 蔣 避 直 見 恭 宣 冠 奉 授 年 君 君 1 氏 不 敏 學士 虜 所 父 之 冕 自 易 直 年 郊 人 和 能 於 迪 藴 難 曾 臺 賢 張 東 恩 祖 得 憂 以 功 變 政 之發 言。 路 孝 過 矣。 必 藏 葬 勘 則 用 不 性 俞 改 不 者 問 秩 名 親 人 君 不 氏 于 轉 赴 相 執 定 之 名 家 之 君 喜 公 也 止 君之志 既 望 承 喪甚 1譽於 所 之才 後 知 此 有 喪 治 海 奉 + 世 以 今邑 無 己 郎 年 長 生 縣 哀 而 憂 不 得 是 有 贵. 益 甚 君 授 太 以 父 患 冤 而 人 行 之 數 餘 造 調 衆 無 丘 姚 月 是

行

人

俱

以

毁

卒

君

性

至

娱

Ŀ

下

内

外

婣

族

T

無

間

9

相

仍

祖

母:

安

康

郡

太

夫

人

盗

賊

不

敢

發

發

亦

輒

得

時。

龍

溪

汪

左

宣

奉

大

夫

累

祖

猷

事

徽

皇

爲

漢

有

封

義

興

屲

愁

嘆

爲

謳

吟

於

在

安

仁

己

能

卓

然

有

V.

當當

盡

力

所

職

殺

傷

者

驗

視

鄉

富

都

奥

之

原

與

父

祖

之

丙

寅

卒

于

縣

治

六

月

癸

西

江

+

=

年

七

月

到

任

磨

阚

嗚

呼

斯

如

此

以

是

知

意

向

學

刳

1

好

天

遽

奪

之,

其不

稱

頌

之於

前

幾

不

容

追

月

之

頃

乎

?

使

又

不

得

此

以

自

見

而

未

必

信

其

能

物

者

不

能

延

其

定

數

姑

使

而

壽

甚

嗇

又

素

多

病

見

於

益

匱

得

禄

曾

未

信

眉

加

E

仲兄 哭,行 篆之 駸 子 弟 持 試 奉 行 方 相 切 痛 也 成 直 氣 從 漕 繼 。」今女姪既 逼 將 磋 而 疾 四 於 即 哭,且 之行 之官 嚴 往 後 初 學 臺 德 宇 其 道 來諸 州 不 問問 與 言 所不 爽 久 父母 兄人場屋,動 歸 叔 伯 止 觴 也 及 縉 今 甚。」 氏 而 日 而 郎 氏、 秋 詠 未 紳 忍 忍 蚤 喜 女,爲 之間 失終身之託 少之, 德言 忘 賦 以 相 季 喪 銘 閲 聞 外 爲 從 氏 ,君哭之不 君 伯 是 0 9 舅 祭。 加 欲 甚 於 日日 友愛尤 耶 年 未 吾 氏 翰 亦 既 況 余 得 適 ? 足 成 欲 如 不 於 禍 季氏 最 快 太 也 得 君 以 其 流 婚 可 仲 厚 親 起 恭 女 婿 篤 不 覓 能 見 兄 婿 不不 以 既 取 黨 皆 去 人 翁 矣。 朽 舉, 之亡 事 (首過 傍 自 乎 秋 兄子爲後 而 在 婿 嘗 戊子 堪 矣。 ? 及 勝 讀 選 公猶 上 俱 有 書 君 爲 群 之, 姚 中 書 之 名 蔣 歲 始 以 至 夜 相 君 從 江 抱 狀 請 駸 余 之 又 視 於 舅 薦 氏 就 昆

> 昆 日 仲 興 請 銘 晚 於辭 得 女 亦 日 不 忍 餘 也 辨 哀 之 哉 輒 心 折 銘 日 大 : 君

不 何 手 Ш 何 當歸 摩 磨。 问 風 兮 0 君 摇 之往 父 瘡 Ш 摇 痍 可 兮水 老 分 傾 頓 居 秋 兮 揚 足 無 風, 水 波 分 何 可 答 兮 藹 英 涸 嗟 民 流 爽 涕 歌 聲 惟 兮 洟 之。 兮 姚 如 與 江 在 君 忽 江 託 之 歸 不 . 俱 名 兮奈 體 見 東 分 兮 兮

太府寺主簿周君墓誌銘

娶李氏 以 太 諫 卿 不仕。 君 中 字成 大夫、 陞 君 尚 諱 朝 甫 贈 元 書 大父 敷 世 光 卿,字景仁,别 神 文 禄 爲 諱 閣 南公之女孫,贈 處 大 待 逷 之遂 夫,文學清 制 贈 致 昌 少 仕 字 傅 聖予 贈 裁 曾大父諱 父 永 IE 有 諱 , 嘉 奉 重 舊 郡 大 綰 諱 夫 從 縉 兩

九

月

辛

西

葬

君

于

明

之

奉

化

縣

松

林

鄉

桃

花

西

奥

之

原

君

性

明

悟

過

人,

光

禄

爲

當

世

儒

將

受

光

禄

遺

澤。

次

復

之。

 \equiv

女

皆

幼

明

年

Ļ

孫

男三人:

文之,

前

君

半

月

卒

遷

夭

女三人:

長

適

葉

相

次

適

樓

椅

次

蚤

長

大

受

從

政

郎、

監

泰

州

鹽

倉。

次

未

名

而

淮

東

帥

諱

璹

之

次

子

諱

鏜

之女。

子男二

人

閨

七

月

+

日

以

疾

卒

年

四

+

有

七

積

官

至

承

議

郎

賜

Ŧī.

品

服

娶

樓

氏

封

孺

伯

父

貨

務

都

茶

場

行

太

府

寺

主

簿

淳

熙

+

=

年

辦

公

事

監

左

藏

西

庫

提

轄

文

思

院

提

轄

権

T

光

禄

憂

服

除

差

充

兩

浙

西

路

安

撫

可

幹

差

遣

未

赴

Ţ

縉

雲

憂。

尋

監

左

藏

西

庫

又

尉

光

禄

由

祭

酒

遷

吏

部

侍

郎

更

今名

奏

承

補

將

仕

郎

既

冠

授

右

迪

功

郎

池

州

建

德

縣

郡

夫

君

縉

雲

所

出

也

年

+

 \equiv

以

郊

恩

務

郎

潭

州

南

嶽

廟

充

福

建

路

安

撫

司

淮

備

宗 今,抵 數 皆 不 禪 若 後 長 能 雅 步 舞 敏 文 動 風 宗 若 詞 之 謔 年 輒 驚 耶 斷 劒 患 晚 教 筆 術 之 擊 歎 ? 汝 風 成 尤 葉 掌 應 問 乃 子 有 説 精 誦 不 雨 刺 木 遂 氏 志 甚 劇 得 口 其 自 能 班 於當 道 停 聞 發 甥 篤 如 君 似 談 韋 故 爾 學,亦 鼓琴善自 肄 響 家 綴 則 左 憤 不 棋 作 手 通 世 符 業 會 心 經 投 進 卷 又 之 暢 立之務 歷 飲 籙 伯 通 書 學, 不 壺 意 莫 慨 不 尤 磊 舉 酒 類 仲 鍊 强 而 無 不 度 釋 然 不 前 落 切 餘 解 養 俱 不 語 汝之苦學。」 不 曲 絶 曰 賢 * 張 之法 博 斗不 殁 遺 精 四 出 記 挽弓 倒 詩 載 常 魏 於 貫 驚 座 到 也 輒 文 下 吾 公 撫 壯 亂 經 字。 人。 陰 傾 不 一當 筆 之 歲 能 史 舅 稗 釋 歎 席 忘 陽 加 或 成 左右 也 日 受 官 後 商 統 氏 雅 叔 以 間 一,反 文 命 教 雜 間 搉 或 發 占 臨 賦 有 氏 射 衆 之 律 説 吾 出 詠 推 浸 事 父

直 其 今爲 事 幕 就 于 流 不 市 動 程 君 漢 置 論 前 厭 餘 實 多 朝 唐 不 中 當 銀 朝 + 調 可 董之。 有旨 七 事 閒 事 服 用 行 事 日 乎 小 度 爲 士 萬 温 以 迹 ? 而 皆 偶 登 疾 出 降 西 友 習 切 未 餘 事 足 闕 世 木 或 錢 帑 且. 相 於 兩 故 神 果 帥 物 家 之, 纔 偉 H 持 J: 勁 業 最 今 期 知 É 大 版 除 數 郊 檄 弓 下 爲 人。 君 挾 功 日 其 嬰 計 曹 登 Ŧ 左 賚 摶 浩 徧 者 威 名 H 俾 才 賴 緡 名 帑 平 甫 閲 手 穰 君 信 著 而 不 帥 魏 以 薦 以 君 于 時 畢 無 試 足 素 曰 以 浙 公聳 口 無 書 外 旌 策 以 要 少 著 爲 次 處 製 而 恐 口 其 病 滯 君 鑑 分 歲 之 造 然 君 I. 食 老 言 間 痛 訟 尤 授 道 幣 裕 力 異 臨 以 精 焉 吏 有 忧 器 精 之, 迫 時 如 頒 Ę + 約 巨 剖 絀 己 力 又 而 重 緻 諸 制 期 兼 駔 嘗 決 期 怠 篇 又 欲 運 養 之, 變, 州 當 償 無 稽 以 至 如 其 帥 數 成 獻 擢 集

辦 貨 條 賚 乃 不 通 來 八 不 得 用 應 按 物 玉 任 + 器 無 則 E 錢 餘 過 視 始 滿 在 未 皆 寶 歲未終 一,力引 條 至 萬 數 禮 得 增 餘 \mathbf{III} 歲 羨 始 號 貝 名 緡 下 中 萬 歲 以 此 秩 事 愕 輕 勤 别 數 萬 傷 者 綾 無 久 胎 類 于 至 而 御 之, 出 期 蓋 以 口 事 慮 積 錦 朝 多 覽 徒 額 相 亦 會 體 給 朱 寮 至 矣。」 腐 之 己 御 虧 顧 間 不 所 又 皆 I. 出 今遵 屬 溢 數 君 衣 起 因 敢 費 君 莫 當 以 墨 藉 既 矣。 衾 以 部 隱 請 白 知 邊 尤 人 先 君 君 用 視 等 爲 以 事 于 郡 侍 其 始 難 以 事 物 乙巳 聞 此 吏 以 部 薦 郎 濟 所 就 稽 君 北 特 年 皆 輩 是 密 以 之。 李公昌 上 職 攷 引 編 使 南 分 無 若 未 以職 詢 然 深 文 皆 之 估 郊 類 賜 纖 嘗 之 訪 君 然之。 権 思 來 行 擿 而 毫 始 攝 以 筦 守 圖 後 得 汲 雜 灩 發 : 詿 爲 次 符 雖 數 歲 賞 創 汲 用 凡 誤 君 支 寶 趣 旁 奇 歎 第 簿 有 額 錫 金

咨

嗟

相

吊

蓋

其

銜

哀

星

奔

委

家

不

暇

顧

更

爲

鄰

無

日

不

奉

唐

爲

多

思

欲

致

泣

謝

未

而

待

某

尤

厚

相

從

之

日

又

外

舍

然

君

未

嘗

忘

鄉

或

列

皆

爲

之

痛

惜

才

雖

未

盡

用

前

恩

無

不

至

故

位

雖

尤

爲

周

盡

見

有

歡

有

以

急

難

告

往

期

以

或

士

與

謂

其

止

是

耶

然

?

吐

胸

中

之

奇

最

盛

皆

與

君

至

及,遂 使見 方 皆 命 厚 親 得 陷 朝 人無 未 之及 言宜 E 夕 繒 輒 宿 黨 人 於 於 蹟 亦 甚 略 Ē 而 置 於 心 傾 鄉 八 罪 用, 將 即 欲 高 去 顯 受 人 于 寶 者 身赴 用 曲 者 然 其 引 下 東 者 當 知 因 于 下 如 1,苟可 識 所 而 賢 閤 而 多。 於 是 愈 之, 聲 左 奉 此 者 ,俟駕 非 致 至 愚 苛 當 以 出 右 常 名 咸 便 之華 禮 間 以 匍 死 世 見 而 又 栝 揆 \exists 謂 營護 見 見 里 之 匐 天子 名 愈 興 蒼 悉 知 籍 君 日 君 途 日 救 公 高 以 與 達 不 君 者 謂 無 知 甚 之, 從 官 之 往 以 素 未 孰 體 寶 不 朝 祀 父俱 經 旋 也 墳 爲 於 閑 光 險 所 兄 己,談 能 右 墓 水,負 粲 終 紀 0 難 絶 己 几 以 也 常 其 焉 然。 先 明 將 兩 君 歸 能 頃 經 而 時 又 後 某 計 漕 喪, 仕 與 光 舟以 論 俾 光禄 適大雪 誦 光禄 道中 遭 人 自 湖 于 禄 文 君之力 君 書 甚 外 後 郡 朝 南 晚 出 侃 力 來 人 以 自 灘 周 雖 艱 至 益 侃 任 依 蜀 始 娱 復 永 水 還 君 蓮

道

還

使

江

東

君

乃

就

成

嘉

奉

祠

寓

于

鄞

置

田

欲

鄉

治

命

俾

叔

氏

之子

守

議

締

婚

伯

父

由

淮

甸

丐

共

、哀之。

初

光

禄

與

某

伯

激

舟

幾

至

傾

覆

君

號

呼

時

君

亦

自

喜

有

自

爲

筦庫

時

焉

勾

稽

外

府

會

宰

執

取

上日

不

明

堂

,設實于殿左

或

重

鎮

也

今先

兩

郎

先

郊

三月,

清

苦,

君

性

至

孝,

奉

承

左

如

也。

執

喪

哀

毁

過

禮

叔

門

户

之責

襄

奉

勞

苦

峯

葬

所

凡

 \equiv

百

里

水

陸

徒

跣

露

拜

以

禱

喪

行

H

悦

之。

父子

兄弟

自

爲

知

從 果 也 而 以計 大受乞銘, 聞 矣。 銘 間 過 E 君 家 有 慟 而 不 知 所

兼 何 儒 壽 數 先 有 之嗇 器 栝 發其 君 蒼之 濟 中 出出 周,文獻 其 都 干 美 載 有 年 之英 始 志 有 當 傳。 有 閟 朝 世 此 蹟 光 禄 天 丘 分 夷 大之,世 最 途 尚 高 發 阚 軔 後 推 身

鮑明叔墓誌銘

其 過 數 兄 鄉 萬 一,友義 人張伯 事 兄 歲 容 之。 德 時 踵 友 光 門 ,侍二兄從李 人 日 玉 明 受 鮑 再 篤 璧、王彦方敦義同 業 叔 氏 拜 明 求 于 二十六 隆 門。 叔 銘 興 將 於 先 改元 而 既 余 葬, 生 冠 人 若 余爲 其 矣,余 試 太 訥 子 學, 邸,余 南 學 之 萬 猶 兄 悲 明 里、 弟 與 明 時 叔 萬 從 始 皆 時 叔 亦 石 舅 余 與 相 以 與

苦之餘 君 父智, 世,伯 記 功 功 少 慟 明 月 吊 以 春 汪 誦 一,今其 公删 時 性 聲 郎 叔之亡也, 十四四 其 經 愛二子之敏 而 甚 仲兄 端 字也 哀。 仲 餘 史 徹 俱 玉 母 定 夜 親 兄 年 重 子 力 與余護 亦 不 可 日 江 未 求分 簡 傳 不 矣。 爲 世居 不 仕 銘 朋 氏 幾 不 幸 出 之 詩 余方 禄,彦方止 凋 休 人 聞 以 自 文 П 詞 封 明 先君之喪歸 父 君 喪 甲 明 首 處 在苦 之 城 孺 璿 諱 奉 喜 發 辰 賦 叔 舊 俛 奉 就 人。 而 俊 隨 語 之冬删定 爲 之計, 篇 以 游 仰 出 化。 師 舅 德 力 清 人 素 於 君 德 感 中 大 甥 友。 不 講 麗 İ. 字 父 故 曾 不 觸 爲之失聲, 自 偶 爲 光 説 尉。 倡 該 日 兼 能 力 大 嚴 在 與 異。 尚 亦 得 新 纏 酬 穡 慶 父 選 陵 長 相 亡矣。 伯 摩 忍 淳 典 遂 纚 於 勵 起 中 無 \equiv 言 明 兄 其 煕 明 書 勉 家 良, 虚 口 兄 封 棺 哉 叔 又 + 俱 叔 今 時 繼 洛 迪 迪 大 其 憂 兩 年 蚤 來 又

密,處 殁 大,若無 獨 之裕 任 事 仰 者。 如。 事俯育之寄 與 孝謹 人交關 和 易 經 務 率子 理 適 生事 其 弟 平 米 以學, 門 鹽 户 延 雖 靡

無德 V. 名 儒 色。 訓 君 尤 督 間 篤 之。 有 親 造門,觴 故,見單 兄子亦 寒者 豆 留 □, 餘 連 親 解衣 ,談笑彌 皆嶷 以遺之, 嶷 日 不 自

倦 干 纖芥之間 請 庠校 ,人尤敬愛之。 + 儕 年,閱 輩 或 致 兩 人甚衆, 位 F. 通 禮 顯 部,竟以不 ,曾不以 交情終始 毫 售。 末 無

序。 病 且 革 三月六日卒,享年才五 一, 戒 其 子 毋 爲繪 禳 事 十有六,嗚 遺言 琅 呼 琅 有 口

哀 日 也 初 幼 己 未 名。 娶丘 氏,女一人。 孫 女 人。 諸 孫男二人, 孤 1 地 於 嵩 長

溪王奥祖塋之側,以十四年正月己酉襄事。 巨初 约末名 孩女一人 韶孤十地於嵩

銘

 \Box

寒 創. 吁 嗟明叔 足 用 皸 而 瘃 止於斯 目 侵 腦 脂 0 少 也 勵 篤 志 學,幾 愈 確 期 忘

月評則推。有子克家,尚其似之。我作銘用於時。命之不淑,十上空歸。孝友衆知,

詩,維後之詒

朝奉郎主管雲臺觀趙公墓誌銘

宗皇帝 邈在 書,屬 變。 7/ 稱 翼 曲 府 直 0 郎。 儀 贈 手不釋卷, 登進 公諱 兩 同 ,皆明達平允,邑人相與愛服之。 海嶼,公介然 文如 通直郎。 後。 考不 試 士 司 善譽,字静之,一 胄 老成 第 晦 曾大父仲暹 少少 監 足不 公弱 調 傅、 忠 乾 人。 翊 明 有守,不 道 越 嘉國 不好弄,年十二三 州 郎 Ŧi. 未冠 户 昌 年 四 公。 夔 不 或 失 試 字德廣,系 鄙夷其人, 舉 州 縣 知 、怙恃 禮 進 大父 觀 飢 主 部 士 察 簿。 渴 士 使 固 以 俱 寒 迨 爲 爲 暑 窮 誦 節 出 昌 贈 或 第 之 太 自 或 行 武 開

公 於 躬自 近 公始 改 朝 守 無 希賞 賞,公言攝 心。 請 額 惠 與 于 公未 命 秩 撫字 預 政 郡 併 官 有 俾攝 告教 典 罷 借 子 視 發 取 地 定期 知 多 奪, 事 之 諸 此 税 海 歲 撫 始 吏以 邑 願 既 嗣 者 寄 邑 盜 籍 人 聞 令捕 頃 約 即 事 州 決 乎, 秀王 頗 類 閱 竊 刻 里 臨 也。 爲 歲 于 對 是者。 按 踰 多 之, 發 即 乃 盜 文][[例 主 爲 長 籍 授 徧 縣 釋去,牒 具 不足 逋 來 簿 定 捕 月不 奏, 征 期,三邑父 兩 爲 諭 0 資 白 負 得 海 或 催 貸 條 縣 浙 爲 鄉 妄 今太 實 過 全 議 H. 在 慈溪 群 功 目 井 轉 不 用,公白 繁 訴 黨 虚 謂 誠 日 江 運 盗 師 擾 出 日 再 市,比之私 蓋 不 限 殊 西 司 老 郡 嗣 而 省。 於 至 不 爾 上 最 幹 死 欲 猶 辦 愛 欲 年 秀 量 罷 下 必 官 爲 利 縣 奏 能 訟 地 王 力 以 簿 之, 繁 蒙 不 有 之遠 之誠 久 事 薦 以 時 忽 道 領 人 劇 繼 蔽 復 木 皆 報 之 創 無 命 上 其 爲 而

習俗 嘉 攘 習 院 不 善 事 備 旨 氣 倉 州 縣 太 而 税 納。 臂 问 加 遷大 使 中 守 象 姦 言 治 場 日 上之,凡 建 之名 書籍 趨 安 僞 文學 以 浙 趙 言 邑宰 請 爲大 得 荒 公燁 議 士 益 於 右 八理寺 者 撤 不 不 記 褊 政 生。 飢 政 争 萬 志 陸 屋 理 畏 薄 論 狹 饉 事 葛 主 以 餘 切付之不 在 侃之記 罷 義 丞 薦 甚者 機 去邑五 之美 和 言 簿 公郯 爲 投 躬 市 巧 民 氣 太 功 行 合, 有 之域 唱 安得 不 其 師 公 秋旱下 列 者 賑 可 以 召 爲 搜 年, 畏 略 丞 治 力 恤 考 濟 左 審 果 任 抉 刑 不 日 相 績 沮 人相 下 而 也 帑 察 怨 隱 何 則 詔 史 虧 + . 之, 無 宿 情 之 補 微 公 郡 求言 乎 數 差 陛 與 添 是一 有 蠹 説 以 歟 安 條 賴 ? 上章 條 監 7 下 差 優 告 從 得 公草 奏之, 以 天下 都 生祠 + 游 竊 目 兼 通 者 不壅 舉 民 全 壽 年 進 徇 益 收 舒 判 活 便 皇 逮 之 公 衆 常 於 來 泰 廣 封 奏 有

哉

易學要須

兼

通

天

征

苛歛之苦

除

轉

運

判官

以

收

藩

鎮之

號

爲

材

能

者

力之寬乏

文

如此。」及

臨

遣

文

曰

,今乃仕

一優則

學

,,朕

得

志

至是

又

進《易

説

×,

上又曰

聖人

以

攻

守

類

致

×,

上

日

0

卿

切

,則奉公之志必怠;

死

義

之風

必

爲

己之心重

一,則

愛民

辭

壽

皇

曰

朕

精

擇

得

卿

泯。」上深然之。 卒釋之。 之誠 人。 得失之慮深,則伏 之, 此寓之於書,天 謂 罰 北 人矣。」 向 譴 可 唐 . 。」公論 聖 必 路 不 則 所 0 卿史學如 疑狀十六,謂 贇之獄,皆 + 人以 均 虧 卿 常 不 進 公察 先嘗 之歎 數 平 向 口 書, 年充省 誉 斯 茶 來 勝 H 進《 其 學優 可 私 道 有 士大 鹽 誅 無 此 南 之 E 請 何 寓 謂 以 辜 節 經 言 之 北 念 夫 試 覽 若 薦 則 有 陛 贓 爲 豐盈 權 闕 訟 甚微 荐饑 擢 近 除 足。 境 林 務 公嘗論 兼之,奏閣 賑糶貸濟 口 時 ,絶妄用之蠹 潼 中 宗室人才,上 趣 稽 E 一十萬 司 日 辨 民 亦罕有之。」 嘗奏買 111 稱 考 將 而 漕 府路 ,躬走村落 而 平反 豪民 至 公儒者 無 計 三者 事 貧弱 扶 或 所 通 督 者 撲 提 老 大爲民 取 融 朝 税 特 迫 細 點 夏 並 携 諸 復言: 置 湖 場 州 以 可 脱 刑 至 大 一税 幼 行, 撫 郡 轉 + 使 賦 北 斯 獄 是 不 縣 來 害, 常 治 餘 動 運 慰 大 歛 遺 民 民 之困 是歲 謝 「公經學文章 平之儲, 得 爲 財 飢 早,鼎、 使, 於 重 盡 争 河 其 事 羸 暴 才三 弊、民 罷 人 負 就 渡 粟麥倍 本 初 實。 得

考官

月

除

提

舉

荆

湖

證

無

實

情

款

抵

捂,

X

恶

無

可矜之理。

公條

奏

開

悟

得

末

減

平江

民

斷

以

年

來,

且

有

刑

謂

將

自其

作

俑

者

罪

澧尤甚

雖

±

盡

以

爲

用

疫者

藥

餌

收

禾

稼

户

四

萬

餘

繫天

獄,官

吏

重

足

以俟

四十

五.

歲

以

償

諸

郡

充

行

賑

貸

或

謂

讞

議

州

縣

鬭

閲

朔

漕

使

之。

十三年

鞫 皆 官 我 之 治 虐 者 計 獄 年 皆 闔 自 + 日 未 郡 氣 亦 當 莫 訟 得 就 : 盜 臣 餘 始 是 世 輒 請 倉 煕 蜀 問 萬 不 F. 不 陛 、忍負 藉 不 諸 不 不上干 先 俾 達 熙 以 和 督 東 也 平 下 免 丰 路 過 斬 奏 0 糴 責 諸 之?」公措 求 延 於 守 監 悉 能 征 劄 故 以 民 舊 見 郡 貮 死 進 力 石 司 速 陰 歛 自 之 其 有 牧 逋 舉 置 條 以 增 陽之 殺 劾 煩 視 争 萬 守 宿 近 籍 無 應 陳 百 之 陳 急 州 競 議 負 憂 之。 而 民 置 約 和 古 金 而 縣 E 愚 者 熬 求 瘼 酒 常 乎 將 以 且 \exists 征 供 如 訥 有 市 ? 窘 諸 彈 、公言 平 税 朞 以 日 商 之 刑 有 不 儻 缺 壓 郡 觀 苛 年 體 榷 數 深 輕 兼 能 增 歸 一之名。 之 所 暴 賦 酤 之 優 察 遂 自 公 損 之 狀 貸 郡 才 有 四 役 疑 裕 宿 寧 明 有 亦 未 肆 守 緡 無 也 事 郡 不 弊 乃 始 隨 + 使 行 錢 緩 冤 帥 司 垂 9 均、 償 事 带 低 H. 擇 擾 恨 按 其 臣 滿 几 至 急 而

縣 許 亡 始 昂 汝 逝 欲 涕 年 惠 Ш 封 立 室 旬 緒 贈 學,以 人。 孺 泣 適 儼 自 則 及 口 圖 聽 士 人。 承 鎮 民 爲 不 朝 Ш 孺 六 史 E 民 民 肯 之 志 夕 以 奉 次 自 年 官 章 教 隨 愛之如 人。 偵 是 郎 次 子 去 汝 原 力丐 八 宗 娱。 儲 所 問 双 楊 汝 男 年 通 何 月 子 有 再娶 充 Ŧi. 日 既 + 窠 直 伋 癸 相 歸 父 率 求 積 或 達 天 墓 日 母 卯 率 主 公公 售 杜 以 子 月 汝 將 寓 知 孫 左 禱 忽 也 公 氏 進 傅 明 管 甲 里 遂 男 鄉 私 亦 謂 祈 遺 士 華 寧 學 申 便 不 公天 ___ 祁 修 娶 燕 屏 家 澤 葬 人 及 州 尤 之。 限 或 錢 絶 職 坐 X 次 補 于 歸 雲 持 所 日 資 正 榻 將 郎 氏 家 崇 紹 汝 將 臺 歸 節 糴 所 高 獻 耋 僅 事 上 歸 仲 興 揆 仕 觀 新 東 至 之 心 明 公之後 稚 IE 獨 監 瞑 府 郎 蜀 再 就 數 寢 奔 識 舒 然 郡 歲 處 寢 餘 孫 白 凡 送 女 女 見 次 且. 姓 疾 庠 實 姚 州 m IIII

家。

公孝行

根

育

教

之有

成

以

取

應

得

務

極

豐潔

悲

慕

文》

詩

文六

時。

又

有

論

語

如《

南

出出

攻

守

類

其

好

異,公

不

顧

行

愈

見

之

行

事

尚

友

古

思

砥

節

礪

行

不

泥

紙

E

之

空

楚

蜀

之

士

夫

類

能

稱

道

聖

政

類

編

*****,

不

書

+

四

卷,

日

^

嘗

即

或

史》

Ŀ

孜孜

好

書

來

相

期

甚

至

外。

二公師

表

書

以

爲

擴

先

儒

超

詣

研

精

性

命

舅

氏

既

卒,

訪

其

遺

腹

子

爲

其

他

篤

故

舊

撫

姻

族

恩

介

不妄取

行

郡

例

册

饋

遺

者

悉

歸

公

帑

刺

舉

置

以

達。

人知

其

不

口

以

待

其

請

舉

奏

牘

面

授

0

閒

有

按

劾

不

以

强

有

説

×,

明

白

簡

貫三才之理於 之未 所載 學,公退 於 皇 幸 女 仲 攷 + 説 不 易 天 之 深 明 朝 弟 寢 世,於公 弟 ×, 頤 卷 × 少 性 説 開 疾 晦 善 求 再 其 ^ IF. 衰 不 自 晉 基 頤 鐃 號 菴 與 中 適 藝 出 發 少 僅 載 要 E ^ 歌 朱 9 以 祖 人, 同 特 爲 恕 弱 懈 成 覽 記 郭 皷 先 登 編 禄 開 弟 議 齋 厚 數 諸 年 **%** 先 皆 吹 率 科 生 養 創 書 稚 類 論 + 儒 生 表 竭 曲 一、公以 之 夜 不 又 藁 妹 0 季 晦 ×, 卷 嘗 之 力 ×, 爲 微 分 見 及 善 皆 及 備 菴 説 序《易》 資 意 乃 歎 祝 奏之 舉 所 祭 藏 其 皇 殫 行 屢 於 寐 賞 著 亦 堯 爲 以 其 祀 他 朝 于 于 鞠 渴 之,其 與 言 之。 皆 之 遇 也 迁 古 久 力 尤 意 在 有 、之齊。 昌 0 爲 挾, 所 擯 稱 嗣 0 母: 而 直 必 公抗 益 以 是。 家 或 救 出 憚 盡 不 欲 在 欲立 無 H 勵 荒 安, 桂 E 使 心 而 施 敢 他 厚 所 人或 廉靖 其 志 能 氏 從 前 施 所學 以 苟 州 給 人益 事 部 操 特 不 勸 舍 宦 浼 賢 之。 按 業 肅 群 自 厚 則 疑 勉 之 公者 後 而 矣,不 苟 例 信 以 然 將 郵

富

室

買

田

與

Ш

專

爲

編

氓

外

又

所

在

爲

經

之計

有

利

於

民

圖

之

甚

於

飢

名

以

恕

其

志

將

以

及

物

傳

不

腐

少

名

齋

以

宗

之。

考

求

世

故

質

穿

今

之。 各界郡 業。 偕者。 者 可 子莊 嫁 妙年躋世科,大似其父,率諸弟力學以 某與公相見之日可數, 十七,識者痛惜之。 澤必將下 心、憤世疾邪而 娶 書之,餘弗著。 知 喪 使天假之年,處以 ,孕者、産 汝伋人太學。 汝傅 文學 在 葬之資 於民。 潼 111 司之,每三歲則以 會粹公行 則以漕計之餘,使 者 至是,抑 在湖 而官止於員 銘 俱給之米。 蓋 日 嗚 前 事 外則率十 大位,益攄所藴, 而 果 呼 來 所 相 有 未 ! 求 與 數 有, 郎,壽 銘 贵 皆 特 給士之 不 四四 至 以 州 義 採 厚。 可 郡 于 其 方 多 止 縣 逃 買 今賴 之訓 記 守素 置 與計 於 可 汝 邪 田 銘 舉 傅 膏 損 ? 四

與之並。

學

貫

經

史, 仕

更麾符

學

仕俱

形于帝俞。

平

心

濟民,

變齊

魯。

志

勤

道

儒

門。

公起

孤藐,立

志

堅正。

尚

友古人,期

熙

陵諸孫

嘉

國

好

文。

流

傳

至公,遂

爲

遠,中道而阻。齎志何言,勒銘山阿。有子

繼之,尚其不磨。

攻處先生文集卷第一百八

攻媿先生文集卷第一百九

四明樓鑰大防

墓誌銘

太府卿王公墓誌銘

夫 公 縣 故 以 和 生 以 安 裾 名 於 朝 曾 公諱 郎 承 命 議 贑 祖 之,僅 焉 E 父 瓌 辟 卿 左 月, 思 地 嫡 得 公穎 轉 IE. 母 朝 其 字 徙, 太 半, 奉 翰 清 悟 恭 寓 郎、 不 林 叔 是 人 居 凡, 醫 大 夜 商 世 台 痊 理 陸 未 氏 居 州 冠 宜 評 夢 累 開 今 月 事 人 而 贈 封 爲 失 實 墜 朝 府 怙 台 生 祖 于 議 祥 恃 公 前 大 符

> 獄 謂 之自 才 以 海 Ŧī. 復 古 右 授 識 寇 年 州 此 庠 窮 薦 岩,密 諸 遂 曹 充 漢 乾 自 於 者 將 斥, 守 雖 陽 朝 登 道 知 不自 有 軍 制 進 其 必 使 光暴 都 爲 士 年 司 欲 人 巡 以 督 第 偉器 扼 以 中 檢 實 爲 捕 學 其 其 調 以 功 甚 徑 奮 非 科 0 温 失業 急, 憲 授 身。 路 其 州 爾 使 志 所 諸 樂 承 後 至 隆 程 也,益 出 清 將 節 此 獲 公大昌 興 皇 尉 郎 相 盗 多多 改 遽 繼 進於學。 德 爲 到 元 就 公處 奇 官 寬 安 試 一、公公 府 值 其 其

若 爲 守宗 尉 七 月 月 祕 素 曹 兼 不不 除 書 乾 宦 權 正 寺 道 中 郎 起 四 嘗 主 七 書 兼吴 年擢 居 年十 草 簿。 舍 舍 胡胡 人,二 人。 王 用 公金銓 九 益 爲 月 年 十一月, 文字 年 王 召 一三月 詞 兼 府 對 云 官 教 直 遷太 稱 . 授 學 除 旨, 制 吾 士 起 府丞, 詞 改 寧 淳 院 居 温 承 身 . 熙元 郎 奉 六 蹈 公 郎 月 真 起 年 東 閱

即 法。」 叛 撫 喪 陰 誣 轉 醫 倖 效 七 不 除 州 海 如 、公廷 之邪 明 藥 取 部 運 旬 直 守 用 何 起 是 獨 監 告 八年 祕 臣 謀 勒 副 衣 歲 何 知 而 仲 者 ? 閣 使 既 彊 司 LI 静 忤 不 陸 詰 預 爲 連 秋 泄 遣 趙 制 謂 宜 械 江 知 時 我 解 殿 不 而 閱 八月 僚 而 其 帶 府 宰 欲 當 廬 事 X 試 以 叱 形 先 佐 變 年 之意 0 州 帝 人 反 屬 ? 之, 編 格 來 J 當 時 高 秦 期 Ŧī. 坐 多 吏 排 仍 我 内 日 年 嬰 比 李 汗 3 有 欲 稱 官 携 方年 待 且 艱 訖 接 春 疾 因 至 告 用 之。 喘 家 一今名 此 宣 日 陸梁 以 事 前 效 他 哀 除 請 \equiv 縱 不 曹 . 召 帥 用 論 毁 帥 + 日 荆 無 祠 能 觀 之後 之 如 才薦 重 事 將 平 盡 事 八。 湖 言 敢 而 以 公不 日 子 泰 畢 殺 尤 賊 禮 譁 南 歸 安 弟 之, Ш 當 功 將 在 繳 不 者 專 路 公日 衆 爲 汝 行 賞 官 甫 計 日 Ŧi. 奏 辟 微 務 廬 動 心 歸 軍 有 侍 月 乃 以 摩 終 度 僅 池 權 相

檄 虜 陽 仍 許 均 地 公善 防 事 所 鈔 時 而 市 用 妄 告論 當 宜 法 臣 告 井 人 利 以 爲 料 行 又 X 鄂 之 詾 侵 訛 率 害 都 鈔 僚 諭 捕 屯三 無 致 之 地 + 害 兵 其 詾 法 有 訛 言 統 邊 知 于 數 年 衆 萬 謂 Ŧī. 不 言 徑 萬 民 謂 羅 荆 詔 元 里 干 已 人 七 訴 不 廣 者 安 以 人。 拜 小小 南 監 樞 隸 月 餘 足 曰 業 西 削 開 此 願 而 爲 司 移 翕 以 荆 周 言 . 鹽 乞移 書 邊 木 納 退 副 帥 南 公。 帥 膏 然 法 前 西 釁 大 繳 雖 軍 臣 襄 吾 不 而 府 分 荆 爲 書 器 日 進 未 條 陽 斧 大 定 便 公 時 馳 荆 南 誣 日 出 於 幾壽 具. 鉞 要 問問 於 鄂 知 之 觀 + 不 錢 庫 枉 移 可 謂 其 民 所 其 屯 爲 能 已蒙 覽 Ŧi. 皇 否 挂 叱 以 妄 年 處 併 形 + П ***** 欲 疆 釋 遣 、公以 事 軍 辨 歸 勢, 萬 襄 條 奮 卒 均 公 罷 之。 疑 调 類 於 明 襄 陽 力 此 以 官 筆 州 列 極 如 陽 此 市 邊 霧 爲 報 襄 公 效 重 論 而

分 守 年 濟 又 守 急 殺 改 + 年 長 欲 石 兵 族 終 言 門 習 冬除 二年 借 傷 帥 嘗 帥 前 王 臣 以 保 者三。 一勁弓 文 公雖 甘 鑾 先 兵 瀘 虚 無 無 練兵 者 陳 通 心 以 再 王 利 州 他 傳 期 事 乃 至 强弩, 焉 父 E 侵 主 特 州 韋 有 習 謂 于 子 素 公謂 路 邊 錯 管 敘 警 獵 每 赴 相 武 公恬 諭 五. 備 又 提 建 歲 果 人 鎮 于 持 躬 爲之出 不 蜂 六, 以 刑 與 寧 貽 虜 郊 之 集 自 數月、公諜 時 不 禍 蠆 府 石 中 書 忍 蠻 教 初 忘 田 講 視 有 既 福 門 武 獵 卭 戕 衆 督 里 戰 荒 遊 舊 毒 奏 遭 蠻 夷 騎 部 民 得 日 政 峴 不 蠻 事 軍 加 歲 多 4 Ш JII + 於兵,令 免 久, 首 遠 知 聲 人 荐 + = 都 沖 逼 市 部 可 進 流 鑾 堅 大 佑 飢 士 蠻 紛 近 直 抵 虜 兵 不 一欲 振。 徙 中 卒 月 觀 境 争 備 莫 遂 王 顯 竭 有 得 蕃 事 墨崖 罷 驕 不 謨 而 其後 郭 前 漢 勢 奏易 蠻 + 力 閣 至。 歸 歸 萬 Ŧi. 與 敘 耆 其 賑 被

> 賞 肆 誓 于 爾 者 生 神泉監 待命 恐復 致之。 最 下 因 號 吏,邊 此 桀黠,爲之主 蠻 或 生 既 請 事 徼 失 __ 誅 以 心 奏請 以 寧 腹 示 謀, 之 衆,公 縻 人 以 致 此 重 始 日 役, 邊 以 患 印 迄 狀 今役 此 以 設 易 厚

還,三 之牛 郎。 公 年 郎 口 尚 兼 二人尚幼。 而 + Ħ. 辭 書, 中 瘍 紹 + 書 女二人 極山,合趙氏之墓 也 發 年 紹 爲 年 興 門下 有 。」七月壬 於背 熙 卒 府 Ē 金 五. 元 月 諸 或 贈 在 諸 ,積官至 檢 年 始 暨 生 或 宜 孤 室。 正 至 縣 勸 辰 午 進 以 人。子三人: 諸 行 尉 使 其 行 + 龍 孫 房 在 朝請大 月 辭 次 啚 男 未 公 所 好 揚 行, 己 閣 曇 事 行 問 州,卒 酉 將 夫。 公 除 除宗 再 葬 六月 受 好 日 任 太 公 遺 好 生 娶趙 于 Œ 0 于 府 謙 澤 並 少卿 舟 明 假 臨 君 卿 氏 中 孫 年 將 命 迪 吏 海 享 部 先 縣 女 仕 H 功 不 尋 召

卒 故 僚 計 駭 津 爲 親 尤 文 鄭 不 精 Ħ 1/ 衆 習 X 吏 有 法 服 士 知 就 舊 所 壽 ,旁通 樂 手 有 餘 林 難 練 造 議 公性 兵 列 發中 皇 無 妙 自 請 輒 第 秋 至 書 及 習 兩 屬 論 所 一於考 盡 武 傍 毫可 釋老之書、 計 度 吏 其 的 目 通 ,公亦 敏 歷 事 其 暢 良 惜 事 他 辨 百 儀 亟 器 官 記 察 久, 可 世 又 表 纙 矢 鼎 被 1 月 雖 恩 不 用 誦 登 故 而 簡 彝 出 瑰 纚 金 星 給 久, 威 勞 絶 儒 巾门 雖 古 帶 百家 持 偉 帳 記 口 歲賦 曆 兼 而 用 之 科 忤 物 中 之 蓋 聽 心 舉 動 神 事 度 公意 無 忠 賜 有 之學,游 皆 詞 集 游 蝟 情 先 之 旁 窮 所 恕 自 古 精 章 集 以 戲 灑 及 餘 事 在 矣 在 事 贍 幡 詣 帖 落 疏 翰 武 鄰 隨 今事 辦 而 瀘 藝多 上 蔚 然 率 墨 舉 財 琴 里 又 從 治 唱 以 南 從 從 容 丹 進 之 貫 弈 問 散 遊 第 隨 無 教 之。 能 物 心 穿 雅 熈 施 不 + 玉 無 事 既

> 籍 志 欲 俗 世 盡 中 加 不 居 務 寡 之 以 周 務 鄉 從 絶 語 敬 孤 日 歷 卷 殁 覽 愛。 恭 外 物 寬 列 獨 歷 擁 望之者以 洪 不 謹, 儲 爲 者 典 藏 薦 胸 麾 築 河 扁 於 以 紳 無 次 幾 圃 大 無 身 牓 亦 貴 痛 遍 Ш 幾 獨 北 後 毫之 有 惜 賤 爲 泊 東 恨 Ш 纔 譏 之。 與 僊。 以 然 暫 南 之麓 未 有 私 費 之 其 若 攝 識 平 \mathbb{H} 諸 干 均 或 過 與 所 檢 中 六 孤 家 日 州 禮 甚 取 世 Œ 至 原 + 彙 規 有 縣 者 孔 相 觀 於 餘 其 恢 閉 志 德 鄉 忘 張 Ш 門 遺 事 之 讞 畝 璋《 者 人 旜 不 Ш 功 藁 略 省 議 書 以 移 卹 事 之 有 問 徜 僅 留 此 畫 加 也 風 徉 得 齎 圖 뻬

兵,公 倅 日 丹 丘 某 謹 日 客 之戒之, 周 授 旋 兵 東 不 嘉 年 惟 易 始 忍 言 見 以 於 也 輒 同 殺 傾 寅 人 指 倒 相 者 授 與 可 大 嘗 特 以 略 與 厚 言 之 則 論 吾 X

志

以

殁

天

乎

不

諒

六

尺

之

軀

才

兼

百

感

夢

卒

止

於

卿

人

皆

期

公,

出

將

相

齎

最

復

歸

中

都

司

宗

司

府

拭

圭

北

行

望

舒

死

而

口

贖

百

其

身。

我

誌

H.

銘

無

溢

也 每 歎 服 之。 公自 蜀 歸 見 美。

以

詔

後

人,以

尉

孫

曾 即 儕 傳 皆 自 易 言 不 數 忍 甚 此 詳 行 他 以 無 兼 所 官 得 玉 嘗 牒 時 從 康 時 節 相 先 過 生 論 孫

得 人 窮 語 達 其 壽 家 夭 人日 奇 驗 . 甚 今年 衆, 許 我 以 當 傳 厄 授 會 久 萬 里 而 之 弗

? 書 焚之 而 去

行 未 幾 其 遂 能 下 免乎 世 豈 偶 日 然 取 也 哉 其 細 好 謙 兄 弟 來

求 銘 余 亦 痛 公之不 得 行 其 志 也, 遂 爲 之

銘

銘

日

其宗 西 謝 掖 彝 典 北 穆 穆 門。 始 召 王 以 對 公, 于 武 明 進 廬 世 光, 于 旋 家 桂 結 開 以 于 知 文 封 顯 至 襄 尊 寓 于 居 瀘 尉 赤 不 討 四 城 所 賊 至 乃 年 賞 亢 稱

知 婺 州 趙 公墓 誌

先大 累 取 公幼 大 曾 轉 未 追 口 解 夫 習 贈 封 其 大 保 應 研 夫 武 授 聲 席 穎 建 昌 父 公諱 義 義 令 律 ,公日記千言 悟 宦 炎 前 節 郎 承 或 大夫。 節 母 太 嶷 游 南 公, 謚 蘧 師 以 遷徙, 郎 錢 師 渡 龍 如 古體 邕 、公以 氏 史 父伯 監 成 字 孝 州 魏公 尋定 贈宜 潭 人。 著 良 管 舜 下 州 紹 述,武 臣 内 雪 初 南 七 居 興 人。 大 觀 筆 爲 太 賦 歲 + 于 嶽 父 察 成 邑 祖 聽 翼 廟 紹 \equiv 繼 子 使 甚 章 尉 皇 講 郎 年 郭 興 翔 累 工。 帝 ,二子與 壽 魏公奇之。 府 氏 生 改贈 修 春 皇 之 於 贈 九 三十 封 秋 餘 登 長 武 世 小 ×, 太 朝 姚 興 極 郎 師 孫 年 能 恭 散

訟 賂 服 宜 六 邑 仍 實 決 邦 案 郎 自 縣 明 年 牒 加 督 爲 人已 銀 兼 翕 送 官 監 公 騎 公 來 填 領 帥 士 若 然 使 吏 建 守 軍 稱 不 閱 輕 公正 獄 委 夫 落 樂 康 老 緡 憚 一從,徙 知 徙 剖 之。 掾 其 舟 淵 成 於 風 錢 府 輸 其 屯 年 辭 徑 藪 色 糧 又 負 析 帥 濤 吏 旁郡 才 不 有 至 之 先 漕 叱 以 如 數 稱 料 事 之 豪 費 民 磽 他 流 田 去 院 鎖 交 獎 事 者 萬 險 民 鞭 田 薦 屬 所 試 埆 邑 無 不 落 盡 倚 在 而 無 箠 邑 郡 地 登 公 小 己, 筆 革 勢 訪 大 公 親 秩 愛 分 委 丙 大皆 先 諭 倍 精 宿 縱 之 年 江 臨 疑 民 造 滿 受 科 期 以 費 當 弊 横 耆 者 中 獄 始 輸 廬 御 調 與 I 理 以 改 老 多 流 及 吏 舍 老 俾 知 歲 率 公謀 庾 力 足 而 授 壯 胥 自 武 以 訟 不 曲 寬 將 輸 嚴 吏 左 聳 屬 概 進 公 直 得 乾 殿 久 以 猛 校 其 承 服 縣 公。 量 諸 尤 其 不 年 躬 激 道 期 始 厭 滴 務

中 神 之。 廢 子 嘗 餘 新 吏 郡 行 孫 詳 知 少 流 行 疑 俸 骨 爲 華 邵 捕 人 以 與 又 課 出 證 其 者 占 皆 强 土 給 遂 立 有 卑 運 武 卿 入增 人 俗 富 太 寇 驚 命 至 百 鹽 軍 對 又 逾 非 以 標悍。 而 嘆 至 匆 累 民 爲 名 幼 多盗 期 明 覬 衍 復 俾 猝 庭 譽 陛 月 兄 歲 者 其 辯 不 孰 兼 人 公公 去 計 子 不 爵辛 更 己 至 至 死 益 0 爲 形 尊 壽 郡 所 支。 尚 白 名 聞 而 公 積 長 長 俾 皇 之 奏 偶 幼 閱 ? 得 畫 重 蠹 公爲 搜 皇 嘉 司 公 皆 日 部 知 以 以 真 爲 殊 其 熏 族 納 帑 剗 公 郡 盗 攝 他 使 其 刃 之 甚 家 析 其 更 磢 對 藏 邑 郡 非 相 且. 者 事 禁 衆 其 目 名 得 充 百 用 利 博 殘 曰 到 列 E 俗俗 縱 始 産 實 溢 弊 度 於 官 有 民 薦 \pm 又 駭 釋 「秀 爲 自 宗 事 僻 益 于 命 臣 之。 規 寘 嘆 手 至 須 衰 此 匱 朝 毉 毒 爲 其 以 今 畫 進 刃 Ŧ 子 始 止 賴 之 用 瞽 食 爲 邦 + 寮 兄 止 權 兄 儒

備

禦之策

擢

知

温

州

温

在

東

淛

爲

劇

郡

尤

公延

見

盡

禮

務

以

儒

雅

緣

飾

廢

具

舉

諸

司

争

言

治

狀

歸

奏

民

兵

及

兩

淮

交

一馳

供

億

數

倍

處

之從容

又

以

公帑之

餘

助

漕

計

前

此

未

有

也

飭

武

備

修

社

壇

百

民

蠲

征

取

以

通

酒

政

廢

闕

税

一人,真 宫者 有旨 老 課 人 真 師 商 前 額 境 鼎 日 生 州 稷 除 審 亦 用 彊 死 虧 新 首 造 知 察。 耆 奏 不 弩 肉 度 貢 鎧 以 滁 公爲 事 艾 自 闈 骨 頓 不 甲 聞 州 還 睿 遮 言 之恩 饒 能 0 朝 0 之 道 承 獎尤 徹 0 未 漕 欲 氣 削 舉 命 郡 會 也 Ė 使 益 留 最 酒 使持 人 寵 南 而 柴 奮 1 價 不 刻 後 興 第 北 公 先 可 賞 以 遂 郡 儀 節 石 而 泛 瑾 數 有 使 便 真 大 嶠 以 乃 辦 縣 乏告 猾 擾 之, 首 歸 秋 不 無 鈔 下 E 甚, 心 蠲 知 敢 以 釋 ,雪冤誣 銗 四 人尤樂之。 也 焉 奠于 犯 欺 宿 幾 筩 Œ 邑 者。 逋 鄉 人 爲 色 不 閱 學 吏 0 民 清 减 下 誚 或 元 會 牒 有 者 年 折 數 責 歲 持 公據 僞 訴

積

逋

殘

欠

追

逮

日

繁

公公

悉

齧

之,

媿

謝

而

去,

不

敢

復

至

庭

短

長

嚚

訟

者

得其

情

不

欲

數

百

紙

不

以

屬

吏

治

萬

緡

而

公

樽

節

有

方

不

以

爲

符

印

以

盗

庫

金

亦

爲

印

法

黥

竄

吏

重

足

迹,

計

憲

使

謝

公

紀

政

績

監

司

次

他

郡

Ŀ

供

溢

集

最

早

試

於

御

以

經

學

冠

南

學

增增

其

廪

給

藥

復

爲

全

日

序

拜

皆

宴

以

觴

 $\overline{\nabla}$

儒

1:

錢

公田

繼之,

夫憂。

服

翼

除

餘

以

謡

誦

轉

聞

徙

知

婺

州

疫甚

公公

盡

力

調

護

全

一活者

苗

以

寬

民

力

罷

酒

務

敷

賣

之

南

、公辭

以

親

祥 將 不 盡 才閱 信 平 陰 月 生 陽 不 而 1 公病 泥 統 佛 方 老 術 日 之書, 不 謂 諂 家 鬼 毋 神, 爲 日 禳襘 . 不 好 吾 禨 數 使

0 聞 原 作 問 本改。 幕 厚 之狀 縣 遺 熙 名。 + 舅 尉 醇 吾 爲 又 我 澤 吾 F 氏 東 兀 死 日 爲 高 餘餘 累 希白 0 女三 年 所 假 來 大 畏 汪 石 亦 郵 守 女四 娶 薦 恨 求 堰 瞑 死 韶 IE. 載 未行。 吾 軍 人。 東 西 胄 聞 矣。」 戀 月 銘 州 詳 死 湖 高 嘉 監 吾 生 嶼 壬 之 人 實 無 州 郵 +· =: 者 之原 易 女, 氏 辰 婦 去 余 可 憾 長適文學應宗度 孫 未 烏 縣 與 終 簣 吾 考,爲 郡 男三人, 契 F. 封 程 月 尉 名 公同 以 于 之 惟 子 數 好 禮 宜 殿 庚 縣 郡 能 際 1 月 益 祕 掇 部 人。 希 四 主 登 申 治 不 + 孝 而 其 書 厚 集 簿 之正 進 長 養 之 公 大 諸 希 子 省 怛 , 與 1: 有 13: 皆 至 泰 者 章 男 孤 IE. IE 不 皆 寝, 慶 科 如 加 不 以 州 而 字 字 將 四 及 亂 尚 迪 得 臯 於 禮 序 嘗 幼 享 相 葬 如 次 人 顔 幼 功 前 終 遣 之。 在 公 臯 年 以 又 俱 女 君 與 郎 皆 受 娶 素 未 希 Ŧi. 棫 于 縣 紹 則

物 就 其 舊 窶, 遺 紀。 於 者 外 倥 責 幼 事 細 哀 若 官 偬 門 毁 及 命 聞 餘 無 動 忍 或 務 葬于 嘗 寒 廉 之, 幾 周 不 有 他 嗚 貧 公 清 通 内 吏 採 堪 嗜 繩 不 + 介 呼 X 如 退 勤 事 夕 專 每 先大 隨 自 約 勝 史 之 好 ! 鐵 不 深 而 守 必 心 力 急 勵 謹 傳 公簡 内 石 禮 公 霜 倦 使之環 計 夫 姚 錢 周 治 然 外 而 以 法 露 之 有 江 食 宜 卹 作 諾 亂 故 以 肅 重 數 長 之 不 近 不 人 文 成 各 恕 皆 然。 加 感 侍 + 早 品 習 重 Ш 若 幼 事 敗 待 盡 周 有 П 之 味 喪 而 講 進 卒 父 不 之迹 其 人。 篤 於 場 處 宅 弟 能 經 遷 意 13: 退 殯 貫 於 物 衣 屋 之泰 妹 者 意 經 奉 有 僅 教 於 盡 方 無 之 雖 嫁 謙 爲 史, 以 孝 華采 在 子 度 青 庇 故 然 居 娶 而 ^ 退 郡 歸 風 田 博 所 援 閑 商 事 身 居 雖 丽 時 ांग्र 古 治 家 亦 至 藏 筆 権 任 以 父 無 敏 吏 素 自 摘 以 親 移 觀 書 道 其 喪 於 輒 口 口

其 著 有 驅 我 幾 之才,抗 於 以 欲 仕 或 千 篇 大 爲 家 几 + 爲 者 郡 表 慶 志 朝 以 卷。 口 見 而 系 尤 廷 名 於 止 銘 繁 高 重 臨 其 世 臣 衍 也 藁 江 而 君 築 他 賢 漢 進 子 天 小 唐之 學 才 以 不 銘 文 室 不 輩 其 假 稱 \Box 倦 盛 出 所 之 號 是 使 不 年 E 進 翠 及 ,其 爲 遂登 嗚 與 霞 也 呼 寒 足 所 用 以 以 畯 施 有 公 知 設 必 並 惟 詩

慶 遠 流 日 大 南 豐 所 之 東 鍾 唐 業 公生 强 詩 以宗,宋祚 然 以 明 以 中 而 颺 時 宏 壽 之, 博 而 不 之習 位 尚 尤 爲 隆 詔 不 不 以 充。 無 逢 早 本 窮 家 達 支 惠 學 日 而 洽 有 事 繁 川 傳 不 州 就 餘 聲 材

己

益 陽 縣 丞 趙 君 誌

紹 熙 几 年 余 待 罪 西 掖 臨 江 彭 子

> 建安鄉 譽 科。 來 吾 此 皇 於 宜 壽 人 之婦 進 甚 族 ,欲併求 人 龜 曹 必 余時 高 1: 人 年 磐 題 物 氏 翁 遂 以 子 之 之 也 已 名 石之西 通 祕 銘 省 盛 喪 壽 至 顯 書 於 事 其 以 矣。 日 郎 朝 紹 余 仲 ,人皆言 宅原 : 歸 擢 興 士。 日 子 後 子之 右 + 將 興 聞 君之墓 史, 子其 自 五. 袝 化 其 論 南 年 葬 使 元 爲 沉 渡 乃 于 君 有 祐 日 我銘 以以 滯 及 以 吾 今夏 伯 初 相 選 來 此 君之行 鄉 子 與 攄 調 所 耶 遭 清 者 湜 論 創 母 而 登 江 始 近 狀 縣 太 此 賢 甲 見 歲

嬉 郎 贈 避 世 而 拊 昭 統 地 君字 之 君 慶 徽 贈 Ŧī. 生 軍 之 歲 日 安 德 於 節 婺 誦 化 東 度 藴 源 書 是 軍 使 都 數 藝藝 兒 武 節 睦 干 吴 必 祖 經 度 親 言 興 赴 以 使、 皇 宅, 郡 調 詩 儼 帝 濟 幼 公。 書 如 七 君 陰 耐 光 成 世 年 父子 侯 穎 吾 人。 孫 才十 悟 門 也。 不 暉 祖 吴 武 令杳, 四 曾 靖 興 爲 9 愛 兒 經 祖 幹 康

第 乎 者 疾 禱 參 屈 九 赴 伯 君 至 欲 居 蠱 官之, 者 躬 ? 以 軍 於 誠 人 正 攄 喪 有 君 長 當 見 奏 程 哀 爲 條 夕 用 率 里 侍 君 口 老 名 孝 或 文 高 毁 君 特恩 嘉 講 君 巷 盡 奉 然 者 多引《 宗 叫 感。 悲 道 名 習 也 以 肅 甚 臂 力 及 嘗 號 方 止 0 循 願 然 止 謹 調 顧 臨 武 諭 之 梗 修 依 召 其 學 武 感 娱 詩 近 軒 經 宰 : 後 從 職 格 見 辭 藥 經 群 動 踰 臣 \approx 官 臣 祖 聯 郎 授 稱 放 非 從 行 心 書 汝 年 日 臨 進 日 及 \$ 左 獎 名 爲 路 嘗 S, 不 不 安, : 幼 畤 隨 薦 土 太 迪 之 不 欲 良 聞 守 聞 孤 功 劉 侍 送 以 是 朕 兒 進 母 動 不 加 問 章 未 臨 趙 初 郎 Ŧ. 能 閱 孺 有 有 推 衣 投 亦 以下 立 爵 江 孝 君 力 取 歌 人王 得 登 徽 擢 不 袂 易 子 學 應 畫 呼 聚 0 科 友 司 州 君 解 徑 宗 之 取 先 宗 過 氏 夜 至 愛 會 君 可 口 歸 後 備 數 泣 屬 第 門 高 **令** 子 於 必 泣 户 不

之, 君 乞侍 己留 興 于 識 屬 密 閒 素 行 料 知 日 深 之 之。 爲 居 朝 焉 君 其 何 人, 祖 調 公鑄 舉 養 家 行 守 廉 吾 瘴 躬 幾 柳 與 首 侍 秩 會 以 饒 勤 汪 頃 宗室 鄉 按 失 州 君 滿 傍 君 繼 歸 而 公 爲 之。 州 亟 阡 論 沿 爲 臨 單 循 及 重 勃 學 廷 稱 之 陌 詩 守 檄 事 登 從 貽 初 歸 教授 騎 之, 試 趙 標 文, 至 參 政 明 陳 抑 親 見 自 以 諸 掾 的 黟 敏 日 郎 預 文 憂, 强 或 君 西 往 位 也 殆 . 恭 扶 武 至 文 府 歎 聞 仕 官 0 爲 未 公 弱 棄 體 經 見 至 終 參 E 鄱 易 君 進 聞 嘗 康 膏 如 典 勉 宜 : 日 赴 非 政 陽 不 量 鄉 伯 愛 梁 平. 雅 使之官 春 程 縣 容 調 所 也 平 之習 其 人 知 生 0 公克 急 派 牋 女好 昔 慨 譽 策 喜 歡 貢 公 奏 欺 經 自 然 也 駆 君 甚 俱 洪 不 俊 即 恨 悉 躬 謂 甚 擢 遂 得 薦 方 寒 薦 未 以 法 善 延 樞

譽

時

宰

欲

振

耀

之。

會

銓

曹

有

南

安

教

官

闕

公美 分當 惜 年 之 E 久 丞 願 申 治 弦 蓋 不 志 不 也 前 爲 此 有 葬 葬 誦 章 張公孝祥 決 即 爾 求 日 可 者 是 遲 與君嘗寮 惟 寖 郡 欲 薦 0 死 之 藏 遲 按 君 廣。 可 日 於 敢 在 將 語 留 也 幾 之《 以 徐 : 提 庾 之官 以 年 君 便 徼 甫 詰 嶺 1 舉 方 禮 此 待 ,知之尤深 而 親 書 謂 福 其 帥 宅 范 下 經》, 代 非 後 考, 方 乎 情 兆 公成 湖 所 他 賢者。」 君訓 進 者 折 南 而 遭 略 以 何 祈 象 安厝之禮 服 安 陰 武 求 以 導 處 會 品 也 少 者, 於 賢 君 片 除 陽 焉 事 經 有 陳 緩。 ? 此 者 言 拘 憂 多 方 公 眎 范 轉 士 篆 以付 忌之説 人相 日 莫不 苟 爲 哀 陳 君 也 姑 首 : 益 禮 皆 求 與 公 以 君 非 悦 陽 親 奮 非 之 以 或 成 欲 有

餘

 \equiv

勵

吾

勸

口口

留

君

暑 氣 所 乾 道 中 四 疾 年 如 夏 痢 君 瘧 以 屏 勤 去 職 醫 而 藥 X 禱 起 居 如 重 平

服

敢

剡

訟

縣

喪

卒 務。 散 爲 俠, 子 7 安 封 列 適 蚤 通 官舍之正 但 時 顧 其 7,累贈 <u>Ш</u> 以 郎 直 以 四人: 王 承 人,左宣 日 即 希律、 信 手 七 節 郎 夫之貧 Ŧi. 君之葬 試 興 希 加 月 之, 郎 月一 勿 化 君朝 知 吏 師 寝,享 額 四 謨 擾 部 希 也 教 文 監 次許 侗 以 若 日 十七 我 州 奉大夫。 侍 潭 承 郎 訦 故 從義 官 晨 其 0 軍 郎 年 誦 節 州 知 嫁 朝 能 起 年 希 日 良 佛 州 兼 海 五. 郎 南 王 奉 猶 保 + 詢 郎、 久 事 然 侍 + 嶽 門 汝 大 對 其 其 太宜· 添 復 \pm 讀 而 希 有 縣棟之女,有賢 京嘉 廟 夫 問 永 家 袝 月 沇 差 瞑 逝 Ŧi. 許 州 疾 也 壬 人少君 目 監 次 孫 而 者 師 兵 女二人: 以 申 家 次 六 永 適 又 興 女 攸、 馬 九 適子 既 人 已 州 七 教 承 太 化 監 月 師 環 五. 晡 而 在 宜 子 節 通 押 庚 希 壽, 歲 翰 泣 不 長 : 城 以 藉 卒 郎 人之 言 午。 税 有 開 於 胡 長 朝 適 俱 朝 忽 師

曾,餘未行。曾孫女一人。

哉 寬以 該究 長 適 遭 與 苟 之,寒暑風 當先於吾女。」迨終喪,則從子受室,女出 君之長女未笄,武 力 有善,若己有之。 老矣,豈以求進? 外 其 有 者以禮,待其 又嫁一 求妄進。 分量 艱 待 ,而忠告之。 ,手抄者至數 抑 取 君以二弟少亡, ()語所 下 聞 賤 -,儉以 君 ,當重惜之。 表妹,然後 於人,不若以 雨 與其 之爲 不顧 親 居家。 曰 : 幼 有求於人,不若無 性 人,誠以 爲人 也。 經 白 以 但 酷 卷 「介弟諸 久已許 畢 撫教 慈, 仕宦 謀 欲賴 嗜 未 嘗教子 王 動 書 嘗 賤 必 有 處 氏 諸 以 長 談 自 盡 此收放心 ,經史百家 疾 己 嫁文州。 婣 孤 書 女已長, 慮 人之 其 安。」 弟 或 不翅 自 却 恕 在 \Box 喪 事親 娱。 顧 欲 短 我 以 嗚 竭 於己。 聞 己 不 接 呼 求 免爲 爲 力 族 君 無 日 出 物 賢 赴 之 配 方 福 經 口

> 豊非 用,不 家。 厥 存甚 替。 外 事 後孝宗尤親 命 銘 遠。 世味 撓 減周宗, 日 耶 耳 ? 使盡: 0 沖 澹 奉 興化能以 其才用於世 而 佛 睦 不 君 尤 九 蓄 止 謹 族,搜 長 才諝自見,庶將大其 於 物 日 中壽,墓木拱 小必 取 必 其 課 人才,中 容 有 經 大 退 過 然 終 而 身 進 所 不

其賢 之暢 亢 沉下僚,何天之不諒 興之倡也。 也 也。 猗 而 ,嗟益! 銘於既 使盡 受知思陵,迨文恭之相 陽,宗姓之望也。 其用,幾今之劉 葬也 也。 後 人勉旃, 道行於家,而 少 向 登巍科 尚 也 惟 也 宗 我 賢 之 聞 譽 竟 中

永寧郡夫人孫氏墓誌銘

夫人姓孫氏,池之石埭人,世爲大家

難

孀

居

+

餘

年

子

長

立

從

私

憂

樂

與

之

日

婚

嫁

與

之

衆。

夫

人

經

紀

其

家

撫

愛

其

壽

昌

縣

主

网

預

簿

次

夢

昌

迪

功

事

郎

充

舍人

有

弟

爲

廬

州

録

事

參

軍

亦

人

身

任

門

之責

娱

侍

加

姑

其憂,

時

舅

姑

在

堂

幼

孤

滿

前,

遽

捐

館

舍,

年

甫

几

+

有

生業,家

道

艱

窘。

姑

實

繼

室

直學 = 均 子 仕 率 性 窮 而 番 舍 略 安 也 通 女, 典 世 能 又 約 土 人 夫 吾 則 不 當 嚴 内 敏 時 尤 尤 不 清 人 院 殆 及 孤 以 以 杰 其 厲 外 以 翅 貴 邃 嫠 不 將 從 付 是 累 刻 王 事 意 制 於 公 爲 己 又 夫 意 無 堪 死 吾 仕 父 家 人 簿。 鄂 輩 選。 昌 郎 男 綱 郎 享 郡 游 直 通 酒 事 几 守 之崇 七 進 年 爲 能 不 0 111 判 自 祕 中 克昌 都 七十 娱 次 次 閣 頭 適 孫 任 施 大 士 復 汝 東 含飴 陀 大 陽 女二人,長適 事 州 李 理 知 介 昌 文林 長 專 暨 有 茶 寺之寓 湯 · 昌 龄、 少 迎 吾 意 平 東 精 木, 馬 允 弄 卿 侍 何 江 次 俱 佛 司 德 郎 孫 蚤 致 求 且 楠 汪 軍 舍,淳 嘗 幹 課 卒。 滿 仕。 哉 日 水水 子 如 江 迪 府 辦 <u></u> 承 油 秩 . 諷 州 . 事 此 功 禮 公事。 事 李 功 熙 次 女五 唄 彭 長 幾 0 郎 夫 安 我 部 郎 熙 郎 克 無 澤 <u>一</u> 十 次 日 辛 人 輿 載 年 昌 臨 人, 倦 監 ൬ 嚴 縣 溉 日 次 以 苦 往 其 九 安 夢 色 年。 建 主 州 承 伯 從 渥 微 來 教 月 朝 府 昌

心

所

以

得

專

意

宦學

者

皆

其

助

益

知

夫

人之賢。

舍

人

書

無

不

日

自

1

卦

顧

家

人

以

來,尤

能

齊

家

治

内

賓

祭

省

禮

光

顯

于

朝

每

語

人曰

我

方

于

學

*,

婦

攻苦

食

淡

久

而

愈

相

恙

卒

於

Ŧi.

日

也

兹

公以

時

名

儒

篤

學

洽

聞

1

以

孝

長

歸

故

中

書

舍

曾

祖

某

祖

某

父

某

夫

人

幼

子

幸

爾

兩

間

優

暇

則

歌

長子

宰

寧

府

大

挺

議

郎

新

教

授

章

請

大

夫

故

朝

婿

也

孫

遷葬于 皆可 見如 方簡 行。 時 利 痛 位 場 之銘相屬 人脩門,不及識 一子既 葉延 其父齎志而殁,日者又盛言黄龍 方將漕 ,紹熙三年啓夫人之穴,謀改卜 于朝,方以才奮, 而 舊 得 得 某 識。 年 九華 夫人始葬于石埭之黄 銘 閑 Ė 西 其 次 得 且示以巴之通 慶元 蜀,既 而 Ш 適 婺 遂 平 少卿。 下。 承 而 成吾 改元,自吴門 江 事 歸,遂以 歸。 某 而遽下世。 之請 郎 志。」 少嘗 及 今日 監 平江 江 勤 惟 Ŧi. 無 誦 陳宰 甚, 又 年 夫 龍 爲 舍 貽 爲 以 人 九月望 軍 Ш 書,以 户 東 人之文,三 敢 淇 馬。 淑 書 崑 部郎, 其子也 敬 所 Ш 範 來 少 Ш 書 狀遺 平江 之不 相 夫 鎮 懿 卿 日 之 行 嘗 與 虞 .

孫

夫人。夫人之賢,用心

均

壹。

始

任

其

勞,

永

世。

二子克家,以

才

致

身。

孰

知

闊

範

自

惟紫微公,掌

内

外

制

謂

將

枋

用,

丽

不

銘

曰

詩,後其允臧。終享其逸。九華之麓,千載是藏。我颺以

攻處先生文集卷第一百九

攻 媳 先 生文集卷第 百十

炳

然

以

所

藏

歐

陽

公

爲

進

士

時

白

襴

及

其

中

永

九

四 明 樓 鑰 大 防

邪

卒

敘

而

銘

之。

叔

?

墓

高

端

叔

誌

之痛 篤 退 軸 口 又 不 爲 遺 而 讀 余 蓋 飲 得 余 其 之, 與 而 而 日 爽 端 清 疏 極 猶 擊 . 苦 叔 論 也 前 歎 試 勤 之, 0 游 H 其 敏 讀 投 舊 也 而 精 皆 之,當 閒 矣 端 深 余 來 宦 叔 所 歸 而 日 相 E 游 畏 悲 遣 病 攜 與 契 其 女 而 論 ^ 闊 變 奴 志 與 病 其 而 離 來 X 當 情 久 方 手 騒 薰 將 而 好 \forall 然 札 余 與 逾 不

好。」 藁 月 \exists 癸 : : 詩 Η. 辭 先 章 鄉 也,往 之又至 生 見 古 嘗 葬 遺 狀 有 而 未 且 其 日 哭之哀。 先 願 日 幾 君之行 丽 得 亡矣,實 銘 吾 將葬,其 其 將 7,今又 (墓。」 慶 以 忍 余 門 元 爲 此 銘 X \equiv 端 之 來 年 爲 泣 告

著 洪氏 書 勤 炎 梁,又徙 主 祖 武 籍 衣 管 0 烈 篤 得 于 冠 機 亦 封 祖 王 君 鄞 公仔 一曾孫 絶 宜 姓 易 南 孺 亳,是爲蒙 安 文字 高 渡 右 日 氏 貧 修 編 居 士 諱 高 宣 而 職 擥 近 考 畫 教 喜 氏 元 始 市 城 世 家 郎 之,端叔 夜 教 朝議大夫,是 寓 埴 高 獨 子 薊 誦 明 燕 氏 門 處 修 不 州 Ш 五. 赭 君 輟 後 職 府 其 今 性 Ш 居 代 郎 字 路 遂 日 蕭 穎 京 之 致 爲 宣 也 曉 慶 寺 悟 君 師 亂 仕 撫 大 顧 絶 元 徙 之 使 韓 山。 無 曾 建 母: 濠 司 或

之。 苦 爲 晚 書 書 秋 許 君 始 訓 少 數 鄰 百 屢 記 傅 未 間 曾 公 寖 矣 萬 多 執 可 餘 其 月 士 翰 所 家 繇 得 前 狀 異 公 子 知 不 出 博 禮 不 伯 吾 更 是 束 名 焉 盥 己意 憚 采 甚 志 人 定 鄉 門 訂 櫛 成 脩 鄭 屯 稍 遠 及 諸 或 恭 愈 及旁 專 其 爲 人 公 以 号《 從 繇 借 田 猒 厲 儒 指 教 裹 益 奉 爲 務 郎 是 以 沙 且 所 授 郡 歸 衆 糧 親 亦 鄞 義 博 書 明 三 隨 夜 怒 長 之爲《春 徒 月. 樂 宗 經 0 删 折 士 Ш 通 殆 依 程 告之。 至 步 其 自 \approx 搜 鄭 經 君 師 節定交,不 公 數 佛 力 排 而 蓋 史諸 不 下 公 抉 表 迥 於 燈 百 擯 求 鍔 合 意 + 學。 故故 無 秋》者, 傳 人。 之, 者 寒 飢 餘 不 質 子 遺 而 以 尤 年 容 見 擁 寒 疑 百 今漳 前 會 少 以 下 此 邃 牢 奇 家 敗 耐 聞 多 瀕 後 讀 諸 謹 稡 不 於《 落 楮 後 之, 之 加 死 出 人 凡 盡 爲 襄 生 州 聽 成 敬 春 俾 有 君 以 遇 或 者 辛 陵 使 彊

^ ^ 敶 之門 反 歸 前 離 華 雖 稗 騒 存 極 經 I. 下 繹 臣 者也 **>** 不 官 學 騒 》之學幾 庸 Ŧi. 思 引 薄 故 以 非 既 》者 能 千 人 小 上 曰 才 其 變 \approx 昌 或 而 説、陰 ^ 什 乃 ___ 達 卷 沿 ×, 得 達 危 其 深 其 而 又 日 技 日《借上 亡 於 深。 流 門 得 衷 驟 求 讀 文。 自 造 日 可 矣,爲 陽 理 於 ×, 人 \equiv 異 之 而 平淡 . 取 義 干 真 謂 方 之 閶 求 於 來 木 再 之 樂 有 技、 載 班 弟 亦 之 大 ^ 以 日 之 阨 過 悲 衷 騒 之後,而 府 劌 固 夫旨 太 子 ×, 盡 九 種 多 嬋 幾 目 不 他 禮 高 也 以 藝 日 篇 揚 娟 媿 於 鉥 所 故 之書 口 問 意 ^ 障 心 雄 故 感 古 前 以 日 其 嘗 焉 知 隄 探 自 日 作 口 王 極 病 端 思 於 穿 也 且 愍 ^ 作 天 波 靡 古 其 苦 佛 學 逸 天 隤 於 日 畸 嘗 詩 文 **>**, 不 志 含 者 氏 誦 出 波 Ŧ . 志 ; 劉 謂 究 數 地 之 \sim 憤 大 載 ₩, 月 英 不 萬 極 理 之 變 力 所 悱 藏 務 離 咀 日

言 老 奪。 黨。 卷 君 有 真。 食 衣 紬 致 内 顔 \pm 手 於 教 貨 設 郡 輟餐 之意 遽 溝 褒 之 所 續 異 誨 事 之 宋 逆 財 教 色, 庠 建 緒 推 自 劉 父母 導 Ħ 饌 旅 則 心。 不 又 明 卒 玉 向 點 揚 彊 將 Ó 卻 生 不 之徒 名 計 相 君 羹 賈 勘 之 力 之, 徒 噫 盡 誰 敢 田 於 其 與 献 哀 誼 者 而 孝 明 嘗 不 寶 ! 勤 直 \"皆悲 鄉 詹 其 而 必 忍 之邪 或 滿 之 東 君 訓 慤 詠 浣 必 窮 以 訽 君 過 如 半 方 又好 以 盡 諭 而 濯 歸 奉 原意 無 其 率 珠 朔、 頃 爲 力 誠 己。 薄 以 甘 炊 德 實 鄉 周 玉 性 之 騷 嚴 遺 旨 或 爨 各有 色 如 人 人之急 嗜 人 有念其 原之微 以 抑 割 忌 親 必 訓 也 供 遇 之本 而 書 之者 患 + 身 己 給 所 淮 食 篹 難 平. 畮 親 子 家 之, 未 淡 有古 意 孤 旨 著 南 居 多 \pm 藏 之。 以 而 苦 見 自 將 小 死 遺 數 損 柳 不 無 貧 不 Ľ 如 Ш 爲 者 親 能 抵 其 義 衣 疾 初 解 T 口

之棺飲,至殯於家,皆人所難。

君 槐 卒。 親 以 高 子 出 里 以 屏 凡 、子喜 葬 醫 于 士 不 Ŧi. 日 友 終,豈不 得 桃 去年 門人相 疾 乾 E 而 疾 其 聞 終養 處 道 源 既 春 作 居 、子文。 之恰 革 當受特 鄉 之女,先三年 四 官 書 近 不 母母 年 蔣 與 信 察 卒 然,區 薦 以 氏 Ш 經 哉 廉 食 恩 新 母 不 於 爲 紀其家,以 也 者 女 氏 第 盛 不 鄉 痛 處 月 隩 世 且. 他 淳 身後 就 僅 餘 之 卒。 修 爲 不 日 淑 熙 得 原 事 職 年 書 哀 自 事 改 千 因 尚 子 屬 財 哉 以 葬 分 纖 元 慶 幼 男三人: 奉 别 其 Ŧi. 1 必 又爲 悉 霈 0 門人 月 化 + 親 娶朱 死 無 以 家 甲 之 有 舊 遺 第 屠 貧 祭 六 察 卻 申 0 氏 子 獨 其 葬 無 君 君 廉 mi 薬

之 子 甥 侍 郎 始 修 君 孝 學 韙 職 問 生 周 名 固 公侍 門 有 自 實 郎 來 爲 綰 蚤 殿 周 受 撰 公 知 睢 年 於 陽 殿 劉 + 撰 公 有 從 棐

歎 遺余 之則 於萬 終身,不得 法 家 矣。」客游栝蒼 白 可,以詩 今不衰 之才,教以 人,學益 後漢 Ŧi. 尤 事 和 使得少 精 十卷,又有《易論》、《詩 者一二也。 起 ,抵掌忼慨 人之上, 雜著 歷 膽 君 敬, 或 也。 志 記 人 富 刺 Ŧī. 解 得 稱 詩律 股 謙 如 分自 文益 禮部 答一 其 百、號《茶甘甲乙藁》,藏 官 君。 不 齋 見 而 吏部 有封 能 稱 以 其 見,且: 老校 以 其子參政 進 策 會 君 過 死, 卷、《揚子發揮》三卷、詩 謙 行 以 又 稽 何公偁 也 狼居胥之志 退卒與之語 名 贵 得之則 君之 將 干 好 陸 益 齋, 非 著 時 前 公游 屬 脩 公遇君尤厚, 命 輩 刻 説 於 風 宰,諸公爲 文 可 喜 苦 》、《論 邪 遺 事業,而 裁 贍 文 謂 此 ? 而 墨 最 章 蔚 有 其 中 雖 故 高 不 少 志 攷論 原 志 語 聚 咄 義 寐 于 物 之驚 所 及 之 傳 愛 螢 坎 欲 咄 宗 家。 以 許 君 士 壈 對 至 立 兵 兵 逼 積

> 刳心 好 嘗結 綽 已 有 傳》,自言 甚 學 有 不 於 晉 可 廬 而 衣冠 ·曉者三:貧而 韻 未 古澹,苦吟而 察廉,在大小 爲 至 垢敝,望之如木 知 於道 人達 君者以爲 生任 ,好文而 萬 不能 疏 性,不 竹之間, 財 然。 自 , 不 雞,而 己。 兒古氣 中 拘 銘 拘 繩 曰 著《萬竹 鄉 胸 墨 儒者之節 嚴 評 好好 次 亦 而 灑 先生 閒 謂 君 而

又何 裨 ? 視 人 百 之 諸 氏 悲 兮五 騷 斯 君之生 天不 ? 詞 上而 0 可問 志在 兮 噫 何 1 空歸 一分吾 乎 爲,君之往 魯 後 蓄 將 有 史之《義宗》,文存乎 欲知 誰 書 訴 萬 萬 兮何之? 卷 君 竹先生者 兮竟 視 如 歸 死 分 學 而 其 楚 窮 何

工部郎中曹公墓誌銘代汪尚書

公諱耜,字仲本,姓曹氏,世爲開封府

學 Ľ 父 祥 爲 御 閤 賦 且 渝 亮 請 宸 師 同 穎 官 見 札 翰 也 宣 集 登 符 君 梓 職 ×, 而 臣 子 司 宣 厚 得 宫 御 徽 縣 義 仍 歷 具言其 高 衣以歸 不忘 參 宗 其 之際,古所 和 人。 其 、太后之還 累 宗 爲 事 給 賻 政 情 稱 \equiv 贈 嘉 四 事 皇 贈 曾祖 之懷。」 謝 賞 年 當從 或 太 .朝 殿 帝 之禮 進 公克家 且. 俾予 師 公, 爲 中 召 在 之器,宣 曰 未 士: 益 徽 德 試 道 縉 昭 仕 第 有 因 . 盟 繼 廟 壽 中 州 忠 紳 信 爲 至 也 兀 統 疏 書 北 宫 靖 終 爲 讀 晚 之序 軍 道 术 行 義 狩 省 魏 之, 始 因 悼 節 州 事 且 郎 而 三代皆 或 郊 念 度 换 親 刺 達 却 無 大 公。 節 使、 祀 授 被 平. 父 概 其 史。 祖 不 進 勛 密旨 武 感 后 昔 賜 組 師 夷 開 贈 忠 ^ 書信 有 階 歎 其 祥 險 使 賜 靖 至 府 得 由 後 持 箕 之 儀 世 光 太 不 逆 以 太 兼

公爲忠靖仲子,幼而敏慧孝謹,好學屬

太府寺 州 除 當 添 軍 三十 改授右承奉 意,乃召公赴 文,忠靖 十月,充顯 崇 年 承宣 軍 差 危 -, 遷宗 道 车 幹 疑 器 ·, 幹 之 丞 觀 使 辦 監 尤愛之。 時 翰 主 辨 以 IE 郎 高宗 俱不 兀 林 簿 郊恩 皇 派。 行 中 年 差充 司 后 在 書 赴, 0 隆 殰 宫 念其 差 乾 諸 奏 紹 後 <u>二</u> 十 添 奉 補 興 通 道 興 司 省 差 使大 忠 + 判 總 審 成 元 試 九 忠郎 九 通 年 護 勤 紹 計 年 策 年 年 判 金 興 使 司 深 以 無 知 府。 或 明 忠 司 便 忠靖 以 喜 太 <u>一</u> 十 州 信 靖 \equiv 幹 親 示 宗 Ŧi. + 其 辨 所 使 爲保 È 寵 才, ·六年 年 IË. 親 虜 公 管 遇 年 事 屬 派 台 之 信 除 適

府 皇帝 之,公亦 情 推 如 官 時 公未 素 以 盡 宦 尤被眷 皇太 嘗 者 心裨 歷 今子 州 時 贊 尹京 獎。 縣 嗣 相 秀 妙妙 未幾 而 得 干 曉 甚 選 出 暢 隨 歡 寮 鎮 府 0 吏 寀 多 事 罷 八 ,除公臨 以 年, 9 出 郡 通 太 練 知 事 嚴 安 上 委 人

之。 是 美。 然。 駕 政 乃 須 遂 城 到 渥 秋 不 錢 中 州 以 民 官 奉 備 反 擾 萬 見忌 俱 吏 始忠 舉 公知 生甚 尤 喪 致 官 緡 錢 年 初 而 忠 敏 民 錢 篤 歸 塘 煩 未 非 事 靖憂 安之。 於 於政, 石 而 其 江 言。 居 艱 意 靖 葬 辦 有 四 權 白 版 岸 之, 然 規 民 + 既 執執 姓 特 遂 臣 五. 江 利 事 爲 , 奉 庭 以 至 因 終以 尚 千 爲 轉 之 初 喪 東 風 無 大 梓 剖 俟 薪 細 書 台 片 心 試 大 盡 濤 丐外 留 宫 嚴 炭 决 民 艱 官 張 以 饑 故 人。 禮 畿 所 事 微 滯 冬, 負 食 公 以 、公拊 佐 太后 壞 輔 祠 人皆 號 物 訟 重 未 构 四 寵 至 其 用 大 必必 至 皆 慕 爲 一今相 免 年 亦 之。 費 1 元 以 毁 興 摩 感 城 流 治 竭 以 居 價 得 歸 起 其 如 瘠 I. 而 移。 妙 得 淳 朝 天 與 以 力 其 知 不 役 不 惠 功 寬 廷 如 台 年 而 平。 熙 應 聞 及 能 徽 孝宗 高 因 後 公 嚴 者 嘉 兄 爲 民 元 州 之 得 至 眷 弟 之 此 Ш 其 進 稱 年 别

> 公退 得 文采 嘗 部 擢 職 寮 冬陛 夷 鐫 多 皇帝 此 丞 宦 兼 也 Ш 朝 謂 豊蔚 宗 達 辭 沖 而 深 秩 也 司 不 士 最 勳 問 安之, 軫 奏 佑 正 停 不 峻 事 可 勞 疲 矣。」 觀 久,今日 任 知 避 其 太上 觀 甿 甚 父 所 罰 不 公以 十三 寵 嫌 於 自 令言 則 敢 始 卿 是 名, 無 留 自 或告之 年, 故 見 者 翕 相 列 以 爲 辩 改 家 然 在 郡 勵 日 以 尚 差 Ī 子 稱 徽 小 聳 方 書 知 尋 部 故 雍 之, 官 或 然 主 衡 此 饒 司 郎 容 或 且 管 州 謂 吾 封 中 遂 民 省 布 日 建 其 州 郎 尹 與 益 户 衣 既 京 + 宜 寧 官 饒 流 言 受 時 曹 有 時 府 守 出 六 民 賜 以 議 E 親 賢 年 俱 以 武 獨

于 差 未 知 E 赴 一 寝,享 蘄 紹 以 煕 州 論 改 年 罷 待 兀 六 次 夏, 明 + 里 年 F. 有 第 復 章 任 求 積官至 沖 年 外 佑 閏 補 六 中 差 慶 月 奉大夫 知 兀 Z 常 元 未 年 州

官 主 四 光 石 以 誉 簿 保 志 祖 延 壽 是 之原 之女, 往 歲 藏 忠 娶 俱 來。 先 洪 於 翊 應。 爲 者 散 公開 以 事 福 0 之 之 平. 助 不 焚 爲 自邑 市 居 地 以 復 價 邑 瘞 棺 日 嬰 中 X 雪 久, 水 歛 拂 郛 建 旱 建 逆 寒 增 世 西 有 佑 爲 旅 則 飾 故 橋 聖 沙, 者 散 其 渡 殿 甃 獨 舊 濟 所 必 之 於 通 好 其 積 齋 險 松 徜 途 以 空 以 戒 隱 徉 穀 餘 爲置 乏 賑 躬 於 Ш 財 貴 貧 禱 爲 野 中 爲 則 民 有 鄉 意

郎

改

奏授

迪

功

郎、

處

州

松

陽

縣

封

令人。

子男二人:

恕,承

奉

郎

氏

吏

部

尚

書

擬

之孫

通

判

明

州

祥

符

縣

開

或

男

食

邑三百

户

服

度

蕭

9

卒。

孫

人:

復,

將

以

遺

澤

補

公奉

先

志

又加

葺

焉

先

年

自

忠

靖

奉

佛

老

甚

謹

即即

小

石

建

精

舍

月

丙

申

葬

公于

臨

海

縣

靖

安

鄉

小

其

側

從

新

1

也

祭。 年 高 朝 無 矜之色。 命 宗 比 更 也 列 高宗. 書 耶 歷 公生 有 ? 後 内 沖 萬 受 忠 長 知 外 忠 石 公爲 富貴 知 靖 靖 才不 君 於 出 樂 愛子, 之 前 太上 人 字 見 桐 風 禁中 榜 以 於 栢 又閲 儒 之, 進 施 Ш 手 避 素 登 水 用 傍 遠 擅 自 其詩文 郎 有 權 迄 築 筆 將 省。 雲 勢, 止 庵 墨 幼 壑 於 於 然三 故 辭 而 少 尤 此 西 擢 謝 謹 無 勝。 偏 + 非 之 寵 畏 驕

累 爲 黨 先 姥 過 夫 石 不 之者 朝 倚 以 越 相 通 爲利大矣。 亦 奏弟 以 民 領尤巉 E 率致祭, 自 欲以 户 見 給 達 之子 茶 無 者 於 巖 此 歷 袁 擾 甚 時 总,今爲 自 難 言 官 路 衆 變, 邑 見。 進 其 至 解 人 事 風 六 自 皆 德 既 雨 誼 品品 以 奉 鄉 捐 之。 濘 不 出 再. 化 間 賞 金 則 得 於 世 縣 無 平 延 故 不 與 天 由 尉 不 性 未 治 死 寒畯 可 大舟 文 嗟 之日 行 及其子 宗 多 加 華 非 損 痛 争 暴 方 之 族 以 獲 又 勉 其 曲 死 骸 9 以 天 遇 嘗 嘉 祈 强 親 濟 喪 直 義

齔 銘 家 究 與 亦 乃 條 毗 闕 疾 此 與 又 每 有 公 口 卻 大 閑 陵 使 於 善 口 所 理 遇 有 用 不 而 言 知 吏 以 録 地 新 口 祖 藥 得 然 安 連 稱 事 無 其 子 弗 母 者 盡 參 者 然 雖 恨 所 又素 罷 或 洪 進 皆 止 必 其 以 一、公論 其 坐 矣。 存 非 咎 蚤 氏 謂 疚 才 嚴 平 嘿 中 矣。 相好 其 之 其 世 引 心 譴 無 日 却 某女弟 設 罪 自 不不 命 疾 圖 有 見 稱 修 無 也 不 施 丐 之。 求 膏 語 人多 得 在徽 謹 聞 能 有 必 去,不 銘 梁之習, 及 詳 爲 潔 者 公之將 爲 掩 有 觀 冤 家 之政 洪文 廉 載 之 也 過 其 余 之。 事 爲 應 仕 行 明 既 所 人 敘 事 治 夷 白 葬 憲公孫 恬 噫 排荒 者 途 哀 已 由 考其 而 劇。當 ! 者 然 姑 見 公之 復 是 略 銘 而 公今 既 及 者 掇 在 知 自 無 婦 迹 化 不 龆 得 别 感 其 人 有 玷 如

不 三派 惠 孤 奮 塗 去。 起 得 孫 閥 于 最 高 施 , 我 秀 潁 顯 閱 惟 蘭 昌 穎 中 苒 益 猗 銘 更 歲 盛 摧 其 之, 歟 累 日 華。 玉 報 代,達 太 文 公寔 以 折 必 皇, 日 詔 受 豐。 章 門 知 鍾 者 不 腐 蓋 太 愛 多 州 名 天 上 侯 克 鮮 遺 馳 台 0 \pm 愛, 宣 始 世 赤 惟 其 政 在 城 公家 我 家 郎 ()父子 鄉 或 忠 列 陰 初 晚 靖 蚤 功。 僊 卒 登 武 繼

孺人俞氏墓誌銘

牋 君 喬 居 H 事 君 其 掌 兄 弟 人 行 四 紹 以 簡 期 熙 口 甲 君 則 研 集 四 Z 相 席 第 年 所 以 科 Ŧi. 又 下 號 余 時 人 與行 皆 爲 相 名 也。 動 奏 殿 與 簡 色, 御 廬 余從父弟 見 爲 諸 過 同 以 時 位 爲 年 故 前 官 生, 與 鏞 Ŧī. 郡 喬 嘗 名 臚 同 之盛 君 與 婺 唱 以 尤 表 人 之 喬

有

周

振

鐸

始

封

于

曹

參起

相

漢

至

0

孝 摭 賁 誠 母 有 稔 不 之 太 其 九 書 所 實 孺 慶 京。」余哀其言, 介 得 加 元 鏞 爲 人 以 俞 書 以 改 太 之。 來 元 氏 孺 日 之 之禄 則 余 艱 行 既 知 矣。 义 奉 狀 丐外, 去 知 吾 至 載 未 李 母: 季冬之 幾 且 得 君 菽 又以 婺 非 水 日 圃 : 溢 癸 願 教 歸 美 酉 行 授 求 者 簡 遭 銘 李 喬 遂 以 不 君 其 君

矣。」治 羨 争 時 問 酒 姑 益 言 祭 燕 肴 慕 其 已 父 祀 平. 殁 居 語 以 太 嗣 且. (), 恨 家 孺 待 生 必 П 必 日 深 嚴 所 人 供 居 0 不 以 於 整 . 嗜 焉 世 士 年 逮 善 黄 一之須 家 内 宜 如 事 道 帝 見 東 古 + 外 善 岐 親 事 陽 嫁 肅 人 事 伯 有 賓 黨 其 所 然。 百 之, 犯 曾 之書 至 之 神 謂 园 者 大 事 則 主 昌 自 吾 喬 父 奔 舅 于 歜 奉 不 居 諭 鄉 姑 羲 走 羊 IE 甚 ± 及 居 有 治 者 棗 寢 薄 森 盡 士 大 病 具, 者 如 以 者 此 每 父 時 時 生 不 禮 舅 咨 多 儲 加 歲 晤

之學。 即 中 合鄉 家 歸 即 彼 皆 人 屏 助 儒,以爲之倡 比 君 曰 而 「難之。 還 之, 之同 不 . 事 貧 戀 鄰 閒 成居士之美,皆 撫養皆 之,其 Ė (),孺 故 之秀士 以 傾 是 務 頗 也 里巷 氣 棲 聽 室 猶 豪 人 規 厭 則 廬 有 足 忍 人 丽 記 慨 其 不 利 故 舊 費 相 求 存 恩 坐 我 ,遠來者館穀 感 其 然 以 煩 其 勵 士亦樂與其子 無學者, 售 何 意 觀 必取之, 耶 悦 日 要 累諸 以 夫 ? 此 其 厭 終身。 處,退 . 成 學業 必 日 類 有 失 也? 券 勉 0 吾 既 子。 喬 子 也 所 己 當 則 之 不 未有 必 氏 法 不 耶 居 久 之, 非 由 日 子 詢 得 ? 不 寡 獨 責 論 士 游 所 是 嘗 求 究 以 忽 居 弦 口 闢 以 文 憂二妹之 升 安 併 之,不 所 手 報 欲 之 復 時 師 誉 誦 家 是 其 也。」居 活 舅姑 揣 後 堂進 復 塾 生 取 四 H 口 子 往 方 輕 延 矣 滋 ,身任 相 取 以 會 挈 往 惟 多 拜 重 聞 於 嫠 濟 V. 然 則 以 況 師 勉

毁 孺 龍 德 方 不 將 王 也 吾 汝曹第求 豔 求 以 禮 日 、元龍。 一,從 佐 合葬孺 卒,亦可 元 非 無 . 以 孺 必 慰 如 人於婦、 一吾生 一先三 諭, 驕 於 母: 家 憾 夫慕 事 人視之澹然。 馬。」 進 心 人。 人,始爲之喜。 次 郎 自 取 一年卒。 以 於宣和之三年,至 孫慈 適杜 女六人,尚 富 于 春秋 饒 則 人以 見 乎? 知 貴 居 諭 州 於世,以 婦 愛有 之琮。 以 州學 之日 寖 士之墓 是 姑 次子驤,業儒 爲 行 高 之閒 知 悦者 徐 加。 簡 : 幼。 子 教授。 孺 孫男三人: 顯 省其私,持 及 以 吾 屢 矣。 人之教子真 其親 先是,長子既 孺 至是家 也。子三人 屬 上第 欲 舉 人嘗該慈 疾 女二人: 此 汝 不 禄 既 歸 不 爲 得 婦 幼即 從龍 革, 身益 鄉鄉 月 養 爲 善 志 鄭 丙 不 不 則 有 氏 長 : 長 曲 行 福 念 喪, 及 謹 申 以 次 義 又 慶 適 簡 歆 無

> 出出 之仁。 始慰于 學教子。 尚 柔 篤 心。 猗 而 餘 子 歟 寡 慶。 壼 登甲科,喜 夫 識 人,乃 彝 閨 之懿,莫此爲盛。 門 異 則 猶 於 均 是 未 深。 愛 以 而 察 義 失 其 教 我銘 相 所安, 夫,以 婦 人

趙明道墓誌銘

然佳 溢 源 行實來。 表墓道 先君之葬三十 流 美,爲次而書之。 士也。 必 慶元二年,趙共父自丹丘 有 庶幾 余悲其意,矧共父之言篤實 自。 E 有傳焉,以 而 餘 其長兄見過 日 年 共父爲 矣 既 贖不孝之罪。」 不及 余雪涕 累 來主 銘 仲 一鄞簿, ·俱 言 願 賢 必 Ħ. 有 無 以 以 粹

使、 舒 國公惟忠,舒 陵 皇子 燕 懿 國 E 生定 德 昭 州 觀 彰 察使、 化 軍 博 節 陵 度

壽

恩

,故得封云。

銘

日

岸。 庚子 赴 化 押 轉 兄 H. 武 寅 年三月詔宗室 司、房國 侯從實,博陵 几 州 男子: 南 葬 德郎 以 黄 至 昭 ,遂主管台 軍兵馬 以 疾 朔 次 巖 訓 于 慶 =親 寓于台。 師 + 終于家 卒,殯 臨 縣 子 武 軍 公世 老 步 息 師 海 酒 郎 祐,公之父也。 節 不 紘, 縣 押 税 度 彊 生 于 州 赴。 娶程 大固 ,享年六十有五 一群試 初 使、安康 公諱 今爲忠訓 明 明 是 崇道 保康軍節度使、 H 監 州 州 \equiv 龍 氏,以 鄉蔡嶺之原 于有 爲公之曾 南 次師 兵馬 伯直 奉 任 觀 潭 劒 化 嶽 郡 之精舍, 司,特授承 絳 紹興二 州 武 郎,添 都監 縣 ,字明道 乾道 祠 公令彈 沙 德 税 保 祖 縣 再 、婺州 南 義郎 去 干 三年八 開 差充潭 又 十有 鹽 至是合 調 渡 府儀 以 武 房 是 贑 税 節 轉 添 年 外 兵馬 建 國 德 ___ 郎 爲 州 炎 月 歷 徙 生皇 差監 州 月 艱 同 Ŧi. 墓 焉 祖 排 辛 累 丙 監 台 久 月 不 興 西

> 淵 忠郎 婺州 以 科 、希魯、希 張 目 都 税務。 進 萬 孫 瑀、希 二女: 男九 次 師 韺 長 人 邶 希 適 修 修 希 韶 武 職 魚、希珉、希賀、希 希 郎 郎 梴。 ,共父也 李蒙,次適 女十人。 成 各

先嘗 博觀 莊謹 及。 心。 行 諸 飾 勇 和 流 而 樂無 故能 歷 於必爲 離 П 動 自將。 世 横 事 9 史傳,尤習 公生承 在 而 有 至 、問言。 逆或 故 章 進 親 躬 是 典 + 貢 行 蹈 見惡則避之,若將浼焉 就 刑 非 平 加 長 日 養 如 艱 利 餘 介 . 時 ,未嘗校 好 雖 知 此。 無 年 險 害 群 不 習 儒 退 闕 國 如 卒 絶 學,善屬 然若 木 剖 居官 朝 見 忽擁 物 心 決 也 武 憲 富 日 不 衡 明 廉 和 德 章 貴, 門 勝 辨 居 恪 慮 不 晚 蓋 文,治《尚書 告 衣,言 多多 而 喪 嬰 其質 同 性 御 毁 末 至 天資端 流 以 識 下 . 瘠 孝 疾 本 多 前 爲 如 聞 居 ·, 兵 夙 得 兄 言 不 藥 軍 不 無 善 成 燬 其 出 緣 弟 往 口 則 心

1773

公 大父 於 德 徜 爲 不 變 句 愴 公,皆欲 孤 觀 羅 庭 始 養 如 利 之。 徉 ,卒使 其 拜 則 其言,不 諭 負 我 恐 禄,北 義 之不 故 無 聽 其 而 郭 欲 公從 併 生 自 命 方 中 1 未 有 害 1 四 力 之 奉 事 從, 陪 成,有 欲 公。 居 中 時 能 挽 客 禄 訓 儉 帶 葬 手 强 遂 之同 自 携 其 出 乃 仕 薄 月 Ш 口 也 息 已 衆 微 盡 酒 進 實 種 子 陵 知 荷 丽 去, 寓 徙 服 花 非 師 而 愕 公雖 鋤 豐 晚 公 公 悉 居 間 卉 素 酇 莫 仲 暇 號 相 于 淪 謝 者 家 道 今爲 志 臨 教 求 弟 時 祭 顧 不 異 出 日 以 老 風 如 榮 蚤 節 家 祀 自 域 0 圃, 人。 城 承 曳 日 參 世 耶 貧 言 因 耳. 節 而 杖 ? 政 或 不 開 痛 秀 親 教 公善 迨 郎 後 每愛歐 ௱ <u>_</u> 花 賀 譬 家 老 心 子 微 無 郡 群 去 開 多 公、 福 北 嚴 公 撫 公恬 吟 無 集 H 難 望 篤 福 錢 皆 甚 之 公 舒 陽 其 以 郡 不

> 賢 爲 接 余以 髮 耕 己。 足 聞 哉 公銘,姑 怨 與 因 淳 惜 尤 公之風 物 以 熙 其 形 使其 無 别 Ŧi. 終不少見於世 於 以 競 年贅倅 畔 詞 致 已 得試 蓻 超 尊 後之矣。 色, 蔬 然 於 慕之意云。 丹丘 識 獨 用 日 者 樂 其 鬻 미 然胸 幸 以 以 志 以 介 大 助 決 終 銘 見 之 次 其 不 用 此 其 子 善 夷 日 在 生 之請 多與 所 曠 安 富 存 分 貴 嗚 無 矣。 之 自 呼 而

光 獲 以 燁 聆緒 見此銘 然。 窮 年 Ŧ. 言 孝 孫 以 教 翩 鐫 老 子 事 翩 親 義 圃 舊 欽 方 之 聞 適 科 以 其 吾 賢 奉 目 先 相 將 篤 傳 學 學 * 焉。 自 定 生 交 V. 漫 爲 令子, 仕 發 詞 樂 出出 采

奉議郎黄君墓誌銘

君諱仁儉,字約之,姓黄氏,本出建

痙

嘯

自

適

其

適。

既

不

事

生

産

一,禄

又

不

足

代

高 補 守 安 母 父 好 承 祖 將 台 子 縣 武 謙 事 銀 仕 主 州 氏 游 郎 青 朝 簿 郎 遂 贈 特 散 仕 朝 月 鄉 葬 需、 Ļ, 直 迪 孫 高 車 庚 古 功 先 Œ 次 盤 郎 申 氏 八 早 師 適 於 奉 隩 年 卒 監 進 君 之 縣之寶化 女四 卒。 台 \pm 之喪,合陸 原。 次 州 陳 人,長 皆 黄 直 經 既 贈 巖 義 葬 Ш 孺 縣 許 孫 陸 氏 人。 又自 女二 鹽 適 男三 氏 之 監 進 今諸 墓 子三人: 人 1 管 士: 人 壽 押 鄭 長 孤 藏 袋 樞

Œ

IE.

未

行

而

鹽

次

直

行

於

禽

君

先

以

+

1775

恭

人。

紹

興初,

奉

直

自

度

支

郎

出

請

大

夫

以

君

升

朝

贈

奉

直

大

夫。

贈

直

祕

閣

累贈

金

紫光

禄

大

夫。

郎

知

潁

州

贈

通

議

大

夫。

祖

幸

於

中

原

因家於陳之宛

丘

曾

祖

浦

城

谿

東之族

慶

曆、

皇

祐

間

存。 淡 箴 無遺 競 而 口 史記 不 不言 渡 行 廉 多 忘。 多記 以 君 × 與 勤 致 家 人 至 兩 物 自 殺 過 承 及 誠 世 競 將 漢》、 傷 平. 見 多 有 不 舊 人 前 不 名 尉 德 事 杜詩、 事 莫 輩 爲 懼 德 於 外 窺 矯 而 談 人 飾 逮 性 其 韓 在 激 之纙 亦 事 居 警 際。 文, 告 沽 不 直 家 悟 名 道 纚 默 閣 淳 孝 君 事 也 不 誦 公 長 安 友 攝 倦 連 於 俗 端 事 典 韜 確 數 記 獷 愿 刑 守 晦 處 内 白 悍 問 官 恬 絶 具 明

年

致

仕

授

通

直

郎

賜

緋

衣

銀

魚

今

Ŀ

登

極

轉

奉

議

郎

慶

元

年

四

月

丙

子

卒

於

黄

軍

通

判

公惕之女,后

族

也

先

四

+

年

卒

再

娶

陸

氏

處

州

通

判

康

民

之女,實

左

派

諸

巖

長

子官舍,享年八十

有三。

娶

高

氏

建

昌

孝宗

覃

恩循

文

林

郎

高

宗

慶

典

循

儒

林

郎

引

青

田

縣

紹

興

府

餘

姚

縣

派

綱

賞

循

從

政

郎

未

幾

遭

外

艱

服

除

監

台

州

支

鹽

倉

歷

處

州

秩

滿

以

奉

直

年

高

不

敢

去

左

右

再

奉

祠

次

年

監

潭

州

南

嶽

廟

次

調

嚴

州

淳

居

明

之

奉

化

縣

+

 \equiv

年

之

任

馮 屬 其 公自 卒 賕 言 薄 嚴 數 以 田 呼 於 水 重 法 安敢 勢 如 情 其 者 嘉 鐵 少 不 乃 蘭 萬 術 本 妄 蘇 阬 君 輕 盈 樞 户 遣 長, 得 溪 斛 群 忠恕 帖 指 海 議 尺, 密 乎 錢 簉 實 於 去 卒 可 然 不 諭 怨家 院 舟 多 居 用 掉 聽 取 從 不 而 以 以 詣 赴 非 下 喪 焉 臂 譁 君 多 輕 法 以 禍 促 青 妻 軍 其 爾 忿怨 期 乎 當 公, 不 訖 女, 前 辦 福 邑 \mathbb{H} 所 在 事 ? 會 見 得 流 害 人 日 事 知 台 吏不 以 既 帥 寬 道 全 民 羅 坐 謂 肅 0 攝 吏 道 爲 籍 司 舊 君 數 而 然 拜 E 未 請 以 郡 能 其 今得 由 篙 信 檄 攝 久 倉 有 幕 於 家 欺 爲 縉 師 之, 君 君 法 皇 邑 也 課 守詹公儀 長 雲 不 人, 爲 給 覈 失 被 官 隸 婺 Ħ. 反 者 今樞 兵 可 黄 措 軍 漕 君 實 縱 嚴 既 盈 爲 日 日 佛 悉 乞 君 衣 檄 歲 権 於 派 . 如 小 取 究 子 君 受 密 有 取 貨 曰 之, 舊 約 家 民 青 葉 法 受 徐 其 人 有 紕 米 米

> 少 之? 姑 乎 者 火 與一 實 南 不 法 驚 子 之 焉 ? 衰 渡 甚 奉 求 蘇 就 歎 精 後 宦 吏 某 III 聚 不 如 銘 公爲 既 寢 在 H 所 妻 源 族 爲 又 此 臨 黄 不 存 : 銘 祖 動 則 爲 流 頗 終 巖 達 口 何 無 尚 日 衆 E 口 此 家家 初 年 年 幾 名 書 郡 逝 王 軍 多懷 無 餘 身 覈 道 且 王 矣。 君 事 真 疾 識 而 任 公 益 實 通 苦 力 9 其 君 其 遒 舊 草 婚 木 ? 恐 贵 貧 德 諸 責 勁 對 行 未 居 姻 非 有 悉 彼 父 似 客 宛 書 不 善 君 刻 書 嘗 始 贵 歐 及 歌 幾 丘 可 人 之 問 又 奉 尺 昆 率 笑 不 滿 君 從 測 娶 石 甚 直 也 仲 更 如 屋 能 君 子 旁 者 多 甚 壁 平 之祖 之 徑 至 君 先 艱 經 時 報 君 書 揭 兵 世 紀 取

殿 口 餘 紀 子 中 惟 原 舊 故 君 家 事 壽 歷 考 存 歷 者 厖 及 無 眉 聞 幾 兒 监 E 始 典 E 刑 靈 接 尚 光 在 前 獨 畫 戸 存 議

兮,勒銘千祀。 今焉已矣。吉德之報,手足爲啓。後其昌

周伯濟墓誌銘

子兄 爲 子 累 州 厚。 雄 節 大夫長子沖,任 以 患之餘 邑令, 皆 贈 州 有 進 有 弟 伯 志 銀 季 士 周 而 又更建炎兵燬,慕 皆以 青 爲 氏 當 俊 起 止 季俱 小不合, 光禄 一、公論 荆 世 家 聲。 爲 儒 湖 鄞 躡 是生三子, 坐黨 鍔登 大夫,娶范 兩 奮 聞 右 歎 世 棄官 路 族。 迪 家 息。 籍 科 轉 元 功 聲 , 仕至左 而 運 豐二年第,以 仲亦以 始 郎、 卓 銖 登 歸 判官 H 慶 然。 叔父之節,不復仕 氏文正公之女,二 監 鄉 曆 崇 潭 處 里尤 特恩 中 中, 次寧二 終 伯 州 厚、温 大夫、知 左 知 南 殿 高之。 人官 年 朝 建 嶽 中 宏才直 第 散 州 厚、 廟 派 郎 南 永 父 師 造 中 仕 憂

> 請曰 之識 德,不 惟周 進 臺。 而 君嘗卜通遠鄉 伯濟之亡,因往吊之。 振發如許。 中大夫望最偉 之,鄉人日 宦,在都下嘗見其二子, 一,優游 近 年,歲 一、「先君 ,將以 氏 紹熙改元,焯遂登第。 務進 既 名 終身。 在 土 而 九 取,鄉 . 屠 某晚出 奉祠 「此周 繼 雖 月 維 而 出 金谷里銀 丙午 不及定交,而託 蓋 作 里 人 不 仕 自 伯濟之二子 膃 究於用,伯 ,及拜監嶽下 居, 亦罕識 襄 有 崇寧至 不甚達, 大 二子 慶元 事 燁 山之原,去祖塋二 而 聞 其 薦 某時 願有 淳 几 伯 面 于 耐 濟 ,監嶽之孫也 H 年 熙 契已 多以 故 濟 風,而 鄉 待罪朝行 守家法,有隱 以 率 相 之賢,獨 以其二 銘。 月壬 焯 數 諸 去 退 世 季 隨 薦 八 爲 一子能 泣 侍 + 申 于 高 間 里 先 以 聞 漕 有 游

喜嬉 户 誦 戲 書 君 諱 ,率至夜分,家人不得 從 楫 濟 伯 南 濟 劉 其 壽 字 夫學, 也 莊 凛 而 重 如 人。 剛 成 簡 抄 書 幼 用 扄 不

家 克勤 意 搜訪 也 至質 至 如 子 孫 士 無 無 有 夏公之家皆以 甚 夫 忘 史,以 0 逋 以 ,郡上于朝 少 貸 從 寝食 0 延 清 篤 長 小 黨 語 租 又不事 了 禮 容 既 鄉 白 物, 與 未 籍 及 詩 每 觴 師 相 之後 故 冠 校 之 名 憂深 無 嘗訟 以 自 月 生 傳 鈞 豆 儒 利 下 門 愠 娱 産 未 此 書季攷 禮 次欲 意 事 舉 筆 使 慮 君 户 色。 于官 報 登 ,奉祀之餘 汝 遠 不 無 有二公之風。 不 好 之 真 加 仕 監 連 輩. 舉 兼 售 1,公賦 少 録 讀 重 寡言若 有 版 嶽 焯、 遭 能 侍 即 懈 杜 用 訓 足 不 燕居 棄舉子 自 内 清 飭 I. 欺 焯 如 君爲中 奉 躬 則 奮 外 僅 i納,不 部 之, 闇 蹈 屢 承 先 敏豐公、 好 勵 艱 室 占 取 惟 規 督 期 業, 客 韋 且 貧 對 一之意 大夫 前 矩 遂 謹 自 課 爲 蘇 而 客 曰 非 日 列 給 不 而 諂 輸 清 州 0 始 遇 適 少 與 朝 耽 所 以 諛 談 人 賢 終 患 吾 教 介 長 尹 間 君 田 廷 翫

悼,是 壻 燁 皆 疾 晚 蕭 喜 蚤 于 也。 幸 年 木 日 卒 焯 不 益 散 其 兩 孫 憊 不 家,享年七十。 . 如 平 杜 物 焯之官, 不 輈 失 焕、 吾方 宜銘 焯 疾 近 際 時 欺 門 外, 舊 藥 遽 慶 迪 劉 簡 物, 侵矣。 以 石 焯、 寧 霈 佃 功 矣。 焯 歲 出 此卜汝之進 能 請 郎 繼 除 拜 炤 君 紀 先 閉 君 此 娶林氏。 祀 恩 年不 、煜、煒、 台 橒 諸 善人云 絶嗜 置 御 先,不 以 有 皆 州 年 子 車 安 歸 望 及 臨 里 忽 日 輿 好 中 矣 賀 士: 奉 改 以 海 燀。 否。」 以 子 薄 或 自 縣 \ 其 脾 客 亦 識 行 男九 滋 爲 爲 長子 襘 滿 孫 尉 度 疾 不 投 不 惜之, 味 局 不效 Ĕ. 門 不 曰 見 卷 識 喜食 及炤 促 女三人, 其 必 康 相 日 君 耶 彊 甚 微 吾 以 與嗟 竟 君 以 塤 煇 喜 他 方 實 卒 覺 爲 更 少

坦。女四人在室。銘曰:

仕 則 擁 已 書 以 矣,後其 隱 退 周 爲 爲 居 名 高 以 門 有遭 自 , 中 猗 遨。 歟 乎 有 夫 ? 人 有 君 豪 子 克 閱 世 家 世 以 爲 滔 學 時 滔 爲 髦 業 哦 君 詩 III

知江州汪公墓誌銘

談 年 舅 卿 氏 每 口 幾 丱 拜 氣 歸 丁 爲 受 繐 巳 外 角 寧 兩 忘 帷 世 祖 中 嬉 浙 輩 時 亦 賞 少 ,哭之未 雖 戲 轉 行 庚 以 師 游 運 申 少 是 周 生 宦 副 不 皆 長 年 旋 於 嘗 南 使 謂 同 生 - 與 熙 示 北 某 夫 研 年 寧 少 盡 歲 席 又 見 六 餘 + 師 哀 輒 + 年 年 年. 長 同 也 别 傾 + 於外家, 後 相 深異之。 季 倒 遂 將 與 自 舅 葬 成 同 對 不 太府 始 T. 冠 内 翅 與 酒 古 生 弟 如 小 劇 季 母 而

求銘,何忍銘吾季舅? 又何敢不銘?

受弔 宏達 鎮 屬 路 舅 或 直 吉 九 會計 廟,未幾沈 又丁外艱 補 可 未 六年 夫 年 江 顯 安 官 有隱 撫 府 乾道 了 人。 謨 到 盡 及 贈 公諱 至 司 権 閣 任 禮 歸 是 任 無 德 IE 貨 幹 所 Ŧi. 大定,字 宗 滿 宜 服 城 躬 贈 弔 奉 于 務 辨 生 務 年 人下 親 除 府 黨 少 大 鄉。 客 公事 母母 就就 都茶場,請 場 七年 簡 授 師。 夫。 稱 盈 沈 歲 + 書 世 季 右 充 之, 祖 門, 未 課 氏 以 迪 應 四 賀 母 父 洙 乃 \equiv 公哀 少 奉 赴 隆 功 歲 贈 王 思 金 以 世 百 爲 師 使 興 郎 省 遭 兩 氏 宜 增羨受賞 或 温 爲 萬 鄉 毁 撫 賞 浙 罷 越 ·; 封 特監 正 鄞 愛 先 躃 左 年 監 循 或 轉 公平 日 恭 ·, 差 尤 朝 生 憂,伯 運 文 踊 公性 或 潭 行 篤 林 議 如 司 獨 時 信 州 以 曾 M 在 文 大 成 郎 厚。 贈 不 甫 仲 開 特 所 排 南 祖 浙 解 屑 官 越 恩 岸 嶽 爽 冠 西 元

平. 募 閘 僅 勞 午 辦 尚 公 易 銜 舟 歷 郎 不 生 書謝 游 誼 人 调 歡 器 序 衆 增 惟 州 吏 凡 知 閘 數 手 淳 口 用 進 縣 民 紹 力 浚 左 上 + 魏 公 舟 熙 精 渣 虞 震 司 相 興 年 而 掖 立 原 王 至 百 則 元 明 動 湖 潘 安 府 不 通 栅 至 喪 然 薨 人 己 邑 年 官 譁 上 公 明 既 舟 朝 事 帟 于 復 别 涸 運 虞 别 畤 定 請 幕 以 吏股 循 川 H 見 俄 於 矣。 副 以 堰 皆 縣 華 明 以 進 郎 承 館 支 頃 韓 引 旗 最 焕。 栗 0 理 直 舍三 公 清 港 俱 公彦 將 略 湖 以 色, 爲 公 郎 相 濟 創 介 葬 無 水 賞 祭饌 高 他 邑 在 + 之 分 視 質 小 于 灌 欹 峻 典 有 邑 L 土 几 餘 列 堰 地 護 越 之。 側 頓 用 不 寓 虞 公 年 品 左 潮 以 形 喪 食 新 詔 相 公 過 驚 右 沙 通 水 舳 復 政 尤 供 使 與 制 改 市 遣 歎 餘 雖 爲 溢 艫 俟 興 者 部 務 對 刑 如 通 頓 舟 登 珍 整 堰 大 舊 之 旁 豐 實 平 稱 部 平 直 相

> 懲 腆 歸 具 丞 歸 才 (,公又 言 治 白 益 何 F. 顯 徑 於 下 爲 派 擇 翕 杖 不 廟 始 贊 然。 之。 堂 新 可 媿 府 撻 諸 潔 服 嘗 迨 者 吏 公, 汝 以 聞 至 輩 來 七 縣 以 者 府 十 謝 ? 爲 録 以 中 襲 且. 尚 事 公 以 訴 貽 路 爲 敢 1 應 書 之 善 忤 訴 公 之。 來 最 處 其 邪 \Box 假 ? 事 意 故 供 世 公 不 公 更 本 張 之 既 之 加 縣 以

交歲 譴 者 别 以 閒 事 勾 州 無恐 之, 致 0 遇 獄 時 吏 幣於虜 簿 其 九 大 吏 引 人 而 年 怒 卿 書 推 久 從 例 兩 趙 郊 徐 尋 賢 而 容 盡 以 祀 公子 遴 根 相 之。 而 吾 啗 忠 大 選其人,命公與幹官權 知 原 解 公、公 職 告 禮 濛 、公汽 之,終 益 税 而 恩, 爲 開 深 契 E IE. 帥 賜 心 無 爲之平。 色 移 緋 司 相 他 政 却 憲 衣 有 與 事 日 豪 之日 浙 銀 代 所 嚴 之 裨 右 魚 謂 者 累 僚 明 費 導 以 屬 握 通 爲 漕 公 公 此 我 行 手 恃 判 多 謹 安 得 知 費 公 揚 口口

公既

爲

之

經

紀

葬

送

篋

中

尚

餘

數

白

干。

公

悉

舉

以

辦

役

掩

骼

埋

胔

各

得

其

所

日

以

費

會

曲

江

尉

許

君

教

老

無

妻子

卒于官

F

有

游

宦

不

能

歸

者

惻

然

興

念

而

未

有

以

充

公由

是

進

擢

、公不

自

言

也

知

韶

州

郡

計

惟

公廉

遣

人

遜

謝

待

有

請

而

事

畢

漕

使

以

聞

權

于

朝

0

不

出

日

與

權

公

誓

日

今

H

不

決

斷

不

操、

漕

口

空

П

_0

於

是

襆

被

爲

留

宿

計

虜

始

感

歎

薦

漕

兀

之

0

濡

滯

踰

期

雖

日

调

淮

北

虜

使

辭

疾

之,

幕

節

俱

行

虜

貪

而

愎

盟

监

萬

狀

至

欲

易

白

金

此

爲

仰

諸

邑

常常

賦

而

令多

攝

官

去

來

不

9

幾

不

朝

廷

用

萬

公曰

:

民

貧

可

重

木

邪

?

徒

費

文

移

口

致

究

舊

者未

足

新

者

復

積

計

逋

緡

錢

費 公之 公爲 起 有 也 血 辦 司 謗 之錢幾二 挾 飾 使 而 之矍 公公 會 至 而 江 往 厨 游 有 大 素 來 傳 不 來 士 號 者 旨 然, 異 爲 者 耗 + 稱 名 申 故 揖 動 止 日 之 過 萬 郡 游 取 時 以 與 官 使 V 訟 謁 剔 , 尊 之, 同 客 特 之 帑 兵俸 簡 蠹 酒 寮 之 甚 以 禁,公奉行 藏 財 謝 圖 剗 事 邀 不 給 裕 之。 遣 弊 公 虚 盈 亦 之。 切 可 謹 譽 萬 積 蓋 略 以 . 朱 至 緡 征 或 尤 吾 回 去 墨 萬 恐 浚 嚴 加 不 而 治 五. 既 節 由 忍 負 屬 民 千 凡 浮 爲 膏 弗 及 此 邑

之梁

閒

纍

纍

無

數

公因

勞

農

見

之,其

閒

亦

運

寺

之

側

其

廢

E

久

遺

骸

多

貯

以

瓶

罌

垂

欣

然

承

命

民

亦

樂

輸

焉

舊

有

漏

澤

袁

在

光

Ħ.

以

飽

吏

貪

爾

盡

蠲

舊

負

惟

新

是

啚

1.

邑

坐侵用 響應。 爲之屏 服 浹 游言 全,姑 戒 補 舊 有 相 陳 矣,公竟 加 不 樂,前 郡皆有大兵 ,驩然莫逆,有賴 君 賦 1 加 解 浦 知 邕 巧巧 益 諸 歸 無 蠲 與易地 誰 舊 跡 郡 司 爲 總 間 於 此 貸 以 爲 則 安公之政。 士卒 祭社多委寮吏代行,寝以弗 帑, 十七萬 幹 恕。 言。 未 陰 之如 此 飛 又仁者之勇 有 中, 以以 王 (
屯駐 吏乘爲 罷 有 語 惟 君 兩 曲 犯 歸 息衆譁。 緡 厚 惜公之歸 女好 造 興 待軍 結結 叶 江 、尤爲 悪 至 翁 姦 誣 濟 吏俸 0 郡 而 證 盗 吾 庭 既下 ,數月 不 皆 人 不 不 帥 明 也。 究 竊 賢 $\dot{\equiv}$ 亦以 彼更 冤 得 平。 白 之徒, 尤着 侯 數月 之, 問 時 以誠 有 志 政 水旱有 送 耶 次 二
倅 以 詳 名 司,公曲 者 成 ? 相 軍 文方 而 眷 爲 治 意 公退 士 盡 萋斐 與 中 用 張 不 怨,鼓倡 禱 必 ,敬公亦 有 俟 情 語 使 民 虔、公 忍 粗 盡 君 寖 曹 觴 交意 其 自 爲 E 别 足 泌、 法 成 不 官 首 詠 保 懲 輒 .

> 車 自今。」 日 有 . 詩 社 \Box 稷 : 重 九 事 丁, 豈 江 代 可 憚勞?」乃 拜 嗟從昔,五 躬修 馬 祠 親 禮 祠 始 貮

皆婿 女 卒,贈 娶 從 子。 甚 嗚 無 横 重 州 昔 事 八 軍 陸 他 遭 洗 飭 呼 事推 公自 重 也 郎 其 人,其三 氏 痛 殁 口 手奉 宜 相 語 次 哉 于 雇 人。 故 台 夫 官。 迪 皆 以 1 舟 風 職 發 州 教 尚 功 由 亦 中 出 雪之苦 享 臨 子男五 運 子 郎 教 支 幼 罙 先 風 年 使 海 中 實 郡 自 監 卒。 俱 聞 真 六 縣 慶 孫 升 奮 鎮 將 不 有 人 + 之 派 將 元 男一人: 勵 巨 受公 江 : 可 女 有 趙 次 能 几 鎮 適 府 敏 稱 池陽, 師 無 年 明 又 陸 遺 延 中 荷 侊 怏怏。 正 素 官 慧 陵 澤 森 先二十 朝 之綱 從 月 朝 著 勤 忽 里 鎮 家 宜 事 約 丙 請 廉 趙 得 餘 去 選 黄 希 幼 郎、 微 潔 辰 大 郡 弟之 迪 内 委 夫。 也。 疾 功 年 之 助 尚 撫 而

縣 郎 臨 石 臺 安 鄉 府 龍 富 潭 陽 之原,敏 縣 主 簿 中 等 始 將 宜 人 以 + 葬 于 月 慈 壬 溪

申

奉

公之喪

合馬

斯

銘

E

中以 猶 家 生産 弊 E 厚 年 至 盡 明 人 而 熟調 友 白 甚 動 鄉 子 無 爲 見公之亡,傷悼尤甚。 官 處 悉 親 恭之名 所 空 公之處 盗 兩 也 故 怨 洞 害 謂 朝 其篤 其 故 無 之聽。 悪 廬 叔 及 諸 止 無 贏 家 舅 不 聞 西 於 於友愛,有父兄之風 不 路 問 運 偏 餘 檢 居 于 方。 隕 此 配 身謹 其 幹 鄉 小 時 欲少 涕 隸 耶 晷 蚤 大 仲 若從 出 之 ? 論 世 嫁 密,杜 待之鈞 增闢,竟莫之遂。 餘 母氏 舅 而 ,澤不及子,公奏闡 公荐 韶 交迫,俸 公素少 爐 尚 選 從 州 門 户之便,添 洎 書 宦 岑水場兵 以 以 省 禮 仲 任兄弟之子 臨 疾 應 故 表 事 人 舅 焉 役 持 裹 遣 緣 皆 又 所 奏 如 或 手 認 匠 以 計 不 心 至 外 之 音 近 高 而 治 與 聚 銅

> 經久 格 額 給 可 八之利。 據 省廪給之費。 縱遣 餘 敢 書 人以 大 概, 次 其 到 歸 庶 場 元 幾 配 及 後 四 州 人 軍 年 或 實 者 有 取 遠 照 於 方 舊

邪 殁 祥愷 兼 不 而齎志 備 祛 ,亦命之制 慶在 悌 猗 歟 少 師 ? 公之爲 載 汪 來 擁 起 氏 裔 家深 州 積 龍潭之原,往從伉儷 麾, 德 仕 政 數 1 (,慕古) 厚 非 世 0 不 義 遂。 先 循 舅 生 吏。 胡 承 淳 嗇 其 篤 害公客 傳,慈 其 有 文行 年

攻處先生文集卷第一百十

攻 媿 先生文集卷第一百十

鑰大 防

四 明 樓

墓 知 梅 州 張 君墓 銘 誌

銘

君 既 郎 明 陶 者竦然。 下不 至謁 張 安 年 世 和 龍 壯 卿 定 游 廟, 欺 氣 首定 由 爲 有 於 以 鋭 袁 浙 聲 民,終 廉 州 東 規 之 往 勤公平自 萬 壯 後 畫 爲 載 始 縣 9 之宰, 歷 凡 尉 如 号 數 聽 以 難 政 訟 捕 親 誓 神 治。 不 盗 追 黨 :「上不 其臨 以 賞 科 或 自 改 善 勸 出 之。 紹 右 罷 止 負 納 承 興 之。 於 聞 簡 務 間 几

載。 又籍 爲 時節 絫月 事 期操 盡 籍 自 至。 身持刃,决 仇,彼衆何 智者不 稽,公吏抱案 曰:「官府有 將合矣。」君笑不 '?」命置 魚 新 更 其家 致書 始悔 遲明 其崛 用 鱗 有宗 兵夜鬭 即 能 圖 薄 縱 之長 室子 强 問 盡 過 楮 召二人者 雌 居 之。 罪 酒,尉 無 於 察。 起 求 以 法,可 雄 處鄉 進 與强 幼、 市 行 居 而 免。 於前 俱 退,皆 防 君左右參驗,甲 者數 使 股栗 姓名、 鄰 背、山 媿 答。 削 容爾邪?」分囚 尉 民 邑衆 濫 一兩 至 惕 改,字 里 趨 爲 年。 有程度。 被 庭,謂 不敢 可 感 俄 年 告,公曰 仇,各聚]]] 爲 人 殺 以 服, 战 散 言,願 設 畫 遠 者 傷 糾告。 飲。 去, 保 日 君 生業 近 相 乎 分 : 如 伍 既 ? 顧 明 鄉 衆至數百 Z :「安有是 約 吏 相 之法, 纖纖 指 欺 胥 歸 相 無下,至 欲退,公 或犯 不 汝 明 保 又 諸 姦 糾 日 告 自 悉 猶 任 如 僞 掌。 敝 法 畢 繪 使 挺 相 復 略 簿 以

法

齊

無

敢

譁

者

有

士

籠

禽

於

市

爲

惡

由

不

翅

寇

盗

莫

敢

誰

何

君

白

帥

府

以

軍

或

答

. 謀

焉

白

革

湖

鎮

當

水

陸

之

衝

戍

兵

經

如

此

更薦之,後

日

書

問

如

待

子

姓

家

事

亦

歸

已

東

裝

矣。」守

日

試

子

爾

乃

能

岡川

果

:

梧

月

獻

緡

錢

千

計

未

爲

甚

難

如

貽

患

後

何

?

守

盛

怒

君

辭

益

堅

且.

日

.

寧

棄

官

以

几

\$

奉

命

惟

謹

君

獨

争

日

-

使

某

左

枝

右

則

口

爲

矣

0

一守待寮

屬

嚴

日

令賦

外

别

輸

1785

也

君

IE.

恐

上

官

以

爲

易

今

知

其

難

.

始

併

其

基

址

去

之。

初

謁

太

守

司

諫

施

公

元

迎

謂

E

邑

大

未

易

治

蓋

以

君

尚

小

.

爲

舟

行之害,間

有

廢

之,

僅

能

徹

去

浮

屋

君

下

果

也

豪

右

並

大

溪

爲

春

磑

以

擅

利

久

法

令易

行,井

若

畫

9

欲

以

獻

之

朝

通

行

天

勸

止

者

與

口

罪

牒

訴

誣

妄,

必

坐

其

教

令者

未

就

捕

而

君

已

知

其

私

忿

鬭

毆

了游

不

爲

之權 衡 敏 由 司 意 自 治 彊 俄 人 且 於 縣 有 淳 改 潛 熙 而 謂 差 聲 屬 守 擢 初 權 君 以 劇 毗 爲 元 有 自 邑。 發 郡 陵 既 機 此 遣 卒 者 造 是 密 升 均 不過數 朝 至大 時 矣 事 州 孝宗皇 奏 幹 用 來 几 制 辦 人。 均 年 詞 行 而 陛 帝 有 在 臺 有 如 辭 垂 云 評 管 派 諸 意 相 奏 内 軍 民 資 事 安 葉 審 風 公 稱 撫 力 計 淺

之,次 子 澤 子 台 率 撫 園 人 尚 朝 月 闕 改 産 通 論 序卒 幼。 勇 散 庶 歸 來 補 守 州 通 諸 助 判 丙 罷 自 官 崇 子 子 諸 判 爲 郎 諸 Ŧi. 衡 孤 俱 殁 多 於 不 富 君之人 州 筠 扶 兄 道 Ŧi. 未名。 可 于 翅 嗚 州 年 家 梅 孫男 . 觀 君 奏辟 耐 既 如己 善事 呼 郡之正 差 度、廙、庠、序、廉, 之喪遠 無間 又 授 几 廣,從行者多困 遭 知 六人: 君 先一 未 命矣夫 不 年 代 所 出 興 念之切, 其姑。 言。 事 通 幾 生 而 或 寢,享年六十有一 歸, 年奇之卒。 生 判 報 母 軍 初 奇之、湘 而 ! 奉祭祀 産 罷 廣 安 封 屬 悲苦勞勩 前 君 閱 安 娶伍 州 人方 孺 疾 既 論者又以 月 紹 人,後 人 未 受 於瘴癘,第 度 之、衡之、 慶 熙 氏,封 幾 ௱ 氏 攻 嘗 命 將 元 年 孫女三人 君 憂 人 苦 得 不 以君 年 悉 Ľ 適 = 今 官 安人。 躬 食 服 爲 所 主 年 以 梅 言 淡 封 親 除 難 安 環 止 管 祖 遺 + 州 四

> 之側 請 以 氏 起。 堪 王 君 0 寅 何 余於 既 其 袝 歸 既 始公ト 酷 葬 安 而 以 君 治 邪 人 而 四 壽 有 葬,尋亦 于 遲 1 年 藏 連,又以 之。 君 + 先 於 之 是, 鄞 弔 墓。 月 感 縣 安 君 齊年 疾, 丙 清 之諸 人 嗚 申 五. 道 之 相 呼 大 年 鄉 喪, 好 子 葬 \equiv 邵 尚 爲 又哭 天 月 家 又 君 何 之 以 橋 Z 求 禍 踊 巳 Ŧi. 袓 以 張 绺 月 不

彦,政 其 爲 散 贈 有 永 字 官 嘉 吏 郎 宣 部 奉 也 于 南 惟 和二 贈 郎 四 大 張 渡 朝 明者 夫。 始 氏 生七 年 遂 議 自 繇 居 爲 大 歲 仲 大父寅, 鄉 夫。 大 于 太學上 以 丽 了家焉。 吴,五 之 孝 孤 自 望 友 合擢 當 族 叔 贈 季之亂 稱 紹 祖 君之曾大父綸, 朝 衣冠 君 宏 進 興 散 + 諱 舉 士: 大 避 第,官 四 經明 代不乏人。 祖 夫。 地 年 順 東 行 父 來, 左 以 和 修 朝 邦 朝 累 卿

^{●「}季」,原作「年」,據殿本改

事 倉 決 支 嘗 轉 罪 道 其 有 廉 此 躬 議 列 至 其 獄 殣 家 既 登 日 日 稽 運 其 勤 平. 以 致 歉 於家 速 創 狀 酌 張 專 相 部 者 長 仕 簡 其 總 爲 前 5 7 欲 簿 公 望 從 恩 於 素 伍 情 其 案 未 縯 居 鄉 上。 書 補 禽 參 無 廣 最 以 君 問 不 久 曉 得 官 先 將 遺 儲 法 提 才 簡 條 詭 遽 自 暢 今諫 生 之。 所 仕 策 專 蓄 具 舉 首 發 目 隨 隨 世 愈 當 至 郎 以 優 以 陳 廪 雖 而 張公亟 手 務 判 議 精 念 盜 口 委 長 備 公 賑 多 失 剖 沈 張 密 其 紀 性 得 君 以 傅 薦 緩 守 給 析 資 公 窮 撮 爲 之。 不 氣 急 良 一稱之。 無 而 銖 之條 釜 明 爲 萬 死 爲 人稱 謂 不 義 所 無 後 游 載 悟 爲 强 提 自 君 容 報 所 經 編 衡 平允 有 廣 梗 刑 畫 許 敏 沈 女。 執 衣 略 梅 盜 綱 帥 陽 以 彊 姚 公愛之, 監 庶幾大 在 食 喪 E 司 公恪 侵 歲 竊 紀 精 萬 收 司 椿 以 委 而 相 如 權 勤 飢 發 之 不 歲 致 辦 備 率 F 成 Ш

間 之法 之,民 用 松 境 世 人 力 約 V. 調 途 彌 自 稍 以 是 利 不 竭 者 望 源 足。 木 事 爲 歲 官 爲 行 幾 石 不 瓦 害 能 止 舊 而 舍 罷 晚 亦 \$ 君 無寧 此 之, 以 又 欺 無 去之。 下 輒 樂 民 時 顧 自 擬 **令** 能 土 也。 倦 爲 從 居 衡 群 百 爲 鬻 彊 民 驛 歲 客 革 色 率以 + 陽 盗 奏 禦, 産 築 舍、 與 户 學 州 爲 郡 之 皆 草 爲 以 室 君 人樂易 社 毅 嫉 校 茅 劾 淵 群 庫 計 之 起 繼 F 兩 T 以 吏 然 廪、 竹 藪 良 責 屏 來 車 名 爲 禄 傍 供 女妓 爲 待 不 以 竭 跡 暮 即 養 者 日 兩 州 淳 屋 施 如 可 持 此 用 之 負 獄 又 復 士 家 爲 熙 仇 用 П 論 郡 也 龍 販 好 嘆, 其 計 之 之 間 公慮· 先 平. 治 奪 游 身 久 周 經 洞 役 實 有 惜 以 之 平 恕 魚 遂 人 見 汀、 理 火災 嘯 爲 後 居 其 公 而 遂 鱗 各 成 之 肺 聚 剽 念當 官 帑 見 爲 茅 贑 勇 有 比 而 急, 掠 廉 於 於 接 葦 爲 科 伍 用 通 更

1787

傳 已 對 如 而 有 名 試 者 出 之 Ŧi. 經 愚 之。 者 衆 六 輒 解 %後來尚 + 雜 泣 如 録 家有《 猶 著 下 君 **%** 數 可 0 龍 以 + 藏 嗚 治 得 游 行 卷、大 書 呼 以 縣 之 志 教子 考 政 捷 其 徑 書 爲 可, 古 一》等書 規 邑宰 編 尤 X 以 橅 次 所 以 不 云 而 留 方 皆 朽 寶 0 得 意 六 藏 銘 公見 故 名 七十、 甚 余 於 朝 飭 於 表 史 議

哀賢 芒 大於鄞 銘 于 尤 以 梅 徹 衆 刃 表之,尚 助 遂 不 張 于 頓 永 氏 帝 罹 又 著姓 君 嘉 變 前 不 起 龍 南 . 啓厥 故 勝 游 孤 渡 孝 謂 喪 藐 之 自 始 抱 友 以 政 此 負 爲 惟 邑 () 絶 升 吴 有 才 仲 X 餘 欲 自 尸 人。 後 漢 奮 祝 光 齎 起 或 良 前 志 輒 足 所 官 晉 11 而 以 至 華 于 治 不 ,支派 미 明 聲 晚 朽。 紀 哀 遂 試 燁

黄仲友墓誌銘

推 其父 所 氏 官 兄 録 推 È 子定之,又爲 行 余從 官之賢,恨 實 於 而 Ŀ 兄 銘 饒 編 之。 之官舍 修 娶 未 編 黄 識 修 氏, 壻 也 歸 葬 諸 定之佳子 暨 而 日 求 名 以 銘 族 書 也 來 弟 爲 訴 摭 聞 嫂

攷屢 釋。 贈 議 其 居 豫 中 大 譜 剡 章 大,贈 占 紹 大 矣。 者 先 君 士子習 前 興 生 諱 夫 又遷諸 曾祖 初 俱 列 宗 太中 建 本 諒 君 馳 爲 太學 舜 於婺州 字 幼 暨,遂爲縣 大 聲二十 諛言, 卿 而 仲 夫。 以 贈 孤 友, 之黄。 弱 漢 Œ 餘 父 刻 世 冠 議 唐 克 年 人。 意 居 非 上 大 寬 Ŧi. 問 洪 優 夫。 七制 秦 七 季 學 選 朝 之 申 世 有 手. 散 祖 雙 三宗 月 \pm 避 而 大夫, 彦, 井 當 卷 書 E 亂 不 不 或 季 朝 失 而 與

積

推

究

無

遺

據

法

子

奪

不不

容

毫之私

年

間

類

爲

四

册

近

Ŧi.

白

事

兀

年之夏,

幾

於

畫

諾

君

老

而

益

壯

剖

析

滯

正

季

君

翔

爲

守

布

衣

交

也

郡

事

警 之禁 授 始 出 多 至 盗 訟 淳 犯 兵 賈 丙 捕 處 調台 人 納 不 案牘 以 之邪 子 往 竊 勇 之 幕 州 防 熙 惟 識 委 公 逐 而 職 遂 州 閑 高 Ŧi. 君 ? 之, 謹 行。 前 宗 或 甚 昌 甚 資 年 Ш 口 參政 苦 娶 裝 痼 多 流 君 季 官 或 竟 之,皆業儒 先六年卒。 未嘗 野 君 公士 趙 疾 脾 有 于 東 以 復作 自 縣之孝義 令憲之諸 氏 歸 濕 君 + 獨 資 孫 筏之女。 月 失色。 不 放 融 雖 女 他 彊 戊 就,識 遂 意 州 多 四 次 毅 無 寅 女二人,長蚤 求 林 觀 在 鄉魯墓之原 孫 即定之,登 嗜 卒 遂 致 察 壑 而 諸 聯 也。 好 者 昌 于 其 與 使、 孤 姻 高 以 邑 事 竭 E 惟 人 將 孫 之。 天 贈 樂 庠 寝, 力公務,不 謙 教 以 男三: 轉 族 開 餘 草 仕 子 和 ,合趙氏 Ľ, Ŧi. 承 享 府 子四 年 創 郎 袒 甚 年季 事 年 及 儀 次許 免 力。 季 郎 見 七 未 次 人: 百 親 秋 雅 之墓 + 見 幾 嫁

舉

境

接

建

安

俗

獷

悍

小

歉

則

0

里

Œ

嘗

以

嘯

聚

聞

君

吸

率

所

部

操

X

徒

相

顧

駭

曰

:

黄

佛

出

矣,

忍

尉

年

近

六

旬

而

勞

苦

不

憚

登

名薦

書

儕

輩

歎

服

時

命

不

偶

始

以

特

恩

補

將

仕

郎

明

年

中銓

法

「當

補

有

七

司

潤

疾

革

與之,

之、尚

密

秋

賦

多

越

趄

其

行

君

以

素

業

治

通

鑑

》 爲

何

書

<u>二</u> 十

六年

歲

在

方將俶

墮容。

更

化

之

初

公道

大

開

申

挾

書

道

時

文

人中

不

復

及興亡治

亂

事

9

子 不 能 ,翕然悦服 備, 君 悉 力整 尚 書王公佐方 辦 爲 之 尹京 新。 丁 邑 前 課 祭器 交 輩 游 試 貽 士 亦 至 源 法參

軍

到

官

適

歲

大侵,

義

倉

相

與

遁

去,一境晏然。

十年任

滿

尋

授

信

州

軍

事

推

官

慶

元

年

姚

銓

某

H

葬

季

文、

之。 絶不 家。 我 時 堪 冒 語 E 相 輩 居 繁 乘 見 賀 故 亂 銘 自 西 劇 傳 唶 在 學 青衫 知 有 掖 号 0 之寄 丹 日 高 君 命 闢 以 隱 丘 人 白 前 諸 尤 鸒 老 以 時 退 輩 詩 髮念君 子 深 自 舍 爲 老 政 寄 無 先 直 顧 以 推 知 人, 君 歉 他 閣 生 延 有 言 此 有 遲。」三數 然 言 尚 生 田 有 典 可 0 0 爾 公 員 文 云: 刑 惟 禮 見 即 渭 淹 集 爲 以 部 君 以 以 恤 允 進 斯 之 公皆 尚 金 舉 倉 謂 + 文宗 業 爲 書 乃 馬 削 使 老 卷 保 **\$** 尤 人 上 玉 來 成 按 主 藏 0 家 庠 堂 公 吾 郡 之 於 勉 故 袤 慙 徒 垂 尚 詞

尚 爲 不 啓 不 售。 厥 壽 旰 後 晚 嗟 黄 日 服 月 官 君 逝 政 馳 矣 感 騁 用 歎 文 有 不 耆 及 舊 0 究 0 少 畫 踰 善 七 雋 積 望 聲 八,不 慶 不 餘 爲

君

實

爲

藝

祖皇

帝

系

孫

贈

保

康

軍

節

度

趙 深 父 誌 銘

哭聲 習。 父之喪 矣。 石 肾于 之子 之臨 甚嚴 子 之言 丘 里 師 嫂 不 哀 石 信 我 妻之。 慶元二年,君 海 最 日 長 合焉 忍 哉 營保之原,而 與與 諸子 既 矣。 愛 兄 : 季女, 聞 ! 績 以淳 之游 武 後 聯 請 溪 求 母: 德 以 婚。」 石 中 尉 銘 安 熙二 聞 處 夫 誉 科 近 蚤 於 人 既 小 婦 世 去 第, 被 制 審 余。 馮 後 悼 年 溪 偕 所 於 之官 È 服 改 賜 氏 \equiv 多 寓 老 居 忍 鄉 謀 儒 尚 師 進士 子 居 有 才 銘 評 無 雅 潯 杜 趙 Ŧi. 賢 甫 葬 君 里 門 恙 出 日 氏 女 略 字 於 稱 几 平. 許 然 身, 約 家 以 年 無 深 通 哉 居 法 次 女二 將 膏 遂 得 其 遠 父。 而 婚 舉 梁 君 以 尉 第 鄉 教 媒 嫁 子 深 Ľ 白 之 既 兄 子 台 妁

以

職

事

相

窘

君

弗

恤

也

有

 $\ddot{+}$

將

雄

狡

無

賴

玷

起

終

直

其

事

人皆

稱

平

\$

慙

H.

不

樂

時

E

事

人命,今日

Œ

欲

得

實

耳

0

長

揖

而

察

御

移

P

興訟

,令受私

謁

諭

君

毋

生

事

君

正

色

方

爲

以

此

受

知

於諸

公。

邑

民

自

經

而

有

傷

又

以

台

人

前

政

莫

敢

誰

何

偶

有

犯

當

治

輒

肆

言

日

賞

事

尉

欲

我

不

望

改

官

邪

君

真之

理

窮

詰

識

面

,真公舉

也

天族蕃

衍

人才

衆多

昆

六

八

受賞

照照

驗

明

備

終

不

自

言

又

達

於

吏

事

掖

也

在官果

兩

得

强

盗

獲

私

鹽

甚

夥

当

應

會

後

授

室

彊

敏

自

喜

始

調

官

或

賀

之

H

難

治

海

尉

多

以

捕

盗

改

秩

者。」

君

以

爲

非

吾

志

授

紹

縣

大

抵

居

官

廉

儉

謹

蓄

俸

餘

以

爲

待

次

以二

也

武

德

生長

承平

南

渡

流

落

居

几

明

之

鄞

使

潘

子

蓋

祖

也

主

管

台

州崇

道

觀

伯

迅

武

德

丞

使、

高

密

郡

公令儇,

君

之

曾

祖

也

贈

武

義

大

宿

過

計

與

鄰

里

不

以

財

交,故

内

外

肅

然

深

父

生

而

奇

尨

長

服

義

方

自

力

於

學

登

第

Ŧī.

年

Mi

交薦 彦逾 以 爲 處 干 不 節 至 仲 之當 曲 郡 部 度 進 幾 Ŧi. 屏 推 僅 年 僅 當當 素 胥所賣, 齋 居 於羔 ,首授 人情 官 四 知 議 Ш 二考而 以 其才, 月 之,或 閒 留 此 鴈 戊寅 ,合法意。 京 再 守 成 俱 憂 往都 見其 尚 歸。 削 卒 至夜 群 得 患 者 書張公构多以 之 添 參政 盡 下 既 分而 餘 差 鄉 衆議 0 調 公贊 幕官。 人 名 又爲 久之 嚴 後 、榮之。 徹 畫 州 有 退。 之延 一,受輸 得 未 節 天 君 定者 疾 度 滯 聽 授 大資 本 掌 譽 訟 逆 決 建 照 無 旅 諸諸 書 屬 趙 獨 事 康 意 移 記 遂 招 無 公 府 司 於 狎

意 性 疾 而 而 經史。 質 遽 止 不 直 困 於 用 哀 之那 蹉跎 儒 哉 忍貧 林郎。 同 寮 自 至 若人之不 賡 一此,知 立 子 素壯 和 希 職 往 侃、 己 强 務 淑 往 方 之外 飯,年五 希 也 傾 當路,可 儮 ! 其 ,女未行。 進學不 座 始 十有二, 既 以 辭 倦 伸 心 盜 計 君 賞 何 垂

> 所 變起 知 孝 精 見 用之目甚悉,其子 日 . 邪 於 編 友 密 「我 ? 勤 倉猝, 世 治 按 一,遂 謹 且 葬 以 公 事 吞 以六月某 自 死,汝輩 從 昆 志 奉 如 仲 事 家 而 澹 方議 適 已矣。 事 薄 請 從 奢 日 不 言 經紀 日 此 儉 -務 不 爲之。」 之 方鼓 銘 之。 華 妄 何 中 日 飾 發 用 盆 希 兹 爾 噫 持 時 偘 思 ? 聞 論 等 手 有 計 甚 君 贵 出 記 以 IE 舊 費 有 忽 自

帝 止 承 慶 斯 都 之餘 乎。 父子之賢,聞 君才甚 兄子 既 優 殂 知 于 又 己 鄉 銘 當 間 其 塗 夫。 兄 弟 謂 進未 尚 之美,徹 惟 女,而 諸 孤 于

安光遠墓誌銘

聞 安 君 淳 光 熙 遠 + 詩 年 聲 方 日 懷 褏 東 長 嘉 箋 之 臨 綬 門, 於 倒 屣 頗

光遠 父詩 之, 踵 西 志 可 四 門 未 觀 年 葬 卷 倦 貌 能 以 七 也 君 甚 余既 比 于 銘 月 相 偉 余投 又六 鄞 丙 過 爲 文 0 哀 縣 請 辰 年 閒 甚 光遠 之 已 也 手 里 過 Ι. 通 而 編先 居,故 之不 遠 六 聞 余於 與 年 其 鄉 集 之語 遇 諸 病 外府 建 人 遂 ,愛其子之克 隩 罕 列 孤 不起, 載 南 不 求 纚 將 見 行 Ш 纚 以 跋 實 者 口 實 其 四 其 聽 粲 次 月 慶 大 獨

迎

베

開 訪 節 雄 後 節 元 使者 府 封祥 度 度 唐 勇 使。 留留 中 功 居 惟 符 安氏 臣 書 後 小 父時 習 門 祖 縣 守 溪 寓 下平 系 忠 鎮 建 從 出 世 武 四 即 炎 章 + 義 祖 德 君 唐 辟 事 年 郎 大夫,真定中山 也 之 地 0 金 矣。 九 忠 著 全之 曾祖 世 義 籍 世皆娶 君 祖 傳》 後 希 諱 于 文,崇 明 金 昭 或 司 今爲 趙 藏 祖 府 徒 朝 氏 五 路 信 忠 勳 慶 代 家 廉 果 籍 軒 軍

教 過 之帖 1 自 題 從 劉 雍 訪 次 非 氏 東 已 不 之傳,幼 0 ,脱手 日 熟 能 公 始 未行。 歸 從 爲 義 帥 辟 亳 若 待人者。」 從義 仕 知 狀 蔡 以文采受知 義 益 正字王公衜 竟至 彊 社 己,出 不 其 公靖 ,成句 敏 秀發。 得 手未 左 顯 孫男 年 去 行 捐 悟 疾 承 踰 華 游 委 ൬ 館 力學,抗志 議 人不 觸 自 性 四 父子 頓 家 見 棄 女三。 者。 郎 端 尤 謂 祐陵,與 + 之銘 類 學尤懿,見 執 疾 中 能 静 與 君 急 得 喪 書 短 美 舉 衣 憂 寶 相 難 哀 君 輒 檠 女二, 之 惴 高 學 動 捨 之 福 毁 或 兄弟終鮮 君 屏 相 孫 邁。 篤 願 義 劉 不 數 密 世 去 對, 於張 悲 以 愛 既 苟 公子 天 宇文公 長 歲 爲 從義 子 感 身 之, 冠 屬 至十 歸 名 絶 代。 公 男 行 羽 莫 承 將 馮 澣, 擇 同 無 此 指 總 路 几 厚 餘 加 虚 季 旋 客 師 子 繙 豫 物 父 得 至 0 載 善。 中 也 都 弟 祖 廉 即 勝 命 書 以 祁 1

1793

然

家

遂

屬

筆馬

子

Ţ

元

特 老子」。 莫激 素 君 鄭 子 競 弼 壽 爲 命 日 冠 窺 心 之學。 嚴 不 銘 黄 春 艱 : 與 而 未有 及疾 中 有 後 其 魏 深 昂 君 重 科 見喜 鄉 相 知之。 墓 公 文 之 好爲 舉之不效, 革 以 推 \pm 與 家 期 舍後築圃 退 集二十卷, 從 詞 文發 德 愠 爲 爲 人 紹 政 醫 處 容 古文 之 長 新 文 至 以 先 喪 檜 碧 每 觴 者 色。 君 會 身者,扁 是 志 龔 葬 未 谿 詠 日 ", 酬 爲 益 尤工 命 養 俱 效 中 每 名《通 Ш 應 倡 也 肅 蹉 備 至 而 正 如 戒 之 之友。 中之 闢 益 Ι. 於 跎 裴 哀 薛 其 刲 子 亞 君 詩 遂 禮 高 夫 至 迪 室 村 清 股 客惟 弟 徑 亦 兀 之 到 五. 遺 平. 日 卿 君 以 勿 致 敬 意 云 自 + 在 處 自 藁 尤 澹 進 與 仕 雪 事 觀 湯 於 以 ·, 始 輞 **%** 號 與之 敷 却 人 應 窗 與 義 孫 行 世 盡 家][腴 物 無 慨 辨 君 張 派 襲 將 通 理 其 人 厚 也 是 諸 良 武 歎 相 奇 不 村 性 朝 衣 竊 歡 無

> 家 醉。 事 超 才 參 則 素 比 好 府 棘 非 閲 傳 古 取 愛 詣 Ŧi. T. 中 以 待 充 書尺 客 + 内 所 不 氣同 稱 誠 亦足 徐 其 衰 有 典 然 聞 其 客 待 自 行 志 一旁接 往 有 見 七 以 文, 人 至 釋 緩 者 先 而 得 合 來 知 趣 解 世 劇 疾 也 骯 久 有 或 諸 君 備 又 談 遺 病 而 可 髒 而 館 禪 所 酒 日 自 書 己 觀 高 相 存 示 致 垂 肴 跌 1 乎 者 矣。 訓 簡 殘 紫 絶 葬 坐 禮 横 擷 諸子 猶 編 日 莫 亦 内 地 至 法 逆 蔬 銘 大 斷 謹 窺 外 深 自 之 不 買 書 室 日 無 簡 其 無 藏 夜 將 來 偈 復 魚 無 皆 待 際 之。 閒 不 世 長 語 不 出 陶 言 手 如 動 物 閒 門 筆 自 識 客 然 在 詞 意 年 札 整 喜 荆 意 去 惟 徑 而

而 行 縱 横 毁 於 維 窮 卒 後 優 亦 游 不 樂 雖 施 \mathbf{H} 困 日 以 里 得 而 昌 以 志 亨。 其 得 未 此 奚 知 生 其 江 與 爲 Ш 此 彼 政, 爲 孰 其 助 不 重 憂 言 於 筆 丽 孰 1 乃 而

者乎?輕? 安氏之積厚矣,非此其身,後其有興輕? 安氏之積厚矣,非此其身,後其有興

朝奉大夫李公墓誌銘

夫。

妣茅

氏,贈宜

人。

定 賢 爲 府 删 家 壻 爲 而 舍 冠 之餘 入上 官 孰 諸 有 定 傳 太 用 文,奇之。又喜其端粹,遂締姻焉。 孝 吉 生 不 師 其 太 時 姚。 謹 師 知 1: 再 時 庠,太師鼎貴,公退然未 淳 以 爲 也。 相 其 以 史文惠公兩 E 公對。 熙 太師 先。 孝宗 爲 如 此 五. 公諱 此 派 教子,以 年二 爲 蓋 一相壻 垂 即 太 友直 尉,與公之父游,見 其天資寬宏, 意 月 除 師 登 者。 人 詳 也 尤 ,字叔益 此擇壻 相位,其 物 定 器 其 有 重 活 以 司 之。 日 於 嘗自言 務爲 世 資 持 勑 問 玉局 勢利 淺 既 論以求 **\$** 太 家 忠厚 公甫 爲 李 所 師 登 公所 紹 公 删 子 科 興 自 同

> 贈 祖 翕 者,雖寝前命, 奉 尚 然以 邕 直 爲真 大 州太平寨 夫。 古古 父梓, 士: 至七年 主 可 簿。 謂 承 再除,始 冰 務 清 祖 郎 竑 玉 9 累 ,從事 潤 就 贈 矣。 職 朝 郎 請 公 朝 曾 大 絫 論

擢 稍長 郎。 就。 夫 俄 曾 貢 救 縣 游 人人憂。 荒 È 首名薦 遭外艱。 人 几 京 益自 輪 才半 簿, 人 遂 公幼警悟, 漕運 登二 師 對 踵 易 淳熙改 載 晚才 「刻厲。 便 入太學,公最 、附試三事 書。 太 乾道 殿 以以 年 平 進 進 得 修 後以 蚤已 之 元 \pm 初 È 進《條 止 試 蕪 第 ,該免省 簿學行 官 詳 恩 能 授 ,孝宗嘉 上舍, 湖 以 雅 綴文, 免 法 敷 迪 詞 延 未 舉 事 爲 者 師 中 功 賦 上 奏明 類 優等, 里人所宗, 父祖奇愛之, 納 五 將 郎 得 儒 而 再 訓 人,公獨 名 有 白 悉以 特 明 上禮 屢占 子 勑 又丁 州 改 孫 付 局 慈 承 歷 部 孫 茅 之 谿 E 中 不 陳 奉

增 公間 希 謙 事 彦 觀 杭 怕 歲 去 爲 愚 民 口 公深 餘 敬 意 怕 答 穎 驟 忠 奉 或 和 則 列 荷 樂 若 焉 + 得 序 爾。 復 行 且 而 不 或 叱 中 郡 遷 合 諷 信 易 歎 + 失 不 求 去之,一 派 年 公外寬 事 方 公謁 後 年 之, 其 故 能 惟 外 郡 事 蔣 遠 議 言。 步 輒 是 通 補 擬 丞 未 不 E 公 廟 識 者 之從, 稱 判 以 官 嘗 忍 繼 明 内 堂 遂 金不 也 而 婺 容 立 治 丞 以 以 欺 則 周 明 施 倅 從 州 臺 附 相 禮 爲 也 不 口 行之, 九 湖 政 取 吏 博 容 試 王 字 守 以 可 年 雖 州 引 既 士處 務 魯 之 也 裁 自 既 便 干 不 皆 至 例 大 公諭 公日 決 額 主 媒 歸 鄉 以 爲 劇 知 卷 郡 體 公、言者又 提 管 於 私 卒 宦 郡 異 無 公賢 公 使 以 而 : 刑 諸 參政 台 如 數 情 止 不 求 略 陳 亦 州 吾 僚屬 攝 公。 公言。 易 均 厚 丐 倅 苛 愈 李公 崇道 公公 不 承 知 守 每 謂 薄 當 細 祠 以 當 居 吏 肯 盡

嘗曰 之區 得守 公不 也。 辭 患 爲 釋 亮 無 人 忍 以 必不合。 人 、公爲 以 發 守家 兩 吏 不 與 偵 提舉黄公遹 賢之。 事 尚 可 畫 前 私 與 師 迹來守, 邏 獨 「公澄之不清,撓 其 吏, 書 書 事之,始 監 遂白 使 以 日 無 此 公不 程 壻 以 者 試 敢 至 詞 與之俱來, 後守 文 几 隮 數 聞 譁 彊 賦 何簡 ·改其 前 微 人 書, 人於 符 之弗 者 將 定 終 敏 擢 期 公幾 至,未 公大昌 移 戎官 列 取 賓 明 險 度 上 以 旁 考官 罪 薦 敬 察, 四 乎? 訪 殆 第 己 午。 也 將 煗 守 于 人。 不 舊爲 矣。 鄉 9 之不 官 而 爲之 以 席 朝 發 老 先 吏 頗 可 劾 去 後 亟 之。 深 時 秋 公 司 海 嚴 是 降 肆 得 焚 具 窮 去 取 業 服 與 賦 力 真 之,止 郡 憚 得 詰 公曰 色 求 ,外臺怒 加 計 鑑 多 辭 解 籍 有 素 其 之, 親 决 淵 皷 裁 偕 Ħ. 之。 其 舊 知 於 疏 : 乎 守 者 譟 謂 械 爲 家 公, 似 精 亦 + 果 公 趙 其 何 未 時

道 貽 至 者 書 哉 E 無 . 瑕 侍 公 口 指 郎 如 莫 美 公叔 此 玉 平昔 古 光 未 代 之 嘗 所 公 敬 爲 掩 慕 瑕 删 未 定 而 郎 易 純 及 嘗 粹

也

其

爲

名

勝

所

重

如

此

閑 壘 觀 誠 也 公 勉 曾 月 委 以 知 厚 曲 自 Z 居 日 疾 臨 至 經 亥 後 非 脩 時 勉 求 江 詭 擢 慶 ൬ 卒 門 兩 得 廣 諭 閑 軍 用 兀 本 地 月 于 德 改 派 便 甚 者 謂 志 近 郡 疾 既 命 相 守 正 方 力。 兀 公 也 益 事 未 不 制 余公謂 寝 E 許 辭 必 侵, F 簡 可 得 今 除 曾 復 遠 留 П 左 祠, 職 求 \exists 申 次 可 网 年 派 事 又爲 致 謁 任 前 而 而 需 以 六 相 官 何 其 就 告 請 通 ___ 公之至 卧 + 之易 京 造 改 取 事 見 歸 判 治 有 禄 公 矣 交 之 者 相 成 竟 意 六, 親 廣 廉 府 方 毋 都 君 以 德 謂 趣 許 Ŧi. 邪 惜 公 積 即 其 相 府 憚 之 年 拜 謂 官 之 Ħ. 以 年 玉 遠 夏 起 州 許 至 局 恩 求 行 諭 小

> 先二 蘭 監 安 官。 婺 朝 在 人。 府 州 尤 室 風 紹 奉 哀 年 賡 大 鄉 新 浦 興 之。 諸 孫 卒 夫 新 江 府 城 庸 男 縣 湖 孤 和 縣 皆 賜 子 劉 將 \equiv 主 蓋 旨 尉 蚤 緋 公隩 以 人 簿 四 宜 酒 趙 世 衣、 六 ; 人 庫 X 師 年 之原,合於宜 該,將 日 朝 史 銀 古 四 庸 九 日 實 祥 魚 而 女: ; 月辛 賡 之, 卒 而 仕 日 公以 長 史 庲 郎 實之亡 日 酉葬公于縣 宜 次 適 以 康 謐 莫 人之兆 人 適 迪 公遺 修 有 功 迪 捐 矣。 詡 職 郎 賢 功 館 澤 郎 郎 操 之 女 餘 補

鄉 藏 明 人 人 草 邃 于 取 切 有 家 箋 於二 去 石 鳴 號 刻 奏, 呼 爲 無 必 詞 禮 談 得 留 求 氣 公金 》,屬 體 笑 藁 焉 雄 成 渾 他 篇 公既 玉 文 凡公所長,不 有 似 長 人 初若 其 碑 没 也 於 志 爲 駢 僅 簡 未 銘 人。 四 裒 始 淡 贊 儷 經 無 以 等 字 六。 嗜 意 自 畫 白 出 好 餘 遒 衒 間 詞 輒 篇 美 也 爲 爲 經

之 終, 産 亂 無 坐 康 里 不 清 餘 誘 恩 性 顧 曰 E 非 德 少 閶 見 修 年 掖 意 至 竹 得 無 而 色, 喜 而 後 孝 ,識公甚久。 寡 謙 有 耋 不 色 吾 喪祭 趨 隱 口 榦 進 欲 愠 謹 加 穉 至 温 以 或 禄 , 憾 人 蠱 之 積 亦 莫之 城 潤 進 之 辱 絶 訓 無 不 者 善之 色。 丘 咨 即 邑。 及 急 不 士 賢 口 子 竟 嗟 不 知 委 親 以 起 若 遽 不 H 效 成 故哭公之喪 既 言 也。 介 壑,不 以 痛 家 肖 弟 屏 終 無 邪 又同 人之美 懷 佐 家 惜 人過 示 醫 身 小 仕 先卒 事 歆 接 以 帝自 以 異 藥 謂 至 朝,婦婦 疏 其 某 以 趣 俾 爲 無 二千石, 家 財 杜 至 父子 賢 恐力不 禮 向 恨 足。 毋 月, 復 者 門 人 喻 屬 王 歸 見 多 幾 無 犯 使 却 義 纊 出 氏之姪 忽 多 故 我 若 就 者 掃 自 不 不 無 將 告 焚 及 於 不 人矣。 忍 盡 不 見 或十 知 太 以 築堂 事 香 族 哀 之。 歛 勸 校 子 歸 語 善 既 生 師 默 黨

> 銘 來 概 康 日 嘗 故 與 薦 康 某 漕 之 來 臺 求 次 銘 子 進 實 學 康 爲 不 謹 僚 르, 愿 壻 是能 克 稔 孝 知 世 濡 公 其 染 平. 家 有 日 者 自 大

餘 退 不 實 自 昌 淑 虚 于 足。 温 阚 鄉 猗 良 來 恭 施 歟 裔 李 於 儉 云 胡 公,渾 先 有 政 不 聖 弔 如 金 規 古 喪 橅 璞 此 循 玉 吉士 門 良。 終 人 始 從 進 稱 如 事 慶 於 必 有 朝 有 慊 無

知復州張公墓誌銘

渥 太 二公翊 師 告 視簽書樞密院,君 史文 孝宗 老 贊 而 惠 龍 爲 歸 公實 潛 多 妙妙 上 爲 文 選 意 費 惠 寮 臣 恨 讀 既 寀 相 用 相 直 端 遇 之 講 忠 口 明 不 簡 謂 張 盡 内 爲 盛 忠 禪 恩 I 矣 簡 之 數 部 公 公 優 尚 與

陳

遂

改

荆

南

路

提

舉

常

平

茶

鹽

公

事

六

年

許

改

除

且.

諭

公

日

他

H

莅

職

毋

忘

所

明

E

爲

之

嘉

歎

問

闕

在

何

時

以

實

料

即

通

州

七

月

陛

辭

因

論

常

平

利

病

敷

奏

詳

忠 温 敏 之 簡 諱 永 少 遭 興 持 論 害 節 罷 除 X 境 公 大 體 之 劾 臨 寮 仕 遣 吏 進 T 之慢令者 自 寧 此 之 龃 意 龉 矣 忤 疚 心 日 + 品 事 年 意 書 利

闡

母

盧

氏

紫

贈

魏

或

夫

人。

公資

彊

嘉

曾

祖

稹

祖

忱

贈

中

奉

大

夫

諱

仲

梓

字

才

卿

忠

簡

次

子

也

世

爲

承

義

方,

力

學

博

記

年

+

四

人上

庠。

時

中

管 通 州 建 ,俱 寧 府 不 武 赴 夷 Ш 凡 沖 佑 授 觀 祠 禄 後 至 知 慶 江 州 元 改 再 元 知 主

始 爲 网 浙 西 路 安 撫 司 參 議 官 秩 滿 知 復

州 襄 四四 沔 年 地 卑 赴 水 郡 淮 閒 古 號 竟 几 陵 歲 僅 廢 置 熟。 靡 定, 富 旁 商 歲 枕

公至首訪民瘼,嘆曰:「種未入土,民已無

儲 所 告 粟 禁禁 糴 可 IF. 商 無 販 以 處 又 此 廣 乎 爲 收 糴 謄 之計 書 帥 漕 倉 借 廪 充 所

薦

其

才

孝宗念舊學之子

即

H

召

對

閏

月

儲

倉

九

年,

史公以

使

相

帥

福

州

過

闕

力

興

年

1

忠

簡

憂。

乾

道

Ti.

年

差

監

行

在

豐

首

以

鹺

茗

貸

民

秋

取

民

米,

大

艑

稇

載

而

去

也

明

年

授

右

迪

功

郎

監

潭

州

南

嶽

廟

隆

興

+

年

以

明

堂

恩

補

將

仕

郎

非

公

志

上

月

書

季

攷

率

在

前

列

又

兩

預

薦

書

紹

興

學校

更

新

在

選

多

名

士

已

能

與

之

相

下

改

宣

義

郎

一月除

大理寺主

簿

淳

熙

兀

年

遷太

府

寺

丞

四

年

乞

外

補

知

實,邦人賴之。野曠多盗,重爲民害,公分

去。 置 鄉 兵 期 年 部 公感 分 嚴 末 整 疾 犯 視 者 事 痛 不 懲 少 以 懈 法, 盗 未 幾 爲 引

革 積 -,遂以 官 至 朝 Ŧī. 請 年 大 + 夫 月 辛 娶 酉 周 卒。 氏 享 朝 年 議 七 大 十有 夫 奉 先

遺 爚 補 歲 之曾孫 澤。 將 通仕 仕 孫 郎。 郎 年 視 女二人。 , 既冠 永 二月甲 女三人。孫一人: 嘉 先 而亡。 午卒 生行已爲大父行,少公一 -,封宜-次 烜、燠,俱 人。 垣,當 男三人: 以 公任 授 公

縣 將 奉 然 簡記 竟 家 理 宜 自 通 ·忠簡 自 經 之吹臺鄉 以 不 抄 0 人 偶 幼 既 録 餘 性介特不好華飾 公蚤 樂, 擢 登 年 暇 穎 闔 守九 終不 十 歷 中 所爲詩 諸 仕 悟 門 西 月 閒 版 艱苦, 忠簡 子、 無 江 嫁 見 山法濟院之右,來求銘。 甲 又 困 閒 亦 時 戚 申 漢 文 於 言, 再 公家 奉 戚之色,家 盈 晉 不果 煩 薦 公及宜 善 帙 圖 (言,才) 唐諸史, 晚 于 尚 相 ,簡古邃 出 既 史之外 外臺 窶, 其 貴,家事 ト築 不 人之喪,合葬 夫者也 傳 相 鉤 得試。 四 有 與 他 深 奇 謝 上 今藏 刻 自 撮要,手 無 賴 禮部 苦 池 來 長 孝宗 公經 某於 以以 矣。 于 陶

> 諸 公之在 客授 公家爲 卿 故 春 爲濠州 同 公之季弟 不 卿 孫 列 爲 公鄉 繼卒 得 從 秀發,人皆嘆忠簡 同 復,春 辭 有 ,伯兄之子 班 年 延卿 連,歲 于郡,遠不 而 進 公公 後 爲 士,獲 卿 人議 又 之銘 爲 假 在 以 寮,公方丞 晦之爲 華 守, 拜 癸未,與公之弟尚 幕,交情 能致 忠 文閣學 銘 昆 君 簡 日 仲 東 泰 子之澤。 下風 偶 芻 州 外府,居又 事 士守 皆家 契 而 日 鎮 迨 門 駭 夫何公與 居 益 官 悼 江 几 書 實 郡 比 延 加 勑 春 公春 鄰 局 守 厚。 卿 卿

之,以 薦 相 木 隨 流 紳 落 忠簡 九 詔 原 君 孫 復 深 承 子。 政 義 醇 君 未 求 子 方 蚤 報 之澤,其流 之古 而 人 太學。 乃 人。 忽 位 焉 未 嘗 嗇 已。 哀 顯 台 哀 于 輔 我 介弟, 朝 維銘 望 卒 懕

媳先生文集卷第一百十一

攻

攻媿先生文集卷第一百十二

四明樓鑰大防

墓誌銘

朝

請

大夫史君

墓誌

銘

者 密 舉不乏人,其興又未 兄之子是爲 臣,而史氏 自 公。 四十年 八行先生 几 吾鄉 明 不惟賞 衣冠之族,紹興 益 之登 以 太 大。 師 純 德奥學, 政 會稽 延 故 地者,實自公始 艾也 繁衍 君 郡 之高曾皆重 前 積善餘慶,是生樞 王文惠公,位 以來莫盛於史氏 盛 決取 哉 世 科 疊 君 樞 者 追 極 樞 密 紫 贈 人 密

宗登極 朝散 \equiv 郎 親 以 慶元 之子 餘 使 調 廟 將仕郎,是年十月授右迪功郎、監潭 氏 曾祖妣 左朝奉郎 諱才, 嘗任端 司 福 以 年,差權 不 紹興二十四年歸休,三十年致其事 ,封齊安郡夫人, 絫贈太寧郡 以年勞積官至朝請大夫。 用 便養。 郎。 準 赴。 府。 州古田 也,諱浚,字堯翁,世爲明州鄞 舉 備 恩,循修職 葉氏、祖妣 主 曾祖 紹 崇憲靖 致仕,絫贈 差 改宣 通判 源照五 三十二年丁樞 縣 遣。 明 尉。 簡 婺州 教 殿 祖, 年,今上覃 Ξ 淳熙 郎 徐氏,皆冀 郎,再 學 九年,文惠公帥 知 詔 士、簽書 金紫光 知 明 十六年,光宗覃 JL ,俱 紹 州,辟 幸祠。 年 贈 興 密憂,服 秩 恩轉朝散大夫 嘉 禄 國 太 府 滿 樞 爲定 夫人。 大 夫 泰元年引年 師、冀國公。 新 乾道 密 關 夫。 人。 昌 院 閩 除 人,今爲 海 州 縣 陞 奏君 六年 以以 引孝 事 妣 樞 恩 從 制 南 樞 9 避 政 置 官 轉 + 密 孫 密 嶽

身, 昌、 爲 嗚 致 政 仕 呼 有 婺 處 **贵** 家 女 虚 兩 君 居 年 己 語 任 年 鄉 無 九 哉 月 復 圃 又 + 日 宦 所 皆 而 卒 至 情 以 得 於 聲 古 其 官 家 績 人 見 口 前 歸 享 於 紀 輩 自 年 施 自 婺 七 設 其 女 + 期 者 奉 有 才 是 親 止 Ŧī 立 新 六 亦

殿 齋 足 念 登 埭 奇 密 而 進 不 岸 爲 以 對 退 時 每 簽 處 成 古 日 樞 日 有 樞 日 密 幕 吾 自 分, 遂 數 必 密 之 樞 志 無 通 東 喜 大 百 待 使 密 矣。」 歸, 歉 艘 人 書 曰 往 遇 赴 樞密 相 . 以 方 弟 君 來 極 參 餘 持 俟 已 郊 欲 之 吾 厚 政 被 旬 杭 壯 户 恩 全 姑 舟 李 召 餘 外 矣, 不 試 君 晚 君 以 莊 將 能 之, 節 侍 方 敘 謂 寒 簡 行 公 及汝 大 就 暑 加 公 君 猶 而 贵 吏有 傅 行 寧 守 如 總 日 氣 耳。」 當 永 : 角 貌 附 己 次 以 以 嘉 泰 公 學 某 白 舟 爲 長 李 吾 郡 拱 之 之 樞 獨 安 爲 金

矣。」 校 一。可 境 不 居 則 備 城 食 子 遺 如 發之。」 日 同 風 一吾 當 捕 以 衣 相 僕 上 始 居 不 氣 雨 極 惟 性 夫 海 揖 用 喪。 與 深 誠 敢 不 而 金 典 寇 爲 樞 者 家 篤 而 潔 渝 食 衣 有 悉 客 谿 女兄 幾 焉 孝 、公侍 命 出 生 密 以 辭 先 滌 别 謂 百 朝 王 王 寝。 蔬 執 喜 之。 大 人之故 濯 墅遺 當 適 不 娱 致 菓 喪 日 首 側 寧 烹飪 侍 爲 之屬 敬 庭 諱 : 盡 周 吏欲 以 魏 既 之。 宴 家 拜。 左 奮 日 禮 此 氏 王 廬 吾 下 右 樂, 然 廟 未 先 必 逮 見 來 世 兒 在 既 制 事 君 日 薦 期 躬 鎮 在 藥 治 日 重 0 葬 可 之 幕 . 日 者 齋 樞 非 官 必 日 匿 僕 謂 君 甚 遂 例 : 素 弗 結 親 吏 集 親 密 是 贓 清 從 篤 被 以 得 敢 年 嘗 民 家 廬 將 事 此 哀慕 亦 白 職 論 僦 將 嘗 益 其 不 汙 無 X 吏子 必 以 見 事 君 直 奉 旁 進 高 拜 我 知 非 其 涕 鄉 迎 日 未 祀 者 謁 謁 1 洟 祀 捨 孫 當 將 君 曲 Ŧ

漫 擾 寬 爲 楫 醲 轕 其 積 以 成 日 彼 民 賞 紀 畚 王 王 非 廉 屬 可 之,皆感 出 律 觀 辜 吏, 臿 今爲 明 日 且 疲 欲 死 之屬 有 毋 根 久 以 是 於 開 及 力 守 民 自 激 **\$** 屬 蔓 得 犇 治 出 爲 不 爣 擾 成 興 君 或 盡 命 之, 賊 盗 又 隄 利 除 民 優 汙 力 厚 報 吏急 以 有 所 君 矣。 足 給 衊 爲 仇 適 海 請 贓 引 之, 矣 軍 之 費 滋後 也 道 於言 爲 于 若 嫌 士 禮 非 將 亦 賞 朝 誰 屬 請 以 害 當 清 不 真 功, 之官 復 列 不敏 欲 東 亦 爾 多 必 于 杙 用 IF 錢 0 給 幕 樂 法 不 吏,必 岸 命 辭, 錢 得 爲 己 水 湖 寮 趨 ? 旁 又 穀 蔡 目 軍 積 而 君 過 \pm 0 皆 弟 白 及 君 下 致 葑 力 取 有 設 瀰 嚴 膠 辩 大 爲 若 如 煩 葑 舟 王

産 如 之民 舊 始 即 至 以 以 新 滯 析 昌 户 訟 交訟 委之。 待 制 朱 Ξ 公 紀 天 熹 矣 台 有 時 案 爲 \pm 牘 烏 提 Ш 舉 頭 積 , 者 君 中 見

於父母 矣。」 之 故 資 盡 不 很 法 鄉 法 此 訴 家 諒 而 相 0 曉 見 則 處 者 迫 擾 于 了粦 勤 悔 召 使 不 於 鬭 傷 之, 朱 之 詞 周 其 有 諭 謝 而 其 悛 恩矣。」 冒冒 者,輕 公深 意 失 悉 於 集 政 我 黨 奉 或 謂 者 孝 者 愿 半 非 明 嘗 父兄之歡 于貨者,亦 使 諭 無 及 或 弟 菽 欵 爲 不 H 專 之 慮 今 日 之 媿 重 由 能 之 器 不 俱 察 拜 數 不 以 : 亦 日 辱 義 是 處 給 重 拜 其 百 即 風 起 惟 : 之, 斷 無 者 寬 之 13 庭 感 言 化 揖 輸 父 誨 9 不 之 自 至 際 E 必 下 感 動 納 爲 之諄 母 遜 感 於 親 是 有 諭 悟 讀 是 本 之 於 厲 粒 將 親 日 終 遂 勝 其 之 之者 則 罔 也 聽, 諄 前 自 訟 米 與 來 戚 負 有 以 龃 民 新 而 俾歸 有 酒 狠 禮 日 不 暴 今不 雖 以 君 未 也 汝 去。 訟 戾 肴 免 . 戾 0 於 頑 酒 曉 蓋 有 心 之時 追 于 恣 乃 復 催 吾 得 使 將 鈍 食 之 平. 率 不 善 睢 爲 之 之 訟 交 以 盡 科 罪 以 復 破 時

見 矣。 其 年 出 間 有 士 遂 爲 爾 潦 谿 以 夫 鈔 還 絶。 不 他 間 復 曆 月 移 自 私 諭 亦 異 而 出 或 示 來 户 請 陂 爲 君 則 以 天 善 時 知 官 謁 深 信 至 者 有 埭 旁 不 成 時 台 感 壞 趣 士與 慰 錢 數 經 過 邑, 請 自 而 君 吏 悟 辦 遇 勞 四 僧 君 幾 再 求 金 F 屬 日 辇 役 至 民 有 其 租 訟 之 修 及之, 無 : 以 耆 輸 夫 今 訟 君 點 溉 人 賦 繕 私 寧 償官。 老督 官 兹 邑 **\$** 田 追 民 田 不 者 以 歲 問 遠 物 事 君 人 鄉 待 甚 負 移 稱 其 擾 民 之外 者 無 猶 E 各 促 廣 錢 派 君 過 謂 道 吏 及 修 決 不 或 置 傳 而 至 佐 使 困 日 士 里 己 築, 舊 堅 終 誦 籍 辦 數 客 決 彼 直 於 期 輸 有 久。 無 不 之。 百 之 民 近 當 據 輸 會 而 之 人 隄 及 所 部 緡 之費 競 籍 無 牘 金 民 後 鄉 力 以 也 役 鄉 邑 使 一,其 勸 辭 點 未 者 障 君 吏 不 之 在 無 者 具。 趨 民 大 \equiv 敝 至 疑 官 多 銷 狂 敢 至 Ш

> 之,與 縱 列名 擒 之, 子 妻, 僧 之, 在 而 無 以 使 未 ? 所 而 而 曰 此 妻 問 去。 及數, 獲 出 竄 屍 獄 訊 餌 霧 日 民 亡 爾 辭 我 而 故 此 尉 則 妻 既 責 悉蠲 以 服 訟 安 人 兩 散 而 而 錢 甚 君 爾 在 於民 以 僧 真 欲 之, 豪 百 念 窶 他 令尋 盗 自 H 民 萬 笋 間 僧 盗 無 乃 爲 何 以 獻 蕨 詘 塞 訪 不 見 計 官 屢 稱 於 近 責 方 稱 取 也。」 貸 貸 官 猶 而 霧 盛 又 快。 之易耳 之? 君 獲 微 有 寬 此 於 即 察 利 公 其 服 訴 或殺. 受其 其 必 問 倍 至 期 僧 矣 汝 非 爲 蓰 其 寺 人於 小 君 獻 盗 處 尋 殺 錢 償 私 即 日 獲 皆 野 安 覈 被 其 其 而

考歲 群 能 吏 裕 え表裏 之。 縣計 人之目 ,假貸 先 初 無 是, 窮 百 爲姦。 蠹 歲 金之儲, 耗 用 之 君 原 吏 使 而 司 日 H 逋 出 一易之,凡 負 納 吏 以 女 號 萬 計 場 耳 吾 典,

即

以

廡

列

或

日

前

迫

役

成

寬。」 之人, 官 於 爲 焉 之 飽 益 法 耶 \Box 聚 物 汝先 棨 ? 民 獻 許 庸 衍 也 食 其 觀 暮 民 不 戟 業 其 __ 元 安 直 家 厚 某 間 卻 取 以 龍 歸 夕 日 規 团 重 觀 償 之。 之民 富 等 無 爲 中 諸 落 就 模 門 如 有 者 徑 其 復 饒 失 神 物 帑。 成 傭 既 今日 頹 獻 直 幾 先 業 犬 唶 0 未 役 立 圮 或 嘗 棟 吠 不 木 縣 有 爲 E 久 易 也 於 與 宇 夜 容 之 籍 者 與 Ŀ 庠 此 而 . 衆 得 族 是 必 警。 華 官 諸 下 車 久 以 浸 君 吾 也 各 然 黨 歸 焕 面 馬 鄉 爲 寖 敝 爲 饒 E 朝 日 勢 不 宿 既 之 邑 市 以 請 鄉 君 欲 知 莫 平. : 君 軒 數 盗 文 及 相 日 及是 民 惕 召 謀 新 悔 豁 就 風 月 安 : 官 將 不 日 品 之, 與 恐 闢 役者 其 新 皆 且 假 自 知 相 餇 畫 此 再 議 地 昌 執 望 殿 未 之 足 而 有 率 手 自 歲 理 示 期 我 者 貧 訟 止 不 禮 僞 乎 相 少 敘 日 之。 弱 幸 出 長 日 猾 . 7 可 與 拜 昔 獻

於

我

用

此

加

與

出

官

錢

H

所

用

少

嘗

得

而

訴

而

拘

役

於

!! 其 復有 境 慮 至 必 觀 轉 禮 無 久訟 見 無復 古 子 既 受其 移 及 禮 數 翻 此 當行 衣 後 雍 此 去, 焉 訴 + 書 知 則 廢 異 冠 名 臾 害, 百 給 縣 民 真 安 業 判 辭 之, 薦 畢 吾 君 實官 無 里 父 之。 居 矣 數 書、 集 知 乃 去之 資 未 一,俟 敢 矣。」 母 及 其 許 百 爲 取 明 有 譁 君 也 或 後 不 請 干 於 司 而 濟 陳 儒 者 _0 故 將 感 言, 可 斷 不 尊 科 水 徤 濟 猾 咸 去 泣 留 由 决之 決 者 濱 如 俎 吏 念 經 反 且 請 者 以 此 相 泣 扶 或 子 設 V. 曰 兩 覆 曰 備 過 者 踵 老 爲 決 . 介 生 . 詞 切 且 任 「令君 携 姦 僎 至前 祠 於 當 拜 鄉 惟 耄 所 雖 元 利 幼 是 君 詳 決 宿 飲 穉 敘 日 日 爲 請 皆 力 前 則 滯 女 盡 之 每 長 爲

遭大 水, 溪 南 之 民 登 屋 緣 木 以 避 者

令日 數千 時 然 繼 所 情 吏 吏 卒 罪 殞 訪 其 夫 炬 飲 考證 平 以 者 坐 從君 中 求 慮 通 民 陷 勿論 自 ·, 盗 私 深 驚 則 吏以 夕 計 君 誣 反 詰 帑。 若 議 主 伏 者 活 守 舅 如 可 以 投 盗 之 盗 守 以 人 將 偶 以 也 男 此 以 到 人 蓋 有 X 重 曰 從 倅 死 以 私 等 從 女 石 民 者分處官 敺 . 於 辟 矣。 手 者給 乘 宿 守 混 婦 者 幾 舍 舅 傷 獄 受矛,0當 陴, 疾 石非 不能 處 非 保 中。 不 闇 事 君 覺 錢 發 君 辜 君 承 \Box 中 恐 尤 Ŧi. 而 圃 決 仗 日 也 限限 舍, 主 首 而 偶 留 知 其 千 遁 般 乎 死 春 募 傷 交 傷 意 淆 既 隱 日 主 ? 婦 於 使 以 善 者 讞 於 竭 深 未 雜 飲 再 于 人以 獄 其 矛 舟 能 以 刃 雖 思 訊 桑 也 食 貳 滿 有 有之, 者 非 之, 遨 上 間 廳 如 而 殺 盗 此 欲 以 吏 之蓄 救 于 所 殂 所 人之 爲 隊 尤 又 白 棄 得 棘 主 之。 者 持 聞 市 列 寺 伏 乱 登 人 無 其 其 而

> 敬 探籌 時 得 冒 詐 縊 夜 臺 當 倫 新 之 詐 一,遂 凡 神 險 者 0 反 刺 之兵 親 坐 罪 禱 稱 事 分 物 君 坐 皆 單 至 君 固 管 有 以 夫 婦 之 舅 利 其 百 應 歸 歸 不 而 罪 隨 處 害 蒞 爲 0 由 餘 爲 如 陰雲 即 葬之, 此 婦 人 此 政 輕 必 肅 里 帖 未 以 痛 多 力 然若 隱 贵 婦 死 定。 知 使 無 此 争 表 獨 隱 人 婦 婦 所 其 類 以 曰 有 處 力 事 歸 及 自 無 所 可 哉 己 君 義 易 郡 之, 惡 嘗 明 感 已 和 郡 婦 少 禱 乎 使 而 厚 泣 好 冢 ? 將 謔之不 守 霈 盡 雲 雨 如 告 誣 既 然 出 於 集 初 備 罪 聞 其 其 作 行 龍 于 湫 之 盡 其 夫 舅 從 潭 色。 中 庭, 憲 禮 而 爲 亦 而

恬 甚 深 於 仕 君 然不 進 在 州 改 · 爲 縣 秩 荷 之初 求 時 終 監 文 無 司 惠 帥 有 公 以 守多名公, 在 姓 經 名 筵 薦 達 欲 相 者。 以 知

0

之,効東坡 今賴 公 乏者 太 争 遺 就 利 贍 知 居 就 民 於 勸 俸 孝宗, 於家。 其 役 之 朝 也 以 屨 守 蕭 以 率 給之 破 爲梁 必 事 利 藥 或 然 行 堂 爲 年 濟 家 親 至 未 志 欲 段 聞 之。 外 棋 X 而 者 之。 歲 見 以 嘗 耳 見 作三十 其 君 量 則 酒 計 義 濟 近 凡 爲 君 而 爲 廉 辭 其 爲 自 役 涉 喪 僅 Ш 也 有 晚 謂 退 焉 不 請 適 所 粥 有 給 之便民 不 例 年 塊 受役之害 解 口 食、唇 於 以 均 虎 能 呕 好 不 日 者 閑 之 衣 得 邑 餇 舉 稱 : 仁 以 皆 居 説 樵 爲 以 0 大 餓 之, 莫 樂 歲 牧 及 不 未 + 蔽 女 居 夫 者 潛 事 施 失 歸 取 以 寒 久 小 不 更 不 官 送其 業 力 · 塗 至 能 治 吏 厲 聞 以 祠 疾 用 争 每 見 一公庭 主 産業 者 躁 嫁 事 役 疫 親 鄉 潦 月 廉 禄 度 家 幾 其 競 之 者 多 戚 之 鄰 節 亦 且. 月 説 者 家 害 不 之 切 7 爲 凡 出 自 不 欲 有 鄉 喜 也 事 行 号 也 先 則 臨 喪 己 親 晚 募 逐 孟 0 0

貨

貧

既

使

大

以

以

成

之

厲

取

請

字

復

Ш

學者 × 0 祭之禮 生 之, **>** 出 歎 時 獵 朋 益 蓋 學記 皆 尤篤 澹 沈 息 長 好 表 者 有 嚴 爲 童 所 子 預 然 公 家 取 世 调 記 重 之 穉 許 期 於教子 銖 \approx 中 司 端端 態之薄 面 》等篇 講 勉 行 人 笑 望 中 笑其 以 馬 室 折 弟, 俱 於家 以 莊 語 大 者 厚 公《 庸 之,有 修 不 守 義 無 亦 又二子人 賞 不 \approx 激 也。 身之 招 ^ 家 敢 禮 每 他 不 大 止 通 延名 範 子 獵 爲 君 嗜 敢 學 鑑 語 此 嘗)要,不 日 善 弟 × 華 日 具 好 妄 × × 不 洛 在 士,宗族 有 \sim 則 靡 人 祭 書儀 ^ 太 輕 夜 衆 誦 唯 墮 獎 之 唐 Ш 衣 義 某 徒 發 課 學 中 之 取 借 容 飾 服 鑑 望 不 \approx w 童 ^ 服 虎 居 勸 未 其 禮 必 器 子 祭 知 約 幼 或 布 勉 亦 不 嘗 賢 弟 朝 其 取 統 記 用 爲 īE 衣 見 雜 遁 爲 於 語 以 青 之 夕 不 冠 色 如 0 紫 從 儒 追 自 絲 爲 願 檀 陃 鄉 以 婚

畢 又書 書 於 言。 載 家 竹 曰 盤 甚 親 事 遠 耶 故 既革 秩 略 矣。 我 手 殁 紙 我 無 炷 秩 莊 戒 香 神 所 可擾之乎 死 有 談 觀 憾 毋 則 條 梵 奄 受 愈清,自 汝 惟 然 帙 醫 膊 輩 汝 而 ?」仍戒 至 深 贈,大略 不 祖 逝, 嬉 究 復知矣。」口 書一頌,尤 隱 笑 其 理 德 視死 待 毋 趣 言 實 用 行,太 :「生無 病 生真若 緇 爲 授 呼 中 流 曠 數 史 諸 品 遠 紀 千 旦 既 益 子 處

登 諫 君 日 密 几 Ë 不 政 方 年 八寧 爲 卒 樞 在 地 君娶舒氏 密 ,歸享 國子 側 贈宜 設 喜 也 心 日 未 監 如 Ŀ 簿,宜 有 大寧 此 御 一壽,康 弄 此 史 孝 孫 何 性嚴,事 婦 中 敬 人 之樂 患不昌?」 其 寧 未 誠 丞亶 昌 宴衎,宜 嫁 篤 宜 吾家乎 之至謹 之曾孫, 四 圃 人 樞 德 既 請 人未始 全 密 ? ",遂信 而 君 先君 超 備 得 置 未 遷 子, 妾 愛 臺 歸 樞 +

遵

先卒。

彌

進

將仕

郎

彌

逮,

太學生

女二人早夭。

孫

男十三人:

麟之、中之、介

之、舉之、希之、暈之、阜之、常之、準之、异

簿。

彌

迥

迪

功郎

、新台州

臨

海

縣

主

彌

子男

五

人

彌

遜

迪

功

郎

紹

興

府

蕭

Ш

縣

主

卒

於婺之官舍,

葬于

陽

堂

鄉

包

家

Ш

之

原

澣濯

不

事

珠

翠綺

綉之飾

年

才

Ħ.

+

有七,

也。

待婢使未嘗譴怒,詈言

不

出

諸

口,衣必

出 爲 果 及 而 亦 今 不 白 歸 極 舉 兹蕃 有 亦 日 虎 人,宜人必攝 私 帖 知 則 神 意 其 請 然。 爲 衍 與之酌 何 奉承 目 也。 祟, 物 蓋 族 君 小 吏 不 妹 在官 别 之清 君待 鬼,敢 衣揖之。 言 妬 爲 ,中閒不時求見, 忌 請 邑士之室,始至 未 德 之如賓,言必 之効 避 據公宇 嘗 所 IE. 問問 子婦 堂 也。 助 梱 乎? 爲 外 侍 君 新 多。 事 側 弗 昌 稱 遣 雍 不 則謝之, 顧 俸人亦 凡 名。 相 饋 爲 雍 君 宜 傳 之, 動 如 所 有 有

及,諸 爲 來 將以十二月壬寅 後法。 求銘 孤 録君行實 某託 又自言其母之賢,尤痛 契非一日,君之清介實所 奉君之喪合于宜人之墓 甚詳,且其 女九人在室。 施 於政者皆 其早没,懼 諸 難 孤 口

銘

用慰孝子之思云。

銘曰:

無

以

顯

於世,願併書之。

故爲

具

載

而

系以

義折 於 誦 廟 自 輕 我宋。 閨門化 車,其退甚 時 養, 徭清訟。 享 衷。 謝 史氏之賢,德惟 無 去機 之, 誰毀 君生而 所 極 比 一勇。 脩 其 無 人皆 字百 事 誰譽,終不 綜 欽 敢 秀,弱 ,志甘抱 平生介然,晚益嚴 奉 奢 里,始 望君,夷 潭 縦 府 邁 不 動 ·爲動 不居, 甕。 好 種 見於用 循 屏 弄。 0 禮 庚 絶 力行 衣冠之盛 飛 度 歸 聲 父兄 老成云亡 鞚。 侍 樂,喜 周 所 廉 丘 重 知,不 旋 白照 濡 僅 隴 勉 染,以 輔 聆 乘 閨 中 牽 洛 門 家 貮 相

> 向風一慟。詩以颺之,後人其諷。 黨所痛。君則了達,如幻如夢。我方卧痾

太孺人蔣氏墓誌銘

孺人 然共 也。 過之,其可以無紀 而嫁之,誓而 詩》,則知是時必有不能守者, 蔣氏,真有共姜之節 姜亦惟知守義,不聞 女不事二夫,古之道 衛世子共伯蚤死,其妻守義,父母欲 弗許,此《柏舟》之詩 乎? 加 他美。 也。 婦 共 道 而 若從 姜 壼 況 獨 所 彝 後 嫂 爲 見 世 則 於 作 太 奪 又 ?

贈 明 曾 人兒時,有善相者 宣 贈 祖 諱 奉大夫。 蔣氏 金紫光 侃 隱德 世著籍于明之鄞, 禄大夫。 妣 不 宜 仕 ,謂他日必 人 鄉 、周氏、 父諱 里 稱 贈 珫 領百 長 今 朝 碩 者 日 П 請 慶 祖 元 方孺 諱 府。 浚

者 伯 泉 達 接 兄 仲 E 古 必 母 X 但 下 于 手 楊 年 美 其 生 父 南 知 腹 不 物 以 宏 我 産 與 以 疾 始 纔 報 謙 留 氏 嘗 以 行 相 抄 薄 實 卒 太 半 恭 語 紹 受 下 與 也 和 待 書 累 伯 顧 安 于 妻 月 + 兒 興 人 爾 詩 皆 如 重 遇 父 努 官 汝 + 其 人 有 畫 馮 於 賓 有 臧 揚 舍。 五 年 伯 真 時 壯 或 九 氏 楷 經 柯 猶 獲 州 年 誠 欲 益 尚 父 尤 至 先 法 誉 嘆 亦 諱 兄資 兄一 所 所鍾 少 中 奪 進 乏 彌 伯 生 女六歲 未 璹 雖 不 學 奉 而 食 宋 縫 父 嘗 之 : 孝 能 弟 米 忍 屬 嫁 愛, 璿 提 英 人 仲 失 謹 鹽 以 自 皆 之, 文 上 諭 舉 居 哭 子 色。 盡 細 保 多 抑 先 在 之 不 事 福 舅 之 舊 長 其 也 事 乎 不 仕 不 生 日 以 親 建 甚哀。 姑 作 伯 歡 亦 ? 如 塗 能 病 四 亟 諱 主 市 父 亦 止 然 子 是 稱 報 於 舶 鏜 宦 泣 守 存 閒 不 所 之。 親 敬 諸 孺 未 從 志 生 在 謝 能 輟 字 幼

守 侍 衆 果 析 報 侈 安 付子 婦 女子 瀕 由 既 歷 孤 口 習 得 郎 卒 職 + 奉 而 湖 或 居 何 命 何 仍 之, 周 化 默 當 群 以 舍 愈 餘 Ш 某大 以待 力 執 衣 存 公館 之 居 自 謹 年 祖 遷 聽宇 禱 喪 用 奉 食之餘 長 存 風 妣 書 之? 于 盡 所 稍 閒 汝 藥 ? 歸 爲之志 汀 月 魏 不 先 禮 在 裕 有 曹 餌 勤 自 閣 或 改, 卒 日 舉 隨 矣 人 儉二二 俱 維 之 夫 吾 銖 非 歲 . 侍 不 從 所 餘 揚 壯 號 性 即 親 積 在 爲 兄 難 未 皆 諸 儉 而 字 戒 辛 恭 嘗 雖 動 謂 之 而 Ľ 處 子 當 約 諸 E 人 寸 舅 柩 不 者 扁 家 遂 新 人 娶, 右 有 子 累 得 姑 揚 進 改 法 願 以 揚 于 素 視 之。 日 疾 存 異 州 子 求 葬 守 E 次 州 卧 切 撫 擁 舊 時 孫 汝 故 授 姻 于 就 以 起 安 後 備 麾 不 松 長 所 其 父 廪 毉 室 家 廬 之, 數 必 敢 持 至 當 揚 林 毋 穉 葬 於 蓮 橐 也 俱 加 節 年 將 猥 京 州 # 峯 鄉 徇 未 均 兒 圃

子

幹

母

之

無

敢

欺

者

子

若

孫

今已九

房

月

而

至

此

亦

不

復

詳

記

多

寡

坐

總

其

凡

諸

事

未

嘗

调

而

間

惟

計

所

X

而

嗇

其

出

磨

以

歲

之有

僅

知

守

而

勿

失

爾

心。」故

凡

牟

利

稱

貸

等

食登足,

不

惟

汝

曹

享其

成

我

亦

何

力

諄

諄

然

語

昔

者

嫠

孤

艱

棘

與

夫

處

己

治

家、

事

E

撫

下

·之道

燈

明

滅

泊

如

也

每

言

.

大

率

不

吝。

至其

自

奉

則

衣

雜

布

素

不

事

華

飾

纖

粟不

輕

用

也

諸

子

少

小

蒙

訓

夜

坐

則

中

有

以

乏告

隨

力

周

卹

蓋

義

所

當

用

伯

時

所

繪

Ŧī.

+

 \equiv

善

知

識

於

故

家

置

廣

慧

寺

錢

以

子

先

志

且

爲

揚

州

立

祠

得

龍

眠

李

公

侈 禮 皆 議 巳 家 松 寧 親 此 謂 勿 此 至 姻 和 孫 先 於 郡 之。 郎 爲 楸 自 節 曾 終于家, 人 也 戚 氣 日 __ 故 哀 E 太 滿 約 莫 浹 詵 知 高 下 夫 病 孀 毁 0 時時 治 於 已 不 詵 婺 侍 人 叔 中 躬 居 諱 歎 甚者,至 享 汝 以 終 州 郎 能 時 不 前 閒 日 幾 拜 仰 日 年 既 手 孺 節 夫 浦 保 洪 喜服 數年 之, 六 及 八十九 加 E 不 以 人 家 江 過之,奉之如 + 家 之 季 額 壽 能 是 爲 縣 如 爲 日 藥 嘗至奉川 年 ·有六。 廟 世 日 日 :「吾老 皆 古 法。 今 留 斑 賜 香 深 园 我 執 日 心 之 百 衣 緋 火 處 禮 嘉 足 非 服 烈 或 滿 吾 四 男子 魚 家 泰二 矣。」 學生 元, 益 焉 女 舅姑之賜 無 前 矣, 時 亦 袋 姑 事 恭 無 閒 樓氏、 祭 不 未 長 甚 遂 年 恐不 戒 然 以 仲 復 享, 詳 成 日 几 喪 始 吾 終 女歸 调 戀 淵 日 大 能 蔣 月 葬 不 H. 少 母 必 不 内 汝 源 失 及 以 故 承 辛 毋 謂 氏 大 躬 或 再

者

孺

人

思

有

以

增

益

之,

戒

諸

子

及

從

子

節

略

用

范

文

Œ

公

義

壯

規

約

以

贍

宗

族

之

不

給

欲

買

 \mathbb{H}

以

贍

之,始

捐

百

斛

孺

人

復

用

四

+

萬

寺

有

+

觀

堂

禮

長

懺

僧

未

免

乞

食。

揚

州

他

費

遇

稔

歲

則

儲

其

贏

今有

端

緒

焉

延

慶

之墓 爲 備 以 年 潼 棋、 棋、 椅 進 任 又 儀、伾、 局 趙 承 充 | 蠍夫 高 士趙 可 將 趙 議 福 ,國學上舍生宣 槐、 槐 或 而 以 哀。 宗 奉 郎 師 學生。 未 如 至 淵 植 汝括 學問 慶 孺 從 植 僖、 儲、 固 相 太 嘗 以 蓋 既 先 壽 人 政 者之言 府 根、棁、 賢 宣 其資 之 ,皆壻 恩 陞 郎 卒。 桐,國子 寺 與 教 稱 文 被被 朝 喪, 儒、 主 同寮 郎、 辭 禀 新 職 女九 繒 櫛、栟 贈 以 封 嚴。 也,二未行。 簿 差監 蔚 有父之謹 高保 建 事 而子 十 二 孺 父 進士 周 相忤,行己 然 人, 康 無 至 人, 女六人 元 行 孫 鄉 府 不 宣 月 俱 0 卿 在 兩 孫、吴槱之,國子 壽 亦 溧 辨 評 教 丙 業 棣、梓、 0 太 浙 考 承 復 甚 水 郎 午 俱 平 儒 曾孫六人: 轉 孫 康 母 多 無毫 受 縣 休 祔 在 惠 + 運 寧, 之 故 知 孺 派 桐、梓、 榛 于 室。 \equiv 民 司 訓 淵 4、枅、 髪之 於 歷 安 從 趙 人 和 進 亭 名 先 兄 明 善 Ŧī. 最 劑 而

> 之喪,洪、 玷。 銘曰 此宗 族之所 深率 婦婦 痛, 孫 哀禮 而 況 俱 母 至 子 一,孺 乎 人 爲 孺 人

有之, 之清, 斷 備 幾 成 女教 何 烈丈夫之所 軻 執 親 止乎繼《柏舟》之名邪 節 不 之 興 守 嚴篤 彤 義 史 不 固 陶 能。 無 女子 母 稱 之賢 蓋 之高 孟 猗 明,殆將 光 歟 致 之潔 孺 3 處 兼 顧 事 婦 善 婦 道 而

從妹樓夫人墓誌銘

家訓 氏。 琚 猷 左 閣 朝 右 素 直 議 夫 朝散子 朝 嚴 大 人 學 散 姓 夫,累贈 士 郎 女最 樓氏, 紹 左 興二十三年, 世 朝 衆,及嫁娶者男 金紫光禄 爲 名某, 議 明之鄞 大夫, 字靚之。 大 累 知 人。 夫。 贈 紹 五女六, 興之新 母 少 祖 安 師 祖 常 陳 父 而

節

烝

必

躬

必

親

嚴

潔

精

郡

從

師

友

不

以

俗

務

嬰

多

名

士

客

至

則

酒

肴

不

待

需

加

賜

冠

帔

以

華

晚

節

時

亨

有

年

未

侵

而

身

得

優

逸,遂

以

Ŀ

壽

書

譽

日

聞

而

夫

X

亦

有

内

斂

面

如

又

素

1

1813

六

年

年

實

六

月

饋

事

婦

姑

相

安

慈孝

兩

盡

若

几

+

載

怡

愉

如

日

太

孺

人

持

備

嘗

艱

棘

人

視

之

蔑

如

也

孤

所

生

母

太

孺

某

氏

相

與

豫備

送

亦

云

難

不

去

左

與

家

習

聞

論

文

へ 之 賢

遂

以

歸

之。

文

字

時

子

日

文

朝

散

F

.

馮

亦

吾

爲

邑

中

衣

冠

名

族

有

娶

吾

鄉

金

不

敬

歎

禮

而

恩

縣

夫

人

於

是

年

+

有

八

矣

謹

寖

以

7

夫人

性

資

曉

慧,容

止

度

動動

有

儀

矩

尤

勤

婦

功

且

石

氏

仰

奉

其

姑

謹

相

夫

子

之原

袝

來

嘉泰

八年

爲

太

學

男

子

從 職 至 嘗 余 I 求 是 過 又 兄 齊 部 銘 郎 Ľ 弟 不 年 其 多 新 勝 某 家 矣。 及 鄉 而 嚴 姊 愴悼 諸 後 居 州 登 時 妹 父 桐 飽 兩 月 Ŧi. 亨 Ŧi. 廬 家 而 Ш + 復 院 縣 爲 閣 往 相 餘 雅 主 之銘 猶 來 與 人 與 舉 簿 幾 記 最 余 酒 存 少 云。 如 爲 以 銘 道 者 時 親 口 臭 舊 日 僅 時 惟 氣 密 味 故 + 亨 伯 數 如 相 今 又 夫 父 昨 好 爲 念 人 洎 而 日 群 修 夫 與 先 网

引 悲 以 陟 筆 成 涕零 屺 夫 事 出 窆 姑 名 克 門 而 終, 求 孤 銘 睦 立 伉 族 無 儷 以 朋 之情 禮 夫 子 人 且 相 吾 有 有 之, 感 稱 家 焉 遽 道

績溪縣尉樓君墓誌銘

於 紹 先 興二年 光 禄 有 仲兄嚴 丈 夫 州 子, 生於四 惟 伯 年 兄 績 至 七 溪 年 尉 而 生

某益 爲 從子 死 朔 子 嫂 不 幾 世 從 某 改元,得 舍之側。 云: 渢 有 一,仲兄 詳 竭 始 奉 年二月甲 寒 又亡矣, 幸不 請 力 滌 暑。」讀 孤 而 夫 生 十二 左 師 露 以 足。 不 人 琴 併登之石。」某 與 友 吉 天,父 嫂卒於 襄 之 月 哀 之義。 失雍熙之軌 右 某 1 申 仲兄 者 E 兄愛 大 柩 庚 哉 書 不 於禽孝 悲之。 奉 事 之葬不 諸 ! 合 堪 申 慈 慶 不 某 孤 伯 葬 手 焉 兄卒 元 母 勝 室 惟 遷 厚 兄 于 足之痛,祭之以 先 鄉 以 六 葬送之 潛 環 及 兄之藏 年 奉 亦爲之泣 先 白 及二 年 於 猶 公之喪,五 期 堵。 德 銘 葬, 化 方三十 隆 七 石 待 口 懿 一嫂,下 縣 餘 樂 月 興 里 尤 熒 行 今 以三 泣 辛 長 也 徐 元 遠 熒 喪 調 以 有 叔 汀 年 己。 嶼 夜 吾 領 + 護 念吾伯 請 月 先 父 + 研 不 之 諸 文, 母 燈 而 孤 知 丙 幸丘 而 嘉 祖 席 月 日 原 弟 嫠 之 忍 泰 有 午 冢 丙 共 番 相

弟 兄 生 抱 負 晚 亦 不 凡, 不 及 不 知 見 也 於 用 欲 不 無 惟 爲 銘 他 得 人 莫知 乎 ? 諸

詩 作 泓 登 落 終 慶 任 適 累 有 公,慕用 大 禄 榦才 寧 ... 未 竟 朝 贈 其 水 結 從 大 元 字 勞。 戲 郡 夫。 勝 議 少 府 兄諱 昌 始 鄉 大 師 ,先公築室,深 太 地 陽 遇 先 其 小 虚 夫 曾 鐊 夫,累贈 祖某,❷徽 踈 蘭 度 人, 摹艸書 Ш 生 其 好 父某 祖 字 字 財 人。 叢 蕙 一游, 得 風 某 好 篠 芬 寓 昭 意,警 佳 『嘗權 0 兄 自 義 處 光 聲 雅 馥 月, 猷 生 力 朝 室 禄 篤 人 秀 有 閣 干 於 世 而 議 拔 大 亦 必 直 窮 思 穎 於 Τ. 文,幾 英 學。 大 爲 夫。 必 倡 清 部 致 學士 Щ 親 發 夫 明 隨 而 率 新 取 郎 故 少長 舉 之 母 燕 宜 於亂 儕 累贈 及 無 鄞 業之外 材 居 增 汪 出 朝 恨 畫 見 不 董工 其 葺 氏 知 議 人,今爲 觴 風 力之不 真。 杼 金紫光 稱 中 處 大 姿 詠 今爲 拳 Ш 夫 歎 州 灑 身 又 劉 石 酣 哦 間

> 氏,家 去,詣 足。 部 嫂 科 年 柅 王 授 談 名族,膳部 派 一方守 一溧陽 笑 其 ·, 其 孫 弊 右 ı, 宗族 季 公邦亦 而 迪 蠹 於 郡 番 自 也 舟丘 功 辦 以 乞留 發 易。 見 不 郎 託 郊 運 擾 公偉達之女也。 於 以 新 光 檄 徽 祀 以 司 祖宗道 世 吉 而 城 禄 幹官。 監 遠 州 恩 未 人,與 者 事 X 知 業 大 績 補 幾 集 事 何 鳥 一、父兖 期 溪 將 \mathbf{H} 以 来 止 戍 徐 之。 母太安人徐 縣 能 酒 仕 小 此 鎮 氏 嘗 庫 尉 郎 ***** 疾 登 事 而 親 歲 無子,生三女 云 不 政 未 ,從 己 難 厚 勤 在 次 方之人 禄 和 赴 以以 耶 於 年 戊 姑之夫吏 甚 1 氏 寅 1 所 中 膳 年 使 今嗣 劇 職 銓 惜 部之 假 新 進 嫂 光 者 選 其 檢 之 禄 城 陳 秀 亦

> > 1815

[「]某」,殿本作「岸」。

③ 「某」,殿本作「璩」。

³

枚、 郎 奉 中 計 壻 年 林 E 爾 徐 内 心 雖 纍,長女始及笄,而吾家 ·子溆 壻及 典, 服 郎、 次第 精 寡 直 爲 安人尚無恙 曰 紹 猶 其 居 密 屬 大 格 興 添 執 八守義。 命也 趙 一、銖積 夫、 十六 而 後 成 差 府 絲 遂締 婦 七月 立 氏 夭 新 不 建 孫女七人皆在室。 道 知 女 年 昌 掛 康 奈 姻 寸象。 而 南 自 欲 姑 亦 而 而 曰 縣 軍 何,矢死 焉 嫂氏 劒 爾 養 嫜 卒。 俱 了嫁之。 兄 機 節 尉 州 痾 斥 娣 亡 Ļ, 度 兼 素 亦 五 去 曰 自 軍 女 矣。 姒 有 推 主 爲 女七 椷 清貧 佚 鈆 事 靡 嫂 長 自以 簿 官 母 之早 歡 華 他 方 朱 適 孫 趙 孫 得 訓 日 適,三 然 專 軝,次 盛 銘 蔣 逢 七 壽 幼 又非 師 枝 衰。 終 歸 年 與 日 古, 七十 人 潯 静 意 更 身。 而 日 求 子 多難 勤 今日 俯 適 年 次適 幼 家 樾 納 伍 約 日 有 育 逾 次 迪 晚 穉 人 棟 婦, 比 五 趙 心 又 日 耽 縱 宜 儒 功 適 纍

> 以 詩 姻 弗 **汔同** 之, ,光于彤史。 盡 嗚 用啓後 穴。 呼 變 彼 伯 賢 俯 氏 配 仰 徐 自 疇 隩 厥 立 昔,首 之藏 千 有 仞 高 捨 節 尾 齎 四 舊 ^ 志 紀。 從 栢 壯 舟》自 新 年 稱 于 我 其 宗 爲 用

攻處先生文集卷第一百十二

攻媿先生文集卷第一百十三

四明樓鑰大防

墓誌銘

戴伯度墓誌銘

明 禮 冕 教 在 居 選。 前 能 以 母 列。 紹 夫 傳 通 桃 興三十二年 家學。 經 長字伯 人 源 屬 朱 鄉 機 文 氏 上 見二子蚤 度,次字 爲 曾大父 亦 禮部,不及 詞賦 課督之,一 某叨 之冠 伯 侃 歲 薦 泉。 以以 競 于 ; 仕 爽, 鄉 日 財 戴 日 而 俱 樟 尤 雄 時 卒 氏 擅 篤 世 以 父汝 大 爲 戴 場 意 父 訓 周 皆 屋 鄞

> 拜日 狀,益以見聞,而系之以銘 美。 許 泣 華 以 年 服 之歸,余偶苦足疾,竟不 耶?」讀 二月甲 月丁 進士 簿,待次鐵 特恩補官, 可,又爲 日 母 0 父以二子 又念頃與 封 午也。 科,終諸 酉 既 孺 其狀,則 蓋嘗 襄 已 人,而 伯 事 忍 度 冶 鄉 昆 銘子 君之子燧 敦 故 死 黨 暨 内弟,知 仲 袁和叔之文也。 戴 而 治 求 固 派。 尋 定交,晚 氏 墳 之祖矣,忍 銘 已歎 封 愈 疾 於 伯 於先友。」余 及一 著 至 之尤深, 以 已矣,實嘉 鄉 其 度 宣 之萬 行 於伯 見。 晚 至 伯 義 狀 暮 紹 鬼 郎 度益 踵 嶴 銘 無 熙 遂 和 擢 將 門, 吾 才 之 備 亦 泰 叔 賜 乾 厚 伯 語 歷 爲 泣 元 元 録 不 以 道 Ŧi. 君 度 + 且 年 金 始 品品 輕 之 溢 Ŧi. 所

度尤 物 厅 意 長 惟 昆 有 於賦,俊 仲 前 皆 輩 游 風 逸 郡 而 庠, 君 不 初 肆 朋 調 儕 妥 迪 歛 帖 功 衽 郎 而 畏之。 不局 紹 興 體 伯 府

之, 愬 告 苟 君 緡 絫 事 寬 曹 重 不 勤 屏 官 蕭 盡 者 異 處 者 具。 月 迹 木 或 雖 111 憚 君 簿 先 吾 多 心 而 有 卑 縣 嚴 吾 邑 詢 每 其 書 公平 是 沮 民 貧 未 尉 刻 知 究 以 嚴 吏 人 鈎 惟 口 弱 畢 挫 F 縣 盡 擅 得 出 未 稱 既 校 列 下 奉 而 吾 於 位 守 實 上 吏 私 不 厥 誦 漕 或 户 F 心 不 吏 隱 職 近 丁 言 輕 悚 心 能 之。 以 有 敬 未 遺 名 無 爾 欺 侮 聽 以 自 於 屬 宣 積 服 免 夜 爾 爲 纖 所 士 溢 守 直 君 郡 義 年 亟 焉。 漏 少 聽 戒 田 微 類 數 與 憂 日 命 郡 未 賦 未 更 變, 而 爲 狙 憲 : 被 盡 一前 事 蠲 盡 真 計 之人 歷 服 皂 能 者 君 交 不 爲 以 减 輸 之 民 事 幸 而 除 市 伸 薦 合 合 趣 惡 女好 詭 者 爲 輸 無 畏 起 Ŧi. 始 莫 異 베 名 操 者 隨 乏, 法 太 爲 其 七 守 僅 不 庇 時 日 亦亦 自 守 庇 主 苦 有 萬 焉 奈 敢 俾 涖 即 兩 詞 若 簿 者 其 或 其 其 赴 餘 何 有 督 月 不 华

> 男 適 七。 提 屬 美 塤 嚴 疾 點 娶汪 仲 既 江 埴 以 游 淮 終 承 湖 更 氏。 伍 務 北 女。 玠、 今 郎 鐵 派 致 方 冶 子 相 仕 復、 鑄 . 謝 錢 長 終 嚴 公 司 即 于 輔 檢 燧 家 之, 見 踏 也 深 享 皆 官 念 年 次 里 之, 炳 六 踰 + 以 年 女 有 會 爲 孫

公所 伍 泉 之 弟 養 者 非 師 白 研 於於 事 親 湧 氏 道 而 器 窮 鄉 闡 義 平 君 喜《 仲 德 英 講 之 先 居 風 重 恪 氏 性 製,不 史》、 詞 生 介 規 切 謹 尤 温 高 然 麗 自 峻 朝 H 篤 温 藻 是 整 公 與深 漢 夕 進 未 開 拊 爲 9 胸 而 嘗 出 志 書 不 學 懷 存 語 不 謟 必 而 尚 敢 愈 孤 几 敘 止 驚 深 辭 卓 少忤 力, 嫠, 達 品 事 俗 爲 **令** 犖 别 奮 根 色 有 先 不 族 其 善惡 愈 本 筆 勝 耻 生 設 黨 意 蘄 出 諸 效 己 之 與 稱 防 之 ,若已 悦 經 而 者 兄 碌 友愛 畛。 述 於 愈 侍 碌 沛 博 必 新 若 從 諸 甚 者 采 郎 初 色

溢 尤 目 Ι. 偶 喜 儷 作七字 之文 如 詩 觀 多多 寶 關 藏 風 金 教 有《 珠 象 蟄 犀 齋 爛 然

躓 + 若 卷 一。蓋 是 庶 人爲 幾 乎 慨 詞 嘆 人之秀。 君 處之怡 然 第易 無 爾 隕 穫 而 憔 困

所

悴 知 之色。 則 又 不 晚 幸 得 而 病 官 稍 病 見 愈 施 復 設 作 方 竟 爲 致 當 大 路 故

鳴 呼 如 彼 其 才, 發攄 素 藴 足 以 顯 於 用

口 顧 若 泯 没 是 者 而 止 官金 乎? 華 然君之持 也 奉 人至 身傳 微 後 前 自 尉 有 廪 差 不

厚。 勤 者 薄 守 日 而 怠 . 者 主 厚 簿、 可 尉 乎? 官 等 使 爾 均 而 之。 勤 怠 古 有 辭 間 不

卒不受,其 許 吾 義 以 利 懲 昭 勸 晣 官 如 吏, 此 非 官事 爲 主 稍暇 簿 也 時 從 然

名 勝 相 與講 貫 有 日 新 之 益 教 詔 子 9 朝

欺ニ 夕 諄 諄 字 無 而 非 已 切 己 其 子 曰 亦 . 刻 吾 志 平 自 生 立 所 親 守 炙 不 師

友

將

大

其

門,

君

之

培

養

根

源

顧

不

厚

哉

七

銘 H

信 表 藁 齊 忽 氏 兮故 兮 名 斯 不 不 焉從。 昔 銘 見 陋 抱器 兮宿 分 吾 廬 兮 不 自 鄉 伯 業分 草 幸 侈 兮兵 度 熙 尚 素業兮有傳 長 寧 儼 111 燬 分經 終。 過者兮必恭 丹 流 求 青 分 始。 百 故 兮 無 不 家 德 窮 歎 庶 試 兮 容 兮 喬 古 不 無 悼 風 木 嗟 幾。 二,泣 兮土 分 兮 高 猶 雋 訪 在 風 遺 分 戴

駱 觀 或 慕 誌 銘

之學者 猶 邑 亦 可 有 未 及 寫《易》 駱 作 已,然讀之至 易》 未 君 也 觀 道 論 國 部 明《 近世通《易》者 不 明 能 貼 易 久矣。 一於章 凌 屋 ×, 晨 壁 能 間 編 暗 讀 夫子之於《 誦 者 日 莫 絶 全 蓋 誦 帙 如 是時《十 寡 數 大 康 + 節 易》, 嘗 寒 徧 先 聞 暑 翼 生 今 旁 如

請 志 成 識 就 其 己 日 先 之 近 至 閱 者 意 人 老 行 之 叔父學 云 不 實 墓 有 廢 即 里 賓 既 觀 1 與與 每 而 駱 或 從 嘆 沐 ± 也 子 以 又 宏 沐 爲 介以 乃 致 難 與 郡 爲 及 之 見 博 序 有 泣 而 + 連 拜 耐 未 楊 求 之 系 且 君

曾 疾 其 兄 明 寧 末 苑 \pm 未 温 氣 卷 弟 大 海 有 以 日 凊 父 駱 末 爲 遂 冠 友 東 瘦 文 益 氏 季 日 義 娱 爲 章 而 陽 如 統 侍 父 延延 顯 幼 邑 人, 大 石 留 仕 與 無 父 人。 敏 遺 訓 吴 貫 又 鍼 闕 長 慧 全,父恂 子 者, 爲 日 義 藥 兄 君諱 家 孫 會 偏 父 弗 烏 俱 相 人化 稽 將 0 奇 及 È 繼 季 實 鳥 軍 愛之, 爲 君 世 友 鳥 之。 母 傷 君 台 封 少 爲 傷 項 人。 創 觀 守 新 長 多 未 著 氏 也 屋 或 陽 即 買 期 以 自 至 姓 其 侯 義 年 悲 感 書 Ŧī. 唐 品 字 君 季 勵 鳥 憂 而 而 有 ^ 也 感 之 徙 寬 題 於 賓 頓 力 姓

嘆,且 之學 欲 出 業。 歸 乃今 事 謹 愈 從之,遠 必 逍 至 易 一前 往 仕 窮 協 遥 子 **%** 至 家 子 念。 精 求 知 聞 叩 理 林 間 令掩 九 × 力 雖 非 義 請 其 天 儒 至 盡 壑 政 取 亦 克 + 讀 鍾 員 體 地 1: 性 人 者 益 卦 家 卷 引 不 以 愛,十 書 釋 機 後 神 用 萬 數 爻象 井 憚 知 壽 之 必 ൬ 子 具 物 果 年 \Box 井 所 嘗 時 士 終, 研 有 不 存 初 通 歸 : 歲 辭 有 以 識 讀 發 儼 究 理 者 無 悟 孰 必 即 以 條 鄉 致 勢 佛 學 此 至 若 警 就 躍 使 口 黨 莫 用 幡 書 明 Œ 極 致 凝 開 之,使 年 與 外 誦 大 如 稱 然 有 嘗 徹 孟 思 物 傅 論 近 也 乎 孝 所 由 儒 感 者 而 子 成 是 自 Ŧi. 專 單 是 吾 墨 之 歸 有 不 敬言 脱 務 哉 + 嘆 事 君 以 求 聖 名 殊 通 拔 問 略 日 不 撫 士 無 塗 達 仲 爲 人 貫 + 人 遠 . 世 宏 之 性 几 必 其 有 兄 復 而 出 加 處 近 故 讀 使 若 吾 後 作 用 爲 尤 子 於 事 百

朝宗、 次 適 娶 定,不異 以 書 必 必 辭 暇 熙 繞 鰥 大 既 口 嘉 同 有 間 進 適 川 爲之辨析 則 榻 居 名 以 不 句 泰 其 楊 死 、光宗、 里 以 待 風 ,高宗慶霈 而 元 考 魏 於 讀 + \pm 詠 耳 發 躍, 平 世 頃 年 叔 氏 章 夏 聲 以 書 餘 間 時 之 尚 儒 九 其 自 句 利 年 里 止 思 成己 氣 宗、 而字以「子 國子監 月 中。 求之。」 澹 適 人 如 封 其 不 絶 至 + 可宗, 八憚之。 如 此 一親 所 之從 日 復 四 迪 男, 雍 慶 也。 爾 環 躍 涉 丞、知信 再 日 容 功 語 元 如 士 立 家 兄 皆 醮 葬 初 開 郎 發 至 感 五. 性 者 宏也。 圃 獨 業 也。 君 非 雅 致 一,後 數 忽 年 耿 疾 何 于 儒 仕 異 作 四 州及之堂弟。 十月七日 好 語 既 介 處 以 縣 孫 ,開宗尚 事 始改焉。 吟《 之 革 詩 非 二女: 1 得 事 男五 北 日 室 其 宏 如 此 大 命 有 歸 神 , 植 志 聳 . 其 中 人 筆 閑 曲 去 此不 幼 也。 也 然 淳 生 直 來 俾 氣 竹 Ш

> 善 之原,合孺 叔 士 次 也。」 鬼 過 費 余, 人 余銘 之墓 問 以 鄉 銘 余 評 將 E 屬 : 藁 此 會 真 閬 吾 風 邑 劉 允

終其 尚 啓 來 躬。 君子於《易》, 裔 學成不 試 日 讀 得 E 通。 而 斃 白 徧 積 慶之餘 義 見,況

朝請大夫曹君墓誌銘

言 又 穎 用 中 女,翁壻 世 源 興 悟 爲先,真 名 仕 記 元 流 紹 + 雖 臣 興 外 間 誦 李 門 不 有 絶 自 顯 莊 余里人也, 聞 冰玉 人。 氣節 爲 簡 几 侕 知 公 之譽。 明 見 長而 己。 自 光 曹 於 許 公粹 以 客 政 學問 力學 直 詞 授 事 君 中 道 其 章 東 有 大率 Ż 既 大 仲子 焕 嘉 口 賢 節 發 有 紀 以 君 家 者 也 落 時 躬 妻 屹 傳 天 足 筆 行 主 以 然 平. 爲 千 實 爲 而

期 陽 子 來 孝 爲 簿 君之 忠 世 深 以 用 文 歎 行 益 而 其 録 遽 工 不 泣 T 求 可 政 矣。 及, 益 交 哀 情 哉 操 守 日 ! 深 益 將 古 葬 \equiv + 君 方 之 相 年

年 年 Ψ. 夫 袁 官 恩 散 通 再 慎 官 考 氏 微 至 判 陽 補 郎 循 朝 楚 將 妣 舍。享年六 主 君 引 舉 從 祖 贈 建 諱 州 太 仕 請 簿 者 親 宣 政 寧 妣 宜 盅 郎 大 嫌 改 教 郎 関 府 次 字字 夫 年 宣 改 監 郎 明 氏 通 調 授 教 水 知 十有八。 年 判 江 乾 行 嘉 黄 明,明 福 郎 祖 福 銓試 陵 在 道 泰 君 氏 建 實 州 \$ 知 贍 既 轉 長 上等, 皆 之定 秀 贈 軍 年, 年 升 運 溪 娶 遭 贈 激 州 奉 九 朝 縣 司 陸 君 内 太 賞 海 嘉 議 授 月 主 氏 艱 以 絫 興 酒 孺 縣 郎 朔 管 慶元 迪 中 贈 縣 庫 人。 封 文字 功 淳 0 奉 中 曾 0 宜 改 郎 煕 疾 既 + 奉 父 曾 致 祖 終 積 書 九 朝 爲 Ŧi. 仕 大 妣 祖

> 子二 遺 酉 袝 葬 澤 人 君 焉 于 長 女 奉 孝 尚 化 忠 縣 幼 也 禽 孝 + 將 鄉 月 仕 童 還 郎 隩 鄉 先 次 三年三月 塋之側 孝 先 當 宜 被

憂,至 藥 敬 當 則 戒 海 留 貫 燈 文 能 愛,不 氣 究 以 題 必先嘗。 E 讀 作 地 舉子 至 經 力 寧 書, 詩 君 理 躬 使列 除 章 兄 都 術 與 忍 智 几 負 業 文賦 弟 此 金 夫 嶽 鼓 務 頃 定 米 既 未 等 競 精 爲 如 天 刻 酒 率 之 革 爽, 氣 群 下 冠 Ш 違 温 實 命 勞 飲 象。 許 學。 膝 兒 題 形 己 而 始 有 下。 博 誦 勢、 立 君 中 盃 日 見 中 君 就 綜 尤俊 奉 金 引 兵 君 其 貧 自 奉 經 被 剛 而 動 家之學, 留 止 見 不足養 是 史百家之言, 手 疾 邁 經 寝。 輒 求 之爲 心 H 擎 不 驚 詩 萬 小 衣 則 白 群。 奉 人 文,以 恐 卷 盂 不 失 幹 靡 日 親 誦 色, + 解 蠱 置 浴 貽 不 盡 少 之 親 爲 嘗 天 於 書 夜 且. 滄 通

之

地

復

爲

舉

又

以

農

調

夫

均

克,奉身至 突之患 ,卒俾如 伯氏 平, 欲 去 幾 陵 隙 陵 漕 載 孝 翅 于 歲 遠宦 膏 多女,爲 修 身得 實 躬 令。 治 先 薄。 沈之江 無 深 而 倍 腴 築 跡 自 役 盜 挽 虚 也 知 蓰。 沿 寸金 素 之喜 督 留 日 至 人 相 其 流 江 夫 課 嚴 始 其 值 嫁 用 南 ,訟者亦多自 才 自 移 官 其二 數千 軒 隄 在 於 君 情 增卑培 而 歸 少 不 隄, 平陽 義 去 幼 張 慨 有 薦 業, 容 攻苦 好 餘 公杖 城二 然禀 則不 弟 具 盗 之。 使 行。 尤 耕 4 早 能 前 厚 文 又 篤 食 里 白 Ė 吝 尤 聲 者 墾 大 厚 侍 H 而 請 淡 一、公改 知 以 尤 9 日 E 西己 卿 實 郎 求决。 助 徒 日 撫 見 君 著, 爲 闢 江 洋井大 曾公 忍 浸 辛 其 之。 勞 篤 其 永 州 容 子 貧 引 諸 衝 公 於 E 孤 利 江 歎 棄 逮 君 介 決 爲 與 自 吏 士 司 友 百 二乞開 淮 事 嘗 鹽 畢 道 簽幕 以 交子 事 事 會 至 須 有 公彦質更薦 者 禁 : 帥 足嘉 帥 與 來委。 牒 談 吐 貮 , 其舉 胸 皆 車 民 9 歎 漕 E 訴 笑 乞令楚 者 Ŧi. 臆 几 壽 以 闕 争 釋 其 Ш 總 揮 乞 乞 君 利 爲 河 詞

然,

不

使

旬

1823

邊

Ŧi.

即

以

處

君

餉

合

詞

次

子

即

能

書

不

積

君

以

Ŧi.

鼓

秉

燭

治

事

遲

明

mi

翰

無

難

色。

嘉

興

劇

邑,

H.

當

孔

榷

酤

餘

杭

京京尹

尚

書

張

公

构

韓

有

云

:

首.

論

敢言,

不

肯

詭

隨

之,

遂

以更

選

公餘

任

刀

筆

之

敏

既

至

長

溪,

辛

帥

閩

以

霧

未

比

謂

縣

爲

持

不

可

弟

寓

江

委

以

事

終身,

至

荒 出 欲 就 偶 乞 仍 0 饋 産之地 田 不 不 職 餉 舊 其 帥 登 性 次 以 必 之 節 在 相 怒 素 玉 擢 實 再 備 制 與 Ш 陛 剛 易 邊 開 印 用 出 ; 陽 觴 鈴部 方 或 儲 糾 兩 戍 7 詠 嘗 尤 乞 曹 以 淮 軍 之 彌 習 悉 來 偶 鐵 申 論 馬

賞

緣

其

意

疾

帥

江

自

温

除

民

歸

心

衝

而

所

向

不

開

淮

東

當

思

地

邊

錢

嚴

止

用

官

會

以

爲

Ш

陽

州

守

臣

異 牒 開 作 甲 德 滯 此 漕 見之,吴公加 季 人 于 備 有 鄉 ൬ 公木 ·至辛凡 之。 以 果 書 府 闕 衆 傳 其 訟 不 幕 曾公炎 在 君 吴 體 先 聞 可 尋 見 下 、見於政 疏 有旨 公琚 選 次 君 謂 之名者 者 以 以《 決 高宗 八帙 悉從 時 中。 細 君 授之 事 岸 無 倅 詩 故,緇 自 付 爲 禮 事 獄 王公希吕 慮 尚 傳》俾 平. 京 不 後 七十之慶,一 比 第六, 其 焉 者 以 陽 邑, 千 省 爲 説 加 能 可 止 黄 歸 來 數。 看 浙 以 監 傳 禱 君抱負不 遽 某 此 隨 試 觀 漕, 詳 振 漕 遠 爲 識 祈 會 獲 取 君 者 中 貸 吴 臺 閩 序 中 也 君 Ħ 進 亦 無 書 奉《詩 得 明 試 中 而 引 文 時 澍 庶 置 賦 不 凡,動 舍 君 歲 以 君之屬文, 刊之,遺 文賦 夢 理 夢神 可 勿 篇 歎 人 早, 名 語 優 事 感 君 論 》、《易》 服 鄭 口 加 爲 表 以 長 無 位 白 格 其 公丙、 喜 事 古人 詩 以 者 媿 頌 藁 不 辯 使 I 俱 兼 以 E 黄 + 獻 皆 貮 古 自 稱 長 析

室,而 喜雜 + 老 適。 미 倦。 品 汝 君 真 少 以 自 衰。 居台之寧 稔,而 雅潔, 非 慴 成 以 御 者 求 燈 期 警悟 少、從 既 客去 家 交,以傍人門 客 所 合,孰若 温 夫 使 意 摽 不 至 嚴 恭 夫婦 聚 贵 致 至 婦 相 海 能 者 則 則 整 勤 書 古 干 甚高,不合於俗。 不 奉 放 書之 曾祖 1 凝 討 自 俱 萬 以 行 儉 可 姑 居 達 貶 坐 論 卷, 以 然。 ? 吾之志。 不 鄉 以 别 能 無 爲耻 坐右 古 熙 喪 尚 求 室, 多手自 中 媢 以 暇 理 今, 歸 知 進 和 祖 更 妬之私。 遣 商 我 多 扆,父之機 可 觴 游 燈 0 使 骯 自 計 宦 者 採 父老 哀 讎 詠 宦 觀 晚 得 髒 號 希 雖 釋 也 校。 每 奕 書 1 嘗 壽 牧 兀 不 氏 處 童 己。 則 謂 棋 事 積 築 考 傲 歎 庵 顯 此 高 孺 每 我 與 姑 奉 自 居 日 學 言 起 宜 爲 勝 意 室 相 貴 而 其 相 1: : 111 之言 殊 老 於 廬 鄉 適 夜 爲 矣 氣 人 取 夫 不不 富 僅 不 世 其 不 以 識 美 里 爾 不

著其 + 年 之,以慰孝子之思云。 助 妹 婦 ·, 此 爲 自 道 母之賢 以 惟 有 多 尤可 姑 謹 年 嫂 日 稱者 才五 相 君 亦 也。 有 處 君 無 幼 十有二, 孝 君之成家 平. 妹 間 忠 時之所 寡居, 不 痛 銘曰 怙恃 先 願 君 出 再 君 稱 之 處 適 欲 者。 繼 年 同 無 奪 卒 玷 而 牽 居 嫁之, 缺 聯 併 求 書 月 内

其 制 知 放 益 媳 我 厥 奇 者希 慰 矯矯 辭 0 於先之。 駢 爾孝 水 見 几 於 儷 明 胸 思。 天 有 六 中 伉儷 政 耿 篤 與 耿 八令姿。 精 同穴,行道 論 敏 I. 噤 詩。 光 不 學有 輝 得 奏 興悲。 施 賦 自 才 高 來,而 明 吾 光 位 我銘 徒 掌 大 文

參議方君墓誌銘

余爲兒時,先光禄知烏戍,已知秀州史

清 禰 之子叔恭爲 拜 爲 月 以 薦之,幸遂 而 又 吾,納交雖 風 鄉 去,民歌之至今。 君方公之名。 仲言 里官 助 坐 甲 九 度 床下,侍德容,聆 秀之考官,公方奉 系之銘 之請 次 月 ,以爲 申 實 葬 八 所之詳 以 君 日 余所敬, 識 淺, 書 不可及。 打 仲 于 終 方氏 來 既冠,公守 言 臨 套局,喜其 于 而 求 有 安 家。 意 故 乾 三世。 銘。 娶君之女弟 史學 縣 甚親。 家 教 公既 祠 道 靈 意 言 居 七 新 鳳 年, 象 有 四 城 嘉 云亡,始 年 書詳備 浙 從 鄉 後貳 寬 曲 中 明, 泰 父祖之遺風 西 叔 同 歸 弘 元 參 恭 事 訖 才 長 永 既 司 乃 年 議 等 歎 者 Ш 識 事 嘉 狀其 府,夷 摭 官 既 之 聞 各 閲 其 始 仰 郡 其 王 原 以 夷 子 前 詢 得 文 月 遂 學 實 明 祖 吾 吾 夷 輩 其 而

叔 以 來,遠有 君 諱 導 9 世譜 夷 吾 ,後居嚴 其 字 也。 之鸕 方 氏 鷀 自 原 周 晚 方 唐

害 登 饋 睨 簡 忠 + 贈 郡 外 深 府 氏 至 致 廣 兀 北 從 遺 遷 簡 遠 少 夫 駕 或或 公 主 郎 英 而 贈 一管機 客 師 人 歸 光 所 班 公 部 先 此 專 在 濟 贈 永 其 鼎 諸 城 員 生 交 海 銀 其 以 隱 嘉 旁 宜 外 最 擁 妣 父 以 皆 外。 青 乏 爲 張 然 郡 觀 =i 文字 滋 爲 麾 李 郎 詩 當 光 奇 夫 絶 忠 爲 公 者 鳴 世 氏 幾 秦 世 敷 禄 貨 獻 皆 人。 危 生蒙 所 不 贈 方 大 名 徧 七 代 贈 文 公後、 爲 之, 稱 幸 興 夫, 士。 東 特 世 閣 祖 11 名 越 秦 曾 殁 羅 朝 進 南 學 而 師 或 元 臣 君 君 氏 洪 於 弗 在 散 織 楷 修, 獨 夫 士 之 所 所 忠 及 煙 忠 之 之 妣 郎 以 僧 至 擯 宣 見 垕 瘴 朝 獄 通 卹 廣 進 王 有 尚 祖 孝 斥 者 公 正 議 請 氏 1 少 以 竟 急 惠 書 也 9 謹 皓 始 年 大 郎 起 流 師 V 時 愛 贈 亦 中 淮 夫, 家 目 散 李 自 源 未 大 存 者 不 爲 餘 妣 田 濡 莊 能 津 省 湖 名 員 睥 流 晚 杭 仕 趙 几 陳

朝 遭 路 横 任 總 似 年 康 浙 西 師 明 尋 有 派 耳 散 差 路 之。 林 染 0 浦 縣 運 内 出 安 領 林 口 寓 書 之 郎 艱 提 疆 孝宗登 淮 該 公之 張 司 撫 姚 通 者 公 造 0 恩 局 久 明 點 東 司 江 判 以 年 於名位 九 船 例 奇 九 紹 軍 刑 主 ₩. 親 故 成 場 年 不 極 紹 明 游 獄 馬 管 熙二年 循 濟 江 屬 興 堂 忍 錢 司 循 書 T 又 右 府 恩 物 講 去 + 大 幹 糧 寫 從 雖 從 小 右 之 究 年 側 九 禮 辦 循 所 到 文 事 御 師 機 不 + 精 心 年 右 公 幹 自 得 史樊 官 改 憂 林 郎 宜 六 賜 微 切 事 辦 承 監 0 以 展 通 郎 文 0 年 緋 五. 直 公事 達 潭 <u>二</u> 十 直 淳 郊 公 布 字 衣 大 年 光 郎 識 光 熙 七 恩 郎 乾 州 0 得 銀 베 差 宗 年 宏 遠、三 \equiv 補 道 岳 差 少 改 平. 師 魚 知 入幕 知 覃 年 度, 年 將 初 廟 充 辟 師 湖 生 承 沅 恩 仕 元 兩 罷 Ш 監 福 差 是 州 凡 出 侍 州 郎 宗 授 充 武 建 處 以 兩 久 浙 少 兩 几 郎

所 常 士 縣 女 仕 厚 軍 次 東 新 視 武 主 氏 五 郎 李 派 叔 路 以 出 祠 夷 倉 通 上 享年 景 人 御 張 提 , 封 覃 判 Ш 敏 爲 適計 藩 佺 點 臨 恩 舉 沖 女 則 久之,差淮 宜 史中丞 繼 長 四 將 六十有九, 。 餘 龄 授 常 安 祐 詵 季 人。 未 人 軍 平 子 觀 朝 尚 次 以 弟 季 行 ·男三· 府 可 許 同 遺 散 幼 相 後 長 幹 事 尚 次 南 嫁 恩 之女,君 大 敬 年 ; 人 從 承 辦 幼 安 補 適 夫 川 如 積 次叔寬 釋 事 公 官 撫 差 明 承 階 賓, 長 氏 事 郎 孫 奉 史 知 請 司 之姑 至 叔 動 文 參 郎 默、熊、照、然。 男六人: 黄 祠 次 新 皆 朝 宣 恭 合 卿 議 · 主 州 適 秦國 賜 請 知 監 也 法 教 官 進 常 鎮 大 復 次 緋 管 郎 度, 朝 許 州 夫 江 士 魚 太 請 建 而 熙, 奉 張 閨 晉 府 淮 夫 嫁 遂 袋 武 寧 郎 閩 陵 淳 娶 將 人 進 大 南 夷 己 府 9 0

初,君在憲幕,王丞相淮爲使長,雅知

之産 斃,案 平 密 君 鎮 者 茹 出 爲 足,異時 去矣。 會 邑 君 平 菜 絲 邇 用 創 玩 賢 承 鄉 檄定 君 纊 弛 許 者 行 尅 民 科 中 其 既 船 數 都 浦 大 闕 獄 皆 罰 日 賴 亦 己 歲 基 場 + 售 疚 易 而 移 廪 伏 牽 以 額 在 薪 辦 既 心 錢 連 濟 貸 致 屯 魯公大喜 辜 浸 華 致 請 協 便 者 税 越 寨 物 · 亭 仍 虧 寬 於 而 贊 競 論 者 課 屋 訴 爲 猛 造 事 嚚 如 又婺 \equiv 俱 君 爲 多 痛 郡 得 君 請 船 律 訟 白 償之。 克 除 所 怨 律 欲 利 宜 本 不 有 餘 以 平反。 勤 重 家 其 身 以 訟 錢 君 已 倡 間 所 征 羡 既 細 誣 論 舊 究 漕 家 亦 , 久之未 征 之 嚴 務 薦 訴 屬 其 君 子 司 使 衰 弊。 商 德 實 Ŧi. 額 别 剖 於 悉 規 兩 少 清 販 而 郡 儲 青 決 既 白 富 造 武 木 君 乃 縣 定 公 以 縣 龍 登 室 俱 康 植 期 憂 使 鄰 鞫

● 「照」,原爲墨丁,據殿本補。

者 期 皆 仍 法 事 君 驗 纖 於 卻 輻 蹊 俟 知 申 <u>T</u>1. 其 、公私 其 鞭 更 湊 悚 粟 等 他 至 法 命 洊 懼 立 舊 之 畸 既 後 朴 數 井 必 州 問 值 謀 有 規 縣 死 不 擾 税 賤 百 豐 邑 交 即 間 減 式 欲 糴 驗 嘗 避 無 而 斛 亦 歲 病 承 則 出 杖 久 更 於 義役 所 迹 勸 取 爲之改 典 例 郊 境 張 不 雨 是 從 呕 而 諭 嬴 君 野 吏 捕 良 内 明 有 者 出 下 争 以 逐之。 請 誠 以 鸚 盗 者 至 法 熙 先 食 招 觀 老 篤 怪 補 於 商 妻 庭 賊 也,行之或 然。 用 就 之。 君 民 郡 穉 其 人 子 帖 民咸信之。 役 百 有 數,又 焚 米 昌 吅 患 爲 不 息 復 寓 須皆 曾 苦 言 運 設 訴 其 闉 他 足 舊 客任 不 書 幾 至 倍 夫 水 方 縣 以 以 規 雨 以 反 踰 豐 略 久 且 征 械 暘 至 餘 償 公 千 自 以 儲 大 時 出 蠲 得 取 追 貲 旁 致 紳 致 至 隨 不 倉 宿 以 科 代 以 來 禱 姓 君 出 還 害 逋 下 俟 竟 者 諫 多 徐 爲 爲 退 無 不 Ш

孝行 資 暇 院。 得 其 不 桐 表 郡 多 此 至 君 議 金 政 體 屬 贵 暴 前 訪 貳 晞 古 去 瑞 謂 趙 公 可 也 以 其 母 上 虜 之 香 卿 聞 太 以 力 蓋 公彦 終 聞 秩 取 家 從 邑 歸 沈 守 者 遮 滿 致 人 事 君 廬 擢 赫 我 兄 公揆 日 道 欽 列 日 聚 耶 墓 逾 專 久 赫 河 也 無 勑 歎 H 其 挽 . 觀 俱 滯 務 名 南 \$ 同 事 不 留 露 風 高 行 在 逆 自 靖 吴 里 所 得 土 之 徒 降 化 節 而 旅 所 起 蘇 越 康 門 其 之 夫 删 之 如 步 民 其 學 於 部 至 失 境 最 形 今 平。 舊 定官 走 受 美。 生 朝 上 此 母 追 視 号 亟 丞 于 育 北 相 晶 送 控 與 劇 稱 相 兩 歌 四 惟 惠 提 長 方 改 得 世 懇 者 熒 郡 境 公 謝 攝 詠 武 齋 刑 秩 甚 備 相 奉 公深 不 潤 如 者 郡 始 便 康 劉 泣 歡 君 主管官告 以 液 忘 事 數 至 坐 公 無 有 弱 血 家, 久矣。 以 數 有 尤 外 穎 遂 沅 決 挾 以 歸 爲 閑 賜 州 臺 H 梧 不 詞 行 求 大

訪

其家

而

베

應之,

路

嬰孩

悲

啼

育

盈

詢

少

師

喜

爲

似

之,皆遂

全

活

號

者

法

當

誅

日

二年,虜

犯

淮

解

衣

推

食

君

失

君

之喪 惟 交,共 堂 者。 定 不 夜 及 如 官之日 祠 非 施 論 宣公長子 派 有 即即 許 流 循 其 犯 R 秀 塗守 率里 志 茶 淹 處 相 爲霈 達 號 亦 隨 爲 口 也。 鹽 逾 延 慕 其旨 擊 郡 連 納 車 适 數 轍 枝 之 年 人禱 幾 歎 然。 齋 歲 禄 之 吴門 爲 禁,多妄引 而 會 蔓。 奥。 致 致 計 大旱,公憂惴 應。 己。 屬 言 若 於 既病 謝 滅 文 敷 苦旱, 刲 路 道 尤喜 性 派 惠 再 都 奏詳 股 申 少師 宫, 猶 皆 相 就 X 仕 城 七十 以 讀 文 仇 相 嘗 祠 以裕 甚 極 敏 人 延 救 惠 在 怨 躬禱 禄 所 早, 通 其 燔 越 然 之 尤 公也 番 與 L. 鑑 難 民之要 精 之 或 後 甚 又授 制 重 禺 甚 多 於 ×, 後 引之, 誠 岩 君 之疾,執 悦 去 藏 横 策其 羅 仍 誦《 議 親 之家 ,皆見 官 至 任 命 致 聞 人 Ш 列子 幕 側 治 簿 退 其 情 龍 洪 四 君 于 親 然 責 亂 居 定 忠 書 未 母 皆 適 於 廟 V

其

人

雖

强

附

江

者

竭

力

拯

取

友

必

端

志

遺

訓

惟

謹

歲

當

給

者

悉

不

取

説

爲

之,果有

功

焉

少

師

楊

歷

最

非

甲

守

之命

黄

州

陛

辭

艺

銓

擇

巡

檢

以

備

不

虞,

又

源

委,

往

往

懸合。

嘗

論

太

湖

高

於

運

河

當

疏

霅

川

浦

漊

之要者

庶

無

飢

歲

後

湖

守

得

其

鄰

力

興

師

干

保家 得 爲《覺 滿 所 晚 歡 於 遺 前 年 宴 佛 終 法 終 姊 先 齋 雍 語 書 日 有 弟 制 見 睦 一、長從 不 合 而 小 之風 從 聞 倦 逝 處 圃 約 録 是 大 書 夫 相 蘇 鄉 皆 慧宗杲游 羊 婦 間 氏 四 病 口 其 垂白 女兄 句 稱 中 銘 中,客 偈 焉 呼 子, 既 以 且 子 銘 又以 寡 見 弟 孫 至 日 死 志 衆 奉 稱 戒 猶 平 多 之 家 誦 幼 以 日 盡 有 簪 嘗 杲 孝 見 無 舊 有 紱 弟 聞

奉 信 禱 宋。 擅 心 無 孫 釋 詩 不 以 祠 蟬 綜。 往 求 仰 孝 聯 名 氏 惟 弟 兮,見 之 子 少 方 而 ,仁將 兮,感 師 策千古之治忽兮,寤 叔 根 抱 最 之在 於 之深仁 送。 重。 衣 心 不可 精 冠之光 分, 六傳 宇 周 神 厚義兮,有 量 兮, 勝 於吉夢 利 七傳 是 寵 用 欲 以 似 壯 不 兮,爲 兮, 源 兀 爲 猶 沖 盛 英 流 君之初 惟 之 而 德之 虚 老 出 動 慈 名 爲 蒼 耐 晚 顔 臣 勇 度兮, 邁 成 唐 兮, 之 於 推 誦 種 兮, 學 是 我 是 子

> 依 兮, 以 衷。 小 梧 云亡兮,非 吐 E 其 試 折 而 何 世 尚 流 獄 雖 不 一之丘 後之人傳業兮, 兮, 湩 不 約 以 得聘兮, 夫人之誰 幾 而 懷 壟。 自見兮,言 有 空 憂世 衆 庭 詩 著 而 之心兮, 以 慟 致甘露 聲 無 颺 庶家 訟 必 望之已 之兮, 幸 有 之下 風之接踵 不敢 相 蹇 中。 從 顧 挽 聳 墜兮, 於 諫 何取 悲 須 九京兮, 而 長 片 與 以 於折 者之 言 著 扣 諷 碧 閻 口

知鍾離縣姜君墓誌銘

亂 期 來 來 之,又爲 之者 見, 相 謂 報 嘉 得 涕 甚 泰 考 疾 泣 呕 元 遠 之不 往 濠 而 年 也 赴 言 梁 春, 之。」 可 故 曰 明 姜 爲 迹, : 年 袖 君 而 冬 爲 鍾 出 子 復甦,始 離 初 大 其 謙 篇 弟 書 其 赴 將 以 言 兄 鍾 不 Ľ 贈 鈴 甚 離 可 矣 别 悲 轄 免, 所 既 子 而 以 餞 婦 書 陽 以 不

又以 , 木叔 之際 求 爲 末 知 墓 書 至 見 銘 不 之 猶 爲 我 屬 亂 失 其 述 比 卷 而 聲 如 : 望 余 其 友 閒 孤 其 此 而 平 與 不 袁 關 介 見 備 泣 得 昔 能 木 發 扶 而 攻 大 揮 自 叔 又 而 何 吧 然 媿 憂,服 魏 卒 郎 恩 累 進 **H**. 南 於縣 氏 年 轉 年 + 嶽 贈 知 科 成 廟 碩 除 轉 濠 覃 派 治 忠 相 恩 保 州 改 辟 秩 郎 + 轉 文 鍾 授 差 義 滿 君 節 月 授 郎 監 離 紹 充 承 初 公 几 承 縣 婺 樞 務 熙 監 以 母母 H 事 0 郎 州 密 几 行 世 弟 也 郎 Ŧi. 年 蘭 院 在 賞 知 年 轉 溪 準 享年 豐. 知 臨 補 慶 備 寧 忠 酒 儲 轉 安 承 元 或 庫。 翊 差 四 倉 奉 府 \equiv 節 郎

大 避 故 侁 奉 大 夫 成 地 故 忠 夫 始 君 累 諱 郎 徙 侍 贈 母 鄞 柄 閤 禁、 和 朱 門 今 子 州 閤 氏 爲 謙 祗 防 門 慶 候 其 禦 祇 字 贈 元 懷 使 候 也 府 皇 吉州 君 贈 家 人。 后 既 武 姪 刺 世 陞 父浩 德 也 史。 汴 朝 郎 京 封 改 故 以 宜 祖 贈 曾 靖 武 宣 康 祖 顯

兵 儒 治 郎、 女 西 雖 葬 火 命 封 事 以 新 也 立 流 力 君 孺 黄 家 離 不 於 人。 州 塾。 貨 初,姜氏 及 縣 黄 上 之豐 男 財 出 宣奉 世 蕩 縣 之富 樂 之 盡 尉 記 鄉 煓 銖 司 覽 甲 東 馬 積 多 於 女二, Ш 遂 聞 寸 而 京 唐 絫, 儒 教 師 家 長 使 + 府 議 以 風 年 於 郎 嶼 子 年 + 許 涇 而 有 J 郎 寖 文 弟 潛 喜延 九 轉 是 六 官 監 嫁 縣 淳 九 尤 原 門 縣 月 年 梠 宣 年 迪 奉 熙 潭 矣 丞 名 從 之 娶 覃 公 Z 功 疾 教 + 州

1831

概

文

核

而

事實,

子

陽

辭

忧

拳

拳

於我

之銘

將

葬

嗚

呼

子

謙

死

生

!

植

立

不

肯

頹

墮

惟

子

深

槱

又

得

書

云

:

欲

懇

攻

媿

日

求

攻

媿

數

語

以

表

吾

:

以

歸

往

哭

之哀,

見

其

遺

猶

革

其

無

恙

也

未

幾

TITI

計

尚

致

永

訣

之意

某

弱

子

幼

非

兄

來

不

可

0

其

之子 之。 以 科 不 不 繼 自 無 寒 疾 取 王 口 宣 吾 官卑 修 暑 宫 以 爾 面 第 升 漕 奉 不 實 忍 亦 之弟 宣奉 緩緩 實 發 禮 兄 光 目 仕 薦 大 不 爲 自 弟 見 身 部 其 聞 小 而 同 蚉 入於家 此 急 君 棫蒙 之子 之喪 先 辭 寅 諱 學 登 哉 興之。 子 何 君 勞 人 感 君 濤 教 噆 有 以 E 孝宗 薦 於 最 慨 始 授。 後 膚 場 使 書 或言 倚 近 漕 幼 奮 地 六 寺丞吕子 登 屋 人 在 洛 樞 召 郡 廬 臺 發 下 年 君 ? 聲 科 卒 對 密 使 誦 有 可 光 與 登 蚤 再 ; 於 院 特 周 不 年 禁 免 語 之 四 遂 胄 紹 夜 垂 桐 時, 輟 益 卒 解 弟 苦 除 兄 約 其 哭 監 力 即 興 翅 犯階 公, 官 閤 己 燧 皆 時 切 + 志 學 不 子 南 謂 人太學者 名 者 職 復 不不 朱 仕 絶 謂 陽 宫 益 事 級 又 9 薦 于明, : 躡 出 年 也 君 公 與 不 樸 必 而 知 ·, 不 書 世 子 大 成 飢 模 軍 主 欲 終 \Box 與 雖 不 科 奇 茹 相 陽 政 帥 則 渴 以 君 抱 几

屬 警 輸 府 光 者 尺 秀 潛 踐 婺 遇 心 以 喪 洗 其 彬 女諸 之必必 君 度。 者 巖 有 作 庭 履 昨 末 敏 居 賦 親 者 非 禮 彬 補 邑, 俗 於 成 處 臨 近 初 或謂 名 賢 歛 爲 之 官 之 足 然 容 口 弟 士 師 事 止 授 悔 在 子 袵 哂 倡 尤 皃, 友 勉 風 規 鄉 有 鋭 出 指 有 第 求 員 稔 也 久 規 世 舉 議 意 愀 於 0 畫 Ŧi. 後 益 俗 典 志 不 里 占 每 陶 舉 然 欲 朝 數 昌 反 社 於 振 刑 名者 與 染 業 榷 旦 動 邑 士 旨 化 年 先 古 中 士 陞 既 覆 酤 色, 人 友 年 貽 爲 達 人 君 =; 日 堂 且 者 吅 久, 榮之, 其 所 三 十 隣 書 遂 之邑 、爲己 及 欲 請 親 進 共 衆 講 懲 朋 而 四 相 以 舊 殆 欽 六 忿 之學 舊 訴 登 書 庠, 方賢 與 相 期 裨 其 許 未 也 七 第者 校 矯 討 於 語 郡 年 在 猶 民 爲 E 藝 府 薄 士大 折 論 日 蘭 西襄 而 選 翻 君 忧 日 喪 . 尹 皆 谿 向 士 見 資 節 然 君 酒 9 禮 尹 以 贊 之 君 學 有 於 於 與 虚 自 素 執 而

梁 事 不 以 相 動 君 服 爲 析 而 短 歡 베 ,檄 屬 科 喜 義 呼 委 左 輒 長 往 少 : 日 而 飲 白 懈 君 薦 吏 不 右 翻 隨 此 丰 人不 力 人 争 而 民 於 於 能 酒 異 者 實 度 不 僉幕 即 訟 縣 繪 郡 體 朝 聳 去 皆 能 高 剖 足, 民 牒 事 像 藏 素 服 君 其 郡太 竄 奪 贊 便 勝 決 畢 紛 弱 立 書 有 夜 日 黨 之, 聲 舉 盗 助 數 委 蕑 祠 安 . 以 守 撫 有 總 聞 遠 恐 # 爲 千 澹 可 繼 不 字 尤 獄 君 而 燁 必 領 卷 清 近 馬 多 漁 有 之。 己 吏 加 君 減 力 韓 吏教 然 苦 者 無 奪 爲 凝 勞 罪 敬 病 公 内 止 就 君 ? 不 之 内 異 惡 塵 無 亞 外 之也 矣 地 其 快 本 而 逮 報 卒 滿 聲 和 貫 臺 議 卿 之。 應 以 種 者 色 已 外 免 室 盈 _0 君 多 君 學 以 用 鍾 之奉 剛 之, 得 生 君 疚 或言 尹 蕭 文 以 績 之 離 而 其 鞫 文 章 滯 不 心 然 長 持 益 文 勇 事 老 又 剖 曺 略 V 訟 爲 簡 如 政 在 事 於 重 穉 而

> 其亡 之 此 子 作 侵 谿 尤 子 日 少 物 論 加 曰 痛 許 即 見 陽 至 偈 詩 泉 I 外 叮 磻 也 小 惜 遠 品 書 以 可 石 以 命 隝 相 者 寄 楷 善 9 處 勝 邑 皆 閒 信 又 妻子治 率 細 禪 與 即 絶 人 書 君 平 作 居 時 寑 哀哉 故 衲 人 所 9 爲之 之 時 詩 以 君 惟 從 食 交, 之 居 後 纖 所 薰 與 雪 清 雅 每 於 厚 超 聚 事 悉 存 染 同 至 窗 婉 士 親 縣 善 蓮 哭 銘 講 明 寮 徜 故 甥 有 張 齋 者 堂 而 己 白 切 思 徉 相 館 武 推 池 人 喪 而 醫 大 致 與 子 其 意 見 人 遇 西 歸 屏 見 檜 書 如 爲 中 象 累 其 致 游 人 於 數 盡 文 至 鄉 Ш 所 賞 訣 正 危 坐 石 節 躬 曲 紙 力。 親 中 未 大 别 坐 創 無 公於 行 必 客 以 無 爲 之 亭 雜 者 思 既 前 參 戒 疾 不 者 意 其 詩 爲 深 爲 數 既 坐 名 如 碧

没 世 鳴 而 呼 無 子 稱 謙 邪 ? 是 好 以 名 其 邪 學 ? 力 致 躬 其 行 身 自 V. 起 其 疾

攻塊先生文集卷第一百十三 攻塊先生文集卷第一百十三 攻塊先生文集卷第一百十三 攻塊先生文集卷第一百十三 攻塊先生文集卷第一百十三 以塊先生文集卷第一百十三 以塊先生文集卷第一百十三 以塊先生文集卷第一百十三

一七二九

攻媿先生文集卷第一百十四

四明樓鑰大防

墓誌銘

林

府

君

誌

銘

樓 楊 月 家 不 某 里 見 年 敬 丙 於 + 納 仲 申 几 間 交既 用 明 簡 敬之。 葬 言議 月 有 既 于 久,君之子若 七 善 識 鄞 H 士 其亡也 其 縣 亦 林 卒 壙 無 通 君 年 以 袁 遠 弔 諱 七 表 和 鄉 孫 + 者盡 碩 暴 叔 金 請 , 字 有 於 谷 爕 銘 四 哀。 外 里 又 興 銘 狀 之 祖 躬 明 力 曰 其 赤 年 學 行 開 行 隴 \equiv 干 M 禧

救 於 倦 書 先 喪 佚 挺特 官 本 或 檢 疑 用 兀 可 經學。 盡 物 問 請 昌 人 柅 我 户 明 ,形體自 官止 第於: 曹 之 禮 此 手不 清 益 厥 所 惟 知 後 身。 使 心窒 失 , 甚 曾 林 在 清 水 反 ·停披 人 之先 久 財 祖 攝 爲 自 漿 遠 於 退 開 慾 誦 而 父 劇 雄 累 信 不 飢 卷 不作 無 之,竦 嵩 簡 愈 萬 著 暑 聖學之要,正 母 人。 渴 指 後 明 鄉 甚 儒 卷 隱 吾 講 也 籍 言 示。 病 科, 無 有 自 有 學 聽 馮 積 德 于 祭 網 知哉 詳 餘 豐 自 青 益 無 至 氏 飯 晚 祀 羅 謀 儉 勤 賢 高 趨 惰 施 0 仕 必 必 百 不 尋得 聞 約 厚 五. 齋 冠 家 不 道 求 在 荷 如 必 過 君 祖 季 顯 一兢業。 巾 軻 斯 費,傾 友 忠,赴 箴 博 則 之 目 暐 恭 植 避 可 親 至 覽 喜, 規 讀 告 德 敬 漫 地 心 節 致。 切 汲 書。 彊 誠 名 仕 急 若 貲 度 謂 改 君 遂 汲。 慤 必 靈 買 推 無 質 執 無 根 少 居

志 任 亦 人 惟 政 詠 勁 不 心 身 難 有 不 祖 E 邑 〕簿,宣、 舍選。 · 屑 輕,爪 葬 周 克 疑 孝。 戚 怛 康 小 專 色 焯 于 化 楷 休 君 豐 恂 節 相 在 天。 字之以 病 恂 嫠 收 林 詩 髪 一之旌 僅 夫子。 見 爲 人謂 視 病 不 **愛藏去。** 禹 民 之心 試 君 遠 如 宗 子 矣 恤 云 功 德 則 七十 全,義 在 處處 久, 君 緯 ____ 呼 萬 敬 叔 尉。 畫 無 家, 伊 繼 官 恭 克 已 友 次 奉 世 惟 憾 里。 洛 進 傳 從 慶 勤 無 執 方之 事 遺 時 次 誦 子 一,才 小物, 士 由 體 政 敬 是 畫 别 省 言 願 躬 獨 任 教 不 友 夜。 司 積 憂。 楊 閲 行 依 行 何 不不 神 伯 善 衋 忻 \equiv 録 越 動 敢 九 于 X 賢 今忘 叔 氣 \Box 傷 之 年 有 渝 不 京,今從 家 ? 孫 自 泰 伯 既 惟 否 理 懼 淳 彝 女惟 定 登 深 生 也 忠 用 是 究 尚 夫 則 則 怡 忽 科 媿 死 捨 其 人 觀 叔 亦 涕 孫 焉 怍 端 壻 伯 不 安 其 主 爲 聖 然 唾 如

亡,視此銘章。

戴俊仲墓誌銘

嘆。 監 以 踈。 職 授 尤 文行 也 八 至 詞 月 與 章 職 淳 禮 郎 迪 潭 之 詩 爲 去 熙 乾 + 州 孺 功 久 于 郡 密 處 鄉 余 郎 道 六 南 子 1 清 學者多 年,始 庠 先 年 嶽 去官十五 七 婺州 聞 婉 避堂 君是 生,著《春 廟 校,與之議 年 既 君 有 思致。 佳 以 以 不 金 以 以 時 余 華 特 + 光 可 士。 舍蓋 客 Ė 年 宗 縣 出 奏 有 嘗 授 秋 丽 覃 性 矣, 尉 名 而 事 公, 薦 經 東 復 月 恩 光 試 質 戴 徒 于 解 嘉 假 詳 而 粹 甲 循 補 君 有 堯 鄉 君 守 審 從 申 賀 温 數 俊 蓋 室 慶 五. 已得 終 事 州 而 不 萬 仲 真 士 壽 邇 寡 于 郎 言 文 1 爲 夫 人遠之 欲 恩 得 末 學,尋 失, 家 禮 録 之 下 余 循 能 而 疾 故 以 淵 榻 修 親 以 爲

冬合葬

焉

君

方

領

袖

諸

生

時

誠

之已

能

屢

殯

于

德

政

鄉

湖

嶼

之

原

夫

人

以

開

禧

元

年

仲

孫

女五

人。

君之喪,以

紹

熙元

年三

月

辛

酉

試

E

一游

淇

雖

幼

亦

秀

爽可

喜,

與

余諸

子

同

學教授

張

泳

次爲

尼,名法

壽

住

處

州

П

向

學。

淇,爲·

太學生。

女六人:

長

適

張

涣,

次

無

間

言

後君

十五年卒,實

嘉

泰三年

七

月

+

日

也

,年八十。男二人:

誠之,

爲

郡

直

年

六十有八。

娶陶

Ш

張氏,相敬

待如賓,

家

適

諸

葛

詵

次

適

包

暹,次適

迪

功

郎

廬

州

州

院

幼

適

王

廷

碩

孫男三人:

橚、杕、

復。

其 惟《 春秋》。

既

部

葬四十

年,其

孫

過

江.

陵

謁

銘

於

元

微

日

而

成。

余既

許君

之銘,二十

年

前

不

洲,又

以

請

余投

閒

多

病

又

復

許

久。

杜

之

初

喪,二子

來求

銘

久

而

因

仍

未

就

夫

人

誠

之亦

困

一於場

屋

淇

在

L

庠,尚

口

望

也

公

研

席。

雖

嘆

君

之滯留,

庶二子

之

奮

發。

今

通判姚君墓誌銘

嶷 學 容 于 登 仕 事 即 任 顯 才 穎 師 然已 始 ,賜紫金魚 君 以 州 明 業足以 進 終 曰 可 之大 宜情 以 士 教宗族之子 可 1持、日 几 哀 明 左 有 第 科 户 明 奉 今 也 素 父也 成 稱褎然之選, 意必遠到 者 自 爲 己。 輕 議 一
学
者 薄 人 人風 幾 或 袋。 慶 財 郎。 再 力,尤号 及 初 君 好 元 弟 弟 以 百 母宜 調 相 字 府 施 父孝 來 Ŧi. 9 人 和 踵 博 洪 實爲 一歲讀 於是姚氏後 創 矣。 人楊 端 州 擢 洽 曾 卿 · 全, 必慶堂於 弟 録 拱 吾鄉 大父阜 書過 Ξ 世 淳 氏 事 封 遂 與 家 熙 年 參 朝 之光。 爲 計 吴 目 五 軍 君 至 奉 聞 又 ௱ 偕 城 迪 興 年 乾 不忘,十 在 大 竟 遂 族 有 髫 南 功 道 夫 致 後 以 姚 又 人 曰 末 齔 郎 致 太 徙 其 其 乎 大 君 延 不

許之。 行 樂道 廳 篇 帝 奇之。 者, 便 几 下 屯 命 歲 旨,幾數千言, 政 旦 公事 案間 蓋 事 講 題 能 以 以 至稗官小説, 田 幾 日 其議 范 賜 習 鄭 使試 屬 德性命之説, 不 志 : 先 文。 及發策 ,又取二程、上 皇子魏惠憲王 ,特命員 文穆公 欲 寒 文體 於前 是 生鍔 授 論 傳 暑 有 承 試 IE 於 飢 末論 應手 鄉 大 集 成 簡 絫 事 命 介外置 外 多 渴 英 嚴 剴 年 郎、 焉 校占前 大 也 所 決擇是非 作,推 切 敵 以 成章 自 能 簽 貫 一蔡、龜 經 鎮吾邦,欲侈其盛 或 宗 由 明 出 親 自 力祈寝 聞 書 穿。 史 列 事 漕 伯 刻苦, 時時 ^ 機 擢 喜 白 寧 中 宜 臺 知 首 杼 郡 山之書,仁義 或 宴 大 氏 尤 號 庸》、《大學》之 貢 試 類聚 免, 選 博 書《 御 軍 備 洛 有 神 傳 舉 南 士疑 書 E 節 誦 童 以 而 得 論 宫 成 記 嘉 度 孝宗 戒 爲 多 旅 帙 之, 語 注 判 公文 參 歎 勿 後 至 師 獒 疏 官 命 版 知 禮 置 徹 時 事 以 别 而

時

凡

+

有

條

進

讀

未

玉

音

然

旨

引

見

以

未

經

審

察

辭

不

敢

當

甘

澍

隨

應

邦

人

尤

德

之。

八

便

殿

君

首

以

數被

異

恩敘

謝

繼

之不堪也。」守感其言,爲 對及之,孝宗曰:「策 則邑十 女,託 終, 時 閒 郊 論 深 歡 登, 者 年 惠 文惠再 文 居矣。 之五 語 治 次 也 派 甚 道 被 人 惠 逮 相 體 之 H 所 召 治 琅 心 繼之 七 中 以 切 遂 E \pm 以 相 歡 於 對 带 之 年 用 締 魯 祖 有 吏 令久任 吴門 丐外。 之日 交訟 史,清 勝 應故 服 判 不 下 以 不 Z 平江 ·
啓書, 筆 親 借借 制 可 久不 也。 · 胥 追 事 豪 以 君 道 絶 君之去,相 周益 自 都會 彊 府 行 理 君 校 E 史例 加 [念蚤 時言 又 耳 決, 君 當 一皆嘉 書 以 日 會 . _ 公欲 不 絾 地 郎 . 如是。」又論 部 辭 郊 以 路 欲 以 窮 大事 封 納 使 祀 雌 釐 張 處 大 分 多 循 與 竟 而 者 黄 務 以一 選 襲,非 除 魁 官 黨 餞 韻 以 還之。 夥 以 塗 不 於館 置 祕 丞 與 賦 飲 曾 郡, 數 果。 屬 書 輔 吏, 關 卒 詩 道 任 手 義 字 君 中 省 決 藩 以 Ш 館 非 校 君 究 魯公當 倉 館 送之。 校 無 請 職 歛 用 力 真 頗 其 以 閣 等 邑以 書 壅。 恩 辭 藏 書 獄 治 有 有 皆 利 風 郎 其 淵 或 貧 封 饋 譌

曹以

爲

利,懼民

催

科

之急

郡

有十

之

霽

威

歲

適

大

早,

榷

酤

之課

不

峻

君

緩

其

期

而

蠲

其

無

所

從

出

其

人

素

弱

IE

吴

江

民

之官

龍

圖

鄭

公伯

熊

爲

守

相

得

趙

逢

墜

馬

事

甚

佳

乃知簡

眷之

婚

焉

魯公後

因

者治

尚

嚴

君

能

濟

之以

寬,

乘

侍

立

E

前

聞

臚

傳

再

拜

謝

恩

妣

史

氏

蓋

太

師

文

惠王

一之姑。

以

騶

哄

皷

吹

(迓君,

而

扁

舟已

歸

病

及

守

供

職

公

方

知

樞

密

院

問

與

公

何

物

文

且

盛

稱

其

賢。

魯

公鍾

一愛一

靚

郡

竦

流

半

刺

時

名

添

差

诵

遺

君

引

嫌

舛

不

上

以

仲

冬奉

及

親

公家 朝 遵 之詩 父母 康,歲 妻以 也。 恩未報、親 官 鄉 年 調 曰 爲 無 一子之閒 秦 止宣 家 延 ,禱旱勞悴,感 迂 能 所 饒 <u>二</u>子: 國 ,誓不 訓 用 壽 能 丞 也 州 時 撫 相 教 夫 爲 故 清 Ш 安 供 教 郎 事 恩 至 者 仁、 肅 嗚 不 人之命,以 背姚 養不終爲恨,實十有一 其 婦 ,命元 元特四 封 孺 要 君 呼 是 禮 子 福 屬纊 孺 間 名 未 1 遂 人 氏 女。 州 有 人,於時 第 疾 無 哲 處 以 可 不 歲 所 連 之際,語不 時 以 敢 却鉛 其 以 昆 大夫 遺 謂 混 爲 ,元哲二歲。 江 終。 慢。 官。 年 弟 欲 奏恩予 深 俗 縣 0 + _ 華 無 年二十有三,泣告 公夫婦 1 藏 亦 主 年 無 今俱 嗚 閒 不 築於鄞 若 不 簿 言 及 才三十有 呼 御 所 月壬申 元 虚 欲 賢 他 人人 後諸 SHI 爲 皆 特。 至今壽 月十三 者 人之指 惟 附 哉 迪 一女, 壻 之陽 矣。 柏 功 歸 于 未 昆 以 名 郎 舟》 葬。 四 堂 日 外 幾 弟 且 在 君 + 魯 齋 目

> 又魯 家。 女今各二人。 女適 公之孫 承 奉 新吉 郎 新 州 監 通 臨 判 安 檝 府 之子 糧 料 也 院 王 孫 儼 男

昔 疽 遇 也 在 可 下 盡 疏 文詞之作 友愛弟妹 甥 揜 筆 衣 有愠 禮 王 賢才三十餘 惟 文 館時,諄 真 輒過之。 君性孝謹 多 不 色,至 大夫素 IE. 引 如 解 尤爲 惟 在 諸 其 帶 位 閉 力 諄言宰相之職 賢 爲 少居 人, 掩 精 嚴 藥 險 之盡 户 人也。 使 敏 抑 重 非 自 雖 不 他 壬 覆 不 親 檛 0 大父母之喪, 先 爲 護 贵 及 人 平 屏 嘗 裒 意 小 不不 能 盡 汲 日 不 爲 承 人 息 悉 惟 用 欲 汲 動 進 志, 所 家 不 去,不 ,終多 進 衒 以 不 祈 集 敢喘。 勝 未 古 耀 賢退不肖 能 + 己能 耳 嘗 以 · 而 發 人 一爲 以 卷。 身 少件。 舒 自 母病 爲 知 因 悲 自 代。 者 期 名 密 憂 不

文 銘墓。 銘 踵門泣 此 士。 燮所作 惠 識 曰 不 君之志豈小哉 而 識 行 念不可以無傳。」又以通判 與魯公,真 日 所 狀 "「先君之葬,時兄 共 爲 、歎也。 請。 有 冰 余尤哀其意,爲之銘。 開 體瘠 玉之譽。 禧 三年,君之二子 神清,人以 弟穉 出門 類州 幼,未及 軸 袁君 爲 似

之盡 似 身之災。 俱存,共 在其身,天其舍旃 一日千里。 清如 0 人之生子,惟恐 既 、姜守節 魯公。 敏 猗歟洪卿,實具才美。 抗志遠古,力 而學,又或恃才。 天胡 有子 不敏。 不仁, 蘭 競爽,志於家傳。 行在 敏而 摧 浮躁 躬。 玉 蚤冠儒 好學,乃 折。 衒 文惠 二親 科 不 是 善

人。 法參! 權 年十 定居 信州 肅 尚 贈 育 夫。 師 國夫人。 以至成 兵部 皇 ,号三槐家。 兵部侍郎。 書、龍圖閣 軍 九歸 后 桃 太中 贈 妣閻氏,碩人。 大名王氏 侍 源 五. 正議 祖仰,尚書金部員外 長 夫人金 郎 于向 建炎避 世 鄉。 士偉之子也,終 姪 大夫。 直學士、贈 淑 夫人 氏。文簡 曾孫爲夫人之曾 ,名公援,字伯劭 至晉公、魏公益 魏公之兄諱 出 地 人爲質肅公之孫,有家法。 也 來明,後遂 生 唐氏 母 幼 於 金 公八世孫、欽聖 紹 少 失所恃 氏、 淑人。 興 修修 師 懿,仕 八 陳氏 郎 職 葬 顯,占籍京 太 年 祖 郎、 于 妣 ,贈太中大 唐 父從,知 <u></u> 鄭,正 俱 潘 祕 震,吏部 府 徽 淑 氏,越 卿 贈 州 月, 鞠 議 兼 憲 司 碩

厚 之助 之繼 夫人 喪, 適 涵 有 夫 曾文清公之孫 盡 母: 而 之薨,有女才七歲 上 介弟登仕 一女俱 過過 冢 女,甚愛之,夫 仇 爲 人 誠 之次子 修 言 習熟 敬 氏 又以幼 子伸 於己 0 ~。 寶學念之孫 祀 次 以 幼 寄 歸 其 郎 閫 概。 逮 葬 疾歷 出 孤 如 公 範 蔣 事 長 夫 妹 Ш 立。 奉 擢 人 興 樵 侍 寺 涵 女 歸 伯 歲, 動 其 蚤 授 人 邦 歸 以 郎 承 之, 伯 劭 以 , 夫人拊 先。 奉養 由 夫人 世 歸之。 樂 篤 夫 之 高 先 劭 爲 亦 以 無 之 母 清 氏 於手足,議 娶 楷 尉 與 名家子也 振 伯 爲 無 嗣 志 游 **\$** 兄 后括 夫 贑 愛,教 仇 劭 其 怠容。 繼 子 伯 而 蒼 碩 人既 至 之會昌,夫 命仲 氏 將 室 鋭 劭 不 人 葉 婦 疾 之門。 葬,謂 禄 友愛 者 以 略 氏 經 革 高 侍郎 以 賴 孫 婦 紀 無 氏 資 歸 伯 僅 其 大 猶 紀 德,擇 素 諱 嫠 其 侍 季 仲 劭 年 婦 以 閱 送 經 居, 至, 家 爲 歲 加 郎 女 弟 晚 理 俱 曲 祖

人 幼。 説 色。 能 也。 之邵、之翰 不 治 後 女二人 夫人聞之。 有 口 曰 又善 時 條。 葬 可 也。 . H 内 將 孫 爲, 送、 其 雖諸院 必 葉 外 伯劭 以 男 平. 寒煖,不 寖 無 攝 撫諸 實 長 肅 Ŧi. 居 四 致 子 開 養 許 然。 月 子 人 性 嗜 凝 廢 二女: 少少 耐 孤 禧 甲 嫁 弟 書, 明 禮 重 以 益 又 歲 蒼 病 申 大成、大卞、 淑 謹 俗 手 别 年 亦 語 時 祔 舒之子、將 疾 遂 長 務 不 葬 知 于 曉 笑 姻 合袝 適甥 累 家 釋 敬 月 年 雙鴈鄉蓮峯之原 文 族 不 若 政 其 卷, 憚, 七十, 戊 義,旁通 會 輕 焉 不 王 米 心。 午 聚 發 或 舉 苟 仕郎簡 蒼 鹽 大方、大 此 也 忘 以 及其 忽得 有 舒 靡 始 蓋 尤 過 寖 同 密 殿 門 假 次 二子 人所 食,夫 次 疾,遂 亡 穴 1 借 井 即 惟 幾 應。 也 尚 之 司 概 井 難 恐 顔 則 白

伯 學 行 語 家 鄞 太 吾 後 逝 相 兄 柯 宛 法之墓 業、不 府 ? 甚 丘 某 務 簿 劭 悲,以慰諸甥之孝 倚 Ш 遇 自 <u>一</u> 王 與君 世 卿 爲 哀 使 廨 風 E 皆謂 事 冤 君 Ē. 故 舍 度 命 辱 乎 處 以 晉公分 姻連 公正 氏、 之 淹 及 而 幼 始余妻祖 吾 决,有· 門户相勉, 痛 其 書 又 不 佳 伯 哉 向氏皆 與 而 令終。 來 必必 與 值 記問問 劭 己與信 派 信 至 日 余 大 所 夫 亦 老, 故 州 0 締 尚書公俣上世 丈 吾 職 稔 人 之 思 居 通 吾今 婚焉 图 自 姊 州 夫 氣 南 聞 相 纚 博 明、 家 敢怠忽。 爲 所 涵 渡 夙 同 可 見 纙 獨 如 聲應, 以 莫逆之友,每 佩 弟 越 乎?」余姑之 不 爲 於 移 於是 兄 存, 云 間 來 慈 碧 我 及,某實 日 晷。 弟 訓 志之, 梧 見 何 今捨 專 夫 使 與 由 軒 伯 而 以 人 善 與 卿 君 大 以 之 善 又 縱 劭 以 敬 學 名 我 謹 吾 哭 槐 退 可 夫 女 弟 談 塞 畏 吾 於 姊 徙 而 稱 力 守 Щ 通

> 言 於 姓 曾,余以 辭令者所 敢併敘之云。 知 其女之慧,亦 故 屢 不 獲 逮 升 也 堂 不 辱 蒼 知 舒及簡 延遇,益信 其 通 曉 又尚 如 許 卿公之 書之孫 雖 嫺

承議郎孫君墓誌銘

嘗 子 太 不 貮 以 雪 應 動 持 祖 孺 遠 齋先 識 車 輒 時 忽一 故 到 莫 祐 人張 季 過 淳 不 開 或 生之賢甚悉。 熙 人 和 來 子 氏 痛 ,與之定交。 尉 Ŧi. 見 疾 禧二年二月二十三日 録 繼卒于 之。 黄巖,見其 年,余贅 余 不 沈君焕 日 起,遂以 三年 : 家。 倅 方與四方士 所狀 祖 + 問 學 天台 季和 · 月 二 父雪齋之亡, 朝 其 行 奉郎 行實, 乞銘 家 吏 之兄 \exists + 世 事 而 五 致 始 將 應符 友 會 詞 仕 日 赴 期 稽 知 采 於 季 邵 遣 其 其 識 季 翰 孫 父 其 父 母: 與 武 和 黑 君

子 者? 子 爲 生 屬 菴 有 上旨 夫 睦 實,見雪 之交誼 不 師 人 幸 朱 + 其 語 持 四 州 也 云 躬 苦 子 徙 祖 公。 子 授 收 敢 何 伯 祖 行 族 妣 歸 居 見之, 雪 齋 泣 又 置 敢 長 父 爲 緒 公許 此 語 而 繼 葬 七 北 以 從 齋 不 辭 次次 》、《孟 長 力 寒微 季 有 父 + 請 扉 釋 野 ? 可 恨 高 父 母: 以 先 諱 。」余 歲 田 氏 叟 以 震 識 不 既 以 銘 考 自 難 時 政 》、《詩》、《禮 爲 孫 古 守 懼 及 而 逝 + 兼 孝 業 援 倣 以 介 昇 哂 冢 古 公亡, 展 譜 程公太 衰 七 通 顧 師 爲 慈 辭 龐 \equiv 字 . 儒 余 系 病 府 當 解 馴 不 公之 年 不 次 曾 書 古 君 掛 今 迄 善 但 爲 朋 中 祖 獲 衣 所 則 \approx 讀 孰 拜 不 喜 諱 聞 自誌 + 鄉 命 諱 冠 謂 蘄 聚 越 其 能 果 聽 子 Ŧī. 伯 黨 亮 變 諸 之 志 所 銘 全。 代 念 銘 賢 繼 而 父, 稱 其 其 示 弟 生 餘 士 士 季 文 祖 迫 晦 墓 次 見 大 昇 自 姚 事 和 於 菴 仁 今

情 學 家 不 扶 竊 發 既 立 益 + 講 之 + 爲 無 天 計 三伯 之 憤 冠 性 於 吾 説 X 師 志 兀 儒 如 恤 郡 道 + 鄉 古 自 失 因 Ŧi. 屢 迫 衆 文 號 從畏 八九 先 庠 父 已 課 乳 也 潛 於 稍 試 義 噎 隨 之子 晨 生 哺 喜 而 驚 凍 粗 經 不 務 奔 友 始學 誦 胡 子 壯 哦詩 兄 異 利 爲 史 喪 飢 如 通 厲 定 生 室 孝 壽 0 實 注 命 割 德 舉 踵 於 決 哭 翁 張 經 其 朋 學 然 疏 以 肺 子 兄 輔 兄 政 臨 家 意 氏 後 讀 腸 退 且 爲 使 以 肄 賦 和 時 故 詪 以 兄 書 聞 侣 閱 先 業 既 致 誦 甲 藏 文 步 倀 時 遽 常 且. 燕 本 考 紫 日 得 時 杜 午 非 倀 罹 携 抄 授 孝 朋 溪 生 數 嗣 思 \equiv 集 八 尊 其 無 兄 寓 悌 伯 白 子 不 月 拜 所 漸 相 喪 弛 鄉 頗 自 之 母: 言 几 辛 先 好 敢 多 漬 怠 館 捨 費 端 幾 哀 及 歲 荒 未 非 聖 稍 館 而 H 側 先 能 不 痛 七 發 進 逸 歸 覬 益 自 寡 歲 又 聽 於 考 實 離

其後 常 敬 舊 善 令, 終其 初 適。 兒 行 赦 臣 訓 與 尉 1, 迄能 余白 侍 謂 近 俱 孽 黄 分 子 享年多 以 粗 醫 免。 世 子 不 所 凡 寓 長 應 巖 身 足 加 田 能 予 髪 後 時 歸 子 樂矣。 援 就 冠 自持厥 竊 還 母 相 止 其 自 紹 試 動 亦 竭 屨 之, 辦 以 鄉 保 五 他 陳 興 天 少 人 厠 微微 人 菽 舜 閉 太學。 夫 +, 氏 Z 至 木 地 幾 鄉 然 躬,不見薄于 水 門 阨 H. 不 而 不 曾、 老, 選 併 妻兒 遭 余 今幸 0 仲 養 堪其 紙 危 足以 坐 義 今既 所 閲三載 閔 備 痾 筆 難 縲 子 以 婦 同 兄 兄陵暴,慨然景念 爲 嘗 未 苦 憂。 言 不 於 紲 行 歡 産 有 七 師 艱 誠 交 是 嘗 心 + 遂 己 聚 次 重 阻 Ŧī. 鄉 不能 承 家 偶 衡 人 兄 立 罪 叨 輒 無 里。 已 十九歲始 七 值 意 不 事 居 中 慮 輕 心 缺 隨 調 口 星 寡 不 十有七 進 易 改 捫 IE. 吾家父 未 挾 應 具言。 變, 諧 出 士 服 室 過 諳 策 忘 心 時 科 用 家 感 遷 恭 諸 原 律 各 孤 自 滿 幸

> 使予少 授,專 事 亦 性 及。 其 君 本 守分,不 廢 不 加 一不明 禮 受 源 何以至於今哉 動 必 民。 叮 受 以 流,念之敬之,此吾之實録 見人之惡 求 平. 事 年微 對 爲 子 合 否泰 講 · 萌 侮 生謹 妻子 道 弟 於 釋 不 非 有 人 之托 未 至 敢 畏, 義 依 一, 口 唯 故 情 争 之求。 老 必 怙 恐 其 求 不忍言 9 忿蓄 能 不 教 可 食 在 凡吾子孫 不 寡 操 倦 之 無 息 畎 歷 乎 怨 心 聞 不 怨 俏 畝 屯 愧 平 慮 與 人有 啻 悔 未 違 自信 剥 作 患 人交不 己 者 禮 居 勿墜家學 始 也 壯 而 善,心 子 確 前 教 固 不移 90 歲 른。 後 意 窮 隨 室 敢 日 量量 出 順 言 恨 於理 才 忽忘 安 失 噫 之。 推 命 信 弗 貧 指 1

余復 大概 篤 學 何 、樂 E 余三復 見 所 道 於 措 知 此 其 而 命 解 嘆 而 之 ? 日 或 君 : 録 子矣。 至 嗚 沈君 於 呼 ~蓬藋 所 凡 狀 之居 君 其 尤 可 平. 爲 陃 生 謂 詳 甚 躬 操 玉 履 行

嫁 次 III 孫 見 枝 婺 長 大 時 泰 進 訢 后 不 州 男 父 珤 適 曰 有 陞 其 競 飽 州 承 慶 訢 川 而 壽 義 文 \equiv 應 嚞 朝 明 六。 海 奉 典 也 秀 門 加 烏 君 恩 人 符 陵 郎 刑 沈 正 大 家 累 絜 堦 初 縣 范 三子 其 嚴 封 縣 矣 父儼 法 贈 齋 户 次 遺 葬 公 + 曾 祖 承 派 派 修 整 庭 承 即 胡 五. Ŧi. 風 于 務 祐 官 初 . 父 明 齊 議 咸 應 衍 年 燭 世 郎 餘 長 舍 尚 如 君 祖 郎 有 正 孫 日 範 門 時 致 溪 日 次 幼 對 以 享 詒 銘 休 月二 雍户 克 仕 湖 也。 適 應 至 大賓 淳 張 年 勒 家 潘 祖 今藹 里 求 封 曾 熙 氏 十八八 七 肅 , Ш 一女 開 次 士 太 孫 9 + + 簞 下 一之塢 後 同 年 子 適 孺 然 胡 男 食 有 日 未 君 邑人 伯 孫 上皇 良 官 逮 X 年 菜 甲 Ŧi. 亦 穴 嫁 享 僮 婦 女 四 韶 教 : 子 太 羹 足 年 五. 也 而 僕 教 日 郎 再 頗 終 次 年八 後 卒 E 以 卒。 天。 慶 不 許 應 于 皇 孫 曾 知 舉 想 食

門 甘 孝 子 權 於 卒 横 平 自 柩 葬 安 姻 日 _ 0 公論 孫 友 無 江 袝 舊 律 軸 臣 爲 今將 以 不 蓋 之 孺 焉。 季和 用 郡 折 皆 使 承 足 詞 常 不 事 將 勉 足 吾 不 以嘉定 人 不 先 矣, 猶 太孺 如 熟 事 所 以 得 以 兒 訓 此 縣 捃 之 成 肯 窮 究 禄 被 失 不 人質 摭 後 禮 仕 如 得 附 達 鐫 改元 所 節 號 足 賓 吉 法 非 其 抱 麗 降 木 難 以 孺 性 以 之家 有 1 所 負 求 某 治 阨 爲 終 人 莊 配 以 計 于 興 孺 進 月 兩 養 始 獨 重 乎 君 吏 也 新 也 人 某 朞 若 菽 彰 未 子 0 · 雪 民 不 日 奥 日 積 水 嘗 至 歡 季 閑 竹 : 如 不 奉 齋 銘 日 慶。 不 「但 開 和 廢累 服 Ш 粗 足 太 繼 0 動 語 不幸 人 糲 以 不 諸 以 孺 始 季 及之, 使 既 年 得 生 族 古 孫 人 和 遂 滿 訴 爲 皆 出 賢 黨 方 罪 宰 遷

人 間 德 響 在 應 報 必 有 明 篤 行 活 出 千 志 人 誠 後 必 子 興。 必 天

於家 膺。 家 必 不愧 名 森 典 作 偉 刑 孫 無 君 虧 噤 成 不 真 施 不 廟 朋 閟 之 出 璉 動 扃 壺 以 之冰 禮 過 者 善 0 式, 行 服

贈金紫光禄大夫姜公墓誌銘

視

斯

銘

姜氏 弟 能 年 求 亦 館 王之家 一年遂 閱 留 延 以 歲 當承 未 設 舉 公諱 題 太 在 登 盛 子 名 見 學 聲 庚 家 饌 平 進 浩 業 名 勢 申,公之弟 時 塾 士 致 或 建 士: 翕 富盛 參政 弟 身於兵 登科 炎、 多 以 赫 有 訓 簡 紹 甲京 以 顯 子 齋 而 争 興 火 濤 去, 弟 閒 陳 最 流 日 以 師 禮 : 又請 公及 來 重 離 流 婚 如 寓 儒 意 之 是 寓 參 舉 姻多后 學 几 隆 餘 東 名 政 其 時 明。 洽 邪 薦 都 謝 藏 勝 友 ? 大 書 公克 若 賓 書 游 妃 至 家 + 惟 + 昆 皆 侯 至 築

二十年 武 其長 家、侍 亦 繼 弟 急 以 思 福 以 祖 和 功 贈 年 力學 郊 大 絫 州 姑 政 經 忠 盛 賜 禄 起 温 大夫、吉 其家。 祀 郡 郎 矣。 弟 子 鹽 翊 E 每 及其 ,又仁懷皇后 御 模中 夫 税 恩奏補 郎。 禮部,人太學 遪 以 江 日 撫 人,少 父寬 公字浩然。 季 務 桐 未 一公躋、 州 又繼之,皆公之子 育 公盡 浙 祖 ,吏部 能 刺 改明 訓 承 曰 漕 侁 師 卒 成 史。 導 信 柄 舉 右 室 思 待 之姪 業 孝 忠 州 郎 南 儒 齊 制 至 爲 莊 日 市 娶 郎 侍 曾 而 皆 之女, 風 來 高 調監 煁 于 恨 也 閣 禁、 朱 舶 祖 柄 益 公 在 氏 弟 務 德 與 日 門 閤 至 焉 四 振 平 獨 宣 猶 焕、曰 視 安 若 光 門 行 封 祇 臨 江 和 任 欽 杭 未 司 汔不弟。 孫 宜 祇 候 積 在 府 家 四 冠 少 成 以 也 1光等; + 草 候 都 事 而 年 州 卿 皇 紹 ,勉其 九 料 税 助 至 公方 贈 絫 少 后 絫 熙 汪 噫 年 教 此 師 贈 武 贈 爲 又 相 儿

崇 路 贍 嚴 駐 納 兵 轄 武 所 明 + 七 遣 縣 年 + 禄 將 軍 州 道 明 馬 兵 糴 年 事 郴 經 模,故 淳 卒,葬 荆 州 鈴 馬 酒 樸 場 有 觀 在 大 州 轄 都 庫 城 林 以 夫、 月 七 湖 軍 秩 贈 熙 又 監 都 北 所 州 庚 忠 + 滿 閤 于 紹 積 任 疾 通 糴 税 路 女六 事 申 駐 翊 慶 改 門 興 官 建 直 不 場 務 安 年 郎、 明 府 元 福 至 宣 諸 寧 仕 郎 人 柄 撫 行 臨 州 駐 贊 府 十二月癸亥卒于家 州 府 武 監 孤 司 劄 安 者 故 舍 在 鄞 節 武 桐 棫, 奉 建 長 準 府 兀 左 縣 踰 奉 夷 大 公 康 以 適 武 備 升 藏 豐 年 比 議 之 夫。 Ш 府 兩 故 翼 召 將 樂 庫 丐 馬 較 郎 喪 沖 户 浙 對 朝 大 領 務 改 鄉 祠 步 始 佑 再 部 合 東 知 奉 夫 職 婺 東 軍 夫人 改 任 點 焉 觀 路 贍 主 濠 州 大 賓 副 Ш 一管 兩 新 軍 京 檢 州 兵 夫、 贊 之 總 先 畿 享 未 台 浙 户 男 尋 權 酒 馬 鐘 原。 管 公 除 東 六 滿 第 部 終 州 知 發 庫 年 鈐 離

> 鹽 煒 監 前 男 林 紹 泰 湖 燫。 新 班 斜 陸 郎 縣 興 州 祇 鹽 通 兩 构 司 _ 州 煓 十人 事 府 炎, 書 場 候 判 司 在 浙 建 迪 寫 史 駐 馬 婺 轉 城 昌 監 承 熠, 功 彌 劄 儼 機 州 運 都 焯 . 軍 信 饒 郎 謹 宜 董 0 司 酒 軍 或 次 新 郎 州 炳 璆, 文 婺 務 爚 州 子 辰 次 適 城 在 字 州 宋 事 州 進 次 適 武 縣 或 燁 孫 城 克 蘭 0 節 或 適 可 士。 主 遂 女 子 商 煁 明 谿 武 户 子 奉 郎 簿 九 進 文 税 故 太 焯 酒 經 參 進 議 王 士 人, 新 庫 林 郎 軍 學 深 士 郎 承 燔 焕 東 修 郎、 節 樓 生 司 剡 新 知 南 光 焴 故 溱 武 郎 馬 汪 監 特 蚤 嘉 第 從 或 奉 遂 郎、 祥 燐 泰 Ļ 差 閤 再 興 四 學 義 議 州 門 副 充 適 府 奉 新 進 煟 郎 生 郎 角 將 看 殿 孫 儒 監 海 議 士

字。

^{■「}孫男一十人」,下文列一十九人,疑「十」下當有「九」

堅。 新 安府 郎、 孫 州 大聲、國子進士趙時古,餘 奎、坡、塾、增、堂、韭、墅、基、墉 淳 監 二 十 一 知 曾孫女十人,適進 安 撫 江 縣 州 和 州 户 主 縣 彭 部 簿 主 澤 趙 贍 0 簿 縣 埏、 軍 希 黄 事 怤 酒 夢 垓、 趙希蓁,迪 其 庫 與, 士何沖、 Ė 填、 壻 在 史挺之,承 堅,迪功 也 垕、 室 餘 、壁、至、 埜、 朱 功 在 中庸 郎、 郎 塈、 室 信 新 新 塾、 坰 郎 曾 嚴 臨 顧

供 幾 者阻 業 數 耳 遇 多 酒 + 家 不 動 潰 成 免,人皆德之。 兵劫 誦 事 公少 之,公叱 口 在 有 了。貸本 皆 尤 可 汴 警敏 鹵 稱 熟 都 仰 錢於版曹 使 老 外 給 忽爲窶人,吉州 及 虜 城 莊 開 於公。 將 之書。 見 關 陷 及掌権 前 , 日 去 平 ,要告身爲質。 輩 甫冠 碎 者 江 篤 人但 於兵 酤 不 郡 人 勝 旋 志 請 知 人驚 仕 計 即 燬 問 爲 創 學,書 世 至 厲 佳 糴 公殿 奔 泉 公以 京 志 場 子 而 後 閽 食 以 官 弟 傳 П

> 戎 文書銜 詹事 素 得 比 姑 趙公子潚, 吴公芾、敷文閣 靖王、丞 以 語 日 至今遵 厚。 與選 蘇 有 籍 以 時 公,人自 周 估 律 籍 平. 擇官 一,所陳 一、東而 用 爲 莫公諸子 公操、朝 相 閲 歲終 公禽 焉。 高 一畏讋。 寮 皆 梁 武 進 初 + 又 深 會其 儀 有 孝宗 即即 治 請 能 直學士俞 亦罔 人,日 相 公克 程 皆爲 數 所 命公爲之。 莫公伯 器 切 息 登 輩 慢 測。 事 中 家、參 至 重 供 極 清 令者豪 帥 時 百 無 故 望官 婺以 未幾 鎔 守 病 公俟、龍 樞密 萬緡 敢 事 政 魏 俱 譁 髪 周 定糴 米 惠 犒 嘗 仕 公至 胡 者。 右 公葵、 衆 不 於 商 可 憲 軍 公松 列 圖 貸 寮 始 稍 輻 價三等, 明 王 必 所 閣 中 行 湊,價 歎 最 緩 給 使環 崇 惟 年 學 至 相 服 守 之 總 與 事 憲 口

^{●「}二十一人」,殿本作「二十人」。按下文所列爲二人。

及之。 于先 之。 詳 談 臨 敬 氏 天 陳 其 絫 出 王、 人 立 資 多 漸 刻 機 仕 以 疾 練 所 仕 論 丞 一一些之 苦 革 健 幾 猶 周 侍 季 通 亹 合 存 爲 相 父 公爲 弟 惟 曉 廉 决 亹 E 賴 口 温 劃 \pm 妹 側 客 是 甲 意 前 中 介, 知 飽 不 尤 股 音 魯 歲 生 昬嫁,身任 死 御 書 子, 有 矣。 數 計 問 爲 以 有 公、 吐 江. 長 史, 舍 公 時 難 進 劇 寒素 洪 吏考 老 富貴 會 西 提 前 周 人 祭 能 易 露 暢 成 從 後 濟 益 挈 又 + 享 友 章 之所不 更 既 弟 遇 來 愛宗 聽 以 之 公皆 無 少 其責 練 推 之 事 迫 見 爲 有 者 力 族 嗣 更 薦。 七 之 風 於 辭 稱 長 X 世 忘 黨 至 八, 及。 褒, 公取 生 官 之 性 倦 史, 故 Ŧi. 觀 於 太 初 逋 終 廢祀 對 其 遂 朝 以 介不 此 師 以 其 田 遽 以 母 始 清 所 廷 賜 智 皆 舉 史 父 遺 恭 銖 里 能 與 無 横 光 爲 妄 諸 文 執 必 骨 以 出 細 率 積 人 樂 玷 取 奏 郭 惠 於 徧 葬 濟 則 4 務 家 子 致 0

使之誦 繙 次 之賜 也 以 朝 及 史 意 居 梁 靳 子 軌 城 中 閱 信 盛 未 子 漕 教 於 焉 北 文 也 改 性 公之 子 云 以 奉 封 時 薦 對 鄞 0 弟 贈 分東隅 實 干 佛 不 宫教 武 ,公皆及 水 舊學不 宣 公知 好 二<u>,</u> 而 萬 既 素 志 顯 思 以 率二 粗 奉 施 計 濤 即 謹 於 大 家 大夫, 舊 與 其 口 世 出 泉 夫, 忘 推 見之。 文 隱 ^ 務 之築室 (賢, 鼓 容 入閩 子,子 楞 繼 下 其 風 嬰其 於 時 絫 身。」 而 伯 嚴 今至 遣 餘 孫 彬 夷 有 至 罷 父, ,積俸置《大藏 ×, 後 以 其 彬 益 門,不 心。 比 清 此 和 裔 金 子 周 守 在 既 鄰 法 模、 特 新 州 遂 紫 方 從 人之 遺 婺 夜 定 華 其 之 防 爲 堪 興 光 游 訓 柄 或 時 居 禦 句 羨 儒 口 諸 急 禄 之 焚香 吾 殆 模 雖 班 其 使。 家 東 首 經 預 大 鄉 經 未 萊 自 亦 與 耳 雍 事 9 夫 夫, 薦 危 可 始 之 吕 築 爲 買 力 熙 柄 所 坐 專 新 之 歸 婦 量 足 陞 百 太 棫 1 地 不 不

終,可 某 卒 仕 之。 如 宫 經 謹 行 寘 仲 風 如 乘 偏 歸 以 教 安 理 來 範 至 京 草 家 派 舅 調 藕 洎 輿 既 外 師 舍 尚 不 鄞 親 相 娱 花 以 致 門 相依 屬 手 遺 書 四 文 壽 蓋以 藥 同 無 盈 先 結 狀 節 敬 鈔 之 餘 疾, 春 爲 憾 餌 池 字 聯 妣 故 下 公之行,蓋 内 公 力。 家 魏 外 \pm 矣 久 掛 端 捷 汴 吴 與 典 廟 派 文 祖 府 得從 衣 薦 重 伯 既 或 數 而 相 節 佛 某 爲 贊 初 書 冠 仲 命 時 不 名 + 像 公, 汪 雖 歸 讀 寓 公 倦 猶 以 軸 伯 自 出 杜 薄 也 嘗 游 浙 平. 舅 舅 未 既 爾 也 門 遽 助 超 首 右 昔 笄 又 娶 絲 多 同 外 皆 外外 中, 姻 之 自 蓮 相 尾 與 不 拱 公之 數 嘗 婭 在 祖 能 屬 頤 家 祖 好 如 掛 諸 困 手 家 尤 授 如 備 書 少 書 汽 女 寇 默 塾 顧 館 郎 朱 言 家 卿 扁 爲 無 弟 攘 坐, 共 陳 舊 今二 訓 公家 以 堂 兄 從 通 以 庭 學。 好 其 家 筆 弟 閒 飭 壽 孝 遺 妹 西 而

> 煁、焕、 請。」 表 + 墓,不得 先銘 亦 餘 某 年 無 未 9 剡、 撫 幾 辭。 V. 母 捨 事 焯 氏 感 日 銘曰 亦皆 君 慨 夜 舅 無 痛 氏 又 Ľ 有 心 俱 嘗 矣。 知 即 銘 先 兄弟 世 其二 郴 人 陽 之詳 凋 而 兄及鐘 泣 零, 棫 謂 者 樸、 汪 某 離 敢 氏 E 柄 之 以 中

賢 帶 以 既 及 而 科 晚 昌 踣 嗣 表之,其 儒 0 續 而 克 嶽 興 延 知 風 招 矯 之後,著 興 蔚 止 矯 名 才 未艾。 然 姜公, 儒 有 積 談 餘 善 姓 東 刃, 餘 Ш 克 經 惟 一之原 慶,遺 姜。 荷 左 仕 克 塾 ~ 松柏 承 承 甲 訓 典 平 子。 有 艱 百 刑 斯兑 傳 年 難 具 黄 ·, 益 存 百 金 踵 罹 登 横 燕 銘 大

1851

司法晁君墓誌銘

晁氏系出於西周王子朝,漢有錯爲御

參 曾 以 稱 年 篤 不 郎 坊 君 無 則 政 大 爲 踰 仕 來 時 其 夫 軍 郎 將 於 祖 他 簽 傳世 得 杲。 夫 其 仕 强 孝 仲 晁 後益 江 調 書 文 遺 君 妣 參 在 郎 仕 友 也 建 高 浙 莊 元 宦 遠 骸 閶 蕃 或 新 贈 魏 從 郵 蜀 授 嘗 公 情 矣 丘 於 城 衍 謂 君 金 軍 有 軍 叔 道 迪 刲 繼 素 氏 豪 諱 田 其 紫 散 清 判 新 侍 所 功 掌 薄 股 本 中, 某, 家 光 爲 官 城 處 强 郎 郎 在 以 君 朝 内 有 縣 樂 禄 汴 字 廳 而 遂 犁 濟 寓 資 文元 起 外 監 劉 陵 臨 主 大 公 伸 人 陽 某, 居 禀 鄭 母 制 潭 夫 太 事 簿 事 元 存 之 侯 公以 不 及 德 生 實 州 守 殊 澶 賜 亡 墓 謙 繼 凡 仲 於 皆 起 南 考 不 祖 之枉 之以 第 爲 濟 清 唐 兄 兵 冤 苟 巽 端 濟 出 嶽 少 京 沅 德 閒 有 之 時 訴 之 於 之, 廟 承 義 率 郊 師 州 雅 左 危 錢 家 任 昭 廣 恩 循 奉 望 有 超 南 補 昭 司 直 城 德 券 疾 法 昌 議 冠 補 德 從 然 法 渡 闕 口

嵳 之,以 縣 利 也 沈 積 動 文。 外 \$ 世 \equiv 沅 三女,壻 與、子思、子游、子 起 我 黻 居 日 以 1 善 才 獄 白 + 乏 Ш 位 僚 絫 若 孫 也 如 善 實 久不 世 禮 月二 之 男 善 寇 報 平 吏 月, 通直 宜 聞 表。 娶 八 惡 西 時 事 和 白 壽 決。 殆 有冒 姜 攘 人 恶 + 而 之, 揚 郎 忽 丽 七 有 一,行 氏, 富 敷 六 還 趙 趺 止 君 官 月 自 君 百 百 文閣 日 所 某、 其 一受責 蚤 六 冉 坐 得 稱 之貲 朔 順 源 獨 籍 + 志 葬 文文 卒。 而 者 而 沈 不 直學 百 歸 君 逝 類 欲 莫 其 忠恕 女六 可 學才 守 則 安安 骨 此 子 至 于 行 家 知 實 士公武 意 Ħ. 肉 守 寓 臨 優 、杜 乾 也 静 人。 百 幹 **\$** 希 俄 駭 居 數 III 道 海 不 裕 輒 俱 賞 雋 感 散 諭 撫 縣 曾 君 怛 如 元 賂 子 白 有 疾 皆世 君 崇 意 宜 州 孫 年 抵 凍 初 制 家 騫 君 之弟 德 達 不 金 Œ 不 E 以 餒 家 居 溪 子 月 爲 深 鄉 白 惟 拒 於 而 而

光 ? 傳如 不朽爲幸。銘曰: 風采,服其該洽。其誦君之賢如許,以託名 海游鄞,求銘於某。 年矣,君之子惟子游在,孫亦亡二人矣。百 行,嘗狀君之行事。 昭德之晁,則又鮮矣。少 獨念中原衣冠故家日就凋零,文獻 至開禧三年,凡四十三 老矣學落,何足以 時及 識 敷學 發 相 出

于董。 良 典 者皆竦。 ,託名爲寵 ,刑莊重。以君之才,卒於流冗。 王謝故家,風 至宋益大,名勝 濟北嵩 山,詞采泉湧。 氣 種。 繼 踵。 晁之在 法藏 恂 漢,實 耄 恂 我思前 智,讀 法 曹, 配

攻處先生文集卷第一百十四

攻媿先生文集卷第一百十五●

四 明 樓 鑰 大 防

墓

直

秘

閣

誌 徐公墓 銘 誌 銘

併藏 備 + 自 録 異 之賢,大略云:「廉 之書,仍下 掇 疏 至 有是命。 月,史官又奏其書有 政 辭 》,修撰楊公輔率 ,復命録其全書。 無遺,成二百五十卷。 、記序、 五載間, 和 者 于 百 七 家。 又從 餘 碑誌之文,有正史所不及載者 年 又奏所編 家 具列. 臨 海 而 至 江 爲 訂 上之盟,迄逆亮之斃,上下 是 事 軍 編 IE. 史官 給筆 實、 -同寮 年之體, 書目· 之,號《三朝 静 諸公欲 補 樂道 制敕、詔誥、 于史筆 方 札 内有 十人奏乞取公所 又有《綱 抄 修《高宗 好好 會 相挽 録 百 稡 爲 餘 學 以 北 成 多, 不 進。 家 目 盟 出 或 書 皇 衰。」 館 仍 V 集 帝 + 薦 與 編 傳 所 册, 搜 編 實 未 公 奏 聞 故 口 四

0 本卷 本題及正文 端 原闕 據底 故 本 目 録及 體 例 補。 炎二

年

寇躪

江

右

5,叛將

大

盜

蜂

起。

公之生

歲

在

丙

午,是冬金

人再犯闕,

海内雲擾。

建

秘

閣

6

蓋

異恩也。

始公生于靖康之初

慶元二年

有旨,朝散

大夫徐夢莘除

直

難

公既省

事

自念生長

兵

間

欲

得

盡

見

事

末, 宦游

四

方,收羅

野史及他文書,多

纔

四

年

母

氏

襁

負

走

陂

頭

劉

氏

家

僅

免

于

6 0 華」,原作「華」, 本 補 有是命」以 據《宋史。 上二百八十 徐夢幸傳》改 七 字 陞

左

從

政

郎

乾

道

几

年

外

移

南

又

以

母

憂

而

歸

後

爲

江

陵

府

百

外

艱

不

赴

調

鬱

林

州

司

户

參

軍

登

進

士

科

授

左

迪

功

郎

洪

州

新

作

文

皆

有

根

據

用

事

精

確

紹

興

語 江 亨 爲 必 建 敏 邇 户 再 安 到 無 縣 不 自 通 大、 之記 縣 篤 流 軍 官 扁 編 不 + 熙 紫 任 貫 爲 人。 學 傳 教 未 尉 該 集 端 滿 經 贈 四 進 授 豐 幾 綜 曾 待 儒 年 中 歸 至 補 身 通 明 丽 横 以 書 湘 吾 號 並 良 御 沖 安 辟 行 宦 佑 四 在 增 撫 籍 更 潭 書 佑 舉 民 湖 時 浦 城 幾 觀 知 路 賓 以 · · · 外 派 耕 先 Ŧi. 帥 祠 司 轉 主 華 加 謂 少 次 改 生 參 州 江 + 税 運 引 濂 禮 州 仍 邑 請 田 西 議 宣 祠 年 而 年 司 雲 谿 到 遷 焉 窘 無 他 多 舉 教 於 官 主 讀 臺 致 郡 盜 閒 摭 新 邑 X 郎 右 管 選 觀 遭 仕 增 而 或 以 居 邑 \mathbb{H} 程 慶 帥 文 善之, 罷 知 士主之, 葺 移 自 之 事 附 先 税 字 括 元 紹 主 六 潭 學 爲 别 日 校 生 盜 初 年 無 無 熙 州 宫 之記 賦 官 爲 賜 祠 管 以 引 從 耕 元 口 湘 應 多 緋 講 於 建 賜 湘 嚴 親 疵 湖 出 年 陰 建 命 左 紫 寧 陰 筵 衣 設 嫌 瑕 田 縣 參 雲 官 授 府 於 南 銀 衣 徑 者 者 祠 帥 劉 政 公恐 是 漢 安 薦 荆 金 武 次 魚 歸 像, 卒 盛 悉 元 龔

忘

飢

渴

寒

暑

讀

書

過

眼

輒

不

忘

議

大

夫

母

楊

氏

贈

碩

人。

公俊

祖

用

和

祖

士

穩

俱

不

仕

父

世

元

祐

以

來

名

公奏議

及

出

處

大

致

輸

租

重

木

百

家

熟晉

宋

南

北

五.

代

時

事

洪

公

邁

而

下

賦

詩

者

數

百

篇

遠

公

之

名

愈

顯

矣。

公字

商

老

清

榮

以

侈

1

賜

樞

密

劉

公

德

秀

帙

所

居

闢

堂

取

詞

命

襃

制

楊

公

萬

里

爲

之銘。

少

傅

周

公

計

力

辭

之。

後

又

得

未

見

之

書

筆

削

有

諭

公

者

答

:

此

書

本

授

廣

南

夷

Ш

沖

諸

司

湖

北

路

再

奉

始

興

於

免

於

移

祭

器

城

張

公

茂

湘

閣

以

奉

官

舍

素

魚

仕

懼 升 訹 等敝 役 騰 多 公謂 如 上 武 販 亦是之,議 幹 Ш 王 畏 至 悔 之 西 民 踴, 郡 瀕 公 官 矣。 憲 漕 、公私 舉之章 熊 死 策 江 胡 正 罪 不 郡 近 飛 朝 廷 己 -告勞。 民 江 希 詹 計 可 侍郎 直 素 廷 慮 以 食 進 者 定 俱 廣 亦 通 不 ,公遂罷。 不 銜 公 議 公 貴 少, 得 便, 事 給 客 而 盡 詹 命 更二 快 或 若 鹽 審 體 罪 變其 道 販 去。 與 公 可 於公,二人從 以 重 止 知 不 富 阻 儀 以 廣 復行 賓 循 爲 固 利 同 説 將 商 漕 運 之 經 不三年 鹽 官 害 州 已 民 至 擢 艱 臣 入奏,爲 出 久。」 法 般 奏 舊 非 害。 使者 客 破 集 邀 鎮 舊 爲 制 事 是。 遣 議 産 衆 至 桂 法 販 東 郡 徒 浙 而 喪 境 至 蒼 必 不 林 路 不 主 若 有 惎之。 見 西 廣之害 初 生 今便之。 撼 能 梧 提 通 議 西 共 東 兵 安 無 成 奪 會 行 者 路 路 胡 吏 價 撫 抑 西 説 所 果 熊 客 旋 所 多 憂 胡 必 郡 漕 配 口 可

榮 《集 謹 堂 石 不 細 高, 云: 年, 從 以 移 愈 明 而 周 間 憂堂 字, 鎮 將 母 侍 泊 不待 益 有《家 冠 僊 手 法 -然矣。 多 之子 月 公當 郎 長 處 法 不 其 後 不 如 沙,以 紅 帥 袁公樞 内 許 釋 辨 目 年 録 用 記 薇 以 侍 俸 郡 軸 公不 卷。 W 少 避 也 楊 歸 花 郎 志 **>** 各 公可 家 謂 時 止 ,公乞祠 之, 誠 始 若 彭 義 \equiv 有 編 許, 公 有《 歸 求 齋 來 公龜 册 方 又 任 前 張 萬 議 而 事 挽 讀 之 , 載 法 力 知 書 帥 謾 錦 幕 悼 親 使 書 年 効 時 會 不 辭 公 事 未 閣 以 然, 造 盡 祀 記 申 録 爲 如 止 直 去。 荆 尤 朝 籤 孝, 號 禮 連 忘 帥 畧 請 公嚴。」 帥 公答 兀 歎 省 帙 ×, 喪 紫 前 式 薦 上 彭 公 册 委公。 樞 其 甚 子 幕 蜀 進 器 公餞 微 去 集 使 皆 以 廉 女, 又 俸 甚 石 年 封 替 \pm 洞 醫 事 揭 森 以 天」。 鐍 宦 能 雖 以 止 既 經 公 録 久 立 白 儒 藺 視 E 半 盡 時 自 廟 情 而

郁

二女尚

幼

諸

孤

以

嘉

定

元年十一月庚

前 邵 官 觴 之。 集 習 乃 有 而 州 封 1 罷 殆 歸 新 贈 夜 開 韋 神 H 年 化 至 中 禧 無 僊 濟 時 也。 宜 縣 嬰 倦 節 111 中 兀 掇 公傅 求 年 堪 與 賦 申 書 原 簡 公俱 詩 其 銘 云亡之痛 盡 奉 始 狀 良 以 録 公 致 某 而 時 爲之序、蓋 以 以 赴 之 爲 雖 屏 政嘗著《 書 見遺 調 之銘。 柩 居 抱 · 而 來 來 痾 四 謝 葬 又 見 公 明 爲 于 左氏 深 亦 出 銘 謂 比 作 得 縣 於 下世矣。 其 前 E 聞子壽 古 子 之 經 或 季 詩 風 壽 修 者 紀 父致 恨 寄 書 德 ×, 未 之計, 公既 之,已 書 中 鄉 政 俾 見 事 書 古 所 爲

北

盟

葬之二

古

而

子

牛

出

之

儒

榮

堂

楫、黄

仲

禮

琮

、彭子

壽

而

下

俱

效

年

親

黨

爲

八

十之慶,

宴

笑

數

日

小

疾

精

明

如

故

猶能

課

諸

孫

誦

聚

子

孫

甥

壻

羅

拜

爲

壽

竟

勝

日

深

衣

坐

閣

下

鶴

翔

舞

于

人

也

弟

妹

几

人

弟

得

之

亦

休

色。

從母

昆

弟

七

人,

時

置

酒

款

説 繫 聞 志 食江 疾 首 雜 年 編 已不苟。 右 靖 然 别 不 公生 康 停手。 記 考 幼 虜 證 誰 禍 宦 初 而 某。 是 古 得 游 元 否 全,實 四 百 以 有 所 方,諮 餘 未 制 及 名 己 賴 有 有 家 聞 筆 酉 書 襁 于 訪 凡 負 朝,六丁下 尋 有 下 犬 日 究 疏 輻 羊 少 臣 湊 有 長 長 子 網 讀 羅 痛 取 H 舊 心

卒。

孫

男十人:

長峯,

亡矣。

次嶤。

次

金

薦

于

鄉

崧、

我、告、崇、嶷、

義

炭

適

鄉

貢

進

士

向

公

美。

曾

孫

郯、

進

士

次子符,

幼子

節

皆

蚤

殁。

二女:

長

令。

範,迪

功

郎、

新

袁

州

司

理

參

軍

簵

業

適

免

解

進

±

曾

三異,次

適

進

1

鄒

塒

亦

前

娶

豐

城

鄢

氏,先公二十一

年

卒

Ŧi.

男子

簡,從

事

郎

新

月

出

瞑

目

危

坐

而

化,二十

尤

敬

舍

陳

作

行

狀

朽。 俱 蓬 流 壽 萊 在 後 才 漢 不 奄 閣 然 銘 盡 寵 僊 以 用 數 去 仕 發之,尚 加 多 何 厚 憾 不 照 偶 何 儒 林 咎 榮 身 藪 名 有 退 堂 子 名 克 尊 足 孝 以 疏 慶 不

朝請大夫吴公并碩人姚氏墓誌銘

矣 子 掛 郡 肅 知 福 丘 巨 興化 族 守 公以 將 衣 興 谿 冠 僊 良 拜 化 某 使 儒 居 族 Ш 厚 夫 康 淳 明 勝 黨 君 吴 術 9 肅 婦 因 鋭 氏 煕 首 發 絁 中 於 偕 奇 躡 身 得 登 Ŧī. 自 來 湖 踰 厖 與 年 貢 世 者 龍 七 Ш 謂 諸 籍 科 由 堂 從 置 如 + 勑 子 擢 必 游 兄 閣 出 時 \$ 游 子 可 崑 科 弟 藩 直 所 居 孫 接 學 閬 簪 爲 級 今 邑 删 詵 笏 武 士 者 識 之石 定 時 詵 夷 某 蟬 相 其 官 給 名 路,不 聯 望 坐 家 贅 井 臣 事 享 遂 多 四 倅 中 幸 長 辱 既 丹 爲 至 世 康

> 昔 既 之日 州 氏 行 日 銘 狀 Ľ ,爲之永 某 末 公 兄弟 緊誰 及 比 疾 先 以 興 爲 君 第 止 尚 化 大 之責 慨 抱 於 未立, 自 理 子 負 乃 中 ? 寺 不 娶 爲 掇 壽 其 主 凡 姚 未 援 括 簿 女, 有 碩 蒼 親 次 先 銘 人 貮 契 遂 子 口 妣 文 行 車 以 爲 鄞 朝 婦 以 郭 請 述 姻 派 德 見 傳 君 大 家 素 過 壻 余 後。 晞 概 泣 宗 感 今 四 併 介 所 念 而 知 明 而 弟 爲 爲 疇 史 葬

選》, 殿 校 議 人。 祖 通 奉 中季公棠游,三人皆名 郎 允 君 或 君 大 昭 絫 從 諱 夫 覆 幼 故 贈 祕 津 嗜 誦 贈 光 書 絫 學 終 字 武 禄 郎 贈 帙 强 仲 略 \pm 大 15 登, 大 記 公衜 夫。 師 年 夫。 世 博 + 考芾 爲 妣 頌 通 儒 祖 有 台之 郭 臺 群 師 Ŧi. 每 氏 康 主 錫 書 以 器 僊 肅 簿 尤 贈 詞 重之。 故 居 胡 公 賦 魯 任 人。 熟 公 也 或 魁 右 康 文 官 夫 曾 鄉 承

吉

州

軍

州

事

樸,故

通

直

郎

知

慶元

府

鄞

縣

0

派

栻

迪

功

郎

福

州

福

清

縣

主

簿

標

迪

功

郎

衢

州

開

化

縣

尉

兼

主

簿

女一人,

適

進

安

人

先公

六

年卒,葬之地

日

西

隩

去

先

墓

白

步

絫

贈

碩

人。

男

四

人

機

朝

請

郎

知

年

六

+

有

四

累

官

至

朝

請

大

夫

娶

姚

氏

封

化

軍

慶

元二

年

屬

疾

八

月

四

日

終

于

家,

享

Ш

沖

佑

觀

尋

知

廣

德

軍

以

足

疾

丐

歸

改

興

權

發

遣

江

陰

軍

未

上

改主

一管建

寧

府

武

夷

0

芝産

于

楣

人

嗟

其

孝

感,紀

以

詩

文

服

除

袝

焉

+

年

繼

内

外

添

差

通

判

紹

興

州

麗

水

縣

監

行

郎 郊 臺 司 府 在 艱 恩 幹 監 登 都 任 執 辦 潭 乾 淳 進 將 喪 公 州 道 奏院 熙 仕 哀 事 南 Ŧi. 九 郎 甚 改 嶽 年 年 0 廟 進 爲 宣 倚 爲 賜 廬 教 士 親 銓 侍 五. 增 求 Z 郎 闈 旁 品 科 慕 補 益 第 知 靈 外, 服 充 處 肆 隩 監 士 郎 適 九 之原 人。 轄 盧 從 人 姚 銅 樵 事 棟 諸孤以 長 遷碩 次 郎 錢 0 適 金 孫 適 新 承 男 銀 人之柩

於

學

連

薦

漕

肅

爲

御

史,

以

授

右

迪

功

兩

浙

東

路

安

撫

決訟 徹 居。 盛 太師 試 所 相 文 學 葛 於外 以 0 與 安 而 邑 麗 公、 公志 如 史公爲帥 寒 士 社 新 水 流 樞 畯 動 訓 禝 試 趣 使 争 有 庭 壇 民 邑, 高 黄 馳 口 無 歲 壝 邁 也 公爲 屬 恪 稱 祀 留 不 圮壞,學宫尤 乃築 以 守 久 月 牘 文 溺 僚 家 在 初 書 詞 = 於 相 範 親 X 如 嚴 壇 好 膏 帥 儀 側 以 於 夙 于 梁 幕 號 遠 治 宦 學 興 之習 不 士 器 盗 之 · 冠 派 學 民 時 期之。 、公謂 帶 東 相 增 俱 民 幕 種 偏 視 蔣 益 勸 以 府 學 公、 事 奠 派 又 非 小 績

承 贑 奉 十二月辛 場 四 信 州 郎 顧 人 郎 司 士 : 監 户 新 龍 燁、 參 西 西 差 軍 京 煜 葬 餘 都 葉 中 公 大 在 煒、 嶽 言 于 提 室 廟 灼。 郭 點 次 樓 但 曾 適 坑 治 孫 Ш 孫 冶 將 東 男 次 仕 女 可

七 Ti.

乎 片 矣 踴 憂,有 公 公 餞 嚮 公自 及 官 事 請 何 吾 兩 多 官 言 兵 爲 於 詳 來 獄 發 而 爲 之 先 得 公 提 以 用 代 奏 去 清 隘 練 圭 歸 折 所 莫, 舉 之。 齋 薦 呼 空 郡 娱 邸 租 陃 懷 措 有 券 減 人 禱 之。 倡 厀 卑 事 親 同 畫 而 遮 日 絫 徒 祠 下 商 諭 濕 委 任 求 率 知 去之 道 : 稽 月 廣 筭 公公曰 Ш 俱 獄 之 以 勸 歸 一治 樞 久 擁 兒 德 從 裁 官 荒 悉 密 隨 分 之 速 損 車 察 久 其 邑 邑 決 朝 院 車 政 以 乃 乎? 酒 : 早, 辭 言 至 有 給 \pm 沛 事 價 到 遂 歲 不 日 有 隨 躬 歎 謝 之。 種 然。 官 樂 康 葺 以 饑 訪 決 走 泣 其 處 不 公 立 從 肅 流 文 水 不 者 數 積 時 高 時 以 阡 人 參 朝 學 利 軫 決 殍 事 訟 致 法 米 土 陌 在 政 待 無 盈 惠 淵 舟 諫 曰 不 李 疫 粟 輕 制 民 賦 玷 如 旬 鄰 源 路 決 輻 坡 繫 將 價 朱 忠 詩 聽 懷 餘 湊 官 隱 方 宴 舉 E 以 政 文 文 興 而 公 令 翔

合鄉 數 公 爲 棺 人 以 麥 拊 度。 交 祠 舊 居 時 穀 Ŧī. 舟 家 亢 適 序 文 有 貴 千 卷 姻 久 詩 整 黄 平 之士 宗 之 寬 而 藏 篇 葺 則 斛 歸 舊 爲 监 方 巖 餘 淡 損 裕 彌 父 刻 自 雖 追 賴 于 講 價 承信 意 容 夫 舉 母 石 稽 親 而 甚 慕 家 援 之,公謹 拜 物 以 見 于 以 0 所 Ш 費 筆 時 不 糶 使 於 不 邑 均 厚 升 足 郎 無 成 節 不 莊 白 其 世 濟 知 庠 者 堂 歲 靳 詩 築 義之女。 疾 擷 重 日 得 者 者 言 不 舉 寒 芳 謁 恬 尊 . 究 蔚 祠于堂 止 親 或 敢 遽 薦 則 康 酒 静 先 禮 有 於 此 以 顔 廢 頃 色 肅 賦 新 聖 之 用 父 略 大 中 年 甫 爲 嘗 粟 先 可 之 服 如 風 事 如 笄 喜 得 簡 無 湖 以 可 以 哀 隩 師 之 故 用 機 鄉 喪 禄 以 歲 Ш 濟 殆 公 合詩 及 也 時 儉 如 飲 母, 心, 亭 侵 及 儲 不 先 散 有 約 已 又以 生 之 館 物 爲 賢 與 穀 文 前 改 正 藥 而 儀 憂 + 之 能 隱 厚 其 以 給 日 耆 碩 口 畫 口

思

兮

方

壶

長 助 病 政 之家 以 足已久 既 冢 歸 婦 矣, 光 于 獨 禄 吴, 夫 任 洎 子 梱 舅 夫 方 内 始 人 從 之責 俱 派 師 郡 存 友 人 家 于 而 以 外 法 家 爲 素 尚 無 嚴 難 窶 娣

魯

或

任

家

寓

族

光 姒 禄 之 與 夫 人 既 喪, 用 益 窘。 小 姑 出 適 發 盒

肅 具 以 素 佐 好 之。 賓 (客,不 石 井 問 1 家 築, 有 竭 無 所 先意 儲 以 治 庚 具 費 以 竢 康

也 所 夫 需 子 康 哭之甚 肅 以 賢 哀 婦 稱 吉 之, 州 以 見 作 于 邑 遺 有 札。 聲 其 連 Ť. 歲

派 進 既 擢 Ľ 以 前 至 吉州 大 郡 求 可 嫡 以 母 知 之 興 銘 化 甚 義 切,又可 方之 訓 以 見 鄞

碩

人

鳲

鳩

之德

是

皆

口

銘

也

己

銘

:

涂 肅 隄 如 伯 分 萬 見 魚 蚤 壑 栝 之 兮 垂 用 傳 陽 清 車 兮直 衣 兮 流 鉢 謝 瀦 僊 緒 分 軒 所 餘 鄴 冕 夾 居 兮 明 侯 歸 書 天 鏡 伊 不 爲 兮 石 改兮先 宦 澄 徒 井 學 冰 兮公 富 君 壺 規 兮 冢 之 模 歷 偉 嫡 廬 仕 終 兮 康

直祕閣孟君墓誌銘

厚 汴 本 祕 封 侯 後 爲 兀 后 信安 少少 贈 書 府 戚 朝 兄 汴人,五 無 省 開 左 信 子 君 師 與 太 之冠。 信 司 諱 南 贈 師 比 安勳 保 安 録 嵩 者。 世 太 渡 寧 贈 韓 郡 祖 師 , 字 在 高宗 王 軍 \pm 家 公之高 魏 太 嶠 社 一之次 節 姑 母 師 \pm 之, 稷 寵 祖 度 蘇 徙 秦 使 彦 豫 遇 子 密 孟 祖 居 遂 充 魯 衍 章 如 也 贊 姓 在 衛 中 爲 或 郡 唐 中 安 州 也 萬 長 夫 \pm 肅 后 散 興 共 壽 宗 洲 武 昭 人王 以 城, 大 觀 信 賢 縣 之 慈 軍 聖 夫 使 人 後 安 待 聖 氏 觀 德 德 復 提 諱 問 獻 行 察 李 13: 世 皇 君 居 舉 忠 鄴 學 儀 開 留

悉 乾 直 器 + 臨 請 以 遇 或 除 細 機 仕 尹 議 京 驟 道 監 載 安 有 監 宜 祕 奉 事 祠 歲 勤 府 進 閣 易 以 官 益 假 文 初 主 尚 澹 嘉 於 祠 供 字 祖 練 故 簿 再 書 倅 賜 納 鍋 然 淳 抗 厀 任 七年 職 習 蔭 六 之。 緋 爲 不 章 決 熙 長 幕 未 下 主 補 部 職 府 魚。 復 請 貳 幾 者 = 府 ൬ 管台州 使 承 門, 六月 瓜 事 推 年 聲 信 數 以 外。 更 笑 事 長 服除 期 簡 委 譽 安 仕 年 1 時 談 郎 多 始 將 寡 八 薨 進 攝 月 崇道 H 隆 資 年 及 以 性 而 年 爲 休 紹 到 承 授 興 懇 決 制 才 坐 至 興二 意 浙 任 觀 會 始 改 免 通 幾 書 地 而 孝 盡 輪 光 西 改 臨 判 遍 元 後 0 有 攝 + 對 蓋 人 宗 傾 安 不 浙 之季 奠 滿 楚 餘 行 倉 皆 家 陳 七 以 撫 忍 西 + 州 尚 秩 部 特 事 期 食 皇 利 年 捨 安 司 四 冬 未 主 者 又 公 害 恩 任 以 撫 太 通 無 親 曹 也 滿 自 力 郎 管 遠 餘 子 判 甚 巨 除 軍 出 司

官并 次 猷 州 克 步 郎 郎 郎 州 迪 行 迪 几 到 在 華 功 功 日 相 無 絫官 監 朝 知 而 一亭縣 導 娶仲氏 之女 郎 錫 郎 點 夫 繼 鎮 請 真 明 子 縣 勇 檢 至 朝 年 江 信 大 新 州 市 ,後公七 富 贍 朝 府 奉 夫、 八 兩 鎮 李 州 子 舶 安 軍 左 奉 月 浙 大夫、 大 江 大 司 男 務 主 鄉 激 朝 郎 丙 轉 軍 理 户 府 Ŧi. 管 許 賞 請 年 戌 運 倉 參 丹 次 人 權 建 峴 酒 大夫、 以 五. 門。 司 歲 陽 日 孫 軍 寧 庫 知 Ш 微 年 進 夔, 曾 在 Ŧi. 之 縣 嚴 府 所 刀 疾 士 繼 淮 甲 女一 人 尉 原 都 武 州 右 月 卒 華 南 俱 辰 : 錢 夷 癸 宣 惟 去 享 先 卒 安 繼 繼 修 幼 義 酉 Ш 庫 信 先 撫 年 卒。 勳 沖 勤 職 郎 有 曰 適 安 塋 葬 口 四 郎 翔 賢 繼 佑 謙 將 修 朝 參 監 次 數 + 于 行 顯 觀 議 恭 仕 監 常 職 奉 故 秀 F 白 有

居 威 弟 重 擇 有 窮 大 僻 功 處 而 不 門 居 宇 卑 遜 陋 遠 權 以 勢 終 其 被 身 服 儒 至 雅

仲 不 公 爲 參 勢 家 議 字 所 奪 彌 性 猶 皆 存 其 名 舊。 ± 以 吴 女 公 弟 村 嫁 字 吴, 才老 而

與仲爲姻家。其好賢類此,故子孫多賢。何么參詢等勇性 皆名 二 じ 芝萸妈 見 同

公自幼承義方,問學有原委,論議正平。性

又彊記,一經見聞輒不忘。詩句清新,有冰

翁之 好 濟 風 人之急 時 篤 名 公 於 教 多 與 子 之游 刮 磨 豪 自 習。 奉 寒素 二子 而

藹 孫 然 俱 爲 聯 名 儒 家矣。 薦 書 繼 某 顯 少 先 隨 登嘉定 侍 都 F 元 嘗 年 識 進 士 風 科 度

公爲 圃 不 及 天 官 相 接。 舅 氏 親 尚 見 書 公 汪 在 公 部 爲 門 郎 派 與 相 公 魏 相 文 厚 節

稱 美 不 容 口 0 沖 佑 漕 淮 浙 爲 太 府 卿 兼 權

馨,具导屋周庭。某化和貢展,育曷旁占,刑部侍郎。嚴州嘗爲大理正。兄弟有賢

譽 (),俱 見公之孫 得 奉 唐 姓 旋 名 爲 某 之欣 比 知 然 貢 舉 知 孟 首 氏 閲 之方 榜 帖 興

> 屬 ൬ 未艾 遂銘之, 也 以 得 書 慰 孝 以 · 思云 公之 葬 銘 未 \Box 有 銘 遠 以 見

之, 豐 知 不 諸公。 功 于其躬。 表于 昭 公爲 慈之聖 幽 位 宫 愛子 不 子 信 稱 孫 德 日 餘 安之忠 興 壽 慶 弗 所 益 及 鍾 振 中 輔 0 家 問 成 風 積 津 中 善 興, 郎 我 曠 曹 惟 盛 達 受 詩 德

周伯範墓誌銘

1863

曾 仕 畫 正 知 西 湖 者 祖 0 源 公之女,忠宣 + 明 師 多 流 周 今爲 洲 厚 氏 其 以 之西。 爲 壯 登 來 慶元 几 年 皇 也 明 退 公之姊 遠 祐 府 君之高 望 休 五. 族 周 孰 年 有 氏 不 也。 不 進 祖 四 世 欲 惟 告 + 休 仕 爲 仕 名 科 堂 贈 鄞 至 宦 ? 娶 朝 E 相 則 惟 范 散 議 繼 居 家 唐 氏 大 郎 風 城 而 氏 文 任 中 前 口

娶俞 之。 以 棄 善 計 姊 楷 從 性 世 族 高 子 荆 陳 舉 氏 女。 爲 土 法。 濟 一之才 皆 敏 嘗 日 湖 沈静 妹 仲子 子業 名 皆 鍔 南 氏 ,正言伯 悟 南 以忠 第 年 劉 俱 時 兩 路 善謀。 人 承家 僅 元 壽 諱 名 娶 才 君 有 未 轉 憤 所 知 + \pm 夫 即 淵 行 命, 公, 運 意 E 强 難 世之傳 南 游 七 儒 亦 氏 判 之女。 書,遂 既 世 不 親 俱 年 雄 而 林 官 訖 又學書 學 免 可 有 翰 黨 在 登 儒 小 之子 葬,送 喪 彊 幼 家 爲 女 林 科 贈 繙 陷 林 郡 仕 聲,仕 之 學 求 之危 黨 銀 經 黨 下 也 篤 娶 至中 於 賢 不 後 士 女 世 籍。 青 閲 諱 志 動 胡 睢 士: 覿 兄 慮 光 史 墜 氏 兄 於 止 陽 輒 大夫,才業 模,字 大 之女。 弟 又以 禄 家聲 舉 學 右 幾 弟 徐 拘 夫 君 俱 右 大 不 如 儒 終 礙 不 濟 多 雅 歸 外 夫 派 遂 足 釋 成 伯 鮮 林 父 痛 家 宗 有 以 又 里 矣。 卷 範 人。 郎 之 心 有 惜 妻 尤 娶 即 經 愈 次 几

甓,行 家 年 晚 者,恩 餘 貧 費 以 比 物 鄉 事 心 宣 建 而 之會 人之 著 ,始得 必 集 鄰 以 墜 屬 炎 又增葺 是 周 》等 娶朱氏,子男二人: 其友愛之篤 親 奉 兵 失, 之 者賴 意 君 爲 臨 絫 喪, 燬 人之急。 君 鄉 家 事 嘉 有 行 手 後圃 器器 世 里合 之如 定 焉 有 差。 於 所 先 加 丘 君 此 必 元 世, 濟 廬 編 · 益 壟,隨 承 慶 經 書。 親 同 年三月二 居 蕩 甚 校 姊 文 理 先 以 氣。 濯 閒 然 以 衆。 中 妹 集 年 自 家 以 志 好 力 爲 大夫遺文甚 1適,號 既 僅 榜所 儒 務 諸 登半百 千 客 葺 君 官 大 行, 父既 日 + 井 二十卷, 林 緡 理 福 道 啓 觴 熺 居 井 所 九 及宗 爲 壽 得 傾 堂 歲 豆 E T 有 居 日 鋟 慶元 即 未 閑 圮 宇 終 怡 條 時 湫 族 版 君 從 以 以 多 艾 居 修 日 隘 甲 之 印 恐 如如 怡堂」, 兄 加 槥 四 時 士 疾 也 不 祀 以 年 踈 出 櫝 造 其 伯 於 以 卒 倦 縱 遠 甃 之 吾 爲 干 明 其 施 久 承 濟 此

先 君 求 閒 廢 仲 美 陳 孫 口 牛 近 滴 鄉 Ш 绺 書 爲 銘 爲 檟 熺 男 ,去冬西上 舅 T 錤 汪 貢 在 達,不 一之傍 老伴 紀 之 尚 之彦 疏 也 進 義 會 餘 將 士 族 從 備 書 不 中 未 以 壄、垓、圭、垍、 銘曰 某 侣 汪 已 , 得 容 笄。 死 尤 + 以 次 次 + 公 其 游 無 辭 ,君送于郊 爲 窮 適 日 聞 主 餘 間 先是,朱 所 學 月 親 通 鄉 烜 君 盟 年 余 歸 密 1 死 貢 之計, 又 斯 有 君 先 午 生 進 君 任 吾 事 表 少 Ŧi. 後 累 奉 堪 士 夫 呼 其 君 邦 妹之夫子 握 余 年 雖 衋 李 其 君 、埏。 其子某使葬 人 掃 舊 卒。 手 夢 傷 之 以 實 心 葬 有 松之勞,是 歲 道 憂 殊 與 柩 龍 于 真 預 女 别 女三人,長 患 甚 棋 焉 合 幼幼 通 率 建 1 Ŧi. 尚 疾 品品 焉 遠 之 植 壽 在 熺 長 於 期 疢 余 又 鄉 集 藏 室 尤 於 其 浸 相 投 來 餘 君 銀 適

几 明 周 著 名 吾 州 0 家 在 + 洲

> 里 悔 几 休 間 無 沈 尤 人其 浮 君 家 承 收。 積 其 立 流 身 善 脩 未 抱 子 晚 才 則 益 如 優 夷 穡 猶 有 不 秋 忮 棋 枰 不 我 求 觥 銘 諸 無

承 奉 郎 致 仕 李 君

出出

後

大 侍 某 氏 或 提 善 也 諱 與與 幹 御 鼎 生 舉 \pm 珂 蠱 史王 夫 長 卿 廣 盛 江 造物者合。 外 東 X 爲 口 奉 富 夫 門,幼 李氏 公伯庠 過 某 市 親 樂 婦 其 之 舶 有 施 偕 家 姑 勳 某 稱 年 老 銘 先 鄉 之女兄,太 仕 之 及 三子,長 外 子 秉 稱 夫, 祖 識 妣 爲 義 長 孙 汪 其 吴 修 以 之墓, 者。 公少 滿 Ŧi. 或 武 諱 是 世 前 府 攜 郎 佾 與 師 再 矣。 謂其 卿正己之姑 侍 宴 李 娶 字子 行 外 建炎三 氏 樂 \mp 始 持 祖 列, 連 有 氏 秉 心 時 母 連 日 義 實 年 廣 李 越

聲 學 受 艾 舊 謹 子 彌 是 以 雖 餘 以 訓 功 虜 學 第 也 文 舍 進 制 伯 矣 最 綘 姚 郎 E 殘 聯 邑 于 無 風 法 取 縣 中 舍 或 儿 監 爲 君 翩 四 境 間 待 舒 君 尉 開 學 未 優 明 大 科 大 紹 躬 子 以 言 禧 沖 効 貮 振 年 選 免 父 級 圃 諱 行 全 游 澹 車 兀 母 解 詞 府 從 充 遂 善 而 待 父母 騎 年 伯 元 某 詵 鍾 \equiv 與 弟 道 庭 士 以 爲 年 向 進 彬 在 伯 嘗 愛。 江 物 之 儒 友 既 稱 廷 士 奉 兄 刻 則 記 中 鹽 子 門 古 歸 無 没 内 第 試 III 弟 意 君 嘉 昆 場 其 競 誨 舍 以 鄉 間 撫 教 定 弟 也 迪 弟 事 期 出 淑 伯 生 善 才 子 弟 里 既 詒 功 元 及 甚 財 之。 諸 亦 字 歆 氣 衆 妹 處 又 伯 年 郎 子 詳 力 弟 薦 宗 伯 畢 艷 實 中 家 進 鄉 兀 俱 募 從 于 新 白 唇 黨 相 振 E 貢 士 子 有 既 是 其 析 鄉 鄉 紹 嫁 上 舍 進 第 居 周 森 場 資 爲 興 生 興 而 兵 F 選 士 長 府 於 孝 九 旋 未 屋 太 非 守 經 迪 口

之道 男 官 作 於 恕 言 然 子 郊 慶 遇 不 誘 行 封 理 子 孺 合 歌 有 偶 舍 祀 典 也 而 以 不 遺 恩 以 意 詩 飯 也 契 不 實 踐 口 里 莫 長 之 又 於 即 以 履 中 餘 窺 以 平. 轉 朝 \equiv 即 又 日 終 心 間 作 德 爲 力 其 介 淡 子 年 奉 承 元 者 身 日 : 詩 先 者 有 際。 意 在 如 + 郎 奉 白 行之者 彊 以 親 乎 我 必 不 其 學 郎 月 嗣 記 ? 族 獷 必 平 及 書 次 專 良 之, 之 子 飯 不 其 封 之 居 可 事 詵 之 + 就 弟 人 之 忠 其 名 迪 座 以 舉 至 閲 以 伯 養 女 \equiv 不 德 不 恕 書 第 功 右 業 遇 百 知 ^ \equiv 日 問 詒 寖 名 必 平 史 姑 郎 餘 君 君 江 也 賢 報 ? 興 無 自 伯 首 之 臣 諸 篇 輒 所 否 禮 娱 言 子 以 嘉 日 存 況 視 子 歛 如 詞 娶 定 行 皆 也 疾 學 慈 其 前 之 矣 心 澼 伯 張 卒 録 自 福 有 之 亦 成 家 有 氏 謂 誠 于 年 宫 閒 藐 甚 往 教 誨 反 而

用

篤

厥

後

書

也

大

爲

掇

其

(大概

而

系

以

銘

澤

留

意

第

相

望

衣

冠

玉

立

或

升

于學,或

薦

于

死

不

以

諱

也

賢

哉

-

祖

開

慶門,父全鄉

有

開

忠

父所

作

韻

類

Ŧi.

八亡矣。

别

後

時

子

而

己。」

又

曰

.

吾

幸

徇

世

俗

有

日

:

家

中

遺

中

品品

處

後事

甚

悉,且

慶

之

盛

聞

君

既

家

年

以

來

H

見

李

氏

昆

仲

諸

孤

葬

君

于

鄞

縣

塔

嶺之

餘

在

室。

曾

孫

女

人。

以

生

以以

似、

以

翼

孫

直

愛、

張

復

袁

邦

傑

張

以

稱

以

制

以

牧

伯

訓

伯

惜

詒

伯

諴

伯

方興,所貴持 戒喪葬 邑。 女六人,長 明年閏二月 以 銘 奮 原 繹 人 先 鄉 有 産 發 豫 日 久。 始 卒。 君 子 書來 其 益 繼 儒 俱 得 惟 以 壻 毋 風 女四 以 所 循 遺 有 歎 清 求 也 善,子 適 渝 大 古 欠 言 積 銘 淳則, 振 甲 袁 以 制 惟 經 於 善 孫 名 子, 泝 盛 孫 教 篋 數 無 餘 九 黄 乃 幾於成 卷 又十 見其 銘 復 好,相 授 諸 攻 決 承 爲 來。 祖 叨 東嘉 老,《 小 科 議 志 請 筆 假 Ŧi. 學,又傳 起 余家 郎 與 撫 守,時 銘 畫 誦 家,五 年,當嘉 説文解字 謝 考訂 與 其 既列 愈工 世 君 陳 諸 書 某 業儒,五 墓 過 其 君 子 文字,毫髮 名 ,爲之傷 君之行實,又以張 0 侍 誌 郡 舉 定四 俱 Ŧi. 士 余 教 *\ \!\ 齊,晤 銘 序 子。 傳 游, 既 絫 業 君 年, 經 世 投 年 歎 其 所 獨 典 祖 語 而 得 閒 此 必 仲 謝 著《 故 釋 正 甚 季 計。 其子 元 君 真 聞 頗 文》 議 樂 子 正字 應 季 季 其 知 始 也 夢

後

+

Ŧī.

年

澤

最

爲

同

1867

字

學。

客

始

末

通

貫

諱

弆

獨

殿

以

鄉

先

生

弼

諱

肖

尤

憂,服 之 庠 氏 經 子 賜 郎 淳 贈 安之樂善里, 祖 庚 \equiv 士 不 辭 荷 申 有 科 子 文 年 緋 煕 承 知 淵 有 + -: 白 君 事 君 衣 合葬 福 授 婦 除 0 以 開、 家之書 性 諱 郎 銀 以是文亦 左 道 州 祖 疾 再 紹興三十 雩, 穎 魚。 年 迪 有 先 寧 調 君 于 卒 日: 悟 里人 季 功 任 大。 西 德 台 于 爲 張 当皆 承 君 慶元 澤 郎、 有 縣。 州 Ш 官 日 高 氏 Ŧi. 手自 稱 其 父兄 年入太學,乾道 孫 廣 司 福 進 郵 年 鄉 樂 字 贈 享 改元,年 四 主 惠 户 軍 州 卒 援筆 行 善 孺 也 年 校定,音 之 人 上 院 參 連 軍 先 人。 六十 訓 覃 先 軍 贈 江 温 學 父知 立就 生 恩,轉 師 塋 之永 孺 縣 勞 教 博 鍋 兄 有三。 中、師 之 訓 人。 主 轉 學 柔, 授 黔 陞 不 君仕陞 後 嘉 句 簿 Ŧi.),改宣 强 奉 承 從 嘗 + 爲 有聲 年 讀 人。 Ш 善、 記 議 議 事 居 娶 艱 登 J 朝 郎 郎 郎 月 萬 教 進 瑞 曾 深 自 上 母 師

荒 排之。 公伯 言 才,訪 預 甚 宿 取 旋 知 俞 役工匠 南 之内兄。 于 其利 其 焉 高 于 蠹 提 政 師 舅 及 間 熊、 舉 民 以 心。 ,薦 之害尤 錢 滯 空,五邑稱之。 者 既 不 氏 見君 民瘼。 毗 溥哉 君舉 仕 訟 端 公之望 多,居嘗 扶 女三人。 陵 四 明 而 薛 如故交,留語或至終 而 以 []下 人 名 忠簡 知 悉 直 君 使 于 辦 傅 者 爲 君 爲 朝 集 受輸,爲 帥 益 良, 張 屬 君 聞 季 帥 論 稱 得 朱公熹 籍 衆 公闡 佛 宣 講 郡 又 科 舊 書 記 學 老 ,皆里之名公。 盡 張 祭 買 喜 與 之搏 丹 中 務 从 蠲 酒 瓦 氏 君 日 書, 丘 忠 爲 覡 出 之。 李 壻。 甓 百 甫 郡 額 之説,必 于 庾 夕。 公祥 薪 高 舍, 外 用 名 使 正 龍 及 葦 郵 之求 淳 不 試 圖 人 早 洎 屬 知 教 爲 風 足 之 深 其 官 裁 君 邑 差 淮 以 唐 鄭 受

敏

而

謀

審

度

事

宜

急,

惟

力

是

視

樂

聞

畢

婚

嫁

治

室

廬

又

也

君性孝友,二兄

早

世

撫

育諸

孤,

爲

書。 篤意 傳,惟 此 語 謂 1 爲 謝 少。 人,鮮 學之細 生。 斯 君 古之設教,學有大小。 著之于銘,以賁幽 書 時時 幼而 文,字爲之正。 有 可 惟 爲 同 稱 禮 此 貞 志 筆 字 淳,習之 樂 我家 精 學,是 既 頃 壞, 仕 有 以 墟 原,余 既 東 爲 亡年五 射 文發身, 成 嘉 御 藝。 六藝之目 罕 亦 日 壯 知 素 親 十,始得 又敏 而 後 嗜 友 用 世 數 朋 于 世,足 忽之, 殆不 間 亦 政。 其 惟 失 亦

1869

勉之 人 往 善 往 學。 有有 中 的 過 勇于 多 惜 面 赴 乎不 折 人之 之。 假

子行

絞約之制,悉去世

俗

不經

之文,承君

志

之際,衣

冠

服

色斥

去

「浮薄

之飾

君

既

其

昏

喪祭皆

有

典

則,律子

弟

· 尤 嚴

于

拜

跪

舉

止

且

相

與

祠

于

老氏

之宫。

平時

勤

謹

禮

法

冠

忍去者。

士夫挽章盈帙,祭文率數十百

其寬

焉

死之日,巷哭相

聞

有

攀

號

輀

車

不

又

得

其

情

無

不

感服

故

吏畏

其

明

而

民

樂

鄰

邑

連

江

亦

有是

獄

太

師

鄭

公僑

復

以

委君

者

固

不

可

赦

,誣人者自

應

反

坐。」卒平反之。

歎

也。

銘曰

誣

服

君察

其誣,白之部

使者,

曰

.

蓄

蠱

數

嚴

而

姦

民

反

以

誣

善

良

吏

復

鍛

錬

或

至

粟

以

賑

乏

增學糧

以

養

1:

閩

有

蠱

毒

法

禁

Ħ

危

华

聽

事

事

至

立

決

故

無

留

獄

出

儲

七六四

贈

銀青

光禄

大夫宇文公墓

誌

銘

皆 遂 總 子震、 銘 至 見 大家 叨 也 蜀 之。 參 再三, 躋 領 預 以 見 右 告老復 士 宇文氏本居 兵部 出 隆 府 如 , 尤聞 親 與 終 興 故 人參差,竟 銀 尚 樞 來 不 初 貮 交。 青及夫人之銘 書 密 今貳卿 元 得 卿 樞密 价 情 河 鑰 貮 以 辭 同 好 南, 棘 卿 不及 由 登。 忝 日 謹 及 引 寺 京 進 唐末 隆。 樞密 摭 嫌 奉 **寒**宣 識 尚 士 所 使 書嘗 出 入蜀,遂 爲 科 之名,恨 守 與與 示 北 = 委。 威召還文昌 日 當 仕 幸 行 歸 親 淮 塗 上 謝 周 口 述 攜 爲 東 從 行 不 朝 書 未 鑰 成 貮 總 敏 班 遇 既 多 都 卿 而 而 領

太 師 銀 魏國 青 諱 公。 師 説 祖邦 字 德 彦,故 承 0 任 曾 朝 祖 奉 宗 大夫、 象 紫 尚 贈

> 業,兩 奉 容 堅 官 以 忍 度 富 翰苑 夫。 長 中 書 獄 執 喜 仕 離 貴 寮 屯 祠 風 故 公之二伯父以 未嘗 雖 興獄 始 中, 厀 ,繼爲丞 田 ,公亦不 亦寖 占 雨 任 下 員 有 薦 爲 左 不 而 既 外 渝 少 言 中大 息 書 天資 潼 郎 屈 調 示 道 冠 轄 高 111 屑 樞 選。 騒 俄 下, 由伯父任 八沖澹 夫、 府 絫 龍 也。 廷, Ţ 然, 路 期 請 贈 文 直 父母 圖 母 惟 轉 於用己之學。 州 家 祠 學 太 龍 公氣 服 碩 運 邑爲 聲 禄 師 專意 被 圖 既 除 補 人 司 以 臨 古 閣 平而 鍾 承 房 齊 又任 之屏 主 便 於學, 陵 愛之, 務 氏 國 管 養 時。 絫 深 郎 語 贈 常 憂。 息。 文字。 公。 知 勁 公少 自 長 平. 公 鋭 通 龍 爲 迭 父 父 爲 遇 淩 亦 情 議 司 圖 既 在 幹 歛 程 時 事 忽 使 勉 不 舉 大

據

本

補

[●] 本篇題及正文「不得辭」以上共一百六十三字,原關

尉

孫

女三人,曾孫

□人。二子

以郊

恩

絫

獄

司

幹

辦公事。

景厚,迪功

郎、邛

州

安仁

縣

脩

俱

終

於將

仕

郎

景

琦

迪

功

郎

監

漢

州

郎

新

知

簡

州

楊

思

成

孫

五.

人

:

景

韓

景

商

税

景度

个,儒

林郎

添

差

兩

浙

西路

提

點

刑

書

樞

密

院

事

兼

太

子賓客。

女,適

承

議

繼

伯

祖

樞

密

太傅

肅

愍公後,端

明

殿學士、簽

文殿

修

撰

知

太

平州。

次

紹

節

以龍

啚

治

命

知

敘

州

南

谿

縣

次紹

彭

由

權

户

部

侍

郎

右

贈

公銀

青

光

禄

大夫。

以某

年某

月某

日

葬

于

廣

都

縣

龍

華

Ш

原

,後三十餘年

,文安夫人

娶

房

氏

贈

通

義

文安郡

夫

人。

四子

.

紹

猷

故奉

直大夫、

知

漢

州

紹

諤,

故文林

郎

平

時

鄉

黨

縉

紳

品

論

世家子弟之賢

, 必以

公

興

+

六

年

Ŧi.

月二

十八

日

也

官

止

奉

議

郎

辦

公

事

甫

到

官

而

以

疾

卒,

年

止

几

+

實

紹

爲

稱

,至是相

與

嗟惜

又

不

能

自己

也

兩

華胄 宇 文之先,其 公居其間 積 卓 稱 已 孝秀 厚 樞 筦 天 爵 派 爲 轄 赫 然

文爲 之,用韶不朽。 才不及究。 富 學 優 非 人 此 仕,不 其 身, 渝 宜 素 昌 守。 厥 後 出 我 軸 惟 折 銘

文安郡夫人房氏墓誌銘

夫人 扶 世 親 父 審 朝 明 護 知 永 有 散 能 中 銀青 夫人 以 姻 扈 性明悟,在 郎 贈 夫 色難之義,不但長 朝 歸 好 人 趩 朝 贈 奉 之姑 公師 姓房氏, 西 請 又謹 嘉 大 通 狩 郎 州 夫 議 姑 説 視 先 群 大 因 通 也 又 妣安 以 家 諱 龍 兒中 夫。 判 未未 以第四 次 圖 妙 于 嘉 女歸 人宇文氏。 次 獨若 妣 成 於 光,其先 幾 州。 舍 碩 女工 都之華 即 女繼 食 直 人張 成 世 妣 龍 飲之宜。 執 也。 顯 宜 室 氏、 陽。 置 祖 喪哀 人 於 是 宇文 閣 張 杜 希 唐, 曾 長 爲 時 氏 氏 參 E 氏 事 祖 廣 夫 中

> 嬰,内 過 閒 州 專 謹 夫子 遂 無間 此 圖 法,故諸子 二,諸子皆幼。 而 之餘 適 夫人 悼 登 意教子,畫 笄,恪守家 治 淳 言 銀青 少間 È 盡 閫 助之力 夫人與 悉 之悲 熙 職 内, 、領諸子 事 儲 銀 曰 不苟, + 益 奉 兑 青 以 冰法,食 四 夜 其姒 自 「吾婦! 也 烝 如 卒 銀 聽 留 年 送終治 不 嘗, 刻 父,夫 退 於 青 里 進 . 怠。 苦 分月 嘗 則 不 潼 爲 舍,教 孝 士 豪 重 侍 耽 相 敬 如 葬,無 III潼 人 第 又舉銀 不 主家 肉 龍 書 繼][[姑 倉 待 自 愈 他 圖 司,夫 漕 無 預 長 而 銀 一不 私 力, 務 日 疾 薦 幕 恙 姒 豐賓客之奉。 青 不 青 願 夫 時 用 之 如 以 或 學 奉 合 季 盡 汝 姑 愈 客 兄 行 藥 事 子 州 人 子 以 儉 至 赴 + 物 年 晚 紹 以 É 寬 百 餌 婦 後 自 才 龍 紛 歲 歲 節 爲 有 甚 如 口

寒

暑

每

以

書

戒

其

盡

力

毋

念

我

事

既

昭

明

即

遣

詣

行

在

所

以

其

事

本

末

請

于

朝

留

啚

命

銀

青

以

紹

節

繼

伯

祖

爲

孫

甫冠

一夫人

康

奉

使

結

約

舉

義

謀

泄

遭

變,

盡

室

死之,龍

無

詭

隨

不

以

馳

鶩

寵

禄

爲

急

也

肅

愍公靖

上

世官業以

勉之,●且

俾

廉

勤

首公,無躁

進

篤 惟 |I|其終。 孝。 至 一雲委。 彤 管 猗 義 歟 不 作 夫 典 方 傅 尤 人,謹 刑 嚴 如 姆 繩 存 無 于 繩 教。 是 從 孫 爲 子 孰 壼 事 能 閨 慶 姒 必 門 如 凡 有餘 姑 此婦 惟 又 敬

之官

戒

飭

尤

備

引

雋

不

疑

之母之語

及談

不以

悲哀亂所守,

固

知其

有

今日矣。」

送子

夫人曰:「汝父與

舅

皆

稱

汝孝,盛

年

守志,

養。

宜人及見外

孫

以

次

授

室

相

繼

出

仕

謂

親

即

聽

迎

侍

日

必

歸

母

侧,

曲

盡

孝

長

子

紹

猷

得

官

成

都

張

宜

人

年

高

喜

於

便

未

行

",悲卹

撫

摩

,不啻己出

俱

使

之得所

歸

日

親

黨皆以

爲

不可

及。

姒

止

中壽

四

女

至

不

敢

專

席

而

坐,

若

非

輩

行

然。

<u>二</u>十

年

如

既

寡

居

相

好

益

篤

事

無

大

小

未

嘗

先可

否。

0

供

酒

肴

無

倦

色,

伯

與

姒

皆

敬

嘆

之。

姒

^{■「}沓」,原作「沓」,據殿本改。

❷ 「之母」至篇末共三百二十字,原闕,據殿本補

道,百世仰之

朝散郎致仕宋君墓誌銘●

與 卿 寡 余 銘 木 正 而 卿 矣。 藴 在 同 忝 IE 之 年 卿 末 之 隆 鑰 請 往 科 興 墓 今四十載 又亡 既 亦偶 光遠篆 還 改元, 至 在 抆 矣。 魁 甚 乾 未 涕之餘,爲 其 樂 道 選 永 死,故 ,惟余參議 明 蓋 也 七 嘉 年,其弟習 年客授 云 進 郡 三人時 後 士 同 又 得 序 登 假 此 光遠、宋貳 其 人最 至 以 守 邦 之 平 <u>二</u> 十 音問 持 盛 生 則 年 書 而 在 往 間 車 尚 求 者 系 來 銘 正 多 之 己 書

清。 舜 人 吹 卿 簫 邑 君 諱 臺 有 Ŧi. 峙 季 張 晉之,正 時 其 文 處 前 君 真 隱 ± 卿 居, 靖 勝 其字也 自福之長 築室 地 也。 爲 舊 鄰 今八葉矣,子 谿 名孝先,字 徙 而 温 緱 之 山 樂 僊

> 恭 力 孫 易 詩 科 以 游 不 不 日 又贈至 加 授左 貧 繁 偶。 耀 郡 送行,期 人。 詩 耗 誦 ,學徒數 Ш 爲 衍 數 贈 病民 政待 士: 之擇 奉直 篤 由 考 爲 百千言 别 迪 踰 名族。 是 意 允 户曹 待 君 功 百 襃 大夫。 師。 教 修 邑 尤遠。 郎、汀 以 人, 萬 借 子 行 人 郡 乃 既 曾祖 甚 君 弱 獨 益 杜 決 義 命 既 妣 州 冠 至。 勵 君 公,有霹 君 到 蠲 口 過 升朝, 惟 萬 司 從 首 子 申 官 授以《尚 之, 人, 表 户 氏 未 梅 出 于 有 明 參軍。 溪 履手 幾 有 人皆讙 學。 说,任 祖 生封 場 繼 先 聲 人 王 世 屋 母 之名 書》大義 生王 太學,登 舍 公器之, 君 張 則 聲 承 事不 服 王公又以 選 幼 氏 務 公十 俱 又 皆 郎 穎 而 嘗 擇 晦 校 秋 又 名 Z 曾 朋 贈 後 終 德 文 稼 劇

闕

[●] 本篇題及正文「相戒有古樟」以上共一〇七五字,

屢

空。

太守

邀

簽

幕

郡

縣

視

猶

體

知

無

不

爲

軺

車

行

部

士

民

遮

道

稱

德

政

者

動

數

服

調

臨

海

令,

以

辦

治

聞

催

科

不

擾

全

吾

藏

于

側

泣

曰

:

尚

當

供

養

于

地

下

也

除

費

金

不

仰

于

公家。

歸

誉

葬

送

仍

自

爲

壽

于

斧斤

者

號

宋

公松

_

T

奉

直

憂,

治

喪

諸

期

事

亦

隨

辦

伐

木

必

親

相

視

而

後

取

其

免

1875

者

數千

艘

君

既

被

檄

總

籍

其

目

分

番

以

備

調

發

舟人安之。

時造

戰

艦

期

會

趣

迫

君

緩

其

深。

罷

官

祖

餞

揮

涕

而

别

海

舟

之

隸

于

邑

所

開

納

贊

其

長

黄

君

藻

和

而

不

同

相

得

尤

移

長

谿

派

9

縣

去

福

州

數

百

里

一,

戚

幾

不

相

口

派

相

陳

公

俊

卿

爲

帥

君言

邑之

利

病

多

力争

竟

真

舉

首

果

以

經

魁

南

省

尤

服

鑑

薦

書

文

卷

E

遭

摧

剥

君

識

于

衆

人

中

引

義

0

裁

之明

時

派

相

王

一公淮

檢

IE

吴公龜

年

少

卿

鄭

公伯

熊

百

爲

部

使

者

皆

欲

出

其

門。

外

撫之如 娶 蔭 收 墳 亦恭 僑 幸 軍 定 榜 承 大 統 見之,言及 追 士 教 慕 劉 俶 先二 蔽 迪 孫 卹 四 日 司 謹 其 法 修 頤 甚 經 如 老 氏 年 い。皆業! 可 功 廣, 好 子 卓 · 姿禀端 紀 飭 護 而 年亡矣。 高 郎 繼 仲 學 捐 月 見 頭 不 自号 則 」,賦 有 厮 適 萬 寧 儒 衰 屬 目 類 事 祖 必 僕 孤 或 德 氏 幼 疾 如 詩 樟 君 産 泫 拜 亦 歲 學進士張復 女 重, 主 /,終于 此 次 皆 以 然。 日 賡 坡 猶 能 則 掃 時 簿 居 畀之,而不 父,門 宅。 曰 酬 居 贈 祭祀 爲 衢 以 必 君 家 弟習之少 纓 士。 者衆,某 安 家,享 生 躬 遣 之 臨 州 孫 人。 事 嫁 必 内 執 焄 政 女 比 道 晚又築亭其 孫 之。 相 親 以 年 蒿 喪 二子 綽 四 較 川 戒 忍 禮 亦與焉。 務,調 八十 君 悽 有 人,伯 叔從浮屠 宗 不 析 法 父 遵 四 愴 惟 黨 有 稱 爨。 有 風 + 遺 長 子 古 貧 邵 如 適 個 不 言 Ŀ, 歲, 弟 進 樟 將 嘉 弟 者 護 武 日

翼翼 實 時 益 庠 隱 其 實 不 名 士 新 克 輒 與 纓 監 遇 受。 腴。 爲 袝 勵。 軍 政化之盛 君 法 I. 遇 學,至奉 視 定 南 0 艱 先 將 子 習 講 嶽 學 勸 丞相 所 塋 以 即 深 林 俗 書 則 諭 一,君 季 廟 席 至 五 之文,明白 君 益 有 適 汪 請 唱 梁文靖公聞之,遂 ,君實啓之。 留 年 與 化 維 媺。 志 文, 君 酬 進 君 + 其 心 屏 則 伋 也 爲 士 月 齋 長 風 鋒 臨 又 與其弟 萬 説《 号 率邑之寓 教 T 舍有銘,深 親 起 海 [豐膽 君 逵。 榕 酉 見 泉 春 官 勉 敏 臺 葬 之鋭 憂 湧,人 秋 事 份 詩 厲 而 女 先 君 ×0 整 居 斥 後 静 孫 生, 辭 于 公 招 意 暇 開 家 衣 學。 畏 光 三人。 聽 貫 縣 高 興 太 財 義 人 大 君 其 化 勝 穿 蓋 作 焉 帶 郡 學, 爲之倡 長 既 守 屈 捷 中, 竹 百 學 致 0 澹 熊 濟 來 谿 爲 而 家, Ш 者 者 里 公 濟 有 服 而 邑

粗給。 銘曰: 《擬進萬言書》一卷、《樟坡集》三十卷藏焉。 卦、《 望。 歡,或 多。 衆 十二公論》各一卷,《歷代中興君臣論》二卷、 餘年,齒落 文,落成之記,皆鑰爲之。 亦 中庸》大學》《禹貢》《洪範》講義、《春秋 家素貧,孫安人初以 詩文甚 競 假貸以續食,人爲不堪,晏如 仕幾四紀,無一丘之益。客至必 勸 復生,髮白更黑,頒然爲 多,隨有散佚,今惟《乾》《 輪 奂 鼎 新 照 田 自 映 四 爾 Ш 頃 累 إال 自 舉,得 也。 隨 鄉 舉 坤 曲 歸 留 伏 梁 士 Ś 臘 之 老 盡 爲 之

惟

盡

鑰

政,藹 易感 壽 而 益親 踰 阜 勒 然弗 旬。 陵 我 銘 幸 四十 取 泯 士,隆 同 宋君 珉 餘 升, 游官 難 年,如 忽 弟 興之春。 焉, 貽 書 海 星 而 其 向 濱 迹 惟 晨。 ハ請 遽 相 温 甚勤 陳。 惟 與 最 宋 往 盛,二十 行 與余, 來,久 義 哀懷 治

從兄樓 府 君 墓 誌銘

聽琴觀 歸。 矣,雪涕書之。 此别。 將 掛 投閒十三年,時 ,惟兄長鑰 九伯父五 衣冠 葬,二子來 忽聞兄訃,驚 我大父太師 奕,酒 初謂 ,期與兄樂此 子 酣 可 ,皆鑰之兄 歲,自 求 丽 以復 齊國 銘。 痛 時 歸 不 步 幼 甚 尋舊銘,兄亦促使 自 晚暮 嗚 屧 公五子,二十五 少 適 勝。 呼 相 也。 追 也 1 過。 逐 嚴 乞身未遂,又 諸兄凋零殆 遂無兄可 憂 晚 召還朝,重 Ш 患之餘 益 肴 野 相 蔌 蚤

惜

聞

既

人,人城而著籍 兄諱鎡,字少及。 于鄞者,至吾兄弟五世矣。 吾 家 世 一爲明 之奉化

0 本篇 原 闕 據 殿 本

之外 密 名 觀 兄 得 朝 官 生 蓏 自 儉 母 士 推 齊 得 手 臨 奉 治 陳 議 止 諱 而 晚 以 公繼 竭 田 既 家 氏 郁 水 至 大 大 E 其 植 爲 贈 丙 不 力 之, 薄 夫 決 理 以 家 得 歙 科 封 尤 太 繡 評 畝 及 事 量 累 安 僅 供 科 濟 仕 篤 城 丞 師 堂 力 禄 親 事 人。 贈 小 起 得 濟 至 南 意 故 仕 齊 誉 爲 于 臨 累 家 摘 太 八 如 兄 勝 教 基 之需 築 朝 世 襌 用 伯 安 或 傅 贈 幼 處 爲 子 散 房 室 仲 教 公。 正 意 子 宅 數 仕 内 精 兒 積 真 間 祖 議 官 守 也 + 遽 叔 女俱 地 後 德 舍 未 急 大 父 諱 家 隱 年 休 子 天 總 既 季 夫 病 异 有 幾 諱 法 地 如 士之 鋐 姿 幾 子 衆 落 讓 素 不 仍 琚 徽 無 安分 謹 弓 足 鉅 曾 教 成 夷 有 H 猷 與 至 廬 心 朝 恪 授 祖 以 場 過 安 花 閣 高 亦 也 塵 知 散 容 諱 鄉 卉 者 計 自 屋 人 直 朝 讀 祖 足。 衆 郎 常 里 勤 學 散 盛 精 朝 果 闢 駭 書 先 太

槢 享 定 祭 語 撫 齊 自 術 率 冬 則 謂 何 至 而 至 談 謹 年 先 七 愛 其 以 呼 州 川 以 輒 誦 處 檜 崇 發 元 + 笑 甚 燭 家 七十 年 堪之?」 見 經 人 而 人不 款 身 以 六 往 則 榗 仁 日 肺 親 晝 鄉 有 治 德 肝 不 二子 月 縣 物 見 風 黨 賴 俱 則 校 復 小 屬 派 其 親 生 合 雨 祖 業 假 有 飲 酌 舒 疾 際 器 故 計 不 樂 亦 先 儒 寢 娶 序 食 浹、 亦 祐 必 渝 有 素 宗 高 諒 初 寧 遂 拜 有 出 暮 過 故 洽。 薄 族 會 而 柄 無 之禮 海 爲 孫 恩 每 親 止 絶 不 之庇 服 出 他 李 忠 鄉 扁 義 六 自言 臨 小 \equiv 苦 之。 繼 氏 告 兄 里 足 其 疾 女, 酌 爲 善 或 克 以 處 堂 夫 丙 必 病 尤 \Box 奉 長兄 人 面 適 卒 婦 陶 申 夏 相 夙 日 好 以 丘 折 歲,斤斤 然 文 卒 戒子 齊 賓 吾 性 夫 屋三紀 主 壟 柄 終。 雙慶」。 之。 林 子 于 年 自 諒 及 簿 無 弟 校 家 直 適 致 嘉 鈺 1 俱 至 自

夕

陪侍

病不及問,

季

强

兄之與我,親

齊公守鄉,始立

來,尚振素風。

攻處先生文集卷第一百十五

從父兄 外孫 嘆。 力圖 矣。 瑣者。 竹頭 于通 己。 能 繼繡 F 亦皆豫辦,略無拘忌之嫌,又可見兄之曠達 有 也 二子 遠 也 今日 舊 銘 憂 木屑、未始 而 于地 鄉 堂 日 ,餘尚幼。 鑰既不得歸奉吾兄,自念叨竊 先具美檟壽藏,雖一日二日 孫女□ 得之,兄又喜甚,將以故扁揭之,未 責,下困 東望 事 金谷之原植 幾 下 不能. 親 工,尤爲 也。 人,長適方楷,次許適舒樞 素謹 輕 應 保,兄言之或至泣下。 棄,物 將以 酬 兄 一兄亦 心 雖 德 折淚迸,哀哉無及 每 Ŧi. 菴 出 多 起 年八月丙 後 世家,辛 以家務分委之。 一可爲 伏 兄兄 波羨 所自 兩 口 用,若瑣 苦自立 少游之 申葬兄 爲者, 逾 下,欲 分, 也 浹

一錦坊。 喪 如 不 同 ·得歸 氣 五家 期 尚 盡 聚 處,昆 銘 此 諸 生,日 幺 **\$**

攻媿先生文集卷第一百十六●

四 明 樓 大 防

塔 銘

徑

Щ

涂

毒

禪

師

足以 御 且 今皇帝始 名,制曰 守臣奏請無 香以 曰:「是 居之。 徑 賜 Щ . 恩禮 爲 登寶位 可。」 爲叢林 錫 淳 東 華 熙 南 甚 藏 + 明年二月初吉方入寺,遇 第 渥 一段盛事 詔 涂 Ŧī. 道 就 毒 年冬,丈室虚 叢 靈 俗 禪 林,非 隱 師。 輻 力,非師 開 凑 第 堂。 驚 壽皇素聞 不足以當 歎 席 等 中使 臨 人不 齎 師 安

> 昭徹 亦絶 叢林者不 日 以 也 或 毒 此 之姿。」又六年,遂祝髮,光授以 曰 即 時 明見 偶 巖 . 僧楚光見之曰:「此子風骨巉巉 也 今亦 「天台。」 大名德,無 不 生 尤不喜泛交,善則慕之,有 過門,洒然有省。 迥出 佛性 與 . 師 不少。」日 能 名 通。 英敏 流 即即 智策 過 日 輩 年十九,或告以 穎異,父母素奇之。 也。 不 造護國,請 姓 肯可 0 性剛 育王 見 陳 大 智 氏,天台人, 簡, 寂室 甚 無 者 大 示、萬 謁 在 大 圓 居 汝 許之,謂 寂室光,僅 師 問 處 定慧等 不 經律 腳 麽? 師 壽 語 善 有 十歲 跟 甚 大圓 默 自 雖 下? 處 老 號 學 肅 理 出 親 來, 皆 詣 于 七 涂 暱 如 塵 護 口

- 0 本 卷端原 闕 據 底 本 例
- 0 本 篇原闕 據殿 本
- 0 陳氏子,自號涂毒巖主。」 生」,疑當爲「主」。 《補 續高 僧傳》卷十:

下

典

4

凡

見

浙

客

必

日

識

策

公

否

:

行

行

正

在

爾

遂

結

茶

于

淮

西

烏

之錯

愕

踰

年

告

别

牛

送

以

偈

日

咄

鋒

師

與之平章今古

泉

湧

風

駛

聞

子

亦

當

下

拜。」

遂

領

師

至

僧

堂

前

撞

鐘

曰

侍

者

大

徹

矣。」

牛

機

辯

峻

峭

有

祖

他

H

起

家

麻米

足

矣。

貞

净

老

人

若

在

家

暗

坐

西

家

厮

駡

0

4

曰

0

嶄

然

超

出

無

柄

靶

牛曰

-

向

上

事

未

在

0

師

日

來

日

是

什

麽?

師

曰

:

打

破

虚

空

E

甚

處

見

神

見鬼?」

日

雲

居

單

0

聲

鏗

然

豁

爾

大

悟

及

造

門,

典

#

獨

巖

游

禪

師

號

典

牛

聲

震

江

湖

9

師

往

投

之。

所

在

近

此

誠

非

寶。」

師

領之。

時

豫

俛

浙

由

雲居

風

雪

塞路

坐

閲

四

+· =:

日

午

扶

而

直

日

辭

去

圓

送

之

門

拊

師

背

E

.

當

面

蹉

過

_0

圓

曰

.

上

人

不

耘

而

秀

大 崖 者 嬰 版 指 章 初 咄 \Box 不 見 之 其 佛 東 聲 道 雲 師 臨 爲 全 版 價 峯 常 方 恐 者 濟 眉 客 平、吉之祥符、越之等慈 爲 東 老 座 此 江 來 0 岡 興行。 景元 0 矣, 典 菴 流 謂 濟 無 不 0 曰 日 牛 之麓 其 多 景 員 語 所 秉 子 0 本 無 力 焚香 衆 器 拂 能 無 元 曰 即 多 行 師 識 苟 旋 之 紹 . 重 徒 方 知 收 如 祖 日 之。 自 有 初 贵 如 住 味 熙 卷 吾 雪 : 道 是 子 護 本 「何其 久 此 也 **峯**存 衆 護 三年 波 子 爲 意 則 或、 衆 于 ___ 瀾 或 E 器 對 黄 如 欣 至 大 此 華 驚 矣。」 秋 東 龍 識 泥 何 潙 瞀 謂 然 者? 千 員 藏 服 畢 歸 過 ? 像 四 悶 Ш 餘 師 移 日 及 來 出 世 ? 説 祐 又 師 大 大 E 嘗 住 世 弟 孫 分 法 之 每 玄 能 潙 住 日 員 問 此 師 不 子 流 謂 座 酒 黄 . 訊 Ш 日 公來 亦 虚 歷 請 請 其 于 太 巖 員 所 高 參 建 天 生 居 而 徒 而 或 羹 普澤 歸 台 出 學 塔 至 談 期 員 第 于 生 師 曰 道 太 諸 惟

干

E

0

非

嘗參 月,萬 衆 始 夏。 + 節 言 師 日 初 云: 有 子 酹 Ħ. 日 湯 也 契 末 行 大 出 以 茶 舉全身 案: 馬 禪 得 請 緣 勁 日 没 實 沐 四 文 尚 里 法弟 銘 又 挺 偈 死 求 此 大 旦 饗」, 祭 門 乃 轉 下 生 費 日 乃 洞 銘 既 竟 與 人宗 光 我 在 瘞 原本 具 子 者 如 達 剃 分飛 爲之 師 于 于 暉 載 適 Ė 既 如 空 無 0 無 東 師 此 惠 所 袁 髮 缺十 適 出 市 半 盱 0 塔 俄 整 問 烟 録 觀 更衣 世 越 毫 面 襟 + 餘 雲任 衡 隨 頃 疾 ,此言 者 壽 字。 而 口 六 貽 危 泊 叩 十二 七十 囑 系 護 而 笑。 坐, 書 即 日 然 萬 意 余非 以 以 幾户 意 惠公余 信 升 不 衆 歸 而 人, 有 傾 銘 後 氣 二十七 堂 己。 筆 逝 雲集, 學佛 聽 六, 事 知之? 應之。 度 其 訣 于 秋 久之, 鄉 仍 惟 實 四 臘 天 别。 余 八 人, 説 + 月 H 六 霜 無 心 師 日 録 + 似 此 之 未 夜 偈 辰 至 舉 \equiv . 時

> 者 分 揚 霜 腦 别 慙 夜 秋 裂 臨 媿 月 矯 濟 饒 雲 矯 E 舌 居 宗,直下 典 掃 版 4 盡 一,付 聲 葛 藤 風 授 不 撼 親 絶 光 深 切 明 雪。 楊 透 涂 岐 徹 徑 毒 積 翠 Ш 我 聲, 詞 何 著, 贊 聞 有

天 童 大 休 禪 師 塔 銘

小 未 不 母 師 茹 玨 甚 願 也 之名 出 葷 省 余 家 事 家 師 世 名宗 尤著 四 止 業 E 明 之 聞 儒 玨 且 不 + 人 而 久。 和 可 稱 禪 性 州 樂 刹 老 遂 大則 烏 尊 錯 空 依 江 門。 宿 立 貞 宏 人 頗 名 州 智 衆 年 定 姓 Ш 正 中。 + Ш 孫 覺 而 貞 六 氏 大 小 白 兒 如 住 父 則 時 生

口

⁰ 原 本 篇 題 及 殿本 正 文「令 集 優 婆 以 F 共 五 百 五

宗尹 衆説 學徒 長 不 不 持 禪 請 君 間 語 到 議 時 南 補 0 就 德雲。 民 又 契 到 真 延 陀 歇 師 自 淵 益 歇 參 仍 請 巖 法 處 歇 以 命師 揮 往 政 微 是什 集,至千七百衆。 爲 號 遷 再 道 T 寵 之, 吅 美 尤 孫 公爲 + 退 建炎初元之蔣 智 師 價 掛 謁 公近 八 談 晦 于 時 始從 放 師 相 麽 牌 愈 居 進 岳 座 在 過 即 器 高 境 領 照 時 士 師 具, 林, 天 元, 之。 領 重 衆 界 與 爲 與與 即 童 著。」 郡 悟 ? 長 備 師 語 部 嗣 尋 紹 請 師 禮 象 蘆 使者, 人室 真 視 Ш 遂 歇 師 宣 興二 奇之, 爲 住 避 Щ 祖 開 歇 歇 云 豎 方外 代 和 岳 人 地 廷 照 堂。 爲 幾三 年 . 起 問 爲范公草 慈受深公室 居 中 林 浙 壽 道 留 兄, 第 云 交,遠 歇 布 東 將 虚 和聲 丞 太 爲 年 ,侍歇 主 拳, : 袋道 座 邀 席 謂 守 相 ', 退 侍 長 0 歸 佛 范 無 振 來 陸 師 疏 場 蘆 居 處 公 勸 公 擬 祖 東 使 Ш 人

普 平時 采, 之。 住 翠 笑曰 婆 年 湖 張 然過人,人于是 色。 寵 年,尚書王公俣請 公偁 説 八 心 智 塞。 十八年,衲 Ш 而見 (月上) 辩 之後 終 師 ,依宗禪 多 晚欲小參,侍僧 衆人 公宗 H 容 遂 齊 地 致 一院,辯 , 以 貌 頹 年 明 垂 知 師 天童 然, 奇 既 師 É 遵 子 别之 其 與 龐 行 以 深 尤以爲 規 無 雲趨,寺 一招之。 有 師 吾 遺 住 待 式, 所 度 意 造自 異, 生之年 制 書 雪 修 亦 量 以 無 來 竇。 仇公念遷之香 舉寺 不可 逝 線, 既 恢 爲暮 得。 師 所 爲 矣。 歸 偉 月 二十九 更 念 師 亦 咸 及 丈 矣, 皆 太 死 改 新。 初 未 喜 會 双对 也 室 生 白 可 無 嘗 即 愠 道 日 之際 名 年 恙 濯 **\$** 時 振 不 俗 迎 師 直 Ш Ш + 足 從 集 + 城 厲 見 益 賓 覽 9 就 容 優 卓 于 繒 閣 五. 中 風 如 書 實

■ 「廷」、疑當作「延」。

大休 得 數 領宗 全 足 慈 座 時 師 名勝 身葬 菴 足 年 接 爲 師 之祝 菴 物 中 風 與 容 外親 垂 于 自 余 師 而 無 跏 ,爲之銘 絶之書 南 號 視 足 素 貴 趺 舍 谷 之 也 菴 厚 賤 壽 泊 人孝 藐 0 之間 智 然 余 專 七十 如 日 紹 鑑 祥 幼 而 以 也 熙 爲 逝 欽 先 又 待 \equiv 最 0 嗣 視 師 師 年 制 顯 臘 又 之 大 法 公爲父行 張 Ŧī. 八 三十餘 名, 休 余 公 足菴 + 官 塔 日 邵 而 四 後 銘 昆 學 不 住 皆 省 爲 忍 雪 弟 徒 師 祝 違 忽 竇 等 與 奉

若休。 銘 諸 是 釋 生 既 者 流 日 休 視 死 生 若 又 何 浮。 求 生 足菴 兮 若 之求, 浮 死 兮

出出

瑞 巖 石 窗 襌 師

師 諱 法 恭 明 州 奉 化 俗 姓 林 母 楊

龍 箇 草 閑 嘗 合。」 殿 宣 白 見 更 天 上 胡 氏 日 之, 從 台 唤 堂 宏 廡 忠 僧 曰 和 母 日 號 舉 智 置 師 間 之。 教。 清 七 出 來 識 作 再 佛 似 反 年 謁 界方、 家 得 不 老 似 什 歷 忽傍 光 人耳 受具 兄 地 天 許 這 覆問 漢 麽 既 道 地 江 以 擎 童 事 箇 ? 暫 槌 擎 寤 拂 湖 有 根 戒 捿 Ш 自 宏 ,參學事 答 到 Ш 而 子 僧 話 。 習 真 清 H 智 拂 得 徧 豁 牛 人 作 也 機 日 禪 誦 擬 覺 於 參 暉 然 南 室 經 師 麽 不 . 應 院 香案 再 石 禪 開 蓮 Ш 月 畢 生? 識 如 師 舉 本 畫 僧 佛 師 律 不 悟 父 經 響 直 E 自 夜 則 法 萬 蚤 契 於 師 師 甚 流 造 師 危 年 不 席 韶 智 湖 喪 衆 E 師 奪 汗 專 生 前 閑 坐 方 落 掩 遂 他 : 心 拂 謂 年 駭 浹 0 盛 髮 公 留 寺 耳 H 清 性 拈 其 嘆 子 + 室 侍 爲 再 而 侍 舉 日 却 師 繼 夕 擲 無 五. 中 旁。 師 往 出 者 受 黄 拂 乃 夢 地 這 即 和 坐 X

宇

以

安

衆

開

Ш

田

以

足

食

又

陽

郡

王

又

起

住

瑞

巖

居

Ш

幾

冠

乾

道

年

退

居

小

溪

之

彰

處

皆

師

所

建

軒

敞

宏

大,遂

教

叔

祖

立

塔

1885

嗣

學

佛

成

佛

以

廣

況

是

惟

輪

奂

甚

美

皆

師

餘

事

也

大

自

得

暉

公

歸

自

净

慈

舉宗 色人。 三年 乃 參 如 爲 ? 道 往 隆 尚 建 藏 聖 虜 要 請 范 鍾 少 周 員 燼 興 誰 事 侍 以 城 經 公 會 越 智 師 星 之 改 爲 者 頃 通 明 雪 請 蘭 應 之 即 以 不 餘 É 傑 年 元 耶 若 臺 竇 闢 天 光 分 師 爲 師 閣 忠 ? 還 祭 之 等 趙 塔 孝 前 於 參 苟 座 舍 其 禪 矣。」 之, 者 故 以 法 始 疾 坐 道 師 \equiv 師 曰 : 者 聞 業 自 者 一説 友 0 壽 葬 至 天 然竊 謂 復 一十人。 姿 然 少 書 談 十九日 本 Ŧ 學者當 八十 偈 恨 實 居 弟 一六缄 勁 悟 時 無 而 不 九 笑 瑞 後 謂 子 與 挺 異 逝 識 世 月三 如 巌 參 臘 桑 先習 日 沙持 e, Ш 途 師 此 以 出 平 禪 門 Ŧi. 之 . 郡 遊 日 老。」即 書 淳 時 律嚴 世 而 苟 以 + 之法 律 守 西 也 間 諸 煕 付 招 毋 璧 九 能 求 以 偏 謝 法 自 Ш 八 甚 求 以 貫 直 有 以 檢 受 公修 夙 師 以 皆 得 年 藥 銘 通 指 則 後 \equiv 其 度 而 號 其 之 會 八 於 人 石 事 爲 且. 身 禪 者 撰 E 月 從 何 座 以 日 心 余。 全 促 累 教 方 得 + 四 所 姑 元 律、 一人矣。 次 之。 깢 作 我 並 見 十三人, Ė 如 師 不 歸 於是 聽 余 士 日 行 壁 遺 性 可 余 日 殆 教 非 大

塔

成

始

行

未

幾

復

住

能

仁。

公

侍

郎

出

守

几

明

命

主

報

恩

相

繼

興

造

凡

所

未

備

者,

學

行業,始

終

明

白

薦

之。

既

壞

或

請

捨

去。

師

日

:

非

我

合

智

愛

而

畏

之。

紹

興

<u>二</u> 十

虚

席

帥

移

書

於

智

求

本

説

法

遂

爲

第

座

智

所

0

乃

盡

撤

去。

三年

復

歸

天童

主

越

Ŧī.

H

夫

及

將

行

感

微

遲

明

升

繼

之。

書

唶

拈

起

問

過

機

不

來,莫言

不

和

尚

此

絡

索

作

何

用

直

冷 中 魏 申 所 諸 私 嘗 古 Ш 斥 地 摧 加 大 曰 飾 去。 ,或以 片 公 類 閒 願 ,我 提引, 免。 . 折 借人以 方 刹 德 無 晚 此 異 辭 得 自 石 同 道不是 他 起 皇子 辭 歲 同 有 期 坑 日 嘗 賂 嗜 石 成 居 河色。 公 行 僧 與 無 得,叱 馳 輒 . 窗則、 就 好。 寢 卿 魏 自 師 愛 僧 異 汝 遭 書 名 食 尤 名 路 Ŧ. 謂 身 請 土 空門 即 自 請 作 唤作 之不 見有 譽。 厚 罷 無 士 遠 如 代 0 咄 號 牧,每 嘗 參 爲 而 冰 師 併 之御 石 郡 指 貸,至白 道 什麽?」 日 險,徒 方 轉 玉 乃 嘆 逐 衲 者,雖 窗 命公定, 不 外交者 航 之。 加 語 子 地 日 史 叟, 終 與 敬 海 慧 : 勞 也 目 老 衆 遂 坐下 峭 臨 僧 郡 禮 以 而 民 自 不 舉一 甚 共 避 安 人 直 未 將 狂 師 緇流 耳。 得 欲 衰 不 衆 净 及 者 命 汰 版 骨 略不 訪 人 如 拳 對 遣之。 慈 必必 骾 其 以 丞 郡 唤 至 深 務 累 師 容 爲 雲 人 作 力 嚴 主 相 於 爲 師 即 順 未 緣

> 今昔, 世 爲 得之 蓉 呼! 名言。 傳,卓立傑出 定 讀者當自 再 也 録》,壁立 曰 辰 即]° 特 傳 而 海 夏 居之, 立 堅拒 早, 大振 必 而 宰 盛矣。 禪林 之土。 精 至宏智 師 延 郡 知之。 Ŧ 不受。 行 ,傳之必久。 之, 久而 五. 請 仞; 解 石林葉 枝 師 説 二公皆 師 確 甚 衆 蓋 機 不 尤光 瑞巖 法 高 邑 然自信。 日 無異辭 緣 叮 公 出 人 即 有《三 挹 明 不 古 左丞 名儒,言 本, 固 日 俊 河 酌 爲 前 道 . 請 不 H 南 偉 夸 此 場 會 末 叢 稱 澍 惟 壁 邵 己 詡 負 偶 録 後 其 林 曹 公子 必 所 又 而 以 爾 × 以 尤 次 與之嚴 洞 託 不 驚 師 雨 著 《瑞 所 年 師 宗 非 得 荷 文 焉 衆 尊 故 又 吾 至 巖 照 其 稱 出出 敬 芙 力 後 映 其 IF. 鳴 壬

宗, 綿 此 密 道 更 本 親 無 切 Ŧi. 稽 派 首 寖 芙 分 蓉 别 師 壁 猗 7 歟 蹊 曹 徑 洞

辛 舌。 絶 開 游 如 邇 方 口 識 來 ſ 俱 滋 無 洞 味 再 説 徹 人 傳 啗 奇 門 何 土 雛 以 庭 炭 出 傳 晚 石 丹 不 益 穴。 鐵 腐 峻 君 坐 醎 石 其 斷 酸 窗 視 甘 衲 嗣 苦 兹 僧 宏

雪竇足庵禪師塔銘

碣

表

裹

無

纖

瑕

瑠

璃

含寶月

笑。 精 意 手 之 時 師 -? 琅 百 進 出 方 E ,終歲 家 少長 喜 住 琅 師 忽 ,誓修 長 然 佛 諱 爲 對 蘆 智 書 首 日 脇 E 母 鑑 苦 記 徑 座 每 不 嘗 滁 行 經 往 至 以 獨 與 文千 我 之全 以報 依 白 席 指 洗 投 手 紙 手 師 餘 是 椒 大 爲 苦 瘍 爲 言 人,俗 佛 休 經 見 極 法 因 手 小 異 之 器 跏 連 ____ 目 珏 之。 恩。 姓 趺 遭 : 日 遂 禪 吴。 端 親 是 視 師 真 師 喪, 坐 母: 歇 什 汝 自 領 勤 苦 兒 千 決 大 麽 襌 誦

門 霆 懼 于 振 庵 法 鄭 群 食 Ш 不 徐 負 京 亦 萬 忘 擊 牀 神 行 誨 即 城 0 盜 吾 可 日 不 並 人 宗 有 形 終 身 其 金 \equiv 蠭 地 Ш 繼 師 庵 日 師 藏 輕 然 高 业 起 巨 惠 則 未 大 乃 起 不 何 蟒 蓬 己 道 道 無 我 账 亦 木皆爲 海 超 視 顧 避 懼 真 法 外 人 泉 而 泉 松 多 岸 曰 徹 之, 邪 而 庵 地 歇 師 侍 脉 ٥ 枝 : 獨 以 孤 ? 去。 之 住 講 真 有 之摧 因 復 矯 驚 以 不 絶 馬 師 雪峯 汝 菩 歇 巨 乃 之 首 霑 鋤 異 療 П 夜 禱 秦 真 薩 來 石 拉 怒 處 即 四 濕 小 逃 聞 飢 H 得 戒 几 駭 飛 視 服 明 歸 坎 Ш 庵 . 真 上 明 時 浪 墜 勤 師受戒已,背若 變 相 中 後 遯 乘 越 歇 移 紹 吾 翻 怪 傳 至 師 盤 越 戒之證 巖 數 于 益 載 興 時 辦 空 百 Ш 補 \Box 異之。 谷 石 象 庵 日 道 有 而 陀 出 . 縛 舉 復 震 雖 而 Ш 吾 年 水 怪 來 Ш 茅 舟 響 縣 也 略 旋 立 日 此 溢 妖 也 爲 爲 之 0 驚 干 如 繞 親 會 遇

身。」 若 得 降 航 難 Ŀ 力 坐 覆 記 遂 蓋 日 師 止 囚 是什 不從 自 問 分 有 不 拄 四 能 自 者 海 月 然 頌 及 或或 天, 照 旬 答 + 與 證 如 威 日 身 云 云 也。 食展 者,皆 此 四 群 指 音 來 地 地 麽 下 不 靈 夜 王 肚 曰 載 物 出 心 能 拄 昔 庵 . 師 不 箇 瑩 己 巨 大 於深 不 得 地 屈 天 自 真 不 一此 則 前 易 鏡 徹 德 起 無 恁 魔 是 歇 爲 常 住 因 到 光 無 皆 物 麽 外 定 鄭 本 唤 嘗 不 動 在 叩 流 ? 者 師 忽 稱 中 道 口 行 有 作 於 動 師 遍 爾 自 田 妙 餐 然 終 豁 Щ 古 室 而 用 垢 古 證 地 刹 見 則去 庵 遂 中 然 不 鏡 今 中 中 凡 净 鏡 塵 地 下 開 能 威 肉 照 舉 小 聖 光 師 現 身 動 Щ 害 鑑 亦 音 悟 無 破 問 師 至 通 前 無 然與 菩 用 見 是 照 也 王 牀 云 陳 非 薩 不 非 謗 方 中 無 延 己 師 可 Ш 裹 知 勞 他 收 師 壽 自 礙 後 明 也 由 卧 0 __ 許 體 物 心 欲 天 天 不 反 然 無 念 年

宗白 宗 主 不 行 祖 今將 道 主不 人?! 抵岸 口 不 \overline{Z} 久 0 皆 得 堪 丐 . 云 不 日 違 師 立 則 柰 什 環 時 頭 師 . 須 擔二 珏 拂 師 尊 宗 吾 機 報 如 麽 云 逆 爾 遶 知 云: 袖 云 猶 祇 顔 何 鋒 云 何 風 求 有 布 化 爲 出 不 對 是 峻 即 偈 一井 : 如 不 囊 平 汝 峭 塗 師 不 丙 故 勞 辭 宗 吞 師 借 爲 底 隨 禮 時 T 中 者 師 無 道 遷 云 往 蝦 衆 風 得 天 拜 徑 吹 賓 恐 珏 雪 . 云 蟇 叩 竭 即 如 大 宗 至 滅 涉 主 竇 云: 暨 焉。 遂 吞 觸 受 力, 不 何 風 岳 云 火。」 唇 令受 却 登 處 作 挽 不 是 林 備 借 吻 不 月 時 向 舟 相 師 麽 宗 口 歷 同 具 無 尊 師 賓 見 逢 偕 俄 渡 生 艱 珏 風 珏 以 师 其 貴 方 主 大 不 行 勤 頃 云 是 云 手 勞 云 不 爲 聞 不 位 休 相 師 而 間 主 荷 掩 翠 立 謂 中 岳 云 識 濟 負 收 所 佛 賓 篙 林 只 處 底 中 師 師 Ш

熙二

年

謝

事

止

于寺之東

庵。

太守林

公

枅

年

·, 雪

寶

虚

席

衆皆

以

師

爲

請

師

念

明

覺

魏

惠

憲

干

請

住

香

Ш

七

年,參政

范公

移

È

0

報

恩

+

年

遂

歸

西

Ш

爲

終

焉

計

+

年

嗣

秀

王

來

鎮

請

住

廣

慧

淳

熙

四

年

皇

伯

庠

製

疏

備

開

堂

禮

嗣

法

大

休,

實

曹

洞

+

世孫

世

乾

道

Ŧī.

年

退

席

遂之天

台

1

定

水。

侍

郎

趙

公子

潚

聞

師

名

屬

侍

御

王

公

知

覺

道

場

勉

爲

起

廢

住

1

載

所

在

道

俗

歸

仰

,至是尤

盛

隨

力

茸

理

内

外

新

紹

契。

二十

四

年

遂舉

住

棲

真

隆

興二

年

移

焉

宗

乃

宏智高

弟

師

因

造宏

智室

動

輒

深

歎

曰

吾

生

有

耳

未

嘗

聞

也

0

叢

林

愈

加

敬

.

衆

事

法

堂

新

飾

Ħ.

命

師

爲

衆

普

説

宗

:

見

問

道

終

日

致

請

益

堅

力

辭

而

歸

 \equiv

年

七

月

乙未

示

疾

亥

親

筆

遺

晦

日

以

道

具.

稔

聞

道

價

命

師

再

住

不

從。

必

欲

識

面

既

七

DЦ

千 致 素 智 師 所 爲 有 天 勿 疾 此 不 才 至 苦 浩 資 史 創 饌 緡 召 尤 衰 達 死 爲 見大 公用,丈 文惠公祭之以文,有 之者 禪 不 朴 異 使 日, 不 見 其 聞 博 有 其 休, 林 解 有 少 厚 應 過 者 無 至 陰 師 變。 有 藏 所 室 見 雖 聳 誦 如 期 連 礙 相 不 之,亦 師 未 其 言 響。 蕭 祁 地 服 月 日 欲 爲 有 等慈接 須 寒隆 爲 然 真 自 所 亦 之漼 人言 也。 髪 百 皆 學 實 神 人説 以 歷 無倦 而 廢 師 祠 故 徒 業 爲 暑 休 雲深 物 之, 然 得 具 之 烹 六 大 不 每 法 色, 履 意 徐 舉 舍 宰 主 千 出 或 法 日 拒 餘 以 火 消 孤 日 利 音 廢 自 物 施 世 衣 也 爲 冷, 峻 而 若 了 者 資 界 刹 曉 命 吐 不 非 苦 歸 禱 豪 請 洪 但 至 吝 P 無 師 此 此 悟 輒 積 心 雨 暘 暮 既 盡 行 施 居 如 師 道 皆 員 逋 具 焉 爲 暘 淵 堅 利 演 凡 我 之 世 大 通 易 晚 動 或 密 説 嘿 者 心, 救 辩 悉 亦 極 俗 數 自 師 如 太 以

> 以 法 過 觀 古 席 音 也 佛稱 名 大士 師 震 之, 隨 生 江 於 機 惟 湖 淮 師 化 而 南 可 俗 終 以 如 而 不 無 善 化 越 媿 導 緣 境 和 Z 獨 尚 在 自 銘 號 几 \Box 人不 明 足 庵 屢 以 易 爲

媿 歸 行 震 坐 千 至 師 實 曾 俱 江 仰 師 傳 照 銘 堅 湖 中 祖 廣 不 以 苦 興。 師 師 爲 卒 爲 表 曹 之 西 津 動 老 之, 而 得 來 洞 虵 梁 吾 大 乃 道 虺 Œ 用 振 邦 自 宗, 之宅 詔 錫 生 幾 始 在 末 寔 於 出 於 有 法 世 淮 神 禪 Ш 聞 艱 施 人 壖 曜 其 者 不 據 稱 燈 承 吝 怖 緣 古 大 心 燈 恐 在 道 佛 辩 + 鏡 相 場 甬 才 有 續 孤 惟 師 東 皆 無 員 則 師 几 傳 礙 名 衆 無 宴 有 大

瑞巖谷庵禪師塔銘

淳熙五年秋,有旨以明州智門僧景蓝

北

横

貫

寺

中

夕

暴

漲

衝

決

隄

防

棟

宇

漂

俗

傾

繒

寺

居

兩

Ш

間

樓

觀

層

出

有

溪

自

東

超

進

之意

抑

又

異

矣。

在

瑞

巖

前

後

+

夏

道

建

隆

改元

之秋, 讖

語

六言

中

有師

名,若

寖

興。

嘗葺

古

殿

得

瓦於脊

,有字粲然。

蓋

異

之,遂爲

延

譽

而

得

智

門

住

七

年

寺

以

論

出

世法

7

辨

如

響

問

其

師

則

心

聞

也

大

是

方爲堂

中

第

座。」

招之恍

如夢

所見

與

賁

禪

師

爲

方

外交。

罷

相

里

居

夢

如

平.

生

旁

天

童

朴

Ħ

「僧名

頗異,有

斯

人否?」朴

有

僧

日

景蒙,兒古神清

談

笑

八久之。

覺

而

吅

空

門

之

盛

舉

也

魏公分

教

永

嘉

時

與

心

聞

0

海

Ш

膺

勑

命

孤

雲

野

鶴

雖

無

心

於

去

來

然

再

當

國

謂

蒙

可

瑞

巖

台

甲

刹

師

日

自

治

命

辭

于

朝

仍

請

勑

差

住

持

太

傅

史

魏

公

公

既

薨

其

孫

今

江

東

轉

運

判

官

象

祖

以

大

父

住

台

州

瑞

巖

寺

先

是

參

政

錢

公

請

爲

墳

院

若 者 矣。 菴 苗 畫 又 相 言 歸 闕 事 聞 菴 通 再 法 賢 語 望 淳 畫 聞聞 也 席 未 以 徹 裔 0 詮 龍 於 聚衆 崖 會下 無滯 墜 谷 又 師 不 雪菴 今日 以 裕 不 翔 者 嘗 名 禮 中 而 及 拂 投 方 心 拍 干 拜 謁 師 尚 退 處 遂 皆 瑾 子 以 機 得 聞 發 數 臨 菴 而 而 令執 擊 通 在 兩 獨 此 問 0 安 立 出 承 左 且 時 手 箇 師 汝 咦 烏 見 謂 顯 言者 師 托 消 分 躬 爲 之 侍 聞 師 菴 喙 深 師 寧 裕 抗 之銘 座提 名 呈 吾 左 息 鑑 大 器之, 耶 日 志 即 日 喪 聲 笑 流 右。 、全菴存、 ? * 公、志 聞 且 畫 云 唱 云 ,蒙侍者之名 師 滯 拭 以 以 先 由 問 既 雋 . 惟 以 拂 右 句 諸 目 \equiv 世 是 哉 歸 聞 師 曰 老 左 者 子 手 方咸 觀 遺 筠 依 風 0 妙 鹿 ,擊右 手 漢 + 當 之。 迷 言 風 龄 谷 袁 止 壁 畫 年 中 念 今 畏 達、 餘 立 傑 室 日 名 揀 畫 試 如 母 而 曰 無 中 烈, 出 還 學 圓 敗 高 在 辨 向 而 仰 Ш 网 師 展

> 塔之右 之。 踏 之。 遣 小 哀 然 爲 疏 不 日 茗 請 所 施 可 師 而 長 吾 親 鑰不敏 奠。 逝 主 挹 几 師 師 靈 説 赴 + 孤 酌 師 寔晦 之道 越 其 Ш 法 郡 高 生 嗣 七 林 敦 徒 假 絶 既 得 似 法 \equiv 光 H 震 以 道 俗 不 坐 公贊,死 感 也 焉 者 闍 動 魏 承 道 微 别 0 若 + 維 公真 相君之命? 壽 鳥 疾 + 場 未 餘 舍 不 六十 獸 幾 JL 人。 勝 又辱祭 槌 翰 利 鳴 既 時 年 衣 來 遺骨瘞 拂 悲 四 歸 + 鑰 愐 緇 所 月 俾 贅 而 師 臘 跌 以 加 嚴 銘 文 倅 十 銘 以 Ŧi. 白 丛 于 冷 計 有 曰 其 丹 + 良 奔 龍 願 居 塔 七 峻 丘 凑 聞 久 象 終 禪 峭 日 蹴 泊 草 度 師 如 惠 H. 哌

大 掃 浸 地 稽 誰 鞔 峯 復 天 高 整 夜 溟 高 谷 涬 壓 庵 千 若 世 嶺 子 界 變 寶 笑 滅 坊 領 彈 樓 指 閣 發 頃 非 揮 金 金 境 碧 粟

方增 舊 超 炯 勿 古 透 光 空言. 景 九 出 廟 鼎 石 毗 香 手 如縛 E 盧 爐 高 主 我 頂 無 妙 影 人 游 波 絶 影 呼 丹 真 井 風 不 丘 隱 與 斤 醒 與 神 俱 栗 郢 交 傳 迷 棘 0 請 錐 久 途 横 稜 逾 脱 多 施 再 稜 炳 穎 岐 發 别 鶴 孰 深 聲 骨 幾 知 省 駕 雙 何 諸 俄 眸

延慶月堂講師塔銘

矣,余 住 相 多 建 Ш 0 得 持 立 顧 初 不 繼 在 吾 歲 日 至 乾 以 置 鄉 時 説 如 覺 佛 延 道 「此非 見 法 所 慶 去 殿 Ŧī. 鄉 期 教 年 予嘗 人 是 焉 所以 闍 院 之後 尊 時 黎 爲 重 宏 余 銘 待 也 東 員 智 然 不 後 其 道 南 辨 塔 禪 及 得 人者 諸 價 講 見 師 員 郡 最 師 月 諸 辨 紹 不 之冠 高 道 堂 興 之 大 淺 琛 老 以 正 惠 大 傳 詢 累 興 拱 前 祖 永 者 之 此 代 手 嘉 師 事

之儼 夢 父 人,當 見 座 坐, 食、 + 志 母: 曰 母: 也 立 Ħ 吾子 僧倚 諸 安 0 見 勤 : 攜 0 四 驟 0 惟 物 然, 寔 惠 講 爲 始 其 Ш 人 能 今大 氣 加 章 玩 以 授 詢 業 僧 門乞食而 幼 寶 家昌 夜 出 貌 問 菴 參 稱 字 ^ 游 印 静 家 坐 善 蓮 即 温 所 賞 尋 夜 道 謀 戲 院 不 國縣 而 否 恭 先 經 知 造 大 祖 則 親 道 等試 ? 類 不 識 ×, 延 謁 法 意 坐 娠 烈 大 炙 蓬 卧 凡 也 月 慶 兩 爲 禪 師 欣 T 暑 數 之, 日 不 兒 0 萊 堂 月 急。 生 高 然 印 鑠 : 歲 依 且 鄉 迥 其 而 與 有 視 每 大 金 澄 願 之 送之 天 與 自 盡 成 群 衆 奇 衆 切 竊 留 師 照子 昫 台 衆 號 而 誦 得 相 輩 目 作 謝 善 奇之,不奪 不 以 Ш 能 異 也 法 其 相 之 絶 隆 先 甫 無 序, 肯 時 仁 服 説 狎 日 法 不 姓 1 母 獨 摩 法 居 或 去 戲 襪 有 駭 歲 師 馬 陳 其 第 詢 以 照 欲 行 履 H _ 學 嘆 氏 氏 其 又 望 父 父 老 徧 獨 頂 獨 飰

之? 資 荆 退。 者 喜 除 演 沙 諦 佛 非 闡 師 無 師 曰 谿之 E, 皆是 間 數 反 超 祖 朝 . 圓 曰 非 欲 約 : 或 之大 悟 夕 頓 自 不 獨 兩 吾 後傳 佛 不 日 也 與 有 之 白 從 步 俱 若 欣 Ш 所 約 疑 0 道 處 聞 宿 談 假 于 公 至 快。 新 知 心 則 者 得 學 不 此 傳 以 兩 師 壽 進 衆 也 之 問 雖 皆 如 學 寧 Ш 決 前 論 偶 而 耶 量 嫉 來。 則 多 吾故 之。 者 海 自 外 聞 ? 觀 之, 即 遽 見 見。 義 知 婆 不 =提 論 衆愕 法 若 日 夜 性 且 龍 載 人 一一娑之 師 具 無 唱 堂 名 成 + 密 E 用 也 IF. 日 1 盍 然, 相 佛 講 境 教 豈 . 員 容 : 别 疵 安 行 之學 失之 習 門 衆 + 辨 性 待 不 徐 旨 得 吾 矣 吾祖 乘 多 惡 底 方 煩 日 敢 惟 曹 以 之旨 途 9 住 0 惱 措 呼 法 方 衆 竊 則 久 法 之道 延 之 智 木 千 侍 理 聽 辭 殃 吾 叢 而 照 人 慶 天 大 待 貫 轉 開 算 學 老 隊 雜 隨 尤 而

之物 哉 寺,不 持 言 以 矣。 子 深 地 叱 住 司 通 何 再 日 受 益 鉢 + 1 . 列。 涕 日 海 來 師 諸 有 贵 瀕華 師 于 0 名 人 維那 辨亡 共 極 忽遇 淚 法 監 日 急 真 自 爲 汝 也 苦 汝 住 寺 悉 俱 雲, 爾 止 瓶 終 之言然。」 時 群 何 9 捨 下 以 特吾之點 吾 左右 爲 之 衆 中 身之樂? 以 盜 爲 事 生 何 悔 廣 遂 省母 刦 竹衆, 師 有 者 遂 求 將 逢 嚴 帖 吾當 于 ? 索 造 王 盡 哉 何 源 第 然。 即 之便,欣 言 丈 法 示 丽 及 所 我 衆 書片紙 鋒 F 任 室 耳 得 ? 有 幸 法 死 微 座 力辭 欲 洞 責 ____ 不 自 將 師 自 戒 師 有 捲 貧 然 即 可 0 然就 列 無 片言 貪 偶 堂 地 解 之。 付 富 明 乃 觸 或 日 擇 事 獄 嗔 堂 辨 白 有 師 以 領 挈 負 之。 贵 主 癡 尋 衣 司 命 衆 年 擔 而 眼 尋 包 感 出 作 不 白 在 貪 沙 人 正 少 起 于 光 發 强 世 爲 堂 落 求 殆 弟 子 色 門 此 取 郡 監 辨 既 有

節

乾

道

五.

年

延

慶

虚

席

公定

場

中

新

朝參

請

晝

誦

夜

禪

禮

講

以

時

策

筵

輩

聚

徒

之地

吾

子

· 其

當

之。

學子

雲

集

鐘

鼓

隅

大江

横

前

峭

壁

對

聳

佛

影

岩

也

前

星

然。

師

見

而

笑

日

是

待

吾

講

耶

?

自

爾

0

每

見

之,

師

不

以

語

人,

然

自

以

爲

差

適

人

意

也

移住

普

和

問

于

草

菴

草

菴

日

僻

在

.

明

于

燃

燭

講

罷

輒

去

嘗

夜

出

螢

往

來

江

講

室

夜

分

既

歸

螢

忽

來

迎

如

繁

有

飛

螢

遶

于

前

後

尋

有

百

+

乃至千

萬

法。」

夜

必

炷

香

暗

坐

講

^

法

華

經

>

信

宿

間

净

居

前

H

後

江

師

 \Box

0

此

處

口

與

鬼

神

説

力

攝

持

又

能

如

此

移

住

奉

Щ

之

禪

院

又

遷

業

實

口

寒

心

盜

E

.

我

將

殺

汝

師

F

.

吾

以

寂

滅

爲

樂

汝

若

殺

我

早

歸

寂

滅

受

大

快

樂

有

何

不

口

?

盜

相

顧

日

:

是

善

知

識

也

安安

可

害

之?

盡

還

其

物

羅

拜

而

退

慈

一七八九

指 梯 贵 實 來 住 月 息 師 曰 日 無 春 兒 游 大小 非 切 法 : 日 明 窮 以 生 隨 掃 莫不 位 師 世 . 暗 經綸之 天 獨 调 夏 異 所 非 又 不 間 除 去 色空,海 長 台 世 坐 四 也 見 名體 之相 絲 日 以 動 間 時 何 教 聞 極 其 秋 妙 毫 本 榻 爲 遷 相 常 師 未 遷 不 凋 禪 位 不掛 立 禪 常 變, 王 還 闊 住 日 轉 來 變 俾 冬 教 皆 ? 地 住 : 他 哉? 日 落 Щ 師 而 歲 皆 亦 貞 然後 成 得 . 教 高 致 坐 歲 何 非 如 無 世 常 佛 家 鶴 究 疑 了 爲 恐 而 以 同 在 止 所 間 員 龍 竟。 乎 此 問 教 長 耶 至 異 方 今 不 之 極 菩 魏 ? 文 法 所 便 鳧 君 異 及 年 相 提 以 惠 節 傳 者 故 短 臣 既 耶 禪 明 E 乎 若 妙 至 妙 憲 有 父子 ? 旦 皆 何 無 家 年 華 不 悟 就 王 天 省 道 所 之 落 是 無 之 實 出 然。 徧 臨 地 日 日 直 自 以 知 階 法 生 莊 鎮 師 嘆 H

責 曾 嚴 逝 切 善記 文 恕 齋 越 心 走 日 解 而 不 新 宗 0 0 己。 惠 欺 舉 廁 隨 **>** 勿 離 施 网 召 自 日 王 目 念。 + 每 廡 而 而 卷 門 必 袈 所 目 尋 畫 辛 日 師 宣 駕 以 裟 住 照 0 演 盡 . 大 廚 至 月 之 其 H. 處 破 未 日 凡 之, 于 庚 救 綱 出 説 庫 傳 能 以 常 . 始 集 説 卧 衣 申 時 諸 整 中 道 語 使 庶 安樂。」 皆 去 衆 教 弊 盂 不 吾 外 肅 司 教 之 得 奉 非 體 直 義 諷 解 覺 井 不 相 門 建 祖 全 不 所 淳 欲 衣 不 背 非 增 井 王 + 似 身 師 雨 事 以 熙 出 追 痛 重 口 赴 講 大 而 葬 六 華 带 説 無 六 私 配 一,今惟 顧 齋 傳。 證 堂 悦 必 觀 于 殆 法 毫 細 年 科 古 啜 其 更 崇 經 將 髮 I. + 也 屢 人 言 净 惟 吾 粥 法 之 然 斤 月二 月 不 以 又 著《 求 惟 堂 非 遺 犯 祖 經 報 非 久 以 蓮 募 金 悟 塔 終 + V 資 徒 作 矣 經 自 必 人 緣 繒 悟 浴 Ŧi. 塞 不 略 史 不 而 爲

其塔。 菴 利 勤 此 郭 靈 側 舍 人,今柏庭 之半, 龕即 相 陸公沅 豈人力也 而 無 師 于罷 察其實行 余非 路之日 所 壽 同 葬于 贊之甚 六 善 法 市 學佛 哉 + 智 月其 緇 Ţ 實 蓬 觀 頂 詳 者,尤昧 諦 素 萊 後二十有 法 者 骨 上 男 先 爲 臘 費 足 塔 所度 可 女秉 绺 四 嘆 也 于 敬 遵 于 + 9 大悲 小 以 餘 ,爲之銘 教 Ŧi. 爐 五. 師 遺 爲 皆 乘 年 持 閣 言 嗣 ·, 其 散 前 以 花 聚 也 法者六十 此 填 處 髮 其請 徒 E 郎 未 諸 清 郛 中 分舍 器 有 方 溢 省 之 銘

門,縱 斲 傳 圃 庭之徒 一道 輪 得 一之。 得 其 智者 横 禪 尚 正 演 心 貴 禪 員 忘 説 永 辨 直 師 如 其 手 之 指 淵之淳,如 傳 辯 祖 興,教 教 才 月 天 雖 無 若 台 碍 門 支 E 教。 墮 脱 鼎 離 玉 盛 乃 之 孤 落 存 知 潔 老 窠 禪 粤 乎 故 日 惟 教,本 其 人自 躔 詢 人, 如 公, 老 悟 統 柏 無

育王山妙智禪師塔銘代魏丞相

陛 + 寶 廓 住 名 不 加 氏,福之長溪 奉 Ш 妙勝之殿 八,頒錢 下 對 上御 刹 Ŧi. 聞 塔之靈 持 廣 穎悟,不妄言笑,群 多有 僧 依 聖心發 碧琳堂,問舍利從 利 皇 帝 有 從 禪 萬 邑之建善 素膳,焚 以 益 即 寺 道之士,悉往 廓 緡。 」,賜 出 位 見。」 釋 顯 侍 人,家 世 之十 前 迦 行 眷 廓 法 香 上 文 寺 賚 以 廓 世業 語 瞻 既 佛 五 大悦, 優 妙 之名 祝 年, 之, 兒 禮 至 舍 渥 智 從 髮 何 强 儒 利 禪 一受具 之。 命 有 則 親 愈 發 前 親 踵 寶 以 師 人禁 詔 忻 彰 覩 所 見,奏曰 洒 聚 塔 號 佛 登賢 戒 然 明 矣。 殊 未 宸 嬉 詣 心 中 勝 州 仍 解 見 翰 行 觀 廓 纔 泊 科 時 度 [1] 悟 : 在 堂安 閩 分 焉 姓 僧 大 育 由 遂 所 自 書 室 如 生 林 召 年 是 王 中 Ŧī.

復 子 爲 屬 恨 數 高 自 所 中 此 席 下 Ш 加 香 帥 器 依 吾家 載 以 感 · 璞以 ,大慧被旨來育 璞 嗣 Ш 丞相沈 舉 尚 無不 發 大 爲 0 日 大圓 重 始 憚 璞 書 圓 禪衲 吅 足 四 . 種 述《投 願 繼 留 重 撫之以 韓 璞。 公以 也。 大 之,若自失, 子。 之,衆 趼 出 廓 諸 \equiv 公欲 雲集 各 , 見 其 乃 年。 方 璞大慧杲公之 機 廬 離 去之,見懶 自 門 佳 爲 以 邀 于 頌 踰 Ш 以 此 告歸, 王 以 今身妄 衲 類 大 此 衡 **%** 請 千 祖 借 叢 子 慧 己。 益 之 久之豁 復來 數,以 出 孫 林争 重 佛 高 口 送 世 可 三人世 加 身當 心首 菴 然 之。 依 鴈 之以 爲 舉 開 下 需 大慧 以 高 爲 峯 焉 然 成 以 堂 之。 肯之,❶ 未 弟 公, 在 已 第 下。 有 偈 就 繼 自 H , 2 識 何 而 方 大 得 坐道 爲侍者 代 處 慧 紹 使 大 門 育 名 座 大 乃 又 慧 以 慧 興 異 服 庭 遂 冠 移 而 以 王 9 場 甚 書 勤 主 虚 制 不 天 徑 H 深 爲 有 瓣 丙

> 其壯 築堂 行。 公帥 以 長 談。 偈 又聞 萬 子 材 立 H 從 計 生 季 云 菴 建 本 釋氏 局 麗 春 舍利 或 于 其 才 于 魏 七 \equiv 鳥 閩 具 又造 Ŧi. 機 王 \pm 丈室之東, 拂 增 素 殿 閲 所 以 石 出 辯 ~ 歲 衣 金 庾 高 器器 ,百需皆備 Ш 師 鎮 峻 斂 鼓 修 歸 塔以 偈 入數千斛 發 以 卻 名 弟 菴 用 Ш 語 其暇 閒 以 趣 精 子 見 肅 名 杜 奉舍利 ,自言 禮 雲, 其 「笑月」, 妙 其 然 門 以 H 莊 歸 風 加 大 辭 \equiv 不 興 月 施 有 儀 敬 海 祭 嚴 幣 秀, 與 土 者 施 所 此 陽 世 冷 爲 無 甚 委 目 發 特 金 木之工 遂 師 接 終 郡 恭 涵 比 (金帛, 爲 錢,館 明 其 爲 晚 王 焉 秋 僧 餘 空 以 力 至 俄 計 派 且 月 中 事 門 _____ 衣 僧 創 皆 挽 相 以 遜 示 龍 爾 微 爲 美 庚 囊 史 良 有 無 或 極

9 0

[「]肯」,原作「背」,據《四庫》本改。

杲」,原作「果」,按此指大慧宗杲,逕改。

楊

岐

千

古

栗

棘

蓬

諸

方

誰

敢

嬰

其

鋒。

之所 嚴 意 太虚 書 愴 月。 林 既 仰 爲 臨 疾 而 二,臘 汝輩 念 0 甚 者 · ; 嫡 濟 偈 没 遽 楊岐 尊禮,近 不已 孫 外 警所未 即 得 E 與 謂 月 隨 乃 川 嘗 . 世 法 世 語 盛 四 + 半 始 之宗, 以 最 相 掣 禪 矣 生 承聖天子之休 H 夜 七 至 得 其徒求銘于余,爲 師 的 斷 志 家 為馬 解 呼 日 白 語 住 黄 惜 籌 道 相 至 月 輪 左右 去道 師 之一 録 金 俗 期 之。 大慧 室 五 平 紅 謂 萃 鎖 所 之 歲 日 0 江 付 益 二刊之。 可 爲 徒弟 度,未 歸 寒。 而 葬 擲 開 鑿 以 遠矣。」 以 巨 寵 向 益 筆 于 元 後 碎 語 編 遠 至 下 震, 菴 易 事 而 玉 之銘 道 方 百 日 丁,澡浴 之 焉 爲 逝 固 師 悉數 又 樓 餘 有 棄 余 往 寢 外 帝 鐘 不 得 叫 聲 曰 我 投 來 夷 壽 許 之 子 如 室 于 趺 而 老 之 六 騰 有宜 家法 公 無 曰 師 時 坐, 先 身 師 相 + 者 虚 Ш 惟 師 .

> 開 \equiv 佛 東 輪 淵 秀 夜 日 首傑 衷 玉 老 * 子 几 通 帝子 稽 峯 雲 天 首 夢 紅 禮 妙 謂 胸 益 智 是 亭 恭 僧 傑 吅 亭 佛 出 中 寶 龍 傳 駡 塔 聲 家 祖 Ŀ 擊 \equiv 風 凌 碎 洗 韓 空 玉 萬 碧 樓 烏 琳 里 鐘 石 滄 子 語 孫 與 海 H

延慶覺雲講師塔銘

之

俱

無

窮。

公言, 望 鶴 也 至 一,名德克 問 9 0 無 嘗 覺 浮 其 造 屠 雲 輩 間 點 焉 氏法 師 起。 世 雖 修 間 則 盛 子 代宗 幹 同 氣 于 古 古 然 東 不 貌 仰 與 南 無 能 者 之 9 異 丹 盡 而 語 辭 脣 往 知 明 碧 往 其 爲 余尤 愈 眼 未 人 最 吅 免評 長 不 而 然 蘭 能 愈 松 採 若 議 野 之 無 知 相

■「投」,原作「段」,據《四庫》本改。

雲如 銘 者 炭 夫 之 窮 之。 難 服 二月十有八日 誰 矧 名 者 其 其 釋 下 能 遂 全久矣。 氏 士 謹 我 之? 信 周 事 與 書 旋 不 (之方 而 寂 幡 虚 系 化 能 滅 趙 矣。 酢 外 以 使 魏 而 叔 銘 交, 學 無 不 老 祖 師 佛 免 既 猶 居 既 者 于 口 已 不 士 以 宗 議 敘 應 語 可 隆 始 其 世 其 爲 鑰 興 教 行 滕 鮮 癸 事 者 薛 有 交 未 覺 游 冰 汝 大 歲

智 公慧 席 聳 智 座 生 杜 服 始 目 又 氏 而 湧 遷 不 爲 頓 云 師 開 餘 爲 靖 僧 悟 凡 諱 世 講 中 故 家 康 志 師 員 皆 席 鳳 于 宗 連 以 碎 肄 母 字,字 雛 明 來 于 業 Ш 辯 更 年 州 兵火。 崇 員 氏 文秀, オ 登三 主 鄞 照 篤 壽 先 Ŧi. 縣 授 志 放 + 覺 刹 之 師 以 年 外 落 雲 寵 + 乾 天 適 惟 落 其 台 居之,卒 八受具 法 Ш 妙 延 賜 教義 0 風 ,令從禮 音 慶 生 孕 號 不 爲 有 後 戒 也 化 第 及 四 祥 從 俗 煖 衆 瓦 明 寂

達 監 和 時 應 道 耳 藍 勞 利 實 石 少 是 未 礫 官 名 師 姜 響 休 爲 贵 者 不 脊 之, 易 難 Ш 竟 爲 公公守 易 其 温 士: 捷 四 積 與 傑 寶 而 終不 遂 敢 法 多 當 恭 至 人。 所 承學之徒 死 之 以 然城 徙 門 或 樂與游 此 四 劇 以 遺基 此 不 毫 居 久 罪 天童 欲記 員 明 談 爲 媿 益 焉 比 不 隅 而 人 辯 敬 祭 自 智 跡 廢 師 爲 翕 之, 貫 宏 故 之,終 重 望之如 望 經 奉 者 礎 前 未 其 師 穿 智 建 雖 之 誉 然 尚 哲 必 嘗 悉 不 作 禪 禪 ? 延 所 則 7 白 多 師 痛 足 求 不 以 真 崑 律 慶 至 師 毅 年 有 日 風 以 得 深 也 名 資 贊 閬 以 于 興 之。 不 . 妄 恐 纙 聞 而 建 無 師 煨 建 間 可 誠 門 語 或 此 類 不 親 孋 立 有 物 爲 燼 犯 于 虚 人 贊 爲 能 有 而 疎 如 事 不 不 首 之 祈禱 席 古 講 非 即 戒 洪 爲 其 備 也 此 倦 餘 曠 請 之 學 大 雲 衆 宣 功 新 勤 感 德 議 驚 則 不 有 V. 秘 祖 伽 棟 功 施

體 皆 革 富 盟 勸 敬 撫 涯 方 曰 至 吏 老 師 水 人 宿 于 邀 衆 請 耳 卑 檀 疾 異 日 紀綱 不可 7 所 之。 今 弊 取 那 事 始 固 而 師 支 又問 難 德 道 無 不 辭 哂, 諸 禪 方 受 惟 徐 得 及 藝 丞 之, 尊 能 離 教 無 命 刹 是 而 又 者 也 相 П 並 派 師 所 碍 之從。 恭 有 \sim 以 不 毋 沈 相 也。 通 以 爲 謙 不 華 暴 而 指 然 退 感 公 遺 0 爲 立 退 遠 不僞 十嚴》、《 師 來 避 彈 疾 手 時 師 簡 成 數 或 謹 之所 以 鎮 道 度 屏 既 札 易 規 百 有 愿,不 É . 牒 出 博 風 革 般若 日 也 以 私 里 存, 省 潔 冰 0 生 再 . 而 僧 請 求 了。 且 衆 + 見 或 死 頒 不 心 于 》似過 職 泮雪消 師 附 之九 以 問 0 有 雜 嗚 大 雖 是 處 受戒 壇者。 當 迫 葯 寂 異, 書 大 之, 呼 肅 而 師 表 于 于 進 勢 偈 然 不 1 者 繁。」 用 然主 諸 沙 古 IE. 日 師 力、 之 所 僧 此 彌 尤 師 方 以

> 銘 以 七十 有二人,登門者 我 而 日 十二月二十有 自 信 有六,僧臘 幸至 然 此 師 甚 之 五. 不 八 衆 + 所 覺 日 有 存 喜 傳 葬 果 道 樂, 于 者三 度弟 易 城 鐘 識 南 鳴 + 子 耶 祖 當 行 餘 塔 不等 往 人。 之 享 側 即 + 年

崇人 既 原。 不 專。 必 寂 成 識 滅 天。 焉。 得 舟 金 如 釋 無 不涂、 而 其 蜕 間 所 得 玉 定 偉 蟬 言。 先。 悟 覺 生 0 嶽 車 慧 雲, 木 嗟 獨 而 惟 教 後 淵 員 應 不 幾 無 人,視銘 吝 酬 碍 于 爲 出 離 禪。 全。 道 世 乎器 尊 緒 以 所 餘 師 峻 融 傳 虔。 号 應 用 而 偶 必 世 理 通 建 I. 然 緣 偏 9 與 塔 周 逢 拙 廟 其 道 識 惟 而

攻處先生文集卷第一百十六

攻 《媿先生文集卷第一百十七

四 明 樓 鑰 大 防

藁

課

受

降

如

受

敵

賦

受降

之際,

亦

當

嚴

備

彼 决 勝 非 亦 常 既 見 勝 , 如 之備。 類 之功 降 於 待 上 彼 矣 將 屈 敵 臨 服 將 甚武,神 之嚴 曾無自滿之心; 于時 戎之日, 有防微之 而 大敞堅壁,旁標碧幢 心之險也 機 納 獨 夫 以 智。 潛。 備 授 無 首之人,敢 如 猶 謂 雖 厭 受 在 未 寇 敵 知 之 受降之際 夫惟 然 其 窮 誠 也 矜 兵 必 撫醜 僞 謹 收 已 雖

待之。 亦 於吾 變以 念犬 變 詐; 大敵 内 自 車 計。 我 類 審兹,果能平於突厥; 降也,既 戈,比爾干,陰養六師 之交際。 仍 縛 師 軍 脅 戎 者 伐崇因 隙 嚴 受其壁,焚其櫬 容,嚴予兵衛。 從之衆,納 無 懼見欺 彼有 之難 尤非 何 若處交綏之地 於矛戟,深 備 挺身而至矣; 彼 熟若] 必 非 坑 招 信 如 惟伸大將 善 於小邦。 於既 攜 之 日 犯 畫 居 渠 深 順 防 施文考之威 安 恐 魁 以 降 曷 雖 禍 狼 而 肉 之鋭。 預 欲 者, 之威 耿公明 若 我之受也 遺 方陳 乃同 起 敢恃敦厖? 慮 心之或 袒之降 防 爲, 於 我 虜 固 危。 所 外 之 釋縛 禦侮之 我 出 蓋恐墮 旦之 議 此,遂 臣 忽 雖 贵 則 欺 詐 者曰 」,當開 就塞築城 亦亦 附 之儀,深 施 稱 不 謀 危 如 於 時 終定 見 與 莫 將 兵 慮 猶 敵 9 金鼓 使之 其 彼 受 行 心 稱 不 敵 人 而 兩 將 乘 於 之 有 蓋 於 肅 儉 而 爾 軍

砤 梁 降 也 臣 爲 虜 能 兼 禁以 ? 樂; 盟 備 雖 取 虜 人固 聞 武 而 狄, 也 月. 變生 自 獻 於 皇之策。 畏威; 異 既 果 俘 聾 忽, 夫 自 見 一於肘 于 服 嚴 魏 必 刼 廟 噬嚌何及也, 整 子 密 禍 焉 腋 於 因 會 9 軍 心 不 平 者 知 則 秦, 猶 而 涼。 力 廢 彼 患 恐 後 卒 角 嚴兵之守 雖 何 受。 於 受欺 於鋒 噫 好 可 包 吾當 1 亂 藏 方今將 於 鏑 ? 也 屈 慮 商 者, 膝 惟 後 烏 今 鞅 吾 敵 能 也 軍 而 毋 之 黠 納 唐 服 陸 尚

擊楫誓清中原賦渡江擊楫,❶誓清中原。

枻 誓 逖 中 奮 衰 中 備言· 黠 原 身 永 虜 之 加 嘉 素 未 復 不 南 志 殄 清 顧 渡 壯 願 憤 夫 恢 共 揚 晉元 請 天 舲 涉 子 行 戸 以 攘 之京 往 111 敵 擊 之未 長 爰 方 楫 乘 吅 時 暇 以 天 舟 其 前 塹 典 有 渡 之 午 祖

> 舉 横 群 蘭 流 假 存。 我 馳 掃 視 吐 何 橈 是 我 於 逆 於 於 心 櫂 也 顔 , 擊 肯 胡 以 洛 中 赤 已 平 江 徐 而 至 ● 旁瞻 楫 使 Ш 降。 撫 期 邦 心 汭 復 而 原 形 龍 有異 而 狼 氣 濟 北 獨 忽形 蟠虎 言 志必 鞠 謂 氛 碧 吞 ? 遂 决 客之言 宗 也 之 夫 幢 策 言於 將 誓 贵 踞 復於故 廟 必 胡 倡 以 復 電 或 不 於 塵 義 敵 剡 久 前 鳴 皇 掃 作 以 禾 久 有 留 故 木 都 征 而 楚 顧 風 土 或 黍 汙 先 法 我 9 英 9 之 人 鯨 驅 誓 始 於 於 爣 指 浮 駕 混 氣 故 之 波 草 諸 京 温 之 巨 衣 有 先 夫 盡 泣 而 創 白 嶠 夏 師 尊 艦 冠 如 奮 復 爾 9 作 於 未平 於羶 水 再 以 神 定 綱 戎 乃 誓。 大 勇 思 州 從 維 騎 鼓 緩 期 果 江 奮 毳 之 苟 交 引 不 净 能 不 尚 方 而

^{● 「}楫」,原作「揖」,據殿本改。下「擊楫」、「維楫」同

❷ 「櫂」,原作「擢」,據殿本改。

之擊。 烈; 棘。 也 方今 楫。 未 舉 則 抗 洗 成 志 暴 虜 必 復見於冠 矯 掃 蠢 不 虜 不 廷 車同 而 清 之 矯 渝 聞 尔 向 而 忽 冀 虎 醜 使 江 腥 壯 范 撓 類,墮 臣 朔, 無 上之 羶 志 空。 氏之登; 帶 棟 一。皆欲 妖宿 之成 拯 遂 梁 ÷ 盟 吾計 成 振 遺 大 ; 以 濟 就 起 再 黎之 坐 中 河 示異,緩 慷 河 中。 造 江 制 以 流 徒 慨 而 之 沉 南 目 欲 南 有 焚 盡 論 功 中 溺 濟 也 餘 舟 若 郊 益 功 之 威之震 下 圻 思之代 大 惜 悉 敵 而 長 柱 而 中 視祖 遂 除 乎 鄙 淮 申 Ľ 興 大 漢 澄 於 以 終, 畫 之 生 維 厦 臣 清 荆 北

簞食壺漿迎王師賦王師所至,食漿以近。❶

實 食 漿 民 意 而 一看附, 以 迎。 王 師 飲 食 出 征 雖 微 持 簞 用 壺 表 而 歡 咸 欣 至 之

> 子之無: 其 既 殘 來 喜。 以 餉 飢。 師 弓 志 方。 至 民 ; 小人 之所。 民 而 奚 鼎 也 箙 已 也,知父母之孔 凡尔一 救救 邇 者 爲 何 竭 不 今 來 矢 "皆望 依 遐 以迎 蹷 擾 孰 以。 也 往平敵 民 咸集, 觀 奮 而 兹 軍 肯 於水火; 時之衆, 則人之樂從 夫 超 蓋 以 小 图 徯 風 神 老幼 人, 萬 也 兵 秋 戈 后 國之民; 喜 而 收 乘 毫 邇。 遠 而 觀 ; 欣 咸 不戰 紛 而 之犯 行 附 大 仁 來 塗炭 悉 彼 至, 伐 顧 舉。 師 一義 , 造 迎《六月》之師 之迓 也 之功, 干戈 萬 簞 慕 以 饔 之兵。 之時 壘 人 乘 救 食 惟 義 其 飱 也 無 所 壺 亂 以 誰 兵 人 大 共 罔 脱 血 皆然 指 漿 之所 者 敢 恐 惟 抵 有 持 敢 刃 來 拒 吾 王 襁 衆 窮 抗 再 日 之 至 之 憫 兵 我 勞 非 生 後 斯 衡 負 傷。 也 吊 之 渴 赤 以 櫜 我 向 而 饋 王 ,

之

舉

自

有争

先之

饋

方

而

迎

王

師

又豈

止

壺

多

投

醪

൬

飲

衆

者

爲

功

;

皆勞於

高

皇。

彼

有

築

道

作

蒞

至

應

逢

辰

,

位

而

得

尊

既

IE

於

允

協

而

飛

也

非

宿

載

當

務

紹

復

符

異

咸

篚

元

黄

人盡

歸

於

周

忘。

荷

匪

可

心

之

奉

一、曷云

乘

龍

而

特

起

0

迹

其

奮

宛

念

再

造

不

功

系

隆

丕

一漿算 功 犒 而 \$ 俯 室 厚意 非 非 食 有 煩 成 也 饋 食 中 育 邇 , 夏 易 雖 不 輓 異 軍 原 争 之 悦 衆 曾 奚 之 菲 知 於 粟 之民 者 持 物, 遠 咸 豈 將 不 煩 給 之 齊 而 4 歸 來, 知 用 煩 情 挹 餉 見 王 勤 酒 也 皆 多 力 亦 鳥 漿 於 心 不 功 , 開 亦 民 助 何 絶 干 家 悦 ? 可 向 口 威 九 在 則 能 安於 乘 而 白 祚 啚 邑 以 光 群 五 奮 H 握 獨 六 9 而 也 mi 御 武 盗 ,祚遂興於百六。 專 乾 龍 適 夷 蓋 而 戰 炎 天 乘 攬 雖 之 際 際 在 夏。 德 昆 時 而 夫帝 顯 本 淵 鼠 受 將 飛騰之 於 繼 陽 龍 御 自 有 命 登 竄 中 軍 統 而 位 天之造 於 誅 爲 馭 推 而 天。 四 御 一之權 神 漢 掃 青 世 會, 天 興, 七 九 聖 中 光 犢 獨 而 賦 體 而 虎, 也 恊 9 得 原 統 收 起 而 純 上 爰究位天之載 用 而 之鹿 時 彼 成 降 制 也 興 應 剛 能 觀 獨 真 止 銅 方 復 於 遂 驤 而 其 逢 惟 逐。 人之 戈之武 馬 維 之 有 列 得 業 首

然念禮

雖

薄

而

心

則

甚

至

也

何

必

饋

食

釃

酒

以

ŝ

里

遐

征

不

假

望

梅

之智。

至

如

是則

軍

益

飽

何

誠

服

之

意

?

自

坐

見

於

無

携

貮

又

安

得

輟

仰

事

非

東

征

西

怨

也

民

望

來

蘇

口

於

商

后

燕

民

不

悦,

事

,

是

宜

至

者

獻

酌

來

皆

裹

糧

焉

時

;

興

運

也

故

能

德 之 靈 龍 之 果 遂 又 光 以 純 四 小 不 羲 加 之 歸 獨 見 之 能 \$ 世 跨於漢光,乘 蛇 貺 致 兢 利 陽 經 位 耿 於 照 隆 出 自 見 履 兢 起 П 而 宇 驤 舉 也 之 亦 E 興。 詳 職 後 也 甄 之從 如 神 攀 世, 推 故 蓋 兵 升 既 既 賴 類 已 吴 之 堯 得 飾 因 當 闘 有 止 新 必 Ŧi. X 公 今我 野 始 致 息 翼 致 於 第 陽 時 謀 於 治 馬 噫 也 之 盗 兆 以 而 九 之 育 渡 而 伸 而 符 集 願 斯 由 應 恢 縣 助 聖之際 江 潛 有 斯 擅 之奮 從 能 天 雄 金 感 之化 躍 造 起 風 又 彗 意 圖 刀 吾 如 9 ; 肯 荷 行 口 雲 43 宜 蝟 之久屬 之 諸 皇 仰 龍 9 祥 之 使 不 赤 寧 佳 取 赳 復受天 功 將 司 不 譽 破 聖 然 飛 伏 見 象 赳 臣 符 氣 時 也 野 公 白 而 濟 於 之鬱 皆 之 於 見 宜. 抑 戰 有 假 水。 大 何 命 厚 高 高 時 也 之 帝 大 抵 知 盤 風 以 鋒。 也 乘 帝 業 笑 群 尊 赤 雲 天 集 ? 時 聖 而

遠

龍

而

在

御

修 身 以 爲 弓 賦 修身 爲弓,發 必 中 矣。

是 弦 修 聖 行 爲 術 適 所 不 遂 有 , 9 木 自 及 弓, 知 不 師 以 取 奠 張 言 之 時 邪 研 學 弛 施 審 而 喻 要 而 爲 於 貴 也 也 9 窮 加 由 以 在 發 ,吾寧 則發 遠 忠 端 弗 務 荷 聖 爲 百 言 信 本 施 大 出 慮 發 發 弓 當 則 乎 以 則 乎 以 必 心 詭 志 而 自 明 外 中 進 何 而 中 動 隨 當 百 而 正 成 JL 者 倫 德 止 發 中 折 適 以 中 重 宜 動 , 百 也 乎 故 何 衷 中。 的 以 不 先 惟 有 步 此 觀 以 我 之功 信 審 几 他 弗 時 誠 謂 夫 惟 示 時 則 輕 古 高 行 學 衆 存 身之道 曲 修 图 乎 之 務 矣 世 問 ? 於 身 蹈 盡 猶 游 士 持 敏 而 我 尚 而 行 黨 弓 今也 有 飭 息 ş 美 者 志 由 驕 皆 偏 類 人 該 躬 兹 則 道 爲 蓋 之 之 荷 之 奢 審 夫 見 操 白

於 大 爲 勉 防 失 閑 的 夫 之 我 鵠 百 而 是 古 行 思 發 以 折 3 爲 以言 鑑 矢。 中 彼 矩 行 省 彼 而 爲 括 有 周 樞 忠 中 謹 機 信 規 夫 者 爲 ; 檢 甲 志 深 身。 胄 在 明 者 几 榮 動 方 辱 切 第 之 戒 義 取

何 勞 於 吅 輪 亦 猶 率 乃 攸 行 尊 身 忽 則 背 ? 賢 行 則 何 廢 取

有 前 友 闕 功 必 ? 於 端 又 則 當 道 兢 贵 兢 反 業 害 業, 9 與 以 人 修 無 吾之 争

士 願 1/ 朝 賦 尊 賢 則 士 願 立 於 朝

亨養賢 惟 朋 之才 禮 斯 慕 棄 友,則 人 , 明 捐 仕之思 類 願 咸 下起充庭之望,不待 主 以 立 士 樂効 皆 俱 偕 古 神 有 於 蒙 有 聖 德 進 自 尊 王 於官 薦 事 誰 謙 9 重 行 賢之意 君之願 朝 延 Ħ 時 道 沖 0 聯 君 0 肥 乎 藝, 宜 此 上 每 遯 慢 既 罔 自 懷 優 ? 則 每 士 是 然 驕。 加 崇 樂 務 必 時 來 則 於 旁招 而 於 預 撝 道 也 築 體 惟 世 雖 儒 旌 之 謙 晉 軒 佚 或 克 貌 表 術 9 誠 畫接下 冕 崇 尊 遺 則 凡 彼 9 ; 之華 於賢 儒 而 必 忠信 稱 英 群 寧 不 豪 Ť 加 髦 命 則 怨 歆 於 孝 鼎 優 世 興 與

者

但

知

矯

性之柔。

曷

如

志

正

以

體

直

自

然

誠

7

以

身修

殆

將

觀

德

於

矍

相

奚

假

矜

能

噫

主

於

皮

者

徒

聞

游

藝

一之巧

9

佩

以

弦

以

爲

良

尚

小

儀

成

終

H

射

侯

而

不

出

9

理

既

無

邪

中

斯

可

必

肯

同

詭

遇

朝

獲

禽

成

功

於

射

隼

材

不

良

者

難

求

奇

於

貫

風

記

 \ll

其

直

如

矢

道

兼

得

於

成

周

誠

以

枉

尺

直

尋

也

古

所

不

爲

志

眉

中

目

也

亦

何

敢

9

9

於

養

由

如

是

則

有

志

於

弧

禮

何

拘

於

戴

之作

也

有尚

角

尚

筋

之術

然器

不

藏

者

曷

書》

取

若

虞

之

度

9

反

而

求

2

軻

言

如

射

之

因

知

身之修

也

有言

功言

德

之方

弓

雝

之鼎 席 to 吾 來 惟 聞 見 耻 駡 專 好 大 車 也 則 大 行 身 明 尊 惡 者 者 世 鳳 高 唯 抵 有 Ш 故心 0 德 是 爵 恐 禮 林 偶 皇 月 士 集 以 比 非 之 待 之人。 致 故 樂 徐 雖 之三 右 而 幡 决 311 肩 鬼神之論 欲 權 義 好 如 貴 閣 按 然 文之盛 己 而 商 仕 士 士 不 莫 於 劒 而 ; ; 進 嶺 而 竚 兮, 文后 次, 不 駿 改 求 望 君 9 守 退 川 見 立 旒 於 骨 有 則 仕 子 立 或 如 人 自 朝 ? 觀 必 安義 道 纊 見 身之則。 斯 之 嗟 于 投 謂 有 位 惟 道 者 市 其 而 匿 晚 行 立 海 衒 賤 邦 尤 有 興 命者 拭 賜 急 或 灩 焉 慙 德 則 濱 有 廢 願 目 璧者 則 譬 無 之書 之 驥 而 於 道 厠 以 聖 以 儻 離 如 方, 老之歸 必 苟 尊 來 耻 兮, 1 亂 斯 恃 人 蔬 鳥 冥 非 大 居 必 也 身 臣 釋 在 見 巢不 禄 於 鴻 捭 語 宛 是 負 , 位 卷 之 上 屩 時 豈 視 闔 何 傒 而 割 而 9 覆 若 既 之 慢 烹 君 前 今 避 君 旌 而 可

言 乎 隱 常 猿 水之 之士 者 可 西 王 幡 又 以 者 同 孰 然 出 不 俾 以 而 爲 而 思棄 是 起 乘 仕 振 駒 改 鷺 商 容 是 以 ; 築, 之 就 去 肯 謂 者 不 顧 來 賁 王 召 鍾 超 之 公 然 Ш 舜 尊 臣 而 之 門 式 賢 北 至 卧 間 猶 盡 乎 禮 **\$** 念 廬

以

非

驚

取夷狄以權賦夷狄無信,宜馭以權。

策 惟 則 則 或 卑 以 口 而 用 綏 以 權 夷 而 此 持 四 狄 强 而 方 隨 無 則 久 則 時 信 逆 9 東 宜 之術 馭 九 帝 肯 失 夷 王 制 守 其 審 信 而 册 夫 道 北 知 守 猾 以 六 常 則 爲 夏 狄。 念 規 咸 常 之 何 來 ; 戎 制 道 夫 來 作 得 以 孰 惟 不 敵 其 能 爲 惠 縱 宜 馭 F 而 木 中

慎

德

則

四

夷

來

賓

修

文

則

遠

人

多

助

然

而

奴

之擊

太

宗

誓

約

終

聞

頡

利

之

俘

或

 \Box

豺

狼

心

不

可

以

仁.

拊

犬羊

之類

又

難

於

;

備

大

事

宜

而

永

圕

所

以

文帝

和

親

或

議

匈

息

民

則

見

侮

於

强

胡

又豈

若

適

時

變

以

爲

夷

之

事

也

固

不

當

廢

和

戎

之議

也

生

以

常

道

而

制

之,言

殊

班

氏

無

何

專

以

黷

武

則

反

弊

於

中

或

泥

於

9

非 兹 禦 爾 於 而 和 仇 論 蓋 緊 尤 不 操縱 後 方 其 慕 知 則 審 子 非 鄙 之 策 攘 董 厚 戀 義 拊 口 皮幣 點 當 情 偏 决; 世 淺 迹 絶 施 虜 信 從 各 於 矣 祖 於 恕 出 嚴 之背約 也 於 Ŧi. 西 從 置 光之慮 不 疆 故 必 轉 域 餌 制 金 審 爲 睘 可 變 疎 察於敵 時 城 戎 使, 以 之 哉 則 之 而 以 天亡 爲 權 亦 賈 彼 窮 處 制 至 常 容 誼 降 勢, 討 有 宜 之時 分 故 利 之謀 者 閉 於 亦 閩 在 我 或 縉 事 玉 先 深 率 大 舉 智 之 紳 關 零。 由 君 防 策 師 \pm 專 切 介 而 孝 於 之 師 戒 徒 胄 謝 必 肯 宣 邊釁 審 而 於 論 噫 也 質 泥 命 馭 贵 膠 者 於 兵 振

柱

謀

行

則

遠

謀

出

術

欲

家

干

戈

宜

於

1909

方

今

機

詐

之

無

常

運

機

謀

而

几

起。

時

乎

當

遠

或

和

或

擊

運

吾

堂

上

之奇

0

俾

自

至

於

殲

夷

有

德

有

威

控

爾

綏

恃

力

而

侵

邊

也

我

則

爲

之

備

而

欵

塞

也

我

則

爲

之

羈

縻。

曾

不

勞

去

不

追

當

從

權

而

底

績

蠢

爾

X

醜

贵

惟

玉

帛

云

乎

哉

要

在

方

略

如

何

則

然

非

權

何

以

惟

舊

文之守

也

其

禮

以

無

醜

勢

或

口

誅

則

犂

其

庭

濟 河 焚 舟 賦 濟河 焚 舟 志 在 V. 功

遂 或 ÷ 决 火 策 戰 其 欲 以 巨 必 焚 艦 勝 舟 示 歸 死 涉 寧 報 彼 預 謀 於 大 强 III 既 讎 肯 濟 思 河 昔 還 而 秦 赴 於 穆 敵 故 違

之 之 常 於 賜 既 邑 視 走 炬 功 辱 虎 專 戎 蹇 而 雲。 期 不 策 任 自 歸 以 旅 起 自 叔 遂 獨 就 指 戢 軍 以 也 謂 鄉 全 途 ; 咎 以 舍舟 慮 茅 今焉 俾 决 常先於 將 師 也 徂 東 於 襲 渺 彼 津 歸 從 故 之 之 再 人 征 覆 洪 聚 我 士 而 者 賈 得 屢 志 出 而 横 將 越 濤 萬 寧 心 自 絶 勇 反 以 敗 我 馳 效 之 晉 舟 誓 復 猶 俱 鯨 濟 9 孟 絶 也 河 師 千 、懷犇 濟 忠 邦 而 願 作 波 年 内 望 奮 明 畢 ? 頃 封 而 兵 收 # 古 而 之戰 之 臂 乃 昔 焚。 苟 北 趨 , 殽 庶 還 永 難 顧 慷 地 以 示 也 之羞 利 勝 戰 之計 尸 往 逝 以 吾 慨 長 也 無 烈 喪 也 談 焉 之 語 而 壯 驅 焰 發 還 師 笑 功 洒 念 又 而 志 勇 仇 憤 雪 奔電 陵 志 貽 取 莫 泣 鄰 V. 解 曾 已 , 則 之 耻 驂 譏 不 歡 或 激 勳 爲 由 \mp 愧 而 可 不忘 敗 官 之 呼 於 挫 歛 壯 長 楊 是 君 萬 死 報 也 遺 提 即 夫 之 之 戰 拜 兵 氣 煙 全 П 9

> 之 之 之 使 任 噫 盛 不 好 强 終 項 謀 文 風 壟 烈 晉 也 1 身 籍 如 而 凛 不 秦 既 而 兹 成 Ш , 勝 數 然 將 聞 蓋 也 自 悲 而 覆 如 之 或 Щ 舍 悔 不 不 軍 忠 戰 耻 在 非 還 磨。 生 之 之 功 也 不 又 罪 而 於 消 愈 悔 既 焉 誓 往 易 多。 於 3 懷 得 必 苟 也 威 水 馮 報 千 破 因 歸 彼 河 非 或 載 小 於 志 西 徒 之 之下 加 秦 告 戎 與 百 誓 心; 筑 而 師 灰 敗 尤 於 之 遂 而 仰 秦 類 而 喜 擊 荆 弃 共 焚 伯 湛 勇 伯 楫 軻 滅 舟 徒 之 船 氣 功 ;

本彊則精神折衝賦本疆則以精神折衝

士 勢 致 則 ; 精 威 昌 神 本 風 既 之 國 遠 彊 折 以 暨 古 賢 衝 爲 坐 本 摧 斯 俊 服 奔 士 苟 從 突 朋 并 之 來 謀 得 鋒 兼 英 益 智 雋 鞏 切 也 以 尊 原 制 崇 能 君 勝 之 以 得

一之奇 假 臣 者 抵 彊 敢 藜 而 想 夷 有 德 折 朝 而 大邦 争 藿 魯 於 德 萬 9 廷 爲 屈 干 主 風 譽 不 連 衡 兵 固 人。 里 齊 而 里 爲 、畏力。 人 聚 輕 採 采 望 之 ? 益 之 威 , 諸 制 厲 精 量 勢既 則 於 談 之 尊, 衝 正 難 必 夏 我 兹蓋 精 而 於 懷 笑 隆 Ш 之 須 者 勝 晏子 會 何 大 自 女 聞 坐 本 裴 也 於 勞 威 神 神 皆奠枕 肅 臣 宣 以 伺 於克鞏 度 不 稜 龍 朝 於 爾 却 足 任 威 能 隙 之神 之 出 聲 惟 廷, 幄 居 强 今 用 以 於 制 者 震 色? 於 中 用 則 , 秦 也 揭 勝 於 几 會 明 樽 敵 也 之 自 網 勝 儒 俊 賢 爲 遠 於 果 望 聞 罟 俎 自 妙 加 譬 X 之 以 士 宜 足 九 來 不 兵 風 全 筭 聲 無 夫 垂 儀 以 觀 其 威 重 , 於 於 親 敵 而 而 猛 兀 自 凛 悍 紳 聳 其 則 E 敵 不 於 引 遠 夫 虎 多 故 宜 罷 兵 動 然 將 而 或 水 去 争 豚 在 伐 堂 精 敢 於 不 於 士: 搢 9 歲 遠 者 彼 寑 中 季 騎 稱 顧 邇 加

謀

咸

鄰

孰

朝

L

口

神

蓋

華

德

之上 今也 宣 梁 淮 畏 或 猶 有 於 隋 厭 之堂 之, 猶 9 紀 威 難 或 南 勞 靈 何 而 之 在 1 家 綱 却 於 於 徒 精 武 則 異 堂 無 法 匈 按 神 詫 彼 則 而 面 議 噫 形 度 奴 堵 折 挫楚之强 於 女好 折 鳥 者 赫 1 有 以 片 非 衝 邪 敢 仲 然 以 無 九 言 得 子 敢 未 未 當 尼 臨 鞏 有 事 玉 X 若 桀 ? 免 相 之, 固 止 耐 不 此 於 自 禮 戎 岢. 矧 去 百 曷 動 則 威 方 窮 聞 虜 不 歸 多 萬 以 今 容 夫誰 於 征 靈 則 從 見 之 士之濟 ? 魯 優 貌 有 氣 , 爲 汲 風 或 師 截 游 焰 而 П 與 賢 晉之 之 黑音 而 鄙 伐 於 敵 處 不 Ŧī. 濟 侵 自 居 巖 暴 可 可 厚 千 , 患 靡 彊 朝 Ż 斯 汗 佐 亦 廊 望 鄉 ;

歲星所在國有福賦歲星所居,宜有其福。

笏

戰

不

則

争

大

國既得歲,祥斯應期。占是星之所在,

惟 者 苻 度 育 其 次 疾 越 事 欣 宜 妖 辰 所 有 亦 瑞 樂 之 歲之在 徐 堅 無 君 次 則 祥 X 而 而 其 致 之 遇 理 之 明 色 不 歲 至 不 福 當 居 係 當 鋭 此 濟 臣 北 明 躔 超 止 以 其 居 歲 也 王 潤 臨 師 直 而 , ; 終摧 誠 則 下 星 而 下 於春 重 之 之 大 由 俯 前 無 而 錫 者 宜 之 不 邦 興 尨宿之所居 臨 者 抵 驗 吴國 華 東 世 羨 應 居 贏 域 也 事 其 也, 吾 格 以 陸 西 爲 仰 或 縮 將 邦 地 之去 之强 宜 甚 戰 昌 離 又 咸 事 弃 以 兆 其。 則 期 司 速 各 備 被 次 誕 且 驗 於 應 必 ; 9 受 長 運 有 純 之 百 而 休 晉 故 則 時 爰占 以 克 右行於天,居 非 養之時 證 旅 順 於 禧 木 咎, 福 室 鴻 和 9 常 F 以 次 精 之來 象 得 也 禧之 政 年 景 者 之 星 原 無 之, 之 一,既 豐 誠 矅 適 行 象 乃 福 天 虧 可 舉 也 厞 既 爲 果 存 下 適 不 居 而 而 繼 虚 也 之 挫 之 失 是 循 觀 當 虚 常 生

> 之所 之統 方 王 開 也 雖 居 久。 也 所 歛 有 少 山 今 者 微 本 ? 阜之 太 析 時 寶 之得地 由太白 況此 天 以 之 運 史 於 首。 ? 福 木之津 贵 之千 象 奏 天 如 是 相 而 不 度; 荷 9 應 考 瑞 中 9 民 見 之當期 願 刑 非 岭。 可 王 興 星 图 淫 稽 清 遂 歲 章 次 者 以 次 不 在元枵之次 班 霄 興 之居 而 幾 伐 如 舍 而 錫 之 固 歲 陳 炳 措 之 是 紀 攸 國之 之《 討 星 後 靈 當 也 則 於 居 何 請 臨 有 書 賢 居, 號 厚 煩 實 驗 之, 知 生 大 罪 士 令, **%** 也 占 安 昭 馬 徒 治 而 天 知 E 孰 貫索 得 主 於 遷 以 彼 致 心 或 歲 登 敢 德馨 休 歲 之《 填 鄭 有 之百 莫 之 之 不 犯 之 或 祥 星 饑 事 行 能 所 史》 王 之 之 星 必 之 而 子 也 驗 今 ? 既 昌 備 居 師 爲 9

高祖好謀能聽賦天性明達,好謀能聽。

兢 審 心 孰 尺 天 命 高 至 則 又 知 起 之所 性 其 以 IE 如 聽 判 9 兼 雖 尤 食 莫不 之是 恐 利 利 初 高 能 獨 樂 好 興 害 而 觀 顧 行 祖 不 聽 稱 聞 取 ,念四方之未 説 其 ,謀之具 獨 將 及 吐 9 於 之 不擇其言 豊 於 奮 辭 設 逐 軍 哺 赫 明 策 群 或 鹿 也 何 施 赫 小 漢 可 皆 議 悦 屈 以 智 臧 恐 9 圖 顧 用 合 教 於 起 計 淺 , 彼 擇 以 則 周 監 於 將 定 屈 私 則 敗 成 深 斷 善 負 何 衆 門,謀 安 之自 曷 群 事 啚 蛇 爲 於 ጠ 智 出 策 分 謂 蓋 9 勃 行 東 英 不 Ħ 每 賢 矜? 有 以 不 主 明 能 興 鄉 姿, 兼 佞 答 好 而 達 或 迹 之 嘉 逆 收 ? 於 謀 乘 資 其 蓋 惟 善 功 納 功 耳 之 衆 於亡 時 從 以 爲 大 欲 提 由 又 9 德 也 非 能 公 吾 於 兢 以 最 納 則

之 幡 於 據 副 虎 達 帝之 足之 筭 諫 也 從 蓋 之 夫 曰 萬 敷 鞍 遺 有 然 ,反囚婁氏之賢。 也 念 勢 子 . 而 何 趙 天。 性 患 然 語 如 敦 必 户 至 9 無 由 可 深深 王之立 者 從 戍 於 遂令信 而 9 而 所 也 决 忘 趣 殊 卒 可 助 順 伐 聞 懲械 於 幾遂 用 非 刻 溺 不 撥 桀 能 不 流 謀? 也 爰 不 印 ? 冠 彼 知 爲 言 戰 繫 鴻 不 F 聰 趣 過 虐者 爲 雖 几 也 之 溝之 所 南 見 銷 明 甲 真 我 慢 人, 雖 顧 愆 謀 以 何 浮 印 贵 兵 是 , 也 聞 叔 王 不 關 割 之令。 欲 爰 必 帝 之 嫌 賢 孫 以 於 爲 至 詢 東 用 割 恃 居 之 利 之争 有 於 假 疑 兹 於 謀 欲 張 非 體 秦室之富 勇 度 此 衣 切 可 多 荷 騎 弃 王 良 不 膚 非 3 9 也 服 褐 借 戒於築 士; 匪 項 改 多 好 悟 不 之 問 匈 ? 於能 於 箸 雖 非 第 必 陳 智 愛 奴 知 不 之 諸 倨 吾 見 難 之 難 憚 平 勝 無 雌 9 9 室 用 侯 也 封 伐 躡 不 合 於 者 於 豁 少 雄

1913

愛於 毛 一,而 兼 取 聽 楚若拾遺 人 亦 爲 剪 之樂告。 時之强 故 暴 能 舉 秦 如 鴻

子使漆雕開仕賦開未從仕,聖人使之。

期 聖 爰 見 也 升堂之子 之學,私 思澤民。 彼 育 於 於聖 於 門 倐 漆 因 官 潛 視吾徒之可 行 雕 爾 言而 夫子善誘,漆 學 使。 有 可, 事 心諸子。 淑 惟 聞 也, 使之。 諸 以 眷兹 飲 口 雖 ൬ 出 誰 人。 行 當 學之優也, 然 而 忘 周 用, 之道,不試 尼父,當 自 及門之士也, 仕 仕 雕 顧 進 季 矣。 馬 受知 視 身? 俾 元 非 俾 効 聖 謂 觀 荷 H 施 往 以 乃可施 惟 夫 吾之學 於 念從仕之未 於 則 爲 厠 何 此 心本 利 事 於 何 皆欲效 心, 魯 禄 ; 蒙嘗 Ξ 以 於從仕 也 人, 愛日 學 惟 以 臣 哉 均 有 尚 獨 也 古 職 也 教 能 志 欲 用 謂 友 開 所 ;

將聖? 錦 樂舞 書 萊 過 求價 既 使之 於穎 迅, 命; 也 喜。 苟 有帝王之學者 發,始門弟之未 之才。 一,子路 ? 吾信 哉 未 聊 宜 才或 達 議者謂 雩 成 解 而 自 無 歷 沽者 9 之未 命。 豈若 .適 啓 攷 則 今 不 誠 藝或 未 喜其志道,激 尚資 以從 有 闕 也 從。 賜 充, 士 以志則在於恬愉,心 苟 能 民 里 此 師 及於 之仕 非 ,使之爲 何 於 之説 賢 亦 容。 聞 則 心 以 然 此 陋 涵 不 爲 難 念 推 己長之足 也 冉求,始當從 子之善 此 求 泳。 所 矣 可 9 求 道 子 使之學 於 意 邦 以 高 萬 固 之 開 而 爵 干 孰 志有 進 所素 論 鍾 將 猶 學,安得發言 禄 知 禄 在言語之科者 則 於 古 切 行 恃 邑, 而 同 未 雖 惟 司 迹 於退 願 異 ? 學者 於曾點 能 不 則 政。 尚 農。 聖 尹 夫 寧 9 垂 謀 急 師 斯 何 滯 遲 師 何 託 彼 於 言 於 於 之 非 於 嘉 必 師 言 富 讀 蒿 有 姑 於 奮 獨 製 道 既 何

貴。 未。 使斯 才已 成 人 也 耐 出 己 而 則 仕 猶 焉,功利之及民 歉 師 之可 而 吾 也 猶 尚 曰

何

有

既

?

天下可傳檄而定賦今天下可傳檄而定

當今。 音。 思 以 孰 全。 興, 雖 彼陷於塗炭 遥 能 云「乘破 已 四 將大蘇 ,已欣聞於大號 荷 深 方 禦者 夫 世 是宜 用 惟 仰 竹 可 + 萬 信 英 之勢 傳 於 主 也 敘百世之仁恩,收三軍之勇果 行之札,足安 里 己 檄 遠 赫 也 無 起 結 威 然 邇 而 _ 簞 於 定 不 行 ; 可 壺之念,中 怒,皆 徯我 人 軍 普天。 ; 尺書 也 傳 0 心 書 檄 所 時 , 四 而 延 助 則 至 其 所至,自平難 既 海 定 頸 遂 聞 一當自 望 士 之 原 焉 以 多 吾 勇 風 心 徯 望焉 於 號令也 咸 丽 車 低 王 天 鼓 應 馬 寰 於 旅 9 下。 也 于 於 宇 之 安 民 既

書 以 憑 外 使尺 今也 雷 未 征 羽 舉 商 怛之言也, 或 所 自 古 之民 載 然姦 之書 至 以 誅 當率土之紛擾 狄。 霆之擊。 何 至 可 書 之及 呼 ; 煩 光 久 河 而 家 弱者欲來, 於馳 掉 下 武 矣 而 西,則驚 雄 極 亦足以 自然安妥。 則 舌 七 彼 陶 袒 畏 , 願 慰雲霓之望 相 檄 俾 + 左。 而 不 儀 從 力 王 ? 慶,思漢之人心 毛之 賢 城 爾 民 函 降 而 師 萬里之明見 也 懷 何 之 Ŧī. 紙 殊 燕。 屈 之 而 何用 可可 在 德 地 千 至,歡 望 大 不 膝 强 首 騎 我之能 而 空言 知 者 抵 9 或 猶 狂 咸 安 老 畏 振威 强 近者已附 日 作 於平 生 贵 已 稚 然 止 威 而 民 ; 人之服 之 敵 勞 順 聞 聞 煩 然 節 焉 猛 已見 聳 酈 俾 從 辨 廣 命 軍 風 動 悦 之詞 人 故 爾 蓋 士 ; 檄 北 令之宣。 之? 隨 於歸 者 而 我 淮 馳 斯 之 内 向 而 之傳。 也,若 息 必必 軍 形 遠 陰 吾 非 華 時 隨 則 心, 肩 遣 惻 或 戴 興 何 插 則 m 而 ;

臣 乎 意 而 口 於蜀 哉 戎 退 也 冀 衣 聽 也 又 而 道 亂 鈆 加 大定 方今檄 9 於 槧之儒 斯 守夫 審 訂 m 書 鴨 也 風 渌, 俾 固 馳 既 萬 異 卒 務 夫 姓 而 貽 於討 通 人 以 誚 望 彼夜郎 咸 於 論 中 悦 高 興 聳 帷 麗 不不 幄 止 百 假 之 皇 諭 鑾

仁孝二致同源賦仁孝之道,二致同源。

閨 於二致。 有 日 有 理 在. 門 異用 於 蓋 9 爾 初 仁 日 則致終身之慕; 無 孝 殊 9 於 八皆可 觀 異 至 本之一 人或 體 重 夫 源 以 一,性 惻 多 廣 以 0 貫, 隱 於 充 情 大 究 素 自 本 所 則 此 散之民物,則 禀,爱欽 究 異 根。 之 了 兩 厥 中 無 端 本 語 用 存 餘 源 若 其 皆 自 事 大 出 良 嘗 持 是 於二 體 知 聞 惟 由 理 之固 念 行 曾 兹 才 則 致 之 非 似 何 仁 尊 之訓 於前 意。 使 會 而 兼 精 安義

,道同曾子之三;

愛則

無差

本

異

蕩, 曾 上? 之實 孰 物 抱。 篤 親 所 是物 之 事 推 性 云 近 其 後,而 愛者 也,本 親 信 異 舉 也 重 9 粗 親 何 有 功 之際 輕 道 此 雖 莫匪 遠 於 而 派 孰 多 ? 理 非 知 兩 因 非孝,則 别 本 能 於 事 雖 之不 兼之 復 厚 斯 致 不 之因 雖 原 大 外 事 寡 則 親 心 於 之 失親 不 抵 日 之? 親 難 有 之舉 殊 銖 之 中 備 殊 孝 離 備 適 别 道 兩 本立 , 形 之化 塗 推 於 荷 能 合 老 安 安 9 , 總 延 、真淳。 9 先 加 是 初 害 志 内 舉 吾 百 篤 道 有 如 也 後 敬 非 心 於 斯 外 老 行 之 生 它 鈎 贵 親 间 仁 先 於 加 以 以 陳 深 岐 殊 足保。 者 當 載 道之爲 雖 以 率先, 彼 口 及 ? 探 則 戒 於 備 效《 運 愽 歸 賾 是 人之老 率 贵. 波 豈 源 仁 用 愛 魯 之 源 而 民 好 悉 委 流 或 顧 由 不 9 地 論 也 之 ? 疑 犯 以 由 皆 施 内

之吾 之德 之功 於 過 夷 偏 顏 而 此、 本 之之二 П 9 而 摩 心 所 同 無 失 口 頂 源 施 於 加 以 並 初 0 不 是 又 有 無 於 彼 也 同 厥 何 知 虞 異 孝。 後 我 之體 必 教 天 而 道 剔 則 分其 下 見以 或 股 不 觸 之得 信 9 淪 孝 明而去本益 大較? 夫仁 而 德 H 墨子 也 長、 蓋 用 如閔子 孝 , 之 而 廣 以 雖有 ·之道 風 其仁。 深 而 溺 岢 充 殊 遠, 是 鄠 殊 雖 品品 管 純 皆 人 性 聖 ; 求 人 仲 若 之 好 致 得

孟荀以道鳴賦二子皆以其道而鳴

下 施 在 衰,有 當 用 抱 時 唐 此 孔 而 宗王 覺民 既 善 賢 遠 之可 鳴 之學 之術 孟 荀 仰 而 考。 挺 茂 終 兹 生 著 於 以 名 亞 英 窮 世 以 聖之 聲。 老。 之 斯 賢 道 才 當 其 同 圃 六 遇 而 自 宗 於 或 無 任 世 之 所

悉綴 之弊 蓋二 衛 不 震 鳴 或 己; 和 耻 吾 以 何 人 正 人 之善, 道 雷 撓 金 乎 道 之域,卓稱 由 道 如 用六 也 況之説 聲 百餘 也 之 矣 也 别 時 耳。 文之美。 以 信 喻 王 於 將 觀夫名 ,既不逢辰 鳴 曷 如 難 蔑 伯之尊卑, 夫 駕 章兮,皆立教之文;三十二篇 藝《詩》《 其。 德衰 同聲之相 能 金 大 千 子。 也,不貴 説 王 萬 石 重 而 闡其 鼓 載未光之病 者之師 顧 之已 世 無 楚 誠 且 ; 木舌於諸 書》之教,大警於 之 聲 遠, 前 以 國,學傳子 不 應 於 儒 明 知 耐 而 軻 得 而 難 禮 允 ? 人 之辯 振 後 其 恐斯文之喪 同 持。 義 義 或 如草 久 其後,著乎心 平則 世 儒 之統 木鐸 擊 贵 之言 而 也 聞 3 没 思。 木 奈 之。 愈 鳴 風 經 何 世 之爲 無 非 紀。 盈 焉 也, 本 優 荷 聲 承 出 無 時 也 吐 根 人 道 聞 有 於 獨 古 匪 耐 兮, 辭 得 之 聖 傳 而 於 振 時 寧 異 風 兹 能

假 音之不 於 韶 樂,鄙 顧 弗能 響 應 之后 以 能 夔; 然, 鏘 非 若 言 鈞 揚 天 而 何 小 以 爲

佳

力排。南蠻之鴃兮,豈巧舌之能騁;天下文之韓氏。故能倡正道以相和,詆異端而

大聲之孔皆。且異夫卿、雲最其善焉,文徒之梟兮,豈好音之孔懷。俾衆議之不惑,由

稱於壯麗;魏、晉未嘗純也,辭只見於淫

事也,未嘗有二。群儒敢飾於邪説,處士不哇。噫! 大魌小疵也,雖或不同,立言指

無它,由孟荀之不墜。

容

於横

議

然則

先王

之道,至今在

耳

者

殘月如新月詩

輪 盡 忽 纖 近 見 纖 晦 恍 兩 月 如 頭 猶 新 玉 在 皎 蕭 老 皎 騷 桂 夜 沈 鈎 向 清 銀 影 餘 明 E 似 輝 殘 哉 釦 幾 生 欲 半

際、光疑太逼真。 粧樓誰起早,深拜誤

炙背俯晴軒詩

暄 色, 几 王 孫 相 猶 映 炙背 與 思 簷 俯 奉 成 情 晴 白 至 方 軒。 醉, 適 尊 挾 融 愛 桃 纊 景 霜 花 謝 日 欣 滿 奇 Œ 亭 肌 温 暾 午 骨, 閑 贵 何 佳 身 止 妨 句 寬 得 憑 憶 寒 負 曲

置酒沛宫詩

内,樂 喜 童 置 已勝關中」。 窮 漢 酒 歡 祖 故 新 功 人 笑樂 成 同 後 慷 慨 起 時 高 舞 悲 大 會 舊 游 過 延 英 子,軒 沛 遺 雄 宫。 老 昂 酣 還 云 賦 威 歌 鄉 大 方 上 和 風。 加 衆 心

永爲湯沐邑,何用築新豐。

天寒割蜜房詩

課 再 霜 9 簷外 超 鈆 場 衙 刀 圃 割蜂 開 未 功 户 初 用 房。 牖 畢, 忙 棘 天 弱 百 K 寒 羽 花 薦 樂 依 辛 甘 歲 晴 苦 香 穰 日 處 纖 作 Ш 今 署 室 居 H 何 怯 收 爲 時 密 曉

黄知橘柚來詩

君

嘗

種 光 柚 飛 先 香 庭 相 已 垂 迎 舸 照 蒼 禹 放 滄 縣 長 廟 浪。 江 雨 荒 暗 遥 緑 何 識 林 葉 如 洞 底 凝 船 庭 處 烟 L 霜 黄 密 看 金 味 自 數 詫 苞 知 里 江 射 來 陵 橘 日 更

背水陣詩

從宜 約, 知 遣 背背 0 傳 Œ 水 餐 須 里 陣 投 當 亦 尤 死 勍 應 奇。 地 敵 期。 何 臨 前 孫 用 機 澤 吴 恤 事 書 非 群 寖 誠 紙 疑 危。 有 上, 拔 行 萆 方 幟 權 Ш 略 終 我 兵 要 如 獨 已

鯤化爲鵬詩

誇矜。 羽,萬 志 登。 9 壯 天 鯤 古記 哉 池 大幾 將 莊 爲 干 轉 叟 鵬。 徙 里 稱 0 雲翼 揚 鱗 鳶 鬐 族 飛 快 氣 疇 與 飛 日 能 魚 騰 增。 比 躍 龍 怪 曾 門 時 矣 不 齊 不 俄 事 諧 足 化

捷 詩

奮 酣。 無 慙 狼 神 勇 月 心 戈 甚 捷 窮 敢 鷹 凡三。 逐 揚 肆 北 將 貪。 露 身 戎 七 布 從 卒 旬 屢 虎 時 有 馳 穴 非 苗 南 探。 久 格 邊 貔 六 較 旅 庭 師 德 戰 彌 心 已 不 思 可

清 泉 潔 塵 襟 詩

聽 岑。 氣 聊 吟 應 騷 用 詩 添 客 潔 更 Ш 事 塵 澤 喜 幺幺 襟。 趣 尋 臨 清 盡 徹 至 滌 泉 低 哉 市 明 天 朝 派 蒼 下 心。 深。 石 樂, 澄 洗 居 穩 波 耳 然 坐 漾 浮 何 妨 碧 爽 讀

書

林

復 見 官 軍 詩

電 吾 勤 日 君 0 復 民 重 兀 得 心 瞻 帥 見 貔 平 極 官 虎 望 京 軍。 士 邑 雲。 盡 歡 將 長 掃 聲 鉞 安 犬 夾 來 + 羊 道 何 萬 群。 聞 莫 户 壺 9 王 不 拭 漿 旅 圖 目 意 方 當 馳 此 待 E

物 色 訪 嚴 光 詩

忘。 學, 俱 繪 物 還 羊 肥 色訪 歸 -裘方 遯 釣 推 群 審 嚴 瀨 方。 識 子, 傍 蒲 招 聘 高 乘 賢 問 風 遂 仰 期 今 搜 漢 終 楊。 尚 光 得 在 形 誉 不 江 羨 容 求 水 雲 尚 思 臺 未 舊 與

四

飛 泉漱 鳴 玉 詩

冀

北

馬

群空詩

雄。 逸 去, 便覺舉群 駑 謾聞 冀 駘 北 餘 豈 雖 布野, 多 混 空。 馬 同 知 無復見 過 儻 惟 視 非 伯樂 干 承 追 蹄 風。 衆, 顧 先 騏 秖 鳴 驥 收 因 意 方 良 八 孰 犇 駿 種

習 馬 長揚詩

能

通。

林章。 穩 驦 莋, 習 瑶 驤騰 强漢 馬 池 向 射 承 八 長 平後, 熊 駿 揚。 舘, 良。 馳 兢兢武 冀 上 驟 野 方 華 來 勤 不忘。 Ш 騏 閲 陽。 驥 武 天 辇 整 願 閑 路 師 賦 千 出 臨 翰 蹄 驌 五

> 珮, 聲。 亂, 漱 滄浪 玲瓏鏗璧韻 翠巘 玉 有 想 出 餘 深 濯 清。 處, 纓。 激濺破瓊英。 飛 水落 何 泉 須 觸 千 韓 石 尋 吏部 鳴。 險 漢 風 跳 聯 水 傳 珠 句 思 萬 不 遺 賦 勝 壑

琮 琤。

攻 媳 先生文集卷第一百十七

1921

一八一六

攻媿先生文集卷第一百十八

四明樓鑰大防

和舅氏適齋汪公尚書詩

適 齋 慕 香 Щ 一之高 續 達 哉 行 集 香 Щ 詩 句 次 韻

教 官 雇 大 變,老後 我 抵 職 我 少緣。 + 作 浮 冷, 脱 百 閑 築 衣 收 誰 典 病 何 人, 髣髴 能 得 六十三翁 足 纏 酒 惜 身 道 曲 酒 來 干 江 錢 生 己 緡 萬 邊,不 錢二 理 Ŧī. 頭 人 塵 年。 何曾 中 雪白,貧 纓 三千。 作 無 世 五. 得 閑 網 年 自 游 重 家强 炎 全 即 重 自 涼 種 醉 縛 徤 喜 共 凡 朝 眠 亦 + 君 天 廷 七

> 妨 眼 徐 其 天 兼 行 間 憐 遊遊 頃 有 餘 石 氣 魚 散 薄 橋 味 每 鱍 花天。 媿 上 都 鱍 産 尚 相 蓮 累 處 書情 似 累 田 置 田 有 棟 猶 眷 宇 後 在 眷 爲 相 先 病 君 與 連 羸 舉 君 更 延。 昏 酒 無 耄 歌 醉 歲 俗 前 短 種 物 歌,不 陶 當 薄 月 然 夜 人 田

適齋示池水大篇效元白體相答

泚。 誰 物 幾。 自 念 人,往往 樂 小 方便形 外家 我舅 義氣追 適 大聽 施 齋 多 到 有 爲 割 事 莫 盈 古人, 片 欣 大 己。 器。 事。 齿。 然 池 心 作 清 它 向 先 及 婚 風 人 詩 波 來 其 E 姻 自言 難 照 動 俸 早 有 成 桑梓。 叢 與 可 將 此 者 志。 分, 桂 言 比 衆 涸 掛 平. 源 葬 來 利 少 冠 者 流 益 生 埋 雨 時 踰 固 欲 復 及 不 發 不 問 物 清 有 此 濟 知

耳。

頗

亦

知

爲

人,

緩

急

力

不

舅

出

於

卧 矣。 財 紀 如 長篇 心 此 勤 池 筆 力 中 餘 不 水。 力, 逮 亹 不 來 得 亹 求 遂 盡 則 滿 如 應 紙。 意 之, 吾 病 安 得 足 1 斯 有 正 僵 貲 足

用 美。 通 止 ,言合孟 近止 黄金 公日 誦 爲之 及 |汝答 土 鄰 軻 同 起 里。 氏 價 我 但 只 菽 F 韻 恐 不 用 粟 險 無 過 元 如 不 此 白 飲 容 水 體 理 次 食 火, 0 0 此 愚 求 公 意 言 亦 心 水 易 止 豈 與 不 濯 足 天 能 不

> 中 揆 安有力及此。 甥言 愛荷 裁 無 以 差 義 等, 仁民 兼 愛幾 者 與愛物,要 若 墨 不 子。 同 自 同 贵 親 歸 惟 親 於 道

非

約 同 社 往 來 無 事 形 迹 次 韻

尊 約 此 既 龜 以 惠 期 依 衰 不 食 不 後 時 0 恂 此娱我老,今是勝昨 髮 度量 蛤 平 恂 家 欲慕: 勸亦不辭。 黄 生 間 蜊 舅 生持 朋 监 願 或 年 海 伯 友 造竹 影 如 但 深 益 謙 夷 亦 欲 兒。 隨 闊 高 柄 偲 客 所 此意豈 偲 仁 寧 長 自 何 爲 義 鄉 滿 愛 止 牧 概 作 容 有善 凡 非 佛 七 何 同 真 不 掩 痛 我 + 慈 太 美 率 古 士 朱 飲 何 同 悲 稀 卑。 人 收收 集 謹 扉。 真 盟 必 吾 汗 拾 當守蕭 率 間 居 神 善 耆英 師 漫 略 學 共 以 然 里 明 游 不 月 咸 古 當 柳 曾 鄉 =遺 有 惜 黨 據 爲 達 歸 未 1

毁。

不言理

曲

直

但

謂

富

者

鄙

堯

舜

有

至

鄰

人情

口

喜。

久

之責

望

重

争

訟

隨

謗

竭

求者

殊

未

已

有

如

富

翁

獨

處

白

家

市

始焉

逐

什

貧

富

本

相

濟

餘

波

被

四

洗

求

財

則

無

厭

來

不

問

遠

邇

應

者

力

己

下

旨

富者民

之

怨

白

萬

輒

散

棄

貧

富

各

有

猶

病

在

愽

施

所

以

漢

劉

德

其

言

有

深

分

取予

尤

不

易。

生

長

在

舅

側

義

事

熟

於

達哉杜陵客,從它人見嗤。

表 兄 太 府 陳 丞 安 寄 行 遷 詩爲賀 右司 仲 次 兄 遷 大 理 丞 余 遷

外 新 王 生 祖 詩 母,幼 欽 此 東 厚 舅 塾 若 意 談 惠 無 經 尤憐 却 有, 歲 思 盛 月輕,外家 揚 往 氏 事 惲 甥。 念平 書安得 生。 生長復 當 成。 時 何 首寄 更荷 誉。

今欲冠 況復 朝 路 今同 爲 0 時 親 偕 此 敢 里, 武子 恩更 寸進 説 宦 一欲到 情 非 適 輕,公 惟 齋 彌 愛外 新 甥。 句 退 生。 已先 委 蛇 舊 成。 懶 日 自 四 幸 誉。 童 師

適齋掛冠次韻

致仕吾非不待年,禮經自合許求田。

鼎 秖 兩 來 真 圖 先 隱 徑 瞥地 ,共仰元台與大天 取 衣 ,❷是非衮處 冠 掛,不願 更尋 獨 翩 香火 然。 緣。 鄮 峰 富 相 對 貴

金章 抛 長清净,理亂從今不用知 官 寧 不 世 復戀 作 事 九 相 , 黄 閽 牽 夢 無 冠 納納 了 野 期,平 服 禄 自 尚 相 餘 生 宜 待 徑 足 資 耳 是 根 何 紫綬 贏 時。 得

余初 篇 爲 喜 除 爲謝,末 安行 西 掖, 章 表 適 以 兄 齋 屬 貽 惠 安行 書 詩 喜 以二 溢 于 甥 辭 相 謹 繼 次一 縯 綸

紅藥 堦 漕 邊 臺 懷老 生 處 謝, 寑 之床,叢 桃 花觀 裹 桂 憶 還 劉 分一 郎。 葉芳。 首煩

^{■「}童」,原作「重」,據殿本改。

②「瞥」,殿本作「避」。

賢 舅 書 增 喜 想 見 慈 親 色 更 康 無 忌 安 能

真酷似,願從外氏借餘光。

紫 薇 繼 敢 謂 直 中 封 書 倫 省,叢 據 此 床,幸 桂 猶 爲 從 同 科 舍 級 郎 紹 餘芳。 太 史

身

未

暇

因

仍

恐

或

過

清

明。

君餘事,魚目何堪比夜光。

書

傳

得

揚

惲

渭

陽

情厚爲

秦

康

外

家

宅

相

余丐郡得婺以詩相迎次韻

云 屢 何 遮 真 西 風 際 是 H 端 成 福 何 宜 鱸 事 鷀 魚 退 幾 正 飛, 向 不 爲 東 青 知 風 雲 幾 詠 高 式 處 休 微。 有 論 危 塞 五. 馬 馬

約訪王卿正己己而中輟次韻

人生貴

且

奉

潘

輿

得

賦

歸

歸來親戚話通情,準擬流花得再行。

E 荷 巷 適 人 非 齋 遠 容 接 緑 武 野 樽 敢 從 壘 計 酌 古 未 成 遽 渝 官 盟 E 鳥 得 閑 衣

謝太守送雪次韻

三白瑞 安有 多 謝 冰 黄 要 冬 成 堂 秖 柱 贈 觀 一、坐久 圭 見 積 璧 曉 玉滿 欲 霜 空 林端 寒, 餘 從 水 乳 未 在 竇 得 盤 倚 飛 欄 霙 歲 干。 萬 晚 里 簷 願 看 呈 高

清高閣觀雪次韻

峻 、坐客笑談豪。 衝 雪 Ŀ 層 閣 真 泛 成 剡 清 訪 且 安 高 道 賦 主 梅 人 思 風 水 節

真率會次韻

止 樽 驚 人語 前 應 開 喜 IE 奉 好 ,舅氏從來筆有神。 口 笑, 醉 潘 千日 輿 談諧 得 退 尤 林 身, 稱 下 掇 何 鳥 皮 妨 衣 真。 見 相 兩 會 夜 總 歸 情 更作 閑 親 暇

楊聖可棋集余方歸自桃源不及預次韻

交歡 桃 賦 源 歸 去 情 敢 屏 ,歸路滿 慕 處 E 治,江 尤 陶 便 彭 澤 野 城聞 Ш 性 得 自 慵, 晚 助 免 鐘 景 猶 故 方 睎 人 濃。 邴 何 曼 幸 容。 嗟余誤 總 相 棋 逢 酒

汪達可招游臧園次韻

芳時 不 寒 嫌 梅 客 能 送 城 臘 下 ,素壁揮 幾 許, 曾 名 園 先 樓 到 稱 毫 頭 老 又 嫰 衙 懷, 鼓 緑 口 謾 留 乳 春 相 鶯 催 喜 飛 再 燕 主 來 共 人 低 好 眼 徊 事 底

欲歸 己 平 隨 湖 去 斜 不 滿 照 怕 架 望 遠,詩 酴 重門阻 望 醿 煙林首 愜 情 雅 無 勝 重 懷, 賞 待片雲催 回。 何 更 妨 添 後 林下紫 日 黄昏 來。 徘 鼓 酒 徊 棹 興

士穎弟作真率會次韻

何羨祖希情好隆,朱陳累世意交通。

■「凉」,此字底本經描補,殿本作「痛」。

幸 舅 容 甥 攻 巾 屨 媿子,主盟 頻 相接, 兄弟 全賴 適 樽 罍 齋 翁 喜更同。 日 來 愈 參 得 坐

吊王卿之喪次韻

清閑

趣

,斗酒

不妨時

中

情 舟 尚 親 何 藏 及 大 真 去歲 壑 是 ,空使文皇歎薛收。 同 夢 夜 登百 四四 俄去,橋跨清 Ш 尺樓,相 風 物 總 成 溪 期 愁 花 春 自 1晚更 流 朝 重游 千古 五紀

喜雨次韻併呈郡守吴居父

足, 中 0 起 隨 舞 早禱 車 萬 真 家 響應 而 同 雨 巫 此 破 覡又何 心 塊 天 朝 與 方 功 通 爽 翻 爲 盆 霖 夜 \equiv 正 日

> 嶺,香炷 洗印 熱流 日 無幾, 眉。 載芟春已祈。 自笑受 廛 許 堪 龍 爲 神 學 來 稼 鄮

遲。洋洋添野水,已足樂吾飢。

隳。 閩,空餐 喜 阿 雨 師 媿 無 争 奉 煩記 自 祠。 效 ,行人口 風 農 伯 功 尚 今 「似碑。 何 可 施 濟 水 膏 利 澤 更 由 册 分

安行表兄除華文閣直學士奉祠次韻爲賀

適齋老 真祠 長安 幸 身 屢 報 暫 免 便看鋒車 逸 手 銀 遮 臺 班 日 給 聯 事 召 内閣 圓 此 中, 嶠 翁 莫 眷方隆 忽 嗟 聞 船 唤 引 渡 且 風 浙 歸 江 廪 同 東。 伴 繼

送安行表兄葬次韻

深沈仙洞鎖神清,萬壑松聲不似晴。

稱 氣 宿草 象渾 酷 - 它年 似 始 如 空悵 舊 知 無忌乃其甥。 劒 望, 佩 風 生 姿 芻 儼 今 若 日 生。 寓 精 猶 誠 記 玉 Ш 音 111

尋春次韻

鬢 化 凋 工 寧 潛 自 再 有 洪 東 緑, 皇 鈞 去年 轉 天 上 花 春 來, 謝 事 又 何 坐 重 勞 看 開 疊 芽 鼓 蘖 賞 催 起 花 枯 携 晚 荄。 景 酒

那容緩,走遍

郊原莫便回。

深 多 席 幾 病 地 許, 亦 須 曉 來陌 堪 行樂,任 誰 尋 人能得此身閑 酒 上 所 雨 是 斑 得 清 斑, 園 貧 也 徑 同 與 破 社 慳 坐 相將 花 門 間 便 外 出 紅 從 關 教 塵

次韻十絶

休官

慙 媿 舅 人 甥 生 俱 寧 就隱 問 草 ,澹然相對 堂 資, 乞 得 兩 閑 志 身且 機 徑 歸

發 書

舊 日 熱 故 心 人 惟 今就冷, 賴 幾 行 向來已自 書, 今 日 得 誰 揶 能 揄 更 訪 吾。

見 客

可 憐 寒 客 士猶相 至 何 妨 望,時 送 與 有 迎, 飢 門 來 前 柳 絮 羅 輕 爵 亦 人 情。

	•
	۰
1	

出 謁

安

心

茶 竈 筆 杜 床 門 煙 却 浪 掃 去,自疑身是老 寖 多 時, 間 傍 天隨 人門亦 漫 爲。

有人來問

安心法,將汝心來與汝

安。

但 使

心

如

水

在

槃,

坐 **\$**

四

體自

然

胖。

赴 會

更欲相邀蓮社客,共尋精舍上 幸 身 未老已 先閑, 到 處 房 時 顔 時盡 醉 還。

病 起

適 齋異禀人難及,病起精神略不 老 去 情懷 百 不 宜, F. 樓 腰 衰 脚 覺 舒 遲。

讀 書

時忠義忽相激,間 佚老 無 如 大字 書, 遇包胥與子胥。 聊 將 遮 眼度

有

染 鬚

染鬚 欲學 少 年 時, 笑 殺當年榮 啓 期。

公道世間惟此耳,年 來猶幸 木 相欺。

餘。

1929

修養

千 年 俄 聞 頃 道 俱 壺 成夢 中 别 ,只任天真却 有 天 能 將 晏 俄 頃 比 干 年

同年鄭貴温寺丞直華文閣致仕次韻爲賀

曾

許 有 真 尋 珠 率,車公豈可 前諾 宫 先 生 來 久矣愛吾廬 海 同 石 社 坐間 不 方 將 妨 無。 約 茅 絶 屋 並 勝 驅 繞 揚 0 畦 雄宅 更欲 蔬 相 來 品 邀 書 預 賸 已

妙 俞旨 祈 謝 句 事 群 肆 倦游 此 賢 頒 歸 旌 和 心 素 騎 難 踈 節 自吴門,尋 與 傳 俗 佳 華 人論 名萬 文 進 古 直 Ŀ 存。 示 一封章 優 加 恩 叩 我 帝 數 淵 閽 年 明

次韻四绝

初得曾孫女

孫喜見新文褓,尚想當年擲鏡翁。 外子惟知媿可攻,羨公八十未衰癃

末莉花

安得 江 居香 南 創 盛處 見 喜 孤 帳中巧作 芳, 見 説 寶 閩 毬 花 粧 徧 海 鄉。

從子澡滌築屋荷池上

最 喜 兩 樓 涯 臺 墻 相 映 宇 帶 家 家 月, 時 倒 楊 影 柳 人 荷 池 花 中 處 處 風

堅鄭貴温棋社

Ш

亭

納

涼

天幸外門 不 嫌 才咫尺,欲陪杖屨夜忘 西 照 與 朝 曦, 城 郭 誰 歸 知 住 翠 微。

次韻五詩

山行野老問年

才及 已老 齒髮雖 偶 田 ,定應椿壽 衰 能 夫笑把褐 爾,我 渾未覺,精 本無 衣牽, 八千年。 神 心只自然。 愈 争 勝 問 果 壺 何緣。 中 再禱 别 有天。 公言 百分

> 厭見手 宜近酒 此已屢謀 二公休致 翻覆,樂 盍簪莫似向來稀 登 竹 所 我 處 來 但 君 歸, 一當頭 其 無吝 儘 指 可 揮。 造 同 城 裁 涼 扉 隱 氣 士衣。 人間 新

秋涼有感

難免交 終未達,不如老子笑成詩。 世事不容人苦較,秋 公看魚躍 入新絶, 素扇 與 鳶飛, 寧 風 須手自 自 鶴 有 脛 持。 葉先 雖 長 知。 宋玉賦篇 斷 則 青奴 悲。

一八二五

諭悲秋者

景物 歲 無 事 累,豈容秋月使人愁。 能 及 黄雲 今將 興 萬 感 告畢 頃 亦 有 時 人 癡 收, 生 苦 到 喜 過 老 見 憂。 盍 高 歸 空 胸 休 風 次 露 果 古 秋 然 知

舅甥賡酬之樂

對 范 日 此 甯 酒 適 勸 \pm 神 ,不須更遺外間 幡 明 忱 處 未 無 覺 許 夜 壽 晉 月 牢 公衰, 乘 橋 Ż 知 來 無 老 往 忌 母 時。 不 尤 聞 欣 但 詩 兄 要 弟 兩 秋 怡 風 家

八月十四日携家泛月次韻

月到平湖金作波,一城惟此占秋多。

水晶宫裹清無比,何用重登漢馺娑。

老子 此 九 行 秋 端 風 不 月 惡 IF. ,夜深幾得聖之清。 分 平. 盛 滿 金 品 分 外 明。

稍先一日我中秋,●行徧芙蓉與菊

作意安排却非適,不如乘興徑行舟。

仙 翁 猶記 醉 非 年 塵 時 世 看 水 爲 嬉 問 姮 不 娥 如 知 此 未 夜 知 月 相 宜

板 輿 何 草 草 敢 侵風露 真 成 ,略望簷間 段 奇 比 鄰 且 非 勸 不 歸 借 餘 輝。

「我」,殿本作「是」。

0

洲

次 韻 + 詩

爲 鴛 有 生活 時 行 浮 免 懶 學 、冷淡終然無後 渌 奏 \equiv 水, 仙 千 家 輕興 牘 煉 大 駑 到 還 處 駕 艱。 賞 難 但 佳 參 欣 Ш + 晚 節 莫言 閑 在 林 冷 短 間 淡 艇

真 勉 藥 氣習 强 裹 多 陪 秋 來 尋 ,簡編猶 來 醫 客, 病體費 者問 未免辛 欲越三餘。 支吾, 酒 勤 樽 答 浸 深 遠 與 閉 書。 故 柴 門 此外儒 踈 卧 草 時 廬 生 須

雨 深 E 長 殘 餘 甚 霜 坐見水三尺,雲净 大率舟行岸 問問 後 蓋 却 西 桂林 風 自移, 總 初綻 不 知 月 喜 機 邊 看 緘 枝。 天 何 几 ... 閑 垂 更 中 深 氣 荷 思。 沼 味

秖 好 灌 幸 堪 畦 陪 擊 漢 壤 叟, 樂 清時, 更欣學 衰 圃 病 慕 情 樊遲。 懷 百 不宜 逢人

攻

媿先生文集卷第

一百十八

草草 須 傾 酒 得 韻 匆匆且 和詩。 琴意 高

低

尤 自 適 高 Ш 流 水 久 心 知

光陰 真消息,莫爲 人言難 詩 甥 遇 舅 裹 相 過, 雙 延 尋 人間 何 閣 向 妨 醒者 酒 枕 自 邊, 簟 媿 ...傳。 醉 叨 相 時 聯 忘 眠 兩 情 大 話 此 天 更 中 怡 只 别 然。 覺 有

閑 口 直把宦途如夢過,任 説 燕樂,莫夸末路費 舊 從 時 來 憂道 話,眼底幸多 不 憂貧,晚 精 他 神。 同 世 社 事 向 人。 似 閑 棋 中得 賡唱 新 此 本 坐 身。 求 間

松菊 成 已向 二叟,不須更現宰官身。 三雲間 連三徑, 誰謂神僊 自 憐 收 鶴 倦 髮 翼,甘 奉 慈 親,家 從 波 隔 低 舅 作 塵 還 潛 欣 鱗 野 託 服 寶 幸 相 鄰 從 然

0 幸」,殿本作「果」。

笑它咄

咄

向

空書,既

老

投開

計

未

踈。

仙 灰 釜 樣 子 裹 冷,更 生 有 塵 魚 襪,莫問 長 無 自 驕 足, 色 與 高 門 人 軒 前 鋤 織 無 翠 爵 是吾 裾 百 居。 念 已 休 如 論

起 重 垂 舞 欲 露 睡 弄 半 秋 更 宵 清 翻 影 蕉 坐 揩 何 葉 到 病 徑 玉 眼 用 繩 撞 好 揚 低 鍾 風 眉。 夸 時 歷 小 颭 歷 詩 荳 明 花 蟾 濁 籬 數 酒 桂 不 木 枝。 妨

既 消 漸 磨 經 看 盡 \equiv 天 秋 宇 0 折 到 臂 清 先 有 霜 生 詩 坐 肅 舊 情 愁 草 未 更 何 遽忘。 堂, 覺 必 九 人 涼 家 П 飈 白 腸 林 晝 葉 世 長 己 間 飄 萬 歷 黄。 事 世

客 省 中 次 韻 0

預 才 到 約 先 行 \equiv 年 賡 人 韻 須 此 已 月 酒 集 綺 興 筵 方濃 先 開 欣 莫 數 盛 筭 客 意 肯 盃 勤 俱 拳 更 來。 不 欲 待 詩 秋 催 深 筒

> 窮 勝 踐 鄒 枚 後 乘 可 容 陪

主 照 已 聞 人 花 又 花 睡 香 若 有 撲 便 新 開 鼻, 到 詩 時 更 堂 定 出 深 前 自 亦 佳 儘 開,芳 願 放 客 陪 應 酒 盈 2 尋 心 盃 舊 深 雨 靚 高 來 不 燒 容 樓 銀 催 L 燭

次 病 足 韻

不 頭 先 於 時 白 身 定 椿 數 ,杖屨相從最得 有 菌 疾 量 無 行 長 過 短 偶 開 與 贵 九 奇 爲 秩 宜 壽 彭 達 無 殤 人 期 較 處 疾 順 外 遲 更 生 安 六 雖 時 是 +

- 0 0 省」 原 作 目 殿 本
- 「便」,原作「更」,據殿本改。

戲 和 \equiv 絶

脱 索

纏 縛 千 遭 趂 酒 巡, 環 觀 巧 手 競 稱 神。

莫言· 名 利 如 韁 鎖 猛 烈抽 身 亦 在

藏 擫

儘 教 逞 技 儘 多 般, 畢 竟 甘 心受 面 謾。

解 把 人 間 等嬉戲,不 妨笑與 大大家

傀 儡

王 家 幻 假 合 戲猶堅 陰 陽 古 有 此 線 索休 身, 使 時 形 尚 全 木 在 氣 和 神

六旬 是 策 夢 方 形 自 坐 地 舊,襟期暗合自 方 極 徐行 樂忘 爲 尊 還 欺 更忘 容 難老,家舅尤欣 知 達 知 顧 容 寧 仕 老 生幾 一,省病 紫橐 莫 共 我 疲 氏 飢 處 復 宦 厭 慶, 猶 我 皆 處 正 得 清 雖 素 還 求 遲 加 隨 由 見 從 孰 班叨 欽 然 懶 命 知 相知 雞 它 云 鄉 行 調 儉 畫 我 皮。 + 未 交 縱 不 八 預 樂 素 己 永 希, 覺 拗 友 用 秩 有 列 無 何 初 劇 新詩 觀 衰。 定 治 敢 如 功 吾 千 妨 談 無 書 黄 公尚 從 輕 名 今 指 貧 玷, 俱 金横 必 自 教 世 嗤 誰 已 老 勝 喜 使篇 適 誨 願 儘 自 事 過 矣 富 聽 帶 非 學 喜 至 只 無 持 慈 時 更 篇和 忝 求 持 今仍 當 情 優 將 夜 親 何 解 司 歌 游 深 覽 到 但 心 多 同 垂。 杖 仰 幸 有 真 蝶 此 不 清 勝 似 鏡

只 醉 + 長 宜 陪 翁 眉 侍 甘 雅 此 散 報 意 謁 非 誕 意 要 謀 終 紅 須 醉 身 塵 親 誓 棋 任 自 不 彼 社 到 移。 自 清 赴 歡 奔 筵 馳 贵 直 爲 以散 安 棋 輿 爲 來 期 往 髮

次贈少微兄韻

年 南 亦 阮 非 諸 汪 賢 全 樓 老 今 比 對對 有 屋 幾 古 酒 城 情 東 隅 猶 床 未 佳 彼 覺 壻 此 踈 竟 清 誰 貧 來 如 不 往 願 歸 兩 餘 家 鄉

桂花方開約客次韻

無

倦

色,此

身端合老犂

鋤

高 老 去 閣 欲 枝 久 枝 尋 疑 秀 千 巖 , 好 日 桂 醉 儘 判 遲 閑 客 開 身 來 日 同 留 H 引 待 陪 白 生 花 朝 家 醅 伴 醺 舉 況 盡 杯 臨 傾

君不惜,莫教缾罄耻爲罍

蔣德尚棋會展日次韻

索 寬 初 居 旬 約 徒 又 棋 不 見 社 面 朋 經 壁 礙 簪 年 重 何 集 能 尋 如 幾 舊 相 口 雨 徑 遇 來 還 且 身 銜 因 閑 盃 聽 深 履 幸 雖 開 屢 由 參 休苦 藥 裹

太上皇 夫 次 韻 帝聖 適 齋 體 除 清 敷 康、老 文閣 日 學 進 士 封 有 信 詩 安 爲 郡 賀 太

多 慶 八 富 席 秩 貴 歡 升 清 猶 紙 班 朝 惟 在 孝 因 治 同 歲 老, 古 見 晚 會昌 無 九 宸 倫 綸 龄 喜 拜 通 共 命 籍 新 更 推 何 恩 須信 總 及 長 春 親 年 初

外門 九重 錫 吾母 流慶遠, 類真 年 高 千載,八 喜同 絶等倫, 介弟 座 寵 承 癡 光新。 恩 兒 只一 何幸得榮親 兩家 盛事 共仰

次題曉上人閑静軒韻

人争

賀,和

氣

薰爲臘裹春。

花與 我 真信息,孤雲僧事 已 夢 得 我 相 居 閑 似,只 城 猶 郭 未 静 子 用 ··, 子 兩 居 心 相 如 Ш 雖 關 石 處 兩 樣 静 地 頑。 少曾 相 望 閑 要識 數 里 莫將 箇 間 中

次韻十詩

棋會

歸來鄉曲大家閑,同社仍欣取友端。

環 無 詩間作,笑談終日有餘歡 坐 事 坐 峪 長滿,賴 盃 何 不可, 有 主 有 盟 時 盟 會面 未 寒。 亦良難 琴弈 相尋 少曾

老態

成酷 九秩 東晉 似,腹 身方健,我 雖慙古元亮, 舅甥身退不爲遲, 心惟喜 甫 兩 晚 六旬心已疲。 相 唐 知。 知慕老天 肥 遯 猶 當未 隨。 不敢自言 老 公開 時。

晨朝懶起

窗 涼 風 坐 見 透 真 成 翁 適 雙 鬢 日 皤, 出 事 只 生還 贏 曉 更多。 夢 到 無 足弱 何。

■「只」,原作「之」,據殿本改。

班 E 心 難 處 堪 蠟 Ħ 屐 日 奔 战 超 摇 向 初 馺 不 爲 鄰 梭 П 思 螭 陛

見客

無 自 寒 餘 應 暄 事,面 開 固 車 不 有 轍 厭 \equiv 長 壁 年 分 多 何 話 長 妨學少林 來 臭 者 **浸覺老** 臨 味 還 相 難 傾 過 禁。 肯 寸 笑 應 心 席 酬 門 客 既 深。 T 至

晝寝

渾 已 時 無 逢 知 身 毁 念,只與 才 是 譽 盡 夢 心 甘 無 爲 白 閑 諍 世 鷗 來 所 相 間 更 對 捐 得 有 眠 酒 詩 不 文手自 中 如 天。 高 卧 簾 編 T 深 餘 午 老 年。 寂 去

喜閑

聊 碧 雨 自 落 足 雲 遣 已 投 閑 期 干 誰能 疊 南 時 夜 畝 以 更作 熟 醉 看 爲 鳳 中 風 求皇。 鄉, 庭 清 月 更 愛 既 方。 北 相 窗 忘 時 涼 我 援 亦 素 晝 忘。 琴 觀

荷 俱 近 自 净 日 懶 頗 相 杜 荒 陵 留 黄 處 攻 鄭 冠 媿 老 野 月 課,多 共 服 白 襟 澹 風 期,門 相 清 時 宜 偶 不 會 見 外 時 適 紅 齋 塵 地 弗 僻 與 衣 竹 知。 裳 深

讀香山詩

慕 明 名 知 多 無 詩 諷 到 子 誦 可 香 傳 Ш 惟 業 不 公著 計 每 篇 句 遇 得 爲 想 純 文 逢 全。 自 佳 人 處 胸 編 輒 中 欣 相 舉 世 似

詩方似,一等不爲名利牽。

即事

超炎同 Ŧi. 調琴不用求成曲 一升米,老矣不嫌人更嗤。 旋插 雅 襶 杉枝 ,但能尋睡學希夷。 蔽 得 曉曦,緩摇 句何須凑作 輕 箑 詩。 太倉 自 融怡。 日食 無復

西山

閑情方自樂,齋餘歸路未須忙。何時更向 絶憐林下朝還莫,不問人間炎與涼。睡起 兩岸杉松翠蔭長,輕興連日得彷徉。

月溪去,願著青鞋走侍旁。

燕居

外生但喜 俱休論,且作羲皇以上人。 只將詩作活 大老今居東海濱,燕居晚 長依教,一 酒 邊 猶 有筆 笑相從莫問 一如神。 歲更申 貧。 乞言授几 開裏 申。

十一會于適齋次韻二絶子成兄年八十六、史子久八十二、舅氏八

莫言二老升沈異,各現宰官居士身。 學坐共談宣政舊,風流不許後生知。 堂中三壽喜同時,黄髮相逢齒更兒。

攻處先生文集卷第一百十八

■「凑」,原作「揍」,據殿本改。

一八三

+

四

日

丙

申

雨

李器之以《鳳

棲梧

》錢

行。

攻媿先生文集卷第一百十九

四 明 樓 鑰 大 防

北 行 日 録 E 一時待次温 州 教授,隨侍兖公守括

介仲舅 汪尚書大猷之辟

乾 道 五. 年 己 丑.

十月 九 日 辛 卯 城報 : 仲 舅侍 郎 充 賀 Œ 使,

曾 總管 副 之。

十日日 親 壬 許 辰 心,蔡興 行。 以仲 是日 游 舅 書來,辟 南 園 微 雨 充書狀 官,

日癸巳 雨。 俶裝。

十三日乙未,雨 日甲午 陰。

> 六日 五 中 唱 日 和 戊戌,晚 T 西 雨 晴 周 仁父約 仁父酌 同 别於少微閣 登途。

醉

十七日已亥, 晴。

十八日 子質 宿巖泉夏家店,去城十五里。 澟 相送至 庚子,晴。 一見於驛 壽寧寺,仁父繼至。 亭。 飯 後 仲兄、器 别 親,徑 之、元聲 飲 出 罷 城。 東 行, 張

十九日辛丑 晴。 行二十里,飯 午頓 行

十日日 趙 巖 罋 道 飯 二十五 蔣 侯 皆 經放生潭,山水秀發,策 如 家店。 廟 王 奇 舟 寅 里 偉。 鄉 者,皆以 宿荆 晴。 人敬之。 過 白 縉 早 Ш 巖 侯 雲縣 -登小 上 峭立 名。 方 石 少少 樓眺望。 臨 有 雙 溪,松 如 杖 候仁父, 頭 杖、 縱 巖 觀。 竹秀 行 如 白 即 履、 + 聞 行。 潤 里, 如 有

然

僕

夫

日

.

此

初

暘

谷

也

中

有

石

鼓

而

玉

虚

宫

路

П

顧

南

岸

石

笋

森

列

有

亭

翼

及

鳥

巖

下

有

石

室

端端

植

如

門

渡

溪

人

仙

都

及

0

巾

之有

聲。」

以

既

濟

不

復

往

路

轉

Ш

口

及

媿先 生文集卷第 百十九 崒。

始望

之,

高

列

峯

外

自

謂

儻

登

其

詩

傍

下

賦

心

小

天

至

此

而

不

聞

峯

後

大

Ш

如

屏

奇

石

酱

駭

必

口

俯

瞰

鼎

湖

下

有

鋭

石

僅

如

笋

若

隱

隱

有

車

轍

世

言

黄

帝

由

此

飛

昇。

塘

曰

記

黄

履」

,言遺履

之地

地

曰

静樂」

· 言

鈞

歸

也

下

行

里

許

益

近

獨

峯

峯

之

E

相

之。

趙

亦

貯

如

臺

松

風

清

微

俯

和

湍

瀨

是

真

使

人

忘

有

傳

有

鼎

湖

嘗

有

巨

蓮

葉

大

風

而

下

石

壁

清

暘

之失,遂回

「登焉。

洞

中

可

容:

數

几

童

問問

石之名

<u>-</u>

有

洞

名「忘

歸

既

懲

初

居

林

間

有

巨

石

屹

據

如

雪,

且.

行

且

觀

遇

消

竇

以

口

所

未

階

跂

E

見

獨

峯

大

松

夾

立

清

溪

映

帶

眇

視

口

旁嵌空,如

出

鐫

斵

旁有

小

洞

石

横

陳

罐

宫前 不 知 其 有 門, 幾。 書 閱 「祈僊總真 + 之三四 洞 不不 天」。 能 盡 是 讀 日 也

一十一日癸卯,晴。 仲兄 它無 以 因 溪 釅 練 間 得 僅 縣 墨 几 不 容小 庠。 \mp 發家 猶二里。 溪 窮 金 高 Ш 小小 龍 勝 處 Ħ. 歷 111 殊家 兒 聞 里 猶 鎮之,爲睦寇盗去。 概 憩 有上宫名妙 出門相羊峯下,絶溪 出 謁黄帝祠宇,李陽冰篆額,今留 競 第一 釀。 而 會倅廳 有洞 秀未已。 行,三十里飯黄碧。 封 二十八 而 名 早復筆詩于版,各置醉 其 金 録所 一兵 中 庭,相去三里而 龍 有徐 、里宿 甚 楊 題 寬。 脚 氏 靖 竇 和 仙 小亭, 自 而 力 尚 通 都二詩 宣 西 紹 既倦,不 店 獨 村 和 一、去李 了, 數 興 峯下, 横 間 醪 口, 近 寄 里 嘗 跨 醇

里,宿尚書塘。里,飯諸應。行三十餘里,至龍窟。行五

一十三日乙巳,晴。 三倍。 溪坊酒 四十里,宿横塘暮嶺間張家店,途中 久之,猶能相望,將入山,舉手一 父由新塘路之四明,分袂于此。 深 頗佳 夜微 ,然比之黄碧 雨 即 行二十里,飯楊溪。 霽 味 不及,而 揖 田 而 間 惟 價 别。 行 售 又

二十四 微 先見同年姚 批旁,小憩一 行五十里,宿余店,蓋過 飯,力辭之。 雨 日 丙 午 尉,瀛。 ",晴。 行十 店。 ·里,飯 行十餘里,入 尉已 次見 蘇 愛 王宰,楫。爲諸 先至,再三留 谿 頭 孫 八 里矣。 家 東陽縣。 渡。 夜 溪 卒

義井夏店,過牌頭十里。里,飯羅嶺下篆坑何店。行三十五里,宿二十五日丁未,微雨作而復止。行二十二

一十二日甲辰,夜微霰,早陰晴。行二十七

擁楊家。行三十五里,宿灰竈頭於店。濬等回,發家書第二封。行三十里,飯高一十六日戊申,晴,風。過平歷,遇客將李

十七 店。 士人周忠厚。 日 行三十里,宿 己 西 晴。 同邸,清話久之。夜分,小 漁浦鎮上朱店。 行三十 里,飯 溪 東 口 陽 傅

十 頃 挽行十餘里,雨 尺,舟人失色。 既 和塔下登岸,已薄暮矣。 急,篙櫓 前,復挈 T 雨作 畢,潮 挽 又加一舟,蕩兀波間。久之,大舟 同 八日 繂 周 庚戌,微 努 落 行李裝載,勞擾良甚。 君 徐 舟膠。 力欲 行 行。 數里,三憩方到 少縱 霽 進,爲 近 雨 風 監 廟 渡属 静 復 辰巳 Ш Ш 上,久方得 始 石 君以 驅馳至嘉會門, 波不興。 間 用 所 晴。 渡 櫓 激 小小舟 又艤 頭 過。 進 潮 早 般剥 寸退 至六 E 棹 作 裝 又 食 既 方 載 飯

> 士人姓葉同渡。 閉關已久,宿俞家店。是日又有松陽

十九日 家。 夜發家書第三封 因登三茅 飯 罷 辛 侍 Ш 亥, 叔 晴。 舅 一步司 同 早 去 教 起 僞 場 人 謁 城,館 觀 副 仲 使 舅 曾 於 習 總 仲舅 射 管。

三十日壬子,晴。 霖。 季舅家。 中,成大。 去歲 書狀官也。 久之,竟不 發承 局 同去僞見劉察院,待范郎 繆欽 見。 又 歸 遇 ,以第三 客次遇 留 派 書行 蔡架閣, Œ 臣。 飯

十一月

日 平。 副 使會 癸丑 間 丘 監 晴。 丞、尤監 講 禮。 簿 何季 袤。 訪及。 膺、葉 先 仲 生、 舅 赴 憲

梁監 日 孟舅 甲寅,晴。 晚 門、叔玠 飯 同去偽習儀都亭驛 范丈、吕郎中。 IE. 己。 部 赴 中 景 見

府。梁郎中訪及。三日乙卯,晴。習儀驛中已不及,習於參政

四 驛 日 中,閱 丙 辰 天明 禮物 微雨 ,授衣衫。 即 霽。 翟 使、 楫 副 及 承 以 局 下 翁 習 葉 儀

行

,兩發家書。

仲舅招

副

使

飯

六日戊午,晴。 宋直温、 衣冠。 康諝、王 賈國 信、 抃。 驛 竑。 中 偕來。 大習儀,使、 六知閣 歸寫 張説、 奏藁 、張 副 以 掄 下 宋 鈞 備

叔强早飯於豐樂樓。七日己未,雨。侍叔舅偕去僞赴何季膺、陳

八日庚申,陰。發行李上船。

九 送 日 日辛酉 出 壬戌 門,張伯 雨。 晴。 下遞 飯了 純、 劉 檐 登 邦達 舟。 籠 送過赤岸, 高伯 定、 劉 景孟 君 任

> 十一日癸亥,晴。 迓。 弟于官窑 六書,發周 舅、姜子用、沈澤遠、王智叟約送長 水縮 舟 德 膠,牽 歸。 飯時 挽寸進。 午 過 過 長河 崇 德 九十里,遣 更 蘇 初 遇 彭 河 士 年 第 穎 來

十二日甲子,晴。 作。 至秀 李同 州 年 唐卿。 仲舅 人 飯 相 城 時過永樂,行二十七 見 口 謁 閘 頭登 舟 風 里

十三日 過吴江 姚 夕行 城回 漕 乙丑 相 訪 九 謁 十里 晴。 ,船由城外至閶門, ,仲舅破 又行四十五里,至平江。 四 睡見之。 更,行六十里,過 行四十 叔舅 别去。 Ħ. 平 仲舅 里, 望。

十四四 以 父子。 九十里,深夜去毗陵數里泊。 謝 日 去 丙 寅 春 中 先辱。 晴。 途聞 其 早 魏 到 子 城 無 師、子 錫, 遂 携 謁 智訪 刺 喻 謁 郎 及。 孫 中 饒 樗。 行 州

縣 并 Ŧi. 深 六 里 表 亦 一,待書 公醖 兄 里過 來 日 約 挽 皆 長 1 五 舟 卯, 奔 卿 更 延 甚 而 蘇、 牛, 矣。 晴。 人 已 駛。 别 李 船 又 同 别 生 相 + 徐 王 夜 于 朝 見 直 恊 八 行 作 荆 父候 里 恭 五. 谿 王 過 過 + 湯 館 江 于 吕 船 餅 兀 直 陰 門。 棋 城 里 Œ 戰 遣 父 己。 過 蘇 月 口 人 丹 明 彭 惠 訪 行 陽 茶 水 + + 年 李

恭 沈 六 後 又二十七里 抑 到 日 同 强 戊 集 鎮 中立。 辰 江 使 晴。 0 人 一,過 以 既 通 水 迓 問 丹 行 于 澁 於 徒 門, 王 鎮。 + 良 侍 七里, 又携 久方 行三 御 具 抵 + 小 館 丹 泊 六 F 陽 里,午 新 館 豐。 協

窮 强 \pm 侍 日 去僞 御 己 勝 處 已, 别 而 侍 侍 晴 Ì 御 御 E L. 聞 寶 在 館 泊 節 門 盤 舟 首 櫛 金 座 侍 Ш 心 季 仲 鑑 大 舅 舅 約 皆嘉 百 欲 同 沈 口 遊 州 抑 謁

> 詩 仲 口 集 舅 道 侍 招 别 御 副 一鼓 方 又 使早 方散 赴 辱 夔州,不謂 和 飯 篇 抑 强復携 入船 得 别 見 具 於此。 其家 來, 嚴 遂 墨 以 歸 小 卿

+ 遞 州。 作 1 相 晴 副 達 迓 日 和 到 親 胡 庚 城 江 無 干 中 撫 俟 午, 庭 風 幹 水 行 先登 晴 仲 澁 李 俄 文。 頃 Ŀ 舟 更 四 坐 至 以 餘 更起,天 俞 船 待, 瓜 方 尉 洲, 出 沈、 即 茂 城 登 行 先 微 嚴 岸 明 薄 陸 發 即 君 未 第 暮 泰 從 相 興 幾 至 七 送 使、 況 風 書 楊

+ 九 等 見 來 手 爲 於 過 香 日 鍾 П 舟外 引 辛 四 仲 仲 貼 接 未 舅 ...舅 送 起 晴。 少 方 爲 狼 相 選 與 發 \equiv 頭 見 胡 鍾 親 鼓 帽 0 漕 尚 庭 前 報 昉。 書 第 Ŧi. 送 處 指 對 1 徐 伴 州 書 子 知 語 湯 鍾 各 閤 又 因 尚 路 本 以 與 書 分 中 副 湯 小 世 逢 船 略 舟 時 明 拂

高 尔。 邵 到 一十里 郵 伯 仲 張 去 舅見 一,夜 仲 帆 揚 舅 而 過 州 之。 行,三十里 人 纔 塘 城 頭 四 約 П + 四 謁 Ŧi. 更 過 里 方 兩 露筋 以 得 岸然草 行 夜 三 十 來 留 辰 如 里 滯 時 故 到 到

十日壬 + 過 里 范 過 水 黄 申 三十五 晴 蒲 十里 里 三十里過 至 過 寶 平 應。 界首 柯 橋 夜 了, 二 十 風 雨 行 Ŧi. 里

+ 過 П 淮 揖 謁 於 日 陰 癸酉 舟 ,三十里過 登熙臺,應 次。 晴。 三十 聞 辰 Ш 里過 家 時 陽、 峰 到 藏密。 磨盤。三 楚 州 仲 晏 + 判 舅 官 里 入城 夜 喆

+ -應。 廟 頭 家 神 渡 掛 日 幡 開 極 淺,欲 甲 閘 東 又過 戌, 張 北 帆 風 爲 晴 數里 作、欲 般 三十 + 剥 ,舟膠而 里 計 候 里 過 酉 使、 到 瀆 潮 止。 洪 副 頭 澤 (),使、 而 借 前前 申 潮 副 初 於 去 上 己 瀆 歐

> 十四日 十五日 轄、熙 早 偕 響 十三日 酌。 副 季 淮 Ŧi. 亦 胎,泊燕館 食,軍 先期 擺 也 季 天 舅、去僞分冬,發家書 里。 慶 舅、 遍 載。 泊 觀 T 行 觀 Z 丙子, 而 衙 去僞 Ш \pm 行 磨 朝 + 亥, 應。 丑,晴,冬至。 下。 晚 下。 幹 崖 人 拜,歸館望 Ŧi. 食。 晴。 遊 辨。 晴。 歡 里 談 石 見監 襲守鋈。 第一 笑過 刻 呼 至 茂。 未明 早出 龜 而 鎮 見 Ш 歐 龔 Ш 行 王 9 周 第九 拜兩宫,各展 玻 携 早 淮三十里,至 守 家 東 九思。 司 以 且 具 瓈泉,冰 起 就 渡 北 法、深。 封 風 感 宴 館 乘 風 附 去 使、副 大 神 曾同 馬 大作 請 搋 貺 瀆 不 使、 陪 不 譙 之 頭 口 舍 賀。 使、 可 出 盱 如 副 提 約 潮

一十六日戊寅,陰晴。 習 儀 館 中、依 例就 皇 華 使、 館 副 犒 以下 節 具 衣

一十七日己

卯,

晴。

盱

胎客將

李

寶

渡

淮

探

問

一、一更長, 青。 室 養、一 妾 芹 葚 庄 厚晚會, 偕季舅、去僞赴王幹辦之招。

+ 會 使、 館 伯 尚 接 銜 夫、侍御 百户 伴 書吏部 副 須 食邑七百户 發第 使、 少 H 其 燕 頃 庚 史、騎 至 賜紫金 副 亭 郎 九 辰 犒 同 名 上。 中 書。 北 銜 都 Ŀ 晴 以 唐括 魚 引 偕 遣 尉 袋 輕 Œ 接 日葵、 季 掌 盃 車 高 廣 安 使 禮 舅、 儀 都 而 德 德 陵 信 昭 張吉 去。 尉 去 裕 縣 引 司 武 彭 副 開 僞 接 高 歸 大 移 使、 或 使, 赴 等 城 琚 將 舟 男、 譙 副 等 渡 朝 郡 軍 淮 提 傳 食 淮 奉 開 坐 亭 燕 行 轄 品 或 到 傳 大

一十九 然 茶 渡 淮 酒 節 至泗 日辛 至館 互 分 E 州 位 天 使、 草 馬 館 明 是 副 雪 城 使、 Ħ 望 作。 天 與 拜 〈季舅 如 副 色 使、 儀 開 互 别 副 各 霽 展 以 起 就 和 下 居 幕 氣 E 狀 次 翕 時

十二月

日 縣 少 八 臨 季 口 異 札 王: + 境 知 淮 庶 0 尉 掛 午 有 奪 劒 僚 又 虜 徐 晴。 聞 之所 耳 法 客 城 宰 牛 士: 本 車 相 夫 以 行 徐 亦 駕 又 無 六 或 1 不 車 免 + 免,惟 爲 + 捶 嬴 里, 里,宿 撻 客 姓 者,太守 臨 以 所 紫褥 有 淮 訴 青 陽 徐 縣 鞭 藉 早 君 鎮 至 條 驛 地 墓 頓 橽 子

二日癸未 驛之 皆 宿 鹿 移 前 以 城 門 就 燒 於 靈 起 石 西 不 草 鄰 拆 壁。 寺 間 ,晴, 保 有 容 聞 中 去。 其 車 行 待 古寺,大屋二 截 恐 數 ,乘 風。 聞 E 使 藏 馬 里,汴 北 客 多米元 姦 前 馬 車 虜 盗 入驛。 西 ·行八 新 飯 去。 違 水 章 法 後 斷 層, 十里, 者焚其 路 諸 乘 市 流 兩岸皆奇 公 馬 瓦 井 旁 遺 以 行 多 虹 居 居。 家 刻 瑠 1 在 縣 民 獨 + 璃 早 城 有 盡 處 近 里, 外 頓 年 者 \$ 柱

運 用 馬 虜 角 城 凉 縣 尺 虞 靈 之。 始 特 外 餘 帖 也 法 插 姬 壁 甚 金 皂 東 Ш 墓 成 理 牌 隆 木 旗 岸 在 上 會 縣 靈 牌 走 有 興 西 尤 買 遇 壁 岸 間 叢 最 八 多 撲 道 賀 兩 荒 急, 騎 我 祠 坊 有 Œ 岸 皆 草 得 場 粉 漢 銀 人 人家 日 宣 中 泗 壁 使 牌 高 行 政 横 云 遞 帝 虹 皆 七 花 先 鋪 . 安二 廟 百 瓦 以 石 排 木 皆 準 也 屋 里 牌 綱 此 兩 築 石 南 9 墓 所 馬 1 板 軍 淮 京 亦 爲 遺 南 塢 期 皆 有 都 北 相 界 也 荒 則 鋪 轉 几 小 去

行 又六 其 日 畢 整 中 至 甲 聞 + 申 費 是 此 亦 里 有 河 Ŧi. 晴 出 月 作 益 宿 於 下 堙 屋 車 宿 民 塞 旬 其 行 州 上 F 六 幾 城 畔 + 與 自 中 旨 州 里 岸 離 人 揮 城 平. 泗 静 物 重 新 州 安 頗 修 築 車 繁 鎮 循 雉 馬 限 早 庶 汴 堞 皆 几 頓 其 而 麵 旬 由

> 手 保 湯 之, 東 多 及 破 護 加 酒 每 爲 0 逃 城 之 藥 郎 額 以 樓 斤 睢 陌 歸 之 蔡 負 廟 葦 地 而 數 水 以 郭 百 初 前 蓆 所 拜 爲 Ŧi. 六 坑 創 縣 0 有 甚 驛 之 一經家 每 + 殘 埋 + 下 市 偉 有 日 舍 不 兵 之士 之。 馬 符 倒 肆 鄰 流 餅 粟 止 其 大 亭 離 卧 列 郡 穀 子 寺 犒 不 即 中 脚 觀 治 即 每 風 跨 數 以 項 此 能 庭 引 無 斗 李 藥 所 羽 街 縣 有 自 顯 禁,老 書 百 慰白 鐶 界 破 井 力 忠 皆 榜 鋪 去 忠 漢 駐 士: 州 日 + 承 斬 自 悉 般 者 軍 卒 軍 平. 李 碎 投 於 清 或 販 粟 憤 于 里 時 福 者 於 官 平 靈 米 以 此 惋 李 尤 虜 辟 倍 手

儿 雪 鎮 日 早頓 Z 即 酉 止 0 陰 又 晴 四 風 + 作 五. 里 車 宿 行 兀 柳 + 子 Ŧi. 鎮 里 晚 蘄 1

五 H 丙 戌 霜 寒 頗 力 行 人 鬚 髪 皆 冰 六 +

城 於 里 E. 此 在 永 今縣 縣 城 漢 縣 地 西 更 有 早 敬 北 頓 芷 丘 驛 Ш 爲 又七十里宿 與 中 太 碭 猶 丘 有 Ш 陳 燈 相 寔 接 會亭鎮 嘗 漢 縣 爲 本 高 芒 帝 故 隱 敬

六 日 亭, 陽 不 朝 穀 袁 雄 欲 白 市 南 换 熟 「果木 養兵 井 可 1 窮 餘 政 亳 驢 名 製作 問 甲 亥 城城 益 和 湯 三十 卒 之。 之 解 霜,晴。 外 甚 中 所 自 愠 絶 豐 雄 多。 造 觀 及 都 Ħ. 言 云 古 河 0 歎 者 驛 城 也 里 西人,月請 以 今 傾 承 馬 感 多 前 中 穀 兩 車行 應 圮 不 閉 行 猶 皆 縣 熟 傍築 已 Ė 户 十八里, 又二十二 有 外 縣 步 四 甚 有 以 徐 早 兵。 有 + 小 自 伍 太 南 窺 頓 虹 言 士 Ŧi. 伯 驛 京 宰 大 橋 墻 里, 入南京 姓 短 日 里 城 夾道 縣 樓 路 錢 趙 至. 樓 Ħ. 跨 沙 睢 即 日 樞 者 甲 金 弊 汴 側 聞 商 Ш 陽 城 睢 果 有 損 騎 甚 本 之 出

> 升 鄭 池 德 歸 也 居 應天 府 德 者 戊子,晴 宣 蓼堤 武 徽 軍 漢 府 等 節 王 按 皆 梁孝 度 大 封 此 ,祥符七年升 在 本 宅 微 地 此 車 多多 子 即 王 朝 行 啓 高 所都 春 以 爲 六十 辛 秋 是 官 王 氏 業 中 隕 爲 兔園 南 里 子 石 所 所 宋 京。 閼 寧 Ŧi. 國 占 基 伯 平 陵 猶 虜 景 後 亦 所 臺 存 縣 改 德 唐 有 居 早 鴈 子 以 曰 兀 商 頓 鶩 歸 年 爲 孫 F:

七日 襄公所 開 於此 又 古葛伯 改 封 拱 葬 州 崇 國 又六十 故故 治 寧 湯 四 襄 日 所 里 年 襄 邑 征 宿 建 陵 也。 名 拱 ,虜 本 州。 宋 魏 輔 H 承 信 州 濉 本 王 陵 州 襄 以 襄 君 邑 陵 爲 無 縣 東 鄉 忌 輔 也 屬 封

八 日 縣 城 人 鎮 猶 故 己 在 杞 丑. 國、武 東 晴。 杞 南 縣 本 王 車 祖 漢 封 行 逖 圉 禹 六 鎮 + 縣 後 此 東 里 屬 樓 一,雍 以 睢 公, 禦 陽 丘 石 故 或 縣 勒 至今土 早 王 頓 莽 幸

使、

副

以

下

具

衣

冠

上

南

京

新

宋

門

舊

日

家 趙 墓 生 監 東 擊 并 來 縦 絹 杜 里 木 變 云 之地 衣 從 觀。 在 翟 0 但 故 驛 然 同 都 裝 自言! 又 義 側 名 中 所 薄 監 又 爲 有 我 也 耳 有 甘 爲 數 藏 而 向 斷 0 邑手 葵丘 鄉 共 蒼 心 小。 京 T 里, 來 碑 又 又行 Ŧī. 里 栢 也 觀 里 分, 卧 人 不 員。 過 0 此 口 齊 於 有 <u>-</u>+ 餘 善 許 其 愛。 宿 間 邑有 威 此 被 下, 人 過 陳 塚 只 見 公 軍 里 看 税 伊 是 令、 縣 留 所 南 漢 日 子 南 輸 本 縣 過 駕 尹 舊 家 外 會 簿、 搜 使, 粟 鄭 墓 空 時 湯 車 黄 去 有 也 得 及 尉 邑, 唯 桑 風 相 近 人 縣 雍 米 範 自 伊 必 爲 被 年 伊 酒 承 故 F. 言 尹 大 致 陳 六 方 尹 亦 税 應 虜 但 城 + 之 枯 得 姓 所 破 過 改 納 都 人 所 在

九 日

庚

寅,

晴

0

塘

路

頗近

П

好

門

外

有

廟

曰

靈

賓

曜

亦

列

門,

由

家

遺

址

人

舊

宋

各

掛

牌

左

日

皮

場

之

觀

_ 0

又

有

灓

將

軍

皮

場

廟

甚

飾

雖

在

深

寺、

E

清

儲

祥

宫

頹

毁

街

北

望

見

景

德

開

車 古 行 塚 四 相 + 望 Ŧi. 發 里 掘 道 無 傍 遺 多 至 陂 北 廟 處 已 寶 臺 以 馬 舊 儀 城 裹 有 塹 東 朝 門 有有 甚 寺 寺 門, 亦 人,内 大 壯 粉 御 日 頹 陽 塔,云 城。 二塔并 彫 壁 且. 園 望柱 設 麗 東 垣 金 殘 整 日 小 右 景 城 敵 滿 虜 尤 膀 京 下 信 亭 日 城 樓 夾 壯 在 相 目 街 日 猶 城 七 列 少 路 破 次 濠 皆 今 南 去 麗 陵 寶閣 在 靈 弘 三門, 虜 憩 之所 側 植 尚遠 回 有 坊」, 華 應 大 柳 日 聖

甕

城

有

樓

間

次

方

如

引

繩

然。

先

甕

城

樓

雄

偉

樓

櫓

壕

城城

外人物

極

稀

踈

蓋

無忌之遺

迹

城

冠

以

大

樓。

由

南

門

倉

屋

甚

多

望

見

婆

驛 衆 故 内 不 宣 相 鄭 汴 如 或 或 有 護 屋 寺 指 知 德 舊 對 耆 太 河 宰 幾 樓 製 婆 五. 過 如 圖 也 兩 但 逆 相 代 間 宅 門 下 服 故 西 故 使 西 亮 輪 而 F. 御 有 飾 裹之左 E 偏 街 時 西 基 每 E 甚 元 廊 Ŧi. 樓 己 南 大 南 月 址 銅 驛 數 異 門, 特 廢 無 角 此 并 珠 亦 基 + 右 内 爲 戴 起 巷 有 必 州 以 尖 兩 本 步 皆 以 瓦 白 其 小 傍 \equiv 宣 橋 左 有 街 遺 子 過 中 樓 朝 之老多歎 朵 暗 和 稍 1 闕 北 火 矣。 交 以 都 中 樓 浮 移 日 右 亭 即 殆 待 鈔 官 尤 開 屋 明 0 向 甜 所 盡 遼 奇 寺 員 買 東 門 列 水 使 息 新 之 人 賣 也 横 觀 巷 掩 _0 都 猶 者 御 大 造 南 過 兩 泣 亭 相 間 是 甚 約 大 塔 廊 调 即

+ 日 備 平 辛 者 説 卯 有 多 言 能 陰 其 言 晴 父 舊 囑 歇 事 之 泊 後 曰 承 生 . 應 者 我 人 亦 E 有 云 見 及 汝 父 見 母 承

曾 作 役 當 以 諸 虜 盡 私 床 副 語 4 冠 得 百 云 其 錢 號開 遇 使、 穢 覿 侍 及 以 餘 見 見 人 取 之家陷 處 舊 中 蒲 其 自 故 浚 物 快 語 見 亦 事 皆 簍 民 錢 盡 左 副 多 詆 活 給 河 糧 有 貫 分分 過 泣 於 交子 數 連 是 之。 膏 貨 時 南之 官 日 短 此 0 杠 於 血 市 有 附 盏 不能 望 陌 者 不 導 贵 又有 榻 以實 此 舊 中 也 民 衆 勸 接 物物 復 知 提 南 皆毁 親 貧 E H 車 酒 之以 送 巢穴, 檐 都 点甚,錢 向 有 瓶 事 供 以 萬 禮 有 翼 管 俸 閣 坐 抹 北 留 官 重 旗 定 數。 福 而 愠 廳 \equiv 守 舊 自 役 言 仰 殿 府 包 價 亦 歲 退 其 E 四 來 告, 言 待 其 庫 又 倡 益 歲 不 主 以 責 + 謁 月 言 子 制 爲 多 留 優 如 接伴所 少 人 付行 堪 年 接 得 弟 0 在 守 舊 尚 此。 戎 之 貪 騎 其 伴 設 粟 就 塗 酋 猶 有 H 勞。 使 京 又 得 或 胡 驅 中 末 衣 未 Ŧi.

+ 錫。 來會 後。 褥位 微 者胡 位 遠 勑 位 烏古論 左 宴,并賜 承 =一行,再 抗 節 帶 厀 兩 璋 日 應人各與 拜 賜 歲 先引 燕 使 人具衣冠出 \pm 禮 今差璋 與 展 叉手受賜 音者 卿 元 旌 璋 辰 ,次揖接 接伴、天 教 喏 立褥位 再 使、 等宴,仍差 ,適冒寒威,宜 傳 晴。 坊樂。」使、 者 爰 傳 少 賜 尤使 副 猶 增 П 香 卿 宣 東 宣 賜 是 使 接 茶 伴 原 Ŧi. 等 云: 引 人傷 北 宴。 中 退 對 伴 隰 拜 紅 云 酒 接 南 向 原 0 位 副 舞 之 0 立 果 果。」使、副 歎 石 就 禮 京留 既 前 蹈 華 舞 加 子 聞 卿 卿 日 幕 傳銜 數。 宴勞。今遣 或或 如 蹈 等 等 勑 節 側 次 對 宜 守耶 儀 Ŧi. 遠 跪 來 兩 人 揖 跪 有 語 與 拜 朝 立 使、 捧 持 拜 而 或 律 搢 甘芳之 還 音 璋 天 表 歲 使 使、 喏 副 茶 立 笏 成 亦 又 了, 正 節 日, 聞 使 褥 跪 押 具 副 就 酒 率 有 跪

> 笏離 楪,比 蓋罷 品 悉記 糕 餅,次 升 宴先 肉 行 飯 璋 使 與 源 Щ 麋、 廳 升 退 拜 肚 位 廳 升 跪受 即 源 又下 裹 平 腰 = 廳 占位 與與 羹,三下 次大茶 少立。 蒸 引 而 子 節 日 表 側 押 來, 攢 、蠟黄 押 羹,次 又 方 東 立,使、 宴 宴 却 加 魚、 坐。 三節 飯。 仍 向, ·餅子 出 I 對 以 以 醎 茶 批 巧。 南上小立,俟使、 授 展 初 先下大棗鼓 與 供 人 豉 , 五下魚, 不 副 食。 訖 羊、餅子之類 盏 璋 接 東 頓 等五 拜 别 燥子 伴 之物 北 仍 就 舞訖 以大 下 拜 楪 向 送 座 松 粉,次 舞 雜 土 盤 繼 子、 再 與 謝 曉其意, 之,兩下 點 物 貯 拜 即 接 恩 不 糖 湯, 與 肉 副 伴 數 大 几 呼 之。 餅 能 端 + 油 噪 對 押 初

^{● 「}鼓」,殿本作「豉」。

出

封

E

虜

安遠」,

虜

順

常」。

東

過

左

掖

出

馬

行

街

御

廊

過

宣

德

樓

側

東

角

一日

癸巳

晴

五.

更

出

覿

往回

自

此

展

辭

狀

即

與

接

伴

對

揖

百

人,共有

八

千

人戰,符

離

一每賜宴禮數準此,食味樂次大同 次餅餤三,次 「玄武 次半 響三 節 飯、大 驛 押 耳。 樓 立 頭 次皆有 土 歸 河 先 宴、 以 物 位 次 穿 中 新 北 下 頭 就 第 待 送 升 簇 御 接 有 封 過 潘 與 假 小 班 十二行 謝 東 街 伴 廳 丘 東 樓 飣 亂 璋、 鼈 雜 押 帛 恩。 門, 使、 華 謝 街 次 椀 小 成 循 宴 銀 餘 凡 異 宴 頭 私 副 依 或 萬 東 互 雙 椀 皆 次 言 兵耳。 費 户 力 裝 路 南 千 女壻 歲 而 又 比 、與之。 散 五 東,面 人 敗,止存 户二十一人,各有三四 共之,下 四 南 門 Щ 八十緡 所 迫 + 所 摇 戍邊十年不歸,苦於久役,今又送 + 以通壇,皆荒 簽軍 能 有張千户者,向來率其 動 五 弃 貫者招 稍 於嚴 南 或云 納錢 敵 里,宿 也 指 盛 遇 至一 ,中開三門, 數十人, 王 誅 日 符 新 北 於官 耳。 師 二千 胙 車 以 離 郊方 軍,不及五 制大定十年爲始,凡 皆 行 墟 城 望南 之戦 若 不 坐 縣 也 以 四 者 壇在 甚 左 + 此 亦 供此

進

第十

=

行

茶

罷

與

例

勸

F

中

節

酒

罷

云

所

賜

初

不及,皆文具

拜

表

庭

下

如

儀

再

送

璋

作

樂

以

送,亦

有

雜

劇

逐

三行

樂

次

筝、笙、方

F

灌

漿饅

頭

次次

粟米

水

羊

頭

次媽

肉次

剗子

右

開

掖

門,

西

路

西,

青

城

在

北

門内

外

,人煙

五.

里

飯

封

丘

途

中

遇老父,云

其

俗盛禮也。

爲

犒

使、

副

以

下

皆

離

兵之來,

何

東

京

無

備

與

之

盡

力,

非

盡

力

往

往

戰

除

籍

爲

民

又

不

免。

每

軍

費

東

京

有

十貫

者率

數

物

衣

率言大 決 臺 蓼 梁 路 煬 堅 去 蔡 武 魏 按 Ш 封 極 衛 堤 帝 舊 府 軍 東 凝 目 河 本 詩 東 用 夷 所 節 後 自 開 京, 也 荒 損 中 魏 柴 古 師 (梁君 浚,兼 汴 度 蕪 睢 甚 大梁 立 春 木 原 琵琶 浚 曠 唐復爲 使、後 河 胙 陽 蕩 多。 作 秋 思 梁 横 都 臣 城 至 古 引 然 漢 衛 疊 州 溝 孝 城 欲 之 也 此 汴 莨 梁 無 之 河水今與 汴 其 得 陳 也。 之 主 後 南 以 心 三百 蕩 水。 可 州 L 東 增 九 有 周 有 鄭 守 州 雖 渠,首受黄河 鼎 寒 門 築 沙 晉、 改 積 南 之 開 建 甚 里 泉阪 謀 草 海 汴 南 湖 或 侯 或 封 地 切 漢 祥 , , 州 土 之 嬴 於 縣 湖 吹 去 得 , , 符 升 然 周 戰 沙 境 有 以 通 抱 臺 歲 興 縣 爲 之 河 詩 或 海 戦 行 衝 浚 弱 今 本 有 東 元 Ŧi. 亦 水 南 之 策》 溝 車 於 所 日 朝 京 爲 或 斷 月 難 之 夷 馬 此 繁 謂 即 古 門 顔 隋 大 開 宣 屬 河 於 地

> 之宰。 滑 魯。 之匡 始 袁 胤 富 時 封 爰 父 皇 相 佛 州 也 辰 有 國 邑,孔 於此 盻 持 縣 日 故 寒 , , 有 之 以 鄢陵縣,克段 0 南 泉 黄 左 所 叛 燕國 子 凡 河 有 在 池 傳 决 畏 浚 蔣、 陽 **>** 中牟 金 於 吴 所 周 之下」。 武 堤 邢、 \pm 謂 匡 公諸 縣 臺 之 亦 夫 周 茅、 有 古之蒲 地 此 差 以 是 子 愽 也 地 中 胙、 所 封 所 爲 浪 牟 會。 官 父之繁 封 祭, 沙 邑, 長 縣 封 渡 丘 垣 周 胙 子 張 \sim 城 趙 左 縣 縣 路 公之 城 弱 良 襄子 傳 古 擊 屬 賜 爲 衛

 $\dot{\equiv}$ 河 指 有 E 積 里 日 示 冰 甲 泮 柴 方 因 使驅 午 聲 得 草 河 決 E. 爲 晴。 車 打 渡 遇 路 疾 損 深 甲 五 行 今歲 險 餘 口 更 岸, 處 車 河 措 車 行 心 即 去 置 馬 有 年 有 四 行 沙 只 人 + 墠 其 跣 就 使 Ŧi. 甚 上 立 淺 迁 里 闊 道 策 水 到 行 策 黄 傍 冰 數

+

四

日

Z

未

晴

五.

更

車

此

也

有

滑

臺

本

鄭

之

廪

延

良

以

報

曹

公,酈

生

一所

謂

守守

滑

即

古

豕

韋

氏

之國

春

秋

郭

白

馬

縣

本

衛

或

曹

邑

狄

以

廬

于

曹

袁

紹

遣

顔

良

於

潭

有

大

碑

蓋

亦

是

昔年

灰

洞

蓋

前

路

有

甚

於

此

者。

店

車

行

四

+

Ŧi.

里

宿

滑

州

Ш

夾

道

塵

埃

最

甚,

咫

尺

不

數

里

馬

行

 \equiv

里

許

飯

武

數

丈。

此

李

固渡,本

非

通

途

寒

下冰合僅二

寸

許

惟

通

有

黎

陽

Ш

相

直

橋

之

陂

澤

遺

堞

在

今郡

城

有

大

碑

聖

旨

書

副

以

下

露

坐

其

中

分

數

舟

以

9

抄

兩

旁又

以

大

枋

爲

槳

併

登

舟

渡

舟

底

平,

無

篷

屋

河

決

時

所

淤

積

者

行

人

0

於於 白 兵 城 二十五 白 滅 戰 可 河 力 路 船 浮 馬 舟 渡 車 鎮 辨, 馬 衛 或 决 喝 之津 途 西 馬 橋 頭 處 屬 所 号 中 里 歸 立 有 俗 品 盡 風 相 見 衛 瀦 名 至 戴 號 有 字 羽 静 於 去 水 使 也 負 龍 尚 斬 用 此 公 小 + 沙 不 面 之北 它艾。 過 然 檢 饌 御 太行 猶 濬依 Ш 州 有 兩 大 天成 使 0 伏 岸 重 後 嫗 以 有 河 城 宅 城 外 道 立 道 是 築 派 名 存 也 Ш 橋 眷 日 經 · 望 婦 遇 縣 者 爲 談 紹 自 流 乘 伏道 供 興 與 細 州 馬 良 此 扁 橋 舊 馬 而 太師 黄 與 車 聞 IE 初 子 行 久 州縣 入城 鵲 以 河 E 河、伏 接 使 自 上 河 河 三十 而 城 却 墓 濟 皆 伴 北 有 失 魯 鱖 可 去。 據 有 行 爲 使 來 大佛 故 胡 魚 或 早 里,過 至 道 城 墓 者 通 Ш 道 跪 有 頓 公蔡 復 燕 先 甚 壁。 店 前 途 E ,拱 連 蕩 車 牌 Ш 多 鮮 與 故 望 屯 東 京 行 生 各 市 范 手 館 東 云 爲 而 故 子 湯陰縣 州 廊 奉

井

一 艾,功倍

於

縣

几

+

五.

里

摇

肘

爲

禮

下

車

相

公、

善

化

虜

又

名

河

河

出

肥

始始

作

家

「蔡

州

都

巡

城 勝 在 河 南 東 南 縣 屬 相 州 本 漢 蕩 陰 縣 羑 里

門 從 建 大 記 所 茜 後 如 也 又一 盛 州 五. 東 夫 化 草 趙 堵 便 南 城 日 皆 大 望 馬 雖 也 最 石 外 丙 大 彰 多 樓 + 罋 傍 申 行 規 季 大 酒 安 金 德 門 故 城 龍 夾 模 街 巷 樓 五. 陽 正 晴 每 軍 外 甚 里 直 中 街 隆 日 驛 相 + 前 節 過 相 草 北 朝 又 三年 纈 四 里 燕 西 安 康 早 度 即 草 歌 有 出 更 名 置 慕 無 陽河 使、 樂 頓 河 琴 城 朝 天 車 然 容 名 亶 樓 月 下 9 開 京 行 紂 馬 所 雋 甲 馬 日 東 <u>一</u>十 至 門 或 鋪 亦 俗 所 創 所 北 起 月 更 公 十六 見 都 雄 傳 居 牌 城 Ξ 齊 九 衣 鄭 白 及 也 漂 偉 也 皆 日 層 亭 魏 日 建 風 所 里 杵 人 都 文 中 通 過 元 觀 秦 清 煙 至 光 有 至 餘 帝 豐 移 此 禄 脊 遠 者 樓 尤 出 相 m.

樂 壯 晉 雄 發 塚 鎮 聞 北 與 中 中 曠 城 有 流 碑 即即 矣 世 高 鎮 掘 將 魏 行 有 多 膏 樓 也 几 少 水 里 臺 沙 岸 石 沃 銅 傳 曹公祠也。 居 西 六十 一,於 子,俗 經 中 甚 平 或 甚 西 雀 口 曹公之葬 桑棗 民 白 講 駛 望 云 高 臺 望 阪 又 頗 闊 餘 里 太 武 故 鄴 其 多 數 載 處 相 傳 叮 過 行 步 城 鎮 城 基 家 作 里 數 冰 可 望 滏 人 皆 外 頗 猶 塚 數 柴 猶 有塔 復 里 澌 以 河 磁 以 高 在 築 爲 間 世 橋 有 至 以 暖 渡 州 此 丘 風 土 小 上 又 所 以 漳 壁 東 腹 人 昔 古 惑 城 相 埃 塢 有 有 渡 葬 壘 河 爲 後 望 都 小 號 所 以 觀 螭 0 門 聞 南 縣 皆 小小 自 橋 蔽 氣 水 首 層 魚 有 號 水 向 與 象 縮 碑 在 衛 亭 冰 虜 廟 使 黄 盛 循 州 七 即 + 雄 其 沙 峨 + 以 漳 治 聞 屋 不 時 河 河 各 頗 地 出 地 爲 支 有 其 行 平 相 新 是 至

十六

日

Ţ

西

晴

自

南

京

來

飲

食

日

勝

河

北

尤

佳

口

以

知

其

民

物

之盛

否

自

是

不

必

路 門, 隸 家 收 監 狀 使、副 之 中 + 有 近 虧 若 課 東 欠 校 貌 是 本 年 以 又 篆 至豐 又 等, 不 尉 甚 郡 額 北 州 得 宋 禮 以 牌 本 之 調 偉 名 庠 酒 字 賓 寸 朝 下 望 官 非 州 目。 餘 税 進 妻子 甚 衣 坊 法 有 焚 見 雖 以 以 務 錢 穩 冠 度 1: 香 崔 以 相 甚 以 自 大定 不 亦 又有 以 未 人十 遥 纈 自 府 高 少二 給 又言 楚 行 償, 謁 百 别 君 説 楚,呼 也 東 餘 未 Ŧī. 疋 吏 廟 亦 百 别 雖 並 溪 分 是 免 民 年 不 靈 事 干 至 無 既 在 獻 日 所 鑵 問 恤 星 使 多 俸 無 驛之東 接 且 今此 夜宿滏 相 楚 之,云 7 門 不 用 禄 差 伴 得 州 且 并 問 只只 遣 成 間 俸 過 承 歎 姓 廟 坐 甚 禄 以 多 應 陽 與 聞 惠 E 馬 棟 有 只 活 奴 養 所 人 驛 其 政

字 之北 又 鎮。 家 \equiv 建。」「吾古論 將 主 高 舊 處 三合曾以 極 阻 城 聞 賣 吏 者 干 寬 軍 漳 饌 城 廊 及 祖 酒 洺 雜 虜 方 潔 水 樓 矣。 征 户、 充 戰 人 分 甚 皆 前 河 陳 居 中 洺州 及 或 吾 有 食 使 兵部 出 壯 豨 有 車 趙 掘 教 有 省 知 亭 實 其下 至 皆 行 都 副 學 防 大 地 榭 無 部 意 此 封 等 侍 七十 禦 舊 位 廳 深 者 能 文 即 官 郎 使 物 漳 闊 隸洺 日 亦 爲 移 一烏 馬 傍 來 百 里 水 也 廳 以 也 護 行 列三 可 漢 户 泗 官 古 相 有 0 邯 此 州 豨 軍 四 官 州 論 吾 未 脊 去三十 司 爲 趙 鄲 永 不 + 几 節 理 開 古 記 至三 牓 契 别 年 縣 王 南 里 尺 會俘 位 虜 或 論 示 丹 縣 叢 早 據 「鎮 次, · 里 許 里許 語 侯、 各 宿 道 臺 邯 頓 女 虜 訛 合 塊 用 傍 食 臨 或 廳 館 在 鄲 直 耳。 數 其 邑 洺 漢 重 後 大 舍 縣 有 有 而

聮 餘 塊 狗 風 識 鼠 爲 以 尸 以 之 認 棚 備 禦 棚 害。 則 虜 寒。 煖 其 盪 俗 從便 上 立 行 河 瓶 以 葬埋 有 朔 貯 牌 荆 死 之 酒 以 棘 者不 朴 否 記 覆 苕 如 則 其 其 埋,立 . . 任之。 此 名 尸 爲 , 姓 望 以 道 四 年 防 木 石 中 月 鴟 高 有 炭 梟 有 丈 數

七 臠 水 層 里 縣 市 教 地 至 載 疊 門 至 肆 柳 ,寺宇亦 坊 日 屬 岸 直 邢州 之 溪 牌 東 戊 椽 邢 北 唐 <u></u> 額 對 高 戌 木 州 一,今榜 多 有 州 岸, 雄 柳 如 巷、 晴。 寫 邢 衙 壯 公 柱 縣 流 Ш 一般」作 立 權 礎 日 東 有 觴 車 出 節 然,青 北門 遺 人那 重 安國 行 曲 坊、 跡 邢 城。 \equiv 水 外陂 퐖 沙 成 一十五 . 瑩如 臺 軍 亭 _ 爲 , 義 换 驛 -碾 榭 塘 邢 驢 早 菜 有 坊 里, 玉 冰 甕城 數 臺 行 頓 大塔 石 所 厚 熙 所 游 過 尺餘 用 暉 + <u>-</u>-觀 過 沙 引 樓 也。 重 之 里 溪 Ŧi. 河

> 都 張 邢 Ш Ŧi. 调 出 賓 也 王 里 沙 即 宿于干,飲 0 張 春 宿 曰 河 内 耳 秋 數 内 丘 後 邢 處 丘 襄 亦 或 趙 縣 或 春 餞 屬 石 因 衛 夏 于 邢 勒 沙 滅 間 言」者。 Ш 有 皆都 河 憑 之, 皆 干 縣 險 不 戰 言 焉 可 漢 形 或 Ш 徒 襄 屬 勝 · 勒 涉 之 趙 詩 陷 或 地 冀 縣 漢 所 几 州 地 常 謂 + 口

十八日己亥,晴。 宿之地 武 所 元 著 廟 頓。 廊 欲 十 姓 立 開 廡 有 北 故 氏 舊日 九 元 塑 廿 年 有 基 渡 壁間 像 本 堯 六 甚 滹 + 年 郡 坐 Ш 沱,有 石 廣 畫 立 進 即即 而 里 二十八將。 皆對 車行六十里, 侍 宿 士李雲撰 碑 栢 皆 者四 二人 趙 石 人也 腰 州 露立 個 斬 人,云 捧 文 道 范 道 漢 漿 者凡 也, 廟 傍 高 中 以 陽 屋 是 栢 餘 過 祖 進 四 宰 盧 止 俗 皆 鄉 心 漢 一,行 相,不 規 云 本 動 縣 光 間, 開 光 朝 數 武 早 不

里

緻,題刻甚衆,多是昔 各爲二 二尺餘,上分三道,下 連 鵬 舉 洞,傍爲小亭,板閣 使 大 金,至 絶 時 爲 域 奉 洞 實 以 使 橋 居首 人。 者。 兩 馬 選。 石理 有 頭 云 堅 又 宣 .

迹 留 和 題 四 六年八月。」亦 不能 遇 盡 夫自言舉人,問所 讀。 有天會中 橋 上片石 П 有 謝 業,云 張 大 果 齊 老 通 使 驢

别。 史,試 詞 馬 賦 論 城 策 外 然 驛 褐 負 衣 郭 左 衽 日 平 與 棘 皂 縣 隸 無 虜

殷 改 北齊日 日 沃 州 一趙 春 隋 秋 屬 曰 [樂,爲 晉 戰 慶 或 源 屬 軍 趙 節度 後 魏 使。

日

臨 城 縣 有 泜 水 韓 信 斬 成 安 君 於 此 是

日 聞 接 伴 使 之兄左丞 安 禮 罷 爲 滄 州 刺

> 辭 抗 史。 勑 以 坐之。 不 初安禮娶褎之妹,妹死 當復 娶 道 妻姪 逢 重 强 車 之不 載 口 鐵,餘 欲 妻 褎 怒,以 以 載 女 板

木 ,欲修河 橋

五里。

使、

副

以

下

觀

石

橋

橋

有

石

欄

高

十九日庚子,晴,風。 郡 以 過 真 早 將 鮮 宿 隨 稍 桑 必 文帝 定府 虞國 光 指 特 頓 其 有 車 趙利守此,高帝攻拔之,改曰 滹沱河,由 中, 武 小 東 而 起林 舍 渡 拆 城 ,爲晉所 南 晉大夫 改常 以 或 故 河,未畢 外 或或 中數 伺 館 在 以 土 Щ 察 謂 樂氏之邑。 尺,枝 古塚 橋 本 滅。 名 館 行 此 數 以 者。 分東 中 方有 車行三十里,樂 戰 上 車 行 自 Щ 條 或 而 河 真 西 或 每 叢 居 層趙 以 冰 河 定 一之東 夜輪 紐 民 又七十里, 陷 側 北 在 道 宛 受其 漢 俗 有 中 真定。 春 保 每 垣 開 如 ·見掃 爲 秋 傳 甲 Ŧi. 蔭 凌 帚 城 時 恒 + 里 河 陳 村 者 狀 許 冰 屬 帚 宿 縣 人 豨 元 Ш

1959

臣 和 王 改 鎮 武 州 俊、王 Ŧi. 代 廷湊等皆據 改 日 真 定 府 此 唐 叛 將 李 寶

一十日辛丑 子 爲 快。 泉 第 卯 霜 以 必 肅 中 來 德 雪。 開 撻條子六十,其 有 令毒打,十下 押 示 持 雖都管監門吏卒皆怒其 夷俗 第 日 故 永 禮 沙 州 宴下 使 四行及 爰嘉 臨 賓之意。」 糖、 ,押宴曰 王: 東 節 晴。 事 雖 寅, 史, 熊 遠 間 好 勞 李 白。 飯 晴。 以 勩 冒 勝 有 歇 虞 易一 泉 又云: 要 , 宜 寒威 治 可 遍使 嘉 徒三人各三十, 泊 争 使、 賜宴 觀 行 人。 住 福 可 執 錫 聞 樂 副 · 禮 以 禮 芳甘 東 然 宜 遠 人舞旋,大茶 不惟 下食 數 理 道 悉 館 貪 攽 生事, 涉 屈 如 中 沓 語 在 道 人 天 口 汴 也 頗 很 具 塗 鎬之恩 趨 節 使 宣 每 無 京 讀 愎 語 安 進 衝 不 云 下 日 録 莊 德 快 尤 稱 飯 但 斜

> 良 知 者 何 以 有 政 聲 9 益 知 北 方 守 難 得 循

一十二日癸卯,晴。 里,宿, 樓」, 門 樂縣。 樓, 城門 燕慕 築 亦 水 魏 固 云: 文侯 教、 東 雄 也。 守 又有 過信 不下 即 偉, 容 行 曰「昭化」,甕城三里甚壯 輔 中 化原二 「望長 白 垂 使 此 尤繁庶,古 日 或 Ш 明 樂 地 餘 利、 移 中 新 府 中山 月 都 羊 堯 步 安 Ш 授 鮮 坊。 樓 後魏 伐 所 虞、高 城 西 靖 門, 詞 始封, 驛。 取 外 康 四 京 鮮 負 道 所 之, 更 猶 之 同 爲 虞 傍 郭 作 子 兩 陽 車行 戰 有 禍 以 國 知 安州, 唐改定 傍 安喜 之 多 城 \equiv 或 敗 留 封 也 地 亦 重 西 坊 真 城 初 守。 有 太子擊。 七 縣 車 定、 城城 韋 爲 坊 又 干 北 挾 E 之, 中 中 有 各 **\$** 樓 子 濠 四 里 去 夕 Ш 姓 城 先 + 有 有 Ш 飯 又 虜 州 或 後 陽 門 夾 有 牌 小 流 所 新 Ŧi.

名

望

都

谷

酒

名

九

醖

曰

瓊

十三月 此 驛 保 樓。 都 爲 容 約 近 張 道 几 里,城約 几 順 13 + 所 打 如 塞 州 民 西 西 更 天軍 間 知 圍 法 城 縣 車 居 政 有 里 又七十里,宿保 · 得 採 燕 曾 屋宇 小 F 行 甲 厚十 和 採 堯 過 京 至 門 有 驛 捕 Ŧī. 辰 捕 驛 鴻 十里, Ш 亭 此 耳 Ŧi. 曰 年 寬 野 餘 榜 晴 在 在 福 金 白 曰 爲 潔 物 自 丈, 日 北 州 院 皇 里 清 後 「教 富覽 望 天 臺 治 三門, 門 朝 内 慶 舊 州 苑 初 都 氣 西南 皆 女 日 初 傳 至 郡 都 家 縣 清 燕 「鶏 是 直 置 城濠、 爲 望 Ш 粉 早 御 寒 有 昭 學」。 保 御 驛 禁 都 在 望 <u>اا</u>ر 壁 莊 飯 樓 王 方 韋 分東 都 塞 殺 南 多 聞 甕 探 場,故 遺 軍 思 · 登 , 堯 下 州 標 負郭 聞 崇 城 縣 在 西 **令**, 迹 近 樓 皆 後 有 堯 寫 1 虜 積 西 也 火。 慶 升 不 禁 爲 至 酋 供 倉 城 H. Ш E

> + 婆。 祥 過 早 安 便 衣 里 所。 重 戎 夷 塹、水櫃 光塔、 別 裝 軍 食。 应 虜 肅 過 北 大廟, 把車 又 北 如 日 也。 軍 白 門 後 非 此 軍 城 Z 南 溝 福 改焉。 重, 積 尤 此 河 本 E 人 兩 城 善寺。 河 或云 曹 北 晴 云: 門, 冰 遂 外 口 雖 比 爲安肅 城 E 甚多,方 嘆 又 各二 北 二城 只過白 久淪 縣 馬 男子 也 五. Ŧi. 嶽 食罷 更 里,宿固 重。 由 行 屬 甚 左袵 縣 多 車 又 取 宫。 易 溝 城 古 治 露 行 州 中 以 乘馬 猶 都 頭 車行 城 南 有 又 四 城 是 知 之 城 皇 婦 窖。 雄 鎮 X + 出 北 自 間 <u>-</u> 朝 南 北 威 Ŧī. 北 多 門 别 又 誉 置 有 城 里 門, 於 物 有 五. 濠 静 驛 至

> > 1961

+ 縣 早 Ħ. 食。 日 丙 午 縣 本黄 晴 村, 五. 更 近 車 以 行 爲 邑。 三十 今歲 里 定 九 興

勩 門 往 内 歲 比 銀 高 治 高 子 腴 名 紅 未 月 當 梧 合 臺 城 過 范 里 方 内 , 日 綾 德 在 起 即 宜 ,蒙犯 爲 陽 至 子 道 築 侍 亨 祇 驛舍 左曰 釋 太 也。 錫 貼 + 城 涿 西 城 受。 傳 御 迦 子 無 衛 新 州 直 Ŧi. 宣 門 迎 普 寒 有 亦 丹 四 門, 録 故 城 生 兩 郎 撫 威 賢 日 創 廡 旬 所 其 月樓」,右 兹 之 縣 漢 虞 問 E 堂 造 畢 每 陋 藥 獻 語 高 物 有 詔 友 眷 有 服 甚 I. + 督 如 虞 商 始 督 帝 諭 益 惟 清 迎 後 貼 亢 館 税 待 雉 友 亢 立 榛 賜 將 風 致 想 務 地 驛 日 使 堞 益 陂 涿 皆 卿 樓 命 子 宜 沖 「棲 圖 尤 客 甚 勑 賜 郡 大 湯 客 之恭 范 溉 知 和 兩 于 整 某 湫 也 銀 路 藥 霞樓 陽 悉。 魏 如 隘 傍 此 H 卿 合 所 縣 文 今 南 號 土 有 獨 資 銀 湯 _ 樓 冬寒 一累 宣 帝 差 天 爲 又 門 加 會 方 合 藥。 六 之 使 州 清 X 勞 朝 爲 膏 樓 更

> + 堤 縣 勑 下 縣 卿 岸 早 六 有 有 比 日 某 城 爲 食 平 大 T 複 水 好 門 防 未 名 大 所 否 Ш 不 壞 宿 重 晴 遣 書 道 又 書 衙 姓 中 五 迁 指 在 以 副 更 不 行二十 道 瑠 車 使 多 左 書姓 璃 行 及。 六十 河 驛 里 名 或 在 方 云 北 + 里 劉 抵 門 良 Ŧī. 李 縣 河 墻 鄉 H

安定 外 單 十七日 梁 使, 酒 E 具 更 初 果 子 騎 肅 衣 起復 郡 澄 都 冠 去 車 戊 開 燕 酒 尉 副 隨 行 IE 申 或 使 賓 九 肅 , 人 廣 議 六十 伯、 行 兼 館 館 大 平 晴。 廣 罷 押 百 夫、都 郡 食邑七 中 威 里 宴 餘 風 亭 開 將 過 步 白 城 大 或 子 軍 水 瀘 百 作 琮 子 使、 監 溝 尚 户 道 賜 館 食 抵 河 副 書 E 傍 宴 伴 邑 賜 暮 Ι. L 無 輕 至 Ŧī. 傳 紫 李 不 部 馬 居 車 燕 金 銜 止 顯 百 民 郎 都 Ш 金 户 魚 尉 徒 袋 城 賜 正 節 城 几

近

郊

宜

示

宴

慈

以

彰

眷

遇

0

顯

金

云

里 濠 大 石 一,經端 外 土 橋 岸 禮 高 門 第 厚, 外 夾 樓 方 道 至 七 植 南 間 柳 門。 甚 無 整。 名 過 城 傍 行 壕 有 約 上 Ŧi.

亭。 兩 傍 青粉 高 屏 墻 甚 長 相 對 開 六門, 人

以 通 出 或言 其 中 細 軍 所 屯 也。 次

宜 門 門 樓 九 間 尤 偉 麗 分三門, 由

東門 分 爲 以 道 中 又 道 過 限 龍 以 津 護 橋 穽 酋 橋 長 皆 所 以 行 石 也 欄

皆以 龍 津 雄 壯 特 甚 中 道 及扶 欄 几 行 華 表 柱

如 圖 燕 畫 然。 石 爲之,其 橋 下一水,清深 色正 白 而 東 鐫 流 鏤 精 橋 北

九 間 小 亭,東 分三 門,由 亭 有 橋 西 名 門 碑。 人 會 次 同 入人宣 館 陽 館 門, 在 内 樓

廊 之 西 南 向 0 人 館 門 使、 副 與 館 伴 立

張 馬 鉉 下 -,節人 撫 問 從互 琮 口 聲 宣 兩 云 喏。 . 遠持 傳 示 ,使節 訖 分位 ,已次

> 勞勩 遠 乘 軺 一鉉云 傳 : 已 次 會 或 朝 門。 歲 日 宜 弭 有 節 寵 宴亭。 攽 以 爰 休

念勤 勞,宜 加 省 問 0

一十八 慶 止 口 到 宣 之儀,宜有 館 日 云: 説 己 酉 朝 已休候館 晴 見 甘芳之錫。」 儀 風 岸 將 造 申 閤 明 錫 門 庭 單 副 賜 使 方 酒 左 修 光 進

一十九 各 行。 柳 道 貫 立 前 西 而 中有· 有 馬 有 其 路 行 麗 門 中 門。 甚 長 使、副 日 外 闊 層 廊 庚 朱欄二 門外 南 東 西夏二館 樓 戌 左 俟使、 路 亭, 西 上 爲 皆民 晴。 兩 馬 曲 一行,跨 太 門 護 與 尺 副 廟 外 以 居。 天 在 館 各二 右 皆 緑 明 東 大 伴 行 民 欄 宣 行 爲 溝 並 百 既 與 陽 三省。 居 干。 司 爲 行 五 過 會 門 捧 限 X 方 + 同 中 廊 内 見 或 間 館 有 北 路 相 街 書 欄 相 路 無 \equiv 廊 繼 外 分 館 E 對 路 左 植 馬 而 頭

門 前 爲 龍 是 後 馬 中 即 各 渦 有 M 下 北 東 爲 門 東 使 左 廣 東 又 馳 檢 南 外 列 网 嘉 榮 之 苑 敷 道 鼓 宫 有 祐 朵 Ŧi. 部 有 向 角 會 後 德 副 皆 樓 門 樓 門 蓋 院。 屏 爲 又 相 門 門 也 西 至 墻 西 麗 號 曲 對 却 朵 在 之後 有 其 敷 集 左 廊 夾 又有 樓 尺 爲 夏 應 道 長 德 有 英 掖 會 一省之 各三 蓋 東 昭 茶 天 廊 之 門, 門, 通 後 曲 左 相 中 廊 慶 中 門一, 酒 門 右 爲 尺 右 後 對 有 層 門 即 之 皆 節 幕 内 集 日 有 起 掖 也 官 大 外 北 人 次 左 之 英 東 四 層 右 高 門 府 會 安 至 而 右 門 樓 西 垂 嘉 爲 樓 IE 在 殿 通 東 其 有 南 廊 觀 初 門 會 集 東 門 廊 朵 後 即 兩 行 口 門 暈 禧 出 + 即 門 外 西 左 北 其 樓 爲 大 樓 飛 館 城 大 安 東 左 掖 城 其 左 頭 右 承 間 殿 之 安 偏 右 翔 聞 門 横 下 中 西 明 下 折 甲甲

皆 明 仁 掛 間 傍 之 是 殿 所 即 居 百 虜 在 西 門 主 中 其 下 人 由 右 綉 廊 甲 政 隔 大 中 分 殿 朝 之 安 額 坐 門 以 大 敷 士 執 有 副 間 間 榻 外 側 著 氊 外 路 德 殿 紅 立 鍾 在 青 門一 當 之 直 庭 上 後 也 也 龍 兩 鼓 高 其 下 殿 縧 中 至 西 旗 門 儀 堦 宣 樓 右 柱 門 有 甲 立 外 氊 上 衛 明 皆 皆 \equiv 居 撮 皆 及 中 有 宣 廊 垂 外 門 俟 整 間 大 列 會 左 衣 椒 戴 有 明 紅 F 廊 __ 百 肅 殿 戟 井 文 通 緣 又 品 門 大 金 前 下 官 執 除 九 亭 殆 繡 廊 花 至 花 金 皆 黄 裹 及 承 麗 殿 楹 待 如 仁 帽 鳳 七 銀 漆 見 龍 明 門 塑 兩 班 間 品 夏 簾 前 政 鎗 宣 退 旗 使 外 錦 廊 像 幕 左 幕 牌子 有 殿 明 簷 自 紅 衛 通 V. 袍 各 嘉 即 次 次 門 左 露 左 縧 \equiv 殿 鳳 左 頭 會 在 門 前 掖 宣 皆 + 行 花 皆 甲 其 兩

三十日 罷,館 宴,烏 辛亥,晴。 伴 古 送 論 蒲 璋 萄 賜 酒 賜 酒 果 宴 元 館 中 顔 彦 元 顔 押 宗 宴 嗣 宴 賜

攻 媳 先生文集卷第一 百 + 九

狗 以 吠 木 雕 頗 爲 亂 銅 朝 瓦 儀 1 栱 帰 甚 門 在 巧 殿 麗 門 後簷 隨

門

Ŧi.

F

E

嘶

+

疋

海海

東

青

七

細

狗

Ŧi.

亦

旅

于

庭

馬

帽

皆

夷

服

也

夏

人進

禮

物

十二床,馬

麗

人,三節

皆不入

見,椎

髻

被髮,小

巾

尖

Ι.

朱

袍

蹀

躞

狀

貌

甚

偉。

副

使

衣

冠

如

遣

使。

皆

以

 \pm

子

爲

正

使

戴

金冠

製

作

甚

束

帶

皆

「紫衫。

夏

使

綱

賀

IE

謝

八五九

帶

中

節

折

Ě

巾

犀

東帶

٠<u>,</u>

節

獻

頂

巾

犀

矢

者

被

七分甲

人

依

柱

以

立

每

數

以

人

皆

金

鎗

執

鎗

者

具

裝

間

以

執

马

0

下

皆素隊,

挾弓矢,大門四十人,

小

門

惟

仁

政

左

門

用

甲

士。

皆自

未

明

分

立

訖

見退

無

有

移

動

者。

是

日

麗、

夏

使

同

見。

麗

使

三綱

衣

冠

如

本

朝

賀正

謝

遣

使

謝

賜羊酒

Ŀ

節

襆

頭

犀

偏

必

以

女真

衣皂緊絲衫者部之。

凡

門

屋

一八六〇

攻媿先生文集卷第一百二十

四明樓鑰大防

北行日録下

乾 IE. 月 道 罷 幕 間 間 右 應 兩 又行 次 兩 e, 天 宫 一日壬子 六 翔龍門,皆 與麗 年 東門步人 ,交賀禮 初,錦 傍 庚 廊 行 寅 X 七間 廊 衣衛 相 畢 晴 垂 東 隣 兩 間 紅 士 上馬 廊 使、 緣 夏 又益 廂 爲 幕 人 簾,庭中 副 各三十間 與 日 次 以 相 率三 館 華 青錦 對 中 伴 月 大 節 口 小井亭二。 客 華 安 袍 官 X 省 門 殿 中 賀 從 Ŧi. 茶 各 + 門 望 起 餘 左 九 酒 拜 由

恩 必 酒 事 以 使、副 宰 客省 子爲 四、第六行獨 王 太子 四 少 人,列 與卿 7,拜于 先離: 班 凡 宰 七 拜 也 執 館 行 Ŧi. 執 伴 錦 引 班 并三次 親 立 等同 立 第 位 + 止 其 褥 初 之故,不然 王, 首 使、 殿 西 大安門 登 後 四 四 而 七拜,五次舞蹈,二 [偏,肅] 上 慶」,又 副 四 E 次有十餘 立 一殿就 鎮 + 又有二百餘 行宣勸 勸 拜 由 御 又拜 餘 搢笏 使、 以 庭 酒,各再 月 與子 坐、 約 人,餘皆賀 銀 下。 四 郎 華門 舞于 副, 近三 一受盞 在 致 猊 拜 官 澄 人,皆 出 百官 坐 各兩 勸 語 卿 人。 丹 隨 亦 拜。 百 兩 監 赴 衆 墀 在 百 壽 宴 餘 排 拜 拜。 十五 畢 不 與 坐。 班中 金 罷 官 而 酒 此 E 班 應 先 宴 帶紫 班 退, 第二、 壽 列, 各 兩 朝 每 者除 宴 拜。 如 退。 立。 罷 次 人 兩 既 日 進 宣 意 是 袍。 賀。 拜 御 勸 第 共 喝 訖 親 之 次 是 謝 初 太

許

翼

果

高

紅

物。

爲

紫衫 傍傍 之。 弟 間 各 凡 卒 時 却 繡 號 Ŧi. 王 弘 金 幞 卓前 間 對 衣 七 又 四 也 却 如 設 五 行 福」,後 層 間 卓 殿 頭 加 不 十人。 既 以 玉 設 見 起 幃 左 大安殿 以 次 聞 東 退 坐 壺 執柱 皆梨 青 時 文 日 佛 以 是 以 西 有 八 玉 殿 珍 狸 聞 丞 榻 中 廊 瓜之 斧 數 廣 人 + 貯 花六朵,看果用 餘 珠 毯 下 相 柱 前 宫。 各六十 殿 祐 皆 皆 賒 結 佩 斧 砌 餘 服 "),後 屬 主 間 公裳 酒 如 弓 網 以黄 中 殿 础 玉帶 座 不 0 本 或 矢 Ŀ 間 朵 藏 兩 對 并 其 朝之 知 舁 未 瑠 者 刀 鋪 殿 道 鎗 次 茶 至 云 何 東宫門。 璃 劒 八人 以 大 中 各 刃 皆 皆 床 鎗 時 儀 瓦 前 花 起 金壘子 Ŧi. 皆 低 本 皆 覆 面 子 結 間 氊 釘 其 太 分 以 朝 七 殿 郎 衛 軍 樓, 寶 右 兩 真 細 故 中 行 官 分 君 士

虜

日

各

廊

子

立

甲

酒

樓 背 各 上 各 于 夏 松 \equiv 壽 四 爲 榻 殿 玉. 柱 與 以 負 栢 後 帶 前 庭 酒 衣 小 金 最 間 蔽 繡 照 帶 都 麗 龍 七寶,又以綵索 并 Ш 時 餘 之 F. 其杙。 露臺 者 副 其 棚 幃 + 屏 南 X 層中 間 裝 太 餘 = 中 間 起十 畫 六 點 對 稍 置 桃 子 節 三層 皆結 各有 廊 檢 龍 後 間 其 李 獨 弘 屋 人 元 如 又爲 中 各十 使、 峯 宴 福 至 兩 思 皆 龍 或 顔 本 自 號 東 澁 文 曲 垂 頂 仲、 副 朝 金 繋棚 **溢道** 廣 傍 餘 黄 廊 道 折 節 頂 帶 與 祐 各 有 小 株 烏 沿 皆 下 F 左 X 之前 以 拱 之 爲 金 古 大 爲 簾 壽 亦 釖 雖 右 前 下 曲 三層 麗 香 捧 大 論 伏 覆 Ш 以 皆 與 獅 丞 水 猊 元 盃 金 又各 以 爲 繡 甲其 宴, 次之, 象 用 相 龍 忠二人 以 皆 小 山 氊 石 金 額 各 對, 銀 不 進 爲 盤 獅 下 龍 以 級 拜 其 栽 者 在 綵 西 子 上 Ш 壁 金

1967

異。 可 幞 紅 倫 互. 宦 向 各 怪 頭 木 進 者 執 如 淺子 笑。 樂聲 此。 榻 柱斧 紅 以金托 每 後 錦 ,令承 焦急 宴 樂 E 近 ,率其徒 帕 一罷 侍八 人 虜 玳 首, 歌 歸 主 大率學本 應 瑁 館 人, 一酒,係 鵝 人 椀 曲 + 幾 黄 率 貯 各 人 如 爾 食 執 立 衣 宣 朝, 哀 持 其 御 徽 却 紫裳, 挽 進 物 榻 唯 使 只 兩 杖 敬 應 其 覆 終 傍 裝 鼓 禮 嗣 席 和 以 者 束 色 文 金 暉 東 不 尤 甚 皆 不 等 見 釦 西

日 果。 大 粥、粟飯、麥仁 飾 之,其 風 癸丑 分食 作 中 晴 藏 盤 張 飯。皆 羊 鉉 盛 賜 頭 大 以棗 分 肉 食, Ш 栗 盛 徒 布 以 茶 單 其 生 食 上。 葱 通 糖 賜 棗 晚 糯 栗 酒

日 主 大 率 先 甲 如 起,百官出就簪 寅 元 晴 日 風 加 益 酒 甚 花 行 赴 花 翦 五. 宴 綵 行 于 爲 後 之, 大 兀 安 襅 惟 殿 欒 虜

> 者往 門 行 枝。 色, 謁 枝 原 出 而 甚 狀 往有之。 是 廟 應 罷 異, 如 日 天 云 錦 或 中 是早 風 帶 四 門 既 少 或 折 見黄 暴 翹 頃 狂 起 而 六 建, ,幾不 土 幞 東 長 鋪 頭 向 道 可 四 虜 尺 知 中 主 行 角 許。 虜 花 復坐, 後 由 主 花 左 葉 以 垂 翔 又 爲 元 柳 飄 H 龍 几 隊 雜 几

四 换窄 賜 帖 珠 射 弼 善於 蓋 雄 日 弩, 傳 以 於 宴 Z 夾 夾 衫 進 卯 發 語 射 以 以 仲 元 選 趨 束帶,將 矢, 問 顔 晴。 大 小 雄 借 酬 高 文 俘 飛 人多 射 應 官 賜 射弓 虜 鶴 鶴 弓。 而 酒 人 出 服 無所 來 果, 宴。 一,緑 事。 射。 之。 射 下 元 能 垛 竹 畫 射 既 張倬賜 宰 酒 顔仲 手 設 數 雖 退 執 七 **一个** 帖 庭 綵 不 有 遣 行, 使 雄 下 架 能 生餼 雕 右 副 押 各 命 青 上 司 上 以 及 宴 分 中 細 張 館 畫 初 承 高 位 射 汝 仲 爲 火 伴 而 蕙

將

幣

來

會

春

朝

方休

徒

御

之勞,宜

有

殿

立

躬身聽喝

好

去,

由

右

而

出

賜

茶

酒

俟

傳示

訖

復

退

行

三步

左

下

丹

墀

再

面

少前

拜

跪受書

却

行

與

副

使

齊

立

躬

矢,起 宴 銀 金帽衛士 人爲押宴執弓矢,二人爲館伴 椀 館 Ŧi. 揖 伴 以 每 或 五十人,樂人立其 射 皆坐胡 床,庭 左。 每 下 中 分 過弩, 又 則 列 衛 錦 面 廳 士 衣

人端箭,二人立垛側喝箭,射

傴 否 則 立 以 撒手 擡 捺後手見曉。 報 覆樂使,喝「打着 初中 時 先 即 望 樂作 闕 拜

賜 前 ,衛士以 就 坐 共 元矢穿所中 飲 勝 者 쪰 銀楪 酢 必 引賜 遍 然 物 後 過 復 其

射。 楪子 重 三兩 中 角 花 者 隨 所 中 而 得

中的 中 亦如之。 者舉 九楪 使、副 得之,以 拜 賜之後 其 與 但欲 喝 箭者 成 禮 初 即

之方已。 ,伴使志 兩 在於得 廳 過弩者 抵 各 暮 以 不肯休, 楪 酬 屢 其 謝 止

易衣就 座, 又二行 而 罷 倬 口 宣 云 遠

> 云 觀 賜 成 射 使 御 蕙 事 之 云 將 容 : 向 宜 長 . 示 途 途。 宴 遠 私 宜 届 之 有 寵 使 事 高 告

以彰 寵遇。」

五 門外 各 賜 以 辭。 日 喝 西 夏 罷 使已出 酒 賜 賜 立 三人,齊揖以 丙 引 次引 遂復 食 俟 辰 目 衣 使 帶 納 又五 通 晴 副 懷 回 鞍 麗 麗 班 幕 欲 中 馬 使方 拜。 、夏二使及使、 面 入辭 次, 疋 入欄 就 殿 升 段 方 辭。 乃 仁 而 等。 露 拜 子 引三 拜 閤 政 少俟 喝喝 臺 内。 副 舞 殿 叉手 少立 蹈 節 云 有 至丹 副 副 X 客 勑 合 左 五. 使躬身,使 至 ,舍人兩 拜 省 拜 跪 墀 帰 兩 賜 茶 自 受賜 拜, 下 門外。 再 宣 酒 下 既 喝 V 面 明 人

1969

Ŧī. 行 于 館 韓 鋼 押 伴

六日 送伴。 谷郡。 帝 方行。 家,如 欲 爲 綿 世 大之,古所未 元 尹 時 賜 同 Ţ 封 行,安德 百 干 盧 韓 酒 館 E 木綿 里, 燕 伴 車行六十里,更盡 廣 武 盡 果,元顔宗安押宴,仍差安德 綰 借回 自 Ш 皆 \pm 出 隱 方呼其家人以細車 之類,復載 本召 7 至 封 有 都 先 然 燕 一爲燕 堯 程私覿泛送,從之。 也。 發 此 賓 後 公所封,秦滅 都 麓 館 於 王,項氏 又改 太行、燕 會。 車行 薊 至 大白 一汴京 宿 日 即 虜又以 使、 大興 良 撒 封 薊 鄉 Щ 賜 燕, 臧 滯 般所 副 縣 縣 府, 宴,元 茶, 宫 大 以 留 率 也 得 其 防 車 德 室 爲 至 還 馬 守 侈 Ш 高 E 顔 節 晚 裕

> 九 十日辛 起去。」 見得 食。 大龍 日 又承 三四四 + 食。 里 庚 輩 應人指 這 又行七十里,宿真定府。 西,晴。 桑、小龍桑,宿中山 望 申 又四十 指日 都縣 晴 次,在 其首 里,宿保 早 陰 一。 四 食。 風 死 更車行,五 有 日 也甘 我 . 又 雪 州 大宋 行 意 心。」因 幾 府 五. 時 十里 人 + 四 得 也 里,道 更 相 這 道 一新 車 與泣 些髮 傍 樂 我 老 縣 中 輩 下 長 只 嫗 早

十一日壬戌,晴。 放寵賜 押 行色。」又云:「使命 復將使指,少 增重皇華。」 憩中途。 賜宴。 改轅 同 知 張汝説 宜示宴慈 价 真 定 藩 尹 П 弭 田 宣 節 以 鍾 云 吉 光 宜

0 「茶」,原作「茶」,據殿本及《漢書》等改 七日

戊午,晴。

五更車

一行,八

十里

涿

州

早

食。

又六十里,宿定

興

縣

八日己未,晴。

五更車行,六十里安

肅

軍

早

十二日癸亥,晴。 賞 刼 裹 手所捕 人婦女以要財物,至是以弓弦斷 馬。 一人,云是强寇李住兒,自亮 方取 三十里飯 ,挑脊筋掛樹 下 埋殯。 趙 更車 州 上,死矣。 又六十里 行, 城 角 六 + 樹 一宿柘 直候支到 里 上 時 有 灓 作 鄉 蘆 城 梗 席 易

州。北門曰「拱德」。 又四十五里,宿邢天明雪作,至晚方止。又四十五里,宿邢十三日甲子。四更車行,六十里飯内丘縣。

與

去

爲

以馬

前

行

再

讀

光

武

碑

十四四 里,飯 邑 宿 行,二十 中 邯 日 沿街: 鄲 Z 臨 縣 Ή. 洺 Ħ. 作燈 霧 鎮。 里 雪後 沙 子下 洞 食後與去偽馬 河 頗 塵 縣 , 清 可 天 易 觀 盡 明 驢 開 馬 見 霽。 太 行 又三十 行 四十 四 Ш 更 色。 里, Ŧi. 車

+ 五 燈 火 日 尤 内 盛 寅 晴。 出 門 車 麄 行 車 七十 有 折 里, 軸 磁 者 州 隨 早 使

買。」 店掛 疋。 被黄 去。 差使 門約七八里所,士女多靚粧 T. 副 副 文,絲每 家家有馬 畔用兵,盡般軍器在南京,今却 外安陽驛。 驢上 越王 巧過 復 乘 卷、蓋河 問絹帛價,云:「 後來都是行歸,而 三月中便般用牛三千頭 河 上 馬 等有 不 燈,上爲胡羊,中横 之。 番,爲 過 馬 水 平其弟爲儲 兩 場場 漳 漲 人 直 百 朔 河 把車人 秦樓 城 \pm Ŧi. 四十千者,馬 年時 人語 後 登 南 十文。 且 街 燈 車 征 音以 被蒙子 休。」問 尤 言:「去 洞 盡 好 虜主 並 六十里 繁 不 刷 羹 今又殃我等貴 絹 六十 華 如 去,不 一曾以 或 爲 每 更 自 驢 陌。 磁 7,般未 年 疋二 炒 經 擁 高 至 瓠 馬 州 + 般 也 觀 北 女小底十 知 貴 又 相 下 之多 價 貫 幾 向 門 舊 有 州 云 盡 爲 Ŧi. 北 月 宿 有 舊 時 至 萬 云 間 一, 而 使、 白 價 邊 方 經 食 南 時 南 城 . 萬 .

般 T 有 提 而 豆 議 無 人 今只 兵 云: 和 用 賜 向裹去,更存活 ,足了得喫。 去。」軍子云:「 半 處 之, 輩 怕簽起 我 年不決,又 遜 只 蒙 見父 謝 唤 或 它 不受,云它日 達 去, 舊 母 做 靼 不得。」 説 時 彼 賊 且歸。 作梗, 我輩三四口,種 生 見 此 計 説 應 休 太子 厮 厮 今又 河 人 生出 殺 南 口 殺 造 北 都 自 也 孩 都 莫 錢 被 好 去 兒 歡 都 物 它 邊 少 來 麻 都 壞 又 統 頭 亦

七 吅 陰 又 所 稍 日 行 角 日 五 縣 丁卯 上三 李 里 路 送 戊 武 固 辰 上换驢 又七十 私 四 渡 晴 晴 城鎮 覿 里 口 ,先横過中潬 以 風。 Ŧi. 馬, 早 四 冰泮 里,宿濬 飯 更 三更車行,二十 路可 車行,三十 水深 馬 行 州。 人滑 柴路 上,人水牽挽 至黄河 安德 州。 六 不 里 可 Ŧi. 又 去 飯 行 程 湯 几 里 夜

> + 宿 浮 數 日 胙 橋 里 邊 抛 己巳,晴。 城 縣 掃 過 岸又行荒 南 岸 \equiv 待 更行,四 車 草 船 陂 澤 至 方 中 + 行 Ŧi. 四 里 + 循 飯 Ŧi. 河 封 里 至

之間 或 過 市、馬 龍 王宫 但 青城 北。 丘 西 口 東行 穿 子 権 直 有 門, 貨 過 監 也 斷 側 日 短 ,虜亮毬場 行街、 務。 相 五 未 墻 垣 亭 由 文河、 或 由 敗 子 前 午,又行 爲 舊 一寺,出 皇 又 屋 竹 换 後 城,人煙牢 路 廊 建 竿 御 馬 菜市橋、夷門 人 屋 院 巷 親 廊 驛 御 四十五里 具 巷 七十間 順 從第 尚 口 街 常、元 衣 多 斜 德 冠。 落 一指 街 勝 歷 不 中 廊 橋 武 抵抵 便 知 所 第二 揮 Щ 有 轉 屋 二門,二門 遠 其 過 東 舊 巷 三十 小門,是 不 柔 數。 太 京 門 口 遠 及 廟 日 北 百 9 投 巷 土 御 館 郊 河

十九日庚午,晴。收銀絹十疋兩,赴宴。元

顔元賜宴酒果,南京路都運梁銶押宴。

宴罷,行四十五里,宿陳留縣。

十日辛未,晴。 早飯 内 拱 、州襄 舊是州 城舊 臨 後驛。 有 111 衙 橋 驛。 ,今以屯軍。 河流既 城外客旅往來,人家 又六十里 車 行 斷 六十 ,築堤以行。子城 一,漸行 有三箇千户,約 里, 至 汴 雍 河 **が頗多。** 中 丘 縣

有千二百人。

一 十 一 日 遠,馬如 數十,甲 不甚多也。 陵縣永寧驛。 ,日在壬癸,荆生言其應在 日壬申,晴。 來 馬百,夾道 時之數, 是日 又六十里,宿 日 四更車行,六十里 有 而 而 四 行 陳。 背 甚 氣, 踈 城 北 南 門 又 意 京 白 去 中 驛 甲士 飯 虹 軍 貫 稍 亦 寧

五里,宿下邑縣會亭鎮。 熟縣。又三十五里,沙岡换驢。又四十二十二日癸酉,晴。四更車行,四十里飯穀

> 一十三日甲戌,晴。 殺之。 州 天 永 使 城 往 縣 Ш 東簽兵,人不 又六十里 川 更 , 宿 車行,七十里 肯從, 柳 子 鎮 執 天 聞 飯 使 有 亳

十五 即 静安鎮。 咔 日 丙子 又六十里,宿 陰晴。 車行六十 靈 壁。 夜,微 里,飯 雨 蘄 作 縣

虹縣。又八十里,宿青陽鎮驛。二十六日丁丑,陰晴。三更車行,八十里飯

十 不勝 淮 淮 即 七日 縣 喜 依 戊戊寅 淮 過 躍 西 縣 矣。又六十里,宿 晴。 行 即 見 龜 四 Ш 更 塔 車 及淮 行 泗 八十 Ш 州 里 行 自 飯 臨 臨

二十八日己卯,晴。先發遞檐麄車,即上馬

茶酒畢 岸 幹 綱 久 葵、張吉來,收 叔 行李裝船了 出 取取 方 舟 官 永、 城 屬 到 司 所 至 使 干, 辭送: 也。 盱 ,首見 馬 買 胎 副 季 物。 却 宿 人 伴 聞、 ,具衣 淮 謁 家 草 季 即 譙 岸。 問 胡 舅 館 張伯 行 提 喜 漕、 冠 洪 轄 同 淳 子 是日 極 龔 人 去 皆 司 草 守 涕 度、 僞 往 馬 館 下。 不 大 唐 先 來 尚 值 風 季 乘 交謁 拍岸, 書 頃 俟使、副 見王 潤 馬 伋 之, 及 至 後 姜 俟 吕 良 御 河

+ 龜 以 新 九 Ш 數 日 制 里 行 庚辰 淮 微 大 雪。 風 不 早 可 離 進 盱 宿 胎 淮 岸 過 龜 約 Ш 去

二十日辛巳,微 浪益 作 力行 急,又 而 止 前 宿 雪。 過 瀆 天 頭 明 數 欲 里, 行 風 舟, IE 風 北 又 駕 大

一日壬午,午後風力稍平,衆舟齊行。迫

月

之土石 於神 洪澤 議 運 僅 公今丞相 至矣,可 至三宿 行 河 能 至 淮 不 中 六 人 一,使舟 間 龜 淮上,波 可 + 洪 輕改 歐 里 既 Ш 曾 行 澤 家 率 以 得 祖 纔 乎 舟 渡 避 官 請 四 濤 爲 人 最 長 司 往 春 遂 發 交 淮 淺 憚 撞,有 返 里 運 開 ()使人 口 之險, 開 輒 使, 運 相 無 河 鑿 河 賀 不 魚腹之憂。 將 剥 往 0 驚虞。 所 載 井 還 人奏計 前 蔣 活 之擾 非 輩 以 魯 不 此 用 借 公 測 知 自 魯 行 創 開 幾 心 地 潮

二日癸未,晴。過淮陰,夜過楚州。

四日乙酉,晴。過高郵。三日甲申,晴。過寶應。

五. 日 宿 丙 木 戌 鋪 壩 雨 裹 以 季 沿 潤 路 過 水 儀 澁 真, 寸 俞 進 縣 甚 尉 艱 茂 先 夜

暮

相見甚欸。

六 七 日 日 暗 參 舅 羅 捐 舳 賀 同 戊 \equiv 椿 金 艫 T 子 去僞 執 人 使 亥,雨 相 所 ,,晴。 蒙被 瘞 敗 觸 禮 見 之。 甚 漏 斃 晚 登岸,舟已沈矣。 陳 渡 恭 發 晴 待 晚 楊 篙 而 過 制 金 子 人。 人 昨 楊 及 Ш 不覺 晚 宿 魏子 州 印 至 丹陽 以 老 是 召 禮 智,其 相 夜 伯 物 同 館 見 抵 禮 埭 下 船 行 渡 瓜 内 楊 物 與 洲 船 使、 子 侍 船 前 宿 中 劉 展 季 副 爲 船

八 過 日 丹 己 陽 H. 縣 晴 及 吕 城 城閘 中 水 澁 良 久 方 出 夜

九

日

庚

寅

晴。

天

明

過

奔

牛

閘,

午

後

過

+ 日 相 毗 罷 辛 陵 即 卯 行 晴 喻 天 郎 明 中 抵 訪 無 及。 錫 使、 任 富 副 來, 謁 蔣 知 諸 派

十一日壬辰,晴。過平江城外,午後過吴

舅

來

迓

夜

宿

楓

橋

張 江 帆 久 而 一苦淺 行 澁 陳 表 至. 兄、 是 大 張 風 子 駕 家 太 T 湖 表 水 兄 人 初胡 港

崇德 歸 簿 仲 卧 子 尋 日 淵 相 兄 内 見 癸巳 見 讀 相 見 王 抵 次 江 江 見 於 謁 長 陰,值 晴 到 鄭 陰 郵 河 景 奏狀 亭。 閘 廨 元 宇 送 天 判 王 女 未 無 官 表 觀 陳 明 不 同 宅 弟 擊 到 年 未 出 澤 節 秀 ·, 不 門, 歸 同 稱 州 行 歎 李 遇 見 數 直 同 同 里 夜 年 已 父 去 聞 於 僞 過 主 而

1975

三日 傳 平 宿 宣 税 赤 甲午 岸, 賜 務 下 銀 晚 晴 發家 合 泊 茶 閘 書 天 藥 頭 明 附 因 搋 起 使、 出 見 副 所 諸 撰 人 親 還 仁 午 醮 和 後 青 館 過 受 詞 臨

+ 四 北 氣 自 關 H 倍 乙未 小 而 晴 舟 歸 般 興 載 使、 益 歸 勇矣。 副 舅家 E 馬 是 赴 夜 朝 見 與 參。 至 諸 親 親 船 劇

飲醉甚,仲舅有詞,走筆次韻二闋。

十五 不 遇 日 丙 申 又 謁 晴。 范 丈,甚 侍 季 欵 舅同 去僞 謝 曾 知 閤

十六 胡 吴太博、 正、芮司業、張 日 春自婺女來。 Ţ 西,晴。 胡 給 少 事、陸寺 士穎 收景山 卿、林編修、●尤宗丞 弟 丞、陳 攝 兄 書。 蕭 Ш 大諫、 尉, 飯後 别 薛 出 一,始 去 或 謁

發家

書

十七日戊戌,晴。 詳 以 聞 晚 小舟見陸子山 ,不值。同去僞、智叟侍 飯 銅 坑之議 ()被酒 先 歸 謁 間丘 留 飯 監 而 丞,欲問 歸。 叔 舅、 赴景 陳 坑 表 孟 冶 舅 兄 之

八 九 飯 遇 蜀 日 日庚子,晴。 ,皆力辭之。 士郭倅、甲。 己亥,晴 飯罷 治疊行 馮 吴太博、 太丞。 赴 李。 梁 參政 盧 仲夷 雨 監 作 呼 簿 召, 買 連 船 日 客 招 次

十餘分,以水淺不可傍岸,盤旋湖中,抵

暮醉歸。

一一日日寅,同。上ちた免反

十 十二 僞 同 小舟自 上 中 日 日 癸 壬 節 卯 寅 湧 兩 焚 金 雨 雨。 門 香 歸。 致敬 侍 赴 范 仲 先遣 丈 舅 齊 晚 往 罷 承局 飯 延 各 祥 吴 散 觀 蓋 醮 與去 筵

二十四 同 行。 十三日 畢。 作 以 使 慶。 日 舅 吕 甲 乙巳,晴。 家挽留 辰 偷 葵、 閑 雨。 張 謁 了、又展 吉 李 去僞 先發 宿 恩 舟 1州,授 生 行 中 日 朝 李 , 仲 * 下船 期 般 以 舅 運 來 與諸 法。 兩 早 返 親 是 方

+ 行 七十 Ħ. 日 里 丙 午, 出 晴 暗 門,由 早 作 赤 襆 Ш 被 出 辭 六和塔下, 舅

夜

大

醉

中

拜

辭

諸

親

一十日辛丑,小雨

即

晴。

諸

親

作

1. 藤,泛

湖

Ŧī.

^{●「}修」,原作「估」,據殿本改。

至廟山登舟。宿富陽,雨作。

十六 甚 至三 勁 江 日 力 1 口 東 挽 未 風 至 晴, 微 桐 動 雨 廬 方 作 0 復 理 凡 止 帆 行 九十里,過 忽西 風 逆 風 一寸進 再 起

十七日 州 以 青溪 而 舟 灘 十五 釣 來 臺 百 少 磧 錢 年 里。 助 前 郎 下、伴伯 方當湍 戊申, 善 刺 而 灘。 岐 去。 泅 船,什伍 頭 流 大浪 水怒,良久方上。 如 原。 晴 宿 履 忽隨篙墜水,觀者膽落 東館 最 風 平 東 爲群,以舟輕 可 止 風,張帆 凡行 地,復登舟 畏 過 雖 鳥 九十 以 石 過 水漲 居 大 里,去 助 鸕 止用 民 力, 鷀 浪 以 不 原、 灘 嚴 小 見 犒

夜水益

長,至五

更方

少退

一十九日 濤,亦 望鄉 進 又過横流數處,夜同衆舟宿桑林間 飛瀑,所在見之。 行三十餘里 一,遇 頭 可駭 終日驚 庚戌, 岐 也。 輒 晴, 移 險勞 所過 時 雖快 風 方能 動, 亦 白 **覽勝** 止。 冒 鴈二岐尤暴 止行 險 處,至凌 但 以 三十餘 以 進 水 隔岸 犯怒 漲 懸 崖 寸

三十日辛 科 往見之,宿客舍。 劄子與李尉, 亂林間 岐不可上,復回 ,其子遂夫又癸未同 亥,晴。 ,半日方出大溪。 曲。 舟子 數里,尋路避之。 懇雇 早起候望,前路 五 年, 夫。 晚至蘭溪,先以 便訪逆旅 李以庚辰 泝 黄泥 流 登 繼

三月

水水

一十八

日己

酉,雨大作,午間加以西風

又盛

長。

舟人疲於牽

挽,

屢

止復行。

晚

雨

止

風

静,行至烏

岐灘

下,宿

小

港中。

纔

日壬子, 訪 ,即行。 風 又飯竹馬館 া 早 起 東 晚 裝 飯 到 婺 後 州 李 首 尉 見 來

之勝。 本蕭 安泊,少 唐 趙 Ш 鼓方 與 兄, 金 景 侍 華 周 歸 子 御 Ш 王 選侍 教 濤。 察 兄同 振。 推 不 景 所建 官, 枏。 值 汝 Щ 能 詩 兄 雍 亦 徑入郡 過 來 同 雍 牌 周 訪 舍 無 尚 之五 也 錫 學直 同 多 希 飲 稷。 借 盡 柳 劇 舍, 周 得 堂 談 相 直 省景 雙 舍 至 溪 堂

日 之故 退 又 Ш 來 自 坐養原 癸 軒 兄、 日 早 Ŧi. 柳 人 丑. 飯 ,琴棋投 周、 赴之。 也 飯。 雨。 堂 同 趙 無 客次 壺 坐。 侍景 雍、 李 盡 遇 藏 知 王 坐客皆醉。 解 Ш 解 録、張義 醵 推 兄見李 台 節 就 又約 推 五. 陳 柳 晚飯 史君 延 鳥 文學 李糾 相 運 同 八六人 招 愿。 集 又 是日 衡。 早 約 于 飯 徑 周 西 景 來 留

日 君 0 甲 寅 客 次 雨 遇 侍 唐 景 Œ 字,仲 Ш 兄 同 友 周 遂 教 復 授 還 謝 無 李 盡 史

H

嶠。 手 移 子 尤 歸。 藏 行,李守速客 忠 厚同 勝 談清飲,夜分乃 歸 侍景 堂。 百 見唐 集。 出 同 酒罷 Ш 梅 會七人, 正字。 小 兄赴李糾 花 即 劉 候自公堂,坐半 門, 往 散 先 歸學,發 過 一赴之。 解、張、 歸 浮 飯,坐清 橋 余四 數 劉 雍、 Ŧi. 判 里 檐付 人復 政堂 遠樓,景 王。 院 迓 過 張 藻。 蘇 勸 酒 吉 Ŧī. 物 先 酒 陳 柳

四 橋 水 日 行,三十五 林丞 永康 乙卯,陰 良。 界首 里 晴 過 行 飯 微 婺 摩 鞫 八 雨間 + 獄 訶 樣。 里 作。 相 見 又行 早别 逆旅。 數 景 里 宿 Ш 楊 遇 兄 麗 即

Ŧi. 日 遇 承 丙 局 辰 晴。 持家書來接,晚過黄 過 永 康 數 里,飯。 至 李

六日 Ţ E 雨 過 一縉雲, 邑官相迓,皆 l 謝之。

不是、元聲、之子無恙,數聲相聞, 一次有,至天寧寺已昬黑。仲兄、器之、仁公嶺,至天寧寺已昬黑。仲兄、器之、仁公嶺,至天寧寺已昬黑。仲兄、器之、仁公、不愚、元聲、澤、張子質相接。 是兩登馬家,拜二親燈下。上下無恙,數聲相聞,

攻處先生文集卷第一百二十

補

遺

詩

竹

蟄宫驚起兩龍 角,●蛟 室未呈雙水犀。

同本君爲分魯衛,❷清風 應 不愧 夷 齊。 宋陳

景沂《全芳備祖》後集卷一六。

半 月 軒

半,猶有向圓 莫要作圓 時。 月, 影印《詩淵 纔 員 却 》册五頁三〇七七。 又 虧。 不 如作

> 壽 戴 君

家聲 將何 香 飄 似,千仞螺 知有許,于公陰德自無 寶篆 人 H 過, 紆餘碧, 四 山聳 H 酒 中,蓬 一碧空。 泛 金 樽 壺 同上 窮。 瀲 此 灔 際 書册六頁四 紅 祝君壽算 誕 仙 安道 翁。 Ŧi.

次曾子固韻❸

七五。

驚 見 銀 河 空外 翻 奔 湍 T 丈有餘 寒。

0 蟄雷驚起雨龍角」。 蟄宫驚起兩 龍角」, 毛氏汲古閣抄本《全芳備 祖 作

君」,毛氏汲古閣抄本《全芳備祖》作「若」。

0

8 詩,與樓鑰世代不合,是否隔代相和,已不詳。」 全宋詩》題下有小注: 「按"曾鞏有《千丈巖 瀑布》

羲《四明山志》卷一。 下流不用長勞望,祇向懸崖頂上看。清黄宗

句

王應麟《困學紀聞》卷一八。● 門前莫約頻來客,坐上同觀未見書。宋

水仙蠟梅

清 謾 品品 院姥凌 且. 格 絶 雅 波 稱 株巧笑出蘭房,玉質擅姿各自芳。 明 步, 仙 窗 子態 漢殿 相對古 精神 徒 冠裳。 翻 宜着 半 額 《永樂大典》卷二八 妝。 道家黄。 味 宓妃 真香

華。

旋分任于樞庭, 寖冠榮于政路。

股肱

源流,合古今之守約。早繇簡

擢

编

歷

要

趙汝愚除樞密使制紹熙

Ŧi.

年七月

通博達。論竑壇宇,本君子之盡忠; 丕號,具諗群工。 可。 之尊,位尤高于建使。 兹曲狗于遜 總樞機之秘,任莫 具官趙汝愚端亮簡明,疏 詞,俾就陞于典 重于本兵; 迺 疇宗隽, 領。 方 等 學 宰 載 陟 貫 敭 台 輔

● 以上據《全宋詩》卷三百六十三、《中州集》卷三,知爲金宋名賢小集》卷三百六十三、《中州集》卷三,知爲金宋名賢小集》卷三百六十三、《中州集》卷三,知爲金

② 以上據《全宋詩訂補》頁四四五

文

用 夜 邁 于 下 賴 問 之寄 而 亦 而 宋 宥 班 宜 漢 併 决 遂 異。 爾 幸 不 輔 萬 密之基 聯 勝 衍 相 嘉 至 要 勉 編 庸 爰登 千 物之宜 猷 廟 太 在 年 究于 尉 堂 萃爲茂渥 録》卷二〇。 里之外, 忠 增嚴 次相, 一方欽 之名 每 惟 力 **令** 勞舊者恩 , 何 務 于 置 古 講 事 允 承 亦 力 實實 能 酌 任 明 協 于 均 陳 尚 坐 顯 示 于 服 休命; 具 倚 于 折 必 秩 自 殊 崇周 訓 瞻。 于 沖 于 優,而 以 褒。 治。 言 牘 重 遐 加 家 文武久 權 佐 ; 衝 益觀 於戲 屬 超 司 理 運 望 ; 陪陪 馬 子 籌 陰 隆 甲 肆 美報 之 初 八長之 陽 者 腴 特 帷 兵 職 政 之 夙 租 禮 幄 峻 而

趙汝愚除右丞相制紹熙五年八月

作 相 履 蔽 帝 自 位 朕 以 心 御 邦 雖 退 方 處于 圖 政 樞 理 庭 當 立 宗 載 還 英 于 而

> 是圖 知 自 肱 直 矣; 詔 是 厥 己 忠 揆 中 之寄。 功尤 君 綍 爲 深; 實 路 岸 ,屢敷心腹之言;太上 置于 賢 俾 矧 臣 徇 而 0 大。 今政 壯 佐 主以 淵 之 既 乃 踐台符。 左右 一、以贊 擢居宥府,密贊籌 歲 孤 申 相 通 輿望 忘身,豈 光 與 允矣托天之手 逢辰,愛君 令之未 前 亦 命 繁機 明 一, 殊 衮 職 何 爰 而 衣未 乎, 有 咈 循 日 俊 告 利 越 眷 墻 大 偉。 益 具 復多旱水之間 備 彼 察其 哉 懷。 之過 人 甚。 僚 9 拘 粲 帷 少 而 幾若朝廷之不 孿 非 懃 篤 魚 如 年 成 壽 具 不 致 誠,徑 爲 導 射策 逮 水方歡 事 皇 官 朕 予 日 1 答 趙 膠者卓 反 私 之 有 汗 其 委 憂 汝 哌 作。 其 股 古 頒 切 世 愚 而

0 此 丞 宋 相 本 加 目 食 録 邑 卷 實 四 封 + 制 有 樞 篇 密 宋 使 本、 趙 汝愚特 殿 本等闕 授 光禄大夫 正文,或

實 勉 於 遂 之未 石 已 戲 我 熟知 相 之在 聞 旦 仍 録 唐室 與 其 》卷 奭 進 後 = 0 0 思 之 優 ,俱 日 注 于 崇 攀 意 稱 周 之 援 之隆 宰 家 秩 之自 輔 嘗 之賢 审 勿徇 此 兼 加 師 沃 毋 執 若 保 衍 庸 謙 前 之 之舊 之 再 朝 任 封 述 故

周 必 大 轉 小 傅 加 食邑 實 封 制 紹熙 Ŧi. 年 1 月

宋宰

輔

編年

之崇。 綜; 偃 周 備 白 大學士、 旋 藩 户、食實封 實 首 累 茂 甫 以 乃 下 歲 遂 充 而 詞 輯 . 高 内 醴 聲 章 群 朕 祠 三千八百 文大册 泉 閎。 之選 I 祇 之佚 觀 膺 用 使、益 自 駿 敷 , 震 有 命 踐 户 霈 涣 耀 書 周 或 清 恩 號 寅 四 公、食 契 必 進 華 紹 方 以 大,道 律 少 丕 來 保、 西 邑 爰 圕 逮 掖 參 悉 隆 觀 升 北 萬 能 亞 柄 文 舊 而 門, 殿 德 傅 弼 於 該

> 事 不 於戲 志 進 老 囙 食 學士、充醴泉觀 命 舄 孤 藥石 以 實 卿 樞 疑 毋 禮 起 興 封 眷沖人之嗣 有 殿 尋 增 精 懷 夏篆 四 之規,式 嘆股 進 遐 師 焕 神 ,嘗下乞言之詔 百户。 專 心。 垣 於 通 折 於 肱 \equiv 旜 衝 使、益 退 或 之美 可 究 槐 服 令所司 爲 特 柄 班 撫 致 方 授 緑 寖 仍 君 華 國公, 庸 少傅 野 謀 歌 高 夷 澤 衍 加 擇 之游 謨 求 民 而 故 於 貮 日 依 兹 經遠 加 助 咸 公 封 左 之 備 頒 食 之詩 自 肅 棘 前 藴 洪 併 禮 異 任 邑 適 觀 ; 化 册 增 數 衮 尚 東 社 文 之名 久 千户 命 真 乎 衣 就 想 辭 稷 殿 Ш 食 之 主 大 赤 明 元 相 以 阱

0 宋 封 本 目 録 篇 卷 宋 四 本 有 殿 本等 少保 闕 周 正 必 文 大 特 或 即 授 少 傅 加 食 品

者施行。周綸《周益國文忠公年譜》。●

議科舉考試事宜奏慶元元年四月九日

部貢 集議 革。 貢 之,請因其說,更加 百 處 所,約容一萬五六千人,臨安府、 貢 又 僚 員出 、院約 收試 ,謂待補之法行之稍久,冒濫之弊不可 軸作 院之外, E 院 言 今歲適當大比,乞令兩 施 准 引 可 題 行。 慶元元年正月二十五 一封,仍取御 議復太學混補,以示初 ,才候試畢 分授萬人。 仍各差監 試,經義 以 詔 臨 赴 安 鑰 人臨 措置 (府、轉 等詳審。 察 封 史印 今欲以詩 御 時 彌 史 約 運 押。 官 禮 度 司 省、侍從、 即 部 臣 日敕節文: 員、 人數, 其 兩 將 賦 貢 僚 政之優恩。 出題官及 監 貢 轉 乞用 真 院 人 院 試 運 卷 徑 盡 通 臺 每 職 分 於 别 添 禮 司 禮 不 臣 諫 試 處 部 事 兩 兩

> 施行。 考試 行。 引試 出院 件 合 考。 簾 下各卷彌 試卷倍多,合從朝 外封 預 已 封卷子,並 御史 先 兼照得自來補試 亦免重叠之弊。 爾、監 其今年發 如 行 此 候 封 下 封 打 諸 則 門等官徑自 彌 號 題 赴 路 解 發 所 禮部 目 廷添 轉 科 交 俱 過 場, 運 收 止係監學官考校, 出 貢院 俟 謄 差職事官以下 司 卷子 更不 出院 於 來 録 遍 対彌 年 所一 盡 牒 取 省試 御 而 待補 絶 所,就 州 處 史 同 訖 軍 謄 親 畢 日 照 同 日 令日 即 録 押 = 共 混 上 應 即 今 施 處 自

令經本貫出給公據。今來放行補試, 〔貼子〕舊法, 赴太學補試士人並

⁰ 有方循一資制》一篇,檢本集卷三三有此文,今不録。 以上 簡陽縣 據《全宋文》卷 續 志》輯 有《儒林郎 五 九二二。 知資州 《全宋文》本 龍 水縣楊 安益賑 又

亦合行下,照舊法給據施行。《宋會要輯

稿》崇儒一之四八(第三册第二一八六頁)。1

跋清閟居士本蘭亭序❷

爲 卷 從孫棣近以 F 劉 帖》,名字印章 誰 ,所蓄法書名畫亦略 巨 濟 薛 誦 相爲 道 所 祖名紹彭,向 聞以告之。 伯父揚州所藏《襖敘 莫逆之友。 瞭然,跋 語 相 之子也, 不惟 樓大防。 所 埒。 謂 河 今有《清閟 物翰墨 與 東公者也 \forall 《蘭亭續考 米元 問 清閟 相 章、 堂 Ŀ

題薛疑之伊洛源流譜

夫豈 知 趙 自 元 盛 鎮 行之際,而 相 業 甚 偉, 乃 其 翻 學 謄 不 撰 無 造 所 ·出 傳 一奇見 授。

> 邪? 未放 資干 集,知不足齋叢書 而 彫喪,後生小子不知根柢 州 新,自附於朱文公門人之列,欺愚後輩 季 不復還,故作此書。 虚 禄釣名者之具。 宣 蓋 空壞, 蠻 、吕成公講解 玉 成以吾道方屯,恐數十 本。 貊 猶 須事業成。」《吹劍 不然,何 語 水心挽之日 録, 耳 書坊 濡目 張宣公、 中 年 染, . 寂 後 録 乾 薛 日 老 不 》外 變 成 見 以 常 坤

跋倪思楊萬里書劄

陳義甚 賢兮。」誠 東 高 坡 誠 賦 齋 有 屈 齋有焉。 焉 原 廟 昌黎留 云: 《癸辛雜 雖 孔戣,事 不適中,要以爲 識 前 雖 不行,

- 以上據《全宋文》卷五九三五。
- 宋本、殿本等闕正文、或即此。
 宋本目録卷七十一有「跋清閟居士臨脩禊序」一篇

攻 媿先生文集

題 東 坡 墨 竹

畫彙考》卷四三。❶ 觀 不 獨 此 卷,風 詩文爲 東 坡 天資 韻 然, 叮 超邁,故其 其墨竹之在 見 矣。 攻媿 所 人間 樓 作 鑰。 輒 如 與 至 式 人 珍 古堂 也 書

與 判 府 寺 丞 帖

熟,願 幸 之通家。 連,又鑰 荷多矣。 雖 甚。 皆 無 鑰 拜 其它自 及 近 下風 爲教官永嘉時,張 鑰 自言 荷荷 蒙 少禀:江 報 委 能 必 教 爲吉之秋 曲 甚 欲 面 垂 禀。 寵, 諭 都張宰元弼 言 又加 兹 官 干 爲 不敢 溷皇 時, 先 主樂清 惠 專狀 出 恐,併 伏 頒 人門 與妻家 簿。當 望 趙 青 生 冀 下 慙 顧 台 與 事 有 頗

> 朝 文》卷下。 散 大 右 夫 謹 具 或 子 判 司 府 業 寺 樓 派 鑰 契 劄 丈 子。 台 座 《鳳 墅 几 殘 月 帖 日 釋

與 判 府 寺丞 帖

之戚。 言皇 寓舍。 無所 日 朝,兹以中大 尚淺 恐 望,得以老成前 鑰 尚 ,欲望台慈賜以青顧。 相見 方契丈開藩 不敢專狀,致政朱郎 而 清 冀 ,自言來過 台 夫休致 彊 不異 察。 未幾 輩遇之,借重 昔 右 閑 仲 謹 時 匆 居 子 具 匆 官 無 中江字朝宗, 呈判 舊 此 聊 舍 掛冠之後,一 與 來,陪 三多矣。 先工 府 復 又 寺丞 歸 有 部 侍 使 冢 契 之 府 儳 子 年 同

0 《蘭亭考 以上 卷三《跋李少裴脩禊序》詩前序即此,今不録 據《全宋文》卷五 · 解 有《跋李氏所 九六四。 藏 順亭 墨蹟》 全宋文》本卷又據 篇, 檢本

子。 《鳳墅 座。 殘帖釋文》卷下。 四 月日 朝散 大夫國子司業樓鑰劄

與 叔 清 宣 教帖

四

0

去 不 欲 氏 前 京 此 延 乃 負 鑰 段 視 歲 荷 敏 尋 土 品 之喪,比者蒙 梅 息 積 周 之 Щ 品 便修謝 鑰 敢 則 天 媿 泣 病 緻 哀 間,不及 自 以 此 雨 訴 血 之 ! 如 期 身 圖 潤 之悃 餘 再拜,上 此 況 忽 於 必 大 伏 門 頒 又被 再 事 號 不 繼 尤 已列 化性堊 下 奠之渥,且 見。 。 已 卜 訴。 見 久於世,遂 以 遭 艱 啓 專書,心慰 崇 大 前 室 叔 馮 篤 歸 禍 牘, 臘 有 清 紙悲 見 之誼 無 去 1 相 不 宣教親 弟 勤 由 將 舉 死 · 孝 復 輩 言 哽, 臨 心 相 重陳。 葬。 履支 拜 鑰 感,益增 慰 惟 契兄 尋 髪。 之, 繐 偶 老 冀 於 得 矣, 苟 節 九 方 坐 T 以 母

> 編》。 拜,上 宣 以 又見 時 啓 前近 《六 叔 清 藝 亨翥。 之一 宣 一教親 録 》卷三九六、《宋 扶 契 兄 力 坐 不 一前 次。 **石** 鑰 人 泣 法 渠實笈 書 血 再 續 第

增 廣箋注簡齋詩 序

若此 意 帙, 詳,讀之使人驚嘆,然 亦未易得作者之意。 留 模 花門》詩有日 無 寫 少陵、 彦材略而 則上 不 曲 奔 盡 凑 東 句足矣,何 物 筆 坡 不言, 態 下 詩 非 出 固 連雲 讀 親 人 已 用 者 蜀 亦 至 萬 不 「積 屯 亦 趙 有 其 易 卷 左輔 謂 未 彦 雪」之語 處 盡 書 止 材 盡 知 中 言 洞 注 處。 百里 其 知 奥 況 ? 多 曲 詩 篇 見 少 復 爾 折 積 惟 陵 最 隨 隱

0 以 F 據《全宋文》卷五九四七

旁取 卷茫 專 陵、 爲 注 力 後 政 嘗 然 能 雖 訶 學,日 力不 百篇 敘 一,遂 傑句 簡 到 盡 矣。 知 身履 東 數年之間 東坡二 曲 然 齋 Ш 口 平生之工 因 以 麓」、「雲根」、「 間 故 引 陳 鶻 東 及 成 不 争 得 進 百 公少 ,方盡見詩意 坡 之 注 而 詩 能 編 先 暇 罹 細 不 人 釋 傳 發 佛 至 究索。 實過之云。 觀 已, 在 朝 衣 而 精 耐 簡 誦 吏部 多 之。 日 夕 詩 洛 冠 齋之 得 猶 詳 Ш 彦 從 皆 益 下, 有 蘇 此 金沙」、「 至 貫 曉 榮 幾 白 材 事 高 秘 彦 公 詩 用 穿 所 江 長 已 無 以一 訓 事 遺 胡 紹 百 老 稱 遂 材 然 而 用 餘 酷好之,隨 直 深 熙 君 家 方 簡 以 詩 後 意 蓋 渥 藴 力兼 一愛其 隱 胡 壬 出 丈》 齋 穉 亦勤 俊 少 名 未 洼 處 君 子 仲 之 陵 天 視 知 等語 注之, 入釋 數 書, 用 IE 作 之 矣。 孺 讀 下 南 也 彦 絶 事 月 心 屬 渡 材 約 者 意 不 吉 既 故 余 之 余 標 以 其 過 少 撫 居 雄 涣

> 日 四 部 四 叢 明 刊 ~ 樓 鑰 大 防 敘 增 廣箋 注 簡 齋 詩 集 卷 首

通鑑總類序

政 氣 年 備 益 此 始則 言精 生。 而 末》,孝宗 登 足 視 事 嗜學,晚 Z 和 九秩,) 覽,盛 矣。 爲 以 力盡 取 付 望之 資 司 科 長 之 治 名宣 舉 於此 馬 物 昨 如 神 通 矣 益 見,以爲 公所著,各以 而 矣。 夢 神 明 鑑 1 不 既 書,而 求 僊 不 \leq 倦,敭 成 簡 而 故 貢 衰。 然。 不 則 筆 便,世所 詹 卿 精要,至 士 刊 力 事 袁 大夫 既 素 又 歷 之書 勁 光 公 多 事 掛 無 中 敏, 樞 禄沈 類 傳 聲 汩 鮮 衣 外 也 取嚴 編 集 節 冠 色之奉 於 有 不 憲 爲 之, 利名之場 本 能 减 向 司 陵 從 敏 自 徧 爲二 紀 馬 少 官 來 形 出 公,少 讀 本 年 事 謂 公自 功 者 百 名 清 以 得 書 本

七十一 仲游。 烈婦 序。 定交,知予甚厚,又與公之子都官 郡 傳 謂 删 之事 之學問 去之。 ,以承先公之志,俾鑰 乎 永嘉,實守蕭規,以自免於戾。 媿集拾遺 《通 ·, 彙 ! ● 公之季子守 門,首 爲書卷首,以示後之君子 云。 鑑 而 聚 總 古所謂 後 類 胪 自 嘉定 》卷首 分, 戰 治 國 影印 元 本《攻媿集 耄 粲 世 以 年仲冬朔 期 然 文淵 迄 日 潮 稱 易 五 知 序之。 陽 道 見 》附)。 閣《四 代 人, 不 ,欲鋟板以 一千三百 倦 繁詞 旦 庫 終 鑰 全 者,其公之 日 書 四 使 泊 荷 晚 細 辩 明 知 公 永 出 故 1: 廣 樓 志 餘 前 州 又見 試 其 鑰 年 悉 輩 昆 年 日

石 屏 詩集 序

攻

英殿

人少。 唐 文猶 人 以 詩 可 以 名 發身,詩 家 者衆, 雖甚 近 時 工 文 反 士 成 多 屠 而 龍 詩

> 之技 竹隱 世異 進。 講 切痛 之。 詩 中 舉 君 父業,然 余答之曰:「夫詩 語 敏 子業,終 明 遂 一,荷 之,遂 笠澤之論李長吉、玉谿 好乃如此 才獨 句 徐 或告以遺言,收拾殘編,僅 無 親 日 法。 直 傳 亦 非 友 9 乎 能 院 篤 深 以 携大編 窮 日 以 又登三 淵 !」爲之太息,語 得 意 此 ௱ 詩 ! 子 其 古 而 不 吾之病革矣, 自 皆丹 子既長,名曰 能 訪 趣, 窮。」 律 悔。 Щ 適 子 窮 陸 丘 誰 ·, 且 號 人, 雪巢 求 且. 放 能 名 東 死 言 翁之 好 或 士; 生言 泉子。 語 林 之? 謂 不 一子 吾 門, 監 以 俱 存一二,深 復古,字式 而 甚 惟 及他 書 子 從 廟 悲也。 方 窮 以 而 不 黄 之 甚 其 景 然後 襁 肯 此 詩 巖 遊, 思、 幼 傳 與 褓 作 益 戴

- 0 其」、《全宋文》原作「見」,據元刻《通 鑑 類》改。
- 生言」、《全宋文》原闕 ,據《赤城 集 》卷 七

先 當 異 乃 爲 遺 並 子 石屏 年 志 各 受 惟 廢 軒 詩 歲 琴 矣。 其 造 輊 能 殆 集 孝 於 未 新 邪 固 異 巻 定 固 弄《 ? 盡 父。 窮 於 首 之 三日 口 嘗 此 廣陵》、 則 贵 父 稱 四 聞 詩 部 没 其 東 然 戴 叢 几 愈 苗 臯 刊 似 企业 安 所 明 昌 續 裔 子 稍 道 傳 矣, 樓 編 邪 其 息》 善琴 過 之 鑰 本 ? 余 不 聲 之 書 果 之 又 死 而 流 于 不 爾 見 言 矣。 能 子 攻 忍 皆 《攻 則 固 以 復 勃 媿 媿 與 嘉 詩 琴 何 集 齋 定 顋 亦 世 承 足 拾

安洲驛記

洞 以 雖 檄 以 天 别 之 淳 在 駕 熙 柯 縣 之故 Ш Ŧi. 境 始 年 也 然 經 子 棟宇 是 自 由 時 仙 勅 整 稱 居 局 肅 過 往 出 使客 倅 内 來 丹 皆 外 之具 丘 宿 如 於 甚 明 括 備 年 距 蒼

> 井 公 復 修 嘗 驛 客 E 泰 預 利 滿 之 今 又 借 特 廢 堂 心 以 不 隤 纔 源 成 惕 邑 過 年 舊 之 求 新 節 以 庠 興 廢 而 量 未 逋 + + 之 直 既 誠 次 記 有 人 遑 使 建 許年 萬 地 月 取 有之, 幹 四 俱 問 不 爲 來 爾 樞 錢。 驛 才, 千 己 辦 暇 之 出 者 基 密 經 亥 五 葺 里 即 視 顧 如 凡 直 始 而 先 寖 理 百 併 人 事 以委之, 邑 括 歸 爲 爲 學 至 其 爲 餘 以 林 以 雖 蒼 焉 誉 士古 以 屋 下 臺 緡 就 即 君 來 驛 小 故 繕之計 門 緒 不 聞 岳 必 也 基 + 吏不 以 靈 · 未 檢 何 於 之, 爲 敢 欲 斥 楹 陳 及 是 柅 至於是, 縣 以 器 快然以 始 且 賣 得 先 首 聽 女 足 言 用 邑士 加 於 宇 與 生 敝 飭 毫 爲 庖 民 賦 中 H 祠 社 其 煩 以 温 大 林 疏 間 安 兩 而 爲 堂。 壝 民 井 賓 宓 償 直 廡 嘉 剔 物 驛 洲 不

卷六。 尊 洲 以 董 侍 有 此 也 也 如 者 陟 以 饟 名 窮 此 郎 之云 古 險 之 乎 過 君 余 湖 謂 嘗 曾 ? 縉 跡 廣 日 非 來 0 以 雲 0 再 孫 者 安 家 括 薦 赤 是 洲 傳 振 客 脱 而 蒼 城 於 之 職 口 口 亦 君 集 險 既 漕 書 彩卷 去 乎 之父 境 阻 遷 爲 臺 也 ? 者 之 而 鄰 可 \exists 先 方 近 息 更 郡 農 縣 0 得 又見光緒 肩 選 Щ 以 之 小 有 君 安 試 才 焉 名 卿 蒼 有 意 實 業 邑 進 嶺 高 受 紹 故 樂 仙 爲 甚 賜 僧 能 興 處 用 更 居 時 峻 以 者 聲 灌 未 吏 於 縣 部 志 安 艾 此 己 寧 由 頂

華亭縣南四鄉記

輩 疾 誦 卧 之, 開 家 禧 待 有 臺 盡 年 孟 評 論 鑰 秋 嘉 方 月 興 掛 末 府 衣 郡 華 冠 以 亭 邸 縣 又 報 苦 之 來 践 几 鄉 盭 使 之 兒 利

之官 錢 責 賂 醖 造 記 無 宰 之 仰 報 吏 病 IE 士 此 胥 公, 動 肆 煮 民 謂 市 過 可 歎 窮之利 深 且 出 恐 倍 醖 邪 洞 行 以 井、 方 日 邑人 敘 於殿 輒 切 其 古所 相 察 . 次 ? 科 公私 道 額 其 著 增 有 皇 田 差 與 於是 罰 V/ 中 也 事 止 明 釋 至 累 E 謂 爲 里 等 中 侍 始 交病 + 几 醫 勤 之 葉 諫 爲 9 既 時 與 御 亟 萬 重 其 1 細 公 卹 及 行 登 之 征 緡 同 史 以 萬 更 長 , 立 積 仲 言 微 民 矍 政 葉 倍 下 寮 書 歲 有 隱 聽 弊 生 徑 舅 路 逃 然 紹 税 至 亦 公之奏, 問 奇 或 之實 祠 汪 民 宵 而 興十 與 膏 以 倡 之。 盡 至 文 於 日 有 木 科 徹 起 澤 旰 優, 以 昌之子 甚 縣 抑 大幸 聞 下 不 1 告 得 官 百 非 大 庠。」 之 無 年 於 遑 誦 不 於 略 其 曹 特 日 萬 有 害 ·於斯 之 民 孝宗 旋 爲 報 立 無 有 因 而 品 免 數 自 參 中 請 中 非 耳 以 踵 邑 日 過 焉 爲 皇 賕 寒 宰 邑 目 政 里 歲 爲 此 而

既 去 數 年 納 忍 耕 底 賦 九 鄉 至 海 砂 張 帝 既 緡 是 患 以 貫 盡 涇 藴 夏 川 又 宣 而 補 輕 尚 税 復 歲 乾 鄉 合 雖 充 堰 盡 其 被 川 諭 有 折 舊 除 道 蕩 壞 額 久 而 鄉 寬 蠲 爲 論 漕 帛 貫 增 爲 外 易 歲 七 民 復 恩 之。 農 年 九 海 臣 額 爲 年 之 輸 巨 月 量 力 成 來 萬 民 潮 韓 闔 緡 壑 酒 \equiv 解 大 愈 估 \equiv 曲 自 朝 彦 漸 大 錢 境 錢 萬 敝 之 漫 竭 米 折 + 淳 於 廷 質 歸 人, 爲 貫 斥 數 及 直 内 熙 遂 不 餘 故 之 萬 如 雲 俾 有 副 蘇 六 憚 分 以 業 年 鼓 鹵 燭 使 以 奇 閒 苗 端 有 六 年 人 科 之 重 湖 舞 未 昭 補 口 米 以 舊 胥 皆 萬 費 月 抑 爲 數 樂 清 以 洒 寬 秀 寓 近 浦 之 Ŧi. 解 計 今又 始 不 輸 額 兹 起 租 之。 大 邑 害 千 之 之 口 一,不 邑 萬 賦 興 仙 税 分 \equiv 將 額 明 催 會 几 修 全 先 斛 Ш 隸 白 計 復 深 猶 日 鄉 足 築。 失 是 之 白 + 洗 之 發 府 謂 知 + 斛 未 口 几

斯 錢 是 矣 際 末 意 鄉 欲 今 其 鈔 板 折 E 額 而 前 均 會 苗 蠶 邑 開 又 下 征 歲 帳 邑 無 無 之 無 官 税 定 納 漕 催 既 桑 日 中 殆 爲 得 Ħ. 路 少 欠, 寮 不 益 早 未 酒 可 旋 徑 蒙 稽 無 補 不 自 得 寬 吏 及 急 動 錢 而 邑 解 即 容 俯 足 此 遲 達 民 E 本 蝗 而 亦 之 戒 施 0 所 理 察 别 少 一之過 交 責 尤 府 數 又 易 隸 災 行 飭 其 置 他 虧 難 措 П 以 以 辦 傷 其 來 牌 F. 處 起 不 相 支 置 折 而 立 几 已久 下 尤 均 皆 引 春 許 催 吾 賀 絹 禁 中 鄉 奉 害 與 舉 每 名 催 邑 有 輸 其 到 所 郡 行 歲 者 色 蠲 蠲 銍 官 夏 而 納 非 天 官 將 輸 惟 别 艾 税 太 放 减 干 遇 今日 假 至 來 謹 守 每 并 委官 未 固 利 預 之 有 夏 民 不 此 從 歲 程 可 已 具 施 幸 之 賴 獨 災 催 可 公 多 條 1 謂 焉 仍 專 歷 而 罪 以 縷 傷 秋 不 中 卓 有 不 限 除 催 曲 究 責 與 數 苗 深 喜 當 給 略 此 及 本 去 几 如

化郡 下元 時 志 其 恐後人不 廣之,下 民 字字 》卷二一。 有 事 廖乎 有年 開 日 或 龍 - 轉上 矣。 知 侯、 圖 其 嘗 聞 食 閣 故 嗚 詳 由 以 邑 不 直 呼 甲 一千户 以 學 願 時 科 土 老 書 罷 人 求 退 而 行,皆能 通議 四 樓鑰 民 爲 登之石 之 明 辭 幕) 瘼,推 大夫 記 府 而 如 致仕 **至** 直 此 此 其 葉 書之。 斯 元 公 孜 心 奉 嘉 名 民 而 孜 禾

上天竺講寺十六觀堂記

既 朝 前 雨 言 一公頃 於 而 而 去國, 上天竺山 。」余何 嘉定 寺之十 改 年直學士院 遂 辭 元 六 求 ? 歲在 觀 於 住持 余 堂 内 戊辰 四 崇 相 左右 明 洪 時 成 人 四 嘗許 公。 街僧録 願 也 月 求記 城中 Z 今公既 以修 E 妙 文 一,被 延 珪 造 以 再 慶 有 命 踐 教 請 禱

之境。 也。一了 池水, 皆以 介然燃 之身,夾 各據 院 落成 歡 多。寺之西隅尚有 介 兩 净土之法,不 者來,依 萬,爲屋六十 净 然 喜 間 爲 土 大悲 之日 願 東 ,净習之士無 一室,成此 院記 水 外列三聖之像,内爲 自是 翁 南 手二指 10 勝 生 以 復燃 洞 呪 最 深 ** 蓮 觀 境 更七寒暑 盛 歷 明 切 音 回 餘 華,不離 教 而 處 當當 歷 勝緣。』來 誓 間 \equiv 勢 \equiv 元 呪之, 獲 觀 有 年 嘗 指 中 必 時 善利 隙 至 豐 虚 其 成 讀 以 環 地 塵染 建 謂 中 位。 木 序 而 增 此 諫 得 者 爲 寶 其 者 後 大 議 净 比 禪觀之所。 之中, 閣 + 不如其志 不 加 口 期 檀 元符 石 授 略 誓。 忠 丘 有六室,室 ,立丈六 衆, 滿 行 知 施 如 肅 匠 微 者 日 其 於是 三年 豁開 一者。 此 錢二千 陳 然 而 去,發 至 幾 公 室 修 塼 彌 ·三月 建 抑 何 見 世 殿 我 所 不 西 甓, 炎 聞 臨 增 志 外 各 陀 餘 等 爲 聞 方

当 暇 虏燬 況 Ш 所 建 六 物 非 精 道 德 敬 去 萬 者,至今堅緻如 一,成於 殊勝 於民 人間 已告老,不 又爲 謂 日 必 多燕坐其 去 書額 妙 俾 ~,過者 都 廢 净土之説。 年二月駕 建 燈 0 興, 所可 此 而民敬者。 城 城郭焚蕩,寺 知年, 此 四民所欽。 自 灺 净 最 室,遂 不 必 此 爲 處 及 遠, 謂 上, 肅 災, 離 四 幸 又過 也。 故。 坐 復爲 乎 方 出 寫 此 得旨 或 進 悉 又嘗 修 邃 數。 延 山,修供 上天竺山 於 引 光宗皇 以 間 孝宗皇帝留 此 亦 此 梵 秀 慶規 禪 再 舊 道者 命 煨 不 來 潤 開 行 摹 律 建 至 存,獨 燼。 禧 者 模以 帝 固 光 金 高 大士 其 於禁中,退 可 珪 以 接 宗 碧 時 僧設 處 己 不 公住 珪 年 觀 跡 爲之。 所 素 御 輝 在 心内 幾 勉 七 公竭 音大 賜 其 謂 書 映, 潛 齋 離 乎 Ш 月 緡 於 中 净 ? 塵 揭 邸 講 典, + 稱 力 嚴 土 朝 錢 未 土 之。 染 道 + 有 誉 然 余 其 奉 净 乾 功 餘 院 施

> 實 九品 倦。 老計 寺 者,將復尋延慶 七 志 以 年 参 遺 + 累 建立 七 之。 道俗 倫之旨 朝 眷 勝 ^ 遇, 歸 咸 事, 淳 嚮 特 之 至今 臨安 又作 遊 以 日 志 义 領 珪 不衰。 復 》卷 三數 菴 八〇。 不能 請 於 之 百 Ш 余 如 又見《上天竺 勤 衆 之 非 7 南 久 修 翁 爲 於 推 書 進 爲 其 此 明 不 一講 歸

[國州超果寺記

岱 横 巨浸 Щ 海 在 便 中,名蛟門,潮汐之所 明 蓬 有 風 萊鄉,其去縣若縣之去 邑 乘 日 潮 定 海 而 後 去 至昌 郡 吞 或 白 也 里 定 出 丽 海 或 門 近 遠 也 則 則 爲 Ш

^{●「}虏燬」、《全宋文》原作「兵燹」、今據宋刻本《咸淳

慶者

因

以

處

僧

輪

+

年,院

事

ず,不

緣

法。

失

磨

以

歳

月

僻

乃

淳熙十

歲

堂、丈

室。

堂恩

徙

焉

白

霧

蒙

其

高

. 亭

嶺

F

嶺

西

有

白

益

遠

矣。

城,且又有以飽 如天台章安諸公爲 與言 建立遷徙之由 觀 又 不 植 一,補 大 塗 莊 不 0 得 鄉 成 奥 爲 朽? 福之所。 知 當 陀 日 之善士 寺僧慧興 、谷墨之地,遇上熟才足以 田 ,遂卒歲 其 孤 天 才 福 乃摭 絶, 崇寧 吾 其 · 具 時 也 今一公作 鄉 又 之 徒,是皆可 有 又 其 邑 捐 因 去 貌 望 政 足 之倡 鉢 或 之 主 我 然 鄉 和 13: 以 盂 仲 僧 啚 海 不 與吾 間 辦 之士 觀 荷 ,募衆緣 惠詵 經 此 遠 Ш 仲 此 之光 考 書也。 獨獨 殊勝 中 母 無 也 民 章 於 俱 以 院 求 歡 益 復 此 他 高 悦 汪 記 之 支 前 Ш 處 喜 亭 田 以 力 契 既 半 于 未 佛 於 和 西 因

八八九九

方志叢刊》本《大德昌 」、《全宋文》原作 蓋」, 或 州圖 今據中 志》 華 局 印 元

厚。 夫、太 少 口 州 余亦 硯 府 以 圖 席 志 少 告來 喜一 , 》卷七 卿 實 兼 者 之能 兄事 咸 玉 豐四 牒 紹 有 之。 年 所 熙 成 刻 檢 本 嘗 興 討 年 寓 官樓 克 清 是 佐 明 邑, 之, 鑰 記 朝 故 又 請 併 與 大德 大 爲

義田莊記

息 先王 領 泗 紳 畫 心 加 於斯 應者 書 韋 有 美 閒 一之舊 意 繡 布 斷 不 自 義 序 同 則 寡 龂 阡 之歎 志 近時 陌 必以齒 ,皆彷彿 襟素 至今不 既開 然 雖 所 而 高 廣 守望 歲 在 ,兼并成俗,千百餘年非 承 古意。 泯 耐 平 卹 有爲 時往 力 孤 時 相 不 顧 大父 義 助 濟急,不遺餘 來 贍 貧 四 田 少 疾 明 富 ,學士大夫每 齊國 以 長 鄉 不 病 齊 有 誼 給 相 公以 ,求者 扶持 倫 無 最 告, 力, 重 列 無 鄉 衆 洙 規 歎 良 復 薦 卿

> 乎 者 人 者 經 + 又得 者 沈 百 惠 相 文 ? 王 惠 提 畫 斛 於 蓋 有 叔 猶 Ŧi. 繼 其 纖 撥 是 限 晦 主 Ξ 能 楹 ,米三之二,而 可 綱 悉 於郡 助之田,合爲 或 焕 盟 道之。 舅 數矣。 韙其言, 又 皆出 吾 此 捐己 請 氏 鄉 於 城 擇 風 尚 一吾舅,]産,或 以 厥 文 西 仕 不 盍 書 與 清 後 惠 望 墜。 而 用 暨 附 、吾舅 白 外 王,曰: 家 京 Ŧi. 會 推 輸 鄉 益 祖 相 食者 門 頃 淳 稽 爵 之 財 未已 謀 厲 少 熙 内,扁 有 近 協 先 以 師 以 中,故 奇 一人,司 一之高 比 其 達 買, 也 ,歲得 倡 隨 汪 爲 能 與 各書 率 時 公、 義 買 稱 我 而 龍 義 拯 穀 諸 其 太 有 物 家 地 田 舒 於 田 卹 之 平 作屋 近六 出 才 好 别 諸 師 莊 力 義 其 納 舉 施 乘 父 史

^{● 「}硯」、《宋元方志叢刊》影印本《大德昌國州圖志》

② 以上據《全宋文》卷五九七一。

專

意

學

業

知

其

所

恃

不

汩

喪

素

節

以

廉

恥

之

風

將

使

父從

官

者

清

白

自

持

爲

士

者

言

日

是是

田

之設,

非

止

濟

X

之急

而

以

崇

鄉之此

舉,

無

閒

親

疎

可

謂

尤美矣。

文

惠

有

義莊

以以

及宗族。

清貧終身,志

卒不

子

今

書《范

氏

義

田

記

於座右

欲

增

益

揚

州

伯

父

於 以 序 屬 授。 也 里 叔),俾記 詳 是 實 鑰 引登諸 所 悉 任 令邵 閒 入加 其 居 之。 檢柅 石 武 事 猥 ,所濟亦廣矣。 多 使 猶 鑰 信義 以 滲 君 慮 念昔 而 見 漏 高 無 被 命 素著。 裕 明辨 以 先 惠者衆。 如 逮 傳 人 文善、 起 遠,以 真 太 木 於 舅氏 贋 叔 師 掛 樂 不 先是 岐 尤 鑰 冠 既 能 平 公 嘗 私 薨,諸 嘗 以 派 而 周 預 市 命 於 知 袁 後 田 恩。 鑰 斯 數 他 州 木

> 者 卷 勉之哉 正 焉,不得已而 諸公之意, 不 詔 孫 四、《宋元 計 以 方 來。 爲 庶 恩,受者 方志叢刊 嘉 其俱爲賢者之 繼自 後 定 而 水馬 後 五 今富 》影 年 可 不 以 印 中 者 以 本。 共守規 久 秋 樂 爲 矣。 歸 節 施 幸, 記 也 約 貧 凡 有 我 以 者 敢 餘 延 里 安 祐 誦 則 無 几 士 分 舊 負 加 明 尚 聞 志 先 益 與

宋金部郎鹿何墓誌銘

時 	□上章求致其事。	
	時	

- 0 文多有節略 全宋文》卷 ,今據《延 五 九 七 祐四 據 雍 明志》補 IE 浙 江 通 志》 此 其
- 0 平興 《全宋文》有 户 夫、提舉江州太平興國 樓鑰 或 撰并書。 宫、 河 注 南 縣 「題 開 後 或 閣 原署 伯 宫、奉化 學 士、 食邑七百户丘 一顯 通 縣 議 謨 開 大 閣 大、提 或 直 子、 宝 學 士 篆額。』」 食 舉 巴 江 通 州 五 議 太 百 大

人父子,儿界正三,因为父哥二十0 雷	餘里,地名鹿隩,山水佳處也。既歸,不	年	:「此吾志也。」既十年矣,人皆以君不	人」者,欲以「見一」名君所居之堂。君 一	是,有客嘗取靈澈詩所謂「林下何曾見	嘆。其行也,朝士餞别,争賦詩以爲贈。	□□□□□□□□□□□高節,萬衆	,入爲名曹,日嚮於用,翩然乞身而去。	、之元,至是年才五十有三,況以循良之 .	,授一子昌運以官,用華其歸。君生於建	遷官二等,以朝奉郎直秘閣,賜緋衣銀	。而求之不□□□□□□□□□□□□□□□□□□□□□□□□□□□□□□□□□□□□	,寮友有以詩挽留之者,廟堂亦嘗却其	:「鹿某之請,出於至誠。」朝論多惜其	之習,顧大臣問所以。丞相趙公雄奏	□□□□禄禄奔走臣子。然聖意頗厭躁
	爲請。」雖老矣,學益落,義不得而辭也。君	今日深知先君之出處者幾無人矣,敢以銘	行狀, 泣而曰: 「先君之葬, 未有墓隧之碑,	□□□□□□□□□椿年知處州日所作君	過四明敝廬中,感念疇昔,恍更二紀。方相	哉! 嘉泰三年昌運改通直郎,將宰龍泉,	别四年而訃聞,蓋十年十月七日也。哀	領此意。尋即别去,意君之壽考未艾也。	内清風滿,但覺山中白晝長。」 君亦爲一笑	上先生見一堂,澹然賓主兩相忘。不知海	但覺日長耳。」慕仰不足,又爲之詩曰:「再	官滿再過之,問君樂乎,笑曰:「不見其樂,	太守爲裒中外之詩,爲《見一堂集》行於世。	□□□□□□□□□□□□□□□□□□□□□□□□□□□□□□□□□□□□□□	老木擁門。主人欣然出迎,望之使人自	時自敕局贅倅於台,訪君之廬,崇岡碧谿,

伯 數 捕 屬 兄 淵 害 隄 諸 炎 秀 紹 氏 鼎 陌 徒 有 畫 皆 仲 文 貴 者 圃 積 贈 罪 愈 縣 時 屏 州 華 與 + 實 數 君 有 爲 之人所 吏 息 右 沙於 尉 由 賓 亭 從 漕 聞 隱 百 民 承 水道 日 自當之。」 太 之遊 縣 貢 德 使 其 年 干 潦 汹 事 出 學登 築 人。 尉 而 馮 同 水 郎 巡 諫 被 不 早 也 險 以 意 始 旨 今不 議 父 0 世。 詢 及 有 肆 進 親 爲 忠 隄 疏 汝 君 之耆 君 虐 戚 導 士 於彼 儒 肅 既 爲 年 至 君資 寇者 H 往 之。 起 家 陳 先 盡 丙 累 其 . 老 視 家 公 疏 以 科 去 贈 家 隄 E 瓘 水 伯 治 具 持 方 鄉 宣 海 授 當 縛 水 軍 父 謫 略 言 畚 反 間 教 或 干 勢 道 左 汝 自 奉 取 居 樂之。 權 擒 臿 郎 日 壞 頃 頓 迪 弼 命 以 時 顯 待 豪 其 朝 泄 民 促 歸 功 名 Ē 築 于 爪 以 汝 承 惟 郎 始 迫 此 公 阡 牙 向 長 名 明 事 鹿 X 甚 徹 也 留 得 君 郡 哉 旁 之 石 知 且. 邑 没 者 公起 衆 其 悔 見 力言 於 觀 原 勸 庠 中 者 材 日 爲 與 用 皆 設 願 冬督 省 宗 新 是 黄 土 數 之 其 盗 給 燕 夜 限 龍 之。 且 廷 歲 百 賞 股 已 告 春 延 秋 未

見 作 試 人, 品 改 慄, 施 身 款 畫 及 賦 X 於 增 爲 士 左 以 行 輸 擲 甚 0 H. 矣。 乃 谿 問 亞 員 法 名 承 其 急, 郡 者 歸 言 選 未 前 未 魁 薦 何 以 奉 牘 寮 漕 應 就 書 以 浹 漕 師 澹 郎 無 紀 賀 民 於 來 築 追 者 致 逮 日 然 喜 捨 皆 之 相 地 日 親 知 者 按 淫 倍 此 而 甚 以 我 而 : 以 率 加 泉 臨 縣 而 於 祠 登 連 去 詩 督 至 爲 遜 州 决 率 逮 屬 舊 於 足 力 日 課 作 謝 縣 隄 南 愈 其 賦 屬 君 陳 上 成 庭 急 安 之 加 百 利 守 易 草 謁 利 吏 和 士 P 縣 驚 部 者 益 溥 足 遮 趨 奏 害 不

一謹。綱運當輸左帑者,因□□□□野,多	官不□注癃老之人,乞嚴差注之法。又
月遷金部。君佽助長貳,經畫調度,給内	立,風俗委靡,不能仰副聖意。及論諸郡獄
稽考訂正,灼知利便,願以身任其事。十	知衢州。尋改饒州□□□□群臣氣節不
上屯田□,指兩淮可以留屯者數十所。	力薦之,復有堂察之命。淳熙二年二月,除
此可以少紓民力。酌古騐今,周詢博採力	室,得米七萬斛,賴以全活者不勝計。龔公
又以屯田有名無實,國用十以□□□軍,	任以荒政。朝廷設賞,募人出粟,君諭富
修廟學,定生員,置膳養之資,嚴教導之法	□□□□右大饑,參政龔公茂良帥隆興,
庠以教宗子,而法制苟簡,反不及州縣。	訟,部使者多以委君,一問而得其情。□
五月,除尚書屯田員外郎。輪對,因奏立	置,遂添差通判吉州。佐郡有聲。鄰有滯
未□□□□召爲諸王宫大小學教授。五	監登聞檢院,時中都官待次者率從員外
郡計不足慮也。」上然之。 四年九月,到	寔。二公皆有當世重名,不輕許可。□□
用不足。若能使田里無愁恨嘆息之心,	□□□□□□諒直而不欺。」人以爲得其
原,懲吏姦,則財不可勝用。無政事,則	翰爲給事中,舉君自代云:「處事剛
賦,君奏曰:「今生財之道極矣,惟能窒	朋爲守,以治最薦,有旨審察。詹事陳公良
上皆嘉□□□□諭君治郡不可不留意	月,邑人肖像立祠,奉之至今。詹事王公十
施行,又以不便而罷,誠有朝令夕改之弊	親有訟,一言喻之,或感泣而退。圄空累
言:「奏對者多徇私迎合,詆議成法。間	□□□□□□□□治。相戒不忍犯法。至

然之。 外郎。 可勝 里無愁恨嘆息之心,則 財之道極矣,惟 苟簡,反不及州縣。乞

酌古騐今,周詢博採,有 國用十以□ □軍,惟 傅 息 甚 積 其 禄 病 列 力 如 所 陰 而 寬 聖人不 之誠 主 以 差 悦 岸 曠 爲 行 हों 恤 世 之。 之。 E 或 役 眷 次。 敗 媿 不 味 君 二千石,又皆 之 催 致 顧 稱 止 勸 以 勿懷自 進 悔 宦 詔 而 勢 躬 身 郡 科 善 得 止 詩 之 情 歸 每 蕆 爲 不 員 折 縣 者 天 頌 之, 何 泊 下, 心 得 事 督 郎 有 帛 再 滿 爲 恩,有 皆 及 啓 之 察,力 專 如 奏 場 之意 則 = 足 而 所 多多 日 矣。 如 也 篤 陳 務 奉 得 此 而 以 老 利 天 識 有 革 行 且 已 俱 則 : 其 陪 君 以 開 害 扞 宇 者 其 極 不 君 厚 乞 天 至 敬 寡 祠 廣 格 開 弊 謂 虔,其 言 吾 過 更 之 天 兄 E 不 小 然 靋 之遠 民 才 張 眷 陛 自 爲 意 疾 弟 自 可 明 疏 之 佑 以 薄 務 下 擾 知 行 禮 堂 官 决 矣。 少 强 宜 疾 有 又奏 命 益 者 止 成 大 至 意 又 顔 苦 存 天之 加 足 奇 甚 多 議 歸 師 納 班 必 無 不 :

之盡 者,□ 以 所 於 創 市 謁 自 氏 未 劇 喜 詠 有 友 7 兄 小 幾 甚 權 濟 録 奉 歡 土 以 小 在 宜 黄 禮 嗣 寢 閣 鄰 艇 遂 篇 爲 甚 近 而 E 作 叱, 薄 得 疾 里 兼 樂 相 歸 至 撫 庠 而 聚 章 石 器 濟 尋 前 0 去之。 其 之 藥 聞 潮 相 書 베 外 事 井 給 用 於 吴 歡 如 餌 其 賴 屬 好 至 和 父病 九 事 公 慕 心 己 悉 自 周 之 上, 内 負 京 爲 龍 南 居 病 出 其 出 號 人之 以 剛 者 學 安 忘 朝 官 分 爲 其 中 不 濟 尤 湖 月 吴 棄 夕 年 暇 田 伯 手,未 邀 初 急 Ш 口 約 走, 交。 公 省 毫 宅 有 父 俟 居 X 嘆 带 以 有 閲 不 朝 則 通 潮 少 見, 自 士 歲 嘗 也 例 爲 君 掛 妄 直 績 辭 讀 分 有 則 去 當 誠 歲 客 取 呕 多 性 冠 聞 張 必 君 吏 捐 願 側 增, 往 孝 已 嚴 至 而 禁 君 白 乖 死 負 天 首 所 訪 過 受 重 爲 姿 竟 家 當 厓 此 則 捐 以 寡。 感 不 先 公 俄 孝 舉 廪 事 伯 浩 宅 觴

應縣 耳。」 之問 禄 幼 竹 言。 者。 應。 適 州 貢 又先之。 爲之志,其文甚□。 視君 之 隩。 賢 出 闡 德 同 墓。 棄 + 文集 爲 則 里 安 權之女,先君十五 謝 才之用舍,憂喜形於言色,若身任 進 文 置 縣 事 鄱 甘 一子,昌運 有 以 + 鑰 鳴 年 明白簡易,詩 士 派 人事之後,聞 Ŧi. 陽 澍 媿 一吴栝。 卷,藏 助 投 仲 吴熺、應虞。 年 呼 隨 郡 冬丙 費 閒 之, 例 而 及 几 九 范 銘 於家 人皆 也。 在 孫男 諸 早 年, 申,舉君之喪 蜀 贈 日 州 , 司 年 國家一政令之得 安人,葬於重 務 公六十三而 猶 鄉 歸 縣 愿, 一女,適從 以 曾 娶 平 卒,有賢 以 功 人 時 T 淡,能 孫 業儒 應 爲 禱 緡 男女 氏 則 養 雨 或 餞 日 3 合於 暘 而未忘 不 行 寫 知 政 致仕 行 : 四人,尚 女二人, 暉 楚 人 獲 有 郎、 應 其 偶 所 禱 鄉 君 州 會 君 責 祠 安 自 然 江 難 君 寶 輒 建

> 《古誌石華》卷二九。① 歸,二 風 廉 後之君子, 去之亟 退 令名,惟 七十 一疏 ? 勵 有 致仕 光 臣 庶 君 才方登 節 幾 純 , 煌 知 全。 禮 煌 天 慕 用 經 孝宗 我 甚白。 《台州金石録》卷八。 身 升 仁,不 求 又 其 康 堂 賢 年 一、又銘 强 假 如 踰 之年 渴 知 慨 君 命 然 崇 又見 墓。 高 獎 賦 胡

静治堂記

爲 之者衆。 静治之實,當爲 左爲静治堂 父行 T 爲 君大榮宰天台,以書來,言闢 盖 書 請 邑 其 當 書其 記之。」 扁 往 來 且 扁 孔 踰 勉 且求記焉 道 之 年 夫 日 政 成 力之 俟 而 須 君 君 縣 品 視 治之 最 政 人 爲 有 誦 子

古

籍珍本

· 叢刊

影

印

明

弘

治

刻本。

對及游 農 治 真 爲 則十損 闘 催 擾民,農人失業,幾不 家,遠業未可量也。《赤城集》卷 收百斛, 斛,以待饑歲,以 之,民已 都彈壓之寄。 少卿公之次子。 刻之,且益 争。 科 以爲難 ,日不暇給,而 可以静治矣。 邑人深長之思,作助 不事 上庠者。 七八矣。 尤敏 〕按堵。 率三歲則以助 能, 追擾,使人樂輸 於聽訟,前此投牒至以千計, 勉 加 君盛. 其 持之益 大率御 於是上下説和,坐以 予嘗倅赤城,知天台之難 變劇 君能如此,乃爲之記,使邑 平 善始以終焉。 年試治行,●卓然能 少卿 糴 價 邑爲道院,以其餘 聊生。 濟 士子之與 吏以 堅,力請 以 倉,儲粟三千五 禁戢 才 又作續 嚴, 一二、《北京圖 選表,兼 君首欲罷去, 計 彊 撫 于郡 君實 偕、赴 倉 狡 民 卒罷 無事 食, 以 世 以 今 領 寬 其 司 行 廷 歲 百 力 絶 館

建康察推題名記❸

缿訟 賈 書 因視 存。 由 授,故每號爲得士焉。 當代名位俱隆者不在 「求爲 輻 慶元五年乙科爲 湊,軍 最 師 高宗南 建康古爲王者之宅,六朝 壁記。 稀 臨 庭 幸,麟 民 巡、駐蹕錢塘 雜 無 余聞 留 糅 符留 事 宜乎官 觀察推官,善於其 是 ,莫府省文書 鑰 邦 餘鄉 兹選,寮宷亦不 謀 衣 以以 府 冠 帥 人劉宗直 是爲 H 走集 重於它鎮 南 不 暇 唐 幾若道 陪 之地 遺 給。 都 職 叔 以 蹟 貽 向 院 商 輕 非 嘗 而 具

8

⁰ 年, 赤城集》改 明 弘治 本 作「季」, 今 據 文 淵 閣 四 庫 全 書 **※本**

型 此據牛勇軍《〈全宋文〉拾補9篇》(《古籍整理研究

本篇題爲校點者擬。

平. 之官 以 也 章 得 積 印 樓 日 如 朝 本。 昌 著 鑰 此 興 廷 而 顯 大, 賢 記 國 + 致 去 雖 羽 侍 謨 宗 宫 業 此 餘 此 流 儀 抑 御 閣 邪? 直 風 而 奉 蕭 景 以 直 鄉 出 勉 登 餘 定 公以 化 繼 學 黨 則 膴 閲 旃 俗 自 建 縣 諸 士 與 爲 其 仕 康 風 開 紹 其 其 名 有 志 郡 者 名 通 節 興 或 公之 益 來 榮 卷一 或 議 又 氏 七 子、 顯 有 焉 攄 標 大 不 年 四, 軌 如 自 婉 食邑 貳 表 夫、 趙 嘉 丞 躅 畫 卿 宋 非 君 進 提 泰 此 相 元方志 丘 Ŧī. 以 賓 不 贵 官 用 蔣 舉 = 公 百 佐 主 藺 之不 惟 公 江 年 古 人 户 叢 多 耐 而 未 以 冬 所 則 州 刊 几 長 F 至 輕 艾 文 明 太 居 爲 影

呈提舉郎中契丈劄子

鑰伏以冬令霜明,恭惟提舉郎中契丈,

之, 賢 多 少 台 亡 末 者。 是 官 氏 畝 來 夫 及 喪 司 之家 送 稟 太 清 所 庸 繼 杜 治 遂 乃 以 鄉 成 方 懦 約 門 多 聞 守 濟 絶之子爲 得 以 法 與 人 其 就 ,所裒-多矣 暇 喪 近 也, 送 沈 莫 少 鑰 相 官 事 不 使 神 叔 汪 疏 官 稱 没 郡 會錢 推 指 出 能 司 出 修 明 才得二 之言 義 官 晦 掌 之 定, 吏手 舉 大 人所 率 也 問 佽 ·, 此 舉 義 氏 率 欲 撥 又三 孤 記 相 鄉 達, 爲 事 有 望 敝 噈 百 不 史,徒 台 女 人 如 氏 斷 繼 台 義 里 之 容 不 餘 出 數 法 囂 此 文昌 候 絶 莊 少 慈 畝 不 自 勝 事 田 年 給 訟 又 深 動 之 蓋 能 深 爲 默 之 幸 矣。 與。 爲 幾 公好 不 詹 止 産 藏 林 嫁 義 察 不 己。 甚 + 田 仰 萬 之家 侍 者 莊 案 餘 平 郡 照 近 年 之 施 福 郎 條 見 牘 覺 舅 有 忽 始 白 矣 以 私 而 和 事 之 \equiv 氏 經 其 五. 縉 + 如 以 力 鑰 濟 叔 分 始 漕 非 莫 錢 不 鑰 目 云 此 紳 年 執 1

卓 子。 中 0 《臺 法 北 理 右 故 甚 謹 宫 明 具 博 干 物 院 冒 藏 + 宋 喋 元明 月 喋 日 尺 皇 孤 牘 恐 名品 哀 無 子 選 地 樓 H 鑰 尚 本二 惟 劄

跋陳少陽奏議

玄社

__ O

年

版

0

歎 奮 間 若 朝 追 諫 陳 炎 間 廷 贈 0 發 東 里 忠 奮 孝 負 伏 非 聲 爵 向 嘗 不 非 謂 殺 有 節 秩 闕 賊 名 顧 位 錫 高 義 士 士之名, 在 在 身 獻 宗 於 君 或 朝 土 書 皇 卒 朝 子 史, 田 帝 標 懷 操 貽 鋤 雖滌 無 官 功 降 諸 奸 準 天 奸 言責 業 子 誤 詔 下 臣 身 天 三江 流 F 後 孫 責 或 於 闢 非 後 0 己 世 己,一 五 以 賊 特 羽 世 忠 太 湖 子 儀 旌 引 光 學 臣 之水, 咎 縉 敢 靖 祖 旦 生 義 極 自 先 諫 紳 康 言 丹 忠 士 躬 之 亦 直 則 義 陽 耀 建 莫

> 公後 郎 朏 恨 不 印 臣 而 明 良 足 知 不 刻 諸 《宋 矣 能 雪 得 而 本 公 達 陳 悉 悉 於 少 覩 之引公之後旦正於賓 覩 嗚 鑰 陽 時 公 公 呼 於 先 書 爲 書 或 生 1 文集 公愧 史 則 疾 拜公之名 卷一 識 公之忠 風 云 公後 知 〇、《宋集 勁 嘉 心 草 定 義 慕 位 珍本 戊 板 日 氣 公之 辰 蕩 禮 可 因 叢 癸 識 得 部 刊 義 》影 侍 西 忠 閱 識

題徐鉉篆書帖

間 廟 考官 何 紹 所 熙之元 不 嘗 有 題 年 此 歲 卷, 號 在 亦 今二 庚 四 戌 改 + 余 年 時 與 矣。 事 季 路 可 知 同 爲 年 南 季

- 0 争 此 訟 據 案》(《文獻》二〇 聶 文 華 樓 鑰 佚 文 考 五 年 釋 第 四 期)輯 關 於 四 明 義 田 産
- ② 本篇題爲校點者擬

宮出版社二〇一三年。 宮出版社二〇一三年。 宮出版社二〇一三年。 宮出版社二〇一三年。

《儒藏》精華編惠蒙善助,共襄斯文,謹列如左,用伸謝忱。

本焕法師

智海企業集團董事長 馮建新先生

NE·TIGER 時裝有限公司董事長 張志峰先生

張貞書女士

壹佰萬元

壹佰萬元

壹佰萬元

北京大學《儒藏》編纂與研究中心

本册責任編委 沙志利本 册審稿人 楊 忠

Document generated by Anna's Archive around 2023-2024 as part of the DuXiu collection (https://annas-blog.org/duxiu-exclusive.html).

Images have been losslessly embedded. Information about the original file can be found in PDF attachments. Some stats (more in the PDF attachments):

```
"filename": "MTQyNzA3MTkuemlw",
"filename_decoded": "14270719.zip",
"filesize": 153958241,
"md5": "c8fb73961b804380394ec9932ed5d9db",
"header md5": "a46b2d0d1c95de74c58a4f3ce2342180",
"sha1": "e0a9512a8a9b20c32375410b27b1a068affe8347",
"sha256": "e26d583ae3cb19767221741d408ec825270b2d4969bf45262f65546c780f58f1",
"crc32": 1855996732,
"zip_password": "",
"uncompressed_size": 190317795,
"pdg_dir_name": "",
"pdg_main_pages_found": 978,
"pdg_main_pages_max": 2008,
"total_pages": 988,
"total_pixels": 5761952512,
"pdf_generation_missing_pages": false
```